





NICOLAI SCHMITTH E SOC. JESU,
IMPERATORES
O T T O M A N I C I
A C A P T A
CONSTANTINOPOLI,
C U M E P I T O M E
PRINCIPUM TURCARUM.
T O M U S I I.

D U M
A S S E R T I O N E S
E X
UNIVERSA PHILOSOPHIA
I N A L M A ,
AC
C E L E B E R R I M A
ARCHI-EPISCOPALI
S O C I E T A T I S J E S U
UNIVERSITATE TYRNAVIENSI

*Anno Salutis M. DCC. LXI. Mense Augusto, die
publice propugnaret.*

PERILLUSTRIS, AC PERDOCTUS DOMINUS

JOSEPHUS NAGY, de Felső-Bük, Ung. Rójtókenfis e Comit. Sopron. AA. LL. & Philosoph. Magister, e Regio-Archi-Episcopali Nobilium Convictu.

E X P R Æ L E C T I O N I B U S

A.R.P. LADISLAI HEGEDÜS, e Soc. Jesu, AA.LL. & Philos. Doctoris, ejusdemque Prof. Publ. Ord.

A.R.P. MICHAELIS HORVÁTH, e Soc. Jesu, AA.LL. & Philos. Doctoris, Ethics Profess. Publ. Ord.

A.R.P. JOSEPHI KENYERES, e Soc. Jesu, AA.LL. & Philos. Doctoris, Matheseos Prof. Publ. Ord.

A U D I T O R I B U S O B L A T I

CELSISSIMO

A C

REVERENDISSIMO

S. R. I. PRINCIPI

FRANCISCO

E COMITIBUS

BARKOCZY,

DE SZALA

PERPETUO IN PALOCZ, ET TAVARNA,

E. ARCHI-EPISCOPO

STRIGONIENSI,

REGNI HUNGARIÆ PRIMATI,


S. Sedis Apostolicæ Legato Nato, Summo,
& Secretario Cancellario,

EPISCOPO AGRIENSI,

S. C. Regiæ Apostolicæ Majestatis Actuali Intimo, nec
non Regii Locumtenentialis Consilii Consiliario, Comitatum Strigo-
nienfis, Heves, & Exterioris Szolnok Supremo Comiti, Excellæ
Tabulæ Septem-Viralis Co-Judici, &c. &c.

PATRONO BENIGNISSIMO.

CELSISSIME
PRINCEPS,
PATRONE
BENIGNISSIME!



*Inter festivas bonorum omnium acclamationes non dedignaberis, CELSIS-
SIME PRINCEPS, hoc meum clientis in
TE obsequium; neque enim sum nescius, qua Benevo-
lentiæ TUÆ significatione, quibusve officiis eruditos
omnes labores excipias, & complectaris: ut adeo non ille-*

cebra modo, sed præmium etiam ipsum jam sit Bonarum Artium, amor in illas TUUS. Nec ingratas ulla unquam ætas sentiet. Prodent Posteris ad insignem memoriam exemplum TUUM, & quantum a TE diliguntur, tantum Excelsos conatus TUOS ubique Gentium probabunt. Quod ego trophæis omnibus illustrius puto, dum non in columnis æreis, sed Literarum monumentis Nomen TUUM inciditur. Ibunt in sæcula Laudes TUÆ, neque ante, quam rerum magnarum Scriptores, evanescent. Quanquam si Scriptores etiam contabuerint, superabunt de rebus TUIS volumina, & dum eruditis manibus terentur, insignia facta TUA enarrabunt. Videt hæc jam nunc Philosophia mea, seque totam in Clientelam TUAM dedicat; non ignara, nihil ad præcipuam felicitatem sibi defuturum, si æque in manibus TUIS, & animo conquiescat; eoque vel maxime nomine publicam se fore, quia TUAM. Neque enim res ulla a TE probatur, ut non probetur a summis quibusque, neque quidquam abditum in tenebris latere potest, quod Clarum, spectatumque facit Benignitas TUA. Et
vero,

vero, qui non Urbes, sed Regna ingentia, multa corpore, omnia rerum gestarum gloria peragrasti, an quisquam in Tutela TUA & Praesidio esse potest, & ignotus? an TECUM degere, & non a fulgore ornamentorum TUORUM collucere? Multa hic mihi in mentem, quæ de TE magnifice & vera cum laude prædicare possem; verum tam illustri ea loco sita sunt, ut suo celsiori fastigio meis laudibus neque attingi, minus vero crescere ulla ex parte possint. Vel ipsam nascendi Conditionem si considerem, quis est, qui non Illustrem sanguinem TUUM noverit? cuius TU pulcherrimo quodam impetu ad maxima quæque raperis. Legimus Majores TUOS & belli, & pacis laude florentissimos. Certe, quam gloriosa Prosapia natus es, tam difficilem eorum, qui Ceras, Imagines, & Gloriam Majorum TUORUM evolvere volunt, facis industriam; nec enim uno die referre datum est, quæ plurima secula vix satis admirabantur. Sed enim Sua sit Magnis illis Majorum TUORUM Manibus gloria, Suus honor; TU TE uno sat Magnus es. Ita enim sparsas per omnes

virtutes in TE uno collegisti ; ita se totas illæ in TE explicant , ut citra assentationem dicere possim : plus a TE Majores , atque TE a Majoribus splendoris accepisse. Scilicet non satis TIBI erat , claro TUORUM Stemmata censerî , & splendidis Progenitorum condecorari Insignibus ; nisi TUIS amplius virtutibus inclaresceres. Nec poteras non inclarescere , cujus labores pro Patria , pro Rege , pro Religione omnium ore sunt celebrati , & veluti majoribus theatris propositi. Ac primum , quam singulare est TUUM in Patriam studium ? quæ in ea amplificanda sollicitudo ? Vident , & sentiunt Summi in utraque Republica Viri , quæ a TE sive in Hungaram Juventutem , sive in ipsas , quæ cum illa educantur , literas , beneficia proficiantur. Publico nimirum bono cum natum TE scires , e Republica id esse maximè apud Animum TUUM statuisti , si a teneris ei annis Juventus præparetur. Præparas quotannis , CELSISSIME PRINCEPS , quos singulari Munificentia alis , instituis præceptis illustribus , ad Reipubl. utriusque munia pro dignitate sustinenda provehis ,

his. Omnia immortali emolumento Patriæ. Non desunt certe, qui sive Sagum sive Togam induti felicitatem suam, atque adeo Regni, TIBI in acceptis ferant, documenta daturi, de quam fertili ingentium comodorum palaestra prodiissent. Literæ porro quantam Magnificentiam, quæ incrementa TE PRÆSULE acceperunt? Non satis TIBI erat, quod & plurimas, & gravissimas ipse condidiceris; ut alii condiscant item, omnem curam, omne subsidium adhibes. Stat attonita Agria, dum intuetur, ut insigni Artificum labore, ita, & vel maxime, TUO in literas, & literatos studio ac benevolentia ornatas, & auctas Sapientiæ Aedes, ex quibus ut dulciores in seram Posteritatem promanent fructus, vœtigalia iis perpetua destinasti. Magnum hoc non erga sapientiæ studiosos modo, sed erga sapientiam ipsam meritum. Sentire isthoc tecla ipsa videntur, & exultare, quod frequentes viros & excipiant, & plures Patriæ, ac Ecclesiæ reddant. Non ignoras, SAPIENTISSIME PRINCEPS, in præsentibus venturam Posteritatem erudiri. Neque enim scientiæ scientes tantum exornant;

sed in alios quoque, velut lucis radii, derivantur. Quem lætet ab Aristotele in Macedone, a Platone in Dione, ab Anaxagora in Pericle multos institutos fuisse? Ita, miro artificio, ordinando præsentia, in præsentibus ordinas futura.

Jam TUA in AUGUSTAM DOMUM merita studiaque omnia quis recenseat? Quis item Illius in TE Benevolentiam? seu clauderentur belli portæ, seu aperirentur rursus, singularis semper fuit TUA in AUGUSTISSIMAM DOMUM Observantia. Triumphabas cum triumphante, cum pugnante pugnabas. Utrobique: & in adornando apparatu ad pompam, & in subministrandis militibus ad pugnam illustis.

Hæc utut magna sint omnia, majore tamen quadam luce emicant, quæ in Religionem, in Ecclesiam confers, ornamenta. Ut primum jam olim sacram Rempubl. ANTISTES procurare jussus es, tantoque propius
DEO

DEO admotus , quanto sublimius supra vulgus elevatus ; nihil *TIBI* erat antiquius , quam ut ea accurares diligentissime , quæ ad recte constituendam Ecclesiasticam Dignitatem , Disciplinamque pertinent. Neminem fugiebat , quæ vota pro salute *TUORUM* susceperis , digna nimirum munere *TUO* , digna magnis Antistitibus , dignissima *TE* ipso. Nec quidquam fere intererat , inter *TUA* desideria , & ipsa facta. Vidimus illico Clerum *TUUM* , morum gravitate , ubertate scientiarum , summa in sacris muniis vigilantia ubique insigni laude floruisse. Vivunt apud *TUOS* sacræ Exedrae , eliditur hæreticorum audacia , Tempia ipsa , velut rediviva , exultant. Et quid ni exultent ea cumprimis , quæ *TE* strenue pro Aris decertante , sacrilegis hæreseos erepta manibus , ac velut de crudelissimo exilio in Patriæ libertatem asserta , pristinam Majestatem receperunt. Quid ni exultent , quæ per sollicitudinem *TUAM* , Fortitudinem , Autoritatem , Furium Sacrorum excellentem peritiam a squallore ad insigne decus , ab improbitate ad Virtutem , a morte ad vi-

*tam sunt traducta? Quidni exultent, quæ a TE quot-
annis invisuntur, ornantur, augentur?*

*Felix Ungaria! quæ tot Ecclesiæ implicita hostibus
TE & summum Antistitem, & Propugnatorem acerrimum
nacta est. Trepidat hæresis, & pene ante interitum
exanimatur. Utut ad summa quæque cæcutiat,
videt nunc, quam fortis omnis perfidiæ vindex, quæ
clades, quæ ruina cervicibus suis instet. Apparatur in
adversarios sinceræ Religionis bellum; instructi tot per
TE, CELSISSIME PRINCEPS, pugiles,
quot sacri Pæcones, quot viri a doctrina, a vitæ inte-
gritate quam ornatissimi. Et ne arma defint, viros Apo-
stolicos deligis, qui sanctioris doctrinæ rudimenta Populo
tradant, animosque ad bella pro DEO gerenda inspirent.
Probo jam lacrimas Agriensium, & collaudo, qui TE
omissum etiamnum lugerent, nisi illos jam ita beasses, ut
vel absente TE, a TE tamen, quia TUO bene-
ficio, felices esse possent. Sed non est mihi animus illu-
stria TUA decora, quæ in TE & natura coegit, &
vir-*

virtus cumulavit, omnia his angustius concludere; erunt hæc non unius olim Panegyris argumentum.


Fruere igitur honore isto, CELSISSIME PRINCEPS, ad quem TE Magna in Religionem, in Regem, in Regnum universum promerita evererunt! Felix Patria! quæ tali gaudet PRIMATE, quem omnis optaret Europa. Nimirum sperare nunc demum haud immerito possumus, fore, ut Hungaria tot superiorum temporum calamitatibus afflicta per TE recreetur: avita Patriæ nostræ felicitas, majore etiam augmento restituatur: omnia denique ad pristinum reflorescant splendorem. Magna sunt, quæ jam inchoasti; majora, quæ provida mente dudum designasti; maxima, quæ efficacissimis juxta, atque sapientissimis consiliis perficies. Perge jam vivere in longissimam ætatem, Magnum Ecclesiæ Hungariæ Præsidium! nec enim aliud ad felicitatem aut Religionis, aut Regis, aut Regni optare possumus; nec aliud, quam ut Romana Purpura plurima TUA in Ecclesiam merita
coro-

coronet , deesse videtur. Ego dum commune hoc bonis omnibus votum mihi habebo peculiare , illud infimis contendendo precibus , ut me in TUIS , inter quos numerari maximam esse felicitatem scio , & esse , & dici patiaris


CELSITUDINIS TUÆ

Infimum Clientem.

JOSEPHUM NAGY.



E X L O G I C A.

I.  Dea est repræsentatio, ac imago quædam objecti. Ideæ Intellectuales non distinguuntur a Perceptionibus, nisi solum ratione nostra. Illæ dum reipsa simplices sunt, falsæ esse nequeunt. Complexæ & veræ & falsæ esse possunt. **II.** Judicium non componitur ex ideis attributi & subjecti, convenientiæque vel disconvenientiæ eorum; sed est actus simplex distinctus mentis, quo ea assentitur, vel dissentit; neque est actus voluntatis, verum Intellectus. **III.** Intellectus, quando illi solum convenientia vel disconvenientia attributi cum subjecto proponitur, non pendet a voluntate quoad speciem judicii. Quando vero & convenientia, & disconvenientia ex diversis rationibus eidem suadet, pendet quoad speciem judicii a voluntate. Propositiones aliquid contingenter futurum enuntiantes sunt in se determinate veræ vel falsæ. **IV.** Datur apud homines multiplex scientia. Criterium veri cum Leibnitzio recte triplex statuitur: Evidentia nempe Intellectus, evidentia sensuum, evidentia Authoritatis. **V.** Methodicum Cartesii dubium, seu per illud intelligatur dubium serium ac positivum, seu suspensio judicii ad tempus, non est necessarium Philosopho universum ad aquirendam scientiam: primo modo acceptum sapius nec assumi potest.

E X M E T A P H Y S I C A.

VI. **P**ræter Omnipotentiam DEI tanquam externam rerum possibilitatem, datur earundem possibilitas etiam interna; quæ consistit in concordia attributorum essentialium. **VII.** Existentia rerum ab essentia actuali in re non distinguitur, sed sola nostra cogitatione; neque ab essentia pure possibili quoad rem; distinguitur tamen quoad statum. Omnia accidentia sunt solum modi substantiarum. Hinc nulla dantur accidentia absoluta. **VIII.** Potentia agendi convenit etiam proprie entibus creatis. Atque etiam causæ materiales proprie agunt; sed solum ut causæ instrumentales. Hæ simpliciter nequeunt agere in subjectum distans. Actiones causarum nec consistunt in entitate aliqua, nec in respectu resultante ex entitate causæ, actu primo proximo, & prima effectus existentia; sed in diversis pro diversa actionum ratione. **IX.** Creatio causis creatis nec quidem, ut instrumentalibus causis convenire potest. Nequeeductio ullius entitatis ex mente scholasticorum illis est tribuenda. **X.** Mundus est ex nihillo productus a DEO in tempore; ideoque non est æternus. Habet is omnem perfectionem ad finem a DEO intentum necessariam; hinc secundum se, & in suo genere est perfectus. **XI.** Duratio est continuata & permanens rei existentia. Tempus saltem apparens & relativum est ordo & series successionum. Locus corporum internus & absolutus est spatium ab ipsis occupatum. Locus vero secundarius & relativus est certus situs & respectus corporum ad alia corpora. **XII.** Spatium omnino corpore destitutum vacuum dicitur. In mundo hoc non datur actu vacuum coacervatum; neque est possibile naturaliter; extraordinaria tamen DEI voluntate fieri potest, ut illud detur. Vacuum vero disseminatum multo probabilius est dari in hoc universo. **XIII.** Existentia Angelorum certa est ex Sacris Literis. Angeli tam boni, quam mali aliquid potestatis in res mundanas obtinent; inde dantur vere Energumeni, Spectra, Magiæ. **XIV.** Mentem in nobis existere, quæ sit Principium cognitionum & volitionum, certum est. Mens humana substantia mere materialis esse non potest; sed est spiritus, sive substantia excellentior omni corpore, intelligens, & volens, ac naturaliter indefectibilis immortalis. **XV.** Unio animæ cum corpore, atque commercium non recte explicatur in systemate Occasionalistarum, aut Malebranchiano per corpus, Animam & legem a DEO sibi impostam affectiones certas efficiendi in alterutro occasione affectionem alterutrius. Neque in Systemate Harmoniæ præstabilitæ Leibnitzii. Verum in hoc commercio admittendus est influxus physicus corporis in mentem, & mentis in corpus ea ratione, ut mens in corpore producat, efficiatque omnes motus voluntarios: corpus vero animam determinet ad certas affectiones aliquo modo reapse. **XVI.** Ideæ innatæ menti neque si pro actuali rei notione sumantur, neque si per eas formæ ac imagines rerum a perceptionibus distinctæ intelligantur, admittendæ sunt. Verum Ideas omnes sibi efformat Mens ipsa partim dependenter a sensu, & phantasia partim dependenter ab attentione, reflexione supra ideas prius habitas, consociatione, divisione, conjectura, ratiocinio. **XVII.** Mens non sentit in singulis membris, sed in solo cerebro; ac sentit impressionem in cerebro factam immediate percipiendo. Sensus communis est facultas mutationes omnium sensoriorum prout in communi quodam sensorio conveniunt, cum discretionem earum, percipiendi. Locus sensorii communis probabiliter est pars callosa cerebri. Atque in hac parte præcipua sedes est Animæ; non vero in alia; neque in toto corpore. In Anima humana extat libertas a coactione, simulque indifferentiæ. **XVIII.** Bruta vera cognoscendi facultate prædita sunt, motus suos spontaneos habent, affectibus aguntur; aliquo etiam imperfecto ratiocinio, obvia ex obviis inferendo pollent: idcirco anima spiritalis, imperfectior tamen multo ex natura sua animabus humanis, defectibilisque illis est tribuenda. **XIX.** Existentia DEI, Ejusque unius argumentis plurimis evincitur.

E X P H Y S I C A G E N E R A L I.

XX. **E**ssentia corporis physici universæ spectati non potest constitui in actuali impenetrabilitate, nec in trina extensione, nec in ordine ad materiam, nec in divisibilitate, nec in mole quantitativa, nec in sensibilitate per accidens; sed essentia ejus, prout illud nobis notum est, recte videtur posse

posse constitui in eo: quod sit substantia exigens naturalem impenetrabilitatem. **XXI.** Principia sensibilia prima corporum sunt elementa physica; secundaria vero sunt s. elementa chemica. Insensibilia denique corporum principia sunt materia prima & forma. Materia prima in sensu physico accepta sunt corpuscula exilissima, impenetrabilia, & quoad entitatem probabilis homogenea. Forma autem ea ratione considerata apte reponitur in certa particularum combinatione, plexu, tempore, ac motu, ex quibus diversus status sensibilis, diversæ qualitates, & operationes resultant. **XXII.** Quantitas corporum est ipsa actualis illorum extensio ab ipsis corporibus non nisi modaliter distincta. Vis inertiae, seu virtus quædam peculiaris innata corporibus, qua in statu motus aut quietis se continentur conservare, & causis externis ex eo statu deturbare nitentibus resistant, non datur ulla. **XXIII.** Vis attractiva, si accipiat pro phænomeno ipso accessus ad se corporum; non recte causa effectuum statuitur; si autem pro aliqua actione causæ ignotæ; per eam non redditur causa phænomenorum, nihilque penitus explicatur; si pro vi aliqua interna & pro actione vera profecta ab illa vi; explanantur effectus per eam ita dilucide, sicut aliquando per qualitates & vires occultas explanabantur. **XXIV.** Gravitas corporum, quæ omnibus telluris nostræ corporibus competit; non recte explicatur per vim gravificam corporibus ex natura inditam; neque per atomos hamatas & uncinatas Gassendi e terra erumpentes; neque in sententia eorum Newtonianorum, qui contra ac Newtonus senserit, vim propriam se attrahendi corporibus tribuunt; neque per motum vorticosum materiæ cælestis ab occasu in ortum; neque per pressionem rectilineam ætheris, sive a peripheria versus centrum, sive a centro versus peripheriam; adeoque per nullam materiam secundum leges nobis adhuc notas agentem. **XXV.** Probabile est cohesionem firmiter oriri ex contactu immediate in majusculis superficiebus molecularum varie inter se plexarum, & permixtarum, & ætheris jugi in eas pressione: Cohesionem autem fluidorum ab exili molecularum contactu, ætherisque in illas pressione. **XXVI.** Elasticitas corporum habetur præcipue ab æthere inter particulas corporum moderate duras, rigidas, & flexiles compressione, aut tensione constricto, tum vero cessante vi externa motu suo se partem in omnem expandere nitente. **XXVII.** Motus corporis est ejus de loco in locum fluxu continuo facta migratio. Motus omnis inchoati causa vel immediata vel mediata est spiritus. Motus vero continuatus in corporibus non est vis inertiae; sed impulsus ille, qui corpora ad motum determinat, ita ut ad motum suum prosequendum corpora accepto semel impetu nulla alia causa secunda opus habeant. **XXVIII.** Causa motus reflecti est major aut minor medii, quod corpus oblique subit, resistentia. Reflexi motus causa non est solus ille impulsus sive impetus, quo in obicem impingit corpus; sed in perpendiculariter reflexis est sola elasticitas vel corporis impingentis, vel obicis, vel utriusque; in oblique autem reflexis elasticitas & motus directus. **XXIX.** Communicatio motus aliis legibus peragitur in elasticis, aliis in non elasticis. Motus in corporibus nobis notis communicatur successive. Impedimenta motus præter corpora firma sunt resistentia medii, & affricus. Corpora gravia quæcumque ponderis ac massæ ad se invicem habeant rationem: In vacuo Boyleano pari velocitate decidunt, gravia in minoribus ad minus distantiis labendo motum suum accelerant, ut progressionem numerorum imparium ad sensum proxime æmulentur, causa hujus accelerationis repetitur ex gravitate, & natura motus. **XXX.** Vires centrales dicuntur, quæ corpus in gyrum actum vel repellunt a centro motus, vel ad illud compellunt; vis centrifuga in corporibus habetur a quantitate motus ipsis a potentia movente versus certam plagam communicata. Vis vero centripeta ab obice, corpus in plagam, ad quam determinatum est, moveri prohibente, aut etiam motu suo versus centrum repellente. Ad mechanicam opus est scientia staticæ. Hæc dividitur in geostaticam & hydrostaticam. Machinæ omnes vel pertinent ad vestem, vel ad planum inclinatum. **XXXI.** Fluida ponderosa premunt sibi subjectas partes æque deorsum, sursum, ac ad latera. In vasis uniformibus perpendiculariter erectis premitur tota basis a toto fluido, pars vero baseos a columna directe sibi incumbente. In differentibus vasis si fluida sint homogenea, pressio vel est in ratione altitudinum, vel basium, vel in ratione composita basium, & altitudinum. In heterogeneis spectanda est gravitas fluidorum, basis, & altitudo. Componunt se fluida tum homogenea, tum heterogenea ad æquilibrium at diversis legibus. **XXXII.** In tubulis capillaribus ascensus fluidorum supra libellam videtur repeti posse ab adhesionem ad latera vitri, & minori aliqua aeris in tubulum pressione, & quadam etiam actione ætheris. Sensus vero mercurii in barometris fit per æquilibrium columellæ aeris in eandem cum mercurio basim prementis. Corpora solida, demersa in fluidum componunt se ad æquilibrium cum partem fluidi ejusdem secum gravitatis extrudunt. Hinc sunt libellæ hydrostaticæ. Ad motus intestinos pertinet rarefactio, condensatio, putrefactio, fermentatio, effervescentia, solutio, præcipitatio, fusio, incineratio &c. Rarefactio habetur ab ingressu, aut motu corpusculorum vi aliqua impulsorum, quæ suo motu moleculas a se separant, dividunt, sicut majus volumen efficiunt. Condensatio ab omni vi motuque corporum moleculas contra se invicem urgente, particulas intra se constringente. **XXXIII.** Calor corporum, ut est in objecto, situs est in motu celeri vibratorio in omnem partem, ac expansivo exilissimarum insensibilium partium. Frigus vero in quiete respectiva partium minimarum insensibilium corporis frigidi. Glacies non fit per particulas salinas, & nitrosas corpus glaciatum suo ingressu figentes; sed per quietem respectivam majorem molecularum se invicem contingentium. Fluiditas corporum per particulas exilissimas sphericas vel quasi sphericas, dissociatas, se non nisi in exilibus punctis contingentes. Humiditas per particulas mediocriter viscosas, & tenaces, aut etiam per particularum fluidarum aptitudinem ad subeundos poros, & adhærendum corporibus: siccitas per contraria. **XXXIV.** Sapor, ut est in objecto situs est in particularum præcipue salinarum corpus lapidum constituentium humore salivæ solubilium certo motu: & actione. Odor ut est in objecto, positus est in effluviis subtilissimis præcipue sulphureo mercurialibus ablatis per aerem a corporibus, quæ, ubi cum eo, tanquam vehiculo, narium cavernas subeunt, harum fibrillas nerveas variis modis impellunt, & commovent. **XXXV.** Sonus, ut est in corpore sonoro positus est in motu tremulo exilissimarum & insensibilium partium corporis sonori. Ut vero sonus est medio, consistit in tremulo ac oscillatorio motu aeris analogo motui tremulo corporis sonori. Propagatur sonus ea lege, ut æqualibus temporibus æqualia spatia percurrat. Magnitudo soni in ipso medio habetur a pluribus aeris particulis motu tremulo motis, & a majoribus earum vibrationibus. Echo habetur per reflexionem soni directi ab aliquo obstaculo. Augeri potest sonus condensatione aeris, radiorum sonorum reflexione, ipsorum obstaculorum egregia elasticitate. **XXXVI.** Lux sita est in motu rapido, & concitato, quo particule corporum subtilissimæ a centrīs ad peripheriam creberrime oscillant: Lumen non consistit in effluviis quibusdam substantialibus e corpore lucido emanantibus; sed in motu vibratorio rectilineo ætheris a vibrationibus partium exilissimarum corporis lucidi effecto. **XXXVII.** Diaphana corpora sunt per eam

partium dispositionem, qua luminosos pulsus per poros rectilineos aut per ipsas particulas sive immediate sive mediante æthere transmittere, atque transferre queunt. Opaca sunt, quæ hac dispositione carent. Reflexio fit ea lege, ut angulus reflexionis æqualis sit angulo incidentiæ. Hinc diversæ leges reflexionis sequuntur, tum in speculis concavis, tum convexis. Refractio fit ea ratione, ut e medio rariore in densius oblique incidendo lumen deflectat ad perpendicularum: e densiore autem in rarius veniendo a perpendiculari. Refractiones variis legibus peraguntur in vitris planis, aut convexis, aut concavis. Diffraction luminis est aberratio radiorum a linea recta circa corpora opaca. Causatur per atmosphæram corporibus circumfusam. XXXVIII. Color ut est in objecto, consistit in certa magnitudine, figura, situ, ac textura molecularum pororumque certa dispositione. Ut est in medio consistit in varia radiorum luminis vibratione, & pulsû a corporibus coloratis effecto. Color albus habetur ab omni generis radiis luminosis in oculos reflexis. Medii colores non consistunt in combinatione motus circularis particularum & motus recti. Neque in varia mixtione lucis, & umbræ. Neque in simplici radiorum reflexione; neque in particulis, quæ in se sint determinati coloris, & efficientes tantum perceptionem certi coloris: sed congrue explicantur colores hi per hoc, quod particulæ corporis certo modo dispositæ a luce incidente in proprium sibi motum oscillatorium excitentur, tum similes motus & pulsus ætheri communicent.

E X P H Y S I C A P A R T I C U L A R I.

XXXIX. **I**N Systemate Tyconico phænomena physica, & astronomica omnia explicantur, at multa faciliori via in Systemate Copernici. Planetæ omnes sunt ad sensum figuræ sphericæ. Sol constat partibus heterogeneis, potissimum tamen igneis. Cæteri planetæ sunt corpora densa, opaca, suum lumen a sole habentia. Maculæ solis sunt exhalationes illius. Maculæ perennes Lunares sunt partes Lunæ planiores reflectendo lumini minus idoneæ. Variabiles maculæ videntur esse umbræ montium. XL. Eclipsis Solis fit per interpositionem diametralem globi lunaris inter Solem ac terram, solumque in ea parte horizontis, in quam umbra, vel penumbra Lunæ incidit: neque fit nisi in novilunio. Lunæ autem eclipsis fit per hoc, quod ipsa in umbram terræ incurrat. XLI. Stellæ fixæ sunt corpora lucida soli similia, propria luce fulgentia. Asterismi nunc numerantur 76. De magnitudine, distantia, numero fixarum nihil definiri potest. Cometæ sunt probabilius stellæ errantes mundo cœvæ. Cauda cometarum sunt subtiles quædam exhalationes ex nucleo eorum per solis radios incallescere erumpentes, atque in partem a sole aversam propulsæ. Astra non influunt in sublunaria præterquam actione suæ lucis. XLII. Globus terraqueus est circumdatus Atmosphæra complectente præter aerem diversos vapores, & halitus. Causa ascensus diversorum corpusculorum in atmosphæram est ipsa impulsio & motus constans ætheris, aeris, levitas specifica molecularum attenuatarum, adhesio earum ad particulas aereas, expansio ipsarum, & majuscula superficies, ignes centrales. XLIII. Hæc atmosphæra, ac fluidum, in quo vivimus, secundum sensum vulgarem solum aer est. Purus aer est corpus a congerie vaporum & exhalationum distinctum, egregie fluidum, subtile, constanter elasticum, multum porosum, pellucens, vehementer compressibile. Aer non tantum impurus, sed & purus gravis est. Ventus est fluxus aeris concitator; causa ventorum est turbatum æquilibrium aeris, quod efficiunt: Sol sua actione, nubes præcipitatæ, effervescentes halitus, incendia, ignes subterranei, erumpentes e cavernis halitus. XLIV. Ignis elementaris est corpus subtilissimum, fluidum, per omnia diffusum ab æthere probabilius indistinctum. Vulgaris ignis est congeries particularum sulphurearum, & aliarum ab igne elementari motu vibratorio vehementer exagitatarum. Præcipuum hujus principium est sulphur. Fulmina, ut plurimum in nubibus generari solita, Fulgura, Bolides, Stellæ cadentes, trabes ignitæ, Dracones, columnæ, stipulæ, ignes fatui oriuntur ex diversis halitibus, ac particulis sulphureis, salinis, bituminosis condensatis effervescencia inflammabilibus. Tonitru est vehemens impulsus; & tremor multiplex aeris a fulmine effectus. XLV. Auroram Borealem probabilius efficiunt tenuiores quædam, ac rariores exhalationes in superiore Atmosphæra fermentantes, effervescenciaque facile inflammabiles, Iris, seu arcus coloribus prismaticis distinctus in nube rosida apparens fit per radiorum solarium refractione separatorum in oculos nostros reflexionem. XLVI. Aqua sunt corpuscula exilia majora particulis ignis elementaris, minora aereis non compressis, lævia, rotunda, rigida, figuræ suæ tenacissima; hinc secundum suas particulas probabilius nulla vi mechanica est compressibilis. Nebulæ, Nubes sunt congeries halituum, & vaporum potissimum frigore, aut aliis ex causis condensatorum. Pluvix, ros, pruina, nix, grando oriuntur maxima parte ex vaporibus collectis, diversis tamen rationibus. XLVII. Terra constat probabiliter particulis cubicis, aut ad cubum acedentibus. Figura telluris nostræ saltem ad sensum rotunda est. Hanc propius superficiem constituunt: præter aquas, terra varia, succi diversi, mineralia. Causa motuum terræ est subita vehemens inflammatio diversorum halituum sulphureorum, bituminosorum, salinorum, expansio, ac refactio ingens aeris, ac vaporum in cavernis & meatibus subterraneis. XLVIII. Electricitas corporum tum Idioelectricorum tum symperielectricorum habetur a fluido quodam subtilissimo per omnia corpora diffuso; quod videtur esse ignis ipse elementaris particulis sulphureo-acidis permixtus, qui pro varia in corporibus dispositione ad motum effluxumque varie concitari possit. Phænomena Electricitatis utcumque explicantur per effluxum materiæ illius Electricæ, refluxumque ejus aut repulsionem. Lapides multi magna cum metallorum parte corpora mundo cœva sunt. XLIX. Fontium diversorum diversa est origo. Alii ex pluviiis, nivibus solutis; ac vaporibus copiosis deciduis, alii ex maribus ortum suum ducunt. Aquæ falsæ item minerales spirituosæ & corporeæ evadunt per particulas salium, metallorum, semi-metallorum, succorum macrorum, & pinguium abrasas, aut ope caloris, effervescenciaque solutas, & moleculis aqueis permixtas; dum per ductus salinos aut metallicos, aut alios fonticuli decurrunt. Plantarum semina probabiliter efformantur in ipsis plantis. L. Animalia sunt substantiæ corpore organico vivente principioque sentiendi, appetendi, motus corporis spontaneos efficiendi præditæ. Nullum animal ut ut vile nascitur ex putri; sed animalia omnia oriuntur ex ovibus animalium fecundatis.

E X E T H I C A.

I. **E**thica est facultas dirigendis, & perficiendis moribus instituta, cujus ortum non ad socratem, sed ad Authorem naturæ, atque adeo ad ipsâ conditi hominis initia referre debemus. **II.** Id autem disciplina hæc suis præceptionibus spectat, ut hominem ad eam, quam viribus naturæ assequi possit, beatitudinem perducatur. **III.** Hæc duplex est: alia objectiva, formalis alia. Illa neque in bonis corporis, aut fortunæ, neque in bonis animi constituti potest; **IV.** Sed in solo DEO collocari debet. **V.** Ista cognitionem DEI, & amorem complectitur. **VI.** Perfecta beatitudo in hac vita haberi nequit, sed confecto duntaxat vitæ mortalis curriculo obtingit. **VII.** Norma, ad quam actiones suas exigere debet, qui beatus esse cupit, recte constituitur in voluntate Dei necessario aliquid præcipiente, aut prohibente, prout hæc per congenitum rationis lumen nobis innotescit. **VIII.** Lex porro istius modi mutationem aut dispensationem non admittit. **IX.** Principium cognoscendi, num hæc vel illa actio sub hujus legis imperio comprehendatur, non est socialitas; **X.** Verum infinita DEI perfectio. **XI.** Officia hominis ad tria potissimum capita revocantur: ad ea scilicet, quæ DEO, quæ sibi ipsi, quæque aliis hominibus jure naturæ quisque debet. **XII.** Officia hominis erga DEUM sunt actiones ex debito conformandæ legi naturæ præcipienti Religionem erga DEUM, quantum quidem naturalibus eam viribus consequi valemus. Porro cum actiones humanæ interiores aliæ, aliæ sint exteriores, utrisque homo DEUM religiose colat, oportet. **XIV.** Itaque tum internus tum externus DEO cultus jure naturæ debetur. **XV.** Genera autem officiorum hominis erga se ipsum tam sunt varia, quam variæ sunt partes, quibus ille componitur, & quam variæ facultates, quibus partes hominis singulæ instructæ sunt. **XVI.** Omnia tamen ad duas classes revocari possunt: ad conservationem videlicet bonorum a DEO sibi concessorum & rectum eorundem usum. **XVII.** Hinc excolendus primum intellectus, tum etiam voluntati opera commodanda. **XVIII.** Conservanda item vita, sanitas, & integritas corporis. **XIX.** Contra nefas est se ipsum occidere, famam, & facultates projicere. **XX.** Licitum tamen est indirecta sui occisio. **XXI.** Duellum honoris tuendi causa susceptum juri naturæ omnino adversatur. **XXII.** Officia erga alium nituntur jure, quod habet ille ad assequendum finem suum. **XXIII.** Nemo igitur lædendus in vita, corpore, fama, & facultatibus. **XXIV.** Jusjurandum per se licitum est, adjectumque promissioni parit obligationem religionis. **XXV.** Mendacium, & restrictio pure mentales pugnat cum lege naturæ.


T H E O R E M A T A E X M A T H E S I.

I. **I**n proportionem Geometricam facta extremorum, & mediorum; in Arithmetica summæ æquantur. **II.** Quartus terminus æqualis est in geometrica quoto, qui oritur ex facto secundi in tertium diviso per primum; in arithmetica differentia, quæ relinquitur, si ex summa secundi ac tertii primus subtrahatur. **III.** Quadratum radices Binomiæ constat ex quadrato utriusque termini & ex facto dupli primi in secundum. **IV.** Cubus binomii componitur ex cubis utriusque termini & ex factis tripli quadrati cujusvis termini in alterum. **V.** Anguli ad verticem oppositi, alterni, externus & internus ad eandem partem sibi mutuo æquantur, interni pares sunt duobus rectis. **VI.** Omnes trianguli anguli simul efficiunt duos rectos, externus internos oppositos adæquat. **VII.** Duo Triangula sunt æqualia, si vel 1^o. habeant omnia tria latera æqualia, vel 2^o. duo latera cum angulo intercepto, vel 3^o. Unum latus cum angulis adjacentibus. **VIII.** In triangulis æquiangulis latera homologa sunt proportionalia: & si in aliquo Triangulo basi ducatur parallela, secat latera proportionaliter. **IX.** In Triangulo rectangulo demissa ex angulo recto perpendiculari sunt duo Triangula minora sibi & toti similia. **X.** Diameter ad chordam perpendicularis secat eam, & arcum bifariam. **XI.** Angulus ad centrum duplus est anguli ad peripheriam. **XII.** Parallelogrammum quodvis per diagonalem dividitur in duo triangula æqualia. **XIII.** Parallelogramma, aut Triangula eandem, aut æquales bases habentia inter easdem parallelas æquantur. **XIV.** Quadratum hypethenusæ æquale est quadratis cathetorum. **XV.** Superficies Polygoni regularis æquatur Triangulo, cujus basis æqualis sit perimetro hujus polygoni, & altitudo perpendiculari. **XVI.** Circulari area est omnium Iloperimetrarum capacissima. **XVII.** Quæ Generalia Architecturæ Civilis Theoremata.

P R O B L E M A T A.

XVIII. **D**atis tribus terminis Geometricæ aut Arithmetice proportionalibus quartum invenire. **XIX.** DE quadrato aut cubo perfecto radicem extrahere. **XX.** Erigere aut demittere perpendicularem: parallelam rectæ ducere. **XXI.** Rectam in duas æquales partes dividere: per tria puncta non in directum jacentia circulum describere. **XXII.** Dato arcu circulum perficere: datis tribus rectis quartam; datis duabus mediam proportionalem invenire. **XXIII.** Magnitudinem anguli polygoni cujusque, aut angulorum summam invenire. **XXIV.** Distantias locorum accessas, vel inaccessas indagare. **XXV.** Investigare aream, quam totam seu liceat, seu non liceat pertransire.

O. A. M. D. G.



P R Æ F A T I O

A D

L E C T O R E M.



Cursum Historiæ Imperatorum, Ottomanicorum ut pari, qua cœpi, contentione prosequar, tua Lector benevole humanitas facit, qua primam Partem superiore anno editam, magna voluptate te evoluisse, atque hanc alteram non minore aviditate præstolari, dextro Apolline intelligo; citra omnem interim laudem, ac gloriationem meam, quando hanc qualemcunque comendationem, ipsum argumentum scriptionis tristibus & lætis refertum, atque tua benevolentia, cui me

P R Æ F A T I O.

plurimum debere sentio , & gratus profiteor , mihi conciliare videntur.

Isthoc prolocutus, nihil ultra præfari me oportebat, cum in priore Parte rationem suscepti operis, ac pertexendæ Historiæ modum minutatim prodiderim; hoc loco tamen satisfaciendum putabam anxie paucorum sciscitationi: ecquid causæ fuerit, cur missis tot illustribus argumentis scribendi, sive de rebus Hungariæ sacris, sive profanis, a nemine fortassis ad tempus istud occupatis, vel certe nullo successu pertractatis, huic uni memet, illigaverim, nec posuerim calamum ante, quam nobilissima præsidia Temesiam, & Taurunum, A) auspiciis Cæsaris CAROLI VI. ac ductu serenissimi Principis Eugenii Francisci Sabaudia, & Pedemontii Ducis subacta, atque pacificationem Passaroviczii confectam narraverim? dicam perpaucis.

Ut vidi Imperatores Orientis, hoc est: Byzantinam Historiam per vastissimos XXV. Tomos extensam, opera R. P. Francisci Borgiæ Kéri e nostra Societate ad votum eruditorum omnium in compendium redactam ad tempora usque captæ Constantinopoleos; illico me incessit cupido noscendi, quamam fortuna usi fuerint Principes e Palæologorum

A) Ita Plutarcho, Ptolomæo appellatur Belgradum, sive Alba Græca, vel Bulgarica.

rum & Comnenica stirpe Imperatorum Græcorum-
 superstites in Peloponneso, ac Trapezunte, cæte-
 rique eorum populares? quibus viribus Ottomani
 procedente tempore adeo increverint, ut absorpta
 propemodum omni Hungaria, Austriam, ipsamque
 Viennam terra & aquis oppugnare non dubitarint?
 interea quidquid vacui temporis scholastica relique-
 runt pensâ, nitidioris sermonis gratia, nunc Princi-
 pum Christianorum, nunc Turcarum clades, aut
 victorias chartis illiveram; crevit opus sub manibus;
 & quoniam e diversis Scriptoribus, veluti longin-
 quis sylvis, materia comportanda fuit (nam si de-
 mas Portam Ottomanicam Germano idiomate scri-
 ptam, haud reperies, quod sciam, Historicum, qui
 continenti narratione res Turcicas a capta Constan-
 tinopoli complexus esset) curas meas eo intendi,
 ut præliares conatus Ottomanorum, per infinita
 sparsos volumina, in unum contraherem, quo Le-
 ctor citra jacturam boni temporis uno in conspectu
 eos haberet.

Ad hæc animadverti, post Nicolai Istvánffi,
 Patriæ nostræ Livii, Historicas elucubrationes, res
 Hungarorum & Illyrorum admodum jejune, &
 nonnunquam fide ulcerosa a quibusdam narrari; id-
 circo operæ pretium me facturum existimavi, si ac-

PRÆFATIO AD LECTOREM.

curatori calamo utriusque nationis conatus , ad refringendam Ottomanorum vim impensos, pertractarem , & aliquando decretoriis certaminibus velites pugnare , maximis exercitibus turmas equitum , ingentibus navigiis celoces armatas (Saikas nominamus) miscerem. Denique pacificationem Passarovicensem scriptionis meæ limitem posui , tum quod ita collibitum mihi fuerit , tum quod aliam scribendi materiam delegerim. Tantum habui proloqui paucorum gratia. Vale.



AMURATHES IV.

IMPER. OTTOM. XI.



Ttomanorum hunc Imperatorem, multis fuisse in- 1623.
structum decoribus, præliari inprimis ingenio, so-
lertia, magnanimitate, ac instaurando illi Imperio
parem, difficillima bella, quæ ipse confecit in Asia,
testantur. Duodecimo ætatis anno, habenas Impe-
rii moderari cœpit, tanta animi vi, atque ingenii,
ut populus (qui Ab exordio principatus initi reli-

quam felicitatem auguratur) non immerito eum alterum monarchiæ funda-
torem fore divinaret. Illud inprimis summo studio curavit, ut viros mili-
tari scientia claros, ad latus haberet, quorum præceptis ab adolescentia im-
butus, naturæ dotes ad magnum fortunæ cultum perduceret. Eum in fi-
nem Balilem veterem, fidumque Osmannis ministrum, in aulam honorifi-
ce evocat. Degebat is sine desiderio urbis ad mare Euxinum, quo per im-
potentiam Chussainis Vezirii abactus fuit, cum nonnullis Purpuratorum;
hujus consiliis si Imperator obtemperasset, multo pacatiores res Turcicæ
fluxissent. Peracta inauguratione in moschea principe, animum applicuit
ad ærarium augendum, quod pro tantis, quæ tum temporis premebant,
rebus erat multo tenuius, siue illud diminutum fuerit turbis in Asia obortis,
siue in illud viscosas manus, quod populus non abs re clamabat, Vezirii in-
tulerint. Et Chussaines quidem peculatus reus, maturata fuga semet prodi-
dit, quinque aureorum millibus ei decretis, qui eum judicio sisteret, aut
quoquo modo interficeret.

Compositis domi rebus, arma in rebelles vertit. Abassa Janicsaro- 1624.
rum acerrimus hostis, quos Osmannis proditores compellabat, sine belli stre-
pitu ad obsequium rediturus videbatur. Nec erat animus Vezirio, congre-
diendi cum viro non minus milite, quam opibus instructo. Idcirco Amu-
rathis nomine, Erzeri urbis præfecturam pollicetur, modo Turcico fœderi
innexus, adversum Persas copias suas conjungat. Annuit conditionibus
Abassa. Janicsari, qui hostem ulturi, certaminis signum avide expectarunt,
promulgato fœdere vix armis abstinuere; adeo privatas injurias supra com-
modum Reipublicæ æstimarunt. At militari astu emolliti, ad modestiam
redierunt. Minoris Asiæ Præfectus, connivente Vezirio e castris Turcarum
erumpens, juxta Abassam cum quindecim suorum millibus tutam castris sta-
tionem capit, Janicsaris cædem intentat, nisi pactis steterint. Illi præsen-
tibus

A. C. tibus minis subito perculsi ab armis discedunt, Abassam ut amicum in castra 1624. accipiunt. Quanquam haud diu post soporatus dolor recruduerit vehementius, ut non nisi cruento bello restingui potuerit.

1625. Antequam hæc cura decederet Amurathi, fama belli Tartarici A) exorta est. Sed pauca prius repetam, quam hujus belli initium expedio, ut ad cognoscendum omnia illustria, magisque in aperto sint. Fuit ea gens perpetuo Turcico nomini addicta; eosdemque hostes censuit, quos Ottomanii. Imperatorem, aut Vezirium ad bellum proficiscentem equites sequuntur armati, vix ullam legeris in Europam expeditionem, cui illi non interfuerint. Quo sævius Christianorum agros evastent, nulla stipendia ab Imperatore accipiunt. Prædam omnem pro mercede habent. Unde incredibili studio prædandi, hostiles provincias incurfant; mox ubi validius agmen obstitit, velocitati equorum confisi, semet ad robur exercitus strenue recipiunt. Hac arte bellandi, dici non potest, quantopere maximos etiam exercitus fatigent, diffusas regiones uno quodammodo cursu, populatione, cædibus, villarum incendiis hauriant. Quanquam istud intempestivum, sævumque prædandi genus, Janicsarorum vulgo displiceat, quod opima spolia levi impendio præripiant illi, hi non nisi subrutis mænibus multo cum sanguine spolia emant. Vetus hæc querela est; at forti stomacho concoquenda, ne gens adeo utilis Ottomanicæ potentiae, tum multitudine hominum, tum propinguitate agri, obsequium detrectet. Suberat & altera ratio (si fides Historicis) cur Turcæ Tartariæ populum sibi offensum nollent. Inter vetera pacta, quibus uterque populus coaluit, & prope in unum Imperium concessit, istud præcipuum fertur: stirps Ottomanica si deficeret, non alia ex domo Imperatorem electum iri, quam e Regum Tartariæ sanguine. Inde non ut monarchiæ obnoxios, sed ut germanos suos & coluerunt, & foverunt olim. Processu tamen temporis, molle imperium, quo præ cæteris gentibus habebantur, in tyrannidem mutari est visum. Præterquam enim, quod Cassam principem urbem Crimææ, suo præsidio obtineat Imperator, filiumque Regis natu majorem, obsidis loco Byzantii habeat; liberis suffragiis legendi Reges potestatem ademit. Atque istud tot annorum decursu inviolatam amicitiam abruptit.

Nam Rege, sive Chamo B) Tartarorum decedente, cum Proceres cuidam Mehemeti, genere, opibus, atque fama potenti, Regios honores deferrent; Turcæ contra Giangerem filium Chami, in aula Byzantina multis annis versantem, paternæ dignitati admoveere vellent, res ad arma devenit. Giangeris in patriam appulsus, ab armatis civibus hostilem in modum acceptus, vix manus suorum popularium effugit. Deformatus ærumnis, inops triste exilium Byzantii tulit. Ab Achmete Imperatore, Persicis bellis involuto nihil auxilii sperare potuit. Osmannes in Polonos nimium exacerbatus, exulis causam, ac dedecus Turcicæ genti illatum, non neglexit modo, sed insuper Mehemetem ad Poloniæ ditiones populandas accersivit; ubi prælio strenuus, & bonus consilio, inter amicos Imperatoris habebatur. Huc accedebat munificentia animi, ingenii solertia, quibus rebus sibi multos e Purpuratis familiari amicitia conjunxit, ut adeo nemo omnium fuerit, qui ei litem moveret de regno occupato. Amurathem tum læsa auctoritas, tum exulis preces flexerunt, ad subveniendum Giangeri, & perviciam Tartarorum severe vindicandam. Calil Purpuratus unius hominis causa amicissimam Turcis nationem, laceßere armis inconsultum censuit. *Nibil referre, ajebat, quis apud Tartaros primas obtineat, modo is cum populo Ottomanico amicitiam colat, suam fortunam nostram existimet, grande præsidium, in nobis censeat.* Hæc omnia Mehemetem ad unguem præstittisse.

A) In minori Tartaria ad Pontum Euxinum. Crimæa, olim Cimmerium, ut Plinius, & Mela testantur, ubi princeps civitas Cassa, de qua Tom. I. narratum. B) Istud fortassis referendum est ad annum 1611. Achmete imperitante. Nihil tamen motum in Tartaros, bello Persico omnia permiscente; neque Mustaphæ, aut Osmanni animus erat veteres amicos divexandi.

tisse. A) *Nec tantum crimen incurrisse ob Giangerem expulsam, ut continuo A. C. nostra amicitia indignus videatur. Eum Regiis natalibus ortum, votis o-* 1625.
mnium Regem nominatum minime peccasse, si illud accepit, quod natales,
quod libera suffragia dedere. Multis annis Regem agnitum, de legitimo
throno deturbare, ex Tartaria ejicere admodum difficile fore. Intempestivum
præterea dicebat, pacatos, obsequentesque bello irritare, simulque finitimos
Cosaccos ad opem Tartarorum pronos provocare. Cavendum ea maxime
tempestate belli civilis incendium, dum MULTI adsunt, qui illud opibus,
militie alant. Denique non posse sine multiplici hominum, urbiumque strage
armatorum vim infringi; Et quamvis Amurathes bello vinceret, in sociis ta-
men victum iri.

Sed potior pars Purpuratorum in arma, ultionemque impulit Amurathem. Itaque classis armata Caffam expeditur. Abeunti Archithalasso inter monita præcipue commendatum: ut omissis armis, Tartaros quibuscunque conditionibus ad accipiendum Giangerem in paternum thronum, fortunæque alliciat, exauthorato Mehemete. Ad Caffam exscensione facta, Primoribus populi voluntatem Amurathis declarat, hortaturque simul, ut Mehemete in ordinem redacto, rursus in suffragia eant, palamque faciant, utri candidatorum sors melior sceptrum porrectura? eam in rem bina vexilla in patenti campo figuntur, Mehemetis alterum, alterum Giangeris. Populus, secus ac putaverat classis Præfectus, maximo numero ad signum Mehemetis vertitur. Giangeris fortunæ suæ metuens, Præfectum urget, ne se, ne causam suam deferat; copias terræ exponat, arma minetur; terrore intentato facile suffragia auferri posse a levissimo vulgo. Obsecutus oranti, octo millia armatorum Tartaris opponit. Illi in fugam effusi, incautum Ducem in imas solitudines alliciunt. Circumfusus ab equitatu, vix ullo ad effugium exitu reliquo, cæditur. Ne porro bellum inter utramque gentem exardesceret, Calil Purpuratus multum adlaboravit. Amurathes victoria ferocem muneribus utcunque placavit, adjectis literis non satis pro dignitate Imperatoria, quibus errorem sui Ducis purgavit. Hæc res ut populum Turcicum non parum turbavit, ita Tartaro animos adjecit. Et Mehemetes in dies confidentior, potentissimum Imperium suis viribus occupaturum se jactaverat præsentem Turcarum Legato. Verum alter ab hinc annus B) novis molitionibus, & regimini finem attulit.

Fœdus ille sanxerat cum Polonis, & Cosaccis haud dubie ad coercendos Turcas. Istud in Tartaris, raptu vivere asvetis, tantum odium suscitavit, ut imperio exutum, exilio damnarint. Placuit Amurathi arrogantissimum hominem cum dedecore in præceps actum, ea etiam de causâ, quod sublato rivali, Giangerem, veterem suum clientem, paternum sceptrum adepturum speraret. Apud Rhodios agebat Regius Princeps, privatis rebus intentus, dum hanc rerum conversionem fama vulgarat. Ad reparandam fortunam nunquam non accinctus Byantium revolat, inde in Crimæam. Tartari frequenti præsidio litora insidentes, veterem regni procum a finibus arcent, Cantemirem copiarum Ductorem ad Caffæ mœnia profligant, ipsam urbem admotis propere scalis capiunt. Reddita est deinde Turcis ea conditione, ne Giangerem in posterum consilio, opibusque adjutum irent,

Non invitus conditionem accepit Amurathes, quod in Asia vario 1626.
 Marte bellum gereretur ea tempestate, cujus occasio fuit amissum Bagdatum, & geminata defectio Abassæ. Repressis Cosaccorum incursionibus, magnus Vezirius in Persidem abit cum florentissimis copiis, Bagdatumque urbem corona cingit. Rex Sophus (quanquam hoc nomen fere commune sit Persarum Regibus, a Sopho Regulo circa annum MCCCL. imperitante, atque ad Halium referente originem suam, acceptum) c) innumeram multitudinem suis in provinciis armat, ac in quatuor colonias exercitum partitus, qua-

A) Hunc Mehemetem nepotem fuisse Regis Tartar. ajunt, alii fratrem Giangeris; alii denique utrumque negant. Consule Annales Ferdinandeos Tom. X. & Sagredo. B) Annus 1627. c) Ita noster Dionysius Petavius in suo Rationario Temporum Parte I. Lib. IX. C. VII.

A. C. tuor e partibus Ottomanis infestus incumbit. Qua ratione Amurathi quo-
 1626. que necessitatem imposuit, totidem Duces cum armatorum manu oppo-
 nendi Persis, ne per ditiones Turcicas impune volitarent, pavore, tumultu, miscerent omnia, vel immanibus tributis, ac vastitate haurirent populum. Sed nusquam locorum ardentius res acta, atque ad Bagdatum, Persis pro veteri sede strenue juxta, feliciterque dimicantibus, ut adeo Turcæ in desperationem versi, damnosa oppugnatione abstinerent, posthabito Vezirii mandato. Milites, quo culpam rei male gestæ effugerent, unius Vezirii incitiæ cladem tribuunt, ac sua autoritate damnatum obtruncant. Tulit eam insolentiam pacato animo Amurathes, jureque cæsum pronunciavit, ne quid contra suam voluntatem statuisse, aut fecisse argueret eos, quos plectere non potuit. ET Principes adulari debent incensæ multitudini, ne majestatis jacturam faciant.

Sophus hac obtenta victoria, pacem, quam bellum maluit. Missus caduceator ad Purpuratum Calil, qui Vezirius nominatus supplementa militum adduxit in Persidem, nihil pacati retulit; quod Bagdatum in hostium manibus relinquere Amurathis imperio prohiberetur. Itaque hostilitates paulisper sopitæ, recruduerunt. Expugnata civitate Tauri, alacriorem jam militem Bagdato admovit. Victores Persæ iisdem animis, quibus nuper, mænia tuentur. Et quamvis Rex nihil ambigeret de virtute præliariorum, tamen ut excidii metum omnem a Regia urbe amoveret, ipse cum delectis quadraginta equitum millibus pervigil excubat: annonam intercipit, regiones proximas igni, ferroque vastat: quidquid usui esse potest, corrumpit, sterile, ac nudum solum relicturus hosti, si in obsidione perseveraret. Ingravescens fames, multos Ottomanorum a signis avocavit. Obsessorum præterea procurfionibus, atque excubiis prope in horas minuebatur exercitus. Calil eatenus animi invictus, cum graviora fierent in dies, & angustiora omnia, nulla simulatione Sophum de amicitia compellat. Ille memor incerti belli exitus, pacem firmare ardebat cum potentissimo populo, dummodo provinciæ bello captæ, jure perpetuo Persidi cederentur. His pactis dimissus Calil cum attrito exercitu, Amurathis, Purpuratorumque odium incurrit; insimulatus ignaviæ, quod indecoram Ottomanico nomine inierit pacem, jussusque dignitate cedere, ægre multo auro necem redemit. Fecialis Persiæ, fanciendi fœderis causa Byzantium appulsus, omnium sententia re infecta in patriam remittitur. Adeo arma, & fortia consilia omnium animos occuparunt. A)

1627. Decretum in Persidem bellum, Abassa, Erzeri Dominus, in se avertit. Is nuper in fidem acceptus, simul Erzeri urbis, cujus dominium sibi, posterisque suis, armis asserere contendit, præfecturam obtinere est jussus. Exorto Persico bello, cum frumentum, stipendiumque præter milites imperatum foret, & ipse festinatis nunciis evocaretur in expeditionem; existimavit secum agi inclementius, quam Fœderatum deceret. Molestum nempe erat viro imperare assueto, instar satellitis Vezirium comitari, ab illius imperio, nutu pendere, authoritatem suam arctis adeo limitibus circumscriptam videre, ut præter splendidos Præfecti titulos, nihil in publico ostentare posset. Ad hæc non levis suspicio oborta est ei, quasi specie obsequii præstandi, e munitissimo loco prolicere vellent incautum, ut circumventus a Janicaris, præsidio, opibus, liberis, vita denique ipsa exueretur. His cogitationibus jactatus, statuit arma corripere adversus Amurathem, & Erzerum, si qua vis ingrueret, extreme propugnare, tanto utique honestius, quanto se, filios, socios defendere, provinciam in libertatem asserere non æquum modo, sed gloriosum etiam videri potuit. Et favit fortuna bellicoso Duci. Obsessus Erzeri, tanta constantia vim invadentium sustinuit, ut desperato successu capiendæ urbis, trepide semet receperint copiæ. Victor insecutus fugientes, non paucos ex agmine postremo captivos abducit.

Irrita-

A) Annales Ferdinandi B res male administratas tumultum Byzantii abortum scribunt; sopitum multa cæde Præfectorum, qui facès subdidere furentibus.

Irritavit obsidentium animos, fervente oppugnatione, crudele factum A. C. Abassæ. In eruptionibus, ut fit, ad valla, tormentorumque custodiam, 1627. excubantes Janicsaros (erga quos capitale odium multis indiciis prodidit) in urbem rapiebant; hos ille e pinnis murorum suspensos tormentorum ictibus objecit, quasi impetentibus religionem incussurus per ludibrium, ne suos commilitones, sanguine junctos, barbarum in modum discerpant.

Hoc demum anno, quod mireris, ingenti ardore utriusque partis 1628. cœpta certamina, inexpectata pace composita fuere. Giosul Calilis loco occupato, habito delectu in Europa, Asiaque, numerosum exercitum in campum eduxit adversus Abassam, Erzeri invasorem; conferturus prælium, si æquo Marte vellet contendere, aut certe memorabili obsidione fracturus rebellem, si intra munimenta urbis consisteret. Ubi videt Erzeri præaltas turres, mœnia vario machinarum genere munita, præsidarios vigente animo, corporeque, pro patriæ libertate paratos ad tuendam stationem, multum refrixit ardor ille martialis, non in milite modo gregario, sed & ipso Vezirio, Præfectisque. Nondum hostilitate illata, placuit hominem absque armorum præsidio expugnare. Et haud temere sibi persuaferant, accepturum amicitiam, si fœdus Amurathis nomine offerrent. Abassa minime negligendam ratus occasionem, qua gratiam Imperatoris occuparet, cum Vezirio paciscitur de urbe tradenda. Scriptis deinde literis ad Imperatorem, paucis commemorat: *se non alia de causa arma induisse, quam ut scœariorum parricidium in Osmanem Imperatorem admissum, pro merito vindicaret. Ea nuper optima fide posuisse, ut primum sibi, suisque securitas data. Verum cum multis indiciis accepisset, insidias sibi inimicorum scelere (QUI nunquam virtuti defunt) parari, odium augeri apud Principem, ac milites; dignitatem suam quotidie minoris fieri; in sui, suorumque defensionem locum circumspèctasse, ex quo repellere conatus adversariorum posset; Erzerum occupasse, ut securitati suæ consulere, non ut novum principatum sibi fundaret, aut genti Ottomanicæ infestus esset. Redditurum se arcem legitimo Principi, si nobiliori præfecturæ admoveretur.* Annuit Amurathes eo facilius, quo graviore cura jactabatur ob Persicum bellum. Signatis tabulis urbs traditur Giosuli. Morati tantisper in provincia Erzeri, dum plebs positis armis in sua oppida dilaberetur, uterque Byzantium concedit cum exercitu. Fama venturi Abassæ, ingentem civium numerum excivit, cupientium intueri Heroem suæ ætatis, cujus virtute Byzantium toties contremuit. Fertur ipse Imperator huic spectaculo, occultus interfuisse, & multa cum voluptate virum pugnacem triumphatum, triumphantemque spectasse. In colendo Abassa, quamdiu in urbe egit, nullum officiorum genus intermissum. Inter convivia cultus ab Amurathe muneribus, provinciam Bosnensem gubernandam accepit. A)

Hac spina, expectatione maturius, evulsa, vires in Persidem conversæ 1629. sunt. Nemo aptior ad subjugandum Bagdatum Vezirio habebatur, quod veteris disciplinæ vindex, militum insolentiam solito rigidius coerceret. Byzantini mercatores questi de rapacitate Janicsarorum, in eo firmum præsidium suis mercimoniis reperere. Inoleverat enim ea consuetudo apud præferoces, ut reduces e bello omni injuriarum genere, non in urbanos minus, ac agrestes grassarentur, apothecis vim inferrent, merces inter se partirentur palam, cives hostium loco ducerent. Cum acrioribus remediis opus esset ad reprimendam tantam proterviam (MORBI quippe inveterati non nisi continuatis, iisque fortioribus medicamentis depelli possunt) e perditum, equitumque numero aliquot suppliciis affici jussit, tanto cæterorum metu, ut inter cives modeste juxta, ac amice in posterum egerint. Ex quo militum vulgo invisus. Sed ille in terrorem, quo tunc opus existimavit, intentus, invidiam, odiumque sui facile posthabuit; auditus sæpius dixisse: cum periculo etiam capitis, nihil remissurum se a cœpto rigore. Altius progressus, aulæ, Purpuratorumque vitia, præprimis avaritiam, censoria

A. C. virga notaverat; qua confidentia, atque severitate, multorum odia, aper-
 1629. tas inimicitias suscepit. Soltana, Amurathis mater, ultra muliebres curas
 more priorum semet evehens, exosa permolestum censorem, impense solici-
 tavit filium, ut hominem oblata occasione Persicæ expeditionis ab aulæ con-
 spectu removeret, periculis, ac curis haud levibus implicandum. Igitur
 eodem tempore, quo ad inhibendas Cosaccorum populationes alter exerci-
 tus est missus, Giosul Vezirius ad Tigrim profectus, Bagdatum obsedit.
 Rex Sophus sublatis controversiis, quæ limitum causa inter magnum Mogo-
 lem A) ambiciosum vicinum sunt natæ, cum expedita suorum manu advo-
 lans, apparatus omnem bellicum, quem decem armatorum millia in castra
 jussu Giosulis comitabantur, diripuit, cæsis, aut captis custodibus. Eo in-
 fortunio spe sua dejectus Vezirius, irrito conatu cœptam oppugnationem
 deseruit, ac in stativa militem suum reduxit.

1630. Instauratis per hyemem viribus, rebusque necessariis curatis, iterum
 ad Bagdatum constitit Vezirius, eadem fortuna usus, qua alii aliis annis.
 Cum enim Persæ non obscuris argumentis didicissent, hanc urbem ad ictum
 destinari, nec facile quietem passuros Turcas, dum ea potiantur; omnes in-
 dustræ nervos impenderunt, quo princeps propugnaculum Persiæ, caput-
 que regionis sua in potestate retinerent. Præter annonam in plures annos
 suffecturam, instrumenti bellici vim innumeram, cohortes veteranas præ-
 stantissimis Ductoribus huc injecerunt. Ad hæc Rex impiger B) cum va-
 lentissimo exercitu nunquam non infestus hostium castris, metum, labo-
 remque geminavit, adegitque Giosulem sæpius, ut avulsus ab obsidione,
 in aciem pro castris explicaret militem, & ad tuendos commeatus partem
 exercitus assiduo in armis haberet. Quo incommodo nimium afflicti mil-
 les, & jam impar oppugnationis labori, ubivis terrarum potius, quam ad
 Bagdatum, alteram Trojam, militare maluit. Vezirius ipse viso, tot re-
 rum difficultatibus confictari exercitum, veritusque, ne in præsentia validis-
 simi hostis Janicsari seditione mota, a signis dilaberentur; collectis vasis ex
 hostico abit.

Ob stationes subinde in Syria, Natolia, aliisque vicinioribus Persico
 agro provinciis designatas e præscripto Amurathis, nonnihil turbarum ob-
 ortum est inter milites, diuturno labore, & ignominiosa oppugnatione alio-
 quin exasperatos; quæ novis accedentibus irarum fomentis, multo tempore
 Imperium Turcicum vexarunt. Constituerat Amurathes apud animum,
 procul Byzantio copias in stativis tenere, seu ut Byzantini gravi molestia
 hospitem levarentur, seu ut Bythinæ provincia repetitis militum profectio-
 nibus, & injuriis protrita, indulgentius haberetur, seu (quod belli ratio
 exigere videbatur) ut non longe a Persicis limitibus hibernantes, in motus
 hostium intenti, obviarent celeriter, si quid in finitima oppida vi, aut dolo
 tentaturi essent. Legionariis in alterum annum Byzantio abesse, gravissi-
 mum accidit; maxime quod præviderent, hyeme inter perpetuas velitatio-
 nes exacta, rursus se objectum iri fortissimo hosti. Ea rerum imagine per-
 territi, vecordes, & disciplinæ militaris immemores, relictis stationibus
 absque signis, & ordinum Ductoribus Byzantium festinant, quo jam nuper
 se contulerat Giosul, improspere expeditionis rationem redditurus. In majus
 consilium accitus ab Amurathe, odiosis quæstionibus exagitur. Inquisitum
 in duorum annorum acta; vitio datum, quod ante cinxerit Bagdatum,
 quam machinas in castra acceperit; nihil omisum, quo fido, strenuoque
 ministro invidia crearetur. Postremum de peculatu postulatus, quidquid
 pecuniarum, partim hæreditario jure, partim industria, solitisque artibus
 collegit, ad Amurathem placandum profundendum erat. Hæc ignominia
 nondum inimicorum furorem stitit. Novas calumnias, nova tela ex officina

A) De magni Mogolis, seu Mogoris Imperio consule Geographos. B) Rex Persiæ hoc anno men-
 se Martio vitæ, & Imperii finem fecit, postquam tribus provinciis in libertatem assertis, re-
 gnum suum adauxit. Filium nullis dotibus imperitandi præditum posthabuit nepoti suo va-
 lido juveni, exporrectique vigoris, ac virtutis Principi, cui regnum cessit fato proximus.
 Annales Ferdin. Tom. XI.

na Soltanæ, quam severus censor offenderat, in eum spargunt, multumque A. C. de fama viri detergunt: cumque modum nullum statuerent siue veris, siue 1630. fictis accusationibus, Imperator nimis quam pertæsus tot querelarum, longe alia promeritum, tum civilibus, tum bellicis muneribus movit. 1631.

Multa sollicitudo Amurathem incessit, in quem præfecturam armorum transferret. Poscebant ea tempora virum, qui non minus domi militibus, quam foris hostibus terrori esset. Præterquam enim, quod Cosacorum populus prædabundis agminibus maris litora percurfaret, integrum cum Persa victore superesset bellum, in minori Asia Elis quidam, seditiosorum caput, res novas moliretur, militum insolentia e quotidianis turbis incrementa sumpsit. Qui effræni licentiæ modum imponere auderet, nemo præter Imperatorem erat. Sed & is in hac periculosa juxta, ac delicata curatione, alterius potius opera, quam sua maluit uti; FAMILIARI Principibus instituto, siue ut odium in ministros a se amoliantur, siue infra majestatem suam existiment furentium turbis misceri, quas dexteritate privati hominis sedandas arbitrantur. Post Giosulem exauthoratum ancipitis erat delectus, ad quem hæc provincia deferretur. Soltana Caffem Achmatem, Imperatoris affinitate clarum, tanto operi non imparem putavit, egitque sedulo, ut Vezirii authoritate ornaretur. Cessit petitioni Amurathes, etsi prævideret perdifficilem stationem initurum hominem, in qua decessores post ludibria militum, populi odia, fortunas, vitamque ipsam amittere, tanto infeliciores, quanto in altiore gradum eluctati.

Et reapse vix inito magistratu, sensit Achmates militum iras, inolitaque odia in se transisse cum dignitate, quasi mutato solum nomine, ingenium Giosulis, rigidos mores, atque irarum causas, quibus flagrabat ille, induisset. Eminebat inter seditiosos Casrefes, equitum Præfectus, quo non consulto nihil gregarii agendum sibi putarunt. Ab hoc tanquam Delphico oraculo responsa, consilia petierunt non equites modo, sed & Janicsari, quos eadem intemperies in tumultus egerat. Hujus nutu colluvies illa hominum unice regebatur, parata armis petere, quemcunque hostem designasset. In hoc perturbato rerum statu, cum Achmates Vezirius oleum, operamque perderet in milite sedando, e re fore existimavit, ut ipsum caput turbarum e medio tollatur, quo semel sublato, speravit cum obsequio militum turbidæ adeo patriæ lucem redituram, dejectamque metu Rempublicam recreatum iri. Spes incautum fefellit. Trucidato etenim Casrefe Amurathis imperio, in tantum furorem, sunt acti seditiosi, ut Vezirium obequitantem vicos Byzantinos, lapidibus pene obruerint. Mox secessione facta, lymphatis similes discurrent, in Hippodromum se se conjiciunt deliberaturi, qua via iniquissimæ cædis authores ulturi. Acria illa offensorum studia Amurathes, Purpuratique pensitantes, affirmare non dubitarunt, ea cæde tunc primum esse stabilitas seditiosorum partes, brevique multorum cervicibus, unius necem vindicatum iri.

Et sane in ultionem proni, non diu deliberandum rati, in quos tempestatem effundant; Vezirium, binosque alios, Amurathi familiares, Agam Janicsarorum, & Dephterdarem A) truci clamore ad supplicium deposcunt; si renuerit Imperator hæc capita cum militiæ, tum Reipublicæ perniciose tradere, si armis eripere cogitarit improbißimos mortalium, minantur proclamaturos se Ibrahimum (Amurathis frater is erat) Imperatorem; Amurathem cum Soltana, cæterisque aulæ assentatoribus ferro vindice hausturos. Ea denunciatione perculsus Imperator, Vezirium metu exanguem furentibus tradendum jubet. Tantillum temporis impetrare non potuit, quo paucis suspicionem perpetratæ necis a se amoliretur miser. Raptus ab armatis, ad fores aulæ excubantibus, in conspectu Amurathis frustatim concisus est. Spectaculum barbarum, eo vehementius affecit Imperatorem, quod tumultuoso clamore, & militari violentia, ferrum sanguine præcipui

viri

A) Aga apud Turcas Tribunalum militum significat: Dephterdar Præfectum Ærarii, Quæstorem, Ita Leunclavius in suis Onomasticis Francofurti editis MDXCI.

A. C. viri tinctum aulam versus vibrarent, tumultuque majori omnia permisce-
 1631. rent. Erat facies longe tristissima totius urbis. Mercatores communem
 direptionem, populationemque suarum fortunarum veriti (seditiones enim
 ejusmodi plerumque hunc exitum spectare videntur) recipere sese ad tutiora,
 ac firmare domorum aditus; cives desperatis rebus fugam adornare cum li-
 beris; milites, quos eadem pestis non corripuit, tanquam impares seditio-
 forum gregi, omissa tuendi Imperatorem cura, sibi consulere, arma recon-
 dere: neque aliis contra hanc tempestatem, quam contra fulmen cura,
 quod omnes optant, ne in se ruat, nemo manum admovet, ut prohibeat.
 Amurathes tamen consilium cepit, ut sparso inter Principes seditionis ære,
 tranquillitatem sibi, urbique redderet. Ne hoc quidem non minus familia-
 ris, quam felix ars emendi mortalium studia, pertinaces movit.

1632. Jam alterum annum, maxime Byzantii, tenuit hoc intestinum ma-
 lum, quamvis pro libidine militum ad supplicia tracti fuerint, quos ordini
 suo offensos putarunt. Ita post longa tædia altercationum, & Aga Janicsa-
 rorum, & Dephterdar suspendio necati sunt, eorum bonis sub hasta diven-
 ditis. Amurathes non minus futurorum metu anxius, quam præsentium
 mœrore consternatus, cum videret a furiosis, nobilissimos viros in dies
 trucidari; domos opulentiorum diripi; suam, Purpuratorumque authori-
 tatem ludibrio haberi; statuit medelam afflictiis rebus ab armis petere. In
 eam rem, clam seditionis, ingentem vim telorum in aulam comportari ju-
 bet, e fidis sibi hominibus custodes corporis legit, Purpuratos acribus ver-
 bis extimulat, ut generis sui memores adversus factiosos sese arment; præ-
 stare dictitans fortiter cadere inter rebellium corpora; quam timide, preca-
 rioque vitam trahere. Iisdem diebus novus Vezirius nulla injuria læsus ab
 Imperatore, flammam seditionis latius spargere adlaboravit. Sub specie
 honoris in aulam accitus ab erumpente ex insidiis milite præfocatur. Lon-
 ge maximum incrementum cepisset factio ex hujus accessione, ni mature
 obviatum foret. Hoc incentore sublato, paulatim ad mentem redire vide-
 bantur turbidi. Mehemetes Mempheos Præfectus, nunc Vezirius, ut par-
 tem aliquam restituendæ tranquillitatis in se derivaret, multis egit cum fa-
 ctiosis, ut posita ferocia, lenirent iratum Imperatorem, obsequioque suo
 levarent metu Rempublicam. Sed Imperator animo suo obsecutus, etsi ple-
 rique pœnitentia ducti, errorem suum damnaissent, tamen perseveravit in
 ira, atque multos, qui seditioni huic occasionem dedere, capite plekti,
 aut mergi in proximum mare jussit. Atrox spectaculum habuit urbs Byzan-
 tina, dum cadavera tabo fluitantia, in altum ferri vidit; aut in medio foro
 prostrata, inhumataque.

Neque his contentus Amurathes, quo vires succideret rebellionis in-
 posterum, Spahiorum Præfectos in minorem numerum redegit, stipen-
 diaque minuit. Janicsarorum cohortes ad limites Persiæ custodiendos dis-
 posuit. A) Hac tandem severitate turbæ domesticæ, queis pluribus annis
 Ottomanica monarchia vexabatur, sopitæ fuere. Quod si Persia illis tempo-
 ribus bellum movisset, haud dubie Turcicas provincias, seditionum pro-
 tertiva debilitatas, facile subegisset. Sed illa tueri parta maluit, quam an-
 cipi Marte aliena impetere. Hoc eodem anno Elidem Natoliæ turbatorem
 sua illaqueavit Nemesis. Civili bello fessus, quasi iusta arma cepisset, au-
 sus est cum Præfectis inducias pacisci, & in præmium belli libertatem, for-
 tunasque (nam Magnesiæ urbem occuparat) petere. Constantinopolim
 perductus ferendi fœderis causa, ab Amurathe veluti perduellis interficitur.
 Ne crimini daretur cædes, negavit Amurathes se conscio pacta inita, neque
 Præfectis tantam potestatem fuisse, ut perduellem omnis pœnæ expertem
 declarent, & inique extorta possessione ditent.

1733. Post tot seditiones, Purpuratorum, militumque cædes Byzantii fa-
 ctas, quasi urbs expiari deberet, fœdum incendium per complures dies, &
 noctes grassabatur in tecta. Solo æquata pars tertia urbis. Late vagatus
 ignis,

A) Sagredo, & Annales Ferdinandi ad hujus anni finem.

ignis, Moscheas venusti operis, & Imperatorum monumenta absumpsit. A. C. Ea peste multa mortalium, jumentorumque millia perierunt cum Bibliothe- 1633. ca. A) Amurathes, quo voraci elemento, & perflantibus ventis animato modus statueretur, sonipede vectus per vicos, præsencia sua, turbatos improviso malo cives, ad opem ferendam incitavit. B) Sed furentis flammæ vis, industriam humanam prævertit, sæviitque, quoad pabulum reperit. Nec minus, dum Byzantii omnia fumant incendio, Adrianopolis, aliaque clari nominis oppida tristibus flammis, iisdem diebus miscebantur. Tot incendia seu casu, seu dolo oborta, futurarum calamitatum, cædium, populationumque prænuncia interpretati sunt aliqui; auxeruntque metum Persici motus, ad quos componendos Mehemetem Vezirium misit.

Cum celeritate opus esset, & Vezirius neque vellet, neque posset 1634. pro dignitate iter instituere ob rerum penuriam, a Præfectis quatuor, castrensem supellectilem tantisper sibi concedi postulat, quo sine mora in provinciam proficisci posset. Negant illi alienum sive luxum, sive dignitatem pecunia sua, rebusque nutrituros. Is repulsam pro grandi injuria interpretatus, Amurathi rem pandit, miserosque præcipitat. In Cyprum deportati, omnibus fortunis evertuntur. Adeo vel in primis ordinum Ductoribus levem contumaciam vindicandam statuit, ne serpens malum alios, atque alios corripiat, regnumque, vix nuper subrutum, fundet. Eandem severitatem exercuit in cives, ut tyrannidem occupasse merito judicaretur. Maximam vim metallorum præfisci Imperatores Byzantii congefferant, in varios belli usus. Adegit mercatorum opulentiores, ut præfenti ære massam illam exolverent, quod ærarium auget. Præterea cædibus grassatus in obvios, sollicitudinem iniecit urbanis, ne hostili more haberentur, & media in pace incommoda belli sentirent. Eam ob causam frequentes adeunt Mufftium, ad communem calamitatem remedium quæsituri.

A Soltana monitus Imperator, congressus illos novam tempestatem concituros; adeo exarsit, ut Mufftium, ejusque filium, tanquam læsæ majestatis reos, morti addiderit. Hoc patrato facinore, nullum jam erat scelus, cujus magnitudine deterritus, præferoces naturæ impetus, Divini, humanique juris contemptor frænaret. Multi ergo civium hujus crudelitati victimæ ceciderunt. Divitiæ præcipuum crimen fuerunt. Posteaquam suos multiplici injuriarum genere vexasset, in advenas, peregrinosque mercatores, impotens sui, rabiem effudit. Fictis criminibus plerique in carceres compacti, non nisi grandi ære persoluto, libertatem consecuti sunt. Thomas Zanettus Venetus, quod licentius, ac par erat, e domo sua prospectavit in aulam Imperatoriam, gravi pecuniæ summa mulctatus est. Ipsi Legati Christianorum Principum, infra dignitatem habebantur: eorum domus diligenti custodia apparitores circumdant; in interiores ædium partes, in apothecas penetrant; an quid armorum latitet in cellis? scrutantur, atque per eam occasionem multa diripiunt. Sed ultra sæviendi potestatem Polonicum bellum interrupit, deinde Persicum.

Moschum inter, & Polonum grave bellum exarserat, quo victor Rex Poloniæ c) Moschoviæ clades, populationesque intulit. Ut victorem Moschovia detraherent victi, Amurathem in arma concitant, opera usi Abassæ, quem ex Asia in Bosniam translatus diximus, belli cupiditate, ac turbarum alioquin accensi. Amurathes parum sollicitus, quid fœderum sanctitas exigit, nulla injuria provocatus, in Polonos bellum decernit, copiasque ipse Adrianopolim perducit. d) Exercitum dein Abassa Istro superato versus hostem promovet. Uladislavus feliciter transacta pace cum Moscho, victorem exercitum Ottomanis opponit. Non justo prælio, sed velitationibus superior fuit. Abassa Constantinopolim accitus, jussu Impera-

Imp. Ottom. Tom. II.

B

toris

▲) Brietius ad annum præsentem. ▲) Annales Ferdinandi, & Chronicon Saracenorum. c) Uladislavus IV. Regis Sigismundi, Filius; cui res in adolescentia feliciter gesta diuturnam pacem peperere. d) Vide Annales Ferdinandeos Tom. XII. ubi ordinem agminis Turcici Byzantio proficiscentis in bellum, copiose descriptum leges.

A. C. toris interficitur, turbarumque in Asia, Europaque inquieto suo ingenio
 1634. excitatorum præmium tulit. Murtaşanes (hic Abassæ præfecturæ successit)
 sive Polonorum fortitudine perterritus, sive Persico bello revocatus, opi-
 nione celerius inducias flagitavit, misso caduceatore in Regia castra. Pax fe-
 re iisdem conditionibus inita, quibus nuper cum Osmanne. Hoc modo
 bellum vix cœptum, singulari peritia Uladislai desit, qui eo justiores cau-
 sas belli gerendi habuit, quo confidentius annum tributum ab Oratore Polo-
 niæ postularunt Turcæ.

1635. Confecto citra gloriam, & fere sanguinem bello Polonico, in Persi-
 dem, quo eum Mehemetes Vezirius, ad extimulandos languescens mili-
 tum animos invitarat, toto impetu ferebatur, quæsiturus truci, sanguina-
 riæque ferocitati opportuniorem arenam. Ante tamen, quam se itineri
 accinxit, e Cosaccorum velitationibus reduces, furiose trucidari præcepit,
 maxime eos, qui classiariis additi, celeri fuga semet subduxere. Biduo urbs
 Byzantina occlusis foribus, cædes spectavit, magno bonorum luctu, & ani-
 morum ab Amurathe alienatione; nam tot viris, fortuna, non bello supe-
 ratis orbare patriam, quid aliud fuit, quam ad eam debilitandam dextram,
 opemque hostibus commodare? Illud solabatur cunctos, brevi excessurum
 urbe hominis monstrum. Et Purpurati, ne quid abitum moraretur, cer-
 tatim res expeditioni necessarias, de suo tribuerunt. Administratione ur-
 bis, Europæque commendata Præfectis aulæ, & hortorum, a) iter tandem
 ingressus est. Ad urbem Erzerum, justitiæ, an crudelitatis? exemplum
 edidit. Illius regionis incolæ Præfecto suo, homini extremæ avaritiæ diem
 apud Amurathem dicunt. Haud opus erat multis argumentis, quibus accu-
 sationem firmarent. Communes querelæ vitam ei abstulerunt.

Motis inde castris, altius se in hostilem regionem induit. Erivanum, b)
 nobile prælidium Persarum, levi obsidione cinctum paucos intra dies cepit.
 c) Proditionem intervenisse nemo dubitaverat: nam & præsidariis cum rebus
 integris liberum abitum concessit, & Gubernatorem loci (nomen illius silent
 Annales) liberaliter acceptum in castris, postea inter præcipuos amicos ha-
 buit. Et vero proditor iste, suomet ingenio ad omne artificium compo-
 situs, opportunis ad placendum sermonibus, brevi in amoribus esse cœpit
 adeo, ut primus Amurathem ad intemperantissimas perpotationes ex-
 emplo, hortatuque suo impulerit, quibus postremos vitæ annos maxime fœ-
 davit. Ob Erivanum captum festis ignibus collucebat Byzantium. At Im-
 perator longe alios in Perside instruxit. Urbs Tauris a præsidio nuda, mi-
 liti in prædam concessa, victoris iram cumprimis sensit. Ferro, & igne in-
 tecta, domosque sævitum est adeo crudeliter, ut merito ambigas, urbem in-
 colis, an incolas urbi eripuerit. Abducta sine discrimine sexus, multa mor-
 talium millia in durissimam servitutem, sub iugo alieno alienos agros
 cultura.

1636. Nec minor strages in vicina oppida incubuit. Longe, lateque cun-
 cta incendio hauriebantur. Adversus vim repentinam nihil potuit Rex Per-
 sarum, Bagdato suo metuens, & a Mehemete Vezirio opem ferre prohi-
 bitus. Sed miles Turcicus, quasi non tam belli, quam latrocinii causa in
 Persiam venisset, reditum in patriam urfit. Amurathes satur vindictæ, con-
 tentusque prospero rerum successu, non invitatus signa reverti iussit; & ve-
 luti profligato bello, triumphabundus Constantinopolim cum exercitu redit.
 Præter captivos, opulenta spolia, æs factum, insectumque ærario suo intulit,
 quibus nihilominus applausum populi eblandiri non potuit. TAN-
 TUM est apud vulgus odium incurrisse, ut victorem perinde, ac victum
 tristi supercilio intueantur. Immaturum reditum medio victoriarum cursu
 interrupto, plerique damnarunt, & belli peritiores facile præviderunt,
 Persarum Regem omnia recuperaturum, de quibus adeo ambitiose trium-
 phum egerat. Nec falso.

Quippe

a) Hic Bostangis, alter Caimacan dicitur. b) Erivanum, Geographis etiam Rivanum, Revan.
 c) Brietius ad præsentem annum.

Quippe discessu utriusque exercitus liber, ad Erivanum oculos ad-A. C. jecit. Murtizanes loco præpositus cum muneribus vinci nollet, armorum 1636. potentia est victus. Quanquam præsidarii, multum obfuerint generosis aulibus Præfecti sui. Etenim acri oppugnatione diu fatigati, ne pervicacia sua irritarent victorum animos in cædem, consilio inter se clam inito, portam hostibus pandunt, seque ad stipendia transferunt Persarum. Rumor obsessi Erivani, solitudinem Amurathis intendit, ut bellicæ machinæ, cæterique apparatus castrenses quamprimum Constantinopoli fierent, milesque festinatis itineribus ad servandum victoriæ suæ monimentum contenderet. Tot terrarum spatia rursus emetiri, Janicsaris res ardua videbatur; propterea liberius questi, se mitti in longinquam, exhaustamque regionem, Præfectis suis necem conciverunt, quos ejusmodi sermonum fautores arguit sævus Amurathes. Multo licentius grassatus est ferro, postquam Erivanum periit. Quidquid irarum concepit in hostem, in suos exprompsit, maxime ubi vino incaluit. Atque hunc morem sæviendi in militem, civiumque præcipuos, quoad vixit, constans retinuit. Multos vi, multos dolo interfecit; mirumque fuit inter tot cædes fortissimorum hominum, eum mortem violentam vitasse. Ferunt illum sæpius mutata sub veste urbem pererrasse, eo consilio, ut immixtus forensibus turbis, quis sensus foret de Principe, intelligeret, delectatus si acerbioribus verbis crudelitatem, avaritiam suam perstringi audivit. Quo vulgato, illud deinceps obtinuit, ut presso dolore mitius loquerentur de eo, & sæpe probarent verbis, quod animo damnarunt. Ad hæc, ut erat perditæ ferox, & sanguinarius, ipse gladiatorum, carnificumque ministeria occupavit. Raro in publicum processit sine funeribus; obvios sclopo, aut gladio veluti mente motus feriebat. Alterum Neronem diceres, si tenebris tectus hæc talia patrasset. A) Inde occursum ejus evitare quam diligentissime quisque studuit; & apparitores turbam submoverant, ne passim sternerentur infantes. In hac publica calamitate nemo erat, qui patriæ auderet succurrere; omnes tyranni metus oppressit. Id unum solabatur miseros, quod intemperie ebrietatis, brevi extinctum iri putarint. Sed DIU VIVIT, qui in suorum exitium vivit.

Hac sævitie ferocem suam indolem pascenti Amurathi, oblata est 1637. occasio honestius induendi arma in Persas, qui Erivano occupato non contenti, latius arma, & potentiam diffudere. Mehemetes Vezirius etsi pro viribus obliteret, tamen postremo tenuitati copiarum diffidens, in Syriam recessit; jussusque tradere præfecturam armorum Bairani Purpurato, Constantinopolim rediit. Invitus provinciam suscepit Bairanes, quod certum, exploratumque haberet, Amurathem ipsum in Persiam venturum, atque Bagdato, invicto eatenus præsidio, oppugnationem illaturum. In mandatis præterea accepit; uti in Syria copias contrahat, bello omni abstineat; principem curam horreis, frumento explendis, impendat. Ex quo conjecit, se Quæstoris potius, quam Vezirii munus in ea expeditione obiturum. Sed obsequendum, aut moriendum fuit. Eodem tempore ad magnum Mogolem, & Asiaticos Tartaros nuncii missi ab Amurathe, ut in veterem hostem arma expediant; recuperaturos facile, quidquid Persarum potentia olim ablatum: non alias faventio rem occasionem fore ambitiosum hostem intra limites Imperii sui continendi, quam si a tergo, a latere, a fronte validissime prematur.

E nunciis ultro, citroque volitantibus non levis suspicio oborta est, fabam cudi in caput Persiæ. Rex æstimato rei periculo, Oratorem continuo misit Constantinopolim cum muneribus rari pretii, ad fœdus ieiendum. Ad Amurathem deductus sermonem habuit temporis accomodatum: *Regem suum nihil per vim, nihil per dolum attentasse in Turcicum Imperium, nihil decerpisse alienis provinciis. Bagdatum a suo decessore traditum, sine injuria Persarum repeti non posse. Illud semper spectasse ad Persas: nec mi-*

A. C. *rum videri debere, si deinceps invasori obſiſtat, & vim vi repellat.* Erivanum pariter inter Perſiæ urbes non infimo loco fuiſſe; propterea nuper armis vindicatum. Nihil ultra jam quærere Regem recuperatis limitaneis munimentis Imperii ſui. Pacis impetrandæ cauſa abſtinuiſſe omni hoſtilitate, expulſo Mehemete Vezirio. Potuiſſe tunc alieno in ſolo victoriarum fructus legere, & uno curſu Turcicas provincias proterere. Quod ſi Bagdatum pacem moraretur; paratum eſſe Regem, illius urbis veſtigialium partem Amurathi cedere. Sed nihil pacati retulit Orator: inſuper domi ſuæ ab excubitoribus obſeſſus, non niſi altero anno in patriam rediit ad videndum Bagdati excidium. A)

Transaſto in adornandis belli, quod in Perſiam moliebatur, apparatus, anno uno; tandem prima Junii Scutari movet cum magna armatorum, artificum, machinatorum omnis generis multitudine. Porro luſtratis copiis cenſa ſunt trecenta armatorum millia, ducenta millia ſoſſorum, calorum, quique lucri cauſa, aut ſpe prædæ exercitum ſequi ſolent. Tanto numero hominum, apparatus rerum omnium non impar fuit. Bellici præprimis instrumenti vis tanta; quanta e Byzantii armamentariis a nullo Imperatorum educta fuit. Trecentæ majores, minoresque machinæ fuiſſe dicuntur. Annona, curante Vezirio, ex Ægypto, aliisque frugum ubertate felicibus terris, in Syriam conveſta. Præmiſſi cum militum, fabrorumque globo regionum periti, curavere ex præſcripto Amurathis, ut exercitus in plura agmina diviſus, ubique expeditum iter haberet, maxime ubi fluvii transmittendi erant. Atque in hunc modum lentis itineribus per Natoliam minorem Aſiam, in Syriam pervenit exercitus, nulli incolarum inſenſus, aut obnoxius.

Nec mireris tantam diſciplinam apud militem viguiſſe; Amurathe ubique in terrorem intento, & leves culpas gravibus ſuppliciis vindicante. Cæterum in ea permoleſta proſeſtione, nullo labore aut corpus fatigari, aut animus Imperatoris frangi potuit. Caloris perinde, ac frigoris par patientia. Delicias aulæ, militare ingenium contempſit. Crederes Amurathem inter armorum ſtrepitum, in Martem migraviſſe, adeo repente a priſtina vivendi norma deſcivit. Quies nocturna non niſi ſub tentorio inter militum fremitus, tympanorum pulſus tranſaſta. Sed nulla re magis militares animos pateſecit, quam quod Janicsarorum more veſtitus, nunc primis, nunc ultimis agminibus permixtus, injurias cœli fronte ſerena pertulerit, cibi, potionisque immemor. Jurejurando ſe quoque obſtrinſerat, non ante poſiturum ſe veſtes illas, quam victor Bagdatum teneret. Dicti ferociam virtute æquavit, multoque felicius fidem exolvit, atque Galli Inſubres, qui Duce Britomaro non prius ſoluturos ſe balthea, quam Capitolium aſcendiſſent, juraverant. Nam victos Æmilius in Capitolio diſcinxit. B) Hæc talis vivendi, agendique ratio nihil majeſtati, aut reverentiæ detraxit. Sub eo cultu corporis crudelem, ſævumque Amurathem latere, ſuffecit militem noſſe.

Ad Iconium tendentem convenit Bairanes Vezirius, cum inſigni comitatu virorum, cultumque muneribus more gentis, in Syriam deduxit; ubi Alexandria, Hierapoli, Antiochiæ feſtavis tormentorum ictibus ſalutatus, numerum copiarum auxit ex Ægypto, Palæſtinaque adductis legionibus. Hic molliori cœlo uſus, quietem feſſo militi indulſit, Bairane large ſuppeditante commeatus. Verum dum curas partitur in diverſa munia, quibus tunc urgebatur, totusque deſudat aucupandæ Amurathis gratiæ; corivalium invidia, ut credibile, gratia excidit, paucisque poſt diebus, quaſi offenſo Principe vivere non poſſet, contabuit. Ferunt hominem increpitum ab Amurathe, ac colaphis contuſum in corona Præfeſtorum, quod indulgentius militem habuerit; quo dedecore affectus (alias inter vulnera ſemper invictus, erectusque) adeo animis concidit, ut omni conſortio mortalium evitato, veluti mortifera plaga ictus expirarit, antequam Amurathes e Syria abiret. **AMBITIOSOS** non alia machina periculoſius proſternit,

A) E Sagredo hæc deſumpta ſunt. B) L. Florus de geſtis Romanorum L. II, c. IV.

sternit, quam læsus honor, quasi istis pro corde sit honor, quo semel læso, A. C. vivere recusant.

Mehemete (hic Mesopotamiæ Præfectus erat) Vezirio nominato, 1638. rebusque oppugnationi necessariis impense convectis, tandem numerosissimus exercitus castra movit, & superato Euphrate Bagdatum versus contendit. Ut primum intellexit Rex e custodia sui Oratoris, Ottomonico bello, eoque gravissimo implicandam Persiam; Tartaros præterea, atque magnum Mogolem, novam tempestatem effusuros in finitima oppida, quid virium in vastissimis terrarum tractibus sui Imperii erat, in defensionem patriæ vocat, ac tripartito dividens copias, hostibus suis obviam processit. Sed minor cura de Mogole, & Tartaris fuit. Turcarum maximi exercitus ut solitudinem omnem, ita & vires prope omnes in se verterunt. Bagdatum, caput rerum, petatum iri nemo nesciebat. Rex Persarum, quo propinquum urbis excidium aut moraretur, aut plane averteret, nihil non agebat. Ad primum rumore delecta quadraginta millia armatorum insecit, machinatores omnis generis permultos, maxime rei tormentariæ Magistros, in quorum peritia salus civitatis versari videbatur. Nec minor civium manus ad arma profiliit cincta jam urbe, patuitque acrius versasse tela pro liberis, pro conjugibus cives, quam mercede conductos. Præter Persas aliquot Christianorum millia propugnandæ urbi utilem operam navasse, Historici perhibent, quos scilicet sive armorum gloria, sive opportunitas in communem hostem dimicandi, eo excivit. Super hæc centum millia veteranorum equitum, par peditum numerus Regio ductu ad opem ferendam obsessis, accincta stabant. Suburbia, ne commodam stationem impugnaturis præberent, jussu Regis funditus exusta, everſaque fuere. Tantis moliminibus cum multitudo hostium, tum Amurathis fortitudo superior fuit.

Ut in conspectum Bagdati ventum est, non levis horror invaserat Ducum animos, cogitantium quam infauste nuperæ oppugnationes cesserint, quam nullo operæ pretio promptissimi quique occubuerint, quanto denique sanguine nunc statuta esset æmula Imperii Turcici. Hæc talia pensitare licuerit, non item vultu, verbis prodere coram Amurathe, qui præterita damna, Veziriorum socordiae liberaliter attribuens, consilium, & magnum oppugnandæ urbi strenue admovit. Aditibus circum occlusis, aggeres tripartito erecti, e quibus propugnacula diu, noctuque verberata sunt. Ad exhauriendum triplex vallum, quo urbs cingebatur, ingens fascium numerus comportari debuit, ut tentaturi assultum ad manus venire possent. Incumbentibus certatim in opus, intra paucos dies fossæ expletæ, æquum dimicandi locum præbuerunt, plusque deinceps frameis certatum, quam tormentis, multitudine nunc sponte sua, nunc Amurathis jussu muros incurſante. Hæc maxime agentibus Turcis, allatum est: Regem Persarum, cum centum sexaginta millibus pugnatorum, equites veterani plerique erant, tendere Bagdatum, id quod suspicionem movit, commeatus potius interceptiendi animo, quam dimicandi iusto prælio, aut per castra aditum molienti in urbem, festinare. Amurathes, ne quid detrimenti acciperetur a propinquo hoste; Begum, familiarem suum, cum magno peditum, equitumque numero obviam misit; quo factum, ut suo conatu dejectus Rex, excidii suæ Carthaginis spectator potius, quam defensor fuerit. Nam etsi obsessi multitudine freti, persæpe erumperent, nudatis frameis manus ferocissime conferrent, occupatis machinis, aggeribus, ordines Janicsarorum turbarent, ipsa castra tumultu, & cæde complerent; tamen Amurathe ingentibus animis, suos in pugnam rapiente, restaurato pluribus in locis certamine, intra mænia compulsi, maximas cædes nonnunquam acceperunt. Una procursione sena Persarum millia extra valla cecidisse ferunt; ut non tam velitationibus, sed iusto prælio decertasse credas. Itaque continua oppugnatione, factisque eruptionibus fatigati, numeris, animisque non minus immuniti obsessi, posteaquam Regem ad morandam quidem obsidionem, non

A. C. item solvendam incertæ dimicationis periculo, venisse observant; ipsi quoque 1638. que procurfionibus abstinere, ne virium suarum ante tempus jacturam faciant.

Amurathes modestia obfessorum multo alacrior, cupidusque potiundi Bagdati, prostratis jam undique mænibus, supremam impressionem suis edicit. Mustaphas Purpuratus, cujus militaris virtus toto oppugnationis tempore plurimum eluxit, primo auroræ exortu, promptissimas peditum cohortes in ruinas educit, præsentissimæ necis incredibili contemptu. Persæ, qui spatio quinque dierum, continuato certamine superiores fuere, novo ardore vires ultimas colligunt, occupatisque stationibus, una fistularum dispositione adversus tendentium ordines dejiciunt, mox strictis ferociter ensibus, cominus prælio conferto, invadentes obruncant. Subeunti Mustaphæ discriminis, laborisque summa incumbit. Nihil deterritus suorum superibus, repugnantiumque rabie, obfirmato animo cœptis insistit, Janissarorum virtutem qua verbis, qua exemplis exacuit. Non minus Amurathes peditum cohortibus immixtus, pugnantium suorum agmina accendit, & ut erat in subeundis periculis intrepidus, inter volitantia omnis generis tela, in muros provolvit incautus, Mustaphæque respirandi copiam fecit. Pugnabatur ergo eo die summis viribus, utriusque partis tanta pertinacia, ut per acervos cadaverum alii, atque alii succedentes in maximum periculum, ac mortem ruerint. Tandem inclinante jam sole, fortuna Persas destituit, Mustapha signa Imperatoria in ruinis murorum figente. Tum lugubris clamor ea in parte exortus, Persarum copias æquo Marte in cæteris stationibus (nam quatuor in locis urbem aggredi placuit) pugnantes turbavit. Emir Fetta Gubernator urbis, impar irruentium vi, sublati candidi vexillis deditionem facit. A) Jussu Amurathis a cæde temperatum est, sive indecorum ratus in eos exercere sævitiam, qui partes fortissimorum militum impleverunt, sive incumbentes tenebræ sanguinaria consilia morarentur. Positis armis quatuor supra viginti millia in deditionem accepta sunt.

At Mustapha incitante, rescissis extemplo pactis, per summam crudelitatem, perfidiamque inermes Persas, promiscuum vulgus sævitiae victoris militis objicit. Signo dato undique irrumpitur in urbem, omni præsidio nudata; nullum discrimen sexus, ætatis in cædibus ira fecit; cadunt pari fato milites juxta, & cives. E tanta multitudine vastissimæ urbis, non nisi septem, & viginti eminentiores in vincula conjecti, cæteros ferrum absumpsit. Sæviendi satietate ad prædam conversi, triduo inimicam, & prædivitem urbem diripuerunt, nec ante modus rapinis fuit, quam omnia diuturna felicitate cumulata bona egerere. In tecta innoxia, atque muros non sævitum incendiis, non ruinis; imo quæ labefactata tormentorum ictibus, iterum instaurata fuere. In hunc modum urbs nobilissima, in Turcarum potestatem venit exeunte Decembri, quadragesimo die, postquam oppugnari cœpta. Victoriæ testis Rex ipse fuit, haustoque oculis miserabili excidio tot civium, in interiora regni sui trepidus recessit, bellum melioribus auspiciis reparaturus. Quod si Amurathes mitiorem semet præbuisset victis inviolata fide, haud dubie magnos inter Imperatores locum habuisset perdomito Bagdato. Ea enim urbs quoties superioribus annis obsessa fuit, toties Turcarum clades cumulavit, florentissimosque exercitus attrivit. Nec iis summis viribus in Europam grassari licuit, quamdiu Persis paruit. Sed nobilem non minus, quam utilem victoriam in superbiam elatus, sæviendo corrumpit: ADEO non facile injicit animo frænum, qui fortunæ petulantia stimulatur. Quanquam tota illa tragoedia, quæ Bagdatum excepit, Mustaphæ Purpurato, ad genium sui Domini facta, ab Historicis tribuatur. B)

1639. Captæ urbis nuncius non sincera omnium lætitia exceptus est Byzantii, multorum certe metu, & solitudine; qui Amurathem hærentem potius ad mænia Bagdati, quam victorem Byzantii videre maluissent. Nihilominus ob rem feliciter gestam, indictis ab Imperatore per Asiam, Europamque

pamque publicis precibus, festivisque ignibus, tantis lætitiæ significationibus A. C. urbs incescit, velut eam victoriam omnium vota, vultusque ratam haberent. 1639. Bagdati hilaria sincerius peracta. Nam miles e prædivite urbe opulentior factus, insuper ab Imperatore immodicis verborum præconiis, & muneribus donatus, præsentis alacritate festivos ludos multum provexit. Ea occasione, Præfectorum virtutem in oppugnatione spectatam remuneratus est. Vezirii dignitatem (Mehemetes enim nondum occupato Bagdato diem obiit) Mustaphæ Purpurato, quem primum in urbem irrupisse narravimus, attribuit. Filium Mehemetis, Mesopotamiæ provinciæ imposuit, adolescentem quidem, sed vestigia parentis strenue insistentem, & jam tum Heroicis factis inclytum. Ordinatis deinde Asiæ rebus, relictoque Mustapha cum exercitu ad Bagdatum, Byzantium belli securus abitum parat. Vezirius in Persidem ultra progressus, cum nemo hostium in conspectum veniret, veritus ne in longinquis, nudisque regionibus, sibi met ipsi interitum quæreret, copias in castra reducit ad Tygrim fluvium juxta Bagdatum posita.

Erant in urbe amplius triginta millia peditum; præsidio non Bagdato modo, sed diffusæ circum regioni futura, si quid Persæ moliretur. Dum ab omni hoste liberi inter quietem, & otium lautius vivunt, annonæ penuriam sentire cœperunt. Neque enim e Syria, & vicinis provinciis tantis exercitibus, in tempore commeatus mitti poterant. Nec minor in castris rerum caritas; ut jam fames timeretur apud milites, si diutius in exhausto Bagdatensi agro persistendum. Et persuasum erat plerisque, eum annum in Asia transactum iri, ne Rex bello nondum devictus, iterum in campum provolet, & amissam provinciam cum urbe recuperare contendat. Istud cum per otium alii aliis, veluti rem exploratam narrant, subito in urbe, & castris atrox seditio concitata est. Negabant se in depasto, sterilique solo longiori tempore permanfuros; æquum videri confecta expeditione finem aliquem militandi esse: confectos jam se labore, & opere, exangues tot acceptis vulneribus. Famem verius, quam rerum omnium inopiam in exercitu adesse.

Ubi verba parum propitiis auribus excipi animadvertunt, vim adhibent; Vezirii domum feroces invadunt; lapidibus jactis in tecta, & fores deserviunt. Amurathes, qui longo usu seditioforum animos probe perspectos habuit, eo molliori manu tractandos existimavit, quo proniorem facultatem sunt nacti, in terra hostili toti Imperio plagam sane gravissimam infligendi. Nam si desertis signis Byzantium discessissent (quod facere consueverunt) & Bagdatum, & quidquid victricibus armis perdomitum erat, nullo impendio sui juris fecissent Persæ, jactura certe multorum annorum, & maximis exercitibus, ac impensis vix reparabili. Itaque statuit omnes copias deportare in minorem Asiam, indeque in Europam, firmato solum Bagdato præsidio. Sed veritus, ne irritata seditio Byzantii atrocius olim exardescat, & Mustaphas Imperio exauthoratus, militum levitate iterum thronum occupet, clam dimisso Besire Mauro, omnium scelerum conscio, & administro; hominem longe alienum a dominandi cupiditate necari jubet.

Abeuntem Imperatorem Bagdato, secutus est non multo post exercitus, omni calamitatum genere vexatus. Ut equi, cameli, vehicula, ita commeatus erant arctissimi, ac prope nulli. Inde factum, ut grassantibus per iter morbis, & rerum inopia, non pauci occubuerint. Ipse Amurathes seu nimio potu, seu viarum difficultate fractus, pene interiit ante, quam Byzantium intraret, suborto etiam rumore, reipsa interiisse. Quam ille famam adeo non neglexit, ut, priusquam Byzantii evulgaretur, & Ibrahimus frater Imperium invaderet, omnino oppreslerit: palam se non prætorianis modo, sed & oppidis, per quæ victor transierat, ostendens. Recuperata valetudine, ut ambitionis pompa, res in Asia gestas extenderet, triumphabundus Imperatoriam urbem ingressus est. Nobiliores Persæ captivi, inter quos eminebat Gubernator Bagdati, catenis vincti trahebantur ante Amurathem Persicam vestem superbe indutum, ac prætorianorum ma-

A. C. nu stipatum. Pecunia Regia cum pretiosissimis rerum, quas decem grandiora navigia in portum advexerant, publica via in aulam translata, tota ad spectaculum effusa civitate, inter varios animorum motus, ac clamores civium; quibus alii magnitudinem Amurathis, alii adeo utile bellum ærario deprædicarunt. Eo spectaculo non contenta Imperatoris ferocia, captivos splendore vestium conspicuos non in ergastulis, quod maluissent, verum in aula ambitiose custodiri iussit, quo sæpius ludibrio civium, externorumque objecti, veluti toties vincerentur, miseram suam sortem deplorare cogerentur. Adfuit interea a Persarum Rege Orator, pacem exoraturus a victore. Difficilem se exhibuit Amurathes, quasi ingrata foret legatio, cum tamen Vezirio magnopere commendarit in Asia, foedus ut quamprimum procuraret. Postquam Mustapha non minori pompa Byzantium intravit cum milite, tandem de pace est actum. Sed Persa nullis conditionibus cessurus, rursus omnia permiscuit, provinciamque, si Bagdatum demas, recepit. A)

1640. Annus MDCXL. supremus fuit Amurathi. Verum antequam illius res gestas concludam; jure exiget a me Lector, ut, quid in Hungariam, Transylvaniam molitus sit? cursim perstringam. Dominantibus Mustapha, de quibus supra narratum est, & Osmanne, per civiles turbas, & Polonorum bellum respirare licuisset Hungariæ, nisi Betlenius, fax turbarum, nova incendia sparsisset in ditiones Ferdinandi II. Regis, & juratos Christianæ Reipublicæ hostes in armorum societatem vocasset. Purpuratus Budensis cum intelligeret Hungariam æque, ac Austriam, Moraviam hostilem in modum diripi B) a Betlenianis, contempta foederum religione signa extulit, & Vacium cum utilissimo agro occupavit, Francisco Struczio loci Præfecto fortiter repugnante. Pax consecuta C) Ferdinandum inter, & Betlenium, Turcas quoque in otio continuit. Opinione celerius ad ingenium suum reversus Betlenius, fortunam suam ferro, quam foedere stabilire maluit. Missus D) Constantinopolim ad postulanda auxilia Mathæus Turrius, omnia perturbata in ea aula offendit. A limitaneis Præfectis Turcæ, Tartarique impetrati; quibus Betlenius auctior, in Moraviam rapidus fertur, ac Cæsareas copias numero longe inferiores ad oppidum Gedingam, clausas tenet. Lenta obsidione, ac omnium rerum penuria vexatæ, prope erat, ut captivas se dederint, fame, & morbis multum imminutæ. Rigidior tempestas dedecus, atque impendentes calamitates abruptit. Turcæ Tartaris mixti, non expectato Betlenii imperio, confusis ordinibus primi discessere. Hos affecutus Nicolaus Eszterhazius, ad Nitriam tendentes internecione delet. Altero die diruto Nitræ fluvii ponte, dum alterum agmen Turcarum sui securum amne trajicere contendit, rursus in barbaris stragem edit, præda, captivisque exiit. Tertium subinde aggressus palantes, & jam commilitonum clade perculsos, pari felicitate profligat. E)

Isthæc sociorum clades, Betlenium pacatiorem reddidit, & arx Ecsedia F) a Ferdinando in hæreditatem concessa ad pacem ineundam plene permovit. G) Amurathes ratam habuit armorum cessationem, scriptisque literis, Hungariam vœtigalem, velut suam, clientis fidei commendavit. H) Oratores porro illius, Stephanum Betlenium, & Stephanum Erdelium amice habitos Constantinopoli, opulentis conditionibus, ingentibusque promissis oneratos domum dimittit. Mitigato Betlenio, ut Hungariam malis suis ereptam a barbarorum incurfionibus tutam faceret Ferdinandus, Jacobum Curtium Byzantium ablegat, ad renovandum foedus anno supra millesimum sexcentesium sexto, cum Achmete I. ictum. Pergrata fuit Amurathi legatio, & in viginti quinque annos pax prorogata. J) Sed quidquid de-

num

A) Præter Sagredo consule alios Historicos. B) Anno 1620. C) Anno 1621. D) Anno 1623. E) Annales Ferdin. Chronicon Turc. F) Ecsedium arx, nunc rudibus sepulta, provincie Szabolcsensis; magnorum Báthoriorum quondam delicia. Vide Propugnaculum Hung. P. Antonii Mindszenti e. S. J. ubi Báthoriorum genus in duas familias dispescit. G) Anno 1624. H) Extant hæc literæ in Historia Regni Hungariæ, P. Francisci Kazy e. S. J. P. I. L. III. pag. 214. J) Chronicon Turc.

munum operæ impendit Ferdinandus stabiliendo fœderi, unius hominis am- A. C.
bitio, & bellandi ardor evertit, ingenti omnium bonorum mœrore. Betle- 1640.
nius enim vix peractis nuptiarum solenniis cum Catharina Joannis Sigismun-
di Septemviri Brandenburgici sorore, exhaustam cladibus Hungariam ite-
rum repetiit, a) & quasi infelicem causam sine barbarorum ope tueri non
posset, Murtezanem Budæ Præfectum in veterem arenam excivit.

Aduit ille cum non modica suorum manu, ac evastato Nitriensis
provinciæ agro, repente Neogradum corona circumdat. Albertus Wences-
laus Vallensteinius Cæsarei exercitus Ductor, Murtezanem facile obsidione
depulsum, in extremas angustias conjicit cum Betlenio, qui in fuga suas co-
pias Turcicis conjunxit. Circumventi in patenti campo a validissimo exer-
citu (sex supra sexaginta millia pugnatorum erant) veluti Romani b) intra
Furculas caudinas, cum spes omnis adempta foret cladem vitandi, Betlenius
pro vaferissimo suo ingenio Duci imponit. Postulat tridui, aut bidui indu-
cias, quibus impetratis pollicetur se ab armis recessurum. Fidem habet ho-
mini e dolis compacto Vallensteinius, & custodias, quo hostibus viam fu-
giendi aperiret, undique laxat. Nec illi morati, secunda noctis vigilia,
tam festinato receptu semet ex arena subduxere, primo ut diluculo jam tri-
bus leucis per exploratores abesse conspicerentur. FACILE luditur, qui fa-
cile credit.

Betlenius incertus animi, pacemne, an arma amplecteretur? &
Ferdinando, & Amurathi multum negotii faceffivit. Feciales suos nunc
Comaromium miserat c) Ferdinandus, ut tandem aliquando pax de integro
confieret. Suspendit diu homo inquires Hungariæ vota, & non nisi sua
morte absolvit. Amurathes bello Persico attritus, clienti pro voluntate
adesse non potuit, Tartaris tamen potestatem fecit ei suppetias ferendi. Sed
ad limites Poloniæ in insidias præcipitant, & stragem miserabilem passi, in
sua mapalia ocysus revolarunt. Sequenti anno d) Oratores ultro, citroque
missi, spem firmiorem tranquillitatis fecerunt Hungariæ. Joannes Ludovi-
cus Kuffsteinius sua facundia, atque morum suavitatem Amurathem, alioquin
prænotum ad inducias servandas, a Betlenio multum avertit, neve in posterum
copiis, aut ære illius res prolapsas erigeret, effecit. Reggiebes Bassa, pari-
ter sui Principis negotia sapienter tractavit Viennæ, & pacem non utilem
modo, sed necessariam Turcicæ genti confecit. Betlenius sejuncto Amura-
the impotens sustinendi bellum, quietem toties abruptam tandem sibi, po-
pularibusque concessit, & nondum evoluto anno, quasi vivere non posset
absque turbis, Albæ Carolinæ, sive Juliæ, ex hydrope obiit annorum unde-
quingenta.

Catharina Brandenburgica Gabrielis Betlenii consorte, & Stephano
Betlenio, dominatu Transylvaniæ Procerum suffragiis e) dejectis, Geor-
gius I. e Rakocziana stirpe Princeps acclamatus, Amurathi occasio fuit pacem
turbandi. VIII. Kal. Maji sceptro, ense, vexillo donatus, paucis post diebus
dena Turcarum millia ab Amurathe obtinuit, quorum ope Nicolaum Eszter-
hazium Pro-Regem Hungariæ, aditu Transylvaniæ prohibuit. f) Ferdinan-
dus nihil ultra tentandum ratus, ne armatam Daciæ in suas provincias ir-
ritaret, Eperjessini fœdus cum Rakoczio pepigit. Gravior subinde tempe-
stas hunc Principem excepit. g) Stephanus Betlenius, Gabrieli sanguine jun-
ctus, ob veteres simultates, & recentem injuriam (ut putabat) filio suo il-
latam, Budensem Vezirium adit, præsidium implorat. Byzantii non minus
strenue causam agit per Moysen Siculum hominem peroffensum Rakoczio,
tamque odiosis sermonibus fidem Principis in Ottomanos traducit, ut A-
murathem, & Divanum in sua vota omnino flexerit.

Gemina legatione altera Constantinopolim, Budam altera missa,
procellam sibi, Daciæque impendentem avertere conabatur Rakoczius. Sed

Imp. Ottom. Tom. II.

C

frustra.

a) Anno 1626. b) T. Livius Parav. Dec. I. L. IX. c) Anno 1627. d) Vide Annales Ferdinan-
deos Tom. XI. pag. 253. & 722. ubi utraque legatio fuisse literis inserta. e) Illa anno 1629.
Iste 1630. dignitate exnuitur. f) Chronicon Turc. ad annum 1631. g) Anno 1636. Anno in-
sequenti fati cessit Ferdinandus II. quo Annales suos finit Khevenhüllerus.

A. C. frustra. Etenim Budensis Vezirius partim sua sponte, partim Amurathis 1640. jussu Betlenii injurias bello ulturus, contractis celeriter copiis in Transylvaniam contendit. Georgius certus, quem obtinuit principatum, armis tueri, suo sibi Marte consulendum putavit. Data exercitus parte Sigismundo Kornisio, veterano Duci, ad oppidum Szalontam acerrimo prælio concurritur. Ancipitem pugnam, & pari numero cælorum æquatam nox diremit. A) Vincebat haud dubie Transylvanus, si Princeps cum altera parte copiarum adfuisset. Postero die integras Kornisianis conjungens, explicata acie Budensi certamen indicit. Ille non ausus egredi munitis castris; sine armorum strepitu, utriusque inimicitias extinxisse in lucro posuit. Nec Amurathes censuit, Rakoczium, militaris animi Principem, aperto bello petendum, ne exuto penitus obsequio, Cæsareas partes amplectatur. Pacatis hunc in modum rebus retenta insuper dignitate, Rakoczius pacem ab Ottomanis habuit.

Non secus Mathæus Valachiæ Princeps invito Amurathe dominatum armis stabilivit. Lupulus B) Moldaviæ Vaivoda, Turcarum societate opes voto majores accumulaverat. His Mathæum Religionis Christianæ retentissimum principatu dejicere statuit, eamque dignitatem in familiam suam jure hæreditario transferre. Ambitionem sustentavit immanis avaritia Caimacanis, cujus studia partim promissis, C) partim præsentis ære, sibi conciliavit. Nec minora pollicitus Amurathi, spe aureæ messis arma, militem adversus Valachum impetrat. Mathæus tristioribus in dies nunciis excitatus, cum nemo æquitatis causam tueretur Byzantii, ad arma respexit. Nec mora: deductos e castellis præsidarios, maxima celeritate contrahit, & tanquam fortem necessitas fecisset, erectis animis festinanti Lupulo ad limites Valachiæ occurrit, commissoque certamine plenam victoriam reportat, cæsis interneccione Turcis. Hæc clades Caimacani expeditionis architecto caro stetit. In vincula conjectum, multorum criminum reum, postridie capite truncatum, magna Byzantium gratulatione spectavit; opibus, quas Regias fuisse perhibent, in publicum redactis.

Amurathes, ut memini, e Perside redux, curarum jam vacuus ad pristinam perpotandi consuetudinem cum suis familiaribus redit. Sed non alias, ac omni cerimoniarum genere celebri die (Bairam D) vocant Ottomanii) intemperantius haustum. Sæpius restituta repotatione adeo se mero obruit, ut corpore, animoque fractus e convivio indecore efferri debuerit. Inde recrudescente vehementius morbo, quo anno superiori tentari cœpit, quadrado post extinctus est nullo hærede relicto, Imperii sui decimo septimo anno. Inaudita morte nemo lachrymas fudit, nemo ingemuit: adeo ab optimo imperitandi initio deflexit. Virtutem bellicam, qua eminebat, ingentia vitia obscurarunt, impotens avaritia, inhumana crudelitas, nulla Religio. Divitiæ opulentiorum civium, præcipuum crimen erant, cur suppliciis afficerentur. Inde quindecim millionibus auxisse ærarium scribunt Historici. Ut omnia unus in Imperio posset, primores civitatis, militiæ, velut alter Tarquinius Gabios, interemit. E) Prodigio simile erat, Ibrahimum fratrem ficariorum manus evasisse, in cujus cædem sæpe conspiravit. De Religione illius quidam ex eo conjiciunt, quod Machiavellum nunquam non sinu, ac fere memoria teneret. Cæterum forti animo compressa seditione militum, domito Bagdato, suis, vicinisque Principibus terrori fuit. Justitiæ præterea, quod mireris, acerrimus vindex erat. Sæpe mutata veste forum adiit empturus carnes, orizam, aliaque ad venditionem exposita. Si quis pretium adauxit, vel pondus imminuit, a satellitibus, qui & ipsi occulti imperium Domini præstolabantur, illico obtruncabatur. In Meliteneses classem adornari jussit; sed illa vini naufragio periit.

IBRA-

A) Chronicon laudatum plenam victoriam Transylvano tribuit: non item Historia Regni Hung. L. IV. B) Hic etiam Crepusculus dicitur Historicis quibusdam. Chronicon Turc. C) Centum millia aureorum pollicitum ferunt. D) Quid nomine Bairam veniat apud Ottomanos? consule Ricautium P. II. de Religione Turcarum c. 24. pag. 119. Vide supra res gestas Selymi Imperat. E) T. Livius Patav. Dec. I. L. I.

I B R A H I M U S. ^{A. C.}

I M P E R. O T T O M. XII.



Imperium domi, forisque pacatum, in Oriente nobili præsi 1640. dio auctum, ære, milite, fœderibus firmatum, a fratre accepit Ibrahimus, Princeps insignis vecordiae, & fœdarum voluptatum mancipium. Equidem Amurathes ultima voluntate, Regi Tartarorum Monarchiam universam transcripsit: sed Soltana Ibrahim mater, consulta, & decreta omnia rescindi multis contendit; quod Amurathem termino suo proximum, parum animo valuisse omnibus constaret. Purpurati, militum Præfecti, ingentibus promissis onerati, & novis dignitatibus aucti, faciles Soltanæ postulatis acquieverunt. Nec mora: rescissis testamenti tabulis, Ibrahimus Imperator acclamatur. Erat is jam quadriennio carcere vexatus, omnique spe obtinendi sceptri posita, in dies carnificis manum operiebatur. Concurrentium strepitu percussus, ac supremum diem sibi illuxisse ratus, ostii aditus, quam potest, diligentissime firmat. Non Purpurati, non Vezirius tantum fidei apud timidum, suspicacemque animum habuere, referatis ut foribus in publicum prodiret, ad capeffenda Imperii insignia. Opinabatur enim hanc scenam infidiosi Amurathis ingenio adornatam, qua (patefacta dominandi cupiditate) teneretur, & ultimo supplicio credulitatem lueret. Morarum pertæsa Soltana, ergastuli locum ipsa accedit, ostensoque cadavere Amurathis suspicionem utcunque eximit. Somnio similis res videbatur Ibrahim. Ut vincula dubitanti adempta, & squalor ablutus est; injecta vestis purpura, auroque distincta, & fides a jurantibus facta; serio jam Imperator, iisdem comitantibus, in palatium pervenit. Eodem die justis Amurathi solutis, apparatu magnifico civitatis vicos obequitavit (quanquam fractis viribus ægre sonipedi insidens) seque Imperatorem inauguratum, urbanos condofecit. At paucis post diebus corruptissimis suis moribus prodidit, quam indignus foret eo fastigio. Voluptatibus, otio luxurioso, commensationibus immersus, Reipublicæ curam penitus abiect; nulla gloriæ cupiditas, nullus bellicæ laudis igniculus, animum vecordem, illecebrisque subactum accendere potuit. Soltana, ut callebat omnes articulos illecebrarum; exquisitis ad illius ingenium, novis in dies oblectamentis, Ibrahimum a negotiis publicis avocare conata, dominum arripuit, & velut diviso Imperio, Mustaphæ Vezirio res militares tractandas reliquit. Is Bagdatensi victoria, & Persarum fœdere (quæ duo sua manu, suo consilio confecta sine invidia gloriari poterat) quantum in exercitu aliis Purpuratis prælatus, inclaruit apud Amurathem, tantum & Turcico nomini gloriam apud Persicam nationem, & sibi a sua benevolentiam, authoritatem conciliavit: plane ut nemo unus ante Mustapham existimatione militum haberetur, cui par scientia, fortitudo, alacritas in armorum tractatione esset. Cum apud suos tanta nominis fama floreret, nemo ausus est Purpuratorum, viri decretis intercedere, dum pro libidine sua, arcium Præfectos mutaret, ordinum Ductores dubiæ in se fidei loco moveret, exercitus nunc in Asiam, nunc Europam deportari juberet, bellum denique arrepta quacunque occasione aliis indiceret. Ita dominanti Mustaphæ, facile erat in a) Cosaccos, prædabundam gentem, arma movere, qui Asiovia expugnata, piraticam facere cœperunt.

Sed allati e Perside nuntii moram injecerunt Mustaphæ. Armeni, 1641. atque Judæi, qui mercandi studio, celebriores Persiæ urbes percurfarunt, nuntiis monuerunt Byzantinam aulam: fieri apparatus in Persia longe maximos; delectus haberi in omnibus provinciis, haud dubie Persas, vires admoturos Bagdato. Posteaquam rumores isti evanuerunt, Mustapha in Cosac-

A. C. cos ducere instituit. Jam classiarii, terrestresque legiones signum profectio-
 1641. nis expectarunt, cum fatali incendio Byzantium corripitur. Mustapha ut
 erat impiger ad omne periculum, dum ad opem ferendam incautus accur-
 rit, fœde ambusus Silistriæ Gubernatori eam expeditionem commisit. Iste
 Cosaccos pro imbelli, incondita, ac fugace turba æstimans, ceu victoriæ
 certus, Assoviæ affunditur, multisque diebus obsessos urget. Ubi vi aperta
 nihil profecisse se videt, mollioribus Cosaccorum animos subigere tentat:
 pollicetur præter amplissimas immunitates, duodena aureorum millia, mo-
 do recepto Ottomanorum præsidio, se clientelæ Ibrahimi submittant. Illi
 spreta emptionis liberalitate, eadem constantia, qua cœperant, munimen-
 tum suum tueri pergunt. Ergo iterum ad oppugnationem; memorabili
 assultu septem diebus continuato, valla superare nititur. Ad extremum in
 castra rejectus, cum res frumentaria in dies angustior fieret, amissis amplius
 duodecim millibus pugnatorum, conversis velis Byzantium abiit. Præfe-
 cturam jussus ponere ob sinistram rerum exitum, privatam deinceps vitam
 vixit, tanto quietior, quanto ab aula, negotiosisque muneribus remotior.

1642. Altero, quem exequimur, anno, Ægypti Præfectus in eandem are-
 nam ingressus, majoribus copiis Assoviæ imminebat. Quo confidentius in
 urbis unius exitum vires Imperii contraheret, legatione gemina effectum
 est. Cum Cæsareo Oratore Questenbergio controversiæ de limitibus in
 Hungaria, Illyricoque enatæ, Turcis præter morem modestioribus, com-
 positæ sunt, atque induciæ, in viginti annos prorogatæ. A) Persia morte
 sui Regis, B) a belli consiliis multum averſa, omnes curas, largitiones eo
 convertit, ut pax quam primum stabiliretur cum Turcis. Ea de causâ Rex
 Abas, defuncti filius, admodum adolescens, e Tutorum consiliis fœdere,
 Turcis perutili, semet obstrinxit, everſoque funditus ad mare Caspium mu-
 nimento C) percelebri, Turciam metu belli liberavit. Cum in Hungaria,
 & Perside omnia pacata essent, copiis sensim adventantibus auctior Ægyptius,
 terra, marique Assoviam profectioem maturat. Cosacci tantorum appara-
 tum haud ignari, circummissis ad vicinos Principes Legatis, auxilium nec-
 quidquam rogarunt, quod alienæ salutis causâ, Turcici belli tempeſtate im-
 plicari nemo non gravaretur. Moschus, cui se clientelari jure obnoxios
 profitebantur, negavit se copiis, vel pecunia suppetias laturum, ne violata
 fœderum sanctitate, populabundis Tartarorum examinibus campum aperiat,
 in suas provincias irrumpendi. D) Se non consulto Assoviam expugnasse Co-
 saccos, viderent jam, ut suis viribus locum tueantur. Hæc præcisâ Mo-
 schorum, ac decretoria sententia tantopere Principes Cosaccorum proſtra-
 vit, ut temerarium magis, quam generosum consilium cœperint, Assoviam
 cum omni munitione in auras ejiciendi. Nec segnius, atque decretum est,
 operi manus admovent. Antequam classis Ottomanica appelleret, uxores,
 liberos, frumentorum vim ingentem pars in Moschoviæ, pars in Poloniæ
 finitima oppida dimittunt: tum signo dato, singuli in sua tecta hostili mo-
 re igne, ferroque defæviunt; muros nitrato pulvere diserpunt tanta ruina,
 ut Turcæ ad laceræ urbis triste spectaculum festinantes, præter informem
 lapidum acervum, struemque ruderum e veteri Assovia nihil conspexerint.
 Triumphatum est tamen de Cosaccis ab Ægyptio: adeo NIHIL interest vi-
 ctoris, sive ipse, sive victi patriam suam ruinis involvant, iterque expedi-
 tum ad victoriam sternant. Redierunt postliminio plerique Cosaccorum ad
 veteres sedes, & jugi Ottomanici patientes, Assoviam, nobile hodierna
 tempeſtate emporium, privatis, publicisque operibus instaurare cœpe-
 runt. E)

Hoc

A) Conditiones initæ habentur in Chronico Turc. sæpe laudato pag. 287. B) Brietius biennio
 ante vita functum scribit. Chronicon Saracenorum ad hunc annum refert mortem Regis
 Persarum. Successit Patri filius. C) Fortrinam appellatum fuisse, Ricautium authorem habeo,
 qui post Sagredo Ibrahimi, & reliquorum Imperatorum res gestas profequitur. D) Anno 1637.
 post Assoviam a Cosaccis captam, missus est Byzantium Legatus ad ieiendum fœdus. E)
 Baptista Nanus rerum Venetarum scriptor Tom. IX. L. I. ait Assoviam proditione captam,
 quam procudit Princeps Valachiz. Ricautium secutus sum.

Hoc eodem anno ineunte Septembri pene insidiis interceptum erat A. C. Uivarinum, A) adversus Strigonienſium Turcarum latrocinia opportunum 1642. præſidium. Promptiſſimi Janiſarorum more agreſtium veſtiti, telis probe armati, curruſ ſceno, focis ſque onuſtos verſus oppidum egerunt, ſpe ducti, excubitoriam ſtationem expeditis ſtrenue armis, facile a ſe oppreſſum iri. Suspicionem res movit Præſecto militum, qui in patenti campo, qua perſonati iter faciebant, venando animum relaxabat. Feſtinato curſu domum revolans Gubernatorem periculi admonet. Is nihil omiſit, quo inſidiatores ſuo artificio male conſarcinato irretiret. Portæ jam proximi obruuntur ab excubiis; pars capta, pars caſa, temere arrepti conſilii pænas dedere.

Evolutus hoc furto hoſtis, litem intendit Georgio Rakoczio Principi 1643. pi Tranſylvaniæ. Miſerat is e pactis conventis Betlenii, decem aureorum millia tributi nomine Byzantium. Ad ſedandam Purpuratorum avaritiam parum iſtud fuerat. Rakocziani acerbis ſermonibus traducti, nihil aſperſerunt ultra, ſœderumque tabulis protractis, luculente obſtenderunt; ſex milium aureorum nomina, quæ impudenter oggeſſerunt Purpurati, fatiſ, ſuperque extincta, quod duo præſidia juris Dacici Betlenius olim ceſſerit. Cum nihil extundere poſſent ab exhausta provincia, non ultra verba proceſſum eſt. Princeps per Legatos ſecurior redditus de ſtudio, & benevolentia Ibrahimi, quoad vixit, juratam fidem liberavit. Hæc de Hungaria, & Dacia memoranda erant. Nam deinceps utrique provinciæ quies fuit, ſi leviores velitationes, equeſtriaque paucorum prælia demas, quæ finitimi limitum cauſa, majori ſtrepitu, quam jactura exercuerunt.

Anni MDCXLIV. exordium, primis Purpuratorum capitibus fata 1644. le exitit. Muſtapha Vezirius, qui rara in barbaris prudentia, præſecturam armorum geſſerat, militi perinde, ac populo acceptus, præmia laborum, quos in ſuperioribus bellis, pro aſſerendis Imperio provinciis exantlavit, triſte ſupplicium tulit. Offenſionem incurrit ille apud Soltanam, ut delicatiſſimus eſt ſæminarum dominari volentium ſenſus, quod ea inconſulta militares dignitates pro arbitrio clientibus ſuis conferret, multa domi ageret, quæ non nihil authoritati Soltanæ decerpere videbantur. Injuriam, doloris-que hauſti impotens, hominem, meliori fortuna dignum, ſtrangulari jubet. Eundem exitum fortiti ſunt Præſecti Hierapoleos, & Caſſæ, quos in immenſum auctæ divitiæ, & potentia magno numero clientum firmata, molitionum, neſcio quarum, ſuſpectos fecere. Archithalaſſum idem fatum, diverſa cauſa his inſelicibus adjecit. Liberior ſermo, quo vitia Ibrahimi palam perſtrinxit, reum egit incautum, ac morti addixit. Tot primoribus uno impetu ſublatis, grata fuit Soltanæ occaſio (Ibrahimus enim curas Imperii poſuerat) provincias, pleraſque Gubernatorum vacuas, ordinandi, quo ſuorum clientum obſequia nova dignitatis acceſſione remuneraretur. Mehemetem Damasci Præſectum, hominem ſævo, aſperoque ingenio Vezirium nominat. Bechirem Rhodi inſulæ multis jam annis Gubernatorem, claſſi Imperatoriæ præponit. Uterque non ſine horrore animi ſtagnum illud tot caſibus, tot præcipitiis obnoxium conſcendit, non ignari: paucos admodum in ea aula cum dignitate ad ſenium vixiſſe: multos in aditu honorum, vel in ipſo flore miſere cecidiſſe. Sed hæc melioris Philoſophiæ ſemina, ambitio, & atrox bellum cum Veneta Republica penitus ſuffocavit. Ante vero, quam ad hujus non minus diuturni, quam cruenti belli calamitates aggrediar, juvat paucis memorare, e quibus fontibus tanta tempeſtas initium duxerit.

A Selymi B) fatiſ, quo rerum potente Veneti pacem ſibi neceſſariam inierant, Turcarum Imperatores nec mari, nec terra ſœderatam Rempubli- cam vi aperta laceſſiverunt, ſive iſtud ſœderum ſanctitati dederint, ſive aliis hoſtibus, qui patentiſſimo Imperio raro deeſſe ſolent, occupati; ſive demum merces, ab utriuſque gentis mercatoribus longe lateque per Euro-

A) Chronicon Turc. & Saracen. Ricautius Jaurino inſidias tetendiſſe Turcas adnotavit, B) Anno 1573.

A. C. pæ, Asiæ, Africæque portus circumlatæ, quæstuosam pacem continuandam persuaserint. Haud tamen negaverim, lapsu annorum non levia soliventibus in Asiam navigiis damna illata, & nonnihil dissidii inter utramque nationem extitisse; sed uti privatorum scelere mercaturæ vulnera inflicta, ita privata duntaxat odia exarserant, & paucorum supplicio lites compositæ. Uscocchi a) subinde, gens non tam numero, quam ferocia metuenda, cum Venetos, tum Turcas vehementer exagitarunt, & pene in apertum bellum utrosque perpulerunt. In Dalmatia, quo se excusso jugo Turcico contulerant, modicum agrum adepti, dum paupertatem inter profundos, nudosque montium saltus diutius perferre non possunt, ad piraticam animum adjiciunt, fabricatisque myoparonibus, Turcarum navigia, Asiaticis onusta mercibus capiunt, maritimas navigationes, portus Ottomanorum, diu, noctuque volitantes, infestos reddunt.

Mirum! quantum amorem auxerint retinendæ tam quæstuosæ artis, spolia ingentis pretii. Turcæ injuriis laceffiti, apud Venetos, quorum juri plerique obnoxii erant, violatam pacem clamare, vindicias minaci oratione petere: ni faxint irruptione in Reipublicæ ditionem accepta a prædatrice gente damna compensatum iri. Lis isthæc in multos annos extracta, nonnisi multa clade, & fere internecione totius gentis finem habuit. Cum enim Uscocchi jam Venetorum, jam Regum Hungariæ clientelam implorarent, & nihilominus prædandi libidine incensi Dalmatiam, Istriam terrore, & tumultu complerent; agris, & oppidis circumjacentibus vastitatem; civibus necem, & hac tristiore servitutem inferrent, Venetis nationem inquietam, & omnibus infensam armis aggredi placuit. b) Post datas, acceptasque clades, tandem Mathias II. Hungariæ Rex, abactis Segnia Principibus, & incendio deletis myoparonibus, terrorem illum Dalmatiæ extinxit. Turcæ visa Venetorum constantia in persequendis Uscocchis, ultra querelas non processerunt.

Multo acrius anno supra millesimum sexcentesium trigesimo septimo utraque natio injurias suas ultum iverat. Classis Africana ab Amurathe bellum in Asiam transferente, ad Bagdatum perdomandum evocata, tempestate adversa disjecta incepto cursu desistere debuit. Renavigare in Patriam sine triumpho, sine spoliis, Alym Archithalassum, hominem supra modum cupidum, & avarum, copiosi sumptus in maritimam expeditionem impensi prohibuerant. Dum Mediterraneum incertus animi oberrat, cupiditate prædandi everberatus, versis in Adriaticum repente velis, Laureto ab Icone magnæ Matris toto orbe celebratissimo, infestus imminebat. Sed venti prædonis vota cum classe in altum abripuerant. Pacato mari in Dalmatiæ portus irrumpit, naves diripit, maritima oppida populabundus percurSAT, collectisque maxima celeritate spoliis, Lissam c) Veneti juris insulam, aggreditur. Perierat ager fertilissimus, nisi Antonius Marinus Capellus, classis Venetæ Gubernator, in tempore Turcarum ferociam prævertisset.

Ad Valonam affecutus prædones, in eodem portu mensem integrum obsessos tenuit, factaque impressione septima Augusti, post acerrimum certamen sex, & decem navigia cum ingenti rerum omnium apparatu adimit. Hoc non minus forti, quam glorioso Venetis facinore, diuturnam pacem Capellus sustulisse videbatur, jamque evanescente concordie ineundæ commercio, spes una tuendi patriam in armis reliqua erat. Respublica incredibili alacritate civium terra, marique in communem Christianorum hostem bellum molitura, curas omnes in classem, atque militem intendit. Byzantini Africanæ classis jactura vehementer commoti, festinatis in Persidem nuntiis Amurathem totius rei seriem edocuerant. Interea Caimacanes, urbis Præfectus, libera oratione Ludovico Contarino d) Veneto Byzantii Oratori rupti fœderis turpitudinem objicit, navigia contra jus gentium intercepta.

a) Hac voce Illyrica compellantur profugi, ut scribit Bapt. Nanus Tom. VIII. L. I. ad annum 1618. b) Anno 1617. c) Lissa haud procul Corcyra; aliis Issa. d) Apud aliquos Scriptores legitur Contarenus, quod idem denotat.

tercepta reddi imperat, nisi Rempubicam perdifficili bello implicare velit. A. C. Ludovicus e Reipublicæ sententia negavit sine injuria Venetorum repeti posse 1644. spolia, quæ inter stragem hominum, incendia vicorum Turcæ corraferant; aut latronum cæde fœdus violatum; ostenditque luculentissime Africanos hostilitati initium dedisse, & idcirco Capellum de piratis in portu Ottomano pœnas sumpsisse. De ea sententia cum Senatus Venetus dimoveri non posset, Orator Amurathis jussu, Galatæ carceri mancipatur, etsi tum acutissimis podagræ doloribus conflictaretur.

Res jam ad arma spectavit. Urbanus VIII. maximus Pontifex cum Venetis, in belli societatem stimulavit Principes Christianos. Verum paucis cordi erat Reipublicæ salus, causamque privatam nemo communibus armis propugnandam existimabat. Quo animadverso Contarinus, multo rerum usu vir, nempe in negotiosis Europæ aulis annos quam plurimos versatus, ne victor exercitus e Persia redux Venetis ditionibus infunderetur, mollioribus mediis ferocientes Purpuratorum animos mitigandos sumpsit. Super hæc Respublica datis ad Amurathem literis, Africanorum rapacitatem sinceris adeo coloribus expingit, ut facile sibi persuaserit, Venetos sua duntaxat, non bellum, armis correptis, quæsisse. Contarino denique adnidente, belli faces restinctæ sunt, commercium inter utramque gentem stabilitum. A)

Anno demum MDCXLIV. quem exorſi sumus, dum Veneti solícite intendunt, ut fœdera cum barbaris pacta religiose servant; neve occasionem tumultibus præbeant, maxima cura evigilant, improvísò bellum erupit tanto atrocius, quanto magis plurium annorum odia, & diuturnitate, & frequentia corroborata fuerunt. Res ita se habet. Eunuchus raræ fortunæ, sub tribus Imperatoribus Seraglii curam gessit (vulgo Kuzlir B) Aga) tanta sui æstimatione, ut annosa familiaritate, flagrantissimaque Principum suorum gratia usus, principem locum inter primos aulæ Ministros sine invidia obtinuerit. Humanarum rerum, præcipue aulicarum, vicissitudo hominem admonuit, ut rebus eatenus integris contentus, semet inconstanti aulæ subduceret, & reliquum, quod supererat, vitæ, dulci in otio transigaret. Talia cum ad animum revocaret sæpius, ab Ibrahimo facultatem eblanditur Mecham proficiscendi.

Voti compos, quidquid gemmarum, mercium, æris, in quæstuoso illo munere plurium annorum decursu compilavit, cum sua familia, quam copiosam censuit, classiculæ probe armatæ commisit. Vix Rhodum insulam, quo tempestate maris compulsus fuit, superavit, cum ecce tibi Melitenſium sex grandioris molis navigia, omnique telorum genere instructa, classiculam Eunuchi invadunt, ac post octo horarum certamen omnino capiunt. Melitenſes patrata victoria in Cretam Venetorum insulam vela dedere, reparatisque suarum navium damnis, Melitam spoliis onusti repetiere. Rumor victoriæ, celeriter Europa tota diffusus, & odioso Melitenſis fortitudinis præconio majorem in modum auctus, varie mortalium animos affecit, maxime, quod insigni errore, an mendacio dicam? captivorum gregi liberaliter adnumerarint Ibrahimi pellicem nomine Zaroffam cum adolescente Principe, cujus libertatem multo auro, quæstuosisque conditionibus emptum iri sperabant avari. c) Sed cum nemo in scenicum illum Principem inquireret, minus pretium offerret; spe sua everſi Melitenſes, fabellam orbi prodiderunt. Veneti ad repentinam Eunuchi cladem, veluti ad suam non leviter turbati, callide conjiciebant, se graves, ac diuturnas belli calamitates Melitenſium nomine laturos; Turcas quippe ferocium instar belluarum esse; quæ

A) Nanus Tom. VIII. L. XI. ad annum 1638. & Joannes Baptista Verus L. V. B) Fortassis Chaziler, quo nomine appellantur ii, qui Mecham, sive Meccam Religionis causa proficiscuntur. c) R. P. Ignat. Hyacinthus Amat de Graveson sacri Ord. Præd. in sua Historia Ecclesiastica N. T. Seculo XVII. & XVIII. multis contendit (nescio, quam feliciter) hunc Principem, nomine Osmanem, fuisse filium Ibrahimi Imperatoris natu maximum, ac subinde sacris Christianis imbutum, nomen dedisse Sacro Ordini Prædicatorum, atque Dominicum Ottomannum vocitatum.

A. C. quæ vulneribus in rabiem actæ, non percussorem, sed proximum quemque
1644. invadunt, & dolorem sanguine etiam innocentum ulciscuntur.

Et reapse quidquid irarum ob eam jacturam classiariorum conceptum, in unam Rempublicam effusum erat. Arguebantur Veneti, collusisse cum Melitenfibus, iisdem amicis portum dedisse ad Candiam, commeatus large suppeditasse, detexisse tandem, quo animo erga Ottomanos forent. Hæc, atque alia id genus, etsi Orator Joannes Superantius, seu Soranzius gravibus rationum momentis, conficta in Reipublicæ invidiam declararet, tamen in turbido illo foro, nihil pacati retulit ab æstuantibus in Venetum bellum. Quanquam summo deinceps artificio usi fuerint Turcæ, ne quid emanaret ad Venetos, de consilio impugnandæ Candiae. Imo ut omnem suspicionem eximerent, in Melitenfes solenni ritu bellum decretum. A)

1645. Simulatio isthæc Melitenfis belli tantum non valuit, ut Respublica ceu pacis secura rem maritimam, armorumque curas negligeret; gliscente præcipue exploratorum numero Byzantina in urbe, quorum industria compertum, in Venetos demum effusum iri, quidquid in Melitenfes apparari ficto, mendacique rumore de industria circumferretur. Non ex vano hæc talia hausta. Decima Maji Bechir b) Archithalassus, cum Selitare pedestrium copiarum Ductore, e litore Byzantino solvit in Asiam. Soranzius ut certiora de cursu validissimæ classis edocere posset Rempublicam, convenit ante Archithalassum, quam anchoræ præciderentur; modestèque scitatur, num iis viribus Venetos oppugnaturi essent? an vero alterum hostem in Asia quæsituri? Bechir affectæ jam fabulæ partem ut diutius ageret, usitato Oratoribus exordio multa de æquitate Ibrahimi Imperatoris, ac candore erga Rempublicam prælocutus, metu liberum esse jubet, conceptis verbis etiam testatus, omnem tempestatem in Melitenfes, Ottomanici Imperii hostes, humani commercii turbatores, incubituram. Soranzius vel ex vultu barbari, Veneto nomini aliòquin offensi, legit, in suos populares classem armatam esse, & Candiam, inter Mediterranei maris insulas, multis nominibus celebratam, impetum iri. Quamobrem Gubernatorem per celeres nuncios admonet, ut animo forti defensionem adornet, litora, portus præsidiiis muniat, haud dubie Turcas ad eam insulam oculos, animumque adjecisse.

Veneti ab falsa spe pacis penitus abducti, Principum Christianorum opem contra potentissimum hostem implorarunt. Verum illi discordiis domesticis impliciti (quo malo plerumque laborant) dum lente navigia instruunt, militem ex hybernis educunt, Turcis occasionem præbuerunt Caneam c) urbem occupandi. Etenim Bechir felici usus navigatione, vicesima tertia Junii portus Candiae, hostili classe vacuos ingressus, propugnaculo D. Theodori duabus leucis Canea dissito, celeriter expugnato, Caneam acerrima verberatione fatigat, ac quinquaginta post dies, obsessos ad urbem dedendam ferro, igneque compellit. Opimas condiciones civibus indulgit, quo citius possessionem adiret, sed eas homo nullius fidei momento violavit. Emisso præsidio, principem Ecclesiam D. Nicolao dicatam, in Moscheam commutat, virgines, adolescentes in conspectu parentum vinciri, ac Byzantium abripi mandat, cives fictis criminibus exilio mulctat, Caneam denique in solitudinem vertit. Imposito quinque millium Janicsarorum præsidio, classem opportuno loco in anchoris tenuit ante Caneam, excepturus Christianorum classem, quæ ex Italia urbi liberandæ missa fuit. Erat illa non multo inferior Turcica numero navium, delectuque virorum a Venetis, Innocentio summo Pontifice, Pro-Rege Neapolitano, aliisque Italiæ Principibus in communem hostem maximis impensis comparata. At fatali Præfectorum dissensione factum, ut sæpe in consilio, in senatu pugnaretur; mari, aut

a) Ricautius, & Nanus loco laudato. b) Alii alium hujus expeditionis Ducem fuisse scribunt. Ricautius Bechi eum appellat. Bapt. Verus Isuffum L. VI. c) Canea urbs Candiae, seu Cretae, mari adjacet, adeo frequens olim incolis, ut mater gentium diceretur. Alio nomine Cydonia insignitur, putaturque metropolis Regis Minois fuisse.

aut terra nunquam. Accessit & alterum malum diffidio isthoc non multo A. C. levius. Adversæ tempestates frequenter eo anno cursum classis turbaverant, 1645. ut non magis Præfecti, quam elementa tam varia, tam infida suppetias morarentur. Inde classis nullo emolumento in Italiam rediit. A)

Ottomani, ut vires Venetorum distraherent, non in Candia modo 1646. exercitus aluerunt, sed in Dalmatia etiam primo appetente vere, signa hostilitatis extulerunt. Bosniæ Præfectus evastatis Venetorum oppidis, Novigradum B), cum iusto exercitu circumdat, & post paucos oppugnationis dies, præfidiariis panico terrore, vel auro expugnatis, dum de conditionibus agitur, perfide capit. Sebenicum, urbs maritima, constantius restitit victori, uti Scardona Venetis. Jadrenses etsi numero, viribusque longe impares, tamen locorum gnari cum agrestibus raptim armatis, e latebris incautos adorti, prædas recuperarunt, multosque sine ordinibus, sine signis in spolia ruentes, aut neci dederunt, aut in servitutem abstraxerunt. In Candia vario Marte pugnatum fuit. Ibrahimus, quamvis profundo otiomersus, parum cogitaret de victoria, tamen inflammante Soltana, Selitarum copiarum terrestrium Ductorem trucidari iussit, quod Canæ præfidiariis inter honores militares liberum abitum concesserit. Eodem tempore Mehemeti Vezirio exauthorato, substituit Cussainem Budæ præpositum, hominem notæ fortitudinis bellicæ apud exercitum. Hic elusis Venetorum custodiis ad Hellespontum cum aliquot Janicsarorum cohortibus in Candiam appulit, ac Sudam C) circumvallavit. Interea Thomas Morosinus Venetæ classis in Ægeo Præfectus, rem maritimam feliciter administravit. Initio veris, fufis centum onerariis Turcicis, quæ multo commeatu onustæ Alexandria Constantinopolim cursum direxerant, fauces D) Hellesponti insedit. Ingens Discrimen Byzantium exterruit.

Achmetes, Moræ Præfectus, quidquid navigiorum in portubus erat, celeriter armat, Venetisque frontem obvertit. Mehemetes inutilium morarum loco, classẽ Byzantio eduxit, Hellespontum in libertatem asseriturus. Morosinus capta occasione concurrendi, temere venientem profligat, & male mulctatum in pristinam stationem repellit. His incitatus, Tenedum insulam oppugnare instituit, famæ, ac utilitatis magnæ, non magni laboris opus existimans. Sed incassum consumpto ardore, nihil emolumentici cepit, Ottomanicæque classi viam aperuit in Candiam enavigandi. Res Venetæ non optimo loco alioquin ibidem erant. Caneam urbem lenta obsidione premebant Veneti, occupatisque maris angustiis ad Hellespontum, spes erat non Caneam modo recuperandi fame jam ingravescente, verum etiam tota insula abigendi hostem. Spem corrumpit domesticum malum, nimirum discordiæ Præfectorum, quod in senatu alter alterius placita destinatis pridem sententiis respuerit, pugnantium, quam consultantium similiores: inde in campo omnia languebant, nihil in tempore, nihil ex ordine factum. Vulgatis præterea morbis, veteranorum plerique aut inutiles obeundis muneribus redditi, aut sine jactura hostium extincti.

Cum in hunc modum traheretur potius bellum, quam gereretur in Candia, superato Hellesponto classis Turcica advolat, solutamque obsidione Caneam commeatibus, & aliis rebus abunde recreat. Ad Sudam interim lentius procedebant opera, quam præservidus, & militaris gloriæ avidus fervor Cussainis ferret. Igitur relictis ad obsidionem pauculis, Rethimum E) versus per sylvestrem, angustam, ac confragosam viam exercitum ducit. Quod si Veneti valido præsidio occupassent angustias, jugumque opportune itineri imminens obtinuissent, inulti subeuntem aut prohibere, aut opprimere hostem potuissent. Nemo erat,

Imp. Ottom. Tom. II.

D

qui

A) Hæc fusc narrat Nanus Tom. IX. l. II. B) Novigradum, Iadera, Italis Zara, Sebenicum, Scardona urbes Dalmatiæ, Turcarum perinde, ac Christianorum cladibus nobiles. C) Suda præsidium nobile in insula Candia. D) Vulgo Dardanellæ: binis castellis munitæ sunt, nempe Sesto, & Abydo; illud in Europa, istud in Asia jacet. E) Rethimum urbs cum præsidio rupi imposita.

A. C. qui consilium daret, aut datum exequi vellet, adeo simultatibus Præfecto-
 1646. rum, animi militum ægri erant. Maritima quidem auxilia festinarunt; ve-
 rum vix conspecto hoste, abjectis armis navigia sua repetierunt tanta trepi-
 datione, ut multi præcipiti cursu semet ipsos fluctibus hauriendos dederint.
 Cussaines oppidum tormentorum ictibus undique laceratum, vicesimo
 Octobris assultu capit trucidatis Cornaro, & Molino primariis Ductoribus;
 mox castellum per deditionem accipit. Præsidarii cum Præfectis alio de-
 portati inter ludibria insultantium victorum, ægritudine animi passim occu-
 buere. A) Nempe NON minus animus, atque corpus, suos acutos, serpen-
 tesque morbos habet, quibus correptus tanto celerius contabescit, quanto
 honestior.

1647. Instabat Candia proximum excidium, ni Veneti pro viribus cona-
 tus hostium retardassent. Rursum missi Oratores ad Principes Christianos,
 suppetiarum quidpiam ut extunderent, ne Candia Italiae unicum præsidium
 in Asia, torpentibus Christianis, aut in mutua vulnera, & cædes ruenti-
 bus Ottomanis summo cum dedecore cedenda foret. More suo verba de-
 derunt alii, alii in alium hostem vires suas destinasse professi sunt. Sum-
 mus Pontifex, ad avertendum non Italiae modo, sed totius Christiani orbis
 exitium suam operam large addixit, atque in Candiam, & Dalmatiam (ubi
 non minori ardore adhuc dum dimicatum fuit) suum militem misit. Meli-
 tentes jurati alioquin hostes Ottomanorum, tanto promptius in Asiam ve-
 la fecerunt, quanto certius exploratum fuit, eos istorum tumultuum, bel-
 lorumque incendia excitasse. Posteaquam in unum confluxerunt vires, ne-
 mo non speravit lucem afflictis rebus, hoc demum anno exorituram. Ini-
 tium sat prosperum coeptum est. Africana classis, secunda e Candia por-
 tubus navigatione discedens, cæca subinde vi tempestatum multum jactata
 fuit in Archipelago, B) navibus aliis alio depulsis; binæ, quibus Jusuffes
 Præfectus, & Mehemetes Celebis, Algerii Reguli germanus, vehebantur,
 in litus proximum delatae erant. Morosinus, classis Venetae Imperator,
 cum viginti navibus diuturna jactatione fessos aggreditur, & paucis interfe-
 ctis, qui resistere ausi, cæteros captivos abducit. Hoc successu animatus,
 dum prædatorias Turcarum naves indefessus persequitur, adversa ventorum
 vi repente abreptus in Eubœam ejicitur.

Mustapha, qui istius insulae portus tuendos suscepit, agnita præto-
 ria, continuo classem quinquaginta quinque navigiorum educit. Veneti
 discrimine in audaciam verso, hostem omni ex parte ingruentem, emissâ
 repetitis vicibus pilarum procella, non sistent modo, sed illata navigiis
 strage ad recedendum cogunt. Pudore, iraque succensus Mustapha, soli-
 citatis in prætoriam remis, quanta vi maxima potest, pugnam cominus
 init, confertisque manibus, eam longe validiorem, quam putaverat, exper-
 tus est. Diu anceps fluctuavit victoria. In Morosini morte victoriam li-
 tam cum existimarent Turcæ, in hunc unum telorum vis maxima effusa.
 Ducenti aliquot jam se in prætoriam saltu projecerant, ac furentibus similes,
 ferro viam aperuerant. Morosinus dum suos pro more in certamen inci-
 tat, sclopeti glande in caput impacta, nullo edito verbo, in vestigio ani-
 mam agit. Nihil inde remissior pugna, præcipue postquam Grima-
 num ad ictus tormentorum admonitum, plenis velis adventare viderunt.
 Suppetiis aucti signa in confertas hostium naves inferunt, fortuita-
 que majoris tormenti pila Mustapha icto, victoriam reportant. Fugata
 classe, Grimanus Hellepontum rursum infestum reddidit, multasque insu-
 las, præsidia, victoriæ fructus, in Archipelago Venetae potestatis facit.
 Ibrahimus sinistro eventu in rabiem actus, Mustaphæ opes in suum ærarium
 intulit, quasi unius ignavia tantum dedecus acceptum fuisset. Sed non ideo
 tumultus composuit, qui in dies oriebantur ob Hellepontum clausum.
 Vezirius suo capiti metuens, Oratori Veneto persuasit, ut de pace compel-
 laret

A) Nanus Lib. III. B) Ita narrat Ricautius. Nanus ait a Morosino, non vero tempestate maris, in litus Ottomanos compulso.

laret Imperatorem. Verum cum Candiam confidenter uterque peteret, A. C. abrupta spe pacis, iterum ad arma deventum fuit. A).

1647.

Sudæ, superiori anno a Turcis obsessæ opportune succurrit Venetus. Præsidium extrema rerum penuria, peste insuper grassante, adeo imminutum fuit, ut e mille pugnatoribus ducenti solum superfuerint. Turcæ non expectato Delphini adventu (hic ad Sudam liberandam accurrit) Girapetram B) contendunt, quam urbem Cussaines tentatis duobus insultibus cepit. Hic homini bellicoso spes atque cupiditas injecta est, urbem Candiam, insulæ caput, corona cingendi; sed lustratis copiis e maximo exercitu non nisi duodena millia armatorum præsto fuerunt; reliqui aut urbibus impositi, aut variis morborum generibus absumpti. Neque Byzantio sperare potuit auxilia, quod Grimanus, minoresque Præfecti, maria omnia suis navigiis oberrarint, atque sparso late terrore, Ottomanos ad sua potius defendenda, quam aliena impugnanda adegerint. Nusquam magis trepidatum, ac Constantinopoli. Ad maris Ægei insulas Chium, Mitylenen, Hellepontique claustra, in anchoris hæsit pars classis Venetæ, liberaque navigatione prohibuit hostem. Inde veluti obsessi Byzantini, augente omnia in majus fama, crebros tumultus ciebant, ac Ibrahimio sollicitudinem faciebant, ne in apertam seditionem erumperent.

Is detrimenta hoc anno accepta, & præsentem Venetorum audaciam, Vezirii socordiae callide attribuit, quod neque militem, neque navigia in portibus Byzantinis haberet ad retundendas procurfiones hostium; QUASI vero calamitatum fasti non Principum, sed Præfectorum nominibus notarentur. Cussaines eodem tempore res gestas in Candia, ad Imperatorem perscripsit, supplementaque militum postulavit. Adjecit ad calcem literarum: *Vezirium multum obfuisse successibus Ottomanorum in Candia ob non missum militem, & commeatus: quæ si in tempore adfuissent, haud dubie debellatum jam foret.* Allatum præterea erat, Vezirium malignos sermones miscuisse cum domesticis suis, quibus Imperatoris facta dicaciter sugillavit. His talibus exasperatus, Vezirium inter spem, & metum in palatium venientem ferro percutit, ac satellitibus strangulandum tradit. Cæsi dignitatem obtinuit Achmetes Dephterdar, qui statim ab exordio suæ præfecturæ, angustis Candiae rebus auxilia subministravit. Nam Veneti autumnoprecipitante non modo Helleponti, sed & Eubœæ custodias laxaverant. Turcæ nihil morati, e vicinis insulis, & Byzantio, in Candiam, armorum sedem, festinata navigatione proficiscuntur, expositisque novem peditum millibus cum frumento, eadem celeritate in suas stationes redeunt.

In Dalmatia hujus anni expeditio Venetæ genti longe secundissima fuit; præsidiis partim expugnatis, partim defensis eo redacta Turcia, ut mari potius, quam terra cum Venetis, congregi optaret. Initium victoriarum Antonius Pisanus fecerat Zemonico c) cum Gubernatore Aly capto, quas Leonardus Foscolus ingenti nominis Veneti gloria continuavit. Novigradum acri oppugnatione pressum cum omnibus præsidiariis, & quatuor Agis se subdidit, postquam Sinanem Bassam in turpissimam fugam conjectum vidit. In reparandis mœnibus ut ne tempus tereret, semiruta opera, & tormentorum ictibus perforata funditus evertit. Mox Scardona, Tinnium, Salona, Nadinum, Urana, aliaque præsidia Dalmatiæ, tanto olim strepitu, tempore, & sanguine Turcarum expugnata, uno veluti cursu Veneto imperio adjecta sunt, ut tanto emolumento pensata, facile concoqui posset Canææ, atque Rhetimi jactura. Tot inter militares labores Foscolus in morbum incidit. Eam occasionem minime negligendam ratus Techelis copiarum Ductor, cum quadraginta suorum millibus Sebenicum recuperandum putavit. Sed tantus erat præsidiariorum, & civium repugnandi ardor, ut desperato successu oppugnatione desistere coactus fuerit.

Imp. Ottom. Tom. II.

D 2

Inter

a) Nanus loco citato. b) Girapetra urbs Candiae. c) Zemonicum Nanus ait esse minorem urbem septenis leuclis Jadera distantem.

A. C. Inter Venetos anno MDCXLVIII. ex obliquo, nec perfunctorie de
 1648. pace agebatur in Senatu. Plurium animi in eam propendebant; quod ex-
 hausto ærario, militibus partim morbis, partim ferro in Candia confectis,
 vires majoribus rebus gerendis nimis quam impares adessent, Ad hæc fre-
 quentiores pluviae, aquarum eluviones, maximam stragem agris intulerant,
 ut Respublica cum summa caritate frumenti penuriam sentiret domi; neque
 videret, unde ad alendos foris exercitus commeatum sperare posset. Ni-
 hilominus cum ultima potius experiri mallent, quam possessione Candiae
 excidere, omnium sententia bellum prosequi placuit. Foscolus intellecto
 Reipublicæ proposito, primus in Dalmatia arma circumtulit. Clissam a)
 rupibus præaltis cinctam, & militaribus operibus egregie munitam, magis
 terrore nominis sui, quam vi intentata Turcis eripuit, fuso, fugatoque
 Techele, repetito certamine, quem periculum arcis in campum protraxit.
 Morlachorum b) gentem Turcico jugo diu oppressam, Falcoli fortuna li-
 bertati restituit. Ea minime contenti, correptis in veteres dominos ar-
 mis, multorum annorum injurias, strenue vindicatum ibant. Icto fœdere
 cum Venetis, & Albanæ populo, expeditionis modulus, communi consilio
 designatus fuit, ut Albani Crojam, Morlachi, & Veneti Scodram, de im-
 proviso invadant. Hæc cum ita tacite peragi nequirent, quin testæ con-
 spirationis suspicio commoveretur, & indicium perfidia quorundam civum,
 quos Turcica societas delectabat magis, quam ostensa libertas, foras avola-
 ret, Techelis quasi ignarus machinationis clam & ipse ad opprimendos Al-
 banos, Morlachosque copias contraxit. Verum fluvii, autumnus imbris
 vehementer aucti, festinantibus Turcis ut moram injecere, ita Confoedera-
 tis spatium dedere semet in tutiora recipiendi. Furor tamen desæviit in
 Religiosos D. Francisci, quos conspirationis suspectos barbaro supplicio in
 palos egerunt. Hæc in Dalmatia gesta.

Candienfis expeditio naufragio classis Venetæ luctuosa erat. Grima-
 nus nondum soluta hyeme expugnato Mirabello, permunito in Candia loco,
 ad obsidendas de more Hellesponti fauces festinavit, quo maritimos commea-
 tus Byzantinis perinde, ac exercitui in Candia hyemanti præcluderet. Per
 mare Ægeum vela facientem, adeo atrox tempestas deprehendit, ut ar-
 tem mox a principio, & spem nautis eriperet. Mitescens ventis, cum
 majori numero navium stationem capit reparandis damnis, & militi jacta-
 tione ægro percommodam. c) Decimo septimo die mensis Martii, repenti-
 ni turbines rursus oborti, nocturna quiete sopitos in altum abripiunt. Clas-
 sis impetu disjecta inter decumanos fluctus, & vortices ferebatur. Auxit
 trepidationem nox intempesta, ac militum concursatio, qua nautarum mi-
 nisteria confundebantur. Prætoriana navis, amissis velis, scopulis impacta,
 multisque locis aperta, cum Grimano Archithalasso, cæterisque vectoribus
 merfa est. Ubi illuxit, cladis primum magnitudo apparuit. Octo, & de-
 cem majoris formæ navigia superante mari, depressa fuere; cadavera, ve-
 stes, arma, tabulæ passim jactari toto mari conspiciebantur. Qui cladem
 evaserant, existimarunt non falso, futurum fuisse, ut omnis illa classis dele-
 retur, si vel una piratica turbatos, & præsentis infortunio consternatos in-
 vasisset. Melioribus fati debebatur, quod nondum hostium naves e por-
 tu solverint.

Venetorum naufragium continuo Byzantii percrebuit, civesque du-
 bio belli eventu suspensos mire recreavit, quasi vires amplissimæ Reipubli-
 cæ uno naufragio absorptæ, nihil deinceps pro Candia possent, vel aude-
 rent. Sed nempe ut malaciam maris sævissima tempestas momento tempo-
 ris excipit, ita Byzantinorum lætitiā tristes nuncii. Eodem enim tem-
 pore

a) Clissa a Kleisa, seu clausura dicta, arx ad limites Dalmatiæ. b) Incolæ montium Rasciæ, Bosniæ, & Croatiæ, Morlachi ab Italis dicuntur, veluti nigri Latini. Inspice Joan. Lucium L. VI. c. V. mihī pag. 459. c) Joannem Bapt. Grimanum cum sua classe stationem fixisse in portu insulæ Pfaræ tum Nannus, tum Ricautius narrant. Joannes Bapt. Verus L. VI. pag. 400. eam insulam appellat Pfyram. Apud Geographos oleum, & operam perdidit hanc insulam vestigando.

pore Jacobus Riva, Venetiis exædificatam classem multarum navium, omni A. C. instrumento bellico munitarum in Hellespontum advertit, quo clauso, 1648. haud facile dictu est, quanta admiratio, & metus Byzantinos inceserit. Imperator ut liberam navigationem suis aperiret in Asiam, eo classem expedivit ductu Ibrahimi Præfecti. Constat eam non minorem fuisse quinquaginta aliquot navigiis; neque classiarios infra quinque mille, præter nautarum ministeria enumeratos. Cum hoc robore virorum dum exitum rimatur per Hellespontum, certis tormentorum ictibus impetitus, Constantino-polim re infecta cogitur redire, & mox jussu Ibrahimi Imperatoris, quod promissis longe minora præstiterit, obtruncatus est.

Interea Cussaines exercitum suum Candiaë urbi, totius insulæ metropoli, circumfundit. Huc ab hostibus iri prospectans Venetus, jam anno superiori rebus omnibus eam apprime instruxerat. Oppugnatio juxta, ac defensio fuit illustris, vehemens, sanguinolenta, Cussaine ad faciendum temporis compendium haud parcente suis. Intellecto etenim Grimani naufragio, spem concepit potiundæ urbis ante, quam auxilia ab Italia mitterentur, sat gnarus Rempublicam omni contentione ad liberandam Candiam militem, opes collaturam. Ludovicus Leonardus Mocenicus, urbis, & classis Venetæ summus Imperator, de cujus bellica virtute plurimum confidebant præsidarii, nihil eorum omisit, quæ ad producendam in hyemis frigora oppugnationem, conferre videbantur. Et reapse quamvis Ottomanæ dies, noctesque fulminarent in muros, suffossionibus propugnacula diruerent, a) ollis igniariis in testa civium sævirent, impressiones summa pertinacia plures in horas extraherent, tamen memorabili fortitudine sex mensium acerrimam oppugnationem sustinuerunt Veneti; hostium viginti, & amplius millibus neci datis. Jactura tot fortium virorum eo acerbior Turcis accidit, quod duo Hassanes, alter Natoliæ Præfectus, alter præcipuus classiariorum, qui primam Candiam trajecerant, pari fato ceciderint. Fervente adhuc oppugnatione, summa Venetorum conspiratione, tum ad Hellespontum, tum in Candia laborantibus sociis succursus fuit; qua utique constantia Reipublicæ, & Mocenici virtute urbs nobilissima barbarorum conatus infregit. b)

Nondum oppugnatione destitit Cussaines, cum Byzantii festinata morte sublati sunt Ibrahimus. Triplici illiciorum genere hanc sibi ipsi accelesasse pervulgatum erat, crudelitate, avaritia, voluptatibus, queis nimirum barbarorum animi plerumque capi solent. Purpurati quo magis conspicui erant gestis muneribus, eo præsentiorum animum timendi habuere, ne deflorescente Soltani gratia, siue felices in campo progressus, siue sinistram belli aleam suo capite expiarent. Ita remunerari labores pro Imperii salute, pro augendis terra marique provinciis susceptos, jam a capeffito Imperio Ibrahimum experti fuerunt. Terrebant primorum civium, Ductorumque militum vestigia, quos indicta causa vecordissimus Princeps e medio sustulit. Eundem scopulum exhorruerunt, quos benignior fortuna supra cæteros mortalium opibus ditavit. Multis crimina impacta, ut vel in exilium abacti, vel suppliciis mactati, insatiabili Imperatoris avaritiæ suis divitiis quoquo modo litarent. Hisce malis diu pressi, ne penitus opprimerentur, in omnem occasionem intenti, exitium monstro Imperii tacite machinabantur.

Neque diu occasio defuit. Nam ut erat in omnem venerem, vagosque amores effusus, Mustii filiam pereleganti ore, ornatuque in urbe notam, libidini suæ destinat. Illa obstinata, cum nulla ratione in aulam se conferre vellet, per Vezirii satellites vi eo raptata fuit, & mox non sine dedecore in paternos lares remissa. Tanta rei indignitas acerbissimo doloris sensu, Mustii animum confugebat. Sed ut erat harum artium artifex sum-


D 3

mus,

a) Vis prima incubuit in propugnaculum a S. Maria nomen sortitum, quod cuniculis evibratum, summum in discrimen præsidium adduxit. b) Hanc oppugnationem multis enarrat Nanus L. IV.

A. C. mus, & dolorem, & vindictæ cupiditatem fronte ad hilaritatem exporrecta, 1648. dissimulare videbatur. Interim cum Mahomete, Purpuratorum præcipuo, Janicsarorum Ductore, clanculum agit, Ibrahimi avaritiam, crudelitatem, libidinem aculeatis verbis perstringit; scelus Imperatorium in filia patratum, ac vim Vezirii acerbe queritur: author denique fit arma capiendi contra hostilia ausos. Movit Mahometem tum Mufftii mæstitia, tum Aga castigatorem lachrymarum, atque inertium querelarum. Igitur conspiratione inita adversus utrumque, Janicsaros, serendis turbis aptum instrumentum, in suas partes alliciunt, Soltanam filii turpitudine, ac impotentia offensam (in vetus enim Seraglium relegata fuit) consilia sua præprimis edocent. Septima Augusti ferocissimus quisque cum armis voluntarius in aulam advolat, & Vezirium Achmetem ad necem deposcit. Eo in domo Mufftii, quo miser præsidii causa confugerat, suffocato, Vezirius creatur Mahometes.

Altero die armati apud Mufftium conventicula habent, in iis Ibrahimi vitia toti Imperio perniciofa esse conclamant: *voluptatum dulcia consuetari effusus, ac Imperatorem decet; inde studiose evitare, quibus blanda illa, ac voluptaria otia interpellarentur; Imperii molem, ac fastidia in Ministros rejicere. Quid in Candia, quid ad Hellespontum agatur, quibus viribus bellum proseguendum? parum sollicitum. In id unum omnes cogitationes, curasque defixas habere, ut viros Principes omnibus fortunis eversos aula abigat, vita privet; inter fœdissimos amores majestatem Imperatoriam sepe liat. Ejus socordia non modo Candiam stare, sed victoriam retulisse luculentam de Cussaine; Hellespontum in oculis Byzantinorum clausum teneri, Aegæi maris insulas, Peloponnesum, Dalmatiam a Venetis diripi. Inertia Ibrahimi, militem terra & mari languere, Ottomanicas vires imminui. Ni quis labanti Monarchiæ manum porrigat, actum esse de Byzantio. Ibrahimum voluptatum intemperantia eo jam progressum, ut ergastulo potius, quam throno dignior videatur.* Delectatus hac scena Mufftius, Janicsaros æquissimas rationes habere exauthorandi Ibrahimum palam enunciat. Mox decretum sancit, quo eidem omnis potestas dominandi adempta. Nihil his minis commotus Ibrahimus decretum animosius, quam prudentius discerpit, negatque se alteri dignitatem cessurum. Facti atrocitate magis incensa multitudo, præeuntem Agam sequitur, pavorem, ac tumultum aulae infert. Inter has turbas Ibrahimus elapsus, apud matrem delituit, cujus facundia militis furor repressus est, ne e vestigio occideretur. Postremo ergastulo redditus, cum iniquissime ferret hanc repentinam commutationem fortunæ, veluti versa mente muliebriter furere, caput parieti illidere coepit. Quo animadverso, ut ne sui carnificem ageret, immissis percussoribus septima decima Augusti anno MDCXLVIII. vivere desiit. A)



MAHO.

MAHOMETES IV. A. C.

IMPER. OTTOM. XIII.



Ellis diuturnis, & multis quemadmodum involutum 1648. regimen habuit Mahometes IV. ita multis, magnisque victoriis, & cladibus orbi innotuit, adeo inclementer fortuna miscente lusus suos, ut quem sexennis occupaverat thronum, eundem post novum, & trigessimum Imperii annum, cedere coactus fratri suo Solymano III., integroque sexennio carcere constrictus, non sine suspitione veneni supremum vixerit. Venetum bellum eatenus terra, & mari ex æquo gestum, expugnata Candia, pace Turcicæ Monarchiæ quæstuosa composuit. A) Poloniam, Transylvaniam, Hungariam suis armis impetiit, victor sæpius, quam victus. Demum auctus provinciis aliquot in Hungaria, domi securus, æraria re, & militari quam optime constituta, ad opprimendam Europæ libertatem animum adiecit, cincta Vienna, Austriæ urbe, B) acerrima obsidione. Principum Christianorum fortitudini debebatur, quod horribili clade barbarorum copiis protritit, vota intra desideria hæserint. Sed hæc multo post evenere. Nunc ad res præsentis anni revertamur.

Mahometi Vezirio, vicario nomine imperanti, primum fuit, gravissimumque negotium, ne qua seditio inter levissimum populum exardesceret, tum maxime fervente Veneto bello. Inde præter senioremem Soltanam, fæminam virilis animi, prudentiæque, duodecim Purpuratos delegit, quibus cum Imperii curas, rara apud Ottomanos moderatione, partitus erat. Verum tanta non erat istorum authoritas, ut turbæ inter pedites, equitesque obortæ Byzantii, in tempore sopirentur. Equites ordinem suum læsum existimarunt, quod ipsis insciis, Ibrahim dejecto, Mahometes in solium evectus sit Janicsarorum opera, propterea tumultuantes, vicos more suo percursant, cædes per tenebras faciunt. Ubi vident nihil se posse proficere, sponte sua urbe excedunt.

Anno abhinc uno Constantinopolim legatus est Ludovicus Contarinus, cum ut novum Imperatorem nomine Reipublicæ Venetæ saluaret, tum, revullis dissidiorum seminibus, nihil prætermitteret eorum, quæ ad pacem ineundam facerent. Superbe exceptus, cum Candiam, & Clissam peterent, re infecta Venetias abit. Alter Orator, quem Respublica Constantinopoli remanere iussit, quod fastidium Ottomanicæ aulæ placide non ferret, & pro Republica intrepide ageret, in offensionem Vezirii ea causa adeo gravem incurrit, ut contra jus gentium catenis oneratus, carceris squallorem subire debuerit; præcipuo Interpretum (Dragomanos vocant) strangulato. Hoc veluti classico Turcæ, Venetique exciti, ad arma rursum recurrerunt. Et mari quidem ingentibus animis dimicatum fuit. Cum enim Jacobus Riva Hellepontiacas fauces obsideret, intercluso exitu in Ægeas insulas, atque vicinum omne mare navigiis armatis in potestate haberet, Turcæ, ut vires hostium dividerent, classem Africanam, superiori anno maximis sumptibus instructam evocarunt. Africanis pars altera classis Venetæ, obviam missa est, altera stationem ad Hellepontum tenuit. Byzantina classis contempta tenuitate Venetorum, nacta secundos ventos celerrima navigatione Phocæanum C) portum tenuit. Riva animadversa pro-

A) Anno 1669. B) Anno 1688. C) Phocza, nunc Fochia, Foja, urbs Ætoliz, hanc præcui Smyrna.

A. C. postridie hostium fuga, anchoris propere solutis eos insequitur, & jam
 1649. conjunctos Africanis sine mora aggredi statuit. In ipso aditu capacissimi
 portus acie instructa, Ottomanis certamen indicit tormentorum fragore,
 incensaque fortuito una navium, quæ cæteris magnitudine præstabat, in
 pugnam ruentibus trepidationem infert. Quo viso nauta Venetus, in mare
 continuo desilit, ac funibus præcisis, flammam undique evomentem navim,
 conspirante in facinus præsertim vento, in proxima hostium navigia impel-
 lit. Ea peste pars maxima classis involuta periit. Longe tristissima stra-
 ges erat nautarum, & militum. Multi intra vela flammis obnoxia combu-
 sti, pauci in acie pugnando trucidati, plures e navibus in mare præcipites
 acti, dum aquas superare contendunt, armis prægraves sunt merfi, aut pi-
 lis certo collineatis a tergo trajecti. Remiges plerique Christiani, ut erant
 vinculis alligati, fœde cremati sunt. Ab hac victoria multum inclaruit Ri-
 va, novis honoribus a Republica ornatus.

At Constantinopoli in Vezirium ob exitum improperum tempestas
 incubuit, quamvis longe abesset ab illa infelici arena. Amurathes Janicsaro-
 rum Aga, tantum potuit apud cæcum, improbumque vulgus, ut hominem
 dignitate, & vita exuerit; quasi vero in potestate debuisset habere fortu-
 nam, QUÆ uti in reliqua hominum, ita certe plurimum in res bellicas pot-
 est. Amurathes jam Vezirius, Oratore Veneto libertati restituto, suas cu-
 ras Candiam porrexit. Eam Cussaines acceptis aliquot Africanorum legio-
 nibus, arctius clauserat, quam antea, & ne quid commeatum furto infer-
 retur obsessis, in omnem partem intentissimis vigiliis curaverat. E gemino
 suggestu cum sine intermissione fulminatum esset in muros, recenti opere
 extructos, non magno negotio conciderunt. Nulla tamen impressio facta,
 quod lento obsidio existimaret edomandam. Mense Octobri, nihil remit-
 tente Mocenico urbis Governatore, conclamatis vasis Canæ agrum stativis
 hybernis occupavit Cussaines. Ingentem invidiam conflarunt ei Purpurato-
 rum nonnulli, quod lentius bellum duceret, velut metuens, ne quæstuoso
 munere cedendum foret, Candia subacta. Ille mori suo indulgens, libere
 reposuit: *militem, apparatus bellicum tenuiorem accepisse in castra, quam
 ut anno uno debellarentur Veneti. Perrumperent semel Hellespontum, &
 grandes exercitus, tantæ molitioni pares, in insulam deportarent.* Sensit
 Amurathes se peti hoc Cussainis responso, & ne quam populo criminandi
 materiam daret, in Candiam suppetias destinat. Verum Riva jam Helles-
 pontum suis navigiis occupaverat. A)

1650. Veneti Candia suæ male metuentes, Mocenico septem millia arma-
 torum mittunt, quorum incredibili virtute, multis annis insula, adversus
 instructissimas barbarorum copias propugnata fuit. Et opus erat tam vali-
 do supplemento militum, veteranis morbo, præliis, laboribus confectis,
 eo maxime temporis, quo Cussaines præsidium, frænum nempe Candia,
 fundabat, in collibus urbis jam bis irritò conatu obsessæ, quam maxima
 operarum festinatione pariter, & successu. Mocenicus sive quod a nova
 hac Candia (sic placuit appellare Turcis munimentum) nihil veteri timeret,
 sive quod alibi utiliore operam locare posset, non interturbato opere, ma-
 ritimam expeditionem suscepit. Classem partitus, partem Rivæ ad Helles-
 pontum misit, partem ipse in vicinas insulas dirigit, & ut erant omni fru-
 gum genere lætissimæ, nec ab incolis infrequentes, miserrima populatione
 haurit, quidquid per festinationem auferri non potuit, in cineres redigit.
 Annonarias domos, molas, pabula, quæ Turcæ congesserant, igne pariter,
 & ferro perdit. Qua populandi methodo adeo commota fuit Soltana, ut
 easdem faces, ni grassandi finem facerent, Corcyrensis, aliisque Reipu-
 blicæ subditis comminata fuerit.

Veneti æstimato Corcyræ periculo, insulam novo præsidio mu-
 niunt, utque a longinqua expeditione avocarent hostem, bellum in Byzan-
 tinum agrum transferre meditabantur. Erat hæc quorundam in Senatu
 senten-

A) Nanus L. V. Ricautius paulo diversus est.

sententia, & Jacōbus Badoarus, vir eloquens, multis argumentis conten- A. C.
dit, ut expugnatis ad Hellespontum castellis, unde navigantes infestaban- 1650.
tur, tota belli moles ad Byzantii mœnia convertatur: *ita*, inquebat, *inimi-*
cam urbem, nec propugnaculis probe munitam, nec præsidio validam expu-
gnatum iri, aut certe Cussainem ad patriam defendendam Candia excessurum.
Sic olim Africanum Scipionem, ardente bello Italia, invasisse Carthaginem,
& Hannibalem detraxisse Romanis provinciis. A) *Multum præterea ad fa-*
nam, dignitatemque Veneti nominis facere, non ad defendendam modo
Candiam, & reliquas ditiones, sed ad inferenda etiam Byzantio arma, no-
bis animum esse. Id consilium jam olim ab Hispanis adumbratum, dum pro
Africa dimicaretur, nunc post exactos toto mari Turcas, ac aliquot præliis
navalibus debilitatos, maturuisse visum est, etsi Riva maritimæ rei peritissi-
mus multum abhorreret ab eo consilio. Re maturius pensata, Badoari sen-
tentia rejecta fuit, quod temerarium censerent, in eas angustias Hellespon-
ti, universas vires Reipublicæ conjicere, in quibus, si tempestas coirire-
tur, decumana clades accipi posset, Turcis e litoribus, e castellis tela vi-
brantibus. Et alioquin satis negotii facessiverunt Rivæ bini Præfecti classis
Turcicæ, qui assiduo armatis navigiis stationem Venetam carpebant, nunc
in Asiam cursum molientes, nunc omnibus viribus navali prælio decertantes.

Interim Mocenico in Candiam reduci, spes potiundæ Canæ prodi-
tione civium est facta. Multi Christianorum in ea urbe domicilium habue-
re, uti nuper sub Veneto; cum superbissimæ gentis jugum ferre diutius
nollent, Mocenicum clam edocent de urbe tradenda. Ille ne deesset fortu-
næ, strenue se ad intercipiendum præsidium comparat. Turcæ odorati in-
sidias, continuo aliquot cohortes peditum in urbem accipiunt, civesque
proditionis manifestos arctiori custodiæ mandant. Dux proditorem evul-
gatam sentiens, omissa Canæ duo præsidia Canæ finitima capit, quæ ob re-
rum penuriam, & hostium propinquitatem demolitus est. Per eosdem
dies Cussaines nullo pariter successu, insidias tetendit munitioni Sudæ, qui-
busdam e præsidariis corruptis. Res detecta paucis iis exitio fuit. Ad
Cythæum B) non multo post cladis aliquid Venetis illatum. Nihil præter
oppidum sua sub potestate habuerunt Veneti, late dominantibus in ea re-
gione Turcis; & jam de præsidio actum putabatur, ni suppetias quamprimum
venissent. Mocenicus oppidanorum sorte commotus, Jacobum Bar-
barum, & Marinum Badoarum cum aliquot signis equitum, peditumque
subsidio mittit.

Horum adventu cognito Ottomanis, Girapetram festinantibus ope-
ris demoliti, liberam profectionem Cythæum Venetis concedunt. Firmato
oppido milite, & annona dum ad evastandum hostium agrum contendunt,
in insidias præcipitant copiarum Duces. Regio illa perpetuis montium ju-
gis septa, vel viatoribus, nedum militi armato difficillimi est itineris. Ni-
hilominus, quod certum, exploratumque haberent, in ea loca ingentem
vim frumenti comportatam, sylvestrem, ac confragosam viam ingressi, eo
proficiscuntur. Ut perventum est in patentem campum, sed undique clau-
sum montibus, Turcarum præsidium in summo saltu conspiciunt. Tum
vero, quo signa verterent, alii ab aliis sciscitantur. Querentes magis, quam
consultantes nox oppressit. Postero die in majus augebatur pavor, quando
inseffis montium jugis omnes exitus præclusos vident. Equites non expe-
ctato Ducum imperio, Cythæum versus fugam ineunt; pedites equitum
præsidio nudati, dum in orbem pugnant ultimis viribus, cum Badoaro,
& Barbaro trucidantur. c)

Auxit hanc cladem quorundam perfidia, quos cæca auri cupiditas 1651.
in patriam armavit. Jacobus Riva, ut diximus, ad Hellesponti fauces clas-
sem suam in anchoris tenuit. Sed partim tempestate, partim tormento-
rum ictibus mutilatam, ne in supremum objiceret periculum, deserta vete-

A. C.ri statione, in commodiorem portum a jactatione subduxit, ac majorem na-
 1651. vium partem, ad reparanda scilicet damna, Venetias misit. Byzantini non
 ultra expectandum rati, classem diu alioquin luctantem ad Hellespontum,
 in Candiam festinare jubent, quæ ad Mytilenen A) Africanæ conjuncta,
 cum sexaginta navigiis feliciter eo navigavit. Quantum animorum Turcis
 isthoc subsidium attulit, tantum Venetis decerpit, præcipue in urbe Can-
 diæ, quæ extructo a Cussaine novo præsidio, lenta obsidione perire sibi vi-
 debatur. Inde præsidarii animis dejecti, multum a pristina alacritate re-
 misere. At in Spinalonga B) aliud malum inter milites gliscebatur. Conspi-
 ratione clam adornata consilium capeffunt, trucidato Gubernatore præsidii,
 locum Cussaini divendere. Intra paucos agitata machinatio, dum plures in
 scelus pertrahere nituntur, tandem ad Gubernatorem emanavit. In tem-
 pore occupati patriæ proditores, gravissimo supplicio poenas dedere. Can-
 diæ urbem non minori macula aspersit Florentinus, munere militari clarus.
 Hic nescio, quorum criminum convictus, ut impendenti supplicio semet
 eriperet, ad Turcas defecit. Ulturus suos dolores, consilium init Candiam
 proditione capiendi, Cussainemque hujus furti spe certissima complet. Ho-
 mo audacissimus ad omne flagitium, Candiae mœnibus cum peditum globo
 affunditur; militibus, quorum cupiditatem noverat, aureos montes osten-
 tat, si urbem alioquin casuram dediderint. Turpem proditionem averfati,
 solutis fistulis insanum nundinatorem rejiciunt. Florentinus spe sua frustra-
 tus, cum apud barbaros deflorescente gratia in dies vilesceret, facile conce-
 dente Cussaine, ad suos rediit; DOCUMENTO futuris posteris, tamdiu
 proditorem in pretio esse, quamdiu spe alit partes, grande aliquid per-
 petrandi.

Turpius cœpit, & finiit suum transfugium Nicolaus Natalinus, hu-
 mili loco Venetiis natus, sed militaribus factis Reipublicæ notus. Vexerat
 ille in Candiam prægrande navigium, commeatu instructum jussu Reipubli-
 cæ, portumque Canææ sponte invehctus, se cum omni suppellectili Ottoma-
 nis tradiderat. Multis nominibus, viri hujus transfugium iis pergratum
 accidit. Præterquam enim quod exuta religione, Mahometem professus
 fuerit, multum operæ contulit, ad navigia firmissimi operis construenda;
 quæ usitatum apud Turcas ad eum diem modum longe excessere. Archi-
 thalassus machinatoris ingenio delectatus, socium expeditionis jussit, quam
 anno præsentis operosius, quam antea unquam, instituit. c)

Hellesponto a Venetis jam libero, classis Byzantina velis non minus
 Turcacum spe, quam vento tumidis, primo, & vicesimo Junii in Candiam
 solvit. Mocenicus, qui ad insulam Cytheræ D) in anchoris stabat, ac na-
 ves ex Italia venientes colligebat, adventanti classi obviam procedit. Hie-
 ronymus Battagius speculatoriis navigiis præmissus, ausus est impressionem
 tentare in hostes, ac supervenientibus Christianorum navigiis, certamen
 veluti statarium contrahere, quo superior, cæso Mahomete Asiæ minoris
 Præfecto, hostes in insulam Chium redire adegit. Triduo post, videlicet
 decima Julii, ut primum Turcæ e portu prodiverunt, divisam tripartito
 classem, in aciem disponit Mocenicus, obversisque illico in hostem proris,
 ingenti alacritate, classica canere jubet. Prætoriam navis Ottomanici Archi-
 thalassi, quem Veneti Annales Mazzamammam appellant, ut magnitudine
 cæteras anteibat, ita firmitate, delectoque virorum robore præstabat, primam
 fulminantium machinarum excepit tempestatem. Lacera, ac pene dehiscens
 animos pugnantium adeo infregit, ut plerique de fuga potius, quam victoria
 cogitarent. Persistebant tamen in certamine quoad Ducem viderunt dimi-
 cantem. Ubi vero animadversum, prætoriam multis acceptis, illatisque
 vulne-

A) Mytilene, vulgo Metino, insula maris Ægæi. B) Spinalonga præsidium Candiae cum portu,
 in agro Candienfi. c) Fidem superat, quod hoc loco Ricautius scribit, classem Turcarum
 constitisse mille, & centum navigiis bellicis. Nempe iis temporibus, quibus Byzantium do-
 mesticis turbis concussus fuit, ut commodiori loco dicturus sum. Nanus decem millia arma-
 torum navibus imposita ait, qui numerus longe inferior tam valida classe. D) Insula Cythe-
 ra e regione Candiae.

vulneribus pugna excedere, una omnes proras fugæ aptarunt. Veneti a A. C. tergo, a latere infecuti fugientes, inter frequentes tormentorum ictus, a-1651. vullas ab agmine cæterarum, tres, & triginta varii generis naves circumstunt, ac sui juris faciunt. Eandem fortunam habuit Nicolai Florentini navigium cum Hero suo, qui inter captivos Venetias missus, transfugium capitis sententia inter muliebres gemitus, (quemadmodum PRODITOR raro fortiter finit) spectante populo luit. Sed ferociore barbarorum instantibus Venetis, maxima agilitate navium, cum nusquam effugere possent, in desperationem acti, sparsis per navigia flammis semet ipsos fatali incendio involverunt.

Maritimam hanc victoriam terrestri absolvit Josephus Morosinus. Terna Ottomanorum millia Naxum A) insulam vitandæ cladis causa petierant, seque intra montium juga castris munitis ad defensionem paraverant. Morosinus copiis eo adductis, armis, non item commeatu instructos, citra certamen, atque nemine suorum amisso, deditione accepit. Navigia, captivos, prædam omnis generis, Venetias deprotatam, tanto effusiore lætitia aspexerunt Veneti, quanto Candiam periculo propiorem senserunt. Ut vero perculsis novi terrores adderentur, Leonardus Foscolus, sive Fosculus, multarum palmarum Dux, e Dalmatia, ubi hoc anno emorientis belli species, in Asiam ire iussus est, Venetæ classis supremam præfecturam gesturus. Adfuit ille appetente jam hyeme atque Samum, Lerum, maris Ægei insulas, vectigales Reipublicæ, & stipendiarias fecit.

Dum hæc vario belli successu aguntur, Soltanæ avia, & mater Imperatoris, jurgiis incalcescentes turbas male sopitas iterum suscitavit Constantinopoli. Utraque dominandi avida, facile discordiarum materiam, in urbe litibus obnoxia reperere, eo maxime tempore, quo pedites, equitesque atrocissimo odio inter se dissidebant. Angebat juniorem Soltanam, se in administrationem Imperii minime admissam; ab alterius arbitrio aulicas, & militares dignitates, præfecturas provinciarum pendere, ac fluere. Metu præterea percussâ, ne Mahometes Imperator, ut Ibrahimus, factione senioris in præceps daretur, eo curas omnes, & largitiones convertit, ut dominatricem aulæ, loco, graduque moveret. His cogitationibus defixa, quo securius destinata exequeretur, Spahiorum ordini adolescentem Imperatorem, seque impensè commendat. Nebis Spahiorum Ductor, tanto promptius ad opem ferendam se itineri accinxit cum suis, quanto æquiores causam sibi oblatam existimavit, Janicsarorum insolentiæ obfistendi, si quid moverent. Ad Scutarim urbem tendenti, Mahometes Vezirius peditatum objicit. Gemina acie in suos ordines distributa, innumeri extemplo fulsere gladii; cum juris periti, quorum autoritas ingens apud Turcas, in medium profiliunt, ac gravibus argumentis, ne vires monarchiæ, Veneto bello crescente, mutuis cladibus perditum irent, furentium impetum continent. Spahii, quos alioquin torva Janicsarorum acies exterruit, solutis sine mora ordinibus, in castra redeunt, haud dubie sub specie boni publici tenuitatem suarum virium confessi, & non multo post in Asiaticas provincias abeunt, amisso in itinere Nebi, quem ictu minoris sclopi Præfectus minoris Asiæ confecit. Sed non propterea machinationis suæ telam, lentius junior Soltana pertexuit. Secundum Vezirium maxima autoritate verfabatur Byzantii Bectes Purpuratus, aulicarum technarum haud imperitus. Hunc perdendæ æmulæ præcipuum instrumentum deligit, ac partim nocturnis congressibus, partim literis, senioris Soltanæ consilia aperit, addito terrore; nisi festinato turbatricem Imperii opprimat, fore ut Ibrahimus, frater Mahometis, thronum occupet, & quod fieri amat in ejusmodi conversione, cum Mahomete exauthorando, prima aulæ capita, aulicis muniis, & militaribus nuntium mittere cogantur. NON posse solem dejici sine strage vicinorum syderum.

A. C. 1652. Ingens sollicitudo cum Beſten, tum Vezirium invaſit, certum ſibi infortunium metuentes, ſi Ibrahimus rerum potiretur. Itaque re cum Janicsaris communicata conjurant, in ſequē ſuſcipiunt, ſeniorē Soltanam e medio tollere, a cujus incolumitate novam Imperii faciem reddendam omnes metuebant. Promptiſſimus eorum Beſtes, Janicsarorum globo ſtipatus, noctis ſilentio clauſum aditum Seraglii molitur. Soltana, fati ſui conſcia, dum fugam circumſpicit, a furioſo agmine deprehenſa, e veſtigio ſtrangulatur. Paucis a perpetrata cæde diebus Beſtes, novarum molitionum manifeſtus, inter ludibria, ſannasque popelli, eodem mortis genere ſublatus fuit. a) Urbe inteſtinis motibus concuſſa, multis partibus bellum languebat in Candia. Nec mari quidpiam memorabile geſtum, Venetis ad Hellespontum excubantibus. Foſculus tamen pertæſus morarum, Scyrum b) inſulam depopulatus eſt, præſidio S. Georgii deditioe accepto, & mox funditus everſo. Cum inde ſolveret, horrenda tempeſtate conflictatus fuit. Navigium unum ſolutis compagibus in conſpectu omnium periit; alterum ſcopulis illiſum, Ottomanis poſtea in prædam ceſſit. Reparatis in portu Cytheræ navibus, cum Melitenſibus Hellespontum reviſit. Vix eo appulit, ſenſit hoſtium claſſem, ſumma velocitate anguſtias ſuperaffe. Relicto igitur Franciſco Barbaro cum valido præſidio navium, inſequi abeuntes ſtatuit. Sed illi non auſi fortunam experiri, pars in Cyprum, pars in Rhodum vela vertit. In ea fuga interceptus fuit Epidauri c) Præfectus, cum centum quinquaginta Turcis.

1653. Hoc anno pariter, & ſequenti concurſatio potius, quam bellum fuit, fortassis quod utramque partem ſpes pacis pacatiorem fecerit. Galliæ Orator apud Mahometem crebris nunciis Rempublicam admonuit, ſibi certis indiis exploratum eſſe, Vezirium proniſſimum eſſe ad ſœdus iciendum, modo hominem legarent publica authoritate inſtructum, qui Byzantii rem cum Soltana, Purpuratisque tranſigat. Miſſus eſt Joannes Capellus, vir literis, ingenii facilitate, quæque prima Legati laus, prudentia, & rerum uſu; nam hoc munere jam, functus erat, præſantiſſimus. Sed perpetua illa Veziriorum aut cædes, aut mutatio, legationi plurimum obſuit. Achmetes recenti dignitate Vezirii decoratus, elatioribus animis Capellum accepit, quam Reſpublica putarit, ſtatimque a primo congreſſu patuit, negotium pacis ut cœptum, ita pariter abruptum eſſe: adeo diſſidentes inter ſe conditiones pars utraque in medium attulit. Venetus poſtremis his annis plerumque victor, ſine ambagibus Candia inſulam cum omni præſidio reddi poſtulavit. Eam niſi reſtituerent, pacem conſeri non poſſe. Si vel bellum infeliciſſimum fuerit, haud plus amittendum, ac Ottomanis pene devicti ſibi vindicare volunt. Libera dictione præter modum irritatus Vezirius, Capellum Conſtantinopoli exeſſe jubet. Galliæ Orator, quo placaret hominem arrogantem, multa humanitate pro Veneto interceſſit, literasque Mahometis nomine ſignatas exhibuit, quibus Capello facultas facta, Byzantium & veniendi, & morandi. Nihil inde pacatior, factum luculentius patefecit. Legatum Adrianopolim abripi jubet, ac in cuſtodiam detrudi, quod auſus fuerit potentiſſimo terra, marique Monarchæ pacis conditiones præſcribere, qua confidentia abominandum dedecus toti ubique Imperio inuſſit. Nihil deinceps de pace actum; pro Capello tamen cum Rex Galliæ, tum Reſpublica per ſuos Oratores egerunt; ægre anno inſequenti libertatem conſecuto.

Verum improſpere obita legatione, rerum pertæſus in morbum incidit, turbidusque veluti mente mota in ſemet ipſum ferrum diſtrinxit. Coalito ſubinde vulnere, poſt aliquot annos inter multiplicia ſaſtidia ſuperbiſſimæ aulae fato conceſſit. d) At Vezirium mors celerior abripuit. Ut a Venetis alieniſſimo fuit animo, Legato in carcerem conſecto, ad expeditionem in eos ſuſcipiendam ſemet accinxit, qua & privatum ſuum odium, &

-publi-

a) Ex Nano, & Ricautio. b) Scyruſ inſula maris Ægæi. c) Epidaurus, ſive Malveſia, urbs Peloponneſi. d) Anno 1663. Reſ deinceps Venetas Conſtantinopoli curabat Ballarinus.

publicas Turciæ injurias ultum iret. Addiditque post jactatas minas, se A. C. universi certaminis aleam tentaturum, & bellum diuturnum unius prælii 1653. fortuna absoluturum, modo Veneti certamen ineant. Posteaquam classis instructa stabat, difficili provincia deterritus, vario curarum æstu fluctuare visus est. Modo stimulatus ira, & gloria, compellere militem in navigia, modo se Ducem expeditionis venditare; modo reputare secum, famæ, gloriæque periculo proximum fore, si maritima pugna, QUAM tempestates sæpius infelicem reddunt, quam hostium vires, decernendum fuerit. Itaque tutiora præ incertis amplexus, alterum expeditionis Ducem instituit. Mutatum consilium, Purpuratis materiam criminandi dedit, quasi ignavus, bellicque imperitus, de industria se præfecturæ subducere vellet. Nec pluribus opus erat, quo hominem affligerent. Vezirii munus Mahometi, cognomento Dervis, cedere jussus, paucis post diebus strangulatur.

Interea Franciscum Barbarum, quem ad Hellepontum frænandum Fosculus reliquerat, cibarium penuria, & dulcioris aquæ, stationem suam deferere adegit. Classis Turcica in altum provecta, cum sollicita vitaret pugnam, mutato subito cursu Rhodum intravit. Fosculus cum Melitenisbus insecutus fugientem, diu obsessam tenuit in portu Rhodio, firmo, ac omni machinarum genere munito. Istud obsidium nemini magis, ac Cussaini nocuit; nam erecto munimento ad Candiam edomandam, rursus suas copias urbi admovit, certa spe obsessorum pertinaciam infringendi, si suppetiæ missæ advolassent in tempore. Frustra iis expectatis, militem suum in spem meliorem servaturus, castra deseruit. Hæc Cussainis cessatio minime propitiis auris Byzantium delata fuit. Purpurati perinde, ac maledicum vulgus, classis in portu Rhodiorum hærentis desidiæ, amaris salibus tradebant; missique celeres nuncii ad Præfectum, ut tandem incœptum cursum prosequatur in Candiam, & post tot elapsos, nullo operæ pretio, menses Venetis occurrat; secus susceptos pro Candia belli labores, una hac inutili mora eversum iri. Eo convicio everberatus Præfectus, intendentibus se primis tenebris e portu erumpit, ac rectè oram Canææ accessit. Facta excensione tribus millibus armatorum, Selinum A) præsidium aggreditur. Cives populationem veriti, si resisterent, salvis fortunis libertatem pacti, locum barbaris dedunt.

Sed mox cum Gubernatore suo, Zacharia Calvo, Constantinopolim deportati, fidem Turcicam suo malo experiri debebant. Fosculus sive tempestate, sive rerum penuria prohibitus, non nisi duodecimo die post, quam Selinum cecidit, in Candiam appulit. Hic intellecto, Ottomanorum classem Byzantium abiisse, Malvasiam, sive Epidaurum obsedit. Cum Venetus intrepide vim pararet, Turcæ rebus suis, quo loco essent, æstimatis, urbe excedunt non sine clade victorum. Nam igniarium fomitem, cuniculis multo pulvere fartis, admotum, ita temperarunt, ut non ante pestem illam incenderet, quam Veneti fraudis securi, urbem intrarent. Cognita barbarorum fuga, læti pedem inferunt in urbem; sed repente soluti cuniculi horrifico fragore, inter stragem hominum, tectorumque concreperunt. Centum quinquaginta militum, lapidum strue obruti, longe plures mutilati (magna utique clades in ea paucitate copiarum) omne consilium Fosculo excussere. Infortunium istud virum cæteroquin militarem adeo prostravit, ut deserta Epidauro, nec expectato Ludovico Leonardo Mocenico B) successore suo, semet abdicarit præfectura classis, minime invita Republica.

Habuit Ludovicus æmulum Amurathem indole præfervida, ac mar- 1654. tiali, e Budensi præfectura evocatum. Uterque quantum ingenio, viribusque valeret, expeditionibus variis, iisque perarduis jam antea exprompsere. Præsenti anno MDCLIV. Amurathes ad Helleponti angustias cum Josepho Delphino, qui vicaria potestate classi præerat, concurrat, & quid in hoste animi, ac virtutis esset, acerrimo prælio periclitatus est. Venetus

E 3

contra-

A) Chronicon Saracen. Selinum vocat. B) Nanus L. VI.

A. C. contractis undique navigiis prior eas infedit, arctisque custodiis omnem
 1654. exitum præcludit. Puduit Amurathem, in conspectu Byzantinorum se veluti captum teneri, & nondum tentata belli fortuna, in triumphum duci cavillationibus populi, qui ab acervis cæſorum hostium, excidioque urbium Ducum magnitudinem æſtimare ſolet. Interim a congreſſione ſolicite abſtinuit, incertum prælii exitum, comparationemque fugiens, NE SEMEL victus, perpetuo deinceps inferior haberetur a ſuis. At Mahometes non tam ætate, aut Purpuratorum voluntate, ſed una regnandi dulcedine, res Imperii gubernare aggreſſus, A) ubi Venetos mari Ægæo dominari, Hellespontum fræna injeciſſe audivit, increpita Amurathis mora, feſtinare illum, ſolvendæque faucium obſidioni adhibere vim omnem, ac celeritatem juſſit, addito terrore; ni manus conſerat, & vincat; pœna capitis dedecus luiturum. Ut ſecuritati ſuæ conſuleret Amurathes, præſenti animo ſe ad pugnam comparat. Navigia majoris, minorisque formæ numeravit tria, & ſeptuaginta, omni inſtrumento bellico apprime armata. Præter nautarum agmina, milites, Præfectos maritimis præliis exercitatos, claſſi impoſuit tanto delectu, ut nemo ambigeret de victoria.

Inter Præfectos eminuit Africæ Begus, qui anno ſuperiori claſſe ſua in portus Byzantinos ſubducta, maritimo hoc bello ingentem nominis famam apud Turcas collegit. Huic poſt Amurathem ſummum imperium, poteſtasque utriuſque claſſis commiſſa fuit. Supra validiſſimam claſſem, & numerum pugnatorum, erat alacritas omnium, & cupido cum hoſte conſigendi, maxime ob tranſugium Georgii Bianchi Veneti, unius navigii Gubernatoris. Hic liberioris vitæ cupiditate ad hoſtem deficiens, quid in Venetorum ſtatione firmum eſſet, ac debile, quantum copiarum cenſerent, aut expectarent, quæ navigia incendium veherent, qua parte maxime cavendum, multa accuratione Amurathi prodiit, ut adeo Venetorum vires, designationesque veluti ſuas in numero haberet. Hæc res acri incitamento fuit, ut abruptis morandi cauſis, ad Hellespontum claſſem appelleret. Illuſcente ſexta decima Julii anchoras attolli jubet, incitante vento navigia. Veneti viſa alacritate Turcarum, ac robore claſſis, ſatius exiſtimarunt, in maris aperta recedere, & bipartita claſſe libere cum hoſte decernere, quam inter faucium anguſtias, ubi e litoribus infeſtari potuiſſent, manifeſto discrimini ſemet objicere. In eo reſeſſu Antonii Capodiliſtæ navigium, primam pilarum tempeſtatem fortiter excipiens, dum a claſſe avulſum pugnam conſerit, multitudine hoſtilium navium circumventum cum claſſiariis capitur. Ante fauces multo ardentius Daniel Morofinus prælium ciebat. In iſtius navim aggreſſionem parabant Africani; ſed quod ex ea veluti e præalto caſtello in ſubeuntes Africanos, ſine intermiſſione fulminaretur, minas, atque terrorem in aggreſſores ſpargebat.

His repulſis, anguſtias inveſta, Turcicam momento expugnat. Cum Africani in eripienda illa, omnes vires perderent, ira accenſi, in captivam navim ignem conjiciunt. Ea quaſi ſenſu ultionis ageretur in victores, incendio corripit Morofini navigium, ac pulveraria peſte ſuccenſa, ſtragem undique edit. Daniel Morofinus in mare ejeſtus, fumo proſpectum interceptante, ad inimicas naves ignarus enatavit. Cæteri aut merſi, aut combuſti, aut eandem cum Gubernatore fortunam habuere. Eodem tempore Franciſci Morofini maximæ molis navigium, quatuor Turcicæ circumſtitere. Quoad Morofinus munere ſuo fungi potuit, eminus ſolum impetebatur. Eo, iſtu minoris pilæ cadente, nautæ, militesque conſternati, juſſu Delphini in aliud navigium tranſcendunt. In prætoriam deinde vaſtam, atque iſtuum capacem, globo non aberrante, rabies Ottomanorum detonuit. Jam malo diffracſo, antennisque diſcerptis, procelloſo mari regi non potuit. Ad litus delata, & operarum feſtinatione reparata, ruruſum in prælium redit. Non alias pertinacioribus animis certatum a Venetis. Mutuo
 data,

A) Philippus Brietius e S. J. in Annalibus Mundi, anno uno ſerius Mahometem IV. moderari coſpiſſe Imperium, adnotavit. Plerique Hiſtoricorum mecum faciunt.

data, acceptaque fide singuli semet obstrinxere, prætoriam extremis viribus A. C. defensuros, ac ante flammis daturus, quam ut hosti dederent. Magnani- 1654. ma dicta fortibus factis comprobarunt. Hostilem navim, quæ prima occurrere ausa est, non sine cæde Janicsarorum occupant. Admotæ continuo quatuordecim Turcicæ, pro laceris exuviis strenue dimicant. Delphinus a fronte, a lateribus clausus, majorum, minorumque machinarum copia aggressores repellit, & nunquam intermissa jaculatione, prope fatiscentem prætoriam in Ægæum mare altius propelli jubet, quo se reliqua classis initio statim certaminis receperat. Tale fuit Hellepontiacum prælium, æquo fere Marte pugnatum, utrinque multis laudibus Ductorum celebratum, & si pluribus locis coeptum fuisset a Venetis, illustri victoria omnium æstimatione terminandum.

Amurathes, ut erat ambitiosissimus, magnifice victoriam sibi attribuit, quod Christianos ab Helleponto depulerit, contempta jactura militum, nautarum, & navium. Constat Janicsarorum, desideratos mille quingentos, totidemque fere nautarum; tria navigia incensa, quinque tormentorum globis lacerata cum prætoria. Ipse brachium leviter trajectus, non audebat Delphinum persequi, cujus prætoriam si expugnasset, rectius victoriam cecinisset. Et parum aberat, quin ei in prædam cesserit. Nam & multitudine, & agilitate navium vincebatur, inque medio hostium deserta, sola omnem procellam diu sustinuit, non sine suorum jactura. Universo certamine periverunt e Venetis centum sexaginta partim milites, partim nautæ, præter eos, quos incendium, aut mare hausisse diximus. Patefacto Helleponto, circa solis occasum in Trojanum portum agmina suarum navium subduxit Amurathes, inde Mitylenen, Chium insulas petiit, acceptisque novis legionibus Byzantio, Ægæum mare percuravit. Posteaquam Candia loca sufficienti præsidio, & commeatu instruxit, vario cursu Venetorum classem fatigavit, evitato omni congressu. Equidem Mocenicus, maris Imperator, fugientem perpetuo infecutus, immenso sane aquarum tractu, Cretam, Rhodum, marisque Ægæi insulas circumvectus, maritimo prælio decernere ardebat. Verum ille contentus fama Hellepontiaci certaminis, & Candia recreata, Constantinopolim rediit. Mocenicus non multo post bellicis laboribus fractus in urbe Candia, quam aliquot annis defenderat adversus Cussainem, ingenti omnium mœrore diem supremum clausit. A)

Per eosdem fere dies repentina morte obiit Mahometes Vezirius. 1655. Cui demandaretur provincia, multum deliberavit Mahometes cum Soltana, eaque procrastinatione auxit in dies, & numerum ambientium, & aliorum sermonem. Duo toto Imperio clarissimi habebantur, Ipsir, & Amurathes; hic classis Ottomanicæ, ille Hierapoleos Præfectus. Versabatur in oculis, votisque militum Amurathes, gubernatione Budæ, & nunc universæ classis conspicuus. Accedebat recens ad Hellepontum dimicatio, qua & Venetos superatos, & Candiam insulam fame, hoc est acriore intus hoste laborantem, inducto commeatu, ab intestina illa obsidione liberatam fuisse, unius Amurathis fortitudini tribuebatur. Sed altius invecus, popularibus auris sua vela permisit Ipsir. Spahiorum partes, jam inde a morte Ibrahimi, clam sustentare, ac perniciosi consiliis alere videbatur; unde ad eum maximi concursus equitum fiebant, quos partim in Janicsaros, partim in aulam Byzantinam armabat. Conciliarunt viro auctoritatem ingentes divitiæ, innata comitas, qua totius Syriæ populum sibi mire devinxit. Has gubernandi artes formidavit magis, quam amavit Mahometes; ne videlicet ultra privatæ fortunæ modum elatus, Syriæ dominationem invaderet. Injecit acriorem suspicionem, solitudinemque Soltana e veteri odio, quo in equitum ordinem flagravit: *Ipsiris, ajebat, auctoritatem excessisse ministri modestiam; illius potentiam prope parem esse Imperatoriæ; in Syria novum Imperium sibi, familiæque suæ fundare: cinctum perpetuo equitum turmis, nobi-*

A) Ludovicus Leonardus is erat. Complures hujus nominis, summas in Repub. Veneta dignitates gessere.

A. C. nobilitate Syriae: adesse illi artes non vulgares, quibus seditionem conflet: 1655. populum juxta, ac militem attrahat.

His, atque aliis permotus Imperator, ut ne hominis potentia dissimulando firmaretur, rebus adhucdum integris, decrevit, mature illum Syriae subtrahere, specieque amplioris dignitatis in aulam revocare. Ipsir, ut erat aulicarum artium non incallidus, propinquum sibi fatum praefagiit. Sed ALIORUM scelere perire maluit, quam sua conscientia reus videri. Itaque abdicata praefectura Syriae, cum formidando comitatu Byzantium A) accedit; plerisque non satis expedientibus, quo nomine haberent Ipsiris adventum. Nam nec obsequium detrectare videbatur, qui tam festinato provincia decessit, nec obsequii speciem praeferebat tanto armatorum numero cinctus. Mahometes Imperator, ut suspiciosum a turbidis consiliis averteret, propius jam factum urbi, post officia, venerationesque, quas veluti hamum, quo caperetur, large per suos praestitit, adeo illum pacatum reddidit, ut dimisso exercitu cum pauca manu suorum Byzantium intrarit. Post paucorum dierum regimen in ipsa aula, dum de Veneto bello consultat, subito strangulatus interiit. Imperii sigillum accepit Amurathes; praefecturam classis, Mustapha; uterque bellicosi, & nativo Venetorum odio nutriti.

Interea Franciscus Morosinus a morte Mocenici classis Venetae Gubernator, duobus praefidiis B) expugnatis, ad custodiendas Hellepontis fauces festinat, atque in utroque litore capta statione, praegrandibus navigiis omnem exitum praestruit. Mustapha comparatus ad praelium, posteaquam triduo ante castella in anchoris stetit, vigesimo primo Junii, tempestate navigationi percommoda, omnibus viribus in apertum pelagus erumpere contendit. Veneti ut bipartito classem habuere, explicatis velis venientes, tanto animorum ardore excipiunt, ut post sex horarum certamen; undecim navigia flammis corruperint, novem merferint, tria cum grege vectorum ceperint, quae in monumentum victoriae Venetias sunt missa. Aegre elapsus in Phocaeam Mustapha, ibidem male affectam classem reparavit, nihilque in Venetos tentare ausus, opinione celerius in hyberna Constantinopolim discessit. Hostium discessu alacriores Veneti, Epidaurum nobilem urbem Moreae obsedere, ubi Fosculum ante biennium cladem accepisse meminimus. Spes ingens Morosinum incescit urbis capiendae. Nam & Pontificiae naves, & Melitenenses operam certatim contulere. Falsus praeterea rumor vulgavit, praefidiariis neque animos, neque diuturnae defensioni suffecturum frumentum adesse, brevique deditionem sponte oblaturus. Sed omnia meliori loco erant, atque nuper. Melitenenses taedio longioris obsidii fatigati, primi in patriam solverunt, dein Pontificii; denique appetente Octobri ipsi Veneti Candiam suam laeti victoria revisunt.

Constantinopolis ut aliis annis, ita & praesenti, seditiones, & turbas vidit. Ipsiris filius audita parentis caede, aucto immensum odio in Byzantinam aulam, turbidus, atque in ultionem intentus, veteres patris sui clientes ad arma excitavit; hoc uno laetus, quia cogi videbatur injuria tam palmarum. Hassanes quispiam, oborto recens incendio oleum affudit, datis ad Mustium literis, quibus iniquissimam caedem Ipsiris, Mahometi, Soltanaeque inprimis oggessit, perstricto etiam Amurathe Vezirio, cujus invidia patratum scelus multis contendit. Ad haec, quo Manes innocentis placarentur, Amurathem ad supplicium rapi postulavit; secus multorum funeribus, unius morti litaturum se, minaciter perscripsit. Jamque in Natoliae provinciis omnia civili bello ardebant, Ipsiris filio, ac Hassane authoribus, quodve sollicitudinem auxit Mahometi, ipsam Constantinopolim, volitantes scintillae corripere.

Suppe-

A) Ricantius scripsit quadraginta armatorum millibus cinctum fuisse. B) Nanus Egenam, & Volonem ea appellat. Verus L. VI. Aeginam in sinu Saronico, & Vollum, urbem Thessaliae, in litore positam ait. Addit Franciscum Maurocenum classis curatorem dicta praefidia cepisse; & Lazarum Mocenicum ad fauces Hellepontis, adversus Mustapham victorem fuisse,

Superioris anni clades ad Hellepontum accepta, plebem perinde ac A. C. milites, diuturni belli incommodis fessos, pacis desiderio accendit. Bel-1655. larinus, Capello a secretis, eam occasionem minime prætermittendam ratus, author fit pactiones resumendi, sperans in ea rerum conversione, quod semel, iterumque frustra tentatum, exitum habiturum meliorem. Candia vix coeptum negotium, momento abruptit. Ea re vehementius exacerbati milites, urbem seditiosis vocibus complent, factioneque firmata, ærarium Imperatorium effringunt, ac veluti laborum suorum præmia, illud diripiunt. Amurathes Vezirius utriusque tumultus origo habebatur, quo sublato, nemini dubium erat, seditiosos ad obsequium traductum iri. Loco motus, dum proficiscitur Damascum, in itinere extinguitur non sine suspitione veneni. Sed non propterea quies est urbi reddita. In alterum annum tenuit seditio, tanto pertinacior propositi, quanto iustiores causas tumultuandi aula dedit. Soltana arreptum semel dominium ægre dimissura, muliebri ambitione negotiis Imperii se ultro immiscuit, Mahomete connivente, in eoque defudavit plurimum, ut exauthoratis potentioribus Purpuratorum, novos ministros sibi per omnia obsequentes, aulæ daret. Inde nihil omisit, quo invidia crearetur iis, quos suis machinationibus obstituros existimavit. Et promptum erat, invisos præfecturis deturbare, & vita, eo temporis, quo summa miscebantur imis Byzantii. In Cussainem Candiaæ Præfectum novas calumnias, nova ex sua officina tela detorsit, quorum crebritate nonnihil de fama viri apud Mahometem deterfit, non item apud militare vulgus. Mens erat Mahometi, hominem Byzantium evocare, ubi inter honorum, voluptatumque illecebras celeriori fato periret. Istud seditioem longe atrociorē suscitavit. Rursum in interiora aulæ a Janicariis irruptum, cædes patratae Purpuratorum. Soltana vitam debuit Imperatori. Ut tandem a rerum novarum studiis abstractos, ad tranquillitatem turbida capita traducerentur, Cussaini prorogatum est Candiaæ imperium, Vezirio proclamato Mehemete Kiuperle, viro annis, gestisque muneribus gravi. Hujus moderatione brevi urbs Byzantina respiravit. A)

Hoc eodem anno MDCLV. insigni animorum conjunctione fœdus coaluit inter Christianos, quos olim Turcarum potentia armis oppressit. Juvat rem altius repetere, & plurium annorum molitiones unum in conspectum dare, ne illustrium virorum generosi conatus intercidant; & bellum deinceps Venetum continenti narratione decurrat. Imperatore adolescente rerum potiente, Turcicus miles in omnem licentiam effusus, in Bulgaria, Servia, Albania Christianorum fortunas invadit, rapinis, cædibus oppida miscet, omni hostilitatis genere amicas regiones divexat. Nemo unus Præfectorum erat, qui protervitatem imperio, ac poena frænaret, seu ipsi prædis immisti, seu ex veteri odio in nomen Christianum, furenti ultro indulserint. Injuriae quotidie augebantur, ut fieri amat in provinciis bello captis, ac religione diversis; neque spes affulit miseris benignioris fortunæ. Igitur nobilissimi civium publica, privataque calamitate permoti, consilium habent inter se, B) statque communis omnibus, eaque generosa sententia: extrema omnia tentare, aut perpeti potius, quam dirissimam Ottomanorum servitutem servire. Animosi adeo decreti præcipui auctores fuere Petrus Parchevicius Archi-Præsul Martianopolitanus, C) sinceræ Religionis studiosissimus, ex illustri Kneſeviorum D) Bulgariae gente prognatus. Cyrillus Metropolitæ Ternovæ, E) atque Constantinopoleos Ex-Patriarcha, e vetusto Spanorum sanguine originem trahens. Parthe-nius Constantinopolitanus Patriarcha cum Gabriele itidem Serviorum Pa-

Imp. Ottom. Tom. II.

F

triar-

A) Nanus L. VIII. & Ricautius. B) Anno 1655. C) Martianopolis a Trajani Imperatoris Sorore sic dicta, urbs inferioris Moesiæ, quæ hodie Bulgaria est. D) Pervetusta stirps Kneſeviorum in plures ramos diffusa est, Parchevicios, Pejachevicios, Tomagiuos, Zerkitzios, muneribus gestis clarissimos. E) Ternova, seu Ternovum civitas olim Archi-Episcopalis, & Regia Bulgar. Inspecte Illyricum P. Jacobi Pejachevicii, e S. J. nunc recusum in Tomo III. Scripturum rerum Hungaricarum.

A. C. riarcha. Accesserunt huic foederi Principes utriusque Valachiae, quos ve-
1655. teres injuriæ in Turcas stimularunt. Circummissis subinde literis, atque
nunciis, primores Bulgaros, Servios, Albanos, Græcos, quorum auribus
res tuto committi potuit, urbiumque aliquot magistratus, Vaivodatum Chi-
provazensem A) cum ternis, ut vocant, Capitaneatibus suis Copilovazensi,
Selesno, seu Ferrara, ac Clissura, in societatem armorum traxere.

Ut cœptæ molitioni pondus adderent, ad arma Principum extero-
rum respexerunt. Omnium suffragio, qui legatione fungeretur apud Fer-
dinandum III. Cæsarem, delectus est Parchevicius. Et par erat tanto mu-
neri. Quippe varia, intimaque doctrina, sed solerti inprimis facundia,
exquisita comitate, sagacitate, & quadam oris majestate conspicuus; varia-
rum linguarum B) notitia nobilis, magnorumque negotiorum vetus. Per-
arduum iter ingressus, post longa viarum tædia Viennam tenuit. Acce-
ptus perbenigne a Ferdinando, calamitates Bulgarorum, & gentis Christia-
næ Turcarum potentia attritæ enarrat, atque studium suorum popularium
avitæ libertatis recuperandæ patefacit. *Posse, aiebat, c cervicibus Bulgariae
Ottomanorum jugum dejici, modo majoribus copiis in Hungaria, Croatia,
præsidia Turcica impetantur; arma arrepturos fœderatos Christianos in ava-
ros Dominos, si Cæsar fœdus amplectatur, & stato tempore hostium vires a
fronte distineat. Ardente alioqui bello Veneto in Asia, Ottomanos haud du-
bie impares fore Confœderatorum viribus.* Cæsar collaudata Oratoris indu-
stria, operam suam Bulgarorum votis addicit, simulque pollicetur, adnisu-
rum se, ut pacato septentrione Principes Christiani socialia arma conjun-
gant. Eo temporis C) Gravissimo bello involuta fuit Polonia, Carolo Gu-
stavo Sveciæ Rege, & Rakoczio Transylvaniæ Principe omnem regionem
vastantibus. Uterque interpellatus est a Ferdinando, dein a Leopoldo per
Legatos, quo pax confieret. Ipse Parchevicius D) (tanta fides Præfui in
aula habebatur) ad Joannem Casimirum Poloniæ Regem, & Boguslaum
Chmelnizkium E) Cosaccorum Zaporaviensium militiæ Ducem ablegatur,
istudque potissimum in mandatis accipit, ut Regem cum Senatoribus, &
Chmelnizkium cum Repub. in amicitiam pristinam reducere adlaboret, fœ-
derique Christianorum innectat. Horum accessione Bulgariam respiratu-
ram existimatum est. Imperatoriis literis instructus, dum Poloniam petit,
ab aula certior redditur; Ferdinandum extinctum; F) simulque a Leopoldo
telam cœpti fœderis pertexere jubetur Legatus. Interim Gustavum se-
ptentrionis turbinem mors oppressit, & non post multo ad Gedanum in cæ-
nobio Olivenfi pax confecta est Svecos inter, & Polonos. Parchevicius
apud Casimirum Leopoldi, atque orientalium Christianorum desideria ex-
plicuit, facilemque reperit Regem. Præterea Chmelnizkio, qui ad Sve-
cum suis cum copiis transferat, ut dignitas, & antiqua jura Cosaccis in in-
tegrum restituerentur, feliciter evicit. Post perbreve moram, Cosacco-
rum Ducem adit, utque in Ottomanos junctis viribus cum Polonis inposte-
rum agat, persuasit. Sed homo inquires, non post multo fidem exiit.
His ex animi sententia peractis, ad Leopoldum redux, egit ut deinceps majo-
ribus animis in Turcas bellum susciiperetur.

Desudante hunc in modum pro re Christiana Parchevicio, Bulgaro-
rum molitio pene detecta est Byzantii, & velut in cunis præfocata. Par-
thenius Constantinopolitanus Patriarcha, seu dederit ad Christianos Princi-
pes, seu ab iis acceperit literas, Ottomanis mire oculatis, ac in omnia in-
tentis, suspicionem movit, quidpiam agitari in perniciem Imperii. Acci-
tus in judicium ab urbis Præfecto, etsi minime convinci posset, tristi sup-
plicio affectus est. Emanavit tandem, nescio quibus indiciis, ad Turcam
Bulga-

A) Hæc provincia ad latus septentrionale montis Hæmi protensa est. B) Græci, Latini, Itali, Bulgarici, Valachici, Armenici sermonis peritissimus fuit. C) Anno nempe 1656. & 1657. D) In Diplomate a Ferdinando III. accepto die 10. Januarii anno 1657. ob sua, suorumque Majorum merita, Consiliarii dignitate donatur. Andreas Patchevicius jam olim Legati munere semel, atque iterum functus est apud Reges Hungariæ. E) De hoc Duce, ejusque filio plura dabimus sequentis annis. F) Anno 1657. die secunda Aprilis.

Bulgarorum conspiratio. In eos sævitum est barbare. A) Multi e vestigio A. C. obtruncati, multi carceribus conclusi. Alii patriis sedibus relictis in Hungariam, vicinasque provincias fugam maturarunt. Vaivodatus Chiprovæ populationem, & stragem grandi pecunia, & muneribus restinxit. Accessit Soltanæ favor, cujus tutelæ, sive dominationi e veteribus pactis subiectus erat Vaivodatus, ne avitis privilegiis exueretur, aut sub idem cum cæteris Christianis jugum adigeretur. Ne quid deinceps molirentur Bulgari, firmo peditum præsidio, regio infesta est. Arripuerunt tamen arma, ubi Leopoldus Serviam victoriis perterruit. Qua fortuna, ac exitu? ad annum fere millesimum sexcentissimum octogelimum octavum sermo recurret.

Cum ab Asiæ turbis, Hellespontoque procella tranquillitati Byzantinorum impenderet, exercitus novos conscripsit Kiuperlis Vezirius. In Asia duorum mensium spatio, Hassane cæso debellatum fuit. Ad Hellespontum longe alia rerum facies. Laurentius Marcellus Archithalassi honore, Reipublicæque de se iudicio lætus, per hyemem in Candia exciendis copiis, paratibus faciendis, circumspiciendis hostium consiliis dimoratus, appetente vere Hellespontum, veterem illam, & multo cruore aspersam arenam, repetit, firmataque more superiorum annorum utraque maritima ora, strenuus evigilavit, ut ne inimica classis elaberetur. Sinan Turcicarum navium Præfectus, jactis aggeribus ad Dardanellas, tormentaria quadam velitatione stationes Venetorum triduo infestat: tum vigesima sexta Junii sole oriente ad manus ventum. Extracto in meridiem certamine, ventus, qui hostium classi favere videbatur, repente mutatus, in eorum perniciem cum Venetis conspiravit. Non alias nobilior victoria eo in loco de Turcis reportata. E septem, & nonaginta navigiis, non nisi octodecim cum Sinane Constantinopolim evasere, reliqua aut igne cremata, aut mersa fuerunt. Cum strage navium decem millia interiisse Scriptores meminere, non adnumeratis quinque millibus Christianorum, quos pristinae libertati restituerunt victores. Veneti præter navim Lazari Mocenici, oculum trajecti, & tercentum cæsos, totidemque vulneratos, Marcellum classis Gubernatorem, maximo omnium luctu inter mortuos numerarunt. Is dum ante alios Dux idem, & miles, capto jam uno navigio, alterum impugnat, tormenti globo percussus cadit, subitoque a Joanne Marcello Legato suo, tectus pallio, ne jactura Ducis militem consterneret, calente adhucdum pugna animam egit. Respublica cum victori non posset, fratribus, nepotibusque illius amplissimos honores decrevit. Mocenicus, ut erat nobili plaga cruentatus, cum captis spoliis, victoriæ nuncius Venetias advolavit, præmiis pariter ex cultus pro merito virtutis suæ. Fama prosperi certaminis per aulas Principum propagata, ut fieri amat, modo hostium jacturam auxit, modo minuit, & Scriptores in diversas opiniones distraxit. Sed quidquid famæ serpenti detulerint isti, Ottomanici cladem certe magnam pronunciarunt, dum classis interitu percussa, in unius Byzantii defensione, spem omnem posuerunt. Auxit terrorem incertus rumor, Venetos propediem obsessuros urbem ab annona, ac milite male instructam.

Tum vero deliberatio extitit momenti maximi, Byzantio excedendum Mahometi, an cum obsidendis civibus ultima perpetienda? verum dissensiones inter Venetos enatæ, brevi omni metu, atque periculo urbem liberarunt. In consilio duas in sententias abiere præcipui Gubernatores navium. Plerique *victoriæ insistendum*, aiebant, *quidquid obstat difficultatum, castella, Hellesponti fræna, expugnanda, fugientium tergo protinus, & e vestigio inhærendum. Viam jam esse stratam ad exscindendum Imperium; in una urbe omne robur formidandæ monarchiæ everti posse.* Alii *validis stationibus firmanda Hellesponti claustra; occlusa hac Ottomanicorum auxiliorum janua fore, ut tota Candia in victoriam aperta ad veteres suos Dominos redeat. Vela dein flectenda in Egæi maris insulas, posse non longo temporis*

A. C. *spatio multas earum impetu expugnari.* Atque hæc sententia vicit. Melitenſes, ſive quod inter eas ſimilitudines improſperos exitus reformidarent, ſive quod renuerent privatis navium Præſectis ſubefſe, ſeceſſionem fecere a Venetis. At Alexander Borrius, relictis ad Hellespontum aliquot navigiis, ad Tenedum inſulam oppugnandam, reliquam claſſem convertit. E vicinis tormentis, ſex mortariis arx vehementiſſime verberata, arduam non minus, quam diuturnam oppugnationem feciſſet, ni candefacta pila in pulverariam turrim delapſa, ingenti præſidiariorum ſtrage edita, deditionem maturaviſſet. Octingenti pedites arce egreſſi, inſulam Venetis tradidere. In Lemnum deinde victores tranſmiſere, qua capta Samothracen, Ægæi maris inſulam, tantus terror, falſusque de hoſtium potentia rumor occupavit, ut certatim incolæ cum obſidibus, atque tributo, quod forte per feſtinationem corradipotuit, ſpoliandos ultro ſe offerrent, nedum ut ad inſulæ deſenſionem quicquam arma capere auderet. Subactō eo tractu inſularum, Byzantium maris dominium amiſſe videbatur, id quod populum in novas turbas coniecit. Mahometi fratrem Solymanum ſurrogare clandestinis conſiliis machinabatur; verum re mature detecta præcipui authores, Janicsarorum Aga, Muſſius, alique non pauci, conſpirationem male cohærentem capite luerunt. Sinanem infauſtæ expeditionis Ducem benignior ſors reſpexit. Maris præſectura exutus, Eubœam adminiſtrandam accepit. A)

1657. Mahometes composito Byzantinorum tumultu, creatisque novis Præſectis militum, & claſſis; adornandis navigiis animum intendit eo ſtudioſius, quo nuper luculentiori clade affectus ad Hellespontum, majoribus ſubſidiis, viribusque opus erat, ne victores vel faucibus ſuperatis, urbem Imperii circumvallent, aut tota Candia Cuſſainem, paucis militibus accinctum, proturbent. Venetis in longe diverſas opiniones abeuntibus, neutrum poſtremo tentare placuit; ſive quod vaſtæ, diſjectæque urbi obſidendæ apparatus impares haberent, & bina caſtella utrumque litus munientia aditum negarent; ſive quod Turcas Cretenſi inſula alioquin depulſum iri putarent, ſi occupatis vicinioribus inſulis, quas ſubinde diviſa claſſe infeſtarunt, auxiliares perpetuo arcerent. Hæc Venetorum inutilis, ut eventus docuit, navigatio, moram conceſſit Mahometi & urbem muniendi, & claſſem extruendi, qua viſa non jam propulſandum, ſed inferendum bellum exiſtimarunt Byzantini. Acceſſit, quod Hellesponti cuſtodes morarum pertæſi, in amœniores Aſiæ inſulas abierint, contra ac Borrius, alique Veneti Duces ſtatuerant; quo hiatu animadverſo, Ottomanica claſſis anno MDCLVII. menſe Martio, Topale Archithalaſſo, Tenedum verſus vela dedit, eam inſulam invaſura, niſi adverſa tempeſtate in Rhodum compulſa fuiſſet. Interim Lazarus Mocenicus Venetorum Imperator, vir ſummi conſilii, fortitudinisque, poſtquam Topalem Hellesponto exiſſe intellexit, præſidium immiſit Tenedo, ipſe vero in Chium inſulam propere navigavit. Eo in portu præter opinionem, hoſtium claſſiculam offendiſſet, Rhodiorum tributo, mercibus, annona onuſtam. Ignaram adeo vicini periculi aggreſſus, momento vincit. Decem navigia concremat cum mille Turcarum; aliquot capit cum quadringentis Turcis, & divite non minus, quam numeroſa ſupellectili. Quæſtuosa victoria, mirum! quantum ardorem auxerit in milite. Et Mocenicus ardore hoc, dum ſpe calerent, uſurus, toto impetu in claſſem inimicam ferebatur. In Rhodum iturus, Algerienſes naves' repentinò certamine adortus, fœdiſſima clade diſjicit. B) Topal non explorato, quanta eſſet hoſtium claſſis, ſatis validam ratus, qualemcunque gubernaret Mocenicus, a congreſſione abſtinuit, ac fugiens fortunam Veneti, nocturnis navigationibus Hellespontum intravit.

Reperit ibi in anchoris ſtantiem Vezirium Kiuperlem cum octo, & quinquaginta navium claſſe. Quippe populus acceptis detrimentis perquam offenſus, vim minabatur Vezirio, ni ipſe belli aleam ſubiret. Expoſito

A) Hoc anno primum factum eſſe Vezirium Kiuperlem ſcribit Nanus, De hoc, & filio ejusdem nominis multa dabit Hiſtoria. B) Nanus L. VII.

sito Constantinopoli Mahometis grandiori vexillo, certatim militiæ nomen A. C. dedere tyrones, ac veteranis permisti, magno usui fuere. Fabricandis præ- 1657. terea navibus, Imperatore operas urgente, diu, noctuque multorum industria impensa est, tanta festinatione machinatorum, ut intra perbreve tempus, classis rebus omnibus instructa, in Byzantino portu conspiceretur. Decimo septimo Julii, postquam Vezirio faustis precationibus pugnantii victorias, redeunti plausum, & triumphum augurabantur cives, armata navigia in Hellespontum appulsa fuere. Mocenicus illustriori victoriæ intentus, universam classem ad Hellespontum pariter agi iussit, certus occurrere utrique Duci, aut in anchoris hærentes invadere. Et jam Angelus Bembus, a Mocenico præmissus, acerrimum certamen contraxerat cum Vezirio, qui tenuitate navium contempta, classem suam in pugnam eduxit. Tribus navigiis merfis, uno capto, Veneti victoriam retulere. Festinabat in auxilium Mocenicus, auditis tormentorum tonitruis, sed colluctatus cum ventis, dirempto jam certamine in conspectum hostilis classis, haud procul Tenedo ante Hellespontum quiescentis, pervenit. Et quamvis obversis illico in hostem proris, præsentis animo militem ad pugnam instrueret, tamen agilitate Turcicarum navium, Hellespontum ingenti trepidatione repetentium, præventus, eo die prælio abstinere debuit; contentus fama, existimationeque sui, qua hosti viribus longe superiori fugam imperavit.

Altero die animadvertit quinque navigia cursum tendere in Hellespontum; eaque continuo insecutus pugnam capeffit. Tormentorum ictibus mutuo certatum fuit, multis cadentibus ex utraque parte. Dum monstrat propius accedendi locum, militemque, qua solebat alacritate, in hostes animat, repentina clade involutus, ingentes spes de se conceptas momento abruptit. Pila A) ingenti pondere ejecta in prætoriam, densissimisque tabulatis perruptis, in pulverariam cellam incidit, qua incensa, cum maxima pernicie mortalium navis discerpta est, atque Mocenicum una in sublime raptum, inter horrendos fragores in mediis deinde fluctibus sepelivit. Nec ideo ferali incendio ob oculos versante, quidquam remisit pugna. Quin imo Barbarus Badoarus, post æquatum aliquamdiu prælium, dolore, iraque vires acuate, usque adeo in vindictam exarsit, ut spreta, quæ ingruerat e navibus glandium tempestate, sollicitatis remis in navigia Turcarum, partem eorum aut deprefferit, aut exusserit. Ita Imperatoris necem ultus, nobilem victoriam retulit, quam tamen Mocenici infortunium admodum tristem fecit.

Milites, ac Præfecti, ut in acie adversus hostem mire concordēs, ita a victoria diversi, incertique, cujus interea ductum, imperiumque sequerentur, in Tenedum navigarunt. Ibi Pontificii, & Melitenses, veluti omni imperio soluti, nulla Christianæ rei habita ratione, post bidui quietem præcipiti navigatione in Italiam redeunt. Badoarus, acri morbo repente oppressus, naturæ cessit, classisque præfecturam Laurentio Renierio reliquit, impari tanto muneri. Vezirius, & Topal fidissimis nunciis minutim edocti, nihil eorum ignorabant, quæ in confusis Venetorum castris agerentur; quæ dissensiones, qui motus, quid uspiam validum, aut infirmum; communi consilio ad Tenedum recuperandam animum appellant. Abeunte classe Veneta, Joannes Contarinus, & Hieronymus Loredanus, sive Lauretanus, Gubernatores Tenedi, hostium adventu perculsi, conclamatis vasis, præsidium, ne usui foret hosti, vi pulverum funditus evertendum statuunt. Sed RARO id quod statuis, recte, atque ordine feceris dominante metu, Vix vulgatum est insulam deferendam, tanta celeritate navigia petierunt milites, ut contempto Præfectorum Imperio, nemo excavandis cuniculis manum admoverit, anchorariisque aliquarum navium rudentibus præ festinatione præcis, non expectatis commilitonibus, e portu solverint. Gubernatorum nomina e Nobilium albo erasa; ipsi perpetua ignominia notati,

F 3

capitis

A) Nanus meminit eadem pila & malum, & antennas prætorix valido impetu dejectas, atque in caput Mocenici impactas, eoque pondere oppressum.

A. C. capitis sententiam, a senatu Veneto latam, voluntario exilio vitarunt. 1657. Lemnos insula, quam occupata Tenedo obsidione cinxit Vezirius, constanter vim hostilem sustinuit, fortiterque exceptis aliquot impressionibus, tandem die duodecimo mensis Novembris, præfidiariis cum libertate, & suppellectili in Candiam deportatis, in Turcarum potestatem redacta fuit.

1658. De Hellesponto aperto, recuperatis duabus insulis, fugata Venetorum classe magnificum triumphum egit Adrianopoli Mahometes anno MDCLVIII. evocatis de industria ad pompam hanc inspiciendam Capello Reipublicæ Oratore, ac Bellarino ei a secretis. Impositum deinde Bellarino, ad Rempublicam perscriberet: *Mahometem in ipso victoriarum cursu haud alienum a pacis consilio esse; satis, superque Venetos jam sentire, de Candia actum esse. Matura deditione Candia, Clissæque impendentem cladem evitarent, & numerata in impensas belli pecunia, pacem utilissimam redimerent.* Venetos multiplex cura, & sollicitudo jactavit; seu pacem respuerent, seu eam amplecterentur, pericula decumana, mercaturæ infinita detrimenta prospectarunt. Pacem, tranquillitatem, evehendis mercibus opportunissimam; omnes cupiebant, sed conditiones a barbaro positæ tantam animorum commutationem exciverunt, ut arma retinenda censuerint, dum victi nobilissima portione, Asiaticæque navigationis præsidio, decedere cogentur. Erat tamen Primorum quispiam, qui longo sermone Candiam cedendam persuadere nitebatur, modo pax firma coalescat. At Joannes Pesarus, nobilitate generis, muneribusque gestis clarissimus, in cœpto bello perstandum contendit, in cujus sententiam omnes abiire. A) Ita pro Candia non minus in curia pugnatum est sententiis, quam terra, marique armis. Posteaquam monstruosæ pacis turpitudine rejecta, bellum senatus consulto decretum fuit, summi, infimique Venetorum æs in commune conferunt ad militem legendum, classemque ædificandam, & veluti ab omnibus deserti, ad universi belli molem sustentandam majoribus animis, ac unquam alias, se comparant. Animosum decretum, dici non potest, quanta approbatione Christianorum Principum acceptum fuerit. Verum quod & aliis occasionibus fieri assuevit, luctantes in mediis fluctibus, otiosa fronte e portu spectarunt. Alexander tamen VII. B) summus Pontifex Purpurati Patres, Melitenenses amicam Rempublicam pecunia, milite juverunt. Non secus Constantinopoli, ubi a Bellarino Venetorum constantia patefacta fuit, ad Candiam perdomandam arma expedita erant, & ipse Kiuperlis Vezirius in insulam transmisisset, nisi in Transylvaniæ Principem, Franciscum Rakoczium ducere maluisset.

Subacta Jenæa, Lugosia, Karansebesia amænissimæ ditionis arcibus, pulsoque Georgio Rakoczio, Ordinibus provinciæ Acatium Barsajum Principem imponit, fœdusque tanto promptius admittit, c) quanto validior seditio Hierapolitani Præfecti Asiam pervasit. Is nimia severitate Vezirii, quod primi nominis Asiaticæ militiæ Ductorem interfici jussisset, offensus, in apertum bellum prorupit, atque ut seditioni speciem honesti indueret, callide fingit; esse apud se Amurathis Imperatoris filium, cujus natalibus monarchia Ottomanica debetur. Sparso, creditoque rumore, ingens armatorum numerus ad personatum Principem confluit. Ut sopiret hos motus Mahometes, omnes industriæ nervos eo contulit. Sed jam eas vires sumperat rebellionis malum, ut non nisi incisione, ferroque curari posse desperaretur. Missus cum exercitu Vezirius, Scutarim, ubi castra seditiosi fixerant, ingenti prælio superatur. Ea clade vulgata, non puduit Imperatorem in rebelles proficisci, suoque ductu bellum conficere. Hierapoleos Præfectus, sive Soltani præsentia exterritus, sive ut illius gratiam exuta pervicacia aucuparetur, arma positurum se pollicetur, modo honestis condition-

A) Utriusque orationem lege sis apud Nanum toties laudatum. B) Anton. Sandinus J. U. D. in Vitis Pontif. Seculo XVII. ita scribit: Alexander VII. Venetam Rempub. laborantem bello Cretico adjuvit pecunia, & milite. Præsto fuit Leopoldo Cæsari in Hungaria & Transylvania eorundem Turcarum impetum ægre sustinenti &c. C) De his agemus, dum res Hungaricas enarrabimus.

ditionibus pax transigatur. Mahometi in occasiones intendenti visum est, A. C. 1658. Ducem bellicosum sine clade suorum opprimere potius, quam incerto prælii eventu de civibus suis victoriam reportare. Morteze, homini audaci, promptoque negotium dat, rebellium caput interficiendi, dum de pace acturus in colloquium veniret. Id cum in præsentia numerosi exercitus plenum periculi animadverteret, pacis avidissimum in locum a conspectu castrorum remotum sevocat, atque ibi inermem cum suis familiaribus per satellites suos, qui signo dato undique simul ex insidiis advolarunt, strangulari jubet. Amisso Ductore seditiosi nihil ausi movere, armis exuti concessere omnes in patrias domos. A)

Mahometes interim lætus, quod ne stricto quidem ferro, grandem illam procellam dissiparit, quo venerat itinere, Byzantium reversus est, ubi Vezirium inter, & Cussainem Candiae Præfectum exortas similtates reperit. Hunc non ita pridem Kiuperlis loco movit, classique præfecit. Inopinata mutatio commovit imperare assuetum adeo, ut abdicatis bellicis, aulicisque muneribus, privatos inter parietes vivere pararet. Institere amici, ne doloris vehementia abreptus, ipsimet funestum consilium caperet. Provinciam potius acciperet, & cœptos terrestri expeditione triumphos, maritima abolveret. Ita æmuli machinationes insigni nominis existimatione superatum iri. Cessit amicorum precibus Cussaines, atque cum classe, machinis, milite sat tenuiter instructa in Candiam movit. Juvit hominis confidentiam classis Venetæ infortunium, quæ ut primum solvit e portu Carpathi, B) coorta horribili, fœdaque tempestate, ita distracta, conflictataque sunt navigia, ut aliis alio ventorum vi abreptis, quatuor submersis, non nisi duo in portum Carpathi redierint. Ea maris inconstantia Franciscum Morosinum C) classis Præfectum, cæterosque Duces vehementer absterruit a navigandi consilio Hellespontum versus; unde Cussaini data opportunitas eundi, redeundique. At ubi Veneti reparatis navigiis, nunc Hellespontum, nunc insulas Turcicæ ditionis infestant, intra munimenta castellorum reducta classe, omni pugna abstinuit. Inde insimulatus desidiæ, primum in Bosniam relegatur, dein mutata sententia jugulatur.

Novum ingredienti annum, nempe MDCLIX. Morosino, multa felicitate evenere. Siquidem in Peloponneso inque minori Asia provinciam unam, aliquot præsidia in potestatem redegit. Et in Peloponnesum quidem a Mainottis D) incolis, Græci ritus hominibus, odio incitatis adversus Præfectum Moreæ, a quo cum fortunis hauriebantur, admissus fuit. Spes ingens affulsit, non Mainottarum modo agrum in libertatem asserendi, sed & Coronen, Methonen, cæteraque Peloponnesi propugnacula vindicandi. Verum levitate illius gentis, an Turcarum metu? paulo conspiratio evanuit. Postquam Morosini classis eo appulsa est, Mainottæ primum dissuadere aggressionem, mox tergiversari, operamque suam negare, postremo aperte deficere a Venetis. Rei indignitate commotus Archithalassus, munimentum, regionis caput, invadit, cæsoque præfidiario milite capit. In Mainottarum deinde regionem populabundum militem immittit, quem ad ultionem impulit repentina defectio. Cædes inter, & incendia, maritima ora evastata, in Natoliam vela dedit. Ut securius hic grassaretur, Præfectis Ottomanis parum inter se conveniebat. Topal, cui Tenedi, Lemniæque expugnatio jure debebatur, per invidiam Vezirii inter victorias trucidatus fuit. Cussainis filius, paterni odii in Vezirium hæres, nescio quid novarum, rerum moliebatur, multosque Purpuratos, ac militem Præfectos, quibus Kiuperlis potentia gravis fuit, in similtates una trahebat. Accessit, quod Vezirius bello Hungarico E) intentus, parum de adornanda classe cogitarit, arbitratus Hassanis Candiae Præfecti fortitudine, Venetos terra, & aquis

A) Nanus de morte Præfecti Hierapoleos, quem Assanem nominat, diversam narrationem instituit, atque in annum sequentem rejicit. B) Carpathus insula Ægæi maris, Geographis Scarpanto. C) Hic Mocenico successor datus: apud Joan. Bapt. Verum, Maurocenicum lego, apud alios Maurocenum. D) Mainottæ, populus Græci ritus, a castello Mainæ, dicti, eam partem Moreæ incolunt, ubi olim Laconia, & Arcadia. E) Anno insequenti exercitum movit in Hungariam,

A. C. aquis distrahitur iri. Sed ille in Rhodio portu, nullo operæ pretio quietus
1659. hæsit. Morosinus demolitus castella, quæ in Asia minore ceperat, hyeme
præcipitante Gallicis auxiliis viam præmuniturus, in Candiam classem
direxit.

1660. Antequam ea pervenissent in Asiam, ad Euboeam insulam animum
adjecit; & nisi in ipsa rei molitione sæva tempestas, qua classis jactata in
conspetu insulanorum, consilium prodidisset, uno impetu subigi potuisset.
Turcæ impendentis periculi admoniti, tota insula ad arma conclamant,
portus muniunt, oppida occludunt. Pacato nihilominus mari, Morosi-
nus insulam accedit, displosisque tormentis in litoris custodes, castra figit
ad castellum præaltæ rupi impositum. Ignibus diu, noctuque vexatum,
Venetis tandem cessit, atque insula tributaria facta. Interea crebrescente fa-
ma Gallicarum copiarum, Morosinus in Cytheræ insulam transmisit, ubi
eas operiretur. Advenerunt octava Augusti quatuor, & amplius arma-
torum millia suis sub Ducibus, e Regiis exercitibus severo suffragio ad id
muneris delectis. Visum est Morosino, Gallisque Ductoribus, fortissimas
has legiones in Candiam trajicere, ubi Venetus miles morbo, atque vigi-
liis vehementer diminutus, ægre stationes tuebatur. Ad Sudam excensio-
ne facta, minoribus præliis laceffiti sunt hostes. Sed cum Galli, gloriæ,
virtutisque suæ parem arenam quærerent, audito urbem Candiae lenta obsi-
dione premi, consensu properè navigiis, eo vires convertere statuunt.
Lustratis copiis apud novam Candiam, censa sunt peditum quinque millia,
quingenti; equitum ter centum, quinquaginta. Turcæ numero inferiores
(tria millia fuisse dicuntur) at variis munitionibus, regionis peritia, Du-
cum providentia, ut exitus pugnae ostendit, multo superiores erant. Chri-
stiani spe victoriæ in prælium æstuantes, cursim instructas copias in hostem
ducunt, effusaque pilarum tempestate, pugnandi initium faciunt. Post
acrem dubii eventus dimicationem, consilium fuit Ducibus, ut aliquot cen-
turiae eniterentur in vicinos colles, indeque in latus hostilis peditatus decur-
rerent. Non sine perturbatione aciei, id præstitum fuit ob palustria loca.
Decursum est tamen ea fortitudine, ut hostis loco moveretur, amissis octo
machinis. Miles veluti victoriæ securus, in spolia effusus, perturbatis
tempus concessit ordinem restituendi. Equidem Præfecti minis, ac preci-
bus institerunt, ne coeptam victoriam immatura prædandi cupiditate per-
ditum irent; sed nullo disciplinæ respectu, nulla Ducum reverentia cohiberi
poterant. Ottomanorum Ductor præda græves, & victoriæ fiducia incau-
tos animadvertens, perpulit suos ad signa confluentes, ne dubitarent præ-
lium instaurare, & res amissas ferro repetere. Facta impressione, tanta
trepidatio exorta est inter victores, ut projectis spoliis, atque armis, fu-
gam omnes arripuerint in urbem Candiae. Ea in fuga cæsi sunt Veneto-
rum facile septingenti, paulo pauciores Galli. Hoc modo spoliis cupi-
do victoriam e manibus Christianorum eripuit. Quod si obtemperatum
fuisset Præfectis, nova Candia milite destituta, capi potuisset. Post hanc
infelicem pugnam, Galli animis fracti, in patriam solverunt.

1661. Cladem veteranæ militiæ secuta est anno MDCLXI discordia inter
militum Ductores, & Rempublicam, dum quisque improperi certaminis
eventum in alterius culpam referendo (MORTUI enim foetus nulla se ma-
trem libenter agnoscit) acrius se tuebatur, quam hostem nuper impetierat.
Franciscus Morosinus, Antonius Barbarus primarii Ductores quæstionibus
subiecti, Judicum calculis absoluti, pristinam dignitatem obtinuerunt. Ve-
rum Morosinus, sive Maurocenus, obtenta a Senatu facultate redeundi in
patriam, successorem accepit Georgium Morosinum e familia eadem Mauro-
cenorum, virum militiæ veterem, & administrata Dalmatiæ, & Cretæ præ-
fectura, Reipublicæ notum, qui deinceps eas res hoc Cretenfi bello perfe-
cit, quas a fortissimo classis Imperatore Respubl. expectare potuit. b) Hoc
quidem anno paucis peracta est maritima expeditio. Alexandrinorum vi-
ginti

ginti navigia, in cursu ad Caneam deprehensa, beneficio densioris nebulae A. C. cladem effugerunt, uno duntaxat amisso. Alys Mazzamamma a Mahomete 1661. cum classe expeditus, a consilio pugnandi alienissimus, cum Morosinum jam a fronte, jam a lateribus imminere perpetuo conspiceret, in portus munitiores semet recepit, ubi majorem aliquanto cladem passus est grassante peste, quam si iusto praelio concurrisset. Nam nautae perinde, ac milites, ut erant obfessi inter angustias locorum, erumpentibus morbis in dies, conficiebantur, ipsaque ministeria invicem a contagio vulgabant malum, tanta strage pecorum, hominumque, ut ignotis capitibus sublati, Praefecti ordinum, & Mazzamamma tot funera cumularent. Filius superstes, patris infortunium correcturus, cum paucis, qui supererant, Byzantium evasit, non obfistentibus Venetis, ne cum manubiis morbos una castris suis inferrent. Instauratis copiis redux, haud felicius suo parente fuit. A Georgio Morosino in fugam actus, inter saevissimam maris tempestatem aliquot navigiis spoliatur; nongenti evitato naufragio in insulam dilapsi, a Morosino, aut potius fame circumventi, miserrimam servitutem subire debuerunt. Africanorum piraticae, una Venetorum navi intercepta, laetitiam haud multo post interturbavit, captis Comitibus Sforzia, Bissario, & Leonardo Verlato.

Miscende suos ludos fortuna in mari Aegæo, vix Byzantinorum funeribus libitina sufficiebat, adeo insanabile malum in omnem aetatem mortaliū desæviit. A) Dubium non erat pestilentiam e minori Asia classe Ottomanica in urbem advectam, ac caloribus æstivis in frequentissimum populum continuo vulgatam. Vicina pariter oppida, portus, Euxini maris accolae funeribus hausti, curas auxerunt Vezirio, ne Mahometes Imperator tantam hominum stragem, eodem malo correptus, insigni totius Imperii jactura cumlaret. Idcirco Adrianopolitanum iter, quod negotiorum causa B) suspenderat Imperator, nunc demum ingrediendi author fuit. Professionem ita moderari placuit, ut Adrianopolitanis spatium daretur triumphalem pompam adornandi. Itaque ordinatis rebus Byzantii, denominatoque Achmete Vezirii filio, qui vicario munere urbem administret, ad Hellepontum repetitis cladibus infamem, excurrit Imperator, moratusque octo, & amplius dies ad oram maritimam, Adrianopolim cum insigni Purpuratorum comitatu ingressus est, refertis infinita hominum multitudine viis, tectisque.

Communem illius diei laetitiam provocavit multorum certa persuasio, Mahometem in Regiam suam delegisse Adrianopolim ob coeli, & aquae salubritatem; reditura cum eo prisca illa tempora, c) quibus Amurathes I. alique Principes Ottomanici, Adrianopolim sua praesentia, diuturnoque domicilii usu nobilitarunt, & praeter cæteris urbium in deliciis habuerunt. Et reapse posteaquam Imperatores Turcae, stabilem sedem Byzantii fixerant, Adrianopolim (sive animi causa ob venationes ferarum, quas sylvæ frequentes illius regionis alunt, sive ob grassantes morbos, seditionesque, quibus Constantinopolis creberrime vexatur) multum incoluere, ut adeo ædificiorum magnificentia, populi multitudine, mercatorum frequentia, agri bonitate, altera æmula Imperatoriae urbis & diceretur, & haberetur. Unum deerat civium securitati, nempe munimentorum robora, quæ hostium conatus, si qui ingruerent, pro amplitudine tantæ urbis, non morari modo, sed & infringere possent. Atque hæc suscitatum iri existimarunt, si Imperator cum flore nobilitatis Turcicae, domicilium in ea urbe collocaret. Verum post unius anni commorationem, Constantinopolim praeter civium expectationem rediit, id quemadmodum acciderit, paucis expediam.

Mehemetes Kiuperlis Vezirius exactæ jam ætatis vir, cum vigorem animi obtusum, corporisque vires effloctas sentiret, non minus de Imperii

A) Ricautius. B) Anno superiori eo proficisci voluit, verum ut praesentia sua animaret pedites in bellum Cretense, distulit professionem. C) Vide Tom. I. Epitomen Turcarum Principum.

A. C. felicitate sollicitus, quam suæ domus stabiliendæ anxius, desperato longioris vitæ curriculo, postremum appellavit Imperatorem, insolitaque vi dicendi, normam Ottomanicum populum regendi ob oculos repræsentavit. Sed principem curam in illo alloquio potissimum eo convertit, filium suum Achmetem, juvenem duos, & triginta annos numerantem, ut successorem haberet. Quo impetrato sermonem flexit ad ea, quæ monarchiæ Turcicæ maxima emolumenta allatura, diuturno aulæ ministerio doctus erat. Primum fuit: *Mulierum consilia nullo numero haberet: bella, pacem conficeret e sensibus Purpuratorum, quos sibi, Imperioque fidos reperit. Ita nunquam futurum, ut unus odiis omnium, quæ plebs in consultores & lubentius, & justius vertet, laboraturus sit. Plerasque seditionum in Imperatores abortas, a fæminarum consiliis, nimia res Imperii gubernandi cupiditate originem traxisse.* A) *Hoc fonte obturato, res domi pacatas fore.* Alterum subnexuit: *ærarium Imperii perpetuo augere niteretur. Esse vastissimas monarchiæ provincias, ex iis tantum æris corradi posse, quantum maximis exercitibus alendis sufficit. Nihil industriæ prætermittendum, quo ingeniosis etiam artibus, a privatis civibus aurum, argentumque prolucatur. Pecuniam nervum omnino belli esse. Hoc subsidio everso, omnia languide domi, forisque processura.* Tertium & postremum addidit: *copias pro amplitudine Imperii assiduo sub signis haberet; confecto bello, exercitus instauraret, ut veterano milite, idoneis Ducibus prævalidus, terrorem sui longe diffundat. Ita finitimos Principes fœdera petitueros, aut si bellum præoptent, facile florentissimi Imperii viribus succubituros.* Hæc postquam Mahometi majorem in modum commendavit, lætus de filii dignitate, undevigesimo Octobris Adrianopoli finem vivendi fecit.

Achmetes Kiuperlis Byzantio accitus, tanti oneris, momentique provinciam, sive in speciem, sive serio deprecatus, hac ipsa modestia in Imperatoris gratia, amoribusque esse cœpit adeo, ut parentis sui locum non adæquaret modo, sed decursu temporis, ob præliare ingenium, aliasque animi dotes, quibus primi aularum ministri, negotiorum animæ, instructi esse debent, postremo superaret. Et hujusmodi favores perquam necessarii erant. Namque in ipso aditu dignitatis facile prævidebat, ad se parentis iras, quas cum nonnullis Primoribus Imperii exercuit, cum hæreditate transiisse, dimicationesque longe acerrimas sibi imminere. Etenim pater ipsius, etsi senio confectus, dum Vezirius renunciaretur, tamen vegetum ingenium in vivido corpore præferebat, vivebatque in tegrissimis sensibus, & fere unus Imperii molem eo præsertim temporum articulo sustinebat, quo bello in Cretam, Syriam, Transylvaniam, Hungariamque diffusum, tot in partes divisis curis, tot simul exercitibus prospiciendum erat. Inde ut domesticos tumultus, paucorum flagitio excitatos, extingueret, Imperiumque suis malis eriperet, severissimis pœnis Principes turbarum, cum affecis suis affici jussit, raptis etiam ad supplicia iis, quos suæ dignitatis corrivales existimavit. Hoc sanguinario regimine sex, & triginta mortalium millia vario mortis genere sublata ferunt Scriptores. c) Imperatori tamen mire charus, & prope pro parente habitus, duravitque, quod rarum, etiam in filium gratia, non equidem immeritum, quippe raris naturæ dotibus instructum, totoque Imperio Ottomanico sagacissimum. Achmetes paternis vestigiis insistens, connivente Mahomete, primis diebus ab inita præfectura, in non paucos exilii, aut mortis sententiam tulit. Morteza Babilonis Gubernator, locorum longinquitati, ac civium favori suam incolumitatem debuit. d) Solymanus Janicsarorum Ductor, & Mufftus solum vertere coacti sunt; ille quod militum animos devinctos teneret, iste quod recusaret in Solymani necem conspirare. Hac tali sæviendi in Primorum capita, & fortunas tyrannide brevi patefecit, mutato solum nomine, ejusdem

A) Ita profecto judicabit, quisquis Ottomanorum Historiam evolvit. Raro res pacatæ fluxerunt Byzantii, dum Soltanæ Imperii negotiis se implicuere. B) Anno 1655, Vezirius renunciatur. C) Inter hos Ricautius. D) Anno tamen insequenti strangulatus est.

dem severitatis ingenium occupasse Vezirii munus, quodque ingenti formi. A. C. dine omnes perculit, non vulgaris gratia Mahometis Imperatoris erat, qua 1661. ille suffultus, intrepide clarissimos patriæ cives ab aulæ muniis amovit.

Post tot edita supremæ autoritatis exempla, publico argumento 1662. prodidit anno MDCLXII. se Principis animum penitus occupasse, dum delictis Adrianopolitanis captum, suo hortatu Constantinopolim retraxit, de mirantibus Purpuratis, unius ministri opera tot obstacula perrumpi potuisse. Nam etsi circumacta hyeme urbs defuncta pestifera lue, respirare cœperit, tamen multa erant, quæ Mahometem ab aditu Byzantii deterrebant. Patrata Ibrahimi cædes præ oculis erat, recurrebant identidem tragœdiæ, neque numero paucæ, neque luctu leves, quas Byzantini pro more suo in Imperatores excitarunt. Meminerat majora pericula dignitatis, & vitæ suis Majoribus impendisse ab una hac urbe, ad contumaciam, & seditionem prona, quam ab omni extero hoste. Demum ne Soltana mater occasionem nancisceretur semet negotiis Imperii miscendi, longe a Byzantio abesse voluit. Hæc nihilominus adeo facunde, nervoseque diluit Achmetes, ut exeunte Majo rursus Constantinopolis suum Principem acceperit, tanto ampliori lætitiæ argumento, quanto minor spes affulsit reditus Imperatorii. Inter hæc Morosinus percurfatis Ægæi maris insulis, ad opprimendam Eubœam animum applicuit. Melitenses in diversam sententiam abeuntes, cum vires suas renuerent consociare, & post brevem commorationem in Italiam renavigarent, Morosini designationem interturbant. Statione tamen sua minime cessit, atque vigesimo nono Septembris, classem inimicam Alexandriam euntem aggressus, nocturno certamine devicit. Cæterum curis in Dacicum bellum conversis, Venetis otium concessum erat, ad Candiam novo subsidio firmandum.

Antequam Vezirius copias in Hungariam eduxit, Bellarinum Rei- 1663. publicæ Legatum de pace appellavit, prœiorque conditionum capita agitare cœpit, quam superiorum temporum Vezirii. Persuaserat enim sibi, Venetos non minus diuturno, quam ancipiti bello fessos, ab armis discessuros, si Cretæ insulæ pars una Ottomanis, altera Venetis perpetuo jure attribueretur. Eo modo utriusque populi navigationi Asiaticæ satis consultum iri. Rejesta est incredibili constantia Reipublicæ, pacis nundinatio, quod jam certis nunciis allatum esset Venetis, Christianos Principes in communem hostem arma moturos, quorum potentiæ ut pro viribus obsistat, profecto coactum iri, ut maritimo bello abstineat, Candiamque ultro veteribus Dominis relinquat. Ea spe ducti Veneti, firmato in bellum animo, Morosinum admonent, ut Dalmatiæ præfidiis quam primum consulat; facile e vicina Hungaria in eam provinciam belli incendium erumpere posse. Post Fosculi discessum, armorum præfecturam in illa regione obtinuerunt Hieronymus Foscarinus, a) & Laurentius Delphinus, b) raroque milite instructi hostium conatus ingenio potius, quam aperto Marte eluserunt. Ad Clissam Delphinus cladem accepit, Morlachis, qui viarum capita infederant, clam fugam arripientibus. Languerat deinceps bellum in Dalmatia, nec quidpiam memorabile gestum; armis nempe in Candiam, aut Hungariam conversis, quo tantisper Lectorem revoco ad evolvendas res in Hungaria, aditisque provinciis, annis superioribus gestas.

Anno altero ab Imperio occupato, Mahometes IV. Cretensi bello 1664. jam implicitus, ad Ferdinandum III. Cæsarem legationem destinavit, additis muneribus, quæ ad inducias firmandas valitura putavit. c) Præter sonipedes miræ velocitatis, Asiaticos tapetes, Solymani tentorium, quo is usus erat ad Viennæ mœnia, miserat. Ferdinando multis nominibus accepta fuit Ottomani legatio, tum ut filius Ferdinandus IV. nuper in comitiis Posonii, una omnium voce, Hungarorum Rex proclamatus, d) pacatæ provinciæ regimen auspicaretur, tum ut liber hac cura, Imperio Germa-

a) Anno 1652. b) Anno 1654. c) Chronicon Turc. dona ingentis pretii enumerat ad annum 1650. d) Anno 1647.

A. C. niæ, ob Suecici belli calamitates, vastis ruinis dehiscenti, consiliis, authoritateque sua adesset. Verum optimam mentem Cæsaris, & spem Procerum lætissimam, Turca iniquis in cunis quodammodo præfocavit. A) Hafsanis Kanisæ Præfecti ardor pugnandi, classicum belli edidit, atque Hungariam in atrociora armorum incendia revolvit. Kis-Comaronio tumultuariam oppugnationem intulit, Ladislao Petheo locum propugnante. Ictu majoris pilæ brachio mulctatus, soluta obsidione Canisam celeriter abiit, ne a Joanne Christoph. Puchamio, Adamo Batthyanio, Nicolao Zrinyio, qui ad munimentum Croatiae servandum festinarunt, ad pugnam cogeretur. Instauratis ruinis, Canisieni agro militem immittunt, abactisque pecoribus, tristibus ubique vestigiis itinera signant. Hic armorum strepitus paulo latius propagatus, utramque nationem ad injuriam vindicandam stimulavit. Postero anno B) Agriæ, & Strigonii præfidiarii, perinde ac si bellum indictum foret, torrentis instar regionem pulcherrimam invadunt, omniaque ferro, & flamma vastant. Strigonienfes prædatoriis agminibus collectis, superato Danubio in agrum Ujvariensem effusi, exeunte Augusto, oppida, vicos terrore, cædibus permiscunt.

Cum in stationariis ad famam Turcarum depulsis, nulla spes esset sedandæ tempestatis, patriæ cives arma corripunt, atque apud Vezekenium; ignobile ad eum diem oppidum, vires consociant. Ipsinuaverant se in eam militiam more gentis, honorarii complures, quos miserorum lachrymæ ab otio in campum avocarunt. Prædatores Turcæ, ut has copiolas, mille equites, & ter centum pedites erant, certius funderent, vix cœpto certamine, fugam ineunt, ac avide insequentes in insidias pertrahunt. Redintegrata ibidem pugna, quanquam Christiani numero pauciores, tamen plus discriminis ad extremum sensere, quam cladis; & nisi nonnullorum Nobilium mors jacturam auxisset, nimis quam avide memorabili alioquo facinore cupientium inclarescere, clades nullo loco habita fuisset. Sed pro numero conditio amissorum fuit. Quaterni Eszterhazianæ gentis Heroes, Ladislaus, Franciscus, Thomas, & Casparus pulchris vulneribus saucii, in arena vitam posuerunt. Eo prælio, quasi universi regni vires obtritæ fuissent, nemo erat, qui successu ferocienti hosti frontem obvertere auderet. Inde omni metu jam liber, provincias vicinas præsidio destitutas pervagatus, spolia impune legebat. Stationarii populantium eluvionem refringere impotentes, satius duxerunt, semet in munita loca recipere, ne præter cladem, apertum bellum Hungariæ concirent. Itaque popularium fuga, funestis clamoribus opem implorantium, quotidiani, nec injusti terrores circumferbantur, tanto quidem acerbiori malo, quanto durius incolis accidit, induciarum tempore belli incommoda pati. c) Gravior aliquanto calamitas Daciæ incubuit.

Georgius Rakoczius Transylvaniæ Princeps, ambitionis æstu accensus, in Moldaviam, foederatam, ac belli securam provinciam militem infundit, & citra certamen Basilium Lupulum regionis Vaivodam in fugam abigit, atque in locum exauthorati Lupuli, Stephanum quempiam Cancellarium pro sua potestate substituit. Hanc expeditionem autoritate Mahometis suscepisse Rakoczium Chronicon sæpe laudatum commemorat; d) & ipse datis ad Paulum Palffium Pro-Regem Hungariæ literis, causas illati belli perscripsit. Hoc rerum successu tumidus, ad transalpinam regionem, seu Valachiam cœpit aspirare, qua subjecta, speravit se ad Regium munus, Imperiumque transiturum, & genti Rakoczianæ nova dignitatis accessione præiturum. Quo acrius, incitatusque Mahometes non destitit homini ambizioso faces subdere; missis internunciis, qui copias Ottomanicas in eam expeditionem offerrent. E) Junio mensē per alpes in Valachiam turbidus irrumpit, ac in aciem prodire ausum Vaivodam, cæsis magnam partem Valachis, in fuga capit, captumque, ut erat saucius, Claudiopolim in triumphum

A) Anno 1651. B) Anno 1652. c) Vide Chronicon Turc. ubi crebræ excursiones Ottomanorum recensentur. d) Pag. 316. C. XI. e) Chronicon laudatum ad annum 1655.

phum abducit. Uno hoc prælio debellatæ regioni Constantinum Princi- A. C. pem veterem suum clientem, sed nuper dominatu exutum, præficere pla- 1664. cuit. Tanta jam erat Rakoczii late dominantis fortuna, ut nisi in solum Regium eveheretur, nusquam quietura videretur. Neque diu occasio defuit hoc fastigium aucupandi, Carolo Sveco septentrionem turbante, & Poloniæ regno in partes scisso. Palatinus Vilnensis, præcipuum instrumentum, & fax turbarum, ab Rege Casimiro odio diffidens, cupiditatem exacuit Rakoczii, Polonici regni obtinendi, modo armatus in provinciam advolet. Regiæ dignitatis fulgore jam dudum captus, ne opportunam occasionem sua desidia elabi pateretur, præcipiti consilio robur militiæ in Poloniam rapit. A) AVIDA spes regni præcipientes multorum animos ad ultimum nefas, & exitium impellit.

Mahometes five male metueret Rakoczio ab ea expeditione, seu nollet, ut amicum Turciæ regnum, a fœderato Principe hostili more invaderetur, seu denique clientis potentiam, duabus nuper provinciis auctam, formidaret, festinatis in Daciam nunciis severe interdixit, ne cum Sveco fœdus iceret, neve armatus in amicam regionem pedem inferret; nisi morem gellerit Patrono, principatu Transylvaniæ exutum iri. Forti stomacho minas Soltani concoxit Rakoczius, nihilque potius agit, quam ut Sveco, Vilnensi, & fortunæ suæ velificaret. Cracoviam appulsus, Regem Casimirum in fugam agit, Svecorum animos valido exercitu confirmat. Actum erat de Polonia, nisi Fridericus Daniæ Rex, transportato in Sveciam bello, Svecorum vires domum festinare coegisset. Rakoczius sociorum armis subito destitutus, reditum in patriam solicite circumspexit. Diffluentibus pedetentim Cosaccis, quos armorum, viarumque socios habuit, per vastos, sterilesque campos Poloniæ, in insidias præcipitat. Circumventus ab hostili exercitu, dum frustra stationes perrumpere attentat, non jam ferro, sed precibus libertatem sui, suorumque est pactus. Joanni Keményio tradito exercitu, ipse cum paucis familiarium in Transylvaniam maturato itinere evasit. At Keményium reliquias exercitus pugnis, atque inedia confecti trahentem, longe infelicior calamitas excepit.

Locatis castris in veteri quopiam vallo, a Tartarorum globo obsessus, cum annonæ, nitrati pulveris inopia laboraret, ære præsentis in singula militum capita statuto, abitum mercari voluit. Numerata pecunia, ubi animadvertunt Tartari paucitatem Transylvanorum, retento contra fidem datam Keményio, in castra metu, fameque capta impetum faciunt. Ne inulti caderent, Francisco Kornisio hortante, ultimas vires colligunt, ac cruento certamine barbarorum ferociæ repugnant. Hic rursus novum infortunium obortum. Valachi pedites Tartarorum partes amplexi, in suos commilitones arma stringunt. In orbem pugnantes vindictæ potius, quam spe victoriæ, pars e vestigio cæsi, pars in servitutem abacti. In Moldavia nihilo feliciores erant Rakocziani, quos indecora fuga, dum Poloni adventarunt, illuc abstulit. Sex, & amplius millia ab agrestibus, suarum incendia, direptionesque villarum ulciscens, interempta sunt. Hic exitus fuit luctuosæ expeditionis in Poloniam, qua cæsis veteranis cohortibus, capta pleraque provinciæ Nobilitate, hoc est Dacicæ militiæ flore, infelicissimus Princeps ambitioni suæ poenas dependit. Transylvani publico luctu involuti, acerbiter cladis diu prodiderunt, utque olim Romæ, post Canensem prælium senatus decreto comploratio contracta fuit, B) ita Ordinum edicto lugentium familiis modus justitii imponi debuit. Sed recruduit dolor, cum immensa insuper vis argenti, pro redimendis captivis exigetur.

Nondum hic malorum finis. Mahometes sprete imperii memor, contumacem Principem a fortuna desertum, civibus gravem, funditus evertere statuit. Ad Transylvanos mandata dedit: ut Rakoczio in ordinem

G 3

redacto,

A) Anno 1657. L. VII. Histor. Regni Hung. B) Senatus consulto diebus XXX, luctus est finitus T. Livius Patav. Dsc. III. L. II.

A. C. redacto, suffragiis suis alterum Principem legerent. Cessit tempestati Rakoczius, ac Francisco Redejo principatus insignia, Procerum voluntate tradidit. Sed enim ANIMUS dominandi dulcedine subactus, privatam fortunam ferre non potest. Extortis iterum Dacorum suffragiis, principatum occupat, a) Redejo æmuli potentiam verente. Ea levitas hominis, tantam iram concivit Mahometi, ut sævissimam populationem minaretur regioni, ni illico Rakoczium loco, dignitateque moverent. Seu charitate in patriam, seu terrore barbari adactus, in Hungariam se recipit, provincia Ordinibus relicta, instauraturus fortunam veterem opportuniori loco. Discessu Principis liberiores Tartari, ingenti celeritate regionem incurfant, metu torpentem diripiunt, Cibinium, Claudiopolim, caput provinciæ, grandi pecunia mulctant, oppida, urbes tristibus flammis involvunt. Rakoczium belli jam certus, qua valebat industria, contractis copiis in hosticum irrumpit, & cladem pari furore Ottomanis reddit. Budensis Purpuratus, vastitati ut modum imponeret, quindecim millia pugnatorum ad Lippam adducit. Strigonienfis Begus, acer præ cæteris populator, valida cum manu agmina prægressus, a Rakoczianis in castra reiectus, spem majoris victoriæ Principi fecit. Redintegrata ad castrorum munitiones pugna, tantus ardor Transylvani fuit, ut disiectis carrorum impedimentis, tria millia hostium eo die trucidata fuerint, Christianorum non nisi triginta desideratis. Budensis præcipue inter suorum cædem trepidus, ne in potestatem victoris veniret, cum quo privatas inimicitias gessit, fugam arripuit, Marusium amnem pernici equo transvectus.

Hujus victoriæ lætitiâ, tristes de Turcico quadraginta quinque millium exercitu nuncii, velut frigida affusa, temperarunt. Vezirius enim Kiuperlis ad Rakoczii spiritus infringendos a Mahomete stimulatus, Veneto bello tantisper remisso, quidquid virium ad Constantinopolim erat, suis auspiciis Daciam versus promovit. Jenæ arce simulata tridui oppugnatione sive Præfecti, sive Barcsaji perfidia, qui propera deditione Vezirii gratiam promereri voluit, capta, adeo Transylvani animis conciderunt, ut Barcsajo Oratore, afflictim pacem a Tyranno postularent. Tanto promptius pacem indulsit, quanto frequentioribus nunciis pulsabatur de Asiatica seditione. Conditiones, quales nempe victores insolentes ferre solent, non minus indecoræ erant, quam graves provinciæ; sed ne provincia penitus opprimeretur, accipiendas putarunt. Præcipua earum capita hæc: *Achatius Barcsajus principatum obtineret, idque in publicis comitiis firmarent. Karansebesiam, Lugosiam Turcico præsidio committerent. Rakoczium, uti & Valachia, & Moldavia Principes, Turcarum hostes persequerentur; annum tributum non augerent modo, sed & sumptus in hanc expeditionem factos refunderent Soltano.* Addixit liberaliter omnia Barcsajus, quo principatum malis artibus quæsitum, firmiter sibi assereret. Rakoczium dignitate, nondum spe, aut animis dejectus, Transylvaniæ dominatum rursus armata manu recuperare studuit. Barcsajus vecordis animi Princeps, inopinata adventantis Rakoczii fama consternatus, amissa decernendi occasione, Temesvarinum semet recipit, atque rivali suo viam aperit ad principatum. Princeps a Transylvaniæ Ordinibus salutatus, ut elapsam toties, & fugitivam dignitatem constabiliret, cum restituto in Moldaviam Constantino, & Michaeli Valachia Vaivodis, arctissimo fœdere percusso, Leopoldi I. Hungariæ Regis auxilia exposcit. Verum unius hominis causa non irritandam duxit Imperii Ottomanici potentiam; & Mahometes, qui jacentem penitus proterere dejeravit, Leopoldo perscripsit: *pro belli denunciatione accepturum se, si ære, milite, rebellis conatus adjutum iret.*

Igitur Rakoczium sibi relicto, suo sibi Marte consulendum statuit. Ad fauces Transylvaniæ cum septemdecim peditum, totidem fere equitum signis progressus, cum Budensi Præfecto, qui Barcsajum in provinciam reducere jubebatur, acri certamine confligit. Nobilem victoriam eo die de barba-

barbaris referre potuisset, si universas vires in eum locum adduxisset. Sed A. C. enim foederatis Principibus, ne a Tartaro, provinciis suis ejicerentur, sup- 1664. petiæ mittendæ erant. A) Accessit Nicolai Zolyomii, fervente jam undique pugna ad hostem defectio, qua ille patri suo illatam injuriam, privatum nempe dolorem, perfide ultus, cladem in Rakoczianos subito convertit. Princeps in medios hostium provectus, dum strenue magis, quam feliciter, Ducis, militisque partes agit, amissis octo circiter suorum millibus, mœrore, vulnereque æger Claudiopolim evasit. B) Auctis per hyemem viribus, Barcsajum cum præsidio Turcico Cibirii commorantem, obsidendum duxit, quo semel in potestatem redacto, tranquillitatem patriæ redituram speravit. C) Subodoratus Rakoczii mentem Gubernator Budensis, appetente vere ex hybernis movet, junctisque copiis cum Barcsajo, Principem in campos Feneßiensis, Claudiopolitano agro finitimos propellit.

Hic destinata pugna, vincere aut mori certus; ne dimicandi ardor longiori mora corrumpetur, quos paucos sub signis habuit pedites, equitesque, in aciem componit, ac pro re præsentis breviter cohortatus, in refertos ordines Turcarum procurrare jubet. Pro veteri nationum æmulatione, legionum Duces in oculis sui Principis memorabile facinus edere cupiebant. Valachi, & Moldavi pedites, incendia suarum villarum restincturi, primi equitatum hostilem loco movent, editaque strage ferociores, ad victoriam magnis passibus contendunt. Rakoczius cum delectis Hungarorum turmis, perturbatos amplius urget, & quo se cum prætorianis verterat, cædem, fugamque hostibus infert; vel ipsius ferro septemdecim trucidatis. At gliscente hostium numero, dum suorum manipulum circumveniri conspicit, eo celeriter provectus, multorum telis unus petitur, & quatuor vulneribus confossus, e medio certamine a suis amovetur, paucisque post diebus Varadini perit. Vulgato Principis infortunio, Hungari perinde, ac Valachi, quasi in uno omnes victi fuissent, amisso certamine in montes, saltusque vicinos fugam arripiunt. Direptis castrorum impedimentis, victor exercitus Varadinum evocatur, quo Vezirius cum novis copiis advenit.

Ea urbs Rakoczianis partibus addicta, oppugnationem ferre decrevit. Octingenti quinquaginta præsidarii, universam Orientis vim spatio septem, & quadraginta dierum mira alacritate sustinuerunt; at ubi perennes aquæ, quibus urbs potissimum munitur, e fossis derivatæ, liberum aditum in muros, & propugnacula dedere hosti, neque spes auxiliorum a Cæsareo Duce afflueret, oppidum tradiderunt. D) VII. Calendas Septembris ingressus urbem Kiuperlis, amplissima spolia in militem sparsit, quæ e civium domibus, cryptisque Basilicæ, non minus avare quam diligenter eruit. Subacto Varadino, Barcsajus ad gubernandam provinciam mittitur, dura admodum conditione adjecta, ut Turcis cederet Claudiopolim, & quingenta æris millia quam primum numeraret. Exhaustam alioquin provinciam, æris magnitudo, ac Varadini jactura adeo a Barcsajo, Turcicæ societatis manifesto, avertit, ut Joanni Keményio, veterano Duci, principatum detulerit, ac in ultionem intenta, bellum festinanter in Barcsajum decreverit. E) Keményius popularium voluntati obsequens, conscripto quinque millium exercitu, Andream Barcsajum, fratrem Achatii fundit, captumque paulo post jussu Ordinum suspendio necari jubet. Achatius, dum in venatione curas dissipare cupit (alii in pago Répasio interceptum prodiderunt) repente oppressus a Keményii satellitibus, multis vulneribus interficitur. Sed non propterea quies Transylvaniæ reddita.

Ke-

A) Tum Valachiam, tum Moldaviam Tartari eodem tempore incurserunt. B) Chronicon Turc. C) Anno 1660. D) Daniel Hartnaccus in suo Conspectu Bellor. ait: „Anno MDCLX. aucta est potentia Turcica Varadino illo fortissimo Transylvaniæ propugnaculo, quod XXVI. Augusti per Budensem Purpuratum expugnatum est. Factum istud, quod postquam Rakoczius ex lethali vulnere diem obiisset, nulli fere resistebant; imo præsidiariorum numerus a 1000. vel 1500. ad 200. imminutus erat, ut impares omnino milites fuerint ad resistendum. „ E) Anno 1661. calendis Januarii Joannes Keményius eligitur in Principem Daciæ.

A. C. 1664. Keményius aulæ Turcicæ invisus, novæ tempestatis causâ fuit. Vezirius quinquaginta quinque armatorum millibus succinctus, non tam Keményii, quam Transylvaniæ libertati imminerebat. Nondum firmato Principi, nec vires, nec animus erat, Turcis, Tartarisque (nam & isti magno numero advolarunt) obsistendi. Quapropter in Hungariam profectus, ad Leopoldi Cæsaris opem confugit. Sero consociatus Raymundo Montecuculo, Cæsarearum copiarum Ductori, Vezirio spatium concessit attritam provinciam rursum evastandi, ac Michaellem Apaffium Principem instituendi. Redux Claudiopolim cum Cæsareo exercitu, Turcas quidem provincia exegit, non tamen principatum obtinuit, Dacia multum reformidante, ne compedes, servitusque exterorum injiceretur. Montecuculus firmata præsidio Claudiopoli, nulla re memorabili gesta in Hungariam redit, Keményio suæ fortunæ relicto. Is privatam vitam omni morte duriores sibi fore palam professus, sæviente hyeme, Turcis longe per hyberna sparsis, frigoribusque impatientibus, Apaffium inermem opprimere statuit. a) Medgyesini, aperto oppido, ille agebat sui securus, & intercipi poterat citra armorum strepitum, si fortuna sua uti novisset. Dum moras nectit, dum iussa iussis contrariis abruptit, emanavit rumor ad Apaffium, & Segesvarinum evadendi otium opportune dedit. Extra ictum jam positus, Turcarum, Valachorumque opem per celeres nuncios imploravit. Festinarunt illi in auxilium Principis, impari successu. Nam Valachi a Joanne Szent-Palio Keményii Ductore profligati, trans alpes semet receperunt; at Turcarum bis mille difficillimo itinere eluctati, Segesvarinum emerferunt, sociatisque cum Apaffianis viribus, in Keményium duxerunt. Repentinus hostium adventus, & imminutus militum numerus, pars quippe equitum pabulatum exierat, absente alioquin Szent-Palio, mentem homini eripuisse videtur, adeo omnia perturbate egit. Duo millia Germanorum, quos Montecuculus præsidii causa dederat, facile Præfectorum ductu in aciem locata, fortitudinis suæ exempla dein edidere; at Transylvani suorum Ducum contagione afflati, ut ægre in campum prodierunt, ita vix classico audito, sylvarum abdita petierunt. Keményius equo transfosso in terram provolutus, sive fugientium, sive terga prementium equis obtritatus, brevem, turbidumque dominatum perdidit.

Post extinctos continenti serie duos Principes Transylvaniæ, Apaffius inter cædes, exilia, direptionesque fortunarum, regimen auspicatus fuit. Juvit hominis crudum, severumque ingenium Turcarum exercitus, quem Mahometes Kiuperle Ductore in Hungariam mittere statuit. Equidem Leopoldus per suum Oratorem Perisium, b) induciæ ut prorogarentur, bellicque semina per Transylvaniæ turbas jacta suffocarentur, Constantinopoli egit. Quo suspicionem armorum tollerent Purpurati, callide negotium pacis, ad Alym Temessensem Præfectum rejiciunt. Institit Perisius, ut Byzantii potius de rebus controversis disceptaretur, HAUD NESCIUS, magnum temporis, rei que fieri compendium, si cum ipso Principe transigant Oratores. Turcis id negantibus cedendum fuit. Subinde Goësius Baro ampliori potestate instructus, Vienna advolans, Perisiana acta iterum recoquit, Temessensi scenam de industria protrahente. Tandem signata pacificationis capita, dum per celeres nuncios Viennam, Byzantiumque feruntur, quanto majori lætitia Viennæ rata habentur, tanto callidiori perfidia respuuntur Byzantii.

Ut honesti speciem tantæ perfidiæ inderent, argumenta fere e Dacia attulerunt: nempe *exterum militem jussu Leopoldi eam provinciam insidere: in Apaffium bellum parari a Cæsareis Ducibus, quem Ottomanus Principem Transylvaniæ imposuit. Comitem Nicolaum Zrinyium Illyrici Pro-Regem præter jus, fasque arcem ad amnem Muram excitasse, c) haud dubie in perniciem Canisiensis præsidii.* Accessit Ismaelis Budæ Gubernatoris, excidium Christianæ Reipublicæ spirantis cavillatio. Vetus huic erat in Alym Temessensem

a) Anno 1662. b) Anno 1663. c) Neo-Zrinia excitata Anno 1661.

fiensem æmulatio, quem in Varadinensi expeditione, ac præsentis pacis negotio prælatum ægerrime tulit. Ut authoritatem hominis infringeret, & 1664. pacificationem, de qua serio agi existimavit, moraretur, Vezirium commonefacit: *Cæsarem multo alienum esse ab armorum cessatione; delectus fieri quam maximos militum; annonam in publica horrea celeriter conveyi; munimenta in limitibus excitari; oratores non alium in finem Temesiam venisse, ac tempus colloquii protraxisse, quam ut spe pacis torporem injiciant Ottomanis, & maturo bello, & subeunte vere, exercitus in ditiones Mahometanas immittant.* Hæc omnia sibi patefacta a Christianæ fidei desertore, rerum, quæ clam, palamque Viennæ aguntur, perito. Holzelius is erat, veredarii munere in legatione Renningeri functus, sed nuper in castra Mahometis transfuga, multis fabellis Cæsaris fidem elevavit. Huic mendacissimo mortalium, uti & Budensis Præfecti literis continuo fides est habita.

Tum Vezirius personam, quam eatenus simulate sustinebat, non invitatus posuit; lætus terrestrem expeditionem sibi offerri, qua gratiam Soltani, paternis meritis adeptam, altius proveheret. Goesio edici jubet: ut ne mentionem pacis in posterum faceret; constare sibi omnem aulæ Viennensis fraudem; bellum, non inducias domum referret. Ad tristes belli nuncios tandem & Vienna armorum apparatus circumspexit. Ratisbonæ in Comitibus Thanius Archi-Episcopus Salisburgensis, multis hortabatur Principum Legatos, ut præsidia in tempore comparent, Mahometis vim a provinciis Christianæ Reipublicæ avertant. Post longas disceptationes, & tædia sex millia armatorum decreta. Sed Wolffgangus Hohenlojus duobus millibus pauciora, ferum auxilium, secunda, & vicesima Novembris in hiberna adduxit. Hungari more veteri ad signa evocati, equites octies mille trecenti quinquaginta, pedites undecies mille nongenti quinquaginta, speciem justi exercitus fecerunt, quibus regendis Comes Nicolaus Zrinyius expertæ virtutis Ductor præfectus, perutilem operam expeditioni navavit. Montecuculus Cæsarei exercitus Dux, postquam Comaromio, Jaurino, Ujvarino præsidium injecit, ad sex millia armatorum redactus, ne imbecillitatem virium hosti proderet, intra Ovarinum, & Jaurinum castra posuit.

At Vezirius, Asiatico milite in castra recepto, centum quadraginta millium exercitum omni apparatu castrensi instructum, in Hungariam adduxit anno MDCLXIII. nondum certus quodnam præsidium invasurus. Erat ea ætas frequentioribus pluviis admodum fœda, fluviique limites suos egressi, arduum, difficileque iter militi, armis alioquin gravi, faciebant. Unde opinione tardius Eszekinum tenuit. Hic alias ex aliis moras nectens, fucum fecit Christianis Principibus, ut plerique crederent, Asiaticam illam tempestatem in Dalmatiam effusum iri. Et prope erat, ut eo signa converteret. Nam Nicolaus & Petrus Zrinyii, bellica virtute non minus, quam sanguine fratres, iis diebus haud levia detrimenta hosti intulerunt. Neo-Zrinyiam, quoad viverent, defensuros se sacramento firmarunt, ea quidem lege, ut dum alter munimentum intra muros tueretur, alter in campo assiduo hostes lacefferet. Miles quasi animos Ducum induisset, in perniciem Turcarum juratus incubuit, assiduisque excursionibus, pagi circa omnes, oppidaque; inprimis Kanisiensis ager, usque adeo infestus habebatur, ut jam dominantibus per eam regionem Zrinyianis, vix tuto efferre præsidio pedem auderent Kanisienses. Irritavit præterea Vezirium clades aliquot turmarum, quæ per sylvas Kanisienses iter insistentes, a Zrinyianis cæle sunt. Hæc talia cum nunciarentur Vezirio, dubius aliquantum hæsit Dalmatiamne, an Hungariam peteret? Alys Temessiensis, quem aliena gloria perpetuo urebat, in Dalmatiam ut duceret, contendit dictitans, haud tam promptis animis advolaturos Principes Christianos, quam si Hungariæ bellum fecerit. Sed Vezirius Principum lentitudinem perspectam habuit, animosque sumpsit, Goesii sedulitatem concordiam exposcentis, virium imbecillitatem interpretatus. Is iterum, iterumque Leopoldi amicitiam ingerens, responsum tulit: *pacem confici posse, si Neo-Zrinyia, Székelhida solo*

A. C. æquatis, *Apaffio Dacia cederetur; annuum tributum triginta aureorum mil-*
 1664. *lium Mahometi penderetur. Nicolai Zrinyii caput Byzantium* (ut vel inde
 arguas quanto terrori hic heros Ottomanis fuerit) *mitteretur.* Hæc adeo
 iniqua videbantur Goefio, ut bellum potius, quam fœdissimam pacem ac-
 ceptaret.

Inter has disceptationes Budam cum perventum fuisset, Goefio in
 humile diverforium recluso, expendit Vezirius, cuinam præsidio adeo flo-
 rentes copias admoveret. Viennam ut peteret, cum vires, tum incredibi-
 lis gloria homini suadebant; at vestigia priorum Ducum, cladesque acce-
 ptæ formidini erant. Post Viennam Jaurini invadendi consilium cepit, quo
 semel expugnato, facilius ad Viennam subigendam viam aperiri confidit.
 Qui consultationi aderant, propositæ rei magnitudine suspensi, audacius ali-
 quanto consilium, quam ut exitum prospere sortiretur, existimarunt. Nam
 & exercitum Cæsareum, cujus vires ignorarunt, prope excubare didicerant,
 & aquarum vim præter solitum majorem extimuerant. Ab his consiliis ve-
 teranorum autoritate facile traductus, ad Uivarinum expugnatum facilius, &
 gloriæ, quam unice ambiebat, haud impar, semet accinxit. Igitur profe-
 ctione militi indicta calendis Augusti Strigonium profectus, tria Janicsaro-
 rum millia Parkanum oppidum, Strigonio objacens, petere jubet, ut tuto
 Danubius ponte committi posset. Re intellecta Adamus Forgacsius, Uiva-
 rini Gubernator, in occasionem hostem invadendi intentus, opprimen-
 dos ante, quam sociorum accessione firmarentur, putavit, unoque victo-
 riæ æstu Parkanum occupandum.

Sexta Augusti intendentibus se primis tenebris, inauspicatum iter
 ingressus sine tubarum, tympanorumque strepitu, partim Hungari, par-
 tim Germani milites, sex millia Parkanum versus movit. Jam medio itine-
 re confecto, secunda castrensi vigilia A) trepidus nuncius accurrit: pontis
 fabricam prope absolutam, copiasque ad transmittendum flumen accinctas
 stare. Id ipsum alter nuncius anhelus attulit. Forgacsius de receptu magis,
 quam prælio sollicitus Uivarinum cogitabat. At Marchio Pio ardori suo
 nimium indulgens, hæsitantem tantisper Ducem, in aciem pertraxit. Ape-
 riente se die explicatis ordinibus ad hostem viginti, & amplius millium in
 acie operientem Christianos, perventum fuit. Res inopinata omnium ani-
 mos non mediocriter confudit, dum eam hostium multitudinem conspexe-
 re. Nihilominus intra teli jactum consistentibus pugnandum fuit. Dex-
 trum cornu moderabatur Forgacsius, sinistrum Illeshazius, & Palffius. Ca-
 nentibus signis primus pugnam inivit Neogradus, probatæ virtutis Centu-
 rio, sed ab octo, & decem cohortibus peditum rejectus, ope Forgacsii in
 pugnam, & periculum succedentis respiravit, impressioneque instaurata,
 adeo fortiter victores impulit, ut loco moti, fugam anxie circumspexerint.

Sed integris in prælium ruentibus, cum Forgacsiani vim perferre
 non possent, Valteriani equites suppetias venire. Sinistrum cornu non
 minori ardore prælium capeffivit, & si equites peditem æquassent, ingens
 ille hostium numerus a paucis victus fuisset. Verum equite fuga abrepto,
 cum nullus virtuti locus superesset, ipsi Duces necessitati cesserunt, relictis
 peditibus victorum iræ. Tria millia infelix illud prælium absumpsit. Capti
 vario suppliciorum genere interempti fuerunt. Vicem non multo post red-
 didit Zrinyius. In insulam leporum Budenses transmiserant ante, quam
 Asiaticæ copię Budam intrarent. Hos ille ex insidiis aggressus, partim ceci-
 dit, partim captivos abripuit.

Octava die ab infelici prælio, Ottomanorum exercitus ad Uivari-
 num consedit, munitisque adversus eruptiones militari opere castris, spes
 injecta est Vezirio, Montecuculum cum tenuibus copiis, quod ex captivis
 cognoverat, latitantem opprimendi. Hunc in finem, ut ne Spahii, Tar-
 tarique otio torpescerent, duo, & viginti millia equitum dimisit Ductore
 Ismaele Damasci Præfecto, ad perfringenda Vagi claustra, raris militibus
 custo-

A) Paulo ante medium noctis. Consule Justi Lipsii Militiam Romanam Lib. V. de Vigiliis.

custodita. Duobus, & viginti diebus a paucis stationariis suo conatu de- A. C.
 sti Turcæ, tandem tertia Septembris Valachi, Spahii pluribus locis vadum 1664.
 explorare jussi, in alteram ripam eluctantur, stationariis Cseklesium, dua-
 bus duntaxat leucis Posonio dissitum, quo Montecuculus castra transtule-
 rat, diffugientibus. Bipartito divisis agminibus populationem longe, late-
 que inferre placuit. Pars una in Posoniensem agrum effusa, regionem op-
 pidis frequentem, inter cædes fugientium incolarum, flammis cremarunt;
 unde Montecuculus vicini periculi admonitus, iter suis eadem adhuc nocte
 Posonium edixit. Altera pars superatis albis montibus, in Moraviam inve-
 cta, tanto crudelius in omnem ætatem mortalium sæviit, quanto liberio-
 rem grassandi campum, per immunitos vicos est nata. Facile quadragin-
 ta hominum millia ex utraque provincia in servitutem abducta. Spargente
 incendia Ismaele, placuit Vezirio, antequam oppugnationem aggredieretur,
 explorare animos obsessorum, vellentne præsidium Mahometi dedere, an
 belli eventum experiri, data epistola A) ad Forgacium Gubernatorem.
 Cum is neque metu, neque blandimentis moveretur, nihil cunctatus Vezi-
 rius, circumlustratis, æstimatisque jam antea præsidii mænibus, quæ situ,
 & opere firma, quæ vetustate fluxa, tripartito oppugnationem distribuit.
 Erat Uivarinum a Rudolpho II. post captum a Turcis Strigonium, sex gran-
 dibus propugnaculis munitum, adversus populationes Austriæ, Moraviæ
 imminentes firmissimum frænum; subinde Lippaii Archi-Præsulis Strigoni-
 ensis non levibus impensis, muro circumdatum, & a ruinis utcunque repa-
 ratum. Tria tamen propugnacula adhucdum hiabant, & a vetustate male
 habita.

In hæc vim omnem exprompturus, oppugnationem cum Budensi,
 & Bosnensi Præfectis partitus est. Eductis sex grandibus, solidissimisque
 suggestibus, muralibus tormentis omnino octoginta, vi tanta everberari
 propugnacula cœperunt, ut duo de viginti globorum millia emissa, non
 mænia modo ingenti hiatu dejecerint, sed & tectis, & turribus inter fre-
 quentia vulnera, necesseque militum stragem intulerint. Forgacius frustra
 imploratis a Montecuculo, & Zrinyio suppetiis, Uivarini fortunam suæ
 unius virtuti relictam videns, ut erat in subeundis periculis semper intrep-
 idus, erecto animo procumbentia mænia cum præsidario defendit. Decima
 septima Septembris comperto ex iis, qui spectatum missi, facilem per rui-
 nas jam editas ascensum fore, jussu Vezirii in Fridericium, ac Forgacianum
 propugnaculum impressio est facta, tanta celeritate, ardoreque Janicsaro-
 rum, ut septemdecim vexilla defigerent, victoriamque conclamarent. Præ-
 sidiarii raptis ferociter armis ductu Præfectorum Pio, & Grana eo accurren-
 tes, aggressores nondum satis munitos, multo labore, sanguineque captis sta-
 tionibus deturbant. Redintegratus triduo post in eadem propugnacula in-
 sultus, nihilo feliciorum successum habuit. Discrimen tamen non medio-
 cre adiit Uivarinum, & nondum captum pene periit. Vis nitrati pulveris
 incuria cujusdam gregarii momento incensa, Pro-Tribunum Sporkium cum
 quadraginta militibus, uno impetu in sublime rapuit, molemque vicini pro-
 pugnaculi fragore tam horribili concussit, ut plerique defensorum, ne ea-
 dem peste evibrarentur, in cæcam fugam abrepti, stationes suas deseruerint.
 Turcæ a metu non minus, quam periculo vacui, inter tumultum in ruinas
 eluctati, quatuor vexillis mænibus infixis, semet obmunire occipiunt. Su-
 pervenientibus Grana, & Pio tum quoque e capto propugnaculo ejecti sunt.

Sed inopinatus casus, eatenus victorem militem, & Uivarinum per-
 didit. Inter spolia, quæ præsidarii in propugnaculis legerant, reperta est
 epistola Francisci Vesselenii Pro-Regis ad Forgacium conscripta: in ea cum
 nihil meminisset suppetiarum, quas propediem ad solvendam obsidionem
 venturas sperabant; enimvero in desperationem acti, consilium capiunt
 locum dedendi ante, quam ultimam vim, aggressionemque expectarent,
 qua non dubiam sibi, præsidioque perniciem crearent. Hæc primum inter

A. C. milites agitata, mox cives, fœminas præcipue, in apertum tumultum, se-
 1664. ditionemque traxerunt. Forgacsius frustra terrore, ac blandimentis admo-
 tis, re ad consilium delata, omnium sententia candidum vexillum, deditio-
 nis insigne, sustulit. Septima, & vigesima Septembris amplissimis conditio-
 nibus impetratis, excesserunt præsidarii, integra fide, & quam mireris in
 barbara gente, in saucios, ægros, teneramque ætatem insigni charitate Co-
 maromium deducti. Vezirius gratulatus victoriam Mahometi Imperatori,
 quo ea acceptior Byzantinis, atque sibi ampliori gloriæ cederet, parce cal-
 culum cæsorū posuit, a) cum alii Scriptores prodiderint, duodecim mil-
 lia cecidisse in oppugnatione cum Natoliæ, Sophiæque Gubernatoribus,
 Aga majore, equitum Præfecto, aliisque clari nominis militibus; nisi for-
 tassî aucto nimium cæsorū numero, jacturam Uivarini, & detrimenta,
 quæ regio illa perferre debuit, minuere voluerint. Fieri enim amat apud
 victos, ut exuti arcibus, aut prælio superati, imaginaria cæsorū hostium
 multitudine, quod unum superest, semet solentur, & victoriâ fictis ru-
 moribus elevent. Sed auxerint, ut libet, minuerintve Scriptores cladem
 Turcarum; Vezirius eo minoris eam fecit, quo opportuniorem campum
 est nactus prædabundis agminibus, Nitriensem, Posoniensem provinciam,
 Moraviamque infestandi, atque numerosum exercitum in hostico alendi.
 Instauratis Uivarini ruinis, ad minoris nominis oppida animum appulit.
 Leva, Nitria, Galgoczium prona, facilique deditione in hostium manus
 devenere. Unam Semphtaviam virtus Nicolæ Bavaricæ legionis Pro-Tribu-
 ni, Leopoldo servavit cum tenui præsidio, circumfususque arcis diuturna de-
 fensione fregit.

Inter has oppidorum strages jam Octobri præcipitante, acrior hy-
 ems in hyberna compulit Vezirium. Tendebat Strigonium versus, omni
 spoliū genere, ac inprimis turba captivorum gravis. Movit Nicolaum
 Zrinyium tum cupiditas gloriæ, tum miserabile agmen, tot pereuntium.
 Christianorum, ad opem ferendam. Cum promptissimis suorum ultimum
 agmen assecutus, memorabili pugna victor evasit. Janicsari vicinitate Ve-
 zirii confidentiores, objectis in fronte plaustris, carrisque communiti, dis-
 positis ad pugnam ordinibus, Zrinyium excipiunt, victoriâque morantur.
 Cum celeritate opus esset, Dux, militesque equis defiliunt, tantoque con-
 temtu periculorum manus conserunt, ut eodem tempore & plaustris defensos
 urgerent, & plaustra obnitente nequidquam hoste diriperent. Deletis hostium
 cohortibus, omni præda potiuntur, quodve magnitudinem prædæ superavit,
 multorum jucundissima libertas fuit. At in Illyrico eodem adhuc anno, b)
 tanto illustriori nominis fama arma circumtulit, quanto graviores procellas
 Croatia, Styriæque provinciis impendentem parva manu feliciter avertit. Tur-
 carum, Tartarorumque triginta millia ad pervastandam Styriam missa, multo
 apparatu bellico ad Muram fluvium pervenere. Tartari non expectata pontis
 fabrica, in alteram partem nullo obsistente enatant. Zrinyius fessos, madi-
 dosque cum ter centum equitibus invadens, post emissam sagittarum nu-
 bem, in Muram præter solitum auctiorem propellit. Socii fugientium mul-
 titudini auxilium laturo, cæco impetu in amnem provecti, supervenienti-
 bus a tergo aliis, aliisque, mutuo equorum, hominumque occurso, im-
 pulsi, implicitique, c) facile mille vorticibus sunt hausti, captis a Zrinyia-
 no milite non paucioribus equis, qui excussis sessoribus in eo tumultu, in
 castra Christianorum venere. Eo successu frustrati hostes, cum alioquin
 Zrinyium reformidarent, & super hæc novis in dies copiis, ac tormentis
 validiorem viderent, Kanisam miro utriusque provinciæ gaudio redierunt.

Zrinyius ut erat animi ardens, omnisque otii acerrimus osor, rigida
 anni tempestate Januario mense, anno MDCLXIV. Sclavonicæ expeditioni
 initium dedit, eo promptius Hungaris, Germanisque ad signa confluenti-
 bus, quo frequentius viri fortitudinem, & perpetuam belli fortunam sub
 illius

a) Tria millia Turcarum periisse scripsit Vezirius. b) Videlicet 1663. Hostis fusus, & fugatus
 est a Nicolao Zrinyio, V. calend. Decemb. c) Chronicon Hung-Turc.

illius auspiciis, ductuque habuere. Quanquam multi, qui dignitati illius, A. C. atque militaribus actis invidebant, eam expeditionem funestam Reipublicæ 1664. Christianæ fore prædicerent, multisque rationibus persuadere niterentur Leopoldo, ut ne Ducem temere præfidentem, & in exitium ruentem, novis viribus armaret. Sed virtutis tot victoriis, quot præliis per Europam notæ existimatio, facile apud sapientem Imperatorem, nimium anxio aliorum consilio prævaluit. Præter decem Hungarorum, & Croatarum millia, sena circiter Germanorum millia, Hohenloio Ductore, Neo-Zrinyiam conveniunt, vicesimoque die Januarii in hosticum ducta, Breseniczam, haud immunum castellum, sed glacie iter aperiente ad muros, ostenso solum terrore, deditione acceperunt. Babocsam, aliaque oppida eadem facilitate occupant, & post direptas incolarum fortunas incendio delent. Ad Quinque-Ecclesias non nihil fortuna adhæsit. Urbis mænia suo jam vitio, & vetustate invalida, ad primos tormentorum ictus procumbentia, facilem viam irrupturis dederunt. Oppugnatio arcis operibus saxeis, præsidioque munitæ cum lentius procederet, quam Zrinyii ardor perferre posset, relicto Hohenloio ad obsidionem cum peditatu, equitatum Eszekinum abducit, ad celebrem illum pontem exurendum, A) quo incendia populationes in Croatiam, Styriamque jam inde a temporibus Solymani I. perferebantur. Octava, & vicesima Januarii cum C. Paulo Eszterházy illuc delatus, castello pontis occupato, immensæ illius fabricæ custodes suo adventu in fugam conjecit. Ingens copia lignorum ad utramque Dravi ripam aderat, in eam uti & castella, turresque, quæ in defensionem vasti operis excitatæ erant, festinatis operis ignem conjicit, paucasque intra horas omnia concremat, dubio apud posteros relicto, majorne operis everfor, an author? Nobili hoc incendio clarior, quingentos vicos, oppida cum frumentariis molis eadem celeritate flammis consumit. Redux Quinque-Ecclesias, omnium animos partim hyemis rigore, partim oppugnationis difficultate torpere animadvertit. Hohenloio denique hortante, conclamatis vasis Neo-Zrinyiam reditum est.

Decima octava Aprilis rursus in campum prodiit Zrinyus Kanisam, Illyrici, Styriæque terrorem, oppugnaturus. Multa erant, quæ virum militem ad illud latronum receptaculum evertendum moverunt. Pontis Eszekinenis excidium, unde suppetias sperare potuissent Kanisienses. Ipse locus ad ferendam oppugnationem male instructus; Præfectus Christianis addictus, auroque emptus in prodicionem, & super hæc omnia Wassenhoffius machinator bellicus, cujus peritiæ, aut potius splendidis promissis non Zrinyus modo, sed & Styriæ Primores plurimum tribuebant, spe certa implevit obsidentes, paucarum impendio hebdomadam præsidii capiendi. Cœpta oppugnatio hominis vanitatem prodidit, & spem omnium evertit. Nam ob palustres campos, quibus Kanisa circumdatur, nec castra firmis operibus muniri, neque suggestus tormentorum erigi poterant, sæpeque subsidebat uligine homines perinde, ac machinæ hauriebantur. Inde ingenti, quam prævia fama movit, expectationi minime respondit Wassenhoffius. Præterea detecta Gubernatoris collusione, eoque trucidato, præfecturam accepit alter pervigil ubique, irrequietus, laborumque pertinax. Hujus imperio oppidum exustum, mænia propugnaculis, turribusque reparata. Nec minus arcis firmamentum aderat a præsidariis mille circiter, atque quingentis, veteranis plerisque, & ad omnem patientiam longo armorum usu subactis. Telorum vero tanta copia, ut profecto Kanisa a quantacunque hostium vi secura videretur. Denique Vezirius ex hybernis movens, acceleratis perfectionibus superato jam Dravo ad liberandum præsidium accurrit. His difficultatibus circumventi Duces soluta obsidione Neo-Zrinyiam abeunt.

Etenim Mahometes B) perceptis Zrinyii facinoribus, quæ in Hungaria, Illyricoque patravit, iussit Vezirium belli molem in Illyricum transferre, eo potissimum consilio, ut Neo-Zrinyia eversa, propter quam bel-

H 3

lum

A) Pons iste celebris in longum excurrit passus 8565. in latum 17. vel ut aliis placet, 24. Consule Chronicon sæpius memoratum. B) Porta Ottomanica.

A. C. lum exarsit, una & conditorem illius ruina opprimeret. Et Vezirius ob vi.
1664. Historiam superioris anni, majora jam complexus animo, commisso ponte Dravo, exercitum tantâ festinatione in Illyricum movit, ut Zrinyiani exercitus vestigia, præcursores Tartari assiduo premerent, ultimumque agmen Imperialium lacerarent. Positis trans Muram castris, Strozzius militum Præfectus, aggeribus jactis, militumque stationibus, transitu fluminis hostem prohibet. At intempesta nocte pluribus locis superato amne, industriam, curamque Strozzi exacerunt Janicsari. Hos prima luce aggressus, non modo munimentis exigit, verum maxima trepidatione trans flumen repellit, cælis tribus millibus fugientium. Lætitiâ hujus victoriæ plane extinxit victoris inopinata cædes, e superiori loco plumbea glande caput trajecti.

Interim Montecuculo in castra venienti cum veteranis legionibus, Zrinyius persuadere nitebatur, ut in aciem eluctis universis copiis, Vezirium ad certamen eliceret, aut intra valla aggrediretur. Habebat sub signis non nisi triginta armatorum millia, a) quorum pars magna Neo-Zrinyiæ munimentis affusa vigiliis, & laboribus exhausta erat. Verum gliscente æmulatione inter Duces, consilium nullo loco est habitum, sive censeret copias Gallorum expectandas, sive nihil pensi haberet Neo-Zrinyiam inspetante Christiano exercitu, & alienæ victoriæ teste expugnari. Et reapse post viginti dierum acerrimam oppugnationem; Vangurio Barone Gallo, operum bellicorum peritissimo, gravi vulnere fauciato, castellum Turcis relictum fuit, multum indignante Zrinyio, ac Montecuculi cunctationem amaris salibus traducente. Denique nimio dolore abreptus, vir cæteroquin inter mille vitæ discrimina constantissimus, desertis Regiis castris, se domum recipit, triumphantibus æmulis, inimicisque, citra invidiam, aut armorum felicitatem consecutis, quod machinis omnibus agebant. Nec multo post in ipso ætatis, famæ, virtutis flore inter venandum a furenti apro misere confectus periit. b)

Munimento, in cujus excidium Orientis vires conspirarunt, everso a victore Vezirio, veluti confecta expeditione, castra Turcica Kanisam versus sunt mota. Sed hominem victoriâ præferocem, novo æstu in pugnam impulit clades, iisdem diebus ad Levam accepta. Susa sive Souchesius cum octo millium exercitu capta Nitria, ad subigendam Levam, satis munitum eo temporis oppidum, oculos adjecit. Ducis consilia ut interturbaret Hassanes Budæ Præfectus, quas a Vezirio moderandas obtinuit, Cæsareis objicit copias. Intra binos montes opportunum castris locum delegit Susa, ne hostium multitudini (quinque, & viginti millia fuerunt) latera castrorum invadendi facultas esset. Triduo mutuo in conspectu hæserunt. Sed fame magis, quam truci barbarorum fremitu angebantur Christiani. Itaque in lætiorem agrum educiturus suos, profectionem indicit Susa trans amnem Granum, binis pontibus stratum. Collem in utrumque pontem assurgentem, insedit Kellus Brandenburgus Pro-Tribunus cum peditum, & desultorum cohorte. Hassanes ubi traduci copias ante oculos quasi per contemptum videt, immissis repente Janicsaris in Kelleri cohortem, terga simul abeuntium invadit. Incalescente pugna maxime in colle, Susa cum equitatu auxilium attulit, cæsisque mille Turcis, reliquos in castra rejecit. Hac procella discussa, ad oppidum S. Crucis perventum est, Hassane Strigonium avolante. Recreato per quietem milite, cum nemo hostium pro Leva excubaret, admota celeriter vi, septima Junii arx ipsa deditionem fecit. Hujus jactura rursus in campum provocatus Hassanes, fixis ad Levam castris arcem frustra assiliit, strenuitate Præfecti potius, quam robore munimenti repulsus. Duodevigesima Julii, Susa adfuit cum exercitu adeo vicinus excubiis Turcarum, ut non nisi interfluente Grano amne divideretur. Ut dimicandi copiam faceret hosti, cum nupernum prælium, quo superior erat, tum veteranæ aliquot legiones in castra appulsæ, virum militiæ veterem mo-

verunt.

verunt. Altero die A) una ante auroram hora, felici errore primus Sufa, mi- A. C. litem arma capere jubet. Regio, ubi castra Christianorum erant, arbori- 1664. bus conlita, frequentes excubias ad detegendas hostium insidias postulavit. Perflante, ac impellente leniori vento arborum frondes, vigiliis suspicionem incussit hostium adventus.

Dato illico signo, milites perinde, atque Præfecti, in castris arma induunt, Ducisque mandata operiuntur. Ille ne transitu Grani prohiberetur, tribus locis amnem superat tanta festinatione, ut duarum horarum spatio, universus exercitus suos in ordines distributus, alteram ripam teneret. Budensis pugnandi alioquin avidissimus, paucitatem Christianorum contemptim intuitus, sine mora in certamen prodit. Media acies Janicsarorum diu victoriam morabatur; ea loco mota a Sufa, gliscente latius pavore, utrumque cornu in fugam traxit. Octo millia promiscuæ multitudinis partim in arena, partim in fuga trucidata, sauciato Budensi. Opulenta præterea castra victor diripuit. Tanta victoria tum Germanorum, tum Hungarorum quingentorum sanguine est confecta, cæso etiam C. Stephano Kohario sub primum æstum certaminis. Hanc cladem per celeres nuncios edoctus Vezirius, decrevit quamprimum suos ulcisci. Nec diu moratus cum flore equitatus, cursu celerrimo ad Arrabonem fluvium provolat; in Austriam, Styriam cædem, incendia, populationem illaturus. Montecuculus, explorato hostium consilio, ponte celeriter extructo ad S. Gotthardum, Arrabonem transit, iussisque Hungarorum, & Croatarum equitibus, ingenti strepitu ripam fluminis percurrere, aliquot munimenta tentaturis vadum, opponit. Nona, & vicesima Julii Vezirius, collectis omnibus copiis rursus fluvium accedere, pluribus locis transitum minari, Montecuculo se strenue objiciente, ac majoribus machinis hostem arcente in alterum diem. Ante calendas Augusti, dimidia supra S. Gotthardum leuca, silentio noctis in adversam ripam transgressi barbari, Centurionem cum stationariis centum interficiunt.

Valdeckius, Marchionis Badensis Imperialium copiarum Ductoris Legatus, animadverso periculo, Fuggerum cum Svevicis cohortibus, ac Bavaris hosti occurrere, Saxoniam legionem, & Franconiam una movere, mediam vero aciem, quam Imperiales faciebant, in armis esse jubet. Cedentibus sponte Turcis dum animosius, quam prudentius instat Fuggerus, repente a redeuntibus in prælium, in fugam coniectus, multos suorum amittit. Tres legiones auxilio missæ, pari ardore concisæ, tumultum, periculumque auxerunt per castra. Janicsari strage Imperialium edita, dici non potest, quam horribili clamore victoriam conclamarint. Sed inter tyrones, hesternosque milites eatenus pugnatum fuit. Montecuculus raptis veteranis legionibus, insolentiam Janicsarorum non repressit modo, sed & Imperialibus, qui abjectis armis aut fugam arripiebant, aut in genua provoluti necem operiebantur, semet colligendi spatium dedit. Nihilominus media acies restitui non potuit. Ut Collignius cum suis Gallis (erant quatuor millia peditum, duo equitum) hiatum expleret, permoveri non potuit. Post multas preces, mille pedites, sexcenti equites in pugnam missi, cum ferociam Turcarum perferre non possent, in receptu cladem acceperunt.

Interim Vezirio integros submittente, gliscebant hostium numerus, præliumque multis locis accendebatur. Montecuculus, ni universa acie decerneretur, actum existimarat de Christianorum exercitu. Variantes Ducum animos autoritate magis, quam ratione, aut spe victoriæ, in suam perpulsi sententiam. B) Quarta post meridiem hora elatis signis, per fatalem copiis Imperialibus arenam perventum est ad Turcas vallum molientes. Prima impressione cedere coacti Janicsari, cum conferti ob angustias loci, se ictibus tormentorum subducere non valerent, certatim postremi, in quos deinceps tempestas glandium effusa, in amnem desilientes, viam fugere volenti-

A) Videlicet 19. Julii. B) Ricautius omnia tribuit Hohenlohe, sequutus Scriptorem Theatri Europæi.

A. C. lentibus dedere. Octo millia partim aquis, partim ferro perierunt. Alii
 1664. multo maiorem numerum ponunt; & ipse Montecuculus sedecim millia occubuisse notavit, iis forte accensitis, quos dimicationes variæ absumpserunt, dum amnem superare niterentur, aut quos Sporkius trans Arrabonem illucescente die interfecit. A) Fœdam suorum fugam, clademque e loco altiori intuens Vezirius, framea ferociter elata in obvium quemque defertur; simul prætorianis mandat: fugientes hostium loco habeant. Sed tanta jam erat trepidatio, ut a suis potius, quam a Christianis turcidari maluerint. Qui cladem evaserant, quique vacui, integrique pugnam aspexerant, commilitonum infortunio perculsi, castra tristi murmure compleverunt. Arguebant imperitiæ Vezirium, quod non omnibus copiis, viso prospero prælii exordio, transitum tentarit; potuisse, media acie protrita, utrumque latus facile profligari, si triginta Spahiorum millia se e castris movissent. Rumor subinde inter Janicsaros, qui primi fugæ initium fecere, est obortus: iussu Vezirii signum receptui datum, ubi Christianos instauratis ordinibus vidit procedere; nec pontem, nec rates adfuisse, ut fessi, armisque graves, tuto in amicam ripam evadere potuerint.

His, aliisque sermonibus omnem invidiam in unum Vezirium derivare nitebantur. Et parum aberat, quin in apertam seditionem, ad tegendum scilicet dedecus, opportunum medium, erumperent, Veziriique sanguine contractam ignaviæ maculam eluerent. Ne otium ejusmodi rumoribus natum aleret (nam Montecuculus per annonæ, & nitrati pulveris defectum, imbresque frequentiores victoriam continuare non potuit) Albam Regalem versus castra movet. Acceptis in itinere quindecim millium supplementis, in Strigonienfi agro metatus, e consilio Hassanis Uivarinum cum omnibus copiis petit: nempe metuens, ne Souchesius eum locum invaderet. Montecuculus refeito exercitu, comportataque in plures dies annonæ, ad Semphtaviam consedit, quid consilii hostis capturus, suspensus. Non multo post patuit militem juxta, ac Vezirium pacem præ bello optare. Et reipsa tanta modestia intra valla castrorum constiterunt, ut nemo Christianos lacefferet, nemo vim, injuriamque vicinis oppidis inferret, mirante Montecuculo, inopinatam mutationem. Sed jam Renningerus, Cæsaris Legatus, inducias cum Vezirio est pactus, quas Vienna deinde ratas habuit. Summa earum erat. *In viginti annos pax esto; cum Cæsareus, tum Turcicus miles Transylvania decedat; Ordines in eligendo Principe jus suum perpetuo habeant. Rákóczii, Keménii hæredes, omni bello adversus Transylvanos abstineant, neque isti Cæsaris provincias incursent. Ad Vagi custodiam fas sit Cæsari munimentum excitare; at Neo-Zrinyia suis ruderibus sepulta maneat. Mutuæ populationes a præsidiariis ne fiant. Intra quatuor menses publica legatione, his pactis robur addatur.* B)

Ut pax isthæc coalesceret, multum contulit Vezirii sollicitudo. Et enim fractis ad Arrabonem Janicsarorum animis, seditione glisciente, de meliori successu prorsus desperans, merito timuit, ne tentata iterum prælii fortuna, clades cumlaretur, & suo tandem capite aliorum ignavia expianda foret; veteri more apud Turcas: ut SI RES feliciter eveniat, multi auctores consilii venditentur; si secus; supremo Duci omnis invidia incumbat. Quanquam æstimata expugnatione Uivarini, Neo-Zrinyiæ excidio, sat magna egisse in Hungaria sibi videbatur, ut non ingrati Byzantinis Cretenfi bello implicitis, pacem fore censuerit. Mahometes Neo-Zrinyia eversa, etsi felicioris belli exitum sperarit, & Adrianopolim, ubi tum temporis agebat, festivis ignibus recrearit, tamen certior redditus cladis ad Arrabonem acceptæ, collaudato Vezirii consilio, pactis conventis subscripsit, ut primum Cæsareus Legatus Adranopolim advenit.

1665. Ad id muneri delectus erat Gualterus Comes Leslæus sexagesimum annum prætergressus. Legationi ingens pondus addidit viri majestas, barba

A) Millia quinque a Sporkio cæsa vult Chronicon. B) Vide Chronicon laudatum.

ba in pectus propensa conspicui, præter amplissima dona, A) quibus Maho-A. C. metem, matremque ejus Validen, & Vezirium Imperatoria prorsus magni- 1665. ficientia excoluit. Belgradi jussus resistere a Vezirio, dum ipse festinato itinere Adrianopolim Principem occuparet, doceretque de Legati adventu. Intellecto, cordi esse Imperatori legationem, ingressus urbem Leslæus, multiplici pompa infinitam mortalium multitudinem, ipsumque Soltanum cum aula ad spectandum excivit. In alloquio sua comitate, prudentia, adeo Imperatorem sibi devinxit, ut summis deinceps honoribus cultus, conviviis, ludis adhibitus, facilem in omnibus eum habuerit. Haud perinde acceptus erat Mehemetes, qui legationem Viennæ obivit, homo extreme stolidus, & avarus, quique suæ gentis mores plane exprimeret. Sed privata hæc vitia, nihil obfuerunt voto utriusque Imperatoris, quo minus pax in campo confecta, in aula firmaretur. Vezirius, qui ad eum diem militem ad Budam, & Strigonium in armis esse jusserat, roboratis induciis, exercitus Constantinopolim revocat, Cretensi bello finem impositurus.

Fluctuabant Veneti MDCLXV anno, si unquam alias, in Senatu; bellumne cum potentissimo Imperatore cœptum continuarent, an vero cessione Dalmatiæ, aut Cretensis insulæ pacem redimerent? enumerarunt longa serie, quæ ad tempus isthoc tolerassent, quæve toleranda forent bellorum adversa; a quibus parum differrent ipsæ victoriæ, quas interdum ex Ottomanis retulerunt. Nam deleta ad Hellepontum semel, atque iterum classe hostili, cæsis legionibus, captis insulis, quid emolumenti Respublica cepit? quid aliud actum est iis victoriis? nisi ut plures, & validiores exercitus scriberentur, classibus mare sterneretur, vires amplissimi Imperii ad hauriendum Venetum sanguinem irritarentur. Bellum non integrum modo videbatur, sed longe gravius, quam eo die, quo fatales inimicitiae inchoatæ. At nihil magis perturbatos reddidit, atque pax cum Leopoldo inita. Præviderunt enim copias omnes in Asiam advolaturas, & maculam ad Arrabonem contractam, militaribus factis conaturas eluere. Et de Vezirio exploratum habuerunt: non ante positurum arma, quam Venetos insulæ possessione dejiciat.

Alii contra differebant: bellum non minoribus animis persequendum, quam cœptum. In Hungarica expeditione florem Janicsarorum, partim in oppugnatione Uivarini, partim in prælio ad S. Gotthardum occubuisse; paucos superesse e veteranis, qui, quod sæpius jam victi, facile vincentur. Placuit nonnullis e Senatoribus, ingenti tumultu arma parare, & pacem, si æquis conditionibus iniri posset, haud respuere. Hæc sententia cum tutissima Reipublicæ videretur, Dalmatiæ præsidiis, quo bellum ex Hungaria transferendum falso putarunt, inprimis consuluerunt. Franciscus Marchio de Villa, apud Sardos artium militarium peritus, invitatu Reipublicæ præter modum incensus, Veneti peditatus præfectura accepta, in Dalmatiam primo quoque tempore abit, tractis secum in eam expeditionem e Nobilitate Sardica multis, militiæ claris, qui deinceps perutilem operam (quippe Centuriones, aut Subcenturiones plerique erant) Venetis præstiterunt. Inspectis, atque resectis mira accuratione arcibus, castellis, maritimaque ora stationibus firmata, adeo militum animis omnis pavor decessit, ut non ad munimenta modo defendenda satis animorum esset, sed etiam ad laceßendum hostem prælio, si quis ingrueret.

Eas res cum maxime ageret in Dalmatia Marchio, tristibus nunciis in Candiam evocatur. Nam Leslæus Cæsaris Orator, ut erat acerrimi ingenii, vivacissimique, e Vezirii, Purpuratorumque sermone facile collegit, non in Dalmatiam, verum in Cretam belli molem conversum iri; idque clam literis Reipublicæ significavit; addito: ipsum Vezirium eo deportatum exercitus, & urbem tot jam annis ex æquo decertantem omni vi impugnaturum. Haud ex vano nunciassè visus est hæc talia Leslæus, posteaquam Ballarino Oratori Veneto bellum indictum, nisi omnis Creta Turcico

A) Quæ Adrianopolim attulerit munera, leges in laudato Chronico, & apud Ricautium in Porta Ottomanica.

A. C. præsidio permittatur. Istud cum negaret suæ potestatis esse, neque Rem-
 1665. publicam consensuram, ut nobilissima provincia, navigationeque Asiatica
 intervertatur; comitate, ingenuo candore, eloquentia, qua plurimum præ-
 stabat, Turcici sermonis non rudis, ad conditiones æquiores Vezirium emol-
 lire studuit. Is sive spe pacis delusus Ballarinum, quo industriam Vene-
 torum in bello adornando moraretur, sive alioquin prævideret, nunquam
 coalituram pacem iis conditionibus, quas jam apud animum statuit ponere
 Reipublicæ, accitis in consilium præcipuis Purpuratorum Adrianopolim,
 ubi Mahometes venandi gratia morabatur, de bello Cretensi deliberavit.
 Exploratis singulorum sententiis Ballarino significat: Mahometem, & se non
 alienum esse ab amicitia Venetæ gentis, eam firmam, stabilemque fore, mo-
 do everfis omnibus præfidiis, quibus Creta terra, marique cingitur, unam
 Candiam suis munimentis adhucdum integram Veneti possideant. Ut pri-
 mum manum admovent demolitioni, Turcicum militem deductum iri,
 & pacem, frustra tot exercituum, classiumque strage quæsitam, conclu-
 sum iri.

Res sane ridicula visa Oratori, ut insula omnibus munimentis spolie-
 tur, & hosti, Reipublicæ fatigiis, atque impensis via aperiatur, quo Can-
 diam celerius sui juris faciat. Hæc, atque alia cum nunciarentur Venetias;
 certi Cretam præ Dalmatia ad istum destinari, Marchionem admonuerunt,
 ut omni mora interrupta, navigaret in Candiam, ubi belli sedem fore non
 vanis indiciis haberent. Ille, ne quid detrimenti per suam tarditatem Res-
 publica acciperet, consensu propere navigio, prætervectus Corcyram,
 Cephalleniam, Zacynthum, Cytheram, sexta Decembris in Parum insulam
 appulit. Reperit hic classem Venetam, atque Ægeas insulas more superio-
 rum annorum aut infestantem, aut adversus vim hostilem tuentem. Luf-
 tratis copiis decem pugnatorum millia censuit, sed ab annona, nitrato pul-
 vere, re tormentaria male instructa. Tantula manu totius Cretæ salus con-
 tinebatur, & Ottomanici Imperii potentia sustinenda erat. Hæsit aliquan-
 tisper attonitus Marchio ad diminutas adeo copias, apparatusque belli-
 corum defectus, ferturque dubitasse: susciperetne munus a Venetis delatum,
 & partam armis gloriam discrimini exponeret? postea vero quam omnia
 large addixerunt Veneti, & datis literis Marchionem hortati sunt, ut in il-
 lo belli theatro, quo jam dudum totius orbis oculi converfi sunt, rem
 Christianam fortiter juxta, ac sapienter propugnet, nihil ultra cunctatus, tan-
 to animosius imperium suscepit, quanto Venetorum spem in se uno loca-
 tam luculentioribus argumentis persensit. A)

1666. Duodecima Januarii cum sex, & quinquaginta navibus iter instituit
 in Cretam. Præter alia maris incommoda, sævissimo frigore afflicti, ac
 multis diebus fœdis turbinibus jactati; incerta vitæ, & perveniendi, quo
 intenderant, spe; plerique navigationem damnare, quidam etiam rever-
 sionem efflagitare cœperunt. Hos Marchio obfirmato ad omnem patien-
 tiam, periculumque animo, partim promissis, partim adhortationibus su-
 stentavit, quoad tandem vicesimo sexto Januarii collucentibus flammis, quas
 Sudenses excitarunt ad detegenda navigantibus saxa, & scopulos, feliciter
 Sudæ portum tenuissent. Hic aliquot mensium stipendia militibus numera-
 ta, mirum quantopere eorum animos periculosa navigatione ægros recrea-
 rint, & ad sufferendos castrorum labores accenderint. Calore isthoc uten-
 dum ratus Marchio, Caneam occupandi consilium init. Itaque Joannem
 Vertmüllerum, rei tormentariæ Præfectum, cum aliquot equitum, pedi-
 tumque signis, sine strepitu illuc properare, atque infesso itinere, accessum
 ad urbem hosti claudere jubet; ipse sub hæc mandata cum reliquo exercitu
 Sudam movit. Sed præfidiarii clam admoniti, divisim agminibus adventare
 Venetos, urbe egressi, Vertmüllerum sine ordinibus incedentem, repente
 adoriuntur, commissoque prælio ante fundunt, fugantque, quam Dux auxi-
 lio suis adesse posset. Improperum initium expeditionem corrumpit. Nam
 etfi

etſi mœnia circumvallarent Veneti, unoque menſe oppugnationem urgerent, A. C. tamen ad extremum viſa pertinacia Janiſarorum, qui crebris eruptionibus 1666. opera interturbarent, retractis machinis, atque navibus impoſitis Candiam abierunt.

Miteſcente hyemis tempore in urbis conſpectu univerſas copias in armis tenuit Marchio, moreque militari legiones luſtravit. Turcarum promptiſſimi ex inſidiis emergentes, ſua audacia tantam formidinem intulerunt primis, quos invaſerant; ut hi non attendita paucitate hoſtium, cum tumultu fugam capeſſiverint, exercitumque ſuis ordinibus explicatum in maximam perturbationem traxerint. Tandem Marchionis præſentia, atque monitis firmati, obverſis ſubito armis, pleroſque plumbeis glandibus conſecerunt. Adverſus ſubitarias ejusmodi incurſiones, promota ab urbe longius caſtra, omni telorum genere, excitatis munimentis, ac turribus defendenda duxit Marchio. Neque tamen propterea hoſtem, qui haud procul a Venetorum caſtris metatus eſt, deterruit, quo minus opera oppugnaret, atque in caſtra aditum moliretur. Ex quo crebrius fiebant minuta prælia, multique in patentem campum, inter utraque caſtra porrectum, animoſe excurrentes, mutuis vulneribus cadebant.

Poſt levia hæc certamina, fere univerſa acie dimicatum fuit. Reje- cti aliquoties cum jactura militum Turcæ, una impreſſione cædem commi- litorum vindicare ardebant. In hunc finem circuitu viarum facto per col- les, repente latera caſtrorum invadunt. Veneti ut deſtinatis ictibus conſer- tos figerent, non ante tela miſerant, quam tormentis obnoxios habuere. Tum diſpoſitis omnibus machinis, non conſtiterunt animis Turcæ, itinere feſſi, atque improviſa glandium tempeſtate excepti. Ergo immemores præ- lii, nullo pudore, non Ducum præſentia, ſolvere ordines, fugam moli- ri laſſis corporibus. Viſa hac trepidatione, primum peditatus, tum Sfortia, Biſſarus cum equitatu erumpunt, ac curſu fatigatos ad munitiones inter ſtra- gem repellunt. In hac victoria peccatum eſt a Venetis. Nam vincendi aviditate abripi ſe longius paſſi, ordinibus haud ſervatis, occaſionem dede- runt hoſti pugnam redintegrandi. E caſtris prorumpentia agmina repente in victores movent, coguntque inopinato turbatos occurſu, totum illud camporum ſpatium, quod modo menſi erant hoſtem fugando, idem fu- giendo remetiri. Interim Marchio educiſ extra caſtrorum munitiones co- piis, ſuorum illico fugam ſiſtit, atque in hoſtes convertit. Erat adeo per- mixta acies utraque, ut nullus tormentorum uſus fuerit. Poſt acrem plu- rium horarum pugnam, arena exceſſere Turcæ, amiſſis circiter mille viris. Apud Venetos minor ſtrages, ſed plerique Præſectorum honeſtis vulneri- bus notati. A)

Hæc dum aguntur, ad urbem Candiam, Vezirii juſſu, Conſtantino- poli conſtruendæ claſſi inſudatum fuit, ingenti operarum induſtria. Inſtru- cta aliquot navigia, curæ commiſit Capſanis Præſecti, navigaturi in Cre- tam; ipſe eo ſecuturus, ut primum claſſis, legionarii, machinæ, aliaque, quibus urbs Candia, caput inſulæ, ſubigi poſſet, comparata fuerint. Ad eum rumore Hieronymus Grimani in Zacynthum inſulam propere trans- miſit, quod Capſanem illuc facturum vela, ad annonam, apparatusque bellicos Candiaſ deſtinatos, perdendos trepide nunciaretur. Sed Capſan recto curſu Cretam invectus, & Grimani induſtriam luſit, & caſtra Turki- ca non mediocriter militum ſupplementis auxit. Ea res permovit Veneto- rum Ducem, ut ſolutis caſtris exercitum Candia� imponeret, objectisque mænibus militem juxta, & urbem tueretur. Ut vero auxiliariis copiis, quæ Byzantio non parce mittebantur, percurrendi Ægeum mare facultatem adimeret, armatam claſſem per nobiliores portus ſedulo excubare juſſit. At neque iſtud conſilium e ſententia ceſſit, Turcis plerumque nocturnis horis navigantibus, deluſisque cuſtodiis, plenſ velis in inſulam, armorum ſedem, feſtinantibus. Propterea viſum eſt Marchioni (nam & ille partem claſſis

A. C. moderabatur) omnes vires in unum contrahere, & universi certaminis aleam
1666 tentare, si Vezirius congredi auderet.

Ineunte mense Augusto convenire jussi navium Præfeti, coorta horribili tempestate adeo toto mari jactati sunt, ut aliis alio sævitie ventorum abreptis, pauci admodum Andrum insulam tenuerint. Deleri potuisset classis, eo infortunio vehementer consternata, si Vezirius armatis navigiis in tempore adfuisset. Reddita tranquillitate maris, Andrum, stationis locum, omnes intrarunt. Ne porro æstatis reliquum absque operæ pretio efflueret, Chium impugnandam decrevere Veneti, Marchione rem plenam periculi improbante, quod in eam insulam terra, & aquis aditus pateret Turcis, qui profecto non segnes in mittendis suppetiis futuri essent. Auctoritate magis, quam ratione persuasit (nempe deflorescente in dies hominis bellica virtute, quam Taurino attulit) ut vires ad impedienda potius auxilia, vel Candiam, totius expeditionis scopum, defendendam converterent. Inter hæc Grimanus, quem Zacynthi periculum nuper avocavit, dum oram maritimam Dalmatiæ legit, duodecim naves re cibaria onustas occupat, ac in Andrum, ubi classis substitit, abducit. Respublica hæc Marchionis cessatione minime contenta, Franciscum Morosinum maris, armorumque Præfectum renunciatum, sine mora in Cretam navigare jussit, qui editis in defensionem Candiae illustribus factis, nomen suum posteritati transcripsit.

Mensis September labeatur, cum repente rumor Andrum pervasit, Achmetem Vezirium, cognomento Kiuperlem, classẽ validissimam acturum in Cretæ insulam. Quam Veneti famam adeo non negligendam putarunt, ut levatis illico anchoris, reditum diu, noctuque maturarint. Etenim Vezirius, morarum impatiens, posteaquam non expectato classis apparatu, Thebas, Bœotiæ urbem, abiisset, eoque in loco contractum sub signa exercitum, in stativis tenuisset, tandem ineunte Octobri classẽ, rebus omnibus abunde instructam, ad Eubœam conscendit, atque in Candiam navigavit. Substitit Thebis longiori tempore, tum quod equitatu alendo, & convehendæ annonæ opportuna regio esset, tum quod terrore adventus sui, Venetos ad iniquissimas condiciones pacis pertrahendos putaret. Ubi animadvertit propositi tenaces, neque literis agere, neque Oratores mittere de fœdere iciendo; Ballarinum Constantinopoli accersiri jubet, spe concordiæ injecta. Haud cunctanter ob Reipublicæ commodum, itineri semet committens, dum Thessalonicam pervenit, febribus corripitur. Patavinus ei ab epistolis, ut paucis diebus profectionem suspenderet reparandæ veletudinis causa, incassum oravit. Nec multo post festinatione viarum, exasperata vi morbi, apud ignobile oppidum Isdin vivere desiit, ingenti Venetorum dolore. Sumptibus Reipublicæ funere elatus, successorem habuit Hieronymum Giavarinam. At Vezirius Canæ in portum delatus, descensione facta, cum Janicsarorum legionibus Candiam accessit, æstimationisque munimentis, propugnaculis celeberrimæ urbis, arduam oppugnationem, & perdifficilem fore conjecit. Nec abs re. Quippe locum a natura munitum, industria humana ab exordio belli Cretensis, militaribus machinis, terreis, faxeisque operibus mirum quantum auxit. Huc excitati stipendiis Venetorum, peritissimi machinatores, quorum æmulatione, ut fit inter varias nationes, munimentum insulæ fortissimum evasit. Septem propugnaculis, ad omnem artis regulam educatis, atque a tutelaribus loci partim, partim ab authoribus suis appellatis, a) urbs firmabatur.

Postremis hisce annis Marchio de Villa, excitandis, atque tuendis munimentis perinde promptus, nova opera adjecit, veteraque restauravit, tanta firmitate operum, ut urbem invictam reddidisse, hostique animum oppugnandi ademisse diceretur. Sed nihil magis confirmavit Rempublicam, atque veterani milites, Turcicis expeditionibus sub clarissimis Ducibus diu, multumque exerciti, virtute quorum urbem potius, quam suscitatis ingeniose

a) Propugnaculis diversa indita nomina, ut S. Andreæ, Martinengi &c.

niose munitionibus propugnandam speravit. Fuerunt præter Venetos per A. C. multi (Volones) qui deliciis domesticis, laboriosissima terra, marique discrimi- 1666. na præhabuere, atque e variis regnis, didita oppugnationis fama, seu gloriæ, seu Religionis ardore succensi in Cretam, belli theatrum, strenui advolarunt; vestigia Majorum suorum prementes, quos non sine admiratione legimus, in ultimas Asiæ terras contendisse, quo in Religionis hostem dimicarent, fusoque sanguine, suum in rem Christianam studium testarentur. Hæc simul omnia complexus animo Vezirius, statuit exercitum per hyemem in æstivis Canææ reficere, & objectis procul castellis, sine obsidionali strepitu, inferre paulatim obsidionis damna, mitigatis frigoribus vim propius admoturus.

Septima, & vigesima Aprilis anni MDCLXVII. agmina Turcarum, 1667. positis castris ad Candiam, oppugnationi longe omnium memorabili, quæ ulli aliquando urbium illatæ sunt, initium fecerunt, ductisque obsidionalibus fossis, erectis per intervalla munitionibus, adeo omnem aditum ademeret suppetiis, ut nonnisi maritima ora in potestate Candiensium relicta, quidpiam subsidii sperare potuerint obsessi. Vezirius etsi intelligeret, oppugnationem multo difficiliorem fore, si dominarentur mari, per quod alimenta, cæteraque subsidia urbium obsessarum navigant, tamen ne vires exercitus (septuaginta millia armatorum erant) plures in partes divideret, & robur suum partitione tali enervaret, terrestrem solum oppugnationem instituit. Atque ut militibus, ni caperetur hæc Troja, spem quietis, aut hybernorum auferret, novam Candiam, a Cussaine olim exædificatam, & alia circum castella, quo se in stativa recipere solebant exacta ætate, funditus everti iussit. Hoc apparatu viso, & pertinacia Vezirii, Veneti fortunam suam veriti, defensionem magnis animis adornavere. Moderabantur præsidio suprema potestate Antonius Barbarus A) vetus miles, & multarum palmarum Imperator, atque Marchio de Villa, fama, quam rebus gestis in Asia clarior. Uterque primam propugnaculis defendendis, muniendis, si quid tormentorum ictus diruerant, curam impendit, maximeque desudavit, ne alter ab altero in prævidendis, aut subeundis periculis industria, magnanimitate superaretur.

Ea æmulatio paulo in discordias intestinas exarsit, ut jam Barbarus parem perferre nollet, B) Marchio superiorem non posset. Divisis inter se studiis, animisque, ne privata hæc odia processu temporis, in Candiae perniciem erumperent, Marchio cedendum ratus imperioso homini, urbe excessit, atque Zacynthum enavigavit, obtenta in speciem causa, se ad defendendam patriam, Genuensi bello implicitam, festinatis literis revocari. Sed Morosinus, qui Zacynthum jam applicuit, properi discessus causam facile assecutus, dignitatis suæ tenacissimum placavit, persuasitque non levibus argumentis, ut in Cretam (unde veluti fuga arrepta semet subduxit) rediret, ac intestina æmulatione in hostem melius versâ, sua præsentia, sua virtute rem prope conclamatam erigeret. Candiam redux, positis studiis ita cum Barbaro labores partitur, ut hostis in dies senserit, DUCUM concordia geminatos esse militum animos. Et profecto opus erat hac Ducum concordia, ne præfidiarii, diversæ nationis, æmulatione Præfectorum abrepti, non jam in hostes, sed in suos iram, & arma verterent. Censebantur in urbe e variis legionibus delecta sex millia præter urbanos armorum capaces. Delectus præterea fiebant per Italiam; Pontificii, Melitenenses prope diem adventuri nunciabantur, Rex Galliæ piis Volonibus potestatem fecit in Candia militandi, æreque inopiam Reipublicæ sublevavit. Fabricatæ in usum belli ad Venetias, ad Zacynthum naves; pulvis nitratus, annona plures in annos suffectura Candiam convecta. Denique classicum ubique pro Candia sonuit, majori utique strepitu, quam pro numero auxiliorum.

Tanta concursatio, defensorumque alacritas maturavit oppugnationem, quam Vezirius, inspectis ante operibus suorum, jam fossæ urbis un-

A) Alii Cornarum Catharinum supremam urbis Gubernatorem fuisse scribunt. B) Ita Valier belli Cretensis Scriptor.

A. C. dique accedentium, propugnaculo, vulgo Panigra appellato, admovit. An-
1667. tonius Barbarus, ut erat laborum avidus, continuo eam stationem suis cum
militibus occupat, obversisque in aggeres Turcarum grandioribus machi-
nis, locum tueri cœpit. Operosum foret sigillatim referre, quoties cunicu-
li hostium detecti, quoties contrariis suffossionibus elusi, aut pulveris vi-
cum operis in sublime evibrati; neque illud dictu est promptum, quanto
successu eruptiones tentatæ, ut jam in ruinis mœnium, jam in aggeribus,
jam in mediis castris cruenta certamina contracta; quam operosæ moles,
dirutis mœnibus, aggressoribus objectæ, quanta peritia, odioque trien-
nium non cum hostibus modo, sed pene cum omnibus elementis, hostium
animos indutis, dimicatum fuerit? profecto, si quis hæc omnia continenti
serie literis consignare vellet, tantundem temporis scribendæ historiæ impen-
dat oportet, quantum toto orbe decantata oppugnatio, pro rerum gesta-
rum magnitudine non immerito habere debuit. Quapropter missa in com-
pendium narratione, ea duntaxat in præsentia dicam, quæ potissimum
spem, metumve utriusque partis augere poterant, quæque peculiarem apud
posterios memoriam merentur; illius etiam dicti Famiani Stradæ, memor:
FORTIUM nomina a fortibus factis non esse sejungenda. Hæc interferere
juvit, ne dum Lector justæ molis libros evolverit expugnata Candia, me
vel negligentia, vel studio partium, multa silentio transmisisse existimet.

Ab urbe obsessa ut Turcæ averterentur, Franciscus Morosinus, &
Alexander Molinus divisâ bipartito classe mare infestum tenere, sparsoque
sui terrore per Ægeas insulas, & Peloponnesum, intercluso omni com-
meatu, Cretam veluti obsidentes, æstivis mensibus divexarunt. Et Molinus
quidem juvenili festinatione præservidus, dum dies, noctesque maria per-
currit, crebrius hosti, pari industria aditum molienti in insulam, consilium,
defensionemque præripuit. Undeviginti naves inimicas adortus cum decem
navigiis, tormentis, & veterano milite armatis, partim fugavit, partim
cepit. Inter cæteras unam occupaverat, quæ recens e Syriæ portubus sol-
vens prodidit, Ramadanem Begum, tres, & viginti naves propediem addu-
cturum, cum duobus millibus armatorum. Hoc nuncio lætus, illico veni-
entibus occurrit, & quinque præcursorias suo adventu perterritas, in fu-
gam agit. Mox in medium navigiorum agmen invehit sub primis tene-
bris, nocte dimicando extracta, aliquot demersit. Nec feliciorem succes-
sum habuerunt, quos Vezirius e portu Canæ in victorem immisit.

Vix inchoato certamine, veluti testes fortitudinis Molinæ, vela
verterunt, atque propterea ab irato Vezirio capite truncati. At Tunetana
triremis, pertinaci spe recessum distulit. Vehemat illa Ramadanem cum æra-
rio, eoque prætorianis militibus supra trecentos, plerisque veteranis, ac
audacissimis firmata erat. Quumque diutius repetitis pilarum emissionibus
laceraretur, magna utique classiariorum strage; repente prora succensa,
fluctibus est hausta. Ramadanes cum filio suo, nunc primum sub auspiciis
parentis militiam ingressus, arrepta, quam fors obtulerat, trabe, mortem
evasisit, sed harpagonibus attractus a victoribus, vincula diu gestavit Vene-
tiis cum filio, paterni infortunii hærede. A)

Morosini expeditio haud perinde terminata fuit, etsi initia prospera.
Quamdiu classem collectam ducebat, nemo hostium in Cretam navigare est
ausus. Ut primum maritimas illas vires pluribus Præfectis commisti, nu-
mero, roboreque navium diviso, Capsani, classis Byzantinæ Præfecto, oc-
casionem dedit militem, arma, commeatus in Cretam deportandi. Hoc
successu elatior Archithalassus, Parum insulam, Reipublicæ tributariam,
abductis incolis, & pecore evastavit. Morosinus desperato maris dominio,
in Candia urbem curam deinceps omnem sedulo intendit; illuc profectus
e portu Sudensi, convocato Senatu bellico, in deliberationem sumpsit: num
ipse urbem defendendam susciperet? an vero ad intervertendas hostium sup-
petias operam continuaret? Barbarus, qui decus tuendæ urbis sibi proprium
asse-

A) Molinum isthæc egisse author est Nanus, Vezirio nondum Canæa discedente.

asserere cupiebat, prompte negavit e dignitate fore, ut summum armorum Ducem intra mœnia urbis occlusum hostis teneat. Non adeo angusto 1667. loco res urbanas esse, ut primis obsidii mensibus, vis ultima urbe eatenus invictæ impendatur. Contra: Marchio ruinas Panigræ propugnaculi, cædes pugnacissimorum militum, invadentium pertinaces conatus obtendit, conclusitque Candiam perditum iri, nisi Ducis præsentia, fortuna belli mutetur. Nempe retinere ardebat Morosinum, cuius imperium potius, quam Barbari elatos spiritus ferre maluit.

Fervente adhuc deliberatione; Pontificis Clementis IX. a) Melitensium, & Siciliæ subsidia applicuerunt. Sed viso Turcarum apparatu Candia incumbentium, præter omnium opinionem Sudam discessere, indeque in Italiam. Aliquot tamen Volones Harcourtio Ductore præsidarios auxere. Morosinus, cum classẽ suam multo inferiorem censeret Ottomanica, & periculum urbis in dies cresceret, nihil ultro tentandum ratus mari, defensionem non invitus suscepit, sive æmulationum faces, quæ adhucdum gliscebant inter Marchionem, & Barbarum, extinguì possẽ sua præsentia putaret, sive asservata urbe maximam gloriam sibi obventuram speraret. Barbarus Morosini proposito perculsus, cum nondum uno rivali superior, alterum multo fortiorem in communionem gloriæ venire videret, adeo affectui suo indulgit, ut palam a Morosino dissidere nihil pensi haberet. Eo intellecto, placuit Reipublicæ, hominem elatæ mentis ex Asia revocare, ne variantibus Præfectorum sententiis, animisque, inevitabilis perniciēs urbi crearetur. Non longo temporis intervallo hujus vestigia pressit Marchio de Villa, Taurinum accitus a Principe suo. Utriusque locum expleverunt b) viri, belli artibus clarissimi, Barbari quidem Bernardus Nanus, Marchionis de Villa, Alexander Marchio S. Andreae, Gallus.

Interea etsi numerum copiarum augeret Capisan advecta quatuor, & viginti navium classe, & Panigræ propugnaculum, furnulis prospere solutis, eversum foret, tamen tantus ardor ruinas defendentium erat, ut pactis potius conventis, quam armorum potentia, præsidium primi nominis, subjugandum putaret Vezirius. Cum præterea hyems appeteret, & obsessi erumpentes quotidie funera cumularent, metuere non abs re cœpit, ne miles tædio laborum fractus, Byzantium cogitet, & sævities frigoris victoriam in manibus infringat. Ea propter Giavarinam Oratorem Venetum, quem Zacynthum appulisse fama percepit, fide data in castra venire jubet; comiterque acceptum promissis ducit, muneribus donat; quo hominem ad dedendam urbem emolliat. *Negavit abrupte ille ea de re verbum sibi facere licere. Venetos communi consilio sanxisse, ut ne pax fieret, nisi salva Candia. Nec a fortuna adeo desertos Candienſes, nec debere Vezirium nimia fiducia inflari, quasi urbem leviter verberatam, propediem esset capturus. Uno propugnaculo decusso, maximam partem Candia stare; superesse præsidarios, qui objectu corporum suorum, dum sanguis in venis fuerit, ruinas tueantur; iis captis advolaturos alios post alios e provinciis Europæ, & promptis animis cum Candia occasuros.* c) Vezirius generosos hos spiritus temperatum iri existimans pertinacia obsidentium, nihil remisso oppugnandi ardore, Giavarinam apud se detinuit. Quin extincto eo, atque Patavino, qui Canæ res Venetas curabat, petiit a Republica viros, quibuscum pacis negotium inter armorum strepitum tractare posset. Anceps hæsit Respublica, quem tædioſo muneri admoveret; facile enim prævidit, multa ludibria exhaurienda Legato in castris, neque tamen pacem coalituram. Tandem Ludovicus Molinus sequenti anno est missus Larissam ad Mahometem Imp. cuius acta infra paucis perstringam.

Jam

a) Ant. Sandinus in Vitis Pontif. Secul. XVII. hunc in modum scribit: „Clemens IX. periclitanti Candia ut subsidia mitteret, nihil intentatum reliquit, operamque diligentem impendit, ut Christianos Reges redigeret in concordiam. Idem adfert Bribtius ad annum præsentem; qui tamen negat Melitenses Equites hoc anno opem tulisse Venetis, propterea quod isti eorum triremibus non eundem, quem Pontificis, locum concedere voluerunt. b) Initio nempe anni 1668. Varii varias causas reditus prodidere. c) Joannes Bapt. Nanus Lib. X.

A. C. Jam extremum autumnus erat, Vezirius tamen in obsidione perseverare decrevit, ne videlicet percussis ad faciendas mœnium ruinas, quas perpetuis ictibus machinarum, & cuniculis fecerat, otium concederet. Eo rumore per castra sparso, variis affectionibus animi laborabant milites, alii missionem postulare cœperunt, maxime Asiatici, quos jam tum imminētis hyemis incommoda urebant; alii morbos, famem, si in Creta hyems transigenda foret, metuebant; auctisque in majus periculis, quæ obsidentibus accidere possent, seditiosis vocibus castra complent. Sed pertinacior sententiæ erat Vezirius, quam ut ejusmodi argumentis a proposito dimoveretur. Communitis, quantum fieri potuit, adversus hyberna frigora castris, Capfanem cum quatuor millibus partim læsorum, partim variis morbis laborantium Constantinopolim reducere classē jussit, datis ad Mahometem literis, quibus res gestas ea æstate ad Candiam perscripsit, nempe: *exercitus Venetorum terra, marique pulsos, intra mœnia obsessos teneri; bina propugnacula militum fortitudine jam obtenta esse: spem certissimam affulgere urbis capiendæ. Venetos de pace appellatos superba, indignaque reposuisse, haud dubie Christianorum Principum auxiliis, quæ adfutura primo vere minati sunt, confisos.* Addidit deinde: *quo propior spes belli Cretensis perficiendi, eo magis omni ope se adjuvandum. Procul Byzantio militem agere; affluere ex Europa novas identidem copias. Mare apertum esse Candiensibus; magnam vim frumenti, & pecuniæ absumi; militem etsi eatenus victorem, multis præliis, insultibus, morbis minutum. Mittendum igitur supplementum, mittendam in stipendium pecuniam, frumentumque tam bene meritis de Turcico nomine. Statuisse se apud animum, non ante e Creta soluturum, quam armis subjugatam in triumphum rapiat.* Soltanus collaudato Vezirii consilio; quo homini stimulos adderet, muneribus decoratum, gratiæ Imperatoriæ securum esse jubet, belloque prosequendo se non minus rem frumentariam, quam supplementa militum curaturum pollicetur.

1668. Et vero cum nullam e fatali bello se explicandi rationem superesse conspicaretur stante Candia, & Romanum Pontificem grandi fœdere conciliandis Principibus allaborare audiret Imperator, seposito tantisper venandi studio, maximos toto late Imperio paratus fecit, accitis in negotiorum molem Purpuratorum plerisque. In Albania, Epiro, Macedonia, Dalmatia delectus fiebant; annona ex Ægypto vehebatur tanta copia, ut nusquam minoris esset frumentum eo temporis, quam in castris Ottomanicis. Porro ut maturius ad signa conflueret miles, de industria rumorem Byzantii sparsit, se oppugnationi adfuturum, & bellum suo ductu absoluturum. Ea fama provincias Imperii pervagata, ingentem armatorum numerum in castra coegit. Profectione indicta, ad Peloponnesum classē dirigi, qua in Cretam transmitteret, familiamque describi mandat. Mufftius, alique familiares iter magnopere dissuaserunt, ne scilicet armorum strepitu captus, in castris deinceps versaretur frequentior, quam in aula, paulatimque eorum imperio semet subduceret. Vezirium adventus Imperatoris longe vehementius perculit, nempe prævidentem, sibi belli gloriam ereptum iri, ac in Mahometem transferendam; ITA PLERUMQUE fieri, ut a Præfectis, a militibus pugnetur, a præsentī Imperatore vincatur, triumpheturque. Itaque ut averteret honoris jacturam, properatis nunciis eum admonuit, ne in Cretam trajiceret, sed Adrianopoli, aut alibi locorum subsisteret, sibi nec consilium, nec fortunam defore in Candia domanda. Nec pluribus opus erat hominem arduis expeditionibus inassuetum, a maritima jactatione, aliisque belli discriminibus avocare; Larissam tamen animi potius causa, quam belli, contendit.

Nihilo remissiores ad defendendam Candiæ urbem, cui uni belli pondus incubuit, Principes Europæi extiterunt. Clemens IX. summus sacrorum Antistes pro ea, qua ferebatur in Religionem Christianam cura, per suos Oratores in diversis aulis egerat, ut priscam Majorum suorum pietatem

etatem revocarent, in excidium nobilissimæ urbis ruentem Ottomanum A. C. arma verterent, Religionis Asianæ reliquias milite, ære tuerentur. Ipse 1668. suo exemplo tracturus, quos internunciis moverat, milites Mutio Mathæo Ductore, præter maximam vim pecuniæ, A) Reipublicæ dedit, qui permolesta navigatione maria emensi, Candia portum initio anni MDCLXVIII. maxima obsefforum gratulatione attigerunt cum Bernardo Nano, aliisque clari nominis Italici. Melitenses uti superioribus annis, ita in præsentis agmen suarum navium adduxerunt. E Galliis etiam aliquot centuriæ non tam numero, quam virtute armatæ, Ludovici XIV. Regis venia, Cretam petierunt. His se flos ipse Nobilitatis Gallicæ adjunxit, suisque stipendiis militem aluit, Fevillada nobilissimos adolescentes in societatem sacri belli trahente. Hic est ille Fevillada, qui in Pannonia ad S. Gotthardum Gallici peditatus Magister, insignem operam contulit ad victoriam, Ducis, & militis munere functus; quippe unius manu viginti Turcarum interfectos Historici memorant. B) Serius advenere tres Legiones Luneburgicæ, & Brunsvicensis; Catharinus Cornarus stipendiis Reipublicæ delecta tria millia media ætate Candia iniecit; exeunte vero hyeme præfidiariorum octo millia sunt censa. Hisce copiis adversus validissimum exercitum Ottomanorum, Candiam defendi posse nemo ambigebat, & nisi transfugæ indicio vires suas maritimis munitionibus admovisset Vezirius, invicta stetit.

Erat is Andreas Barozius c) Candia civis, atque a defensione patriæ suæ immortalem memoriam apud posteros meritis, si præclara facta turpissima prodicione non corrupisset. Cum homo militaris multa perpetraret in cives, licentiusque versaretur inter arma, ac Centurionem in iis angustiis deceret, a Senatu bellico dignitate exuitur. Pupugit virum, divini, humanique juris pridem oblitum, adeo vehementer irrogata hæc pœna, ut deserta conjuge, desertis pignoribus se ad hostem conferret, consiliumque, & manum oppugnandæ patriæ impius transfuga accommodaret. Nihil gratius accidere potuit Vezirio hujus defectione, speravitque a læso, ac vindictam ferociter spirante quid firmi, quid fluxi foret in præsidio, facile extundi posse. Non opus erat proditorem ducere promissis, aut terrore admoto urgere, ut ea panderet. Ultra & numerum militiæ, & propugnaculorum firmitatem, & classiariorum robur; quo item loco res Candia foret, quæ consilia oppidanorum, enucleate, ac vere patefacit in corona Præfectorum, hortaturque ut terrestrem oppugnationem in maritimam commutent. Hoc genere oppugnationis res duas obtenturum Vezirium, videlicet munitiones vetustate nimium attritas facile dejecturum, & clauso mari obseffis spem nullam relicturum exteræ opis.

Hæc talia edoctus Vezirius, non dubitavit deductis a propugnaculo Panigræ, aggeribus usque ad mare, perpetua sepe committere castrensi opera. Porro apud oram maritimam, ubi Veneta classis portum intrare, aut copias litori exponere solebat, duo castella terrea ad caput portus excitare statuit, quo suppetiis omnem aditum in urbem præciperet. Id vero cum arduum, tardumque plerisque videretur (nam in oculis Candensium assidue jaculantium opus perficiendum fuit) ipse Vezirius ligonem tractare minime erubuit, ratus EXEMPLO Ducis promptiores advoluturos gregarios. Nec spei falsus fuit. Nam summa festinatione, insudantibus die, noctuque multis fossorum millibus, utraque munitio e castrensi disciplina absoluta stetit, illatisque grandioris molis tormentis, propugnaculum D. Andreæ ad mare protensum illico infestavit.

Equidem defensores, animadverso Vezirii consilio, maxima vi nitentur ceptum opus inturbare, eruptione valida tentata, ne comœatu, & auxiliariis copiis, quæ in dies expectabantur, excluderentur. Sed

Imp. Ottom. Tom. II.

K

vel

A) Vide Brietium, quid meminerit de summa pecuniaria. B) Porta Ottomanica, seu Hist. Turc. T. II. c. sinceris Scriptoribus Ricautio, Donato, Foscarino &c. collecta, ac Augustæ edita 1701. Colignio hanc laudem tribuit copiarum Gallicarum Præfecto. C) Nanus L. XII.

A. C. vel iste nimius repugnandi ardor, hostes accendit ad maturandum opus, 1668. quo semel absoluto, sperabant diuturna obsidione urbem præ inopia ciborum, aut militum tenuitate languescentem, sine sanguine, sine armorum usu captum iri. Et reipsa fame edomari potuisset Candia, si portui classem admovissent, vel sinu profundi maris saxi, arboribus impleto, utramque ripam portus commisissent. Hoc neglecto, etsi e duobus castellis in navigia fulminarent, tamen ob maris latitudinem, & nautarum peritiam, inter noctis tenebras, utriusque castelli conatus elusi sunt, crebroque obsessi suppetias in urbem acceperunt. In hunc modum instituta oppugnatione, a prima minime destitit Vezirius, quod & famæ interesset, & multum in ea processum foret, existimareturque longe utilius obsidentibus, si pluribus simul in locis fatigaretur, distrahereturque urbis præfidiarius.

Arctius jam clausi Candienfes, firmata invicem fide conveniunt, urbem se ad extremum usque spiritum defensuros. Inde reficiendis mœnium ruinis, parandisque novis intra mœnia receptibus, certatim operam adji- ciunt, barbaros omni telorum genere feriunt. Marchio S. Andreæ mari- tima munimenta, quibus hostilis vis eo temporis maxime incubuit, cum Bernardo Nano propugnanda suscepit, militibusque immixtus, incredibili fiducia assilientes Turcas non semel repulit. Nanum cautius suo munere fur- gentem fortuna destituit. Ictu glandis frontem lethaliter percussus, animam efflavit. Evulgata morte, raro milites effusiore virtutum commemoratio- ne luxere Ducem. Quippe a teneris annis militiam secutus, in flore æta- tis terrestres, maritimasque expeditiones auspicato absolvit, spemque ingen- tem suo adventu præfidiariis fecit, supremam armorum præfecturam non minori felicitate terminaturum. Sed repentinum incendium ad privata quemque pericula a luctu revocavit. Præter tormenta impetendis mœni- bus opportuna, machinas, vulgo mortaria (in quorum invento humanum ingenium multum efferavimus) adhibuerunt Ottomani, e quibus globi in- gentis ponderis in altum expulsi mox minaciter recidentes stragem tectis, hominibusque, quam inopinatam, tam inevitabilem intulerunt. Unus ex his in sublime eiectus, fortene, an machinatoris opera? incertum, tanta vehementia armamentarium urbis concussit, ut perterebratis, excussisque prægrandibus saxi, triginta confecti pulveris doliola comprehenderit, ho- minesque juxta, & ædificia miserabili strage sepeliverit. Marchio S. And- reæ, Hieronymus Battaglia, qui Nano nuper extincto successit, Catharinus Cornarus, veriti ne quid per eum tumultum tentarent hostes, milites arma capere jubent, acceleratoque ad mœnia gradu, stationes geminato præsidio firmarunt. Opportunam occasionem in ea perturbatione urbis procurren- di Turcæ habuerunt. Verum quatefactæ motu terræ, atque fragore per- territi, non nisi sopito jam incendio, propugnaculum Sabionaræ A) invase- runt, visoque defensorum numero post levem velitationem redierunt in castra.

Hæc inter abeuntibus Pontificiis, & Melitenfibus in Italiam, Fevil- lada Gallorum Dux Candiam ingressus est. Post modicam quietem, ar- duam S. Andreæ stationem sibi deposcit. Sed cum eam veterani præfidia- rii nollent cedere, Gallis vicina munitio defendenda attributa fuit, non im- paris periculi. Ut in illa gentium æmulatione dignum sua natione, sua vir- tute facinus ederent, impetrata erumpendi facultate, paucis ad stationem relictis, Ductore Fevillada, præeuntibusque fortissimis Centurionibus sex- centi improvise erumpunt. Cæsis excubiis, dum alii valla proruunt, alii tormenta corrumpunt, alii hostem persequuntur, totis castris ad arma con- clamatur. Accurrentibus Turcis, Galli conjunctis viribus acriter obstant, & Fevillada pugnam ciente, aperta, quocunque arma verterent in primo calore, via, magnam trepidationem, cædemque inferunt. Ardentius, in- consultiusque proVecti, quam pro numero militum, post consumptas vires reditum anxie circumspiciunt, referentesque gradum veluti jussi nondum

certa-

A) Hoc propugnaculum ad mare protensum fuit, uti & S. Andreæ.

certamen omiserunt. Ea res animum reddidit Turcis, auxitque, dum non-^{A. C.}
nulli celerius, ac par erat, ad mœnia contenderent, Marchione Radaurio^{1668.}
inter primos interempto, Juvene præfervido; cujus necem deflevisse ipsi
hostes feruntur. In eo recessu sane perturbato, hostium telis ceciderunt e
Nobilibus centum viginti, quorum capita contis præfixa, triste spectaculum
diu fuerunt obsessis. Galli subinde ad centum triginta redacti, temperato
multum ardore in patriam migrarunt. Hiatum satis, superque expleverunt
Brunsvicenses, & Luneburgicæ ternæ legiones, sub totidem Præfectis C.
Valdeckio, Mollesonio, & Radsfeldio, severiore suffragio ad id muneris
delectis. At Valdeckius vulneribus confectus paucis post diebus occubuit.

Transacta inter mutuas cædes æstate, & autumnus, adfuit mensē No-
vembri Larissæ Orator Venetus Ludovicus Molinus de fœdere collaturus
consilia. Vix ulla legatio gratior visa est Purpuratis, quod plerique existi-
marent, deditum venisse Candiam, quæ exteris munimentis spoliata arctio-
ri in dies obsidione premebatur. In concilium admissus, posteaquam brevi
sermone initium Cretensis belli, progressum, strages deinde hominum, op-
pidorum, classium perstrinxisset; eo subinde dilapsus est, ut admoneret
Purpuratos pacis ineundæ, alte dissimulans deditionem Candia. Nemo
erāt ex illis, qui bellum præ pace mallet. Sed ubi Soltanus intellexit, Ve-
netos Candiam minime cessuros, spem pacis non abruptit modo, sed etiam
in Dalmatiam, ubi bellum elanguit, copias traducere ardebat, Cattarum-
que impugnare. Ad hæc quo acceleraret excidium Candia, ipse in insulam
trajicere aveau; nam quæ per Vezirium, aut minores Præfectos sunt acta
in ea obsidione, cuncta damnare cœpit, ratus PLURIBUS curam, omnibus
abesse fortunam. Vezirius, ne Dalmatia impeteretur, intercessit, haud
ignarus quantum copiarum requireretur in eam expeditionem, sibi que de-
trahendum, quidquid visum in Dalmatiam mitteretur. Neque Purpuratis
placuit, ut Mahometes Candiam peteret,

Missus est tamen ad Vezirium Calabis, qui de Molini legatione, de-
que desiderio pacis eum edoceret. Severe vetuit mentionem pacis fieri in
castris Vezirius, quod militum animos huiusmodi spebus ad quietis, ad otii
cupiditatem traductum iri formidaret. Ut vero Mahometem ad prosequen-
dum Cretense bellum confirmaret, convulsa urbis propugnacula, obsessio-
rum angustias Calabi sigillatim exhibuit, addiditque: non modo Candiam,
sed omnem insulam in potestatem Imperatoris venturam, si Majorum glo-
riæ memor, quo animo arripuit arma, eodem tractarit. Porro ut ne oc-
casio daretur Molino cum Mahomete agendi Larissæ, clam institit apud
Purpuratos; Molinum inopinantem obruerent, adhibitaque vi in Cretam
mitterent. Caimacan (hoc nomine appellantur, qui absentis Imperatoris,
aut Vezirii vices obeunt) tanto promptior operam suam accommodat,
quanto sanguinis nexu Vezirio propior. Itaque primo, & vigesimo De-
cembris ante tertiam vigiliam, somno oppressum quindecim satellites occu-
pant, raptumque cum domesticis suis, primum in Euboeam, dein Cretam
deportant; Canæ honestiori loco custodiendum. A)

Respublica Veneta, quando tot legationes suas in irritum cecidisse^{1669.}
videt, & concordiam inire, nisi Candia avellatur, desperat, ad bellum su-
stinendum, quod reliquum erat, animum retulit; spe subnixa, constantia
sua, & vi expressuram se a Mahomete, quod amicis conditionibus conficere
non potuit. Accendit fiduciam Clemens IX. cujus princeps cura, cogita-
tioque fuit, de conciliandis Reipublicæ Christianis Principibus, atque ad
opem excitandis. Nec frustra opera communis Patris desudavit. Nam Prin-
cipes Italiae, Germaniæ, Brunsvicensium, Luneburgicorum exemplo moti,
nunc a Pontificis Oratoribus inflammati, superiorum annorum languorem
correxere, eoque ferventius ad Candiam liberandam conspirarunt, quo lu-
culentiora, præteriti temporis damna, sub oculis erant. Etenim non abs-
re metuebant, ne invalescens e ruinis Reipublicæ Venetæ Ottomanus in Ita-

A. C. liam arma vertat, eaque evastata trans alpes potentiam porrigat, & Germania non jam ex Hungariae provinciis, sed ex Italia infestus incumbat. Ludo-
 1669. vicus XIV. Galliarum Rex, ut regni amplitudine omnes facile superavit, ita celeritate auxiliorum omnes antevertit, fuitque ea magnanima pietate, ut septem millia armatorum, Francisco Vandomo Beaufortii Duce Architalasso Galliae, pro Candiae salute militatura anno MDCLXIX. in Cretam transtulerit.

Non latuit Vezirium tot Principum conspiratio. Idcirco, ut grandia haec foedera everteret, Candiae urbem omnibus viribus infestat, qua capta non ambigebat Principes in diversas opiniones discessuros, sicque armorum societatem dissolutum iri. Propugnaculum S. Andreae, quod anno superiori proditoris indicio quater cepit, per hyemem utcunque instauratum e ruinis, omnem tempestatem pilarum, & cuniculorum perferre debuit. Marchio S. Andreae, alique primarii militum Ductores, quanto ferocius ei loco institerunt, tanto pertinacius contempto mortis periculo repugnarunt. Ex quo passim funera cumulabantur intra urbis ruinas clarissimorum virorum. Franciscus de Villa Marchio, tunc Pontificis copiarum Praefectus, grandiori pilei ictus momento obiit. Eodem mortis genere occubuit Catharinus Cornarus, dum stationes militi designat, pilei e mortario vibrata misere discerptus. Non aliam iacturam aegrius tulit Senatus Venetus, cuius decreto oratione publica laudatus Venetiis, tanto verior de illius militari laude sermo fuit, quanto ille a rubore remotior, & Orator ab adulationis suspicione.

Vezirius intra spem, & metum haerens, de concordia Molinum interpellandum duxit. Evocato in castra pacem toties petitam, toties rejectam offert; existimans Venetos a bello fessos, & prope Candia exutos quibuscunque conditionibus arma posituros. Adhaesit illico negotium, negante Molino, sibi quidpiam juris esse Candiam tradendi. Remissus Caneam, Vezirium curis non sane levibus conflantem, in castris reliquit. Nam & obsessi per eos dies audacius eruperunt in castrorum stationes, & Mahometes ad unius urbis mœnia tres annos haerentium ignaviā increpuit. Hoc convicio homo tenacissimus honoris, & gloriae adeo everberatus fuit, ut morbo prostratus, imparque castrensibus tædiis, multum ab oppugnationis ardore remisit. Imperator quoque per intactos Larissae saltus, dum more suo feras agit, sive nimio labore fractus, sive cœli pestilentia correptus, gravem in morbum incidit; vulgataque falso rumore illius morte, Larissae, Constantinopoli tumultus oritur. Pars militum in filium Mahometis Imperii dignitatem transferre meditabantur; pars Solymano (frater is erat Imperatoris) æquior, præterita stirpe Mahometis, hunc ad thronum poscebant. Praefecti militum, quibus constabat Mahometem vivere, ne castra pervaderet atrox, incertusque rumor, præcipuos e Janicaris in palatium, ubi æger decubuit, adducunt, ostensoque Imperatore, iis mox & aliis certatim accurrentibus, opinionem eximunt. Perculit Imperatorem immatura militum voluntas erga Solymanum, veritusque, ne istud aliquando vi perficerent, quod in præsentis ceu necessitate adacti attentare sunt ausi, excogitavit rationem, qua ita regimen constabiliret sibi, filioque suo, ut in posterum nullam occasionem haberent Solymanum Imperatorem proclamandi.

Constantinopolim ablegat sibi fidos satellites cum mandato: Solymanum cum fratre suo interficerent, datis ad urbis Praefectum hac super re literis; Soltana Principes adolescentes, concitato inter militem, & civem tumultu, sævo imperio subtraxit. A) Salvis Principibus nondum conquievit civitas, detecta scilicet iisdem diebus quorundam Praefectorum in corrumpe-
 penda moneta insigni licentia. Quibus intellectis, cum per valetudinem
 ipse

A) Perperam igitur T. II. Porta Ottomanicæ leges Solymanum III. Mahometis IV. fratrem esse veneno sublatum hoc anno. Nam hic Solymanus anno 1687. imperare cepit Byzantii, Mahomete IV. exautherato, atque in carcerem coniecto.

ipse proficisci non posset Constantinopolim, Vezirium autoritate metuen- A. C.
dum eo contendere iussit. Verum Candiae obsidio eo maxime temporis, 1669.
quo Galli adventare ferebantur, eum abesse non sivit. Misso igitur Janicsa-
rorum Aga, primariis authoribus turbarum, aliis procul a populo obstricto
collo, aliis palam suspendio necatis, tumultus compositus fuit, nullo inter
hæc populi motu ceu majora pertimescentis.

Appropinquantibus Gallorum copiis, negotium pacis iterum inca-
luit. Candiae loco offerebantur Venetis aliquot praesidia in Dalmatia, quæ
Vezirius deducto milite Ottomanico, se permissurum Venetis pollicebatur,
ut primum deditione occuparet urbem. In eandem sententiam Mahometes
scripsit per Capfanem, consilii causa Larissam expeditum, monuitque Vezir-
ium, ut quam molliissimas condiciones Molino proponeret, quo citius ta-
bulæ pacis conficerentur. Nempe sollicitus de domesticis turbis, quas
Matrem alere non falso existimavit, minus prosequendi belli studiosus fuit.
Verum Molinus ut alias, ita in praesentia a sua Candia constanter stetit, ad-
jecitque haud integrum jam esse Reipublicæ pacem accipere, nisi prius ex-
plorato Regis Galliarum animo, cujus copiae jam in propinguo adessent.
Et reipsa nona, & decima Junii classis, ardentissimis votis expetita, in con-
spectum obsessorum venit. Eodem adhuc die admoniti Duces Gallorum de
tenuitate praesidii, & periculo Candiae, si insultum tentarent Turcæ; mili-
tem sub primas noctis tenebras urbi injiciunt, stationem in propugnaculo S.
Andræ adductis aliquot manipulis alacres firmant. Vigesima tertia Junii
Gallorum supremi Praefecti, viso urbis discrimine, consultare coeperunt cum
Morosino Venetorum praecipuo, qua ratione mænia everfa, urbem propu-
gnaculis spoliata, ac suis ruinis prope conscriptam tueri possent? post lon-
gam consultationem summa vi in castra erumpendum esse, quotquot in eo
concilio sane bellicoso aderant, majori utique animo, quam successu statue-
runt. Vix triduo exacto Galli, in quatuor agmina divisi, signum ad inva-
denda hostium opera postularunt. Beaufortius Dux, praeliaris ingenii ho-
mo, cum quatuor centuriis desultiorum primum locum inter erumpen-
tes sponte occupavit, etsi illum permulti e Nobilitate Gallica ab ea mente
dimovere cuperent, testati facere eum contra Regis causam, cujus copias
in iis angustiis deberet consilio sustentare, non vero superaddito periculo
perditum ire. EXERCITUM tamdiu salvum esse, quamdiu Imperatorem
consilio promptum incolumem habet. Surdo canebantur hæc talia.

Igitur septimo, & vicesimo a) die Junii, ad primam auroram sex
peditum millia, equitum sexcenti sine pulsu tympanorum per ruinas pro-
pugnaculorum S. Andræ, Sabionaræ egressi, præeunte cum suis Beaufor-
tio, Turcarum excubias somno solutas momento opprimunt, aggeres, tor-
menta, cæsis custodibus occupant. Vezirius e rudetibus novæ Candiae,
agmina erumpentium prospectans, extemplo suos in aciem rapit, atque ad
aggeres recuperandos celeriter accurrit. Sed jam Navailles, alter Gallorum
Dux, duabus legionibus secum adductis, ita fossæ marginem muniverat,
ut etsi maximo numero convolaret hostis, perrumpere tamen non potue-
rit Gallorum ordines. Fervente ad aggeres pugna, classarii Galli, Veneti-
que jussu Beaufortii ingentem vim pilarum effundunt in castra, promiscua-
que cæde perturbatos undique urgent. Ancipiti malo circumventi barbari,
instantibus acriter Gallis, aggeres cedunt, peneque victoriam; nisi repen-
tinus casus prosperos successus funestissimo exitu involvisset. Centum tri-
ginta quatuor doliola pulveris pyrii fugatis Turcis occupaverant Christiani;
hæc fortuito incendio correpta & Turcis animum fugiendi, & Gallis ple-
nam victoriam reportandi consilium ademit.

Nam veluti subterraneo inclusi aeris impulsu commota tellus, utram-
que pugnantium partem adeo confudit, ut tonitru procul exaudito, vacil-
lantibus corporibus, & quasi inter medios fluctus navigantibus, victor per-
inde, ac victus, mentem amisisse videretur. Major tamen cura Gallos ha-

a) Alii vicesimum quintum, alii quartum diem adnotarunt.

A. C. buit, quod putarent alii, princeps armamentarium urbis in auras eiectum, 1669. alii furnulos a Turcis solutos, & complures solvendo, seque inevitabili strage non dubie hauriendos. Ea cogitatio plerosque in maximam perturbationem, & fugam conjecit. Quod conspicati Janicsari, collectis animis, viribusque, in omnem partem fugientes celeriter consequuntur, atque numero aucti, inter cædes multorum ad mænia usque propellunt. Equidem Marchio S. Andreae, viso Gallorum panico terrore, extemplo lectissimam manum armatorum eduxit, sed adeo fugam sistere non potuit, ut & ipse fugientium torrente intra urbis mænia abriperetur. Beaufortius in extrema illa rerum perturbatione, sua virtute indignum ne quid admitteret, ratus præterea exemplo suo, & sanguine retentum iri militem in campo, prærapidus in confertos hostium cuneos irrumpit, ac fortiter pugnans cecidit magno exercitus luctu, ac dolore non modico Galliae. Haud feliciores erant classarii, quos unius navigii incendium pariter a pugna abstraxit.

Atque hic exitus eruptionis fuit, ut magno tumultu peractæ, ita non sine Gallorum culpa institutæ. Etenim Marchionem S. Andreae, cujus virtute ad eum diem Candia defensa fuit, neque in consilium, neque in societatem armorum admiserant Beaufortius, & Navailles; ne videlicet socium victoriæ haberent; præterea Venetos rerum Ottomanicarum magis gnaros, spectatores potius, quam actores in illo Martis theatro adesse maluerunt. Inde factum, ut oborto fragore pulverariæ pestis, quam manibus tenuerant victoriam, amitterent. Nempe ANIMORUM, consiliorumque, ut fere in commixtione diversarum gentium usu venit, disjunctio, plus sæpe nocet, quam hostis. Hæc porro clades tanto celerius Candiam ad deditionem adegit, quanto Navaillem, cæterosque Gallos in patriam redire vehementius incitavit. Nam distracta urbis præfectura in plures, cum raro in eandem sententiam irent Primores, segnitè omnia administrata fuerunt. Maxime vero infausta eruptio, ut omnium animos depressit, ita uberrimam segetem discordiarum Præfectis dedit. Accessit morborum contagium, quo veterani correpti, præliariorum numerum in dies minuerunt. Certe sex millibus Germanorum, A) quæ urbem intrarunt, duo non nisi millia supererant, pallore, macie confecta, & vix armis ferendis. Itaque Navailles consumptis frustra consiliis, & viribus, post multas deliberationes Morosino mentem suam aperit: *jam elapsum esse tempus, quod per facultatem Regis Ludovici copiis Gallorum impendere licuit Candia, rebusque Venetis; se alioquin prospicere, locum undique apertum adversus ingentes exercitus defendi non posse: e Republica facturos Venetos, si propera deditione victoris iram leniant, & salvis corporibus, facultatibus, insula demigrent. Quod si amici consilium respuant, viderent, ne ruinis Candia sepulti, sero nimium pertinaciam suam damnent; se in posterum unice adlaboraturum, ut reliquias Gallici exercitus in patriam deportet.*

Enim vero ceu fulmine icti stupere, qui præsentibus aderant e Venetorum Nobilitate, animis, oculisque dejecti, silentio quid inde futurum sit, æstimare apud se. Morosinus, quem Candia calamitas præcipue sollicitum habuit, nulli operæ pepercit, quo Gallos retineret; agebat: *eorum virtuti tribuendum, quod nondum urbi dominetur Turca; eruptionem nuper inauspicato tentatam, qua tamen plus terroris, quam cædis illatum, posse mutato erumpendi ordine corrigi. Superesse Gallicam Nobilitatem, cujus dexteris, quoad Principum Christianorum suppetiæ adventent, facile urbs defendi queat. Nec recte fieri, nec decere, ut socios fœderis extremo in discrimine deserant, manum quodammodo hostibus porrigant, qua in urbem trabantur, secessione turpissima fiduciam illorum, & spiritus erigant. Subsisterent paulisper in urbe, & cæpto calore Cretense bellum absolvant. Redituros in Galliam tanto gloriosiores, quanto a Candia salute ampliorem nominis famam laturi.* His cum minime dimovere possent a proposito hominem, dicitur Jacobus Contarinus tota urbe in unum collegisse civium, Religio-

A) Erant Luneburgici, Brunsvicensis.

ligioforum, ætatisque puerilis turbam, atque eam supplicantium ritu, Na- A. C.
vailli inter lachrymas, ac tristes ejulatus adduxisse. At nautarum, remi- 1669.
gumque clamor anchoras levantium, miserabilis turbæ voces oppressit. Pri-
mo, & vigesimo die Augusti, navigiis suis impositus miles, insultantibus
Turcis, vela in Italiam fecit. Ea occasione non pauci e Germanis, aliisque
nationibus, quos belli tædium cœperat, clam se, velut ex acie subtrahere,
conscensisque navibus, Gallorum vestigia institere, etsi Morosinus, cæteri-
que Præfecti, severissimo edicto caverent, præter Gallos ne quis portum
petetet,

Ut primum Galli discesserunt, Ducis Mirandolæ A) miles, morbis,
jactatione maris multum imminutus urbem accessit. Opportunum profe-
cto subsidium. Nam præfidiarii ad quatuor millia redacti, ægre stationes
obire poterant. Hæc cum omnia Vezirio perspecta forent, supremam im-
pressionem suis edixit. Duodena millia e Janicsarorum legionibus delecta,
maritimam urbis partem invadere jussâ, obsessorum cicatrices novis vulne-
ribus ruperunt. Stataria pugna congressos dices, adeo omnia munimenta
æquata, campum dimicandi fecerunt. Ad extremum præfidiariorum inex-
pectata virtute perculsus Vezirius, post cruentum certamen receptui signum
dedit. Quod si pugna extracta fuisset, nemini dubium erat, quin eo die in
manus Turcarum devenisset Candia, plerisque militum partim cæsis, par-
tim vulneratis. Præsenti periculo defunctus Morosinus, ubi promptissimos
quosque militum occubuisse, aut certe ex vulneribus pugne invalidos vi-
det, sât prudens paucitatem suorum facile absumendam quotidianis præliis,
nec in tempore adfutura Christianorum auxilia; desperata omni exterorum
ope, quid porro in his angustiis sibi faciendum foret, cum Primoribus de-
liberationem instituit. Frequentes aderant in Senatu cum e militari, tum
civili ordine, quod scirent de summa rerum consultationem fore. Multo-
rum sententia in eo bellicosorum cætu fuit; *urbem munimentis exutam, diu-
tius humanis viribus defendi non posse. Satis, superque fortunæ suæ admo-
nitos, & quandoquidem pugnacis animi documenta pluribus annis, quibus
obsessi, aut impugnati erant, edidissent, postremum necessitati cederent; ne-
que contumaciæ insisterent, quam frangere in manu victoris esset. Mitten-
dum in castra Caduceatorem, qui Vezirii alloquium petat, animumque illius
exploret.* Intercessit Marchio S. Andreæ cum Battaglia, Grimaldo, Con-
tarino, Minio, aliisque fortissimis viris, & ut fortiter Candiam urbem de-
fendit ferro, ita in illo conventu, generosis dictis tuendam suscepit. Verum
ut MORIENTIUM vires supremo in actu intenduntur, mox concidunt;
sic ardor istorum incitatus quidem efferbuit, brevi tamen refedit, postea-
quam plurium sententia inferiores, multitudini cedere debuerunt.

Qui Vezirium adirent, delecti sunt Thomas Alandus Anglus, & Ste-
phanus Cordilius B) Morosino a secretis. Ne tumultus oriretur inter ple-
bem, aut miles remissior fieret, si res emanaret; jussi sunt primum profi-
cisci in portum, ubi Pontificia classis substitit, petitum auxilia; quibus de-
negatis a Vincentio Rospiglioso, recta in castra Turcarum, ut instructi
erant, contendunt. Dici non potest, quam ferociter excepti, ut primum
paci causa se venisse, quanquam ambiguus verbis prodiderunt. Omnium
responsa erant; *nisi Candiam cum omni insula dediderint, pacem aut nullam,
aut dubiam perpetuo fore.* Contra Legati reposuerunt: *Molinum Orato-
rem Venetum eo deduxisse fæderis negotium, ut Vezirius Candia loco non
minoris nominis præsidia Reipublicæ pollicitus fuerit. Hanc iniri posse ra-
tionem, ut pax quantocius post internecinas clades coalescat; secus defenso-
res lacerae urbis, ultimas vires exprompturos, & tamdiu pro aris, & focis
dimicatuuros, dum reliquum vitæ profundant.*

Vezirius seu quia literis non nihil emollitus, seu diuturnæ oppugna-
tionis tædio fractus, alijs multo mansuetior, molliora verba dedit, benigne-
que

A) Joannes Bapt. Nanus Lib. XI. meminit mille advenisse. Porta Ottom. sexcentos. B) Joannē
Bapt. Verē Anandus, & Scordilius.

A. C. que habitos Legatos cum conditionibus redire iussit. Adfuerunt illi non post 1669. multo, atque in præsentia Ibrahimi Hierapoleos Præfecti, Achmetis Agæ, aliorumque, Interprete Panagiotto, pax his capitibus confecta fuit. A) Suda, Carabusa, Spinalonga, Cretæ præsidia, Venetis pareant, uti Clissa in Dalmatia. Bellicum apparatus fervente obsidione Candia importatum, fas esto Venetis aliorum devehere. Spatium duodecim dierum detur, civibus, ac militibus, quoad res suas navigiis imponant. Captivi omnes hoc bello capti libertati restituantur, quam primum Orator Venetus Constantinopolim perveniret. Hisce pactis autoritate Vezirii firmatis, urbs tradita est vigesimo septimo Septembris, posteaquam cives cum domestica familia, ac suppellectili inter ruinas cadentis patriæ excesserunt. Hos sequebantur duo millia quingenti prædiariorum, vulneribus, vigiliis, omnique miseriarum genere confecti. Ingressi urbem Vezirio per eversum propugnaculum S. Andreæ, unus e præcipuis civium, vultu hilaritatem mentiente, claves tradidit, quibus acceptis, verbis exequi non est, quantis lætitiæ signis victor exercitus incesse. At proventi in interiora urbis nulla publicæ gratulationis argumenta repererunt. Solitudo ingens urbem omnem occupavit; nemo in vicis, nemo in foro victores excepit. Pauci e Græca natione, quos provectior ætas Candia abire non sivit, domibus conclusi, mæsti, occultique, pompæ illius spectatores fuere. Et movit Vezirium tristissima urbis facies, ubi turres, templa, palatia cum promiscuis civium domibus incredibili strage decussa conspexit. Ipsi incolæ quidquid integrum, intactumque erat, ne usui foret Turcis, certatim diruerunt, tanto ardore sævientes in patriam, post tot infinitos tormentorum globos, ut merito Candiam in ipsa Candia requirerent. Sed tanti non erat excidium nobilissimæ urbis, ut gregariorum lætitia inturbaretur, difficillimo, quod unquam gesserunt, bello absoluto.

Victoriæ nuncii Larissam, & Byzantium festinantes, maxima urbium gratulatione sunt excepti. Mahometes Imperator tantam voluptatem cepisse est visus, ut veteres aulae Ministri, quique lateri ejus a principio regiminis aderant, affirmarint, nunquam eum æque gaudio persusum, ut in præsentia ad captæ Candia literas gestientem conspexere. Et vero multiplex argumentum lætitiarum fuit. Nam opinio apud Turcas invaluit, fatum Candia secuturas aliquando cæteras urbes Cretensis insulæ, ostensioque belli terrore, omnia præsidia, quæ Venetis, aliisque Christianis Principibus in Asia parebant, Ottomanorum obsequium processu temporis acceptura; atque eo modo, redacto in potestatem mari, pro libidine in Africam, Meliten insulam, Italiam, arma transferri posse. Ingentem præterea æstimationem Turcico nomini ab armorum peritia accessisse haud immerito arguebat Mahometes, quod spatio viginti quinque annorum, pro Candia terra, marique certatum fuerit summis utriusque nationis viribus, suspenso terrarum orbe, quis exitus tantorum conatuum futurus? denique in una Candia omnes Christianos Principes victos, & in triumphum Byzantium raptos, ambitiose gloriabatur; cum palam constaret Romanos Pontifices B) fœdera

- A) Carabusa, seu Garabusa, Suda, sunt præsidia in agro Canæ: Spinalonga in agro Candiensi. Prostreto loco nominata bina præsidia cessere Turcis 1715. Carabusa 1691. Hartnaccus ad annum MDCLXIX. hæc habet: „Aucta est potentia Turcica Candia, fortalio munitissimo, quod triennio fere vehementissimæ oppugnationi fortissime restiterat; relictis tamen adhuc pacis lege Venetis tribus portibus Suda, Spinalonga, & Carabusa, addito singulis territorio XXX. milliariis; præterea insulis Cerigo & Tinoa a regno Candia dependentibus.” B) Alexander VII. & Clemens IX. qui postremus iactura Candia percussus; eodem anno nona Decembr. obiit. Unde Poeta cecinit:

Ut moriens modulatur olor, sic Candia eidem
Non moduli; at gemitus, causaque mortis erat.
Sic Hierosolymam lugens Urbanus A) obivit,
Constantinopolim sic Nicolae B) gemis.
Lucius C) Edeffam sic luxerat ante secundus;
Planxisti amissam sic Adriane D) Rhodum.

- A) Anno 1187. Saladinus Babylonæ Rex Hierosolymam cepit, quo nuncio afflictus Urbanus III. concidit. B) Constantinopolis amissa est sub Nicolao V. anno 1453. C) Edeffa sub Lucio II. anno 1144. D) Et Rhodus sub Adriano VI. anno 1522. De Constantinopoli, & Rhodo expugnatis consule Tomum I. Imp. Ottom. pag. 15. & 116.

foedera nexuisse inter Principes Europæos, hos in libertatem Candiæ conspici- A. C. ravisse, classibus maria stravisse, exercitus validissimos in Cretam expedi- 1669. visse, postremis annis robur Gallicæ militiæ advolasse; nihilominus tanto studio terra, & aquis sollicitata auxilia, in irritum cecidisse; inter hyemis, armorumque tempestates, atque procellas Turcarum fortitudinem invictam perdurasse, & post hominum memoriam nobilissimum triumphum reportasse. Hæ cogitationes Mahometem, Purpuratosque eo securius in omnem hilaritatem solverunt, quo certius intellectum, venturum propediem Oratorem Venetum Ludovicum Molinum, qui pacta nuper inita confirmet, limitesque Dalmatiæ diu controversos definiat.

Ne splendor legationi deesset, quo Turcæ mirum capiuntur, navigia 1670. aliquot ad omnem pompam, anno MDCLXX. elegantiamque in Italia instruebantur. Ex prima nobilitate Veneta permulti, seu peregrina visendi, seu honestandæ legationis studio, seu munimenta castrorum, Candiæque ruinam inspecturi (nam Vezirium, negotiorum animam, præprimis conveniendum duxerunt) in Asiam cogitarunt, comparato sumptuosissimo cultu. Vix e portu solverant, cum sæva maris tempestate diu jactati, triste naufragium in conspectu patriæ fecerunt. A) Laurentius Molinus, Oratoris filius, cum muneribus magni pretii, quæ Mahometi, Soltanæ, Vezirio offerenda erant, fluctibus sepultus jacturam auxit. Non tamen propterea pater a pristino ardore, quo in Rempubicam perpetuo ferebatur, quidpiam remisit. Privatas calamitates, discrimine sui capitis dudum contemnere didicit. Is Candiam profectus, reperit Vezirium firmandis mænibus, componendæ urbi intentum; a quo benigne acceptus; mense Majo Constantinopolim, inde Adrianopolim, ubi Imperator venationis causâ morabatur, inter multiplicia honorum genera deducitur. Soltanus, etsi nullis muneribus cultus, tamen ob veterem Legati consuetudinem, ac insignem prudentiam, perbenignum se exhibuit, signatisque foederum tabulis monuit; in Europa perinde, atque Asia omni injuria adversus Turcas abstineant, adniscurum se, ut quamprimum redintegrata amicitia, mutui commercii ratio habeatur.

Jam in portu videbatur esse Molinus; adeo ad votum omnia fluxe- 1671. runt in aula, moderante consilia Vezirio, qui non minus pacis, quam belli artibus inclarescere avebat, cum in Dalmatia oborta tempestate repente in altum rejicitur. Morlachi, B) quos ad Venetos defecisse oborto bello Cretensi nuper meminimus, intellecto pacem propediem confectum iri inter Venetos, & Turcas, ut eidem foederi innexi, æquiores conditiones obtinerent, veluti inscii quid Candiæ? quid Adrianopoli a Venetis actum? sumptis propere armis ad pristinas sedes recuperandas, quas metu hostili deferuerant, vires, animosque conjungunt. Turcæ haud segniore ad defendenda montium juga, Morlachorum agmina excipiunt, confertisque sæpius manibus, bellum prope extinctum suscitant. Ut ne porro luculentius exardesceret, missi sunt multa autoritate instructi, Antonius Barbarus Dalmatiæ Curator, atque Mahometes Bosniæ Præfectus, uterque veterum limitum peritus. Ad Clissam dum controversiæ dirimendæ causa complures dies extrahunt, paci, quam bello propinquiora fiebant omnia, Morlachis, minacibus mandatis Barbari, domum abire jussis. Id conspicati Turcæ, qui nondum a signis discesserant, impetu facto in inermem regionem, præsidia aliquot ante expugnarunt, quam Morlachi, aut Veneti in subsidium venire possent. Scardona tamen urbs, paratu defensionis necessario provisa, prædonum conatus cum clade multorum fregit.

Ad Rizanum multo majori strepitu procella detonuit. Josuffes Aga oppidum illud oppugnatum venerat cum ternis millibus armatorum; præfidiarii postquam varia fortitudinis suæ experimenta edidissent, clam desertis stationibus, fugam arripiunt. Re intellecta Josuffes, cum omnibus copiis fugitivos premit, non dubiam victoriam suis ostendens, quod nulla navigia

A) Nanus L. XII. & Michael Foscarinus Patricius Venetus, continuator rerum Venetarum. B) Joannes Bapt. Nanus hunc tumultum refert an annum priorem, alii ad præsentem.

A. C. in portu, quo effuso cursu ferebantur fugitivi, adessent, quibus in tutum
 1671. evadere possent. Et profecto si Dux ferociæ suæ temperasset, conclusi a
 fronte aquis, paucos intra dies consumptis alimentis, in manus quiescen-
 tium sponte venissent. Sed ille morarum pertæsus, dimicationis, & hone-
 stæ mortis copiam fecit, fortiumque virorum ardorem accendit. Commis-
 so prælio, Josuffes veluti victoriæ securus intrepide ordines obequitans,
 Morlachorum A) telis prosternitur. Quo viso, turbata continuo Turca-
 rum acies, Rizanum versus solutis ordinibus contendit. Morlachi in per-
 culsos inveci, cæsis duobus millibus, e prope victis victores evaserunt, suo-
 que Marte docuerunt: DESPERATIONEM non nunquam causam ipsi, &
 victoriæ esse. Hæc Morlachorum victoria non minus Venetias, quam
 Adrianopolim angebat, ne novo bello, priore vixdum sopito, utraque
 gens committatur, & vulnera in cicatrices abeuntia, novis ictibus rumpantur.
 Mahometes ira præcipiti abreptus, concordiam a Venetis ruptam (ho-
 rum enim consiliis Dalmatiam turbari vulgo existimatum fuit) palam in Se-
 natu edixit, eodemque impetu militem ad Morlachos, Venetis stipendiarios,
 domandos in Dalmatiam ire iussit; incitantibus Purpuratorum nonnullis,
 qui decus affectæ jam pacis per invidentiam Vezirio ereptum voluerunt.
 Pupugit istud quam vehementissime virum pacis hujus percupidum, persua-
 sitque sibi, Venetos non eodem candore erga se uti in Dalmatia, quem cor-
 poribus, animisque victi in Creta nuper prætulerunt; maxime ubi unus e
 domesticis Imperatoris Adrianopolim redux, cladem Turcarum, Morlacho-
 rum confidentiam fallacibus verbis expinxit.

Molinus, qui solerti ingenio, multisque artibus, intimam familiari-
 tatem Vezirii, Mahometisque occupaverat, ne quid temere statueretur ad-
 versus Venetos, utrumque Reipublicæ gravibus rationum momentis placavit,
 exhibuitque Senatus literas, quibus amplissima potestas Deputatis concessa
 erat, non modo ab armis revocandi Morlachos, sed etiam præsidia restituendi
 Turcis, quorum causa in novas turbas Dalmatia exæstuavit. Hæc Molini
 industria, ac prompta in conditiones quasvis Venetorum voluntas, Imperatorem
 a vi armorum abstraxit; reputantem serio apud se, quantum æris, sanguinisque
 profundendum foret, quoad Morlachi cum frequentibus præsidiis subigerentur.
 Ex altera parte Veneti cernentes se a Christianis Principibus desertos, exercitus,
 quos tot annis aluerant, imminutos, Cretam, præter tria munimenta, a Turcis
 occupatam; non abs re verebantur, ne hostili exercitu, numero, & fama
 quotidie auctiore, in Dalmatiam trajecto, omnibus fundis spoliarentur; ut
 mirum non fuerit, si ad conditiones foederis minus utiles Reipublicæ perquam
 solícite addixerint animum. Itaque ad pacatiorem, sed non acrem minus,
 pugnacemque Senatorio in campo congressum, conflictumque sententiarum,
 deducta limitum controversia, arbitros habuit Joannem Baptistam Nanum, B) &
 Mamuthem Budæ Gubernatorem, viros inter suos primi nominis. Sub tentoriis,
 in campo Sebenicum inter, & Jaderam procurrente, erectis, litem aggredi
 placuit. E finitimis oppidis ingens multitudo cum Christianorum, tum Tur-
 carum convenerat, avida noscendi suarum sedium fortunam. Primi congressus
 Deputatorum, speciem minime lætam dederunt felicitis eventus. Mamuthes
 enim veteres limites, quos Ferhates cum Loranzo C) statuit, nunc iterum
 statuendos postulavit, adeo pervicaciter huic suæ sententiæ innitens,
 ut prope re infecta discederetur. Exhibuit, nescio quam sincere e
 tabulariis literas, Loranzi manu signatas, quarum characteres ob vetustatem
 attriti, materiam litium multo ampliorem fecerunt, Turcis omnes apices
 in Heri sui commodum interpretantibus.

Inter

A) Foscarinus, & Nanus veteri vocabulo Haidones nominant. B) Cujus nimirum Historia, Italo sermone edita, usus sum. Brietius ad calcem anni 1678. hoc elogio Authorem Patritium, ejusque Historiam celebrat: „Decedit Venetiis Baptista Nanus D. M. Procurator, Vir ingenii per multas rerum summi momenti tractationes exerciti, quas domi, forisque ad varios Principes Legatus obivit. Insignes edidit Commentarios, in quibus ævi sui Historiam complexus est, ob quos nulli melioris notæ Scriptorum secundus audivit. „ C) Anno 1573. Inspecte, si lubet, Portam Ottom, T. II.

Inter hæc tædia nova controversia enata est ob munitionem Ver-A. C. pogli dictam, quam & Veneti, & Turcæ variante belli fortuna deseruere. 1671. Eam nunc repetebant Turcæ cum adjacente agro, ostenso Mahometis mandato, quo jubebatur Mamuthes militari opere munimentum instruere. Lapſis diebus compluribus, cum non hac, non illac concordie negotium promoveretur, pertæſus tricarum Venetus, abitum conſenſo navigio ſimulavit. Retentus a Mamuthis internuncio, ſuam ſententiam poſtremo dixit: cum neutri ipſorum fas eſſet cedere munitionem, ad Imperatorem, & Rempublicam videri referendum. Sed ante extinctus eſt Mamuthes, quam curſores Byzantio redirent. a) Subinde Cuſſaines, vir ut in campo militariter horrida, ita in aula placida indole, juſſus controverſiæ finem imponere, quinta decima Octobris in colloquium venit cum Nano, miſſaque Ferhatis designatione limitum, munitionem, totius concordie ſcopulum, Venetis ceſſit; Cliffam præterea, Spalatium, veterem Salonam perpetuo jure iisdem attribuit.

In hunc modum poſt multas ambages, diſceptationeſque pax tandem ſtabilita eſt, cujus nuncium lætiſſimum ipſi Pacificatores ad ſuos pertulerunt. b) Unis Morlachis anguſtos intra limites concluſis, nec jam in hoſticum more ſuo procurrare auſis, pax graviffima accidit; concoquendum tamen erat, quidquid incommodi inciliſ nervis ea concordia frequenti, bellicoſæque nationi attulit, donec cæſo ad Viennæ mænia Ottomano, c) iterum bello ardere cœpit Dalmatia, Morlachis aſide aggerentibus flammas, atque Rempublicam ſucceſſu armorum in ſocietatem trahentibus. Et erat ſpes ingens Venetis Peloponneſum, aut Candiam recuperandi ea tempeſtate, qua Magnus Leopoldus iſto fœdere cum Poloniſ, omnibus viribus in Turcarum excidium conſpiravit; quod fœdus & Veneti amplexi, arma per Dalmatiam, Peloponneſum, Cretam in ſextum decimum annum glorioſe circumtulerunt. Tandem poſt alternas belli vices, Muſtapha II. rerum poſtiente, communi fœderatorum conſilio Carlovitii d) pacem inire placuit; tanta Chriſtiani orbis lætitia, raro ut majora memorentur geſſientis populi argumenta. Sed hæc multo poſt evenere. Nunc e maritimis provinciis, veluti longiore jactatione feſſus, in vaſtos Poloniæ, atque Moſchoviæ campos mihi ſeducendus Lector; ubi Mars Ottomanicus veteres ſuos ludos inſtruxit. Utriusque belli origo, & cauſæ, quoniam magnam rebus Europæis mutationem attulit, & Venetos rurſum cum Hungaria involvit, paulo curatius exponendæ ſunt.

Quam turbulente jactata ſit Polonia Joanne Caſimiro imperitante, quas clades internecinas acceperit, ad annum quinquageſimum quintum ſupra milleſimum ſexcenteſimum curſim expoſui. e) Malorum origo a Boguslao f) Chmelnizkio ſupremo Zaporaviensium Coſſaccorum Præſecto cœpit. Hic dominandi avidus, extremo Uladiſlai VI. tempore, cum nonnullis Procerum Poloniæ inimicitias aluit; cumque infra dignitatem, ut putabat, haberetur, turbidus, atque honoris tenaciſſimus, gentem ſibi ſubditam ad arma excivit. Et promptam habuit ſuorum voluntatem propterea quod Poloni e lege fœderis Turcici omne genus navigiorum ad pontum Euxinum incendio deleverint, ne more ſuo maritimas Turcicæ ditionis urbes divexare poſſent. Juſtis aliquot præliis ſuperior, per Ruſſiam graſſabatur. Variante fortuna belli, a Regiſ cæſus, ferocior evaſit. Reparatis namque viribus, ac Tartarorum agminibus in auxilium vocatis, vaſtam Podoliæ partem, & urbem Kioviæ, ad fluvium Boryſthenem ſitam, occupat. Regem Caſimirum cum valido exercitu accurrentem, in extremas anguſtias conjicit. Chamus Tartarorum, ſive memor veteris cum Uladiſlao facti fœderis, ſive Chmelnizkii potèntiam ſuſpectam haberet, ſive denique

A) Eodem fere tempore mortem obiit Conſtantinopoli Ludovicus, ſive Aloyſius Molinus peritiſſimus rerum Turcicarum. b) Foſcarinus Lib: I. c) Anno 1683. d) Anno 1699. e) Vide licet hæc Tomo pag. 42. f) Apud Goſfridum Lengnichium, Hiſtoriæ Poloniæ a Lecho ad Auguſti III. mortem, Scriptorem, lego Theodorum, ſive Bogdanum Chmelnicium.

A. C. auro emptus a Polonis, Cosaccorum partes repente destituit, suaque discessione effecit, ut ad Casimiri obsequium redirent.

Haud diu in fide perstitit iniquus Chmelnizkius. Bellum molientem aggressus Casimirus prælio vincit, exutumque omnibus castris, atque Kiovia, cum gente Cosaccorum sub jugum mittit. Sed MISERA est victoria, quæ de civibus, aut armorum sociis refertur. Has turbas gravior procella excepit. Moschi ingenti exercitu in Lithuaniam effusi, Cosaccos spe victi, ac spoliis, in campum protraxere. Joannes Radzivilius A) Poloni militis Ductor, etsi acerrime obsisteret hosti, ad extremum impari numero congressus, adeo cæsus est cum suis legionibus, ut ægre vitam ex infelici arena extulerit. Attritam Poloniam non multo post torrentis instar invasit Carolus Gustavus Sueciæ Rex B) cum Brandeburgo; Subinde Rakoczius Transylvaniæ Princeps. Chmelnizkius genio suo indulgens, ad hostes Poloniæ continuo deficit. Proceres dudum averſi a Casimiro, velut sacramento soluti, cum ipso robore Polonicæ militiæ Gustavo accedunt, & ad evertendam patriam strenui manus accommodant. Ad Zarnovam fusus, fugatusque Rex, Cracoviam, & plerosque minoris Poloniæ, Lithuaniae, Russiæ Palatinatus victori Sueco cedere coactus est. Tanta Gustavi fortuna anno altero C) detumuit. Proceres Regis sui exilio, regniue calamitatibus permoti, cum insuper minori loco apud Suecum haberentur, ac speraverant, plerique ad officium redierunt. Mox conclamatis armis ad Varſaviam, acerrimam pugnam committunt. Triduo integro certatum est. Poloni rursus victi; respirarunt, ubi Brandenburgus suum militem e Polonia abduxit. Sueci partim præliis, partim frigoris acerbitate, & commeatus inopia imminuti, spem unam in Rakoczio habebant. Is a Cæsareis, ac Polonis in fugam actus, amissis copiis, in Daciam ægerrime pervenit. D) Chmelnizkius, barbarum fax, sibi, suæque fortunæ relictus, dum Moschorum copias in Polonos sollicitat, morbo correptus extinguitur.

Inopinata morte sui Ducis perturbati Cosacci, pars Joannem Vyhovium, pars Georgium Chmelnizkius, Boguslai filium, in armorum Præfectum legit. Vyhovius posita pervicacia, cum sua Cosaccorum manu Polonis se junxit, dignitate Palatinatus Kioviensis ornatus. Verum post annos octo conspirationis reus, judicum sententia, fortunis, & vita privatur. Georgius haud perinde armis deditus, ac pater, Cosaccos trans Borysthenem perinvitus moderari cœpit. Pace cum Suecis E) composita, posteaquam bellum Moschoviticum longe atrocius exarsit, quadraginta armatorum millia in Polonos duxit. F) A Lubomirſzkio in castris oppressus deditionem facit. Sinistram fortunam veritus, relicta clam dignitate, Monasticon C) amplectitur; instabilis fortunæ, summaque, & ima miscentis exemplum futurus, ut ad annum millesimum sexcentesium septimum non indiligenter evolam.

Ardente Moschovitico bello, simulates Regem inter, & cives, domesticum malum apud Polonos, iterum obortæ sunt, milite stipendia plurimum annorum ferociter postulante, ac obsequium ex conditio detrectante. Subinde Lubomirſzkio, confœderatorum Duce, Poloni suas vires attrivere. H) Tot malis ægram Poloniam, Tartarorum irruptio penitus afflixit. Petrus Dorofenskius Cosaccorum Ductor, Turcarum fide implorata, in Polonos arma convertit. I) Mahometes IV. bello Cretensi implicitus, quo hominem sibi arctius sociaret, Tartarorum turmas in Poloniam immisit. Hi nihil absteriti frigoribus hyemis, cum Cosaccis magnam regionis partem percurſant, cædibus, incendiis, omnia permiscunt. Sebastianum Machovium, exercitus Polonici Legatum, in Ukraina proſigant; abductis centum millibus mortalium, in sua mapalia onusti spoliis abscedunt. Injurias haud placuit armis K) persequi Polonis; sive quod domesticis turbis regnum

eo

A) Anno 1653. B) Anno 1655. C) Anno 1656. D) Anno 1657. E) Anno 1660. F) Eodem anno. G) Anno 1663. H) Anno 1665. I) Anno 1666. K) Lengnichius memorat, a Joanne Sobieskio Tartares, & Cosaccos armis adactos ad pacem faciendam.

eo temporis A) ageretur quam vehementissime, siue quod sibi male me-
tuerent ab Ottomanis, si in eorum fœderatos, aut subiectos hostilitatem
exercent. Igitur cum nec satis præsidii haberetur domi, nec Chamus
Tartariæ, suos a populatione cohiberet, optimum factu existimatum est, si
icto prius fœdere cum Moschis, legatione Turcarum Imperatorem conve-
nirent, qui pro potestate sua Tartarorum irruptiones castigaret; aut si ipsi
inurias ultum irent, ut ne milite, aut ære pacis ruptoribus auxilio adesset.
Sed ea legatione utriusque partis animi irritabantur, nihilque propius erat,
quam ut arma illico utrinque expedirentur. Nam postquam Hieronymus
Radzieviskius B) ad Adrianopolim Imperatorem in campo, ubi curas Creti-
ci belli more suo venando absterfit, convenisset, & fastuosa oratione sui
Regis postulata exposuisset, offenso acriter Mahomete sine responso, e Sena-
tu dimissus est. Civilis subinde cum eo actum, ut scilicet cum Kara-Mu-
stapha Caimacane, siue urbis Præfecto, legationis capita conferret. At
cum nihil a sua ferocia remitteret, & arma inconsulto minitaretur, ni Tar-
tari omnem prædam, atque captivos remitterent; amaris salibus perfri-
ctus, domi suæ arctissima custodia, iussu Caimacanis detentus fuit; ubi
febrili æstu, ac mœrore animi contabuit.

Nihilo mitior morte Legati Kara-Mustapha, C) durissimas conditio-
nes tulit Polonis. Nempe: *omni hostilitate abstineant, neve a Tartaris præ-
dam repetant. Cosaccos, qui jugo excusso se in libertatem asseruerunt, at-
que Ottomanorum societatem amplexi sunt, ut amicos colant. Moschis Tur-
carum hostibus bellum indicant. Mercatoribus Ottomanis damnum omne re-
parent, quæve ablata ad unguem restituant.* Hæc, & alia imperia potius,
quam conditiones, dictatorius, quo ferebantur, modus, acerbiora longe
reddidit. Quippe adjecerat Caimacanes: nisi omnia expleverint, bellum,
bellique mala, habituros. Hos ei spiritus intendebant & bellum in Candia
prope confectum, & renascentes identidem in Polonia turbæ, quas Regina
partibus Galliæ addicta, & a fatis Reginæ, primi Procerum non segniter
aluerunt. D) Hac fere denunciatione belli nihil commoti Poloni, vetera dis-
sidia, irasque in novum Regem Michaellem Coributum transferunt. E)
Ferventibus hunc in modum turbis, cum Procerum factio in dies amplio-
res vires sumeret, & Tartari, Cosaccique Turcarum societate erecti, Rei-
publicæ imminerent, Coributus Franciscum Casimirum Wisovskium Ora-
torem ablegat Byzantium, qui Mahometem admoneret fœderis Cocinensis
cum Osmane anno millesimo sexcentesimo vicesimo primo percussi, quo
disertis verbis cautum erat, ne potestas fieret Tartaris in Poloniam grassan-
di; aut si sponte fœderatam regionem urerent, ut annis proxime superio-
ribus, vi coercerentur. Invito Mercurio suscepit legationem F) Wisovs-
kius, homo verborum immodicus, & supra præsentem fortunam Polonici
regni ferocior. Certe moribus suis ad aulicam urbanitatem minime tem-
peratis, Purpuratos, ipsumque Imperatorem Candia capta prætumidum
exacerbavit, & bellum in patriam retulit. Prope Larissam reperto Impera-
tore, ægre admittitur ad salutandum Kara-Mustapham negotia totius Impe-
rii tractantem. Infra dignitatem acceptus Adrianopolim referre se iussus
est, summam legationis commodiori & loco, & tempore expositurus. Mo-
ræ omnis impatiens, Imperatorem in Larissæis campis venationi vacantem,
post multa tædia adiit, a quo perinde, ac a ministris aulæ contemptim ha-
bebatur.

Nondum aderat Kiuperlis Vezirius reparationi Candiæ urbis, alio-
rumque prælidiorum intentus. Hunc rebus suis æquiores speravit Wi-
sovskius. Sed spe sua excidit. Namque victoria in insula Cretensi recens
obtenta clarissimus, eo liberiori fastu Legatum accepit, quo bellicis laudi-
bus

A) Nempe anno 1668., quo Joannes Casimirus Regiam Purpuram in Comitibus posuit. B) Got-
fridus Lengnichius compendio narrat hujus legationis exitum: Ricautius, siue Porta Ottoma-
nica T. II. fusius. C) Sæpe apud Historicos legitur Kara-Mustaphas; uti etiam Caimacan, &
Caimacanes. D) porta Ottom. loco laudato. E) Anno 1669. F) Anno 1670.

A. C. bus inter omnes Purpuratorum illustrior. Alloquium sæpius petenti reposuit
 1671. Vezirius: *legationis summam cum Panagiotto Europæarum linguarum perito conferret, atque ex hujus præscripto negotia sua in posterum curaret.* Erat Panagiotus gente, & religione Græcus, Vezirio ubique addictus, ejusque fortunæ innexus, apud quem postremis vitæ suæ annis Interpretem egit. Wisovskius Legati dignitatis memor, *negavit se missum ad Panagiotum vile mancipium; cum Imperatore, Vezirio, primisque Purpuratorum sibi rem esse: expositurum se postulata sui Regis Primoribus, si potestas detur.* A Panagiotto nulla auctoritate instructo præter verba nihil posse expectari. Adjecit insuper: *se potius jugulum præbiturum acinaci, quam ut de Principis sui majestate decerpi quidpiam patiatur, aut Legatus aliquo dedecore Poloniam afficiat.*

Diebus pluribus inter tædia aulæ transmissis, tandem ad Vezirium aditu impetrato ea lege, ut de more veteri sella consideret (hunc honorem in primo congressu Caimacanis fastus negaverat) post mutua officia, venerationesque in hunc modum elocutus est: *se missum ad Imperatorem, ut Michaelem Coributum e Jagellonia stirpe, Regem Poloniæ in campis Varsoviensibus communi civium suffragio; lectum nunciaret, simulque amicitiam, & pacem, cujus desiderio Rex, & omnis Polonia flagrat, cum gente Turcarum firmaret.* Cocinense fœdus a Regibus Poloniæ religiose eatenus servatum. Daturum operam Michaelem, ut ne a suis illud violetur. Digressus subinde ad irruptiones Tartarorum addidit: *Cocinensi fœderi immania vulnera esse inflicta his annis per Tartaros; eos prædabundis agminibus præter jus, fasque in Polonicum solum irrupisse, nec provocatos, nec læsos provincias evastasse; multa mortalium millia in servitutem rapuisse, ac sub corona venundasse; innumeris incendiis omnem late Poloniam deformasse; irreparabilia denique damna Regno intulisse.* Polonos omni bello abstinuisse fœderis Concinensis religione. Decere Imperatoriam majestatem, ut pari candore cum Polonis agat, & e pactis conventis Osmannis, prædonum latrociniiis modum statuat. Postremo Cosaccorum contumaciam vehementi oratione perstrinxit. Aiebat: *hanc gentem juribus Poloniæ obnoxiam cum hostibus consilia, & arma miscuisse; jam ad Suecos, jam Tartaros, & Moschos in perniciem Poloniæ non semel descivisse.* Recentibus his annis sprete religione sacramenti, quo se obstrinxerant Regibus Poloniæ, se penitus a Republ. avulisse; ferrum, & ignem veteribus Dominis minitari. Videret Imperator, ne rebellium conatus sua auctoritate, milite, ac ære foveat. Adesse Dorofenskii Cosaccorum Ducis homines in Turcia; percurfare Purpuratorum domos: *virulentis sermonibus Polonorum fidem elevare; opem, auxilium ad libertatem firmandam poscere; illud potissimum agere, ut Turciam cum Polonia committant.* Jam rumore percrebuisse, minus fidei Imperatorem, Purpuratos habere Regibus, quam seditiosorum fictis querimoniis. Admoneret Imperatorem, ne per patrocinia bellorum semina jaciat, neve turbas in alienis provinciis alat.

Ad hæc Vezirius paucis. *Anicitiam Polonorum cordi esse Imperatori. Irruptiones Tartarorum Byzantina aulæ vehementer displicuisse, & ex formula Cocinensis pacis pœnam depensurum Chamum.* Cosaccos multis injuriis agitados, acerbissimo jugo oppressos, jure gentium arma corripuisse. Eos nuper opem poposcisse ab Ottomanis, & sine injuria Polonorum impetrasse. Dorofenskio jussu Imperatoris traditum esse diploma, & vexillum in amicitia thesseram. Alioquin veterem controversiam esse, Turcicone nomini, an Polono, Cosacci subiecti? in Cocinensi fœdere multa verbis incertis, dubiis expressa, neque Cosaccorum limites recte definitos. Nunciaret Regi, ut lites de Cosaccis, eorumque limitibus, & libertate obortæ per fidos homines quamprimum componantur.

Conjecit illico Wisovskius, controversiarum materiam quæri a Turcis, quo minori invidia, si Poloni jure suo non cederent, Cosaccorum factionem in posterum sustentarent, & specie patrocinii occasionem nanciscerentur

rentur prioris belli turpitudinem eluendi, simulque Cocinensia pacta rescin- A. C.
dendi. Propterea non dubitavit Vezirio oggerere: *frustra disceptari de ve-* 1671.
tustissimis Polonorum possessionibus. E tabulis Cocinensium pactorum liquido
constare, gentem Cosaccorum Regibus Poloniae esse obnoxiam, idque agno-
visse Osmannem hac formula: Rex, atque Respubl. Cosaccorum latrocinia
pro suo imperio cohibeat: ne mari Euxino piraticam faciant, maritima Tur-
carum oppida incurserint, prædas abigant, intentiori cura advigilet. Si quid
maleficii illatum fœderatis Turcarum provinciis, Poloni damna ad assen re-
farcient. E quibus confecit Wisovskius: authores pacificationis luculentum
præbuisse argumentum, Cosaccos ab imperio Polonorum pendere. Ingens
dispendium temporis fieri, si ultro, citroque commearent nuntii. Se alioquin
prævidere non cessurum Regem vetere adeo possessione. Sed in hac defen-
sione nihil præsidii erat, Vezirio arma, & ultionem contendente, nisi Cosac-
cis omnia jura, libertasque agendi in suis ditionibus reddantur.

Nihil deterritus his minis Legatus, ratione, importunitate pugna-
re, nullum libellorum finem facere, quo Ottomanos a Cosaccorum turbu-
lantis factionibus abstraheret. Cum nihil extunderet, in terrorem jam
unice intentus, animi sui sensa, scripto patefacit Vezirio: *Regem suum glo-*
ria majorum, ac imaginibus clarum, minime admitturum, ut olim in Anna-
libus legatur, auctam a suis Polonorum Rempubliam, se imperitante unius
provinciae, & bellicosi populi jactura imminutam. Viribus totius regni ob-
stiturum, ne tantum dedecus otiosa fronte sibi ultro accersat. Arma armis
strenue oppositurum, ubi vetera jura proculcantur. Risit hominis fero-
ciam Vezirius, Polonicarum turbarum sat gnarus, acriterque increpitum,
contumacem, omnisque humanitatis expertem compellavit, quod potius
belli causas importune quæreret, pacis componendæ oblitus; & potentissi-
mo Imperio lacinias discissi regni imprudenter præferret. Hoc convicio
irritatus, ab aula discessum parabat, urgebatque Vezirium, ut se molestis-
simo negotio quamprimum expediat. Vezirius omnia pollicitus, homi-
nem Constantinopoli, vana spe, & superba Ottomanicæ aulæ cunctatione
ludificatum, multis mensibus detinuit: addito terrore nisi modestius egerit,
nisi illico nova mandata super Cosaccorum lite a Republ. postularit, effe-
cturum se, ut veluti rerum tractandarum imperitus, domum revocetur,
aliusque, Legati dotibus instructus in locum succedat. Rerum pertæsus,
ac novissimis Vezirii minis percutus, victas tandem manus dedit, missò in
Poloniam uno e suis familiaribus, qui integram de Cosaccorum jurebus con-
troversiam ad Regem deferret. Adjunctus est huic Aga, quo major fides
haberetur.

Interea Dorosenskius qua literis, qua legationibus commonefecit
Vezirium; in Moschovia ingentem armorum apparatus fieri; e stativis,
præfidiis educi militem; annonam, machinas undique convehi. Idoneis
authoribus se accepisse, eam tempestatem in Ottomanos conflare. Haud
dubie confœderatam Poloniam Moschis accessuram, & privatas iras in exte-
rum hostem effusuram. Opprimendos ante hostes, quam vires confocient.
Wisovskius, qui vanissimos rumores sopire debuisset, latius evulgavit. Fre-
quens illi sermo in circulis, in conviviiis de numero, deque robore militis
Poloni. Turcas turbam inconditam, disciplinæ militaris & rudem, & impa-
tientem appellitans. Hæc aliaque apud Oratorem Galliæ Peræ, quo se sa-
lubrioris cœli causa contulerat, apud Purpuratos per imprudentiam jactabat.
Imo Vezirio ira, gloriaque incallescens palam edixit; se suis impensis cen-
tum millia armatorum facile adducturum Adrianopolim, neque annonam,
cæterosque apparatus castrenses tantis copiis defuturos. Caimacan, sive
Caimacanes peroffensus alioquin Legato, egit apud Vezirium, ut homi-
nis loquacitatem castiget, arctioresque agendi limites ponat. Revocatus
Pera Constantinopolim, specie alloquii apud Vezirium obtenti, ad vetus
hospitium, in interiorem ædium partem ab armatis Janicaris seducitur.
In hac custodia multa indigna perpessus est; redeuntibus e Polonia nunciis
cum

A. C. cum literis ad Vezirium, & Effendium datis a magno Cancellario regni, 1671. quibus perpaucis significatum, alium Legatum mitti non posse Constantinopolim, ni Wifovskius in patriam rediret. Cosaccorum lites silentio transmissæ.

Cum percrebuit Constantinopoli apud Purpuratos, ut efferant se Poloni, ac Legatum repetant, ut inhæreant pactis Cocinensibus, quibus intercedere, aut quidpiam lenitatis aspergere non Imperatori, non Vezirio liceat; ut Cosaccorum libertas, fortunæ prope deploratæ sint; fit nova omnium indignatio. Pupugit in primis Vezirium, Cretensi triumpho inflatum, suam auctoritatem nullo loco apud Polonos fuisse; Imperatoriæ majestati nihil delatum; neque Legatum, neque regnum a primo postulato rigore quidpiam remittere, & veluti bellum Ottomanico Imperio indicare. Nec dissimulavit dolorem apud Imperatorem, quem suis consiliis in bellum Polonicum, quod diu coquebat animo, perpulit. Decretum in Poloniam bellum, qui denunciaret Regi, delectus est Aga. Additæ Mahometis literæ minarum plenæ in hanc sententiam: *subacta Cretæ insula se victrices copias ineunte vere in Poloniam infusurum: a contumacibus pœnas repetiturum, nisi læsis Cosaccis, postulatis maximi in orbe terrarum Imperatoris ad unguem satisfiat. Armorum vi Cosaccorum iura, Imperii sui majestatem vindicaturum.* Aga convento Rege Varşaviæ, illico custodiæ traditur, festinatisque Adrianopolim nunciis, a Rege & Proceribus fœderis Imperator admonetur, neve iniquissimo bello rebellium Cosaccorum factionem propugnet, fere rogatur. *Quod si tamen arma intulerit, occursum in limitibus Polonos, & uti causam ita & meliores successus se habituros sperare.* Agam Varşaviæ detentum, rediturum incolumem, si Wifovskius liber dimitatur. Belli jam certus Imperator, Wifovskium Constantinopoli abire finit mense Februario. Deductus a Chausio ad ripam Danubii funestissimum bellum in patriam reportavit.

Rumor belli Polonici dici non potest, quanto omnium ordinum applausu Byzantii, inque provinciis Asiaticis sit exceptus. Vezirius veluti victoriam manibus teneret, militem ad nova spolia, novam gloriæ meliorem extimulavit. Et reapse Ottomanos superiores fore nemini dubium esse poterat, conferenti utriusque partis & vires, & fortunam. Veteranus Turcis miles, & victoriis ferox; Duces bello, & consilio; terrestribus, maritimisque triumphis illustres. Opes e Candiaë spoliis, & Asiaticis ditionibus in ærarium congestæ. Pax cum Cæsare, & Venetis firma, neque a Persia metus. Provinciæ, si unquam alias, omnino hoc temporis pacatæ. Castrensis omnis generis apparatus maximis expeditionibus par. Ex adverso Polonia domesticis, externisque bellis, annis aliquot vehementer afflicta, robur militiæ imminutum. Proceres pertinacibus ab Rege, ac mutuis inter se odiis implacabiliter scissi; Cosaccorum populus, olim egregium scutum adversus Tartaros, nunc belli fomes, & ruina Poloniæ. Torpor præterea omnium animos occupaverat, ut neque militem legerent, neque Principum Christianorum implorarent fœdera; omnes bellum ore uno conclamarent; singuli belli apparatus negligenter. Tot calamitatibus pressam, propriisque jam malis imparem Poloniam ad ictum destinavit Imperator. ▲)

Fatali equi cauda Byzantii ad fores majoris palatii depacta (quod certum indicium, & belli denunciatio apud Ottomanos) exeunte Aprili castra fiunt in campo Byzantino. Huc ex Asia, & Europa commigrare jussæ legiones, sub tentoriis quietæ egerunt, dum castrenses machinæ conveherentur. Quinto, & vicesimo Maji, suo ductu bellum gesturus Imperator, insigni pompa castra ingressus, lustratas copias ad Istrum movit. Pons navalis Danubio injectus iter tantisper morabatur. Quippe flumen vernis pluviis præter morem auctum, majori vi, ac mole undas egit, impulitque naves, quam ut sine discrimine universæ copiæ, & prægrandia tormenta, in alteram

▲) Hæc pleraque etiam Brietius, vel potius ejusdem Continuator, compendiose recitat ad annum 1670; at Porta Ottomanica diffuse.

alteram ripam transvehi posse viderentur. Jamque anchoris aliquot aqua- A. C.
rum rapacitate evulsis, rudentibus diffractis prope erat, ut opus solvere- 1671.
tur; nec machinatores Turcæ, etsi omnem artem expromerent, aquam
frænare, aut navigia firmare poterant. In ea perturbatione rerum, peru-
tilem operam præstitit quispiam a Christianorum religione ad Mahometem
transfuga. Hic nova arte anchorarum loco e solidissimis trabibus elabora-
tas cistas, saxisque immanibus fartas in fundum Danubii præcipitat, atque
alligatis validissimis binis funibus singulis cistarum, & navium, adeo firmo
nexu molem pontis junxerat, ut nec vehementior ventus, nec intumescen-
tes undæ quidquam vitii compagi intulerint. A)

Traducto exercitu stationem figit in castris Osmanneis B) duabus
leucis Danubio distitis. Istud Purpuratis haud probatum, C) eo quod mi-
les, cladis a Polonis acceptæ memor, tristi imagine locorum facile animis
casurus, & parem exitum hujus expeditionis auguraturus existimaretur.
Certe commilitonum infortunio percussus segnior futurus. At Mahometes
spreta Purpuratorum cavillatione, iter tristibus vestigiis signatum ingressus,
militis sui iram (ut prudens conjecit) in hostem auxit, omnibusque copiis
ad pugnam instructis, ne quid subita incursione turbarent hostes, processit.
Ad Tyram D) fluvium castris locatis, Asiæ equitatum, & graviolem supel-
lectilem rei bellicæ accipit. Superato fluvio, tendenti in adversâ ripa oc-
currit Chamus Tartariæ, & Dorofenskius Cosaccorum Ductor cum suorum
turmis. Uterque amicitiae, & honoris causa, ab Imperatore ponticorum
murium pretiosis pellibus, armis diversi generis, equis donatur. Doro-
fenskius subinde obligata fide, se, suamque gentem Ottomanorum Imperio
tradit.

Aucto in hunc modum exercitu, resumpta est lustratio. Cense-
bantur armatorum centum quinquaginta millia. Exiguus numerus, si
conferas Præfectos copiarum. Nam præter Imperatorem, supremum Ve-
zirium aderant decem minores, E) & triginta Bassæ, Principes Valachiae,
& Moldaviae, Chamus Tartarorum, & Dorofenskius. Sed quantuscunque
fuerit hostilis exercitus, Poloniæ, ut tum res domi, forisque angustæ erant,
proterendæ par. Mirabantur Turcæ neminem Polonorum armatum con-
spici; neglectam fuisse custodiam Tyræ fluminis; omnia alto silentio torpe-
re; veritque, ne hac fatali Polonorum quiete decepti, subita clade invol-
verentur, insidiarum metu sæpe substituerant. Ut vero speculatores tuta o-
mnia nuntiaverunt, & Polonus, qui Turcarum agmina, & consilia explora-
turus venerat, in castris interceptus, suorum popularium jurgia cum Rege,
regni morbos minutim descripsisset, metu soluti Camenecum F) versus ala-
cres moverunt. Explorator jussu Imperatoris per media castrorum circum-
ductus, ut machinas, Janicsarorum cohortes sigillatim per otium inspice-
ret, auro donatus liber ad suos dimissus est. Septimo Augusti explicatis la-
te tentoriis, Camenecum undique se cinctum vidit. Antequam præsidium
machinis quateretur, visum est Vezirio Gubernatorem loci ad deditionem
invitare scriptis literis: *adesse imperatorem cum ingentibus copiis, Polono-
rum contumaciam fracturum. Camenecum circumvallasse, nec discessurum,
nisi eo subjugato. Occuparet propterea deditione Imperatoris gratiam, &
tradito præsidio vitam, fortunas pro lucro haberet. Si vim expectarit, ca-
pite luiturum pervicaciam.* Agæ, qui has detulit, in mandatis dedit: Gu-
bernatorem secreto conveniat, & aurea messe in deditionem alliciat. Loco

Imp. Ottom. Tom. II.

M

fretus

A) Porta Ottom. Tom. II. B) Castra Osmannea dicta, quod anno 1621. Imperator Osmannes eodem in loco stationem cœperit, dum in Polonos infelicitè duxit. Vide Tom. I. Imp. Ot-roman. pag. 299. C) Simile quid legere licet apud C. Corn. Tac. Annalium Lib. I. dum Germanicus castra Quintilii Vari ab Arminio cum exercitu cæsi adiit. D) Tyras, olim Turia, vulgo Niefter, sive Dniſter, fluvius. Diverſus utique a Boryſthene fluvio, vulgo Nieper, seu Dniſer, quarum vocum ſimilitudine celebris ævi noſtri Hiſtoricus lapſus eſt. E) Plures appellantur apud Turcas Vezirii. Supremus Vezir Azem appellatur. F) Camenecum, aliis Camenecium, Camenecia, Podoliæ præſidium, colli impoſitum natura, & arte permu- nitum.

A. C. fretus Gubernator nihil pacati admisit, NEQUE solo terrore verborum for-
1671. tem virum, vel prælidium expugnari respondit.

Igitur ad oppugnationem versi Ottomani, admirabili celeritate ad mænia producunt aggeres, minimaque jactura fossorum, ante præfidiariorum oculos stationes obsidentium ex castrorum disciplina muniunt. E quatuor suggestibus dum mænia verberantur, inexpectata impressione princeps munimentum occupatum est a Janicsarorum Aga. Ex eo loco diu, noctuque fulminatur in ædificia. Cives exterriti tam prospero principio, veluti omnem munitionem amisissent, clam militibus, sublati e turri candidis vexillis deditionem offerunt. Iis conspectis dum Janicsari turmatim accurrunt, displosis machinis, ac ferreis fistulis a præfidiario, a) ingenti strage cæduntur. Discordibus jam animis nihil prospere actum. Cives suarum fortunarum populationem non ex vano veriti, si assultu caperetur Camenecum, deditionem urgebant; miles gloriæ avidus locum tueri contendit, quamvis Gubernator auro b) fortassis expugnatus, civium petitionem ratam haberet. Eo jam creverat seu metus, seu perfidia oppidanorum, ut præfidiarii non minus adversus istos, quam hostem muros subeuntem semet tueri debuerint. Infelix casus jurgia extinxit, & deditionem maturavit.

In armamentarium audaciores militum se contulerant, arma, pulveres egesturi. Inter concursationem, dolone, an forte? oborto incendio aliquot doliola confecti pulveris comprehenduntur, ac concusso immani fragore ædificio, inevitabili strage pars militiæ, id est anima præsidii hauritur, & ruina consepelitur. Pronis in deditionem Gubernatore, & civibus, Camenecum traditur. Milites, cives, qui sponte solum verterunt, cum omni suppellectili emigrare permitti, Leopolim ducentis curribus deportantur inter cohortes Janicsarorum. Ingressus urbem Mahometes cum manu militum, continuo templa adiit supremo Domino victoriarum grates persolurus, eorumque pleraque in Moscheas mutavit. Repurgatis compitis, inter applausus triumphum egit, tanta modestia militum, ut nulli civium illata vis, aut injuria memoretur. Rarum Ottomanorum continentiae exemplum in Annalibus legas. Sed istud rigidæ disciplinæ, & charitati Mahometis, quo milites in hac expeditione complexus est, debebatur. Nam ægros, saucios mira comitate, solabatur; facta singulorum immodicis laudibus extollebat; alium spe, alium gloria; cunctos alloquio, & cura, sibi que, & prælio firmabat.

Cameneco subacto, Kaplanes Bassa cum delectis quinquaginta millibus armatorum ad Leopolim c) castra metatus est. Oppidani a milite, armis male instructi, viso victore exercitu ad portas, non ausi vim experi-ri, ad Imperatorem, Kaplanis venia, Legatos mittunt, qui se, & urbem fidei, clementiæque Imperatoriæ dedant. Accepti perbenigne a Mahomete, grandi ære suarum opum depopulationem redemerunt. His prospere actis, cum frigidior autumnus militi Asiatico gravis foret, commissis Dorosenskii curæ Podolia, & Ukraina amplissimis provinciis; Cameneco Hassane imposito, Adrianopolim victricibus copiis iter edixit. Vitio datum Mahometi, quod miles fœdissimo itinere, sæviante frigore, Adrianopolim sit actus; captæ provinciæ tenui præsidio firmatæ. Etenim quiescentibus Polonis, omnis regio patebat hybernaturis, facilis præterea annonæ subvectio in Podoliam, Ukrainam e vicino agro (cum hoc bello non sit sævitum, ut alias, in oppida incendiis) ut adeo mirarentur Purpurati, cur hybernorum causa,

a) E Germanis prælidium fuisse conflatum scribunt Authores Portæ Ottom. b) Nempe ut Græcus ille ait:

Auro loquente, ratio quævis irrita est;
Suadere quoniam novit, & ratio nihil.

c) Leopoli Russiæ rubræ, seu Russiæ minoris metropolis, gemino castello firma, ac mercatorum frequentia celebris.

causa, in ultimam Asiam proficiscendum fuerit? Et profecto maximæ instar A. C. cladis erat, autumnoprecipitante in longinquas, ac perdifficiles vias raptare legiones. 1671.

Nondum perventum fuit ad Istrum, jam procella nivium, & omni hoste nocentius gelu a prosequendo itinere obstitit. Magna pars jumentorum, hominumque sopitis frigoribus vi sensibus obriguerunt. Multi pedibus & manibus ambustis, bello deinceps inutiles dimidiam vitam ægre retulere. Solitis repente nivibus calidioribus ventis, nova calamitas emerfit. Omnia obtinentibus aquis, cum nihil, ubi in sicco fessa sternerent corpora, inveniri posset, cumulatim in aquas sarcinis insuper incumbabant. Frumentariæ etiam, & cibariæ rei difficultates in dies crescebant. Ita exercitus frigore, fame vexatus mensè Decembri Adrianopolim accessit. Quodsi Polonorum aliquot signa advolassent, tot incommodis circumventos ad interuersionem cedere potuissent. Verum illi animis, & voluntate inter se diffidentes hosti pontem quodammodo stravere, quo tutius Poloniæ provinciis demigraret. Pax insuper probrosa a Mahomete dictata sat luculenter ostendit, omnium animos incredibili torpore fuisse constrictos, etsi Rex cum regni militia ad Lublinum castra posuisset. Nec facile legas gentem bellica laude florentissimam, tanto desiderio pacis flagrasse. Summa illius erat: Rex Poloniæ omni jure, quod in Podoliam, Ukrainam, Russiam habuit, in perpetuum se abdicet. Leopoldis, & vicina oppida singulis annis septuaginta millia imperialium, Respublica Polona duo aureorum millia tributum nomine Turcis dependant. Aliorum tractatum capitibus sua vis, & integritas permaneat. Has condiciones, qui firmarent, in dies expectabantur Polonorum Legati.

Non minus utilis, ac gloriosa Ottomanis pax prope A) confecta, 1673. insolitam Adrianopoli & Byzantio lætitiā attulit. Mahometes, quo pacis, victoriæque suæ famam celebriorem redderet, severum imperium ad omnes provinciarum Præfectos dedit, ut triduo festos ignes instruant. Urbs Byzantina sive Adrianopolitanorum æmulatione incitata, apud quos Imperator agebat, sive locorum opportunitate impulsā, pompa, & apparatu nobilissimum toto Imperio exhibuit spectaculum. Juverit rem pluribus avido talium Lectori dare. Ingruentibus primis tenebris in aula Imperatoria e majoribus, minoribusque machinis signum est editum nocturnæ celebritatis. E castellis Euxino mari aditis, urbe Scutari, e bellicis navibus, pari celeritate, majori fragore tormenta insonuerunt, alternisque mugitibus populo undique accurrenti animos addiderunt ad continuanda hilaria. Compita urbis, palatium Imperatoris, Moscheæ, mercatorum officinæ innumeris collucebant facibus. Cuncta festis militum, civium personabant vocibus, Mahometi Imperatori vitam, & victorias acclamantium. Accessit epularum frequentia, quas opulentiores suis familiaribus palam apposuerunt. At ora Hellesponti infinitam prope hominum multitudinem excivit. Stabat placidum mare, nulla ventorum vi agitata. Navigia numerosa miræ altitudinis columnis, exquisitis pegmatum, arcuum molibus, armorum, triumphatarum gentium signis superbe ornata (perenni igne oculos avide insipientium pascente) composito remigum pulsu jam in altum, jam ad litora leniter agebantur, inter dissonos instrumentorum campestris strepitus, quibus nempe barbarorum ingenia mire capiuntur. Machinatores toties noxii inimicis urbibus, operam suam, & artem in varios ignium ludos, pompasque animo mutato verterunt. Mare perinde, ac aer, incendia mediis in undis aluit. Jurasses Romana theatra ad omnem elegantiam expleta per altum ferri, mox scena versa Trojam flammis deleri. Adeo igneæ per Hellespontum, canaleque naves larga incendia impune comitabantur.

A) Chronologorum aliqui adnotarunt, pacem fuisse omnino confectam, id quod alii negant. Porta Ottom. ait condiciones pacis factas inter Legatos, a Rege, & Repub. minime acceptas. Brietius ad hunc annum memorat: pacem genti Polonæ probrosam confectam fuisse. Hartnaccus hæc habet: „Aucta est potentia Turcica Ukraina, & munitissimo totius Podoliæ propugnaculo Caminicia. Factum id infidelitate dedentium. „

A. C. Hoc spectaculorum apparatu, Byzantini a metu, & cura bellorum vacui 1673. triduum exegere, tanta animorum conjunctione, ut urbs vasta, & disiecta tumultu misceretur nullo, nullis jurgiis hilaria turbarentur. Cæteræ urbes, oppida pares suis facultatibus ludos instruxere.

In Polonia longe alia rerum facies. In Comitibus Varfaviensibus ut publicata est pacis formula, omnium animos pudor, mœrorque subivit. Pudit nobilissimam gentem Ottomanico jugo colla subdere, & tributum ad allem superbis Dominis quot annis numerare. Calamitatum præcipuum fontem dissidia fuisse, nemo ignoravit. Hoc obturato redituram Poloniæ avitam felicitatem omnes censuere. Igitur positis simultatibus animos, viresque consociant; longa odia in Regem nutrita, momento in hostes vertunt; arma, copias toto regno maturant. In Joannem Sobieskium Imperatoriis virtutibus clarissimum, qui Regio exercitui prisca autoritate præfesset, suffragia conferunt. Annonarias domos maxima celeritate in Russia, quo miles convenire jussus, omni genere frumentorum replent. Dorofenskius apparatu Polonorum non mediocriter perterritus, ab Ottomanis auxilia petiit, nunciavitque Imperatori, gentem suam res novas moliri, & brevi ad Polonos, aut Moschos transituram, nisi vi armata in obsequio detineatur. Nempe jam tum homo levissimus suum consilium specie alienæ molitionis detexisse videtur, quod post annos quatuor desertis Turcarum partibus palam arripuit. Eodem tempore rumor emanavit Adrianopolim: Turcis bellum conciri in Moschovia; ingentem armatorum numerum sub signis esse; in omnibus provinciis apparatus fieri. Res, credita eo facilius, quo certius constabat, Moschorum Principem anno proxime superiore vehementer irritatum, quod Legatus, quem Polonorum causa Adrianopolim misit, infra dignitatem habitus, superbo cum responso rejectus sit, & nunc demum eam injuriam ultum iret.

Vulgatus rumor tantum terroris incussit, ut versis illico in bellum Moschoviticum curis, Tartariæ Regem cum copiis excubare jussit, ne quid terra impune moliatur hostis; classis præterea quadraginta navium in Pontum Euxinum expedita est, ad firmanda maritima oppida. Assoviæ præpemis timebatur. Hæc ad tolerandam obsidionem rebus omnibus instruebatur. Dum hæc maxima trepidatione aguntur, in Asia haud leve damnum Ottomanis illatum. Alexandrina classis ad Rhodum a Melitenis, & Corficis circumventa, biduo extracto certamine, in potestatem Christianorum venit. Ingentia spolia cum bellicis instrumentis ut mirum recrearunt victores, ita Turcas impovisa clades maxumopere conturbavit. Concoxit Melitenium facinus Mahometes, in Polonos, & Moschos intentus. Camenecum tria millia Janicsarorum acceleratis itineribus festinare jubet. Sex millia ex eodem ordine in auxilium mittit Dorofenski. Cussaini, a) pacis non minus, ac belli artibus conspicuo mandat, ut e Bosnia, Macedonia, Thracia militem venientem trans Istrum collocet, castrisque munitis prope ripam confideant. Quippe bellum trahere potius, quam gerere hoc anno cupiebat Imperator. Nam præter morem pauci armatorum confluxere ad signa, non tam metu Polonorum, quam calamitatum, quas victor exercitus in reditu perpeffus est. Præterea mutata subito mente, sepositis belli curis, partem æstatis venatione exigere decrevit in nemore, sex dierum itinere Adrianopoli dissito. Et dignus fuerat locus tanto hospite, & venatore, adeo abundabat irriguis fontibus, omni genere ferarum, quas insectari ad insaniam prope adamaverat.

Vezirius, & Primores Purpuratorum, huic inconsultæ cupiditati fortiter restiterunt; ajebant: *solemne quibusdam Principibus Ottomanici sanguinis fuisse, ut, si bello vacarent, belli tamen incitamento, curas temperarent venando. At ubi hostis imminabat Imperio, neglexisse ejusmodi delicias, convolasse in castra, aut senatum, quo saluti civium prospicerent, Imperatoriæ majestati pares victorias conficerent. Præ foribus nunc esse geminos hostes;*

a) Hic Cussaines ultimam manum paci Venetæ imposuit ad annum 1671.

hostes ; alterum victum, sed integris viribus inferentem bellum ; alterum injuria exulceratum, recentibus copiis dedecus ulciscentem. Haud decere præliaris ingenii Imperatorem semet in montium latebras abdere, & hostibus veluti ingloria fuga terga ostendere. Famam Principis atrociter vapulaturam apud omnes, si abjecta exercitus cura, cum ingenti ærarii imminutione numerosam familiam per saltus circumducat. Obsecutus Purpuratorum monitis, exercitum quindecim millium pugnatorum, exeunte Julio trans Istrum abducit, ratus sui fama Polonos ab armis discessuros, & pacis condiciones nuper dictatas, ultro rogaturos. Dedit subinde ad Regem, ad Rempub. literas minarum plenas : quod superiori bello diviti pacem ardentissime flagitarint a victore ; obtentam iniquissime abruperint quorundam civium inquietis consiliis. Clementiam suam, qua usus in victoria, non parce commendavit : se uno cursu potuisse proterere omnem Poloniam : cohibuisse tamen victorem exercitum incendiis, rapinis, urbium excidiis, id est gloriæ avidissimum suum animum ea victoriæ modestia postremum superasse ; quæstuosam expeditionem in tennes admodum victoriæ fructus, quo amicitia firmiter inter utramque gentem coalesceret, non sine cavillatione Turcici populi mutasse, sed jam omnem clementiam erga fœderum violatores deposuisse : ferrum, ignem, omniaque belli adversa expectarent, ni festinato obsequio arma ponant. Nihil deinceps contulit ad expeditionem Imperator. Traditis enim copiis Ductorum præcipuis, in montibus Moldaviæ hæsit, e longinquo suorum cladem accepturus.

Joannes Sobieskius multis delectibus aucto exercitu, rebus commodissime dispositis, itinere, quam fieri potuit, citatissimo Camenecum profectus est. Rex Michael sinistra valetudine per id tempus afflictus, suis ut animos adderet, Leopolim præter Medicorum, Procerumque mentem se contulit, ubi recrudescente ægritudine, non multo post vivendi finem fecit. A) Cussaines relicto Istro exercitum Turcarum, Podoliæ infudit, castrisque opere firmissimo extructis, hostium præliarem æstum non dimicando frangere intendit. Non evitavit, sed distulit cladem inutili mora. Res ita habet. Principes Valachiæ, & Moldaviæ evocati in bellum, suas copias Turcis junxerant, & iisdem castris confederant. Ut omnia fierent e disciplina militari, in tanta vicinia Polonorum, impiger Cussaines diebus, noctibusque curavit. Rogat Moldavum, num miles ad pugnam expeditus? alacrine animo in aciem proditurus? cum minus grata reposuisset, ferox ingenio adeo exarsit Cussaines, ut inspectante exercitu Moldavum velut vilissimum mancipium ferrea clava pulsarit. Simulata mente iram tenuit, quo certius illatum sibi dedecus ulcisceretur. At Valachi B) injuria fœderati Principis exasperati, secessione facta a Turcis, ad Polonos transferunt, suumque Principem reluctantem, vi intentata abripuerunt; qui tamen postea fugiendi occasione reperta ad Cussainem festinavit cum quadraginta comitibus. In ea fuga a Polono equite plerisque cæsis, ipse Princeps acinace grave vulnus accepit in dextra. Hac plaga decorus, apud Soltanum gratiam non vulgarem iniit, atque eam, quoad vixit, perpetuo possedit. Et patuit illico, quanti fecerit fidem, constantiamque, qua Turcarum partes aperto vitæ discrimine propugnavit. Nam aucto in singulos dies Principis stipendio asprorum (minuti, sed probi argenti moneta est) ter centum; Consors, & Liberi, qui obliides erant Constantinopoli, e septem turribus, quo rapiebantur post fugam Valachorum, honorifice reducti, pristinam & libertatem, & dignitatem obtinuerunt.

Sed Moldavus nullis beneficiis placari potuit; adeo læsus honor in vindictam hominem extimulavit. Agebat tamen cum Cussaine, ut alias, familiariter: frequens in consilio, pervigil ad Polonorum motus, plane ut omnem suspicionem mutati animi exemerit Turcis. Interim cum Sobieskio

M 3

clan-

A) Michael Coributus Rex Polon. mortem obiit die X. Novemb. Postero die Joannes Sobieskius nobilem victoriam reportavit. Gotfridus Lengnichius pag. 241. B) Tria millia dicuntur fuisse in Porta Ottom.

A. C. clanculum colludit; quid firmum, quid debile in castris Cussainis, per fidos 1673. sibi homines edocet. Hortatur: opera castrorum invadat; pollicetur se omnibus viam daturum in castra, & cum suis in Ottomanos arma versurum. Æstuans alioquin in pugnam Sobieskius, maxima celeritate munimentis castrorum militem admovet. Cruentum certamen multis locis oboritur. Moldavus vindictæ cupidus sub primum certaminis æstum in Turcas irruit; Cussainis stationem incurSAT, eumque non levi vulnere perstringit. Dissipatis propugnatoribus, in mediis castris iusto prælio concurritur, Solymano Bassa Turcarum aciem sustentante. Horis quatuordecim ancipiti victoria pugnatum fuit. Tandem animis, viribusque fracti Ottomanii fugam capessunt. Solymanus sex equis amissis, ægre in septimum eluctatus, in fuga glande plumbea trajicitur; mox a superveniente Polono hasta dejectus, a victoribus frustatim conciditur. Cussainem cum duobus Bassis benignior fortuna cædi eripuit. Magnitudo victoriæ e castris opulentis, & cæso ad internecionem exercitu patuit. Reperta in iis quinque, & viginti millia plaustrorum partim frumento, oriza, partim nitrato pulvere, variaque suppellectile onustorum; Facti æris Ducenti sacci, quorum singuli pro quingentis imperialibus valent. Tormenta diversæ formæ complura; papilionum aliquot millia. Vexillum grande Janicsarorum cum aliis signis. Sed immanis hostium cædes præ spoliis erat. Viginti quinque armatorum millia in castris, & fuga interempta esse Historici perhibent, A) accensis fortasse iis, qui a Polonis ad Tyram fluvium iterum profligati, ferro, & aquis perierunt. Iisdem diebus Moschi cum fidis aliquot Cosaccorum turmis Dorofenskium, & Tartaros infestarunt obsessisque montium angustiis iter ad castra Turcarum interceperunt.

Sobieskius ut vincere, ita victoria uti noverat. Cocinum, nobile præsidium ad Poloniæ limites, aliaque munimenta Turcarum, ad Tyram extructa partim vi, partim deditione accepta. Moldavia iniquis possessoribus depulsis, suo Principi restituta, gravissimo tributis onere liberata est. Jassium, B) Vaivodarum sedes, exturbatis Ottomanis lætiorem faciem induit. Huc Kaplanes quatuor peditum millia, serum auxilium, promovit. Intellecta suorum clade, fuga celerrima ad castra Vezirii, reliquias fusi exercitus prope ripam Danubii colligentis, semet trepidus recepit. Multorum saluti ea castra erant. Nam fugitivorum plerique ad Danubium nocturno itinere tendebant, ne ab insequentibus Moldavis, & Polonis suas injurias ulciscantibus trucidarentur. Quod si pons Danubio injectus concremari potuisset, nemo iram victorum evasisset. Sed objiciente exercitum suum Vezirio pons integer stetit. Cussaines vulnere, & multo viarum errore lassatus, in eadem castra pervenit. Ab irato Imperatore munere suo privatus in vincula conjicitur, atque ad septem turres deportatur. Nequaquam, ut fortem virum decebat, adversam fortunam excepit, tulitque. Aulæ favoribus a pueritia innutrito gravissimum erat, Imperatoris gratia, unius prælii sinistro exitu, perpetuo excidisse. Solitudo præterea hominem, qui se paulo ante numerosa militum manu, Ducumque corona mandata operientium cinctum viderat, penitus afflixit. Et jam in itinere ex animi mœrore morbum adeo gravem contraxerat, ut navigans per Bosphorum Thraciæ, ab Anglicano Legato, qui eodem tempore Byzantium trajecit, Medicum sibi mitti rogarit. Carceri inclusus, infelix prælium multis omnino annis luit.

1674. Michaelis Regis fata, Poloniam in solitos fluctus conjecerunt. Indictis comitiis anno MDCLXXIV. spes obtinendi regni Polonici Principum Europæorum incaluit. Candidati ferebantur: Æmilius Brandenburgici Electoris filius, Basilides Moschoviæ Princeps, Joannes Wilhelmus Baruthanus, Geor-

A) Aliqui tamen non nisi XIV. millia cæsa tradiderunt; Lengnichius liberali calculo triginta millia periisse scribit. Continuator Brietii hæc commemorat: „Joannes Sobieski summus regni Mareschallus, tractis in societatem Polonorum Valachiæ & Moldaviæ Principibus clade ingenti & quatuordecim millium strage Turcz prope Cocinum attriti sunt. „ B) Jassium, Jassia urbs Moldaviæ non immunita.

Georgius Daniæ Regis frater, Carolus Lotharingus, Maximilianus Bavarus, A. C. Araulienſis, Eboracenſis, Mutinenſis, Apaffius, Condæus Principes. Pro- 1674.
ceres diu diftracti emunctis grandi ære petitoribus, in Joannem Sobieſkium Reipub. oneri parem, menſe Majo ſua vota contulerunt. Dilata ſolenni inauguratione, in Podoliam magnis itineribus contendit adverſus Turcam, cædes, & incendia late circumferentem. Jam enim Imperator cum Vezirio, Aſiaticis copiis firmato exercitu, in Polonorum diſiones irruerat. Celeritate opus erat ad Camenecum aſſerendum. Ea urbs peracri obſidione a Polonis premebatur hyeme quantumvis ſæviente. Clauſis undique viarum aditibus ciborum penuria in urbe, frequenti populo reſerta, oborta eſt. Prope erat, ut hoc domeſtico hoſte graſſante præſidarii ſe dederent. Advolavit in tempore Vezirius, & Polonos numero longe inferiores obſidione depulit. Cameneco rebus omnibus inſtructo, florentem, numeroſumque exercitum Cocino aſſudit. Poſt dierum aliquot oppugnationem, ſpe ſuppetiarum ſuccifa, pactis opimis conditionibus urbs traditur. Sic pari facilitate, ac anno ſuperiori Polonis, Ottomanis ceſſit, non tamen eadem præſidiariorum fortuna. Nam omnes contra datam fidem a ſuperbo, & inſolenti victore trucidati ſunt. a) Moſchis in campum progreſſis hoſtem aggredi ſine Polonis res plena diſcriminis videbatur. Aſſoviam captam dum adverſus hoſtem tueri formidant, cum ſtrage circumfuſæ regionis in buſtum vertunt, retractoque milite campo excedunt. Moſchorum diſceſſu cognito, claſſis Ottomanicæ Præſtus Aſſoviam, mercaturæ peropportuno locum, haud negligendam ratus, paucorum dierum lapſu e ruinis evexit, compulſisque magno numero agreſtibus ad opus faciendum, mira operarum feſtinatione profundis foſſis, ſolidiſſimis palis terreæ moli infixis adeo munivit, ut ſecuturis annis multo ſanguine Moſchorum fuerit expugnanda.

Interea Sobieſkius Podoliam, & Ukrainam ingreſſus, incolas ejus provinciæ metu oppreſſos mirifice recreat. Recedentibus Turcis, præter Camenecum, omnia præſidia ſui juris facit. Moldavum ſibi confœderatum ejecto novo Principe, quem Mahometes media hyeme cum aliquot turmis ſpahiorum immiſerat, in principatu ſtabilit; provinciam contra ſubitas irruptiones Tartarorum opportunis præſidiis obmunit. His non minus celeriter, ac fortunate actis, victor Cracoviam redit. In hanc expeditionem more veteri evocatus erat Precopienſium Tartarorum Chamus. Is excuſata apud Vezirium valetudine, equeſtres copias ſuis ſub Ducibus in caſtra Turcarum proficiſci jubet, ipſe domi valetudinem curaturus. Vezirius ſeu fidem non habuerit morbum obtendenti, ſeu revera morbum agnoverit, citatis equis Meſſalinum b) artis medicæ peritiſſimum, gente Italum, ad Chamum dimittit. Spatio dierum ſeptem, & decem Crimæam, ſubinde Bacafaram, c) caput Precopiæ, & princeps domicilium Chami tenuit. Officioſe exceptus, Vezirii ſollicitudinem curſim expoſuit, ſtatimque indicia morbi e vultu horrido, nimiumque mœſto collegit, animum nempe, non corpus male habere. Erat Chamus a prima pueritia ingenio triſti, vitabundo, futurorum anxio; auxitque illud procedentibus annis, mutata negotiorum materia. In præſentia ſolito majori occupatus mœrore adeo concidit, ut neque bellica laude, neque ſpe prædarum caperetur. Pronum creditu eſt; his duobus poſtremis annis in Polonos ſuſceptæ expeditiones hominem infregerint, penitusque a caſtris abſterruerint.

Meſſalinus, cui ob veterem neceſſitudinem, & artis peritiam multum tribuebat Chamus, redditurum animi vigorem, ac qualemcunque mentis ſerenitatem pollicitus eſt, modo ſolitudine evitata, inter caſtrenſes ſtrepitus verſaretur. Obſecutus monenti, paucis poſt diebus itineri ſe dedit, trajectoque Boryſthene, Benderam, ad ripam Tyræ munimentum, pervenit; indeque in Moldaviam digreſſus, ubi Vezirius caſtra metatus eſt, ſuas
copias

a) Lengnichius trucidatos fuiſſe non meminit. b) Meſſalinus medicus Vezirii cujus epiſtolam reſert Ricautius in Porta Ottom. Tom. II. ad quem data eſt. c) Bacafara, Bacafarium urbs primaria Precopiæ, & ſedes Regis minoris Tartariæ ad mare Euxinum.

A. C. copias regendas suscepit. Hæc e Crimæa Messalinus perscripsit ad Ricau-
 1674. tium Legati Anglici a secretis. Postremo addit: *Polonos pacem quæsisse apud Mahometem, & facile obtenturos fuisse, nisi Camenecum sibi reddi pos-
 sulaissent. Turcas perinde, ac Tartaros incredibili pacis desiderio ardere. Polonicum bellum admodum sterile, inprimis Tartaro his annis accidisse, om-
 nibus denique invisum esse. Spem succrevisse Ottomanis, Sobieskium Prin-
 cipem summæ moderationis, belli calamitatibus finem impositurum, ipso Maho-
 mete quietem magis optante, quam palam poscente. Vertenda deinceps ar-
 ma in Moschos, qui non lacessiti, non bello provocati, terra, & aquis Ot-
 tomanos impetunt, Cosaccorum fidem ingentibus promissis sollicitant.* Hæc
 Messalinus. Et re ipsa non pauci Cosaccorum exuta fide adversus Turcas,
 demigrarunt in provincias Moschorum, atque in dies fuga numero glisce-
 bat, ut merito timuerit Imperator, ne ipse Dorofenskii suorum popula-
 rium vestigia aliquando premat. Hoc se metu liberare quam primum
 statuit.

Antequam Adrianopolim abiret, accitis Vezirio, ac Purpuratis in
 consilium; Cosaccorum quorundam ad Moschos secessionem, Dorofenskii
 suspectam fidem, difficultatem continendi cæteros in obsequio, clandestinas
 Moschorum sollicitationes in medium profert, rogatisque singulorum senten-
 tiis, postremum conficit: *Cosaccorum gentem cum Dorofenskio e natali solo
 deportandam in agrum Euxino mari adsitum; in eorum sedes colonos e Tur-
 cicis provinciis accersendos.* Hac ratione Cameneco novum veluti munimen-
 tum additum iri; Cosaccos haud facile fugam arrepturos, aut certe e fuga
 retrahendos. Prolato Imperatorio edicto, tristi primum silentio populus
 hædere, mox Turcarum artes agnoscere, nimixque Dorofenskii fiduciæ subirasce-
 re. Dorofenskii sua levitate damnata alte dolorem pressit, vultuque ad hilaritatem
 composito crudum imperium exhaustit. Sine mora, quæ ad proficiscendum per-
 tinebant, comparatis, cum liberis, jumentis, omnique domestica suppellectili itine-
 ri semet committunt. Eodem tempore non modica pars civium urbis Camene-
 censis distracta fuit. Armeni, & Hebræi mercaturæ dediti partim Philippopo-
 lim, & Adrianopolim; partim Byzantium suas fortunas, atque adeo lucra
 transferre adacti sunt. Juvenes in Podolia intercepti, ac ingens multitudo
 utriusque sexus, in ultimas Asiæ provincias abrepta a militibus, potissi-
 mum Asiaticis; quibus Imperator hæc spolia ultro cessit, solaturus illorum,
 ut opinor, longinquas, ac crudæ hyemis incommodis corruptas vias. Pote-
 statem præterea Asiaticis fecit, ut anno insequenti domi remaneant, resque
 suas privatas curent; siue hac indulgentia multorum iram lenire voluerit,
 siue non magnopere formidaret Polonos, quorum concordix, si parum
 temporis intercedat, haud duraturam constantiam rebatur. Hyemante jam
 anno castris solutis ad Istrum ripam, Adrianopolim concessit.

1675. Imperator, veluti debellatum foret, raro admodum milite, Poloniæ
 limites munivit. Ibrahim excubare jussit ad Istrum bina peditum millia
 missa. Usuffes cum aliquot Tartarorum signis, Dorofenskio in auxilium
 datus ad Ukraniam infestandam. Classis Præfecto mandatum, ut annonam
 Euxino mari subvehat. His perfunctorie imperatis, seposita dein armorum
 cura, præsentem annum quietus egit. Neque Vezirius, & Purpurati futu-
 rorum anxii, in pompas spectaculorum, quæ Adrianopoli jussu Imperatorio
 non levi pecuniarum impendio adornabantur, defixi ignobili otio inter hila-
 ria marcescebant. Eorum initium mensis Majus dederat, dum more Tur-
 carum Mahometis filius circumcideretur. Stabant in campis Adrianopoli-
 tanis pulcherrimo ordine papiliones acuphrygia expicti. Horum in medio
 conspectum erat perelegans pegma, cui insistebat thronus, Imperatoriæ ma-
 jestati par; adeo gemmis, auro, & si quid his avara mortalium cupiditas
 pretiosius numerat, fulgebat. Ad latus utrumque pegmatis, miræ altitu-
 dinis arbores, lampadibus instructæ non tam ad noctis tenebras arcendas,
 quam ad spectantium oblectamentum viscebantur.

Rebus ex ordine curatis, Mahometes Imperatorio cultu ornatus, ex **A. C.** urbe Adrianopolitana profectus est, infinita hominum multitudine vias, & **1675.** testā obfidente, Janicsaris militari ferocia horridis, latera stipantibus. Circa ipsum vehebantur Primores quique, Vezirius, Mufftijs, Purpurati, bini Principes filii. Sed visum ad se trahebat omnium Princeps in flore ætatis, fortunæque, cui omnis hæc pompa serviebat, generoso sonipedi insidens, & vestium fulgore conspicuus. **a)** Ut perventum in castra ludicra, Imperator consensu pegmate, ab universis persalutatus est. Purpurati, Præfecti provinciarum, ac urbium, præter verborum officia, ingentis pretii munera scripto obtulere. Compertum est postea ab ærarii Præfecto, tantam summam pecuniæ fuisse collectam, ut ea longe excesserit omnem impensam, illa ætate liberali utique manu, in tot spectacula insumptam. Et suapte Mahometes eo temporis ad liberalitatem, dignamque suo fastigio magnificentiam pronus, hujusmodi spectaculorum celebritate multum delectabatur. Hac cura defuncti Primores Turcæ, in omnem hilaritatem soluti, pluribus diebus iisdem in campis morati sunt. Dies partim convivii, partim ludis theatralibus extracti. Subinde campo hastatis equitibus referto, decursio equestris peracta est. Pedites pariter inter se congressi, suarum virium periculum præsentem Imperatore, ac Purpuratis fecerunt. Horæ nocturnæ festis ignibus inspiciendis transmissæ. Fama est ducentos quadraginta machinatores, mensibus quatuor sedulam operam hisce igneis apparatus impendisse, ut vel inde conjicias, Ottomanos haud perinde agrestes, rudesque, & citra delicias horridos, ac ab exteris rerum Turcicarum minus peritis pinguntur. Visabantur præterea octoginta triumphales columnæ, aureis tapetibus, variis emblematis ornatae. Hæc hilaria exceperunt nuptiæ Mahometis filiae. Gubernatori urbis Magnesiæ in consortem data, quantum gratiæ, favorisque Imperatorii attulit homini, tantum eidem auri, & argenti ademit. **b)** Nam infiniti sumptus iis faciendi, qui e domo regnantis aulæ, uxores accipiunt. Neque tamen suæ fortunæ securi. Imo eo propiores ruinæ, quo liberalius in conscientiam aulicarum rerum admoti; atque ut unius Imperatoris gratia florent, ita omnium invidia flagrant, imparesque tot æmulorum machinationibus præcipientes aguntur. **ETIAM** firmissimi tandem cadunt, quos plures impellunt.

Dum hæc ad Adrianopolim summa omnium voluptate aguntur, in Valachia interim medio jam hyemis infestis signis concursus fuit. **c)** Eam provinciam Tartarorum agmina inundaverant, ut primum Poloni in hyberna abierunt, stationariis in vicina præsidia se recipientibus. Accurrit magnis profectionibus Rex ipse cum expedita suorum manu, equestrisque illam procellam momento disjecit, cæsis quam plurimis, & spoliis, ac captivis interceptis. Altera ex parte Radzivilio Lithuani exercitus Duce, Cosaccorum præsidio Povolocia **d)** expugnato, octingenti præfidiarii Regias partes amplexi sunt. His, quive horum exemplo invitati Dorofenskium ejurarunt, e Reipubl. ærario stipendia numerata, ac vestes, & arma attributa. Dorofenskius suorum transfugiis conterritus, quam in partem se vertat, animi incertus hærebat. Postremum pollicetur se renunciaturum foederi Turcarum, modo citra dignitatis imminutionem amicus habeatur. Cum de industria pacis negotium traheret, & apparatus armorum sollicitus undique corraderet, detecta fraude in eum feruntur Regii, cæsisque tribus rebellium millibus in sua mapalia retruditur. **e)**

Rex in Russiam rubram exercitu reducto, ad Leopolum mense Aprili castra posuit. Huic regioni imminebat Ibrahimus, præter Turcicum militem Tartarorum aliquot millia trahens. In Ukraina, atque Podolia, captis quasi per otium minoris momenti præfidiis, dum Tartari antecursores, Rus-

a) Hac pompa iterum processum est die XXV. Maji, ut refert Porta Ottom., cum Princeps more Ottomanorum circumcisus est. Hanc celebritatem nominant Zunettum, ut testatur Joannes Leunclavius in sua Historia Musulmana, & alii Scriptores. **b)** Mussaïppes, & Kul-Ogli appellatus. **c)** Lengnichius pag. 249. **d)** Povolocia, Polonis Powolecz, Brietio Paulocia, munimentum Podoliz. **e)** Continuator Brietii ad præsentem annum.

A. C. 1675. *sic oppidis insultant, & incendia incredibili velocitate, qua plurimum valent, spargunt, a Palatino Russiæ immani clade funduntur. Exeunte mense Augusto cum rursus ad spolia redirent, haud meliori fortuna usi, a Regio milite cæduntur. Ibrahimus nihil deterritus sociorum strage, Podhaicis oppidum obsidione cingit, deditumque funditus evertit. Arx Trubovla acerrima oppugnatione tolerata, ad extremum hostem rejecit; nisi forte Ibrahimus Regis fortunam veritus, iter festinarit in Valachiam, qui motis Leopoli castris perquam cupidus erat universa acie decernere. Sed jam Ottomanus extra ictum positus, dimissis in stativa militibus, Regionum conatus elusit. Neque isti longis profectioibus acerba inter frigora exhausti, diu in castris perstiterunt, postquam Soczavam, Moldaviæ Principis sedem, direptam excusserunt.*

Expeditione maritima vix ullum operæ pretium hac æstate factum, clades insuper accepta est aliquot navium. Archithalassus classis Ottomanicæ, cum triginta navigiis partim bellicis, partim onerariis in mare Euxinum excurrit, conquistæque Byzantino in agro curatorum opera cibaria, & pabula Oczakoviam feliciter advexit; indeque terrestri itinere in Kioviam, aliasque provincias, in quibus Turcicus miles, & Cosacci stationes habebant, deportata. Vela facturis Constantinopolim sævissima tempestate multum jactatus, quinque naves cum classiariis amisit, ægreque portum Byzantinum vicesimo sexto Octobris, Divo Demetrio apud Græcam nationem sacro, tenuit. Ricautium authorem habeo Turcas juxta, atque Græcos nunquam hoc die e portu solvere propterea, quod frequentibus naufragiis sero didicerint, improspere navigatione usos fuisse plerosque, qui festa hac luce seu mercaturæ, seu armorum causa se mari commiserunt. USQUE adeo aliorum infortunia mortalium animos persæpe exterrant, ut sibi religiose persuadeant, superum ira accidisse, quidquid frequentius infelicitè actum, captumque hominum excedit.

Anno MDCLXXVI. Januario mense incredibili civium gratulatione Constantinopoli acceptus est Imperator. Sedecim prope annis hac urbe aberat, Adrianopoli partim, partim aliis oppidis in domicilium delectis. Etenim Byzantinis mænibus semet concredere intutum rebatur. Majorum suorum discrimina, quibus non raro in ea urbe implicabantur, præ oculis erant, metuque exterritum, ne iisdem involveretur, procul avocabant. Ipse semel, atque iterum a concitata multitudo obsessus, ægre furentium manus evasit. Si minus prospere dimicatum, multa convicia in seditione exæstuantis populi haurienda fuere; unius Imperatoris desidiæ, imprudentiæ, provinciarum detrimenta tributa; atque UT IGNAVISSIMO cuique dominantium majestas, nisi armis firmetur, ludibrio est, ita militibus in seditionem versis, ab infimæ fortis hominibus maledictis, opprobriis in libera urbe vapulavit aula. His de causis non ultra moraturus Byzantii, locum circumspectare coepit aliquem, in quo autoritate integra Imperium moderaretur, placuitque inprimis Adrianopolis, non tam situ, ac munitione valida, quam modestia civium, priscorum Principum habitatione, ac venationis opportunitate nobilis.

1676. Igitur alio translato Imperatorio domicilio, Byzantinæ urbi multum pristini splendoris, & lucri decessit. Ædificia Purpuratorum squallore oblecta, aulæ palatia sine incolis civibus quotidie mœrorem augebant. Sed potissimum commercia, unicum fere, & certum Byzantinorum alimentum, longior Imperatoris Adrianopoli commoratio afflixit. Mercatores agentibus alibi aulicis, & prætoriano milite, non perinde suarum mercium emptores habuere, ut multi interverso lucro, necessitate adacti, cum artificibus alias in urbes recesserint. Adrianopolis contra tanto altius caput extulit, quanto magis Byzantium in dies deflorere coepit, ut non falso judicatum fuerit, cum Imperatore omnem felicitatem eam in urbem immigrasse. Hoc de-

demum anno, ut dicere institui, benignior fortuna Byzantinos, sui A. C. Principis adventu recreavit. A) 1676.

Vario hominum sermone præproperus Adrianopoli Imperatoris abitus disceptatus fuit. Permulti causam in promptu habebant: Mahometem inconstantis alioquin animi, satietate Adrianopoleos captum, veterem sedem repetiisse. Nec facile mutaturum consilium, quod multam materiam ad palatium extruendum comparatam Adrianopoli, avehi jussisset, coniecere. Callidiores, quibus abdita rimari mos est, suspicabantur, Gubernatorem Mechæ, provinciæque ad mare Erythræum protensæ, aut potius supremum sacrorum ministrum minacibus verbis admonuisse Imperatorem, ut Constantinopoli more veterum Principum resideat, secus neque a se, neque a populo pro Imperatore habitum iri. Alii sentiebant Janicsarorum querelis, quas publicis in circulis liberrimo ore diuturnam commorationem extra Byzantium damnabant, commotum, ut Constantinopolim se retulerit, rigida illa tempestate, ac nemine tum temporis abitum urgente, ne aliquando in- vitus facere cogeretur, quod sponte sua egisse est visus.

Ut urbi appropinquavit, maxima civium multitudo obviam processit visura sui Principis pompam. Sed ea raris admodum comitibus definita fuit; veluti hoc festinato, vilique ingressu turbam spectaculorum avidam, & contumacem erga suos Principes castigare vellet; patuitque illico nondum suspicionem posuisse Imperatorem, atque de populi fide multum addubitasse, cum eadem adhuc die Scutarim abierit, neque insequentibus diebus nocturnam quietem Byzantii ceperit. Adeo metus a seditiosis incussus altas radices egit, ut compluribus annis evelli haud potuerit. Nempe EAPLERUMQUE magis anxii timemus, quæ primum timorem incussere. Illud tamen Byzantinis pergratum erat, quod haud procul ab urbe ageret, sæpeque sua palatia, & hortos iheunte vere adiret, & in Bosphoro navigatione semet oblectaret. Quæ spem faciebant, Imperatorem loci amœnitate capiendum, & quas alebat suspiciones, penitus suffocandas. Spem civium auxit per eos dies, quod æstivam domum ad Bosphori ripam ab Anglico Oratore ad omnem elegantiam exœdificatam occuparit, quasi oblectamenti Imperatoris servitutam. Sed brevi patuit se falsos fuisse. Nam nondum circumacto anno cum omni aula Adrianopolim discessit, non sine mœrore Byzantinæ urbis.

Interim classis Præfectus, & Ibrahimus copiarum terrestrium Dux, dum hybernis diebus in novam expeditionem curas partiuntur, uterque morbo oppressus, extinguitur. Classem moderandam accepit Zaid Achmetes, cujus pater eandem præfecturam in Cretico bello administravit, clarusque victoriis de Venetis relatis, tandem odio impotentis Vezirii, junioris Kiuperlis, victima cecidit. Ibrahimus successit alter Ibrahimus Candiaæ Gubernator cognomento Chaetan, vetus copiarum Dux, fama potius, quam rebus gestis, inclutus. Hic intentiore animo resumptis Polonici belli curis, unus omnia agebat in vasto Imperio. Nam Mahometes superioris anni spectaculis, convivii nimium emollitus, hoc quoque anno voluptatum dulcia effusius consuebatur, ac Dominum tantæ monarchiæ condecebat, præcipue expeditione Polonica Imperatoris præsentiam deposcente. Inde vitare sedulo, quibus blanda, & suavia otia interpellari possent, molem Imperii, & belli fastidia in ministros rejicere. Vezirius valetudine per in-

Imp. Ottom. Tom. II.

N 2

tempe-

A) Sic olim Roma Augustum, ut in urbem rediret, optavit:

Divis orte bonis, optime Romulæ
custos gentis, abes jam nimium diu;
maturum reditum pollicitus Patrum
Sancto concilio redi.

Lucem redde tuæ Dux bone patriæ.
Instar veris enim vultus ubi tuus
affulsit; populo gravior it dies,
& soles melius nitent.

Q. Horat. L. IV. Carm. Ode V.

A. C. temperantiam vini, & voluptatum fracta, neque consilio, neque manu adesse poterat. 1676. Purpurati eadem oblectamentorum peste correpti, domi desides, nihil curarum admiscere. At Ibrahimus validus juvena, integer animi, experrectique vigoris, ut primum adversus Polonos se Ducem datum intellexit, e Creta insula Byzantium navigans, nihil sibi in apparando bello ad summam industriam reliqui fecit, ratus in ea suprema ministrorum desidia, sibi uni & salutem Imperii, & decus tuendum. Evocatis e stativis militibus, ac convenire jussis trans Istrum, cum florentissimis copiis per Moldaviam progressus, in Pocutiam, Russiæ rubræ fertilissimum agrum improvisus irrupit, plurimisque oppidis partim vi, partim deditione captis, Haliciam, urbem incolis frequentem, occupavit Joannes Sobieskius hoc anno Regiis insignibus ornatus Cracoviæ, A) etsi in publicis comitiis militem, æs ab Ordinibus in communem Christiani nominis hostem, primo quoque tempore sibi mitti postulasset, atque ii omnia large addixissent; tamen sparsa deinde per provincias rumore, occultis nunciis pacem esse Byzantii confectam, & arma ad speciem parari in Turcas, reipsa Brandeburgo inferenda, longe serius, ac inferiori numero in castra confluxere, quam in comitiis sponderant.

Rex morarum pertæsus, non expectatis legionibus, quæ lento itinere e stativis moverunt, Septembri mense cum decem armatorum millibus superatis Tyra, & Strio fluminibus, in hostem viribus multo superiorem processit. Ad oppidum Zuravno locum castris delegit, eaque militari undique sepe, & excitatis per intervalla castellis, valide communivit, ut a paucioribus stationariis adversus ingentes barbarorum copias defendi possent. Et profecto hæc castrorum munitio cum Regi, tum militi saluti fuit. Ibrahimus contempta hostium paucitate, partem Janicsarorum, & equitum ad interceptandam Vayniloviam immisit. Oppidum illico captum, ac directum est; arx defendentium alacritate magis, quam munimentis valida, fortiter restitit. Ne ea in conspectu Regii exercitus, expugnaretur, Hieronymus Lubomirius cum signis duodeviginti jussu Regis eo properavit, factaque impressione in obidentes, non sine cæde in fugam conjecit. Dum acrius, quam pro numero militum palantes persequitur, ad castra Tartarorum delatus, prope erat, ut ab erumpentibus undique opprimeretur. Turmæ aliquot equitum in auxilium a Rege in tempore missæ, hostium impetu animose excepto, Lubomirianos cursu, pugnaque exhaustos præsentis exitio eripuerunt. Hoc prælio Tartari, quia victi non erant, elati, non dubitarunt vicina castris oppida, ipsasque munitiones castrorum impetere. Rex haud ferens tantam confidentiam incompolitæ turbæ, quarta, & vicesima Septembris cum expeditis equitibus erumpit, atque ad vicum Dolhe prædabundos affecutus, ut erant spoliis magis, quam pugnae intentos, uno impetu profligat. Redux in castra tria millia Polonorum, opportunum sane auxilium in iis rerum angustiis lætus accepit. Namque Ibrahimus perspecta paucitate Regionum, memorabili facto bellum absolvere ardebat, inito consilio castra Regis obsidendi. Res e sententia cessit. Nocte intempesta silentibus signis, quanta maxima potest celeritate, Zuravno versus, suas copias promovet, occupatisque capitibus viarum, castra omni ex parte firmissime claudit. Radzivilius minor Lituani exercitus Ductor, & alii, recentes copias conjuncturi Regiis, pavidis nunciis admonentur, itinera omnia a Turcico insecuta milite obtineri, neque aditum patere in castra. Mirati tanta celeritate, silentioque tam multas illuc copias in Regis præsentia traduci potuisse, ac castra obsideri, mutato consilio subeundam sibi aleam minime duxerunt. Itaque Leopoli subsistere coacti, Regis, legionumque periculum Primate per celeres nuncios significarunt.

Ad famam circumventi Regis trepidatum est, si unquam alias, omni Polonia. Horrore perfundebantur Senatores existimantes apud se, quam duras, quam iniquas condiciones ferret hostis, si Regem cum fortissimis legio-

A) Secunda Febr. anno 1676.

legionibus fame, aut armis in suam potestatem redigeret? quam misere publica, privataque res haberet? quæ turbæ iterum jactarent Poloniam, si 1676. pugnacissimum Regem amitterent? proinde authores sunt Primati, ut nobiles ad arma capienda festinato evocet, provincias de milite præstando admoneat. Hoc quaecumque auxilium, ferum admodum fuisset, nisi Rex sua virtute sibi viam reperisset. Etenim Ibrahimus, ubi Regios intra castrorum munimenta conclusos habuit, admotis grandioris formæ tormentis, ollisque igniariis, diu, noctuque castra infestavit, sperans continenti illa ignium tempestate extorturum se deditionem ante, quam suppetiæ advenirent. Rex sui, suorumque discrimine animo magis, quam fronte commotus, quasi sponte in eas angustias se dedisset, crebris eruptionibus obsidentes perterrituit, contractoque sæpius certamine ante castrorum valla, hostium animos, & vires periclitatus est. Pluribus diebus obsessus cum animadverteret stationes Turcarum firmiores, quam ut perrumpi sine immani clade Polonorum possent, ea maxime solitudineangebatur, quod videret intercluso comæatu, haud dubie aut suos intra munimenta fame perituros; aut in decretoriam dimicationem potius indecoræ mortis fuga, quam spe victoriæ pertrahendos. Intendenti in omnem occasionem clavis vitandæ, visum est, Ibrahimum clam pertentare, an pacis consilia admisurus esset? res, ut optaverat, cessit. Nam Tartarorum Regulus minus quæstuosam expeditionem dudum averfatus, pacem potius, quam bellum Polonicum malebat, Ibrahimumque gravibus rationum momentis eo flexit, ut absque cruenta pugna salvo, integroque exercitu bellum pace componat.

Datis, acceptisque obsidibus, sex delecti sunt a Rege, quorum sapientiæ, arbitrioque omnia tradiderat. Honorifice excepti per duodecim Chaufios, & quinquaginta Præfectos militum succedentibus duodecim signis partim Moldavorum, partim Valachorum, & ducentis Janicaris per media castra ad Ussainis Bassæ tentorium deducuntur, ubi rursus a quatuor præcipui nominis Bassis in atrio tentorii more gentis per salutati sunt. Post lautum convivium dum de conditionibus agitari est cœptum, citato cursu nuncius advolat, Regem cum equitatu in Tartaros prædatores impetum fecisse, atque magnam partem trucidasse. Mirari primum Ibrahimus, inter inducias hæc fieri a Polonis: tum iratus totis castris ad arma conclamari jubet. Ad Zuravno die Divo Michaeli sacro acerrime pugnatur. A) Pars utraque prælio fessa, quasi mutuo convenissent, in suas stationes recessit. Secundum hanc pugnam quotidianæ fiebant dimicationes, gliscebaturque utrinque pilarum certamen adeo atrociter, ut ipsius Ibrahimus tentorium ab una earum dilaceratum fuerit. Nec ideo ultro, citroque de pacis negotio agi desitum est, Ibrahimus formidante Regis ardorem, atque fortunam, si ultimis viribus, quas desperatio acueret, eruptionem tentaret. Tandem decima septima Octobris, in castris Turcarum pax certis capitibus conclusa, ac promulgata, Poloniæ regno Regem, tranquillitatemque armis nequidquam quæsitam restituit. Sed cum multa controversa essent de limitibus provinciarum, neque Ibrahimus facultas esset ea de re quidpiam decernendi, communi consensu lex sancita est, ut aliquis e prima nobilitate Polonica Constantinopolim mittatur, qui ultimam manum rebus controversis imponat. Legati ab Ibrahimus, & Chamo large donati Haliciam abierunt, qua in urbe obliques Turcæ, Tartarique detinebantur. Iis redditis in hyberna discessum fuit.

Anno insequentis ingens æmulatio Varsoviæ in Comitibus exarsit, quoniam legatione Constantinopolitana functurus esset? multis eam ambientibus, quod sperarent occasione publicæ legationis, privatis simul commodis se consulturos. Nam alii in Podolia, alii in Ukraina peramplas possessiones habebant, quas utique sibi non paterentur eripi, si cum Imperatore, aut Vezirio transigerent. Ea æmulatio cum suspecta foret callidioribus, omnes

N 3

sua

A) E Porta Ottom. didici cruentum certamen fuisse commissum, Longnichius 600, ex hostibus cæcos adnotavit.

A. C. sua spe evertit, designato Constantinopolim Joanne Gninscio, Palatino Cul-
 1676. mensi, viro spectatæ nobilitatis, raræque prudentiæ. a) Quinquaginta flo-
 renorum millia partim ex ærario annumerata, partim mutuo accepta, ne
 superbissimæ genti contemptui esset apparatus modestia. Comparatus ad
 rite obeundam legationem; instructusque magnis mandatis, quæ Im-
 peratori exponeret, summo ordinum consensu, & spe, decima tertia
 Maji iter ingressus est. Complures e nobilitate seu peregrina visendi,
 seu honestandæ legationis studio, se comites adjunxere. Præter cur-
 rus octo, & triginta castrenses, Legatique quatuor exquisiti operis, splen-
 dorem auxerant duæ centuriæ equitum, altera levioris armaturæ, altera
 dimacharum. Cum hoc comitatu biduum moratus in campo Constanti-
 nopolitano, urbem exquisitissima pompa intravit, medius inter duos primi
 nominis Præfectos, ad latera incedentibus duodecim peditibus vestium, &
 armorum cultu splendidis, dextra clavas auro illusas præferentibus. Ac-
 cessere cum Janicsari, tum Spahii suis cum Præfectis. Imperator alioquin
 avidus spectandi hujusmodi apparatus, ex horti orchestra prætereuntium
 pompam miratus est; atque ut perventum ad locum, ubi Imperatorem
 adesse constabat, complicatis vexillis, ac silentibus tubis, tympanisque in
 ipsam urbem processum est. Deducto Legato ad palatium Panagiotti quon-
 dam Portæ Ottomanicæ Interpretis, consequentibus diebus prima officia
 hilari fronte transacta sunt. Non post multo magna equitum, famulorum-
 que caterva ad Imperatorem invisendum splendide processit, quem in hunc
 modum allocutus fertur. *Serenissimus Rex Poloniae, & Respublica me de-
 legere, ut pacem, quam Majores nostri tercentum annis cum potentissimo Im-
 perio sancte coluerunt, constabiliam. Dolet omnibus ea interrupta, bellum
 atrocissimum obortum, quo immania detrimenta utrique genti illata. Spe-
 rant haud dubie excussis jam armis, ut utriusque gentis provinciis serenior
 lux affulgeat, & miseris colonis tot belli damnis attritis, ab æquissimo Im-
 peratore dulcissimæ pacis fructus concedantur. Ita enim usu plerumque ve-
 nit: ex collis, fractisque nubibus serenitas prodit. Certe pronius in gra-
 tiam redeunt perpeffi armorum damna: & amicitiam constantius fovent, quos
 inimicitia in decumanas calamitates præcipitarunt. Eam pollicentur Poloni,
 si nihil de Religione Christiana Galatæ, Hierosolymis; nihil de eorum posses-
 sionibus, & censu in Podolia, Ukraina imminutum velis. Nobiles cum pri-
 mis Podoliæ tuam majestatem orant, ne eos amplissimis fundis everti patiaris.
 Universa Respublica majorem in modum commendat, ut populationes Tar-
 tarorum severo edicto, & pænis cohibeas, bello capti sine lytro reddantur.
 Hæc si clementer indulseris Imperator, laus conciliatæ pacis, & duratura
 feros in annos apud te erit. Cave credas, diu mansuros in amicitia, quos
 benevolentia non viceris. Postremum petiit, ut Vezirio de pace tractandi
 auctoritatem conferret.*

Dimissus ab Imperatore, Vezirio b) pari auctoritate instructo, sum-
 mis lineis ad Zuravno informatæ pacis imaginem exhibuit. Hic non ea mo-
 do in controversiam vocavit, in quæ Ibrahimus consenserat, verum etiam
 Cocinensis fœderis articulos enervare adlaboravit, ut adeo in aditu operis
 Palatinus de prospero exitu desperaret. Extracto uno, alterove mense inter
 plurimas altercationes, difficultatesque, quæ in dies enascebantur, Moscho-
 vitico bello exorto, Vezirius molliorem pacis formulam Legato prælegit,
 firmaturus eam ut primum e tribus c) Podoliæ oppidis miles Polonicus
 emigraverit. Isthoc postulatum ingentem mœrorem attulit eorum locorum
 possessoribus juxta, ac cæteris, quod sentirent hac tali cessione multum de-
 trahendum amplitudini Regiæ possessionis. Sed cedendum erat, nisi bellum
 mallent. Hoc obice amoto, nondum pacis tabulæ suum robur habebant, in-
 sita aulæ cunctatione, & superbia. Palatinus comitari jussus Imperatorem,
 & Vezirium trans Istrum, & in Ukrainam, quo adversus Moschum exerci-
 tum

a) Laudatus Lengnichius p. 252. ad annum 1677. b) Fuit is Kara-Mustaphas: nam Kiuperlis
 anno proxime superiore vita functus est. c) Nempe Bara, Miedzibosa, Niernirova.

tum moverunt, excusata senio, & morbis confecta ætate ægre obtinuit, ut A. C. sui loco Samuelem Praskium, Juvenem quidem, sed oneri tanto haud im- 1676. maturum, eo dimitteret, qui post infinita tædia tandem pactis conventis nomine Reipubl. subscripsit, & decus conciliatæ pacis retulit. Præcipua capita hæc fere erant. *Tartaris Lithuanis, vulgo Lipci appellati, fas est intra spatium unius anni cum omni supellectili, conjugibus, liberis in ditio- nes Ottomanicas migrare. E præfidiis Podoliæ Bara, & Miedzibosa Poloni milites deducantur, re tormentaria fide integra Præfecto Turcico tradita. Civibus libertas sit manendi, aut abeundi, ut libuerit. Ukrainam demptis aliquot præfidiis Cosacci Turcarum clientes possideant. A) Tartari, Cosacci, Transylvani omni hostilitate abstineant. Poloni Chamo Tartarorum more veteri tributum pendant, quo firmior pax inter utramque nationem persistet. Christiana sacra tum Hierosolymis, tum in oppidis hoc bello a Mahomete captis salva, integraque permaneant; templa, aras, si ubi vitium fecere, potestas sit instaurandi. Capti sive a Tartaris, Cosaccis, sive Turcis libertati quamprimum reddantur. B) Principes Transylvaniæ (quos Mahometes Hungariæ simul Reges, atque ad se jure hæreditario Transylvaniam pertinere articulo vicesimo octavo contendit) Poloni ut amicos habeant. Quod si exuerent fidem erga Ottomanos, nulla copiarum, bellicæ penus, argenti auxilia quaqua via mittant contumacibus; in Poloniam profugos Turcis tradant.*

His conditionibus Ottomanis admodum utilis, Poloniæ non perinde gloriosa pax sancita est. Equidem Leopoldus Cæsar per suum Legatum Comitem Schafgottschium Poloniæ Regem hortatus erat, ut bellum continet, adniscum se ut Imperio reddita tranquillitate Christiani Principes in communem hostem arma arripiant. Possè tum a superbo æquas & Christianæ Reipubl. salubres conditiones obtineri. Et revera Moschis in campum prodeuntibus, Dorofensio apertam defectionem moliente, non leviter exacuissent curas Byzantinæ aulæ Poloni, si dissimulata pacis cupidine, in armis tenuissent militem. Sed Rex alternas belli vices expertus, exhausto ærario, minime simulate pacem quæsit; ita Superis Regiam mentem moderantibus, ut rebus domi, forisque pacatis, ad eam amplitudinem nobilissimum regnum evexerit, qua paucis post annis ad Viennæ mænia strenue, feliciterque fregit Ottomanos. Quod ego tanto promptius hic dico, dicamque suo loco, quanto gloriosius erat, rem Christianam exitio proximam ab interitu vindicasse.

Hoc anno, ut pauca superaddam Historiæ, illustria aliquot capita fati cessere, Archithalassus, Ibrahimus, de quibus nuper memini, & Achmetes Kiuperlis summus Vezirius, sua, quod rarum, morte defunctus in itinere Adrianopolitano. Illuc proficiscentem Imperatorem Septembri mense comitatus, cum neque curru, neque equis vehi posset, sellæ impositus, ac famulorum humeris sublatus, in oppidum Churlu ægre pervenit, ubi intendente se in horas morbo, aqua intercute periit. Tum patuit quis militum in eum amor, quive sensus. Nam raro alias uberioribus lachrymis suum dolorem testati sunt, & ipse Imperator, quod summo, fidoque militiæ Duce orbatus sit, gliscente bello Moschovitico, nondum absoluto Polonico, vehementius indoluit. Fatum accelerasse dicitur immodica vivendi libertate. Subacta Candia curarum vacuus, Chium se in insulam abdidit, quanto magis intentus olim publicas ad curas, tanto occultior in luxus, & malum otium resolutus; Tiberii Augusti exemplo, quem in Capreas insulam se contulisse ferunt, quo securius voluptatum illecebris frueretur. c)

Quan-

A) Lengnichius ait Regem recepisse duas partes Ukrainæ, seu Ukraniæ (nam Scriptores, & Geographi utroque vocabulo utuntur) unam tenuisse Cosaccos. Continuator Brietii hoc loco addendus. „Hac pace, inquit, restitutum Poloniæ decus, abolito tributi nomine, quod tempore Michaelis Regis pactum fuerat, redditaque Reipubl. Podolia, uno excepto Camencio, cum eo districtu, quem Rex designaret. Ukraina item eidem Reipubl. asserta, minori ejus parte Dorofensio relicta, qui eam sub Soltani fide retineret, pristinaque libertati restituta XV. millibus Polonorum, quos durante bello captivos Turcæ abduxerant. „Hæc ille. B) Polonorum XV. millia redierunt in patriam. c) C. Cornel. Tacitus Annalium Lib. IV.

A. C. Quanquam creditum sit a plerisque, Vezirium solitudinem delegisse eo tem-
1676. pore, ut procul ab aulæ, ministrorumque turbis, gravissima Imperii nego-
tia liberiore animo complecteretur.

Sed reliquus vitæ tenor aliorum opinionem firmaverat. Sive enim domi, sive militiæ ageret, vino, lege Mahometis vetito, paulo intemperantius indulgit, tanta assuetudine, ut postremis vitæ annis, cum sitim sedare nequiret, opium, atque adustum vinum largissime potaverit. Inde vires corporis attritæ. Isthoc vitium multæ, æque plane Imperatoriæ virtutes æquabant. Has a seniore Kiuperle, patre suo, rebus gestis Asiæ, Europæque notissimo, veluti hærediarias accepit; fortunæ variantis disciplina perfecit. Ingenium illi ad pacis, bellique artes a natura promptum. In paterna schola multum exercitatus, mirum quam hauserit Turcicæ monarchiæ rerum peritiam, & de arduis negotiis consilium capiendi facultatem. Admodum adolescens Caimacanes (Prætorem Urbanum, aut potius Imperatoris, vel Vezirii vices gerentem dicunt) renunciatur; mox extincto patre A) Vezirius. Raro utique exemplo apud Ottomanos, ut filius in parentis dignitatem succedat. Fortassis ne firmata potentia ultra privatæ fortunæ modum, processu temporis assurgat.

Vix inito magistratu aulam, omnemque exercitum in se convertit. Seniores Kiuperlem viventem redditum veterani credere; eandem in rebus tractandis sagacitatem, animi vigorem, habitum oris, lineamenta que intueri. Deinde brevi effecit, ut pater in se minimum momentum ad favorem conciliandum esset. Parkanenti prælio, & capto Ujvarino, felicissimus belli Imperator est habitus. Hoc Duce in posterum plurimum & sperare, & audere sunt visi milites; quasi in prima expeditione sibi fortunam despondisset. Ad S. Gotthardum altera expeditione non nihil cladis accepit, uti FERRE declinat felicitas, cum in summo apparet. Hanc cladem expugnatis Candia, Cameneco Podoliæ, illustribus victoriis absterlit, amplaque accessione provinciarum, Imperium auxit. Poloniæ tributo annuo subiectæ Cosaccos avulsit. Nec minor ei a pace, quæve pacem ornant, claritudo. Toto Imperio Ottomanico sagacissimus erat. Nihil ferme domi, forisque transegit Imperator; non præfecturas contulit, non bella indixit, non fœdera sancivit, non seditiones composuit, nisi administro, atque interprete Achmete Kiuperle. Ferax illi consiliorum ingenium, ut perinde in Senatu Ulysses, ac in campo Ajax haberetur. Imperatoris matrem sibi, ubique in aditu dignitatis adversantem, miris artibus devinxit. Amulorum dolos, paribus dolis more gentis elusit, nihil turpe existimantis infidiatorem gratiæ, dignitatis, & fortunarum, e medio tollere. Iustitiæ vindex, avaritiæ acerrimus osor audiebat, & ut erat literis a pueritia imbutus, humanitatis laudem affectabat. His naturæ dotibus egregius, lubricam aulæ gratiam totos quindecim annos, ad extremum usque diem, RARO exitu potentiæ diuturnioris possedit; ediditque præclarum hujus argumentum Imperator, quod testamenti tabulas ratas habuerit, amplissimis fortunis in fratrem, & sororem Vezirii (cum nulla proles relicta fuisset) translatis.

Dignitatem morte Achmetis vacuum obtinuit Kara-Mustapha, Caimacanis, aliisque præfecturis summa cum laude functus, vir placida indole. Ex omni servitio Achmetis plerosque famulos, & ministros elegit, atque pristinis officiis admotos, suæ familiæ accensuit. Jam omnino in aula longe alios mores prætulit. Ut comis alloquio, ab omni asperitate, fastuque remotus erat, ita occupato hoc munere, gravi supercilio elatos spiritus prodebat. Nulli, maxime exterorum Principum Legatis, faciles aditus, Aurea clavi penetrantibus durum, atque agrestem se exhibuit, ut adeo suæ gentis superbiam plane exprimeret. Hac elatione animi difficillima bella Imperio Ottomanico concivit, ad quæ enarranda stylum referimus.

A

A) Vide annum 1661. pag. 50. ubi artem Imperium Turcicum moderandi tribus potissimum documentis innixam ab eo traditam reperies.

A Polonica pace arma nondum satis recondita, de integro, mole, A. C. ac periculo longe majori stringenda fuere in Moschoviam, quo e vicina Po- 1677. lonia perleves primum scintillæ belli transilierant, mox in atrocissimum incendium erupturæ, nec nisi multorum sanguine restinguendæ. Moschos inter, & Polonos fœdus in vico Andrusovia prope fluvium Ilarodnam A) iktum, intercessit adversus Tartaros, Turcasque, atque his annis, quibus Polonia impetita fuit, Moschorum copię auxiliares nunc Cosaccos, nunc Tartaros, ne totius belli moles uni Poloniæ incumberet, distraxere. Sed concursatio potius, quam bellum erat, neque stataria pugna dimicatum. Et condonatæ fuissent illatæ, acceptæque injuriæ, nisi Dorofenskius, rebellium Cosaccorum Ductor, repentina defectione ad Moschos, in se, & Moschos Turcarum iram concitasset. Namque homo Imperii, quod mala fide arripuerat, retinendi cupidus, ac omni aura versatilis, animadverso dominatum suum longe, quam sibi persuaserat, restrictiorem in dies fieri apud Turcas; populares suos tributo, injuriis opprimi; libertatem plerisque ademptam; a Polonis suam regionem hostiliter incurfari, & diripi; suspicionibus omnia gliscere, odium augeri; servile regimen, & suorum vilissimam patientiam indignatus, Ottomanorum partibus damnatis se, suosque in avitam libertatem asserere constituit. Primoribus gentis clam convocatis, quas calamitates, injurias in eum diem perpeffi sint a Turcis, Dorofenskius ostendit; neque molliori fortuna usuros in posterum, nisi avarum, crudeleque Imperium excutiant. Quamobrem sibi optimum factu videri, agebat, ut consociatis animis Moschorum patrocinium implorent; eo impetrato, desertis impiorum castris, in Moschoviæ amplissimas provincias sedes suas transferant. Id genti Cosaccorum admodum salutare futurum, quod suo arbitratu, vi nulla adaucti ad veteres Dominos redeant. Moschos bellicosæ nationi plurimum tribuisse; neque nunc recusaturos præsentissimum auxilium adversus Ottomanos. Sperare se, ut transmissis oblivione præteritis culpis, oblataque clementia, nihil dempturi sint ex antiquis privilegiis, modo omni mora præcisa, autoritate publica mittatur nuncius, qui significet Cosaccos animos, atque arma adjuncturos Moschoviæ.

Applausum est ab universis Dorofenskio; cunctis festinantibus ad Moschorum potentiam, ne viderentur nolente animo velle, si postremi voluissent. Reconciliationis negotium, CUM MULTUM referat, ut consilii actor sit, qui author fuerit, Dorofenskio commissum. Is nihil cunctatus fidum e familiaribus suis deligit, instructumque litteris a præcipuis Cosaccorum subscriptis ad Moschoviæ Czarum, Theodorum Alexovichium, legat, quarum summa hæcerat: Cosaccos multo tempore armorum societatem habuisse cum Moschis, iisdem in castris versatos, eandem fortunam expertos. Præliis demum & morte Chmelnizkii fractos, cum Polonis in amicitiam rediisse. Eam illico exuisse data opportunitate. Delatos alio, quam par erat; nempe quo securius injurias suas ulciscerentur, & deinceps domi forisque res pacatiores haberent. Neutrum ex voto cessisse. Nunc a Polonis, nunc Turcis bellorum incommoda media in pace suis fortunis inferri. His malis Primores commotos, communi consilio decrevisse ad Moschos, aram suæ salutis, & portum tutissimum confugere. Adfuturos strenue in Moschovia cum omni populo, intellecto patere miseris ad gratiam regressum.

Sed Dorofenskius privatim sibi consulturus, clam cæteris Legatum occultis mandatis onerat: cum Czaro haud perfunctorie agat de principatu in se, suamque familiam transferendo; atque hac super condonatione legitimas tabulas confici curet. Nuncius in Moschoviam delatus, omni officiorum genere a Czaro acceptus est, confectoque sine mora (ne scilicet conspiratio in longius protracta ad Turcas emanaret, aut certe magna gratiæ pars cunctando corrumperetur) amplissimi favoris, ac benevolentiæ diplomate, quo vetera gentis privilegia firmabantur, ad suos remittitur. B) Dorofenskii postulatis nihil delatum est. Crediderim reformidasse Czarum elatos ni-

A. C. mium viri spiritus, & ultra quamlibet fortunam indomitos, aut ne in 1677. unum congesto maximo beneficio reliquos a se abalienaret. Nam Dorofenskio tristi, severoque ingenio dominante, perinde suam libertatem imminutam, fortunas rapinis expositas, ac sub Polonorum, Turcarumque dominatione, questi fuissent; tanto quidem liberius, quanto ægrius ferunt a domestico, quam externo premi.

Intellecta Czari propensa in Cosaccos voluntate, continuo primarii, ut conventum erat, suos populares hortantur, ut memores libertatis, Religionis, ejurata Turcarum societate, Moschorum amicitiam amplectantur. Ne sinant præsentem occasionem e manibus labi, qua vix opportunior sibi, suisque posteris prospiciendi insequentibus annis reditura est, collectisque propere valis, fortunarum sedes in Moschovia figant. Moti autoritate virorum, maximeque specie libertatis, ac Religiosis, etsi sacrorum plerique rudes, immodice sæviente hyeme ad proficiscendum se comparant. Conjectis in carros impedimentis, ac imbelli liberorum, mulierumque turba, pecora, quæ hujus gentis præcipuæ divitiæ, ante se agentes, longinquum iter ante emensi sunt, quam Byzantii de eorum fuga quidpiam certi acciperetur. Primus eam detexit Sacerdos Græcæ Religionis, Patriarchæ Constantinopolitano Parthenio, A) apud quem opulentiùs Sacerdotium quærebat: hic Vezirio Kara-Mustaphæ, quo se gratiosum redderet in aula. Consultanti, qua via, quove modo, in obsequium reducendi Cosacci? idem Græcus suggessit, esse Boguslai Chmelniczki Georgium filium, qui triennio fere genti præerat, inter gregem captivorum in septem turribus; hunc opponendum Dorofenskio; haud dubie multos Cosaccorum veterem Ducem, & patris sui meritis pergratum secuturos. Ita scissis, distractisque viribus multum Dorofenskio, multum Moschis decessurum. Placuit consilium Vezirio. Parthenius cum Mauro Cordato, linguarum in aula Interprete, hoc negotium jussus sedulo exequi, Chmelniczkiuum teterrimo conclusum carcere adit. Quo vero infortunio huc miseriarum devolutus, e Ricautio, locuplete Scriptore, deprompta narratione evolvam; non ut improvisis eventibus Historiam condiam, ac Lectores varietate B) rerum detineam, sed ut viri Principis nostro operi inserti imago tot tragædiis involuta, plene innotescat.

Boguslao Chmelniczkiio five in acie cæso, five morbo confecto (nam Scriptores variant) Georgius filius in medio armorum æstu, inconditæ Cosaccorum turbæ præficitur. A Lubomirio, veterano Duce, ipse non vetus copiarum Ductor, una aggressione adeo victus est, ut & castra, & animum tractandi deinceps arma amiserit. Positis clam præfecturæ insignibus, Monachum induit, assumptoque Ghildesii nomine, in Kioviam, ubi cænobium Virgini Deiparæ dicatum floruit, contendit, in ea solitudine tanto tranquillior vitam ducturus, quanto a curarum fluctibus remotior. RARA profecto magnitudo animi spernentis dominatum, quem alii per ignes, ferrum, provinciarum strages obstinate quærunt. Jam in portu sibi videbatur Ghildesius, cum ecce tibi! nova tempestate in altum rejicitur. A prædantium Polonorum manipulo in itinere circumventus captivus abducitur. Forte eo ipso tempore Kioviam Tartari percursarunt, ac viso, agnitoeque hoste, ut erant numero superiores, Polonos infesti aggrediuntur. Prælium haud diu prædatores tenuit. Nam spoliis onusti dum se, prædamque divisa mente defendentes, nunc arma in hostem, nunc oculos in fugam vertunt, eoque non toti pugnant, in Tartarorum potestatem ipsi, & præda deveniunt. Ghildesius in Crimæam raptus, Chamo sistitur, alte dissimulans natales suos. Sed NULLA larva totum Principem tegit. Et non levis suspicio occuparat Chamum sub Ghildesii Monachi persona nobilius quid latitare, adeo incessus ipse, atque aspectus (etsi præsentis fortunæ quam maxi-

A) Alter utique ab eo Parthenio, quem hoc Tom. pag. 42. supplicio affectum narravimus ob factum adversus Ottomanos initum cum Primeribus Bulgarorum. B) T. Livius Patav. Lib. IX. id facere se non negat.

maxime accomodarentur) privato majorem arguebant. Res tandem prodi A. C. ta est per quemdam Nicolaum e gente Cosaccorum ortum, qui in militia 1677. senioris Chmelniczki quondam stipendia fecerat, Georgiumque in castris educatum, ac familiariter versantem inter gregarios optime notum habuerat. A Tartaris subinde captus, ejurata Religione Christiana, & obsequendi studio, tantam gratiam a Chamo inivit, ut primarios inter ministros locum obtinuerit eo temporis, quo Georgius personatus in aula vilissimi mancipii ministeriis fungebatur. Itaque lineamenta oris dudum sibi visa sæpius percurrrens, Georgium agnovit, ac Chamo detexit. Neque Georgius ausus est diutius simulatione uti, in conspectu propositis instrumentis ad veritatem exprimendam.

Chamus, ne quid molestiarum sibi crearet, nobili captivo apud se retento, eum Constantinopolim ad Mahometem cum armata Tartarorum manu dimisit. Inde deportatus ad Bosphorum Thracicum captivus, in septem turribus quæsitam solitudinem reperisset, nisi eam miserorum gemitus, & feralis imago mortis quotidie obturbasset. Transactis aliquot annis inter infinita calamitatum genera, fugam circumspectare cœpit, laxata insuper custodia, quod nihil a profugo, ac rerum humanarum pertæso custodes timerent. Dum omnia sedulo rimatur, & ad unam libertatem assequendam animum intendit, forte in area præacutum ferrum inter sarmenta neglectum reperit; eo clam subducto, & cratibus, queis fenestra ergastuli muniebatur, admoto, continuato pluribus diebus labore, quoad crates suo loco emoveret, viam elabendi sibi patefecisse videbatur. Mox ope conficissi sacci, ac instar funis contorti faventibus tenebris ex alto semet demittit. Verum cum funis longe brevior foret, quam altitudo loci postulabat, reliquum spatium saltu, aut potius casu emetiri debuit. Editus fragor fugam prodidit, hortulano, qui in vicino conclavi somnum capiebat, custodes inclamante. Elusisset vestigantium conatus Ghildesius, nisi acerbiori ludibrio eum fortuna exposuisset. Etenim inter concursantium tumultum in murum eluctatus, quem mare alluit, nihil veritus extantia saxa, uno saltu se in mare immittit, graviter sauciato capite. Metu, vulnereque perturbatus, ad Gallorum naves haud procul in anchoris hærentes pervenire non potuit. Insequenti die prope exanimis deprehensus, verberibus male acceptus, in augustius ergastulum, collo, pedibusque inditis catenis retruditur. Septem annis in hoc pœnarum feracissimo loco, nunquam mutata illuvie; pane, frigidaque parce administrata; sine omni humano solatio traductis, jussu tandem Vezirii Kara-Mustaphæ, ut dicere occepi, & libertati, & pristino muneri redditur.

In præsentia Parthenii, & Mauro Cordati, cum malorum suorum insignibus productus, omnium animos vehementissime commovit. Obsita erat squallore vestis, foedior corporis habitus, longa inedia, pallore, ac macie perempti. Ad hoc promissa barba, & capilli efferaverant speciem oris cicatricibus deformati. Non homines, non lucem ferre poterat. Illud magis ad commiserationem flexit adstantes, quod eandem fortunam perferre mallet, quam ad pristinas principatus curas revolvī. Adeo obfirmaverat animum ad principatum spernendum, quem multi dulcedine regnandi capti per fas, nefasque petunt. Urgenti Parthenio, cæterisque, ut tantæ felicitati nunquam redituræ manus daret, prompto obsequendi studio atrocioribus suppliciis caput suum eriperet, exesas vestes cultiori indumento mutaret, multum, diuque, obstitit, negans se passurum, ut paupertatis insignia ponat, queis longo annorum usu assueverat; neque velle pristinae sortis oblitum negotiorum fluctibus rursus exerceri. Solitudinem se unice quæsisse, hac obtenta nulli mortalium molestum fore. Sed postremum precibus cessit, squalloreque abluto vestem ex imperio Vezirii Byzantio latam indutus, comitibus Parthenio, & Mauro Cordato recta Constantinopolim contendit. A)

A. C. 1677. Vezirius evocandis militibus intentus, excusata paucis temporum iniquitate, qua circumventus Chmelniczkius multa indigna non Turcarum odio, non ira, sed suimetipsum, inconstantia in ergastulo perpeffus erat, hominem in corona Purpuratorum magnifice acceptum oravit, ut immemor malorum præfecturam temere abjectam magnis animis capeffat; fidem a parente olim Ottomanis obstrictam, & omnium fortunarum jactura non semel probatam, integerrime colat. Istud non Chmelniczki modo, sed & charissimæ sibi genti Cosaccorum plurimum profuturum. Quidquid erratum ab iis deserto Principe, excussa Turcarum clientela, condonari haud ille libenter a Mahomete, lenissimi animi Imperatore, qui magis deliderat Cosaccis olim fidis veniam dare, quam Dorofenskii rebellionem immiscere irasci. Sat poenarum dedisse inconstantes, quod alieno jugo colla sponte subdiderint. Ageret, ut specie libertatis falsi, sinceram libertatem in agro Turcico recipiant. Omnia large addicenti Chmelniczki traditur sigillum Præfecti Cosaccorum; cultus militaris, arma, equi, vestes, famuli: atque ut intelligeret se extra scenam Principem esse, non modica vis pecuniæ ex ærario Imperatoris in singulos dies eidem seponitur.

Hæc tanta dignitatis accessio, ingentem aulæ Byzantinæ conversionem intulit. Adorari extemplo Chmelniczkius, qui heri ut velissimum mancipium neglectus. Purpurati studiis majoribus certare, qui gratiæ locum occupet. Aulici officiosis blanditiis nullum finem facere; populus quærere, quid subitæ dignitatis hominum miserrimo apud Imperatorem accessisset, mirari deinde rerum humanarum vices, & ab implicatis hujusmodi fortunæ eventis, secundum belli exitum, omnia prospere Imperio fluxura, haud timide sperare. Et ille quo magis studia Turcarum erga se intenderet, non immemor suæ dignitatis, primis illico diebus literas dedit ad Cosaccos amoris, & benevolentiae plenas. Inter cætera scripsit: *Dorofenskii defectione patefacta Byzantii, se jussu Imperatoris suscepisse Cosaccorum præfecturam non tam sui, quam popularium causam; quorum amore se rursus pristinis curarum fluctibus reddidit, quos olim tantopere fugisset. Unius Dorofenskii ambitioni turpe transfugium ab aula Byzantina tribui, non innoxio populo. Imperatori nihil magis in votis esse, quam ut gentem armis inclutam, ac Turcarum fortunæ tot annis innexam avitæ libertati, amplissimis juribus restituat. Ea de causa bellum fecisse Polonis. Oblivioni daturum, quidquid cæco libertatis æstu abrepti nuper peccarunt. Defectionis penitentes priori loco futuros. Hanc veniam Imperatorem sua fide publice sanxisse. Postremum precibus obtestatur universos; ut desertos lares, agros repetant, Turcarum partibus accedant; ne in perniciem sponte præcipites, Mahometis iram in se, suosque posteros conciant.* Hujus tenoris complures libellos qui vulgaret apud Cosaccos delectus est quidam Stamatellus, homo vaserri mi ingenii. Huic impositum: cominus exploret, ecquid molitionum sublit? aut si medicinæ locus, sopiat iras, amicitiam instauret. Sed nihil profecit suis artibus, ut adeo rebus infectis redire debuerit. Nam plerique Dorofenskii autoritate oppressi, nihil movere sunt ausi; alii nullam fidem habuere literis Chmelniczki, quem posito principatu clam petiisse solitudinem constabat; neque turbulento regimini manus admoturum arguebant, quod otii, quietisque amantiorem nossent, ac ut in æmulum, militia clarum bellum suscipiat, & adversæ, quam integra ætate expertus est, fortunæ se iterum implicet senio confectus. Alii visis Moschorum copiis, quæ ad Cecrinum castra fixerant, nihil sibi, rebusque suis metuebant. Id tamen Stamatellus utilitatis retulit ex longinquo itinere, quod hostium castra, vires, consilia explorata haberet.

Agente apud Cosaccos Stamatello, Chmelniczkius militari cultu satis instructus, Silistriam A) discedit ad Ibrahimum, cui expeditio in Moschos & Cosaccos demandata erat. Trajecto Istri flumine cum quadraginta milli-

A) Selistria, seu Silistria, urbs Bulgariz ad Istrum cum arce; expugnata per Bajazethem, in dæmicilium Præfecti illius provinciz delecta est.

millibus armatorum per Valachiam, & Moldaviam celerrimis profectiōni-A. C. bus in Ukrainam contendit, præmisso militum, & fabrorum globo itineri 1677. explorando, sternendoque, ratus Cecrinum, olim Cosaccorum Ducis principem sedem, subito impetu posse occupari. Moschi haud ignari Ibrahimi consilii, locum valido præsidio communiunt, mox superato Borysthene castra haud procul ab oppido ponunt. Ita Moschorum solertia Ibrahimi spes confusa, Cosaccorum ager arduo bello liberatus, Tartaris clades illata. Quippe isti aperto in campo tendentes, repente a Moschis invaduntur, primaque impressione consternati, amissis castris, ac impedimentis omnibus, brevissimo tempore inter frequentes cædes in fugam aguntur. Turcæ visâ Tartarorum strage tanta trepidatione se castris ejiciunt, ut non expectato victore, citatissimo cursu ad Bogum fluvium iter relegerint. Immodicis profectiōnibus exhaustæ legiones, imbribus tumentem ægre superassent, nisi primus terror nondum consopitus, imminens a fluvio periculum minisset. Neque hic ausus subsistere, insequenti die, veluti hostis tergo insisteret, Benderam versus, ad ripam Tyræ celebre munimentum, lassum militem movit.

Non alia ex omni memoria leviori impendio victoria confecta. Ultraque hostium castra metu potius, quam prælio capta. Cecidisse dicuntur in fuga, decem millia Tartarorum cum filio Chami, & octo majoris nominis Ductoribus, quos Mirfās nominant, multique deficientibus equis e fuga retracti. Turcarum etsi pauci a Moschis interfecti, itinere tamen diebus, noctibusque continuato, multi viarum difficultate, ac vorticibus Bogi fluvii periere. Ad hæc castrensis apparatus Ottomanorum, sine certamine in potestatem Moschi venit, ut adeo mirarentur victores, cur sat validus exercitus nullo tentato certamine, convulsis signis, maxima trepidatione Bederam, deinde Silistriam se receperit? Isthæc minus prospera expeditio Ibrahimi spiritus infregit; Vezirio, & Imperatori mitiora consilia indidit. Sed contra Imperatoriam dignitatem existimarunt, si priores pacem flagitasse arguerentur: NON ignari virium tenuitatem fateri eum, quisquis prior pacem oraverit. Operam igitur Chami adhibere placuit. Hic pro veteri necessitudine Theodoro Alexovichio literis significat, *Mahometem a pacis consiliis adeo non esse remotum, ut jam nunc ea de re mandata misisset, nisi Purpuratorum autoritas desideraretur, quorum suffragiis ut bellum indicitur, ita pax confieri solet. Se vero altius inspexisse omnium animos, bellum illico pace permutaturos, modo Cecrinum, & quidquid Turcici juris in Ukraina fuit, Moschi reddant, atque Cosaccorum patrocinium repudiant; secus atrox, diuturnumque bellum Moschoviæ facturos. Ad extremum monuit: ne ex hac expeditione omne bellum metirentur; sibi videri MELIOREM, tutioremque esse pacem, quam speratam victoriam.*

Conditiones istæ ejusmodi erant, quas Moschi prælio victi ægerri-me accepissent. Nunc pulsus hostium exercitibus, illustri victoria animosiores, non dubitarunt bellum prosequi, & suas provincias adversus injustos invasores tueri. Probro simillimum præterea censebant, Cosaccos nuper in amicitiam acceptos, ac belli socios, Turcarum ardentibus odiis relinquere. Certe Moschorum fidem in posterum suspectam fore omnibus, si gentem uni Moschoviæ obnoxiam, acerbissimis hostibus, extremis suppliciis haud dubie mactandam, traderent. His in senatu bellico perpenſis, visum est Alexovichio, Principi bellicose indolis, suam, suorumque voluntatem Mahometi, & Vezirio declarare scriptis in hanc sententiam literis: *Urbem Cecrinum Boguslaum Chmelnickium Moschis cessione: Dorofenskium vetera pacta firmasse, & gentem suam ad veteres Dominos, fundosque reduxisse. Nullam inde injuriam Ottomanis factam. Si pergerent Moschos armis laceſcere, urbes obsidere, strenue advolaturos suarum fortunarum vindices. Pacem nullam omnino futuram, nisi deductis omnibus præſidiis Turcarum, fluvius Tyras pro limitibus Imperii fuerit. Assoviam cum omni penu bellica re-*

A. C. *stituendam. Hæc Mahometi ad unguem primo quoque tempore explenda, ut*
6177. *Moschos amicos habeat.*

Missus Byzantium Davidovichius homo imperterriti animi, Vezirium adiit, traditisque literis postulavit, ut sui Principis scriptum ipsi Imperatori exhibere posset. Haud probavit postulatum Vezirius, ne forte, ut erat Imperator ingenio impotenti, varioque, illud indecore susciperet, haberetque; & nuncius capitis periculum subiret. Contra morem Ottomanorum esse, ut hostis tantam majestatem, cui parem Sol non videt, oculis hauriat. Consultius visum, ut in præsentia Purpuratorum legationem obeat. Duodecim Chauſiis, & viginti Janicsaris stipatus in sanctius consilium (Divan appellant Turcæ) deducitur. More gentis consalutata Purpuratorum corona, vertit se ad fenestram dubium diem accipientem, ad quam Mahometem adesse non falso existimavit, literasque alte sustollens ait: *has magnus Moschoviæ Czarus, tibi Imperator Mahometes tradi jussit.*

In eo confesso recitatæ, varios animorum motus ciebant. Proxima clades Tartarorum, & probrosa Turcici exercitus fuga, pacem potius qualemcunque ineundam, quam bellum plerisque suadebant. Obtestabantur Imperatorem, ut dissimulata ira bello tantisper abstineat. Militem parico metu perterritum, nondum compotem sui animos recepisse. Tartaros perinde, ac Turcas sterilem militiam detrectare, & ad torvam Moschorum aciem fugam capessituros. Præter lassitudinem, inedia, dedecus e longa, difficilique peregrinatione nihil relatum. Non eadem mens Imperatori, cujus animum tum pacis monstrosæ turpitudine, tum Cosaccorum inprimis defectio adeo exulceravit, ut bellum unice spiraret. Neque Vezirius alienus a bello, arma, & ultionem unum læsæ authoritati remedium contendit. Mustius, Janicsarorum Aga adversari non ausi, ne scilicet se invitis aliquid in fenatu conficeretur, eadem ferocia arma conclamant. Decreto bello, Imperator ingenti fastu per Davidovichium commonefecit Czarum; proximo vere educiturum se exercitum, quantum nullus antea Soltanorum. A) Videret, ut non inferior viribus in limitibus occurrat; secus in imam Moschoviam penetraturum. Dominantium lites non æquius decidi posse, quam armatis copiis. Fortunam belli causæ æquitatem prodituram. In præmium Affoviam, Cecrinum, Cosaccos, & quidquid in Ukraina controversum, victori cessura. Vezirius tamen paulo moderatior Czaro nunciavit: nihil hostilitatis in Moschos movendum, modo Cecrino militem suum abducatur, Dorofenskium malorum caput Ottomanis dedat. His verborum velitationibus adeo nihil profectum est, ut utraque pars concitator majoribus animis, quam antea, bellum redintegrarit.

1678. Annus octavus, ac septuagesimus supra millesimum sexcentissimum tum Ottomanis, tum Moschis haud sane prospere decurrit. Hyeme pro more consultatione, militum delectibus, bellicis paratibus transacta, primo vere Mahometes cum Vezirio castra adiit, aliquot dierum itinere Byzantio dissita. Hic in præsentia legionum, tradito grandiori vexillo Imperii Vezirio, eum universæ expeditioni præficit. Jam omnis ex Asia, Europaque miles sub signis aderat, Vezirius nihilominus protectionem distulit. Moras iniecit Caimacanis dignitas, quam Vezirius Kara-Ibrahimo addixit, Mussaipes Mahometis gener sibi pollicebatur. Et perplexus erat, hæsitansque Imperator, utri provinciam demandaret, eaque procrastinatione augebat in dies & numerum ambientium, & aliorum sermonem. Mussaipe non tam militaria facta, aut rerum peritia spem faciebant nobilissimæ præfecturæ, quam Imperatoris favor, quo ad invidiam multorum fruebatur. In prima adolescentia urbi Magnesiæ Gubernator datus, mox in generum adoptatus ab Imperatore, filia tradita nondum nubili. Vixit deinceps in aula gratosus, arcanorum omnium particeps. Sed Vezirii tum temporis armata authoritas prævaluit, designato Caimacane Ibrahimo, vetere amico, aulicarum-

a) Parem stellarum numero minatus est se educiturum exercitum; qua similitudine fastum Ottomanicæ gentis agnoscat.

licarumque artium minime ignaro. Crediderim anxium futurorum pro A. C. Ibrahimo evehendo adlaborasse, ut amici in aula potentia suas partes firma- 1678. ret, & si adversis rebus uteretur belli, haberet domi fulcrum, cui cadentem fortunam tuto commendare posset.

Hac cura feliciter defunctus, conclamatis propere vasis trigesimo Maji, cum omnibus copiis ad Istrum processit. Injecto ponte navali, alteram ripam tenuit decima sexta Junii. Inde continuato diebus, noctibusque itinere, maxima celeritate rapitur ad fluvium Tyram. In summo discrimine versabatur expeditio. Si Moschus prævertisset, facile Turcas fluminis transitu prohibuisset. Sed celeritas Vezirii vicit. Incumbentibus operis, bidui spatio pons sustinendis tormentorum oneribus par fabricatur. In utraque ripa munimentum e disciplina militari erectum, validaque peditum manu firmatum, ne ab hoste rescinderetur, aut a tumescentibus aquis rumperetur. Iis diebus exploratores Tartari dimissi, duos Cosaccos in castra captivos adduxerunt. A Vezirio clam rogati, quantus numerus armatorum Moscho foret? edixere: centum millia sub signis stare trans Borysthemem. Percussus numerofo exercitu, ut ne rumore spargerent iu castris, militemque immaturo metu frangerent, aut captata occasione, ut erant viarum gnari, elaberentur ad suos, capite truncatos in flumen præcipitari iussit.

Defixis ad Tyram castris in campo liberrimo, reliquas copias cum gravioribus machinis, annonariis curribus, impedimentis, quæ lentius sequebantur, accepit, lustratisque militibus censuit octoginta millia partim equitum, partim peditum; quibus se conjunxerunt triginta millia Tartarorum. Omnibus ad iter expeditis, quatuor millia Janicsarorum, & totidem Bassæ suis cum militibus præmittuntur, qui securitatem præstent secuturo exercitui, & securibus, dolabris, arborum cæde, equiti, curribusque viam extendant. Moldavi, & Valachi ingenti numero compulsi, in repurganda militari via perutilem operam præstiterunt. Gravi agmini fuit iter longe asperissimum, quod crebræ paludes, instabilesque cæno campi superandi essent, implexæque sylvæ. Aqua præterea dulciori laboratum; quamvis agrestium agmen fodiendis fontibus assiduo insudarit. Deleri poterat exercitus, si Moschus in tempore vincere novisset. Tandem ad Bogum fluvium eluctantur, quem pluribus pontibus stratum; decima quarta Julii, nihil moventibus Moschis, sunt transgressi.

Necessariam militi quietem indulgit Vezirius in fertilissimo agro. Huc festinavit Chmelnickius cum quatuor prope armatorum millibus, quos e suis popularibus suas in partes traduxit. Hominem lætissimo vultu accepit Vezirius, ut ea benevolentia Cosaccis patefaceret, qua gratia apud summum armorum Præfectum valeret; largeque sparsis in eos muneribus, quod primi ad officium, & iustum imperium redierint, omnes improvisa liberalitate captos, sibi arctius obstrinxit. Sed Tartariæ Chamum, qui iis diebus equestri suo agmine exercitum auxit, Regiis honoribus coluit. Appropinquanti castris duas admodum leucas obviam prodierunt Bosniæ, Thraciæ, A) & Caramaniæ B) Præfecti. Prope Vezirii papilionem tendentem ministri Vezirii excipiunt, & apparatus militarium ordinum pompa ad primum tentorium equo insidentem comitantur. Mox desiliens in pedes, positisque armis, ipsum Vezirium non modo humaniter assurgentem, sed & extra tentorium progressum in conspectu habuit. Chamus in frequentissimo senatu, excusavit tarditatem suam, quod Cosaccorum copiarum obsessis itineribus moram properanti fecerint, ferroque via per confertos ordines sæpius aperienda fuerit; Vezirio superflua humanitate celeritatem commendante. Eo die certatim epulæ appositæ Tartaris, omnisque generis officia cumulata, ut vix belli, quod difficilimum instabat, meminisset hilaritas.

At

A) Thraciæ Præfectus dicitur Romeliæ Præfectus, quo nomine venit Bulgaria, & Romania, sive Thracia a Byzantio, nova Roma sic appellata, B) Caramania in maiorem, & minorem partem, olim Ciliciam, Licaoniam, Pisidiam, Pamphiliam, & Lyciam complexa suis parebat Principibus, donec seculo XIV. a Turcis subacta.

A. C. At Vezirium graviores armorum curæ ab hoc suavi otio avocarunt.
 1678. Consultabat cum præcipuis Præfectorum, cuinam præsidio tam florentes copię admovendæ? an relictis præidiis, hostes in castris invadendi? omnes censuerunt Cecrinum petendum; eo expugnato sat pœnarum defectionis daturus Cosaccos. Moschos præterea ad rumorem obsessæ urbis transmissuros Borysthenem, eaque opportunitate posse ad manus deveniri. Conspirantibus in hunc modum sententiis, motis altero die castris intra biduum ad Cecrinum exercitus Turcarum constitit. Erat ea urbs, naturæ non magis ingenio communita, quam artis. Vastis mænibus, præaltisque fossis cingebatur, in quas immissus fluvius urbem alluens, perennes aquas sufficit, ac oppugnationem admodum arduam reddidit. Pars camporum stagnantibus aquis mersa, ut homini juxta, atque pecori impervia, ita obsessos sui, suarumque fortunarum securiores præstitit. Ea de causâ Dorofenskius Cosaccorum Dux, quive eum antecessere, hic domicilium fixere. Arx præterea saxeo monti imposita, ac militaribus operibus firma, omni metu cives absolvit. Novum vallum urbi adjicere aggressus est Dorofenskius, jamque magnam partem præacutis palis, terreis aggeribus clauserat, sed Vezirii celeritate præventus, opere interrupto tanta trepidatione se in urbem coniecit, ut maximam copiam palorum, & fascium hostibus reliquerit.

Isthæc Cosaccorum trepidatio animos addidit Vezirio urbem opprimendi; atque ut erat iniquis, & occasionum haud segnibus, occupatis vallis, exploratum hostium opera paucis comitatus recta contendit. Reversus nulla ad respirandum data militi quiete, nec designato castris loco, jubet partem militum in armis esse, partem suffossionibus initium dare. Præsidarii (erant Cosaccorum novem millia, Moschorum tribus pauciora) ad famam pertinere existimarunt, specimen suæ virtutis aliquod præbere, egressique urbe adeo fortiter inconditam illam multitudinem incurrunt, ut cælis duobus millibus & valla receperint, & hostem post quatuor horarum certamen ab urbe repulerint. Post cladem cautior Dux, castra ita defigi jussit, ut Cecrinum undique se obsessum videret. Ad deserta Cosaccorum valla confederat, seque novis operibus munierat Vezirius. Ejus non longe a castris senior Defterdar, sive vetus ærarii Præfectus, Hametes Bassa, tetenderat. Proximus huic stationem suis cum copiis cepit Kiot-Assanes, Silistriæ Bassa. Inter Vezirium, & Kiot-Assanem Cutajæ Præfectus sua castra posuerat. His minores Præfecti additi cum justa peditum, equitumque manu.

Decima nona Julii cœptæ obsidionales viæ, & duo tormentarii suggestus horis nocturnis erecti. Ex iis duodeviginti grandioribus machinis urbs impetita, præsidiariorum diligentiam ad defensionem magnopere exercebat. Nihil ab his ommissum, quo urbem undique circumvallatam tuerentur. Quanto propinquior Ottomanus fiebat, tanto vehementius jaculationem congeminant. Interim nunciatur Vezirio Ramadanoskium, Moschorum Ducem, Borysthene superato, cum omnibus copiis ad liberandum Cecrinum adventare. Continuo oppugnationis ratio immutatur. Circumducto vallo interjectis castellis, ac tormentis, munitissima castra efficiunt. Mehemetes cum parte equitum, atque peditum in auxilium mittitur Chamo, qui Moschorum iter exploraturus, & quantum posset, moraturus cum suis præcesserat. Ille paulum progressus, Ramadanoskium castris prope invictis inclusum offendit. Quotidianis velitationibus vires periclitati, diebus septemdecim mutuo in conspectu hædere, Turca explicata acie, signis canentibus crebro prælium indicente, Moscho universum certamen detrectante; sive existimarit sine hoc discrimine urbem minime casuram, sive reipsa Ramadanoskius a Turcis emptus de industria aggredi noluerit multis partibus inferiores. Et sane multum gloriæ detractum est viro militari, quod obsessus in castris, opportunitatem rei bene gerendæ corruperit.

At præsidarii a primo suo ardore nihil omnino remissere. Singulis diebus, ut erant numerosi, binis eruptionibus opera hostium incurrunt, tanto nonnunquam successu, ut labores plurium dierum momento disjecerint,

riat, castra tumultu, trepidatione compleverint. Unde non arma ponere, A. C. non quietem capere stationariis licuit, maxime postquam eorum non exi- 1678. gua manus ad obsidenda Moschorum castra immissa. Muros tormentorum ictibus labefactatos concubia nocte strenue refarciunt: his si potirentur hostes, in ipsa urbe novas fossas, currus terra onustos opponunt, sudiumque objectu firmant, ut ex huiusmodi munimentis pugnam redintegrare possint. Hæc tanta obsessorum pervicacia non levibus curis Vezirium implicuit. Timebat, ne in longum extracta obsidio partim castrorum tædia, partim frigora, quæ eam regionem infestam præ cæteris faciunt, exercitum conficiant: et si hæc abessent, qui aleret militem in sterili solo, & Cosaccorum incendiis per plura milliaria absumpto? unde panis petendus in provinciis magnam partem hoste infestis? imminentibus hisce periculis commotus, & desperato successu, statuit infaustam obsidionem solvere, exercitumque in fertiliorum agrum reducere. Sed Kiot-Assanes, Senior Defterdar, & Caplani spectatæ militiæ Duces, continuo intercessere, ne se, ne fortissimos milites tanto dedecore, tanta ignominia afficiat. Sibi a Polono transfuga detectum, urbem, qua palustres campos respicit, adeo infirmis operibus esse instructam, ut levi impendio capi possit. Eo vertendam vim oppugnandi. Sperare se mutato aggrediendi ordine, mutatum iri fortunam.

Cessit authoritati Præfectorum magis, quam quod felicem successum speraret; atque ut MULTUM refert, maxime in bello, ut consilii actor sit, qui author fuerit, Kiot-Assani eam urbis partem impugnandam committit. Iste sine mora Moldavorum, & Valachorum opera fabricatos tres latissimos pontes super cænosa planitiem projicit, fascibus instabile solum celerrime explet, traductisque per Caplanem Bassam quatuor milibus equitum, & non paucioribus peditum, in conspectu obsessorum paludem inter, & urbem subitariam munitionem erigit. Caplani animadverso longe firmiorem esse eam stationem, ac relatum, non ausus impetum facere, subsidiarias cohortes a Vezirio flagitavit. Sed is homini pridem peroffensus, nihil auxiliorum misit, exercitumque universum privatas ob simultates in summum discrimen conjecit. Namque obsessi dedecore accensi, quod hostis prope mœnia quietus stationem teneat, duodecima Augusti eruptione tentata, rejecti quidem fuerant amissis duobus tormentis, & aliquot gregariis, postero tamen die tanta fortitudine certamen inierunt, ut cæsis pugnacissimis Turcarum reliquos in apertam fugam compulerint, captis omnibus impedimentis. Longe plures in fuga, quam pugna perierunt. Cum enim prælio superati, simul omnes in tutum evadere conarentur, nihilque magis, ac tergo hærentium iram reformidarent, adeo frequentes per nimiam festinationem occuparunt pontes, ut jam angusti fugientium turbam non caperent, multique idcirco aliis, aliisque a tergo supervenientibus protererentur, aut in palustria loca impellerentur. Hos Cosacci veluti per otium destinatis ictibus subinde configebant. Caplani egregii Ducis munere functus, cum suorum fugam sistere non posset, ne victores majoribus castris stragem inferrent, pontibus ignem injecit. Deletis pontibus iter ad victoriam interceptum, impendentemque universo exercitui cladem felici ausu avertit. Quippe Ottomanos commilitonum fuga, ac miserabili strage audita, tantus subito metus incescit, ut plerique stationes desererent, atque fugam anxie circumspicerent. Auxit timorem rumor festinantis ad pugnam Ramadanoskii: verum is contentus auxiliares copias intulisse in urbem, otiosa fronte castris assedit. Non tamen propterea metus remisit, præsidiariis frequentius, ac antea erumpentibus. Ad expiandas Superum iras omnia castra pietati vacant, Mahometis opem flebili carmine implorant. Preces diebus octo continuatæ. Iis potissimum Cecrinum, ac de Moschis insignem victoriam contendunt. His rite obitis tres cuniculi soluti, adeo e sententia cessere, ut procumbentibus magnam partem mœnibus, latissimam viam aggressuris panderent.

A. C. 1678. Mutuo se cohortati Janicsari subiere illico ruinas, ac nullo repugnante (nam Cofacci metu correpti certatim se per averſam portam in caſtra Moſchorum ejecerant) urbem occupant. Mox diviſis agminibus in trepidos cives, militesque, qui diutius ſubſtiterant, feruntur, ac obvios quosque nullo ætatis, ſexusve discrimine implacabiliter obtruncant. Nondum ad ſpolia verſi, grandiori propugnaculo e vaſtis, ſolidisque trabibus extructo, ac terra oppleto, faces admovent. Ligna moles igni obnoxia incendium in vicina opera illico diffudit. Jamque populator ignis incredibili velocitate pervagatus, conſumptis ædificiis publicis, privatisque, inania locorum ſpatia patefecerat, cum ecce! pulverariam turrim corripit, ac momento ſuccendit, tanta violentia erumpente peſte illa pulverum, ut duo millia Turcarum partim dilacerata, partim ſaxis obruta fuerint. Neque caſtra ab hoc malo immunia. Multos decidua petrarum fruſta neci dedere. Vezirius in tutiorem locum elapſus, cladem ſuorum, & urbis lachrimantibus oculis aſpexit. Die uno, ac nocte incendium ſæviit. Poſtero mane militari pompa per ruinas ingreſſi, informem lapidum ſtruem, ædificia deformata repperunt. E ſpoliis nihil inventum præter pauca tormenta. Unde ſuſpicio oborta, Cofaccos deſperata urbis deſenſione, & caſtrenſes machinas inutiles reddidiſſe, & clam igniarium funem pulverariæ turri appoſuiſſe, atque aucthores fatalis adeo incendiï extitiſſe.

Funèſta loci facies nihil lætitiæ militum decerpſit. Explicato Janicsarorum ſigno, grates repenſæ ſupremo victoriarum Authori inter feſtos ſcloporem, tormentorumque plauſus. Subinde diruendis hiantibus muris initium datum, & urbs tota cum arce funditus exciſa. Ramadanoskius etſi admodum vicinus eſſet Ottomanorum caſtris, pacatas tamen copias tenuit. Eum aggredi conſilium erat Vezirio. Sed dum ſuper hoc negotio in ſenatu conſultat, ille intendentibus ſe primis tenebris, Boryſthenem verſus caſtra movit, ſuperatiſque paluſtribus locis, Caplanem ſtrenue inſequentem eludit. Ad Boryſthenem metatus, impedimenta trans fluvium mittit, quo miles in prælium expeditior foret, ſi hoſtis inſtaret. Et vero inſtitit Vezirius cum univerſis copiis, aſſecutusque hoſtem ad Boryſthenis ripam, valis circumdatum, ad caſtra excindenda militem educit. Atrox, ac perquam vehemens pugna conſeritur. Quinques Turcæ in caſtra irrupere, totidem vicibus repulſi ſunt; Caplani inter primos prælium cienti manus minori pila trajecta. Cæterum uti æquato Marte pugnatum, ita vanitate pari utraque pars triumphum cecinit.

Ab hac cruenta pugna nondum in hyberna diſceſſum, Turcis ſolicite evigilantibus, ne Moſchi Boryſthenem ſine clade trajicerent. Sed Ramadanoskius haud tentato tranſitu in caſtris ſubſtitit, ratus præcipitante jam æſtate Turcas in ſuas provincias conſeſſuros, aut certo frigore, & fame in evaſtatis regionibus conſiciendos. Caſtra adeo collata erant caſtris, ut ſe tormentorum ictibus mutuo infeſtare poſſent. Obſervatum a Moſchis: Turcarum valla raris ſtationariis eſſe infeſſa, nec perinde, ac oportuiſſet in tanta hoſtis vicinitate, e diſciplina militari omnia peragi, ſive tædio laborum victi, ſive nihil hoſtile formidarent a Moſchis. Hi igitur vicesima ſexta Auguſti, adulta jam nocte ferociſſime erumpunt, in aggeres enituntur, una fiſtularum diſploſione levioris armaturæ equites in fugam agunt, tormentis potiuntur. Crebreſcente tumultu accurrunt Janicsari, & juſta acie victores excipiunt. Duabus horis ancipite Marte dimicatum. In hoc incitato certamine, cum ferreis fiſtulis uti nequirent Moſchi, ad extremum proſigantur amiſſis viginti vexillis. Inſequenti die Vezirio exhibita fuere mille circiter capita cum aliquot captivis. Capita in editiore loco poſita, diu ſpectaculo fuere.

E tot adverſis recreavit Ramadanoskium, quod Ottomanos hyberna petere intelligeret. Nam gregarii longiorem militiam pertæſi, ſeditioſis ſermonibus in patriam reditum urgebant. Idem ſuadebant Ordinum Duces, in conſilium vocati, ne videlicet irritatus miles, excuſſo omni obſequio,

quo expeditionem corrumpat, aut fames, quæ jam sentiri cœperat, vires A. C. exercitus absumat. Iſtas ob cauſas omnium conſenſione caſtra ſolvenda de- 1678. cernitur. In ea concurſatione militum, ne quid ſubitæ cladis acciperetur, de induſtria evulgatur, ſuprema aggreſſione, hoſtium caſtra poſtero die tentanda. Interim intempeſta nocte machinis, impedimentis præmiſſis, ad Cœcrinum omnis exercitus brevi conſtitit. Multa convicia pertulit a Moſchis pugnæ avidis Ramadanoſkius, quod otioſus complicatis manibus, inedia, & labore fractos elabi ſit paſſus; abeuntium tergo non inſtiterit. Per campos aquis reſtagnantibus fallaces deleri potuiſſe fugientes, modo vincere voluiſſet. Eum tacite colluſiſſe cum Vezirio plerique perſuaſum habuere, literisque proditum, a Chamo admonitum ſevere fuiſſe, ne in receptu Ottomanos laceſſat; ſecus filium ejus in Tartaria captum ſecuri percutiendum. Inde non expectato profectionis ſigno, Moſchorum exercitus ſtrenue ſequēbatur Turcas. Ad Cœcrinum ruriſus contuliſſet ſigna, ſi pugnatorum ſex millia in tempore adſuiſſent. Sed & hic proditio intervenit. Nam Mahometanus (ut variæ Religionis apud Moſchum ſtipendia faciebant) tranans fluvium, qui utraque caſtra diviſerat, Moſchorum conſilium patefecit. Turcæ fruſtra expeditis armis inſtructa acie hoſtem operiebantur.

Autumnus imbris ſœdus belli alioquin feſſos in hyberna compulſit. Moſchi ſine magno incommodo partem Kioviæ, & vicinas provincias tenere. At Ottomanorum exercitus ingentibus detrimentis aſſectus, exeunte Octobri Adrianopolim victus potius, quam victor pervenit. Recentis copiis deſiderata ſunt triginta millia gregariorum, & complures magni nominis Præſecti. Vezirio, uti & militibus retentandi Moſchoviam ingentia incommoda omnem animum excuſſere. Etenim præter longinquum iter, quo homines perinde, ac pecora conficiebantur, fames, frequentiora prælia accedebant, & ſi alio Duce bellum adminiſtraſſent Moſchi, extremo agmini unum tota profectione, ac perpetuum certamen fuiſſet. Profecto ſummo in discrimine verſabantur copię, dum jam per campos uligine frequentes, jam per planitiem immenſam non vicis, non oppidis cultam progredi cogebantur. E tot, tantisque difficultatibus nullus victoriæ fructus extitit. Everſo quippe Cœcrino, ad ripam Boryſthenis munitionem A) erexere Moſchi, tanto adverſus hoſtium conatus firmiorem, quanto viciniſior fluvius. Ad hæc Coſaccorum incredibilis repugnandi ardor ſpem penitus intercidit, redituros aliquando ad obſequium, aut armis edomari poſſe. Et quamvis ſubjugarentur, non diu quietos fore ſapienter conjiciebat Vezirius. NEQUE enim amicorum in numero habendi, quos bello vincimus; nec diuturna poſſeſſio, in quam gladio introducimur.

At ille veluti bellum continuaturus in Moſchos, anno MDCLXXIX. 1679. novum præſidium fundavit ad Boryſthenem haud procul Axiace. B) Jamque Mymar Agæ machinatoris ingenio opus creſcebat, adveſtis per Pontum Euxinum ſectis lapidibus, e ruderibus Varnenſis urbis; cum ſubito Coſaccorum Ductor Czirkius c) tum populabundo agmine e Tartaria redux operas, & excubitores invadit, ac circumdatos, per ludibrium obtruncat, paucis in captivitatem redactis. Mymar præcipiti ſaltu navigium petens, imminentes jugulo frameas effugit. Georgius Chmelniczkus firmando præſidio intentus, a furentibus fruſtatim conciſus calamitatum finem reperit. Czirkius in loco victoriæ metatus, captivos cum ſpoliis ad Czarum Moſchoviæ mittit, & quid porro ſibi agendum? an cœptum munimentum diſturban- dum? ſedulo exquirat. Non multo poſt e Kiovia Princeps Dolhorovſzkus aderat cum copiis, viribusque junc-tis uterque juſſus eſt evigilare, ut ne quem locum ad Boryſthenem, aut Pontum Euxinum obmunirent Turcæ. Hoc facinus Coſaccorum fuit concoquendum Mahometi, quod Buda acce-

Imp. Ottom. Tom. II.

P 2

perit

A) In Porta Ottom. lego, eam vocitatam Kriffurium tribus leucis diſſitam Cœcrino. B) Axiace, ſive Oczakovium, urbs cum firmiſſimi operis arce ad Pontum Euxinum, ubi Boryſthenes in eundem Pontum præcipitat. C) De Dorofenſio altum ſilent Hiſtorici tota hac expeditione. Pronum creditu præſectura morum hominem imperii avidum; aut certe fatiſ ceſſiſſe.

A. C. perit, Moschos Christianorum Principum fœdera implorare, & adversus 1679. Ottomanos cum Rege Poloniæ, & Magno Leopoldo Imperatore bellum moliri. Et legatio quidem Moschovitica Baderlini (ita appellabatur Legatus) oculos totius Viennæ in se convertit, maximoque hominum plausu celebrata est. Legationis summa in eo versabatur: antiqua fœdera instaurarentur; novum in Turcas, Christiani nominis hostes acerrimos, constituatur. Paucis post diebus Joannis Poloniæ Regis Legatus, Radzivilius Princeps confectus est, in eosdem hostes fœderis iciendi causa. Verum Leopoldus Gallico bello fessus, neque certus de Germaniæ auxiliis, sine quibus neutiquam irritandus erat Ottomanus, ostenso potius, quam perfecto fœdere Legatos magnifice abs se dimisit. Budensium Præfectus odoratus legationis causam, extemplo Byzantium enunciavit.

Anno insequenti A) fœderis negotium inter Moschum, Polonum, Turcam fervebat. Moschus ut nuper Cæsarem, ita non impetrato fœdere Polonum suas in partes attrahere hoc anno adlaboravit, missis palam Cracoviam, qui arma adversus Turcam sollicitarent. Eodem tempore Byzantii aderat Moschoviæ Legatus, nomine sui Ducis fœdus postulans. Ita callide moderari visum est hoc negotium, ut ad æquiores conditiones pacis, Turcæ cogerentur. Sed in Byzantina aula haud prosperum initium nacta est legatio. Nam Orator vultu, verbisque minax vetera postulata recoxit; nempe ut omnia præsidia Ukrainæ, quæve munimenta a Turcis postremo hoc bello sunt occupata, potestati Moschorum permittant, secus armis repetituros ab invasoribus, proximeque bello arsuram Turciam. Non sine stomacho rejectus ad septem Turres damnatur; mitigata pœna depræcatoribus Purpuratis, domui suæ veluti carceri obscuro includitur. Interea Moschi instabant Regi Cracoviæ: stabiliret, quod toties expetiissent fœdus. Ille eandem semper sibi fuisse, & perdurare sententiam agebat, & vel hodie bellum capturum, modo de sua constantia Moschi satis caveant. Habere se certis nunciis, Byzantii de pace agi cum Turca, & haud dubie confectum iri, si Ukrainæ prædiis decesserit. Notam sibi esse infirmam Moschorum fidem. Notam cupiditatem amissarum urbium, quibus recuperatis utique iras, & arma posituros. Se pro Cameneco omnia tentaturum, & vel longinqua fœdera petiturum. Dum ex composito Moschi tabulas pactorum commutant, ac missis, acceptisque nunciis rem sine fine trahunt, clam alterum Oratorem Constantinopolim legant cum muneribus. Non illico voti damnatus est, Turcis pari calliditate Moschorum artes eludentibus. Purpurati enim animadverso, Moschos simulata mente cum Polonis agere, uniceque ambire fœdus Ottomanicum, difficiliore se in dies præbuere, quo divitem sibi messem conficerent, & cupide nundinantes pacem, iniquissimis conditionibus illigarent.

Suspensio in hunc modum fœdere, malum corripuit Moschoviam hoc gravius, quo inopinatum magis, animosque omnium in extremum luctum, dein turbas conjecit, mors Theodori Alexovichii. B) Supererant hæredes bini fratres Joannes, & Petrus. C) Illi ætas, huic bellica indoles favebat. Civium suffragiis, mox armorum terrore Petrus superior imperare cœpit. Princeps Sophia soror dolore tacta, Joannem luculenta hæreditate excidisse, militum animos occupat, ac facile in Petrum, Primoresque concitat. Cœptus est tumultus occasione a stipendiis sumpta. Ea multis debebantur multa; adeo ut quingenta aureorum millia numeranda forent, si singulis justam mercedem vellent persolvere. Cumque sub novo Principe nihil pecuniæ corradi posset, ærario alioquin vacuo, spe inani diu lætati milites, ferociter in Primores consurgunt, raptisque illico armis, opulentiorum domos obsident, ac stipendiorum loco fortunas privatorum sibi vendicant.

A) Nempe anno 1680. B) Historia Magni Leopoldi Cæsaris, Authore P. Franc. Wagner, e S. J. meminit Czarum hunc obiisse anno 1679. P. Anton. Foresti ex eadem Soc. anno 1682. Porta Ottom. anno 1680. A Scriptoribus illius ævi Fedor Alexovichius, & Basilus nominatur. C) Filii nempe Alexovichii, qui ante Theodorum regnaverant.

dicant. Deinde minitabundi in aulam irrumpunt, medicos, quorum ope A. C. ra usus fuit Alexovichus, & Primores consultationibus implicitos, per se. 1679. nestras præcipientes agunt; quos socii hastarum spiculis exceptos crudeli mortis genere interimunt. In hoc tumultu Joannem Principem Imperii confor- tem pronunciant, nihil repugnante Petro, quod neque par esset infringendo furiosorum conatui, neque aliud, præter inane Moschoviæ Ducis nomen in ignavum Principem translatus sentiret; apud se armorum arbitrium, ve- stigalia, pœnas, & præmia futura.

Domestico hoc malo composito, ardentiori, quam unquam alias, cupiditate iciendi fœderis deflagrabant Moschi, existimantes detecta tot lega- tionibus simulatione, Poloniæ Regem sine mora de limitibus transacturum cum Mahomete, sibi unis cum potentissimo hoste deinceps rem fore, eam- que fortunam habendam, qualem ille daturus. Igitur misso mandato de fœ- dere absolvendo ad Moschoviæ Oratorem, qui ad Chamum Tartariæ de- flexerat captivorum causa, conciliatore Chamo induciæ fiunt cum Turcis viginti annorum; iis conditionibus, ut terna præsidia Kioviæ Moschis red- dantur, ad Borysthenem nullum munimentum erigatur. De Ukrainæ præ- sidiis, & Cosaccis neutra pars meminit. Ingemuit ad apertam secessionem Rex Poloniæ, exprobrataque levitate animi, suspectam in posterum Moscho- rum fidem habuit. Sed ne exulceratos præcoce acerbitate magis exaspera- ret, & hesternos amicos sibi hostes efficeret, nuncios muneribus donatos in patriam remisit; memor: UTCUNQUE ferendum, quod corrigi non potest. Jam etsi sat potenti socio destitutus, esset de limitibus tamen con- troversis, nihil omnino cessit Ottomanis, certus bello experiri omnia, quam veteri possessione iniquissime spoliari; seduloque circumspexit occasionem, qua eorum potentiam attereret, suam erigeret. Eam obtulit tribus ab hinc annis Viennæ urbis obsidium, quod jam continenti narratione, uti & bel- lum Hungaricum, complectar.

Post memorabilem illam ad S. Gotthardum in Hungaria, ductu, & 1680. virtute Montecuculi de Turcis reportatam victoriam, a) a Kiuperle Vezirio pactæ sunt induciæ viginti annorum; quas Gualterus Comes Leslæus subinde Adrianopoli nomine Magni Leopoldi Cæsaris firmas reddidit, ut ad annum quintum, & sexagesimum supra millesimum sexcentimum narravi. Et habuere firmitatem suam, quoad vixit Kiuperlis, seu metueret fortunam felicissimi Cæsaris, seu religioni sibi duceret pacem violare, seu irritare nol- let Europam ante, quam attritas Cretensi bello Imperii vires instauraret. Amoenissima pace florisset Hungaria, adsitæque provinciæ, nisi inquieta paucorum civium ingenia tranquillum Reipublicæ statum obturbare cœpif- sent. Nunc in Hungaria, nunc in Dacia adversus Cæsarem arma sumpta, Vezirio nihil movente; quamvis limitum Præfecti Budensis, Bosnensis, & Canisiensis consilia miscuerint, & armatas copias ostentarint turbulentis. Ea de causa Perisus Constantinopolim destinatus, b) belli scintillas feliciter oppressit, acrioribus in Præfectos edictis procuratis, ne quid auxilii Hun- garis submittant. Elato Kiuperle c) Purpuratorum Principe, Kara-Mu- staphas simulationem exuit. Factiosorum Legatos non humaniter modo, & blande habet, sed etiam opem prælarge pollicetur. Mense Januario d) sex millia Canisiensium Turcarum ad evastandam Styriam missa, prope erat, ut provinciæ malum inferrent, fluminibus gelu adstrictis expeditum iter præ- bentibus, nisi Csakatornenses Croatæ, accita agrestium multitudine, eam nubem dissipassent. Meninskius linguarum Orientalium Interpres, ad Kara-Mustapham Vienna missus, questurus de induciis violatis, responsum tulit, venturum ad Cæsarem Chausium, qui factum excuset. Eodem anno factiosi, Michaelis Apaffii e) Transylvaniæ Principis copiis; dein Polonis,

P 3

&

a) Anno 1664. Vide pag. b) Anno 1670. c) Anno 1676. d) Anno 1677. e) Michael Apaf- si hujus nominis I. Nam alter Michael Apaffi insignia principatus sceptrum, & vexillum e manibus Legati Mahometis accepit anno 1684. die XVIII. Septemb. jam sexto ante parentis obitum anno Albæ Julæ in publicis Comitibus Transylvaniæ Princeps renunciatus.

A. C. & Tartaris aucti, Bohamo Comite Ductore, nobili victoria potiuntur, cæ-
1680. so Germanorum exercitu. Hac clade vulgata Turcæ veluti bellum indictum
foret, non uno loco hostilitatis signa extulerunt.

Quadringenti Ujvarinenses Nitriæ agrum depopulati, non paucos
Christianos in servitutem abduxere. Mille in Croatiam delati, ad Carolo-
stadium Cæsareos fundunt. Koppio, qui Straßoldo Viennam translato succe-
sit, quiritanti apud Varadinensem Bassam, quod turbulentos suam in pro-
vinciam recipiat, eorum contumaciam adversus legitimum Principem alat;
parum amice responsum est: patere omnibus miseris apud Turcam asylum:
perfugos ære suo sine maleficio vivere in Varadinensi agro, incolis acceptos,
neque ab se repulsum iri. Hoffmannus, Leopoldi Cæsaris internuncius,
ipsum Vezirium, ipsumque Soltanum a fovendis palam alienis diffidiis deter-
rere aggressus est, a) exemplo non utique Principibus probando, & in au-
thorem quandoque retorquendo. Neque enim hæc fieri, quin simul fieri
doceantur. Inter ludibria auditus renunciare est iussus: relinquendos suæ
fortunæ Hungaros, modo Cæsar annuo tributo hanc gratiam redimat. Hæc
non levia erant indicia, Ottomanos regni turbatoribus & opes, & arma
deinceps daturus.

Interea Apaffio istorum consiliis, & armis immisto, æmulum exci-
vit invidia Paulum Beldium, b) nobili, & pervetusto genere natum. Ani-
mum is adjecerat ad principatum, quod videret complures publicis mune-
ribus, se neglecto admoveri, & Byzantii omnia venalia forent. Concilia-
tis igitur sibi muneribus aliquot Purpuratorum, exercitum conscribit, &
Apaffium bello petit. Transylvani, & Hungari Duce Bohamo ad tuendum
Principem convolant; Beldium in Valachiam propellunt. Nondum animo
dejectus instaurato e Valachis exercitu, in novum prælium æstuabat, cum
perferuntur a Varadinensi Bassa Mahometis mandata: ni ab armis discedat,
pervicaciam pœna capitis luiturum. Paruit miser, seque Byzantium contu-
lit, melioribus auspiciis bellum reparaturus. Sed ubi salutem quæsiit, per-
niciem invenit. Purpurati magis auro, argentoque Principi devincti, quam
amicitia, Beldium cum suis ad septem turres condemnant, post aliquot an-
norum calamitates veneno perimendum. Ita e consilio non sat digesto exi-
tium retulit. Adeo MALUS consultor est turbidus, nec sibi imperans ani-
mus. Proditum est memoriæ, captivo principatum addixisse Turcas, si
tributum augeret, statosque dies populationi in Transylvania concederet.
At is patriæ non ingratus suæ, mortem oppetere in carcere maluit, quam
cum perpetua nominis sui ignominia, patriæque excidio dignitatem obtine-
re. Dignus principatu, si tali moderatione usus fuisset semper.

Ut solveret beneficium Apaffius, palam adjuvit seditiosos, misso Co-
mite Emerico Tököllo in Hungariam cum copiis, quas ad sui defensionem
excivit. Civilibus armis undique coortis, Ottomanam ampliorem in dies
spem concepere, Hungariam aperto bello invadendi, avideque arripere
occasiones odia, inimicitias cum Cæsareis serendi, ut cogi quodammodo vide-
rentur ad injurias armata manu propulsandas. Et parum aberat, quin iis-
dem diebus pax penitus abrupta fuerit. Ibat Ujvarinum novus Gubernator
ducentis equitibus stipatus. Cæsarei peroffensi Ujvarienfibus, quod assiduis
excursionibus pagi circa omnes, oppidaque, inprimis Nitria, usque adeo
infesta haberentur, ut ad opus faciendum vix tuto efferre oppidis pedem au-
derent agricolæ. Belli securum præparatis dudum viribus aggressi Cæsarei,
illico profligant, cæsis aliquot etiam nobilioribus Turcis, quos armorum glo-
ria, itineris comites adjunxit. Budæ Præfectus suorum cladem edoctus,
apud Vurmium Cæsarei exercitus Ducem acriter expostulat, & atrocem in-
juriam se Byzantium nunciaturum minatur. Sed nec a Vurmio, nec a Ma-
homete expectato responso, Agria, Varadino celeriter evocatum militem,
in Cæsaris provincias immittit, ac privato odio stimulatus, cædibus, incen-
diis

a) Anno 1678. b) Porta Ottom. quam secutus est Scriptor Historiæ Leopoldinæ, & corrupto
nomine Pedipoliam vocat.

diis suum dolorem explevit. Transylvanum etsi Ottomanis amicum, non A. C. ablimilis casus prope evertit. Turcarum agmina per Daciam sine injuria 1680. agrestium ultro, citroque commeabant, & quasi in patrio solo agerent, omni hostilitate abstinebant. Accidit tamen, ut oborta rixa Transylvanos inter, & Turcas, pars utraque ferrum stringeret. Illi & numero, & causa superiores non paucos concidunt. Mahometes re cognita, malum minatus Principi, octoginta Nobiles ad necem deposcit; aut si malit facti atrocitatem ære eluere, centum quinquaginta imperialium millia dependat. Nec Vezirius sui oblitus provinciam Marmarosensem sibi tradi postulat. Apafius se inscio cædem patratam testatur; reos pœnas duros; obscurorum hominum facinus nihil officere debere sibi. Præter preces munera magni pretii addidit (fortissimum nempe arietem ad expugnandos Turcarum animos) quibus omnem irarum nubem feliciter dissipavit.

Mitigata Byzantina aula, Seditiosi gratiæ jam securi, Cæsaris mandatis, consiliis ubique adversantur. Tökôlius, Hungariæ suæ alter Sertorius, grandi exercitu incedens, Austriam, Moraviam terrore, metu complet; celeritate, qua plurimum valuit (nam una die sexaginta milliaria Italica confecisse dicitur) Cæsareos Duces prævenit, crebris cladibus afficit. Tanta jam erat hominis potentia, atque autoritas inter suos, ut privatam fortunam perferre minime posse videretur. Intendebat hos ei spiritus Turcarum favor, & Leopoldi Regis paterna prorsus sollicitudo, qua eum ad pacatiora consilia traducere adlaboravit. Ad hæc multitudo inprimis Hæreticorum, spæ novæ libertatis allecta, ut ea, quæ moliebatur, sub aliquo Duce, forent tutiora, advertit oculos in Tökôlium, quem potentiae avidum, eoque Regiis insensum introspexerat; quem ingenio mire fecundo, promptoque, ac bellicis artibus florentem non ignoravit; quem denique opibus, & Turcarum gratia validum experta est. Tot invitamentis, tantaque opportunitate invadendi dominatum arrectus, sub specie propugnandæ libertatis spes interim suas abunde pascebat. Regis, vel ut mitius dicamus, Ducis imagine jam turgidus, dominandique captus dulcedine, nihil pacati admittit, ac elusis legationibus, Comitiorum auctoritate, quæ subinde Sopronium indicta, in armis perseveravit, Ottomanorum clientelæ, & fortunæ innexus.

Clarum jam erat non rediturum ad obsequium, nisi bello domitum; multorumque in aula sententia fuit, ut seposita omni facilitate, ferrum in contumacem Rex arripiat. Legationibus, promissis, indulgentia, nihil aliud effectum eatenus, quam ut Regi obedientia, seditioso civi timor adimeretur. At pares copiæ Tökôlianis unde peterentur, explicatu haud perinde facile erat; potissimum quod media in pace Galli, nobilissimas provincias ab Imperio avellerent; A) nec tutum foret Rhenum exarmare. Et si omne robur Cæsarei exercitus in Hungariam duceretur, Ottomanis criminandi materiam, & occasionem cruentissimi belli præberi. Ad ARMA pronos facile pacem abrumpere, si irritentur. Visum est igitur Leopoldo Imperatori, missa legatione Constantinopolim, Mahometem rursus aggredi, ac serio commonefacere, ne Regis, & patriæ suæ hosti auxilio esset. Ipsi Tökôlio Junioris Rakocziæ, quam deperibat, nuptias offert; grande utique beneficium, quo amplissimarum possessionum dominium in Hungariâ adivit.

Sed omnis hæc solertia optimi Cæsaris sperato eventu caruit. Kuniuz Baro Byzantio nunciat: *de prorogandis induciis Mahometem persæpe agere; testari, nihil se adversus fœdera commissurum; pacem suo Imperio necessariam unice velle; eorum postulatis facilem se ostendere, palam in senatu asseverasse, sibi liberum esse miseris, ac aliena invidia oppressis opitulari. Cum Moschorum Duce non sane quæstuosam pacem festinasse; Vezirium placida fronte perferre, quidquid in suprema expeditione detrimenti, aut dede-*

*) Nempe Reunionum titulo. Quid hoc nomine veniat, consule laudatam Historiam Leopoldi Magni.

A. C. *dedecoris acceptum; obortam de limitibus controversiam, & ingenti animo-*
 1680. *rum concitatione agitatam cum Republica Polona, insolita Turcis modestia*
abruptam. Bellicos nihilominus paratus fieri in provinciis: Vezirium cu-
ras omnes, cogitationesque vertisse ad legendum militem; impigros ministros
futurae expeditioni necessaria curare. Dubium non esse, in Hungariam
translatum iri gravissimum bellum.

Neque de Tòkòlio lætiora audiebantur. Cœptis vixdum Sopronii Comitibus, spreta induciarum religione, infestis signis superioris Hungariæ oppida territabat. Nec integrum erat ab armis tantisper discedere, consiliis Turcarum, & viribus abrepto. Etenim Vezirius intellecta Cæsaris indulgentia adversus Tòkòlium, veritus, ut ne factionem Hæreticorum conspiratione adultam desereret, & gratiæ locum apud Regem occuparet, tredecim millia peditum, duo equitum, in subsidium misit; destinato consilio, simul in officio continerent seditionis Ducem, simul ad ea, quæ vellet, operam prompte, alacriterque conferrent. His copiis cinctus, vix locum vidit retrahendi (etsi voluisset quam studiosissime retrahere) aleam, quam jecerat, totumque se ad Turcarum partes transdidit. Ergo inter arma quæsiturus dominatum sibi, ac suis libertatem, magni exercitus Imperator, Lodronia Croatarum legione in itinere concisa Cassoviam inter, & Tokainum castra ponit, milite usus longe obsequentissimo, quod Turcicus Quæstor viritim stipendia summa fide numeraret. Mox incredibili celeritate Scepusium A) Germano obtruncato intercipit; eodem festinationis præsidio Kalloviam, B) Beszermenium sui juris facit, Tibiscanam regionem, terrore armorum suas in partes pertrahit.

At vero Apaffius hostem jam professus, præter Transylvanos Valachis, Moldavis ad arma concitatis, ingenti cum exercitu, nec minori fama, & terrore in Hungariam jussu Mahometis properans, Szattmarino ad Samusium fluvium sedenti non omnino a munitione male proviso, & tum temporis arce, terreis propugnaculis firmato, quatuor, & viginti millia pugnatorum admovit. Ad ciendam tot nationum (nam & Turcæ aderant) æmulationem quadripartito aggressus est urbem adeo scite, & prospere, ut prope deditionem extorserit. Neque diu obstitisset victoribus, nisi Apaffius conclamatis subito vasis, in Daciam eadem, qua venerat, celeritate abiisset. Immane quantum divinationum, sermonumque is receptus apud Hungaros, & Turcas excivit. Opinabantur quidam discordias inter milites variarum nationum exarsisse; alii conjiciebant prodicionis telam, cujus fiducia advolaverat, fuisse abruptam. Vero similis erat: quod Apaffius incertis indiciis intellexerit, Ottomanos suo milite infessuros Szattmarinum, nolletque aut barbarorum potentiam hinc crescere, aut novo hoc servitutis vinculo adstringi Transylvaniam. Prævaricationis accusatus Constantinopoli, ad solitas suas artes semet convertit. Pollicitationibus, præsentis auri fulgore Purpuratos, inprimis Vezirium placat; eam cessationem e re sua, & Turcarum fuisse facile persuadet. Nec opportunum erat Vezirio in Apaffium durius quid statuere, ne offensus segniori animo factionem aleret, aut desertis partibus gratiam Cæsaris amplecteretur, simulque Transylvanos abstraheret. Nam mite ejus, ac minime cruentum imperium, innata præterea comitas, & (quod rarum est) innoxia nobilitati popularitas, & amorem, & venerationem apud subditos conciliarunt. Neque ignoravit Vezirius Leopoldum Imperatorem summo studio adlaborare, quo Tòkòlium, & Apaffium factionis prima capita sibi adjungat, ab Ottomanorum societate avertat.

Et supremum quidem arietem Cæsar per Saponaram Baronem, gente Neapolitanum, admovit. Ablegatus is fuerat ad Tòkòlium cum saluberrimis mandatis, & opimis conditionibus, ut Principi suo reconciliatus, finem

A) Scepusium, arx saxæ moli imposita, nec, nisi fortassis, qua meridiem respicit, accessu facilis. Ab hac arce provincia Scepusiensis nomen sortita. B) Kallovia, vulgo Kalloa, oppidorum Haidonicalium in provincia Szabolcsensi, quæ a Mathia Corvino libertatem consecuta, hæstes a patris finibus arcebant. Inter ea recensentur Beszermenium, Nánás &c.

finem aliquando imponat ejusmodi bello, quod multos Christianæ Reipubli- A. C. cæ Principes involvet, cum maximo Hungariæ, Germaniæ, Imperiique pe- 1680. riculo, si forte communis hostis, inter hæc vicina turbamenta, justum exercitum in Hungariam mitteret. Summa omnium fuit: *Cæsaris, Regisque gratiam ad obsequium redeunti patere: injuriarum oblivionem æternam fore, modo pertinaciæ, bellicue finem faciat. Hungariam belli incommoda perpetuam, misere in dies dilacerari, ab Ottomanis crudeliter uri, exedi. Cæsarem nobilissimæ regni calamitates sine lachrymis intueri non posse. Inter civiles urbium, hominum, fortunarum strages regnum hauriri, seu Cæsar, seu cives vincant. Utrunque ingentia detrimenta accepta, Turcis plaudentibus, qui profecto mutuis cladibus debilitatos invadent, aut socii armorum effecti, in Cæsarem totius Imperii viribus agent, idque demum gratiæ relaturi seditiosis, quod Ulyssi obtulerat Polyphemus, ut postremi devorentur. Respiceret pericula, quibus in horas obnoxius, inter homines æque infimos, ac infidos precariam traheret non minus vitam, quam militiæ præfecturam. Quid tandem firmi, pacati sibi polliceri posset, etsi Turcarum autoritatē Princeps Transylvaniæ evaderet? Apassii vilissimam conditionem perpenderet, ad minimi Præfecti Turcici nutus anxie trepidantis. Satiùs fore, sub mitissimo Rege liberam, quam in grege crudelissimorum hominum servituti obnoxiam vitam degere. Non defuturas super Regis gratiam novas accessiones fortunarum, honorum appellationes, atque insignia. Postremum Regis nomine pollicetur nuptias Junioris Rakocziæ, si arma cum seditiosis deponat: renunciata Ottomanis amicitia Comitiorum statutis obtemperet: eosdem ad prorigandas inducias sua gratia permoveat.*

Hujusmodi suavissimis illiciis tentari debuit eo tempore, quo cogi non poterat. Gavisus ea liberalitate Tòkòlius, spondet se æquissimis Leopoldi postulatis morem gesturum. Excusat armorum necessitatem, quam militis Germani rapacitas, Ducum avaritia imposuit. Horum licentiam se castigare voluisse ait. Sed exasperatis utrinque animis altius processum, Turcis rebus turbatis se se miscentibus. Ab istorum autoritate, imperio se, suosque pendere. In eo verti negotium pacificationis, ut Cæsar prolatis induciis militem in stativa revocet. Profecturum se ad Budensem Præfectum, enisurumque, ut quamprimum melior lux affulgeat Hungariæ. Hæc magnificis verbis pollicebatur homo ingenii occulti, & multiplicis; spemque faciebat non vanam Saponaræ, rem propediem confectum iri. Quanquam callidiores, quive altius Tòkòlii animum vastum, atque immoderata percipientem, introspexerant; conjectarint, nullis conditionibus depositurum, quam jam manu teneret, dominationem; & nobilissimis nuptiis obtentis, per omne fas, & nefas ruiturum. Nec falso.

Nam consequenti anno A) celebratis ingenti pompa nuptiis, Rakoczia nomini Germano infensissima, impatienterque imminens regimini, maritum ardentis alioquin animi, assidue stimulabat: *ne pulcherrimam libertatis recuperandæ occasionem negligeret. Jam corroboratæ factioni, quæ pene ex æquo scindat Hungariam, cum præ Apassio Ducem impositum. Adesse potentissimi Imperatoris Turcarum exercitus partem; adesse Hungaros, Dacos, Valachos, Moldavos Germanis infestos; quorum omnium valida conspiratione, & prompto auxilio, posse ejectis e provinciis Hungariæ, per paucis Germanis ipsum regnum, aut certe amplissimam superioris Hungariæ oram occupari. Ita ferox hæc Tullia B) non mitiori Tarquinio nupta diserebat. His muliebribus instinctus furiis Tòkòlius, & suapte natura dominandi avidus, ardentius suscepta promovendæ factionis provincia, spes suas alebat. Saponara ludificationibus diu circumductus, postremum irrisus, suo experimento didicit: TALIAM hominum ferociam, nulla re magis, quam indulgentia, irritari; neque unquam bona fide hæresim mansuescere.*

Imp. Ottom. Tom. II.

Q

Nihi-

A) Mense Junio anni 1682. B) Tullia maritum suum L. Tarquinium, cui cognomen Superbo ex moribus datum, incitaverat ad invadendum Romanum regnum. Adi, si tibi otium, T. Livium Patav. Dec. I. Lib. I. & L. Anazum Florem Lib. I. c. VII.

A. C. Nihilo feliciorem exitum sortita est Comitris Alberti Capraræ Byzantina legatio. Viceſima quarta Januarii Vienna diſcedens, ſeptus aliquot Nobilibus, Marchione de Bui Bonnonienſi, Comite Nadasdio, Barone Svarzbachio, Conſtantinopolim pertigit menſe Aprili. Ab Vezirio multa quidem humanitatis ſimulatione acceptus, ſed poſt longam aulicorum cunctationem, ad finem vergente Junio, Mahometem Imperatorem acceſſit. Traditis muneribus, inter quæ horologia bina peregrinis gemmis ornata, & quatuor candelabra ab arte, & pretio multum commendata, nomine Cæſaris multis, exaggeratiſque rationibus efflagitavit: induciæ in alterum vicennium proferrentur; ceſſatio armorum promulgaretur; limitaneorum militum excuſſiones ſeveris ediſtis inhiherentur. Seditioſis neve aſylum, neve auxilium præbeatur. Conſideraturum ſe Cæſaris poſtulata reſpondit Mahometes, & ſi Imperio Ottomanico pernicioſa non fuerint, poſtulatis ſatiſſaturum. Veſtibus deinde de more donatus Caprara, longo agmine Chauſiorum, & militum comitatus ad navim, in ſuum palatium rediit.

Haud poſt multo e mandato Soltani, ſed conſilio Vezirii apprime inſtructi, aderant apud Capraram magnus Imperii Cancellarius, & Janiſſarorum Aga de induciis acturi. Aiebant: *ſine mora inducias prorogatum iri, ſed Hungariam in eum ſtatum reponendam eſſe, in quo erat anno milleſimo ſexcenteſimo quinquageſimo quinto; Et quotannis quingenta florenorum millia* A) *Mahometi pendenda. Leopoldopolim ſolo æquandam. Tòkòlio cedendam arcem Muranyiam, Nitriam, Cſallokòziam; ejus ſociis veniam, fundos, libertatis jura ad unguem reddenda.* Bellum apertius denunciari Cæſari non poterat. Neque leves, æque privatæ rationes Vezirium in illud perpellebant. Moſchovitica expeditio non ſat proſpere ſuſcepta multum laudis homini ambitioſiſſimo deterſit: quidquid in ea non infeliciter actum, id unice proditioni hoſtium, aut ignaviæ dandum, Purpurati exiſtimarunt; Cecriſenſis victoriæ fructus infra ſpem, immaturo vero reditu Moſchovitis, quod ipſi jaſtitent, nimis fuiſſe utilem. Ejusmodi cavillationibus, inimicitiiſ, quod aularum ingenium eſt, oppugnatus, opportunitatem ſedulo circumſpexit, qua æmulos ab aula diſtractos, inter armorum ſtrepitus gravioribus curis implicaret, traditaque ſibi belli gerendi in Hungaria provincia (uti tradendam facile prævidebat) ſuos obtrectatores, quos in aula pari loco, graduque videbat, in campo ſua ſub poteſtate haberet. Præter hæc ad bellum Hungaricum incendebatur valida Tòkòlianorum factione, Germanorum ceſſatione, & anxia illa Leopoldi tot legationibus teſtata in petenda, impetrandaque pace ſollicitudine. Iſthæc omnia illuſtres victorias ſpondebant Vezirio, quibus utique Mahometis favores affirmaret, æmulorum obtrectationes protereret.

Mahometi non perinde bellum arriſit. Venatione, voluptatibus a pueritia captus, otia ſua turbare his annis ægrius ferebat. Inde populus, ac miles in minaces primum voces, & prope tumultum erumpit, ignavum Principem liberrime maledictis proſcindit, quod abjecta exercituum cura, poſthabita Imperii ſalute, inter greges ſpadonum, ac fæminarum, deſidem vitam ageret. Gnarus Vezirius, quantæ popularibus irritatæ furoribus vires eſſent, præſentem procellam ut celerius diſſiparet, Mahometem urget, bellum quantocius decernat, militem in campum abſtrahat, civibus materiam criminandi ſubducatur. Nutantem fortioribus telis aggreſſus expugnat. Oſtendit: *plurimum utilitatis obventurum Imperatori, indiſto bello Chriſtianorum Cæſari. Licere novum tributum (ſuſſatum vocant Turcæ) a populo exigere. Illud erat, ut ſingula capita toto Imperio certam pecuniæ ſumnam ærario publico perſolvant. Sic enim poſſe, aiebat Vezirius, exhauſto continentibus bellis ærario provideri, atque adeo provinciarum ſecuritati. Imo potentiſſimum adjumentum fore ad ſuſtinenda immenſi luxus aulici impendia. Obſequiũ tanto faciliores habiturum ſubditos, quanto lubentius intellexerint* in

A) Longe majorem ſummam adnotavit Hiſtoria Magni Leopoldi Lib. VIII. P. I.

in Hungariam arma verti. Nec æquum esse Imperatoriis impensis bellum geri, quo populus luera, Imperator detrimenta referat. A. C. 1682.

Post hanc ditissimam auri, argentique venam, alio emolumento, si bellum maturaret, Mahometem suam in sententiam pertraxit. Janicsarorum potentiam, apertas in Imperatores seditiones, frequentiores tumultus exaggeratis verbis expingit. Commemorat: *plures e Soltanis in palatio, istorum ferro trucidatos, quam in acie, hostium armis. Hujus ordinis militiam multis prærogativis, multa fortium factorum gloria superbire in dies; arroganti ostentatione laborum laxare disciplinam, quoties libuerit vi armata donativum flagitare, rigidiores Præfectos pro libidine exauthorare, Imperatorem, veluti precario, & suffragiis Janicsarorum regnaret, contemptim habere; nisi stipendia ad æsem solvantur, eorum postulatis satisfiat; omnia tumultu, cædibus miscere; ipsum Soltanum ad necem designare. Equites etsi longe modestiores, ejusmodi illustribus exemplis, ne puderet sequi, ad paria audenda fuisse pellectos. Nunc e manibus haud dimittendam occasionem hoc genus hominum in ordinem redigendi, aut penitus extinguendi. Id maturato bello Hungarico ita perfici posse, si imminutis per oppugnationes urbium, & varia certamina Janissaris, neque per supplementa refectis, alium militiæ ordinem ex Imperatoris nutibus suspensum, nullisque ad audaciam prærogativis illustrem conflaret, cujus subinde dextris, Janicsarorum nomen, ac reliquiæ deleberentur.* His extinctis Effendiorum, seu Jure consultorum auctoritas (qui Janicsarorum fortunæ innexi plerumque ab eorum partibus stabant) suapte infringebatur. Hoc remedio aliquanto acriore, anticipitque invalescenti malo occurrendum putavit Vezirius, & persuasit Mahometi.

Nam iste seu conscius sui fati, ac futurorum, quæ a phalange Janicsarorum metuere procedente tempore A) deberet, seu stimulatus avaritia ambitioneque, nondum evolutis induciis pacem abruptit. Equidem Mufftius, sacrorum apud Turcas supremus minister, palam concionabundus, Divini Numinis, Mahometis Prophetæ iram violatoribus pacis denunciavit. Purpuratorum plerique in Divano, seu sanctiori consilio, præcipitem Vezirii sententiam averfati, orarunt Imperatorem, ut ne aperto bello, nulla injuria laceffit, petat Leopoldum Cæsarem, neve totius Imperii vires, Majorum suorum gloriam manifesto discrimini objiciat. Integrum annum superesse, quo induciæ evolvantur. Posse minori invidia Tòkòlianis auxilio esse, modo Ottomanicæ copiæ alieno Ductori hoc anno subsint. Sed Vezirii arma contententis auctoritas apud Mahometem prævaluit. Bellum tamen denunciare Cæsari visum non erat, ut scilicet a rebus castrensibus imparatum, decumana clade ante afficerent, quam ad defensionem semet colligeret. Imo Vezirius, quo Germanos spe pacis a belli paratibus avocaret, cum Caprara non cessavit agere de induciis, de novo fœdere; & quasi abhorreret ab omni bello, condiciones offerre molliores. Agnoscit utique Lector, quam rara concordia mentis, & frontis Ottomanici de concordia differant. At firmatis jam domi rebus, mentem suam luculente prodidit, dum a Legato insuper firmissima præsidia Comaromium, Jaurinum, Szattmarinum, hoc est haud paulo plus exposceret, quam secundissima belli fortuna obtinere posset. Monuit Caprara: ne existimaret Germanorum virtutem emarcuisse. Cæsarem bello pacem semper prætulisse. Hæc si per Turcas violetur, haud feliciores e campo recessuros, quam postremo bello Hungarico. B)

Cum hæc aguntur pacatiori quidem, sed non acri minus, pugnacique senatorio in campo, jam prope Hungaria pessumierat. Etenim Tòkòlius, novus maritus, ostensurus Rakocziæ, quanti exercitus Imperatori nupserit, auctus Turcarum peditatu, omnem suum militem e stativis evocat, ac Szattmarino superiori anno nequidquam oppugnato, adulta jam æstate affundit. A pauculis præsidiariis nullo negotio oppidum acceptum. His prosperis ini-

A) Anno 1687. exauthoratus est, ut loco suo referam B) Anno 1664. ad S. Gotthardum victi sunt.

A. C. tiis animatus, ad Cassoviam, superioris Hungariæ caput, obsidendam an-
 1682. mum applicuit; quod intelligeret ad rem, & famam, qua bella constant,
 plurimum facturum, si locum copiis, munitionibus validum aggrediretur,
 & successu armorum Leopoldo Cæsari auferret. Habet ea urbs præter sa-
 xea, & terrea mænia præaltas fossas, in quas præterlabens fluvijs Herna-
 dus tuto, & levi impendio immitti potest. Ad Austrum grandem, ac præ-
 validam arcem, Cittadellam vocant Itali, spectavit, jussu Magni Leopoldi
 anno millesimo sexcentesimo sexagesimo primo e fundamentis erectam, civi-
 bus & præsidium, & frænum. Tum arcem, tum urbem Leopoldi miles in-
 federat, annona, pulvere pyrio, cæterisque rebus adeo instructus, ut ar-
 duam oppugnationem Tòkòlianis facturum esse existimaretur. Sed præter
 opinionem celerius utroque munimento exutus est. Res in hunc modum
 accidit. Atrox incendium dolone civium, an casu? incertum, vicinum
 suburbium corripuerat adulta Δ) jam nocte. Arcis præsidarii desertis sta-
 tionibus suis, certatim eo properant, unde flammarum crepitantium ful-
 gor arcis minabatur, seu ea ex parte hostem excepturi, seu incendio, si
 arcem invaderet, occursuri. Mænibus milite nudatis Tòkòliani scalas ap-
 ponunt, ac nullo obstante, arcem sui juris faciunt. Germanos subita inva-
 sione perterritos partim Ottomanis in prædam cedunt, partim contru-
 cidant.

Arx, quæ salutis urbis præparabatur a suo conditore, exitium tulit.
 Nam ea capta urbani milites timidius resistere, quod e propugnaculis arcis
 perpetuo impeterentur, neque diu adversus vim Tòkòlianorum munitiones
 defendi posse viderent, nisi amissa arx reciperetur. Accessit & alius timor.
 Etenim extructis non uno in loco suggestibus, cœptis furnulis, cuniculis-
 que, quadraginta hominum millibus naviter opus facientibus, novis iden-
 tidem supplementis ab Rakoczia missis, adeo ruinis fatiscabant muri, ut ex-
 pedita in urbem via aggressuris pateret. Cives direptionem suarum fortuna-
 rum veriti, & Tòkòlio addicti, dedendam urbem conclamant. Miles fide
 juxta, ac ære vacuus, Lambium Protribunum circumfistit, utque honestis
 conditionibus, suorum cædem prævertat, minaciter orant. Cessit armatis
 precibus Lambius. Fit deditio. Victor urbem ingreditur, abeuntibus Ger-
 manis cum pompa militari. Haud multum viæ confecerant, cum a Tòkò-
 lianis miserabili laniena conciduntur. Cædis causam dederat cuniculus,
 quem Lambius bellico pulvere opleverat, applicito illuc prælongo sub ter-
 ra incendiario fune, ignaris oppidianis. Hunc neque detexerat Tòkòliani
 Lambius, neque fomite in digressu spoliavit. Ergo solutus ingenti cum
 fragore, aliquot Hungaros, & Turcas saxorum, ac trabium collisum obruit.
 Rem malo dolo factam interpretati Tòkòliani, Germanos, ut dixi, ad unum
 omnes interficiunt. Ita contumaces in suum Præfectum a tergo Nemesis sa-
 cuta est. Cives populationem præfenti pecunia redemere.

Capta Cassovia minoris nominis oppida celeri deditio in manus
 victorum venire, sic ut e Superiori Hungaria minimum quid Cæsarei ob-
 tinerent. Fülekinum, Β) haud ignobilis locus, septem & decem diebus op-
 pugnationem fortissime tulit. Cinxerat illud Varadinensis Bassa (Tòkòlio
 cum parte exercitus alibi agente) summaque vi aditum tentaverat in oppi-
 dum. Defendebat illud Comes Stephanus Koharius, vir non minus fide er-
 ga Regem, quam fortitudine in hostes, omni Europa clarissimus. Tribus
 Turcarum millibus per continuatos assultus trucidatis, nec nisi capto per
 partes oppido, se in arcem, non tam munimentis, quam constantia Guber-
 natoris firmam, recipit. Tormentis muralibus patefactis mænibus, cum
 nullam spem auxiliorum haberent præsidarii, obsessis per Tòkòlianos itine-
 ribus, & pauci adversus multos ruinas tueri desperarent, Koharium obte-
 stantur, deditioe arcis suam, suorumque cladem antevertat; se fortium,
 fidorumque defensorum partes omnes explevisse. Addunt minas: ni festi-

naret

Δ) Inspice Antiquæ, & Novæ Pannoniæ Descriptionem Authore Paulo Conrado Balthasare Hamò
 Edit. Norimberg. anno MDCLXXXVI. Β) Fülekinum provinciæ Neogradensis oppidum.

naret colloquium, missuros se ad Bassam internuncios, qui super conditio- A. C. nibus transigant, nec tam Turcis, quam extremæ necessitati arcem cessu- 1682. ros. Cum obfirmato animo militibus obfisteret, ac prodicionem objectaret, a furentibus Bassæ traditur. Sed neque tum vir fortissimus permoveri potuit, ut acta seditiosorum probaret, pactisque subscriberet. In vincula conjectus a barbaro, subinde ad Tòkòlium missus, inter infinitas carcerum ærumnas luculenta fidei adversus Domum Austriacam edidit argumenta. Fülekinum ab Turcis suffossum, funditusque excisum est, seu odio Gubernatoris, cujus constantiam saxi firmiorem experti sunt; seu ira, quod tot funeribus informia murorum rudera emenda fuerint.

Subjugata Superiori Hungaria, victor Tòkòlius longo agmine equitum (tria millia excessisse ferunt) ineunte Septembri Budam tetendit. a) Relicto ad ripam Danubii equitatu b) prope Pefzthinum, Nobilium corona cinctus Danubium trajicit inter faustos tormentorum fragores. Ad portam urbis præsto erat Gubernatoris filius cum turma Spahiorum, qui superflua humanitate hospitis adventum gratulatus, more gentis vario fructuum, & potionum genere lassum recreavit. In medio urbis ipse Gubernator omisso fastu, ac majestate e palatio processit, obviamque factus maximo apparatu, & pompa, quantam nemo ne primis quidem Veziriis exhibitam Budæ recordabatur, inter lætos Janicsarorum clamores, & machinarum tonitrua, in ædes tanto hospite non inferiores deduxit. Convenerant Budam varii variarum urbium, præsidiorumque Præfecti, deliberaturi cum Tòkòlio de expeditione Hungarica, quam Vezirius moliebatur. Huic deliberationi interfuit Mustaphas Begus Byzantio missus a Vezirio, ut moderaretur dissidiis, si quæ inter Præfectos oborirentur, & nomine Mahometis ad bellum incitaret omnes; habebatque in commissis præcipue, ne parciore pollicendo, quam Tòkòlius flagitando esset. In eo frequentissimo senatu confectum est: Hungaris liberum sit ejurata Leopoldi Regis dominatione, Principem adoptare, cujus præsentia, moderatione regno pristina majestas, Nobilibus jura, privilegia tot Regum decretis sancita, hominibus liberis libertas, patriarum legum integritas restituatur. Ottomani nullum præsidium in posterum suo milite infideant, sed Regi Hungariæ sine fraude permittant. Hungaros adversus quemvis hostem Turcæ tueantur. Mahometi Imp. fas esto copias per Hungariæ provincias ducere. Annis singulis quadraginta imperialium millia novus Rex, Mahometis Quæstori ad exercitus impendia perolvat.

Ut vero Tòkòlium penitus illaquearent, Principem, Ducem, imo & Regem Superioris Hungariæ, liberali appellatione eum consalutant, Regioque cultu c) ornatum frequenti militi, & populo, qui scenæ servire apprime noverat, ostentant. Et ille privatam Domus suæ fortunam dudum perolus, tanto facilius hæc talia vocabula admisit, quanto in dies certior spes a rebus gestis intendebatur, se ab hujusmodi nominibus ad Ducis, Regisque munus aliquando transiturum. Rebus in hunc modum compositis; pellibus, armis, vexillo, vestibus pretiosis donatum hominem dimittunt. Buda redux, haud ignarus quantam iram Leopoldi Regis in se conciverit, & nudas honorum appellationes in fumum abituras, nisi vi, armis firmetur, longe intentiori cura ad futura belli discrimina se comparat. Oppida nuper subacta, dotalesque arces fido præsidio, annona, bellico instrumento armat. Sed inprimis Munkacsiam d) arcem, altissimo monti impostitam, novi Regis domicilium, omni belli apparatu solerter instruit; novis delectibus copias auget; in Polonia majores, minoresve fistulas ferreas

Q 3

coemit;

a) Ita quidem Porta Ottom. Descriptio vero Antiquæ, & Novæ Pannoniæ mense Majo. b) Sic factum existimo. Nam profecto fidem superat, quod Porta Ottom. ait; Tòkòlium non minus vasti, quam pugnacis animi, cum ternis armatorum millibus Budam admissum. Regi suo haud fidus, jure suspectus esse poterat. c) In Porta Ottom. lego: corona, nescio qua, redimitum fuisse. Nummos aureos, argenteosque cusos testatur laudata Descriptio Ant. & Novæ Pannoniæ cum hac epigraphæ: Pro Deo, & Patria. In averfa parte: Emericus Comes Tòkòli in Kismárk Dux Hungariæ. d) Munkacsium Beregiensis provinciæ arx cum oppido. Uberius ageretur de eo, dum arduam oppugnationem a Cæsareis intentatam dabimus.

A. C. coemit; seditiosos per regnum libellos spargit, Superioris Hungariæ incolæ ad arma capienda, statutis in contumaces gravissimis pœnis, hortatur.

1682. Neque Turcæ segniores bellum appararunt ex imperio Mahometis, & Vezirii. Belgradum, Budam ingens vis annonæ, omnis generis arma terra, & aquis convehuntur. Ex ultima Ægypto, e finibus Persiæ omnes copiæ evocantur. Nemini vacatio data. Nec renuerunt veterani militiam, audito bellum gerendum in Hungaria, insolitaque alacritate maximum tyronum numerum in eam expeditionem traxere. Nam Hungariam mitiori cœlo, amœnitate locorum, copia rerum, Poloniæ, Moschoviæque longe præstare, nemo ignoravit. Disserebant in circulis veterani: *adverso Danubio impedimenta militum, annonam subvehi posse: Hungarorum equitatum levem, & velocem, qui nullum usquam tempus, nullum locum quietum, aut securum hosti concedit, nunc Turcico militi conjunctum magno præsidio futurum. In Poloniam, Moschoviam montana, aspera, crebro palustria, & insidiis infesta itinera fuisse; inopem regionem, quæ multum discriminis militibus, parum spoliolum præbuerit. Ex adverso in Hungaria nullos montes occurrere, patentes campos insidias detegere, militibus expeditum iter dare, prædæ plurimum polliceri. Belli molem fortassis in Austriam tot annis bello intactam transportandam. Illuc viam jam esse pulcherrime comunitam; sine certamine in ditissimam regionem perventuros.* His commodis allekti, tanto numero, motuque ad signa convenerunt, ut omnes provinciæ in militiam commigrare sint visæ. Primæ copiæ Belgradum, Budam suis sub Præfectis dimissæ sunt, cumque assiduo aliæ, atque aliæ consequerentur, nec ædes caperent multitudinem, explicatis in ampliori foro tentoriis hyemem egerunt. Byzantii major armorum apparatus, ac manifestius belli signum visibatur. Omnis Asiæ equitatus adeo severis imperiis huc excitus est, velut ad Adrianopolim hostium exercitus jam assisteret, excidium Imperio immineret. Publicæ quaquaversum viæ, plane militares properantium turmarum, cohortiumque frequentia terebantur. Classarii e portubus maritimis advekti, ad oram Helleponti navigia sua reficere sunt jussi, Istrum appetente vere intraturi. Denique cauda equina ad palatii Imperatorii fores depacta, bellum gravissimum denunciari nemini jam dubium erat.

Juvat apparatus, quo fatale signum spectandum proponitur pluribus dare; cum & ipsa Soltana, patrii sui moris haud rudis, in alterum gynæceum se contulerit, commodiori loco visura pompam. Haud procul a Vezirii palatio, agmen suas in classes divisum, longo ordine procedere occipit. Centum Janicsari suis armis ornati, bini, ac bini lento gradu, alto silentio præeuntes initium fecere, tergum claudente uno ex minoribus Præfectis hujus militiæ. Hunc sequebantur totidem Janicsari. Successere deinceps equites dicti Saimeni, arcubus, ac exuviis ferarum, quas neci dedere, horridi; ut vel externus hic cultus te moneat, quam truces, atque in arma pronos gerant animos. Pileis alte prominentes dispari numero plumas, fortium nempe factorum signa, superbe ostentant. Hos exceperunt centum Bosnacchi cultu corporis haud dissimiles Saimenis. Sed Deliorum equestre agmen omnium visum ad se trahebat. Est hoc genus militiæ ad omne facinus projectum. In stataria pugna, assultibus, ubi suos laborare, aut circumventos ab hoste vident, mira alacritate, velut furiis agitati per media tela, adversus ignea tormentorum ora ruunt; vulnera, mortes intrepidi excipiunt, sæpeque terrorem, fugam, interitum in hostem devolvunt. Unde insanire creduntur vulgo. At non una istorum classis. Alii pileis viridi, alii rubro colore tinctis, in pyramidem abeuntibus utuntur. E pileis quatuor nodi peniles in pectus procumbunt. Plerique alas, & ferarum pelles humeris late defluentes gerunt. Arma illis, qualia fere Janicsaris. Belli ad tabernaculum Vezirii excubant, corporis custodes agunt.

agunt. Domi pedites Vezirio ab obsequiis sunt, ac in publicum prodeunt. A. C. tem affectantur, a) undantemque populum remonent. 1682.

Post Dellios exiguo intervallo apparuit centuria militum Natoliæ, sive minoris Asiæ. Subinde Tartarorum equites, arcubus, sagittis more gentis instructi, velocissimis equis insidentes. His mixti iverant Circaffi, b) qui Chaufios minores, seu Cursôres in Imperio Ottomanico agunt. Horum Præfectus sonipede, gemmatis stragulis insigni, vehebatur. Istud haud omiserim. E collo sonipedis hujus, candidissimi coloris equina cauda pene in terram desfluebat. Singulare istud ornamenti genus propterea, quod Ottomanis sibi persuasum habeant, hujusmodi caudas ab equis Mahometis Prophetæ, originem ducere; neque ullis sumptibus parcant, quo eas sibi comparent. Solis Agis, ac præcipuis Præfectis isthoc ornamento uti concessum est. Auxerunt agmen centum, & quinquaginta pedites, amiculis varii coloris, auro, argentoque exsutis velati. Præferebantur dein eximie magnitudinis quaterna vexilla octoginta Agis, quorum singulos aliquot servuli comitati sunt. Proximi ibant octo, & viginti Bassæ opibus, nobilitate ante alios insignes, quive e Domo Imperatoria uxores accepere. Horum agmen claudebant triginta equites luxu magis, quam decoris armis conspiciui, Nobiliore quodam Præfecto insequente cum cohorte Janicsarorum. Unus e Dervisiis (genus est Religiosorum apud Turcas) modica lacinia tectus, incondito mugitu cornu bovis undique ex omni platea accurrentem populum pietatis admonuit. Tum in conspectum venere septem, & decem equinæ caudæ purpurei coloris, præaltis hastilibus alligatæ. Haud procul erat Kihaja c) Begus cum duodecim ephebis, & totidem circumpedibus magni Vezirii, Albanorum more indutis; quinquaginta Turcis Nobilibus muliebriter propemodum cultis, istorum vestigiis hærentibus. Cultus opulentie Asiaticæ non alios magis honestabat. Apud hunc manipulum tympana, cæteraque instrumenta, quibus Turcæ utuntur, audiebantur. Ultimi erant centum equites, dimidio pauciores pedites fatali caudæ, aliisque signis bellicis explicandis attributi. Universum agmen clauserunt tercenum Cameli, & currus varia supellectili onusti. Hac pompa solemni, publica via itum est ad aulam Imperatoris, tota ad spectaculum effusa civitate, ubi signum belli propositum.

Dum hæc solitis cerimoniis Byzantii fiunt, Mater Mahometis, cognomento Valide, d) Adrianopoli, qua in urbe juniores Principes adversus vim fraternam cauta custodit, supremum vixit. Ultima voluntate magnam pecuniæ vim Mecham deferri jussit in pauperum, eoque voti causa proficiscentium subsidium. Cadaver multis odoribus delibutum, Constantinopolim auctum, ac Moscheæ maximis impensis, dum viveret, exædificatæ impositum. Multi captivi, perpetuis vinculis addicti, testamento libertatem consecuti sunt. Præstantissimæ Principi communi mœrore toto Imperio parentatum est. At junior Soltana potenti æmula jam libera, vehementer lætabatur, quod speraret Imperium Ottomanicum in suum filium, præteritis Mahometis fratribus, transferendum; atque apud illum gubernationis titulum, penes se vim ejus fore. Exemplo scilicet senioris Soltanæ, quæ primis annis tanta autoritate res Turcicas moderabatur, ut inconsulta ea nihil domi, nihil militiæ susceptum fuerit, Mahomete maternis monitis religiose obsequente. Nec minoris se fieri intelligebat a suo filio Mustapha, venustissimis moribus prædito, ac pronissimi erga parentem obsequii, venerationisque. Ita sæmina futurorum anxia, jam tum in lubrica aulæ fortuna, dominationem, nescio quam, & animo præconcepit, & firmare occultis machinationibus aggressa est. Verum serius, ac putaverat, telam

A) Joannes Josephus Pokhius in Descriptione orbis P. V. p. 586. & Ricautius P. III. de Ottom. militia. b) Hujus gentis excidium narraui Tom. I. Imp. Ottom. pag. 98. c) Kihaja unus e Janicsarorum Præfectis. Aliis etiam Præfectus aulæ magni Vezirii dicitur, aut Pro-centurio peditum. Qui elegantius loquuntur, Tihajam nominant. d) Hujus nominis Imperatrices plures leguntur.

A. C. telam pertextam vidit, post Solymanum III. & Achmetem II. regimini ad 1682. moto Mustapha, A) ut suo loco dicturus sum.

Mahometes justis exequiarum matri suæ solutis, ad belli curas se illico convertit. In campis Thraciæ sexta Octobris castra sunt posita. Sole nondum orto, numerosæ copiæ Byzantio excedere cœperunt per portam Silivrea appellatam. Eo die Soltanus in ædibus Agæ, non procul a Silivrea porta convivio exceptus est. Ut venerunt Janicsari majori vexillo explicato, jussi subsistere, inspectante Soltano ab Aga lustrati sunt. Sed festinanti ad castra, longum foret tanti exercitus, quantum vix ullus antea Imperatorum eduxit, ordinem, Ductorum superbissimum cultum, militum, variarum gentium mores, & arma hic exponere; neque fortassis Lectori jucundum, cum multa rursus repetenda forent, quæ jam occasione depactæ nuper caudæ retuli. Papilionum multa millia in patentissimis illis campis pulcherrima serie constitere, ut adeo vastissimam urbem in vicos, & compita ad amussim descriptam, castra exprimerent. Mahometis tentorium eminentiori loco defixum, oppidi cujusdam speciem præbuit. Præter minora triginta receptacula, terna palatia columnis innixa, acu phrygia elegantissime exsuta, in eo visebantur, omnia auro, argentoque distincta. Pictis tapetibus opertum sabulum latuit. Ad principem ingressum duæ caudæ equinæ defluebant. Portentosa hæc moles lineo muro circumdata, sævientes turbines non sensit. Tam multiplici, tam vasto apparatusi deportando, tercentum cameli haud sufficiunt. Certe validissimi mille famuli operam accommodant, dum isthoc tentorium erigendum. Vezirius, cæterique Præfecti minoribus usi, parem tamen suæ dignitati supellectilem in castris habuere. Quo minime mireris, omnem hunc exercitum viginti passuum millium ambitu fuisse porrectum.

Ingenti pompa, ambitioneque castra ingressos, eodem adhuc die turbulenta tempestas prope obruit. Rapidissimo vento mixtus imber custodes, vigilesque dilapsos e stationibus, suffugere in tabernacula coegit. Cum per noctem totam procella teneret, & campi aquis innatarent, ne mergerentur cum tentoriis, eminentiores tumulos petiere. Vezirii tentorium venusta in valle positum, aquarum impetu, e monte decurrentium, prorutum, ægre in editiorem locum transferri potuit. Ipse famulorum opera furentibus aquis ereptus, postero die sua castra, atque agmina disiecta mæstus conspexit. Multi currus, jumenta, sarcinæ, in Pontum provoluta desiderabantur, ut adeo vix majus detrimentum captis castris intulisset hostis, quam populatrix aqua. Hæc tam repentina, tam atrox tempestas, novas religiones in animis Turcarum excitavit, utque misere superstitiosi sunt, eam infeliciissimi belli prænunciam interpretati sunt. Auxit metum apud obnoxios animos, quod tum primum serio expenderent, induciarum dies nondum effluxisse, foedusque male abruptum vindicem Deum, exercitus cæde severissime ulturum. Sed Vezirius jactura potius, quam præflagitione commotus, militi rebus vacuo novam supellectilem dari jussit, qua accepta metum posuit, animum recepit. Firmatum ad omne discrimen, senescente jam autumno in oppida Thraciæ, quo celerius primo vere contrahi posset, dimisit.

Caprara non uno indicio comperit, maximos hos apparatus ad Hungariam, Austriamque subjugandam fieri, inque unum Leopoldum Cæsarem Orientis vires insequenti anno convertendas. Jam non inducias, non pacem a superbissimis mortalium petit, sed dolore accensus, sibi toties verba data, Vezirio, præcipuo belli instrumento, in os graviter exprobrat: *quod contra religionem induciarum, justum prope exercitum in Hungariam, ac Daciam miserit, Regii juris arces hostiliter infederit alias, alias demolitus sit; multas provincias militum itineribus conculcarit partim, partim usserit. Tòkòlium seditionis principem adversus legitimum suum Dominum obarmet; Civilis belli incendium consiliis, ære, milite alat.* Reponit Vezirius: *se ab velitationibus ad arma invitum pertractum. Christianorum hostilitates, pro-*
curfio-

curiones in agrum Turcicum aliter, nisi oppidis, in quæ sua spolia contulerunt, captis, cohiberi non potuisse. Tökölum opem orasse a Mahomete adversus invasores jurium, ac libertatis patriæ suæ: æquissimis precibus Soltanum innuisse. Istis nullam injuriam Cæsari illatam, minus fœdus violatum; nisi crimini vertatur, sua tueri, & armis repetere; atque miserum, ne avito jure excidat, quoquo modo adjuvare. Horum vanitatem etsi refelleret Caprara, non ideo Vezirium a cœptis consiliis dimovit, armis non minus in Senatu, quam campo dominantibus. A)

Legatus pro suo munere ut alias, ita sub extremum Octobrem festinationis nunciis Cæsarem admonuit, bellum certissimum Hungariæ, Austriæ immihere; nullas conditiones, quamvis amplas, & opimas, Ottomanos admissuros; ab ARMATIS sperni inermes. Igitur Cæsar minime jam dubius universi belli molem sibi incumbere, Reunionum metu alio timore, eoque præsentiori extincto, novo per provincias delectu arma imperat, accersit e Rheno cohortes, præsidia in Hungaria prope Danubium veterano milite communit; in publica horrea annonam conferri, Viennam ad subita belli pericula commeatu instrui jubet; a Christianis Principibus opem requirit, Europam ad maturanda auxilia legationibus excitat. In Poloniam Carolus Wallensteinius; Mansfeldius in Hispaniam; Cauniczius ad Bavarum, & Saxonem; Berka ad Brandenburgum, Danumque; Martinizius Romam, ac ad Italiæ Regulos auxilia petitum dimissi sunt. Adlaboratum est etiam, ut Principes Imperii communibus viribus bellum suscipiant.

Tot Legatorum concursationibus dici non potest, quantum trepidationis per Europam obortum. Metum intendit Tökölus numerofo milite ex Hungaris, Dacis, Valachis, Moldavis lecto succinctus, haud dubie expeditum iter in Austriam, Styriam, cæterasque Germaniæ provincias hosti facturus. Inveteratum hominis odium, quo ardebat in nomen Germanum, facile persuasit omnibus, bellum in Austriam deportaturum. Unde in dies major crescebat cura, qua ratione potentissimis duobus hostibus occurrendum. Multi Principum præsentis periculo rei Christianæ commoti, Cæsaris in adornando bello sollicitudini, ac festinationi nihil cesserunt, sibi que Domum Austriacam cordi esse, validissimis subsidiis ad Viennæ mania adductis, palamfecere; eo maxime ex capite, ut ne invalescens ex Austriæ ruinis barbarus, processu temporis Rempublicam Christianam magis magisque arrodat, ac tandem deglutiat. Ita illi alienis rebus prope collapsis strenue succurrerunt, quo suas extra ictum tunc positas, contuso, quod sperabant futurum, hoste, metu liberi in posterum securius possideant. PROMPTI aliis dexteram porrigimus, dum nos ex obliquo firmare contendimus. Et vero nisi magnanima pietate Christianorum Principum fulta fuisset Austria, innumerabili hostium multitudini in spoliū cecisset, eaque sub jugum missa, provinciæ bello intactæ, eandem fortunam subiissent. Nimirum: EXCITATUM in vicinia incendium qui negligunt, eodem postea involvuntur. Nunc jam bellum anni tertii, & octogesimi supra millesimum sexcentessimum, maximo utriusque partis apparatu gestum, commemorabo.

Anno superiori Tökölus fax belli primum civilis, dein Turcici, 1683. comitia edixerat; verum morbis Cassoviæ grassantibus dilata sunt in præsentem annum. Saponara, ne in jus Regium temere involet, hominem comonefecit; spes amplissimas, quibus immanis ambitio impleri posset, ostendit; Principis Transylvaniæ dignitatem, si ad officium redeat, e Cæsaris lenitate affundit. Risu excepit minora suis votis promissa: nec se depositurum Ducis, aut Regis personam respondit. Germanorum superbix tribuendum, quod se ad fidem, & amicitiam Turcarum applicuerit. Eo jam perventum, ut sine manifesto vitæ, fortunarum periculo regredi non possit. Firmarunt eum uxor supplicii paterni memor, ac hæreditariam ab Leopoldi partibus abalienationem, animo fovens; & Legatus Ottomanicus, Delphicum

A. C. cum Oraculum, qui e mente Vezirii, & Tòkòlium, & comitia moderaba-
 1683. tur. In iis, præter pasta Budæ inita, nova beneficia seditiosis magnifice
 exhibentur: Tòkòlium sanguinis Bethlenii furculum, Hungariæ Regem agno-
 scendum; eo demortuo suam consortem Reginam, & fundos Rakoczianos sub
 tutela Turcarum fore; Hungaris integrum erit liberis suffragiis Regem,
 Portæ Ottomanicæ acceptum, surrogare. Inconsulto Principe cum Germanis,
 pax ne fiat. Hungaris Tòkòliarum partium, fas esto per Turcicas ditio-
 nes iter facere, commercia exercere; eorum Legati more Regionum Legato-
 rum honoribus iisdem habeantur. In has, & Budenses conditiones Legatus
 Turcicus nomine sui Imperatoris solenni ritu iuravit. A) Non post multo Tò-
 kòlius Constantinopolim tributum misit ad Imperatorem; ad Vezirium, Pur-
 puratos munera; ea liberalitate copias in Hungariam acceleraturus.

Et jam illæ eundem, quem anno præterlapsò, locum castris delege-
 rant. Ad exitum mensis Martii resumpta ab Imperatore lustratione, Cyda-
 rim, Imperatorii capitis decus, atque insigne validissimus ventus in terram
 præcipitavit, fortuitum casum avide vertentibus in funestum omen, quos
 ea expeditio seu religionis, seu susceptæ cum Vezirio æmulationis causâ,
 anxios habuit. Per eos dies tanta erat continuatio imbrum, ut campi co-
 pioso nimbo obruti, aquis restagnarent, militi iter prope intercluderent.
 Nihilominus castra mota sunt Philippopolim. B) Est enim in proverbio apud
 Ottomanos: *tempestatem, non item itineris rationem mutari posse*. Præ-
 euntibus viarum gnaris, per præaltas fluviorum, ac profundas voragines,
 numerosus exercitus limo fere haustus, cum omni genere vexationis signa
 sequebatur. Multi tædio laboris, cænoscæque viæ, maxime Asiatici, æger-
 rime fessa corpora trahebant; multi, ubi fluvii superandi, impetu aquarum
 cum jumentis, & oneribus rapiebantur. Ipse Imperator cum Principe suo
 Mustapha, ingens vitæ discrimen adiit, dum torrentem nullis coërcitum ri-
 pis, & tum imbris auctum transgredi vellet. Jam primas rotas altior
 aqua superaverat, omnibus, qui in comitatu erant, pavida vociferatione
 clamantibus, paucis ferentibus auxilium; seu intempestivo metu sibi cave-
 bant, sive subiti atrocitas periculi, vires torpentibus eripuit. Unus Bo-
 stangi Bassa, seu hortorum Præfectus, non Imperatori, non Principi de-
 fuit. Nunc aurigam monere, ut equis acrius obsistat, nunc Prætorianos,
 ut strenue ingressi aquas, nondum hominis mensuram æquantes, Impera-
 torem, Principemque excipiant. Multitudo festinantium saluti fuit. Re-
 tracto in ripam vehiculo, vadumque alibi tentare iussis equitibus, eminen-
 tiori curru feliciter in alteram ripam evasit.

Ut perventum est Philippopolim, placuit copias in plura agmina di-
 videre, quo facilius Hæmi montis angustias, nivibus horrentes, transcen-
 derent. Expediti milites cum globo fabrorum, qui iter explorarent, ster-
 nerentque, & Quæstores, qui com meatum e præscripto Vezirii curarent,
 primum agmen fecere. In altero erant Asiatici equites, & Janicsari, robur
 exercitus cum Vezirio Kara-Mustapha, supremo Aga, Caimacane Kara-Ibra-
 himo, Mussaïpe Imperatoris genero, Musttio, & legum peritis. Tertium
 ducebat Mahometes suis prætorianis stipatus. Haud procul ab Imperatore
 curru sublimis vehebatur Soltana Kassachis, Mustaphæ Principis mater, cum
 grege sæminarum, spadonumque. Raro legeris inter armatas legiones in
 castris apparuisse Soltanas. Nec deerant, qui sugillarent insolitam liberta-
 tem mulieris, differentes: plenam periculi rem esse in Turcico Imperio, ubi
 Soltana & ambitiosa, & callida in castris versetur, manipulos intervitat, c)
 suum filium militi ostendet. Sed Imperator plus amoris tribuebat, quam
 immaturæ suspitioni; nihilque mutata sententia, eam Belgradum usque de-
 vexit. Novissime iussæ sunt ire aliquot turmæ equitum, urgentes agmina,
 potissimum Asiaticos (ut est mollis ad talia gens) si dilabi, aut sublisterent vel-
 lent.

A) Eadem pag. 523. B) Philippopolis urbs Romanicæ, seu Thraciæ saxeo colli imposita præter-
 fluenti Hebre affidet. C) Huiusmodi suspiciones alebat Tiberius, dum Agrippina filium suum
 in castris circumferret. Vide C. Cornelium Tacitum Annalium Lib. I.

lent. Exercitus tripartito incedens, ita moderabarur profectiōem, ut un-^{A. C.}
de moverat primum agmen, postero die illic poneret medium; atque in hu-^{1683.}
jus abeuntis locum succederet, stationemque haberet ultimum. ^{a)}

Quarta Maji omnes copiae ad Belgradum constituerunt. Diebus aliquot inter quietem, ac lautas epulas exactis, constituta die omnem exercitum Vezirius in patenti campo, suos in ordines disponit, & inspectantibus Comite Caprara, Barone Kuniczio, Cæsareis Legatis, traducit. Paraverat ille abitum, ut primum sensit inducias abruptas, petitaque sæpius venia ad Cæsarem redeundi, nec impetrata, ad extremum contra gentium iura domus suæ obsessus, deinde sub custodia militum exercitum affectari est iussus in Hungariam. ^{b)} Hujus fide, & ex ipsius Vezirii tabulis, in tentorio ad Vienne captis cognitum est, summam omnium copiarum prope ter centena millia excessisse. Ad comparandum grandem hunc exercitum duorum annorum spatium, quod vacuum a bello, atque ab hoste otiosum fuerat, impensum est. E Mesopotamia tredecim millia sagittariorum aderant. Babylonii quatuordecim millium expleverunt numerum. Quatuor, & vicena millia equitum Syria dedit. Palæstina undeviginti millia levis armaturæ, totidem Cilicia, & Caramania. Ex Armenia, Capadocia, Amasia, vicinisque regionibus quatuor, & vicena millia. E provinciis Ponto aditis tricena millia contracta. Minor Græcia viginti quatuor millia armavit; ex his octo equitum, sedecim peditum millia erant. Janicsarorum legiones duodecim, Spahiorum duodetriginta millia effecerunt. His se conjunxit quinque, & triginta millium agmen, e volonibus conflatum, quos belli gloria, aut exteras terras visendi studium in castra pellexit. Jam si numerum ineas, facile ducenta triginta millia armatorum censebis.

Tanto exercitui par numerus fossorum, fabrorum, vectorum, calionum, & mercatorum erat, trium, & quinquaginta millium. Rex Tartarorum diro imperio excitus, cum viginti suorum millibus in Hungariam festinavit. Principes Valachiæ, Moldaviæ sex millia adduxerunt. Tökólius, & Apaffius, Daciæ Princeps, viginti millium exercitum in campo habuere. Moderabatur supremo jure Kara-Mustaphas Vezirius (nam Mahometes post brevem moram Constantinopolim cum sua Soltana reversus est) Ottomanorum copiis, vir sane pugnacis animi, sed turbidus, quive inconsulte ferox, impetu magis, quam consilio bella circumferens, fortunam sibi plerumque adversam merito suo habuit. Janicsaros, cæterosque pedites Mustaphas Janicsarorum Aga, Kara-Mehemetes Mesopotamiæ, Chydir ^{c)} Bosniæ, Ibrahimus Budæ, Gubernatores; Hussaines, & Hassanes, ille Damasci, hic Temesiæ Præfecti, bellica omnes laude conspicui, ducebant. Equitatu e Spahiis, ac Tymariotis ^{d)} conflato Osmanes, & Diages veteres militiæ præerant. Alter Diages bellicarum machinarum peritus, rei tormentariæ curam gerebat. Cæteri Præfecti arcium, præsidiorum, urbium in hanc expeditionem accersiti, ut erant veterani fere omnes, multorumque stipendiorum, e præscripto Vezirii munia sua in castris obierunt; maxime ii, quos in Hungaria bella illustres his annis effecerunt.

Mahometem ad Belgradum hærentem Tökólius ^{e)} invisit. Affectabantur eum præter bina equitum millia, multi honorarii Nobiles, partim vi adacti, partim sua voluntate. Regiis honoribus cultus, tentorium defigit prope Vezirium. Hic rursus vetera promissa, fide interposita instaurantur. Tökólius fidem Mahometi, iste Hungariæ coronam illi pollicetur. De lætitia e tanto hospite hausta, festinati ex Mesopotamia Olachi, sive nuntii multum imminuere; ferentes Persiam novos tumultus ciere, jamque in

^{a)} Porta Ottom. Tom. II. ^{a)} Post custodiam quinque mensium, oppugnatione Viennensi parum procedente, libertati restitutus, in urbem mittitur a Vezirio cum mandato Si Jaurinum tradatur, Vienna abductum iri copias. Sed victoris est leges dicere, victi accipere ^{c)} Aliis Scriptoribus Heyra vocatur. ^{d)} Tymariotæ & terra, & mari suis impendiis militare adiunguntur, eo quod amplas possessiones in Asia habeant. Spahii, Janicsari, machinatores, classarii ab Imperatore stipendia accipiunt. ^{e)} Porta Ottom. In Descriptione Antiquæ, & Novæ Pannoniæ lego, ad Eszekinum hoc officii genus præstitisse Tökólium.

A. C. regiones Turcarum armatos effusos; haud dubie bellum instare a veteri ho-
 1683 ste. Mahometes gravibus curis alioquin implicitus, graviore tamen fama
 (cum ad id quisque, quod audiverat, insita hominibus libidine alendi de in-
 dustria rumores, adjiceret aliquid) perculsus, partem exercitus in Asiam
 remittere cogitavit. In illo curarum aestu, nimiam Vezirii fiduciam graviter
 objurgavit, quod limites Persiæ raris præfidiis firmaverit, militem e Meso-
 potamia eduxerit; aliena invadat, Turcarum Imperio haud satis munito ad-
 versus Persam; in Asia omnia quæta fore sponponderit.

Iram, quam non satis in potestate habebat, temperavit utcunque Ka-
 ra-Ibrahimus, ne atrocioribus verbis Vezirii ægritudinem irritaret. *Ejus-
 modi rumoribus, aiebat, non esse plenam fidem adhibendam. Multa cudi
 in officina æmulorum, quo consilia, designationes Vezirii obturbent. Fortas-
 sis manipulum latronum, ut fieri amat, in vicinos Turcarum agros irrupis-
 se, sparsoque in alios irruptionis metu, ac rumore, speciem imminenti bel-
 li (ut nempe OMNIA, fama tradente, majora sunt vero) præbuisse. Su-
 perventuros proxime alios, atque alios nuncios, si quid hostilitatis coquat
 Persia; Et tum demum de Asia cogitandum.* Instituta dein venatione, ut
 erat apprime gnarus oblectandi Principem suum, adeo omnem sollicitudi-
 nem illi absterfit, ut redux in castra, trium horarum spatio cum Vezirio,
 & Tòkòlio de præsentī expeditione consultarit, novoque argumento sus-
 ceptum in Leopoldum Cæsarem bellum, sibi magnopere probari palam
 ostendit. Namque ubi rumor de Asiaticis turbis evanuit; decima tertia
 Maji, grande Mahometis Prophetæ vexillum Vezirio tradidit, ingenti læti-
 tia, apparatuque militum. Quippe universus exercitus fulgentibus armis,
 provolantibusque signis, in legiones, turmasque distributus, solutis sæpius
 fistulis plausum militare edidit, reboantibus per castrorum valla tor-
 mentis.

Insequenti die trans Savum fluvium positas copias postremum in-
 spexit Imperator, commendataque exercitus cura Vezirio, iter relegit By-
 zantium A) cum Soltana, & Principe suo. Paucis post diebus exercitum
 fames vexare cœpit, annonariis curribus viarum difficultate retardatis. Ja-
 nicsari magno numero conglobati, quidquid ciborum pro Vezirio, ejusque
 familia curatum, non sine tumultu diripiunt. Hac causa ultra Eszekinum
 processit Vezirius, seque altius in Hungariæ provincias meruit, nondum
 certus, cuinam præsidiorum tantum exercitum admoturus, donec Christia-
 ni exercitus saluberrimum receptum fugam interpretatus, ad Viennam,
 Austriæ caput, oppugnandam animum adjecit. Jam quibus viribus, quo-
 rum ductu conatus barbari infracti, non indiligenter evolam.

Missi ad varios Principes Legati, sustentare Leopoldum Cæsarem spe
 secuturæ quamprimum opis non omittebant. Caunizius e Bavaria signifi-
 cavit: Electorem omnia prælarge pollicitum, in se recepisse, non suis modo
 militibus, sed præsentia quoque sua in Hungariæ campis bello consulturum.
 Saxonem non minores animos gerere. Suevicum, Franconicum, Rhena-
 nos circulos delectus facere. Martinizii opera tantum in Italia præstitum est,
 ut Innocentius XI. Purpurati Patres, Italiæ Reguli, omni auctoritate, ope,
 consilio, isthoc bellum promoverint. Wallensteinii eloquentia, quæve prin-
 ceptis Legati dos, insignis prudentia, Poloniæ regnum in comitiis novo fœ-
 dere Leopoldo adjunxit. Capita præcipua erant: armorum societas adver-
 sus solum Turcam inita intelligatur; neutri parti seorsim pacificare fas sit;
 Cæsar sexaginta millia, Polonia quadraginta millia armatorum educat; Cæ-
 sar in Hungaria bellum faciat, Polonia in Ukraina, atque Podolia. Sed po-
 stea mutato consilio e sterili Ukraina in Hungariam, Austriamque ductæ
 sunt copiæ. Vetera nomina, ac jura utrinque remittantur; B) trecenta im-
 peria-

A) Alii volunt Mahometem Imperatorem Belgradi substituisse, sedem Imperii Viennam translatu-
 ram, si ea caperetur. Verum id temporis nondum constabat, quo arma vertenda; imo dis-
 plicuisse Mahometi, copias Viennæ admotas, idoneos authores habeo. B) Lenichii verba
 sunt: „Leopoldus Cæsar remisso ob auxilia Succici belli tempore debito, ac Diplomate de cli-
 gendo ex Domo Austriaca Rege reddito, duodecies centena millia florenorum in sumptus Po-
 lonorum repræsentet, &c.

perialium millia e sacris decimis Regi pendantur. Hæc pacta ad hæredes A. C. quoque pertineant, operaque detur, ut Moschi, & Veneti accedant, co-1683. ramque Pontifice juramento firmentur.

Sub finem mensis Aprilis, miles late per provincias sparsus, Kôpcsinium, Mosonienſis provinciæ oppidum, convenire est, jussus. Adſuere ſex, & triginta millia. præter Hungaros, quos amor patriæ, & inconcuſſa adverſus Regem fides, in Turcas armavit. Modicus numero exercitus, ſi eum conſeras cum immenſis barbarorum agminibus, ſed uſu, robore, vincendi aſſuetudine ad Danubium, Rhenum, Padum ſupra numerum validus, & Carolo V. Lotharingiæ Duce dignus, cui ſummum armorum imperium delatum. In præſentia Leopoldi, Electoris Bavari, Principum Imperii, Hungariæ Procerum, luſtratus miles, ac perſoluto ære multum animatus, cum omnibus impedimentis Strigonium ducitur. Dux cum aliquot turmis equitum præcucurrit, atque arcem contemplatus, quo caſtra loco poneret; & quam cuique Præſectorum attribueret caſtrorum partem, animo designavit. Reperit locum opinione ſua debiliorem, captuque facilem, niſi duo millia Turcarum e præſidio Ujvariænſi recens inducta fuiſſent. Nec impediri poterant auxiliares copiæ, cum Danubium, & Parkanum, in adverſa ripa nobile munimentum, hoſtis ſua in poteſtate haberet; & ſi Vezirius cum ſuo exercitu appropinquaret, caſtra adverſus infinitam barbarorum multitudinem defendi non poſſent, nec promptum foret, militem ſine clade prope Danubium retrahere.

Igitur e mandato Senatus Bellici, Ujvarino tertia Junii illata eſt oppugnation. Obſeſſum illud tenebat A) Paulus Eſzterhazius, Hungariæ Palatinus, ſpemque non vanam faciebat Lotharingo præſidii capiendi, quod magna pars militum Strigonium immiſſa ſit. Exuſto hoſtili ponte, ac revulſis ad Parkanum palis, Ujvarinum eſt itum. Ad primum hunc rumorem, Pro-Gubernator præſidii, adoleſcens impiger, ac periculorum avidus, qui nuper ſuppetias tulerat Strigonienſibus, more Hungari equitis armatus, cum Cæſareis Ujvarinum contendit, repertaque opportunitate, in oppidum ſe ad ſuos coniecit, ac incredibili celeritate igne deletis ſuburbiiis, ſedulus ubique, & laborum pertinax deſenſionem adornavit. Vix vallo circumducto, ſuggeſtibusque erectis, triſtes nuncii, atque mandata ſuperveniunt: Vezirium Budam inter, & Strigonium B) metari: binos pontes Danubio inieciſſe, irruptionem, quadripartito diviſis copiis, provinciis minitari; haud conſultum ad mænia Ujvarini diutius hæreſe, ſed omnibus curis evigilandum, ne hoſtis impune incendia ſpargat. Ita retracto celeriter Chriſtianorum exercitu, Comaromium, ad Vagi, & Danubii confluentem, muniendis Jaurino, Comaromio, Leopoldopoli dies, noctesque ſtrenue deſudatum. Sed maxime Jaurinum, Chriſtiani orbis propugnaculum, cura, ac ſolicitudine animum Lotharingi occupavit. Huc bellicarum machinarum peritos, novem millia peditum robur legionariorum, cum maximo omnis generis apparatu injicit; foſſas repurgat, extima opera, quæ ampliſſima habet, paucos intra dies reſtituit. Nam hunc locum impugnatum iri vel ex eo ſibi perſuaſum habuit, quod Solymanus II. eo neglecto, victis, ut ipſe aſebat, manibus Viennam venerit, ac re infecta deſeruerit. C) Unde coniecit Dux: Vezirium Solymani errorem correcturum (QUÆ enim olim nocuerunt, hodie docent) atque Jaurino florentiſſimas copias aſſuſurum. Verum ſive Tökôlii conſiliis actus, ſive ſua ambitione obcæcatus, præterito Jaurino, Viennam, tantæ expeditioni non impar præmium, Ottomanorum vires convertit.

Procuratis hunc in modum præſidiis, cum adeo imminutus eſſet exercitus, ut non niſi duodecim peditum, undecim equitum millia cenſerentur, evitato univerſi certaminis periculo, in Rabæ inſula muniſis caſtris ſe detinet Lotharingus. Ad ea excindenda Vezirius, præmiſſo Budenſi, &

R 3

equi-

A) Descriptio Antiquæ, & Novæ Pannoniæ. B) Eadem laudata Descriptio. C) Vide Tom. I. annum 1529, pag. 126.

A. C. equitatu Tartarorum, celeriter accurrit. Calendis Julii totius Orientis co-
 1683. piæ, late explicatis tentoriis, in conspectu nostrorum erant. Eodem die
 aliquot turmæ Arrabone fluvio, qui utraque castra diviserat, seu vado, seu
 natatu transgressæ, calontum, lixarumque imbellem turbam improvise in-
 vadunt, castris, veluti omni ex parte captis, maximum tumultum, terro-
 rem, afferunt. Eam procellam justus miles dissipavit; reliquum equitatum
 adductæ castrenses machinæ, fluminis transitu prohibuere. Sed reperto li-
 bi vado, alibi fabricatis pontibus, non uno loco Arrabo transmissus. Præ-
 cursores Tartari, rapidissimo cursu in prædam effusi, oppida lacui Fertõ vi-
 cina dire evastant, atrocissimis incendiis Jaurinensem, Mosonensem regio-
 nem consumunt; cædibus, tumultu omnia miscent. In castris Christiano-
 norum haud lætior rerum facies. Ingens multitudo hostium a fronte inun-
 daverat campos, fremitusque tot millium aures impleverat. Ignis deinde
 nocturnis horis, tota illa vastissima planitie collucere cœperunt; omniaque
 velut continenti incendio ardere visa, cum incondita multitudo propter ju-
 menta, quæ maximo numero ad impedimenta vehenda aderant, laxius ten-
 deret. A tergo, ab latere crebriora incendia visebantur. Nec satis constabat,
 num altera Danubii ripa ab hostibus pura, liberaque sit? Unde miles tan-
 quam circumventus, cibi, somnique immemor, torpere, miserrimam suam
 sortem lamentari. At Lotharingus acer animi, subito pavore consternatos
 animat, ne quid temere, sed omnia e consilio Ducis agant, hortatur; soli-
 tusque gerere bellum ratione, non fortuna, prima noctis vigilia, dato ad re-
 ceptum signo, omnem peditatum cum apparatu bellico in Csalokõziam in-
 sulam Leslæo Duce trajicit, ipse equitatum, gradum accelerare jussu, ea-
 dem nocte Ovarinum, mox ad Laitam amnem ducit. Ad Roraviam vi-
 cum, communitis castris, ad septimam Julii subsistit.

Vezirius animadverso Cæsareos recessisse, illico Tartaros ad laceffen-
 dum ultimum agmen immittit. Sed non ausi aggredi instructa acie proce-
 dentes, sine certamine redierunt. a) Fluctuabat interim animo, & modo
 suum, modo aliorum consilium, sera æstimatione perpendebat, quo arma
 vertenda. Tõkõlîi mens erat: Viennam, principem urbem Austriæ, cor
 Imperii Romano-Germanici illico petendam. Viam jam esse stratam ad no-
 bilissimam victoriam. Duces Cæsareos metu perterritos fugam, faventibus
 tenebris, capeffivisse. Urbem terrore captam, viso maximo exercitu dedi-
 tionem sine mora facturam, aut si resistat, paucis diebus victores admissu-
 ram. Vienna expugnata minoris nominis oppida eadem clade involvenda.
 NUNQUAM majora sydera sine clade minorum stellarum casura. Vezirius
 quid consilii ceperit, septima Julii aperuit, dum Agam Janicsarorum cum
 legionariis, Arrabonem trajicere jussit. Istud continuo per Ovarienfes Lo-
 tharingo enunciat. Hic festinatis itineribus Kõpcsinium, dein Petronel-
 lam progreditur. Sed jam octo millia Tartarorum ad Sarvarinum b) trans-
 gressa Arrabonem, ac in plura agmina divisa, in Austriam populationem
 intulerant. Ex his terna circiter millia cum aliquot turmis Spahiorum, iter
 Christiani exercitus prælegerant, atque ad Petronellam vicino in nemore
 insidias locaverant. c) Ut impedimenta, quæ ante primam aciem agebantur,
 in conspectum venire, sublato clamore, a fronte, ab latere affusi, ad far-
 cinas diripiendas vertuntur. E secundo agmine in auxilium missi, Tartaros
 rapinæ potius, quam prælio intentos facile cædunt, fugantque. Sed cum
 affluerent identidem majores prædatorum globi, Cæsarei Ductores aciem
 struunt, omnemque equitatum in certamen effundunt.

Vix cœpto prælio, diditur rumor: cum universo hostium equitatu
 rem esse; periisse omnes, nisi fuga salutem quærant. Cohorrescere primum
 miles, tum languidus dimicare, fugam denique circumspicere. Lotharingi
 virtus, cæterorumque Ducum strenuitas, dedecus una, & periculum aver-
 tit.

a) Descriptio Antiquæ, & Novæ Pannoniæ. b) Sarvarinum ad Arrabonem fluvium non ignobile
 superiore seculo propugnaculum provincie Castri-Ferrei. c) Descriptio Antiquæ, & Novæ
 Pannoniæ.

tit. Nam ille ex equo desiliens, inter turmas aliquot decore recedentes se A. C. coniecit, aciemque componit. Isti qua voce, qua exemplo suorum fugam 1683. sistunt; redintegrataque leviter pugna, Tartaros spoliis onustos illico disjiciunt. Propulsis hostibus apparuit, majorem jaſturam sarcinarum fuisse, quam hominum. Duorum nobilissimorum Juvenum interitus magnæ instar cladis fuit. Alter Julius Ludovicus Sabaudus, Eugenii Principis frater, equi ab impacta Tartarica clava ferocientis lapsu provolutus, contususque adeo, ut sexto. post die Viennensium intra muros vixerit. Alter Thomas Arembergius, Areschotani Ducis Germanus, illustris e Belgio Volo, in confertos barbarorum globos procurrens, acceptis multis vulneribus cecidit.

Hæc velitatio potius, quam prælium, Viennensem urbem in summam trepidationem coniecit. Quippe qui primo pavore in fugam abrepti, quive vulneribus mutilati, in urbem penetrarunt, seu persuasi eadem, aut infeliciori fortuna usos commilitones, qua ipsi; seu dedecus fugæ, periculi magnitudine depulsuri, trepidi evulgant: pugnatum infelicitè cum Turcis; cladem acceptam, quantam barbarus cruore satiatus voluerit. Id cum alii, atque alii in urbem se se ex pavore per intervalla recipientes confirmarent; adderentque: equites internecione cæfos; Lotharingum cum præcipuis Ductoribus perditum; Vezirium cum victore exercitu (ut PROPIORA sibi fingit timor) jam præ foribus esse; adeo trepidatum est tota in urbe, ut neglecta defensionis cura, certatim per averſas portas semet cives ejecerint. Plurimum terroris addidit incendium e mænibus conspectum Vischamundæ, ac Swechetæ, non inelegantium oppidorum. Ignem ea conceperant, seu prætergredientis incuria militis, seu imperio Ducis, ut Viennenses ad accelerandam sive fugam, sive defensionem excitaret; simul venturum hostem hac præda everteret. Ad Cæsarem missus C. Æneas Caprara tumultuosi certaminis exitum denarravit. Sed plebs primo rumore occupata, nihil solatii admisit, donec postridie Viennam appulsus equitatus, collapsos animos recreasset. Eo ipso die, A) quo ad Petronellam, præliaris velitatio oborta, in consultatione deliberatum est, Cæsarne Viennæ subsisteret, ac obsidionem ferret? an tutiorem in locum se reciperet? Consiliarium nemini placuit, ut angustis civitatis mænibus se includi patiatur, caputque Augustum manifesto discrimini offerat. At diversæ audiebantur sententiæ, quo abscederet. Pars Styriam; pars Austriam superiorem suavit. Posterior vicit; subque noctem altera Danubii ripa, quam ab hoste immunem constabat, Corneburgum, dein Cremsium, ac Lincium abiit.

Erat hic discessus fugæ quam simillimus. Festinandi studio itineri necessaria ægre in currus conjici potuere. Unde Corneoburgi famem, ignotum eatenus hostem experto, paucula ova cœnam dedere. Ducenti corporis custodes, Ductore Hyberno homine, Thadæo de Hassia, eum affectati sunt. His omne famulitium Cæsaris, non viribus tot suarum provinciarum, sed fuga tuti, finiebatur. Quam vero atrocibus convitiis laceſſitus fuerit a petulanti, suisque malis irritato populo, pudet, tædetque dicere. Calamitates hoc bello Turcico invecſas, uni Leopoldo merito exhauriendas, quod immoderato Religionis studio abreptus, novarum opinionum fautoribus vix aliquid indulserit in Hungaria; crudo Præfectorum imperio, quos arcibus, aut bello præfecit, universam gentem concitarit; imminutione privilegiorum Nobilitatem a se abalienarit. Hæc, atque alia homines non minus rerum rudes, quam liberrimi oris in Cæsarem contorserunt. Ille, ut erat sanctus, mitisque ingenio, hæc omnia adversa, mira vultus tranquillitate excepit; veluti rebus humanis altius impositus, ab iis, quæ mortales vexant, infortuniis lædi haud potuisset. Aulicorum primi eo acerbius exagitati sunt, quo plebs pertinacius illis imputat asperiora quæque Principis imperia, sinistrosque rerum eventus. Certe in Paulum Elzterhazium, ProRegem Hungariæ post infinita probra, tela intentata fuisse a furenti populo,

ab

A) Nempe septima Julii.

A. C. ab iis, quos fugæ comites habuit, accepimus. Ubique assentator Leopoldi, 1683. desertor civium, proditor patriæ audiebat. Et tamen ille qua consiliis, qua armis, imminentem procellam ab Hungaria, Austriaque omnium unus maxime avertere adlaboravit. Quindecim millia Hungarorum partim regni, partim suis stipendiis Tòkòlio, Turcisque opposuit. A) Perstitit in campo, donec Vezirius Hungariam inundaret.

Discedente ab urbe Cæsare novus pavor, fugaque civium animos occupaverat. Fama est duos intra dies, amplius sexaginta hominum millia Vienna abiisse tanta festinatione, ut cum multitudinem fugientium angustiae compitorum, ac portarum non caperent, a supervenientibus aliis, aliisque hominibus, equis, atque curribus non pauci misere obtriti, ac proculcati fuerint. Qui se in Styriæ montes, Austriæ sylvas abdiderunt, sagacitate canum ab Tartaris explorati, aut vitam, aut libertatem amiserunt. E sola Austria, ac Styriæ confinibus, quadringenta hominum millia in servitutem abducta Scriptores perhibent. Non minor strages oppidis illata. Omnia Jaurinum inter, & Cæcium montem ferali incendio conflagrarunt. Hortis Cæsareis, uti & æstivario, seu novæ fabricæ, furor pepercit propterea, quod in iis Solymanus II. dum Viennam circumfideret anno millesimo quingentesimo vicesimo nono annonariam domum; in hoc altero loco stationem suam habuerit, minoribus tentoriis prope ædificium defixis. Quanquam alii existiment, non tam Solymani memoriæ istud dedisse Vezirium, quam suis commodis prospexisse naviter; ut nempe in regione, quam animo reputabat suam, haberet locum, quo post belli tædia semet reciperet, ac curarum vacuus, in eo ædificio amœnitate camporum, circumque adjacentium prospectu collium celebrato, quietem capere posset. Reliqua circum oppida, castella, arces in bustum, & solitudinem redacta sunt; ut profecto mirum videri possit, cur ferro, & igne pulcherrimas provincias perditum invenit Vezirius, quas jam spe devoraverat? nisi fortassis tot locorum excidia Tartarorum crudæ, asperæque genti attribuas, quæ pro stipendiis, hostium spolia habet, eaque cum populatrice flamma sæpe dividit, ne quid miseris relinquere cogatur.

Inter tot strages juvat meminisse Heimburgi, populosi oppidi, ad ripam Danubii siti. Occlusæ portas populabundis Turcarum agminibus cives, certique tueri urbem, animosè magis, quam prospere arma sumpserant. Bis magna aggredientium vi muri invaduntur; bis majori repugnantium ferocia defenduntur. Pudit Janicsaros cum clade rejectos, triduo hærrere ad oppidum nullis munitionibus firmatum. Igitur se mutuo hortati, truci clamore edito, impessionem iterant, contractoque in muris certamine, armatos in fugam avertunt. Tum vero apparuit, ira, & odio stimulatōs in urbem penetrasse. Nemo capiendi vivos, nemo patentibus ad direptionem omnibus, prædarum memor fuit. In obvios quosque implacabiliter sæviunt; inermes juxta, atque armatos; fæminas pariter, ac viros perimunt; usque ad infantium cædem ira crudelis pervenit. Nulla profecto, quæ in tali re memorabilis scribentibus videri solet, prætermissa clades est; adeo omnis libidinis, crudelitatisque, & inhumanæ superbix editum est exemplum. Ad oram fluminis repetita est cædes. Ingens multitudo per minorem portam se eo ejecerat, in adversâ ripa duobus longioris formæ navigiis salutem quæsitura. Sed si remis destituta, si nimio pondere retardata, cum ripæ adhærent, ab accurrentibus Janicsaris occupantur, omnisque illa infelix turba in ipsis navigiis conciditur. B) Hisce incendiis, atque excidiis admonebatur urbs Vienna, quid formidare deberet. Habet illa a præaltis mænibus, propugnaculis undecim inde prominentibus, seque mutua ope respectantibus, ac ingenti circum fossa magnum contra validissimorum hostium vires munimentum. Verum eo temporis, quod diuturna pace floreret, & veluti extra omnem ictum posita, nihil ab Ottomano, vel alio

A) Descriptio Antiquæ, & Novæ Pannoniæ. B) Hæc ex Descriptione Antiquæ, & Novæ Pannoniæ desumpta.

alio hoste metueret, munitiones tum extimæ, tum interiores non eo loco **A. C.** fuere, ut Orientis molem, insultusque diu perferre possent. Inde Lotharingus, ac Staremburgius, ille universæ militiæ, hic urbis Præfectus, divisus inter se muneribus, incredibili celeritate reparatis mænibus, propugnaculis, turribus, seduli ubique, ac laborum pertinacissimi, Viennam ad defensionem egregie compararunt. Lotharingus arrepto ligone primus terram molitus, indiscreto labore multiplici operi manum admovit, ac inter fossiores, militesque versatus, suo exemplo omne genus hominum traxit. Sex dierum spatio non vetera modo munimenta instaurata, sed etiam nova adjecta.

Nec minus urbi firmamentum aderat a præsidario milite. Præter ducentos, & mille statos excubitores, adducta sunt altero Danubii latere a Leslæo duodecim millia peditum. Septena millia ex Academicis, civibus, variisque hominum ordinibus lecta; ut adeo vicens millibus armatorum urbs propugnata fuerit. Par numerus aliorum censebatur, qui ad cuniculos agendos, restinguenda incendia, subitaque periculorum præsto essent. Denique; ne urbs adversus exterum hostem satis communita, domestico, id est, fame subigeretur, inutilis hominum turba, rigido imperio jam antea exesse iussa est. Sed maximum firmamentum adjecit Leopoldus Cæsar, dum ea ipsa, qua discesserat, die, severo iudicio delegit viros, qui publicam rem tot malis oppressam curarent. Bellicum Senatum, ac urbem moderari iussus est Rudigerus Staremburgius Comes; adjunctis Guilielmo Comite Daunio, Ferdinando Marchione Obizzio. Opportune cum legionibus advenere Comites Joannes Serenius, Carolus Ludovicus Souchius, Fridericus Sigismundus Staremburgius, Carolus Wirtembergæ Dux, Melchior Leopoldus Bekius, Sigebertus Heusterus, Baro Dasigius, alique. Ad hos armorum primarios in urbe administratos additum est Consilium, penes quod summa Reipub. gubernatio resideret fervente oppugnatione. Hujus Princeps erat Stenko Caplierius Comes, vir belli, pacisque artibus clarissimus; additis Comite Molartho, Hartmano Hütendorffio, Barone Belcampio, Leopoldo Kolonichio, Neostadiensis Ecclesiæ Pæfule. Hic postremus publicis curis intentus, insigni, qua valebat apud omne genus hominum, existimatione, toto obsidionis tempore, constantiam, pietatem militibus perinde, ac civibus insinuabat; institutis supplicationibus, suis maxime precibus, atque aliis Divinæ iræ placamentis cælestem pro aris, & focus adversus invadentem, scandentemque mænia hostem pugnaturis, opem orabat, pollicebaturque. Tum non optimis modo consiliis urbanas, resque militares adjuvit, sed quod pluris tunc erat, coactis egregia solertia sexcentis florenorum millibus, defensorum animos in iis ærarii angustiis opportune firmavit; apparuitque præsentī ære alacriores redditos, quam publicis, privatisque allocutiis. His munimentis, præsidariis, Belliducibus, Consultoribus Vienna armata, de quantacumque barbarorum vi, secura videbatur.

Pridie ante, quam ii adessent, iussu Staremburgii amplissima suburbia, nempe Viennæ dimidium, miserabili incendio ^{a)} deleta sunt. Firmiores muri partim suffossionibus diruti, partim tormentorum ictibus labefacti. Sed hoste appropinquante, cum vastiora ædificia everti non possent, magno commodo Turcarum steterunt. Leopoldino suburbio faces admove-re haud placuit, quod multi Ducum censerent, illud equitatui, & auxiliis e Germania adventuris percommodam stationem præbiturum. Tandem Vezirius quarta decima Julii omnem suum exercitum, lento admodum itinere actum, ac cædibus, incendiis lassum urbi ostendit. In colle Viennensi ipse cum Janicsarorum Aga substitit, dum minores Præfecti suis cum copiis designata castra intrarent. Ea ab S. Marci suburbio, Nucetum, sive Nussdorffium usque in mediæ lunæ formam, facile quatuor, ac viginti passuum millium ambitu porrecta erant. Vezirii tentorium in Divi Udalrici

Imp. Ottom. Tom. II.

S

subur.

^{a)} Descriptio Antiquæ, & Novæ Pannoniæ. Historia Magni Leopoldi nuper laudata, non minus eleganter, quam accurate seriem totius oppugnationis complexa est, qua usus sum.

A. C. suburbio, contra Scotensem portam, eminentiori loco statutum est. Mu-
1683. staphas Aga Janicsarorum, moli aulicæ portæ imminebat. Kara-Mehemetes
Mesopotamiæ Prætor cum aliqua manu Tartarorum, & Moldaviæ, Valachiæ
Principibus Rossavium occupavit. a) Spahiorum Præfectus cum aliquot Bas-
sis Carinthiacam, & Stubensem portam obsedit. In hunc modum spar-
sæ copiæ damna obsidionis e quinque partibus Viennæ inferebant; solum e Leo-
poldini b) suburbii insula aditu in urbem, redituque relicto, quod putarent
Turcarum Duces, sine ingenti temporis, & militum jactura Christianos eo
loco dejici non posse; & capta urbe si potirentur, sponte sua suburbio ces-
suros.

Vezirius Machinatorum sententia explorata, ad invadendum, terna
potissimum propugnacula designaverat: Palatinum, Leoninum, ac Carin-
thiacum. E binis tormentorum sedibus eodem die erigi coeptis antequam
mœnia quaterentur, duo equites citato cursu ad vallorum sepimentum pro-
volantes, literas Latinis, Turcicisque verbis perscriptas magno numero spar-
sere, quarum hæc fere sententia fuit: *adesse magnum Vezirium cum infinita
armatorum multitudine ad Mahometis religionem propagandam; & injurias
genti Ottomanicæ hisce annis illatas strenue vindicandas. Urbem proxime
omni ex parte claudendam. Nunc integrum esse Viennensibus, prona, cele-
rique deditione iram Imperatoris, & Vezirii lenire, ac fortunas cum vita
libertateque e manifesto periculo efferre. Si contumaciæ insisterent, quam
frangere tanto apparatu armorum in manu Vezirii utique esset, strage ho-
minum, & murorum gravissimas pœnas daturos.* Quid consilii ceperint ob-
sessi, solutis per mœnia tormentis in Turcarum stationarios patefecere; e
quorum numero multi majoribus pilis dilacerati, plures murorum fragmen-
tis (nam frequentes in suburbiorum rudera, securitatis, vel spoliis causa
se abdiderant) misere conscripti sunt.

Haud segniores Turcæ, nulla jam interjecta mora, muralibus machi-
nis in mœnia fulminarunt. Sed plurimus labor impensus est suffossionibus,
atque operibus terreis, quod sentirent bellicorum operum periti, nul-
lo alio, quam hoc oppugnandi genere urbem securius, ac certius subigen-
dam. Inde Vezirius accitis Janicsarorum Præfectis, aliis fossiores augendi,
aliis urbem circumvallandi negotium imponit. Et fossiores quidem partim
e Janicaris, partim e Christianis captivis sunt lecti; præsertim eruendis
carbonibus, & lapidibus assuetis, eoque ad valla ducenda, aggeresque ja-
ciendos maxime factis. Cautè tamen adhibiti cuniculis agendis, ne observa-
tis obsidentium subterraneis operibus, fuga elapsi ad Viennenses referrent.
At ad alia fossionum genera, magisque obnoxia periculis, intentatis verbe-
ribus compellebantur. Unde nudi tormentorum globis expositi, impune
cadebant, multum plaudente Vezirio, quod Christianorum opera, in Chri-
stianis perimendis uteretur, militesque sui hoc onere levarentur. Nam oc-
cupato Leopoldino suburbio, & continuatis vallis usquequaque conclusa ur-
be, sanguinarium mandatum tulit, ut captivi armorum capaces ad unum
omnes interficiantur, vita solum parvulis condonata. Septuaginta millia in
vinculis attinebantur. Hi omnes per manipulos extra valla castrorum rapta-
ti, destinatis glandium ictibus, aut frameis barbarorum per ludibrium inte-
rempti sunt. Ferunt Vezirium ad hanc cædem impulsus caritate annonæ,
quæ e longinquo petenda fuit, evastato dirum in modum vicino agro, ve-
ritumque, ne protracta in longius tempus obsidione, per captivorum turbam
fames in castris invalesceret. Præterea voluisse suum militem hac præmo-
lesta cura tantam multitudinem custodiendi liberare; ut in posterum omnem
solicitudinem, viresque convertat ad unam urbem expugnandam. Denique
conjecisse, ea clade miserorum nihil detrimenti illatum iri rebus Turcicis,
quod

a) Hoc modo sparsas fuisse Ottomanorum copias, meminit Descriptio Antiquæ, & Novæ Panno-
niæ. b) Pulsus ex eo suburbio Judæis anno 1670. Leopoldini nomen accepit sive a Leopoldo
Cæsare; sive D. Marchione Leopoldo, cui eversa Synagoga templum est positum. Fa-
ctum Romæ Patrum consultum de Judæis pellendis ex Italia, lege sis apud L. Cornelium Ta-
citum Annal. Lib. II.

quod Tartari in dies nobiliores, venaticorum canum opera in specubus, in A. C. sylvis exploratos, vinctos adducerent. Ita ille accelerandæ oppugnationi 1683. unice intentus, sanguini innocentum minime pepercit.

Nondum patrata cæde, Leopoldina insula a Turcis capta est. Inse-
derat eam cum delecta equitum manu Schulzius; tuiturus locum, dum nu-
merosior hostium vis receptum imperaret. Ex his pugnaciores aliquot Da-
nubii ramum, quo suburbium Leopoldinum ab urbe abscinditur, vado
transgressi, suo exemplo, & spe prædarum plures in insulam pertrahere; in-
primis Janicsaros, qui prælio congregari potius, quam lentæ oblidioni inter-
esse voluere. Schulzius, quo incautos clade afficeret, suos ex composito
omnia perturbate agere, tela eminus torquere, postremum cedere jubet.
Dolus e voto cessit. Etenim Turcæ visâ nostrorum perturbatione, nihil
fraudis suspicati, in apertum campum procurrunt, ubi brevia tormenta,
sed amplissimi oris, ferri fragminibus, aliaque ad nocendum peste referta,
collocata fuere. His nusquam irritis emissionibus in implicitos, cohæren-
tesque displosis, illico primi ordines sternuntur. Reliqui ad primas tormen-
torum iras, recta, & oblique ferientium, late profugi, ut erant locorum
ignari, a redeuntibus Schulzianis magnam partem cæduntur. Verum gliscen-
te hostium numero, viribus suis diffusus Schulzius, pontes rescidit, seque
Lotharingo conjunxit.

Insula potiri Turcæ, continuo Danubii ripam urbem respicientis,
erectis aliquot castellis, ac ducto aggere, qui unum alteri perpetua sepe com-
mitteret, firmare aggressi sunt; quo factum, ut non modo spem nullam
Viennensibus, omni ex parte jam clausis, externæ opis accipiendæ relinque-
rent, sed semetipsos etiam adversus auxiliares copias, si quæ in urbem adi-
tum molirentur, egregie obmunirent. Tum novo tormentorum suggestu
prope templum Misericordiæ statuto, urbs Danubio obversa oppugnari
cæpta est, nusquam intermissa, nisi noctibus, verberatione. Centum mil-
lia, & amplius grandioris formæ pilarum, duorum mensium spatio, in ur-
bem depluisse, constans fama est. Sed inprimis animum, operamque ad-
vertit Vezirius ad cæcas suffossiones, queis plerumque hodierna tempestate
certam mænibus parare solent ruinam bellorum Duces. A) Promotis acces-
sibus jam ad vallationis extimæ angulum, nulla prope suorum clade perve-
nere hostes, quod fossas densatis inter se trabibus, aut saccis terra, vel lana
factis superne contegant, atque in iis subterraneis specubus a pilarum tem-
pestate, aliisque nocendi instrumentis sat tuti cæpto labori insistere queant.
Decima nona Julii sub vallationis angulis duo cuniculi incendi sunt, majori
utique terrore obsessorum, quam damno. Quippe deni solummodo deside-
rati fuere. At timorem non modicum crearunt primi cuniculi, quod
Vienna tota, quantum domorum culminibus assurgit, tantundem prope in
subterraneas cellas deprimatur. Unde Vezirio spes creverat, actis non uno
loco furnulis, cuniculisque, interiora urbis intrandi. Contra Viennenses so-
licitudo maxima habebat, ne hostes ignoti, inobservatique sub terram, quod
in aperto non poterant, in urbem penetrent, vique pulverum semotis ob-
staculis viam sibi in medium forum sternant. Ea de causâ in apothecis vi-
nariis frequentes excubare jussi, qui admota ad tellurem aure, suffodientium
ictus exciperent, ac ad Gubernatorem referrent.

Isthac excubitorum industria non unus cuniculus ingenti obsessorum
commodo detectus erat. Nam ubi animadversum est Ottomanos moliri
humum, cunicularii Viennenses continuata dies, noctesque fossione, stre-
nue obviarunt, transversoque meatu, omnem eorum operam aut corrupe-
runt, aut certe, ut peritiores erant harum machinarum, arte iam victos
inevitabili strage involverunt. Multi tamen speratum successum habuere,
præsidariis juxta, ac mænibus noxii. Sed quotidianæ procurtiones ad ho-
stium opera convellenda, rescindendaque plures abiumpierunt, quod lon-

a) Ex quo invaluit militare proverbium: Ligonem, & palam esse demum illa, quæ arcem extruant, destruantque. Faustinus Strada Dec. I. Lib. IX.

A. C. ge firmiora essent, ac ut a properantibus dari in ruinam possent; & Janicsa-
 4683. ri, ne multorum dierum labor perderetur, solito diligentius evigilarent,
 operaque stantia incredibili ferocia tuerentur. Sæpe certamina in angustiis
 locorum spatiis contracta, nunc his, nunc illis perniciofa; sæpe nec sine
 multo utrinque sanguine pro laceris vallis dimicatum. Sed PAUCITAS de-
 mum celerius consumitur, ac multitudo. Id animadvertens Gubernator
 urbis, edicto omnes, qui nondum militiam amplexi, nomina sua edere
 iussit. Collectio huic militi arma data e publico; stationes minus obnoxie
 assignatæ (veterano in extrema opera coniecto) ad quas signo campani æris
 citabantur. Ea de causâ, ut ne quid perturbationis oriretur, ad obsidii fi-
 nem turrets omnes conticebant. Hæc curante Starembegio, audacissimi
 Turcarum tanto impetu palos assiliunt, ut iis nondum revulsis, aut excisis,
 viceni præsentissimæ necis contemptu, in ipsum septum se conjecerint. Ex-
 cepti sunt pari ardore a Christianis; omnesque in profundam fossam æsti
 præcipites: cæteri furente undique procella glandium, lapidumque, nihil
 deterriti, expeditis securibus ad interficiendos palos semet accingunt.

Verum Mesopotamiæ Prætor, qui aggredientibus præerat, lethali-
 ter faucio, multis præterea per cancellorum septa fistularum ictibus pro-
 stratis, pedem retulerunt, amissis facile ter centum. Nostorum e grega-
 riis cecidere quadragenæ cum Burcardo Gallenfelfio Barone. Nec felicior
 erat e parte Danubii tentata aggressio. Hanc multa suorum cæde ineunte
 Augusto adornavit Vezirius. Prætenuem Danubii ramum ratibus in latera
 commissis, ac nexis veluti totidem pontibus firmissimi operis sternit; tum
 canalem, qui subter muros in urbis navale infuit, armatos subire jubet.
 Vix parum viæ confecerant, cum plerique plumbea e mœnibus procella cor-
 ripiuntur: neque enim defensorum injuriis se subducere poterant, quod so-
 lo contemptu periculorum, adversus manifesta pericula, præcipue fistulato-
 rum destinatos istus, armati procederent. Ignibus subinde in materiam
 nauticam immisiss, Danubius repurgari cœpit, neque deinceps ea parte
 urbs infestata.

Sub idem tempus castra intravit Aga quidam natione Maurus, ab
 Imperatore Mahomete missus, cui in paucis gratosus erat. Hujus adven-
 tus multam materiam fermocinandi dedit militibus. Alii dicebant repre-
 hensum venisse Vezirium, quod neglecto Jaurino, Viennæ admoverit co-
 pias; ferociores alii, attulisse mandata, ut cum Lotharingo acie decernat.
 Reipsa exstimulando Vezirio ad accelerandam oppugnationem iter suscepit,
 quem in finem haud vulgaria munera Soltani nomine eidem exhibuit. Que-
 stus est ille in corona primariorum Ducum, tam numerosum exercitum;
 tot, tantorumque præsidiorum, molium expugnatorem, ad fossam quidem
 adrepsisse, circum aggerem unum complures dies hædere. Hoc convitio
 everberatus Vezirius, omnem machinam expugnandis extimis operibus ad-
 movet, ac tertia die Augusti universam aggressionem in ea comparat. Ne
 ordines assilientium turbarentur cæsum cadaveribus, destinati sunt, qui
 mortuos, ac vulneratos e pugna efferrent, quive in eorum locum succede-
 rent. Turcarum copię majori numero sub signis stantes, consiliū prodi-
 derunt, nostrisque spatium concesserunt, robustiore audacia aggredientium
 vires repellendi. Ter sepimentum summa vi invadunt, toties a defensori-
 bus repulsi. Demum resumpto Ducum adhortationibus impetu, redeunt
 in pugnam, atque partem vallorum, & opertæ viæ occupant. Tum operi
 accincti ad labrum fossæ, e terræ, lanæque congestis saccis, subitanam mu-
 nitionem extruunt. Ita vicesima die oppugnationis, ad fossæ marginem per-
 ventum est.

Interea Lotharingus Tòkòlium ad Posonium tendentem die VI. Augusti
 profligat. Festinaverat iste cum tricies mille pugnatoribus e superiori Hungaria
 Posonii potiundi causâ, ut altera quoque Danubii ripa Cæsarei dejicerentur.
 Urbs Regia non ausa experiri vim, sponte se Tòkòlio tradidit. Illico iussu
 Vezirii naves, aliaque materia ad pontem Danubio imponendum conquesta.

Arcis

Arcis præfidiarii & loco, & numero freti, reſecto de deditioe colloquio, A. C. deſenſionem ſedulo parabant. His intellectis, Lotharingus ducentos pedites 1683. Ductore Ogilvio Centurione ad augendum arcis præſidium præmittit, ipſe cum exercitu primum ad Moravam annem, dein Poſonium contendit. Ogilvius temere illatus in Tòkòlianos funditur, fugaturque. Ultus eſt ſuorum cladem Lotharingus. Leviffima verberatione proſtratis muris, urbem in poteſtatem redigit. Mox quindenis, non amplius legionibus, & fere equeſtribus, adverſus hoſtes lento, dimenſoque gradu procedit, dum apertam campi planitiem nanciſceretur acies. Vix concurrì eſt cœptum, cum calones, quive in inſidiis latebant Tòkòliani, terrore panico percuſſi, fugam ineunt, eodemque terroris contagio Turcas (dena millia fuere) involvunt. Maxima cædes edita in fuga, Poloniſ Tyrnaviam uſque veſtigia prementibus.

Fuit hæc victoria admodum opportuna. Nam amiſſo Poſonio, ac læva Danubii ripa, nec tutus erat equitatus Cæſareus, nec expeditam ſine vaſto terrarum circuitu viam Polonorum auxilia habebant, neque Jaurinum, & Comaromium aditus patebat. Tòkòlius omnem eam cladem Huſſaini Turcicis copiis præſecto attribuit, in hæc verba ad Vezirium ſcribens. *Fixis ad Poſonium caſtris, principem curam in id potiffimum intendi, ut numerum, viresque hoſtium exploratas haberein, miſſis trans Moravam diverſæ nationis, uti aſſolet, ſpeculatoribus. Ab his certior ſio: Ducem Lotharingiæ, ac Principem Lubomirſzkium, majorem opinione mea exercitum in nos movere. Rogatis Ducem ſententiis, magnopere ſuadebam, ut exercitu ad Vagum fluvium deportato, ubi ſpatioſi, ac explicandis copiis opportuni campi, hoſtes operiremur. Unus Huſſaines ſui conſilii tenax, atque adeo alieni impatiens, perſtiterat. Haud perinde in prælio conſtans. Vix dum acie congreſſus, ab equitatu Germanorum repulſus, meorum partem militum ſimul in fugam abripuit. Minus proſpera hæc pugna tanto graviore doloris ſenſu me afficit, quanto magis intelligo, mihi ab Huſſaine imputari, quidquid infeliciter actum. Sed ille in campo vinci maluit, quam in ſenatu inferior videri. Cæterum ſi ſuppetiæ advenerint, hanc qualemcumque cladem compenſabo, promptus in ardua quæque, ac periculosa vitam meam conſiciendi. Hæc pauca ſcribenda exiſtimavi, ut explorete cognoscas, quæ ad Poſonium geſta, tibi que proſperum rerum eventum ex animo precer. A)*

Re ſtrenue peracta in Hungaria, alibi periclitatum eſt. Vezirius e Leopoldino ſuburbio in alterum Danubii littus tranſitum meditatus, jam ponte commiſſis duabus inſulis, extimum pontem Valachorum, ac Moldavorum opera fere abſolvit. Id plane molientem redux Poſonio Dux viſtor occupat, ſecundumque flumen diſpoſitis fiſtulatoribus, ac colubrinis, omnem eum conatum in tempore evertit. Attamen diu quieto eſſe non licuit. Etenim Tòkòlius dolore cladis Poſoniensis ſtimulatus, fruſtra tentatis aliquot oppidis Leopoldo fidis, alteram expeditionem ſuſcipit, ut Cæſareos ripa Danubii ſubmoveat. Ab Varadinenſi, & Strigonienſi Baſſis accepto quater, ac decies mille Turcarum exercitu, Moravanum agrum inundat, permulta oppida in cineres agit. Ea incendia e mænibus Viennæ conſpecta quantum trepidationis excitarunt inter cives, tantum alacritatis affuderunt Lotharingo conveniendi hoſtis, pugnæque conſerendæ. Impedimentis Stokaraviam reſectis, velites Poloni procurrare jubentur; quibus, quam imperatum erat, longius provectis, nec ſine clade repreſſis, per eum tumultum ſagaciſſimus Dux inſidias ſtruit. In vicinum tumultum tormenta adducit, pauculis Germanorum manipulis explicatis; reliquum aciei robur ſylvulæ objectu extra conſpectum collocat. Barbari inani ſpe victoriæ captati, denſis agminibus irruunt, ac novo ardore pugnam capeſſunt. Fulminantium machinarum vi, & legionariorum, qui e nemore eruperant, virtute diſſecti, contento curſu trans Moravam fugere. Perierunt Turcarum

A) Huius epiſtolæ exemplar in Deſcriptione Antiquæ & Novæ Pannoniæ, Germanica ſcriptum lingua, pene ad verbum latine reddidi.

A. C. mille ducenti cum Agriensi Basso, sauciato Tartarorum Principe. Capta 1683. equestria signa duo, & vicena, pedestria septem, & viginti, equi sexcenti, sex & triginta Cameli.

Dum res Christianorum in campo virtute Lotharingi eriguntur, Viennensium interim muri, nondum animi cadebant. Inter alia, quibus urbs communita est, prævalida moles (parma A) appellatur) eminebat. Hæc quoniam hostibus infesta erat, & si propugnatoribus adimeretur, in expedito fore videbatur urbis expugnatio, illuc vires converte sunt. Ut primum sexta Augusti in fossam penetrarunt, ipso Vezirio e gestatoria sella ferri laminis undique contexta affilientes moderante; altero mox die prægrandi cuniculo frons parmæ tanto quatefactæ motu terræ, atque fragora succutitur, ut cives nutantibus ædificiis trepidi, e domibus se ejecerint, ultimum exitum adesse rati. Excepit ferale tonitru tempestas armorum, utrique parti cruenta. Barbari in molem obstinatis usque adeo animis eluctati sunt, ut duabus & media hora, ancipiti eventu certamen extraxerint, majorum, minorumve fistularum dispendio ægre submoti. In hac ipsa mole, molem alteram vallis, & fossa armatam fabricant obsessi, & si hanc quoque everteret hostis, geminos rursus receptus, fossa, & lorice munimento vallatos, e quibus pugnam redintegrare possent, e disciplina militari addunt; non nisi multo Turcarum sanguine passum omnem cessuri. Interim isti ad molis pedem, quæ cuniculatores injuriis subducatur, vineam solidissimo opere construere; ad latera utriusque propugnaculi diurnis, nocturnisque horis accessus promovere: ex adverso obsessi eruptionibus infestare opera, in fossam crebros ignes noctu injicere, cuniculos cuniculis corrumpere. Duodevigesima Augusti alterum molis receptum, quinos post dies tertium cuniculis subrutum, non sine incenso certamine hostis accepit.

Supererat exigua molis pars, neque illa integra, sed vicinarum munitionum injuria labefacta. Hæc veluti campus delectus est, in quo Ottomanorum robur, viresque sæpius contusæ. Janicsari tot assultibus incassum tentatis, conceptas animo turbas, loci aspectu, & periculorum provisu incendebant, ut adeo palam negarent, se in posterum ligonem, aut gladium sumpturos. Mustius concinna oratione turbidos allocutus, quarta, & decima Augusti ad novam aggressionem impulit. Ergo prærapidi in supremum molis receptum signis illatis, pugnam cominus conferunt, defensores a fronte, a latere urgent. Hi omni telorum genere subeuntes impetunt; minoribus pilis pyrio pulvere fartis, B) hastis, falcibus, stellatis clavis; non irritò armorum pulsu, cædunt: adeo nullo aut fugæ, aut trepidationis indicio, ut in locum trucidatorum alii, atque alii necis inferendæ, vel subeundæ avidi advolarent. Hac fortitudine repressi, tertia Septembris ferociores instabant. At Gubernatoris jussu modica illa terræ lacinia a Centurione Heistermanno relicta est. Hoc modo quadruplex illud, ac toties renascens, ceu hydra, munimentum, suffossionibus, cuniculis quarto, & vicesimo impugnationis die prope evanuit, magno Turcarum fructu, quod parma obsessos exuerint, majore, si molem stantem cepissent.

Præter molem amissam multa angebant præsidarios. Eruptiones plerumque parum utiles fiebant, militemque atterebant. Multis morbo dysentericæ, multis quotidiana dimicatione confectis, stationes pauculis obeundæ erant, iisque ex vulneribus, vigiliis, labore pugne invalidis, clades eo major apud obsessos, quos utique vincit, quisquis imminuit, quod haud sufficiant periculis inter paucos crebrius redeuntibus. Hostis in dies alacrior, ac clade sua ferocior non labori, non sanguini parcebat. Timebantur incendia, proditioes, aliaque belli fortuita. Staremburgius semel, atque iterum internunciis Rascianis C) suppetias postulans, præter spem nihil dum obtinuerat. Has inter curas, quarta Septembris Palatini propugnaculi angulus

A) Revellino, seu propugnaculum a manibus abiunctum, aut moles plerumque portæ præstructa.
B) Tria millia ejusmodi pilarum, vulgo granatæ, immissa. C) Michalevichius, & Kolschickius hi erant.

lus cuniculo stratus, facile quindenis armatis expeditam viam dedit. Hac A. C. occasione utendum ratus Vezirius, quatuor millia peditum immisit. De-1683. pactis aliquot signis in ipso propugnaculo, dum se obmunire incipiunt, a Governatore capta statione depelluntur. Duobus post diebus Leonini fronte pari ruina in fossam effusa, pari fortuna decedere coguntur. Noctu tota Turcarum castra ignibus fulgere, ac vigilias intentiori cura servari visa, Christianorum auxilia ad urbem liberandam adventare, indicio fuere obfessis.

Et jam Joannes III. Poloniæ Rex cum Jacobo A) filio natu maximo, facto per Silesiam, Moraviam, itinere B) viginti millium exercitum in exitu Augusti adduxerat, atque e consilio Lotharingi ad Tulnam Danubio trajecto, in agro Tulnensi cum Cæsareis castra fecerat, quo cæteræ Fœderatorum copię convenire sunt iussæ. Die septima Septembris adfuerunt Bavarorum equitum tria, septem peditum millia. Totidem fere Saxonum. Novem Suevorum, ac Franconum millia. Opinione minor universus exercitus compertus est. Namque nonaginta millia confluisse fama percrebuit, & Historici tradidere; cum tamen sexaginta quatuor millia, & quingentos recensitos notaverit Dux Lotharingus. Vezirius intellecto Christianorum Principum copias in propinquo adesse, in adversum simul, aversumque hostem pugnaturus, numerum suorum init, atque hoc primum die (septima Septembris) castrenses machinæ conticuerunt. Censæ sunt centum octo, & sexaginta armatorum millia, ut adeo quinquaginta fere millia desiderata fuerint. Et in oppugnatione quidem censu per legiones inito tres Bassas, sedecim Janicsarorum Tribunos, Machinatorum Præfectos quinque, & viginti, nobiliores quingentos cum decem Janicsarorum millibus cecidisse e Vezirii tabulis constat. C) Postridie duplici cuniculo Leoninum succussum, cruentam arenam rursus aperuit. Turcæ tot ad eum diem certaminum fructum capeßituri, etli maxima vi niterentur in ruinas, a defensoribus spe libertatis multum animatis promiscua cæde retruduntur. Victores, quod metuerent pulverum vi propugnacula eversum iri, interiora urbis ad ultimum exitium depellendum munire aggrediuntur. Capita viarum prægrandibus catenis, vallis præstruunt, omnem juventutem ad cadentis patriæ defensionem incendunt, arma corripere, ac compita confidere jubent. Castra perinde tumultu fervebant. Omnis equitatus in plura agmina, commodioris pabuli ergo divisus, ex insulis, aliisque locis revocatus; pars arma polire, pars equos frænare, omnes inconditis clamoribus se ad prælium incitare; neque tamen fossionibus, assultu, jaculatione abstinere. Leoninum tanta vehementia jam discerptum erat, ut usu tormentorum adempto, lapidum strue hostes arcendi fuerint. D)

Laboranti in hunc modum, ac prope succumbenti urbi, exercitus Christianorum opportune adfuit. Motis Tulna castris, tanto celerius iter intendit, quanto per viam tristioribus nunciis accepit, Turcarum signa in Leonino volitare. Undecima Septembris servatis ordinibus per arduos collum, valliumque anfractus in Cæcium montem eluctatus est. In dextro cornu locati erant Poloni, quos regebat Rex ipse cum Jacobo filio, Szemavio minore copiarum Præfecto, Jablonzkio, ac senatoribus permultis. Lævum obtinebant Cæsarei, quibus præerat Lotharingus, Saxolavenburgicus equitatus Magister, Leslæus, Dunewaldus, Æneas Caprara, alique bellica laude celeberrimi Duces. Mediam aciem faciebant Saxones, Bavari, Francos, Suevi. Bavaris Degenfeldius, Saxonibus Golzius, Fridericus Saxo; Suevis, ac Franconibus Waldeckius, Marchio Baruthanus, Thungenius imperitabant. Visum est hoc modo aciem struere, ut servato tot nationum discrimine, mutæ virtutis æmulatione, tanto acrius incenderentur milites,

quan-

A) Plures filios suscepit ex Maria Ludovica Marchione de Arquin, nempe Jacobum, Alexandrum, Constantinum. B) Memoratus Gotfridus Lengnichius. C) Inspice Descriptionem Antiquæ, & Novæ Pannoniæ, ubi reliquos ad Viennæ mœnia casus reperies. D) Die undecima Septembr.

A. C. quanto conspectior singularum nationum fortitudo, aut ignavia omnibus
 1683. in prælio patefieret. Haud procul aberat occasio. Sub primam auroram
 A) expansis ordinibus demissa acies per declive, barbarorum copias pugnae
 accinctas in conspectu habuit. Namque Vezirius ad radicem montis flore
 exercitus collocato, peditum cohortes oppido Nuceto cum Budensi Praefe-
 cto, veterano, fortique bellatore iniecit; loca monti adfita vallo circumdu-
 cto, ac tormentis in fronte dispositis, valide munivit, omnes hortatus, ut
 stationem ceu ultimam sedem armorum extremis viribus tueantur. Nec
 ideo cessere animis Christiani, sed confertis ordinibus, quantum viarum
 asperitas patiebatur, dimensoque gradu in hostem processere. Volupe erat
 obsessis, intueri montem florentissimo exercitu infessum. At Ottoman
 lymphatis similes trepidare coeperunt, omnium pectora metu percurrente.
 Armis insignibus equi, virique splendebant, & Duces partis victoriis in-
 clyti, agmina sua promoventes noscebantur. Ipsa montis declivitas, quod
 singuli armatorum perspicue sub aspectum caderent, numerum copiarum
 augere est visa. Tum clangor signorum, fremitus hominum, equorum
 hinnitus, armorum internitentium fulgor mentem omnium turbavit; de-
 nique belli causa animos ademit.

Primi Caesarei, Aenea Caprara Ductore, tormentorum, ac fistularum
 procella hostilem equitatum impulerunt, dum ad angustias Nuceto aditas,
 hora ante meridiem quarta perveniretur. Ex his in oppidum compulsi sta-
 tionarii, liberum sinistrae alae descendendi iter dedere. Media acies, ac
 dextrum cornu, confertis Janicsarorum cuneis perruptis, ipso meridie in
 planum emerit. Nuceto, alteroque Vico Heiligstadio, per Caesareos pila-
 rum emissionibus expugnatis, cum animadverteret Ibrahimus Budae Praefe-
 ctus, Caesareorum impetum se perferre non posse, & Vezirium in altero
 latere incumbens Polonis laborare, ne divisus viribus uterque vincere-
 tur, capto in arena consilio, cum omnibus copiis praevalidus in Polonos
 fertur. Tum enimvero in patentiori campo iusto prælio concursus fuit.
 Hussari (nam & hoc genere militum utuntur Poloni) subditis calcaribus, in
 media agmina illati, immanem stragem ediderunt, praecipue Alexandri
 Principis centuria, quae se prima in medium hostium abdidit. Perierant
 fortissimi equitum multitudine Turcarum circumventi, nisi Caesarei, & Ba-
 vari festinatis auxiliis in latus incurrisent.

Sed Rex eo die momentum per sane magnum ad victoriam fuit. A
 fronte irruens cum praetorianis, densatos Janicsarorum ordines infregit;
 ubique imperio, manu, vultu ipso animum suis, terrorem hostibus incus-
 sit. Nondum tamen ea parte Ottoman statione cessere, verum adeo sta-
 bili gradu contulere manus, ut non sustinuerint modo tot nationum incum-
 bentium vires, sed repulerint interdum. Ad extremum capto Janicsaro-
 rum vexillo, & sonipede Vezirii, quem in aestu pugnae mutavit (quippe plu-
 res fatigaverat) caesisque pugnacissimis Turcarum cum Kihaja, ad castra de-
 fensanda, obversa tamen in hostem fronte, compelluntur. In sinistro cor-
 nu, Lotharingo perinde ferro aperienda via erat. Tumulus proximus ca-
 stris, viris, armisque probe communitus occupandus fuit. Quid despera-
 tio posset, hic demum apparuit. Nam etsi tumuli defensores prospicerent,
 toto campo commilitones suos propelli, tamen ne qua Caesarei penetrarent
 in eum, densati tanquam novum vallum oppositi, ingruentium vim telo-
 rum, tormentorumque, ea pervicacia exceperunt, ut cadente suorum ali-
 quo, veluti decussam valli partem, alio in locum caesi festinante, reficerent.
 Acies media in latus inuenta, tempestatem adeo improvisam, adeoque ma-
 jorem importavit, ut solutis ordinibus palantes in castra se conjecerint, ac
 una victores quinta a meridie hora admiserint. Hic rursus vires colligunt,
 atque objectis in fronte vehiculis, carrisque, ad supremam defensionem se
 incendunt. Sed omnis ille animorum ardor supremo in actu incitator, mo-
 mento elanguit, reseditque, ut rumor percrebuit, Caesareos in castra irru-
 pisse,

piſſe, dextrum cornu proſtigatum. Ea res oculis ipsis conſpecta, Vezirium, A. C. Chamum, primarios Duſtores, omnemque peditatum, qui in campo ex- 1683. tremus perſtitit, in ſœdiſſimam fugam avertit. Interim cunicularii, quive ad opera relictī, Janicsari, obſeſſos acerrime urgebant, ternisque prægrandibus cuniculis ignem admoveſſe parabant. Fortuna partium territi, & ipſi fugientium agmina auxere. Quanquam multi, ut erant in profundis cryptis, operi inſtantes, ignari ſocios exceſſiſſe caſtris, a ſuperveniente victore capti, aut obruncati fuerint. Feliciores fugitivi, quos ingruentes tenebræ cædi eripuerunt.

Hanc grandem victoriam Duces maiore ex parte virtuti, quam fortunæ debuerunt. Nam in Senatu bellico, in aciemire concordēs, peritiſſime hoſtem aggreſſi ſunt; mutua ope feſtinata loco moverunt, & ipſi promptiſſime pugnarunt. Lotharingus ſapientis, ac cauti Ducis titulos, eo die ex merito obtinuit, quod primus caſtra ingreſſus, in illo ardore animi prudentius, quam avidius percuſis inſtiterit, ſuos ab omni præda cohibuerit, plenīs ordinibus per Roſſavium ſuburbium, ad muros acceſſerit, nihil denique in hoſtibus penè deviſtis tute deſpexerit. Nam ſi ardentius fugientium tergo hæſiſſet, Poloni in acie ſtantibus, clades ea parte accipi poterat. Si dein caſtrorum direptio cœpta fuiſſet a Cæſareis, vagi, ſparſique, atque adeo extenuatis ad pugnam viribus, facile a Turcis in ea victoriæ confidentia opprimi potuiſſent, aut certe conſœderatas copias omiſſis hoſtibus in partitionem prædarum pertraxiſſent. PERSÆPE enim obſtitit vincentibus pravum inter ipſos certamen, hoſte neglecto ſpolia legendi. Hac cautione & victoriæ, & Conſœderatorum rebus conſuluit.

Caſtra ultra modum opulenta ſubiverunt Saxones, Bavari, Suevi, Francones ſexta poſt meridiem hora, tardius Poloni; noctemque ſub Turcarum papilionibus, mutuas inter gratulationes egerunt. Rex Poloniæ frænatos equos ſtare, magnamque exercitus partem in armis eſſe, ac vigilias ſervare juſſit; ipſe, ſiquid nocturnæ trepidationis oriretur, pervigil, ac expeditus, in Vezirii tentorio cum Prætorianis perſtitit. Occupaverat illud in aditu caſtrorum Vezirium perſequens, A) uno ex Aulicis ipſius, qui e fuga retractus eſt, locum tentorii, & immenſam auri, argentique vim ibi depoſitam commonſtrante. Confeſtim miſſi equites, qui nomine Regis ſtationem illic figant, atque ea parte caſtrorum populatione militem prohibeant. Stabat tentorium non ad omnem commoditatem modo, ſed & delicias inſtructum. Balnea, fontes irrigui, aquæduſtus, peregrinæ aves non ſine intuentium admiratione in illa ampliſſima linea arce, integra, intactaque conſpiciebantur. Præter arma diverſi generis, auro gemmiſque ornata, reperti ſunt duo aureorum numorum milliones; Aſprorum (probiſſimi argenti moneta eſt) permulti ſacci; princeps vexillum Mahometis ab Imperatore in campo Belgradi datum; quod illico Romam Innocentio XI. Pontifici Maximo dono tranſmiſſum a Rege. Pretioſarum veſtium, equorum ingens numerus, inſtrumenta litteraria. Unde facile colligas, Vezirium in caſtra reſectum cum omni ſuo ſervitio præcipitem admodum fugam iniviſſe, & tentorii cuſtodes, quo fugæ aptiores eſſent, opimis ſpoliis abſtinuiſſe. Gregarius Polonus quam in prælio fortis, & alacer, tam in diripiendis poſt ridie Aſiæ opibus inexplēbilis. Nec cæteris deerat cupiditas prædandi. Direpti ſunt papilioes quinquies, & vicies mille, prædivite ſupelleſtili inſtructi. Camelorum quina, dena boum millia. Frumenti, orizæ, fabarum Arabicarum, vis ingens; in publica armamentaria variæ formæ tormenta ter centum illata, reliquusque rei bellicæ apparatus ſummis expeditionibus par. Kollonichius deſenſionis pars magna, prope quingentos infantes totis caſtris conquiſitos, paterna charitate, curis, impendiis rite educandos ſuſcepit.

Eodem die Rex Poloniæ a Ducibus Saxoniz, Lotharingo, C. Starembergio urbis Gubernatore perſalutatus, inſigni pompa Ducum, Præfe-

A. C.ætorum, civium, per decumanas urbis ruinas in urbem deductus est. In-
 1683. spectis, æstimationisque hostium accessibus, operum firmitate, molis, & propugnaculorum ruinis, apparuit sola defensorum virtute Viennam stetisse; id quod Starembergio immortale nomen peperit. Inde per agmen e militibus, & civibus compositum, recta in templum Aulicum contendit, ibique in Lauretano B. Virginis Sacello, Ambrosiano carmine DEO victoriarum auctori, & Magnæ DEI Matri grates persolvit. In castra reversus, insequenti die legiones suas intra Swechetam, & Ebersdorffium locavit, quod passim strata cadavera, vi æstus cum intolerando pædore solverentur; timebaturque, ne morbi vulgarentur. Cæteri fœderati suas quoque copias ab urbe removerunt. Non post multo advolavit Lincio Leopoldus Cæsar, contemplatusque stragem mœnium, ad sacras ædes D. Stephani processit, actisque supremo exercituum DEO gratias, Regem Poloniæ, & Electores convenit. Nihil hic venerationis omissum, quæ Cæsarem, quæve Regem victorem addeceret. Paucis post diebus, cum malum dysentericiæ serperet, & aula tormentorum ictibus lacerata, commode habitari non posset, Lincium reversus est, multum collaudatis, ac amplissimis præmiis, præfecturis large donatis Caplierio, Starembergio, Kollonichio, cæterisque tum militaris, tum urbani ordinis Præfectis. Quanquam multi pro aris, & focis vita posita, benignissimi Cæsaris favore frui haud potuerint, immortalis gloria, & fama in popularium animis perpetuo victuri. Porro ut & horum numerum addamus; fervente oppugnatione, obsessorum septem millia ferro ceciderunt; morbo haud paulo plures sublati. In supremo certamine quatuor millia, eosque inter Thomas Princeps Croyus, C. Trauttmansdorffius, Postoczkius, Palatini Cracoviensis filius. Ottomanorum vero longe maxima strages erat, ut adeo in tot assaultibus, eruptionibus, cuniculis infelicitè solutis, & ultimo prælio, septuaginta millia interiisse Scriptores mire consentiant. Atque hic demum exitus fuit oppugnationis Viennensis, magnis impendiis susceptæ, majori clade continuatæ, maximo dedecore interruptæ; patuitque PESSIMIS consiliis pares eventus respondere.

Multiplici pugna victi, ac omnibus castris exuti Turcæ, in una fuga salutem quærivere. Equestres copię, nunquam non fugæ accinctæ, deserto peditatu, sine signis, sine Ducibus, eadem adhuc nocte ad limites Hungariæ evektæ; continuatis itineribus ad Arrabonem fluvium pervenerunt. Compertum est; paucioribus horis fugitivos, iter Vienna relegisse in agrum Jaurinensem, quam nuper diebus A) integris illud ipsum spatium Jaurinum inter, & Viennam emensi fuerint. Pedites ab equitatu nudi, nec lento, nec strepero itinere, beneficio noctis per notos calles in Hungariam properarunt. Animadverso, neminem victorum victis instare, octo circiter millium agmen, præcipiti cursu lassatum, vetera castra ad Altenburgum, Austriæ oppidum, intrat, seque ad castrorum defensionem, nondum bene digesto terrore, inconsulto comparat. Poloni direptis spoliis alacres, primi hostem persecuti, castra metu prope jam capta circumfident, acceptisque Germanorum aliquot signis, post breve certamen diruto vallo, miserabilem cædem edunt. Duo millia, quingenti positis armis se Polonorum potestati permiserunt, qui Viennam retracti perutilem operam purgandis fossis, ac reparandis munitionibus dedere.

Alia ex parte C. Adamus Battyanius, B) quem torrens Turcicus a Muræ amnis custodia nuper abripuit, ductu sui filii, duorumque Comitum e Nadasdiis, duo millia Ottomanorum ad Kanisam cæcidit. Prope Jaurinum Vezirius cum equitatu fugiendi finem fecit. Hic munitis castris se continuit, expeditis in omnem partem Præfectis, qui reliquias profligati exercitus per ripam Arrabonis colligerent. Tatta, Vesprimio, Papa sua præsi-

A) Quatuordecim omnino diebus Jaurino Viennam profectus est hostium exercitus, quæ mora saluti fuit urbi; sed equestres turmæ longe paucioribus horis revolarunt. Nempe: timor addidit alas. B) Quem Dalmatia, Croatia, Sclavonia Banum anno 1693. accepit, factis bellis admodum præclarum.

præsidia revocat, missō ad Gubernatores istorum locorum persevero manda-^{A. C.}
to, everſis munimentis ut tormentariam supellectilem in castra revehant; 1683.
quo nempe fucum faceret imperitis, non omnem ad Viennam bellicum pa-
ratum amissum. Et Tatta quidem oppidum in ruinas abiit. At Vespri-
mum, Papa non integra modo steterunt salvis civium fortunis, sed præsi-
diarii etiam in suis commilitonibus victi, in capitivitatem redacti sunt. a) Necessaria quiete reſectum militem, triduo post Strigonium versus pro-
movet. Jaurinenses e suo præsidio erumpentes, promiscuam cædem per
complures dies exercuerunt. Ex ultimo agmine facile sexcenti per eosdem
obtruncati erant, nullo fere resistente, quod FUGÆ intentis singulis, ne-
mo, quid altero fieret, moveretur. Equidem Ductores Arrabone supera-
to, milites hortabantur, ut pauculis frontem obvertant, stricte ferro vitam
tueantur, ne impune cadant. Verum Viennensi clade deſecti, calorem
Martium nondum ſenſerunt; patuitque, TURBATIS acrius metum, quam
Duces imperare. Quod si victores eadem alacritate percuſſos urſiſſent, qua
ad Viennam dimicarunt, pauci profecto e peditatu in tutum evaſiſſent.

Interea tenui, incertoque rumore ad Mahometem Imperatorem
perfertur: Vezirium memorabili pugna a Christianorum ſœderato exercitu
victum, obſidione Viennæ depulſum, trepide in Hungariam refuſiſſe. Id
cum alii, fortunæ Vezirii innexi, pernegarent; alii contra, hominis ambi-
tioni dudum perinſenſi, aſſeverarent, ſtragemque in immenſum augerent,
locuples diſſidiorum materia in aula alebatur. Litem diremit infelicis nun-
cii bajulus, ab ipſomet Vezirio miſſus. Inhorruit enimvero ad triſte nun-
cium Imperator, parumque abſuit, quin bajulum ferro impeteret. Pluri-
bus poſtea diebus, Imperatoria majeſtate haud dignis queſtibus dolorem
ſolvit, ac verſa veluti mente, nunc barbam utraque manu vellens, nunc
cydarim, caputque non molliter pulſans, fortunam rebus Turcicis nimium
adverſam incuſavit; renovato Octaviani Auguſti Cæſaris exemplo, quem
cæſis legionibus muliebriter indoliſſe accepiſus. b) Dolore, iraque ultra
modum ſtimulatus, uſque adeo implacabile odium in nomen Chriſtianum
concepit, ut ſtatuerit, non ſacra modo omnia toto imperio proculcare, ſed
ipſos quoque ſacrorum cultores ſine diſcrimine ferro excindere. Byzanti-
nos præcipue Chriſtianos, & Oratores Europæorum Principum ad cædem
deſignavit, per quos ſua conſilia, copiarum numerum, expeditionis typum,
quæ neminem alioquin latere potuerunt, ad Cæſarem effluſiſſe perperam
criminabatur. Nec deerant Purpuratorum aliquot, qui ad præceps quod-
que conſilium pronum, per eos dies in Chriſtianos magis concitarant, ve-
luti expeditionis ſiniſtrum exitum, nullo mæroris ſenſu acciperent, ipſaque
fronte detegerent animum latentem. Muſſius, cui jam major, quam
ante bellum, authoritas, ſive religione tactus, ſive periculi magnitudine
commotus, quod Imperio haud dubie imminebat a cæde Legatorum, tan-
toque innocentum ſanguine, ferale decretum in tempore evertit. Namque
in Senatum admiſſus, luculente oſtendit, *quam lethalem plagam rebus ſuis
impoſiturus eſſet Imperator, in propoſito ſi perſeveraret.* Principum Lega-
tos, ajebat, *hoſtium loco haberi non poſſe, niſi proditiſis convincantur.*
*Rem vero periculi plenam fore, nec lætos exitus habituram, ſi ſinguli in juſ
trabantur, quæſtionibus vexentur, aut non citati pleſtantur.* Certe prin-
cipes, quibus nunc amicis utimur, communi hac injuria offenſum iri, & ju-
ra gentium in Legatis violata, conſociatis armis proſecuturos. Tot autem
cives interficere, quid aliud foret, quam Imperium Ottomanicum brachio uno
truncare? commerciis, præcipuo maritimarum urbium alimento, immania
vulnera, nec ullo tempore coalitura inſligere? his aliisque rationum momen-

Imp. Ottom. Tom. II.

T 2

tis

a) Sic Porta Ottomanica T. II. In Deſcriptione antiquæ, & novæ Pannoniæ, a Comite Rekam
hæc præſidia occupata, & Turcas præſidiarios Poſonium captivos abductos fuiſſe reperio. b)
C. Suetonius Tranquillus Lib. II. de Octavio Cæſare Auguſto prodidit, poſt auditam Varia-
nam cladem, adeo conſternatus, ut per continuos menſes barba, capilloque ſummiſſo caput
interdum foribus illideret, vociferans: Quinſtili Vare, legiones redde; diemque cladis quot
annis mæſtum habuerit, ac lugubrem. Sunt verba laudati authoris.

A. C. tis furentem, opportune placavit, evicitque, ne cruenta Mithridatis, A) 1683. Regis Ponti B) vestigia, quem par furor in cædem Romanorum per omnem Asiam impulit, ipse Ponti Dominus, ingrederetur.

At Vezirius, quo omnem culpam infauftæ expeditionis a se amoliretur, & testes suæ ignaviæ e medio tolleret, in non paucos Præfectos animadvertit. In castris Budam inter, & Strigonium locatis, Ductores quinquaginta cum Eszekinensi, & Posegano Bailis, partim capite plecti, partim Zona collo injecta strangulari jubet. Istorum suppliciis proludebatur neci, virtute bellica clarissimi viri, qui supremum funestæ tragœdiæ actum, magno militum terrore, sed majori, quod author nolle, indignatione, invidiaque complevit. Budensis is erat Præfectus, cognomento Ibrahimus, multorum stipendiorum in Asia, & Europa miles. Hic non tam æmulatione, quam difficultate permotus, Viennæ oppugnandæ consilium maxime unus damnavit, atque in campo potius ad Vagum amnem evigilare C) maluit, ac oppugnationi, cujus minus prosperum exitum animo præconcepibat, interesse. Sex tamen diebus ante, quam obsidione soluta est urbs, cum suis copiis Viennam accessit, sive Vezirii errata correcturus, sive cladem averfurus a Turcis, si Christiani prælio decertarent. Quo ardore in supremo certamine pugnarit? Poloni equites sensere. Hunc inprimis reformidavit Vezirius, quod rerum militarium calentissimus, quid in oppugnatione, in postrema pugna peccatum, optime omnium teneret. Tanti accusatoris metu se semel liberare decrevit, ne semper timeret. Et quamvis amicorum multi, quibus sanguinarium consilium minime probabatur, persuadere niterentur, ut ne cæde primarii viri, & gratia apud Mahometem validi, (quippe hujus sororem Ibrahimus conjugem habuit) collum ultro laqueo innectat, ille tamen facile contemptis familiarium monitis; nam impetu magis, quam matura deliberatione omnia agere solitus, & suoapte ingenio ab aliorum consiliis plerumque averfus; nullius sceleris convictum securi percutit; multa per Hungariæ provincias lætitia, quas ille postremis hisce annis, validis continenter excursionibus obnoxias habuerat, ac divexarat. Tam atroci facto ut speciem honesti indueret, perduellionis notam Ibrahimus inurit. Totis adeo castris evulgat: eum omnia Turcarum arcana prodidisse Christianis; minutim perscripsisse, quantæ copię? quo tendant? oppugnationi Viennensi hunc unum intercessisse in Senatu, in campo perpetuo obstitisse. Aegre adductum, ut postremis diebus obsidioni cum suis copiis interesset; nisi fortassis ea causa advenerit, quo tutius res Ottomanorum affligeret. Illius utique factioni attribuendum, quod montium aditus, ac angustias miles non infederit, Nucetum vallo permuhitum deseruerit, Germanis aditum in castra primus dederit. Jure cæsum videri, quem tot argumenta execrandæ prodicionis reum faciunt.

Speciosis hisce mendaciis Vezirius non potuit imponere militibus, qui seu ex odio in Vezirium, seu in Ibrahimum amore judicium ferentes, insuper fortium factorum haud ignari, cæsum plane absolvebant, culpamque omnem transferebant in Vezirium, invidiæ retinentem adversus Ibrahimum, veterem belli æmulum. Hunc exitum habuit Ibrahimus, aulicarum non minus, atque bellicarum rerum peritus; pari nimirum fato sublatus, quo alter Ibrahimus sub Solymano II. qui post infelix obsidium urbis Viennæ, collusionis cum Christiano exercitu insimulatus, vitam amisit. D) Adeo verum est: IN HOC magno orbis theatro personas interire, easdem tragœdias identidem recurrere. Quanquam Ricautius a Scriptore Italo proditam

A) Mithridates, Ponticarum gentium Rex, ut meminit L. Annæus Florus Lib. III. c. V. omnes, qui in Asia forent, Romanæ civitatis homines interfici jussit. Et T. Livius Parav. Lib. LXXVII. Epitom. B) Nempe illius regionis Rex, quæ Orientem intuentibus ad sinistram jacet prope Euxium Pontum; qui a Strabone, Tacito, Plutarcho mare appellatur. C) Ibrahimum fervente oppugnatione rem alibi egisse, certum habeo. Volunt aliqui, eum cum Tökölö ad Posonium, ad Moravam fluvium adversus Lotharingum pugnasse, verum utriusque pugnae eventus longe infra fortunam, & militarem scientiam Ibrahimus videretur fuisse. At quia ignorer, virtute, & consilio, felicissimos belli Imperatores sæpe superatos? D) Vide Tom. I, pag. 140.

ditum meminerit: Ibrahimum interfectum, ut Vezirius ejus conjuge (Ba-A. C. scilaris huic nomen fuit) quam incassum deperibat, sine æmulo potiretur; 1683. at illam aspernatam hominis crudelitatem, oblatos thalamos non recusasse modo, sed ultimam quoque perniciem apud Imperatorem fratrem, barbaro accelerasse. Istud etsi in Principes viros Turcarum, quantum dignitate prætumidos, tantum in ejusmodi amores frequenter effusos, perbelle cadat, tamen Kara-Mustaphæ hanc labem illinere supersedeo; cum locupletes Historici, qui vitia pariter, atque virtutes summa libertate literis mandarunt, altum taceant.

Imperator sive reipsa facta Vezirii, sive in speciem eatenus probarit, ei non vulgaris pretii munera, veluti felicissimo Imperii Ottomanici propugnatori transmissit. Isthoc Imperatoriæ benevolentiae signo multum erectus, rursus grassari coepit in Præfectos militum, quos delatores in aula fore suspicabatur. Ipsum adeo Regulum, seu Chamum Tartarorum neci addixit, quod liberius perstrinxerit ejus imperitiam, suumque consilium ad Viennæ moenia datum, in castris jactarit. Suaserat nempe Vezirio, ut relictis ad oblidionem pauculis, adversus Christianorum copias educeret suos, summamque totius belli in eo prælio collocaret. Procul dubio urbem victum iri, si pugna vinceret. Sed ille alieni consilii, si ultro præsertim offerretur, impatiens, suæ sententiæ inhæsit, urbemque simul, & Confœderatos divisim bipartito copiis aggressus est. Ex quo confecit Chamus, attenuatis nimium viribus legionum, Turcas & prælio inferiores fuisse, & obsidione depulso. Hæc cum verius, quam prudentius commemoraret, Vezirium in terrorem, defensionemque sui alioquin intentum, adeo exasperavit, ut imminentem damnationem maturata e castris fuga prævertere debuerit. At non propterea placavit iratum: dignitate exutus ex imperio Vezirii, alterum suæ gentis Principem vidit, & coluit.

Hæc talia dum impotens sui patrat; castra gravissima seditione exarserant. Urebat inprimis Janicsaros clades Viednensis cum insigni dedecore (duo enim primaria signa hujus ordinis amissa sunt) conjuncta, quam unius Vezirii ignorantiae tribuebant. Funera præterea tot Ducum, & Bassarum, quorum ductui, & virtuti, quidquid prospere cessit, ex magna parte debebatur, quæ præmia singuli a furente, totque nobilium virorum sanguine efferato expectare possent, unum quemque admonebant. Neque illud ad concitandam multitudinem erat postremum, quod plurimi sine tentoriis, coeli injurias autumnis sæviente perferre, ultraque statos dies in campo persistere adigerentur. Inter minas, strepitusque, & concussiones armorum nihil deterritus Vezirius, Principes tumultus, quive culpæ propiores comperti fuere, non pauciores centum, per Prætorianos comprehendit, illicoque frameis concidi jussit. Mirum profecto erat, Janicsaros ad supplicium commilitonum, in ea armorum licentia vi omni abstinuisse, nihilque in supremum armorum Præfectum attentasse, quod ejus auctoritatem imminueret. Crederes non alia de causa turbasse castra, quam ut ad præsentiam Vezirii pacati, disciplinæ militaris, suæque modestiæ specimen possent edere. Sed istud fortassis ex composito egerint, ut integras querelas suas Imperatori deferrent, ipsumque eo acerbioribus poenis reservarent, quo majori fama, & pompa, Principi etiam suo invisus plesteretur. Post non multo recrudescente acris seditione, Tartarorum gens in suam provinciam, Janicsari Belgradum turbidi discedunt. Ad hos motus non pauci Strigonio se subduxere: unde leviori impendio stetit Lotharingo loci hujus expugnatio, qua expeditionem Christianæ Reipubl. saluberrimam, Dux omni memoria dignus coronavit.

Rebus ad Viennam utcunque compositis, Lotharingus decima octava Septembris, iter in Hungariam edixit. Poloni prope oppidum Kôpcesium tetenderunt; Cæsarei, & Bavari, qui biduo post secuti sunt, Petronellæ, & Heimburgi castra metati, sex diebus, magna utique jactura temporis, subsistere cogebantur, dum pons navalis Tulna accersitus ad Posonium

A. C. strueretur. Nec recto, nec celeri itinere ad Vagi confluentem profecti, eo-
 .1683. que septima Octobris transmissa, Ujvarinum ingenti terrore compleverunt.
 Et jam aliquot turmæ Polonorum, qui primam aciem faciebant, præsidium
 propius accedentes, cæsa in itinere valida Turcarum manu, abductisque
 quinquaginta captivis, obsidium, obsidique damna minabantur; a) cum
 Dux æstimatis paludibus, Nitra fluvio, quæ autumnio in hyemem inclinante,
 irritam redderent oppugnationem, Strigonium præ Ujvarino impetendum
 delegit. Re in Consilium bellicum adducta, ea etiam de causâ Lotharingi
 consilium prælatum fuit, quod secundo Danubio commeatus, cæteraque
 supellex castrensis facilius devehiri in castra posset, & redacto in potestatem
 principe Hungariæ fluvio, Fœderati latissime dominarentur; id, quod
 Montecuculus, veteranus in Hungaria adversus Turcas bellator, perpetuo
 tenuit; tum si Strigonium caperetur, Buda ad ictum pateret. Igitur post-
 ridie b) Rex Poloniæ cum suo equitatu, uno veluti cursu Parkanum c)
 versus, in ripa Strigonio opposita præsidium, contendit, tanta festinatione,
 ut nemo unus e peditatu Polonico prævolantes consequi potuerit. Nempe
 discordes animis, discretos viribus (ut exploratores retulerant) hostes ag-
 gredi statuerat ante, quam Ducibus autoritas, militi obsequium, junctis
 legionibus fiducia rediret. Lotharingum in procinctu Rex admonuit: tenere
 se Parkanum cum suis, ad prædabunda hostium agmina rejicienda. Nihil
 quidem magnopere formidandum a circumvagantibus prædæ magis,
 quam pugnæ accinctis; suadere tamen, ut Cæsarei motis illico castris
 sequantur.

Percussus improvise Polonorum cœpto Dux, per Dunewaldum Regem
 edocet: rem plenam discriminis esse sine Confœderatorum viribus in
 pugnam ruere; sibi compertum, justum exercitum barbarorum, Tókôlianos
 item haud procul, pro Parkano in armis stare. Temperaret suo ardori,
 & explorato prius camporum situ, hostium numero, maturo consilio expeditionem
 moderaretur. Equestres turmas sine peditatu, a Janicsarorum cuneis
 facile sustineri, disjicique. Si tantopere in pugnam æstuet, peditatum
 simul in hostem duceret. Rex ordinando militi intentus, accurrentem
 Dunewaldum placida fronte accepit, laudavitque cauti Ducis veteranam
 prudentiam. Verum hæc monita a nonnullis Nobilium, uno equestri prælio,
 una virtute Polonorum debellare ardentium, rejecta fuere, quorum æstu
 mirum in modum accensus Rex, primis agminibus immixtus cum filio
 in Turcas festinavit; Lotharingo interim, infelicis eventus præsago, equitatum
 suum in aciem educente. Suboluerunt hæc omnia exploratorum indicio
 Ottomanis. Itaque in omnem occasionem intenti, alacres animis, corporibusque,
 sine mora se ad prælium expediunt, insidias struunt. Frequentiores
 ad Parkanum tumuli assurgunt, non ad pedites modo, sed & equites
 tegendos satis latebrosi, cæterum latior undique patescit campus
 explicando equitatu opportunistis, nisi quod sinistrum latus Danubio claudatur.
 Sub eos tumulos robora virorum se condunt. Pauculi equites, pecorum
 gregem Polonis cursum intendentibus adversum agunt; jussi injecto
 certamine, cedendo, hostem insidiarum securum ad tumulos protrahere.
 Res e sententia cessit.

Etenim Poloni conspicati prædam, rarosque equites; feroces alioquin ea
 parte virium, avidi certaminis turmam invadunt, propelluntque, ac ad tumulos
 insequuntur. Turcæ, ubi id quod petierant, clausos, ac circumfusus suis copiis
 habuere hostes, accepto signo, ex insidiis prorumpunt, ac glandium procellam
 in-

a) Descriptio antiquæ, & novæ Pannoniæ. b) Id est oštava Oktobr. ut Historia Magni Leopoldi. E Lenchnichio septimam fuisse eruo. c) Parkanensium munitio eam subinde nata est bellorum fortunam, quam multæ urbes, & præsidia in Hungaria, id est suis tumultuata est rudibus; ut illud de Vejentium urbe Propertij carmen, apposite occini possit:

Nunc intra muros pastoris buccina lenti

cantat, & in vestris ossibus arva metunt.

Lib. VI.

in improvidos continenter spargunt. Ad eam tempestatem ut improvisam, ita A. C. multorum cæde cruentam, media acies in fugam vertitur; prima, quam Rex du- 1683. stavit, ægre prementium vim sustinuit, fluctuantibus jam signis, & multis reditum solícite circumspéctantibus. Tam prospero initio pugnae calentes Ottomaní, primam aciem circumdant, viaque fugiendi interclusa, ex omni parte ferocissime urgent. Rex perculsis omnibus, ipse satis, ut in re trepida, ac ultimo discrimine impavidus, turbatos ordines instruit, refrigerentem pugnam accendit; fugitivos retrahit; stare, & pugnare in hostem jubet, hortaturque: neque enim indecora fuga, sed vi, & virtute incolumes fore. Per Janicsarorum cuneos ferro viam quærendam; & quo timoris minus sit, eo minus periculi.

Cæterum inter cadentium, morientiumque dissonos clamores, nec consilium, nec imperium Regis accipi potuit: tantumque aberat, ut sua signa, atque ordinem, & locum nosceret miles, ut confusus vix ad arma prælio aptanda competeret animus. In ea omnium perturbatione haud procul a pernicië aberat Rex, quem Ducis, militisque partes strenue obeuntem, hastatus Turca ferociter aggressus, transverberaturus haud dubie videbatur, nisi Prætorianus miles periculum in tempore conspícatus, infesto venienti semet objiciens, ictum, & mortem pro Rege excepisset. Non levius alterum periculum fuit, pari felicitate, minori impendio depulsum. Prægrande ferrum alte sustulerat ferox, furentique similis Janicsarus, Regem uno vulnere confecturus. Accurrit illico gregarius, ferreaque fistula in pectus invadentis directâ, ac soluta, pium, fortemque Regem ab interitu servavit. A) Nimirum summi bellorum Duces in eum se promovent sæpe locum, aut in iis deprehenduntur angustiis, ubi Marti tantum in eos licet, ac fortunæ, quæ sacros Regum vertices perinde, atque infima gregariorum capita cruento petere acinace non horret. At bonis Superi curæ sunt illi, quibus Superi, Superumque causa cordi fuere; ne vita temere inter arma exuantur, ex qua miles suam vitam trahit. Regius Princeps ingruentibus telis, seu Patris jussu a Prætorianis in tutiorem locum abreptus, seu sua virtute per hostium stragem eluctatus, ubi Patrem circumventum vidit, raros in orbem pugnare, Turcas nudatis frameis rem gerere, anxie Lotharingi, suorumque opem imploravit. Dunewaldus, qui Regionum inclinatam aciem spectavit, de rerum statu Lotharingum celerrime edoctum admonet: ni perdita velit omnia, quamprimum auxilietur. Ille omnem equitatum sub primum fugæ tumultum, ita in campum promoverat, ut inter utrumque eorum tantum intervalli relinqueret, quo se Poloni recipere, atque absterfo terrore ordines recuperare possent; ipse ex utroque latere hostem impetiturus. Sed jam Prætoriani, Regis sui manifesto discrimine stimulati, Turcarum cuneo disjecto viam sibi elabendi aperuerant. Victores conspectis Germanorum ordinibus non ausi fugientibus instare; receptui cecinere. Lotharingus e re minime censuit, ut fociis perculsis, sine peditatu, victoria exultantes ad tumulos insidiis aptos invadat; sat prospere actum eo die cum Christianis existimans, quod Regem e mediis hostium integrum, incolumemque rediisse acceperit. Occisorum cadavera in arena jacuere duo facile millia, quos inter Pomerellæ Palatinus præcipitis consilii author, præter plurimos ordinum Ductores, ac Senatoriæ dignitatis viros.

Hac suorum jactura nimium dejecti Polonorum Proceres, collatis inter se sententiis Regem adeunt, orantque: *ut de reditu potius in patriam, quam de bello in Hungaria prosequendo cogitet. Ingravescere hyemem, hyemisque incommoda omni hoste acerbiora. Asperis, longinquisque itineribus legiones attritum iri, in quibus tamen Polonia salus versatur. Vienna libertati reddita, Pontifici, Cæsari, Christiano orbi satisfactum. Hac nullam fertiliorem gloriæ messem Polonis obventuram in Hungaria.* Minoribus præliis

A) Hæc mutuatus sum a Porta Ottomanica; neque, ut opinor, ingratis Lectorum, quibus & fortia facta, & præsentissima pericula Regis, quæ male de tanto Heroe intercederent, proderant animus erat.

A. C. *his militem bauriri. Timendum, ne amisso copiarum robore, anno inf-*
 1683. *quenti Poloniam proterant Turcæ, Tartarique. Patrios lares periclitari,*
dum in exteris regionibus arma peregrinantur. Hæc in speciem obtenden-
 tes, reapse infelix prælium urebat, in quod imperantibus similiores Regem
 pertraxere; pudebatque inter Germanos versari, ipso veluti aspectu hester-
 nam cladem exprobrantes. Rex dolore quidem alte perfossus, animo ta-
 men nihil inde demisso, re cum Lotharingo communicata, non obstitit
 modo factioni suorum Procerum, sed novo quoque prælio hostium vires
 tentandas duxit, modo utraque ex gente, una acies strueretur. Hac Re-
 gia magnanimitate erecti Poloni, occasionem reddendæ cladis alacres ac-
 cepere.

Ea hæud procul aberat. Nono Octobris decreta universim pugna,
 explicata acie, occinentibus tubis, ac tympanis præliarem in modum con-
 strepentibus, ad Parkanum propius successum est. Equitum Cæsareorum
 erant millia novem, peditum duobus fere pauciora, experti belli, plurium
 pugnarum homines, spes ipsa victoriæ. Dextræ alæ Badensis cum Gondo-
 la, & Mercy; sinistræ Dunewaldus cum Palffio, Taffio imperavit. Illam
 Danubius, hanc frequentiores tumuli tegebant. Peditatui Staremburgius,
 & Dux Croyus præfuere. Poloni terna agmina fecerunt. Primum Rex
 ipse tuebatur in sinistro; alterum in dextro cornu Jablonszkus regebat, Cæ-
 sareo equitatu intermixtum. Tertium in subitos casus, e consilio Lotha-
 ringi, reservatum. Hoc ordine lento gradu progressi, tertia ante meridiem
 hora Turcas in conspectu habuerunt. Erant illi etsi pro more gentis non
 maximo numero, majore tamen, quam creditum, animis etiam e Polono-
 rum strage auctiores. Duodeviginti pugnatorum millia fuisse captivi postea
 prodiderunt. A) Præerant his summo jure bini Prætores Aleppi, & Silistrie;
 & Budæ Præfectus Ibrahimi successor. Acie scite composita, ut intra teli ja-
 ctum constitere Christiani, dimicandi initium fecit Turcarum sinistra ala,
 feroci impetu in Jablonszkium inuenta. Accurrente Dunewaldo firmior jam
 equitatus, non gradum tenuit modo, sed invasores insigni clade retro egit.
 Sed non propterea pugnandi ardor resedit; imo ira, dedecoreque accensi fe-
 rociore redeunt, ac pulsi, pellentesque victoriam dubiam æquato diu Mar-
 te faciunt: donec Dunewaldus circuito tumulo, hostium latus incurrit.
 Tum fluctuare cœperunt Turcæ. A fronte validissima impressione nutan-
 tes, pugnaeque dubios urgent Poloni, ac demum adhortatione Jablonszkii,
 præeuntisque exemplo, maxima vi incumbentes fundunt, fugantque. Dex-
 trum Cæsareorum cornu celerius vicit. Primam, & mox continentem dis-
 plosionem fistularum, adeo non tulit leviter armatus Ottomanicus eques,
 ut versis continuo signis, fugam capefferit. Eo pavore correpti pedites,
 paulatim cessere, insequente Germano, ac fortissimos quosque, qui pugnam
 postremi ciebant, passim sternente; in apertam deinde fugam acti. Verum
 longe major a Polono est strages edita, per patentes campos inter perpetuas
 cædes grassante.

Qui ferrum evaserant, vicinum Parkanense præsidium, vallis, tor-
 mentis, numeroque milite munitum, ingenti cum tumultu, ac terrore
 petierunt, magno utique præsidiariorum malo, quos pari formidine, mox
 inevitabili strage involverunt. Nam ubi præsidiarii vident fugitivos, despe-
 rata loci defensione, per portam Danubio proximam, se se certatim ejicere,
 atque ad pontem festinare; & ipsi abjecta armorum cura, fugientibus im-
 pliciti, cursum præcipientes ad pontem intendunt. Hic enimvero multo
 maxima hominum, jumentorumque strages fuit. Quippe dum cæca festi-
 natione alii alios prævertere, omnesque fugientium Duces esse nituntur,
 adeo onerarunt pontem, ut per multitudinem prægravantem eo disrupto,
 pluri-

A) Imo Historia Magni Leopoldi ex iisdem innotuisse ait, quatuordecim Spahiorum, duodecim
 peditum millia pugnam inivisse, atque ex omni eo numero haud plura, quam terna millia
 evasisse; quod utique mirum commendat Fæderatorum virtutem. Lege modo, & illustri vi-
 ctoriæ applaudes.

plurimi in altum flumen effusi; atque ut erant plerique armis graves, & cur- A. C.
su exhausti, merſi fuerint. Hanc Turcarum trepidationem, atque pontis 1683.
ruinam ubi intellexit Lotharingus, Staremburgium cum quinque cohorti-
bus, & ſignis aliquot Polonorum, Dimachas item equo juſſos descendere
Badenſi Duce propere immittit, ut ex utroque latere revulſis Parkani ſepi-
mentis, præſidium, & ponti præſtructum aggerem invadant. Viſo aggre-
dientium apparatu, candido vexillo deditionem ſero obtulere oppidani. Ba-
denſis enim effracta una portarum, in medium forum infuſus, eodemque
tempore Poloni, vallis, partim foſſione ſubrutis, partim ſcalis tranſcendiſ, ir-
rumpentes, capita viarum armis occuparunt. Ad pontem, quo ſe ejece-
rant fugitivi, funera continuata ſunt. Multi in aquas ſe projicientes, depri-
mentibus armis mergebantur: neque alios peritia nandi morti eripuit, quin
deſtinatis e ripa iſtibus trajicerentur. Meliori fortuna uſus eſt Budæ Præ-
fectus, qui pernici equo inter primos elapſus, firmo tum adhuc ponte,
alteram ripam incolumis tenuit. A)

Ad rumorem capti præſidii aliis, aliisque advolantibus, tanto mili-
tum furore, ac cædis aviditate ſævitum eſt, quantum raro alias in ejusmo-
di excidiis, locorum Chriſtianos effuſiſſe legeris. Etenim Poloni memores
acceptæ cladiſ, in qua nemo non ſanguine junctum amiſſiſſet, aut charum
commilitonem, vel certe gentis ſuæ gloriam, privatum dolorem impoten-
ter ultum ibant, atque ut pluribus quaſi victimis placarent ſuorum Manes,
laxato iræ, furorique fræno, obvios promiſcue trucidabant. Octingenti
duntaxat, quos vallum defenderat, traditis armis, in deditionem accepti,
& Ducum interventu lanienæ ſubtracti. Poſt deviſtos hoſtes, ſpoliorum
cauſâ inter victores certamen exarſit, non niſi admoto legionum terrore ſo-
pitum. Poloni a Lotharingo præſidio impoſiti, jam prædæ magis, quam
ſanguinis cupiditate flagrabant. Cum ecce! conſpectis ſociorum capitibus,
quæ Turcæ more ſuo perendie magno numero palis præfixerant, novo per-
citi furore arma capiunt, ac conſumpta omni clementia, truces, implacabi-
lesque imbellem puerorum, atque mulierum turbam per domos obtruncant.
Mox facibus armati, toto oppido diſcurrentes, admoto domibus igne ſpar-
gunt incendia. Arſit cum oppido multa annonaria penus, pulvis pyrius,
omnis generis bellica ſupellex, ut adeo populatrix flamma nihil reliquerit Po-
lonis, præter ſævum victoriæ ſuæ monumentum. B)

Et ſane fœda, nec verbis æquanda illius loci calamitas erat. Ad ca-
put pontis omnia ſtrata cadaveribus viſebantur. Danubius ſanguine barba-
rorum pictus, cæſorum corporaolvebat. In præſidio armorum ſonitus,
clamor terrentium, aut paventium inter crepitantes flammas audiebatur.
Per fora, per vias crebra funera, ſanguinis rivi occurrebant. Funestam
tragœdiam mæſtis oculis e mænibus arcis ſpectarunt Strigonienses; quodve
dolorem auxit, circumventis ſociis adeſſe non poterant, ſequæ prælio, &
excidio Parkani jam victos haud ex vano augurabantur. Nam ex omni nu-
mero armatorum, non niſi terna millia abiſſe, e captivis eſt cognitum. Un-
de facile conjicies, multo majorem hic ſtragem accepiſſe Turcas, atque in
poſtrema dimicatione ad Viennam, qua pulſi potius, quam cæſi erant. Al-
tero die ſub Regio papilione, Deo ter optimo maximo, tam illuſtris victo-
riæ authori, grates redditæ tormentis, etiam captivis, quorum quinque,
& viginti fuere, adverſus Strigonium horrendo fragore exoneratis. Lotha-
ringus haud ignarus hoſtium metus, quando ex rebus ad Parkanum geſtis,
Vagi provinciis conſultum videbatur, exercitum in alteram ripam tranſduce-
re feſtinavit, aggreſſurus cum victore milite Strigonium. Plerique Ducto-
rum cum Cæſarei, tum Regii oppugnatione validiſſimæ arcis, oppidique
mænibus egregie firmi, ſuſpenſi; magis arduum aliquanto conſilium, quam

Imp. Ottom. Tom. II.

U

ut

- A) Prætozem Hierapoleos, captis adnumerat Porta Ottomanica. Hiſtoria magni Leopoldi prælio
interſuiſſe negat, Deſcriptio antiquæ, & novæ Pannoniæ affirmat Strigonium fugiſſe, arcis
que propugnandæ operam dediſſe. Deſcriptionis authori aſſentior ob pugnantium multitudi-
nem. B) Urbem ſtratam potius, quam incenſam, nobilius monumentum & clementiæ, & vi-
ſtoriæ eſſe, nemo negaverit.

A. C. ut exitum prospere fortiretur, existimarunt. *Namque, aiebant, Strigo-*
 1683. *nium frustra terra obsideri, cui commeatus, & subsidium per Danubium pa-*
teat. Navigia admodum pauca adesse, quorum occursum Turcarum classicula
arceri possit. Pontem Turcicum tormentis praesidii subiectum, nulli usui fu-
turum: novum vero, quo miles trajiciatur, in tanta vicinitate hostium extrue-
re, rem summi periculi. Certe inturbandum, aut cum clade Christiano-
rum excindendum. Jam etsi frænato flumine ab hostium injuriis tutus, inte-
gerque persistat, cogitandum inprimis, an virium abunde sit, quibus urbs,
& castellum claudi, Vezirii, cum non exiguo militum numero excubantis,
conatus retundi possint? praeterea hyemem propinquam, pabuli defectum,
minutas copias, minime aptum apertae obsidioni tempus, memorabant, sua-
debantque universi, ut quietem lasso militi concedat, cadente donec hyeme
validior ad pugnam, ad obsidium emittatur.

Factis potius Lotharingi, quam longa oratione Strigonii oppugna-
 tionem probarunt, Cæsarei maxime, qui omnia tribuebant ejus fortunæ.
 Etenim tantum pabuli paucos intra dies Quæstorum opera convectum est,
 ut equestribus legionibus, veluti in opimis hybernis, nihil rerum defuerit.
 Navalis pons Comaromio devectus, dimidia supra Strigonium leuca Danu-
 bio impositus, ac in aditu adversus hostium incursiones, omni telorum ge-
 nere operose munitus, tutum ultro, citroque commeandi iter militi dedit.
 Sexta, & decima Octobris, exercitu in alteram ripam deducto, Turcæ subur-
 bia, montisque Divi Thomæ ædificia flammis corrumpunt. A) Eodem die
 transfuga quidam, gente Rascianus, prodidit: in urbe omnia metu torpe-
 re; exercitum Vezirii e quindecim Bassarum copiis conflatum, recepisse se
 ultra Budensem agrum; Janicsaros tumultuari; Budam arma Confœdera-
 torum expavescere. Hæc transfuga, gratâ nempe, & accepta militi enar-
 ravit, quo facilius matri, fratrique suo in urbe hostili degentibus vitam, &
 fortunas a victore impetraret. At per exploratores cognitum fuit: Vezi-
 rium quidem abiisse, fieri tamen aliqua castra spatio sex leucarum Strigonio.
 Unde Poloni ad custodiam alterius ripæ remissi. Divisis inter Duces, mili-
 tesque ex Lotharingi partitione muneribus, simul Staremburgius Aqua-
 riam urbem muralibus tormentis, per tenuem Danubii ramum quatere;
 simul Cæsarei e monte Divi Thomæ arcem; Bavari Budensem portam infe-
 stare occipiunt; simul Mercyus cum quater mille levioris armaturæ equiti-
 bus ad speculandum hostes; equitatus reliquus multiplici statione vias Stri-
 gonium ferentes, occupandas festinare jussus; admonitis Præfectis, ut assi-
 duo turmas aliquot expeditas habeant adversus eos, qui auxilio adfuturi ob-
 sessis ferebantur. Staremburgius post acrem verberationem murorum, ag-
 gressionem adornat, non tam spe arcis potiundæ ea ex parte, quam redu-
 cendi in potestatem Danubii, ne quid subsidii adverso flumine præsidarii
 acciperent. Vigesima quinta Octobris Staremburgiani, pars per ruinas adi-
 tum in urbem rimati, pars admotis scalis in muros connitentes, difficilio-
 rem, ac crediderant, oppugnationem experti sunt.

Nam præsidarii æstu gloriæ accensi (res etenim in conspectu arcis
 agebatur) non uno in loco commissa pugna, insigni fortitudine aggredien-
 tium vim sustinere. Animos addebat clamor commilitonum adhortan-
 tium, crebrique tormentorum ictus; tum vicinitas arcis, quo se amissa
 urbe recipere possent. Fama est mulieres supra sexum suum ferociiores,
 defensorum manipulis fuisse immixtas, ac militari cultu armatas, nullum la-
 borem defendendæ urbis, nullum telorum genus reformidantes, muros ad-
 versus invasores manu strenue defendisse. Certe inter cæsorum cadavera,
 vulneribus adverso pectore acceptis, repertas fuisse aliquot, victores postea
 retulere; mirantes earundem robur, & ferociam, plane ut fuisse mulieres;
 non nisi post mortem agnitæ fuerint. Sed Staremburgii solertia, nunc in-
 tegros sauciis submittentis, nunc pluribus locis muros invadentis, hanc fe-
 rociam

A) Nempe Regiam urbem. Aquariam enim ad defensionem comparatam, cur incendio delevissent?
 non video.

rociam postremum fregit. Defensoribus partim cæsis, partim in arcem A. C. compulsis, duodeviginti tormenta, multum pulveris pyrii victoribus obve- 1683. nerunt. Capto oppido arx ipsa biduo post deditionem obtulit, insolita gratulatione Ducum, quos oppugnationis difficultas magnopere terrebat. Sed ut primum manus admotæ operi, animadversum est, omnia opinione facilius processura. Pilis ignivomis e monte Thomæo in arcem diu, noctuque injectis, plurimum stragis hominibus, tectisque illatum. Bidui jaculatione ad portam Budensem vasto hiatu muri procubuerunt: tormentorum hostilium sedes inutiles redditæ; turres magnam partem decussæ, ut adeo Bavari sub primas tenebras in mænium ruinis, Cæsarei in fossa semet contra eruptiones Turcarum obmunirent. Cuniculorum industriam etsi prima fronte vincerent crebriora saxa, quibus ager ille abundat, tamen quod Lotharingus prosperum successum in una celeritate positum haberet, ne vel auxilia obsidium turbarent, vel Poloni moræ impatientes discederent, suis consiliis, præsentiaque tantum apud fossores potuit, ut binos cuniculos evacuaverint, ultimum arcis fatum allaturos.

His intellectis Poloniae Rex per Turcam captivum Gubernatorem admonet: spem omnem suppeticarum deponeret, Vezirium suæ fortunæ memorem, Christianorum metu ad Belgradum hæere, neque Janicsaros seditione turbidos Strigonii causa advolaturos. Arcem mænibus nudatam una impressione captum iri; præsidarios, nisi matura deditione malum prævertat, eandem, quam Parkanenses experti sunt, habituros fortunam. Motus tam aperta denunciatione Præfectus, cessationem armorum unius diei postulavit, quo super hoc negotio cum suis deliberaret. Ea simpliciter negata, ut sine jactura militum deditio extorqueretur, omnibus machinis arx impetitur quatuor, & viginti horis. Post igneam tempestatem candido signo sublato, deditionem propere se facturum pollicetur; modo præsidario conditiones decoræ, sibi testimonium amplum daretur, in defendenda arce nihil se prætermisisse. Lotharingus lætus paucorum dierum impendio, nulla prope jactura suorum, nobile præsidium expugnatum, mitiores multo conditiones Gubernatori vicesima septima Octobris edixit: *præsidarii armis induti, explicatis signis, sonantibus tympanis, cum uxoribus, liberis arce excedant; res eorum, uti & annona duorum dierum curribus Cæsareorum ad ripam Danubii debebantur. Navigia Cæsarei præstabunt, remiges Turcæ; liberaque navigatione utentur, dum omnia sua Budam deportent. Machinæ castrenses, penus pulveraria, annona, Christiani captivi, bona fide tradantur: cuniculi sine dolo detegantur. A)*

Postridie septingenti b) armati cum oppidanis, a Cæsareis ad Danubium deducti, ac grandioris formæ navigiis impositi Budam defluxere. Prætor Aleppi, sive Hierapolitanus cum Nicopoleos Gubernatore, qui a prælio Parkanensi Strigonii salutem quæiverunt, & arcis Præfectus, equitumque turma Budam terra profecti, ne a Polonis in itinere contrucidarentur, comitivæ Germanorum debuerunt. Repertæ sunt majores, minoresve machinæ quinquaginta, in sex, pluresve menses res cibaria; denique viginti quinque matres familias cum parvis liberis, e teterrimo carcere in libertatem assertæ. In marmoreo veteri sacello præsentē Rege, decantato solenni gratiarum carmine, arcis præfecturam accepit Carlovizius Starembergianæ legionis Structor, vetus, fidusque miles. Nuncium victoriæ ad Leopoldum Cæsarem Comes Auerpergius detulit; ad reliquos Principes publica fama; maxima Lotharingi commendatione, quod tantam arcem non nisi tridui oppugnatione, adversus omnium fere sententiam suscepta, sine multo sanguine Regi, religionique reddiderit, postquam pluribus annis sub iugo Ottomanorum genuit. c) Imposito præsidio mille Germanis, & quinquaginta

Imp. Ottom. Tom. II.

U 2

equiti-

A) Ita Descriptio antiquæ, & novæ Pannoniæ. B) Porta Ottomanica numerum præsidiariorum suggerit, superadditque septingentis, mille trecentum. C) Anno 1605. Strigonium a Turcis subactum. Vide Tom. I. pag. 283.

A. C. equitibus Hungaris, ac novis munitionibus machinatorum ingenio, ¹⁶⁸³. tharingi iudicio fundatis, in hyberna discessum est.

Poloni partim in patria, partim in superiori Hungaria habituri stativa, quinta Novembris conclamatis vasis Parkano moverunt, comitante Henrico Dunewaldo cum quatuor legionibus Cæsareorum. Non segne illorum iter fuit. Multa oppida admoto armorum terrore, Tòkòlio, & Turcis erepta. Cassovia Tòkòlianæ factioni innutrita urbs, munimentis, milite firmata, sæviante præterea frigore ab aggressione tuta, iras in hyberna properantium risit. At Szécsenium a) Ottomanorum præsidio, vallis, sudium duplici sepimento, & castello ferox, quoniam Polonos inter, & Cæsareos commercium præcideret, decrevit Rex Cæsari asserere. Turcæ non tam numero, quam ira in Polonos animati, non dubitarunt locum adversus arma sat validum propugnare; rati insuper omnem moram gravem fore festinantibus, nec processuram oppugnationem, tempore jamjam in hyemem declinante. Atque, ut sui aliquod specimen præberent, egressi pedites, equitesque, subitariam pugnam posituris castra inferunt, reiectique in oppidum, aliquot domos defensionis noxias incendunt. Fumo late diffuso Cosaccorum equitatus sine prælio, sine sanguine ad portas succedit, præstructum oppido vallum excisis sudibus obtinet, præsidariosque in castellum retrudit. Externis munitionibus improvise exuti, cum aggressionem molirentur Poloni, deditiois signum sustollunt, seque Regis clementiæ tradunt, enixe orantes, ut salva libertate ad suos emittantur. Liberalitate Regia concessum est, ut egrederentur cum armis, impedimentisque quingenti equites, & tercentum pedites (tot enim in præsidio erant) quos Dunewaldiani Budam comitati sunt. Abeuntibus Turcis, Cæsareus miles occupavit Szécsenium. His rebus confectis, suisque in hyberna collocatis, b) Rex vicesima tertia Decembris, triumphantis in modum Cracoviam intravit, Jacobo filio, & primariis militum Ductoribus stipatus; maxima civium e regno toto affluentium gratulatione. Ita finit Joannis Sobieskii, Polonorum Regis Austriaca expeditio, ipsi, genti, orbi Christiano non minus utilis, quam gloriosa. c)

Cæterum, ut & hoc addamus, Regem alibi circumferente arma, Andreas Potocius, sive Potoczkius, Cracoviæ Castellanus, in Podolia rem adversus Ottomanos feliciter gessit. Expugnatis, direptisque minoris nominis hostium præsidiis, Camenecenses, & Tartaros ausos aperto in campo metari, uno prælio cæcidit. Spe præterea, famaue auctus Moldavorum a Turcis dissidentium, expeditionem in Moldaviam adornat, trahensque aliquot millia pugnatorum Jassium, regionis caput, infestus aggreditur. Qui Principis vices obibat, sponte deditioe facta, præsidium Polonorum in urbem accepit. Relictis in Moldavia Cosaccorum signis, victor Potocius in Poloniam redit. Istorum Dux Kunicius, cum fidei Valachorum trans fluvium Pruthum d) pervigil stationem tenuit. Tricesima Decembris a Turcis,

a) Lengnichius meminit in sua Historia hujus oppidi deditioe capti; at corrupto vocabulo. b) Timonianæ Epitomes Chronologicæ Continuator cum Historia Magni Leopoldi ait: Polonos cum Rege suo in patriam abiisse hybernatum. In Lengnichio, Porta Ottomanica, Descriptio antiquæ, & novæ Pannon. item epistola Tòkòliana suo loco recitanda reperi, partem Polonorum in Hungaria cepisse stativa. Procul dubio tredecim oppida juris Polonici, præsidia accepisse, res ipsa docet. c) Lubens adiicio, quod lego apud Sandinum in vitis Pontif. Sec. XVII. „Innocentius XI. inquit, Principes summos Fæderatos contra Turcas, & periculosissimum sustinentes bellum adjuvit pecunia, & fuis præsertim ad Deum precibus. Hinc Poloni Cameneciam receperunt, Veneti Peloponnesum, Cæsar non solum ab sede sua, Viennæ obsidione soluta, imminens periculum propulsavit, sed etiam Hungaria pene tota potitus est, ingenti Turcarum exercitu magna strage cæso, fugatoque. Tantam victoriam secundum Deum Virgini Deiparæ protegenti, sospitantique Christianum populum acceptam referens Innocentius, stata die sanctissimo Mariæ nomini consecrata præcepit, ut quotannis beneficii tam insignis memoria ab Ecclesia universa recoleretur; ac Joanni Poloniæ Regi, cuius præsertim virtute egregia, peracta res tanta est, Ensem misit, & Galerum munus Imperatoris clari meritis in rem Christianam. „ d) Pruthum, olim Hierasum appellatum, Moldaviæ fluvium esse veteris Geographiæ peritis notum est. Sed planissime falsum, Jassium Valachia urbem esse: quo errore lapsus est Lengnichius, nisi Scriptoris vitio Valachiam pro Moldavia, cujus Jassium urbs est, positam, atque ita mendum irrepsisse velis.

cis, quibus se adjunxerant Tartari, repentina aggressione statio tentatur. A. C. Pugna committitur paribus animis, sed impari numero Cosacco. 1683. rum; & quidem eo die utraque pars sibi victoriam attribuit. Postridie conferto iterum prælio, pro statione decertant. Cosacci impares multitudini, versa in hostem facie, plenisque ordinibus, quantum locorum angustiae patiebantur, pedetentim recedunt. Moldavi sociorum recessu exterriti, fuga sibi certatim consulunt, sparsoque terrore, Cosaccos, strenue eatenus pugnantes, una abripiunt. Amisissis impedimentis, ad Jassium trepidi primum conveniunt Cosacci, deinde in Ukrainam per hyemem vires reparaturi abeunt. Quid isti, quid Poloni, insequentibus annis in campo Ottomanici Martis patrarint? temporum magis, quam rerum rationem hic ego secutus, post Hungaricum, Venetumque bellum candida narratione commemorabo.

Mahometes Imperator post Parkanensem prælium, & amissum Strigonium, successu præsentium perculsus, & futurorum metu anxius, ad reparandas vires, bellumque renovandum, præter morem suum, animum intendit. Evocato Purpuratorum bellico senatu Adrianopolim, de statu Imperii Ottomanici pluribus disseruit, confecitque: *quoniam Confœderati Christiani in dies potentia, famaue crescerent; in Hungaria ejecto Turcarum milite multis arcibus, præfidiis potirentur; ipsi clade non una multati viribus imminuerentur, ad avertendas in posterum calamitates, sibi in mentem venisse, aut pacem a victoribus petendam, aut melioribus auspiciis, majorique conatu bellum apparandum. At prævidere se, nihil æqui, nihil tanti Imperii Domino perferendum, a superbis, suaque fortuna ebriis impetratum iri. Budam, victoriarum additamentum, haud dubie repetituros; quam si cedamus, aiebat, quaestiosa imperii præfectura pacem redimemus, infelicissimo bello longe deteriorem. Quare armis, quod unum fortibus viris concessum est, nos, conjuges, liberos, fortunasque nostras tueamur, ne desidia nostra magis incitatos victorum exercitus ad Budam, Belgradum, tum in Bulgaria, Thracia impune volitare conspiciamus. Sunt nobis amplissimæ provinciae plurimis annis bello intactæ, armis, equis, viris opulentæ. Ex his, modo delectus hac hyeme fiant, vosque alacres operam accomodetis vestram, pristina fortuna facile reparari potest.*

Hac Imperatoris oratione sive confirmatis eorum animis, sive imperium magis, quam consilium sequentibus, omnibus provinciis arma festinant. Severissima mandata ad Præfectos Europæos, ac Asiaticos illico sunt missa, ut militem undique contrahant, novis delectibus legiones augeant; largiori stipendio, minis, terrore, non juvenes modo, sed seniores quoque, quibus aliquid roboris superesset, in sua verba juratos centurient. Caimacani Constantinopoleos mandatum, navales fabros ædificandi navigia, gubernandi juxta peritos e Peloponneso, Creta, Rhodo, aliisque maritimis locis arcessat; reparandæ classi primas curas impendat, sexaginta naves partim onerarias, partim bellicas e materia in portum Byzantinum convecta, fabricari imperet. Crediderim hunc apparatus navalem magis Veneti belli causa, cujus jam semina jacta erant, quam Hungarici sollicitatum fuisse. Cum præterea multa tormenta, machinæ obsidionales, pilæ, pulveris pyrii dolia, quæve miles gestare solet, arma, hoc anno perdita fuerint, armandis navigiis, & legionibus vis maxima id genus telorum comparata est. Infamæ molis tormenta, quibus olim Byzantium, Belgradum, Bagdatum succubere, in hodierni usus modulum conflata.

Sed non perinde miles ad signa confluit, infelicem militiam aspernatus, Janicsaris præsentis belli incommoda nimium augmentibus. Redierant ex istis multi Byzantium, in Asiam trajecturi, alii Adrianopolim, alii in alia loca; utque erant male animati in Kara-Mustapham Vezirium, clade in immensum aucta, tanquam imperitum armorum, in circulis traducebant, neque felicius res Turcicas habituras, nisi malorum origo exscindatur, liberimo ore commemorabant. Neces deinde tot Præfectorum, hujus crudeli imperio in Hungaria perpetratas, querelarum plena narratione vulgarunt,

A. C. testati: plus detrimenti Imperio illatum, fortissimis juxta, ac peritissimis 1683. Bassis sublati, quam ad Viennam a Christianis. Hujusmodi sermones, multos a militia deterruerunt, & non apud cives modo, verum etiam Purpuratos immane odium, atque invidiam confluxerunt homini. Per eosdem dies iussu Vezirii strangulato Strigonii Gubernatore cum aliquot Præfectis, properatæ deditiois reis, odium sui ipse cumulavit, suumque fatum ignarus acceleravit. A) Namque Janicsari arrepta hac qualicunque occasione tumultuandi, veteres cantilenas recinunt, Vezirium ad necem ab Imperatore minaciter deposcunt. Oleum flammæ affuderunt Tókólius, & soror Imperatoris, morte Ibrahim, mariti sui, multum exasperata. Ille frustratæ expeditionis culpam, Vezirii pertinaciæ, palmarique inscitiae attribuit. Hæc mota veluti mente, viri fatum assiduo quæstus, ad ultionem ejulatu, ac precibus stimulavit Mahometem. Et jam is metu crescentis periculi (plures enim armis correptis per Adrianopolim volitarunt, nullo certo Duce, nec satis certo consilio, in quos iram effunderent) commotus, ad extremum sententiam mortis tulit in Vezirium: ratus insuper hac publici odii victima multorum gratiæ se litaturum; & cum alio Duce bonam fortunam reddituram. Allegatur Aga Janicsarorum cum duobus Bassis Belgradum, ubi aulam vitabundus id temporis, velut vacatione sibi indicta, se continuit. Bassæ a magno Imperatore se missos professi, habereque mandata, quæ remotis arbitris exhibere deberent, cum Vezirio in ipsius ædibus consultant, trahuntque data opera consultationem, dum Aga omnes aditus domus, viarumque armatis interciperet.

Ad eum tumultum perterritus Vezirius rogat, ecquid sibi armorum sonitus in amica urbe vellet? tum unus Bassarum vultu minax: *figillum* inquit *Imperii magno Imperatori redde*. Ea denunciatione magis perculsus, armatosque circum se conspiciens, sigillo tradito reponit: *semagni Domini fidum famulum, mancipiumque semper vixisse, & nunc quidquid demum decretum, prompto animo exhausturum*. Haud perinde, ac dixit, feralem zonam accepit. Rudi vociferatione, inconditis quæstibus sortem suam detestatus, pauculas, quæ se ad mortem compararet, horas expetiit. Suffocato B) caput avulsam, & Imperatori Adrianopolim delatum; inde rursus Belgradum remissum, honorificeque cum corpore conditum in Moschea, quam suis impensis erexit. Ajunt Historici caput hujus Vezirii capto C) per Christianos Belgrado, Viennam missum, atque in urbis armamentario spectantibus exhiberi. Famuli in vincula projecti, immensas Heri sui opes prodiderunt. Duodeni milliones in fiscum redacti.

Rarus, qui deploraret viri exitum, multitudine funerum, ac malorum præsentia, quibus Imperium Turcicum sua imprudentia maxime unus involvit, omnem miserationem obruente. E vili admodum stirpe ortus (nam pater ejus emptis, venditisque in Asia fructibus victitavit) adeo se opibus juxta, & honoribus firmatum vidit, ut nulli secundus in aula Byzantina fuerit. Primis pueritiæ annis in aulam senioris Kiuperlis D) translatus, ingenium suum ad mores Domini rara felicitate finxit. Processu temporis omnium arcanorum conscius, & transactor, ut primus erat in amoribus Vezirii, ea tempestate apud Imperatorem dominantis, ita officiis, benevolentia in Purpuratos, omnium oculos, animosque rapuit. Et gratum erat Kiuperli ingenium adolescentis, militare, & urbanarum rerum capax,

A) Ignoravit Kara-Mustapha, quæ eleganter Seneca:

Violenta nemo imperia continuit diu:
Moderata durant: quoque fortuna altius
Evexit, ac levavit humanas opes,
Hoc se magis suppressere felicem decet:
Variosque casus tremere, metuentem Deos
Nimium faventes. Troade A. II.

a) VIII. Calen. Januarii, seu XXV. Decembris strangulatum fuisse, authorem habeo Brientium. c) Nempe 1688. d) De hoc Kiuperle, ejusque filio multa dedimus supra.

pax, quod hujus æmulatione, filii sui mores veluti ad cotem perpolire possent. Neque hæc ei gratia fraudi aliquando fuit apud filium, vel aulicos, quos, ut erat indole facili, & translatitia, mira dexteritate sibi devicit. Immo a morte senioris Kiuperlis apud filium jam Vezirium, eadem gratia semper floruit, & ut POTENTIA facilius crescit, quam incipiat, dignitatibus longe anteivit. Nam & præfectura classis, & Caimacanis munere aliquot annis est functus, maxima civium approbatione. Inter sagacissimos, felicissimosque aulae Constantinopolitanæ ministros numerandus, nisi eum fortuna altius provexisset. Postea enim quæ perpetraverat, incertum habeo, pudeat magis, an pigeat differere.

Successor datus Kiuperli juniore, supremam armorum præfecturam septennio, & impotenter, & plerumque minus prospere administravit; prodiditque primum in hoc dignitatis gradu, maxima vitia virtutum specie in ignobili animo diu latuisse. Bella partim ambitione, partim avaritia impulsus, Christianis Principibus prius intulit, quam indixit. Nec dubitavit foederum religionem violare, quo indomitas suas cupiditates expleret. Consilii sui tenacissimus, multa temere, multa imperite militiæ egit. In schola Kiuperliana multum exercitus, & a diuturna rerum experientia suspicax, aucupandæ Principis gratiæ, parandæ dominationi unice intentus, quid quid in hanc rem facere posse existimavit, omni æquo, rectoque posthabito, strenuus exprompsit. Unde clarissimos viros interimi iussit, quos vel æmulos dignitatis, vel gratiæ autumabat. Sed tandem ipse tot funerum victima cecidit, quive & civium, & hostium sanguine, urbes, & campos asperxit, sanguine suo lares domesticos foedavit, gestiente populo: POTENTIAM multo scelere quæsitam haud esse diuturnam. Reliquit duos filios expeditionis Viennensis comites, quibus in fuga inter lachrymas, sui fati prælagus, dixerat; se fortunas, & vitam amissurum; prælagitionem eventumox secuto. Memoriae proditum est; moriturum conscientia scelerum exagitatum, ac palam fassum: merito se hæc perpeti, qui violata foederum sanctitate, tot millia inermium, impuberumque neci dederit. Ex amplissimis opibus, novi Vezirii liberalitas, quo vitam sustentent filii, tenues agellos cessit.

Erat is Kara-Ibrahimus, gesta Caimacanis præfectura clarus, pace, quam bello melior. Nec Purpurati, nec milites probabant Vezirii munus in hunc esse collatum eo tempore, quo Christiani Confœderati virtute Ducum, militum robore, & super hæc victoriis reportatis animati, terra, marique bellum moliebantur; NON ignari tanti fieri universum exercitum, quanti Ducem. Imperator, ne quid minus recte egisse argueretur, Ibrahimum a) loco quidem non moverat, sed Vezirii dignitatem ita partitus est, ut in Saitanem Ibrahimum, Mesopotamiæ Prætozem, ætatis flore, ac nobilitate generis (nam Imperatorem propinqua cognatione attingebat) præferocem, bella pro arbitrio in Hungaria administrandi, præsidia exstruendi, Præfectos legendi, exauthorandique transtulerit potestatem; ut adeo Saitanes Seraskerius, b) sive supremus copiarum Præfectus per Hungariam fuerit, relictis penes Kara-Ibrahimum reliquis muniis Vezirii. Ea partitione regiminis, etsi Kara-Ibrahimus animadverteret, neque Imperio Ottomanico consultum, neque suæ authoritati; quod apud Turcas hac calamitosa tempestate aliquin ægre parentes, multum existimationis sibi decerptum foret, tamen quia in socium omnis tempestas moveretur, si belli alea sinistra caderet, silentio transmisit imminutionem suæ dignitatis. Neque Saitanes tantam nominis famam, virtutemque collegerat, ut ejus ductu, imperioque victoriam sibi polliceri miles auderet. Sed IN DUCUM penuria, ac rerum trepidatione, quis quis audet, facile se Ducem multitudini præbet. Supererant aliquot

a) Descriptio antiquæ, & novæ Pannoniæ Solymanum stabuli Imperatorii Præfectum renunciarum Vezirium memorat. Plures Historici Ibrahimum. b) Vox hæc Serasker militaris dignitatis, non familiæ est, c Perfico, Arabicoque vocabulis composita: prius Ser caput, posterius Asker exercitum notat, ut adeo Serasker idem sit Ottomanis, quod Latinis summus exercitus Præfectus. Ita apud Ricautium Orientalium Linguarum peritissimus D. Pespier.

A. C. aliquot præfecturæ Gubernatorum vacuæ. Eas Mahometes delibato Purpuratorum flore, iisdem diebus perquam liberaliter distribuit. Hassanem Caimacanis muneri admovit; Mustapham e Lusitania oriundum, multæ eruditionis virum, Imperii Cancellarium, seu scriniorum, epistolarumque aulæ magistrum nominavit. Functus erat jam isthoc munere, non minori æstimatione sui, quam Imperii emolumento, sed invidia Kara-Mustaphæ, quod in senatu hujus designationes acrius, quam cautius impugnarit, exauthoratus, privatus Constantinopoli agebat, otii cupidior, quam curarum. Janicsariorum Agam Aleppo, simulque universo peditatui præfecit. Mussaipi, genero suo, maris præfecturam cum classis imperio attribuit. Distributis hunc in modum nobilioribus præfecturis, unum ordinandæ militiæ præcipuum momentum angebat Imperatorem, quo plurium querelis obnoxium, eo timidiore manu omnino tractandum.

Ærarium pro tantis, quæ premebant, rebus erat multo tenuius. Ad Viennam magna vis pecuniarum, stipendiis copiarum destinata, periit; acto propterea in furcam Quæstore a) Imperatorio, quod imminente prælio, in tutiora Hungariæ loca, uti licebat, eam neglexerit præmittere. Sed non ideo immensum damnum refarciebatur. Vezirii Kara-Mustaphæ divitias, etsi ultra privatæ fortunæ modum lautiores, partim classis, partim Purpuratorum avaritia absorpsit, certatim convolantium veluti ad fontem, quem multis partibus imminuant, propeque exhauriant. Populus tot casibus sinistris, tributisque æger, exiguam spem fecit ærarium augendi. Tantæ rei argentariæ angustiae, armorum molitiones magnopere conturbabant. Imperator omnes artes ærarii supplendi sedulo rimatus, ut est ingeniosa, & audax necessitas, huc delapsus est, ut decreverit, militum possessiones, qui hoc postremo bello occubuerunt, sine discrimine fisco suo addicere, ac sub hasta vendere. Neque diu moratus, confecto hac super re edicto, & festinatis nunciis in Asiam misso, cæsorum domos, domesticamque supellectilem per suos occupare cœpit. Adrianopoli, Byzantii, inque vicinis oppidis, ubi amplioris lucri spes erat, quod multi nobilium diverso mortis genere interierint, ut primum edictum promulgatum est, continuo satellites in fundos involant, arcas, ipsasque domos pullis viduis, atque liberis, annulo Imperatorio signant. Inusitata eatenus ratio corrivandi pecunias in Ottomano Imperio, dici non potest, quantas turbas, præsertim in Asia concitarit. Timarotæ, b) flos equitatus Asiatici, quorum multi possessiones in liberos suos, aut sanguine junctos jus transferendi obtinuerunt, quive agris comparatis & ligonem, & ferrum tractarunt, cum Spahiis, ac peditibus usque adeo conjunctis animis repugnarunt, ut trucidatis, qui edictum aut proponebant, aut exequi contendebant, civilis belli luculenta indicia ediderint. ACERRIMUM rebellionis telum est jactura fortunarum; quæ singulis imminet, omnes terret.

In Europa plus querimoniarum, quam tumultus fuit, edicto moderatione temperato, mox extincto. Mahometes enim expilatis opulentiorum civium arcis, perceptaque Asiæ seditione, e re fore minime arbitratus, subditorum animos ultra irritare, odiosam quæstionem abruptit. Quin imo ut cœptos tumultus sopiret, ac ad militiam amplectendam calcar adderet Asiaticis, non abrogavit modo edictum, vix ullo emolumento ærarii, maxima sui invidia in Timarotas latum, sed etiam Imperatoria fide spondit, omni tributo liberos fore Timarotas, quoad vixerint, eorumque filios in hæreditatem successuros. Cæteris militibus stipendia ampliora; universis, quos aut gravior ætas, aut vulnera castrorum laboribus inutiles facerent,

non

a) Ærarii curator, Præfectus, qui in castris stipendia militi persolvebat. Habent nempe Turcæ præter Urbanos Quæstores, Provinciales ad normam Romanæ Reipub. quæ belli Imperatoribus hujusmodi Quæstores addere est solita. Res trita, & vulgata. b) Haud sum ignarus, Timarotas possessiones accepisse ab Imperatoribus (uti olim Romani, & Græci) quæ iis vita functis rursum in fiscum redactæ sunt. Unde Timarotæ, seu Beneficiarii appellantur a Græca voce Timarion, ut vult Lazarus Soranzius Patricius Venetus. At & illud non ignoro, multos facinoribus militiæ patris, in posteros suos hujusmodi fundos transcribendi jus obtrivisse. Horum maxime causa tumultuatum.

non solum remotam a præliis stationem, ubi curarum vacui reliquum æta-
tis possent agere, sed præsens quoque subsidium, & annuos fructus solven-
dos pollicebatur, parum sollicitus, quo ex fonte tantum æris haurirent Quæ-
stores. Hæc Imperatorii animi erga militarem ordinem propensio, ac cu-
ra, omnibus provinciis numerum militiam ambientium auxit. Sed Janicsa-
rorum legiones multis præliis, viarum difficultatibus, morbis attenuatæ,
solito minorem numerum faciebant, tantoque diligentius sollicitando isto-
rum delectui, curas omnes intendebat Imperator, quanto magis experien-
tia didicerat, hoc genus militiæ plurimum spei suis adferre, hostibus terro-
ris. Militares domus, seu seminaria, in quibus hujus ordinis tyrones, disci-
plinam bellicam condiscere solebant suis sub magistris, paucos admodum nu-
merarunt alumnos, quod plerique veteranis copiis necessitate ultima urgen-
te immixti jam essent. Igitur missis in provincias, experti inter arma robo-
ris Præfectis, præter morem superiorum annorum, delectus Janicsarorum
institutus est, translatis in hanc militiam, quos ætas, vires corporis oneri-
bus ferendis pares fecerunt.

Adolescentes præterea toto Imperio conquisiti, Constantinopolim,
Belgradum, aliaque in loca deportati sunt, militaribus præceptis ex more
informandi, ut & ipsi in spem bellicæ virtutis succrescant, & veterum bel-
latorum manipulis accensi, Janicsarorum fortia opera æmulentur. Decimus
quisque Græcorum portandis armis, castrorumque tædiis non impar, mi-
litiam sequi compellebatur; reliquorum tum Turcarum, tum Græcorum
in omni provincia numerus initus, qui adversus ultimos Reipub. casus
patriam tueri possent. Denique ad Superum iras expiandas, preces, suppli-
cationes ubique indictæ sunt. Addidit Mustius gravissimas literas ad omne
genus Sacerdotum, quibus hortabatur, ut populum pro sua autoritate
Ottomanicæ pietatis admoneant, ad defendendas aras, & focos incensis di-
ctionibus inflamment. Successu non caruit Imperatoris, ministrorumque
pervigil industria. Præter classẽ robore, numeroque navium præstantem,
annonam, machinas bellicas terra, & mari subvectas, novus exercitus octo-
ginta millium armatorum coactus fuit.

Non minor cura Tòkòlium habuit, res suas sive pace, sive armis
provehendi. Post geminam cladem, ultra Vagum fluvium regressus, &
suæ, & Turcarum fortunæ metuens, militem quietum in castris continuit.
Sub dimidium Octobris Comitem Homonaium A) ad Regem Poloniæ able-
gat, pacis negotium sub manu tractaturum. In principio spes boni even-
tus illico præfocata est, quod Tòkòlius superbis conditionibus prolatis, ni-
hil oraret, multa Regia majestate indecora, juribus Hungariæ damnosa fla-
gitaret. Lotharingus præterea, ad quem postulata rejecta sunt, Martia
libertate reponeret: *Regem haud decere cum subdito conditionibus agere.*
Si ex animo cupiat gratiam, dimissis legionibus, repudiato Turcarum fæde-
re dedat se, fortunasque clementiæ Regis; ac ferrum cum Regiis in Otto-
manos vertat. Sed non is erat Tòkòlius, ut suorum exarmatus præsidio,
ad alienum arbitrium vastissima sua consilia flecteret, rogare nondum assue-
tus. Strigonio perduto nonnihil modestior, rursus suos ad Polonum dimit-
tit jam supplices: immortalis suæ gloriæ postremum, ac pulcherrimum tro-
phæum adderet; operam suam componendæ discordiæ accomodaret, &
gentem Hungarorum malis suis quotidie confligentem pristinae felicitati,
splendori, tranquillitati, tot cædibus, incendiis, everfionibus urbium
frustra quæsitæ, redderet. Rex seu existimaverit reconciliato Tòkòlio, non
modicas vires Confœderatis accessuras, seu decorum putarit, se arbitro
aliena pacari, quinta Novembris suo sub papilione Polonorum, & Germa-
norum Procerum concilium habet.

In eo Legati sincerum sui Domini pacis studium exponentes, postu-
lata, ut ne quid excideret, e scripto recitant. *Tòkòlium desertis Ottoma-*

Imp. Ottom. Tom. II.

X

norum

A) Sigismundum Homonai de Drugeth. Amplexus est ille cum suorum manu Regias partes anno
insequenti; unde Drugethiani fundi, dirum in modum evastati per Tòkòlianos.

A. C. norum partibus, Regis castra bona fide secuturum, modo præteritorum
 1683. æterna oblivio, turbarumque venia sibi, suisque tribuatur. Libertas omnium
 Ordinum in integrum restituatur, atque in publicis Regni comitiis immuni-
 tates ab Rege Leopoldo edito decreto firmentur. Bonorum possessiones e
 fisco Regio, si quæ ablatae, reddantur. Tredecim provinciæ A) superioris
 Hungariæ, tum quidquid agri Granum inter, & Vagum fluvios interjacet,
 cum Principis insignibus Tòkòlio in perpetuum beneficiariæ tradantur. Urbs
 Cassovia, pacificationis sedes futura, omni præsidio evacuabitur, quo majori
 libertate & sentiendi, & agendi Regii gaudeant. Rex Poloniæ ut con-
 venta primo quoque tempore effectui dentur, suam auctoritatem interponet.
 E cruditate postulatorum facile conjectatum: seditiosorum animos
 nunquam ad obsequium redituros, nisi vi armorum corpora domentur.
 Eadem mens Leopoldi Imperatoris fuit (cui pacificationis capita a Rege Po-
 loniæ Lincium missa) qui Regem insuper oravit, ut Tòkòlium commone-
 ret: ad obsequium, Principique suo debitam reverentiam tandem redeat
 cum suis; bellum intestinum diutius non alat, hæsurum utique intra Hun-
 garorum viscera, ipsisque, liberis, conjugibus, ac fortunis exitiabile futu-
 rum. Spem pacis omnem ponat, nisi ad unam Regiæ clementiæ aram con-
 fugiat. Non post multo patuit e literis, hominem vafrum, in speciem
 negotium pacis obtrusisse Cæsareis, reipsa bellum parasse, scriptis ad Vezi-
 rium in hanc fere sententiam:

*Non est, cur de mea fide, ac constantia dubitet Ottomanica Porta. Egi cum Cæsare de induciis armorum, deque conditionibus pacis eo animo, ut producto, non sine artificio, hoc permolesto negotio, minacia Fæderato-
 rum arma suspendam, & instaurato per byemem exercitu; primo vere bel-
 lum continuem. Per Saponaræ aulicum B) eas conditiones ad Cæsarem misi, quas victor victo imponere possit; ut adeo verear, ne conditionum extremis
 offensus, spem omnem pacificationis intercidat Cæsar: nisi forte existimet, quemadmodum fieri consuevit, pactorum capita eo consilio me immodice inten-
 disse, ut esset, quod in iis postea laxandis dari Conciliatorum gratiæ videre-
 tur. Comititia Regni mea ut auctoritate celebrentur, omnem lapidem moveo. In iis patriæ Patribus animi mei sensa apertius detegam. Unum oro, obte-
 storque, ne Imperator fidum sibi Confæderatum hac tempestate, hostium inju-
 riis expositum, deserat; qui non alio unquam intendit animum, ac vires, quam in obsequium Ottomanicæ gentis, pro cujus incremento, uti superio-
 ra testantur, neque labori, neque suis fortunis pepercit. Alterum majorem in modum flagito: Varadini, & Agriæ Præfecti copias suas meis quam celer-
 rime jungant, ne opportunitatem elabi sinamus Polonos, & Cæsareos, per hyberna sparsos, clade aliqua mulctandi. C)*

Pluribus subinde indiciis hostilem erga Leopoldum animum, bellicque cupidiorem, quam pacis denudavit. Nam & nuncios prope quot diebus Byzantio accepit, quodve in oculos incurrebat maxime, Eperjesinum, Bartsfam, Cassoviam, alterum post Munkacsiam arcem Palladium suum, multa-
 que alia loca novo militum præsidio muniit; provincias superioris Hungariæ, per suos emissarios in armorum pervicacia confirmat; ad libertatis consueta vocabula, dominationis ipse percupidus, Nobiliores sollicitat; Regiis partibus addictos possessionibus suis, exilio, ferro, igne mulctat. Turcarum auxiliares copias magnificis verbis extollit; conventum omnium Ordinum Eperjesinum edicit. Hic ut frequentior esset quinto, & vicesimo Decemb.

A) Per decursum historię sæpius usus sum, utarque in posterum hisce vocabulis *Provincia, superior Hungaria*. Priori volo regionem, sive Comitatum certis suis limitibus definitum; non vero Romano more *Provinciam* bello captam, legibusque domesticis spoliata. Posteriori Comitatus ad Orientem partim, partim ad Septentrionem porrectos. Qui de Hungaria scriptione mereri studuerunt, mecum faciunt; damnant hunc modum loquendi alii, alii contra non sine jurgiis probant. Sed quis dies hæc iurgia, amica pace aliquando componet? B) A secretis Baronis Saponaræ fuit, qui apud Tòkòlium gratus, anno proxime superiori, & alias, a societate Turcarum hominem revocare frustra conatus est. Cujus jussu, consilio, aulicus Tòkòlium convenerit? ne vestigium quidem de hoc, quamvis curiose inquirerem, invenni. C) Laudata Descriptio Antiquæ, & Novæ Pannoniæ.

comb. Stephanus Petroczius, equitatus Magister, nomine Tókólii sparsis A. C. toto Regno literis, reluctantis populationem agrorum, exilium, cruces 1683. minatur. Molitionibus istis superiorem Hungariam in Leopoldum Regem, cæca dominandi libidine abreptus, armavit. Horum omnium minime ignarus Rex Leopoldus, ut seditiosi consilia everteret, atque charum sibi Regnum malis suis eriperet, & ipse Posoniensem in urbem Ordinum status evocet, promulgata prius generali culparum venia, dato diplomate a) Regio benevolentiae pleno, quo fundi, honores, Regia fide, autoritateque addicuntur omnibus, qui ad dimidium Februarii mensis anni insequentis, nominibus suis apud Regios Commissarios Neosolii editis, veniam orarent. Quin imo, ut tutam ultro, citroque commeandi facultatem haberent Nobiles, nullique mortalium fraudi esset diploma, militaribus Præfectis in mandatis dedit, ut liberi commeatus tesseram gratuito omnibus præstarent. Sic piissimus Regum, omissa in præsens ultionis, armorumque mentione, una clementia, & beneficiis reconciliationem turbulentorum, e qua Tókólii fortuna, Turcarum, Cæsareorumque spes, amplissimi Regni tranquillitas in primis pendebant, maturare statuit. Sed ego, ne præscriptos operi meo limites prætergrediar, hanc messem & majori apparatu, & feliciori calamo patriæ nostræ fortunam scripturis, non invitus cedo, stylumque, & curas ad anni quarti, & octogesimi supra millesimum sexcentesimum res gestas enarrandas converto; delibatis duntaxat summis capitibus reconciliationis, bellicque Tókóliani. Quanquam Ottomanorum, Tókóliique rationes adeo conjunctæ fuerint, ut in alieno versari me minime existimarem, etsi hujus facta non minus curate, ac cætera recensere.

Cum certis authoribus compertum esset, non ante unquam Otto-1684. manos nec Ducibus legendis, nec exercitui scribendo, nec fabricandis armis, classibusque intentiores fuisse, Leopoldus Imperator versis in procurandum bellum curis; ad propulsandum commune discrimen cum Repub. Veneta feliciter transegit. b) Non cessabat ille literis, legationibusque ad primum Turcicæ tempestatis rumorem, communione periculi eam in veterem hostem inflammare, suasque in partes attrahere; verum discordibus in Senatu animis, ac prævalentibus pacis cupidioribus, non ante foederi accessit, quam seminata intra mensem clade, cæsis veteranis cohortibus, robur illud hostilis potentiae nimium enervatum, viamque ad planas victorias terra, marique stratum videret. Itaque adnitente Innocentio XI. summo Pontifice, in curia Romana in has leges conventum est inter Cæsarem, Polonum, & Venetos: nemini Confœderatorum fas esto, singularem cum hoste pacem conficere quibuscunque de causis; hæc belli societas adversus solum Turcam inita intelligatur. Confœderati summis viribus in hostem agent. Socio gravius laboranti cæteri auxilio sint. Si copiae pro ratione belli miscerentur, singuli Duces pari autoritate præsent, & communi consilio bellum administrent. Capta oppida, spolia solis victoribus cedent. Istæ Romæ tres Patres Purpurati solenni sacramento firmarunt; Pio pro Cæsare, Barberinus pro Rege, ille Imperii, hic Poloniæ Protector; c) & Ottobonus pro Repub. gente Venetus.

Triplici hoc foedere lætus Imperator, longius spes suas jecit. Properatis in Moschoviam Legatis Joanne Christophoro Zirowskio, ac Sebastiano Blumbergio Petrum, & Joannem Alexovichios Imperium, rara fratrum concordia, pacate moderantes, in armorum societatem vocavit, ostensaque opportunitate res maximas agendi, suavit: magnitudine suarum virium, Christiani nominis perpetuum hostem invaderent, ac immixtis legionibus ad Alfoviam impugnandam, ea parte terrorem augerent. Illi sive perof-

a) Diffusum hoc diploma legere licet in eadem Descriptione. b) Dionysius Petavius S. J. in suo Rationario temporum putat, eodem, quo Polonus, Bavarus, Saxo Luneburgici anno, Venetos accessisse huic foederi, quod sacra Liga, sive Lega ab Historicis appellatur. At certum est, hoc primum anno Venetos post multam consultationem foedus iniisse. c) Duumviri isti jam anno 1683. die XVI. Augusti foedus Cæsarem inter, & Polonum juramento firmarunt Romæ. Ephemerides Leopoldinae.

A. C. fensi, quod ante quinquennium irrita eorum legatio fuerit Viennensi in au-
1684. la, sive reipsa ab armata Polonia, uti asseruerant, sibi metuerent, sive
Turcarum pollicitationibus a Cæsare abalienati, tantisper resistere, dum com-
positis rebus controversis cum Polonis, arma & ipsi in Ottomanos move-
rent, primis annis majori fama exercitus, quam fortuna in campum pro-
gressi. A)

At domi, propiore nempe cura, retrahendis ad fidem Tòkòlianis
multam solitudinem impendit. In comitia evocati, belli civilis, & socie-
tatis Turcicæ pertæli, frequentes e superiori etiam Hungaria Posonium ad-
venere, seque Regis arbitrio, & clementiæ permisere, B) ut adeo Tòkòlius
præter Turcarum, & Tartarorum colluviem paucos ad latus haberet. Is
tamen propoliti contumax, & principatu rebellionis, Mahometisque favore
tumidus, cum sibi uni, & periculi, & invidiæ molem incumbere inpos-
terum cerneret, partes suas populationibus, incendiis, suppliciis firmare in-
tendit. Inter hæc hostilia frons fuit homini, reconciliationis tentandæ gra-
tia Lincium, non sine splendido comitatu, Legatum mittere ad Cæsarem,
quem consecutus est Principis Apassii Orator, nomine Mahometis pacem
nundinaturus. Uterque parum benevole acceptus est. Tòkòlianus in se-
natum admissus, tria potissimum postulavit: cessationem armorum; Prin-
cipem Transylvaniæ conciliatorem eligendum; ante universam pacem quæ-
dam puncta cum Præfecto Budensi stabilienda. Sed cum Regii e fiduciariis
litteris cognoscerent, eum nullam facultatem componendæ pacis habere; &
sua potius, quam Heri sui voluntate, multa diceret, ageretve, prope erat,
ut tanquam explorator detineretur. Apassio nunciatum: cessaret intem-
pestivis patrociniis alienas provincias turbare, ac nutritæ per tot annos per-
duellionis pœnas operiretur. Legatus itineri accinctus, postremum admo-
nuit Regios: Turcas majori apparatu armorum, hominumque in Hunga-
riam venturos ineunte vere, quam adulta ætate superioris anni. Id se didi-
cisse e Tòkòlio arcanorum omnium conscio. Hungariam summo in discri-
mine futuram, ni pacem amplectatur Cæsar. Responsum est paucis: Tò-
kòlio, omnibusque turbulentis pace frui licere, si posita contumacia, suo
cum Principe in gratiam redeant. Cæsari non esse jam integrum de fœdere
agere cum Ottomanis, nisi e mente Confœderatorum, quibus bellum uni-
ce placet.

Lenioribus remediis frustra adhibitis revocando conjuratorum Prin-
cipi, quando nisi vi compulsus ad obsequium rediturus minime videbatur,
armis ulcisci contumaciam decrevit Cæsar, tantoque solertiori cura appa-
tus festinavit, quanto tristioribus in dies nunciis intellexit, Tòkòlium Re-
giorum fundos ferro, & igne implacabiliter vastare. Milites toto lectos Im-
perio contrahit; a Bavaro veteranas copias postulat; equitum, peditum-
que summum imperium Lotharingiæ Duci per Hungariam attribuit;
Leslæum cum duodecim armatorum millibus in Sclavoniam ad distinendum
hostem, Schulzium cum octo millibus adversus Tòkòlianam factionem in
superiorem Hungariam immittit; Hungaros ad defensionem patriæ more
veteri edicto evocat; maximam vim instrumenti bellici, rei cibariæ secun-
do Danubio Strigonium mitescente hyeme devehi mandat. Et quoniam
apud Ottomanos navalem apparatus multo maximum fieri exploratores re-
tulerant, & Leopoldus prope Danubium bellum persequi jam decreverat,
quo celerius Budæ, armorum sedi, obsidionem inferre posset, Vecchiam
Comitem nauticarum rerum scientia percelebrem, classiculam Saikarum, &
grandiorum navium, C) adornare jubet.

Est Saika usitatum Hungaris juxta, & Turcis navigii genus, longio-
ri, ac angustiori forma præditum, quam cæteræ naves. Undique apertum,
nisi

A) Porta Ottomanica T. II. B) Descriptio Antiquæ, & Novæ Pannoniæ pag. 620. ad annum
1684. numerum eorum edit, qui relictis partibus ad Regem transferunt. C) Istæ ad Coma-
romium immobiles adhæserunt non tam aquarum, quam nummorum brevitatem, ut in sua
Apologia Marchio Fleuryus, alter Danubii Neptunus, agebat. De hoc sermo redibit ad an-
num 1692.

nisi quod latera durioribus tabulis firmentur, contra tempestatem mino-^{A. C.}
rum glandium. Prora ferro armata, & in cuspidem desinens, puppisque ¹⁶⁸⁴
castrensis tormentis instructa, inimicam navim procul arcet. Quatuor,
& viginti remigibus utrumque latus occupantibus, ac non minus concordi,
quam pertinaci remorum pulsu Danubium everberantibus, tanta celeritate
agitur, ut expeditum equitem facile prævertat. In onerariam, aut belli-
cam incitatum, inevitabilem stragem edit. Quod si hostis acrius obsistat,
arma & remiges expediunt: pressi, mira agilitate in omnem partem Saikam
impellunt; seque statariæ pugnae inferiores illico subducunt: mox familiari
clamore se mutuo cohortantes, rursus in certamen redeunt, nunc a tergo,
nunc a lateribus incurrentes, hostilium navigiorum agmen distrahunt, avul-
saeque impugnant, ut adeo in hoc certamine sic remis, quasi habenis utan-
tur, quantumque Hungarus eques in terrestri pugna, sua celeritate præstat
gravioris armaturæ militi, tantundem plane hi remiges antecellant sua agi-
litate prægraves, ac vastas machinas ægre circumflectentes. A) Hoc genere
pugnandi præci Hungariæ Reges, illustres de Turca reportarunt victorias; &
si verum fateri volumus, minori invidia ornassent Budensem urbem appen-
sis devictarum navium rostris, quam Romani, qui de sex captivis navibus
ingenti gloria triumpharunt, earum rostris in suggestu fori magnifice suffi-
xis. B) Postremo bello, Gallicone dicam, an Bavarico, an Europæ prope-
modum omnis? quid classarii isti ex Hungaria acciti, rebus nimium angustis
superiori Austriæ commodi attulerint, grati Scriptores commemorabunt.
Complures jam Saikæ Danubio immissæ instructæ stabant, nautarum, mi-
litumque defectu non admodum validæ. Publicis literis Leopoldi Cæsaris
ad hanc navalem expeditionem invitati, inprimis Equites D. Georgii, c)
quorum princeps cura ex instituti legibus erat, sacra Christiana tueri ad-
versus Ottomanos, multi avita pietate incensi advolarunt, utilemque ope-
ram in defendendis pontibus, rejiciendis hostium navibus præstiterunt. Pro-
cedentibus annis, ut & istud hoc loco adjiciam, sub Carolo VI. Imperato-
re, & Rege Hungariæ, Saikarum classe operosius, superbiusque aliquid vi-
dit Hungaria innatare Danubio, ac secundo flumine Belgradum deferri,
nempe naves bellicas, quadraginta & amplius grandioribus tormentis in
eundem hostem armatas. D) Ex quo luculente patuit, Danubium, etsi per
Hungariæ plana in multiplices ramos abeat, aliasque ex aliis insulas molitus,
cum aqua vires suas amittere videatur, maximis tamen oneribus ferendis
parem esse.

Copiæ terra, & aquis cum omni apparatu in Hungariam profectæ,
ineunte Junio ad Nitram amnem castra fecere. Lotharingus e consilio bel-
lico Budam oppugnaturus, spem concepit Uivarini simul capiendi, non
quidem castris ad præsidium compositis, quod non licebat per paucitatem
militum, sed objectis procul stationibus, clausisque viarum aditibus, ne
quid alimenti, vel auxilii acciperet, sine obsidionali strepitu, obsidionis in-
commoda inferre. Ea de causâ Præfectos vicinorum præsidiorum Selyæ,
Levæ, E) Schentaviæ, Leopoldopolis, Comaromii expeditis equitibus re-
gionem percurrere jubet, ad omne commercium cum præsidio interciden-
dum. Comitem præterea Mercyum, cum bis mille septingentorum equi-
tum agmine illuc immittit, quo omnia infesta redderentur ad Uivarinum.

X 3

Verum

A) L. Annaeus Florus Lib. II. de Romanorum classe simile quid meminit: Romana, inquit, classis
prompta, levis, & expedita, & quodam genere castrensis ad similitudinem pugnae equestris,
sic remis quasi habenis agebatur: & in hos, vel in illos mobilia rostra, speciem viventium
præferebant. B) L. Annaeus Florus Lib. I. c. XI. ait: extant & parva de Antio spolia, quæ
Mænius in suggestu fori, capta hostium classe, suffixit; si tamen illa classis, nam sex fuere
rostrata. Sed hic numerus illis initiis navale bellum fuit. T. Livius Patav. L. VIII. earum
numerum augere videtur. Cui otium, consulat cum. C) Hic equitum ordo sive a Rudol-
pho I. sive Friderico III. in Austria, ac Carinthia institutus, procedente tempore crebras de
Turcis victorias reportavit. Dignus longiore ævo, ac floruerat. D) Singula istarum navium
partim Viennæ, partim Budæ onerata, quadraginta, quinquagintaque tormentis Szalankame-
num: inde per Donaviczam, ramum Danubii, infra Belgradum actæ, quo urbs terra, & a-
quis clauderetur anno 1717. E) Istorum locorum maxima munimenta erant ipsi oppidant,
strenui, pugnacesque, quorum vel feminæ militaribus curis gloriabantur.

A. C. Verum quantumcunque evigilaverint isti, missis hinc illinc exploratoribus, 1684. tamen prohibere haud poterant, quin præfidiarii clam egressi, carros farina onustos Comaromium tendentes occuparent, prædamque læti aveherent. Brevis erat hæc lætitia. Namque admonitus Pro-Rex Hungariæ Paulus Esterhazy, cum aliquot millibus provincialium agro Uivarienti propius succedens, adeo præsidium omni ex parte clausit, ut obsessi rerum inopia misere confictati, sine certa clade pedem efferre minime auderent. Pertulere tamen lentum obsidium insigni constantia, certi aut Seraskerium suppetias venturum, aut Hungaros ad oppugnationem Budæ advocatum iri, quæ iisdem diebus a Lotharingo cœpta, non sane prosperum exitum spondebat.

Et re ipsa appropinquante Seraskerio cum suo exercitu in Hungariam, cum minus virium haberet Lotharingus, quo Budam eodem tempore a flumine, & terra concludere, eodem validissimum hostem a castrorum invasione arcere posset, omnes copias Hungarorum in unum contraxit; a) sicque laxata obsidione Uivarino anni unius libertatem (nam postero anno captum est) & spatium accipiendæ annonæ, militisque dedit. Sed ante attentatam totius regni naturæ munitissimam urbem multa prospera evenere Lotharingo. Nondum castris Strigonium translatis exploratores retulerunt: b) Europæ militiæ Præfectum, copias conjunxisse cum Seraskerio ad Eszekinum; caput pontis præstructo aggere, quatuor tormentis, & aliquot peditum signis valide præmunitum; Principem Apassium in mandatis accepisse; e Dacia suum militem quam primum moveat in Hungariam; reposuisse eum, Ordinesque universos: delectibus exhaustam esse provinciam, e re Transylvanorum minime fore, si veteranum militem migrare alio sinerent; ea scilicet tempestate, qua Poloni, Valachi, Moldavi armati ad limites sese ostendunt: irrupturos sine mora in inermem regionem, & uno cursu Principatum occupaturos. Daciam viribus potius externis augeri, quam suis spoliari, opus esse. Velle se tamen loco copiarum, æs in belli subsidium transmittere. Seraskerium accepisse, non probasse decretæ pecuniæ conditionem. Turcarum exercitum, opinione minorem, quinquaginta millium esse; ex his duodena millia jam Budam præmissa.

His intellectis, ac in militem de industria sparsis, delecto castris percommodo loco c) ad Parkanum, relictisque castrensibus impedimentis cum quatuor legionibus, quibus Hallevillum præfecit, ipse Danubio trajecto ad Strigonium, undecim millia peditum, septem equitum cum quingentis dimachis Vicegradum d) rapit, ac inopinatus oppidum, & arcem aggreditur. Octingenti circiter præfidiarii locum obtinebant, dimissis ante obsidium conjugibus, atque liberis cum omni pretiosa suppellectili, quo a metu, curaque suorum liberi ferocius repugnarent. Ludovicus Neoburgicus oppidi muros assilire iussus, dispositis, qui continenti jaculatione defensores submoverent, fistulatoribus, adeo celeriter omnibus partibus a pyrobolariis, volonibus irruptum est, ut multi victorum ferro caderent ante, quam in arcem semet fuga subducerent. Sed arx in plures dies defensionem non instrenue extendit. Eam Bekius Tribunus cum mille quingentis bellatoribus, & ignivomis pilis infestabat, Lotharingo aciem ad Danubii ripam explicante, unde auxilio hostes venturos suspicio erat. Et ostentaverant se non pauci peditum in adverso litore, læta vociferatione socios animantes. In hos ope Saikarum prope immissi pedites Hungari, spem suppetiarum obsessis ademerunt. Nam cælis in primo congressu octonis, cæteros in montium

A) Descriptio Antiquæ, & Novæ Pannoniæ sparsim. b) Eadem Descriptio. c) Castra cum impedimentis in adversa Strigonio ripa fuisse, & laudata Descriptio, & Porta Ottomanica asserit. Nam Dux Lotharingus ad Vacuum oppugnandum oculos, animumque adjecit. d) Vicegradum, & Vicegradum apud patrios juxta & externos Scriptores reperias. Primum vocabulum Bohemicæ dialecto magis accedens aptius est. Ego sine discrimine utroque usus sum. Positum loci amenissimi juxta, atque validissimi olim, dederam ad annum 1545. Tom. I. pag. 158. Poeta, nescio quis, luit:

Inspice natales Vicegradi, & funera: dices
destruxisse homines, sed posuisse Deos,

tium avia compulere. Bekius interim ex editiore loco in arcem fulminans, A. C. multum damni, plus trepidationis barbaris intulit, maxime Pro-Guberna- 1684. tore ignefacta grandiori pila interempto.

Undevigesima Junii candida vexilla per muros fulserunt, impetratoque colloquio super conditionibus arcis tradendæ, orarunt Lotharingum, ut vita concessa, potestatem faceret Budam abeundi, tabulasque sua manu signaret. Nempe memores erant turpissimi facti, quo Majores sui contra juratam fidem præfidiarios, in ipso arcis limine anno millesimo, quingentesimo, quadragesimo quarto contrucidarunt, solo Amadeo loci Præfecto laniens subtracto; timebantque, ne perfidiæ, crudelitatisque pœnam repperet. A) Facilem se præbuit Dux eorum postulatis, permissisque Budam abire septingentis, & tredecim (tot enim supererant) cum armis, & telis, ac novo præsidio imposito, Strigonium festinatis profectionibus iter relegit, quo trepidis admodum nunciis evocatus est. In altera ripa Danubii non contemnendæ Turcarum copiæ convenerunt. Ex iis octo circiter millia in Vicegradum conversa, locum obsidione liberare, aut subsidio per Danubium illato firmare ardebant. Quam celerrime eo contendentibus, occurrunt paucos ante dies male mulctati socii, narrant: Danubium ab Hungaris teneri; oppidum expugnatum esse; aditum in arcem patere nullum; neque libero etiam Danubio, cum eo quidem militum numero, irruptionem in Christianorum stationes tentandam. Expeditionis vero operæ pretium laturos, si conversis signis Parkanum iter accelerarint, ubi castra Lotharingi cum multa supellectili, sed exigua militum manu; sperare se aleam felicissime casuram. Facile persuasum est spoliis avidis.

Itaque comperto Lotharingum nondum rediisse, quanta maxima possunt celeritate, sine signorum strepitu ad castra opprimenda properant, infestisque vicinis sylvis, pauculi indicium sui faciunt. Hallevillius non æstimationis hostium viribus, Dûnewaldi, Rabattæ, Thimmii legiones arma capere, & si validior hostis incumberet, latera impetere jubet. Ipse assumpto Barone Norcarmio, cum sex equitum centuriis in antesignanos provolat, ardentius magis, quam Ducem oportebat, prælium init. Turcæ e latebris illico erumpentes, Christianorum equitatum numero disparem, & ab agmine longius progressum, magna passim strage impune sternunt. Hallevillium sagitta percussum, subinde præacuta hasta confodiunt; Comitem Juniorem Rabattam, Baronem Lorium strenue repugnantes capiunt. Carloviczium Strigonii Gubernatorem vulnerant. Felix pugnae principium sequuntur, Ottomanii, promotisque copiis ad castra excindenda se vertunt. Continuo densato agmine primum Rabattæ equestres legio, dein Thimiana, mox Dûnewaldiana victoribus se offert. Redintegrato certamine non modo castra defensa sunt, verum etiam ob Ducis infortunium dolore, iraque vires, ac ferrum acuite clades est reddita, pluribus signis equestribus, & Rabatta in libertatem asserto. B)

Lotharingus murali corona decorus, postridie Vicegrado redux, mox campestre difficili pugna obtinuit. Propter Vacium urbem, duorum, & viginti millium exercitus Turcarum substitit. Ei moderabatur Budæ Præfectus, vetus sane Dux, a pueritia militiam secutus. Consilium huic fuerat Christianorum vires experiri ante, quam Seraskerius adveniret, bellum pro arbitrio gesturus. Delecto prælii loco ad Vacium, munitoque, ita aciem struxerat, ut dextrum latus densiori sylva, sinistrum palude, & Danubio clauderetur. Utrumque cornu Janicsaris firmatum. Media acies peditum a fronte minora tormenta, a tergo Vacium amicam urbem habuit. Ut Lotharingum huc pertraheret, suos ad stationes infestandas immisit, quos Hungari equites pari alacritate aggressi, cæsis, captisque aliquot in castra repulerunt. Ex his numerus hostium, ordoque aciei cognitus. Lotharingus

A) Mathias Archi-Dux Austriae anno 1595. Vicegradum recuperavit. Iterum in hostium manus subinde venit. B) Ita Porta Ottomanica, Prælium ad Parkanum fuisse e typo expeditionis sat certum est. Historia Magni Leopoldi de loco pugnae dissentit. Descriptio Antiquæ, & Novæ Pannoniæ quina duntaxat Turcarum millia prælium cepisse meminit.

A. C. tharingus dimicandi occasione lætus, copias gemina victoria exultantes in
 1684. hostem movet. Bidui itinere per instabiles cæno campos confecto, secun-
 da, & vicesima Junii coniectis in cumulum impedimentis, postquam e lo-
 corum difficultate emersum est, pauci primum velites, dein omnis Turca-
 rum exercitus in conspectu erat. Nemo Præfectorum dubitavit, militem
 etsi via fessum in hostes viribus præfidentes, & pugnae cupidos educere. In
 terna agmina dividuntur copiae. Dextrum agmen Maximilianus Staremb-
 gius, Salmenlis Princeps; sinistrum Taffius, Scherffembergus, Ludovicus
 Neoburgicus; medium Ludovicus Badensis, item Staremburgus, Gondo-
 la regebant. A) Constrepentibus tubis, atque tympanis per quartam horæ
 partem, cum eodem loco firmi persisterent barbari, Cæsarei ordinibus ser-
 vatis processerunt.

Maximilianus Staremburgus ramalibus, ac sarmentis palustri campo
 in modum pontis constrato, mox e colle tormentis, depulso hostili equitatu,
 suo agmini viam sinistro cornu aggrediendo opportunam aperuit. Acies
 media, & sinistra eodem tempore e monte demissa, prælium occepit. Tur-
 cæ solutis exiguo Cæsareorum detrimento fistulis, nudatis ferociter frameis,
 in mediam nostrorum aciem inveci, Taffianam, quæ prima furentibus se
 obtulit, legionem impetunt, & turbatis ordinibus, fere in fugam conji-
 ciunt. Lotharingus nunc hos, nunc illos ad certamen hortatus, visa trepi-
 datione Taffianorum, huc advolans atrocissimum vitæ periculum adiit.
 Nam emissus non minore fragore, quam impetu ferreus globus, Molam sta-
 buli Præfectum, & Prætoriae cohortis Sub-centurionem, uti ejus latus cin-
 xerant, comminuto fœdum in modum cerebro afflixit, sonipedem Ducis,
 collum trajectum, eadem vi, furoreque prostravit. Ille magis extra istum
 timoris, quam tormenti, Taffianos sua præsentia multum animatos, melio-
 ri ordine in pugnam reducit, iram omnem in obstantes effundere jubet.
 Continuo versa est alea; maxime postquam Staremburgus aggerem tormen-
 torum insiliit, potitusque omnibus machinis, Janicsaros, & duos Præfe-
 ctos cum turmis equitum in auxilium festinantes; toto campo fudisset.
 Tum enimvero media, & sinistra acies, ne circumveniretur ab equitatu,
 anxie se retrahit, mox apertam fugam init. Equitatus Pesztinum continenti
 cursu petiit; peditum pars in proximos colles, pars Vacium compulsa est;
 oppidum illico cinctum; acri potius, quam diutina verberatione fatigatum
 fuit. Excisa Principe porta per Aspremontianos, Turcæ in castellum eva-
 dunt. Multiplici ignium genere in adultam noctem continuato, tantum
 terroris, & damni illatum est, ut octingenti præfidiarii, qui e prælio huc
 confugere, sexcenti Janicsari cum duobus Agis, se captivos dediderint.
 Fæminæ a victore milite spoliatae, postero die in insulam S. Andreæ abire
 sunt iussæ. Feruntur in pugna interiisse Janicsarorum fere tria millia cum
 Præfectis Mesopotamiæ, & Temesiæ. Horum alteruter tantæ obelitatis
 erat, ut venter immodice projectus, intuentibus admirationem, vulnera
 vero nec pauca, nec levia misericordiam moverent. Budæ Gubernator
 amissa spe victoriæ, fuga elapsus, Seraskerio ad Pesztinum tendenti cruenti
 prælii nunciū detulit.

Nona & vicesima Junii Pesztinum mota sunt castra. Seraskerius ad
 primum rumorem advenientis exercitus, copias suas Budam traducit, mu-
 nitiones Pesztini solo æquat, superstantia ædificia exurit, quidquid usui ef-
 se potest, corrumpit. Missi, qui oppidum ab incendio vindicent, Janicsa-
 ros flammæ aggerentes per pontem repellunt, sine noxa e castello Budensi
 fulminantibus Turcis. Comes Fontana loco præfectus, terreis propugna-
 culis oppidum firmavit. Mercyus percurfare iussus Pesztinensem agrum,
 & ripam, ne quid auxilii ea parte Budam inferatur. In hunc modum Bu-
 da exuta vicinis præfidiis, unde mutuam opem eatenus accepit, reddidit-
 que, victorum armis patebat. Deliberatum jam erat Lotharingo, hanc ur-
 bem

A) Descriptio laudata Pannoniæ aciei Ductores alios recenset; hos tamen plerosque pugnae inter-
 fuisse, ait.

hem aggredi, quod sciret Cæsarem Leopoldum huc totis animis propende-^{A. C.}
 re, Vacii tamen consultationem hac super re instituit, suorumque sententias ^{1684.}
 audire voluit. Horrore perfundebantur multi Ducum existimantium apud
 se, præteritorum annorum irritos conatus, cladesque tot Christianorum ac-
 ceptas; A) urbem loci natura, & arte longe munitissimam, fortissimo sede-
 cim millium præsidio, ter centum machinis, omnique telorum genere in-
 structam, & opulentam. Transmittere vero in conspectu hostilium co-
 piarum vastum flumen, tam exiguo militum numero invadere urbem, si-
 mul castra tueri adversus Seraskerium, non modo intutum, ac intempesti-
 vum, sed prorsus temerarium censebant. Itaque ab obsidenda Buda, ad
 obsidendum Lotharingum conversi, orant, ut memor suæ existimationis,
 tuta præ speciosis amplectatur, Uivarinum potius, aut Agriam impugnan-
 dam fucipiat.

Ille hæc præcipua difficultatum animo pridem complexus, quo ta-
 men pericula imminueret partim, partim Duces, & milites incenderet, in
 hunc modum exorsus est: *Consilium Budæ invadendæ non se in animum ad-*
misisse prius, quam Cæsarem, consilium bellicum idipsum maxumopere velle
intellexisset. Hostem anno superiore, & præsentem, multiplici clade fractum,
præsidii plurimis exutum ad Cæsarei militis conspectum trepidare. Seraske-
rium inconditam hominum turbam, nullisque præceptis bellicis condocefa-
ctam trabentem, quem adeo reformidarent, ante biduum trepide recessisse
Budam, ut captæ urbis non vindex, sed otiosa fronte spectator assistat. Lo-
cum, non periculum dimicationis in alteram ripam profugum mutasse. Ex-
ercitum quidem Christianorum obsidendæ, terra, & aquis urbi, extero hosti
propulsando imparem videri; sed meminissent armorum peritum, & victoriis
assuetum, & quod caput est, a veteranis multarum palmarum Ducibus regi.
PERITIA Ducum, & virtute militum congenerari exercitum. Occursuros Se-
raskerio, si manum ausit conferere, legionarios, toties Ottomanorum sangui-
ne perfusos, captis castris, præsidii, muralibus, vallaribusque insignes co-
ronis, spolia non gregariorum modo, sed Bassarum quoque portantes. Cæ-
terum ne de paucitate copiarum querantur; adfore propediem sena Polono-
rum millia; Hungaros ab Uivarini obsidione revocandos; Bavarum duodena
millia prohi militis adducturum. Danubium non semel a Cæsareis sine clade
superatum: daturum se operam, ut in præsens pari successu copias traducat.
Quamobrem cum Cæsaris voluntas, cui plurimum deferendum, in hanc potis-
simum expeditionem propendeat; multa præterea prosperum exitum spon-
deant, more suo alacres obsidium Budæ capefferent. Consultores victi magis
 auctoritate Lotharingi, quam ad eam diem mira rerum felicitate integram
 apud suos habuerat, ac oratione, nihil ultra morati, magnis animis se ope-
 ri accingunt.

Propius Vacium insula S. Andreæ fere Budam porrecta visitur. Hanc
 trajiciendis copiis peropportunam existimavit Lotharingus, quod majorem
 partem densioribus arbuſtis, arenosis tumulis, cæcis hiatibus, lacunisque
 horrens, atque adeo explicando equitatui, quem numerosum sub signis ha-
 buit Seraskerius, minime apta foret. Neque diu cunctatus: composito e
 junctis, contabulatisque navibus ponte, ut trajicientibus præsidio essent,
 expeditam Germanorum, & Hungarorum equitum, peditumque manum
 præire voluit, capereque castris, quem designaverat, locum in adversa ri-
 pa. Medium agmen peditum secutus est postero die omnis equitatus.
 Erant castra situ ipso egregie munita. Utrumque latus Danubio, frons pa-
 lude tegebatur: tormenta præterea per intervalla disposita absterrebant subi-
 turum hostem. His præsidii opus erat, ne qua in divisos vis fieret. B)
 At Seraskerius seu crediderit non processuram Cæsareo Duci trajectionem

Imp. Ottom. Tom. II.

Y

flumi-

A) Quoties oppugnata sit Buda? apud elegantissimum Scriptorem P. Ladislaum Turocz S. J. in
 sua Hungaria reperies; & ego ad annum 1686. quo felicibus armis hæc Troja est domita, re-
 feram. B) Porta Ottomanica, Historia Magni Leopoldi, Descriptio Antiquæ, & Novæ
 Pannoniæ,

A. C. fluminis, seu sperarit tanto facilius illum debellandum, quanto propius Budam, armorum sedem, accessit, exposito jam milite, & in castra recepto, cum viginti equitum millibus rapidus advolavit. Viso castrorum situ, acieque composita, hæsit attonitus. Ut ne tamen spectandi gratia castris assideret, dispartito in duo agmina exercitu, primum dextram alam, deinde sinistram admissis habenis invadit. Firmo gradu Cæsarei Lotharingo Duce impetum excipiunt, continentique fistularum dispositione, tantum terroris incutiunt, ut vix a fuga revocari, atque in arenam retrahi potuerit. In sinistra a Caprara, Badensi, & Neoburgico Ductoribus perinde res feliciter est gesta. Reparatis ordinibus, novis animis pugna resumitur. Flos equitatus, Seraskerii jussu in sinistrum cornu iterum investus, post breve certamen in fugam coniectus est. Poloni, qui iis forte diebus Principe Lubomirzkio Ductore (unde Lubomiriani ab Historicis appellati) in castra venerant, palantes fere ad Budam persecuti sunt. Obscura hujus prælii fama est. Nam prorsus incertum, quot capitibus molitio hæc steterit hosti, pleraque funera secum avehenti. Alii mille, alii ter centum in arena, plures in fuga occubuisse, Christianorum triginta præter Comites Vehlen, Scotti, Delli, Baronem Servi, e pio manipulo Volonum, desideratos fuisse dicunt. Illud quoque fere ambiguum: in insulane D. Andreæ, num in adversa ripa dimicatum? author Portæ Ottomanicæ in insula pugnatum ait; Hannius in sua descriptione veteris, & novæ Hungariæ, sat locuples Scriptor, superatis aquarum difficultatibus Cæsareos infestatos; uterque præterea affirmat, in principio pugnæ, omnes nostras copias adfuisse, paratas, atque intentas Ottomanorum adventum expectasse, in quibus aliquantum discrepat Historia Magni Leopoldi.

Cæterum transmissio fluminis in tanta propinquitate hostium, ne unico quidem amisso, per Europam omnium ore celebrata, quantum gloriæ, existimationisque Lotharingo addidit, tantundem Seraskerio etiam apud suos ademit, veluti occasionum segni, & artium bellicarum imperito. Inde Budenses ingenti terrore concussi, quod non ex vano crederent, Lotharingum arma circumferentem, finitimis præsidiis jam perdomitis, ipsam Budam repente aggressurum, neque spem propugnandæ urbis in pulso exercitu haberent, defensionem strenue adornaverunt. **A)** Moderabatur præsidio Ibrahimus, vir sane providus, & fortis, ac post Vezirium, Seraskerium auctoritate apud Mahometem nulli secundus. Hujus maxime consilio muniendis propugnaculis impensa est cura; armati muri variis machinis; diutinae obsidioni tolerandæ ex agris convecta annona; civium, Rascianorum, Judæorum census initus, qui sedecim millibus propugnatorum immisceri possent, si acrior vis urgeret, e Janicsaris audacissimos in externa opera, ubi plus periculi, conjicit; reliquos ita per viarum capita, & muros disponit, ut parti uni gravius laboranti, altera suppetias ferret. Sic comparati Budenses Christianorum copias operiebantur. Neque diu aberant. Hostili equitatu ultra Budam fugiente, cum speculatores tuta omnia renunciarent, necessaria quiete aliquot dierum refectæ legiones, auctæque quatuor millibus Hungarorum, quarto decimo Julii ad Budam constitere; eodem nempe die, quo anno superiore Ottomanæ Viennam inauspicato cinxerunt. **B)** Unde malo omine obsidionem cœptam, homines nimium religiosi interpretati sunt, exituque non multo felicior fore Turcica cecinere.

Validam a Danubio Budam, validiorem præstant mons saxeus, cui urbs, prægrandæque castellum infidet, **c)** & solidissimi operis munitiones; ut jure ambigas industriane humana, an loci ingenio magis communita sit Buda?

A) Ibrahimus iste cognomento Saitanes, primis statim obsidionis diebus in locum Gubernatoris successit vulnere, aut morbo extincti. Non vanis argumentis impellor, ut omnino affirmem, hunc Ibrahimum Seraskerium, seu armorum Præfectum per Hungariæ provincias a Mahomete renunciatum. **B)** Vide supra annum 1683. **c)** Unde Poeta cecinit:

Buda jugo: Venetæ pelago: Florentia campo
eminet.

Buda? Orientem versus Danubium despicit, qui integer vasto, profundo-A. C. que alveo illac decurrens, civitatem, uti vocant, Aquaticam alluit. Qua 1684. meridiem fere spectat, castellum assurgit firmissimum urbi conjunctum. Illa ex parte præceps admodum, difficilimusque ascensus, ut adeo sæpius oppugnata Buda, semel aggressionem castelli timuerit. Istud muro ad Danubium ducto, ac geminis turribus firmatum, flumen sua in potestate habet, & aquatoribus tutum egressum, regressumque præbet. Urbs per montis latera duplici vetere muro, & illo solidissimo, turribus per intervalla erectis, profundaue fossa cingitur. Quina A) propugnacula serior ætas addidit. Ad radicem montis, flumentanum, ac Rascianicum oppida, & thermæ ingenti spatio porrecta visuntur; tum sancti Gerardi mons se objicit, elato supra urbem, castellumque fastigio. Hic speculam posuere Turcæ. Mons urbis propemodum totus suffossus cæcas cryptas, furnulos, rudimenta cuniculorum, occultas vias eruptionibus servituras, aliaque subterranea opera adversus invadentium vim, artesque habet. Castellum, quod urbi adhæret, muro, transversis sepimentis egregie vallatum fuit; in quod defensores, si forte urbe cedendum esset, semet reciperent, Carthaginemque suam ex eo receptu ultimis viribus propugnarent; quin & plura hujusmodi munitionum genera in ipso castello struebantur, novique a tergo receptus præsto erant. Sic locum duce natura in prælidium regni designatum, deletumque, partim Reges Hungariæ, B) partim Ottomanii adeo e disciplina militari communiverunt, ut cunctis gentibus innotuerit, in omnibus historiis tristem sane paginam fecerit. Et profecto vix reperias urbem, quæ toties obsidentium conatus pertinaciter luserit, majores clades datas, acceptasque viderit, sinceriori gaudio orbis Christiani Turcarum imperio erepta fuerit. Sed me Budæ imminens revocat Lotharingus.

Captis uno impetu suburbiis, oppido inferiori vis admota est. Dum muri e duobus suggestibus verberantur, & fossæ obsidionales ducuntur, hostilis equitatus urbem propius accedit. Lotharingi jussu equites nostri arma capiunt, quo viso hostium agmen in montem Gerardino objectum se retrahit, ternis duntaxat millibus, veluti equestri prælio dimicaturis, in patentem vallem demissis. Sed omisso equestri certamine, repente in fossiles incurrunt, interfectisque eorum nonnullis, omnibus fugatis, per plures centurias peditum apud fossiles agentium, terrorem, ac cædem spargunt. Trepidationem auxerunt præsidarii eodem tempore erumpentes. Bekius Tribunus cum subsidiariis cohortibus advolans, suorum fugam, & victorum impetum tamdiu stitit, dum ad arma in exercitu conclamatum, ac milite undique procurrente, præsidarii intra urbem, equites in montem non sine clade reiecti sunt. In hoc tumultu, gregariorum ducenti ceciderunt, cum quindecim clari nominis Præfæctis; quos inter numerabantur Carolovizius Strigonii Gubernator: Comites Fürstenbergius, Hohenzollerus, Baro Polheimbius.

Quatefacta magna murorum parte, postridie Scherffembergus, ac Thimmus Tribuni; Tillius, & Archintus Subtribuni oppidum invaserunt. Aggressores delecti sub primas tenebras ad sua signa convenerunt. Inter primos pyrobolarios, & Volones primum locum petiit, & obtinuit Baro Altius, periculorum avidus Centurio: quippe MULTIS in ejusmodi periculis deprehensus, metum periclitandi postremum posuit. Inde quingenti pedites Hungari ad vastandum longum suburbium destinati constiterunt. Tum Tillius cum quatuor peditum centuriis: denique Gallenfellius cum globo fabrorum, ac militum ad excindendas portas. Invadentium vim non sustinere oppidani Abiectis armis, præcipiti fuga superiorem urbem petunt. Verum a Gubernatore, ne simul victor irrumperet, repulsi, tormentorum ictibus discepti sunt. Reliqui per domos, & compita trucidati. Oppidum jussu Ducis incensum, milites spe prædarum exutos, ad opus

A) Nempe anno 1715. Carolus VI. Imperator, & Rex Hungariæ. Inde urbs pentagoni operis figuram refert. B) Maxime Ludovicus I. Sigismundus, & Mathias ille Corvinus.

A. C. faciendum revocavit. Raro alias minori hominum jactura oppidum expu-
 1684. gnatum. Nam e gregariis non nisi quinque interierunt, paucis vulneratis;
 cum tamen hostium facile bis mille ducentos ferrum hausērit, multos etiam
 Danubius, quo se amentes præcipitarunt. Reliquum noctis in statuendis,
 muniendisque loriceis insumptum est, adversus pilarum tempestates.

Altero die in militari senatu consultatum est, quæ pars oppugnanda
 urbis videretur? Æstimatis castelli munitionibus, nemo omnium erat, qui
 illud impetendum censeret, quod ea pars Budæ, longe aliis firmior, vali-
 diorque esset, captisque multo sanguine (quod futurum procul dubio præ-
 videbant Duces) extimis munimentis, alia, atque alia continenti serie ve-
 luti ex insidiis confurgerent. Accessit arduus loci ascensus, & Cæsareorum
 castra sub castelli alte dominantis aspectu, atque adeo sub ictu posita. De-
 nique, quod castellum tenui præsidio defendi posset, nec urbs fatigaretur,
 distrahereturque. Fuit, qui ad flumentanas turres, fræna nempe Danubii,
 principem aggressionem dirigendam persuadere niteretur, ratus iis expu-
 gnatis, & aqua, & auxiliis, quæ per Danubium irrepere possent, obsessos
 exutum iri. Nulli probabatur isthoc consilium, quod exploratum haberent
 Duces, urbem a numeroſo milite obtineri, conjicerentque inde non ex va-
 no, haud futurum, ut suppetiarum egeat, protracto quamvis in plures men-
 ses obsidio; in præſenti non deesse obsessis cisternas imbris servandis, nec
 defore puteos, quamdiu Danubius Budam præterlaberetur; certe aquatio-
 nis causa, extrema tentaturos, & præter jacturam temporis, & fortissimo-
 rum militum, nihil relatuſos Cæsareos. Igitur in Lotharingi ſententiam itum
 est, qui urbem ad occidentem porrectam, machinis infestandam existi-
 mavit. Ad Viennensem portam Maximilianus Staremburgius, Neoburgicus,
 Fontana oppugnationem adornarunt; ad Vallengem Dux Croyus, Parella,
 Scherffemburgius: illis dextra ala exercitus, his sinistra attributa est. Ru-
 digerus Staremburgius, Lotharingi Legatus; ac per ejus morbum univer-
 ſam oppugnationem curavit. Duſto aggere circa urbem ab una Danubii
 ripa ad alteram, fossaque præmunito, & crebris peditum stationibus firma-
 to, atque Saikariis excubare juſſis, urbs undique claudebatur.

Ne obſidentium conatus Seraskerius ſuis incurſionibus averteret, vi-
 ſum est Lotharingo eum aggredi in caſtris ad Hanſabegam a) fixis. Reli-
 ctis ad obſidionem neceſſariis, vigesima prima Julii nocturno, ſilentique iti-
 nere proſectus, ſub primam auroram ad caſtra barbarorum pervenit, ſtru-
 ctæque propere acie, canentibus ſignis Seraskerio certamen indixit. Is Cæ-
 ſareorum improviſo adventu, ac mira alacritate percuſſus, ratus inſuper
 univerſas copias ad ſe oppugnandum veniſſe, caſtris excedens de receptu ma-
 gis, quam prælio cogitabat. Sed viſa paucitate hoſtium, ſpem ſubito con-
 cepit rependendi nuperam cladem. Immiſſis equitibus, qui pugnae prælu-
 derent, copias ſuos in ordines ire jubet. Peditum ſex, equitum fere qua-
 tuordecim millia erant. Janicsari mediam aciem, equitatus latera explebant.
 His in mandatis dedit, ut laxatis ordinibus pars frontem, pars latera Cæſa-
 reorum incurſent, & ſua multitudine tenuem aciem undique claudant, te-
 lis obruant. Gregem camelorum caſtris eduſtum poſt equitum turmas
 collocat; ſeſſores monet, ut ſi equites terga verterent, belluas inter incon-
 ditos clamores in Cæſareos agent, repugnantium ordines perturbent.

Lotharingus longe inferior copiis, ſua præſentia militum virtutem
 exacuit, arte militari numerum geminavit. Duo peditum millia (neque plu-
 res in hanc expeditionem b) traxit) utrique lateri apte intermiſcet: ſini-
 ſtrum, cui Principem Salmenſem, Taſſium præpoſuit, ſenioris Styrumii,
 & Magni dimachis firmat; dextrum quod Princeps Badenſis, ac Mercyus
 rexerunt, Schulzianis, & Sabaudicis claudit. In medium fere omnem equi-
 tatum accipit, quem ipſe moderabatur. Orto certamine animadvertit,
 Spahiorum agmina (equitum id, ſicut alio diximus loco, eſt genus) con-
 citato

a) Hanſabega duobus, & medio milliari Buda diſſita. b) Imo in epiſtola Ducis Lotharingæ,
 quam mox recitabo, mille ſolum pedites lego.

citato cursu in latera nostrorum invehī, ac effusa in confertos telorum pro-A. C. cella, illico refugere; mox rursus eadem celeritate redire, atque statariam 1684. pugnam, cui gravioris armaturæ Germanus eques assueverat, vitare, prorsus equestri more prælii A) aciem laceffere. Inde Lubomirianos, atque Hungaros, armis, velocitate Ottomanorum equitibus pares, animis multo præstantiores, partim e subsidiaria, partim e media acie accitos Spahiis obijcit. Møre suo refugientes aviditate cædis intemperantius infecuti Poloni, in validas Turcarum turmas incidunt, versaque momento temporis fortuna pugne, qui modo pellentes strenue secuti erant, pulsi terga vertunt; tanta omnium trepidatione, ut nisi diductis ordinibus cursum, fugamque exequendi campum nacti fuissent, haud dubie summa prælii in præsentissimum discrimen adducta fuisset. Firmior Germanus ferocientium impetum cohibuit, atque rem restituit. Polonorum pavore, animis auctiores hostes, semel, atque iterum dextrum cornu summa vi, ferociaque per-rumpere conantur. Cum a confertis, præparatisque multi minoribus pilis figerentur, neque densatos ordines aperire possent, valla castrorum trepidi petunt. Nec stetissent, ni Seraskerius ter centum paratos camelos in prælium induxisset; ad quorum odorem perterriti equi, aciem turbare cœperunt. Sed vanum hoc auxilii genus in prædam ultro cessit. Nam bestiarum rectoribus ferro dejectis, omnem illum gregem victores in sua castra abduxere. Tum vero consilii inopem, omnibus viribus Dux occupat, obsessisque lateribus per Hungaros, spe simul, & arena depulsus, fugere coegit, relictis opulentis castris. Lotharingus laureatis literis Cæsari gratulatus, victoriam Ducum juxta, ac militis ardorem multa laude ornavit. Juvat ipsius verba reddere.

Cum illustrem de hoste Christiani nominis, die Divæ Magdalena sacro, Dei benignitate victoriam reportaverim, eam Majestati tuæ per Tribunum Comitem Carolam Magni significandam duxi. Distributa majori parte copiarum ad Budæ obsidium, atque opera faciendâ, reliquum equitatum cum mille peditibus, & mille quingentis equitibus Hungaris, Ductore Comite Eszterhazio Jaurinensium Præfecto, hesternæ noctis beneficio in hostem movi ad Hansabegam metantem. Nondum orto sole juxta castra constitui, acieque per otium directâ prima luce signum prælii dedi. Seraskerius suorum multitudine fretus (nam prope vicena armatorum millia numeravit) posteaquam raros ordines peditum animadvertit, avide certamen arripuit. Quatuor horarum spatium pertinaci magis, quam cruenta impressione nostræ aciei latera tentavit. Postremum fusus, fugatusque non castra modo cum impedimentis, signisque militaribus (quemadmodum ad Viennam) amisit, verum spem quoque succurrendi in posterum Budæ, cæsis nimirum magnam partem Janicsaris, deposuisse videtur, cum Eszekinum præcipiti fuga semet receperit: ut adeo sperari possit, hanc victoriam expugnationem Budæ, aliarumque urbium expugnationes tracturam. Cæsorum, captorumve numerus quantus sit? haud constat, nondum reversis Hungaris, & Polonis, qui hostem etiamnum persequuntur. Inter opulenta spolia Seraskerii vastum tentorium, vexillum, insigne supremæ armorum præfecturæ, a Mahomete traditum, eminent. Ludovicus Badensis cum Gôzia, ac Sabauda legione ultra milliare fugitivos cadens, hostiles machinas occupavit, Hungaris cum Lubomirianis longius prementibus. Velim Majestas tua mihi fidem habeat, tanta alacritate, tantoque animi robore equites, universosque Ordinum Ductores dimicasse, ut ab singulis tanta sint præstita, quanta neque exigere potuerim. Æneas C.

Y 3

Caprara

A) Sic olim equites artem pugnandi docebantur, ut nunc aciem incurfarent, nunc fuga Parthorum more, semet subducerent, ubique adessent, nusquam statario gradu prælium cicerent. T. Livius Patav. Lib. XXII. §. XXXV. de Philippi Macedonis equitibus ait: credidere Regii, genus pugne, cui assueverant, fore, ut equites invicem infecedentes, fugientesque, nunc re-lis uterentur, nunc terga darent. Unde idem author scribit de memorabili pugna Cannensi, Gallos, Hispanosque equites cum Romanis concurrisse minime equestri more pugne, quod stantes, ac conferti tela ingererent, exciperentque. Vide Lib. XXII. §. XLVII. Principio se-culi decimi septimi Hungari equites priori genere pugne sunt usi, nunc firmi hostem oppo-nuntur, pilas excipiunt, ac adversus ignea tormentorum ora vadunt.

A. C. *Caprara Mareschallus, Principes Badensis, Salmensis ut munere militari præcipui,*
 1684. *ita fortibus factis militi præivere.* A) Sic Lotharingus sine discrimine nationum,
 & Ducum, & gregariorum virtutem, qua secundum Deum victor evasit,
 compolitis Viennam literis Cæsaris memoriæ, & liberalitati admovit. Cæ-
 terum quina circiter millia inter fugam occubuerunt hostium, pauci capti cum
 octo tormentis; Seraskerius prope erat, ut numerum captorum augeret,
 dum fugiendo fessus, sparsos, palantesque suos ad prælium redintegrandum
 hortatur; nostrorum centum, ac quadraginta desiderati, plures læli.

Profligato hoste extero, ad obsidionem Budæ reditum est. Ductis
 obsidionalibus viis continenti fossorum opera, & quinque tormentariis sedibus,
 potissimum adversus Vallengia munimenta erectis, verberationi initium da-
 tum, quinto calendas sextiles. Illico apparuit oppugnationem non diutur-
 nam modo, sed cruentam quoque, & Nobilium iactura memorabilem fore.
 Nam præsidarii numero valentes, statim in principio crebris eruptionibus
 Cæsareos vexare cœperunt, ligonique magis, quam ferro intentos, impro-
 visa clade usque adeo obruerunt, ut cæso persæpe fossorum manipulo, fu-
 gatis stationariis, multi sudoris opera momento corruperint. Nec abstine-
 bant hac erumpendi consuetudine, quidquid agerent Præfecti, ne imparati
 opprimerentur. Cum enim fere exercitum in urbe aleret Gubernator, pro-
 cursiones non invitus concessit, imo author erat, ut quam frequentissime
 fierent; temperaturus suorum ardorem, ubi multitudo ad justum nume-
 rum defensorum redacta fuerit. Quo consilio duo se consecuturum spera-
 vit: levamentum rei cibariæ, & militis sui apud hostes existimationem.
 Unde vix una dies sine certamine abiit, Turcis plerumque victoribus; quæ
 res & Duci solitudinem, & gregariis operi destinatis non mediocrem me-
 tum creavit.

Sed Vallengem aggressionem multa alia arduam reddidere. Muri al-
 to, præcipitique loco positi machinarum vim eludebant: tum longissimo
 spatio porrecti, numerosis propugnatoribus tutam stationem præbebant,
 quibus collineatis ictibus appropinquantes Cæsareos impune configere, aut
 devolutis per montis crepidinem molaribus, una cum operibus certissima stra-
 ge proterere ludus erat. Nec minor usus e mænibus tormentorum fuit,
 ut adeo pila nulla in obsidentes frustra vibraretur. Tot simul incommodis
 fatigati Christiani, spem omnem subjugandæ urbis in cuniculis, in cæcis
 suffossionibus posuerunt. Spem intendit Cornarus, subterraneorum ope-
 rum inventis, par clarissimo tota Europa Vernedæ, magistro suo, magnifi-
 cis pollicitationibus artis suæ multo superior. Septima Augusti ad semilu-
 nam ductus cuniculus, ac ingenti fragore solutus, prægrandibus faxis, ter-
 ræ fragminibus accessus nostros omnino obruit, illælis hostium mænibus.
 Biduo post alter admoto igniario fomite incensus, effractusque, ob mol-
 liorem terram, omnem pestem innoxius in auras evomit, deditque præsi-
 diariis copiam eruptionem tentandi, qua cælis, qui primi se obtulerant,
 stationariis cum Comite Nassaviæ, post acre certamen in urbem rejecti fue-
 runt. B) Ad portam Viennensem perinde nullo rerum successu defudatum
 erat. ProcurSIONES in opera, & in fossos adeo pertinaces siebant, ut ali-
 quot castella terrea, plurium centuriarum capacia, & castrensis machinis
 instructa contra vim ab obsessis ingruentem, poni debuerint: cumque tor-
 menta in semilunam obversa solum cespitem, præstructosque aggeres rade-
 rent, atque Turcæ in temere congesta tellure latentes, certis ictibus subeun-
 tes exciperent, ex utroque latere tormentarii suggestus ad declinanda ho-
 stium tela, bina receptacula, fossa, ac vallo præmunita, sunt erecta. Tum
 inferioris oppidi fossa novo aggere firmata, atque ad tuendos cuniculatores
 vallum oblique ductum. Hæc ipsa multiplex sollicitudo muniendi accessus,
 Janicsaros ferocios effecit, existimantes TIMORI nulla munimenta satis ef-
 se, viresque tanto magis distrahi, quanto plura per urbis circuitum excitarentur.

Inter

A) Extant hæc literæ idioma Germano Tom. II. Portæ Ottomanicæ pag. 265. quas Lectoris gratia
 hoc loco recitare visum fuit. B) Porta Ottom. T. II.

Inter has curas spes injecta est Lotharingo, posse urbem ad deditio- A. C.
nem adigi interceptis flumentanis turribus, quod intelligeret e transfugis, 1684.
inopia fontium obfessos laborare, nec diu restituros, si Danubio arcerentur.
Igitur per subita armorum occupaturus turres, dum armatas cohortes e
castris evocat, imperia dividit, ipse aggressuros, ne se mutuo impediunt,
in ordines collocat, sigillatim, quid agere oporteat, Præfectis exponit;
audacissimi præsidiorum in oppidum inferius decurrunt, sexaginta, &
amplius primo impetu obtruncant. Huc subito acti, qui aggressioni præ-
parabantur, cum densato gradu, nec satis compositi pugnantibus se misce-
rent, multitudine sua impliciti, occasionem rei bene gerendæ corruperunt.
Hoc certamine e Nobilioribus cecidere Baro Blumenthalius post acrem pu-
gnam a pluribus circumventus, & Comes Ferdinandus Harrachius pila tor-
menti secundum latus graviter percussus. A) Sic eversum est consilium inva-
dendi ex improvviso turres. Per eosdem dies grandior semiluna, vi pulveris
magnam partem labefactata, viam in urbem aperuisset, nisi solertia Guber-
natoris terream munitionem vallo, & sudibus circumdatam irrupturis oppo-
suisset. In hanc postridie continenter fulminatum fuit: tum Volones, qui
ve delectu Lotharingi ad occupandum locum procurrare sunt iussi, gene-
roso mortis contemptu per stragem murorum, furnulosque succensos in
montem evadunt: pars secures expedire, pars in confertos pilarum tempe-
statem spargere. Turcæ contra glandium, lapidumque vim in primos ordi-
nes effundere; ignibus, aliaque urente materia submovere, nudatis feroci-
ter frameis fortissimos obtruncare, tantaque rabie locum tueri, ut Dux de-
sperato successu, signum receptui dare coactus fuerit. At per montis decli-
vitatem non ita regredi ordinate potuere, quin multi, ut in recessu solet,
Janicsarorum telis paterent; ut adeo pauci integri, reliqui immanibus plagis
affecti, commiserationi spectantibus in castris essent.

Hæc minus prospera invasio, hostium animos altius extulit, Cæsa-
reorum nimium depressit, præsertim effusis immodice pluviis fossionem im-
pedientibus, ac peritissimis cuniculorum vario fato interemptis; quorum
opera crebrius uti statuerat Lotharingus, quo militum paucitati consuleret;
neque novi, quod magnopere orabat Cæsarem, submittebantur. Morbis
insuper per legiones gliscentibus, omnia arctiora in dies fiebant. Dux ipse
violenta correptus febre decumbebat, oppugnationis cura in Rudigerum
Staremburgium, reliqui exercitus in Æneam Capraram B) translata. Illius
designatione adversus castelli portam, unde frequentius eruptum est, val-
lum reductibus interstinctum perducitur. Huc injecti sunt dimachæ, quos
Heislerus Tribunus paulo ante e proxima expeditione, in castra reduxerat
victores (nam ad Albam Regalem septingentos Turcarum cæciderant, grege
pecorum præterea abacto) iussi adesse fossoribus, si illuc erumperent Bu-
denses. Horum plerosque nimia securitas perdidit. Namque itinere non
tam longinquo, quam præpropere lassati, atque loci munimentis confisi,
veluti vallum pro ipsis excubaret, & viri munimentis, non munimenta vi-
ris tuta forent, positis armis per cespitem strati interquiescebant. Id con-
spicati ex alto Turcæ, tanta pernicitate, impetuque e castello erumpunt,
ut concisis dimachis, præaltos aggeres cum reductibus disjecerint, corrupe-
rintque. Badensis, & Salmentis Princeps, adductis suis legionibus hostem
exultantem intra mænia compulerunt. Insequenti die C) apud stationem
equitum concursus est. Saxonem Isenacensem ardentius pro vallo, quam
cautius tela in barbaros emittentem, lethale vulnus pugnae extraxit, subinde
extinxit, elatum ingenti exercitus luctu, ac dolore inprimis haud modico
Lotharingi, quem incensa febris, & quotidianæ suorum clades misere tor-
quebant; præsertim postquam recensito exercitu, quina legionariorum mil-
lia, primi nominis Centuriones quinquaginta, Legatos quadraginta præter
plurimos inferiores Præfectos, Volones nobilissimos juxta, ac fortissimos in-
teruisse,

A) Eadem Porta Ottoman. B) Descriptio Pannoniæ Rudolphum C. Rabatram oppugnationi præ-
positum fuisse meminit, quod erroneum existimo. C) Nona Septembris.

A. C.teriisse, morbis divexari non paucos, atque omnium animos irriti toties la-
1684. boris dolore ægros intellexit.

Pertinaci morbo, multisque difficultatibus implicitum, Baviaræ Ducis in castra adventus magnopere recreavit. Advexerat is viginti millia spectatæ virtutis militum; Bavarorum denâ, Francorum septena, Suevorum terna millia; quorum plerique anno præterlapso adversus Turcam in Austria, Hungaria secunda prælia fecerunt. Par his copiis apparatus. Centum octoginta variæ formæ navigia, Danubio innatantia in conspectu Budensium appulsâ, quantas copias, quantamve rerum omnium supellectilem, obsidioni urbium pernecessariam, advexerint, se æstimanda præbuerunt: castrenses currus terra secuti majori numero: grandiores machinæ duæ, & triginta; minores quatuor plures. Raro unquam spe victoriæ alacrior miles ad Budam visus. Undecima Septembris expositus, Cæsareorum munimenta, prout res, & imperium vocaverat, defendenda accepit; erectoque adversus castellum tormentorum suggestu, vi summa everberare muros cœpit. Ne qua inter Duces honoris æmulatio oriretur, sapienter a Leopoldo Imperatore provisum est, ut nempe militaris tessera a Cæsare utique ederetur. Balthasar Hannius, illius ætatis perdiligens Scriptor, prodidit, oppugnationis, omniumque copiarum curam Bavaro commissam ea lege, ut in deliberationem, si quid majoris momenti occurrat, Cæsareos belli Consultores advocet, atque horum consiliis, operaque utatur. Quidquid sit hac de re, illud constat: Duces summe concordēs communi animo, consilioque rem egisse; probe gnaros, NUNQUAM in præsentiori periculo exercitum versari, quam dum Duces sententiis, atque animo discordiam alunt.

Et perquam necessaria erat hæc animorum conjunctio. Nam Seraskerius reparatis celeriter viribus, Budæ suæ metuens festinatis diu, noctuque itineribus Eszekino adventare nunciabatur. Bavaro antequam suppetiæ obsidentium animos firmarent, per decurionem Turcici sermonis peritum explorare placuit Gubernatoris mentem, velletne urbem Leopoldo Hungariæ Regi reddere, an belli eventum experiri? Ille perhumaniter acceptum nuncium, ac quindenis aureis nummis donatum, sine mora remisit in castra, addito: *sibi urbem traditam, ut eam tueatur, non prodat. Rebus integris locum cedere amentis esse. Agerent Christiani armis, atque victores conditiones victo ferrent.* Igitur in oppugnationem unice intentus Bavarus, ex altero suggestu in turris frontem, ex qua recte, & oblique in operas continenter fulminatum est, ignitas pilas contorqueri iussit.

Sed in Seraskerium castris non segniter imminentem, Ducum potior cura conversâ est. Pavidī agrestes in stationarios incidentes, deinde in castra delati, militem ingenti terrore complevere: Turcarum copias Budam appropere, jamque equitatum cum Seraskerio in propinquo esse. Nec quanta manus agros popularetur, nec ubi locorum tenderent, satis gnari, omnia in majus metu augente accipiebant. Igitur primum terror, pavorque, postea mæstitia animos incessit: recentem exercitum trahere Seraskerium, cum ipsi ægre erumpentium ferociæ quæant resistere; obsidentes quadraginta millibus pugnatorum (sic fama subinde percrebuit) facile obsideri, aut si Budenses, & Seraskerius eodem tempore vim castris inferrent, maxima clade affici posse. Hungari, & Lubomiriani equites, qui militares vias infederant, revocati, certiora nunciarunt: colluviem potius hominum, quam justum militem sub signis esse, neque numerum viginti millium excedere. Paucos ex iis Janicsaros, reliquos ex agris compulsos. Hunc rumorem ex composito latius sparserunt Duces, quo intempestivum metum Cæsarei, & Bavari (nam & istorum fiducia in solitudinem versa est) ponerent, simulque castigando timidiore, universa castra ad spem victoriæ erexerunt. Tum muniendis castris, ne qua hostis aditum in ea, indeque in urbem reperiret, insudatum fuit, maxima militum defatigatione, quod longe, lateque extensa, insuper inæquali loco posita, laborem in fossa, & aggere circumducto geminarint. Lotharingus receptis jam corporis viribus,

bus, cum Electore Bavaro equitatum castris educit adversus Seraskerium; A. C. peditatum accinctum in armis stare jubet; accessus, furnulos, reductus con- 1684. duplicatis vigiliis firmat; machinarum sedes novis præsiidiis auget, atque præcipuis militum Præfectis admonitis, ut in hostium consilia expediti intendant, ubi majus periculum, suppetias ferant, omnem cladem a suis aver- tisse videbatur. Sed SÆPE iniquior fortuna Belliducis, quantumvis cauti, consilia eludit, & quanto avértendæ cladis paratiora reperit, tanto accipien- dæ propiora facit.

Quippe dum Seraskerius uno, atque altero die castris propinquus, hunc stationarios carpit, nunc pabulatores intercipit, nunc explicata acie pugnam simulat, nihil tamen temerariæ spei committit, repente vigesima secunda Septembris stationes nostrorum invadit, & fundit; eodemque tempore, ut conventum erat, duabus simul portis equites peditibus im- mitti, ipso Governatore præeunte, subito erumpunt, intentosque in Seras- kerii equestre prælium, atque primo impetu perculos, miserabili strage concidunt, muralia tormenta defixis clavis corrumpunt, fuggestus, agge- res demoliuntur, fascibus, palis ignem injiciunt, opera multo sudore, multoque sanguine fortium virorum fabricata dejiciunt, tumultu, cædibus omnia permiscunt; ciebaturque pluribus in locis non tam anceps, quam sanguinarium certamen; Ducibus in hanc modo partem, modo in illam se vertentibus, & subita clade commilitonum perterritos ad pugnam animan- tibus. Infestum Spahiorum agmen per vallem evectum, fulis custodibus, levi impendio valla transcendit, quod ea parte infirmus agger foret, ma- joremque viribus suis inter calones, & lixas terrorem excivere. A Magnia- nis dimachis primum excepti, dein pilis pulvere pyrio animatis fortiter re- pressi, dum per eandem vallem, admissis habenis fugam moliantur, in insi- dias præcipitant, ac multis suorum desideratis, colles vicinos trepide pe- tunt. Hac equestri procella dissipata, Seraskerius suam aciem latius exten- dit, quasi pluribus locis castrorum valla tentaturus. Istud eo consilio ege- rit, ut ne ea parte prælii jam liberi Duces, omnibus viribus uterentur in obsessos, qui nullo obistente, in vicina Cæsareorum castra terrorem spar- serunt, & nisi Bavari in tempore se opposuissent, torrentis instar castra o- mnia vastassent. Hi e ripa Danubii tendentes, longo circuitu facto, per disiectos aggeres signa intulerunt, atque victorem, stragem late circumfe- rentem, in urbem retruserunt. Seraskerius peditatu non perinde firmus, declinata universi certaminis alea, retrocessit.

Eum postridie aggredi Duces statuerunt; sed pluvium cælum consi- lium turbavit. Nec ille tutum existimans in tanta propinquitate aperto in campo metari, Albam Regalem, tum Elzekinum iter relegit, quo aliquot legiones peditum in Bosnia scriptas convenire jussit. At obsessi morem suum secuti, longe ferocius, ac antea, opera, operumque custodes incurfarunt, atque clades fere quotidie auxerunt. Memorabilis ea eruptio fuit, qua ma- gnâ partem iterum corruptis machinis, ac operibus, ter centum, & am- plius gregarii cum suis Præfectis subito oppressi sunt. Nihilominus in tam operosa, cruentaque oppugnatione constantius, quam feliciter persevera- runt Christiani; quin Baviaræ miles suggestibus geminis tertium, adversus castelli munitiones, magno contemptu hostium addidit, perpetuoque mis- silium ignium jactu, cuniculorum suffossione lacerata munimenta fatigavit. Quarta Octobris delectæ Bavarorum cohortes in ruinas procurrunt. Tur- cæ devolutis faxis, trabibus subeuntes sternunt; pro nudato manibus loco corpora opponunt; rem ferro strenue agunt. Bavari inter densam telo- rum tempestatem, in montem eluctati, majorem, quam pro numero, dua- rum horarum spatio pugnam edunt, & quo acrius, diutiusque, utrinque dimicatur, eo plures vulnerantur, nullo inter arma, corporaque vano in- tercidente telo. Cum anceps certamen in ruinis teneret, & Turcis, quia pedem non referrent, crevissent animi; Bavari quia non vicissent, pro vi- ctis essent; repente oppidani sublato clamore in obstinate pugnantes profi-

A. C. liunt, atque per montis declivitatem impulsos in castra redigunt; quadringentis gentis in ruinarum angustiis cæsis, multo pluribus fauciatis.

Interim Seraskerius receptis in castra peditum supplementis, Budam propius accedere nunciabatur. Speculatores Hungari, rati hostium agmen longius abesse, densa nebula conspectum præpediente, in quater mille equites improviso impingunt, celeriterque multitudine circumfusi ægre salutem fuga inveniunt. Obsessi suorum adventu cognito, sine mora erumpunt. Aspermontii legionem, & duas centurias Salmenfis Principis circumveniunt. Pugna iniquissima exoritur. Christiani effusis large imbris madidi, ac cæno hærentes, non ordines tenere, non pulvere nitrato uti poterant. Turcæ contra corporibus alacres, frameas circumagunt, nec cedere, nec repugnare valentes interficiunt. A) Equites in stationarios eodem tempore illati, a Dûnewaldo, & Mercyo pessime mulctati sunt; aliquot tamen centuriæ, velocitate equorum in urbem penetrarunt, ingenti Budensium gratulatione. Lotharingus, ne rursus elaberetur Seraskerius, refectum militem tertia vigilia arma sumere jubet, ac festinato itinere ad hostem contendit. Ille feliciores in campo, quam urbium oppugnatione, non ausus operiri, multo ante noctem copias Eszekinum retro, quibus venerat itineribus, rapit; tanta celeritate, ut Hungari, Polonique famam, & vestigia fugientium secuti, neminem unum ex agmine interceperint. Nostri exacto die, nocteque in hostium castris, re infecta, Budam redierunt.

Biduo post viginti signa Spahiorum in fronte castrorum apparuerunt. Ut ad arma impigre concurrere vident Cæsareos, nihil ultra ausi, cursu fuga simili, in sexcentos Hungaros, qui pabulandi causa longius e castris progressi, inermes, & hostium securi in aperto campo procubuerant, feruntur. Pugna oritur, qualis esse solet inter aggredientes, animoque firmatos, atque inter inopinantes, ac percussos. Cæsi plerique, & ducentis equis mulctati nimiam in medio bello sœcordiam luerunt. Hoc qualecunque infortunium gravioris mali principium fuit. Hungari, qui in castris subsisterant, quive cædem evaserant, commilitonum adverso prælio commoti, missionem flagitant a Pro-Rege; questi insuper gravem, sibi que damnosam militiam, quod ære suo in alterum annum militare cogerentur, utque æstate non levibus impensis inter quotidiana mortis discrimina, se, suosque equos in castris aluerunt, ita & hyeme pari impendio domi suæ, quemadmodum anno superiori, victitandum, imo exteros milites apud se Hybernaturus; etsi Comes Preunerus, & Baro Abelius, Cæsarei Quæstores, longe alia nomine Cæsaris, Hungaris polliceantur, quo videlicet nimium credulis imponant, novasque pedicas injiciant. Ne omnes ex compolito discederent, Palatinus qua precibus, qua promissis (nam FRUSTRA obtendis imperium, ubi metus, & reverentia exiit) evicit. Terna tamen millia conclamatis propalam vasis, frænatos equos insiliunt; neque pinguum stativorum promissis, neque Abelii minis revocari potuerunt.

Duces ad lentam oppugnationem reversi, conspecta operum jactura, strage fortissimorum militum, imminutione exercitus, extrema, qui supererant, omnium desperatione, prope erat, ut incepto desisterent. Eri gi videbantur, quas Suevia dimidio Octobris miserat, suppetiis, atque cuniculariorum pollicitationibus. Pars Suevorum ad oram Danubii, secundum Bavarorum castra, terreum propugnaculum excitavit; pars in Pesztinensem ripam traducta, alterum munimentum ex adverso objecit, illatisque majoribus tormentis, quibus inimicas naves procul arcerent, si quid auxilii obsessis inferre vellent, spem omnem commercii Danubium inter, & Budam præcisum iri existimarunt. Præter aggressiones apertas parum procedentes, geminis actis cuniculis ad murum, qui juxta hortos Reginæ, his surdis fossionibus subruendus Lotharingi judicio aptissimus censebatur, improbo labore perventum est. Valtiore turrim a paucis admodum propugnato.

a) Quinta, & vicesima Septembris hanc eruptionem tentatam Porta Ottomanica prodidit.

gnatoribus infessam, aperta vi occupandi spes non modica fuit, jamque co-A. C.
hortes affiliendi signum expectarunt. Nihil uspiam ad votum cessit, ut 1684.
adeo obsessis omnia secunda, adversa obsidentibus, quemadmodum in prin-
cipio, ita in exitu oppugnationis, evenirent. Nam obsessi veluti admoniti
discriminis, in turrim armati multo numero clam evadunt, admotisque
propere machinis clavis, & catenis refertis, tanto majorem stragem in op-
pugnatoribus faciunt, quanto ardentius, inconsultiusque provecti, arma-
tæ turri appropinquarunt. Culpa cladis, ac frustrati assultus, Comitæ Se-
renii cunctationi potissimum attributa est, qui turrim situ validam, sua
fortuna, & suorum militum, quibuscum in eam assilire quarta ab meridie
hora jussus erat, superiorem existimans, re ipsa fecit, dum dilato in ve-
sperum assultu, hostibus tempus concessit, viris, & armis muniendi locum.
Nimirum: IN BELLO vel brevis mora in perniciem vertit, ubi celeritate
est opus. Nihilo feliciorem successum cunicularii habuere, quorum ars sive
telluris ingenio, sive fossorum negligentia delusa, nunquam alias minoris
fieri cœpit.

Multis adeo partibus languentem oppugnationem, subsidia urbi illa-
ta penitus affligerunt. Agriensium Præfectus armatis septem navigiis Da-
nubium percurrans, nunc excensionem ad Peszti, Budæque ripas ostentare,
nunc in Suevorum propugnacula, & navalem pontem aggressionem minari,
atque strepitum armorum, metumque pluribus diebus circumferre solebat.
Ostentata hac aggressionem sæpe delusis, & ideo segnius accurrentibus ad ar-
ma Christianis, prima, & trigesima Octobris evitatis tormentorum fulmi-
nibus, quæ e binis Suevorum propugnaculis sine cessatione emittebantur,
fulminis instar in stationem Bavarorum invehens, expositisque in terram co-
piis, aggerum custodes ante opprimit, quam vel Saikarii ad pontem excu-
bantes, vel vicini stationarii opem adferre possent. Post hanc militum stra-
gem, eadem celeritate opera male cohærentia aggressus, momento pessum-
dat. Hoc patrato facinore in conspectu arcis, explicatis signis, tympanis-
que sonantibus, in media veluti pace cum aliquot centuriis triumphanti
similis urbem intravit. a) Haud facile dictu est, quanta Budensium gratula-
tione auxiliarii accepti, quod viderent navigaturæ annonæ, cæterisque sub-
sidiis aditum per eos apertum; nec defore alios, qui illustri hoc facto in-
centi, paria Reipublicæ causa sint ausuri. MAGNITUDE enim periculo-
rum æmulationem crescere; quodve primis e sententia cessit, alteros mini-
me deiperare.

At opus non erat ampliori auxilio, Ducibus de receptu magis,
quam obsidione jam sollicitis. Quippe idoneis nunciis perferebatur, Maho-
metis jussu equites, peditesque e Bosnia Seraskerio missos, vicinis in pro-
vinciis delectibus, quidquid armis ferendis esset, excitum appropere; &
jam obequitantes Spahii, e montibus situm licenter contemplabantur. Præ-
ter hunc minime vanum terrorem, multa incommoda enascebantur. Ma-
chinatorum quispiam, nescio quibus umbris agitato, ad obsessos defecit.
b) Hic terreas substructiones, cuniculorum & numerum, & typum minu-
tim descripsit, quove res loco Christianorum sint, enucleate, ac vere ho-
stibus patefecit. Ubi transfugæ indicio, eo alacriores erumpunt, quo cer-
tiores de prospero successu. Ferro, igne tanto furore desæviunt in
militem, & opera, ut a principio oppugnationis, nulla major accepta
sit clades. Ad hanc accessit autumnus imbribus fœdus, quorum frequen-
tia humus palustris, ac restagnans reddita, festinare non sinebat opera
tarde cohærentia, & statim fluxa; & ubi profundiores cavernæ erutæ,
ab erumpentibus aquarum venis, maximo damno cuniculariorum reple-
bantur. Denique aperta desperatio expugnandi loci, cui Danubius,
pugnator fluvius, ad quantavis subsidia præsto erat.

Rebus ita sitis, tamque liquidis, summo omnium consensu soluta
est obsidio, in quintum mensem nullo successu producta. Silentio noctis

A. C. bellica penus, invalidus miles in naves comportatus, adverso Danubio Vis¹
 1684. segradum, inde Strigonium est vectus. Legionarii armis accincti, nec ite-
 neri magis, quam prælio, si Budenses more suo procurrerent, apti, lento
 gradu, servatis ordinibus castris educti, Albam Regalem versus ad speciem
 moverunt, tum conversis subito signis veterem Budam, dein Vilsegradum
 iter flexerunt. Crematis circum ædificiis, Lotharingi jussu munimenta
 Pefztini, per cuniculos provide ante excavatos, evibrata sunt. At Vacuum
 ter centum peditibus, quingentis equitibus Hungaris, & duobus signis
 Germanorum firmatum est. Seraskerius ut primum sensit retrocedere Chri-
 stianos, immixtis, levioris armaturæ militibus in postrema agmina, cum
 reliquo exercitu ad colles usque Strigonienſes sequebatur, nullo, etſi maxi-
 me vellet, illato detrimento, quod fistulatores in pugnam intenti, ac probe
 inter se confertis ordinibus incedentes, terga omnium clauderent. Ægri-
 tamen, festinandi studio in insula Divi Andreæ relictæ, cum duobus navi-
 giis, & supellectili opulenta intercepti sunt, ac crudeliter concisi. Ad de-
 cimam tertiam Novembris multum imminutus exercitus Strigonii perſtitit,
 dum pons navigiis fieret. Eo recensito compertum est, tria, & vicena mil-
 lia partim eruptionibus validissimis, & repetitis cum Seraskerio præliis, par-
 tim aeris intemperie, vario morborum genere, annonæ, ac pabuli inopia
 interiisse; atque hos inter bellico aliquo munere præcipuos novem, & tri-
 ginta supra sexcentos; honorarios, seu Volones centum septem, ac quadra-
 ginta; multos præterea vulneratos, vitæque dubios in stativa relatos; mire
 consentiunt Scriptores. A) Hostium vero numerum prope parem fuisse, in-
 de conjicias, quod præſidiariis solícite auxilia sint missa, Seraskerius in cam-
 po semel, atque iterum fusus, fugatusque. Sed fuerit par, aut minor cæ-
 forum, læſorumque hostium numerus, clades Christiani exercitus tanto ma-
 jor existimabatur, quanto apertius, amissa bellicæ gloriæ fama, superiori
 anno parta, fortuna retrocessisse, ac ad hostes defecisse est visa. FAMA
 etenim bella constant, multumque interest victor, an victus aggressurus sis,

Buda obsidione liberata, eo effusiore ubique lætitia Ottomanæ inces-
 serunt, quo propiores erant periculo illius amittendæ. Seraskerius, quasi
 unus præcipuas partes in tuenda urbe sustinuiſſet, homo in gloriam inten-
 tior apud absentes, quam ex præſentium offensione timidus, sibi ipsi trium-
 phum decrevit, egitque subitatio apparatu. Obviam effusa militum, ci-
 viumque turba, sublimis equo, inter festos tormentorum plausus Budam
 intravit, non captis urbibus, non secundis præliis clarus. Circa ipsum ve-
 hebantur primores quique Bassarum, Ordinum præcipui Ductores, præto-
 rianis turmis stipati. Equites deinde, & pedites ordinibus distinctis seque-
 bantur; tum quadraginta currus re cibaria, & centum cameli partim ca-
 strenſi supellectili, partim hostium spoliis undique corraſis graves. Haud
 sincera omnium lætitia, multorum certe invidia, maxime præſidiariorum
 spectata est pompa, qui tantum sibi e bellica laude detractum querebantur,
 quantum gloriæ sibi Seraskerius attribuit; audiebanturque voces: iret iste
 per urbis compita victoriæ umbra ebrius, sincerum triumphum Ibrahimum
 Gubernatorem, etſi pedes incedat, agere. Hujus cum manu, tum consilio sapien-
 te Budam, post Byzantium Europæarum urbium principem, stetisse: Se-
 raskerium spectatorem potius, quam defensorem, iteratis profectionibus
 levitatem animi satis prodidiſſe. Sed hæc minime obturbarunt communem
 illius diei lætitiā, publico gaudio privatorum querelas vincente. Urbs
 sub primas tenebras ignibus collucens, tum deserta castra uno repente in-
 cendio hausta, hilaria in seram noctem extraxere.

Perinde Adrianopoli, Byzantii, soluta obsidio argumentum lætandi
 erat, ea videlicet tempeſtate, qua victores Veneti expugnata Leucade, B)
 maris

A) Porta Ottomanica, Descriptio Pannoniæ, Historia Magni Leopoldi. Hæc tamen majorem nu-
 merum Præſectorum improſpera iſta oppugnatione conſumptum ponit, nempe 1663. B) Leu-
 cas, Leucadia insula, & urbs maris Jonii, nunc S. Maura appellata, varias vicissitudines
 habuit. Mari, & terra oppugnari poteſt urbs. Leucate promontorium est insulæ Leucadis.
 Sic Virg. Lib. VIII. Æneidos:

Fervere Leucaten, auroque eſſulgere fluctus.

maris Jonii non ignobili insula, in Peloponnesum vela facturi nunciabantur. A. C. lisdem fere diebus Verovitizia a) deditione accepta in Slavonia, mæro-1684. rem simul, & metum auxit; neque e Podolia lætiora perferebantur. Sed Buda in libertatem asserta, clades aliunde nunciatas multo minores reddidit, aulamque, & populum omni formidine, atque mæstitia solvit. SIC mortalium animi comparati sunt: adversis nec levibus, nec paucis jactati, ubi postremum prospere rem agi a suis intelligunt, damna sua non sentiunt, spondentque grandibus cœptis virtutem, comitem fortunam fore. Quod Turcis alioquin insolentibus apprime convenit. Nec segniter usi hac animorum concitatione Purpurati, Germanorum rerum militarium imperitiam, Ducum segnitiam tetrus coloribus depingunt; populo persuadere nituntur, veteranas legiones inopia alimentorum, cœli inclementia, eruptionibus esse deletas; inconditam, disciplinæque bellicæ rudem superesse, nec ferre militis Ottomanici vultum. Ex adverso sui Imperii vires, Ductorum peritiam adeo magnifice extollunt, ut non dubitarint in Senatu bellico sermonem inferre, de retentanda totis viribus Vienna, quasi ad Budam omnis Germania debellata, a Seraskerio in triumphum rapta fuisset. b) Sed istud dictu, quam re, ut pleraque alia, facilius erat. Ejusmodi falsis rumoribus multum animata gens Turcarum, jam inde ab origine Monarchiæ reparandis, instaurandisque armis nata, comparatis per hyemem, quæ sustinendo, aut si Diis placet, inferendo bello, necessaria sunt, triplicis fœderis terrorem paulatim exuit.

In Slavonia hoc anno, ductu Comitis Leslæi multa feliciter evenere Cæsareis. Cum mediocri exercitu provinciam ingressus, Verovitiziam ad Dravi ripam oppidum, saxea arce, profunda, palustrique fossa non immunum, circumdat. Vix tormentis res geri cœpta est, Bosniæ Præfectus, jam antea admonitus, tria millia armatorum ad infestanda castra, agrosque vastandos expedit, jussu Gradiscano Gubernatore mille, ac quingentos primo quoque tempore huic agmini addere. Horum conscius per exploratores Leslæus, opprimere ante statuit divisos, quam vires conjungerent. Comes Trautmanstorffius huic rei perficiendæ delectus, cum quatuor millibus Germanorum partim, partim Croatarum in Bosnenses contendit. Post leucæ unius spatium, in hostium ordines antesignani impingunt, subitoque coorto certamine, paucitate sua viribus præfidentes acrius in pugnam proliciunt. Sed Trautmanstorffio, veluti ex insidiis se objiciente, cum omni robore, Turcarum acies illico inclinavit. Pauci ex eo numero promiscuam necem vitarunt, equitatu Croatico in palantes celerrime immisso. Lestis spoliis, ne cladis nuncius præverteret, sine mora in Gradiscanos, alia via incedentes, signa obversa sunt. Haud procul Verovitizia inter arbusa illi confederant, Bosniæ militem aucturi. Repente conspicati Cæsareos, nullo tentato certamine, in arcta, & confragrosa loca fugiunt. In ea omnium perturbatione, duos Agas, triginta nobiliores Turcas cum duodecim militibus signis, armis varii generis victores occuparunt. Paucorum sanguine utraque victoria stetit. Centurio unus, & quatuordecim gregarii cæsi, vulnerati triginta.

Adductis captivis in castra inter militares plausus, obsessi Verovitiziæ fortunam, in campo victam ingemuerunt, moxque desperata omni ope exterorum, deditionem arcis (nam oppidum primis statim diebus per missiles ignes combustum cesserunt) Leslæo faciunt. Sine suppellectili, sine telis sexcenti gregarii, at Præfecti arma induti, cum imbelli feminarum, puerorumque grege abire permissi, in itinere a Slavoniæ accolis rebus omnibus spoliuntur. Audax, indignumque Christiano nomine facinus, graviter, ut par erat, tulit Leslæus; castigassetque turpissimum factum, nisi prædantium manipuli latebras petiissent. Unde miseri publicam, privatamque suam sortem deplorantes, præter inania verborum nihil tulerunt. Fama

Z 3

deditæ

a) Verovitizia, aliis Veroviczia, munita urbs in Slavonia. b) Plura ejusmodi reperies in Historia Magni Leopoldi Tom. I. Lib. IX. pag. 649.

A. C. deditæ Verovitiziæ plurima Sclavoniæ oppida nobis asseruit, viamque ad 1684. Eszekinum stravit. Hujus celeberrimos pontes, per quos Byzantini Imperatores tot jam annis armatas legiones peditum, equitumque in Hungariam, & Illyricum infundunt, Nicolai Zrinii exemplo stimulatus, exurere cupiebat Leslæus. Jamque ad Turonoviczam, Dravo injectus pons, atque pontis capita præsidio munita, spem certam fecerunt Duci incendia spargendi; cum ex Sauravio Comite, qui exploraturus regionem præcucurrerat, refertur: omnia intuta esse; Seraskerium Buda pulsum, & Bosniæ Præfectum in propinquo militem tenere; haud dubie alterutrum Sclavoniæ oppida incursum. His intellectis Verovitiziam rediit, ac hyemante anno integras legiones in stativa dimisit.

Schulzio, qui Regias partes in superiori Hungaria tueri est iussus, hyems perinde, ac æstas inquieta fuit, Tòkòlii vaga potius, incerta, atque in omnem partem ancipiti concursatione, quam statariis pugnis. gravem Germanum militem fatigante. Coegerat is sub signa sedecim fere Hungarorum millia, opera potissimum Petroczii, atque Pethnehazii, quorum promissa, poenæque non leves propositæ, multos a Regis obsequio abstraxere. Unde cum stipendia statis diebus non procederent, & Schulzius cum veterano milite immineret, non pauci Nobilium, ac infimæ sortis, per amicos alii, alii coram a Commissariis Regiis Neosolii veniam orant; seque auctoramento novo, uti rogabantur, obstringunt. Imminutas hoc modo copias quatuor millia Tartarorum, tum bis mille ducenti Turcæ suppleverunt. Ne latius, inclinatis semel ad defectionem animis, serperent transfugia, nihil morati partium Duces, Regionum fundis faces, fugam, vastitatem inferunt. Agri Comitum de Homonna furentium rabiem in primis senserunt. Tredecim oppida juris, ut vocant, Polonici, præsentis ære quinquaginta millium imperialium populationem redemere. Lubomirfzkiani equites in hybernis oppressi, magnam partem concisi sunt. Leutichovia industria Schulzii nihil accepit detrimenti. At Unguarinum, Putnokium, Szatmarinum, aliaque oppida in superiori Hungaria, partim vi, partim deditione ad Tòkòlianos redierunt.

Ad Eperiesinum populatorium patriæ bellum conquievit. Huc celeriter evectus Schulzius, Cibinio A) urbe, haud procul Eperiesino sita, armis subacta, ac de Germanis, qui Szatmarinum prodiderant, supplicio sumpto, Bartffam, quo securiorem sui Tòkòlium redderet, iter simulat. Beneficio noctis per arduos calles, cum omnibus copiis Eperiesinum delatus, illucescente die ad valla castrorum improvisus constitit. Ut signa cecinerunt, ac clamor editus, Comes Veteranius cum legione Barkocziana, & Gambosiana, B) atque aliquot turmis dimacharum, in Pethnehazii stationarios irruit. Pertinacius repugnarunt, ac semisopiti solent, & si pari animo cæteri pugnam capeffivissent, castra eo die defensa fuissent. Sed Schulzio acriter instante cum integris, Pethnehazius loco cessit; quo pulso, omnes veluti signo accepto, relictis castris, effuso cursu trans Torissam amnem, se cum Tòkòlio recipiunt. Major inde præda, quam cædes fuit. Capta sunt castrensia aliquot tormenta, papilio Tòkòlii auro dives cum castrensi ærario, & tabulario; præter complura militaria signa. Repertus est item ordo aciei e disciplina militari, quo in pugnam suos educere constituit; celeritate præventus de fuga unice cogitavit.

Post hoc tumultuarium prælium urbs Bartffa, Markusfalva, Sztraska, & alia minoris nominis castella, admoto machinarum terrore victorem acceperunt. Reductus exercitus summa vi Eperiesinum oppugnare cœpit. Eum locum cum duobus Hungarorum millibus, & octingentis Germanis transfugis Feldmeyerus pro Tòkòlio obtinebat. Nullo successu ad vicissimam septimam Decembris oppugnationi intentus, grassantibus insuper morbis, & frigore de stativis circumspexit Schulzius. In Scepusiensi provincia

A) Cibinium Provinciæ Sarsienfis urbs peramano loco sita. B) Porta Ottomanica, & Descriptio Antiquæ, & Novæ Pannoniæ.

vincia quiescentes, auctus quadringentis Spahiis Tòkòlius, e latibulis suis A. C. rigida licet hyeme, erumpens, adoritur, populationem & cædes spargit. 1684. Iterum obrutus antelucanis horis, cælis quadringentis, captis centum, reliquum hyemis pacatus exegit. BIS suo malo expertus, prælii tempus, & modum ex arbitrio hostis plerumque expectandum esse.

Præsentis anni MDCLXXXV. principio & moles Turcici belli, & 1685. cura Cæsari crescebat. Legiones ad Budæ mænia adeo imminutæ erant, ut si novis supplementis pro more instaurarentur, tyronum potius multitudo, quam usu, robore prævalidus, & Lotharingo Duce dignus exercitus, in campum proditura appareret. Itaque placuit mercede parari veteranas copias, haberique per provincias delectus militum, qui subinde veterano exercitui, ceu corpori ossibus, nervisque firmato tanquam carnis moles, innoxie adderentur. Et commodum evenit, ut ea tempestate Germanicum Imperium alta pace domi, forisque frueretur, atque vires suas & posset, & vellet Reipubl. Christianæ commodare. E Luneburgicis dena millia pro quadringentis florenorum millibus Cæsari permixta sunt. Hannoveranus certis conditionibus suum militem sponndit. Francones, & Suevi octona; Coloniensis sex; Bavarus octo; Hassus tria, Hungari octo millia præter frumenti copiam addixere. Helveti vim pulverariam, Salisburgi Præsul varium belli apparatus; Austriæ Ordines ingentem copiam frumenti obtulerunt. Innocentius XI. summus Pontifex, triplicis fœderis præcipuus author, pro suo in rem Christianam ardenti studio, multis nummum aureorum millibus subvenit, potestatemque fecit, e sacris fundis certum tributi modum, in bellum Ottomanicum exigendi: utrumque subsidium eo profecto gratus erat, quo Cæsari opportunius a iusto exercitu, atque ab ære penitus destituito. Magni Pontificis munificentiam æmulatus est Georgius Szelepcsenius Metropolitæ Strigoniensis, hoc anno Letovicæ in Moravia vita functus, recreato magnopere ærario Regio suis opibus, quas amplissimas ultima voluntate in Leopoldum transtulit. Istorum partim præsentis pecunia, partim milite conflatus est exercitus sexaginta millium pugnatorum, supra numerum suum validus, & postea in tres partes divisus, sub totidem Ducibus magnis victoriis clarus.

Intentis in apparatus belli Christianis Principibus, nec ab Ottomanis cessabatur. Mahometem, quantum Buda fortiter defensa, res Venetorum in Dalmatia minus prosperæ, Poloniæ exercitus prope in fugam actus A) laxaverant animum, tanto magis sollicitum nunc de universo eventu belli curæ angebant: non hostes modo formidantem, qui terra, marique instabant, sed nunc Tunetanorum, & Algeriensium, nunc Cretenium, nunc etiam popularium animos, ne & illi armorum difficultate deterriti, bello abisterent, & Creteneses ad spem amicitiae Venetorum delicerent, & Ottomanos ipsos cupido novandi res caperet. Igitur & in Africam nuncios misit, simul qui vetera pacta utriusque gentis firmarent, simul qui prædatrices Respublicas commonefacerent, ut quantum possent navium numerum, hoc anno ad fauces Helleponti adducerent, atque Venetis arctiorem navigationem pro viribus redderent. Et Africanos quidem Ottomanorum amicitiae, jam inde a Solymani II. imperio innexos, armorum socios in posterum habuit.

Cretenesium animos, supplicio de Gubernatore insulæ sumpto, sibi conciliavit. Nam cum is multa superbe, avare, crudeliterque in homines Græcæ religionis fecisset, eorum Episcopum neque accusatum, nec convictum securi percuti iussisset, præteritorum, & præsentium malis fessos, prope in arma ad evertendam tyrannidem perpulit, certe a societate Turcarum incensam multitudinem abstraxit. Ad componendos motus, Imperatoris iussu in tempore fidi aliquot aulici convenerunt primores Græcorum. Gubernatorem multis criminibus oneratum in vincula primum conjiciunt, deinde

A) Quid actum anno superiore a Venetis in Dalmatia, & Ægeo mari; atque in Podolia a Polonis suo loco referam, ne videlicet hic narrationem interrumpam.

A. C. deinde ad placandam gentem palam obtruncari jubent. Hac publica odio-
 1685. rum victima cæsa, insulani quieverunt, maxime posteaquam per præconem intellexere, quæ fecisset Gubernator, ea neque Purpuratorum, neque Imperatoris facta voluntate, quem scirent diuturnum a) bellum cum Venetis gessisse pro libertate Cretensum, non ut ejusmodi gravissima libero populo, a Magistratibus, sociis, atque amicis paterentur. Insuper sub hasta divenditis Præfecti bonis, primo quoque tempore, ut læsis satisfaceret, decretum est. Novo Gubernatori, nomine Mahometis serio demandatum: ne vestigialium, tributorum acerbitate invidiam, atque odium insulanorum non tam sibi, quam Ottomanicæ genti conciat; nulla injuria laceßat Crætæ finitimos; amicitiam cum omnibus colat; intempestivum armorum consilium omittat. Denique caveat sua in insula belli civilis incendium, ubi circa sunt, qui illud alant, procul, qui extinguant. Sic Cretensum motus unius hominis libidine oborti, ingenti Byzantinorum gaudio prospere sunt compositi.

In delectibus faciendis, quæis exercitus tum navales, tum terrestres supplerentur, multo maxima difficultas erat. Maritima bella admodum gravia, & immodicorum sumptuum, quatuorve exercitus anno superiore aliti, ærariam rem penitus afflixerunt. Grandem summam pecuniæ annonæ curatores poscebant, quique navales socios legebant. Civium vulgus quantum lætitie Buda servata nuper hausit, tantum molestiæ sensit, dum pitis nominibus nova tributa, nova vectigalia provinciis imposita fuerunt. Sed isthæc subsidia sero procedebant, neque spes erat, ut tanta pecunia, quantam ad usus multiplicis belli necessariam noverant, ab exhaustis civibus conferri possit. Igitur Imperator domesticas opes, sua, suorumque Majorum avaritia congestas, aggredi coactus, magnam earum partem in medium protulit. Auream, argenteamque supellectilem partim divendidit, partim signari jussit. In cudenda, recudendaque moneta, nihil industriæ prætermisum, quo res pecuniaria in iis angustiis melius haberet. Vezirius mille armatos impensis suis conscripsit, annuumque stipendium Quæstoribus numeravit; ratus opulentiores Purpuratorum, suo exemplo ad parem erga Patriam charitatem motum iri. Sed nemo omnium erat, qui privatis opibus publicam inopiam levaret. In Ægyptum, aliasque Asiæ regiones annonæ coemendæ causa navigia missa, non levem copiam omnis generis frumenti portibus Byzantinis invexerunt. In legendo milite diu, multumque desudatum fuit. Terrestres copiæ etsi horrerent militiam, tamen quod Imperatoris ductu, ut rumor erat, in Hungaria bellaturas se crederent, editis apud Præfectos provinciarum nominibus, ad signa statis diebus confluxerunt. Asiæ equitatus non perinde, ac priscis temporibus, armis, cæterisque rebus instructus, advenit. Nam plerique Timarotarum, qui suis impendiis castra more veteri alias sequebantur, apud Præfectos suos hanc molestam expeditionem pecunia redemerunt, sui que in locum egentissimum quemque, & ad omnia belli munia ineptum suffecerunt. Unde hoc anno Asiatici equites per ludibrium spectaculo erant. Neque magistri rei militaris tantum spei polliceri audebant, ut homines disciplinæ impatientes servare ordines, signa sequi, ferire hostem, Præfectis subesse, nisi post multas clades, condiscant. Quanquam Turcarum equitatus, sive robore virium, sive rigore disciplinæ, nunquam parem se præstiterit peditatui superioribus annis, collatisque signis æquo campo, Janicsaris semper palmam cesserit, ut adeo præsentis anni equitatus ad fruges consumendas, non item præliacienda, a peritis rerum convenisse æstimaretur.

Maritimam expeditionem quanto pluribus periculis objectam, tanto magis fugiebat miles. Sex, & decem naves bellicæ, mercatorum ære comparatæ, nautica turba, armis utcunque instructæ, in anchoris stabant ad Byzantium. At qui eas conscenderent, tuerenturque adversus Venetos, dec-
 rant

a) Quibus initiis cæptum Cretense bellum? quot annis utriusque gentis summis viribus gestum? diffuse jam narratum est supra.

rant milites. E singulis domibus Asiaticarum urbium, bini armati Impera- A. C. toris jussu evocabantur, partim his navigiis, partim veteri classi imponendi. 1685. Inutilis multitudo vi, terrore in unum coacta, paucis post diebus signis desertis diffluit, ac veteranis quoque panicum metum incussit. In ea omnium consternatione, Mussio suatore Alcoranum, sive institutum nugacissimi Mahometis, Imperator Constantinopoli proposuit, A) quod raro, & non nisi adversus ultimos Reipublicæ casus apud Turcas fieri solet. Habitæ sunt toto Imperio a sacerdotibus frequentes conciones, quibus populum ad aras, & focos tuendos, more Majorum arma capere hortabantur. Lex insuper lata, ut omnes Byzantino agro finitimi, quique Ægei maris insulas colunt, ferendis armis apti, summa industria arma, quæque alia bellum postulat, parent; absque mora, quo imperium vocaverit, proficiscantur; qui secus fecerit, egeritque, Mahometem, Imperatorem infestos sibi habeat; fortunis multatus, capite pervicaciam luat.

Populus & religione, & terroribus actus, bellum jam & arma spectabat; numerumque classiariorum, atque navalium fociorum certatim augebat. Apparatis, quæ ad bellum maritimum necessaria videbantur, & præfectura classis Osmani attributa, omnis cura in Hungaricam expeditionem conversa est. Præfecti ex ultimis Asiæ urbibus, maximis itineribus celerare sunt jussi Byzantium. Multi eorum, quod pauciores, ac imperatum fuit, milites adduxerint, partim fortunis, partim vita privati, aliorum industriam in milite cogendo exacuerunt. Dena Janicsarorum millia Adrianopoli, in præsentia Mahometis lustrata, ut primum hyemis rigor remisit, Budam abierunt, equitatu per defectum pabuli tardius e stativis movente. His copiis, quasque Seraskerius ad Eszekinum, & Budam in hybernis tenuit, moderaturus ipse Imperator credebatur, bellumque Hungaricum suo ductu gesturus; id quod sæpius in corona Purpuratorum, quoad plures perveniret rumor, testatus est. Jamque profectioe indicta apparatus suum castrensem in currus conjici, familiam describi jusserat, tanta oris constantia, ut nemo aulicorum, ne ipse quidem Vezirius arcanorum conscius, de itinere dubitaret.

Sed longe alia mens Mahometi. Neque enim regnandi æque callidus, & cupidus ea tempestate, qua turbæ frequentiores ciebantur in provinciis, tutum fore existimavit, deserta rerum arce, Byzantio, aut Adrianopoli procul abesse, atque alterutri fratrum (vinci tenebantur in custodia) viam quodammodo sternere ad invadendum, occupandumque thronum. Levissima ingenia popularium uti probe perspecta habuit, ita assiduo metuebat: suo periculo non semel expertus, multitudinis animos rerum novarum avidos, ac inconstantes ad omnem auram, oceani instar agitari, imperantis tædio capi, atque illico sua suffragia, ac sceptrum in alterum quempiam transferre. Et monuerunt familiares peramice, ut ne rebus adeo angustis, perturbatisque, copiarum imperium suscipiat, neve manifesto periculo famæ, imperii, vitæ, nulla necessitate adactus, se temere objiciat. *Bellum in Hungaria multis difficultatibus impeditum fore, ajebant, neque decursurum felicius, ac annis præterlapsis. Temerarium esse, infirmis viribus de prævalido hoste victoriam sperare. Tökölî nomen jam consensuisse, nec, si amissa recuperet, fidem habendam homini ambitioso, ac vario, cui perpetuo nova consilia, vel fortuna sua, vel ingenium possit facere. Qui juratus fidem Principi suo infregit, non sanctius alienis præstiturum. Quantam vero spem rei bene gerendæ faciant copię in Hungariam missæ, haud obscure intellectum ex animorum ægrimonia, querelisque infinitis: nempe morem Seraskerî militis toties fusi, fugatique, in præliis haud dubie secuturas ominari licet. Jam si præsentem Imperatorem exercitus per fortuita belli, cladem accipiat, castris, ut sæpe factum meminimus, exuatur: urbes juris Ottomanici in Christianorum potestatem veniant, nihil denique e sententia cedat; tum enim vero Imperatoris nomen, etsi præclare munere suo perfuncti, apud*

A. C. populares diu vapulaturum, cladisque ignominiam cum capitis periculo unt
 1685. exauriendam. Itaque multo prudentius facturum, si bello Hungarico Seraskerium curis, & periculis sane non levibus implicito præficiat, seque domi adversus malevolorum civium tempestates obarmet. FACILE Principes, ni evigilent, perdere posse magnæ fortunæ possessionem; facere, & parare eam, difficile, atque arduum.

Amicorum consilium non continuo probavit, aut potius non probasse credi voluit Mahometes. Qua ludificatione in plures menses extracta, & militum numerum in dies auxit, & acceptiorem se plebi reddidit, veluti Reipubl. causâ otium, & aulæ delicias abjicere in animum induxisset. Posteaquam appetente vere non licuit scenam protrahere, deposita persona, armorum præfecturam in Vezirium transferre aggressus est, eo potissimum consilio, ut si is subterfugeret copiarum imperium, quod futurum utique prævidebat, minori invidia & ipse castrorum tædia declinare posset. In Purpuratorum concilio aperit demum Imperator, quid consilii ceperit. Deliberatum jam pridem sibi fuisse in Hungariam proficisci, id tamen amplioris commodi causa omnino mutasse, ne videlicet tot bellis terra, & mari Imperium circumstantibus, Imperatore uni intento, cætera langueant, Respublica ingentia detrimenta capiat; se Adrianopoli, vel Byzantii mansurum, indeque veluti e specula navales, terrestresque copias ex æquo moderaturum, ut & Veneti, & Casarei, & Poloni sentiant, Mahometis consilio bellum ubique administrari. In sui locum substituere Vezirium, qui exercitui præsit in Hungaria; suæque præsentia terrorem hosti, suis animos addat. Haud quam erecto animo has voces accepit homo imbellis, cui ad fortia consilia, & facta nunquam aures apertæ. E vultu illico metum, mæroremque legerunt præsentēs. Muffius, ut erat Vezirii intelligens, eique addictus, gravibus rationum momentis eo rem deduxit, ut non Imperator modo, qui ex composito omnia agebat, sed & Purpurati non minus periculoso, quam difficili munere eum exolverint. Abjecto consilio mittendi Vezirii, quod fortassis non inutiliter cogitatum, Seraskerio temerario magis, quam animoso Duci, summam rerum in Hungaria permittunt. Hæc ut ad populum emanarunt, tristi augurio cladem suorum præcinuerunt. Nihil tamen turbarum, ut superioribus annis, Byzantii in Imperatorem motum, quod domesticam pacem prævalidi foris hostes firmarent.

Dum terra, & mari impigre paratur bellum, in Hungaria & crebra, & digna dictu prælia, ad Uivarinum fiunt. Obsedit illud eminus prior ætate Pro-Rex Hungariæ cum milite provinciali, & commeatus arctiores fecit; verum quod Lotharingus omnes vires in unam Budam vertere decreverit, obsidio maxima hostium gratulatione soluta est. Consumpta ad Budam fama, & vigore Christiani exercitus, rursus obsideri cœperunt Uivarienses, copia armorum magis, quam annonæ instructi. Palffius, & Heislerus A) jussi militares vias insidere, ne quid frumenti, aut militis præsidio adveniret, suas partes non minus prospere, ac fortiter, quoad licuit per asperitatem hyemis, egere. Ad Novigradum ingentem vim annonæ comportatam habebant Turcæ, quam in vicina præsidia invehere adlaborabant. Octingenti equites farinæ saccis onerati, per anfractus viarum nocturno plerumque itinere Uivarinum contendunt. Suboluerat id Ducibus, eorumque jussu duo millia armatorum repente immissa, equites fugam capessere coegerunt; atque hoc primo conatu eluso famem Uivarinensium desperatione alimentorum frustrarunt. Quinque millia Janicsarorum, quæ post montes munito loco confederant, fugientibus saluti erant. Haud diu post nunciatum est: quingentos pedites, & aliquot Spahiorum turmas cum annonariis curribus aditum retentare. Circum Vacium structis insidiis Comes Czoborius, celebris ea tempestate Hungarorum Ductor, silenti agmine festinantes primus invadit; succedit in pugnam Heislerus cum gravioris armaturæ

A) Heislerum sæpe mihi memorandum lego in Porta Ottomanica, & Descriptione Pannoniæ; non vero Heisterum, ut vult Historia Magni Leopoldi. Crediderim vitio librarii mendum irrepsisse,

turæ milite, ac improvise aggreſſione turbatos fundit. Capta ſunt plauſtra A. C. octoginta cum ſexcentis bobus, & quindenis florenorum millibus. Leſtis 1685, ſpoliis miles alacrior, Duce Czoborio populabundus excurrit; e vicino agro frumentum, pecora, & quidquid uſui eſſe poterat, partim aufert, partim corrumpit; tum in ipſa ſuburbia celerrime illatus, omnia incendio, vaſtitate complet; oppidanos, ac famem intra mœnia præſidii claudit. Hoc incendio clarus Czoborius multa deinceps & animoſe, & feliciter egit, agrumque Uivarinenſem uſque adeo infeſtum reddidit, ut præſidarii vix tuto efferre pedem oppido audent.

Subinde aſtu plus quam militari in infidias pelliciuntur. Agreſtes, dolum inſtruente Heiſlero, Præſectum loci adeunt, docent: ſe in ſylva proxima frumenti vim depoſitam habere; eam perlibenter præſenti ære vendituros, adderet modo militem frumenti tutelam; poſſe evitatis Huſſarorum ſtationibus, & faſto viarum compendio, ſe ducibus negotium tum celeriter, tum proſpere confici. Præſectus fraudem & ſermoni, & rei abeſſe ratus, UT facile credimus, quod optamus; ac ſimilitudine veri captus, ducentos præſidarios die compoſito cum agreſtibus dimittit. Sed jam Heiſlerus cum expedita manu ſylvam ſeſperat, utque Turcas clauſos viderat, ſignum dat, ut pariter ab ſuis quiſque latebris exorirentur. Ne dubia proditio eſſet, agreſtes nullis vinculis coerciti, his ſe adiungunt. Intercluſa ab omni parte via, cædes, non pugna fuit. Pauci cladis nuncii Uivarinum evaſerunt. Re cibaria in dies magis, ac magis deficiente, ultimum exitium obſeſſis inſtabat. Hyems nivibus ſæva, & omni tempeſtatum genere, Regiis in hyberna compulſis, obſidionem laxavit. Qua occaſione non ſegniter uſi Ottomani, Novigrado, atque ex aliis locis commeatus important; auctisſque novis præſidiis contra Cæſareos, quos primo vere aſſuturos prævidebant, oppidum inſtruunt. Mox in Guttenſem agrum effuſi, ignibus in teſta, & homines ſæviunt, egeſtisque opimis ſpoliis domum revertuntur incolumes. Sic hyems mutuis procurſionibus tranſacta, quod fluvios, munimentum alias provinciarum, vel glacies ſtraverit in pontes, vel tenuis nimium aqua faciles aditus præbuerit. Alterum quoque Danubii litus media hyeme incaluit. Provinciales equites, qui Veſzprimium, Papam, Comaromium obtinebant, ſemel, atque iterum Budam ſolita celeritate excurrentes, Turcas novis operibus intentos obtruncant, quodve itineris moleſtias abſterſit, multitudinem Chriſtianorum, qui ad proruendos aggeres, cæteraque munimenta caſtrorum compulſi erant, in dulcem libertatem vindicant. Paria certamina Schulzius, cui ſuperior Hungaria obvenit, propitio plerumque Marte contra Tókólium geſſit.

Inter tot hoſtilia, ac belli apparatus mitiora de pace conſilia apud Leopoldum Cæſarem agitare cœperunt Mahometes Imperator, Michael Apaffius Daciæ Princeps, & ipſe Tókólius, quos imminens tempeſtas hoc tempore pronius multo inter ſe conjunxit. Mahometes etſi cum ſuis Purpuratis dies, noctesque inſumeret reparando bello, tamen eo facilior ad petendam pacem erat, quo certius perſuaſum habuit, Chriſtianos Principes occaſione ineundæ concordiæ, ſegniores fore ad armorum paratus, aut Magnum Leopoldum a Conſœderatorum ſocietate abſtractum iri, aut certe ſuſpiciones inter Conſœderatos enaſcituræ, quaſi Cæſar conficiendæ privatæ pacis deliderio teneatur; ſicque triplo ſœderi plagam lethalem poſſe imponi. Igitur Seraskerio, qui ad Budam hybernorum cauſa cum copiis ſubſtiterat, pacificationem negotiandam committit, mandatque: viam, ac modum reperiat, quo telam ordiatur. Pro huius adeo grandis negotii inſtrumento adhibitus fuit Armenus, A) ſed religione, & ſtudio in Mahometem inter Turcas præcipuus, in aula Byzantina diu verſatus, multo rerum uſu, ac peritia linguarum vir. Hic ægre impetratis Vienna fiduciariis literis, a Seraskerio ad Cæſarem legatur. Et quoniam nulla eſt tanta cautio, quin de arcaniſſimis rebus effluat, vitabatur ſolicite omnis ſuſpicio; ne exi-

A. C. stimaretur Cæsar, desertis sociis, sibi clanculum consulere velle. Erat hoc
 1685. tanto invidiosius, quod pro comperto habebatur, Ottomanorum Imperium, rebus ubique afflictis, pacem necessariam ducere, iniquas adeo conditiones amplexurum, modo Cæsarem Fœderatis eripiat. Armenus itaque Comaromii A) detentus, iussus est literas tradere, & si quæ mandata aulae suæ habeat, exponere. Ille traditis literis, habere se nonnulla ipsi Cæsari exhibenda respondit: rogare etiam, atque etiam, ut sibi Viennam proficisci liceat, magnumque Cæsarem coram alloqui; sperare se non modo rem gratam ei, sed omnibus quoque Confœderatis salubrem allaturum.

Admissus nundinator intempestivus, dum in aulam ducitur, in concurrente undique populo ingens fremitus oboritur: speculatorem non Legatum venisse inconditis vocibus clamantium; exigendum protinus Austria, Atque Hungaria. Nisi Marchio Badensis, bellici consilii Præses & sua auctoritate, & accito validiori præsidio incensæ multitudini obstitisset, lapidibus obruendum credebant. Nihil in speciem turbatus hoc plebis tumultu, posteaquam de Mahometis æquitate, candoreque prælocutus est coram Leopoldo, culpam omnem belli a publico consilio in Kara-Mustapham vertit: hunc injussu Mahometis, non in Hungariam solum exercitus infudisse, sed ipsam Viennam privato consilio oppugnasse: illum faucibus elisis non tam ob stragem legionum, quam fœderis violationem pœnas dedisse. Pernicioso, dicebat, ciye extincto, extinctum quoque bellum erat, ni Cæsar unius temerarium factum in tota gente castigasse maluisset. Anno abhinc uno Mahometem per Tökôlii internuncios Lincii adlaborasse, quo tandem bello, Christianorum prius, quam nostris cladibus insigni, finis imponatur. Nihil pacati relatum. Quin imo nova fœdera terra, & mari adversus Ottomanos quæsitæ: novos exercitus in Hungariam, & Illyricum indultos, Budam circumfessam; Verovitiziam vi, & armis captam: Turcarum copias non semel fusas, fugatasque vidimus. Hæc sine dubio nunc quoque bellum potius, quam pacem Cæsari suadere possent. At meminisset: DECLINARE plerumque felicitatem, cum in summo videtur. Non leve documentum nos ipsi sumus. Ante biennium Austriam, Styriam ussimus, & propemodum jure belli cepimus. Hæc ipsa urbs non fremitus modo Ottomanorum audivit, sed eosdem victores mœnia scandentes expavit. Nunc cæsis exercitibus, amissis fortissimis Ducibus, non pro Austria, sed Buda, altero Byzantio, dimicamus. FORTUNAM belli variam, Martemque ancipitem vestris, nostrisque malis nimium experti sumus. Istis modum statuere, hodie tua in potestate est Cæsar; si bellum paci prætuleris, fortunæ. Hanc vero nec certam, nec constantem Principes Fœderati reddent, quos alioquin novimus privata utilitate, societatem inire, eandemque spe majoris emolumenti rescindere. Idem nempe usuvenit in fœderibus, quod in fornice, cui si vel unicum lapidem exemeris, alii sponte sua dissociantur, & corruunt. SUA quemque Fœderatorum utilitas movet: quod sibi commodum est, quærunt singuli; tametsi aliud prætexant omnes. Quod facturi sunt illi, non indecorum, si Cæsar prior occupet. Haud prætermittendum tempus, quo magis dari, quam accipi concordia possit. Sed suspecta est fides Turcica, quod missis in Hungariam copiis, primi postremum fœdus violasse videamur. Plurimum per quem petatum, ac transactum sit, ad fidem tuendi fœderis pertinet. Kiuperlis Junior petiit, transegit, & quoad vixit, fœdere stetit. Kara-Mustapha Vezirius infregit. Nunc Mahometes Imperator pacem petit, qui neque peteret, nisi Imperio sub necessariam crederet, & propter hanc necessitatem tuebitur. Hæc elocutus seriem captorum Christianorum exhibuit, quos sive ære, sive permutatione Turcarum redimendi, nomine sui Imperatoris veniam fecit.

Armeno paucis responsum: in unius Cæsaris potestate non esse ab armis discedere; & quoniam Turciæ pax gravis erat, bellum pararet, habitura eam pacem, quam exitus belli dederit. Dimisso Legato Budam, in-

ter

A) Porta Ottomanica.

ter armatos custodes, visum est Cæsari Fœderatos commonescere quid ne A. C.
gotiorum tractatum fuerit: nempe Mahometem pacem orasse; Legatum de- 1685.
tegendo clades, denudandoque, Ottomanorum res nimium prolapsas incon-
sulte prodidisse; anxiam illam sollicitudinem in emendanda armorum cessa-
tione, certissimum argumentum debilitatis esse, proinde omnibus nervis
incumbendum Fœderatis, ut hostem Christiani nominis, publicæ liberta-
tis insidiatorem, opprimant ante, quam justam defensionem adornet: se
nec fortunis, nec militi parsum; quo sanctitati fœderis, bonorum o-
mnium votis respondeat. Uno, & dimidio mense nondum elapso, a) ade-
rat e Transylvania Legatus. Hic Principis sui auctoritatem (qua plurimum
valuit apud Tòkòlium; & Mahometem) atque operam prolixè obtulit Leo-
poldo Cæsari ad pacificationem maturandam: pollicitus Principem suum
adeo opimas conditiones Confœderatis ab Ottomano impetraturum, ut de-
positi belli neminem pœnitere possit. Perinde, ac anno proxime superiori
res in principio adhælit. Hæc quidem vulgo constabant. Cæterum per
speciem procurandæ publicæ pacis rebus suis consulere satagebat Apaffius,
jamque tunc de amicitia Austriaca, deque præsidio in Daciam accipiendò
consilia clanculum cum Leopoldo conferebat. Ordiendo tam ancipiti ope-
ri peropportuna legatio fuit, quam e voluntate Mahometis (neque enim
eo inconsulto Apaffius potestatem habuit, publicos nuncios ad Principes le-
gare, potissimum Ottomanicæ aulæ hostes) instituit. Exeunte Julio rur-
sum Orator Transylvani Viennam intravit obtentu fœderis Turcici; reipsa
sui Principis collaturus consilia, firmaturusque. Sic ille sub manu de ever-
tendo in Dacia Mahometis dominatu non minus caute, quam prospere de-
sudavit, nulli Purpuratorum mutatæ fidei nomine suspectus; etsi jam anno
priori milite suo in Transylvania retento, omni vi, belloque abstineret.

Primis, uti dicere incepti, filis Austriacæ clientelæ feliciter ductis,
alii, atque alii telam texere e Principis præscripto aggressi sunt, quam C.
Joannes Haller summa omnium Ordinum gratulatione tandem pertexuit;
majorene dicam Apaffii solertia, utentis publicis legationibus in Turcarum
perniciem; an minore cura Ottomanicæ aulæ, cujus intererat, frequentio-
res nuncios, spe pacis alioquin intercisa, ultro, citroque commeantes sub-
vereri. Sed hanc privata discrimina, quibus non mediocriter urgebatur,
tunc averterunt ab observandis Apaffii tentamentis, quodve ante biennium
profligato ad Viennam exercitu, pontes Arraboni fluvio impositos invio-
lata fide custodierit, eoque facto fugitivis præsentis auxilio fuerit; credide-
runt eum inconcussæ, atque perpetuæ erga Portam Ottomanicam amicitiae
testimonium edidisse. Hæc insita Turcis opinio Apaffium mente, & ani-
mo cum Leopoldo degentem, omni suspitione absolvit. Et tamen eo ipso
tempore, quo hæc agitabantur, Tòkòlium, societati Ottomanorum ad in-
saniam addictum, sua nemesis illaqueavit, vinculisque oneratum a patronis
suis, insigne exemplum mutationis rerum humanarum, Europæ spectandum
præbuit. Sed de his postea. Illud hic non omiserò: Tòkòlium apud Re-
gem Poloniæ repetitis nunciis, literisque frustra institisse, quo pax inter
Fœderatos, & Mahometem conficeret. Versus dein ad Leopoldi Cæsaris
clementiam, dimidio Aprilis oravit, liceret sibi per Oratores agere de rebus
suis, communique pace restituenda.

Cæsar, etsi quantum fidei habendum homini toties illudenti haud
ignoraret, tamen ne quid intentatum relinqueret, Viennam veniendi, re-
deundique potestatem dedit Tòkòlianis, Schulzio interim mandat: ne spe
pacificationis segnior sit in persequendo bello, neve armorum usu intermis-
so, cladem accipiat a vasto, volatilique hoste. Imo perculso, & deserto a suis nul-
lum otium concedat, animum; viresque colligendi, quo serio, ut subdi-
tum addecet, justum Principis sui imperium pati discat. E postularis Ora-
torum illico apparuit, nihil aliud quæri ea legatione, quam temporis mo-
ram. Namque illi instructi erant non inferiora petere, ac prioribus annis,

a) Sexta Januarii Turcicus Legatus, octava Martii Transylvanicus Viennam advenerunt.

A. C. disceptandoque tamdiu extrahere colloquium, dum admonerentur, subsidia-
 1685. rias Turcarum copias in superiorem Hungariam adventasse. Verum cum
 nusquam illæ apparerent, & Schulzius campo victor præsidia infestus preme-
 ret, Tókólius eadem arte, qua ludere assuevit, delusus; intutus domi, fo-
 ris spretus, utrobique anxius, ultima fortunæ ludibria merito suo expertus
 est. In hunc modum spe pacificationis eversa, ætaque hyeme inter minora
 certamina, cruentum theatrum majoribus præliis ver in Hungaria aperuit.

Et jam pleræque auxiliares copię in Hungariam deflexerant, seque
 Cæsareo militi Granum^{a)} Inter, & Ipolim^{a)} fluvios metanti conjunxerant,
 diu suspensis Ottomanis, quamnam in partem, Budamne, ubi Seraskerius
 cum exercitu agebat, an Uivarinum, aut aliquam munitiorem Hungariæ
 urbem demissura se esset tempestas. Nec Lotharingo Duci promptum erat
 decernere, num tuto admooveret Uivarino exercitum, nondum expugnato
 Novigrado, quod multorum sententia eo inclinaret, præsidium istud, tan-
 quam caput rerum petendum, conficiendumque; id nisi fiat, expeditionis
 fructum nullum fore. Stante etenim Novigrado existimarunt, Christiano-
 rum stationes perpetuis incursionibus patere, nec Uivarinum obvallari posse,
 ut omnes accessus hominum, rerumque auxiliis occludantur. His permo-
 tus Lotharingus, raptis tribus equitum millibus cum Sosa, Scherffenbergio,
 ac præcipuis quibusque machinatoribus, ipse omni regione perlustrata (ut
 minimum alienæ fidei, oculisve tribuere solebat) animadvertit Novigradum,
 & ingenio loci, & militum manu multo validius instructum, quam ut pri-
 mo impetu, aut brevi temporis mora subjugari posset, nec multum officere
 Uivarinum obsidentibus, quod ea ex parte venturis auxiliis crebriores flu-
 vii, iidemque imbribus aucti, superandi forent. In redeuntem equites præ-
 sidiarii immissi, tumultum magis, quam prælium fecere. Voluntarii mili-
 tes, Principes Ruchasurio, Contius, Turenus, Crequius Galli, qui ex ea-
 dem Nobilitate complures ad Hungaricum bellum traxere, suo ardore lon-
 gius profecuti hostem, subito ab erumpentibus conclusi, ac in orbem pu-
 gnare coacti, eam expeditionem funestassent, ni Dux periculi admonitus,
 suppetias in tempore misisset.

Igitur dilata Novigradi oppugnatione bellici Consilii accedente suffra-
 gio, in Uivarinum omnis terror est versus septima Julii. Assidet hoc præ-
 sidium Nitræ fluvio, loco undique libero, ea tempestate sex grandibus pro-
 pugnaculis, ad artis regulam eductis, fossa octo, & centum pedes lata, at-
 que perennibus aquis in fossam derivatis minax. Fundaverat illud Paulus
 Vardajus^{b)} Archi-Præsul Strigonienſis capto a Turcis Strigonio, Metropo-
 litæ alii suis impendiis processu temporis instaurarunt, adversus terrores
 Turcicos fidum propugnaculum Austriæ, Moraviæ, Silesiæ; nunc, Leopoldi
 erecta, non belli injuriis, sed jussu Caroli VI. in ruinas actum. Ve-
 nientes per palustria loca Cæsareos egressæ Uivarino delectæ aliquot turmæ,
 subitaria pugna exceperunt, ne castrorum stationes caperent obsistente nullo.
 Dispulsis equitibus propius factos grandioribus machinis consalutarunt. Ac-
 ciditque tum temporis res levis momenti, quæ apud Turcas in religionem
 est versa, spemque præsidii defendendi minuit. Una machinarum plus æquo
 fortassis pulvere pyrio farta, inque Christianos e mænibus soluta diffiliit,
 atque duos machinatores, pilis ferreis temperantes tormenta, subito elisit.
 Infortunium isthoc prodigii loco a plerisque accipiebatur, veluti ipsos arma
 in defensionem comparata defererent; quodve in pace forte, aut pulveris
 vi accidisse creditum fuisset, tunc fato, & ira Dei cladem oppidanorum præ-
 nunciantis factum esse tristes canebant.

Omen porro infaustum apud homines misere superstitiosos metum
 auxit, quod pridie Gubernator barbam, caputque canus, ad extrema de-
 ductus,

a) Ipoli, sive Ipolius, amnis Grano fluvio permixtus infra Strigonium in Danubium præcipitat.
 b) Uivarinum a Paulo Vardajo Archi-Episcopo Strigon. fundatum, alii Metropolitæ Georgius Lippajus, Leopoldus Kollonichius longo post intervallo muniverunt. Maximilianus II., & Rudolphus II. Hungariæ Reges, tot provinciarum præsidium novis operibus armarunt.

ductus, futuras calamitates deplorarit, & postrema vox inter gemitus audi- A. C.
ta fuerit: *Turcis omnia adversa, Christianis prospera eventura.* Sed qui 1685.
præfecturam militum consensu acceperat, vir militiæ impiger, atque in pri-
mis audens, præflagitione nihil commotus, ad defendendum præsidium ani-
mum, viresque applicuit. Dispositis castris, geminam aggressiorem con-
tra bina propugnacula molendino objecta instituit Lotharingus, dextram
Groyo Duci, & Luneburgicorum Ductori Hannoverano Principi; lævam
Comiti Serenio, Bavari Legato, & Scherffembergio commisit. Illis Sosam, Bu-
dewellsum, & Dumontium; his Stårembergium, Steinavium, & Kummelium
addidit, alternis diebus operis præfuturos. Accessus obsidionales sinuato itinere
ad declinanda hostium tela, tanta latitudine fieri sunt cœpti, ut commode tres
armati ire, redireque possent. In extruendis suggestibus multo major dif-
ficultas, & periculum erat. Quippe Janicsari intra sepimentum palorum
occulti, collineatis ictibus impune follores, machinatores, ac operum Præ-
fectos sternebant. Ea difficultate multorum cæde exhausta, viginti murali-
bus machinis, duodecim mortariis simul verberatur præsidium, simul ardet,
adeo diffuso ob tecta flammis obnoxia incendio, ut perpaucis ædificiis furens
elementum pepercerit.

Hæc inter Durlacensi Marchione cum quaternis millibus Suevorum in
castra recepto, terrores afferuntur; Seraskerium cum sexaginta millibus pu-
gnatorum Buda profectum; Vissegradi oppidum intempesta nocte occupas-
se; arcem tormentis, cuniculis infestare; Tartarorum equitatum Hatvani-
no Vacium tendere; dubium non esse Strigonium, vel castra petitu-
ros, quo Ducem Uivarino abstrahant, aut si divideret copias, infirmio-
rem factum prælio aggrediantur. Lotharingus abscedi ab Uivarino, & circumagi
ad nutus, ac comminationes Seraskerii flagitiosum duxerat, jamque tunc sta-
tuerat in obsidione perseverare, & partem exercitus in hostem ducere. Ea
de causa ad Nitæ fluvii vada crebras stationes, ac castella locat; Scherffem-
bergium ad custodiam pontium Comaromium expedit, duosque insuper,
quos volantes appellant, suspensos e rudente pontones, extruere jubet.
Heislerum cum Hungaris ad Granum amnem custodiendum dimittit. Ur-
gendæ dein obsidioni vim omnem, ac celeritatem adhibet. Promotis ad
fossæ labrum operibus, aqua avertenda fuit. Ad portam Strigoniensem,
ubi tellus humilior, ducendis canalibus initium est factum, exultis prius
Græcis ignibus palis, quibus defensi præfidiarii, in follores assiduo tela mi-
tebant, crebrius erumpebant. Is labor cum minime procederet, inter stra-
gem humum molientium, bina navigia adversus glandium procellas crassio-
ribus tabulis obmunita in fossam aguntur, distributis secundum fossæ mar-
ginem lorica tectis sclopetariis, qui defensores impeterent, dum ducenti
Hungari obstructos canales aperirent, & navigia mænibus appulsa cunicula-
rios exponerent. Nihil uspiam e voto cessit; quod navigia incendio cor-
repta fuerint, submotique continenti jaculatione sclopetarii. Nec felicius
post aliquot dies eadem impressio tentata est, A) multis e Præfectis, & ma-
nipulo Volonum cæsis, vel faucis.

Impedita hunc in modum derivatione aquæ, ramalium fascibus, ter-
ræ aggestu expleri cæpta est fossa. Quinque dierum spatium legionariis in
opus incumbentibus, adeo moles excreverat, ut ad muros iter apertum
esset. Portæ occidentem spectanti, quoniam inde cruentæ eruptiones fie-
bant, ex adverso munimentum terreum iisdem diebus Dux posuit, illud-
que tuendum quadringentis Suevis tradidit. Hi solutis vigiliis negligen-
tiores, atque hostium propinquitat requirebat, passim per herbam somno
indulgent, suæque socordia obsessos ad erumpendum stimulant. Nec deerant
occasione. Ipso meridie celerrime procurrun, ac decussis centum viginti
capitibus, ante se in præsidium recipiunt, quam clades vindicari posset.
Capita oblongis palis more Turcarum præfixa tristi spectaculo, Suevis præ-
sertim, fuerunt. Fœdior altera strages cum hominum, tum operum erat.

Expleta

A) Porta Ottomanica.

A. C. Expleta fossa fabricandis vineis, quo tutiores ab ictibus essent, machinato-
 1685. res insudarunt, jamque duæ propemodum ultimam manum expectarunt, aliis faciendis multa materies comportata fuit, sed temere projecta. In hunc apparatus Turcæ malleolos, faces, pyrobolos, omneque genus ignium tanto successu conjiciunt, ut vineis ferali igne conflagratis, parum abfuerit, quin propagatum malum tormentorum sedem, ac nitrati pulveris dolia invaderet. Miles periculi magnitudine amens, desertis stationibus in fugam coniectus, ægerrime a Duce, qui armatus accurrerat, ad sopiendum incendium compelli potuit. Resarciendis damnis intentum, ac multiplici labore fessum, Janicsarorum promptissimi intra carectum latitantes, tanta rabie invadunt, ut quadringentis maximo tumultu occisis, canalium labra, quibus aqua palustris evehenda erat, obturarint. In hoc statu erat Uivarini obsequio, dum Maximilianus Emanuel Baviaræ Elector, peractis nuptiarum solennibus cum Antonia Leopoldi e Margarita Hispana filia, castra intravit. Ducis præsentia non erexit modo Bavarorum animos ob improspere gesta percussos, sed etiam spe certa implevit omnem exercitum, non diu constiturum præsidium duobus Ducibus armis concordibus, & animis pugnaturo. Firmavit spem militum reparatio operum. Nam & vineæ Ducum adhortatione restitutæ sunt, & canalium labra aperta, & castellum erectum in medio fossæ adversus subitas invasiones, & cuniculi acti deductis jam aquis, frustra contranitentibus obsessis, quos semel, atque iterum ferociter erumpentes, utroque Duce in arenam advolante, intra muros compulerunt. Jussus Gubernator, interprete Aga captivo, deditionem facere, intempestivum colloquium machinarum fragore abruptit. Hos ei animos intendit defensorum pervicacia, ac ingens Seraskerii in campo exercitus, quem ad solvendam obsidionem propediem adfore existimavit.

Sed ille Strigonium oppugnandum sumpsit, ut scilicet eo capto Budam, Turcici Imperii alterum Byzantium, objecto scuto muniret. Jamque e Thomæo monte, ac colle S. Georgii mænia arcis adeo verberata erant, ut decusso principe propugnaculo, ea parte tormentorum usum nostris ademerit. Mox in insulam traductis copiis, flumentanam urbem impetiit. Unde ne Parkanense præsidium opprimeretur, silentio noctis excepti milites, cum bellica penu incolumes Strigonium transvecti sunt. Quatuor tentatis assultibus, cum nullam stationem in ruinis occupare posset, cuniculis aditum in arcem quæsit. Cœptis intervenit Lotharingus. Nam etsi nihil metueret Strigonio virtuti prædiariorum (erant hi partim Germani, partim Hungari) confusus, tamen ad famam Christiani exercitus pertinere existimans, si eodem tempore locum alterum obsideret, alterum obsidione liberaret, statuit clauso Uivarino, majorem copiarum partem in Seraskerium ducere. Igitur relicto Caprara ad obsidionem cum ter mille quingentis Cæsareis; octo peditum, equitum sociorum septem millibus; Hungaris bis mille, & quingentis ad Nitræ amnis custodiam, reliquus exercitus septimo Augusti Comaromium profectus, postero die trajecto Danubio ad Almasium vicum noctem exegit. Huc navigia postridie appulsa sunt cum Præfecto Vissegradensis arcis, A) & gregariis, quos Turcæ præsidii causa comitabantur. Hos non congiario modo donavit Lotharingus ob præstitam Germano fidem, sed per castra etiam qua vellent, circumduci iussit, omissoque metu omnia visere. Ex angustiis castrorum (impedimentis enim, & inutili turba in insula Csallokôzia relictis, præter armatos, & annonaria plaustra nihil in castris aderat) numerum copiarum vicena duntaxat millia pugnatorum sub signis esse censuerunt. Error iste barbaros in prælium magis accendit, nostrisque occasio fuit rei bene gerendæ.

Nam Seraskerius audito Christianos appropinquare cum parte exercitus, omissa oppugnatione arcis duodecima Augusti, omnem exercitum ultra Strigonium promovit, tridui itinere, & vigiliis fessos aggressurus.

Suase-

A) Capta est anno priori a nostris die XIX. vel secundum Ephemerides Leopoldinas die XVII. Junii. Ut Buda, sic & hæc arx varia fortuna jactata est.

Suaſerant iſtud plerique Præſectorum, quos temeritas Kara-Muſtaphæ ſimul A. C. Viennam circumſidentis, ſimul in aciem procedentis cautiores fecit. Fir- 1685. marunt horum ſententiam reduces Turcæ e caſtris Lotharingi, ultra modum extenuantes Chriſtianorum vires; & quia quo liberius traducebant paucitatem, eo ſpes gratiæ major erat, alii aliis iniquiores de ſubſidiario milite rumores inter pugnæ cupidos ſerebant, alebantque. His majorem in modum incitatus Seraskerius, caſtra caſtris conferre ſtatuit, unice ſolicitus, ne hoſtium exercitum, cujus delendi fortunam ſibi oblatam rebatur, e manibus elabi patiatur. Lotharingus ignarus, quo loco res Strigoniensium eſſet, eo militi iter edixit, præmiſſis centum quinquaginta dimachis, qui vias explorarent, ſternerentque. Ut perventum eſt ad Uifaſu, ſeu novum vicum haud procul Strigonio diſſitum, non levis terror omnium animos pervasi, cum nihil jam reſonantibus machinis, altum ſilentium in amiſſi præſidii triſte augurium verterent. Auxit terrorem Mercyus, qui ſpeculatoria ſaika rem certius explorare juſſus, viſa Huſſarorum turma ripam Parkani percurſante, quos pro Turcis agnovit (ut FACILE luduntur oculi, animis jam metu captis) illico ſibi, ſociisque perſuaſit, aut flumentanum oppidum; aut arcem in hoſtium poteſtatem veniſſe, idque in caſtris vulgavit. Diei inſequentis primo diluculo paululum procedentes, Ottomanorum caſtra munitiſſimo loco ſita conſpiciunt. Dextrum latus caſtrorum fere ad Danubium protenſum profundo aggere claudebatur; ſiniſtrum denſiori ſylva, ac arborum caſarum congerie inacceſſum; frons paluſtre cænium, crebras voragineſ, & tum immodicis pluviis prætumidas pro vallo habebat; quaquacunque acceſſus eſſet hoſti, ſublatis tormentariis ſuggeſtibus, duplicatis alibi vallis, omnes aditus inſigni ſolertia præſtructi erant. Inſpecto tam formidando Turcarum loco, eſtſi Ducum animi in pugnam inclinarent, trajectu, nempe periculis non vulgaribus obnoxio, abſtinendum cenſuere. Nec Strigonio timebatur, quo, Gubernatore poſtulante, ſecundo Danubio quingenti pedites, & bellici apparatus ſunt miſſi. Veritus præterea Gubernator, ne interpolata oppugnatione repetatur, arce egreſſus cum quinque vexillis Hungarorum, & quadringentis Germanis, opera hoſtium celeriter deſecit, ruinasque murorum pro facultate reparavit, ut adeo de integro oppugnationis labor, atque pericula ſubeunda forent Seraskerio, ſi quid deinceps in arcem tentaret.

Sed ille Strigonium ultro ſibi obventurum, veluti pretium victoriæ, nihil ambigens, ſi campo vinceret, ferox numeroſo exercitu, acie decernere quamprimum optavit, ſuosque ad propinquum certamen, quod ipſe facturus eſſet ceſſantibus Chriſtianis, parari juſſit. Miles Ducis ſui ferocia lætus, prælium poſcebat; cum ſpem magis ipſam, quam cauſam ſpei intueretur. Id poſteaquam relatum eſt Lotharingo per quemdam Polonum, qui nuper exceptus inter pabulatores, felici aſtu eo die in caſtra Conſœderatorum profuſit, eo hoſtium cæco ardore in rem ſuam uſurus, ſimulato metu inconſulto feroces trans paludem allicere conſtituit. Igitur vitatis procuſſionibus, militem quaſi metu torpentem, caſtris in arctiorem locum contractis, tenet; ſolum majoribus tormentis in hoſtem agit. Denique decima quinta Auguſti ſub primis tenebris magno ſtrepitu collectis vaſis, caſtra moventur; fugæ ſpecies non omnino dubia a Chriſtianis præbetur. Illuſtris luna, & caſtrorum propinquitas receptum prodidit. Continuo Turcæ inſtabile uligine ſolum arborum truncis, ramalium faſcibus, quorum ingens aderat copia, conſternunt: ſecunda vigilia expediti equites transmittunt, tum peditatus, quanta maxima poteſt celeritate ſequitur. ADEO verum eſt, ſimulata trepidatione facile hoſtes in inſidias, & ad audendum quidpiam præter ipſorum vires induci. Noſtrorum poſtremi non intermiſſo itinere, ſic impetum excipere ſunt juſſi, ut velitando potius, quam collatis ſignis, decretoriam pugnam ſub auroram extrahant. Hæc ſpiſſis nebulis obſita, & mutuum conſpectum ademittit, & Lotharingo campum dedit opportune aciem ſtruendi. In duas alas partiſi placuit exercitum. Dextra, quam

A. C. Lotharingus regebat, in editiore, nullaue palude perfollo loco explicata; 1685. firmior ab equitatu, quam peditatu fuit. Præter Czoborianam, huc omnes Hussarorum legiones accitæ. Mons saxeus machinis, & aliquot cohortibus munitus dextram alam, ne a latere impeti posset, defendit. Sinistra sub Baviaræ Duce usque ad Danubii ripam protensa, peditum robore præstabat, ob tellurem stagnantibus aquis fallacem, atque adeo equitatui incommodam.

Seraskerius deprehenso hoste alacer, ut quosque traduxerat, ita in ordines componebat. Spahiorum turmas in duo agmina divisas primo loco constituit; Janicsaros in secunda acie locat, Tartarorum equitatum incalcescente pugna castra, atque latera invadere jubet. Sic aciem instruxit ignarus locorum, viriumque hostium. Nondum depulsa nebula, signa utrinque cecinerunt, ac displosis ingenti fragore tormentis in certamen se mutuo provocarunt. Clariore jam luce Spahii laxatis habenis, ut iussi erant, in dextrum cornu illati solutis innoxie sclopiis, acinaces corripunt, inter inconditos clamores, & tumultum nunc hos, nunc illos incompositi incurrun, nusquam collato pede prælium committunt; rati eo genere pugnandi ordines perrumpi, aut turbari posse. Firmiores stabant Fœderati, quam ut ea equestri procella gradum referrent, aut quem semel occuparant, loco excederent. Hac æquabili, nullaue parte hiantium ordinum constantia, ac perpetua pilarum emissionem, equitum vis confracta est. Janicsaros in primam aciem promotos, Seraskerius hortatur: in montem (unde globorum tempestas in confertos effundebatur) uno cursu eniterentur, pulsoque præsidio apertum latus foderent. Non alia via victoriam facilius confici posse. Nudatis ferociter frameis pars frontem impetit, pars celeriter in montem connisa, paribus animis pugnam instaurant. In monte major, quam pro numero hominum, pugna exardescit; & dejecissent postremum Turcæ Tüngenium, qui locum minore glande jam humerum traiectus tutabatur, nisi Dünewaldus e sinistra ala, ubi minus periculi, suppetias tulisset. Tunc non modo æquata est pugna, sed e monte etiam cum strage fortissimorum peditum depulsi barbari. Ea paucorum trepidatio, in fronte utriusque cornu dimicantes, in fugam ad paludem traxit.

Hic fœdior strages mortalium, & jumentorum erat, quam in ipsa pugna. Nam multi cæcas voragines veriti, dum deliberant, qua fugam instituunt, ab Hussaris occupati sternuntur. Terna millia sic cæsa; quibus si addas, quos prælium, absumpsit, facile septena millia censēbis. A) Multitudo fugientium castra ingressa, haud paulo ibi plus, quam quod secum attulerat, terroris facit. Spahii non expectatis Janicsaris, qua quemque aut consilium, aut terror tulit, dissipato cursu se effudere. Perinde pedites nocturno, diurnoque itinere multum lassati, desperata castrorum defensione, antequam victor tergo hæreret, palantes castris excesserunt. Fama est tantam consternationem inter Turcas fuisse, ut Janicsari, tardiores equites plumbeis glandibus confixerint, conscensisque equis profugerint. Inde certamen, mox etiam pugnam cum vulneribus, & cæde utriusque ordinis peractam. In eo paventium, terrentiumque tumultu, Seraskerius pede altero saucius, nec sine periculo inter postremos paludem superans, obvios quosque ad defendenda castra hortatur. Qui ad impedimenta relictæ erant, nondum fugerant. Hos prope paludem statuit, ac tormentis agere in hostem jubet, si transitum tentaret. Præfectos admonet: fugitivos sisterent, ni impedimentis eo die exui vellent. Lentis adversum imperia, & preces auribus, pauci salubriter monenti obtemperarunt; adeo metus omnium mentes, animosque confudit.

Alienus pavor Hungaros audaciores B) fecit. Qua Turcicus eques palustria loca eluctatus est, & isti strenue sequuntur, nihil veriti hostiles machi-

A) Ephemerides Leopoldinæ die XVI. Augusti anno 1685, sic habent: narrantur occubuisse 5000. capti 200. 24. tormenta, 40. vexilla. B) Porta Ottomanica commemorat hos multa virtutis specimina edidisse.

machinas, quas nulla arte in subeuntes disploserunt stationarii. Atque hic A. C. ultimus conatus fuit castra tuendi, arrepta ab omnibus in proximos saltus 1685. turpissima fuga. Lotharingus cum legionibus gravioris armaturæ, ter iter ingressus, subsidente uligine non sine jactura temporis regredi cogitur, ac aliis, atque aliis vadis exploratis, repertisque, tum in pluribus locis, ubi cænum profundius, præter cæteram materiam, & fascium complementa, Turcarum cadaveribus in modum pontis per iratos, festinantesque milites stratis, omnem exercitum in hostium castra induxit. Patuit e difficili trajectu, maximam cladem accipi potuisse, modo pauculæ cohortes pro castris stetissent. Hungari sive spoliis legendis diutius immorati, sive celeritate diffugientium elusi, ne postremum quidem equitum agmen assequi valuerunt. Pedites vagi, ac palantes per saltus, passim trucidati; quadringenti e fuga reducti. In castris omnis generis præda reperta. Tormenta bellica quinque, & viginti; majores pilæ ducentæ supra mille, ollæ ignariæ sex, & decem, signa militaria quadraginta, & amplius, dena millia papilionum; vestium, armorum vis magna. Quanquam non pauca ex hujusmodi prædandi irritamentis corrupta fuerint. Etenim Turcæ antequam fugerent, per tentoria ignes sparserant, cadisque pulverum incendiarios aliquot funes applicuerant, projectis circum ea loca vestibus, armis, veluti per incuriam, aut festinationem fugæ relictis, eo consilio, ut viso densiori fumo avidos spoliatorum, in castra celerius pellicerent ad extinguenda incendia, atque doli ignaros inevitabili perniciæ simul involverent. Sed omnis illa pulveraria pestis ante in auras evanuit, quam victores castra intrarent; multa tamen prædator ignis cum milite divilit. Exercitus lectis spoliis alacer, Strigonii necessaria quiete vires refecit.

Hanc victoriam paucis post diebus secuta est Uivarini expugnatio, Caprara supremam manum imponente. Duobus propugnaculis partim suffossionibus, partim tormentorum ictibus stratis, undevicesima Augusti in summam oppugnationem miles educitur. Nec minus oppidani in suas stationes dispersi, ad supremum certamen se comparant. Effusus imber partis utriusque ardorem temperavit, ac multorum neces in posterum diem distulit. Ne novos receptus molirentur Turcæ, aut aperta loca palis præstruerent, muralibus machinis, ignivomis pilis, nulla concessa hostibus quiete, assiduo fulminatum est. Noctē insequenti tria millia pugnatorum in fossam immittuntur, pars sub Scherffembergio dextra, pars Rummelio Bavarorum Ductore sinistra, ruinas dato signo petere jussi. Duo millia in subidiis Dumontio Duce locata. Clara jam luce displois circum machinis, quod signum erat aggressionis, Cæsarei, & Bavari cum sociorum cohortibus in ruinas contento cursu feruntur. Tum vero quidquid arma ferre posset, misti militibus oppidani, sceminæ viris, Gubernatoris ductu pro fortunis, pro patria, pro suis capeffunt arma, ac se se assilientibus certatim objiciunt. In ruinis longè acerrimum prælium ciebant Janicsari, qui nuda pectora, mori jam certi, pro mænibus opponebant.

Princeps Comercyus, & Baro Astius, uterque spectatæ virtutis, ac noti roboris in exercitu, primi consensu propugnaculo (alii hoc decus Vaudemontio tribuunt) speciem capti oppidi præbuerunt, mox contenta voce proclamantes: cæsum Gubernatorem, oppidum captum; reipsa ceperunt. Nam ea vox adeo vires, animosque addidit aggressoribus, ut novo impetu perciti, Janicsarorum cuneum perruperint, magnam ubique trepidationem hostibus intulerint. Viso Germano intra præsidium, deditionis signum tollunt oppidani, armis abjectis clementiam orant. Sed INVISUM est victori militi semper deditionis nomen, qui ægerrime patitur opulenta victoriæ præmia sibi e manibus eripi. Jamque trucidatis ferocioribus, ubique fuga, ac par fugientium strages. Janicsarorum reliquiæ in quoddam propugnaculum compulsæ, etsi ultimis viribus repugnarent, destinatis ictibus figebantur. Haud melior conditio eorum, qui se rapide e mænibus dimittentes,

A. C. quadringenti circiter fuisse A) dicuntur; partim a Germano, Hungaroque 1685. equitatu, qui præsidium corona cinxerant, partim a stationariis peditibus (nam ingressu oppidi prohibiti erant, dum debellatum foret) implacabiliter conficiebantur. Præter imbelles pueros, atque foeminas, a primariis Ordinum Ductoribus in Moscheam abductas, pauci admodum viri, quos inter Mufftus, & Legatus Gubernatoris, se captivos tradiderunt.

Præda omnis generis non inferior expectatione militum fuit, quam pluribus continenter diebus diripuerunt; multosque adeo spoliis ditatos Uivarino abiisse ferunt, ut deinceps per omnem ætatem fructum victoriæ & senserint, & maximis encomiis celebrarint. Istud apud externos Scriptores (domesticorum, qui istius ætatis historiam accurate contexuerit, neminem scio) vulgatissimum. Res annonariæ, tormentariæ, cæterique paratus bellici perinde ingentes. Varia, si quod præsidium in Hungaria, Uivarinum profecto jactatum est fortuna. A Stephano Bocskajo anno quinto supra millesimum, sexcentesium occupatum, postliminio ad Mathiam Regem transiit. Anno decimo nono seculi ejusdem, Gabrieli Betlenio traditur, dein Cæsari. Quibus viribus defensum, ac expugnatum fuerit ab Ottomanis, supra narraui. Præsenti demum anno vi, & armis subactum ad Leopoldum Magnum redivit. Subinde a Rakoczianis infessum, sex admodum annis Austriam, Moraviam, & vicinas Hungariæ provincias cruentis proursionibus divexavit. A magnis Ducibus obsessum, millesimo septingentesimo decimo anno deditionem fecit. Secundum tot bellorum vicissitudines caput e ruinis extulit; at in media pace ligone, & pala, surdis fossorum instrumentis, solo æquatum est.

Infelix Strigonienſe prælium, & Uivarini casum, qui Imperatori Mahometi aperiret, multum ambigebant Purpurati, memores, quam perturbato animo Viennensem cladem acceperit. Sumit eas in se partes Nigrorum Eunuchorum Præfectus, B) facile concedentibus Purpuratis, ingressusque cubiculum prolixè narravit geminam Christianorum victoriam. Imperator, ne nuncii majoris cladis occultarentur, atque pernicioſa dissimulatione remedia potius malorum, quam mala ipsa differrentur, sacramento adegit Præfectum edicere, num Buda simul cecidisset? quam ubi stare adhucdum intellexit, reddi sibi, ac in vitam redire est visus. Inducti nuncii Seraskerii literas tradidere. Iis excusata prius prælii necessitate, acceptam cladem non suo vitio, aut Turcici militis ignavia, sed hostium multitudine, armorum apparatu, locorum iniquitate est fassus. *Ducenta Germanorum, Hungarorum triginta millia in acie stetiſſe, ducentis tormentis in tenuem Turcarum exercitum fulminasse, liberali utique calamo perscripſit. Prælium nihilominus diu extractum. In receptu plurimum nocuisse Spahiis palustres campos. Perturbatos nec precibus, nec minis in castris detineri potuisse. Nunc se juxta Budam cum omnibus copiis excubare, quæ animis agræ in dies numero minuuntur. Postremum, qualemcunque pacem præ infelici bello a Cæsare petendam non obscure suadebat. Tribus jam annis Ottomanos, violati fœderis reos, perpetuo vinci. Et tot initis præliis nullum fuisse Turciæ secundum. Neque deinceps adversus Cæsarem veterano exercitu, Ducibus præstantibus, ac fœderibus validum, belli fortunam felicius casuram. Ni Budam perditam velit, bellum pace componat. Haud esse indecorum illis amicitiam petere, qui primi infregerunt.* Hæc Seraskerius.

At Imperatori bellum persequi tantisper placuit. Decem illico Janicsarorum, sex Spahiorum millium delectus Constantinopoli imperantur: novum tributum ab omnibus provinciis exigitur: Seraskerio mandatum, ut speciem inferentis bellum præbeat: castra castris opponat: augendæ famæ venturi auxilii minime desit: tum captata occasione Lotharingum de pace

A) Porta Ottomanica. B) Hic Præfectus Gynæceo Imperatorio præpositus Eunuchorum præcipuus est; ut magnæ authoritatis, ita multarum divitiarum. Habet quoque supremam curam Moschearum totius Imperii. Inde opes immensæ. Ab Historicis diversæ nationis diversa nomina accipit: nunc Kislar, nunc Kuzlir, & Kizlir Aga legitur.

pace compellet. Ne populus tot præteritis, præsentibusque malis ac one A. C. ribus fessus, tumultum more suo excitaret, gravi edicto nocturni conventus, 1685. atque sermones de rebus bellicis per Byzantinam civitatem prohibiti, eoque plures serebantur, et si liceret, vera narraturi: quia vetabantur, atrociora vulgaverant. Seraskerius cognita Mahometis voluntate, & jam coalito vulnere, tanto promptior castra Buda promovit, quanto magis per eos dies inter peditum, equitumque legiones, metu videlicet hostium solutas, intestinæ discordiæ exarserunt. Janicsari ut ordine militiæ, ita virtute bellica præstantes, perpetuam Spahiorum fugam, & in primis nimium præcipientem e Strigonienſi pugna, amaris salibus traducebant, eorumque ignavia castra turpiter amissa, in os objectabant. Contumeliæ impatientes Spahii (ut **PLERUMQUE** miles a suis contemni, ac posthaberi fert ægrius, quam a quocunque hoste superari) multo pariter clamore, ac convitio extremam consternationem Janicsarorum in ultimo prælio proſcindunt. Id non sine stomacho frequentius oggerunt, quod nonnullos Spahiorum neci dederint, equos aliis eripuerint ad maturandam fugam. A)

Ex ejusmodi jurgiis adeo utriusque ordinis animi incaluere, ut raptis ferociter armis, omnibus castris tumultuarie concursum fuerit. Huic tantæ tempeſtati cum se obtuliſſent Præfecti, illico experti sunt, authoritatem sine viribus apud concitatos, armatosque ſperni: niſi fortassis, ut erant inter se pridem discordes, ferociam militum clam aluerint, privatasque ſimultates publica clade ulturi, iratis facile ceſſerint. Præfectis in tentoria compulſis, gregarii iras, & arma miſcent. Pugna conſeritur in medio caſtrorum, non e præſcripto militari, ſed impetu furentium. Cædes longe maxima peracta fuiſſet, ni Budenſis Præfectus machinas caſtrenſes in confuſa agmina ſolvi juſſiſſet. Hoc improviſo tonitru percuſi, iras ſubito poſuerunt: & naſti neceſſitatem, cui diſceſſum ab armis imputarent, in ſua tentoria diſceſſerunt, accuſantes interea, quod tacite amabant, Budenſis factum. Utrique (uti in tumultuario, ac æquato certamine uſuvenit) ſibi victoriam attribuere; ſi tamen victoria dicenda, qua **QUIDQUID** virium victis perit in civili certamine, victoribus iſſis adimitur. Balthaſar Hannius, qui prælium hoc in ſuos annales Pannoniæ retulit, meminit aliquot centenos utriusque ordinis in loco certaminis trucidatos, plures vulneratos.

Tantam armorum licentiam graviter tulit Seraskerius. Principes tumultus, ac Præfectos, turbarum incentores, comprehendere, ac obſtricto collo palam necari juſſit. Eodem tempore, quos e Strigonienſi prælio B) primos fugam capeſſiſſe conſtabat, partim ſuſpendio addixit, partim ſecuri percuffit. Sic temeritatem, qua paludem tranſgreſſus neceſſitatem iniquiſſimæ pugnæ ſibi impoſuit, alieno ſanguine caſtigavit; more ſcilicet dominantium, qui ſua errata miniſtrorum pæna velare nituntur. Hac tragœdia peracta, exercitum triginta millium in alteram Danubii ripam traduxit, atque intra Vacium, & Peſztinum patenti campo metatus, veluti univerſo prælio ſummam rerum iterum commiſſurus, majori ſtrepitu armorum, quam animo, Conſœderatis frontem obvertit. Lotharingus, & Bavarus haud negligendam rati eam occaſionem, citato agmine in Seraskerium movent. Feſtinantibus longe diverſa nunciantur: Novigradi turrim pulverariam de cœlo percuffam, immani ſtrage munimenta fœdata, Seraskerii juſſu militem cum machinis, & reliquo apparatu inde extractum: Præfectos Agriæ, Varadini, Temeſiæ, ſuas copias domum abduxiſſe; caſtrenſem ſuſpelleſtilem cum omnibus impedimentis Budam remiſſam, eo ſecuturum propediem exercitum. Alii contra narrabant: ruinas Novigradi reparari; Seraskerium priſtinis cladibus nihil territum, a ſuis legionibus novum juſjurandum exegiſſe; milites hac religione, ac ſui Ducis alacritate confirmatos, junctis dextris mutuam ſibi opem, & fidem in prælio ad mortem uſque voſſe. Caſtra in agro Vacienſi poſita, nullo vallo, nullo præſidio militari

B b 3

eſſe

A. C. esse firmata; milites per oppida, & vicos passim vagari, incompressos pa-
1685. bulum, & ligna e longinquo petere. Haud dubie copiam pugnandi fore.

Dux Bavarus his intellectis, & sua sponte perquam cupidus praelii, nihil omisit, quo persuaderet Lotharingo, omissa Novigradi cura, ad castra Turcarum ut recta contendat, ac opportunitatem pugnae in ea planitie capeffat. Lotharingus facile assensus est. Indicta profectio Vacium, gregarii perinde, ac Praefecti spe propinqui certaminis laeti, ad Ipolium amnem relictis impedimentis, maxima alacritate itineri insistant. Ut ad Marosiam arcem tertia Septembris pervenerunt, conspiciunt omnem late regionem ferali incendio conflagrare, ipsum adeo Vacium tristibus flammis collucere. Retulerunt subinde exploratores: Seraskerium viribus suis diffusum Pestinum recessisse; copias partim Budam, Eszekinum, partim in superiorem Hungariam abiisse; paucos cum Seraskerio in castris esse; Vacii munimenta pluribus cuniculis in auras evibrata; omnia circum loca cum demissis frugibus evastata. Haec non secus, ac maxima clades, ab exercitu congregandi avidissimo percepta sunt, quod novae victoriae, quam prope manibus tenebant, materiem festinato receptu eripuerit hostis.

Dum deliberant Duces, quo arma vertenda? adest Achmetes Schelebis a Seraskerio missus, importunus pacis nundinator. Cultu, vultuque quam maxime ad praesentem fortunam comparato, tabernaculum Lotharingi ingressus, genibusque ejus advolutus, laciniam vestis osculo stringit; tum in hunc modum Ducem alloquitur: *Imperator tuus eam nominis famam, rerum magnitudinem tuo consilio, ac manu consecutus est, ut pacem non minus utilem, ac gloriosam praebello incerti exitus optare jam possit. In meliori quamvis fortuna vestra, de ea agere cupit Seraskerius, sibi quoque penitus persuasum habet, cum Christianae, tum Turcicae Reipublicae saluberrimum fore, si pax inter duos potentissimos Imperatores quamprimum stabilietur. Haec princeps causa, cur te, maxime Heros, convenire sum jussus, quam e literis prolixius intelliges. Vindicabis regnum ab interitu, A) si, quam Seraskerius a maximo, invictissimoque B) Soltano amplissimam accepit, pari auctoritate conficienda pacis tuorum quempiam ornaveris.*

Literarum vero tenor hic erat. Duci Lotharingo, amico nostro, supremo Germani Imperatoris copiarum Praefecto salutem. Te amicum certior facio, me repetito sermone Agae Achmetis Schelebis, qui in castris vestris captivitatem perpeffus, ad nos rediit, permotum, ut prior desiderium pacis bona fide patefacere; quoque tu animo sis, penitus investigarem. Quod in praesentia datis ad te literis facio. Intelliges, me prohissima voluntate in omne studium concordiae ferri, quo miseri mortales, tot calamitatibus belli attriti, aliquando recreentur. Si commodum ad pacem aditum aperuerimus, si eam exhaustis provinciis integram reddiderimus, omni victoria nobiliores fructus cum immortalis nominis gloria uterque referemus. Constat orbi, nos non acervos cadaverum, non regionum excidia, armis quaesivisse, sed popularium emolumenta. Haec eadem mens Mahometi Imperatori, toto orbe terrarum maximo, invictissimoque. Agemus ii de pace, quorum & maxime interest pacem esse, & qui quodcunque statuerimus, ratum Imperatores nostri habituri sunt. Si perinde tibi, ac mihi cordi est, noxium bellum pace utilissima componere, delige e tuorum numero aliquem, quocum negotium pacis pleno jure tractetur. Spero, primo congressu omnes obices sublatum iri, modoque animum habeas non abhorrentem a quietis consiliis. Salutem tibi dico nomine illius, cujus unius voluntate, imperia universa gubernantur. Dabam in castris prope Pestum. Ibrahimus Saitanes. c)

Lotharingus increpita Achmetis confidentia; quod non petito com-
meatu hostilia castra intraverit, pauca reposuit: se Seraskerii literas ad Ca-
sarem

A) Regnum utique Hungariae intelligit, sed non modicis exercitiis ea tempestate incessum. B) Ita in more Turcarum, honorum, & inanum nominum semper tenacium. Laboret quantumvis Luna, illis tamen perpetuo maxima, serenissimaque. c) Fere ad verbum reddidi. Exemplar earum Germanica scriptum lingua, lege sis T. II. Portae Ottomanicae pag. 314

farem Magnum Leopoldum Viennam missurum: pacem frustra quæri apud A. C. armatum victorem: se magni Cæsaris ministrum esse, illiusque jussu Otto-1685, manos pacis violatores ferro, & igne, terra, & aquis persecuturum. Jussu sine mora castris excedere; Christianorum exercitus Vacium processit. Hic cognitum est, Seraskerium fugienti similem cum reliqua copiarum parte ultra Budam contendisse. Itaque cum nulla spes appareret cum hoste manus conferendi, visum est Lotharingo exercitum plures in partes parti, & pluribus locis in Ottomanos, ac Tòkòlianos agere. Passum cum quaternis millibus Bavaris, Hungaris, & Hassis ad custodiam Arrabonis fluvii dimittit; monetque, si res ferat, Leslæis legionibus auxilio sit. Capraræ dena millia armatorum attribuit ad occupanda superioris Hungariæ præsidia, quæ partim Tòkòliani, partim Turcæ insederant. Schulzium Tòkòlio oppositum, ac cum Eperiesino, & Cassovia luctantem, suppetiis firmat, cui se deinde Caprara conjunxit. Hi Duces minores (nam Bavarus, & Lotharingus Viennam abierunt) feliciter per autumnum egere non tam suis viribus, consilioque, quam hostium insigni stultitia; quod Seraskerius reposito Eszekini ponte in hyberna suos dimiserit, neglectaque armorum cura, ad emendicandam pacem omnem industriam applicuerit; raptò etiam in vincula Tòkòlio, cujus captivitate, speravit a Cæsare eam facilius impetratum iri. Quo factò, lethalem plagam rebus suis imprudens imposuit. Aversis enim partium Ducibus a societate Ottomanorum, bellum longe gravius Turciæ conflavit, & Christianis expeditam viam suametipsum temeritate fecit, pleraque oppida superioris Hungariæ partim vi, partim deditione capiendi.

Cum Lotharingum opinione sua constantiorem offendisset, ipsum Cæsarem de concordia interpellandum existimavit. Versabatur eo temporis Viennæ nobilis Medicus, & prædives mercator, ille gente Persa, hic Græcus. Per hos primum obliquis viis aditum rimatus apud aulæ ministros, Achmetem subinde ad negotium accelerandum expedit. Jussus Comaromii subsistere, frustra oravit facultatem Viennam veniendi. Questus propterea peracerbe, quod spreta per Germanos Seraskerii, imò magni Mahometis majestate, contemptim habeant eorundem Legatum: neque ea, quæ sibi commissæ, fas sit ad Cæsarem deferre, aut de iis cuiquam ministrorum colloqui: id quod miserrimo cuivis etiam apud barbaras gentes licet. Responsum est homini: Ottomanos tribus ab hinc annis Cæsareis Oratoribus non unam injuriam intulisse. Capraram primi ordinis Legatum, contra jura gentium vinculis oneratum, inter gregem captivorum detinuisse, ac per summum ludibrium in Hungariam victum deduxisse. Leopoldum, æquissimum Principem, ejusmodi gravissimas injurias in Turcarum Legatis, Oratoribus, minime vindicasse (etsi nullo comœatu instructi per provincias Hungariæ, Austriæ iter agerent, & hostium loco haberi possent) apud quem scilicet Jus gentium semper valuit, valebitque in posterum.

Hæc inficiari minime ausus Achmetes, missis querelis majorem in modum oravit, liceret sibi legationis capita cum aliquo paris authoritatis conferre; sperare se, concordiam frustra tentatam, cum maximo & decore, & emolumento Cæsaris coalituram. Hac super re deliberans Cæsar, sentiebat barbarum protinus remittendum, unde venerat; civilius tamen visum, Miniskium Orientalium linguarum interpretem, Comaromium mittere, qui postulata audiret, referretque. Decima septima Novembris Viennam redux, in frequenti Senatu præcipua legationis capita exposuit; primum: *gravissimi præsentis belli authores Tòkòlium, & Kara-Mustapham extitisse: hujus cupiditate subsidiarias copias in Hungariam missas: mox grandi exercitu Viennam obsessam. Hæc privato consilio Vézirii acta. Mahometi, & populo Turcico, si quis vera æstimet, fœdus ad hunc diem inviolatum cum Cæsare fuisse. Alterum: Mahometem, Seraskerium sincerissimo pacis desiderio flagare: utrumque extra scenam agere. Bellum, bellique controversas facile compositum iri, modo Cæsar pacem provinciis necessariam, serio cupiat;*

A. C. cupiat; & cum de rebus summi momenti per *literarum ambages*, longasque
 1685. *missitationes* haud commode tractari possit, deligeret Legatos, locumque colloquii, ac tempus designaret, ut libuerit, nihil recusaturum Mahometem, quo Confœderatis omnibus satisfiat. Tertium: Tòkòlium, a) præcipuum belli caput, jussu magni Domini captum, ac Belgradum deportatum. Hunc sine mora Cæsari dedendum, ut primum pacis negotium contrectatum fuerit.

Hæc per celeres veredos Regem Poloniæ, Rempublicam Venetam, aliosque Principes Confœderatos edocere festinavit Cæsar. Venetorum Legatus non multo post adfuit Viennæ, significavitque: Archithalassum Turcicæ classis, medio licet armorum strepitu, apud Morosinum, b) classis universæ Præfectum, de pace quoque movisse. Rempublicam certissima indicia cepisse, Mahometem extra ludum, malumque dolum agere, ac serio cupere pacem suo Imperio, multis terra, & mari infelicibus præliis succulso, restitutam. Non esse negligendum pacificationis negotium; propiusque accedendum eo, quo eundum aliquando; & ne sublata spe pacis, pertinacia armorum accendantur hostes. Interim magnopere cavendum, ut ne Constantinopoli, aut in quocunque Turcici juris oppido Legatorum conventus celebretur, & ante cessationem armorum sedulo investigandum, quam æquis conditionibus pacem emergari vellet Mahometes. Undecima Decembris Seraskerii literæ Viennam allatæ sunt, quæ Cæsarem edocuit, Mahometem Imperatorem, quam primum Achmetes Aga redierit, primi ordinis Legatum, cum plena potestate pacta ineundi, firmandique missurum. His in Consilio Cæsareo perpenſis, Achmeti responsum est: Cæsarem nec posse, nec velle sine armorum sociis de concordia agere; urgendæ pacificationi perinde insisteret Mahometes apud Confœderatos. Sed meminisset simul, Confœderatos adeo obfirmato animo esse, ut nisi spondeat se captas urbes, provincias cessurum Christianis Principibus, nisi præcipua pacis capita rebus ipsis præstaret ante, quam ad tractationem pacificationis venirent Legati, bellum multo acrioribus studiis, anno inſequenti proſecuturi sint. Proinde si congressum Legatorum ex animo cupiat, expediret primo quoque tempore per celeres cursores, ad omnes Confœderatos conditiones pacis, quæ si utiles, si decoræ Christianis visæ fuerint, tum demum apertam concordie januam sciret; secus bellum paret, quoniam pacem ferre non potuit. Paucis post diebus alius Aga ad Ducem Lotharingum advenit, missus a Budensi Governatore cum honestissimis, ut fama erat, conditionibus. Verum nihilo felicior Achmete, cum tristi responso Budam rediit.

Tam extrema sollicitudo Mahometis in emendicanda pace, quantum animi Confœderatis addidit, tantum Ottomanis ademit. Et reipsa accisis ad Danubium viribus, fracto Uivarino, veluti fatali torpore correpti, complicatis manibus Cæsareorum in superiori Hungaria victorias otiosi aspexerunt. Quanquam Schulzio, quo Duce pleræque patrata, initia armorum haud prospere cesserint. Obsederat is maturo jam vere c) Unguarini arcem, d) solitaque celeritate extimis operibus occupatis, ignivomis pilis interiora arcis dies, ac noctes infestaverat. Tòkòlii miles supra insitam ferociam loco fretus, ac spe celerioris auxilii animatus, non modo assilientes cum cæde nongentorum e mænibus repulit, sed ipsum Schulzium, veteranum Ducem, in tantas angustias conjecit, ut desperato successu reditum anxie circumspexerit. Composito agmine recedentem, Tartarorum equitatu auctus Tòkòlius, strenue inſequitur, & ne elabi posset, tripartito divisas copias præcurrere jubet, ac diversas vias insidere. Undique clausus, ad oppidum Divi Michaelis trans amnem Latorczam ferro, atque audacia per confertos iter aperuit. In eo tumultuario certamine amissa sunt tria tormenta

a) Qua ratione Tòkòlius captus? infra narrabimus. b) Haud dubie Franciscum Morosinum de pace interpellatum, qui supræmâ potestate Venetæ classi præfuit. Hic Morosinus, Scriptoribus etiam Maurocenus, victoris inclytus, occurret sæpius Legatori. c) Secunda Maji, ut habet Descriptio Antiquæ, & Novæ Pannoniæ pag. 702. d) In editiore loco moeritis constructa est arx Unguariensis, olim Comitum Drugethorum delictum, & sedes gratiarum.

menta cum quadraginta annonariis curribus, audacissimi quique cæsi, aut A. C. læsi. Comes Strasoldus brachium trajectus, prope erat, ut a Tartaris 1685. caperetur.

Hoc rerum successu lætus Tòkòlius, immanibus tributis provincias exhaurit, prædatrices copias ostensis Germanorum spoliis cogit. Fama est magnam vim æris missam ad conducenda Tartarorum, Turcarumque agmina, quæ si in tempore adfuissent, sævissima sane tempestas Moraviam (nam huic regioni calamitatem turbidus minabatur) corripuisset. Sed Schulzius arce Krasznahorkensi expugnata, damnum nuper acceptum, resarsit, & Tòkòlium ad sua potius defendenda, quam aliena rapienda excitavit. Onodinum præterea principio Junii a mille ducentis Hungaris repentina vi oppressum, ingentem ei solitudinem causavit. At nihil æque, quam Eperiesini obsidium hominem perterrituit. Cinxerat illud Schulzius undevicesima Julii cum octo millibus Germanorum, quibus se bina Hungarorum addiderunt. Gemina aggressione urbs infestata. Altera ad portam Cassoviensem Thimmio Tribuno, altera sub collem patibularium Georgio Friderico Duci Wirtenbergico est commissa.

Antequam muri impeterentur, peramice moniti obsessi, ut rebus integris se, urbemque legitimo Regi traderent. Rejeto de deditione colloquio, defensionem sedulo adornabant, confisi loco, quem novis operibus munierant, & anno superiore victores, sperabant nunc quoque se superiores fore. Spem intendit Tòkòlius, iusti fere exercitus Duxor, qui haud procul Eperiesino metatus, obsidium depulsurus credebatur. Sed plurimum spei, opisque habuere in Feldmeyero urbis Gubernatore, veterano milite, rerumque bellicarum intelligente, qui deserta Leopoldi militia, ter centum transfugas Germanos, & septingentos pedites Hungaros regebat. Hic consumpta spe reditus, præcipuus author civibus erat, ut obsidionem perferre, quam deditionem facere mallent. Igitur rejeto, ut dictum, de deditione colloquio, Dux Wirtenbergicus tertia Augusti pedites ad vallum occupandum educit, spreto hoste, quem temere collectum rebatur, haud ita loco juvari, ut non plus suis in virtute foret. Post acre non minus, quam diuturnum certamen amissis ducentis A) gregariis, aliquot Centurionibus, vallo potitus est. Succusso minoribus machinis muro, sexto, & vicesimo Augusti strenue magis, quam feliciter aditum in urbem moliuntur Cæsarei. Nam cæsis quingentis aggressorum, reliqui in castra retruduntur. Nec minor strages ab erumpentibus illata, ut adeo Schulzio multa cura efficiendum fuerit, ne rursus rebus infectis obsidionem solvere cogeretur.

Fraeti sunt tandem obsessorum animi, posteaquam aliunde acceptis grandioribus machinis & muri procubuissent, & Tòkòlius audito Strigonien- si prælio semet retraxisset, apud Turcam auxilia quæsiturus, & Capraram cum valida armatorum manu adventare nunciatum fuisset. Desperata defensione, Feldmeyerus petitis unius diei induciis, nec impetratis, cum post brevem moram atrocissime ignitis pilis civitas urgeretur, insequenti die ab oppidanis, suarum fortunarum populationem veritis, ad deditionem maturandam adigitur. Missis, qui paciscerentur cum Schulzio, in has leges conventum est. Gubernator ejuratis partibus, cum suo Germanorum manipulo (supererant ducenti quinquaginta) in militiam Leopoldi transcribatur. Schulzio curæ erit, ut is salvis fortune, nullo dedecore affectus, oblata occasione, honestæ præfecturæ admoveatur; gregarii novo sacramento obligati, suis legionibus immisceantur. Quadringentis peditibus Hungaris (tot numerabantur undecima Septembris, qua transacta deditio) fas esto sive Regia, sive Tòkòliana castra sequi, accepto prius unius mensis integro stipendio. Oppidanis jura, religio, possessiones integra sunt. Præteritorum mutua oblivio esto.

A) Porta Ottomanica ter centum gregarios cæsos scribit. Descriptio Antiquæ, & Novæ Pannoniæ nihil de cæsis prodidit; solum ait, cum ter centum aggressoribus vallum occupatum.

A. C. Dum super conditionibus disceptatur, in urbe turbari ceptum, cau-
 1685. sa a præfidiariis orta. Inter obsidii quotidiana pericula parce admodum
 procedebant æra, debebanturque multis multa stipendia. Ne pecuniæ ina-
 nes, tolerata gravi militia, discedere cogerentur, statuunt urbem dedere
 Schulzio, modo stipendia persolverentur. Re intellecta Dux Wirtenbergi-
 cus stipendium unius mensis large pollicetur. Illi continuo obversis in ur-
 bem machinis, stationem portæ Cæsareis concedunt, oppidanis cædem mi-
 nantur, nisi deditionem ratam habeant. Cæteri milites, quasi signo ac-
 cepto, desertis stationibus in forum convolant, commilitonum facinus sua
 accessione firmant. Inde Thimmio occasio facta, per murorum ruinas in
 mediam urbem penetrandi. Sic nondum signatis tabulis, præsidium occu-
 patum est. Schulzii, integerrimi viri, modestia militem ab omni cæde,
 direptioneque cohibuit, ac cives quam mollissime accepit. Præfidiarii ac-
 cepto mensis unius stipendio in militiam Regiam transgressi sunt, præter
 undenos gregarios, A) & Præfectum unum, qui Cassoviam abierunt, non
 meliore consilio, quam successu usi. Namque Caprara oram Tibisci victo-
 riis percurrens, captis, munitisque aliquot locis adversus Tòkòlium, Cas-
 soviam citato agmine contendit, jam a Schulzio eminus obsessam;
 atque calendis Octobris B) cum omnibus copiis propius urbem ac-
 cessit. Spe honestarum pactionum ad deditionem invitatus Gubernator,
 quos animos gereret, explosis circum mænia tormentis patefecit. Et pro-
 fecto arduam fecisset oppugnationem tum milite, tum rebus omnibus instru-
 ctus, nisi ipsi hostes præcipiti facto validissimam urbem in præproperam de-
 ditionem impulissent. Id autem sic habet: posteaquam Tòkòlius Eperielii-
 num casui proximum animadvertit, Turcarum exercitus in hyberna dedu-
 ctos; dilabi, aut redire in gratiam suum militem, sibi uni & periculi, &
 invidiæ molem incumbere, Capraram novo cum exercitu festinare, non
 minus futurorum metu anxius, quam præsentium mærore consternatus, ut
 Cassoviam, arcem, caputque fortunarum suarum conservaret, cives perin-
 de, ac milites in sua verba adigit; tum ab Agriensi, & Varadinensi Bassis,
 summis precibus, ut alias, auxiliares copias orat.

Ex prolixè in speciem addictæ, cum coirent lentius, ac rerum an-
 gustiæ postulaverant, ipse cum Petnehazio C) Varadinum se confert, tra-
 hens septem millia pugnatorum. Assonantibus tormentis, a Bassa Regium
 in modum cum suorum præcipuis accipitur. Convivio adhibitus, varietate
 epularum more gentis recreatur. Sublatis mensis, adest Aga cum globo
 Janicsarorum, ac torve intuens Tòkòlium inquit: *Magni Domini captivus es, ejusque jussu Adrianopolim D) victus asportaberis.* Ille inopinata de-
 nunciatione confusus, armatosque circum se complures aspiciens, ne ver-
 bulo edito altum ingemuit. Sic citra tumultum capto, traductoque in car-
 cerem Tòkòlio, Bassa paucis factum apud Petnehazium excusat, hominem-
 que manu prehensum hortatur, ut reliquias Tòkòliani exercitus suo impe-
 rio moderetur, ac fidem genti Ottomanicæ obstrictam, integram servet; re-
 dituram sub novo Duce meliorem belli fortunam.

Is large pollicitus omnia, actisque pro splendida præfectura gratiis,
 celeriter se Varadino proripuit, atque suos in itinere consecutus (nam sua-
 dente Bassa Cassoviam versus proficisci sunt iussi a Tòkòlio) rem, ut gesta
 erat, pro concione enarrat, simul acri oratione perfidiam barbarorum per-
 stringit: *non alia de causa, aiebat, Tòkòlium captum, quam quod persua-
 sum habeant, unius supplicio pacem, Imperio necessariam, se obtenturos.*
Hoc eum proditorem partium, omnium malorum authorem facit. Si tam vile
 Prin-

A) Adi Descriptionem Antiquæ, & Novæ Pannoniæ, ubi & conditiones tradendæ urbis, & pe-
 num bellicam in urbe repertam, prolixiore calamo exarata habes. B) Historia Magni Leopoldi
 die XIII. Octobr. Cassoviam a Caprara circumfessam memorat. C) In plerisque Scriptori-
 bus Petnehazium comitem itineris Tòkòlii fuisse lego; Descriptio tamen Pannoniæ, & Porta
 Ottomanica Stephanum Petroczium nominant. Erat iste Tòkòlio ab epistolis, arcenorumque
 omnium conficius; ille e nobilioribus vulgicus unus. D) Belgradum avectum, sat certum;
 an etiam Adrianopolim? non habeo dicere. Porta Ottomanica ait: nondum sublati mensis
 amaro inter sales vinculis oneratum, ac Adrianopolim raptum. Alii aliter.

Principis caput, cui dextræ dextræ jungentes toties fidem obstrinxerunt, A. C. cui Regiam dignitatem sponte contulerunt, quantum fidei, & præmiorum fm-1685. guli nostrum sperare possimus considerate. Nempe barbari sua commoda unice præ oculis habent: horum causa pacta incunt, rescinduntque: heri amicos, hodie ut hostes persequuntur, aut a fortuna desertos deserunt. Mihi certum est, istorum perniciofa amicitia ejurata, non modo Leopoldi Regis gratiam amplecti, sed & tantam perfidiam, quoad vixero, armis ulcisci. Si viri estis, probra servitute vosmet eximite, & me Duce, forti, ac memorabili facinore præteritæ vitæ culpam eluite, perfidiam Turcarum, ferro, & igne ulciscamini.

His incensa multitudo ferociter conclamat: duceret illico Cassoviam ad Capraram, se lubentes, volentesque tradituros clementiæ Regiæ, & fidam in posterum operam navaturos. Erant castra Capraræ, duabus cruentis eruptionibus, & Ducis Wirtenbergici fatali casu vehementer consternata. Is dum ad sedem tormentorum operas, & machinatores urget, majori pila in gulam impacta, momento exanimis corruit. Luxit eum exercitus supra privati Ducis morem, & in illo communi luctu quisque privato mærori ob arduam oppugnationem liberius indulgit. Erexit jacentium animos Petnehazii adventus, qui Tòkòlii captivitate cursim recensita apud Capraram, sua, suorumque fide obligata, petiit veniam id ipsum Cassovienses edocendi, minime dubius, calamitate sui Ducis percepta, perviciam posituros. Capraræ permissu urbem ingressus, convocata concione, eadem, qua nuper, oratione est usus. Nec pluribus opus erat. Facti atrocitate commoti, non tam ut sibi consulerent, quam Turcis ægre facerent, urbem munitissimam quinta, & vicesima Octobris, A) iisdem fere conditionibus, quibus Eperiesinenses, dedunt.

Cassoviæ ad casum, concuti superior Hungaria propemodum omnis visa est. Multa oppida, tanquam ad ea victore cum exercitu properaret Caprara, non expectata vi, sponte desertis partibus, se Regi permiserunt. Eandem fortunam Nobiles secuti sunt. Mercyus, ac Heislerus, dum res ex sententia succedunt, ad Tibiscum progressi, Szolnokino manu, & natura non mediocriter munito suas copias admovent. Loci Præfectus Turca, quatuor, & viginti horis ad deliberandum impetratis, collectis propere vas, cum omni præsidio in adversam Tibisci oram evadit. Injunctus oppido ignis fugitivos prodidit. Pars victorum incendium restinguere, pars rates (nam pontem hostis dejecerat) adducere, quo fugientes cum præda interciperent. Ducenti pedites, ac omnis generis supellex in oppidum relata est. Mox Divi Nicolai munimentum trans amnem Tibisci situm, deditione captum cum fertilissimo agro; atque hic in opimis hybernis vires refecit miles. Felicibus armis applausit Princeps Apassius, sive Turcarum mores jam exosus, sive adversam sui opinionem appropinquante Daciæ Cæsaris exercitu deleturus. Metu tamen Turcarum, qui nusquam ab ejus latere sejuncti, velut in propriis ædibus Claudiopoli, inque comitiis dominabantur, contractus, simulata mente factioni adhæsit.

Ut minori cum invidia Ottomanicæ aulæ ad Leopoldi partes se applicaret, Caprara superiori Hungaria perdomita, cum denis armatorum millibus, in Transylvaniam proficisci jussit Carassam, missò prius ad Apassium Legato, qui venturis legionibus hyberna postulet. Carassæ autem imperatum erat, ut pacato agmine provinciam ingrediatur, nulli colonorum injuriam faciat, si & ipsi hostilitate abstineant; secus ferro, & igne viam sibi aperiat. Ab hoc apparatu armorum abducere conatus est Princeps Capraram, quæ eo temporis nulli usui, nisi rebus iterum turbandis futura erant, ærisque quantum opus foret alendis legionibus extra provinciam, promptus obtulit, quod prævideret Transylvanis externos milites graves fore, & non jam belli socios a suis considerari, verum uti Cæsaris, cu-

A) Ephemerides Leopoldinæ ad diem XXV, Octobris sic habent: „Cassovia, quæ hætenus in potentia Turcica spem suam collocaverat, Cæsari post aliquot dierum obsidionem redditur. „

A. C. jus iram merito reformatabant, ultores timeri. Sed jam miles nemine re-
1685. pugnante Daciam ingressus, hyberna occupavit. Inde Apaffius necessitate
compulsus, quod pridem optaverat, liberius egit cum Leopoldo Cæsare,
de asserenda sua provincia adversus Ottomanorum vim, ac fraudes.

Exeunte Decembri, Varadini, & Temesiæ Præfecti capto consilio
nostros in hybernis opprimendi; rigente quantumvis hyeme, Aradinum
convenerant cum quatuor millibus pugnatorum. Dum cunctantur, & inu-
tili consultatione, quam stationem invadant, tempus terunt, Mercyus, &
Heislerus iteratis, fidisque nunciis edocti, quid hostis molitur, evocatis e
stativis aliquot signis Germanorum, & Petnehazio cum tribus millibus Hun-
garorum, improvise ad Aradinum consistunt. Turcæ necessitate magis,
quam sponte in pugnam ruunt. Effusa pilarum procella, Germani addensa-
to gradu frontem urgent; Hungari in latera inveci agmen perrumpunt,
eoque in plures partes discisso, ordinem aciei perturbant. Post acre certa-
men (nam dimachæ dimissis equis pedites pugnare sunt iussi) Turcæ alii ad
defendendum Aradinum, alii alio fugam arripiunt. Fugientibus immisti
victores, in oppidum simul penetrant. Cæsis in fuga, & prælio nongentis,
ac tercentum A) captis ad divitem prædam vertuntur. Præter tria tym-
pana, undecim vexilla equitum, tria peditum, equos, arma, merces o-
mnis generis, tantum pecuniæ in officinis repertum, ut singuli fere gregarii
ducentis aureis nummis ditati fuerint. Sed non tam amissis spoliis, quam
cædi suorum ingemuere Præfecti: quippe plerique cæsorum e limitaneis
erant, quos frequentiora certamina magis exercitatos fecerunt. Deleto op-
pido in hyberna discessum est.

Petnehazii milites, qui paulo ante ad Leopoldum Regem transe-
rant, animosius, ac validius Turcam aggressos, plurimumque ad victoriam
contulisse animadversum est, quasi eo in certamine ostensuros, quantum
irarum conceperint in perfidos socios, quantumque momenti Regiis accre-
verit accessione sui. Et movit Magnum Leopoldum hæc tanta Petnehazia-
norum fides, & fortitudo, ut omnibus gregariis trium mensium stipendia
persolvi jussit: Petnehazio, fidi agminis Ductori, rosam mirandæ artis
gemmis ornatam, & fasciculum plumarum, quales Hungari more suo pileis
infigunt, duorum millium imperialium pretio æstimatum, dono miserit,
testatus: rem sibi gratissimam fuisse, ac salutarem ipsi, sociisque futuram,
quod sua voluntate spretis partibus, se ad legitimum Principem cum laude
translulerint, arma in juratum Christiani nominis hostem arripuerint; nec
sibi per hos annos aliud magis fuisse cordi, quam ut Hungaros Regi suo,
ac pristinæ tranquillitati restituat, hostem omnibus provinciis exigit. Ad-
didit homini ingentem gloriam Bonvisius, e Purpuratorum collegio summi
Pontificis Nuncius, qui post victoriam Aradinensem torquem aureum Vien-
na transmisit. Clarior postea & constantia, & militia, Leopoldi Regis par-
tes perpetuo propugnavit, quamvis Tókólius libertati redditus, eum au-
reo hamo retrahere conatus fuerit, ut non abs re, hunc virum eorum e
numero fuisse censeas, QUI posteaquam imprudentes, armorum licentia
aberrarunt a recto tramite, ita procedente tempore in viam redeunt, ita er-
rorem melioribus factis purgant, ut pene tanti fuerit eos nonnihil aber-
rasse. B)

Domita in hunc modum superiore Hungaria, permolesta adhuc spi-
na hærebat arx Munkacsia, quam Caprara blanda, severaque manu evelle-
re incassum adlaboravit. Arcem non situ solum, sed etiam opere muni-
tam, infedit Princeps junior Helena Veronica Rakoczia c) Tókólii uxor,
militaris undique animi Heroïna, odio in Germanos, & contumacia in Re-
gem marito suppar. Promptior tamen feminæ, quam validissimæ arcis ex-
pugna-

a) Sic Descriptio Antiquæ, & Novæ Pannoniæ. In alio tamen loco ait mille cæsos, & trecentos
captos. Historia Magni Leopoldi numerum cæsorum auget; scribit enim mille ducentos
hostium interfectos. b) Petrocius tamen in pristinos fluctus revolutus, Tókólio adhæsit, ut
narraturus sum ad annum 1691. quocum Tókólius a Turcis in vineula conjicitur. c) De
hac Principe revolve ea, quæ ad annum 1680. dedi,

pugnatio fore videbatur Capraræ. Ablegat ad eam Petnehazium familiari-A. C. ter notum, qui referat Tòkòlium captivum Constantinopolim abreptum, 1685. stratas conjuratorum partes, pleraque oppida in fidem Leopoldi accepta: tum hortetur, ut cum arce se, pupillumque suum A) Regiæ clementiæ dedat potius, quam imprudenti contumacia crimen, & veniæ difficultatem augeat. Surdis auribus hæc talia accepit. Igitur Caprara terrore armorum agendum ratus, assumptis ternis millibus legionariorum, pluribus subsequi iussis, Munkacsinum infestus abit. Salutata officiose fœmina, ac ad deditionem rursus invitata, nihil pacati admisit; datis B) ad Capraram literis, quarum sententia fuscæ, variaque animi affectione pertractata, hæc demum erat: C)

Virum meum, ac Dominum Constantinopolim auctum, carcere detineri, atrox, isque falsus rumor sparserat. Mihi probe cognitum, eum non honorifice modo ab Ottomanis haberi, sed propediem, nihil imminuta dignitate, reversurum; cui fidem juratam, dum vixero, nunquam infringam. Cæsaris multiplices victoriæ mihi, meisque pupillis, sola innocentia morum, fideque in Regem armatis, admodum graves accidunt, quibus nostri juris oppida D) succubere. Superest arx Munkacsia hæreditate ad nos devoluta, afflictis unicum asylum. Hæc viribus intactis nisi jugum excipiat, ferrum, ignem, extrema belli mala minitaris; cum tamen jure domini, & naturæ, compellar ad eam defendendam pro Principe meo pupillo, cujus ætas armorum ignara, injuriis obnoxia. Nisi in horas hujus lacrymis admoneretur matris officii, mallet in otio fortunis meis frui, quam his publicis, privatisque turbis jactari, quarum incertos exitus animus formidat. Neque in Cæsarem contumaciam alo, generi meo indecoram. Vim vi repello. Ottomanicam aulam pacem afflictim petere, haud negaverim. Spero, maritus meus mihi, meisque consulet ante, quam illa rata habeatur. Cæterum spe firmissima nitor, Cæsarem pro sua innata clementia minime admissurum, ut armis compulsus, pupillorum causam prodam. Non abnuo præcipuos partium Duces a viro meo defecisse, insigni humanæ levitatis documento; redituros utique, ubi melioribus auspiciis bellum reparaverit. PLERIQUE mortaliū cum fortuna mutabilem fidem gerunt. Postremum maximi facio, mitem, ac moderatum animum tuum, quem mihi in hac rerum perturbatione polliceris. Vide, ne per armorum licentiam nomini tuo notam inuras. Tua plurimum interest, quantum in nos licuerit, si id potius clementia, quam sævitia testatum feceris. Nec victorias Cæsaris, nec tuam gloriam augebis, imbelli fœmina, & pupillis in triumphum abreptis. Sic Tòkòlia ferro succincta, acres, E) quibus agitabatur, animi affectiones prodidit; tametsi stylum fœminea arte temperarit, quo Capraram ab arcis obsidione avertat.

Ille quoniam admonendo, terrendoque se nihil profecisse videt, non ultra laturus unius fœminæ contumaciam, eam uti perduellem, & hostem Regis, & patriæ, omnibus castris sub tympanorum pulsu proscrit: mox magno, fidentique animo oppugnationem aggreditur, ratus imperito cum hoste sibi rem futuram, atque arci, ceu procero corpori, imbellem animum inesse. Missilibus quidem ignibus arx rupi præcelsæ imposita infestari potuit, non item tormentis, quorum pilæ maxima vi excussæ, nullo saxi illato vitio, inanes reciderunt. Non facultas, non vires obsessis deerant Tòkòlia hortante, atque propugnatoribus immista; ut adeo Caprara meliore successu desperato retractis copiis oppugnationem in obsidium mu-

C c 3

tarit.

- a) Franciscus Rakoczius is erat, eadem in arce deinde obsessus. b) Die octavo, & vicesimo Novemb. 1685. c) Extant hæc literæ Germanicæ idiomate T. II. Portæ Ottomanicæ. d) Enumerat arces Makoviczam, Regecziam, Patakinum &c. & postea Cassoviam, quæ tamen per fraudem ante aliquot annos Regi erepta a Tòkòlio. e) Eleganter more suo Tragædus paucis versibus eas complexus est:

Flammata facies spiritum ex alto citat.
Proclamat: oculos uberi flentu rigat.
Renidet: omnis specimen adfectus capis;
Hæret, minatur, æstuat, queritur, gemit.

Seneca in Med. Act. III,

A. C. tarit. Sic quoque obsidentium conatus incredibili pervicacia, invicta rupes 1685. tres omnino annos elusit, a) donec Tòkòliam argentum, militem fides deficeret. Leviori impendio Unguarinum in potestatem Regiorum venit, adnitente C. Stephano Kohario, qui ergastuli incommodis diu vexatus, inconcussa fide, hortatus est Franciscum Galambosium, oppido praefectum, ut transfugii scelus poenitentia redimat, ac Principis indignationi tradita urbe antevertat. Non profuturam contumaciam, ubi machinis munimenta labefactata fuerint. Is etsi filium obsidem, & non modicas opes in arce munkacsia haberet, Koharii tamen autoritate motus, ac copiarum adventu perculsus, se, urbemque cum praesidiario dedit. Irata enimvero Tòkòlia, hominis levitate locum non immunitum sibi ereptum, continuo Galambosii suppellectilem, atque pecuniam militibus diripiendam concessit, filio admodum adolescente in carcerem detruso, egregium facinus patris, multa calamitate illustraturo. Hæc in Hungaria gesta.

In illyrico hac æstate paucis legionibus multa secundis armis tentata sunt. Herbersteinus, Caroloftadii Gubernator, rogatu Venetorum, in provincias Dalmatiæ finitimas, excursionem suscepit decima sexta Julii, quo Ottomanos maritima oppida, quæ Valerius Venetæ militiæ Ductor terra, & mari invasit, defendentes distraheret. Cum ter mille equitibus, & modico peditatu Likam, ac Corbaviam populabundus percurrit. Arcem Wuniczam prædonum receptaculum, deditioe captam, e fundamentis eruit, præsidio Turcarum Bihacsium ducto. Uduinam progressus longe, lateque incendia spargens multo majore, quam pro numero copiarum, regionem fuga agrestium complevit. Turcæ populatoriam manum suo agro depulsuri, non segnes coiverunt armati. Herbersteinus non ausus in vasta, desertaque regione morari, militem spoliis onustum reduxit.

Per eosdem fere dies Leslæus, cui Illyricum commissum est, ab aula mandatum accepit, ut contractis celeriter copiis Eszekinum contendat, atque pontem illum famigeratum aut corrumpat, aut Turcarum suppetias in Hungariam festinantes retardet. Igitur delectis in hanc expeditionem quatuor circiter Germanorum, trium Croatarum millibus, relictis Turcarum novizæ gravioribus impedimentis, ac Verovitizia valido præsidio communita, itinere ob solis ardores, fontiumque penuriam difficillimo, ad Muslaronam, ignobilem vicum, decima Augusti pervenit. Casparo Balogho cum leviori equitatu suæ nationis præmissio, ad explorandam regionem, ac occupandos amnium pontes, Michaloviziæ arcis præsidarii adventu Croatarum perterriti, se cum omnibus fortunis captivos tradiderunt. Leslæus, ne suorum paucitas hosti proderetur, omni velitatione ex composito abstinent. Æstus tamen pugnandi aliquot Volones in vicinos Turcas abripuit, quos prima incurfione, in arcem ad Crasnizæ fluvium sitam repulerunt.

Eam, quod gemina fossa, muroque instructa expugnatu difficilis appareret, nec adessent machinæ, prætergressi nostri, ita aciem extenderunt jussu Leslæi, ut hostis maximum exercitum se videre existimaret. Ad Eszekinum metati, papilionibus late defixis, factis crebrioribus ignibus, nocte inter fremitus militares acta, speciem copiarum auxerunt. Adjuvit calliditatem Ducis, legionum suarum numerum hoc modo emementis rumor diditus, Christianorum exercitum prope triginta millia armatorum esse. Turcarum castra in propinquo erant. Decima tertia Augusti, eductis copiis in patentem campum, ad pugnam se primi comparaverunt hostes. Equitatu ita texerant peditum aciem, ut a nostris ne conspici quidem posset. Leslæus non detrectato certamine paucis cohortatus suos, edicit: primum impetum firmo gradu excipiant; nemo in hostem procurrat; telis utantur, dum e tribus colubrinis signum acceperint. Turma Spahiorum in primos ordines inducta, Croatas prælii avidos in subitam pugnam protraxit. Germani accepto signo promovent gradum, & emissa in equites densa pilarum tempestate, continuo hostilem aciem retrocedere cogunt. Tum Croatarum

a) Arx Munkacsia deditioe accepta est anno 1688. decima septima Januarii.

rum equitatus in aperta latera impetum iussus facere, pudore magis, quam A. C. spe victoriæ dimicantes in fugam conjicit. Spahii Belgradum, pedites. 1685. Eszekini munimentum petierunt. Sexcenti hostium in pugna, & fuga interempti; nostrorum triginta gregarii cum duobus Centurionibus Comite Lodronio, & Justino desiderati sunt. a) Oppidum mercatura celebre (quingentæ tabernæ Asiaticis mercibus opulentæ numerabantur) a milite per otium expilatum est. E domibus annonariis vis ingens frumenti, orizæ, aucta in Croatiam. Incessit cupido victores ipsum munimentum, quo se armati receperant, invadendi, non ignari nobiliora spolia tutiore loco deposita. Sed nec murales machinæ ad manum erant, & Leslæus, cautus potius, quam timidus Dux, magnopere cavebat, ne in hostico diutius moratus, manifestata per transfugas, aut rusticos auro emptos, suorum paucitate, eatenus feliciter gesta corrumpat.

Ergo ad perdendum pontem, dignum Solymani II. magnitudine opus, conversus, distributo inter milites multo sulphure, pice, aliaque materia flammis obnoxia, ac designatis Præfectis, qui moderarentur milites, mille, & centum passuum spatio molem illam lignorum, exsiccata præter morem palude, funditus exussit. Tredecim molendina eadem vis flammæ perdidit. Longe major strages secuta fuisset pontis, si in ulteriora transportari potuissent milites. Navigia hostes cum grege fæminarum, puerorumque jam pridie subduxerant. Hoc incendio clarus Leslæus exercitum spoliis gravem reduxit. Non multo post restituit pontem Seraskerius, ut nuper memini, cum castellis, & turribus; tritamque illam viam tot equitum, peditumque legionibus, jam inde ab imperio Solymani, rursus patefecit. Eodem mense, eadem plane fortuna Nicolaus e Comitibus Erdôdi, Dalmatiæ, Sclavoniæ, Croatiæ Banus, cum quatuor millibus Croatarum, mille quingentis Germanis Dubiczam oppressit. Jacet hoc oppidum ad Unnam fluvium arce firmi operis ornatum. Adjuvit Ducis industriam & militum ardor, & fluvius, qui alias oppidi munimen, tunc adeo pertenui defluebat alveo, ut vado transiri posset, aditumque facile daret. Pauci in oppido armati occurrunt, quibus ab equitatu obtritis, cæteri in arcem cum inermi plebe concedunt, neque ausi res suas ferro tueri, domos suas diripi otiosa fronte ex alto conspiciunt. Abactis trans fluvium pecoribus, ac in tutum locata omnis generis suppellectili, sævitum est igne in testa: quo malo correpta arx ingentem trepidationem barbaris injecit. Eo in tempore oppresso, suarum ædium fumo stimulat, in ultionem exardescunt, & conclamatis propere armis abeuntium vestigiis hærent, existimantes Croatas promptiores fuisse ad spolia legenda, quam ad pugnam futuros. E finitimis locis, opportunum auxilium, sexcenti Turcarum advenere. Numero, & animis aucti, composito agmine non itineri magis apto, quam prælio, si res ita ferret, victores strenue insequuntur. Non fefellit Ducem, hostium adventus. Conjectis illico spoliis in cumulum, Turcas ordinata acie excipit. Nec sustinuerunt Croatarum impetum fessi, momentoque fusi totum illud spatium, quod modo emensi sunt, remetiri debuerunt. Ad Unnam, quo multitudo omnis consternata agebatur, plurima cædes peracta. Comperitum est postea, hanc victoriam non nisi viginti gregariorum sanguine emptam, cum tamen hostium facile mille sint cæsi, amissis septem signis.

Menſe Novembri b) alteram expeditionem suscepit Erdôdius majoribus copiis, spe nempe prædarum associantibus se Caroloſtadiensibus binis millibus, & ter centum. Viſum eſt arcem Krupam, jam ab anno milleſimo quingentefimo vicesimo quarto, jugo Ottomanico preſſam, veteri libertati reddere. Fluvius Unna, qui nuper facilis ad victoriam, nunc inſolita altitudine ſuperfuſus ripis, ceu hoſtium animos indutus, victoribus obſtitit, ac imminentem Krupenſium cervicibus tempeſtatem avertit. Sic intercluſo tranſitu, cis Unnam jacentes agri, ferro, & flamma vaſtati ſunt.

Billa-

a) Descriptio Antiquæ, & Novæ Pannoniæ postremos hos in assultu Eszekinensis castelli cecidiſſe memoraſt pag. 735. b) Undecima die,

A. C. Billaſtena, frequens oppidum, & caſtello ferox vim parabat. Præſidarii 1685. oppido egreſſi, collem vicinum armati inſederant. Quadringenti Germani, totidem Croatæ in collem conſiſi, poſt leve certamen eos in caſtellum compellunt. Direpto, exuſtoque oppido caſtellum impugnari eſt cœptum. Nec victoriam diſtulit. Poſtero die vix dum clara luce, juſſi edere ſua nomina apud Centuriones, qui in muros aſſilire vellent, duo millia aſſilientium poſt aliquantum ſe ſiſtunt. Curatis corporibus, Croatæ frameis armati ſine ſcalarum adminiculo partem humiliorem muri, mox duo propugnacula capiunt. Facta etenim teſtudine A) cum per nuda ſociorum dorſa ſuperſtantes ſubiſſent, propugnatoribus muri faſtigio altitudinis æquabantur, conſertaque per murum pugna, ac dejectis iis, victores caſtellum obtinuerunt. Hanc victoriam altera excepit.

Tormentorum ſtrepitu exciti Unnæ accolæ, ut erant ad ſubitas irruptiones præparatis animis, ſerum auxilium Billaſtenaniſ advenērunt. Croatæ rerum ſucceſſu læti, ultro occurrunt hoſti, qui cognito caſtelli caſu, de ſua magis, quam aliorum ſalute ſolicitus, receptum anxie circumſpicit. Velitando extraſto die, concubia nocte in ſua mapalia ſe ſubduxit, amiſſis quaternis Agis, & multis gregariis. Hac manu diſpulſa, cum nemo victoribus obſiſteret, omnem illam regionem late depopulati ſunt, incendio hauſtis plurimis vicis. Tandem tertio, & vigefimo Decembris multiplici præda potiti, Caroloſtadium redierunt. Hac, atque aliis, quas ſecundo Marte conſecit, expeditionibus, ingentem nominis exiſtimationem collegit Erdödius (id quod ei ſpoliorum loco erat) viris Principibus rei Chriſtianæ opportunas victorias maximo plauſu celebrantibus. Ipſe Innocentius XI. belli perſequendi hortator indefeſſus, bellicam ejus fortitudinem, inviſtumque animi robur literis commendavit, precatus ad extremum, ut hoſtibus religionis, pari & conſtantia, & felicitate incommodet. Nec Herberſteinius diu quieti indulſit. Sub autumnum rurfus in hoſticum excuſſione facta, B) Grebenam, Likæ provinciæ oppidum, corona cinxit. Externis munimentis in poteſtatem redactis, verſis in arcem viribus, quo conſugerant Ottomanī, vitam potius, quam arcem deſerturi, arcem illam quidem, ſed irritam oppugnationem cœpit; donec comportatis ramalium faſcibus, ac copioſo ſtramine circum muros projecto, admotoque igne teſta arcis incenderentur. Hoc malo circumventi præſidarii deditiōnem offerebant. Sed rejecta omni conditione a victore, iratoque milite, quod irrumpentium aliquot cæſi, permulti vulnerati fuerint in pertinaci quatuor horarum certamine, tantam ſtragem edidit in arce, ut nullo diſcrimine ætatis, aut ſexus, in omnes æque rabiem effuderit, torrentis inſtar, diu coercitus, ſubmotusque miles. Propugnatorum plerique in acie cæſi, aut e mænibus præcipites acti. Nec melior conditio fæminarum, ac puerorum, qui vires ſumente incendio, ſumibus per muros dimiſſi. Nam omnes ab equitatu Croatarum capti, paſſim occiſi ſunt, pauci ſervitute necem evaſerunt. Prædam omnem flamma abſumpſit.

Inde Præſectus Herberſteinius, Budacum, caput regionis, infeſtus petit. Oppidani cognito Chriſtianorum adventu, ipſi ſuos agros ſæva populatione hauriunt, vicina ædificia evertunt, teſta urbis, ne hoſtis exurat, demoliuntur, omnia ad ferendam oppugnationem comparant. Magni operis futura videbatur obſidio muniti loci. Herberſteinius tamen fortuita belli æſtimans, ſperabat præſidarios ad deditiōnem celerem ignibus poſſe adigi. Jubet propterea pilis ignivomis diu, noctuque infeſtari urbem. Sed facile reſtinctis, ſi quæ oriebantur, incendiis, creverunt obſeſſis animi; maxime poſtquam viderunt, auxiliares copias e propinquis præſidiis adventare. Erant quingenti equites, ter centum pedites. In hos propere immiſſi cum ſex centuriis equitum Gallius, & Vainovicſius, nobiles, ſtrenuique Tribuni, bipar-

A) Hoc genus pugnandi admodum uſitatum apud Romanos, a ludicro circenſi ludo ad belli uſum eſt verſum, cujus deſcriptionem reperies apud T. Livium Patav. Lib. XLIV. qui refert, Hæracleam urbem facta teſtudine a Romanis occupatam. B) Menſe Septembri die quarta deſima,

bipartito impressione tentata, tanta vi equestres primum turmas impetierunt, A. C. disperferuntque; mox in succedentes strenue quidem pedites, at equitatu 1685. destitutos, incubuerunt, ut unius horæ spatio non minus celerem, quam illustrem victoriam reportarint, cæsis hostibus ducentis, octoginta, pluribus in fuga captis, relatis sex insuper signis cum locuplete præda. Sed non ideo oppidani ferociam posuere, suarum virium, ac munitionum gnari. Igitur, ne autumnus melior pars in obsidione unius urbis laberetur, quam etsi caperent, tamen quod longe dissita Caroloftadio, adversus hostium vim tueri non possent, placuit obsidionem deferere, & divisim in plura agmina copiis, apertam regionem populari. Multa ergo oppida paucos intra dies urebantur, magnæque prædæ actæ, præcipue a levioris armaturæ equitatu, qui percurfata provincia prope Likam amnem, fertilissimum tractum in solitudinem, squaloremque vertit; colonis partim contrucidatis, partim in servitutem abductis. Adjungere se multæ familiæ Valachorum, a) pertæse barbarorum iugum, novas sedes in Leopoldi Cæsaris ditionibus quæsituræ. Exeunte Septembri Caroloftadium reversus, omnem prædam in milites ex æquo divisit. Hoc modo in Illyrico triplici exercitu Turcarum vires impetitæ, distractæque fuerunt, ac Venetis opportunitas oblata, oppida Dalmatiæ mari proxima securius oppugnandi.

Rebus Ottomanorum male procedentibus militiæ, domi in dies singulos tristiora oboriebantur, veluti Imperio, sua magnitudine laboranti, ultima perniciēs instaret. Et erat hic annus, si quis alius, multiplici clade, ac periculo insignis, fame, pestilentia, seditionibus. Namque annona ex Ægypti horreis ad exercitus, & præsidia, quibus obsidium timebatur, deportata; eaque aut ab hoste occupata, aut incendio corrupta, rursus omnibus provinciis Quæstorum opera frumentum corrasum, in exterarum regiones, ubi miles agebat, evectum est. Nec coloni eam operam, ut alias, agrorum cultui impenderunt, quod anno alioquin adverso segetibus, a Præfectis provinciarum, maxime in Asia, ad militiam amplectendam compellerentur. Unde desertis agris, toto Imperio ingens cum summa caritate frumenti penuria, & insolitæ famis quotidiano malo crebriores tumultus. Famem pestilentia secuta est. Tanta vis hujus mali fuerat, ut & Asiæ, & Europæ frequentissimas urbes pervagata, multa mortalium millia neci dederit. Ex quo in dies delectus fiebat difficilior. Has publicas calamitates auxit oborta seditio in minori Asia. Occisi Kara-Mustaphæ Vezirii cognatus, homo opulentus, & rerum novarum avidus, in ea extrema penuria largitiones frumenti facere instituit, & egentissimum quemque hoc opportuno munere suas in partes attraxit, per speciem vindicandæ necis. Jam quatuor millium Ductor, ex Asia in Europam transire ausus, Byzantinorum agrum, & Thraciæ vicos infesto agmine percurfat, non secus ac atrocissimus hostis Ottomanici nominis, suam ipse patriam inter mutuas cædes pertinaciter urit. Hos funebres ludos portento humani generis apparavit. Turbarum auctore oppresso, omnis multitudo in sua mapalia dilapsa est; haud tamen ideo Respublica e decumanis fluctibus erepta, etsi Mahometes cum impigris ministris omnes curas ad Imperii salutem converteret, crebris consultationibus Purpuratos, præcipua aulæ instrumenta, fatigaret.

Ante omnia in sanctiore consilio decretum, Solymanum e limitibus Poloniæ Adrianopolim b) citatis equis accersendum, quo cum bonam fortunam sibi reversuram sperabant. Erat is cum exercitu Joanni Regi, deinde Stanislaŏ Jablonovio, & Andreæ Potoczio; c) summis copiarum Ducibus, oppositus, & quoniam non infeliciter rem gesserat, dum alii Ductores foedas suorum clades, aut perditas urbes domum nunciarent, unus o-

Imp. Ottom. Tom. II.

D d

maium

a) Sic Porta Ottomanica eos appellat. Non videntur diversi isti a Morlachis, de quibus egi ad annum 1648. pag. 28. b) His annis Mahometes IV. Adrianopolim incoluit, Byzantinorum civium tumultus reformidans; more videlicet aliorum Imperatorum, quos legimus non raro Byzantio excessisse, populo in turbas exstuantem. c) Anno 1684. adversus Regem exercitum duxit; sed præfenti anno Jablonovio, & Potoczio oppositus. Longinichium hic sequor, qui in Polonicis vocabulis studiose refecit postremam syllabam.

A. C. mnum habebatur, qui Rempubicam, tot malis circumventam, pristina
 1655 felicitati restituere possit. Et instruxerat hominem benignior natura egregiis animi, corporisque dotibus, quas disciplina Achmetis Junioris Kiuperlis Vezirii, cujus obsequiis semet addixit, illustriores effecit; tum aula Mahometis, in quam juniore Kiuperle vita functo translatus, Imperatorii stabuli praefecturam obtinuit, a) plane perfecit. Ingenium ei promptum, ac praesens, interque deliberandum, aut agendum multiplicis consilii ferax. Urbanas, militaresque res pariter callebat. Animus nec importunus honoribus aucupandis, nec impar oblati. Imo diligenter cavuit, ut ne nobiliore praefectura auctus, in flore ætatis, fortunæque, potentiorum invidia opprimeretur; non ignarus, QUO quis altius in aula evehitur, eo plurimum telis patere, tandemque confici. Ex quo fiebat, ut & Kara-Mustaphæ crudelitatem effugeret, & Purpuratorum gratiæ compos, specie modestiæ potentiam sibi in aula firmaret, & paulatim ad dominatum viam sterneret.

Ex aula in campum proficisci iussus, plurimum obfuit Polonorum successibus. Nam neque Rex, neque altero anno præstantissimi Duces Solymano pares fuere. Cladem non accepisse ea tempestate, maximæ instar victoriæ fuit apud Ottomanos. Unde Adrianopoli, ut est perlata fama geminæ expeditionis, dein literis non magis Solymani, quam vulgo militum affirmata, incredibili plausu Imperatorias viri laudes celebrare, pro se quisque Solymanum laudibus ad cælum ferre. Sed Janicsari, qui ex Hungaria victi redierant, multo effusiores virtutum commemoratione ornarunt Ducem, quo nempe Seraskerius ex comparatione Solymani magis vapularet, & suam in prælio socordiam Ducis vituperatione apud cives obtegerent: **FAMILIARI** militum vitio, qui suum dedecus in Duces amoliantur.

Adrianopolim reversus, velut tutelarior quidam genius Imperii, a summis, imisque omni honore percolitur. Caimacanis muneri admotus, paucis post diebus omnium ordinum gratulatione Vezirius appellatur. Kara Ibrahimus reddito Imperii sigillo, omnibus fortunis eversus, in Rhodum insulam pellitur, breve admodum exilium habiturus: immisissis enim percussoribus a Solymano, trucidatus est; b) Imperatore probante magis, quam iubente factum. Tanti viri casus apud Turcas admirationem concivit nullam, quod constaret omnibus, Vezirios raro suo fato fungi, etsi res quam bellissime procedant. Urbs tamen sermonibus implebatur. Existimatum aliis, mite hominis ingenium displicuisse Imperatori; aliis persuasum, rapacitate Purpuratorum ingentibus divitiis inhiantium præcipitem actum; si millimum vero est: a Solymano quemadmodum vita, ita quoque magistratu exutum.

Novo Vezirio in aula dominante, respirare videbatur Imperium. Primas curas eo convertit, ut Polonum a communi fœdere abstrahat: validior utique futurus adversus Cæsarem, & Venetum, si e Poloniæ finibus suum exercitum, cujus vires prope intactæ erant, in Hungariam, & Dalmatiam deportare posset. Hunc in finem suaserat Mahometi: dirueret Camenecum, perpetuum belli fomitem, & ruinam unius urbis placaret Polonum. Sed Imperator seu desperaret hac offa deliniendum Regem, seu pueret a non victore pacem ultro postulare, seu denique nihil magnopere a Polonia metueret, aures oclusas habuit, iussitque Solymanum, omisâ in praesens spe pacis cum Polono, bello, & armis Rempubicam attollere, sibi cætera curæ fore. Ille perspecta Principis mente, & de se Judicio lætus, summa celeritate multa feliciter exorsus est, & si par exitus principio fuisset, quidquid aliorum imprudentia amissum, hujus dexteritate recuperatum foret. Verum suprema illa regnorum arbitra mens, consiliis obstitit, & intentatas Christianæ Reipubl. clades in authores reflexit.

Primis

a) Kara-Mustaphas, qui Viennam oppugnavit anno 1683. hunc Solymanum praefecturae stabuli Imperatorii admovit. Vide Portam Ottomanicam pag. 179. ad annum 1676. b) Hæc & alterius Ibrahimii cognominis Saitanis necem, uti & res gestas confundunt quidam Historico- rum, non sine ingenti perturbatione Chronologiæ, quæ tamen anima Historiæ.

Primis statim diebus annonæ caritatem laxavit, præsentī ære coem- A. C.
 pto frumento a Navarchis Gallis, Anglis, & Hollandis, qui lucris intenti 1685.
 non levem copiam portubus invexerunt, eoque Byzantii, Adrianopoli in
 miseros distributo, dici haud potest, quantopere sibi vulgi animos devinxerit.
 Sed nihil æque fatigabat, quam pecuniarum conquisitio; eas esse belli
 nervos a) distitans Solymanus, non Jus, aut verum in cognitionibus, sed
 solam magnitudinem opum spectabat. Plebem exhaustam irritare non ausus,
 potentiorum fortunis insidiabatur. Passim iniquissimæ delationes, &
 locupletissimus quisque in prædam correptus. Divitiæ crimen erant. Quatuor,
 & Quadraginta opulentioribus Præfectis supplicio affectis, inopiam
 æris utcunque levavit. Propriis quoque opibus (si fides Hannio quinquaginta
 millium aureorum) bellum juvit, largitus privatim, quod avidius cum
 fœnore de Republica sumeret. b) Tum e thesauro Imperatoris maximam
 vim argenti non signati forma, sed rudi pondere gemmas, munera miræ
 elegantiae, quæ longa ætate avari Principes cumulaverant liberis, posterisque,
 egressit. Argentum signari, gemmas, cæterasque gazas sub hasta divendi
 jussit. Domestici emptores rari confluerunt, metu, ut arbitror, ne
 pecuniam simul, & vitam in illo sanguinario foro amittant. Denique sumptuum
 inutilibus recisis; de peculatu habitis quæstionibus, ærarii cura sanctior,
 ut in posterum foret, sua severitate præstitit.

Inter hæc Ibrahimus Saitanes, quem nuper Leslæus exusserat, ponte
 instaurato, Belgradi constitit, obtentu militiæ ordinandæ; reipsa primos
 congressus Vezirii, & Adrianopolim multorum Nobilium cruore fœdatam
 reformidans. Neque leves causæ timoris suberant. Desflorēcente gratia, potentiaque
 apud Mahometem, vilior in dies fiebat Saitanes; nec sperare poterat
 Solymani benevolentiam, quocum ipsi pervetus, sed occulta erat in
 aula æmulatio; & delata ante biennium armorum administratione in Hungaria,
 supra modum privati elatus, æmulationi contemptum adjecit. Præter hæc:
 adversa fortuna, quam toties expertus est, angebat hominem, non nescium
 suo capite sinistram belli aleam expiandam. Sic Mustaphas, Ibrahimus,
 aliosque armorum Præfectos, inter ignea tormenta tutos, domi occubuisse.
 Scilicet exedendum est copiarum Ductori apud Turcas, quod Mars universæ
 genti adversus, intrivit. Cæterum Tòkòlii captivitas, cujus præcipuus
 author ferebatur, dubio gradu adhucdum stantem impulit, & fatum infelici
 maturavit.

Hanc machinam non lente admovit Solymanus. Non cessabat in Senatu
 Seraskerii imprudens factum tetrīs coloribus expingere: illius temeritate
 Tòkòlium e medio armorum apparatu in carcerem abreptum, quo Cæsarei
 latius explicarent victorias, superiorem Hungariam sibi affererent, iter
 apertum in Daciam haberent. Partium Duce ex arena subducto, Tòkòlianos
 Seraskerii dolo peroffensos, cum Cæsareis iras suas, & vires sociasse;
 ex armorum sociis acerbissimos Ottomanorum hostes jam factos; gentem
 pene omnem a Turcica societate averſam, absente tumultum, turbarumque
 concitatore, Principi suo reconciliatam. Inde tantum roboris, tantum
 virium decessisse Ottomanico Imperio, ut dextrum brachium rescissum
 videatur. Addidit: e re facturum Imperatorem, si ad deliniendos Tòkòlianos,
 Ducem factionis pristinæ & libertati, & honori restitutum, ac copiis,
 pecunia adjutum ad ferendas turbas quamprimum remittat; Seraskerium
 vero malorum omnium authorem, fortunis, & capite plecti jubeat. Sperare
 se unius libertate, alterius supplicio maximam rerum conversionem in Hungaria
 fore.

Hujusmodi sermonibus credulas Mahometis aures implevit, facileque
 pertractis in suam sententiam Purpuratis, utrumque evicit. Seraskerius

a) Dictum Lucinii Muciani, viri secundis, adversisque juxta famosi, apud C. Cornelium Tacitum Lib. II. Histor. pag. 433. dum T. Flavio Vespasiano belli civilis est author b) A Solymano Vezirio in usus publicos pecuniam datam, Porta Ottomanica tradit, at summam tacet.

A. C. rius domi suæ repente oppressus A) sine tumultu jugulatur, omni pecunia 1685. in fiscum redacta. Nemo viri necem deflevit, quod Reipublicæ damnosus, & societatibus infidus, majore animo, & confidentia, quam viribus, peritiaque arma tractarit. At Tòkòlio, qui pacem suo capite fandiendam timebat, libertas, & Principis insignia Mahometis nomine redduntur. Somnio simillima hæc talia videbantur lictorem in horas opperienti. Postquam vinculis solutus, a præcipuis militum Præfectis Regium in modum acceptus est, ac turba famulorum circumdatus, sensit rem agi extra scenam. Vezirius, ut opportunissimum turbandæ Hungariæ instrumentum, Turciæ arctius devinciret, nihil humanitatis, nihil blandimentorum neglexit. Quidquid peccatum in ejus existimationem, id callide in Seraskerii imprudentiam, pessimasque artes conjecit. Et si quantum fidei habendum Vezirio non ignorabat Tòkòlius, Turcicarum fraudum callentissimus, tamen, ne, si injuriam agnosceret, aut liberius quereretur actum fuisse secum contra, quam cum fœderato, & nomini Ottomanico addictissimo agi deceat, suspensos Turcarum animos a se averteret, eorumque gratia, & ope destitutus arcem Munkacsiam cum conjuge, & spem seu Regni, seu Principatus amitteret, fortis stomacho concoxisse videri voluit (ut PLERUMQUE dissimulantur offensæ, quando graviore, quod timetur, malo obviandum est) quidquid dedecoris illatum. Et revera concoxit: neque enim deinceps vecordissimus mortalium, dum maxime potuit, alienam perfidiam est ultus; quin imo post vincula multo blandior in sævientes Turcas, in Regios, & populares suos, ferocior evasit; veluti grande beneficium acceperit, quod in sordidum vehiculum impositus, latronis instar victus, inter ludibria illudentis populi Belgradum deportatus fuerit. ITA animus cupiditatibus suis captus, nec adversis relipiscit; & quanto magis admoto obice retardatur, tanto vehementius eo convulso, per fas, & nefas in illas fertur.

Sic comparatus Tòkòlius, quo celerius superiorem Hungariam convelleret, ad legendum militem a Solymano pecunia, armis instruitur: mille equites, totidem pedites præsidii causâ accipit; promissis ingentibus oneratur, ut sine mora expeditioni initium faciat. Addidit stimulos festinandi Varadinensis Præfectus, missis Belgradum B) nunciis, monuitque, ne cunctando suam fortunam corrumpat: celeritatem ipsis utilem, hosti noxiam futuram. Eadem significavit Bassa, Gyulæ C) Gubernator, & ut ad se quamprimum inviseret, hortatus est. Igitur in pristinos fluctus revolvendus, cum aliquot signis Turcarum Temesiam primum, dein Gyulam profectus ad Achmetem D) armorum Præfectum per Hungariam, ubique festo gratulantium murmure accipitur. Collatis, quæ per otium coxerant, consiliis de totius expeditionis modulo, paucis post diebus Varadinum intrat. Hic spe instaurandæ veteris fortunæ contumax substitit diutius; ac sparsis per provincias, quas hac ætate amiserat, sexto, & vicesimo Januarii insequentis anni literis, Nobiles perinde, ac plebem commonefecit: *se non libertatem modo cum Principis dignitate a magno Imperatore Ottomanorum obtinuisse, sed novum quoque ærarium, militem, arma sane quam liberaliter impetrasse ad vindicandam avitam libertatem Hungarorum. Eum in finem se maturasse reditum in patriam, & jam bonis avibus Varadinum venisse. Mitterent igitur primo quoque tempore e singulis urbibus, præsidiis, oppidis viros, quibus præclara sua consilia de patriæ felicitate, ejusque provehendis commodis pandat.* Petnehazium, Petroczium, aliosque veteres amicos suos, sigillatim literis admonuit: *ne communem patriæ causam sua levitate damnent, dumque alii prompto animorum obsequio, indictis veluti comitiis Varadinum convolant, ne ipsi consilia a vindicibus libertatis Hungariæ separent; & ingentium commodorum, quæ Byzantina aula pollicetur, exper-*
tes

A) Porta Ottomanica pag. 321. B) Ex literis ipsius Tòkòlii, quas complures legi. C) Arx Gyula in provincia Aradinensi quinque fere miliaribus Varadino distans. Clari olim nominis, multisque pugnis deceratum munimentum, ac variis obsidionibus nobile. D) In Tòkòlii literis, & Porta Ottomanica lego, hunc Achmetem fuisse Seraskerium, sive armorum Præfectum, per Hungariam tempore hyberno.

tes fiant, atque adeo a patrocínio potentissimi Imperatoris exclusi, Germanorum ambitioni expositi, atque impares, ignava patientia multam injuriam devorare cogantur. Si fortibus consiliis animum præbuerint, brevi superiorem Hungariam compedes posituram. Hæc, aliaque ad labefactandam eorum fidem Tökölus.

Solymanus Vezirius, acerrimo belli concitatore in Hungariam præmisso, curas omnes, cogitationesque, uti rei magnitudo postulavit, ad accelerandos reliquos apparatus impiger vertit. Sensit sagacissimus barbarorum statim in aditu præfecturæ, Transylvaniæ Principem dubia fide erga Portam Ottomanicam esse: id quod crebriores nuncii Viennam, quam Byzantium e Dacia missi, tum Cæsareorum in Transylvanicis stativis pacata commoratio, nihil populo, nihil Principe in novos hospites movente, confirmarunt. De fœdere item Polonorum cum Moscho callide coniecit. Hæc duo quantum fiduciæ Christianorum animis, tantum solitudinis Vezirio addidere, reputanti hoc fatali bello sexcenta facile Turcarum millia A) terra, & mari variis casibus interiisse, robora exercitus cæsa, superstites languere, & ab exitiali bello horrere; & tamen graviolem operis molem Turciæ nasci, novos, recentesque hostes a Transylvania, a Moschovia ad everendum Imperium parari, atque adeo magnas vires Confœderatis Christianis ex integro accedere, Ottomanis adimi. Unde & ipse multo intentiorem, quam alii Vezirii, faciundis delectibus operam dedit. Tartariæ Regulum per literas, nunciosque urget, ut gentem suam in arma conciat. Partem alteram armatorum suo ductu, auspiciisque in Hungariam infundat; alteram filio committat ad Poloniæ fines evastandos. Eidem præcipit: e Colaccis quina millia equitum scribenda curet, quos in armis habeat paratos, seu in Polonos, seu Moschos opportune immittendos. Africana auxilia, momentum ingens ad maritimum bellum, festinatis nunciis anxie sollicitat. Ex omni Asia, Ægypto copiæ, quas propinquæ pacis fiducia domum remiserat Seraskerius, duplici stipendio promisso evocantur: detrectantibus militiam irrogata supplicia. Nova classe in Moschos extructa, socios navales undique accersit. Mustium hortatur, ut cum grege Sacerdotum veniam irarum cœlestium exposcat, populum more veteri ad placandum Mahometem, ad bellum religionis prosequendum extimulet. Apassium per Chausium orat magis, quam monet, ut ne præcipiti adeo consilio a veteribus sociis discedat. Si quid injuriarum illatum Daciæ, arbitrato Principis se satisfacturum esse. Si non milite, non stipendio, non frumento Cæsareos juverit; si neutrius partis pacatus egerit, non tributis modo partem remissurum, sed & amplissimas possessiones a Præfectis Varadini, Lippæ, Gyulæ quocunque jure occupatas, e vestigio Transylvanis cessurum. In Moschoviam quoque adversus Polonos opportunam, solertissimus homo curas porrexit. Ea ut in neutras pelliceretur partes, maximæ pro more pollicitationes plenius modiis sunt admensæ. Nihilo segnius in Gallia attrahenda elaboratum fuit. Oravit Ludovicum majorem in modum Mahometes, ut obsessæ prope Constantinopoli opem in tempore ferat. Aggrederetur a tergo Germaniam, & Imperii Principes, Cæsarem ad sua tuenda retrahat. Sed hæc machinationum fila nullo successu producta erant. Itaque Ottomanos, aucto in immensum hostium numero, suis duntaxat viribus, socio Tököllo, pugnandum fuit: quo vero successu? jam nunc evolvam.

Primus Tökölus, obsessæ Munkaciæ propinquum excidium instaret, nec ex vano auguratus, initio anni MDCLXXXVI. Cæsareorum arma provocavit, deinde hostilia ocepit; majore tamen tumultu, quam vi, fortunaque. Tumultuario coacto exercitu e Turcis, & Tartaris, justus Ducis speciem nactus, teterrima hyeme Varadino e stativis movet. B) Ultra Samusium amnem profectus, præsens Munkaciæ periculum depullurus, sen-

D d 3

fit

A) Author Descriptionis Antiquæ, & Novæ Pannoniæ pag. 776. hunc numerum ponit; usus haud liberali calculo. B) Descriptio laudata in exitu mensis Februarii ait Tökölum hostilia movisse pag. 760.

A. C. sit se, suaque consilia detesta. Namque inter Carassam, Mercyum, & 1686. Heislerum, intellecta Tökölíi libertate, convenerat, ut isti ad oram Tibisci militem collectum teneant, atque ad primos hostium motus opprimendos accurrant: ipse partem suarum copiarum e Dacicis hybernis educat. Et Mercyus quidem cum Heislero in omnem occasionem pervigil, exeunte Januario primos barbarorum conatus infregit. Res in hunc modum evenit: Achmetes, armorum per Hungariam Præfectus, multam annonam comparaverat Budam vehendam. Hoc autem subsidium, quoniam non sine hostium occursum processurum facile intelligebat, ipse cum valida manu armatorum carros deducendos suscepit, mox ad Tökólium rediturus. Haud procul Szegedino aberat, cum a Mercyo, Heislero, Petnehazio invaditur. Tartari ad conspectum Cæsareorum fuga sibi consulunt. Janicsari inter pugnae, fugæque consilium passim cæduntur. Szegedinum pluribus saluti fuit. Præter quina minoris formæ tormenta bina tympana, papiliones, carri, grex pecorum victoribus cesserunt. A) Tökólium huic prælio non interfuisse verosimillimum est, etsi id Historia Magni Leopoldi asserat. Neque enim arx Munkacsia ad Szegedinum quærenda: & omne iter relegendum erat, quod paulo ante, metu amittendæ conjugis, liberorumque anxius, strenue confecit.

Et jam, ut memini, ultra Samusium profectus, non modicam spem præfidiariis fecerat solvendæ obsidionis, admonita prius conjuge, ut præsentis animo incommoda tantisper perferat, ac memor qua stirpe prognata, cui nupta foret, munia Ducis, quod eatenus supra viros constantia, dexterritateque præstitit, obeat, milites, atque operas suo exemplo confirmet. Brevi se adfore cum auxiliariis copiis, ac arcem ab injuria Cæsareorum vindicaturum. Illa Majorum recordatione ardens, & spe propinqui auxilii alacrior, hortata est suos milites, crebriores eruptiones in stationes obsidentium facerent; frigore prope enectos suo Martio calore in fugam animarent ante, quam decus servatæ Munkacsiæ cum Ottomanis, opem festinantibus, dividere cogantur. Illico sexcenti non tam dictis Tökóliæ incensi, quam stationariorum negligentia provocati, ex arce occulto calle decurrunt, proximum vallum inobservabiles transcendunt, ac illati in imparatos post brevem pugnam octoginta e vestigio consecant, reliquos in fugam compellunt. Quin subruto fabrorum, fossorumque manu vallo, ac ligneis operibus, ausi in alias stationes insequi fugitantes, stragem late minabantur; cum Præfecti increpito per iram, & minas cæco suorum terrore, aggressores, victoriamque listunt. Neque hæc postremâ eruptio fuit. Plures nunc secunda, nunc adversa fortuna susceptæ erant; & si pari animo Tökólius rem egisset in campo, procul dubio Munkacsia lenta obsidione liberata fuisset.

Verum Tökólius audito Carassam B) jam e Transylvania movere; Mercyum, Heislerum expeditioni accinctos stare, non explorato, quantus esset exercitus, sat validum ratus quemcunque Victor Carassa duceret, mutata ratione itineris repente Hunyadinum, Daciæ oppidum, arce egregia communitum petiit; spe videlicet Hungaricas legiones, quæ eo loco, atque proximis vicis stativa habuerunt, suas in partes alliciendi; facilius subinde destinata executurus, si secessionem facerent a Cæsareis. Sed earum Præfecti æstimatis jam satis Tökólii consiliis, per speciem publicæ libertatis, utilitati demum propriæ, ac indomitæ ambitioni inservientibus, aversati Turcarum Ducem, non expectato ejus adventu, mature militem ex hybernis evocant, ac Lodronii, & Spinolæ legionibus conjunctum barbaris opponunt. Hac sua spe evolutus multo celerius, quam venerat, Varadinum rediit, multum querentibus Turcis, quod nullo operæ pretio, summa hyeme per

A) Eadem descriptio pag. 742. Prælii Szegedinenfis meminit etiam pag. 766. Haud tamen secum ipsa narratio constat. Malui Historiam Magni Leopoldi in quibusdam sequi. B) Hujus Antonii Carassæ S. R. I. Comitís, Aurei Velleris Equitis &c. mihi sapius memorandi in hac Historia, res gestas quatuor libris typis Neapolitanis anno 1716, edidit Joannes Bapt. Vicus. Magnam lucem affundit Hungariæ, & Turciæ Historiæ hic Scriptor. Mihi contexta jam tella in manus venit, ope illustris viri literarum, & literatorum cultoris.

per invia loca ab infelici proditore raptarentur. Ipse quoque Tòkòlius, cum A. C. se ab infima plebe perinde, atque nobilitate desertum cerneret, non nisi 1686. pauculos, eosque ære, ac fide vacuos ad signa convenisse, commotus est adeo animo, ut inusitatam sollicitudinem fronte (licet alias multa tegeret ejusmodi artium callentissimus) minime dissimularet. Erexit dejectum Varadinensis, spe validioris auxilii, ac misso imperio ad finitimas provincias; quo jubebantur universi, Emericum Tòkòlium, voluntate Magni Soltani superiori Hungariæ cum Turcarum exercitu redditum, benigne accipere; illi obsequium, copiis annonam, securumque iter præstare; secus qui fecerit, eum adversus Soltanum, & patriam facturum. Sed EX VANO jactantur minæ, & imperia; quæ nisi viribus firmentur, vix nata subito emoriuntur.

Caraffa evitato Varadino, cum quatuor Germavorum, tribus Hungarorum millibus, fanum S. Jobi, a) celebre ea tempestate munimentum, obsidione cingit, non tam cupidus capiendi locum, quam manus cum hoste conferendi, quem Varadino, tribus duntaxat leucis dissito, obsessis auxilium laturum, eaque occasione copiam prælii facturum existimavit. Illo intra muros hærente, tanto alacrior cœptis institit, quanto per eosdem dies hyemis rigor magis invaluit, vento præter modum frigido paludes, quibus munimentum late ambitur, glacie adstringente. Hac usus opportunitate, adnotis propius tormentis, nona Februarii muros verberari jussit, ac arcem pilis fervefactis impeti. Biduo post hujusmodi pila in turrim pulverariam illapsa, ingentem stragem tectis, & hominibus intulit, atque arcem cum oppido in cineres egit. Secundum hanc igneam tempestatem candida vexilla in mænibus apparuerunt. Facta deditione præfidiarii nongenti (alii quingentos scribunt) præter mulierum, puerorumque gregem Varadinum abierunt, ubi Præfectus præproperæ deditionis reus cum sedecim præcipuis strangulatur. E præsentī victoria multa commoda nobis fluxerunt. In arce inventa sunt octonæ machinæ, & plurima annona. Ducenti septuaginta Christiani ergastulo inclusi, libertatem acceperunt. Bihariensis, Szatmariensis provinciæ, quotidianis procursionibus attritæ, magnam partem re-creatæ. Varadinum arctius clausum, & Munkacsiam versus iter obseptum; hostium debilitas nimium patefacta. Opportuno huic loco impositi sunt bis centum pedites Hungari, cum aliquot equitibus ejusdem nationis, una præterea Germanorum centuria. Nondum inde retractis castris, Barkocius, expertæ fidei, roborisque in Regio exercitu Tribunus, Varadinum procurrit, exustoque celeriter exteriore oppido, sepimentisque, Tòkòlio, & Turcis intra muros torpentibus, & oppugnationem urbis veritis, terrorem auxit. At inclementia hyemis in stativa compulit victores. Debreczinum vastum, ac disiectum oppidum, Caraffa imminente, pervicaciam illico exuit, æreque repræsentato direptionem suarum villarum evitavit.

Hyeme inter has, aliasque levioris momenti expeditiones acta, mitiore anni parte, & fama gentium, & rerum magnitudine multo illustrius bellum exarsit ad Danubium, convolante Budam, illinc Asiæ, atque Africæ; hinc propemodum omnis Europæ armato populo, non otiosâ fronte ludos Martios spectaturo, sed litem de principe Hungariæ urbe seculo uno, ac dimidio b) sævissime agitatam, inter ignea tormentorum ora, creberrimos terræ subsultantis, atque in sublime evibratæ motus, inter arma, tela omnis generis, infinitamque nunc pellentium, nunc pulsorum exercituum stragem decisuro. Jam etsi profiteri ausum, continenti narratione complexurum res Ottomanorum, in partibus singulis tanti operis minime conveniat fatigari, tamen ad oppugnationem longe omnium memorabilem dicendam, perinde timidus stylum converto, ac cauti ipsi oblidentes manum operi adnoverunt; palamque profiteor, me mole tantarum rerum, quæ scribenti tam variam, tam operosam oppugnationem, cumulatus se offerunt,

a) Præsidium firmi operis, & scutum Varadinensium Turcarum, ad plagam septentrionalem. b) Nempe ab anno 1526. quo secundum cladem Mohacsianam a Solymano II. occupata est Buda.

A. C. runt, perculsum, compendio usurum. Plerisque belli consultoribus visum
 1686. erat, Albam Regalem præ Buda aggredi, quod existimarent ad hunc fata-
 lem scopulum Cæsaris fortunam, ut ante biennium, adhæsuram, & tot vi-
 ctorias Fœderatorum, Marte propitio eatenus partas, ceu uno naufragio
 perituras. Magnus Leopoldus cum Lotharingo Duce totis animis in adver-
 sam partem propendebat. Bavarus tutiora præ speciosis amplexus, Albam
 Regalem præferebat, atque in hanc demum sententiam ipse Leopoldus con-
 cessit, seu ad fucum hosti faciendum, seu reipsa, si minor rerum apparatus
 adesset, hanc Trojam retentare abhorreret. Fama celeriter pervagata Hun-
 gariam, fidem Ottomanis fecit, Albam Regalem ad ictum destinari. Loci
 Præfectus, veluti inmanis exercitus præ foribus esset, omnia ad defensio-
 nem instruit, suppetias sollicitat, & accipit, suburbiis amplissimis adeo tu-
 multuarie ignem immittit, ut magna vis frumenti simul ambusta fuerit.
 Unde novi commeatus eo deportandi erant. Discusso terriculamento, for-
 tuito arsisse suburbia, aut incuria præsidarii, qui in dies augebatur, Præfe-
 ctus apud Vezirium evicit, culpamque omnem damnosi incendii a se
 avertit. A)

Recensitis legionibus numerata sunt centum, & amplius millia tum
 Cæsareorum, tum sociorum. Hungari, non accensis iis, qui Regio sti-
 pendio alebantur, facile viginti millium expleverunt numerum. Armave-
 rant, contraxerantque eos partim provinciæ, partim opulentiores Dynastæ.
 Paulus Eszterhazius Pro-Rex de suo conscriptis legionibus equitum, atque
 peditum, supremo jure Hungaricis copiis moderabatur. Satis constabat,
 nunquam ullius Regis Hungariæ tantum, tamque florentem exercitum in
 Turcas armatum fuisse. Pro ratione belli tripartito divisus est. Scherffem-
 bergio Daciam componenti quina Germanorum, quaterna Hungarorum
 millia iusti militis attributa sunt, qui subinde Budam revocatus cum suis
 legionibus, B) tum in Illyricum proficisci iussus præfecturam Schulzii cum
 septem millibus, & numerofo milite provinciali, Croatiam defendentis, sed
 in medio cursu rerum febribus extincti, accepit, Carassæ ad tutelam supe-
 rioris Hungariæ dena millia decreta. In hunc modum utroque latere muni-
 to, robur exercitus in medio constitit sub Lotharingo, & Bavaro Ducibus.

Illo febrium violentia subsistere coacto Neostadii, hic expeditionem
 aperuit. Jamque Parkanum profectus (huc convenire sunt iussæ copię ap-
 petente vere) lectissimum militem cum maxima penu bellica in perniciem
 Albæ coactum reperit; cum Lotharingus inscutus nova mandata affert: *Bu-
 dam velle Cæsarem, in hanc edomandam, missis cæteris, vires omnes, omnem
 operam convertendam.* Facile cessit moderati animi Princeps. Indicta pro-
 fectione Strigonium, inde, divisus bipartito copiis, Budam inoffenso itinere
 perventum est. Bavarus in ulteriore ripa progressus, Pestinum a Turcis
 præcipitanter desertum, cum multa præda, & navigiis, pontem extremis
 duntaxat arcubus mutilatum occupavit. Duodevicesima Junii binis omni-
 no, & sexaginta millibus armatorum circumfessam se vidit Buda, decuma-
 nis machinis sexaginta, minoribus triginta, quadragenis mortariis verbe-
 randa. Gubernator urbis Abdus, sive, ut alii appellant, Abdurachmanes,
 peritia armorum inter Ottomanos ea tempestate clarissimus, non modo mu-
 ros ante biennium dejectos instauravit, sed nova etiam opera, ut metus,
 atque usus docuerant, adjecit; omnia adversus longum obsidium homo im-
 piger curavit. Sed in delectis duodecim Janicsarorum, trium Spahiorum
 millibus spem omnem servandæ urbis positam habuit. Hos gravi cohorta-
 tus est oratione, ad fortiter aut vincendum, aut moriendum pro aris, &
 focus; Quæstori uncas, & palos minatur, ni statis diebus stipendia nume-
 rarit; simul viritim novem florenos largitur. Ingenti clamore edito vitam,
 sanguin-

A) Descriptio Antiquæ, & Novæ Pannoniæ pag. 768. B) In Porta Ottomanica repèro Scherffem-
 bergium cum sua, & Piccolominea legione rediisse Budam e Dacia; at in Ephemeridibus Bu-
 dæ oppugnata pag. 36. cum novem millibus eum in auxilium venisse obsidentibus undetrige-
 sima Augusti lego; quod verosimillimum existimo. Unde accelerata fuit supræma oppugnatio
 urbis, Hungariæ cartaginæ.

sanguinem se impensuros pollicentur, atque alacres ad designatas stationes A. C. digrediuntur. Dicti ferociam toto obsidionis tempore omnium virtus 1686. æquavit.

E Ducum consilio gemina aggressio est cœpta, Bavaro ad montem Gerardi castello, Lotharingo portæ Viennensi imminente. A) Oppidum inferius cum primis expugnandum fuit. Quinto die post, quam vis admota est, in nostrorum potestatem venit quinquaginta gregariorum impendio, Turcis intendentibus se tenebris in superiorem urbem dilapsis; quo jam multi, oppidi cladem nempe veriti, pretiosa quæque præmiserunt; plures & oppidi, & urbis jacturam præsentientes, in insulam D. Margaretæ cum conjugibus, liberis devehenda tradiderunt: fortius, quidquid accideret, laturi, si carissimam sui partem extra communis periculi sortem habuissent. Sed hæc quantacunque cautio plurimum nocuisse, ac cladem maturasse videri potest. Namque Adamus Battyanus, præfidiariis Ertsinensibus, quos Abdurachmanes serius evocarat, in conspectu Budæ concisis, tribus demptis, intellectoque ab his, in insula, dena navigia divite supellectili onusta latitare, accitis celerrime Saikariis, cum pedite Hungaro prædam invadit. Custodes, partim mulierum, puerorumque ejulatu, partim militum clamore perterriti, in vestigio profligantur, & præda ducentorum millium florenorum diripitur. Nobiles captivæ, in custodiam jussu Battyanii datæ, pretio a suis non minore, paucis post diebus sunt redemptæ.

Hæc gemina clades ut Turcarum animos magnopere confudit, ita nostrorum militum alacritatem mirifice exacuit. Adversus decurrentes præfidiarios triplici vallo objecto, calendis Augusti e quatuor mortariis urbs, duodecim prægrandibus machinis mœnia primum infestata sunt. Sub hæc acceptis in castra octo millibus Borussiae lectissimi militis, latus urbis ab aggressionem Cæsarea lævum, Dux Lotharingus impugnandum commisit, qui festinatis diu, noctuque operibus, stationes suas perinde firmarunt, ac Cæsarei; insuper sinistrum latus colubrinis, dextrum valida octo tormentorum sede contra muros extructa præmuniverunt. In castelli aggressionem & periculi, & laboris plurimum Bavaro incubuit. Multa fossione fatigatum, adulta jam nocte cæcidissent erumpentes quingenti Spahii, totidem Janicsari, ni maturatis auxiliis uterque Dux accurrisset. Illi sine pugna trepidi in urbem refugiunt. Isti a Bavaro Spahiorum fuga animato, accurrentibusque aliis adeo male accipiuntur, ut cum quindecim Præfectis plerique in receptu perierint. Promotis auspiciato operibus, acerrima verberatione plurium dierum, præcipuus obsessorum suggestus in fronte castelli, unde in castra Bavarorum immanes machinæ late dominabantur inter stragem hominum, jumentorumque, exarmatur.

Duodecim dierum spatio, Cæsarei continenti jaculatione tantum muri dejecerant, ut pyrobolarii spectatum missi retulerint, facilem per ruinas jam editas ascensum fore, modo comminutis lapidum acervis per montis declivia, vallum, quod Turcæ firmissimum ascensuris objecerunt, discerperetur. Præfectus rei tormentariæ Lotharingo pollicebatur, se quatuor, & viginti horarum verberatione viam planiorem facturum. Accidit insequenti die, ut suus hostem cuniculus falleret, eoque successu, major pars turris sterneretur, & vicinus murus labefactatus, primis machinarum ictibus omnino procumberet. Dux in rem suam usus hac opportunitate, circa sextam vespertinam aggressuris cohortibus, e tribus tormentis signum dari jussit. Qui cortinam adversam habuere uno cursu in ruinas enituntur, & summa contentione intra petrarum fragmina, stationem figere adlaborant. At sociis ad latera invadenda destinatis, difficillima quæque exhaurienda erant. Per immanes lapidum acervos reptandum potius, quam currendum fuit, Turcis collineatis ex alto ictibus fortissimum quemque impu-

A) Budensis urbis, & castelli munimenta sat prolixè dederam ad annum 1684. Castellum, quod sciam, antehac nunquam attentatum est. Bavaro, ardentis animi Principi, in illud aggressio nem molienti feliciter cessit.

A. C. ne sternerentibus. Ad hæc nitratorum pulverum devoluti sacci, malleorum
 1686. perpetua grando, cuniculi soluti, continenti incendio ruinis appropinquan-
 tes attriverunt. Cum hoc voracissimo hoste occupatos, Janicsari strictis
 acinacibus aggrediuntur, cruenta pugna mænibus submovent Cæsareos.
 Tum potestate a Lotharingo impetrata, nobilissimorum Volonum manipu-
 lus per strata cadavera advolavit. Horum incredibili virtute Janicsaris re-
 trufis, lorica recuperata est. Mox Starembergio authore, & Duce ad me-
 diocres duas turres occupandas, quæ ruinis proximæ erant, præsentissimæ
 necis contemptu itur. Jam in medio ruinarum e lapidum strue vallum fie-
 bat, jam per saxeam molem promptissimi Volonum in summa eluctabantur,
 cum omnis illa saxorum strues scandentium, pugnantiumque ponderi impar,
 repente dissolvitur, & fortissimos bellatores suo vallo exutos, apertis ho-
 stium telis exponit. Patuit undique iniquissima pugnandi ratio. Nam nec
 scalæ aderant, quæ turribus admoverentur; nec ligone opus procedebat;
 & festinandi studio devolutis lapidibus, ipsi aggressores sua auxilia partim
 obruebant, partim morabantur. Duces posteaquam nihil cedere e senten-
 tia vident, summaque vi turres defendi, militem suo, hostiumque sanguine
 respersum, a cruenta oppugnatione revocarunt. Cæsos eo die de aggresso-
 rum numero mille quadringentos, interque hos nobilissimos Volonum di-
 versæ nationis, totidem fere vulneratos; ex Ottomanis quingentos trucidato-
 tos, centum plures saucios fuisse, qui hujus aggressionis authores sunt, tra-
 dunt. Eodem tempore Bavari simulato assultu castellanæ fossæ marginem
 occuparunt, multis hostium interfectis. Borussi explicatis signis, erumpen-
 tium agmen opperientes. una fistularum displotione procellam discussere.

Quindecim subinde dies succutiendis mænibus, spargendis per ur-
 bem incendiis, evibratis grandioribus pilis sunt dati. Ex his una, artene
 machinatoris, an fortuito? incertum, in cellam pulverariam impulsâ,
 everlis ingenti fragore ædificiis, & convulso inde ab castello sexaginta pas-
 suum spatio muro, discriptis mille præfidiariis, urbem, & castra inaudita
 concussione exterruit. Ut desæviit atrocissima tempestas, Lotharingus C.
 Königseggium allegavit ad Gubernatorem, qui suaderet, ut dederet urbem,
 oblati admodum opimis conditionibus. A) Ille superbe multa internuncio
 reposuit. Ad ultimum edixit: *se vitam potius, quam fortissimum præsidium
 Ottomanici Imperii dediturum; sperare autem, Deum, Mahometem Prophe-
 tam obsessis adfore, & temerarios aggressorum conatus cum maxima jactura
 hominum, & famæ elusuros.* Igitur rursus ad oppugnationem est reditum.
 Præter continuum tormentorum usum, & obsessores, & obsessi, quasi ex
 condito, cuniculis struendis vires, ingeniumque fatigarunt, etsi plerum-
 que multorum dierum labor, & spes contra, atque machinatores sibi, aliis-
 que persuadebant, caderet, & non raro fossorem cum operibus, multo san-
 guine exædificatis, momento temporis sepeliret. Placuit tamen Lotharin-
 go ejusmodi cæcis suffossionibus aditum in urbem aperire, Gubernatori
 præstruere. Sed non propterea apertis armis abstinuerunt. Turcæ nunc
 Cæsareos, Bavaros, nunc Borussos, Saxones, ac Hungaros, quibus postre-
 mis pars flumentana præsidii impugnanda erat, assiduis procurfionibus di-
 vexarunt, majori tamen tumultu, quam damno, quod obsidentes nunquam
 non expediti ad pugnam vigilias obirent, & ubi ad arma conclamaretur,
 accelerato gradu sociis opem ferrent. His levioribus præliis mutuo iras ac-
 cenderunt ad memorabile, utrique parti cruentum, certamen.

Exarlit istud septimo, & vicesimo Julii quinta ab meridie hora, B)
 intra ipsas murorum ruinas, quo duodena hominum millia, ex omni na-
 tione delecta, eluctari sunt jussa. Græcorum ignium vi exustis sudibus,
 quas tormentorum globis decussas, semel, atque iterum ruinis prætende-
 rant obsessi, solutis ad Pefztinum machinis, signum datur aggressoribus.
 Cæsareis pyrobolariis immisti audacissimi pedites Hungari frameis armati,
 inter

A) Oblatas condiciones legere licet in Porta Ottomanica, & Gubernatoris militare responsum. B)
 Porta Ottomanica; Ephemerides Budæ oppugnata.

inter densissimum omnis generis telorum imbrem ad ruinas contendunt; A. C. repulsi, bis instauratis ordinibus locum repetunt, ac post acerrimam pugnam pulsos hostibus obmunire se occipiunt. Sed tellus cuniculis late suffocata, pestemque, & igneos quosdam rivos evomens, plerosque victorum momento absumpsit, ut adeo sæpius recenti milite submisso, statio foedissime discerpta, recuperanda fuerit. Cuniculorum discrimine liberos sævius multo malum exercuit. Turcæ pyriorum pulverum saccis, malleolis, fascibus, pice, bitumine, ac alia materia flammis obnoxia illitis, quibus murorum ambitus contritus erat, ignem admovent, atque tam vastum incendium excitant, ut non pauci toto corpore ambugi misere perirent, cæteri vero igniaria peste undique erumpente exanimati, receptum circumspicerent, nihil fere pro imperio gererent. Ducum adhortatione, & novis subsidiis animati, contumacius in ignem ruunt, superatis uno impetu ruinis, duas turres attonito hoste occupant; in tertiam e Jaurinensi præsidio Hungarus evadit, depactoque vexillo, capti extimi muri post trium horarum certamen signum extulit.

Borussi eodem tempore, ut conventum erat, juxta Cæsareos aggressionem facta, minoribus periculis defuncti, partem murorum hosti eripuerunt. At Bavaris cum fortissimo hoste, & igne, omni hoste truculentiore, uti Cæsareis, luctandum fuit, donec innumeris difficultatibus superiores, grandem semilunam castelli obtinerent. Hungari ad latus flumentanum applicatis duodenis navigiis, etsi per devoluta maximo impetu fragmenta turris nuper emotæ, per solutos cuniculos proreperent, & confertis manibus rem fortissime gererent, tamen quod inter rudera firmo gradu neque consistere, neque obvallare se possent, & insuper mœnia ad Danubianas turres scalis insuperabilia forent, præter distentas hostium vires, vix operæ pretium tulerunt. In hujus diei cruenta sane invasione commemorantur occubuisse legionariorum diversæ nationis ter mille, octingenti. Habita vero eorum ratione, qui aut aciei structores, aut Tribuni, aut Centuriones, aut honorarii milites nobilissima familia nati essent, ducenti, præter saucios, membrisque captos per plurimos in tentoria vitæ dubios relatos. E Turcis cecidisse mille quingentos Janicsaros, florem præsidii cum eorum Aga, & Novigradiensi Præfecto, transfugæ prodiderunt. Clades profecto non minor, ac Christianorum, si undique clausorum conditionem attendas, quos utique vincit, quisquis imminuit.

Inter hæc nuncii de exercitu appropinquantis Vezirii, ad maturandam expugnationem nostrorum animos incitarunt. Cuniculi succensi, etsi machinatorum promissis non semper responderent, tamen adeo nudarunt secundarium murum, ut interiores hostium munitiones conspici possent. De deditione compellatus Gubernator, ferociter abnuit. Subinde convulsis latiore spatio muris conterritus, missis in castra duobus primi nominis Ductoribus petiit, ut sibi colloqui liceret. Baro Creuzius in urbem legatur. Gubernator in Senatu multa de Tókôlio, multa de Kara-Mustapha conquestus, postremum agebat: *suæ potestatis non esse Budam tradere; at si oppugnatione desisterent, si pacem darent Confæderati, pluribus præsidiis decessurum Mahometem.* Hoc responso accepto intellexerunt Duces, arctiora jam esse omnia apud obsessos, spiritusque multum imminutos. Vehementius itaque institere cœptis, maxime Elector Bavarus præliari ingenio ardens, nec militum parcus, cui Vezirii ad Budam festinatio stimulus fuit, accelerandæ aggressionis, quæ castellum premebat; non sine spe loci potiundi, quod subterraneorum operum magistri maximas mœnium ruinas sponderent. Sed falso. Quippe cuniculus illæsis mœnibus in auras evanuit.

Nihilominus Elector terna suorum millia assilire jubet. Illi non minore audacia, quam Dux imperaverat, munitiones hostium aggrediuntur, aperta, quocunque arma obverterunt, via, in castelli interiora fugatis, aut cæsis stationariis irrumpunt; inde a furentibus Janicsaris cum clade rejeçti, rursus constantissimis animis arenam suo cruore tinctam repetunt; duabus

A. C. horis nunc victores, nunc victi, in castello non uno pugnae genere pertinaciter certant, stragem strage ulciscuntur. Lotharingus non tam victoriae spe, quam Electoris studio Germanos quoque, & Hungaros a) ad vallos revellendos immisit. Inter pugnandum vox audita: *Bavaros in capto castello signa fixisse*. Tum enimvero sociorum virtute omnes accensi, auctis certatim viribus, in confertos propugnatores ruunt, & collato pede nudatis gladiis rem cominus gerunt. Sed postquam Lotharingus Bavaros, post consumptas incassum vires, captis stationibus cum ingenti pugnacissimorum clade dejectos, & suorum caedem increbrescere, Bischoffshausenium, Herbersteinium, assilientium Ductores, cecidisse intellexit, a cruenta oppugnatione fessos revocavit. In receptu tanto plures trucidantur, quanto inconsultius immaturo victoriae aestu, se abripi sunt passi.

Hoc defuncti periculo Budenses, læto vocum, tympanorumque concentu, quos animos gererent, ostendunt: Borussis turrim eripiunt; procurusione facta fossores, stationarios concidunt, novos suggestus attolunt. Augebantur ipsorum animi conspectis agminibus, quæ Solymanus Vezirius Eszekino Budam præmisit, monuitque per literas Gubernatorem: se propediem grandem exercitum in fessos, ac multum imminutos moturum. Et revera numerosas copias ex Asia, & Europa coegerat inclytus nempe fama, qua bellum Polonicum administravit, multorumque tantus ardor in Hungariam eo Duce proficiscendi fuerat, ut non ad bellum, sed ad certa victoriae præmia duci viderentur. Severissimi præterea vir imperii minacibus edictis, poenis imperatos milites a Præfectis provinciarum curate exegit, laqueo suspensis aliquot, b) qui in delectibus faciundis negligentiores comperti. Denique rumor Budæ obsessæ e Bosnia, Albania barbaros excivit, augebantque horum numerum subitarii quotidie milites prædandi licentia, ut adeo ad Eszekinum sexaginta armatorum millia censa fuerint. Tam validus hostis non modica sollicitudine Duces affecit. Cum gravibus momentis decretum foret, Vezirium intra valla expectandum, castra ingenti ambitu procurrentia, nova vallatione, suggestibus, loricis, sparsis per intervalla castellis, turribus communiuntur: equitatus, pabulandi causa in plura agmina divisus, in castra contrahitur. Hungarorum pars cum Croatis ad veterem Budam, pars cum Bavarico equitatu ad Pestum (nam & inde hostis venturus nunciabatur) excubare iussa. Joannes Eszterhazius, Jaurini Pro-Gubernator, suum peditatum in inferiori oppido egregie circumvallavit. Ne quid auxilii adverso flumine obfessi acciperent, infra castellum, majoris molis navigiis Danubius est frænatus; additæ duodecim faikæ, quæ vicinas insulas quotidie circumnavigarent, ac hostium molitiones in tempore detegerent. Conventum quoque inter Duces: alter alteri auxilio esset; si Bavaros adorirentur hostes, laborantibus intra valla, Cæsarei suppetias ferrent; contra si Cæsareis vis hostilis incumberet, Bavari castris educti, obliquum Turcarum latus foderent.

Illud futurum cum videretur, Vezirii exercitu Bavarorum castris imminente, Lotharingus decima tertia Augusti vallo egressus, explicata acie in armis stetit. Eo die, præter leviores velitationes nihil tentatum, lacescente plerumque Vezirio; postridie iusto prælio concursum. Haud procul valle D. Pauli quatuor circiter Spahiorum, totidem Janicsarorum millia conspecta erant. Heislerus, qui collem insedit, auxilia flagitat. Continuo Palffius quatuor equitum legionibus adductis, Hungaros, & Croatas jam cum hoste congressos firmat, mox hostilem equitatum disjicit; Janicsaros, sociorum fuga turbatos cædit. Ex his tria circiter millia occubuisse feruntur, centum septuaginta capti cum octonis minoribus machinis, ac signis triginta. Multum prædæ in castra miles retulit, quod pridie Vezirius, divilis viritim quinque aureis nummis, hos invasores animarat ad quærendum aditum

a) Ephemerides Budæ oppugnatæ. b) Descriptio Antiquæ, & Novæ Pannoniæ pag. 773. recenset tres Asiæ Præfectos Adrianopoli securi percussos, quod pauciores, ac iussi erant, milites duxerint in bellum Hungaricum.

aditum in urbem. Secundum hanc pugnam ipse Vezirius validiores copias **A. C.** admovit. Elector cupiditate praelii accensus, contra ac conventum fuit, 1686. proruto vallo suas legiones juxta ripam Danubii in hostem rapit; Lotharingo provido consilio ad latus collium incedente, ne universus Turcarum exercitus Bavaros obrueret. At Vezirio animus non erat, certaminis aleam tentare, utrorumque virtutem præ quam numerum timens; nec se inferiorem hoste habendum existimans, quamdiu ipse virium periculum non fecisset. Retractis itaque copiis, fugienti similis Ertfinum rediit, facile quinque hominum millibus amissis. E nostris centum circiter gregarios desideratos, & duos Centuriones cum Tribuno Lodronio Croatarum Ductore proditum est, quem Magni Leopoldi Historia calcibus equorum in fuga obtritum meminit. Porta Ottomanica, Ephemerides publicæ, militaris viri necem commemorant; de fuga ne verbum. **A)**

Undevicesima Augusti tribus Turcarum, sex Valachorum millibus auctus, rursus castris appropinquavit Vezirius, nulla re tentata convulsis subito signis dilapsus, occultæ molitionis suspicionem Ducibus movit; idcirco omnibus castris conclamatum ad arma, quasi pro vallis affideret. Hæc non vulgaris sollicitudo, hostium conatus elusit. Nam equestre Turcarum agmen multis ambagibus circumvectum, in D. Pauli collem emerfit: tum in plures manipulos divisi, quo latius terrorem spargerent, rapidissimo cursu vallis affunduntur. Improviso oppressis perpaucis stationariis, nec animi satis ad resistendum, nec virium fuit. Jam aliquot turmæ Spahiorum (duo millia fuisse dicuntur) in media castra perruperant, non spoliis, non cædibus intentæ, sed celerrimo cursu urbem versus festinantes. Caprara undique accitas cohortes progredientibus objicit; repetita glandium procella alios sternit, alios, unde venerant, repellit. Quingenti lymphatis similes, per media tela accelerant, adeo male mulctati, ut vix centum Budam penetrarint. Vulgatiores fama est: **B)** equites Turcarum, qui plerique Janicsari erant, ad hoc facinus a Vezirio empti, more Hungarorum vestitos, ac fortassis militarem tesseram illius diei edoctos, aditum pertentasse, transmissisque intrepide Borussorum excubiis, tanta securitate castra intrasse, ut non ante intellecti sint hostes, quam fossæ urbis appropinquarent. Tum Capraram cum suis iter præclusisse; centurias tamen aliquot in urbem evasisse. Gubernator hoc qualicumque auxilio accepto, multum recreatus, quaterna vexilla rubei coloris per mænia defigi jussit, ac majores, minoresque machinas explodi.

Abeunte Vezirio oppugnandi curæ resumptæ sunt. Ter mille Hungarorum opera, in explenda urbis fossa multum desudavit; adversus hostium missilia terrea munimenta ad fossæ marginem statuta; suffossionibus, verberatione ruinæ ampliata; accessus nocturno, diurnoque labore promoti; assultibus fatigati obsessi, maxime a Bavaro, cujus præservido ardori lentum obsidium grave accidit; omnia denique ad supremam aggressionem maturabantur. At nondum aderant e Dacia Scherffembergiani, quos operiri Lotharingus statuerat. Et Vezirius more suo Ertfino advolans, Fœderatorum vires sæpenumero distraxerat, etsi re nulla tentata, e conspectu semet quam celerrime in vetera castra proriperet. Hæc ipsa præter modum inquieta hostium concursio prodidit, in ultimis Budæ angustiis Vezirium aut universis viribus in prælium ruiturum, aut manu validiore, quam nuper, aditum ad obsessos quæsiturum. Hoc postremum cum enixe oraret Gubernator, modumque doceret penetrandi in urbem, ut ex interceptis literis Lotharingus didicit, juxta Danubii oram ad Vetero-Budam; quod murorum fiducia rari stationarii ibi excubarent, & classici Hungari insulas magis, quam turres flumentanas, aut inferius oppidum, infesta redderent; e Ducum consilio mille ducenti fistulatores Germani Hungaris sunt additi, ad eam viam auxiliariis Turcis, quos transfugæ propediem adfore

E e 3

nuncia-

A) Porta Ottomanica Tom. II. pag. 349. Ephemerides Budæ oppugnatae ad decimum quartum diem Augusti. **B)** Porta Ottomanica pag. 350.

A. C. nunciabant, usquequaque claudendam; tum litorale vadum geminato val-
 1686. lorum ordine præstruatum; tormenta in vicinam insulam deportata; saikari ad suas stationes revocati; aucta per ripam Danubii præsidia; Lotharingo in hostium consilia intendente, ac stationes perlustrante.

Provide isthæc, & salubriter. Vezirius enim crebris nunciis Gubernatoris excitus, undetrigesima Augusti cum omnibus copiis, Fœderatorum castra turbidus accessit, tripartitoque diviso milite, velut tribus simul locis invasuri speciem præbuit, nostris, explicatis vexillis, promptis telis ubique emicantibus. Ter mille ex omni numero delecti Janicsari, cum mille quingentis Tartaris, e monte decurrentes, in insulam trajecturi videbantur; tormentis cohibiti, uno cursu oppidum inferius petunt, oppressisque, aut elusis stationariis, septis vallorum partim securibus intericillis, partim lacerorum robore, incredibili celeritate erutis, pone Danubium circuitu facto, muros oppidi superare contendunt. Astius Baro, qui illic curabat, cum suis cohortibus, ac saikis armatis, impetum ultra nitentium non sustinuit modo, sed repetita jaculatione sclopetariorum, ut erant omnes inter teli jactum, tanta strage temere scandentes muros afficit, ut socii furente undique majorum, minorumque glandium procella attoniti, ad turmas Tartarorum, quæ haud procul præsidii causa constiterant, reditum solícite adornarint, commodiore loco impressionem retentaturi. Recedentes Mercyus patientiori in campo adoritur. Octingenti circiter Vetero Budam fuga elabuntur. Cæteri mori jam certi, cæca rabie animos, viresque augente, proruto carrorum sepimento, valla transiliunt spe urbis obtinendæ. Hic ab dimachis circumfusus in orbem coacti, ne inulti cadèrent, memorabilem pugnam edunt, multis gregariis, aliquot Præfectis trucidatis; Mercyum lethale vulnus certamini extrahit, superante dein curationem malo, Viennæ mors oppressit; elatum non minore exercitus luctu, quam Cæsaris dolore, amittentis summum Ducem, & militem. Præfectorum strages ad ultionem accendit militem. Nemo Janicsarorum in urbem, aut ad equites fuga evalit; præter eos, quos primus terror abstulit. Pauci capti, iique omnes male vulneribus toto corpore mulctati. Victores in arena spolia legerunt, ultra spem opulenta. Apud singulos Turcas deni aurei nummi reperti. Hac nempe mercede audacissimi militum animos locarunt Vezirio, ut intra castrorum valla exagitati, velut feræ theatro conclusæ ludos facerent Christianis. Tartari conspecta clade Janicsarorum ad exercitum, qui in acie ostentationis potius, quam prælii causa interim stetit, se recipiunt, ac cum Vezirio Ertsinum abeunt, Buda suis fati relicta.

Ea ut celerius victas manus traderet, Scherffembergii Daciæ copię recenter explicatis late ordinibus castra ingressæ spem, animosque fecere. Univerſa urbis, arcisque aggressio in calendas Septembres decernitur. Festinatione militum, machinatorum ingenio tanto molimini pares apparatus fiunt. Intercellit Bavarus, unum diem verberationi deposcens. Altero itaque Septembris die, invadentium ordine rite constituto, post quartam ab meridie horam in monte Suevorum solutis sex machinis, signum aggrediendi est datum. Exiliere ante alios in utrumque ruinarum latus nobilissimi Volones cum Barone Astio periculorum avido; hos sequebantur Oetingius Comes sexcentorum peditum cohortem, & Spinola mille bellatorum trahentes. Pro ruinis, quo Spinola ferebatur, Gubernator ipse cum robore Janicsarorum dimicat, confertis ordinibus subeuntes collineatis ictibus sternit, bis inferentes signa repellit, cæso inter primos Astio. Oetingius proniore aditu eluctatus ad hostes, ruinis potitur; ac per vicinioreſ ædes in aream illatus, hostium vires in se avertit, Spinolæque spatium facit integro milite impressionem retentandi. Impetu resumpto in medio pilarum, lapidumque nimbo intrepidus enititur, ferroque dispulsis propugnatoribus se Oetingianis aggregat, ac conjunctis jam agminibus, ceu duorum torrentium auctu, ruptis aggeribus, in Janicsaros violentius fertur, validis subsidiis a tergo insequentibus. Jam per cædes, & vulnera in princeps forum per-

perventum erat, tum primum candida vexilla fulserunt, fuga ubique arte-^{A. C.}pta. Unus Gubernator fugæ immemor, nunc precando, nunc castigando ^{1686,} pugnam accendit, captamque urbem prope eripuit. Postremo Janicsaris in arcem dilapsis, cum non dubiam Christianorum fortunam sentiret, ne superesset casui florentissimæ urbis, se concitat in medios hostes, ac circumducto per latam stragem ferro, ut dignum erat Budæ Gubernatore, fortiter pugnans cecidit.

Castellum deinde impetitur, luctantium etiamnum Bavarorum comodo. Electori serius aggressionem ordinanti, quanto latius Cæsarei victoriam in urbe explicaverant, tanto magis arduum erat eam incipere ad castellum, huc armatorum cohortibus aliis, aliisque e captivis stationibus certatim affluentibus, veluti ultimam arcem cadentis patriæ, suarum fortunarum extremis viribus propugnaturi. Perruptis tamen non levibus obstaculis, Bavari in ardua montis connisi, obstantes in hortorum angulum compellunt, pugnamque restituere ausos, tanto furore, ac cædis aviditate invadunt, ut una impressione turbatos, in aream gemino muro circumdatam retruferint, armisque exutos, simul cum arce in suam potestatem redegerint. Urbis, & arcis expugnatae testis, ipse Vezirius aderat, veluti ad spectaculum late explicata acie per vicinos tumulos, haustoque oculis celeberrimi præsidii excidio, indecora fuga se subduxit. Postero die lustrata sacra æde, persolutisque Deo gratias, captivorum census est initus. Numerbantur tum apud Cæsareos, tum Bavaros terna millia. Inter hos visebantur Pro-Gubernator, Csonka-Begus ab Hungaris appellatus: Aga Janicsarorum, alique Præfecti vulneribus deformes, & Mustius. Prior vultu interrito permansit, & ferocius, quam pro fortuna disseruisse apud Bavarum Ducem fertur, elataque vox ejus in vulgum hisce verbis: *vinculis me constringite, aut vita private, ne aliquando cladem commilitonum ulciscar. Quæ fortuna Christianorum rem in præsentem evexit, eadem fastidio capta deprimet, ad Turcas migratura.* a) In Ephemeridibus contra reperio: eum nihil ferociæ b) prætulisse, orasseque Ducem: *moderate uteretur victoria; nec in se, suosque militum partibus ad extremum non timide functos, durius quid statueret.* Addito: *fortunam hodie Turcis inimicam, cras amicam fieri posse.* Perhumaniter exceptus a Duce admiratione militaris industriæ, in custodia sinceram libertatem reperit, dum exuto Mahomete sacro fonte ablatus c) Leopoldi nomen assumpsit, ab susceptore Cæsare ad militare honorum gradus evehctus, legionis equestris Hungariæ Tribunum egit; quod munus in ejusdem filium militia clarum translatum fuit.

Cæsorum in postrema aggressionem non minor numerus repertus est, ac captorum; non accensis iis, qui ad flumentanum oppidum fuga abrepti (plerique Judæi, & Rasciani erant) a nostris in Danubium sunt acti. Multi in subterraneis locis, multi in officinis, apothecis a prædabundo milite confossi, nec pauci fumo, flammaque suffocati, aut absumpti. Nam sub primam irruptionem incendium cœpit, multumque prædæ militi præripuit, Armamentario principi flamma pepercit. In eo omnis generis apparatus reperti, ducentæ machinæ, quinque, & octoginta mortaria, præter ea, quorum usus pro mœnibus fuit: pulveris pyrii multi cadi; annona in plures menses. Spolia ingentis pretii a gregariis eruta. Memoriae proditum est, d) bina, ternave millia aureorum nummum quosdam, unum aliquem ter plura abstulisse; nisi forte ære, fideque vacui, credulo Scriptori imponere voluerint, mendaci fama, qua multi se alunt, contenti. Populatione finita, captivorum opera humatis cadaveribus, urbs perpurgari cœpit; subitariisque munitionibus factis Thingenius cum quaternis peditum, sex milli-

a) Porta Ottomanica pag. 353. hoc dictum Janicsarorum Agæ attribuit. b) Cum victor arma posuit, & victum decet deponere odia. Sen. Herc. Fur. A. II. c) Hic Csonka-Begus a mulata turri Budensi, quam tuebatur, nomen sortitus, post Neostadiensem custodiam Christiana sacra amplexus est Viennæ 1696. ut habet Porta Ottomanica pag. 761. Vulgo Zungenberg dictus. d) Ephemerides Budæ oppugnatae.

A. C. millibus equitum partim Germanorum, partim Hungarorum pro præsidio 1686. interim datur.

Tanta victoria ut multarum gentium viribus est parta, ita victoriae nuncius maxima omnium gentium Europæ gratulatione est acceptus. Cæsar certe Leopoldus, & Innocentius XI. Pontifex, uterque promovendæ rei Christianæ ardentissimus, ad literas captæ Budæ insolitis lætitiis incessere, exercituumque Domino pro hoc tali beneficio in Basilicis suarum urbium, cum circumfuso populo solennes gratias reddidere. Et quoniam piissimus a) Imperator secundum DEUM, DEIque Matrem hanc grandem victoriam a D. Stephano, primo Hungarorum Rege, sibi concessam non uno argumento senserat, cujus nempe instinctu, ductuque expeditionem suscepit, ac feliciter absolvit, egit apud Innocentium Pontificem, ut magnum illum Budæ vindicem, quem ad ea tempora sola Hungaria, Hungariæque annexa regna pro aris, & templis colebant, deinceps gentibus universis omni veneratione prosequendum pro sua autoritate juberet. Ratam habuit iustissimam petitionem. Sanctissimum Regem in comunes toti Ecclesiæ codices transfert; tam illos, quorum usus in conficienda re Divina, quam qui statutas Sacerdotum preces complectuntur. Dies honoris secundus Septembris est, qui videlicet captæ Budæ, eritque perpetuo apud posteros non sine aliqua peculiaris in Divum Stephanum significatione pietatis, dum videlicet Romanis sacris honos habebitur.

At vero Ottomanos urbis occasus immani terrore, luctuque concussit, veluti capto Imperii antemurali, Byzantium, atque Asiæ urbes victor exercitus propediem invasurus foret. Et invaluit toto Imperio tristis rumor: Vezirium semel, atque iterum ad Budam profligatum; internecione cæsas auxiliares copias. Id cum alii, atque alii, qui desertis castris Belgradum, ac Adrianopolim trepide petierunt, falsa veris miscendo confirmarent, quo fugæ dedecus velarent; adderentque insuper: Christianorum exercitum terra, & aquis appropinquare, adeo trepidatum est his in urbibus, ut multi civium desperata, complorataque Republica, de fortunis alio transferendis consilium arriperent. Sed posteaquam Vezirium incolumem cum integris copiis in campo esse, Confœderatos oppugnandis Hungariæ præsidii reliquum autumnii facile impensuros acceperunt, tumultu utcunque sedato, unius Budæ iacturam sinceris lacrymis deploraverunt, & quasi per singulas domos privatæ clades evulgatæ forent, nulla mæroris, luctusque expers fuit. Sed cum primis Mahometi Imperatori doluit, se rerum potente, Ottomanicam gentem diuturna possessione nobilissimæ urbis dejectam, pro qua recuperanda tot Ecclesiæ Pontifices, Imperatores Romani, Hungariæ Reges, Christiani nominis Principes, centum ipsis, & quadraginta quinque b) annis, summis viribus decertarunt. Occupaverat eam dolo Solymanus II. anno quadragesimo primo supra millesimum quingentesimum, secunda Septembris, atque longam sibi tyrannidem in Hungaria fundaverat. Insequente anno grandi exercitu armatus Joachimus Brandeburgus, timidus magis, quam cautus Dux, eminens Budam impetiit, nullaque re gesta, inglorius rediit. c) Mathias Archidux, armorum gloria illustris Princeps, urbem erepturus erat anno millesimo quingentesimo nono, nisi tempestas, omni hoste atrocior, pro Buda dimicasset. Eadem quadriennio post, præclaros Mathiæ conatus infregit, ac victoriam propemodum e manibus extorsit. d) Quo successu duobus ab hinc annis a Lotharingo, ac Bavaro Ducibus oppugnata fuerit, profusa enarratione supra prosecutus sum.

Jam

a) Hinc secula discant
indomitum nihil esse pio. Claud. de IV. Cons. Honor.

b) Ducto scilicet castrulo a diuturna Solymani II. tyrannide. Fuit quidem Buda ab isto urbium domitore occupata anno 1526. at post quinque, & decem dies deserta. Eam intravit Joannes Zapolius; anno sequente Ferdinandus Rex. Mox Solymanus biennio post eandem subigit, traditque Zapolio. Altero anno oppugnatur a Ferdinandeis frustra, uti & post decennium, & rursus anno insequenti. c) Ad annum 1541. d) Ad annum 1602. Vide Tom. I. pag. 274.

Jam si quis ad calculum revocarit omnes, qui per occasionem istius urbis, A. C. aut obsidendæ, aut liberandæ occisi, vel capti sunt, magnum profecto nu- 1686. merum reperiet; neque a vero aberraverit, si decies centena millia hominum, partim in servitutem abrepta, partim vario mortis genere confecta dixerit. Sic uno seculo, & fere dimidio infensis armis pugnabatur ad Budæ mænia, quasi victoriæ præmium Europæ Imperium esset. Tanti est orbi terrarum Buda. A)

Interim Vezirius ad Albam Regalem se continuit, per fidos agrestes explorans, quid victores molirentur? quo arma verterent. Intellecto, militi protectionem indictam, & jam sexta Septembris partem exercitus Ertsinum movisse, e re fore existimans, si victori, viribusque præpotenti hosti cederet, nusquam sui copiam faceret, conclamatis illico vasis, Eszekinum prævolat, dimisso prius Tartarorum equitatu ad urendam regionem juxta Danubium frugum ubertate lætam, qua Christianorum copiis iter erat. Ipse quoque sævissimus populator terræ, quam a populationibus vindicare debuerat, ubique crudelitatis vestigia reliquit. Arserant tunc pleraque oppida earum provinciarum, quæ infra Budam Danubio, & Dravo clauduntur, cum non modica parte Sclavoniæ, abductis incolis in durissimam servitutem, aut interfectis. Unde per evastatam regionem lenta admodum, ac difficilis profectio fuit, crebroque commeatum causa, qui a tergo subvehendi erant, magna utilissimi temporis jactura adhæsum. Földvarino B) plurium dierum frumento accepto, ad amnem Sarviziam perventum est. Restitutis pontibus, quos hostis exusserat, nuncii referunt: Vezirium Eszekino Belgradum abiisse, nec facile manus conferturum, siue Imperatoriis mandatis constrictum, siue potius sinistrum prælii exitum metuentem. Igitur Duces spe congregiendi frustrati, bipartito exercitu urbes invadendas decernunt, quod consilium Leopoldus Cæsar iisdem diebus per Celeres probavit. Ludovicus Badensis jubetur cum Scherffembergiano milite, præterea tribus, & decem legionibus Quinque-Ecclesiis, urbem sat validam, ex templo aggredi; Carassâ cum reliquis copiis, quæ superiorem Hungariam pro stativis habituræ, Szegedinum, incassum hac hyeme tentatum, petere. Lotharingus novem duntaxat legionibus moderabatur. Bavari, Borussia, alique milites auxiliares, non invito Cæsare, in hyberna abire; atque ut Vezirio persuaderetur; Cæsareos ingravescente autumnò, hyberna quoque petituros, totus exercitus Coloczam C) reductus est. Hic Lotharingus validum e navibus pontem Danubio imponit, geminisque castellis claudit, ne eo per hostem interscisso, auxiliis iter præcluderetur. Duces utriusque expeditionis cum omnia tuta renunciaissent, tertia decima Octobris Vienne abcessit.

Badensis, antequam se a metu colligerent hostes, adeo præter opinionem celeriter Simon Tornyam, vallo incinctum oppidum, aggressus est, ut illico certis conditionibus se dediderit, præsidio quingentorum peditum cum armis abire permissio. At Quinque-Ecclesiæ, urbs munitione, & milite firma, vim parabat. Incenso oppido, ingenti numero in urbem confugiunt, ac depactis sex rubescentis, uno atrii coloris vexillis, animosius, quam constantius obsidionis incommoda perferre decernunt. Præmissi equites, qui flammam restinguerent, insigni pugna ante oppidum, seu Palankam, commissa cum Turcis, multum frumenti, & spoliis voraci elemento præripere. Positis circa urbem castris decima quarta Octobris, Scherffemberg cum Croatarum manu opportune adveniente, obsessorum pervicacia paucis post diebus est fracta. Nam cum Badensis animadvertet, fontes tantæ multitudini hominum, & pecorum haud quaquam suffecturos, inciso aquarum ductu, siti, improvise malo, cives confecit, ac mi-

Imp. Ottom. Tom. II.

F f

nima

A) Vide de his R. P. Ladislaum Turoczium e. Soc. Jes. in sua Hungaria. B) Földvarinum oppidum vastum, olim terreo munimento validum, provinciæ Tolnensis. C) Colocza vetus Romanorum municipium in prævincia Bacsiensi, quod barbarorum furor prope in solitudinem redegit.

A. C. nima Regis impensa, nulla militum jactura, urbem subegit. Præfidiarii, 1686. quive arma temere sumpserunt, omnes captivi abducti sunt, multiplex præda militi concessa. A) Interposita tridui quiete, Siklosiam arcem monti insidentem accessit. Verberatis muris, ubi assilientium paratus videre Turcæ, se, arcemque arbitrio victoris dederunt. Hoc modo Quinque-Ecclesiæ, Siklosia, pluraque ad Dravum loca, quæ ante centum, & quadraginta tres annos B) Solymanus II. victor occupaverat, potestatis Regis Hungariæ sunt facta. Restabat in eo tractu ad Dravi confluentem Darda, Eszekinensis pontis firmum munimentum; quippe terreo opere, ac palis egregie circumvallatum, ad pontis custodiam a Solymano erectum, & procedentibus annis a variis copiarum Ductoribus auctum. Verum post trepidam Vezirii fugam præfidiarii non modo excesserunt loco, sed ipsum munimentum funditus everterunt, ut adeo levior equitatus eo jussus præcurrere, præter disjectam molem nihil operis repererit. Pontem quoque metu appropinquantis exercitus, spatio quingentorum passuum inflammaverant, nihil veriti tot suorum millia contra, ac Darius olim senserat, in adversa parte hosti relinquere. c) Necdum consumpta militum alacritate, Kaposvarinum obsideri cœpit. Oppidum arci subiectum illico victores admisit. Arx multum negotii factura erat, ni Præfectus summa vecordia deditionem festinasset. Eo Szigethum deducto, Scherffembergiani in Croatia, reliquæ legiones in captis modo provinciis hyemem egerunt.

In superiore Hungaria Caraffianum agmen binis felicibus præliis, & vindicato Szegedino expeditionem absolvit. Quinta Octobris, ut Szegedinum perventum est, sine mora obsidionales paratus fiunt. Lavergnia Marchio, cui pro Caraffa morbo impedito obsidendi cura tradita fuit, dum intrepidus situm loci speculatur, pila majore exanimis sternitur. Alii commemorant, Lavergniam cum manipulo equitum inconsulto irruisse in oppidum, atque a barbaris, e præsidio haud cunctanter erumpentibus, post cruentum certamen multis vulneribus confossum; equites Ducis casu turbatos fugam certamini prætulisse, ac plerosque cæsos. Delatum copiarum imperium accepit Vallisius, multorum stipendiorum impiger Tribunus. Hic infra Szegedinum, Tibiscum fluvium firmissimo ponte claudit, & parte equitatus in ulteriorem ripam deportata, spem accipiendæ externæ opis undique oclusis imminuit: deinde eodem ardore dispositis tormentis, præsidium profunda fossa, turribus, murisque permunitum acerrima verberatione fatigat. Fervente oppugnatione, globus Tartarorum pabulatores, sine ullo præsidio per agros vagantes, improviso aggressus, non paucos obtruncat, sexaginta e Croyana pedestri legione cum vehiculis capit. Barkocziani Hussari vicem reddidere, cæsis his centum, relatis aliquot signis. Non multo post amplior occasio se obtulit priorem cladem vindicandi. Sex Tartarorum millia ad Tibiscum se collegerant, his accessura dicebantur plura Janicsarorum ad solvendam obsidionem a Vezirio destinata. Id posteaquam relatum est Vallisio, Veteranium Comitem ad eam procellam dissipandam cum sex Germanorum, & Hungarorum millibus propere immittit. Is raptim actis legionibus, nocturno itinere in hostes movet, sui tamen adventus famam prævenire haud potuit. Cum enim per cæcam, intempestamque noctem, in duo agmina divisus miles incederet, & ne pars una aberret, aut celerius prælium conserat, sibi signa mutuo darent, non fefellerent excubitores, qui in castra effuso cursu delati, hostem adesse nunciarunt. Prima luce collatæ in medium sarcinæ, & prout locus patiebatur, instructa acies. Nec Tartari certamen detrectaverunt peditum, equitumque Turcarum legionibus aucti, & numero longe superiores, quam Cæsarei.

Sed vix concurrì cœptum est, sinistrum cornu, quod Tartari faciebant, continuo inclinavit. Janicsari, & Spahii ad Zentham non intermisso prælio

a) Porta Ottomanica. Paulo aliter Historia Magni Leopoldi, b) Vide Tom. I. pag. 156. c) Darius intacto ponte maluit iter dare, quam auferre fugientibus. Q. Currius Rufus L. IV. C. XVI.

prælio signa referunt; defensionem objectis carris, & trabibus parant, sistu- A. C.
lis invasores arcent. Dimachæ more suo equis desilientes, revulsis impedi- 1686.
mentis, post acre magis, quam longum certamen, vicum obtinent. Spahii in fuga ab Hungaris, Janicsari a Germano ad satietatem cæduntur. Præda omni potiti Cæsarei, re bene gesta Szegedinum revertuntur. Paulum progressi incompósito agmine, conspiciunt Tartarorum turmas iter obsidere, ac eminus densissimam pulverum nubem attolli, haud dubie hostilium copiarum indicium. Igitur Veteranius ad novam pugnam, victoriamque incenso milite, in patenti campo acie composita, hostem quantumcunque numero validum opperiri statuit. Audax Ducis contilium, militis virtus omni temeritate absolvit. Dena & amplius Turcarum millia præter Tartaros, Vezirii jussu ad opem ferendam Tibiscanæ regioni Belgrado adfuerunt, cognitaque paucitate Cæsareorum, in spem venerunt, posse eos opprimi in itinere spoliis graves, & pugnae securos, simulque castra ad Szegedinum excindi. Neque diu morati, ubi aperto loco tenuem aciem in conspectu habuere, Spahii effusis habenis suo impetu magis, quam cujusquam ductu, aut imperio pugnam capessunt. Incompósitos non excipiunt modo Cæsarei firmo gradu, sed sparsa pilarum grandine in confertos, adeo primos pessime mulcant, ut etiam integri, intactique inconsultum suum ardorem damnarent. Meliorum hortatu rursus omnes in pugnam redeunt, & quoniam multitudine præstabant, Cæsareos circumdant, atque ex omni parte ferociter impetum retentant. Hungari non minus, ac Germani irruentibus frontem obvertunt, audacissimum quemque destinatis ictibus conficiunt, servatis ordinibus, ut cœperant, constanter in orbem pugnant. Cum densam aciem perrumpere haud possent, fugam compositæ, & ex meditato captant ad vicinum collem, quem sex, & viginti colubrinis, tum sex centum pedum manu muniverant. Hic suam armorum sedem hostis fixerat.

Nec ideo cesserunt animis Cæsarei. Novo ardore insequuntur fugientes; pars in Tartaros, pars in Janicsaros fertur. Singulare fuit, & certæ victoriæ prodromus, quod nusquam hiantes ordines, arte inter se conferti in collem eniterentur. Solutis colubrinis cum modica jactura, Cæsarei prolato gradu cominus pugnam conferunt, ac perpetuis ignibus nutantem undique defenforem proturbant. Dejectis Janicsaris, omnis equitatus in fugam effunditur. Occidione occidi potuisset, nisi Veteranius insidias suspicatus, militem ab insequendo hoste cohibuisset. Fugatis in hunc modum, ac cæsis auxiliariis copiis, Szegedinum quinta decima oppugnationis die deditionis leges accepit. Nam Veteranius cum multiplici præda in castra redux, per interpretem obsessos monuit, ut ne auxilia a Vezirio sperarent, quæ magnam partem cæsa Belgradum abscefferint, nec adultiore autumno reditura. Celeri deditione direptionem, & cædem averterent. Illi suorum infortunio perculsi, duos primarii nominis Præfectos ad Vallisium ablegant, qui paciscantur. Facile in has condiciones conventum. Præsidariis, & civibus Turcis fas esto migrare Temesiam cum liberis, uxoribus, & fortunis. Annona, paratus bellici sine fraude Cæsareis reddantur. Hisce pactis Szegedinum a Solymano illo Hungariæ terrore subactum, jugum multorum annorum exuit. Urbs Csanadinum, A) & arx ejusdem nominis, Regum Hungariæ deliciae ad amnem Marusium, cœli salubritate, quam bellicis aggressionibus nobilior, non expectata vi, Vallisio se sponte tradidit.

Hæc porro præsidia nullo fere impendio subacta, quemadmodum explicandis copiis opportuna, lætissima stativa Cæsareis præbuerunt, ita contra Ottomanum, & Tökölum magnis in dies conflictatos angustiis, ingentibus commodis everterunt. Quippe asserto Szegedino, Tibisci fertilissimus ager, usque ad Danubium amœnissimo tractu protensus, hacque æstate intactus, in nostrorum potestatem venit, simulque iter Szolnokinum apertum, ubi valida statio Cæsareorum. Urbs vero Csanadinum, quæ provinciæ fecisse nomen fertur, in libertatem vindicata, ingens momentum

A. C. attulit, quod per Marusium minime impeditus esset cum Szegedino com-
 1686. meatus; atque Gyula, Varadinum, Turcici juris præsidia, omni e latere
 occlusa tenerentur. Præsenferat ista Tòkòlius, ideoque non cessabat per li-
 teras, per nuncios admonere Mahometem, & Vezirium, a) ut sibi validio-
 res copiae submittantur, quibus oram Tibisci non tueri modo, sed Transyl-
 vanum quoque Principem a Turcica societate aversum, & proxime ad
 Leopoldum Regem transiturum, armis coercitum in Turcarum obsequio
 retinere posset. Nec dissimulavit dolorem, quem e periculo Munkacsiaë
 hausit, oravitque extremis Mahometem precibus, ut conjugem cum liberis
 diuturna obsidione laborantem, ne præda Germano fieret, in suam fidem,
 patrociniumque suscipiat, ac milite, & pecunia pro sua potentia, omiſſis
 aliis, serio adjuvet: veluti in illius arcis libertate totius Imperii Turcici sa-
 lus versaretur. Hæc, & alia nunc Mahometi, & Vezirio, nunc suo Ora-
 tori Adrianopolim nunciavit, addiditque: obsessis annonam anno integro
 abunde suffecturam; contra vim autem, & aggressionem satis a loco, atque
 munimentis cautum; sed præſidiariis non perinde constantiam duraturam,
 ac conjugi suæ, cui mors deditioe levior. Hujus fortitudine rupes invicta
 multis jam mensibus stetit, stabitque in posterum, modo toties implorata
 auxilia accelerentur.

Mahometes Imperator, ubi Tòkòlii multo minores, quam sponpon-
 derat, progressus, Munkacsiaëque periculum e frequentibus nunciis intelle-
 xit; Regios vero arma, & victoriam ad Tibiscum circumferre; increpita
 Varadini Præfecti mora, festinare illum, solvendæque obsidioni vim omnem,
 ac celeritatem adhibere jussit. Sed Præfectus excusata paucitate militum,
 quos sub signis habuit, Vezirio significavit; b) Varadinum, & Gyulam exi-
 tio proxima fore, si inde extracti præſidiarii ad Munkacsiam obsidione exi-
 mendam agerentur. Ipsos quoque milites ingenti periculo, multis certa-
 minibus objici. Sex dierum iter non paucis annibus, ac vernis pluviis
 supra modum auctis abruptum, ac fortassis a Germanis inſeſſum, per ho-
 stium terram conficiendum. Sine manifesta clade hanc longinquam expedi-
 tionem suscipi non posse. Tòkòlium (quem Principis c) appellatione sua
 in Epistola ornat) primis statim a suo adventu mensibus ad Munkacsiam
 oculos adjecisse; ultra Samusium amnem cum aliquot millibus armatorum
 profectum: & quamvis hostium, locorumque, qua eundum, ingenia unus
 omnium quam optime nosset, tamen ad famam Cæsarei militis, re infecta
 trepide rediisse. Nunc difficultates vehementer auctas; nec tanti faciendam
 Munkacsiam, ut ejus causa cuncta præſidia superioris Hungariaë pessumeant,
 quibus alioquin perniciēs impendet, nisi exercitus magnis rebus gerendis
 par, ad Tibiscum hac ætate consistat. Hæc Varadinensis.

Vezirius de Danubio magis, quam Tibisco sollicitus, utrumque spe
 auxilii ducere constituit; Tòkòlio tamen, ut conventum erat Belgradi, ad
 contrahendum, alendumque militem vicena millia d) Imperialium e Maho-
 metis ærario numerari jussit, pollicitus, non omiſſurum (uti ad eam diem
 non omiſit) pecuniario subsidio, & milite partes Hungarorum in eo tractu
 tueri, non minore cura, quam si ipse suo ductu bellum ad Tibiscum gerere
 deberet, modo cœptæ expeditioni fidus, strenuusque Dux insistat. Sed
 quemadmodum Vezirius splendidis promissis non stetit, ita plane Tòkòlius
 totam ætatem sine operæ pretio in campo exegit, etsi in omnem partem
 impi-

a) Plerasque epistolas ad suum Oratorem, aut Alexandrum Maurocordatum, præcipuum lingtra-
 rum orientalium interpretem apud Mahometem, Adrianopolim, aut Byzantium dedit Tò-
 kòlius. b) Octava Aprilis hujus anni; ut lego in epistola Varadinensis Præfecti ad Vezir-
 ium scripta. c) Imo ab ipso Vezirio, præcipuisque Purpuratis Principis appellationem per-
 quam liberaliter accepit Tòkòlius; & anno 1680. in Divano a Vezirio, Dacia Principatum
 obtrivit, sed quem armis suum efficiat. Anno vero 1682. a Mahomete IV. superioris Hun-
 gariaë Princeps renunciatus est dato Diplomate, quod subinde in capta Munkacsia repertum,
 & vulgatum Tom. II. Porta Ottom. pag. 448. d) Epistola Tòkòlianæ referunt XX. burſas,
 sive crumenas nummis aureis oppletas, in usum belli suppeditatas. Cæterum Burſæ singulæ
 apud Turcas, argentea moneta graves, efficiunt quingentos imperiales nummos, ut Ricau-
 tius locuples auctor pag. 37. aliique rerum Ottomanicarum Scriptores affirmant.

impiger se verteret, modo Hungariæ, modo Daciæ infestus. Et consensu A. C. se visa est hominis fama, fortunaque, adeo nihil e sententia cessit. Neque enim veterem suam militiam Leopoldo Regi jam authoratam (de cujus secessione minime dubitavit, scripsitque ad Vezirium: primarios Ductores occasionem circumspectare animo, quo Turcicis partibus relictis magis, quam damnatis, se reddant) ab obsequio retrahere potuit, demptis perpauca, qui specie libertatis, aut religionis illecti, aut verius prædandi licentia capti, arma junxerunt.

Cum his, atque Tartarorum turmis ancipiti potius concursatione, quam iusto bello ditiones Regias infestavit, gravi Germano velitem equitum celeritatem nunquam assequente. Tum si premeretur, evitata prælii necessitate, Temesiam, aliasque urbes Ottomanici juris, aut Transylvaniam contento cursu petere, inde rursus non aliis, ac in novam fugam se servandi, animis erumpere, & Munkacsia causa nullis impendiis, nulli labori parcere. Ubi videt aperta vi parum procedere sua tentamenta, pacatior Daciam intrat. Procerum animos sibi in primis conciliare studet, ipsum Apassium occultis cuniculis subruere, suasque in partes pertrahere summa cura adlaborat. Ostentat aureos montes, si in Munkacsia liberanda operam accommodaret suam: id est, si hostem se Leopoldi Regis profiteretur, & onere difficillimi belli suscepto, se, provinciamque in decumanos fluctus præcipitem ageret; ipse naufragum e portu eminus aspecturus, mox Principatum, cui insidiabatur, Turcarum favore tumidus invasurus. At non is erat Apassius, qui corrivalis gratia perniciem sibi, interitumque cum jactura nobilis provinciæ quæreret. Imo ludificato sat diu Tòkòlio, clam primum Proceribus, cœptum pacificationis negotium cum Leopoldo Rege, maximo commodo Transylvanorum octava, & vicesima Junii Viennæ absolvit, internuncio potissimum, ac præcipuo instrumento Joanne Hallero. A) Cavebatur autem inprimis sollicitè, quod Apassius oraverat, ut non nisi paucissimi, iique perspectæ fidei aulæ ministri in conscientiam hujus fœderis venirent, ne nondum maturis rebus, vel tenuis rumor ad Ottomanos effluat, qui profecto inductis exercitibus, ab inermi provincia graves pœnas exigent, & saluberrima cœpta in ipso limine suffocarent. Ad Tòkòlium nihilominus, rumorum percupidum emptorem, B) quidquid in secretiori Senatu Cæsaris tam prudentis, & circumspecti agitatum fuit, nescio quo canale, emanavit.

Is eadem fere tempestate, qua sub manu fervebat de pace colloquium, superiori, & præsentì anno obortas lites, cum Apassio Principe, & Transylvaniæ Ordinibus sine strepitu armorum componere satagebat, missis per legatum suum Claudiopolim (nam tunc Tòkòlius Temesiæ agebat) conditionum capitibus, quorum hæc summa fuit: Tòkòlius perinde, ac Apassius, titulum Principis, Mahometis autoritate repetitis vicibus stabilitum, retineat, ac tali appellatione a Transylvanis salutetur. Ad publicos Daciæ conventus, ut alii Proceres, evocetur; publicis consiliis intersit, quoties de rebus majoris momenti agetur. Ejus Legatis, cursoribus, tabellariis, sive ad Ottomanorum Imperatorem, sive ad Reges Gallia, Polonia, aliosve Principes Christiani nominis expeditis, per omnem provinciam liber commeatus detur, neve Transylvanorum opera, vel incuria hujusmodi ministris itinera intuta sint. Libellorum autographa, epistolæ, pactiones, aliaque instrumenta literaria quocunque jure ad Tòkòlium pertinentia primo quoque tempore reddantur. Apassius duo millia armatorum Tòkòlianis adjungat, suoque ære, quamdiu bellum protrahetur, alat. Vim frumenti, pecorum, vini, singulis annis in castra Tòkòliana mittet, hocque gratuito subsidio populationes suarum ditionum redimet. Reconciliationis capita interposita fide trium virum, Telekii, Csakii, Betlenii Transylvaniæ Comitum, firmentur, & in limitibus Daciæ, Principes mu-

Ff 3

tuo

A) Annales Hungariæ pag. 47. ad annum 1686. B) Ejusmodi rumores quam plurimos ad Vezirium perscripsit Tòkòlius, ut MS. testantur.

A. C. tuo datis, acceptisque oblidibus veterem amicitiam jurejurando in-
1686. starent.

Hæc talia prodiderunt ex officina aulæ Byzantinæ, a) consilio Solymani Vezirii. Num vero vel in speciem postulatis subscripserit Apaffius, non habeo dicere. Illud certum, eum a Tòkòlio perfidiæ, ac proditionis infimulatum apud Ottomanos, tamque atris coloribus depictum, ut nisi omnes vires ad Danubium converfæ essent, haud dubie bello impetendum credebant. Sed Budæ defendendæ cura, mox amissio, dein gravior per Hungariam armorum moles vindictam distulit, non avertit, omnisque ira in filium, Michaellem II. Apaffium, paternis vestigiis insistentem, effusa est, ut ad annum nonagesimum supra millesimum sexcentesium dicturus sum. Cæterum Transylvania a Turcarum amicitia avulsa, Leopoldus Cæsar spes longius, nimirum in Valachiam, & Moldaviam jecit. Ad istarum regionum Principes Ottomanicæ societati, injuria temporum magis, quam sponte sua innexos, Comitem Csakium, b) aciei structorem, claritate natalium, & armorum fama insignem legavit, ac utrumque, ut fœderi quamprimum accederent, peramice invitavit.

Illi conditionem haud aspernari sunt visi, læti occasionem ultro oblata, plurium annorum tyrannidem a cervicibus suis amoliendi. Sed mox periculi magnitudine ambigui, nutantesque, quod Turcarum agminibus septi, omnibus belli injuriis paterent, si quid pro re Christiana palam susciperent, nondum occupata per Cæsaris militem vicinâ Transylvania, suspense negotium cum Csakio transegerunt; ita in omnem fortunam consiliis dispositis, ut si Ottomanorum vires penitus frangerentur per Confœderatos, ipsi quoque arma corripere in superbos Dominos, atque Valachiæ, Moldaviæque provincias jure belli captas in se, suosque posteros trasferrent; si apud Ottomanos victoria futura esset, suas etiam in eodem statu mansuras res, neque ultro quidquam movendum. Sic futurorum metu anxii, ac in eventum belli intenti, matura deliberatione rebus suis consultum ibant, haud ignari: FACILE reperiri portam, qua bellum ineas, difficile, qua ex eas, teque, jacta semel alea, impendentibus belli incommodis subducas. Valachiæ Princeps, quod unum facere tuto licuit, Leopoldum Cæsarem commonefecit literis: *Vezirium Solymanum, rudem, inconditam barbarorum turbam sub signis habere, atque in numerofo quamvis exercitu pauca admodum millia justis militis censere. Tartarorum Chamum ægre inductum, ut hoc anno in Hungariam suas turmas expediret, offensus crudo, severoque Vezirii imperio, ac novo onere Tartaris imposito. Si Cæsar, si Fœderati Principes, conjuratis viribus belli reliquias persecuti fuerint, Valachiæ, & Moldaviæ populos expectatæ ultionis socios futuros. Ita suam gentem a Majoribus institutam, ut illuc se demum deferat, unde spes potentia amplior affulserit. Sed ante omnia eo connitendum Cæsari, ut Michaelle Apaffio suas in partes attracto, Transylvaniæ præsidia Germano milite infideat, ac ostenso armorum paratu, finitimos Valachos, Maldavosque, spe propinqui auxilii, ad fortia consilia excitet, Munkacsiam pro sua magnitudine virium prius evertat. Hoc obice semel sublato, superiorem Hungariam pacatum iri, & Tòkòlio amissa conjuge, in publico, privatoque vulnere & animum, & vires defore rebellandi.*

Hæc Valachus Cæsari maxumopere commendasse dicitur, ut Tòkòlius ad Vezirium perscripserit: nili fortassis de industria talia finxerit, quo Valachi fidem suspectam redderet, eique odium conflaret apud Ottomanos, atque suæ Munkacsia, cujus in libertate Hungariæ superioris, & Turcarum fortuna, hostium etiam judicio propemodum sita esset, repetitis precibus imploratam opem extorqueret. Sed nihil profecit hac machina Tòkòlius:

sive

a) Ita colligo ex literis ad Tòkòlium datis Byzantio. b) Huic Csákio Ladislai nomen erat, ut dici ex literis Tòkòlii, quive captus Constantinopoli fuisse in iisdem narratur. De hac legatione Csakiana meminit quoque Descriptio Antiquæ, & Novæ Pannoniæ pag. 750. cujus author Balthasar Hannius, præfenti anno scribere desuit.

sive Vezirius ejus animum jam tum introspexerit, avidum Principatus Vala-A. C. chiae, quem biennio post vi invadere tentabat, sive e re Turcarum minime existimarit, ejusmodi criminationibus credulas aures præbere, ac nutantem, dubiumque socium admotis armis in castra hostium propellere, & partes firmare; sive denique Valachus remittente paulatim, quem ceperat, ultionis impetu, æque fidum, atque annis superioribus se Turcis exhibuerit. Illud constat: Dacia Leopoldi fidei commissa, evanescente conspiratione nihil Valachos palam molitos, & non nisi duobus a Csakii legatione annis, adversus Tòkòlium auxilia poposcisse ab Austriæ Domo. Nec pro Munkacsia felicius laboravit, quæ nullo loco jam fuerat apud Vezirium perditâ Buda: ut adeo facile sentire potuisset Tòkòlius, Turcas res suas unice curare, aliorum fronte otiosa negligere, nisi cæca dominandi libido omnem sensum extinxisset. Ita miser præsentium, futurorumque malorum imagine confusus, ceu naufragus, multiplices vias quæsit, at non reperit, semet in pacatum portum ejiciendi, luctaturus, dum vivet, cum fluctibus, in quos se sponte conjecit.

In Croatia, ut & huc digrediar, non quidem magnarum urbium obsidiones, aut cruentæ pugnae patratæ, arma tamen non impigre circumferebantur. Makarius Pro-Centurio, militia clarus, cum suis popularibus Orakovicium, Turcarum oppidum, primo impetu obtinuit, prædialiis (erant circiter quingenti) partim cæsis, partim captis. Locum, cum a cæteris stativis remotior, & hostium procurfionibus expositus esset, egestis prius spoliis, ignibus delet, agrum illius regionis celeriter percurrit, ac omni clade evastat. Fuedukes Bassa revocato a consternatione animo, deletus instituit, seque ad delendam labem sua incuria acceptam egregie comparat. Contractis aliquot millibus apud Dravizam metatus, Verovitiziam per insidias opprimere volebat. Makarius evocatis Carolostadio aliquot signis legionariorum, occultis callibus in hostem ducit, tectusque tenebris, adeo improvisus castris affunditur, ut eodem tempore & hostem adesse, & castra capta Ottomanis sentirent. Itaque cum nec numerum Croatarum cognitum haberent, & nox simul formidinem augeret, simul fugæ pudorem imminueret, una omnes averfam castrorum partem trepidi petunt, ac ne stricto quidem acinace, opulenta spolia victoribus concedunt. Pauci in eo nocturno tumultu occisi, plures somno graves in tentoriis occupati. Postridie levior equitatus ad retrahendos e fuga dimissus, raros admodum captivos in castra pertraxit, quod spatium fugiendi nacti, in profundos saltus, montesque inaccessos se plerique contulerint. Hac hostium trepidatione cognita, visum est Makario, huc atque illuc arma, & victoriam in celeritate positam circumferre potius, quam militum alacritatem obsidionis mora consumere. Præda in tutiorem locum convecta, divisim agminibus provinciæ hostiles sine metu invaduntur, populationes, & incendia latissime fiunt, a) Fueduke tristes flammæ eminus aspiciente, neque auso huic eluvioni pectus objicere. Posteaquam nemo hostium se commovit, collectis amplissimis spoliis, ac multis mortalium millibus pristinae libertati restitutis, stativa repetiit Makarius. Quid Schulzius? quid Erdòdius Banus cum nervo exercitus in Illyrico egerint? ego etsi diu, multumque, quos præ manibus habui, Authores tererem, ne leve quidem vestigium reperi. Id unum Porta Ottomanica prodidit, b) Schulzium hac æstate febrili æstu extinctum, provinciam Illyrici reliquisse Comiti Scherffembergio; hunc non nisi expugnata Buda eo delatum, Badenfi perutilem operam suis cum copiis præstitisse.

Solymanus Vezirius Belgradi moratus, cum alia super aliam clades annuntiaretur, de animo Imperatoris sui multum sollicitus, sinistrum expeditionis eventum, in multitudinem hostium, & violati foederis ultorem Deum conjecit, datamque Constantinopolim epistolam non dubitavit impudenti mendacio aspergere, Confœderatorum exercitum centum sexaginta millium repertum, ut adeo singulis Turcis cum denis fere Christianis ad Budam

a) Annales Hungariæ pag. 46. enumerant loca quæpiam. b) Tom. II. pag. 361.

A. C. Budam dimicandum fuerit. Id quod captivi metu poenarum, aut spe liber-
 1686. tatis impulsī, jurejurando postea affirmarunt. Se vero præstantissimi Du-
 cis partes sustinuisse, sive dum per media castra auxiliares copias obsessis mi-
 sit, seu dum acie conflixit ante castrorum valla, seu dum maturo receptu
 Eszekinum sine detrimento evasit, primarii nominis Præfectos testes cita-
 vit, qui non secus, ac rogati erant, mendacia novis mendaciis cumularunt,
 misso ad Imperatorem peramplo testimonio. Is tanto se præbuit Vezirio
 faciliorem, favore militum alioquin anxius, cæterisque Ductoribus, quanto
 per eos dies graviorum motuum indicia pluribus locis eruperunt, quos non
 aliter putavit sedari posse, quam summi Vezirii autoritate, ac militum
 præsidio. Byzantinos duarum clarissimarum urbium, Budæ, & Epidauri
 A) amissione ægros, prope in seditionem egit unius Sacerdotis inconsultus
 dicendi æstus, quo homo fanaticus abreptus, Imperatorem in principe Mo-
 schea (ubi cum infinita hominum multitudine, in tam arctis Imperii rebus,
 exquisitis religionibus Mahometem Prophetam sibi, suisque placabilem red-
 dere frustra desudavit.) sermone criminum pleno, audacissime perstrinxit.
 Inter cætera, omisso discrimine verane, an falsa forent? criminabatur:
*Imperatorem pecuniam publicam militi destinatam avertisse, ac voluptatum
 dulcia consectando, inter greges pellicum turpiter abligurisse; vastissimi Im-
 perii mole, bellorum curis in ministros aulae rejectis, abditum umbraculis
 hortorum, aut saltuum, ut ignavum animal, cui si cibum suggeras, jacet,
 torpetque; blanda, ac suavia otia effusus quærere, quam fortissimi populi
 rectorem condeceat; omni vigore animi extincto tot clades præteritas, instan-
 tes, futuras ignavissimum mortalium pari oblivione dimisisse. Alios Impera-
 tores pro salute civium perpetuo in armis stetisse, suo ductu difficilima bella
 confecisse, hunc luxu marcere, & in excidio nobilissimarum urbium prodigis
 epulis, ganeaque suas libidines satiare.* Hæc talia in os Imperatoris non
 verebatur objicere, circumstantis populi gratia metum vincente.

Libertate dicentis etsi vehementer commoveretur, tamen cum non
 unius, sed multorum civium, eadem frementium, vocem percipere videre-
 tur, & quædam non falso sibi objici pernegare haud posset, ne accensos mul-
 titudinis animos magis incitaret, ferocientem adhuc, & plura dicere paran-
 tem comiter accepit. In aulam redux, compendia impensarum facere insti-
 tuit, dimisso venatorum grege, quos populus diris omnibus devovebat.
 Et quoniam nunciatum erat, pecuniam in stipendium, & vestimenta exer-
 citibus deesse, maximaque nomina per Quæstores in castris contracta, tan-
 tum æris e suo suppeditavit, quantum præsens necessitas postulabat; nec
 quidquam desideratum apud exercitus, ac si ex opulento ærario, ut quon-
 dam, omnia administrarentur. Hoc opportuno beneficio non militum mo-
 do animos sibi arctius devinxit, sed plebem quoque irritatam, & graviora
 onera in dies metuentem, placavit. At brevi se ad ingenium suum retulit,
 & veluti beneficii memoriam in summis Reipub. angustiis præstiti, vellet
 extinguere, multo turpius, ac unquam alias, opes corrasit, deinde inter-
 vertit. B) Et promptum fuit homini alieni appetenti, sui nimium profuso,
 pictis nominibus nova tributa imperare, quod ea bono provinciarum cessu-
 ra sponderet, neque bellum geri posset sine hoc nervo, exhausto alioquin
 Imperii ærario. Cœpta est autem nova tributi ratio Byzantii, initio sum-
 pto a primis aulae syderibus, quo licentius in minorum gentium Purpurato-
 rum, & ignobilis vulgi possessiones sæviret. Soltana Kafachis c) plures per
 annos

A) Epidaurus, Italis Napoli di Malvasia, urbs validissima Peloponnesi, sive Moreæ hoc anno expu-
 gnata a Venetis.

B) Ac velut exhausta redivivus pullulet arca
 Nummus, & e pleno semper tollatur acervo
 Non unquam reputat, quanti sibi gaudia constant. Juven. Sat. VI.

C) Kafachis Soltana tum floruit in aula Byzantina, non Valide Imperatrix, ut erronee putat
 Porta Ottomanica pag. 266. quippe hæc fato suo defuncta jam erat anno 1682. ut eadem Por-
 ta pag. 225. refert, & ego supra retuli, nisi fortassis idem vocabulum cunctis Imperatricibus
 tribuatur, ut apud Græcos olim Irene.

annos immensam auri vim, multam quoque supellectilem convasaverat, sæ-A. C. 1686.
pe a domesticis, ab exterorum Principum Legatis opulentis muneribus empta, ad molliores in aulam aditus faciendos, aut negotia cum Imperatore ex animi sententia transigenda; neque enim prosperum tuarum rerum exitum speraveris, nisi hoc Byzantinæ aulæ oraculum multo auro propitium tibi feceris ante, quam legationis summam exponas, aut responsa urgeas. Tanta gratia, autoritateque plerumque florent Soltanæ, ut belli, & pacis potentes, ceu Imperii socias, se ambitiose venditent apud Legatos; atque domesticis non raro persuadeant, e suis manibus aulicas, militares, provincialesque dignitates pendere, & fluere. Hæc ditissima opum vena. Altera non inferior. Bulgarorum gens a Turcis subjugata, Soltanæ, seu primariæ Imperatoris conjugii tributaria est facta, singulisque annis statum vestigal pendit. E perenni hoc fonte ingentes divitiæ in Seragium derivantur. A)

Et tamen Kasachis ab Imperii administratione remotior, ac aliæ Soltanæ, tamen pecuniarum cupida, occasionumque haud negligens, quibus solitos in aula quæstus exerceret, ingentes thesauros coacervavit; recepto jam more, ut perinde Soltanæ, ac Imperatores, exquisitis muneribus colantur, quoties Legati Byzantium adeunt. In hos dudum oculos conjecit Mahometes, nunc ære vacuus, obtenta publica necessitate manus immisit, maximamque eorum partem asportavit, læta in speciem Soltana, quod difficillimis temporibus inopiam Imperii, ex quo crevisset, privatis suis opibus sublevare posset, unde legiones Ottomanicæ insequenti anno alerentur, novis supplementis augerentur, commeatu, & instrumento bellico instruerentur; quali pecunias ad tempus Reipublicæ commodaret, receptura eas cum fœnore, ut primum absoluto bello pacatiores res Imperii fuerint. Supremi Præfecti Seraglii B) divitiæ prope pares erant, certe privati hominis fortunam vicerunt. Sed ille humana reputans, ita amplissimas suas opes divisit, ut partem alteram conservaret Byzantii, alteram Memphi, quam diligentissime occuleret, ea cogitatione utique impulsus (quemadmodum futurorum non improvidus erat) ut si opibus exuto aula cedendum esset, haberet Memphi, unde sibi, suisque servitiis, vitæ alimenta peteret. Nec procul aberat a casu, quem sibi instare animo providebat. Nam cum altero ab hinc anno Mahomete pulso, Solymanus III. Imperator proclamaretur, ministris aliis in exilium actis, aliis in carcerem contrusis, aliis e vestigio cælis (ut FERRE par fatum, aut pejus servos, & dominos habet mutata Reipub. forma) Seraglii Præfectus, de quo loquimur, ægre vita obtenta, omnibus fortunis Byzantii repertis exutus est, quas Mahometes Imperator jam antea vehementer imminuit.

Purpurati, ut alii aliis opulentiores habebantur, ita pro rata parte tributum conferebant. Sic viam sibi stravit ad civium vulgus expilandum. Descriptis pecuniis, toto Imperio acerbissimæ exactiones fiebant, nullo hominum genere omisso, cui non tributum aliquid impositum. Sed cum exhaustæ provinciæ nunc tributum deprecarentur, nunc malorum magnitudine victi, minas jacerent, & protracto odioso certamine, non multum accresceret ærarium, in fertiliorum messes falcem immisit. Moscheæ apud Turcicum populum florentissimæ sunt, a suis conditoribus, vel aliis bene nummatis, amplissimis vestigalibus instructæ, queis pauperes, peregrini, quorum ingens numerus, aluntur. Ad hæc cum animadverterent ditiores, rapacitatem Imperatorum inexplabilem esse, multisque divitias crimen fuisse, elusuri tantam rapiendi, aut criminandi licentiam, suas possessiones Moscheis ea lege contulerunt, ut ipsorum hæredes, quos instituerent, facultatum partem aliquando recipiant. Hoc modo immensas opes longa ætate cumulaverant liberis, posterisque, ut arbitrabantur, quas una propemodum hora in avari Principis manus intulit. Namque Mahometes adhuc exhaustus, & egens (ut AVARITIA semper infinita, & insatiabilis est, ne-

Imp. Ottom. Tom. II.

G g

que

A) Istud accepi a viro rerum Bulgaricarum perito. B) Nempe Eunuchorum Præfecti Kislar &c. de quo supra.

A. C. que copia, neque inopia minuitur) accito sanctiore consilio, negabat tantam auri, argentique vim jure collatam Moscheis paucorum hominum gratia; injuriam Majoribus suis, sibi, & Reipubl. factam, pecuniis, Imperii nervo, derivatis alio, quam in publicum ærarium. Arguebat & perperam egisse Moscheorum conditores, quod tantis fortunis eas domus locupletarent; conficiebatque, in præsentis rei argentariæ inopia, omnes opes in ærarium suum redigendas, quo re Imperii nimium afflictæ securitati Moscheorum provideatur; secus cum suis facultatibus in hostium manus venturas. INERMES esse divitias, nisi in armatos spargantur. Applauserunt Purpurati tam diviti auri venæ. Facto, prolatoque decreto multorum testamenta ut Reipubl. noxia, ingrata, & vana rescinduntur; Moscheorum thesauri in publicum rediguntur.

Eodem tempore in Effendios (hoc nomine legum periti apud Turcas vocantur) qui a primis conditi Imperii annis, cunctis oneribus, & collationibus exempti erant, edictum fertur, quo jubebantur multiplici bello attritæ patriæ ære succurrere. Nobilis Effendius, qui consilio intererat, non dubitavit sua, suorumque sodalium jura defendere, ac calore certaminis longius provectus, Imperatoris cupiditates acriter increpuit. Sed nihil effecit apud propoliti tenacem, deportatusque in exilium, possessiones insuper amilit; cæteri perterriti tributum solvere consenserunt, eo faciliores obsequii, quo tenuior miles tum temporis Byzantii agebat, cui suam a publicis vestigalibus immunitatem id genus hominum ad eum diem debuit. Gravibus profecto turbis concussus fuisset Imperium, si cives nullo ab hoste solliciti, aut patrio milite, ut sæpe alias, adjuti fuissent. Verum terra, & mari mole armorum immensum aucta, e re sua duxerunt, omni domestico bello in præsens abstinere; non ignari: CIVES secum ipsis discordes armis quidem dimicare, & suas vires mutuo atterere; at instantem exterum hostem revera victoriam, victoriæque fructus legere. Unde in Asiæ provinciis, ubi tributum inclementius exactum, etsi frequentes seditiones abortæ, tamen fidorum civium opera, opinione celerius oppressæ sunt.

Solymanus interim Vezirius omni ope enitendum sibi putavit, ut pacem quamprimum reconciliet. Ad Hermannum Marchionem Badensem, bellici consilii prælidem, Maurocordatum A) primarium in aula Byzantina interpretem, mittit, qui ea, quæ ad pacem maxime pertinere viderentur, ageret, addito libello latina lingua conscripto, cujus hæc fere sententia fuit. *Ante triennium vestri Oratores ad amicitiam petendam Byzantii aderant. Ea impetrata non est per Purpuratorum ambitionem, qui res Imperii summo jure moderabantur; belli, quam pacis cupidiores. Funestissimi belli auctores, quo multa mortalium millia misere sunt hausta, graves pœnas capite luerunt. Hujus anni principio in me translata armorum potestate, id potissimum in animum induxi, ut bellum pace vestris æque, ac nostris provinciis pernecessaria componam. Ea de causa Belgradum accessi adulta jam æstate. Sed cum Budam terra, & aquis circumfessam intelligerem, irrita spe concordiae, invitus ad arma profectus; ne videlicet arcem, & sedem armorum nostri Imperii, complicatis manibus diripi spectarem. Nunc quoniam ab armis otium foret, & per hyemem de conditionibus transigi posset, Maurocordatum Viennam fiduciariis literis acceptis legavi, qui sincerum pacis desiderium uberius referet. Hæc summa epistolæ.*

Alii plura legerunt in illa, nempe: Vezirium B) spondidisse: Tökölum, belli impulsorem, ad quodvis supplicium deditum iri: illius socios junctis armis radicitus exscindendos: damnis illatis justa æstimatione satisfactum iri. Horum ego nullum vestigium reperi; nisi fortassis Maurocordatus, quo facilius pacem redimeret, hæc liberaliter addiderit. Cæterum legatio de-

textit

A) Alexander Maurocordatus Panagiotto linguarum interpreti successit. Ad Ducem Badensem legatum crediderim, cum a Lotharingo nihil pacati nuper retulerint. B) Hujus pollicitationis meminit Porta Ottomanica pag. 385. Sed refert ad sequentem annum; & tum quidem Achmetes Aga pacis nundinator, missus erat ad Carassam Debrezini agentem.

textit Ottomanorum vires vehementer accisas, & Solymanum Vezirium aA. C. suamet fortuna nimis quam cito desertum, omni spe melioris successus de- 1686. iectum. Re in consilium relata, Badensis significavit ei: *Cæsarem, etsi in medio victoriarum cursu consistat, pacem non abnuere, ut omnes gentes intelligant, eum & suscipere iuste bella, & finire; modo Confederati in eandem sententiam concedant, & Ottomani huiusmodi conditionibus se adstringant, nihil ut deinceps, vel si velint, in Confederatos Principes movere possint. Primum sine ambagibus resciscere posse Vezirium, ablegatis ad Polonos, Venetamque Rempubl. nunciis, qui cognoscant, ad pacem, bellumne inclinent animi? alterum quantum colligimus e belli paratibus, vix futurum arbitramur. NEQUE enim pacem velle existimandi sunt, qui belli Ducem pecunia, milite alunt. Vos Tökölum, Regi, patriæ suæ infestissimum hostem exercitu, ære firmatis; illius contumaciam, turbulentorum spes, insanas molitiones fovetis. Quæ utique produnt vos repetitis legationibus amicitiam in speciem quærere (ut nempe verborum fuco illecti, lentiores fiamus ad apparatus faciendos) reipsa bellum omni ope persequi.*

Cum his literis dimissus Maurocordatus, quantum spei coeundæ pacis Byzantinis attulit, tantum nuncii Venetiis reduces ademere. Namque Respub. rebus in Peloponneso feliciter gestis, in novas victorias exæstuans, Moschorum insuper viribus, qui ea tempestate fœderi accesserunt, animata, Vezirio nunciavit: concordix spem nullam fore, ni Ottomani Venetis pleno jure remiserint, quidquid Reipub. sive in Peloponneso, sive in insula Cretæ, sive in Ægeο mari, annis præterlapsis vi, armisque eripuerunt. Ut vero sine fraude Principes Christiani nominis tractandæ paci operam accommodent, & dein pacis capita ad unguem impleantur, jam nunc obsidum loco, ea præsidia tradant, quæ Veneti designaverint. Hæc postulata adeo insolentia visâ sunt Mahometi, ut, tametsi certis indiciis haberet, Moschum veterano, integroque milite accinctum, hostem sibi parari, indeque Confœderatorum exercitus nova potentia firmari; rem vero Turcicam nunquam tam desidem fuisse, atque imbellem, ac his temporibus, tamen arma retinere satius duxerit, quam iis positis, pacem, omni belli clade iniquiorem, accipere. Eadem mens erat Purpuratis, quorum auribus gravissimum accidit, repeti a Venetis eas urbes, eas provincias, quas maximis impendiis, multo suorum sanguine plurium annorum spatio, bellicosi Imperatores obtinuerunt; hortatique sunt populum, ut ne monstrosæ pacis turpitudinem admittant, id est: ne sinistra dexteram sibi rescent, semet jugulandos superbissimo hosti præbeant, sed Majorum suorum in adversis rebus constantiæ exemplo, bellis insistant, exercitus reparent. Unum prælium rerum conversionem magnam afferre posse non opinantibus. His animis ommissa pacis nundinatione, bellum omnibus placuit, paratumque est diligenter per hyemem.

Annum, quem ingredior, septimum, & octogesimum supra millefi. 1687 mum, sexcentesium, multis cladibus, intestinis seditionibus, turbis memorabilem, atque sui regiminis postremum habuit Mahometes IV. Imperii summa in Solymanum III. translata, cujus res gestas ne perturbato ordine cum fastidio legentium tradam, Venetæ, & Polonæ gentis, tum Moschorum bella in Mahometem suscepta, post commemoratam hujus anni Hungariæ fortunam pro virili parte contexam. In stativa deductæ Cæsareæ legiones, perpetuo illo, statoque procurfionum ludo, identidem fatigabantur, maxime in Tibiscano agro, quem Tökölus hybernæ tempestatis frigore minime retardatus, furtivis incursionibus cum suis equestribus turmis divexavit. Heislerus, qui Tibiscanæ Hungariæ cum Caraffa præfuit, in hostium consilia, ac motus omnes intentus, opportune se ubique objecit. Convexerant Turcæ Varadinum omne genus frumenti, in obsessam eminus Agriam subsidium annonæ inducturi. Quippe ea urbs omni ex parte clausa, adeo laborabat fame, ut præsidarii se excessuros arce minaciter nunciarent Varadinensi Præfecto, ni commeatum inopia ante arctiorem obsidionem leva-

A. C. rentur. Eo nuncio non leviter perculsus, oneratos frumento carros supra
1687. ter centum Agriam advehendos destinat, attributa equitum, & peditum
manu. Ut vero excubitores ad oram Tibisci falleret, nunc Temesia, nunc
Varadino, & Gyula cum Tókólianis se erupturum in provincias Leopoldi
minatur. Sed Heislerum minime fefellit. Jam vehicula Tibiscum supera-
runt, cum subito Heislero agmen ex insidiis educente pugna confertur. Tur-
cis plaustra pro vallo erant, donec emissis magno numero minoribus pilis
pulvere pyrio armatis, jumenta in terrorem, & fugam agerentur. Tum irru-
ente victore, Spahii qua data porta effugiunt, Janicsaris exitio relictis. Major
tamen præda, quam cædes fuit, eoque utilior, quo magis in exesa regione
caritatem annonæ Cæsarei sentire cœperunt.

Subinde ingenti commodo rei Christianæ, gemina proditio in ipso
ortu feliciter oppressa est. Res erat hujusmodi. Tókólius, ut prolapsam fa-
ctionem nova potentia erigeret, circummissis clandestino fidei sibi homini-
bus per Hungariam, spe libertatis, & religionis potentiores quosdam cives,
quibus Leopoldi Imp. viatorias graves accidisse non ignorabat, ad defectionem
solicitat, Turcarum opibus, legionibus velut e sinu affusis, callide suas in
partes allicit. Duplici hoc libertatis, & religionis telo centum circiter tur-
barum cupidiores confixi, conjuratione semet obstringunt, & urbes primi
nominis Casloviam, Eperjessinum, pluresque alias sua temeritate in sum-
mum discrimen adducunt. Conjuratorum Principibus isthoc erat propo-
situm: statim die diversis in locis populum ad arma concitare; exterum mili-
tem in stativis sui securum uno calore excindere; præsidia superioris Hunga-
riæ cum Turcarum auxiliis ad deditiorem cogere; avitam libertatem, no-
vitiam religionem extremis viribus tueri. Hanc animorum conspirationem
Tókólius conjugii suæ per literas significare festinavit, quæ interceptæ ab ob-
sidentibus Munkacsiam, totius machinationis seriem prodidere. Carassa tristi
vir ingenio, instituto de conspiratione permolesto judicio, quinta Martii ex
conjuratis quatuor perduellionis damnatos, in foro urbis Eperjettinensis, præ-
cisa prius dextera, capite plecti jubet; paucis post diebus eodem in loco,
eodemque supplicio quinque A) damnat. Haud negaverim, Carassam ma-
gnam sui terrorem, majus odium apud Hungaros (ut memoriæ prodidit
Leopoldinæ Historiæ Scriptor) auxisse, quod non-consulta mitissimi Prin-
cipis clementia, velut alter Fulvius, B) supplicium properaverit; id tamen
abnuo, ad posteros, atque ad nostram ætatem propagatum odium, invi-
diamque militaris viri, atque inter puerorum plorantium terribilissima
Carassam nominari; id quod patriæ linguæ gnaris alioquin constat; ignariæ
affine vocabulum Carassæ imponit.

Alterius multo atrocioris proditiōis, quæ in Budam cudebatur,
hic ordo fuit. Conradus Finkius Procenturio Salmiæ legionis, genere Bo-
russus, specie commutandorum captivorum multam familiaritatem cum Al-
ba Regalensi Bassa contraxit; captusque promissis duorum millium aureo-
rum nummum, de reddenda Ottomanis urbe consilia agitavit, atque eo-
rem nefarius homo adduxit, ut fide data sponderet; se decreto, quo sta-
tionum vices ad ipsum redirent, die, milites suos præbito largius mero in
crapulam, & somnum daturum: adessent silenti itinere, tenebrisque testi
Turcæ, cælisque stationariis grandi semilunæ nondum e ruinis eductæ infer-
rent signa, ac prolata sive in castellum, sive urbem victoria, perculsum no-
cturna aggressione præsidium conficerent. Hæc posteaquam e literis Finkii
didicit Alba Regalensis, insolita lætitia perfusus, ne pulcherrimæ occasioni
deforet, e finitimis locis militem confestim arcessit, omnia ad nobile fur-
tum instruit. Schulzianus Dimacha, captivo cum Turca permutatus, dum
Alba Regali discessum parat, intelligit clam ex Christiano adolescente, quo
interprete Præfectus usus erat: Hero suo literas venisse a quodam Centurio-
ne (atque hic error aliquot Centuriones incorruptæ fidei suspitione aspersit,
cum

A) Porta Ottomanica pag. 374. ubi eorum nomina recitantur. B) C. Fulvius historem lege agere
in reos Campanos jussit, suppliciumque festinavit. Vide T. Livium Patav. lib. XXVI. §. XV.

cum Finkius Procenturionis munus gesserit) Budensi, queis ille perlectis gau- A. C.
dio amens exilierit, liberalique manu remuneratus internuncium, sine mo- 1687.
ra ad vicina oppida mandata dedit. Videri rem magni momenti agitari.
Centurionis nomen sibi ignotum, cæterum ei duas captivas, nobiles Turcas
virgines esse. Dimacha libertatem consecutus, Pifeskio supremo vigiliarum
Præfeto aperit, quæ ex adolescente compererat: hic sine cunctatione Con-
silio bellico. De his commonefactus Bekius Gubernator, Finkium, cujus
in domo captivæ detinebantur, in quæstionem vocat; scelus pernegantem
propositis cruciatuum instrumentis adeo exterret, ut proditorem, quo
texerat ordine, confessus fuerit. Aderant non multo post Alba-Regalensis
literæ, clarum indicium meditati sceleris. Non unam necem commeritus
miser, octava Aprilis securi percutitur, corpore quadrifariam secto. Inter-
nuncius agrestis bis centum plagis primum oneratus, tametsi constanter in-
ficiaretur se conscium fuisse proditoris, per medium nihilominus corpus
adacto præacuto palo postremum finiit.

Hoc furto evolutus Turca, sepositis dolis aperta arma induit. Ad
Danubii oram maximam belli tempestatem fore prævidebat animo Vezirius,
& facti apparatus Cæsaris idipsum confirmarunt; idcirco præsidia Danubio
adlita per menses hybernos annona, milite, armis communivit. Belgrado
primas curas impendit, totisque conatibus ad apparandam hujus urbis de-
fensionem incubuit; ratus Lotharingum omittis minoris nominis munimen-
tis, ad hanc arcem Turcicæ Hungariæ frangendam omnes vires expromptu-
rum. Huc præter deletas Janicsarorum cohortes machinatorum præcipuos
injicit, mœnia reparat, palorum septum externis operibus addit. Copiis
mitescente hyeme Belgradum confluentibus, cum Asiæ equitatus defectu pa-
buli mentè primum Junio Hungariam tenuisset, decem millibus festinare
jussis Eszekinum, ipse cum omni exercitu, lento itinere secutus est. Ut
Petrovaradinum venit, navali ponte extructo, cujus hoc loco patiens est
Danubius, aliquot millia Tartarorum, Turcarumque ad solvendam Agriæ
obsidionem propere misit.

Namque Caraffa, cui obsidionem mandaverat Lotharingus, Hunga-
rorum legionibus auctior, primo vere oppidum propius accessit, spemque
annonæ invehendæ obsessis intercudit. Illi, ne ignavarum pecudum ritu
intra præsidii muros fame enecarentur, validam eruptionem ad prædam
agendam in finitimos vicos fecere. Spoliis graves, & re annonaria, dum re-
ditum solícite circumspiciunt, a Semseio, Hungaricæ legionis Tribuno, pro-
pe Agriam obruuntur. Præda intercepta, tantus ardor Turcas cædendi
fuit, ut Hungari ad muros oppidi evecti, fugitivos in conspectu Agriensium
frustatim conciderint, nullo vivere permisso. Hac suorum clade, & peri-
culo Agriæ audito, vindictæ appetens Vezirius, Tartaros, & Turcas, ut
dicere occepi, ad ferendam opem excitavit. In superiorem Hungariam in-
fusi pavidis nunciis admonentur: ad Tibiscum Baviaræ Ducem excubare cum
validissimo exercitu, itinera omnia Agriam versus a Cæsareo infesta milite
obtineri. Nec ideo mutato consilio, subeundam sibi aleam duxerunt, si
qua vi possent auxilium afferre obsessæ urbi. Immergentibus se altius in re-
gionem, præcursores, qui conspectis procul aliquot vexillis Caraffiani agmi-
nis, rati Bavarum cum suis legionibus appropinquare (ut METUS pericula
propiora sibi fingit) trepide referunt: Bavarum instructa acie in propinquo
esse; ni fugam propere capessant, internecinam cladem evitari haud posse.
Ad famam Bavari calor Martius subito refrixit, versisque signis ad Vezirium
properarunt, quem Lotharingus cum majori parte exercitus ad Eszekinum
urgebat.

Habuerat sub signis Lotharingus in principio expeditionis quatuor,
& triginta millia pugnatorum, Bavarus quatuordecim millibus pauciora.
Hic Agriæ ledomandæ percupidus in superiorem Hungariam duxit. Verum
cum aliquin urbem lenta fame confectum iri crederet, & Solymanus totius
Imperii vires Lotharingo objiceret, ut inter Duces conventum erat, omi-

A. C. *sa Agriæ oppugnatione*, trajecto ad Földvarinum Danubio, hujus copiis suas
 1687. non diu post adjunxit. Lotharingus exeunte fere Junio Dardam pervenerat, viarum difficultate magis, quam barbarorum incurſu fatigatus. Castellum iſtud quemadmodum priore anno a Turcis deſertum, ita quoque in præſens omni præſidio vacuum repertum. Nam ad primum rumorem adventantis exercitus, tanta celeritate Dravum petiere Janicsari cum fabris, atque ſoſſoribus, ut pontem integerrimum, ſive extructam viam noſtris reliquerint. Porro aliam a ſuperiorum annorum forma, dedere ponti. Cum enim perſæpe funditus exuſtus nova identidem impendia, novasque curas augetet, ſubtracturus pabulum voraci elemento, moli lignæ cæmentitiæ viam ſubſtituit Vezirius, a Dravo flumine ad caſtellum uſque pertinentem, tanta latitudine, ut vicieni armati una ſerie commode poſſent procedere. Quam maxima multarum millium operarum feſtinatione pariter, & ſucceſſu opus ſurrexit, manumque poſtremam accepit, dum Cæſarei Dardam accederent, ut adeo videantur barbari, ſuo impendio iter illis expeditum ad Dravum feciſſe. In hujus fluminis ripa, trajectuque non leves difficultates obortæ. Habebant hoſtes prævalidum pontem Dravo impoſitum, quem tutum ab incurſionibus præſtiterunt tormenta Eſzekinenſium. Forma illius hæc erat. Apud utramque ripam grandibus tignis in flumen defixis, ac ſuperjectis trabibus, ut fieri ſolet, molitionem exorſi ſunt, continuaruntque per fluminis latitudinem eoſque, dum alvei altitudine, aut potius aquarum vehementia omnem induſtriam eludente prohibiti, adductis navibus partem fluvii mediam, ubi multo violentior invehebatur, occupare coegerentur. Naves vero ſingulis noctibus ſolutas, adverſæ ripæ admoverunt eo conſilio, ne exploratoribus, qui nunquam deſunt in tanta propinquitate caſtrorum, commeandi facultas pateret, vel ipſi hoſtes noctis beneficio tranſitum attentarent. Porro ad pontis cuſtodiam terrea caſtella in utraque ripa excitaverunt, gemino palorum ordine depaſto, ac poſitis circum varii generis tormentis. Ut præſidium caſtelli cis Dravum erecti ſine clade ſemet recipere poſſet, ſi nocturna aggreſſione invaderetur; navigia, turbaque nautica aderant.

Hæc cum ſpeculatores minutatim referrent, Lotharingus adducto in conſpectum Eſzekini exercitu, Guidonem Staremburgium, & Souchium cum duobus millibus peditum ad exſcindendum pontem immittit. Janicsari extra munimentum progreſſi, ſolutis fiſtulis pedem retrahunt, atque caſtello, & urbe invaſores creberrimis idibus machinarum ſternunt, auctique aliquot ſignis præſidiariorum difficile, & cruentum certamen faciunt. Ubi vero vallum procumbere, & molendina juſſu Lotharingi incenſa contra pontem impelli vident, præſenti periculo conſternati, amiſſis circiter ducentis, Eſzekinum ſe conjiciunt. Sparſo latius incendio pars concrematur, & quod noſtris rebus perneceſſarium erat; is trajectus barbaris adimitur. At multo moleſtiſſimum fuit, in tanta propinquitate hoſtium trajectum moliri. Dravus eo menſe partim imbris large effuſis, partim nivibus in Styriæ, & Carinthiæ montibus ſolutis, præter modum intumeſcens, ac propterea incitator, vicinos campos inſolita alluvione contextit. Neque navigia noſtris aderant, quibus uti poſſent.

Lotharingus regionis ſitum contemplatus, reperit Otovarinum tribus leucis diſſitum vicum præ cæteris commodiorem, ubi pons ſterneretur. Caprara, cui hoc negotium eſt datum, duodecim dierum ſpatio luſtatus cum rapidiſſimo fluvio, ægerrime opus abſolvit, etſi dies, noctesque totis conatibus inſudaret. Ad præcavendas hoſtium inſidias, & ſubitas invaſiones (nam naves e Dravo, & Danubio in hos uſus Turcæ contraxerant) juxta fluvium terrea munimenta, Ducis juſſu per intervalla addidit. Tantis molitionibus vix miles ſuffecit, Bavaris per inopiam commeatum, & viarum difficultatem, poſt Földvarinum ſubſiſtere coactis. Adamus Battyanius, Croatiæ Banus, inter eas anguſtias provincialem militem caſtris opportunè induxit, quem paucis poſt diebus ſecutus eſt Dunewaldus ſuis cum legionibus.

nibus. Medio mense Julio bis centum pedites Dravum transgressi, deinde A. C. Croatæ, & Dunewaldiani arbuſtorum denſa ſecuribus exſcindunt, inſtabile 1687. uligine ſolum, ac paludibus perfoſſum faſcibus ramalium firmant, atque multo labore locum caſtris accommodant. Jam omnis peditatus in alteram ripam traductus erat, cum pons rapiditate aquarum, & impulſu immanium arborum, quas Kanifiſenſes Turcæ Dravo immiſerant, intempeſta nocte non modica ſtrage deſicitur.

Summo in periculo verſabatur peditatus, & deleri potuiſſet, niſi Vezirius ſoluto curis, quietoque animo ad Eſzekinum ſediſſet. Igitur quoniam licebat per ignaviam hoſtis, omnium conſpiratione, præeunte Lotharingo, atque adeo nullo militum, Ducumque discrimine, reparando ponti admotæ ſunt manus, tanta feſtinatione, ut die altero omnibus numeris abſolutum opus ſteterit, nemine Turcarum auſo procurrere. Sine mora trajecto equitatu Cæſareo, cum bellico apparatu Bavari conſecuti ſunt. Milie equites Germani, & turmæ aliquot Hungarorum, Franconum quoque, & Svevorum auxilia, Ductore Orlichio Barone, ad cuſtodiam Mochacienſis Danubiani pontis tantisper relictæ. Superato in hunc modum Dravo, Valpone, A) Turcico præſidio præ feſtinatione neglecto, univerſus exercitus Eſzekinum proficiſcitur. Heiſlerus cum ſexcentis velitibus Croatis, iter explorare juſſus, in terna millia Turcarum incidit. Hos acceptis a Lotharingo auxiliis diſpulit quidem cum clade, mox tamen in pugnam redeuntes, Heiſlerum plumbea glande fauciant, numero prævalentes ſtragem circumferunt. Appropinquante exercitu Cæſarei animis auſti, inſiſtentium ferociam reprimunt, ac in ſylvarum latebras actos promiſcua cæde trucidant. Diſcuſſa hac procella, iter reliquum ab hoſtibus tutum fuit, quorum inſigni ſtultitia, an militari fraude? nescio, copiæ noſtræ impune per anguſtiſſimas fauces ad ſolis occaſum in conſpectum caſtrorum pervenere.

Erant illa ad muros Eſzekini ſita, duplici vallo circumducto, ac centum tormentis per circuitum diſpoſitis validiſſime munita. A tergo Danubium habebant, advehendæ annonæ opportunum, hoſtibus inacceſſum. Circum denſiſſima arbuſta, crebras paludes. Hunc locum caſtris delegit Janicsarorum Aga Muſtaphas; Sciauius B) vero Hierapoleos Præfectus, ingenio, judicioque Marchionis de Perſaan Galli, qui e Gallia exulare juſſus, Mahometis deliria amplexus eſt, ſecundum diſciplinam militarem firmavit. Hic Vezirius ſedem armorum fixit, octoginta millibus pugnatorum ſuccinctus. Nec ideo ceſſere animis Cæſarei. Nocte in armis exacta, poſtridie complanatis viis, Chriſtianorum exercitus ſuos in ordines diſtributus, prælii copiam Ottomanis facit. Illi caſtrorum munitionibus deſenſi, ſylvisque interſepti, e ſuperiore aggeris loco, in ſubjectos tormentis fulminant, vicinioreſ minoribus riſtulis adeo dextre configunt, ut die uno duo millia partim vulneraverint, partim interfecerint, atque hos inter C. Franciſcum Palſium Protribunum, & C. Rôdernum.

Statuit Vezirius, hoſtium ſecurus, atque adeo contemptor, inpoſterum quoque militem caſtris continere, univerſæ pugnæ aleam omnino vitare; interim Tartarorum turmis ad pabulatores, frumentatoresque Cæſareos infeſtandos crebrius uti, annonæ ſubvectionem arctiorem reddere. Demum reſtituto ponte, quem moliebatur ad Eſzekinum, reditu noſtros prohibere, aut certo reliquum æſtatis iisdem in caſtris agere. Id cum animadverteret Lotharingus, contra ac aliis Ductoribus viſum erat, receptum decernit; ut videlicet hoſtem æquiores in campum proliceret, aut aliunde legeret operæ pretium; memor: NON minus cedendo, quam obſiſtendo ſæpenumero victoriam parari. Itaque viceſimo Julii in duo agmina diviſus exercitus, eodem, quo venerat itinere, ad Dravum, & ſapienter, & provide reducitur. Princeps Picolomineus cum duobus, & viginti ſignis equitum,

A) Valpo præſidium trans Dravum, quod Solymanus II. trium omnino menſium ſpatio verberatum cepit, propugnante Amazone Hungara Petri Perenyi conjuge. B) Sciauius iſte a diverſis Hiſtoricis alio, atque alio modo ſcribitur.

A. C. tum, cum Hungarorum, & Croatarum legionibus castrensem supellestem 1687. tueri est iussus. Elector Bavarus cum Badensi ultimum agmen depoposcit e peditatu fere compositum. Recedentibus Cæsareis, dicitur Vezirius celebrato consilio, duos Bassas multo auro sollicitasse, ut omnibus viribus postremo agmini insistant, atque Electorem more suo ardentem in certamen ruiturum circumveniant, circumventumque missis aliis abducant. Hoc nobili captivo interprete, sperabat se pacem obtenturum. Illi operam suam ferociter polliciti, nihil præstitere. Etenim servatis, ut per viarum angustias licuit, ordinibus, secunda acies primam strenue sequebatur nunquam profectio, & pugna intermissa, quam Tartarorum equitatus perpetuam fecit. Ad Dravum centum, & amplius pabulatores, sine præsidio per agrum Valponensem vagi, a Tartaris concili sunt. Cæterum tridui labore totus exercitus cum machinis in alteram ripam salvus evalit. Is receptus maximæ instar victoriæ fuit, & Lotharingo omni Europa ingentem nominis celebritatem peperit.

Vezirius aptam tegendis insidiis regionem veritus, in castris tantis per substitit. Quaterna tamen millia equitum ad pontem Danubianum, & frumentarias naves occupandas celeriter expedit. Orlichius ponti custodiendo præpositus, cum sexcentis equitibus audacter in Spahios inductus, facile centum suorum in primo æstu certaminis amisit. Postea cautior, quam timidior, intra munimenta se continuit, ac subinde Picolomini legionibus firmatus, fusis, fugatisque Spahiis pontem, & naves ab omni injuria vindicavit. Eodem tempore C. Stephanus Koharius, Pészthi Gubernator, cum bis mille equitibus Hungaris, Marchioni Doriæ subsidio est missus ad Agriam arctius claudendam. Inter hæc Lotharingus, dejecto Dravi ponte, Siklosium præsidium ad ferendam quantumvis longam obsidionem necessariis rebus quam diligentissime instruxit, translatisque castris Mohacsium, in patenti, & explicandis copiis opportuno campo, hostem operiri constituit. Aderat ille post biduum cum omnibus copiis, ad arcem Baranyiam a) intra paludes metatus. Namque Vezirius celeberrimum receptum fugam interpretatus (id quod alii primores præcipue Marchio de Persaan, Christiani nominis probrum, confirmarunt) fugientibus insistere, atque itineri accinctos, ad certamen cogere decrevit. Dedit quoque ad Præfectos præsidiorum literas, queis significavit, Christianos maximo incommodo ad castra Turcarum contendisse; æstimatis eorum munitionibus trepide refugisse; ad abluendam ignominiam haud dubie præsidium aliquod Turcici juris oppugnaturus. At se persecuturum hostes, & vel invitos in pugnam protracturum. Is rumor longe, lateque diffusus, ac creditus, magnam apud Turcas b) lætitiā excitavit, & quasi grandis victoriæ nuncios acceperant, solutis machinis ingentis gaudii signa edidere. Biduo intra castrorum ambitum delituit Vezirius, contentus velitationibus, quæ inter equites pabulandi causa fiebant; adjectis porro novis munitionibus a pugna prorsus abhorreere est visus.

Spe certaminis rursus præcisa, ne nullum ex florentissimo exercitu fructum facerent Duces, placuit Albam-Regalem obsidione cingere. Indicta profectio præter opinionem evenit, quod miles prælii avidissimus tot molestiis frustra quæsit. Quippe Vezirius ratus Confœderatos fuga velle elabi, Sciausio, & Jegheni propere mandat, ut cum sex millibus equitum extremum hostis abeuntis agmen subinde carpendo, morentur, dum reliqua acies accedat, cujus partem Janicsarorum Agæ attribuit, partem ipse e castris rapit. Sub hunc tumultum, adolescens Græcus Retimo c) oriundus, transfuga quanto maximo cursu potuit, ad Lotharingum pervenit, nuncians, Vezirium e Marchionis de Persaan consilio, pugnam suis edixisse: Hierapolitanum Præfectum cum equitum manu præcedere, reliquam aciem celeriter sequi. Verum Hierapolitano lentius intra arbuta progresso, nec
auso

a) Hac ab arce provincia Baranyensis nomen accepit. b) Porta Ottomanica. c) Retimus, vulga Retimo, urbs in insula Creta, sive Candia.

auso ultimum agmen acrius laceſſere, Lotharingus continuato itinere ad ra-A. C.
dicem montis Harſanii dextram alam promovit, Electore cum ſiniſtra clau-1687.
ſis ordinibus ſequentē. Noctem miles apertō in campo, barbarorum fremi-
tu inquietam egit.

Pridie idus Auguſtas imperata profeſſione Sikloſium, ſub primam auroram, ut heſterno die, in duo agmina diviſus exercitus movit, jamque per anguſtas collis fauces multo labore emerſus Lotharingus, machinarum fragore admonetur, Bavarum ultimum aciei Ductorem a Turcis impetum ad manus veniſſe. Etenim Sciauius Baſſa, ſex millibus Janiſarorum, mille equitibus auctus, & vicinitate ſuorum confidentior, Electorem anguſtiis appropinquantem, ac a primo agmine abjunctum, maxima vi aggreſſus, in certamen vel obtorto collo adigere contendit. Lotharingus revolans, cum videret omnem exercitum Ottomanorum partim jam dimicare, partim pugnae accinctum, explicatis ordinibus advenire, alacerrimum militem & ipſe in aciem educit, quamvis iniquiſſimo loco. Conſectim jubetur Piccolomineus, accerſitis e dextro cornu Lodronia, Commercy, & Savorum legionibus, auxilio pugnantibus accurrere, & Janiſaros e vicinis collibus deſcenſum molientes ſuſtinere. Dunewaldus cum attributo ſibi delectorum peditum, equitumque agmine, aperta per ſylvas via, in-Turcarum latus impetum facere.

Piccolomineus ardori ſuo nimium indulgens, non ſuſtinuit modo ferocientes Janiſaros, ſed loco etiam ſubmotos, tanta cupiditate cædendi inſecutus eſt, ut aſpectum præripiente pulveris nube in medios hoſtes cum ſuis procurrerit. Miſerrimam cædem perpeſſi fuiſſent, niſi quatuor cohortes ab Electore ſeſtinatæ, circumventos periculo ſubduxiſſent. His ita comparatis, tertia ab meridie hora concinentibus ſignis, utraque acies in hoſtem fertur, lentiore paſſu ob frequentes hiatus, & arbuſtorum denſa. Ad arcem Baronyiam Vezirius robur exercitus in acie tenuit, nativo tumulto, ſylva, & extemporaneo vallo tormentis horrido utcunque munitum, ſed hiantē per intervalla, & patente. Poſt tumultum dena circiter Janiſarorum millia ſtabant, ab horum tergo equitatus. Ut inter pugnam perventum eſt in caſtrorum conſpectum, machinis ſe mutuo ad certamen provocant. Janiſari, quo certiori clade ſua tela in Chriſtianos effunderent, primos ignes obfirmato animo excipiunt. Verum poſteaquam denſam aciem, vallo imminere conſpexere, panico terrore omnium animos percurrente, leviffima aggreſſentium jaſtura ſclopōs ſolvunt. Ea hoſtium trepidatio nec Duces, nec militem noſtrum ſefellit. Itaque multo alacriores, veluti victoria jam parta, ſepimenta caſtrorum Duces perinde, ac milites invadunt, loricam momento ſuperant, atque obverſis in fluctuantes machinis, propiorē metum, & cædem caſtris inferunt. Spahii viſis Chriſtianorum ſignis intra valla, nullo certamine tentato, equorum beneficio ſe ex arena, effuſo curſu in altera caſtra proripiunt. Janiſari equeſtri præſidio deſtituti, & ſuo metu jam victi, inter ſtragem palantes, abjectis armis latebras petunt, quos inſecutus victor magnam partem interemit.

Caprara, qui militem Lotharingi juſſu a præda ſevere cohibuit, præcipite in occaſum ſole, veris hoſtium caſtris, duobus inde paſſuum millibus locatis, aciem admovet. Ingens multitudo fugitivorum, non expectata impreſſione, fugam init. Vezirius cum flore Præſectorum, & omni equitatu eadem adhuc nocte Eſzekinum intravit. Pedites ruſſum lanienæ relictī. Pons nuper tumultuario amni impoſitus, ſeſtinantium multitudine ruptus multos demerſit, pluribus fugiendi viam abſtulit. Tenebræ victorem a cæde revocarunt. Poſtero die Gondola cum equitatu levioris armaturæ, ad ripam Dravi proſectus, ſine ſignis, ſine Duce errantes, cruento venatu conſectabatur. Multos inconſultus pavor nando fugam capeſſere impulit, quorum plerique deficientibus animi, corporisque viribus hauſti ſunt gurgitibus, aut pilis confixi. In hunc modum geminis caſtris eodem die captis, hoſte ad internecionem cæſo, per otium omnis præda recensita eſt.

A. C. Reperiebantur tormenta variæ formæ octo, & sexaginta, mortaria 1687. decem, undena millia majorum pilarum, minorum, vulgo granatarum, totidem. Pulveris, annonæ vis ingens. Septena boum, sena equorum millia. Cameli mille quingenti, multa suppellectile onerati. Ovium, quales Asia suppeditat, aliquot greges, plaustrorum tantus numerus, ut non exigua pars concremata fuerit. Vezirii tentorium cum tabulario, castrensi ærario opulento, Bavaro cessit. Tanta victoria quingentorum circiter hominum jactura, quod mireris, patrata est. De Cæsarum hostium numero, infinite variant authores. Porta Ottomanica septem millia Janicsarorum in campo cecidisse, duo millia capta commemorat. Magni Leopoldi Historia, octo fere cadaverum millia numerata meminit, de captis tacet. Vezirius vicena millia sibi desiderari testatus est, id quod Annalium Hungariæ Scriptor literis consignavit. Sed minuerint, auxerintque funera; victoria certe inde ab liberata Vienna clarissima, utililissimaque fuit, redditaque clades prope eodem in campo, in quo Ludovicus Rex cum exercitu, flore Nobilitatis, id est, totius regni robore cecidit. Rei lætissimæ nuncium Eugenius Sabaudus, non minores & ipsæ victorias suo ductu de eodem hoste reportaturus, ad Cæsarem Leopoldum attulit. Fama rei ad Mohacsium infeliciter gestæ, & ut fit, in majus aucta, per omnes vicinas provincias, celerrime didita, Serviam non minus, ac Sclavoniam majorem in modum perturbavit, bellique consilia vehementer confudit. Duces, quod & vincere nossent, & victoria a) uti, antequam hostes se colligerent a metu, fructus pulcherrimæ victoriæ lecturi dividendas copias censuerunt. Bavaro, cui Dunewaldus pro Legato esset, ad recuperanda Sclavoniæ præsidia quatuordecim legiones, præter duo Hungarorum millia, quos Adamus Battyanius duxit, attributæ. Nicolao Erdôdio cum provinciali milite Croatia defendenda est commissa. Lotharingus cum reliquo exercitu, difficillimo itinere in Transylvaniam eluctatus, cum Principe Apaffio, & Ordinibus de accipiendi præsidio tribus, & triginta capitibus b) transegit, & provinciam in fidem Magni Leopoldi, quod obliquis viis, occultis legationibus dudum agebatur, accepit.

Ex avulsa Dacia gravissimum vulnus debilitatæ Ottomanorum potentiae accessit. Nam præterquam quod annonam, stativa, tributum annum hæc provincia Turcis præbuerit, persæpe Principes Byzantinis fœdere conjuncti, maximos exercitus in Hungariam effuderunt, atque bellum suis legionibus adversus Hungariæ Reges gesserunt, ut adeo Turciæ bono suam ipsi patriam omni belli clade deformare nihil pensi habuerint. Firmata Transylvania Cæsareo præsidio, Valachiae, & Moldaviæ Principes, nuper a C. Csakio conventi, ut fœderi accedant, per Lotharingum amice invitati sunt; aut si immaturum existimarent, vi aperta veteres injurias ulcisci, finitimos urbium, & præsidiorum Gubernatores fidis nunciis commonefaciant, ut primum hostes finibus propinquaverint. His rebus sapienter constitutis, mense Novembri Posonium c) abiit Lotharingus ad Leopoldum Regem, inde Oenipontum.

Iisdem fere diebus Agria fame, domestico malo, diu vexata, deditio-nem fecit Marchioni Doriæ, sive Auriæ, qui incessis ubique itineribus adeo arcta obsidione locum presserat, ut oppidani nihil non experti fuerint in fame. Absumpto omni frumento, eo jam inopiæ perventum est, ut omne herbarum, radicumque genus pro mensæ deliciis haberent, equina vulgo vescerentur, & postremo fœda animalia, pelles, lora in cibum verterent. Rara profecto Turcici militis pertinacia, & par Catilinenium, d) qui ad obsœna quæque devoranda adacti Hannibalem diu fatigarunt. Sed Rusteinis Guber-

a) Et vincere, & scire victoria uti, præstantissimi Ducis est. Hannibali post Cannense prælium Romanis cruentum Maharbal Præfectus equitum objecit: vincere scis Hannibal, victoria uti nescis. T. Livius Patav. L. XXII. §. LI. b) Extant Tom. II. Portæ Ottomanicæ pag. 425. c) Comitibus Regni eo temporis habebantur Posonii, quibus Magnus Leopoldus moderabatur, cincto subinde diademate Josepho filio: d) Inspice T. Livium Patav. Lib. XXIII. §. XIX.

Gubernatoris obstinatio multo superior fuit. Cum enim quatuor Janicsari A. C. captivi in laxiore custodia habiti, dissimulante Doria in oppidum semet 1687. coniecissent, ac Eszekinenſis infelicem prælii exitum enarraſſent, obſeſſorum pertinacia, vana ſpe auxilii, & annonæ in eum diem ſuſtentata, repente fracta eſt, apparuitque illico oppidanorum multitudinem non diutius extrema obſidionis mala toleraturam. Ruſteines non conſumptis adhuc, quas apprime callebat, artibus plebis tractandæ, e propugnaculo arcis quanta maxima potuit contentione vocis oppidanos hortatur: ut ne fidem haberent inaniffimo rumori, qui a circumſidente hoſte, caſtrorum tædio, cœli injuriis fatigato, ex composito vulgari cœpit, quo fortiſſimis viris poſt diurnam obſidionem ſervatæ urbis decus eripiat. Revocarent in memoriam, præſidium Agriæ a Mahomete III. Imperatore expugnatum, a) uno, & amplius ſeculo Ottomanis ſubjectum tributa dependiſſe: ſimul vero metuerent, ne de ipsis ultio atrocis perfidiæ repetatur, qua contra fidem ipſius Imperatoris diplomate firmatam, propugnatores crudeliſſime interempti ſunt. CULPAM Majorum ſæpe luere poſteros. Proinde viderent, ne brevis moræ intolerantia, & rem omnem domeſticam, uxores, liberos, & vitam ſimul amittant; perferrent potius diebus paucis obſidionis incommoda, dum Vezirius cum victore exercitu (nam & hæc fama ſpangebatur in vulgus, Cæſareum exercitum fuſum, fugatumque) Eſzekino advolet, & fortiſſimorum civium tota Europa notam patientiam, condignis præmiis afficiat. Poſtremo pollicitus eſt, miſſurum ſe, qui a Vezirio opem flagitent, nuncios.

Iſthoc artificio oppidanos utcunque placavit. At nuncii ab Hungaris b) intercepti, atque in oppidum remiſſi, omni ſpe auxiliorum evaneſcente, deditiōem feſtinarunt. Præſidarii, quos fames oppidanis conjunxit, Ruſteinem tergiverſantem armis correptis circumſiſtunt, inconditis vociferationibus panem, & pacem poſtulant: minantur, principem urbis ſtationem obſidentibus ſe ceſſuros, niſi quamprimum de deditiōe tranſegerit. Ille petito, ac impetrato ad conſultandum ſpatio; ut erat præferocis ingenii, præparatis cuniculis, cadis pulverum igniarium fomitem admovet, nobili ruina ſe, præſidarios, & arcem oppreſſurus. Id ſubodorati milites, furore amentem ſtriſtis acinacibus coercent, miſſisque ad Caraffam, qui ad urgendam obſidionem venerat, & Doriam, Hatvaniens ſi Bego, Janicsarorum Præfecto, & duobus Kihais ad deditiōem adigunt. Paſtorum ſumma hæc fere fuit. Arx, & oppidum cum omni penu bellica, ære campano Leopoldo Regi reddantur, cuniculis, ſubterraneis meatibus, aliisque operibus ſumma fide prius detectis. Oppidani demigrandi, aut manendi poteſtatem habeant. Abituris ducenta, & quinquaginta vehicula præbeantur. Fas præterea eſto Ottomanis, ſuo ære comparare currus ad deportandam ſupellectilem. Turcæ captivos omnes libertate donent. Quini Præfecti obſidum loco detineantur Debrecini, dum currus, jumenta ſine malo dolo Varadino (huc enim poſtea deducti ſunt dedititii) redeant. Has conditiones Janicsarorum Aga Poſonium pertulit ad Leopoldum, quibus ſubſcriptis Agria exceſſere quatuor Turcarum millia. Ruſteines a Caraffa humaniter acceptus in caſtris, nullum fracti animi indicium dedit, victorique magis, quam victo ſimilis, præſente fortuna altior videri voluit. Adeo & barbari dulcedine gloriæ capiuntur.

Sclavonica expeditio multo jucundiſſima fuit. Bavaro Viennam abeunte, cura belli gerendi in Dunewaldum, ejus Legatum, translata eſt. Is trajecto Dravo arcem Butſinum c) rupi impositam, tridui verberatione in deditiōem egit. Præter ter centum præſidarios, & octo tormenta nihil repertum, præda omni paucos ante dies ſubducta, quam Cæſarei venirent. Valponem, non immunitum locum Eſzekini caſus perdidit. Nam

Imp. Ottom. Tom. II.

H h 2

oborta

a) Recole ea, quæ memoravi Tom. I. pag. 258. b) C. Stephanus Kohari, & Franciſcus Bar-koczi cum ſuis obſidioni aderant. c) Butſinum, ſive Buzin arx Sclavoniæ, Turcis admodum opportuna, juris Comitum Keglevichiorum.

A. C. oborta inter Turcas seditione, quam mox narrabo, tantus metus invasit 1687. Eszekinenſes, ut non precibus, non minis Gubernatoris a meditata fuga cohiberi potuerint præſidarii perinde, & cives. Neque occluſis portis terrorem intra viſcera receptum Præfecti eximere valuerunt. Alii occultis viis, alii funium adminiculo ſe e mænibus demittentes, alii alio modo in tutum evaſerunt, gliſcebatque in dies fugientium numerus. Tandem ipſe Gubernator cum paucis comitibus ſe e præſidio eiecit, adeo trepide, ut ne ignem quidem teſtis, quod conſtituerat, immiſerit, neque pluribus, quos effoderat, cuniculis fomitem admoverit.

Turcarum fuga per agreſtem hominem Dunewaldo enunciata, quoniam cauſa ignorabatur, vix fidem habuit. Indice retento minoris nominis Præfectum cum duobus equitum millibus ſimul exploratum, ſimul ad occupandum præſidium, ſi ab hoſte deſertum foret, expedit. Is patentibus portis nona, & viceſima ſeptembris oppidum ingreſſus, ne qua fraus hoſtilis vagos exciperet, militem a ſignis vetat diſcedere, tum ſolitudine arcis cognita, eam quoque cum aliquot vexillis intrat, diſtributo ſtatim milite per præcipuas ſtationes ad ſubitos hoſtium motus. Et redierunt meliorum ſuaſu, aliquot Spahiorum ſigna, verum viſis Cæſareis, multo celerius ſe e conſpectu capti præſidii proripuerunt. Dunewaldus ut incruentæ victoriæ gaudium oculis ipſis uſurparet, lætus advolat: æſtimataque victoriæ magnitudine, egit militari pompa Deo Imperatori grates, cujus beneficio celeberrima Hungariæ, & Sclavoniæ arce, quæ ſine diuturna obſidione, & multorum, meliorumque, uti aſſolet, militum jactura in deditiorem minime conceſſiſſet, immiſſo hoſtibus panico terrore, potitus eſſet. Nempe & hic notiſſima toto orbe Magni Leopoldi in Superos pietas pro milite, pro Duce pugnavit, facile, incruenterque vicit. Feſto ſcloporum, tormentorumque tonitru procul exaudito, Sclavoniæ oppida pleraque ſe ipſe dederunt.

Valponenſes juſſi deditiorem facere, licet initio recuſarint, nondum credita ſuorum fuga, ubi tamen prægrandes machinas Eſzekino advehi vident, ac in muros obverti, vicinorum infortunio admoniti, victoris arbitrio ſe, præſidiumque permittunt. Sexcenti armorum capaces vinculis onerantur, reliqua turba ſub haſta vendita. Ampliora hic ſpolia, quam Eſzekini reperta; ſed quinquaginta Eſzekinenſium tormenta, annona in decem hominum millia comparata, arma omnis generis, locus ipſe natura, & arte firmiſſimus ſine impendio, ſine ſanguine emptus, militi ſpoliorum loco fuerunt. Secundum hanc nobilem victoriam, pronum erat Dunewaldo, arces juxta Danubium ſitas Valkovariam, Illokiam, Petrovaradinum, Carlovicium cum Sirmii agro, vitium feraciſſimo Leopoldo Regi aſſerere, atque præſidio munire. Tum reducto exercitu, Poſegam profeſtus eſt, Sclavoniæ principem, & mercatu nobilem urbem. Loci Præfectus ſive ſuæmet ipſius ſtultitia occæcatus, ſive civium fraude impulſus, relictis in urbe perpaucis, mille præſidarios foras educit, ac viarum anguſtias, per quas Dunewaldum venturum ſperavit, inſidet, ratus incautum poſſe excipi. Ille agreſtium ductu evitatis inſidiis, per callium anfractus ad urbem feſtinans, adeo armatos perculit, ut Poſegam incompoſito agmine reverſi, deſperata loci deſenſione, mercatorum officinas diripuerint, factoque incendio trepide auſugerint. Incolis Chriſtiani nominis multo tempore jugum Ottomanorum perpeſſis, pergratus erat Cæſareorum adventus. Viſum fuit propterea Dunewaldo, injuriis expoſitos, præſidio militum, & terreis munitio-nibus tueri.

Supererat Gradisca ad Savum amnem, quo ſe ex omni Sclavonia reliquæ Turcarum receperant. C. Hoffkirchius juſſus æſtimare locum, munitiorem reperit, quam ut a paucis, atque autumnis obſidentibus incommodo, tuto oppugnari poſſit; accepto inſuper non levi vulnere ab erumpentibus, vires hoſtium ſuo dolore metiebatur. Re collata cum primariis Præfectis, plerique ſatius exiſtimarunt, integra fama victoris exercitus, periculosa

riculosa aggressionē abstinere, cadente donec hyeme, & reſectis copiis va- A. C. lidior ad obſidionem, pugnamque vernis diebus emittatur. Cum præterea 1687. Boſniæ Gubernatorem, cum maximo numero armatorum, Gradiscanis opem laturum non vani authores in caſtris narrarent, & maior fere militum pars devictis præſidiis impoſita foret, reliqui novæ expeditioni impares cenſerentur, communi conſilio in hyberna diſceſſum eſt. Hoc modo nondum circumacto menſe nobiles duæ provinciæ, Daſia, & Sclavonia acceſſerunt Hungariæ, fructus nimirum Mohacſienſis victoriæ, aut potius, pietatis Leopoldinæ, ut vel inde plane cognoscas, ESSE moderatricem humanarum rerum, & arbitram, non fortunæ vim, aut fati legem ineluctabilem, ut profana ſenſit antiquitas, ſed veri Numinis providentiam, cui mortalia ſint curæ, quæ victorias, pacem, regnorum vices varias præpotenti nutu moderetur, ac temperet.

Dum hæc geruntur in Tranſylvania, & Sclavonia, C. Erdödius Croatiae Banus, Unnam amnem tranſgreſſus, Koſztaniczam oppidum diripuit, caſis quadringentis Turcis, omnemque illam regionem incendio vaſtavit. Ad eum terrorem diſſipandum, Bihacſii Præfectus armatorum multitudinem concivit, ſed Erdödius una celeritate cunctantem hoſtem ubique prævertens, aperta oppida, vicosque incendit ante, quam aſſent, qui vim arcere auderent, ut adeo inſequentes, ſæda veſtigia, & ſolitudinem reperirent. Improviſa tempeſtas, Boſniæ præferocem populum cohibuit, ut ne in Sclavoniam translatis armis, Dunewaldi victoriarum curſum abrumperet, ſuas negligeret, ſociorum fortunas tueretur. Tot felices præſentis anni expeditionum progreſſiones coronarunt C. Joannes Eſzterhazius, & Baro Areizaga capta Palota prima, & viceſima Novembris; qui cum paucis milite, eoque levioris armaturæ inſtructi, ſpeciem obſidentium præbuerunt, tantumque terroris ſua audacia incuſſerunt præſidiariis, ut paucis poſt diebus ſalvis vita, & fortunis loco exceſſerint. Adeo verum eſt, PLUS fiducia in belli cauſa, quam in apparatus robore ponendum eſſe.

Jam mihi turbæ dicendæ ſunt, quarum a commemoratione de induſtria hætenus ſuperſedi, ut earum principium, progreſſusque una continenti narratione complecterer, Lectorum utique gratia, quod & alias obſervavi, queis injucundum, ne dicam permoleſtum accidit, res ſparſim ja-centes, ac annis interſtinctas conciliare. Obortæ ſunt illæ ad Eſzekinum concitatore Jegheno a) Baſſa, & veluti tradito ſibi filo Byzantium uſque propagatæ, ingenti fragore Imperium concuſſere. Erat Jeghenus vir calliditatis acerrimæ, qui ex latrone ſubito Dux, atque Imperator magni nominis, minorem Aliam, patriam ſuam igne, & ferro populatus, quanto latius terrorem circumtulit, tanto validior in dies evaſit, auctus ſubitariis militibus prædandi licentia. Mahometes Imperator domeſtico, externoque auxilio deſtitutus, ſenſit ſe imparem vi, & potentia huic turbini componendo. Igitur ad leniora verſus remedia, omni artificiorum genere, quibus humanæ voluntates ægre reſiſtunt, hominem ſibi, Imperioque devincire ſtudet. Miſſa honorifica legatione, eum Baſſam appellat, tradito acina-ce, & ornatu veſtium non vulgaris pretii. Hujusmodi munera apud Ottomanos indicium ſunt, ſingularis benevolentiæ Imperatoriæ. Pecuniæ præterea vim pollicetur, cum ſuis copiis ſi in militiam Imperatoris tranſgreſſus, adverſus hoſtem Ottomanicæ gentis arma verterit. Nec omiſit ejus familiares, quorum in poteſtate erat, promiſſis ducere, muneribus ornare, quo a bello, conſiliisque patriæ pernicioſis abſtraheretur. Ille partim honorum inſignibus, partim ſuorum opera in verba Mahometis adactus, & in Chriſtianos uſque incitator, cum tribus equitum millibus Conſtantinopolim intravit, reſertis infinita multitudine hominum, viis, tectisque. Ipſum Imperatorem ad Boſphorum Thracium ſpectatorem habuit, id quod tanquam magnum honoris argumentum interpretabantur Turcæ, & magni-

Hh 3

fice

a) Apud Antonium Foreſtum S. J. Tom. VI. Lib. II. hic Præfectus appellatur Oſmanes. Alii eum nominant Jeyeanum, Inkinum, & Jeghenum.

A. C. fice prædicabant. Nec minor erat fama, rebusque gestis habitus corporis, 1687. humanæ magnitudinis propemodum excedentis, & vestium ornatus, e quibus vulgo barbaræ gentes animi fortitudinem metiuntur. Cidari utebatur seu domi, seu belli, candidi coloris, atris fasciis in humeros defluentibus interstincta. Cætera vestis more Asiatico laxa, ac promissa auro nitebat. Imperator comiter acceptum, quoniam in Hungaria belli moles crescebat, persoluto ære Eszekinum propere dimisit.

Primo statim adventu omnem exercitum in se convertit, adeo præliare viri ingenium se prodidit. Otii omnis, quietis acerrimus osor, raro diem sine velitatione, aut incursione hostilium agrorum transmisit, retinens morem, quo per Asiam inclaruit. Summa pericula in præliis, in stationibus ultro sibi poscebat. Nec miles alio Duce alacrior. Refrixit tamen hic ardor, posteaquam Vezirii dolo, prope in hostium manus pervenit, desertus ex composito a milite, quo cum stationem hostium impetiit. Istud seu Imperatoris jussu (nam & hunc injuriarum dolore, & vindictæ libidine necem Jegheni machinatum fuisse populus credebatur) seu malis artibus Vezirii, nimiam gratiam in novo homine non æquis oculis aspicientis, factum fuerit, tantopere commovit Jeghenum, ut illico ad res novandas animum adjecerit, quo privatum dolorem publica clade ulcisci, aut certe Vezirium, vitæ suæ insidiatorem, e medio sufferre posset.

Vindictæ occasionem maturavit infelix pugna ad Mohacsium. Turcicus miles cæde commilitonum, & castrorum amissione æger, Vezirio, atque Janicsarorum Agæ, quidquid in prælio peccatum, suo more attribuit, nec posse expiari tantum dedecus, ac cladem, nisi his ignavissimis mortaliū trucidatis, uno ore conclamat. Addit furenti stimulos Jeghenus; plenior jam animorum, irarumque, quam antea quod Sciaufius nobilissimus Bassarum, turbas ex obliquo foveret, Solymano peroffensus. Non pigebit viri originem, & vitæ cursum hoc loco referre. Natus est Sciaufius in Iberia, Georgiæ A) provincia, obscuris parentibus, sed Christiana sacra professis. Adolescens tributū nomine, aut alia fortuna, Byzantium delatus, inque aula Junioris Kiuperlis, Mahometis secta imbutus inter aurigas, & lixas, infimum hominum B) genus, numerum fecit. Vilissimis muniis multum exercitus, præstantis ingenii, & ad summa quæque pertractanda apti, specimina edidit. Kiuperlis, disciplinæ domesticæ severus exactor, adolescentis indole captus, eum sibi ab obsequiis esse jussit, mox publicis negotiis admovit. Et quoniam apud Turcas nemini officit nascendi conditio, modo egregiis dotibus sit præditus, paucis post annis Kiuperle suffragante, Bassæ dignitate donatur, multum adversantibus Kara Mustapha, & Solymano, qui jam tum exteri hominis potentia suam inumbrari, & imminui querulabantur: quasi QUIDQUID splendoris alteris accedat, invidis decedat.

Sed non propterea Sciaufium, in intimam familiaritatem admissum, destitit ornare Kiuperlis, deditque hujus rei hoc quoque argumentum, quod tradita ei in conjugem filia sua, quam unice diligebat, Hierapolitanam præfecturam contulerit; plaudentibus æmulis amotum esse ab aula, cujus gratiam unus occupasse est visus. Elato Kiuperle apud duumviros eo major invidia, ac odium creverat, quia aliquando honore, & gratia inferiores erant Sciaufio. Neque tamen in apertas inimicitias proruperant externis bellis distenti. Kara-Mustapha strangulato, quantum Solymanus destitutus socio remisit a veteri contentione, tantum animorum Sciaufius fumpsit par jam uni; repertoque ad Eszekinum aditu, e militum odio, concitæ multitudini suam operam promptus addixit, privatam interea, ultionem adornans. Inter Jeghenum & Sciaufium, illum recenti, hunc veteri injuria exulceratum, facile convenit. Uterque viri sordes, extremamque belli

A) Georgia sita est intra mare nigrum, & Caspium in duas provincias Colchidem, & Iberiam divisa. Nunc Geographis Gurgistan.

B) Quales ex humili magna ad fastigia rerum
Extollit, quoties voluit fortuna jocari. Juv. Satyra III.

belli inscitiam apud iratos, & ad quodvis audendum comparatos criminan-^{A. C.}
tur; seditiosis concionibus dubios, resistentesque extimulant. Post infa-^{1687.}
nos clamores, perpauci primum Præfecti militum, qui vetere vocabulo
Zurba, ^{A)} compellantur, strictis mucronibus Vezirii tentorium circum-
dant. His se adjunxit e numero Spahiorum quidam Mehemetes, tumul-
tum cupidus, promptus lingua, manumque, quive in Asia superioribus an-
nis turbas fovit. Hi commilitonum societate feroces, stipendium sibi, so-
ciisque actutum numerari postulant. Necem minantur Vezirio, si more
suo verba dederit. Consultantibus belli Senatoribus, placuit militaris obse-
quii admoneri priores, nec per ipsum Vezirium, cujus integra auctori-
tas majoribus remediis fervebatur. Mustaphas Janicsarorum Aga vixdum
egressus, exaudito fremitu crebrescentis seditionis, sensit implacabiles exer-
citus iras, reddensque se trepido concilio, oravit universos, subducerent se
quamprimum, atque gravidam cruore tempestatem, a seditiosis impenden-
tem singulorum capitibus, ne opperirentur.

Id ipsum præfagiens animo Vezirius, præparaverat ante navigium
ad fugam. Ergo silenti nocte cum primariis Præfectis, qui consultationi
intererant, ad Danubium festinato progressus, conscenso navigio Belgra-
dum, deinde Nicopolim petit, dato prius prætorianis mandato, ut Savi
pontes sine mora dejicerent, ne videlicet seditiosi fugientem terra persequi
possent. Reliquum itineris tribus duntaxat comitibus stipatus (nam cæte-
ros Belgrado ad exercitum remisit) Adrianopolim equo perfecit. Habebat
Vezirius veterem, fidumque sibi amicum, cui nomen Regepo, Caimaca-
nis munere fungentem. Huic sinistram prælium, exercitus seditionem, suam
fugam dedecore plenam aperuit, petiitque, preces ut suas apud Mahome-
tem interponat, ne adversa fortuna, tantaque calamitas pro more in cri-
men vertat. Regepus seu frigide egerit patroni causam, principem præfe-
cturam ambiens, seu frustra rogarit Imperatorem, tot malis exacerbatus,
paulo post feralem magni Domini sententiam misero patefecit: *Solymanus
jam nunc supremi Vezirii dignitate, & muniis omnibus ademptis, aula, &
urbe in perpetuum abstinet; omissa rerum publicarum cura, privatus ob-
scuro in loco agito.*

Rara animi æquabilitate, quod fortis viri est, hoc fulmen excepit.
Tradito sigillo Imperii Effendio; ac lautioris famulorum numero dimisso,
amicos suos, qui perpauci aderant, supremum visurus arte complexus, ad
Bosphorum Thracium abcessit. Hic in amœniore horto inter densas cu-
pressos, queis Turcæ Majorum sepulchra ornare consueverant, suprema fa-
ta animoolvebat. Interea seditiosi cognita fuga Vezirii, & Dunewaldi in
Sclavoniam irruptione, collatis inter se capitibus, Sciausium supremum ar-
morum Præfectum, seu Seraskerium creant, Jeghenum huic proximum mi-
litari honore jubent, partitque non sine delectu fortium virorum belli mu-
nia, conclamatis propere valis, ac signis motis, Constantinopolim profi-
ciscuntur. Hæc universi exercitus manifesta seditio, Byzantinos suarum for-
tunarum direptionem veritos, & stragem civium, quam maximo terrore
concussit. Fervebat Divanum dies, noctesque consultationibus, audiebanturque
consilia plerumque, quorum tempus, & opportunitas elapsum fuit;
quodve in ejusmodi rebus accidit, multi multa suasērunt, periculum pauci
sumpsere. Nihil est visum Mahometi ad sedandos tumultus promptius, at-
que si Sciausius, princeps rebellionis, oblata Vezirii dignitate ad obsequium
traduceretur.

Honoris insignia Seliſtar Aga detulit cum literis, quibus, ne tum
quidem immemor dignitatis suæ, admonuit Imperator novum Vezirium,
ut exercitum Belgradi contineat, Albæ Regali, & Agriæ (nondum se urbs
istâ dederat) quamprimum annonam, militem submittat. Jam exercitus
nullo satis consilio minitabundus Adrianopolim pervenit; trepidis circa ur-
bibus,

^{A)} Zurba genus militum ab origine Turcarum institutum; at temporis lapsu neglectum, a Soly-
mano I. rursus pristinum vigorem accepit. Sic Porta Ottom. pag. 430.

A. C. bibus, suspensisque, in quam videlicet partem ea tempestas incubitura sit. 1687. Recenti honore ferox Vezirius, vetuit ultra militem progredi, iussitque prope Adrianopolim castra fieri, veritus opinor, ne irritati milites, non populo, non Purpuratis, ne Moscheis quidem consulerent. Nam de exauthorando Mahomete alioquin consilia agitavit. Sed nuper precario imperantis autoritas vilior erat, quam ut oblitos militaris disciplinæ a cœpto itinere revocare posset. Regepus Caimacanes percepto legionum adventu, autor est Mahometi, ut integra maiestate, vitæque, publico abstineat; aula Imperii arce deserta, quo tutior tantisper lateat, in novum Seragium se conferat, dum miles posita pervicacia, obsequio Principem agnoscat. Hac super re infinitæ delibera- nes susceptæ nullo exitu. Auxit curas, timoresque Kislar Aga Eunuchorum præcipuus, insimulato prodicionis Regepo, cuius nullum indicium deprehenderat. Præceps ad deteriora credenda Mahometes, Bostangi A) Bassæ, sive Olitorum Præfecto mandat, ut citra tumultum vinctum Regepum in aulam asportet. Iste latentis periculi ignarus, domi suæ, quantum per publicas calamitates licuit, hilarior agebat. Intellecto Mahometis imperio, nihil in speciem reluctatus, orat apparitores, concederent sibi potestatem, arcana tabularia ex interiore ædium parte depro-mendi, quæ plurimum facerent ad Mahometis, & Imperii salutem. Fraus omnis abesse videbatur, ita verba, vultumque finxerat. Facta potestate, ingressus conclave, per occultum exitum secelerrime proripit, consensuque, qui ad fugam, aut alios casus præsto erat, sonipede, effuso cursu Byzantio excedit, ubique magno clamore cives admonens: *occluderent quamprimum officinas, ni rebus omnibus everti vellent; agi enim de novo Imperatore deligendo.* Ad eam vocem, mercatores inprimis communem populationem metuentes, sese certatim occludere, ac firmare domorum aditus; expedire tela, servitia armare, pro fortunis animos ad certamen præparare; urbs denique universa, metu alioquin diu suspensa, dissonos clamores edere, veluti insensibilis hostis præ foribus esset. Sub hoc tumultu elapsus, cum neminem vestigiis hærentem videret, mutata veste pastorem induit. Sed gliscente exploratorum numero, paucis post diebus e latebris protractus, Constantinopolim abripitur. Infesto sermone, vultuque exceptus, in palatio Mahometis, honoris, an securitatis causa? catenis oneratur.

Apud exercitum post turbas, cædes fiebant. Seliçtar Aga, per quem Sciausio Vezirii insignia transmissa, ægre vitam obtinuit. Deftendar, Kihaja, alique Præfecti, Solymano Vezirio fortuna, aut intima familiaritate conjuncti, per ludibrium frustatim concisi. Horum cæde Byzantii vulgata, enimvero exhorruit Imperator, non ignarus, hoc malum vetere de more in aulam usque serpere, & non nisi ingenti Reipub. mutatione, aut Imperatoris sanguine, sisti posse. Kislar Aga, præcipuum aulæ instrumentum, & cuius fidei plurimum tribuebatur, facile persuasit Mahometi, ut Solymano cæso, quasi publici odii victima, militem placare nitatur. Sine mora immisso percussore sub umbra cupressi sternitur. Caput a cervicibus revulsum, per Hajaki Agam B) ad Sciausium missum est. Hic exitus Solymani Vezirii fuit, militiæ, domique, si postremos vitæ annos demas, clarissimi viri. Nemo Ducum felicior bello. Acer consilio, manu promptus, unus omnium iudicio par habebatur instaurando Imperio. Vezirius renunciatus nihil feliciter in Hungaria gessit, ut adeo quantum dignitate superior, tantum adversis casibus notior orbi fuerit.

Cum primoribus Ducum consultabat Sciausius, dum Hajaki Aga in castra pervenit. Protinus in tabernaculum introductus, caput Solymani, Mahometis nomine porrexit. Confuderat oris exanguis notas nimius pal-lor, noscebatur tamen in tanta deformitate. Sciausius seu invidiam con-fla-
re

A) Bostangi Bassa, supremus Olitorum Præfectus, magni nominis in aula Imperatoria. Facile bis mille viros sua sub potestate habet, quibus hortos Imperatorios colendos pro suo imperio attribuit. B) Hajaki genus Olitorum; raro tamen culturæ manus commodant, sed nuncios magni Domini, uti Chiausii agunt. Ricautius pag. 21.

re vellet Mahometi, quasi sponte properata nece, multorum criminum re-A. C.
um interemisset, seu in tam calamitoso infortunio insigne mutationis rerum 1687.
humanarum exemplum legeret, a tristi spectaculo oculos avertit. Præsen-
tes adulandi studio corrupti, cæde inimici, & æmuli palam lætari jus, fas-
que crediderunt. Non inde placabilior miles, Byzantium infestis signis pro-
peravit, nova factiōne Kiuperlis (filius hic erat Junioris Kiuperlis, patre ni-
hil inferior, & cum Sciaulio affinitate adstrictus) ad iter accelerandum in-
vitatus, quem nuper suo malo Mahometes Caimacanis præfectura insignivit.
Cum enim is intelligeret omnium fere animos a Mahomete aversos, pleros-
que Purpuratorum cum exercitu in hujus exitium conspirasse, venit in opi-
nionem: civilis belli opprimendi rationem aliam superesse nullam, nisi exau-
thorato Mahomete.

Plenum periculi facinus, ut quam minima cæde Purpuratorum con-
ficeretur, Sciausium, & Jeghenum occultis nunciis hortatur: ad Byzantium
castra figant, militum suffragiis consilium Imperio saluberrimum maturent.
Mustium quoque, Effendium, Cadileskeros, A) aliosque cum autoritate,
tum opibus florentes suam in opinionem adducit. Tanti moliminis nequam
suspicionem præberet, aut rem ipsam proderent conjurati, ut vulgo levissi-
mi animi habentur Turcæ, nusquam a latere Imperatoris recedit, consulta-
tionibus tempus trahit, amica præfert omnia. Interim quoties sine arbitris
erat, Eunuchorum, & Olitorum Præfectos, quos desperaverat suas in par-
tes pertrahi posse, modo avaritiæ, interdum etiam defectionis arguit, Ma-
hometes credulus non minus, quam trepidus inter eas turbas, utrumque
munere privatum carceri mancipat. Eodem infortunio Seimenes, Musur
Bassa, pluresque integra fide erga Imperatorem corripuntur. Regepum,
quo nemo Ottomanorum fidelior, inconsulta fuga supplicio addixit, Musti-
us provectæ ætatis vir, belli Hungarici dissuasor, veneno, minore invidia
necatur. Tot fidissimis ministris aula ejectis, aut festinata morte sublatis,
conspiratos in amicitiam, in Imperii curas imprudens admisit, sibi que ipsi
viam ad interitum stravit.

Sed nihil æque sollicitum Mahometem reddebat per eos dies, ac So-
lymanus frater, quadraginta annos carcere detentus, tum primum agnitus
Imperii æmulus. Hujus retinendi cupiditate in cædem præceps, arrepto
ferro provolat e palatio, jugulaturus miserum. Cohibuit furem præto-
rianorum cohors, & Kiuperlis amica fronte differens: *nihil profici occiso
uno invalido, ac ærumnis prope enecto. Placatis jam legionibus, neminem
præcepturum Imperium.* Cessit propere monenti, ne Mahomete invito vi-
vere Solymanus vulgaretur; argumentum utique imminutæ potentiae, & in
urbe rumorum avida consenescentis autoritatis periculosa materies. Fracto
furore, nobiles captivos sponte sua non liberos modo e custodia dimisit, sed
& dignitate auxit, seu malo dolo delatos senserit, seu mitem in speciem ani-
mum apud Byzantinos commendare vellet, quo populi favorem in se ag-
cenderet. Olitorum Præfectus, Mitilenes Gubernator nominatur: Seime-
nes Macedoniæ præficitur. Musur Bassa in Cretæ insula, illustri præfectu-
ræ admovetur. Kislarem Agam fortuna destituit. Namque vinculis solu-
tus, ac Memphim, quo opes suas olim præmiserat, navigare permissus,
procelloso mari in portum Scutaris compellitur, & paulo post, ut multo-
rum odia malis artibus sibi conflavit, elisis faucibus jugulatur, ingenti gra-
tulatione Purpuratorum. Hæc in civitate discordi, & ob crebras mutatio-
nes Præfectorum, inter metum, & spem incerta, magnis motibus ageban-
tur.

Secundum has turbas adfuit Sciausius cum exercitu, propeque urbem
metatus, & Mahometis, & Byzantinorum studia in se avocavit. Sed neque
sui, neque militum satis potens erat, Ducem magis raptantium, quam se-

A) Kadileskeri sunt Judices militum. Tres toto Imperio Turcico, hoc munere funguntur. Unus
in Europa, alter in Asia, tertius in Africa. Postremus primas tenet, Memphique domicilium
habet. Leunclavius c. 39.

A. C.quentium. In exauthorando tamen Mahomete mire concordēs. Exercitus
1687. nomine, ad Caimacanem Kiuperlem legantur Janicsarorum Aga, & Mahometes Spahiorum Duſtor, qui omnium poſtulata edant. Primum erat: Mahometem Imperatoria dignitate ſine mora exuendum; alterum: ejus fratrem Solymanum ea decorandum. Kiuperlis collaudatis militum æquiſſimis poſtulis, ſuam operam prompte addicit; ſimul orat, ac monet, ne in diſcordiam acti improborum conſiliis, arma adverſus hoſtes Ottomanici nominis tradita, cruore civium ſœdent, nervos ipſi ſuos incidant. Plus cladiſ uno die accipi poſſe ad Byzantium, quam ſuperioribus annis in Hungaria, & Peloponneſo. Dimiſſis cum honore Legatis, octava Novembris, prima luce, præcipuos aulæ miniſtros evocat in principem urbis Moſcheam, ubi novo Muſſtio præeunte verba, conjurationem ſacramento ſanciunt. In hunc modum animati, alacresque ad palatium recta progreſſi, in Solymani carcerem perrumpunt. Ille, quid ageretur ignarus, ad inſolitum tumultum ſupremas curas animo cœpit volvere, nihil ambigens, fratris in ſe charitatem, temporum diuturnitate victam. At Purpurati læta vociferatione eum Imperatorem, magnum Dominum Ottomanorum, more gentis proclamare, ſua in eum ſtudia, ſuam fidem meditatiſ verbis teſtari, & jam tum navatæ operæ præmia poſcere. Tot illuſtrium virorum teſtimonio eadem aſſerentium confirmatus, ab ultima trepidatione animum recepit. Cura deinde Purpuratorum fuit, Mahometem exauthoratum ita omni præſidio exuere, ut ſi maxime vellet, vindictæ locum in poſterum reperiret nullum; in cædem etiam conſenſuri, ſi innueret Solymanus. Rogatus, quid fratre fieri vellet? eodem, quem ipſe quadraginta annos habitaverat, carcere mulctandum repoſuit; pacato animo, voce, & vultu, avidoſ, minaceſque Purpuratos temperans. A)

Dum hæc in altera ædium parte aguntur, Mahometes in ſuo palatio potionem e fabis Arabicis conſectam ſorbebat. Clamore, & libertate Solymani per aulam vulgata, dilapſis prætorianis, & inſimis etiam ſervitiorum, fraude Kiuperlis ſe circumductum, & amicis ad unum omnibus exutum animadvertit. Tum miſer ſuam credulitatem damnare, ſuam ſortem ſeris lacrymis deſſere, ac verſa mente furere. Kiſlar Aga, & Olitorum Præſectus palatium ingreſſi, triſte decretum proferunt. *Mahometem Turcarum principatu jure excidiſſe. Militum, Purpuratorum votis Solymanum novum Imperatorem delectum. Proinde proſperis, & adverſis ſatiatus, cederet neceſſitati, & clementia fratris reliquum vitæ in vinculis agat.* Hac dira denunciatione, velut fulmine afflatus, hæſit attonitus. B) Erant illi duo filii ætate florentes Muſtaphas, & Achmetes; ille viceſimum, hic quartum decimum annum nondum egreſſi, meliore fortuna, patreque digni; & conjux Kaſachis, ex inſula Creta Sacerdotis Græci filia, ingenii non minus, ac corporis venuſtate celebrata. Horum cura, miſerationeque obrutus, oravit, ut vivere permiſſi, eodem ſecum carcere concluderentur; voce, lacrymis miſericordiam ciens, largus promiſſis, &, quæ natura trepidantium eſt, immodicus. Muſtapham exporrectæ indolis principem, ærumnarum ſocium, non item levamen, quod ſperabat, impetravit. Ferunt enim in ipſo limine carceris a Muſtapha patrem multo convicio laceratum fuiſſe, quod ſua ignavia hanc ſibi, ſuiſque calamitatem accerſiverit; quam ille & adoleſcentis, & filii immodicam libertatem nunquam concoxit. Achmetes a patris amplexu avulſus, traductus eſt in carcerem; quo Solymani frater Achmetes detinebatur. Kaſachis mariti ruina oppreſſa, ingenio ſuo fortunam reparavit, caputque altius extulit, cum Muſtapham filium, Imperii moderatorem, ſeque in partem curarum adſcitam læta conſpexit. Sed hæc

A) Pulchre L. Æmilii Paulus, moderati vir animi apud T. Livium Parav. Lib. XLV. §. VIII. capto potentiffimo Macedoniæ Rege Perſeo, circumſtantes admonuit: „ Exemplum inſigne cernitis mutationis rerum humanarum. - Ideo in ſecundis rebus nihil in quemquam ſuperbe, ac violenter conſulere decet, nec præſenti credere fortunæ, cum quid veſper ferat, incertum ſit. Is demum vir erit, cujus animum nec proſpera ſtatu ſuo efferet, nec adverſa inſinget. „ B) In ſervitutem cadere de regno, grave eſt. Sen. Theb. A. 1.

hæc suo loco dabimus. A) Nunc bellum Venetum, ac aliarum gentium B) A. C. sub Mahomete IV. Imperatore ortum narremus. 1687.

Post bellum Cretenſe c) majoribus odiis, quam viribus geſtum, quippe in quintum, & vicetiſimum annum pertinaciter extractum, tranquilla pace gens utraque fruebatur decem, & amplius annis; eamque omni mercium genere nunc Venetias, nunc Conſtantinopolim, nunc in Aſiæ urbes aperto mari deportato, intensiore cura fovebat. Ita uterque populus mercaturæ addictus, damna plurium annorum reſarcire, viresque reparare feſtinavit, non IGNARUS inveterata odia nunquam extingui penitus, & eruptura in ferale bellum, ſi circa ſint, qui ea inflammant, alantque. Et Morlachi quidem in Dalmatia juris Veneti, quos pax a Cretenſi bello in ordinem, & anguſtos limites redegit, Venetos in arma concitare nitebantur; tum anno milleſimo ſexcenteſimo octogeſimo ſecundo, irritati vehementer, quod Cuſaines Begus Zemonicum d) arcem per leges concordie dirutam, vi inſtauraret, ac coloniam ſua authoritate in eum agrum deduceret, Begum cum viginti nobilioribus Turcis, & ducentis quinquaginta colonis interficiunt. Morlachorum hoc factum ægerrime tulit Reſpublica. At Conſtantinopoli tanta miniſtrorum oborta eſt indignatio, ut omnes cenſuerint, graviffimam injuriam Ottomanicæ genti illatam igne, & ferro vindicandam, exſcindendosque radicitus prædones, juris humani, divinique oblitos. Kara-Muſtapha bellum Hungaricum animo volvens, avide Morlachorum facinus arripuit, Oratorique Veneto minacibus verbis ſignificavit, ni grandi ære ſatiſfiat Turciæ, rupta jam pace, Dalmatiam bello aſſuram. Veneti, ne ſibi hoſtem concirent Vezirium, ſumma moderatione frangendum, omnibusque officiis avocandum ab extremis putarunt. Mittitur Byzantium Laurentius Donatus Dalmatiæ Præſectus, qui cum Oratore exulceratos demulceat, litem componat. Anxia iſtorum concurſatio Vezirii ſpiritus adeo intendit, ut Oratorem immanem pecuniæ ſummam deprecari auſum, in carcerem ſeptem turrium abripi juſſerit. Poſt multa tædia, ducentis millibus imperialium tranſactum eſt, e quibus quinque, & viginti millia Vezirio ceſſere, reliquum pecuniæ Quæſtoribus Mahometis attributum.

Puſſo, fugatoque ad Viennam Turca, e) Morlachi aliena felicitate animati, continuo ad arma proſiliunt. Ampliſſimam regionem Jaderam inter, & Duaram jacentem, ac multis arcibus deſenſam, ſed ea tempeſtate præſidio nudatis, nullo labore occupant. Uranam, Obrovazam, Scardonam, valida munimenta, inducitur milite, reque cibaria aliquot menſibus ſuſſectura ſedulo firmant. Haud facile dictum eſt, quantum Ottomanorum præſidiis metum, & Mahometi de Dalmatia ſolicitato, Morlachorum improviſa tempeſtas curas intenderit. Auxit vero terrorem Duara, excitatis circum turribus præmunitionem caſtellum, a Spalatri, Cliffæque militibus, levi impendio ſubactum. f) Ingens ſolicitudo Venetos habuit, ut ne fortassis Leopoldus Imperator, & Joannes Rex Poloniæ, nobiliſſima contenti victoria, pacem amplecterentur, atque unis Venetis Morlachorum cauſa, graviffima belli moles in poſterum incumberet. Fœderatorum voluntate explorata, cum intelligeret Reſpub. & Imperatorem, & Regem ſummis viribus velle perſequi bellum adverſus fœderis violatores, non una Patrum ſententia erat. Michael Foſcarinus, & Aloyſius Juſtinianus pacis artibus clariores, quam belli, magnopere contenderunt in Senatu: *ne feſtinarent decernere, quo decreto florentis Reipubl. ditiones novo bello illigaturi eſſent.* **CONSILIA raptim præcipitata raro corrigi, nunquam in integrum reſtitui poſſe.**

Imp. Ottom. Tom. II.

Li 2

ſe.

a) Nempe ad annum 1695. quo hic Muſtaphas Imperium moderari cœpit. b) Nempe Polonorum, & Moſchorum. Nam Dalmaticum bellum Venetorum viribus eſt geſtum. Perſia vero his annis maxima fortuna Turcarum quievit; fruſtra adhortante Regem Perſarum Joanne Sobieſzkio Poloniæ Rege, ut arma capeſſat in veterem hoſtem. Vide Joan. Chriſt. Lünig I literas Proceſſuum Europæ P. III, pag. 17. c) Ita viſum eſt nominare bellum, quod pacē compoſitum eſt anno 1671. d) Zemonicum, aliis Xemonicum arx rupi præcelſæ impoſita haud procul Jadera, ſive Zara, Dalmatiæ urbe. e) Anno 1683. f) Michael Foſcarinus rerum Venetarum Scriptor Lib. IV.

A. C. se. Aiebant: *vulnera vixdum coalita, quæ proximo bello sane non levia Venetis inflicta, nunc rursus, ni pacem præferant, rumpenda, cum nova ætate provinciarum, urbium, quas in Asia, Peloponneso, Dalmatia, favore potius Turcarum, quam armis suis obtinent. Cives omni ære, omni mercatura interverti, occlusis Asiæ litoribus. UT commercia securitate aluntur, sic terrore armorum pessumdari. Nec fœderibus Principum tantum tribuendum, quantum prima fronte pollicentur. Sanciuntur ea propria cujusvis utilitate, & hujus causa abrumpuntur. Non leve documentum Cretensi bello experti sumus. SCILICET nec ira, nec amicitia inter mortales æterna est. At ultro inferentur nobis arma, Morlachorum temeritate provocata? sæpenumero isti Turcicum agrum infesti urebant, nunquam tamen quod sciamus, ejusmodi latrocinia justo bello punita sunt. Paucorum supplicio omnis ira deflagravit. Neque nunc gravius malum Reipublicæ pertimescendum.*

Verum Petro Valerio, Friderico Marcello, & majori parti Senatorum, bellum præplacuit, inclinatisque in arma omnium jam animis, ac creato Reipub. Duce Antonio Justiniano, maxima gratulatione Christiani orbis fœdus contra barbaros percussus est anno MDCLXXXIV. Illico apparandæ classis Venetiis insudatur. Quatuor, & viginti bellicis, militum, machinarum præsidio instructis, octo, & viginti triremes, & longiores naves adduntur. Suprema classis præfectura Francisco Morosino, primæ inter Venetos authoritatis, victoriisque maritimis claro, omnium suffragiis traditur. Huic proximi erant imperio Jacobus Cornarus, & Alexander Molinus; ille longiorum navium, hic bellicarum Præfectus. Præter hos e flore Nobilitatis Venetæ illustres viri veluti Legati classis delecti sunt: Petrus Basadonus, Marcus Pisanus, Joannes Morosinus, quorum opera in re navali Franciscus Morosinus, prudens ipse, & consiliantibus paratus, uti posset. Georgius Emus, Curatoris a) cibariæ rei, ac navalis apparatus nomen, & munus obtinuit, in quo homine infinitam industriam, & fidem præclare conjuncta cerneret. Imperium terrestrium copiarum Comiti Nicolao Strasoldo, multorum stipendiorum militi, & Duci in Hungaria commendatum fuit. Dalmatiam autem, sedem fere perpetuam armorum, eoque cladibus suis, quam opibus clariorem, Aloysius Paigvaligus, & Dominicus Mocenicus administrandam acceperunt. Huc legionarii cum multa annona missi. His celeriter constitutis Joannes Capellus, Donato b) ab epistolis, arcanisque, Byzantio revocatur, justus belli causas edere. Palmaris illa: *Turcas per fraudem postremam pacificationem confecisse, atque Venetis fertilissimum agrum in Dalmatia eripuisse.* Maioris momenti aliæ erant. *A piratis, impulsione haud dubie Ottomanorum, Venetas naves, Asiaticis onustas mercibus captas, inque portus, insulas Turcici juris abductas, ac vectores in miseram servitutem abreptos. Mathæum Quirinum, militari munere conspicuum e Cythera insula redeuntem, cum omni famulitio ad Aulonem c) interceptum, atque Algerii d) instar vilissimi mancipii hæstæ subiectum venisse. Oratores Morosinum, Donatum infra dignitatem habitos, multo ære ministrorum avaritia emunctos. Vezirium arma minatum Reipub. & prope denunciassent, nisi cuncta ex ejus arbitrio agantur. His timoribus, indignitatibus Rempub. se velle semel liberare, ne perpetuo iis vexetur.*

Præceps, ac clandestinus Capelli discessus, Byzantinos atrociter perculit, veluti jam ad fauces Hellepontis inimicas raves volitare conspicerent. A re maritima male comparati erant, sive post Cretensē bellum nihil sibi metuerent a Venetis, sive sumptuum parciores, unice terrestres expeditiones curarent, sive Africanæ classis fiducia negligentiores. Unde cum perpaucae naves in portibus essent, jussu Vezirii decem bellicæ, totidem triremes fabricari sunt coeptæ. Lente admodum opus processit, quod vigor animorum

a) Vulgo Commissarius Generalis. b) A quo nuper pecunia extorta. c) Cythera, nunc Cerigo, intra Peloponnesum, & Cretam insula. d) Quid de Algerio singulare, paucis exposui Tom. I. pag. 134. ad principium anni 1534. nam tædet eandem cramben repetere; quod & de aliis urbibus, & provinciis velim intelligas, quarum situm, positionem, aut celebritatem per decursum Historiæ jam explanavimus.

morum tot cladibus auditis obtorpuerit, timerentque maritimum bellum, A. C. quo per avaritiam, ambitionemque Vezirii implicatos se videbant. In Afri-1687. cam nuncii expediti ad Begum^{a)} ut quantum numerum navium possent, contrahant, ac in tempore classi Ottomanicæ semet conjungant. Quidquid navigiorum variis in insulis repertum, partim ad custodiendas Hellepontæ angustias, priore bello multum infestatas, partim Cretæ insulæ præsidio est missum. Triremes ad Byzantium hæserunt, dum ex Africa auxiliares naves advenirent. Ut primum tempus navigabile mare præbuit, Morosinus Architalassus classem triginta aliquot navium variæ formæ, in portum Corcyræ advertit, quo jam Melitenses, Pontificiæ, Magni Ducis Hetururiæ naves convenerant. Visum est urbem S. Mauræ, b) quam veteres Leucadem dixere, aggredi. Spem capiendi præcipui piratarum receptaculi faciebant Græcæ religionis homines, quibuscum Hieronymus Cornarus, rei maritimæ Curator, aut si mavis, classis Prætor, colluserat. Sed omnis machinatio per exploratores ad urbis Præfectum delata evanuit; Græcis, quive pro Venetis audacius, quam cautius loquebantur, in custodiam datis. Morosinus propemodum insulam tenens, cum detectæ conspirationis indicium foras evolaret, continuo portum Corcyræ repetiit, non sine periculo naufragii.

Hic recessus segniores effecit Turcas, ac perdidit. Existimarunt enim, Venetos ad aliam urbem impugnandam vela, & consilia flexisse; unde metu soluti, portuum custodias laxaverant. Paucis post diebus Morosinus, improvise classem quadraginta navium insulæ applicuit, nulloque repugnante castra fixit ad S. Mauræ. Sub signis Venetis sex millia peditum, centum quinquaginta equites censebantur. Melitensium aderant mille armati, quos inter nobiliores Equites centum numerabantur. Pontificii tercentum, Florentini sexcentos efficiebant. His opportune accessere tria millia quingenti e Cephaleniæ incolis, qui sponte arma induerunt, ad quotidianas injurias (nam istorum insulam assiduo incurſarunt Leucadii) vindicandas. Urbs terra, & mari, acri potius, quam diutina verberatione concussa, paucorum dierum intervallo, deditionem sexta Augusti obtulit. Excessere præſidarii sexcenti, & tria millia oppidanorum cum omnibus fortunis; relictis centum, viginti quinque tormentis, & non modica vi pulveris, frumenti. Christiani nominis captivi, plerique e Neapolitano regno, triginta supra centum libertati restituti, victoriam dulciorem reddidere. Nec pervicacius urbs Nicopolis, c) seu Preveſa, apud Actium sita, obstitit. Comes Straſoldus depopulatus finitimum agrum, ingenti præda ad classem deportata, mirum quantum terroris illius provinciæ populo incusserit. Nicopolim impetiturum iri nemo dubitaverat; jamque duo millia quingenti pedites, equitesque ad eam tuendam convolaverant, portumque, ac litora stationariis seſperant, exſcensione prohibitori Venetos.

Morosinus eorum conatum astu eluſit. Aliquot navigia in conspectu urbis milite armat, fingit aggreſſionem ubi crebriores stationarii litus tenebant, omnia ſolicite ad vim apertam comparat, oculos deſenſorum in se unum rapit. Interim undenæ longiores, juſſæ obliquo curſu pertentare partem ab hoſtium conſpectu remotam, adeo ſecundo vento urbem acceſſere, ut prius intra tormentorum icſtus ſteterint, quam Turcæ ſentirent. Pro capta ſtatione certamen exarſit. At Morosino arma inferente, Turcæ propinquitate urbis invitati, omiſſa ſubito pugna muros præ campo elegerunt. Neque pro his fortius dimicarunt. Nam vallo exuti, eſſi mænia firmiſſimi operis quinquaginta tormentis pulſata, vitium feciſſent nullum, & tolerandæ obſidioni paratus neceſſarios haberent, tamen deſperata externa ope,

I i 3

aut

a) Videlicet ad Tripolitenum, Tunetanum, & Algerienſem, quos Regulos, Principes, Hiſtorici paſſim appellant. b) S. Maura peninſula, & urbs hujus nominis in mari Jonio. c) Nicopolis, hodie Preveſa, apud promontorium Actii ab Octavio Cæſare Auguſto poſita, navali prælio Antonio & Cleopatra deviſtis. Unde ludi Actiaci, quos Cæſar Caligula, Auguſti infeſtator, celebrari vetuit. Vide C. Sueronium Tranquillum Lib. IV. §. 23. Eundem locum nebulitavit inſigni victoria Joannes Auſtriacus. Evolve ſes illius geſtas Tom. I. pag. 204.

A. Caut in sociis victi, iisdem conditionibus, quibus Leucadii, urbem dediderunt. 1687. Bis mille præfidiariis, & mille quingentis civibus venia facta est, rebus suis compositis, cum uxoribus, liberis quoque liberet, demigrandi. His sat prospere actis, sociorum naves domum abierunt. Morosinus postquam e vicinis insulis plurimas Græcæ nationis familias ad fertilissimum Leucadis agrum abduxisset, autumnis ventis, & pluvia tempestate fœdo, Corcyram renavigavit.

Dum Leucas, & Nicopolis Venetis subduntur, Alexander Molinus, & Daniel Delphinus cum parte navigiorum mare Ægæum infestum reddiderunt. Princeps istorum cura, annonarias Turcarum naves ex Ægypto, aliisque frumentariis provinciis venientes navigatione arcere, aut in alto deprehensas oppugnare, insulas minus munitas subita incurusione terrere, incendiis, sui terrorem late spargere. Caritatem annonæ senserunt Byzantini, quorum frumentum ad exercitus deportatum fuit. Plebs alioquin irritata, perpulit classis Præfectum, ut tandem excusso torpore e portu solvat, ac frumentariis viam præmuniat. Ille cum triginta triremibus non admodum validis per fauces Hellesponti erumpens, insulis Tenedo, Chio, Mitilene novum præsidium injicit, Cretensibus quatuor bellicas auxilio mittit. Tum maritima oppida, insulas defensionis incommodas sævum in modum depopulatur, frumentum, cui in herba pepercerant Veneti, demeti, ac Constantinopolim ad sedandam plebem expediri jubet, tristibus ubique vestigiis itinera signat. Veneta adverso vento diu conflictata in anchoris hæsit. Simul ac tempestas remisit, Chium, quo se Turcica classis abdiderat, Molinus oppugnatum venit. Hic rursum fortuna Ottomanis favit. Nam reflante vento, in altum rejectus Molinus, frustra e longinquo hostium navigia majoribus machinis impetiit, ac non post multo Hellespontum ausa repetere, dum plenis velis insequitur, exasperato fluctibus mari duas bellicas amisit.

In Dalmatia hoc anno plus concursationis, quam belli fuit. Revocato Mocenico, cujus lentitudinem in administrando bello summi, & infimi Venetiis fugillabant, Petrus Valerius successit, spe civium, suisque promissis multo inferior. Consilium huic erat, ab aggressionis nobilis præsidii exordiri, omnemque sollicitudinem eo conferebat, ut felix armorum principium haberet; non ignarus a PRIMA expeditione Ducis æstimationem pendere. Sex millibus Morlachorum præter opinionem in castra confluentibus, victoriæ jam securus cuicunque demum loco copias admooveret, munitissimum Dalmatiæ præsidium Sfingam ^{a)} oppugnandum sumplit. Assidet Sfinga fluvio Cetinæ, quinque, & decem leucis Clissa distita, præcellis cautibus circumdata, & tum præfidiario milite, omnique paratus copia instructa. Morlachi pertæsi, ut aiebant, ignobile otium, nihilque profuturas moras, desertis castris ad diripienda oppida discedunt. Id conspicati Turcæ, in Venetos, sociorum discessu proditos, impetum faciunt, atque obsidione depellunt. Plus tamen dedecoris, quam cladis illatum. Nihilofractor Valerius, Castrum novum ad Catarensem sinum prævalidam urbem, & arce obfirmatam, cum suis legionibus circumfidet, Morlachis castrorum tædia studiose vitantibus. Sed cum nihil cederet e sententia, desperato successu Narentam petiit. Hic vallo firmissimi operis ducto, adversus Turcarum procuriones in Venetum agrum, expeditionem non sane quæstuosam absolvit. Anno insequenti ^{b)} rursum fortuna ad Sfingam, veterem scopulum, adhæsit. Clauferat eam mense Martio Valerius cum Venetis, & Morlachis. Bosniæ Præfectus in Hungariam proficisci iussus, ad famam obsessi præsidii exercitum suum in Dalmatiam duxit. Morlachi, ne Venetos, prælii, & spoliis socios haberent, confusis ordinibus Cetinam flumen transgressi, acrius primo impetu, quam perseverantius, Turcam militiæ veterem undique invadunt. E vestigio pulsi, dum annum maxima trepi-

^{a)} Sfinga, aliter Sing, & Scin, munimentum validissimum Dalmatiæ ob cornutum opus, & asperimas cautes, quibus cingitur. ^{b)} Anno 1685.

trepidatione superant, Venetos una confusis clamoribus percellunt, ac jam A. C. hoste recedentium tergo instante, in apertam fugam abripiunt. Præter ter 1687. centum Venetos, machinæ ad unam omnes, cum castrensi penu obvenere ludibundo victori, qui non tam ad prælium, quam prædam venit. Multi e primariis militum Ductoribus, generosam necem fugæ præferentes, in castris pugnam ausi, pulchris vulneribus ceciderunt.

Fuit eo tristior hæc strages, quod nulla jactura debilitati hostes, ad cæterum Dalmatiæ bellum lacertos integros, nihilque debilitatas vires afferre sint visi. Verum ad Tragurium urbem, cui Bosniæ Præfectus post recentem victoriam excidium minabatur, male mulctati, in obsidione dein Duaræ non absimilem calamitatem jacturæ Venetorum experti sunt. Circumvallarat Duaram, quam Augustinus Tartaglia defendendam sumpsit, idem Bosniæ Præfectus; Hungariam, quo arcescebatur suis cum copiis, calide declinans. Aquæ penuria increbescente, prope erat, ut urbs perutilis magis, quam munita, hosti dederetur. Valerius Duaram quidem accurrit, at veritus ne Morlachi cœpto certamine aut fugam caperent, aut spoliis unice intenti Venetos destituerent, consultando tempus trivit. Josephus Ufius Tartagliæ, amici sui, periculo commotus, e cohortibus Morlachorum sexcentos deligit, oneratosque ingentibus promissis, per ignotas calles ad infestandas Turcarum stationes rapit. Pauci pabulatores, & stationarii extra castrorum ambitum, territi Morlachorum adventu, ingenti tumultu cum in castra trepide se recepissent, haud paulo ibi plus, quam quod secum ipsi attulerant, terroris fecerunt. Pauci armati, major pars inermes, qua cuique via fugiendi tutissima videbatur, e castris semet ejiunt. Raro alias majori hostium ignavia castra amissa. Sic Duara obsidione exempta est, & Morlachi ingentibus spoliis potiti. Vallum subinde ad amnem Narentam immenso labore perductum est a Venetis, quo velut extimo progugnaculo, oppida Veneti juris in tuto ponerentur. A) Nec aliud memoratu dignum in Dalmatia hoc anno MDCLXXXV. gestum, Bosniæ Præfecto severo imperio in Hungariam accito, & Valerio in ordinem redacto. Inter hunc, & Marinum Michielium Generalem (ut vocamus) Commissarium, perquam atrox discordia exarsit. Respub. ne publica odia privata clade, quod vulgo apud Duces discordia flagrantis fieri amat, alerent, utrumque exauthoravit; in eorum locum Hieronymo Cornaro, & Antonio Molino successis. B)

Meliore successu Venetorum Franciscus Morosinus in Peloponneso (hic potissimum sedes armorum erat) bellum gubernavit. Cimariotæ, & Mainotæ; c) illi Epiri, hi Peloponnesi veteres coloni, initium fecere. Cimariotæ, montanus populus, confragosa, præruptaque loca Epiri habitant, & modico ære libertatem quot annis a Turcis redimunt. Hanc divitiis præferunt. Vicinus Præfectus sua magis avaritia, quam Mahometis imperio, pacate agentes, nullique graves, cum duobus millibus armatorum invadit, oppidis excidium, agris vastitatem minatur, ni imperata stipendia quamprimum repræsentent. Illi spatio petito, impetratoque greges pecorum nocturnis horis ad maritima loca depellunt, tum ipsi cum cætera suppellectili secuti, vacuum regionem hosti relinquunt. Morosinus jam antea auxilium rogatus, duas bellicas, totidemque longiores naves in Epirum opportune submisit, omnemque gentem Cimariotarum, in fidem Venetorum accepit, majori utique gloria Reipubl. quam damno Turcarum, qui re infecta sterilem provinciam deseruerunt. Mainotæ rem fortius gesserunt. Gens hæc avitam religionem, & libertatem mira constantia retinet, reliquis Græcis in minori Asia, & Peloponneso, jugo Ottomanorum oppressis. Profundos saltus, horridam, & ad insidias factam regionem incolit, quam facile tuetur adversus quoslibet grandes exercitus. Civili bello, quo

⁂

Græco-

A) Hoc vallum ductum videtur esse anno 1684. a Valerio; biennio post ab ipsis Venetis proutum. B) Foscarinus Lib. V. c) Cimariotæ, sive Chimariotæ ab urbe Chimzra, uti Mainotæ a Maina, olim Leuctrum appellata, dicti.

A. C. Græcorum Imperium in Peloponneso eversum est, omnino abstinuit, dein-
 1687. ceptis domesticis turbis agitata, suas ipsa vires enervavit, ut adeo præter
 originem, & levitatem animi nihil accepisse a Græcis videatur. Rempubl.
 administrat communi consilio; nullum nobilem ferre potest. Post Creten-
 se bellum, tributum nomine aliquid pecuniæ Turcis dependit. Cæterum suis
 legibus vivit, & nostra quoque tempestate Respub. floret. Morosinus in
 Peloponnesum bellum deportaturus, primas curas eo vertendas duxit, ut
 Mainotarum populum Venetorum in partes adducat. Istud missa honorifi-
 ca legatione, facile impetravit a libertatis, & religionis antiquæ perquam
 retinentibus, quanquam subinde a primo ardore multum remiserint, ne-
 que armatam juventutem tanto numero, quanto sponponderant, in castra
 Veneta transtulerint.

Gubernator Peloponnesi Ismael, simul ac Mainotarum cum Venetis
 conspirationem accepit, cum denis millibus saltum ingredi constituit. Mai-
 notæ locorum scientia præsidentes summum jugum, quo Ismaeli iter erat,
 obsident, incauteque altius progressos glandibus, saxis impetunt. Cum
 nullus virtuti locus esset in iis angustiis, & promptissimi quique caderent,
 signo dato receptui per eandem viam retrocessit. Dissimulavit cladem
 Ismael, & quorum corpora domare desperavit, eorum animos blanditiis
 devincire Turciæ contendit. Amicis verbis hortatur, ut salutis, quam fi-
 nium proferendorum sollicitiores, neutras partes sequantur. Spectarent ve-
 lut ex orchestra pacati Venetos, & Turcas pro Peloponneso, pro maris im-
 perio dimicantes: aut si armorum gloria tangantur, sponteque bellum quæ-
 rant, sociarent se Ottomanicis legionibus, & publicæ pacis perturbatores
 ferro, & igne Peloponneso arcerent. Ad hæc pollicetur, Reipubl. religio-
 nis statum minime immutatum iri, si tutissimo alterutro consiliorum, dum
 licet, utantur; secus depulsis mari Venetis, & Peloponneso, Mainotarum
 populum extrema belli incommoda, longa ætate toleraturum; complures
 denique large profusis muneribus ab amicitia Venetorum abduxit. Hisce
 blandimentis, ac terroribus terna fere millia armatorum, tot enim se mis-
 suos liberaliter promiserant, Morosino detraxit Ismael, docuitque, SA-
 PIENTI Duci ex armamentario non sola arma, quibus hostium corpora
 sternantur, depromenda esse, sed & clementiam, liberalitatem, aliasque ar-
 tes vincendi, devinciendique animos sedulo, curateque adhibendas. Mai-
 notarum promissis alacrior Morosinus cum sua, sociorumque classe in Pe-
 loponnesum trajicit, factaque excensione ad sinum Messeniæ. A) Habet
 Corone magna sane contra hostium injurias munimenta. Portum, cui na-
 ves applicantur, tormenta per muros disposita satis tuentur. Urbem vallo,
 mœnibus per se haud invalidam, castellum editiore in loco exædificatum de-
 fendit, istud vero præcella turris saxeæ, antiqui quidem operis, sed una fir-
 mamentum aderat a præsidiario milite, atque exercitu, qui in campo pro
 Coronensibus pervigil, magnopere obturbabat. Vicit tamen Christianorum
 ardor hæc omnia.

Quinta, & vigesima Junii e tribus suggestibus mœnia verberari sunt
 coepta. Fragore tormentorum exciti Turcæ, ad solvendam obsidionem ma-
 gno numero conveniunt, ac Ductore Mustapha juxta castra Venetorum
 metati, divisus in tria agmina copiis, obsidentes pabulatione jam prohibi-
 tos, arctius premere nituntur. Res admodum angusta fuit, ingensque so-
 licitudo Morosinum incessit, ne Turcica classis ad tergum ducta, apertum
 eatenus mare claudat, simulque terra, & mari obsideatur. Sed classis e
 portu Byzantino serius solvit, & Mustaphæ præfervidus ardor pugnandi,
 Venetis saluti fuit. Cum enim cerneret vastam circumvallationem a raris
 stationariis propugnari, neque tormentariis suggestibus communiri, multi-
 tudine suorum fretus (novem millia censebat) castra exscindendi consilium
 cepit. Et perfecisse, destinata, si aut omnibus copiis valla aggressus fuisset
 ipse, quod plurimum intereat; aut integros fessis submittendo, aggressores
 adjuvis-

A) Sinus, sive promontorium Messeniæ nunc ab urbe Corone appellationem obtinuit,

adjuvisset. Jam duodeviginti signa in vallis defixerant Turcæ, jam læto A. C. clamore victoriam ingeminabant, Venetis, Dalmatisque partim cæsis, par- 1687. tim fugatis; cum Tourius Melitenſium copiarum Ductor, A) ex dimacharum, ac peditum cohortibus compositam aciem in victores movet, atque post acre, cruentumque prælium qua cæsis, qua pulsis hostibus aggeres recuperat. Funestavit victoriam Tourius. Quippe multis vulneribus faucibus, dum certamini extractus paulisper respirat, accensis fortuito aliquot cadis pulverum per missiles ignes, cum quatuor equitibus ejusdem Ordinis fœde discerpitur. Ceciderunt e Venetis facile ter centum, totidem vulneratis. Ottomanorum non pauciores trucidatos, ac læsos Historici tradunt. Altera impressione paucis post diebus a Mustapha tentata, non absimilem priori cladem acceperere Turcæ, Venetis octoginta intra vallorum munimenta glandibus perfoſſis.

Bis repulſo Mustapha Byzantini veriti, ne Coronæ jactura multarum urbium discrimen ſecum traheret, timidum magis, quam cautum claſſis Præſectum perpulerunt, ad opem obſeſſæ urbi celeriter ferendam. Ille aſſumptis tribus, & ſexaginta navibus, Hellesponto ſuperato, ac Tenedo, Mitilene, Chio infulis, novis operibus firmatis, in Rhodum navigat, eluſis Molino, & Delphino, quos Morofinus dimiſerat ad annonarias hoſtium divexandas. His, dum multa navigatione hoſtium claſſem perſequuntur, duodecim navigia Algerienſium piratarum apparuerunt. Obverſis illico proris, magno animo ſignum pugnæ propoſuit Molinus. At piratæ ſeu juſſi, ſeu metu impulſi, evitato omni certamine, trepide fugam capeſſunt, Venetosque ad ſequendum proliciunt. Aliquamdiu ſecuti ſunt, ſed fruſtra, Algerienſibus celeritate navium elapſis. Ottomanus liberum mare hac occasione naſtus, e Syria (id horreum Byzantinis, eoque omnes onerariæ curſum dirigebant) omnis generis commeatus in Chium celeriter convexit, indeque Byzantium. Eadem celeritate in Peloponneſum proſectus, ad Naupliam urbem in continente tetendit, e propinquo explorans, quid hoſtes ad Coronen agerent. Morofinus oppreſſurus hoſtem, relictis, qui oppugnationem urgerent, cæteros duo in agmina partiti, ſilenti, nocturnoque itinere Naupliam abit. Mille, & quingentos pedites Magnavinio Protribuno tradit cum mandato, ut non ante e maritimis locis in caſtra irrumpat, quam ſignum acceperit. Septima Auguſti dubia adhuc luce, ſuccedentes caſtris Magnaviniani prius, atque imperatum fuit, fiſtulas in hoſtem temere ſolvunt. Haud ſecus, quam captis caſtris Ottomanis ad unum omnes, pars in naves, pars in maritimos vicos diffugiunt. Ni Morofinum, alterius agminis Ducem, aſperitas, & ignoratio viarum retardaffet, cum immani Turcarum cæde, victoria patrata fuiſſet. In poteſtatem venerunt tentoria omnia, ſex majoris formæ machinæ, arma varia, annona multa.

Redux in caſtra Morofinus, tanto acrius tormentis, cuniculis mænia verberari juſſit, quanto certior erat Florentinos propediem in patriam vela facturos, & Turcicam claſſem auxilio obſeſſis venturam. Repetito eodem die aſſultu, ſolutisque cuniculis cum ſtrage mænium, præſidiarii deditiois ſignum efferunt. Dum ſuper conditionibus diſceptatur in caſtris, duorum militum manticæ multo pulvere refertæ, decidente, neſcio unde, ſcintilla, momento accenduntur non ſine ingenti fragore, tumultuque concurſantium. Turcæ rati inducias abruptas, vim magnam pilarum in caſtra effundunt, multosque fauciant. Enim vero ira ſuccenſi Veneti, conclamatis ferociter armis, nec alio, quam furoris ſui ductu, in mænia provolant, diſjectisque, qui accurrerant, deſenſoribus, in urbem penetrant; obvios quosque implacabiliter concidunt. Tria cadaverum millia poſtero die reperta ſunt. Tum ad prædas, & ſpolia prædivitis emporii diſcurrunt, non ſegniores ad rapinas, quam cædes. Corone capta, Melitenſes, Pontificii Florentinos in Italiam ſecuti ſunt. At Morofinus tribus millibus Saxonum, quos Reſpublica

A) Claſſis Melitenſis Gubernator erat Joannes Bapt. Brancaccio, cui Pontificiæ quoque naves paruerunt. Florentinas rexit Camillus Guido,

A. C. mercede conduxit, opportune auctus, Mainotarum provinciam propius 1687. accessit. Horum opera statim Zarnata, a) Ottomanicum præsidium, se tradidit. Ad Calamatam urbem dena, & amplius millia Turcarum, victoriæ cursum sistere ardebant, jamque explicata acie certamen offerebant. Morosinus non dubitavit cum hoste congredi nuper devicto. Saxones, & Mainotæ, primum impetum adeo firmi excipiunt, ut loco minime moveri possent. Ea constantia fracti equites pugna excedunt. Nec peditatus, collectitius miles, diutius dimicavit. Calamatæ cives visa suorum fuga (nam in conspectu urbis prælium commissum est) incensa bellica penu, pariter fugam arripiunt. Placuit Calamatam munimentis omnibus spoliare. Ab hoc prælio, cum nemo hostium obturbaret, multa oppida ad deditionem compulsa sunt, agerque Mainotarum vindicatus. Provectiore autumnio classis in insulas Zacynthum, Leucadem, Corcyram hybernatum abiit. b)

Nondum depulsa hyeme, c) in Peloponneso Ismael Turcicæ militiæ moderator (Seraskerius) fines Mainotarum ingressus, oppidum Chialapham obsedit cum octo millibus pugnatorum. Morosinus nihil cunctatus, mense Martio anni MDCLXXXVI. in Peloponnesum trajicit quatuor circiter millia, & quingentos Venetos; his duo millia Mainotarum se addunt. E Ducum omnium consensione primo quoque tempore prælio decernendum statuitur, etsi hostem multo superiorem esse omnibus constaret. Itaque Chialapham recta contendunt, ubi Turcæ obvallati, rebusque necessariis affluentes ab certandi consilio plane alieni censebantur. Verum Seraskerius, audito adesse Morosinum, non modo pugna abstinuit, sed & celeriter semet in tutiora recepit, amissis in itinere festinandi ergo sex tormentis, ac vehiculis non paucis, quæ Mainotarum equitatus, pernecitate equorum haud impar Ottomanico, cum cæde fugientium occupavit. Hæc qualiscunque victoria, majorum erat prodromus cum in Peloponneso, tum in Dalmatia. Posteaquam Melitenses C. Josepho Herbersteinio Ductore, quem Priorem d) appellant, & Pontificiæ auxiliares naves in portum Corcyræ convenere, satius existimarunt belli Senatores, in Peloponnesum, quam Cretæ insulam transmittere, atque vel Navarinum, vel Methonen aggredi, firma quidem præsidia, sed ob tot clades suorum non diu obsidentibus restituta. Ne vero Turcica classis in Peloponnesum nova supplementa militum, paratus belli, libera navigatione inferre posset, tres, & decem bellicæ cum duabus incendiariis navibus ad insulas maris Ægei, faucesque Hellesponti divexandas proficisci sunt iussæ. Morosinus Ducum consensu alacrior, Navarinum arma destinat. Novem mille pedites, mille equites, justum, integrumque militem suo imperio regebat, præter remiges, & turbam navalem. Comes Otto Vilhelmus Königsmarkius, quem Respubl. a Rege Sueciæ terrestrium copiarum Ductorem impetravit, mille quingentis aureis nummis in singulos menses persolutis, expositas terræ copias illico Navarinum movit. Acies omnis latissime expansa, majorem, quam pro numero pugnatorum, speciem præbuit, tantumque formidinis veteris Navarini civibus incussit, ut jam tum de deditione consilia agitent.

Navarinum, veteribus Pylus Messenia, mari assidet, tuto, & tranquillo portu instructum, unde institorum, merciumque omnis generis frequentia eo navigat; neque tota Peloponneso emporium reperias, quod plures una provincias, & provinciarum opes negotiorum communione jungat, ac misceat. Portui altissimæ rupes, & undique abscissæ imminet, e quibus oppidani inimicas naves portu, litorumque appulsu arcere possunt; tunc subita invasione perterriti, nullo emissio telo, firmissimum scutum veteris, & novi Navarini deferuere. Urbem novam ad meridiem positam, mænia,

a) Aliis Zarnata. Neutrum vocabulum reperi in tabulis regionum, quas quidem consului. b) Hæc pleraque e Foscarino Lib. V. ad annum 1685. quo etiam usus Portæ Ottomanicæ Scriptor. c) Anno 1686. d) Melitenses Equites octo Priores numerant diversis nationibus, sive idiomatis præpositi. Herbersteinus Prior Germaniæ fuerit, quo sub titulo Hungaria, Bohemia, Polonia, Dania, Suecia, Croatia, & Dalmatia veniebat.

mænia, & arx hexagoni forma extructa, propugnaculis ad singula latera ad. A. C. modum arcte projectis, contra aggredientium vim communiunt; atque hæc 1687. diutius restitit. Haud tamen omnibus probata est arx, quod angustis limitibus conclusa paucos defensores admittat. Vetus Navarinum ut primum in rupe Venetum conspexit, deditionem obtulit, modo præfidiarii, & cives salvis fortunis Alexandriam deportarentur. Isthæc conditio indulta est eo promptius, quod sub ipsum hunc temporis articulum mille pedites Florentini advenerunt, quorum opera speravit Morosinus, munitiora Peloponnesi præsidia hac ætate expugnari posse. Nec spe sua est falsus. Cum nihil esset, quod in veteri civitate de munimentis reficeret, cum omnibus copiis, & eadem, quam ceperat, armorum penu, altero die ad novam constitit. Non leves hic difficultates obortæ. Nam saxeo, scopulosoque in loco moliari humum sive ad aggeres, sive ad cuniculos non poterat miles; nec corbes terra, & saxis oppleti, oppositique aggerum loco, machinatores ab injuria hostilium tormentorum prohibuere. Insuper nunciabatur Ismael Seraskerius propediem cum exercitu adventurus. Motonius, machinatorum princeps, compendium temporis, atque operum facturum, ex edita rupe undeviginti mortariis dies, noctesque urbem impetiit, haud tamen sperato successu. Translatis vero in alium locum mortariis, ac multo labore tormentaria sede erecta, tantam pilarum vim in domos effudit, ut paucae illæ, aut non ustulatæ fuerint. Neque obsessi sub acri, impigroque Gubernatore Sefare partibus suis deerant, & memorabili fortitudine urbem defendissent, nisi Seraskerius in conspectu obsessorum fusus, fugatusque spem omnis auxilii ademisset.

Confederat ille haud procul Venetorum castris. Königsmarkius relicto ad obsidionem Alexandro Alcenago, nobili ordinum Ductore, nulla interposita mora, in hostem vadit. Erant ei peditum millia ferme septem, & septingenti equites, veterani milites plerique. Ex his tamen aliquot signa detraxit, atque iter Methonen versus insidere iussit, ne quid inde suppetiarum acciperet Ismael, quæ magnis passibus imminere falso ferebantur. Marchio de Carbon primus suam dimacharum legionem in Turcas egit. Æstu certaminis abreptus, contra ac iussum fuerat, toto impetu in castra ruit, atque circumventus in orbem pugnare cogitur. Accurrunt auxilio Viscontius, Andrius, alique militum Præfecti suis cum cohortibus; Marchioni respirandi copiam faciunt. Mox integratur atrocius certamen, & quoniam hostes loco, & numero præstabant (dena millia numerabantur) neutro inclinatum duabus horis stetit. Vicit postremum virtus. Fugientes Spahios pedites confusis ordinibus sequuntur. Königsmarkius sive insidias veritus, sive nollet paucum, prælioque fessum militem ultra fatigare, collectis prope spoliis, ad oppugnationem prope affectam redit, ac Sefarem deditionis admonet. Ille non tam profligatis auxiliis, quam civium trepidatione motus, postquam urbem insigni constantia juxta, ac providentia est tuitus, quarta decima Junii, iisdem, quibus vetus Navarinum, conditionibus novum tradidit. Demigraturis quatrimum, & navigia, quæ haberent domesticam suppellectilem, conceduntur: & ne miles farcinarum parte miseros dispoliet, iussu Königsmarkii in classe noctem agere debebat. Tertia A) vigilia nondum circumacta, immanis fragor, quo Peloponnesi urbes nutantibus ædificiis trepidarunt, omnium quietem abruptit; mox feralis crepitantium flammarum fulgor Navarini reluxit, secuto barbarorum incondito clamore. Tenebræ additamentum malorum omnia in majus auxere. Percussus horrida concussione, incendioque Morosinus, hostium fraudem facile suspicatus, extemplo anchoras præcidi, ac classem in altum propelli jubet. Hic enim vero magnitudo cladis apparuit. Constratum erat mare convulsarum domuum tignis, atque cadaveribus partim ambustis,

A) Hora secunda noctis. Nam noctes apud Romanos in quatuor vigilias dividebantur, singulæque vigilie tribus constabant horis. Tertia itaque vigilia sub medium noctis initium duxerit. Vide I. Lipsium de Militia Romana pag. 275.

A. C. partim discerptis, quæ nempe succensa pulveraria vis in sublime rapuit, in 1687. quæ mare vehementissimo impetu præcipitavit.

Fortene, an dolo? strages acciderit, varia civium opinio erat. Alii in apothecam pulverariam ignem fortuito injectum ajebant. Alii Sefarem, urbis Præfectum, tantæ cladis reum fecere, quem scilicet properatæ deditio- ni: pudor, ac Venetorum recessus ad novam urbis defensionem im- pulit; cum vero nemini probaretur consilium, furore amentem cados pulverum, quasi feralem pyram suo ipsum funeri succendisse, seque cum centum quinquaginta armatorum, ac magna parte ædificiorum in auras ejecisse. Hac confessione sive apto tempori mendacio, invidiam, cri- menque oppidani in Sefarem, qui nusquam repertus, amoliti sunt. Inse- quenti die Navarino fœde convulso excessere ter mille oppidani, Alexan- driam navibus profecturi. Ruina Navarini Methonen traxit. Eam vigesi- ma secunda Junii Königsmarkius terra, Morosinus mari obsedere. Guber- nator de deditioe per tubicinem compellatus, superbe admodum, aut ge- nerose respondit: *Coronen, & Navarinum fœminas propugnasse, ad Me- thonen cum fortibus viris rem fore. Desinerent proinde rebus integris de- ditionem imperare.* Ferocibus dictis nequaquam par animorum constantia fuit. Nam tormentis, ollisque igniariis, diebus non multis infestati, can- didum vexillum pro mænibus extulerunt, solum pacti, liberis corporibus, & fortunis ut discedere liceret. Relictis muralibus tormentis nonaginta, & uno, quatuor millia hominum in diversa Peloponnesi oppida abierunt. Is- maël recepta clade cautior, non ausus castris castra conferre, percurcata la- te Peloponneso, oppida Græcæ religionis avare, crudeliterque habuit. Ex- istimavit enim homo suspicax, nulloque placabilis obsequio, Græcos, Chri- stiani nominis reliquias, cum Venetis clanculum pepigisse, & Mainotarum exemplo, eas quoque partes amplexos, ad quas avita libertas, majores uti- litates vocabant. His suspicionibus turbidus, nobiles colonias, veluti in bel- lo captas, hostilem in modum vastavit. Multi apud Venetos, multi extra Peloponnesum pereunti patriæ præsidium quæsiwere. Absentium direptæ opes; præsentibus aurum, & argentum ablatum. Ad hæc conjuges, liberi, ob- sidum loco futuri, in minorem Asiam avecti; multa oppida eversa. Sic Ismaël vires rebellandi Græcanico populo subtraxit, RATUS providi Gubernatoris plurimum interesse, efficere, ut quod vires immaturæ non poterant, aut vole- bant, nunquam possint.

Post Methonen majore labore Nauplia urbs vindicata est. Tueba- tur eam Mustaphas quidam, cum quinque fratribus illius provinciæ Domi- nis, & bis mille præsidariis. Veneti secunda navigatione usi, ineunte Au- gusto universam classẽ ad Naupliam stiterunt. Occupato monte Palami- dæ, qui urbi incumbit, terrestris, maritimaque oppugnatio eodem tem- pore cœpit. Ismaël Græcorum spoliis animatum militem, terrestri itinere Argos deduxit. Hic metatus quieti indulgit, dum Epidauri Præfectus suis cum copiis adveniret; interim ter centum pedites minoribus navigiis noctu impositos, sive indulgentia Venetorum, sive ignorance viarum, Naupliam injicit; quæ res Königsmarkium movit, ut jussit omnem oram maritimam speculatoriis navibus per solertes navarchos in posterum explorari; & quo- niam obsessi in dies singulos ferociores evadebant, conspectis e Naupliæ mæ- nibus Ismaëlis castris; statuit hac quoque spe quam primum illos evertere. Igitur assumptis aliquot legionibus, terra Argos profectus, ac acie prope littus explicata, Ismaelem in certamen protraxit. Fervente pugna, bis mille classarii Morosino Duce Turcarum latera tormentis, ac fistulis inva- dunt. Inopinatus hic casus, inclinantem aciem perdidit. Equitatus hosti- lis ut primus in certamen ruit, ita primus quoque, solutis ordinibus præ- lio excessit, transmissio in pedites metu. Ismaël vinci assuetus, profligato exercitu, Corinthum aufugit. Castra Venetis cesserunt. Monetur Musta- phas per Fecialem: *nisi ante dediderit se, quam assultus fiat, nullas condi- tiones fore.* Reposuit ille: *se qualem cunque fortunam forti, promptoque animo*

animo laturum. Deum merito Turcarum criminibus iratum; in hujus pote- A. C.
state se, suosque futuros. A) 1687.

Obfirmatum Gubernatorem Veneti adeo omni armorum genere urgent, ut singulis diebus quingentas igniarias ollas tectis, hominibusque sævam pestem ferentes, in urbem injecerint. Sed & Venetis immodici calores, & obsessi graves erant. Multi Præfectorum, Carolus Kõnigsmarkius, Viscontius, Bragadinus variis morbis extincti, Alcenagus glande confixus; b) gregarii intemperie aëris, vigiliisque confecti. Attenuatum exercitum supplementa ex Italia missa integrarunt opportuno tempore. Quippe Ismael ternis millibus auctior, per occultos calles Naupliam evectus, tanto furore castra Venetorum oppugnavit, ut prope ea ceperit. Tribus horis ancipiti Marte dimicatum. Kõnigsmarkius in altiora loca concedentem infecutus, cæsis mille quadringentis gemina victoria potitus est. Oppidani etenim viso Ismaelis sinistro prælio, ad conditiones descenderunt. Libertatem pacti, abierunt cum armis, & opibus quatuor millia Turcarum. Quadringenti captivi diversæ nationis ex ergastulis educti. Machinæ murales, & castrenses octo, & septuaginta captæ. Mustaphas, & ejus frater Hassanes, c) qui nuper supremo jure Peloponnesum moderabatur, veriti, ne properatæ deditionis rei Byzantii agerentur, cum omni servitio, opibus, liberis Venetias navigarunt. Hic aliquot menses morati, sive quod VICTI raro victores ament, sive quod desiderio suæ religionis flagrarent, in Africam ad suos Mahometanos discesserunt.

Intra paucos dies Argos, aliaque circum oppida in potestatem Reipubl. venere. Auxiliariis in Italiam redeuntibus, Morosinus minorem classem in Ægei maris insulas agere constituit. Medio in cursu gravi tempestate jactatus, ægre in vicinum portum decurrit, ubi in conspectu Chalcidis, viginti quinque diebus non sine jactura temporis subsistere debebat. Sic felicissimum Imperatorem fortuna destituit. Eodem tempore Kõnigsmarkius sua cum conjuge morbo oppressus, Zacynthum deportatur, quo hyemante jam anno omnis classis ad stativa capienda convenit. Idem sibi faciendum existimavit Ismael fuga magis, quam præliis lassus. Angustias finis Corinthiaci duobus Bassis attribuit; Patras urbem d) militum præsidio, dato Gubernatore Mehemete, seplit; ipse cum majori exercitus parte in oppidis, quæ Corinthum inter, & Patras jacent, hybernavit. Maritima hæc expeditio, qua Turcis nobilissimæ urbes in Peloponneso ereptæ, ingentem tumultum Byzantii concivit. Mahometi Imperatori consultius nihil visum ad sedandam plebem, atque si spem propinquæ pacis ostenderet. Sed quemadmodum Cæsari bellum præplacuit, ita & Venetis prospero rerum cursu, inprimis hac ætate, usis.

Dalmatia præsentis anno MDCLXXXVI. non justos exercitus, non pugnas statarias, sed prædabunda agmina, populationes, incendia suarum villarum vidit. Primi Ottomanæ præaltos aggeres ad fluvium Narentam a Valerio nuper eductos incurсарunt. Veneti pro virili omnem illam procellam pluribus diebus sustinere. Cornarus animadvertens paucum, quem sub signis habebat, militem assiduis vigiliis hauriri, neque tuendis aggeribus procedente tempore parem fore, disiectis aggeribus, ut Respubl. imperaverat, vires in unum contraxit, aperto in campo regionem defensurus. Turcæ omisissis Venetis, in Morlachos ad Salonam in prædam effusos subito movent; & cæcidissent incompósitos, nisi Cornarus in omnem partem vigil, ac providens, duas bellicas in tempore Salonam misisset. Adventu classiariorum admoniti Morlachi aciem subito componunt, ac cum ter mille quingentis Turcis manus conferunt. Primo impetu adeo languide restiterunt hostes, ut non tam prælii, quam fugæ consilia agitalse viderentur. In fu-

K k 3

ga

a) Porta Ottomanica pag. 353. b) Hujus Alcenagi militaria facta quo loco fuerint apud Serenissimam Rempubl. inde colligas, quod Nepoti illius singulos in annos sex centum aurei nummi sepositi sint. c) Crediderim Hassanem ante hoc bellum Venetum præfuisse Peloponneso, ac subinde Ismaelem successorem habuisse in administranda provincia. d) Patræ, Italici Patrasse, urbs Peloponnesi prope sinum cognominem, insigni castello communita.

A. C. ga multi cæsi, plures capti. Utraque pars post hanc velitationem Dalmatiæ 1687. oppida miserum in modum populationibus, & incendiis deformavit. Morlachi, ut spoliis mire capiuntur, ita in plura agmina divisi, ingentes hominum, pecudumque prædas egerunt. Quotquot Ottomanici coloni in manus venire, aut e vestigio cæsi, aut vinculis impediti, & in servitutem cum omni familia tracti. In vicos perinde subditis flammis sævitum, ut adeo paucos intra menses provinciæ hostiles bustum, & solitudo fuerint. Complures familiæ Christiani nominis, sive belli fortuna, sive spe commodioris domicilii, in Turcarum oppida pertractæ, ne simul pessumirent, maturata fuga, in ditionem, fidemque Venetorum concesserunt, quibus Respubl. frumentum e publicis horreis dari iussit, etsi tunc temporis mare, fluviique præter modum intumescerent, atque aggeres suos supra hominum memoriam subito egressi, incomparabilem stragem rei frumentariæ cum Venetiis, tum aliis in locis intulerint, & prope universas Venetorum provincias gravissime afflixerint. A) Ita Respub. foris victorias, domi cladem invenit; DEO res humanas nunc lætis, nunc tristibus temperante, ne mortales nimia felicitate elati, suæ conditionis, variæ mutabilitati obnoxii, immemores agant.

Et vero exeunte hyeme insequentis anni, B) in Peloponneso quoque calamitatem subiit Respubl. Ceperat navim Jacobus Cornarus in insula Paro, Byzantinis mercibus onustam, eamque Naupliam lætus abduxit. Dum spolia partim sub hasta divendit, partim cum militibus partitur, simul pestilentiam vulgavit. Serpebat vis morbi pluribus diebus per classiarios, tum præsidium Naupliæ, aliarumque urbium corripuit. Equidem Cornarus infectas legiones ab integris summa cura secreverat; verum non propterea seu grassantes morbos, seu atrocem rumorem, qui Italiæ provincias brevi pervasit, extinxit. Nusquam tamen plura funera, atque Naupliæ conspecta. Melitenses, & Pontificiæ naves metu contagionis, bello tantisper abstinerunt in Peloponneso, velaque, & vires maximo emolumento in Dalmatiam verterunt. Sed vis mali non tam diuturnitate temporis, quam multitudine funerum desæviit. Duorum fere mensium spatio, omnis morbus, pestilentiaque ex agro Peloponnesi emota est, rediitque salubrioris cæli temperies.

Königsmarkius interim ex ægritudine confirmatus, posteaquam omnia tuta in Peloponneso esse intellexit, veteranas copias Christianorum Principum, imprimis Hannoverani, Hasso-Cassellani, Brandeburgi, Waldekii, Brunsvicensis, quas Veneti multa mercede conduxerant, in Peloponnesum trajicit vicesima Julii. Classi centum sexaginta duarum navium præfuit Franciscus Morosinus, notum maritimis expeditionibus nomen. Transportata sunt peditum novem millia, equitum mille, ter centum. Ad hæc nautarum, navaliumque sociorum magnus numerus, atque e nobilissimis Italis Volonum manipulus. Validissima classis velis, remisque impulsâ, videndam, æstimandamque se præbuit Ottomanis, qui ad sinum Corinthiacum in Achaja gemina castra locaverant. Ismaele exauthorato, Seraskerii munus obibat Mehemetes, Patrarum nuper Gubernator, nihilo felicior Dux. In Ætolia prope castellum Molicreum tertia castra visabantur in sinum usque Corinthiacum ingenti ambitu porrecta. Hæc moderabatur Mustaphas, Epiri Præfectus. Quod si vires suas junxissent Turcæ in tempore, cladem sine dubio vitassent. Sed Mehemetes, audito Melitenium, ac summi Pontificis navigia in Italia adhæsisse, existimavit se Venetorum exercitui pestilentia attenuato, non parem modo, verum etiam superiorem. Quippe sex mille Janicsaros, bis mille Spahios, & totidem Saimenos (genus est equitum) exuviis ferarum horridos, in utrisque castris habuit, quos visa Venetorum numerosa classe, illico miscuit, Mustaphamque per Celeres admonuit, ut sibi quamprimum aliquot cohortes legionariorum auxilio submittat. Tre-pida concursatio consilium prodidit. Morosinus suspicatus id, quod erat, jubet

A) Hæc Foscarinus Lib. V. ad annum 1686. B) Scilicet 1687. anni.

jubet Benedictum Sanudum, intempesta nocte in sinum Corinthiacum cum A. C. duodecim navigiis irrupere, atque viam auxiliaribus copiis intercipere. 1687. Plus quam imperatum erat, non minus generose, quam feliciter Sanudus effecit. Nam & angustias maris gemino castello (Dardanellas appellant) permunitas superavit, & quindecim hostium navigia extra portum Naupacti in anchoris hærentia cepit; desideratis nonnisi duodecim remigibus, etsi utriusque castelli præfidiarii, majorum, minorumve pilarum tempestatem in eas angustias effunderent.

Jam classis Venetorum Achajæ promontorium tenuit, Dalmatæque primi in terram egressi, locum castris ceperunt. In hos ter centum equites laxatis frænis injecti, post breve certamen in castra sua repulsi sunt. Königsmarkius aggrediendi Ottomanos certus, legiones sine mora magnis passibus, plena acie in hostem movit. Mehemetes ut ne simul mari, simul terra obsideretur (nam Sanudus Corinthiacum sinum infestus obtinuit, atque a mari, unde se inaccessum rebatur hostis, irruptionem paravit) castris excessit, ac inter densiora arbuscula, ut locus patiebatur, non incite aciem struxit. Equitum aliquot Turmæ magna vi, & vociferatione Dalmatas, qui primi in conspectum venere, invadunt. Quibus una displosione fistularum disjectis, rursus aliæ, atque aliæ Janicsaris immixtæ se se effundunt; parthico more nunc a fronte, a tergo, a lateribus plurimum negotii faciunt. Ausi Dalmatæ Brunsvicensis Ducis legionariis rem fortiter gerunt. Jam prima Janicsarorum acies in pugnameducta, pluribus locis prælium accendit. Spahii, & Saimeni numero superiores, Venetum equitatum claudere conati, a dimachis una incurusione profligantur, neque deinceps in pugnam percelli potuere. Equitibus pulsis, iidem dimachæ in primores peditum cædem, in postremos metum inferunt. Secunda acies, ne glande quidem emissâ, turpissimam fugam init, seque in profundos saltus celerrime abdit. Id conspicati, qui eatenus restiterunt, & ipsi latebras petunt. Nihil propius erat, quam ut Mehemetes cum præcipuis Ductorum caperetur, ac triumphum illustraret. Sed ad ignominiam, & nobilitandam cladem satis fuit, quod sex centum in prælio, mille in fuga, impedimentis, omnique bellico apparatu exutus amiserit. Christiani maritima jactatione, & pugna fessi, in arena noctem egerunt. Recensito milite compertum est, quinquaginta duntaxat gregarios occubuisse; vulneratos vero Marchionem Corbon, Petrum Ceilinam Dalmatarum Tribunum, præter non paucos dimachas.

Summa inde rerum omnium in Peloponneso perturbatio. Patrarum præfidiarii cognita Mehemetis fuga pulveraria penu accensa, urbis munimenta magnam partem evertunt, ac deferunt. Gemina pariter castella, queis angustia maris, sive Corinthiacus sinus frænatur, uti & urbs Naupactus, natura, & arte, supra quam credi potest, permunita; pari vecordia victori permittuntur. Mustaphas adeo trepide fugam arripuit, ut festinandi studio & machinas, & tentoria, & omne genus spoliolum direptioni reliquerit. At Mehemetis extrema formido, an stultitia? lethali plaga rem Ottomanicam afflixit. Græcos non habitu solum, lingua, moribus, ingenio, sed religione ut quam maxime disjunctos, & fortassis hoc felicissimo rerum cursu æquiores Venetis, quam Turcis, omni clade belli vastandos putavit, ignarus quantum odii sibi, suisque posteris conciret. Itaque regionem, quam indecora fuga emensus est, incredibili furore populatur, veluti Græcum nomen radicitus extirpaturus. Arserunt plurima oppida cum nobilissima urbe Corintho. Cadavera passim in agris, vicis inhumata longe, lateque tetrum odorem spirarunt. Qui supererant in Attica, aliisque provinciis Græci, metu malorum, quam adhuc tulissent sub tyrannide, majorum, Königsmarkii, & Morosini opem implorant: adessent quanto-cyus cum exercitu, Græcos, ne Turcam in posterum rigidum, nulloque obsequio, beneficio placabilem Dominum perpetiantur, ante tentaturos, perperissurosque omnia. Cupere se, ut hanc mentem suam quamprimum rebus

A. C. bus suis comprobandi copia fiat. Sed Kōnigsmarkio loco Atticæ Pelopon-
1687. nesum sub jugum mittendi consilium fuit, sedem deinceps armorum futu-
ram; ex qua provincia bellum facile importari posset sive in Ægei maris in-
sulas, & minorem Græciam, sive in Atticam, Ætoliam, Bæotiam, sive de-
nique in Cretæ insulam. A)

Fugato Mehemete, urbs Corinthus incendio fœdata in deditionem venit. Arx Acrocorinthus, in immanem altitudinem edita, nullo obfisten-
te, eandem fortunam subiit. Spartani, B) & loco, & numero freti, reje-
cto de deditione colloquio vim parabant. Ubi exercitum suis mænibus af-
fusus conspexerunt, omnium animi in pacem inclinarunt. Octo primarii
Præfecti, & triginta nobiliores in castra profecti, mora deditionis excusata,
in potestatem Venetorum urbem, rebus omnibus abundantem, permittunt.
Kōnigsmarkius omiſſa intempeſtiva benignitate, & oppidanos & præſidia-
rios captivos pronunciat. Neque illi repugnare auſi, vincula ultro induunt.
Sine discrimine ſexus, ætatis, in anguſtum locum compinguntur, ac pau-
cis poſt diebus graſſantibus morbis correpti, & rerum inopia, & ægritudi-
ne animi plerique occubuerunt. At Epidaurus urbs, inclyta olim Æſcula-
pii nobili templo, nunc vitium fama orbe toto celebris, curſum victoria-
rum ſtitit. Clafſis Morofini circumveſta Peloponneſum, dein in Saroni-
cum C) ſinum appuſſa maritimam, Kōnigsmarkius terreſtrem oppugnatio-
nem, acrem quidem illam, ſed irritam inſtituit. Murorum etenim non
minor, quam hominum contumacia, quatuor pilarum millia, etſi plurimæ
domus in cineres abierint, eluſit.

Relictis ad obſidionem Mainotis, ac Græcis, provinciam Atticam
propius acceſſit clafſis Septembri menſe. Athenæ D) tormentis verberatæ,
præter opinionem celerius Kōnigsmarkium victorem admiferunt. Gran-
dior pila in templum Victoriæ E) incidens, ubi maxima vis ſulphurei pul-
veris aſſervabatur, omnem penum armorum, pulveris cum immani ſtrage
ædificiorum momento abſumpſit, oppidanisque repugnandi copiam ademit.
Turcarum præſidio Smyrnam navigare permiſſo cum modica ſupelleſtili,
Græcæ nationis cives incredibili voluptate Chriſtianos accepere. Meheme-
tes interim Thebas fuga delatus, more ſuo cædes, & incendia ſparſit per
Græcorum oppida. Niſi rigidior autumnus obſtitiſſet, ſpes haud dubia
erat, Thebas quoque cum omni Bæotia tot victoriarum fructus facile acceſ-
ſuras fuiſſe. Sed jam October ventis, imbrisque gravis, in hyberna claſ-
ſarios compulſit. Reſpubl. Veneta Kōnigsmarkium, & Morofinum (uterque
pari prudentia, ſagacitateque, & quod caput rei eſt, mira animorum con-
cordia expeditionem gubernavit) ſummis laudibus in Senatu, & literis ad
Regem Sueciæ datis extulit, ac muneribus magnifice coluit. Peloponneſi
tamen libertas propemodum in integrum reſtituta, multo maximum ambo-
bus voluptatis, & gloriæ argumentum fuit. Græcorum, e ſervili tot anno-
rum jugo respirantium, accuſus undique fiebant ad victores, quos Chri-
ſtiani nominis vindices, Græcanicæ libertatis aſſertores, aliisque dignatio-
num titulis compellarunt. Illud lætitiæ quidpiam decerpere potuit, quod
Athenæ, Sparta, Corinthus, Argi, urbes famæ vetuſtate inclytæ, non
modo veteribus ornamentis ſpoliatæ, ſed flammis quoque combuſtæ clades,
vaſtitas, buſtum ea tempeſtate fuerint. Quanquam locorum opportunita-
te frequentiam revocante non multo poſt e ruinis ſurrexerunt, haud tamen
priſti-

A) Conſule chartas Geographicas maxime Chriſtophori Weigeli, aut aliorum, qui veteres pro-
vincias veteribus quoque nominibus exprimunt. Nam novi nova nomina plerumque imponunt.
Notum enim illud: ut provinciæ, & urbes Dominos, ita & nomina ſua, & poſitum perſæpe
mutant. Hæc ſemel monuiſſe ſufficiat, ne me continuo errore lapſum arguas, ſi in recentio-
ribus, ac heri in publicum emiſſis regionum tabulis, locorumque indicibus non reperias,
quod dico. B) Sparta urbs, appellatur etiam Miniſtra, Lacedæmon. C) Saronicus ſinus,
nunc Geographicis Golfo d' Engia. D) Intellige arcem, ſive Acropolim. Namque urbs Athe-
narum muris jam olim nudata fuit. E) Templum Victoriæ nomen ſuum retinuerit a veteri-
bus Græcis impoſitum. Cæterum fervente oppugnatione ſulphurei pulveris apotheca fuerit.

pristinæ celebritati redditæ, aut L. Æmilii Pauli a) lustratione dignæ. De A. C. nique millesimo septingentesimo decimo quinto, literarum omnium parenti 1687. Græciæ, post brevem libertatem jugum rursus impositum est.

In Dalmatia præsentis anno MDCLXXXVII. unius urbis expugnatio, uti multum laboris, & sanguinis hausit, ita Venetiis, Romæ ingentem lætitiā peperit. Erat Innocentius XI. summus Pontifex obfirmatus in proposito, oppugnandi Novi castri, b) principis fere præsidii Dalmatiæ, quo integro neque mare tutum, neque provincia satis defensâ videbatur, quidquid alibi urbium caperetur. Huc ergo Herbersteinio Ductore Melitenses, & Pontificii, Cornaro classis Præfecto Veneti, centum triginta navibus adven-
ti, septem, & viginti dierum spatio acerrima oppugnatione præsidium fatigant. Primus labor obsidentium erat, editiora loca circum præsidium occupare, ab Ottomanis infessa, quibus posteaquam depulsi sunt non sine Melitensium jactura, vias omnes, ne quid exteræ opis acciperent, equitum turmæ percurfare jubentur. Non multis diebus mœnium verberatione, mutuoque ignium missilium conjectu, opera strenue promoventur, etsi Turcæ sæpius erumperent, fossilesque, & stationarios nudatis frameis, ferreis fistulis sternerent. Hæc inter terni Præfecti, sive Bassæ, cum quater mille peditibus ad Ragusam confederant, auxilium laturo obsessis, ut primum Scodra c) Præfectus cum sua armatorum manu advenerit. Pastrovichius unus Bassarum, sociorum inutilem moram increpuit, seque, si ipsi cessarent, cum suis cohortibus per media castrorum in urbem aditum quæsiturum confidenter edixit. Uterque cautus, ac providus alias, hominis ferocia permotus, nulla mora interposita itineri, & prælio semet accingunt. Placuit tamen, prius Gubernatorem appropinquantis auxilii commonefacere, ut eodem tempore hostium vires distrahat. Traduntur literæ Ragusanæ mulieri Gubernatori perferendæ. Hæc a stationariis detecta, an ipsa exuta fide se prodidit? molitioni Pastrovichii plurimum obfuit. Nam Cornarus illico Dalmatarum cohortes insidere itinera, & Venetos in castris arma capere iussit.

Sed Pastrovichius occultis callibus, adeo improvisus castra adortus est, ut stationarii suo cum Tribuno Perinio, abjectis, quæ morari possent, armis, & signis, in effusam fugam raperentur. Tumultu excitus Cornarus, aliique Præfecti, hortati suos, ut magno animo capefferent pugnam; invasores firmo gradu excipiunt, & post cruentum certamen versa fortuna extra vallum repellunt, recuperatis vexillis, armisque. Turcarum septingenti cæsi, postero die in loco pugnae reperti sunt, quorum capita a cervicibus revulsa triste spectaculum obsessis dedere. Cæteris nox, ac viarum peritia salutis fuit. Pastrovichius suasor, actorque consilii, recte vitam finiit. Resumptis oppugnandi curis machinatorum ars in cuniculis perficiendis dies, noctesque defudavit, nullo fere successu, quod operæ in saxeo, scopulosoque loco ægre molirentur humum. Plus profectum est machinis. Quippe & mœnia magna strage decusserant, & grandior pila in arcem illapsa, perfracta subterraneo specu in receptaculum pulveris penetravit, unaque ruina nobilissimas sæminarum cum turba puerorum oppressit. Nihil inde fractior Gubernator, omni vi præsidium, ut cœpit, tueri perseveravit, quamvis Cornarus optimas condiciones offerret. Decreto assultu ingens æmulatio diversarum nationum exarsit. Veneti, Florentini, superatis ruinis immaturo æstu nimium provecti, in ipsam urbem infunduntur, ubi a Turcis, veluti ex insidiis consurgentibus, denso pilarum imbre subito sistuntur, trucidatis duobus Centurionibus Santanino, & Canagetto. Melitenses lentius procedentes per rudium iniquitatem, perinde omni telorum genere impetuntur, ipsis sæminis ferventi aqua, lapidibus pro ruinis murorum dimi-

Imp. Ottom. Tom. II.

L I

canti-

a) L. Æmilius Paulus easdem prorsus civitates adire statuit ad visenda, quæ nobilitata fama, magis auribus accepta sunt, quam oculis noscuntur, ut loquitur Princeps Romanæ Historiæ conditor Livius Lib. XLV. §. XXVII. b) Novum castrum, seu castellam, vulgo Castell Nuovo, ad Cattarensem sinum gemina arce egregie munitum. c) Scodra, Italica Scutari, urbs Albanicæ a Mahomete II. pertinaci oppugnatione fracta 1477. Vide Tom. I. pag. 45.

A. C. cantibus. Promptissimus quisque vulneratur, aut cæditur. Sed integris
 1687. succedentibus propugnaculum capiunt, seque obmuniunt. Prope erat, ut
 hac statione multo cruore empta exciderent. Melitenſium unus arrepto
 vexillo, cum paucis dimachis ſemet in urbem immiſit, depaſtoque ſigno
 occupatæ urbis ſpeciem præbuit. Accurrit barbarorum globus ad rei nun-
 cium, ac cæſis uno impetu dimachis, Melitenſem cum ſigno fugientem fe-
 rociffime inſequentur.

Baruthani rati Melitenſes interneſione deletos, omiſſa ſtatione ſua,
 præcipiti curſu in caſtra feruntur, Turciſque ſpatium concedunt Meliten-
 ſes ligoni magis, quam ferro intentos, ex utroque latere invadendi. Nul-
 lum in illa trepidatione Cornarus conſtantis Ducis officium omiſit. Occur-
 ſat turbatis cum recentibus copiis, fugientes retinet, ubi plurimus labor,
 conſilio, manu, voce inſignis hoſti, conſpicuus ſuis. Neque muneri ſuo
 deerant Marchiones de Barro, Horologius, nobileſque Præfeſti Melciatinus,
 Loredanus, Markovichius, Bolanus, circa Cornarum ſe ſtipantes, pri-
 mum diſcrimen popoſcerunt. Redintegratur ruſum in ruinis pugna, ſi un-
 quam alias, ferox, & memorabilis; atque in ſeram noctem protrac̃ta. Fu-
 gatos hoſtes inſecuti victores, tanquam ſubac̃ta in urbe totos ſe ad prædas
 tranſtulerunt. Iſthæc victoriæ ſecuritas, quidquid proſpere actum, pro-
 pemodum evertit. Nam Turcæ conglobati, vagos, ſparſosque (ut NIL
 vilius eſt adverſus vim invadentium prædatore milite) partim in domibus
 obtruncant, partim in fugam abigunt. Eo torrente aliquot cohortes ab-
 reptæ, ægre Præfeſtorum accuſſu frontem obvertere. Markovichius in ur-
 be deſertus, tamdiu pugnam ſuſtinuit intra domorum anguſtias, dum qua-
 draginta Samnites a) ſupervenientes ſtationem recuperarent. Horum ge-
 neroſo factō deditio maturata eſt. Cum enim nox luna illuſtris foret, quæ-
 ve agerentur a Venetis, animadverti, propeque cerni poſſent a Turcis,
 præſidiarii maritimæ turris, animadverſo Venetos ultra ruinas jam progref-
 ſos, ne reditu intercluſo ad ſuos, poſtero die captivi abducerentur, liberta-
 tem pacti, turrim eadem adhuc nocte tradiderunt. In hanc ſtatim murali-
 bus tormentis illatis, arx, eminenti ſaxo impoſita, adeo verberari cœpit,
 ut vixdum illuſcente die deditiōem obtulerit. Urbs eo præſidio exuta
 pervicaciam poſuit. Acceptis a Cornaro honeſtiſſimis conditionibus, mil-
 le pueri, fæminæque, & quadringenti armati in Albaniam abierunt. At-
 que hic quoque apparuit, NON pro numero fuiſſe virtutem, plusque mo-
 menti ad ſervanda præſidia in animis, brachiisque virorum, quam homi-
 num, præſertim vigiliarum, & laboris intolerantium, ineſſe; quamquam
 octingentos admodum obſidio unius menſis abſumpſit. Cornigradum, mi-
 noris nominis caſtellum, tranſactis cum Cornaro conditionibus ſe pariter
 Venetis reſtituit. b) Nunc campi Poloniæ, & Moſchoviæ luſtrandi.

Rex Joannes Sobieſkius Poloniæ ſuæ redditus, c) multo ardentius,
 quam feliciter auſpiciis, ductuque ſuo bellum proſecutus eſt, contra hoſtem
 Chriſtiani nominis; ut adeo Polonia extra Poloniam validius deſenſa fuerit.
 Anno altero d) a Regis reditu Stanislaus Jablonovius, ſupremus Polonicorū
 exercituum Dux, acceptis in caſtra Lithvaniæ copiis, quas Caſimirus
 Sapieha moderabatur, in Podoliam movit. Raro alias florentiores copię in
 Polonia viſæ, ingentes ſpes Conſœderatis fecere. Quadraginta millia vete-
 rani militis cenſebantur, armis, equis, re annonaria abunde inſtructa. Ne-
 que enim inutilem turbam circumducere, itineris plerumque impedimen-
 tum, ac annonæ caritatem; ſed egregios quosque, & manus videlicet, non
 multa nomina Rex volebat, qui mente Auguſto caſtra ingreſſus, rejeſta in
 aliud tempus Cameneci oppugnatione, ad Tyram fluvium iter flexit. Hic
 pluribus diebus metatus, in alteram ripam exercitus partem proficiſci juſ-
 ſit ad Tartaros depellendos. Quibus levi prælio fugatis, Rex ſubac̃tis infe-
 rioris

a) Samnites, nunc Geographis, & Historicis Abbruzenſes. b) Hæc Foſcarinus. Lib. VII. & Por-
 ta Ottom. ad ann. 1687. c) Nimirum anno 1683. menſe Decemb. d) Anno 1684.

rioris Podoliæ oppidis, mense Novembri campo excessit. Hæc Lengni- A. C.
chius suæ Historiæ inseruit. 1687.

Porta Ottomanica diversa narrat, nempe: Polonos operam perdidisse in extruendo ponte, quod Tyras fluvius per eos dies ripis superfusus, quidquid machinatores agerent, domari nullo modo potuerit; Tartarorum equitatum transisse Tyram, ac Polonorum castra infestasse; ipsum denique Solymanum, Turcarum Ductorem, ad Camenecum ponte facto cum quindecim millibus suorum transgressum, Polonosque adeo arcte obsedisse, ut equina carne diram famem sedare coacti fuerint. Regem nihilominus imperterrito animo eam calamitatem tulisse, insuper explicata acie prælium indixisse insultanti hosti. Cum vero Camenecenses Solymani militem in dies augerent, Regem hyemante anno copias ex iis angustiis incolumes reduxisse, frustra tergo hærentibus Turcis, Tartarisque quindecim diebus.

Anni insequentis A) expeditio plus dedecoris, & damni habuit. Comitibus sat turbulente actis, autumnus aderat; & jam Tartari deducto Camenecum præsidio, usque Leopolim populationem proferebant. Copiæ Polonicæ non Regi, sed duobus Ducibus Stanislae Jablonovio, & Andreae Potoczio committuntur, quibus cum Lithuanis additus est minor Præfectus Boguslaus Sluska. Triumviri isti, ut a Rege abalienato erant animo, quem scilicet omnium, quæ expeditionem proximam consecuta sunt, maiorum authorem per ora hominum traducebant, longe aliam, ac anno præterlapso profectionem instituunt. Superato amne Tyra, nihil veriti sunt viam querere in Valachiam, & Moldaviam, multis cladibus Polonorum nobilem. Hic Potoczius morbo correptus, Sviatini subsistere cogitur. Jablonovius, & Sluska de fortuna sua nimium præfidentes, & jam vasta consilia ultra Danubium porrigentes, dant se in profundos saltus Bukovinæ (sic sylva inter Tyram, & Hierasum, sive Pruthum amnes appellatur, arboribus spissa, ac exesis torrentium impetu voraginibus horrida) cum omni exercitu, machinis, & impedimentis. Solymanus ut temeritatem consilio, quod providi est Ducis, everteret, militem opportunis locis collocat, sui indicium nullum facit, donec præcursores Poloni in stationes hostium improviso incurrerent. Tum enimvero Ductores, periculi magnitudine percussi, & ab instantibus usque Turcis, & in vasta solitudine inopia rei cibariorum premente receptum solícite adornarunt. Sed in tanta propinquitate numerosi exercitus B) sine clade evadere, maximæ instar victoriæ fuisset. Multi igitur Polonorum in postremo agmine cædebantur, & quoniam per angustias saltuum, festinatis profectionibus in superiorem Podoliam reditum est, vehicula, & non modica pars bellicæ suppellectilis in hostium manus devenere. Tartarorum expediti equites, quo latius populationem circumferrent, divisim agminibus grassati sunt. Pars in Podoliam, pars in Volhiniam provincias effusi, vias omnes fugitivis confertas, cædibus, ac sanguine funestarunt; oppida, vicos uno veluti incendio deleverunt. C)

Minus prospera expeditio Polonorum animos vehementer confudit, maxime Ducum, quorum temeritate in ultimum discrimen vires universi Regni præcipitatae sunt. Sine supercilio, sine sua voce, & vultu Varsoviæ delati, imminutum exercitum Regi permisérunt. Is ea occasione usus, edicit se proximo vere D) in Turcas ducturum, modo alacres ad signa confluerent. Interim per hyemem in Podoliam varii generis commeatus, penum bellicam devehí jubet; ipse in sequentem annum modulum expeditionis insigni, maturaque prudentia designat. Suaserat Regi Nuncius Pontificis maximi, Cameneci expugnationem, qua spina semel evulsa, simul Podolia,

Imp. Ottom. Tom. II.

L I 2

simul

A) Nempe 1685. B) Godefridus Lengnichius centum quadraginta millia Turcarum scribit, liberali sane calamo, ea videlicet tempestate, qua in Hungaria ad Tibiscum, & Danubium, simul in Dalmatia, Croatia, Peloponneso exercitus aluerunt Turcæ; nisi fortassis Valachi, & Moldavi, ad subita bellorum, & prædas expediti, hunc numerum fecerint. C) Lengnichius de incendiis, populationibus altum tacet: percurasse tamen Podoliam, & Volhiniam Tartaros, & urbem hujus nominis oppugnasse scribit. At profecto non modestiores hoc, atque alij annis fuerint. D) Anni 1686.

A. C. simul Ukrainæ pars, avitæ libertati reddebatur, nomineque Pontificis gran-
 1687. de subsidium æris pollicitus fuerat, si eam in sententiam abiret. Non de-
 erat animus Regi illud receptaculum spoliolum exstingendi, verum nec ma-
 chinarum libratores, nec cunicularii, aut aliorum operum periti magistri,
 apud Polonos tum temporis reperiebantur, quorum ingenio celerius, cer-
 tiusque franguntur urbes, quam militum manu. Nec peditatus par expu-
 gnando Cameneco sub signis erat, quod Polonis pedestris militia gravis ac-
 cidat, equestris in deliciis numeretur. Ad hæc Camenecum, a) Moldaviæ,
 Valachiae, & inferioris Podoliæ janua, annona, armis, virisque (nempe de-
 nis Janicsarorum millibus) opulentum fuit. Unde sapientissimus Rex, ne
 exultationem suam manifesto periculo exponat, atque militum ardorem
 obsidionis mora restinguat, cepit consilium Moldaviæ, & Valachiam sub-
 jugandi; relictoque validissimo præsidio in his provinciis, ad Danubium
 proferendi victorias, indeque in Bessarabiam, b) quo Tartarorum agmina
 ab Ottomanis secludat. Hic typus expeditionis erat.

Ut vero hæc consilia e voto cederent, Moschos sibi fœdere devin-
 ciendos existimavit Sobieskius. Missa perhonorifica legatione, Joannes, &
 Petrus c) Moschorum Principes, adnitente potissimum C. Nostizio, Im-
 peratoris Leopoldi Oratore, facile in amicitiam armorum venere. d) Sed
 quantumcunque Rex in adornanda expeditione elaboravit, ad extremum
 vix operæ pretium tulit. Scilicet NON semper cum industria, cum vir-
 tute fortuna consentit. Multi Duces, multi Imperatores fortitudini suæ,
 & industriæ successum non respondere doluerunt; multi contra bonitate
 causæ, apparatu rerum destituti, iniqua felicitate præter spem, meritum-
 que donati sunt. Mense Junio e) ad finem vergente, lente admodum con-
 fluentes copias in castris Tyram inter, & Pruthum fluvios sitis, Rex oppe-
 riebat. Ne otio miles marcesceret, tria equitum millia Camenecum ver-
 sus iussit procurrare cum imperio: loci prædarios ut in certamen pauci
 proluciant, ac simulata fuga alio calle celerrime reversi, cum sociis incautos
 opprimerent. Res prospere evenit. Mille admodum e præsidio erumpen-
 tes, ubi multo itinere fatigati, passim procubuerunt, indulgentes etiam
 somno incauti, a superveniente equite ad unum omnes cæduntur. Hoc
 principio læti Poloni, Jassium principem urbem Moldaviæ mense Augusto
 petunt. Visum est Regi unum e Societate Jesu Sacerdotem præmittere,
 qui Vaivodæ animum in Christianorum partes peritus flectat, aut persua-
 deat, ut bellum, cui se necessitate implicuit, implicabitque in posterum,
 minimo, quam posset, Christianorum damno gereret. Ille incusata tempa-
 rum iniquitate reposuit: *filium suum Principem Byzantium obsidis nomine
 abreptum; paternæ fidei præmia, aut perfidiæ pœnam primo quoque tempo-
 re experturum; neque se, etsi maxime vellet, Polonis posse accedere sine
 aperto capitis discrimine, circumseptum nimirum Turcarum, Tartarorum-
 que manu.* Hæc elocutus, collectis propere valis, ad Nyradinem Tartariæ
 Regulum, haud procul cum Turcis castra tendentem se contulit. Unde mi-
 seram Principum Moldaviæ, & Valachiae conditionem agnoscas, qui Chri-
 stianis parentibus orti, in suæ Religionis homines arma vertere adiguntur,
 nisi Principatu, id est splendida servitute, vita, prolibus spoliari malint. f)

Dilapso

a) Camenecum fere tanti erat Ottomanis, quanti Buda. Haud tamen perinde validum, & late
 dominans. b) Bessarabia jacet post Valachiam inter amnem Tyram, & Istrum, ubi iste in ma-
 re nigrum; sive Pontum Euxinum præcipitat. Bessarabiam raro invenias apud Geographos,
 sed Tartariam Budziacensem, Biellogradensem. Hujus enim nominis Tartari eam regionem
 incolunt, si oppida quædam Hungarorum demas. c) De his Principibus egi pag. 116. Utrum-
 que vero rerum potitum eo temporis, didici ex P. Antonio Foresto S. J. Tom. III. pag. 571.
 Joannes nullis artibus regnandi instructus, fratri suo imperium cessit triennio post detecta,
 nescio qua conjuratione, ut suo loco narrabo. d) Fœdus istud duobus, & triginta capituli-
 bus coaluit, quæ Porta Ottom. Tom. 11. refert. e) Anni 1686. f) Repetè memoria collo-
 quium C. Ladislai Csákii hoc eodem anno habitum cum Principibus Moldaviæ, & Valachiae,
 quod jam recensui, dum res Hungaricas prosecutus sum. Valachiae Principi id temporis Sor-
 bano Cantacuzeno nomen fuisse reperi apud Joann. Bapt. Vicum Caraffæ Encomiasten pag.
 335. uti Moldaviæ Principi Constantino Cantacuzeno.

Dilapso Principe urbs Jassium, salvis civium fortunis, Regium præ-A. C. 1687. fidium accepit. Tartari, & Turcæ obsessis versus Valachiam itineribus, la- teri Polonorum assiduo hæserunt. Atque istud movit Regem, ut evitata Valachia, recta in Bessarabiam, sive in Tartariam Budziacensem, festinatis profectionibus contenderet. Id cum animadverterent Tartari, jubent expeditum suorum agmen Polonum prævertere, ac omnia depopulando, nihil uspiam, quod usui venturis esse posset, relinquere. In longinquis, nudisque illis campis, brevi fames incepit urgere exercitum. Nec viarum ductores aderant, qui per deserta regionum, iter ostenderent. Ad hæc Regem metus incessit, ne Tartari ex Hungaria reduces a fronte exercitum clauderent, etsi Cantacuzenus Valachiæ Princeps fidem dederit, omnem viam se præclusurum Tartaris. At FRUSTRA fidem exigas ab eo, quem spes, meliorque fortuna regit. E tantis difficultatibus ut se explicaret Rex, reditum decernit. Hærent Vestigiis Tartari, & Turcæ, crebrisque præliis nunc postremum, nunc medium agmen laceffunt. Ausi quoque angustias post Pruthum fluvium, vallo, & castrensis machinis firmare, tot malis circumventos omni ex parte infesti præmunt. Rex ipse proximus exitio fuit, lethalibus globis juxta eum volitantibus. Tandem mense Septembri Jassium tenere, e fame, & lassitudine recreandi.


Prælidium deducendum omnes censuerunt, quod urbs amplissima ægre defendi posset adversus hostem, & in castello nihil uspiam nativi, ac perennis humoris reperiretur. In discessu illud accidit impium: Jassii incolæ sive Polonorum, sive Tartarorum (nunciabantur isti propinquare) rapacitatem veriti, pretiosa quæque suarum opum in templum oppidi comportarunt, loci religione, aut munimento direptionem, ut putabant, prohibitori. Cossacci, qui postremi urbe excefferunt, nobili præda capti, clam ignem immittunt tectis, factoque tumultu, dum cives suarum ædium incendia restinguere laborant, in templum irrumpunt, ac prædam omnem cum igne dividunt. Sic urbs amica incendio vastata est, maxima utique Polonorum invidia, in quos demum recidit, quidquid sceleris pauci prædatores patrarunt. In itinere Lusenczius Podoliæ Palatinus cum pabulatorum manu conciditur. At in sylva Bukovina clades est reddita. Hic exitus fuit expeditionis, viribus, impensis magnis (nam Respub. subsidium quadringentorum millium Rhenensium numeravit) expectatione maxima Fœderatorum, consilio non malo suscepta.

Copiæ reduces, sed trimestri itinere, fame, præliis multum attritæ, salutatam nempe abs se Tartariam, visamque eminus non sine Regii honoris imminutione narrabant. Unde in solitas querelas, turbasque conjectus Poloniæ populus, fœdus, quo videlicet regnum pessumiret, Imperator, & Veneti commoda amplissima caperent, averfabatur; Regi, Senatoribus, damnosæ fœderis authoribus, suas calamitates plerasque acceptas ferebat. Comitia ipsa parum præsidii spondebant; pavidi Proceres; frigida consilia. Multis diebus disceptatum in campo illo Senatorio, bellumne continuandum, an abruptum? Marchione Bethunio Galliæ Oratore discordias fovente. Evicit postremum Rex cum saniore Procerum parte, ut bellum decerneretur. Hujus causa Præsul Premisliensis, a) moderati animi vir, ad Cæsarem, & Rempub. Venetam est missus, quem consecutus est Venetias Moschoviæ legatus Michael Valkovius, b) suorum Principum fœdus, & susceptum in Ottomanos bellum nuncians. Sed neque Poloni, neque Moschi secundo Marte sunt usi anno MDCLXXXVIII. Poloni in campum prodeuntibus multa deerant; in primis Regis præsentia. Is valetudine incommodiore usus, seu vi morbi, seu lachrymis Reginæ consortis suæ, seu demum consilio medici victus, qui castrenses illos, ac tot itinerum labores Regi supremos fore præcinebat, domi se continuit. Absente Rege omnia lentius processerunt. Tartari contra e stativis mense Martio moventes, apertam undique Poloniam per otium concremant. Incendiariis quæ ob-

a) Premislia urbs Russiæ rubræ, cujus caput est Leopoli. b) Historicus Michalvik Valkof.


A. Cisterent copiae, cum nullae adessent, iterum utramque Podoliam urunt. 1687. Flammis suarum villarum calefacti Poloni, postquam plurimum aestatis defluerat, castra ad Camenecum faciunt. Jacobus **a)** ardentis ingenii Regius Princeps, exercitui sedecim millium (tot nempe quaterni Duces ad signa coegerant) praefuit. Ne Moldaviam peteret, superiorum annorum clades terrebant. Itaque Camenecum consilio sane improvido oppugnandum sumpsit. Iniectis septingentis majoribus globis, cum nihil proficeret, & insuper fluvijs Tyras extra alveum effusus, quasi hostium animos induisset, castra allueret, obsidionem solvit. **b)**

Moschi veluti una expeditione Imperium Ottomanorum everfuri, numerosissimum exercitum contraxerunt. Ter centena millia Basilij Galiczinus, supremus armorum Praefectus, recensuit, dum in minorem Tartariam **c)** profectionem institueret. Sed haec multitudo hominum nihil pro numero gessit. Basilij lentis itineribus progressus, citius egestatem in castris sensit, quam hostem videret. Praeterea Tartari, Polonorum cunctatione opportunitatem nacti, suis viribus in Moschos agendi, in terna agmina copias partiti, pars regnum Astracanicum, pars denique annonarias domos Moschorum flammis delevit. Unde terribilis ille exercitus neque viso hoste, neque ulla re gesta, celerius, atque confluerat, dilapsus est. Basilij nomen apud Moschos perinde, ac Confederatos lacerabatur, quod tanto exercitu, tota aestate egerit nihil. Ille turbis, & extrema cunctatione Polonorum semet tutatus est; utque omnem suspicionem amoliretur, Samuelovichium Cosaccorum Zaporaviensium **d)** Ducem proditionis reum peregit, vincitumque cum filio in Moschoviam raptavit. Hic belli status, haec rerum facies in Moschovia, & Polonia erat, dum Solymano III. summa imperii delata est.



SOLY-

a) Is nempe Regius Princeps, qui Patrem ad eximendam obsidione Viennam comitatus, periculo suo memorabile praelium ad Parkanum fecit. Vide annum 1683. pag. 151. **b)** Anno 1688. **c)** Minor Tartaria, sive Europæa, aut Scythia parva inter Borysthenem, Tanaim, & Pontum Euxinum excurrit. **d)** De his Cosaccis diximus ad annum 1655.



S O L Y M A N U S III.

I M P E R. O T T O M. XIV.



Imperii sui paucos admodum annos numeravit Solymanus, 1687.

a) crebris tamen seditionibus, magnis cladibus infames, Princeps animo, & corpore nimisquam infirmo ad res Imperii; neque suis, neque Confœderatis Principibus multum metuendus. Promulgato de more novo Imperatore, Sciausius Vezirius triumphanti similis Constantinopolim ingressus, se, suumque

militem in corona Purpuratorum Solymano stetit. Jeghenus meritis ferox, qui copias suas in castris continuit, apud Imperatorem egit, eadem pompa ingrediendi urbem, sibi ut potestas fieret. Repugnavit acriter Sciausius, multam in aula gratiam, elatosque superbi hominis spiritus formidans. Hunc metum præcipuum intendit populi favor in Jeghenum, quem rerum fama, ac militum studiis alioquin clarum, summe celebrarunt Byzantini, quod Sciausii copias ab itinere Byzantino non averterit (etsi exauthoratus Mahometes filiam suam, Mussaipi vita functi conjugem, & Sophiæ præfecturam, ut rumor erat, addixerit, si quovis pacto istud perficeret) existimantes eum Reipub. amore, privatam felicitatem neglexisse, ut scilicet mutato Principe per legiones, mutaretur quoque Imperii fortuna. Dolor imminuti honoris factione Sciausii, Jeghenum ad præsidia dignitati paranda acrius incitavit. Mittit fidos b) e suis cohortibus in urbem, qui Janicsaros, ac Spahios ad postulanda stipendia, & donativum incendunt, quod e veteri consuetudine novi Principes ad eam diem militi numerarunt, aut certe populationem urbis concesserunt. Avidis auribus hæc talia Janicsari accipiunt, diuturnæ militiæ, quæ debebantur, stipendia flagitant, Spahii insuper congiarium minaciter poscunt. Præfecti, quo tumultuantium conatus sisterent, componerentque, nullam operam omisere. Hæc ipsa sollicitudo maturavit seditionem. Fremere primum milites, tum interdum, noctuque consilia novandarum rerum agitare, & vires, furoremque consociare. Horum non ignarus Vezirius, argentariæ rei inopiam, difficultatem ærarii summa moderatione verborum excusat, atque in futurum votis ampliora

a) Quippe anno 1691. mortem obiit. b) Sic quidem Porta Ottomanica. Reipsa fateor, me nescire, ubi pedem figam, adeo varii Scriptores varios & authores & causas turbarum tradunt. Quorquot volvi, diversa produnt. Jeghenum plurimum contulisse ad convellendam domesticam pacem, in comperto est.

A. C. pliora pollicetur. Illi minas contemni suas rati, Præfectis, quos vindices
1687. metuebant, militares honores adimunt, ipsum Effendium imperiose digni-
tate spoliant.

Principium hoc erat ingentium turbarum. Ubi timeri se animad-
vertere, conclamatis ferociter armis, ad diripiendam urbem vertuntur.
Atque, ne ulla domus calamitatis expers foret, partiuntur inter se vicos;
qua deinde unumquemque libido, aut spes amplioris prædæ invitavit, per
aliena testæ inter cædes debacchantur. Ubique lamenta, conclamationes,
& fortuna captæ urbis. Expilatis privatorum domibus, & officinis, præ-
donum furor tantisper conquievit. Vezirius tanto torrenti impar, lenibus
remediis utendum putavit. Principem seditionis (Mehemetem Cochiukem
vocatam Porta Ottomanica tradidit) ad se cum aliquot sociis evocat; am-
plis muneribus, sonipede, vestitu perelegante cumulat, plura Solymani no-
mine spondet, si concitatos animos flexerit. Sic multa concedendo, nihil
aliud efficit, quam ut maiora expolcerent, quæ prævidebant negaturum;
nempe causam seditioni quærentes. Redux illo habitu ad commilitones, qui
in hypodromo alimentum turbarum sedulo circumspexerant, continuo su-
spicionem movit mutatæ fidei. Corripitur miser a validissimis Janicsaro-
rum, ac e vestigio frustatim conciditur. Hac cæde efferati, palatium So-
lymani minaces petunt. Negant se pedem inde moturos ante, quam tot
annorum perarduæ militiæ merces solvatur. Corrasis, nescio unde, pecu-
niis, terna stipendia viritim dependuntur. Reliqua, uti & congiarium ac-
cepturi, ubi sexcenta aureorum millia Memphi allata fuerint. Præsenti ære,
& promisso pacatis militibus rediit urbi sua tranquillitas, forma, leges, &
munia Magistratuum.

Sed promptos veluti in utre ventos, quos immitteret ad hæc omnia
perturbasda, habuit Jeghenus. Spargit in vulgus: Sciausium Vezirium,
& Kiuperlem consilia inuisse de Janicsarorum ordine delendo. Flammæ ma-
le sopitæ illico in atrocissimum incendium prorumpunt; cædes, populatio-
nes per urbem fiunt. Vezirius omnem invidiam in Kiuperlem callidissime
transfert. Hic ægre furentium gladiis ereptus, Canææ A) præfecturæ ad-
movetur dolo utique Vezirii, cui æmulatio, metus e Kiuperlis autoritate,
& gratia apud Imperatorem. Distulit suum fatum hæcenus Vezirius, non
avertit. Nam cum ærarium instaurare, & Byzantium tot legionum onere
levare vellet, nova vectigalia B) plebi imposuit, milites Adrianopolim pro-
ficisci iussit. Utrumque malo suo tentavit. Inter plebem irritatam, & mi-
litem seditionis statim convenit. Rapta arma, nudati gladii, Vezirius ad
necem postulat. Monitus ab amicis, ut tradito sigillo, tempestatem semet
subducatur, obsequitur. Privatum, desertumque furiosi multis vulneribus
confodiunt, ac per ludibrium e palatio in vicum provolvunt. Hunc exi-
tum habuit Sciausius Mahometis IV. & Solymani Vezirii proditor, cœptæ
ad Effekium perduellionis author; ferendis discordiis acer, temperandis
impar. Ut adeo verissimum sit illud Cornelii Taciti: C) IN turbas, & dis-
cordias pessimo cuique plurimam vim esse; pacem, & quietem bonis arti-
bus indigere. Uxor, eademque Kiuperlis soror, mariti ruina cum omni
familia eodem tempore oppressa est. Immensæ opes direptæ.

Hoc patrato facinore, de integro ordiuntur cædes, populationes.
Urbs vastissima per summam armorum licentiam triduo avare, crudeliter-
que est habita. Eo vero atrocius bacchatum est, quod nihil usquam provi-
sum adversum metus. Armati per vicos veluti furæ ex orco emissæ discun-
runt, passim vulneratis, occisis, ut quemque civium fors obtulerat. Ple-
næ cædibus viæ, cruenta fora, domusque. Mercatorum officinæ, atque
apothecæ rursus inexplebili avaritia, si quid reliqui foret, excutuntur.
Tormenta admoventur ditioribus, nisi abditas opes e latebris exponant.
Excidium ultimum instare crederes Byzantio, adeo hostili animo in omne
homi-

A) Canæa, seu Cydonia, urbs celebris Cretæ insulæ. B) P. Anton. Forestus hanc causam iteratæ
seditionis literis mandavit. C) C. Cornelius Tacitus Histor. Lib. IV. §. 1.

hominum genus sæviebatur: quodve miserrimum erat, nemo huic eluvioni A. C. sese opponere audebat; Imperatore, & Purpuratis æque latentibus: nempe 1687. quod ille tempestatem in suum caput concitatum putaret; isti facti invidiam, si in publicum prodirent, vererentur: omnes vero eam militum licentiam altius habere principium non falso suspectarent. Hinc seditiosi alieno pavore securi, quidquid ira, atque avaritia persuasere, in miserrima, & quasi bello capta urbe agitaverunt. Unus Mustius in eo supremo discrimine fortem se præbuit. Profert vexillum antiquitate, religione Ottomanorum inclytum, atque, ut credunt, Mahometi Prophetæ suo divinitus submissum, illudque præ foribus Imperatorii palatii defigit, obvios quosque ad ferendam opem pereunti Imperio ardente oratione compellat. Illico Byzantinis redierunt animi.

Fit ingens concursus ad palatium, plebs, nobilitas pro patria, pro suis, pro Palladio Imperii capeffunt arma, atria machinis obfirmant, vim vi opponunt. Improvisa mutatione rerum perculsi milites, arma abjiciunt, furorem ponunt, seque in potestate Mustii, & Soltani fore mæsti exclamant. Data, acceptaque tot facinorum venia, seditionis præcipui auctores citantur, ac præsentē innumerabili multitudine hominum palam plectuntur; nullo inter hæc motu inermis exercitus, ceu atrociora pertimescentis; adeo furentium impetus conspecto illo superstitionis vexillo elanguit. Sub idem tempus Vezirius est dictus Ismael quispiam, morbis perinde, ac annis confectus, sed vividi, severique ingenii vir. Hujus imperio multi e turbulentioribus partim suspendio necati, partim culeo insuti, in Bosphorum præcipitati. Provinciarum Quæstores æquitatis specie loco movit, aut suppliciis affecit, aliosque substituit. Jeghenum, præcipuum turbarum instrumentum, ut sibi conciliaret, Seraskerium Hungariæ appellat, cum prius Belgradi præfectura ornatus esset. Sed ille, ut erat vastiore animo, Vezirii dignitatem spe devoraverat, & quidquid infra votum obvenit, beneficii nomen amisisse existimaverat. Quin ausus nunciare Solymano: nisi Ismaelem quanprimum in ordinem redegerit, se Byzantium advolaturum cum suis, & alium Imperatorem (Mustapham Mahometis IV. filium designavit) Imperio daturum. Exanimis Soltanus imperiosi hominis terrore, Ismaelem Byzantio amovet, atque Mustapham consilio, manuque promptum in ejus locum jubet succedere. A) Hoc modo trimestri ferme spatio, quatuor Vezirii alter alterius cædem, aut exilium videre. B)

Tot civium strage, retentatis populationibus sædata urbs, ceu ex 1688. pianda foret, magnam partem conflagravit. Quater mille c) privata, publicaue ædificia pertinaci incendio, cujus causam plerique ignotam habere, sunt hausta. Nunquam alias Constantinopolis, bellis externis intacta, d) civilibus infelix, majora detrimenta accepit. Intra annum tamen e ruinis caput extulit, opportunitate maris, ubertate agri, aucto colonorum numero, & ædificiis instauratis, floruitque, ut antea. Inauguratio Solymani seu superiori, quod vero simillimum est, seu præsentī anno peracta, multum spei futuræ felicitatis detraxit. Novus Princeps ærumnis diuturni carceris, & quotidiano mortis terrore fractus, non moderandi solum Imperium, sed omnium, quæ ad humanæ vitæ societatem, usumque faciunt, artium imperitus fuit: trucibus ad hæc, vastisque moribus, ac mente non usque sui compote. Ut vires recepit, sumpto lautiore ornatu, fanum Jo-

Imp. Ottom. Tom. II.

M m

bi

A) Continuator Philippi Brietii Abbavillæ & nostra Societate, has turbas ad principium anni insequentis rejicit, secutus Michaelē Foscarinum Venetum. At certum mihi est, seditiones istas statim erupisse, ac continuasse exauthorato Mahomete IV. Imperatore, quod accidit X. Novemb. anno 1687. B) Adeo verum est illud Poetæ:

Invida fatorum series, summisque negatum
Stare diu. Lucanus.

C) Foscarinus octo millia incendio deleta Lib. VII. suarum Historiarum inseruit. D) Nam ut capta est a Turcis, nunquam Christiani nominis Principes eam obsederunt. Civilibus tamen bellis ingentia detrimenta accepit.

A. C. bi A) sonipede vestus petiit, solennis inaugurationis causâ. Confluxerat eo
 1688. ingens mortalium numerus. Imperatorem dena Janicsarorum millia, nec
 pauciora Spahiorum comitabantur, præter numerosum agmen famulorum.
 Vezirius dextrum, Mustius sinistrum latus stipabat. Purpurati longo ordi-
 ne, composito gradu sequebantur. Præibat Selihtar Aga nudatum, quo
 præcingendus erat Imperator, gladium gestans. Præ foribus sacelli, Ara-
 bici versus, B) symbola in laudem Solymani passim appensa, pronis in adu-
 lationem Purpuratis, & plebe. Ipse tanquam apud alterius civitatis popu-
 lum, brevi sermone peritiam regendi, bellicam suam virtutem celebravit.
 Tum Mustius solitis cerimoniis vecordissimo hominum gladium, velut jus
 necis, vitæque civium, porrigit. Eadem pompa in palatium reditum fuisset,
 ni tempestas turbasset.

Apud gentem cuncta interpretantem, funesti ominis loco acceptum
 est, quod Cidaris, ornamentum capitis, nullo vento agitata, in terram
 prolapsa fuerit, atque cælum atris nubibus repente involutum, densissimum
 imbrem effuderit. Unde omnis pompa momento evanuit. Ad perferen-
 dam mollius tempestatem injecerunt famuli Imperatori amiculum purpurei
 coloris. Istud ipsum, quod forte acciderat, in animis superstitione captis,
 curas magnopere auxit, interpretantium: Ottomanis sive in urbe, sive in
 campo multum sanguinis fundendum. Alii contra hoc quaecunque omen
 in Christianorum metum verterunt. Cæterum populus nullo edito gratu-
 lationis argumento, tristi, suspensoque supercilio, domum rediit; neque
 machinæ circum mœnia solutæ; quod alias occasione inaugurationis fieri con-
 suevit, Solymano, ut creditum, martialem illum fragorem minime
 ferente.

Vix turbæ confederant, cum repente in ipsum Imperatorem conju-
 ratio erupit. Præcipuus architectus Jeghenus habebatur, cujus inexplebi-
 les spes non expleverat, & Kasachis, Mahometis IV. conjux, Imperatori in-
 festa ob præsentem fortunam, quam muliebri prorsus animo quotidie luge-
 bat. Data fide, acceptaque per nuncios, consilium ineunt Vezirium occi-
 dendum, ac Solymano in carcerem recluso, Mustapham Imperatorem procla-
 mandum. Nec temerario impetu rem adorti, solerter legerunt, quos in so-
 cietatem sceleris adsciscerent, Janicsarorum, & Spahiorum Præfectos By-
 zantii tum temporis agentes. Per hos adjecti sunt ducenti gregarii. Rei
 exequendæ hic ordo fuit. Die tertio feriarum Bairan, c) dum Imperator
 cum Vezirio in Moscheam profecturus est, conjurati promptis gladiis Vezi-
 rium occupent, Imperatorem vinciant, Mustapham Mahometis exautho-
 ratum filium, vividæ ætatis Principem, Imperatorem proclamant. Aderat
 jam prima dies apud Ottomanos celeberrimi Bairan, conjuratis mutua fide
 lætis, cujus documentum tot dies fuere; cum totius machinationis series
 Vezirio aperitur. Apposuit iste solennes epulas, ut moris est his diebus,
 Janicsaris. Conjurati reiectis cum stomacho epulis, ante tempus ferociunt:
 avaritiæ, crudelitatis vindices se propediem fore minaciter jactant.

Vezirius lenissimis verbis iratos mulcere, stipendia, si cui debentur,
 ad assensum promittere, jurejurando testari, militem, Imperii firmamentum,
 sibi ad eum diem cordi fuisse, futurumque in posterum: orare omnes, ne
 tranquillum Reipub. statum convellant, dies summa religione, & cerimo-
 nia celebres novo tumultu ne fœdent. Quidam sive comitate Vezirii repen-
 te mutati, sive quia cœptis secundos exitus desperabant, cuncta ordine,
 conscio-

A) Busbequius Epist. I. laudatus a Pespierio apud Ricantium pag. 4. author est, hoc sanum non
 esse S. Jobo, sed cuidam Turcæ, qui primus per murorum ruinas Constantinopolim subiens
 trucidatus est, dicatum. B) Res certissima, gentem Turcarum a primis annis sui Imperii
 Poesi addictam. Soltanorum amores, illustria facta, prosperos, & infaustos præliorum even-
 tus, barbaricam ad lyram concinunt. Vulgatos versus truci, agrestique modo recitant, non
 ad mulcendas aures, sed præliares animos concitandos. Cætera literarum studia, si rudem
 Philosophiam, Pyrotechnicam, medendi artem, patriarum legum disciplinam excipias, altis
 tenebris conspecta jacent. Librariam officinam anno MDCCXIX. Constantinopolim inve-
 nitam, Commentarii rerum publicarum, & noster Petavius in suo Rationario temporum testan-
 tur. c) Quid nomine Bairan apud Ottomanos veniat? explicui Tom. I. pag. 99.

confciorumque nomina Vezirio exponunt, hic Solymano. Continuo Ja-A. C. nicsarorum Aga, tum Kihaja, prima capita conjuratorum exilio multan- 1688. tur, ille Trapezuntem, a) hic Vanum b) deportatus. Cæteri destituti primariis rectoribus, ac invicem suspecti, a Vezirio armatorum cohorte stipato, domi suæ metu torpentes, opprimuntur. Vario mortis genere affecti, diu in publicis viis insepulti jacuere. Lex insuper lata: ne cætus nocturni fierent, secus uti turbantes civitatis otium, pro majestate imperii coercendos. Multi specie conjurationis in vincula dati, qui grandi postea ære libertatem redemere. Fama est quaternos Hebræos quingentis millibus florenorum restem evasisse. Kasachis arctiori custodia est septa. Ad coercendum Jeghenum vires deerant, legionibus huic uni fere deditis. Inter ambiguos milites, & occultos hostes, optimum e præsentibus ratus Imperator, mutua dissimulatione, & iisdem, quibus petebatur artibus grassari. Et reip̄a anno insequenti eum interfici iussit.

Dum ejusmodi tragædiæ maximo motu Imperii Constantinopoli aguntur, miles Cæsareus, media quamvis hyeme, nobiles victorias messuit. Prima Januarii Tòkòlia, rupe sua Munkacsia eatenus durior, partim seditione militum, partim Hungariæ Ordinum literis emollita, conditiones admittit. Eæ erant per Comitem Carassam latæ; Princeps Rakoczia (Tòkòlii conjux) Viennæ degeret, quin tamen pomæriis pedem efferret sine Cæsaris voluntate. Franciscus filius Cæsarem, aut quem sui loco Cæsar institueret, haberet Tutorem. Instrumenta literaria, in primis diploma c) Mahometis IV. quo Tòkòlio Hungariæ principatum liberaliter tribuit, traderentur. Tòkòliani tundi, Regii juris in posterum essent. His, aliisque pactis arx triennio d) obsessa, cum armis, insignibus Principatus in potestatem nostrorum venit. Sex centum præsidarii Hungari mutata militia in Regia castra transgressi e) sunt. Tòkòlius amissa conjuge, liberis, Munkacsia ferocior, Tibiscanum agrum crebro populatus, nona Januarii per Heislerum occupatis ad Varadinum castris, fufisque legionibus, quas partim a Turca accepit, partim ære suo collegit, Gyulam propellitur; nec deinceps hybernantibus gravis fuit. Quatuor mensibus post, Alba Regalis in jus Leopoldi Regis concessit. Ea anno superiore vicinis præfidiis exuta, ac eminus obsessa fame magis, quam armis est tandem domita. Obsessos omnium rerum penuria urgebat; at Achmetes Gubernator, urbis conservandæ sollicitus, nunc importato clam frumento (quod sane licuit per obsidentium licentiam, quibus, ut fieri amat in diutinis curis somnus obrepfit) nunc ostentata spe auxiliorum, præfidiarios, & cives a præpropere deditione revocavit. Transfugia tamen suorum impedire non potuit, a quibus intellectum, annonam in dies arctiorem fieri, nec sustenturam per hybernos menses. Quo urbs allevaretur, potestatem fecit Gubernator civibus alio migrandi cum conjugibus, & liberis. Non pauci extrema perpeffi, propalam urbe excesserunt, suæque sponte captivos se dederunt obsidentibus; alii in urbem repulsi ad consumendos celerius com meatus. Inde præfidiarii, & cives in tumultum coorti, ad Gubernatoris ædes multis agminibus feruntur, ac panem, aut deditionem in clamant; præter Ducem seditionis nihil abest.

Ille tractandæ multitudinis non imperitus, quidquid annonæ in subterraneis fossis latebat, vulgo militum, civiumque viritim dimensus, viginti dies paciscitur, intra quos nisi auxilium acciperet, pollicetur deditionem se facturum. Mittit Belgradum Hussainem Bassam cum septem gregariis, ultimæ necessitatis nuncium, ni suppetiæ quamprimum venirent. Hussaines navicula secundo Danubio defluens ad arcem Erdòdiam a Saikariis im-

Imp. Ottom. Tom. II.

M m 2

pulsus,

a) Trapezus, apud Geographos Trabisonde, urbs ad mare nigrum. De hac non uno loco Tom. I. Imp. Ottom. actum. b) Vanum urbs ad limites Persiæ, Turcarum cruore non semel perfusa, ut demonstratum Tom. I. c) Ad verbum refertur hoc Diploma in Porta Ottomanica Tom. II. pag. 448. d) Peravii sunt verba, quæ huc transferre placuit: ante triennium iam Tòkòlii munitissima arx Munkacsium cæperat obsideri, sed defendere eam fortiter istius uxore, hoc demum anno fame fatigata sese dedit. e) Annales Hungariæ a P. Andrea Spangar S. J. concinnati sexaginta duntaxat ponit. Videtur error in numerum irrepsisse.

A. C. pulsus, relicto flumine noctu Valkovariam trepidus petit, ignarus eum locum
1688. cum ab Regiis obtineri, statimque captus cum literis Viennam abducitur. Interim Adamus Battyanius, Joannes Eszterhazius, & Ariezaga Leopoldo-
leos Præfectus, prima Maji cum septem millibus, Albam Regalem propius accedunt, atque oppugnationem strenue occipiunt. Turcæ semel, atque iterum adeo leviter erumpunt in operas, ut appareret, simulatam magis, quam veram defensionem fore. Et vero plebs hinc egestate, inde oppugnatione concussa, Gubernatorem post paucos dies adegit ad urbem tradendam. Neque ille abnuerat, modo conditiones ipse Imperator firmaret: hoc impetrato, nec se inferiores Agriensibus, & omnium salutem apud Solymanum etiam extra discrimen futuram. Deducuntur Laxemburgum per C. Zichium duo primarii Præfecti; conditiones auferunt, quales anno præterlapso Agrienses. Undevigesima A) Maji quatuor mille Danubium versus progressi, septuaginta navigiis Illokium summa fide devehuntur. Variam fortunam habuit Alba Regalis. Anno tertio, & quadragesimo supra millesimum quingentesimum Solymanus II. eam subegit. Nonagesimo tertio ejusdem seculi frustra tentata est a Zrinyio, ac Hardego; nec meliore successu retentata ab aliis. Tandem millesimo sexcentesimo primo a Duce Mercuriano, seu Mercurio Turcis erepta est; verum nondum circumacto anno, rursus jugum Turcicum accepit, B) non nisi sub Leopoldo Rege, ut nunc dicebam, in libertatem asserta.

Depullis frigoribus Cæsareus æque, ac auxiliaris miles, lentis itineribus Eszekinum pervenit; atque hæc causa fuerit, cur Caprara, qui non locum modo, sed Dravum quoque, & Savum, & Danubium tueri est iussus, militem deduxerit Petrovaradino, Illokio, quæ præsidia a Dunewaldo capta meminimus. Caraffa e Transylvaniæ stativis cum duodenis legionibus movens, tridui spatium oppidum Lippam, C) & arcem vicesima Junii expugnavit. Dedititii, quæ ætas, formaque melior, sub corona divenditi, cæteri Temesiam abire permitti. Præter captivos, annonam, salinos lapides, D) arma, multiplex præda in arce reperta. Lugosia iisdem diebus restituta est Leopoldo. Karany-Sebesia, ne eodem impetu caperetur, perfidiæ Rasciani transfugæ debuit; altero tamen mense, post sævam oppugnationem Veteranio se deditit. Inter hæc fausta expeditionis initia, quadraginta quatuor Germanorum, novem Hungarorum millia ad Eszekinum aderant. His adjunxit Bavarus octo suorum millia. Florentissimus hic exercitus, si tempore affuisset, non Belgradum modo, sed Bulgariam, Thraciam, ipsamque Constantinopolim, ingens nempe velocitatis, dignumque tot expeditionum laboribus belli præmium, retulisset; adeo res Turcica intestinis malis afflicta fuit. Lotharingo pertinacissimis febribus correpto, per Stratemannum aulæ Cancellarium, copiarum imperium Bavaro, & ejus Legato Capraræ defertur. Hic juxta Danubium cum copiis profectus, Illokium, Petrovaradinum, aliaque oppida a Turcis incensa, desertaque, quoniam universæ expeditioni permagno adjumento futura censebantur, milite, & rebus necessariis firmavit. Ad Petrovaradinum ponte navali structo, traductisque copiis in adversam ripam, Heislerus, & Vallisius Titulium, ad Tibiscum munimentum, tridui oppugnatione ceperunt.

Eodem, quo Titulium est captum, die, E) Bavarus in castra delatus, viso veterano milite, & armorum apparatu, spem non vanam concepit Belgradum, caput Serviæ, subjugandi, & Constantinopolim usque terrores proferendi. Sed ante omnia Savus fluvius in conspectu hostium transmittendus erat; res eo majori etiam periculo obnoxia, quod per eos dies alveum suum excedens incitator fluere. In insula a Zingaribus dicta, Tököliani, & Turcæ semet obvallaverant, prohibitori transitu Cæsareos.

Ad

A) Decima nona Maji Ephemerides Leopoldinæ anno 1688. B) Adi Tom. I. pag. 273. & 274.

C) Lipa oppidum Temesiensis provinciæ, olim arce valida munitum, nunc moles indigesta.

D) Historia Magni Leopoldi centum millia lapidum salinorum in prædam cessisse commemorat, Porta Ottomanica decem millia, quod verò similis. E) Nempe die XXVIII. Julii.

Ad Belgradum Jeghenus Seraskerius, cum triginta circiter millibus metatus, A. C. partem copiarum ad ripam adducturus credebatur. Bosniæ Gubernatori 1688. pronum erat in Sirmium irrumpere, atque nostros ultro, citroque commeantes, vel ipsum pontem infestare. Hæ difficultates futuræ erant in trajectu, nisi inciticia hostium, & domesticæ discordiæ plana nobis, & expedita relinquerent omnia. Ad distrahendas Bosniæ vires dimisso Badensi, Bavarus quintis castris Semlinum tenuit. Nona Augusti, una supra insulam Zingarorum leuca, obscura jam luce pons navalis fabricari est coëptus, Tòkòliani nullo successu laborem impedire nitentibus. Delecti fuerunt quingenti pedites, qui alteram ripam tumultuario aggere obmunirent: verum navarchis præ metu dilapsis, non plures ducentis quinquaginta transvesti, virtute sua numerum auxerunt. Sub noctis extremum Bavarus ipse cum Serenio, Steinavio, Aspermontio sex millia armatorum traducit ad repurganda, quibus ferme inculta vestiuntur, virgulta, vepresque, atque perducendum castrorum vallum. Tòkòliani, & Turcæ in hos, ab reliquo exercitu sejunctos, magna parte agminis incurrunt. Molientes humum subita impressione terrent, hora integra nunc pulsi, pellentesque cum fossoribus, & stationariis pugnam extrahunt, prætorianam Electoris cohortem audacius erumpentem, inter arbusta circumveniunt, ac cédunt. Ni perparce submisisset militem Seraskerius, deleri potuissent interfluente Savo divisi. Tandem Germani molesto certamine irritati, omni ex parte inconditum agmen invadunt, ac in effusam fugam compellunt. Ponte absoluto, postridie exercitus cum omnibus impedimentis in ulteriorem ripam evalit.

Hoc nuncio exanimatus Jeghenus, incensis Belgradi suburbiis, & castris, rapidissimo cursu Semendriam profugit. Tum apparuit, quos in pectore spiritus, quam pigros, ignavosque aleret lepus Galeatus; firmavitque opinionem apud milites, Rustainem Agriæ nuper Præfectum, & alios Ductores, proprias ob similitudines, aut æmulationem interfectos, non vero causâ detrectati certaminis. Cum enim Jeghenus in consultatione bellica ferociter denunciaret, se, quo die hostis appropinquaret, aperto in campo signa collaturum; Rustaines, & Hassanes, pluresque, qui deliberationi intererant, magnopere disuaserunt, ne nondum explorato hostium numero, locorum situ, regionis natura, temere in certamen ruat, viresque Imperii, uni prælio inconsulte committat. Ille ira percitus, quotquot adversari sunt ausi in Senatu, veluti timidos, & disciplinæ militaris corruptores, strangulari per suos satellites iussit, præter unum Hassanem, qui ad impediendum transitum missus, post dimicationem ad ripam Savi, & fugam, dilatam tantisper necem in castris reperit.

Collucente late Belgrado, sine mora alacerrimo militi iter edictum. Expediti equites præmissi, omnia tumultu, terroreque complent. Erat igitur, ut in proximo naufragio, rerum omnium ultima desperatio. Oppidani inter emicantes flammarum globos, convasatas sarcinas ad Danubium deferunt. Stratus erat, qua late patet, Danubius varii generis navigiis. Irrumpit miles in suburbia, atque cum civibus, cum flammis de spoliis luctatur. Qui vel ad fugam tardiores, vel terrestri itinere Semendriam versus semet contulerunt, plerique a præcursoribus intercepti, aut contrucidati periere. Danubius, alteraque Danubii ripa, quam liberam a Cæsareis noverunt, plurimis salutis fuit. Quingenta facile navigia, rates, lembi, Belgradensium opes, liberos, conjuges devehentia numerabantur. Undecima Augusti exercitus noster ad urbem adfuit. Rasciani, Judæi (decem circiter millia) obviam progressi Bavaro, se, suaque dederunt. Clementer accepti in sua ambusta tecta dimissi sunt. Oppugnatio urbis, arctisque non magni operis, nec multi sanguinis fuit. Fama tamen tanti præsidii, & Bavarus Elector famæ indulgentissimus, omnia per Europam in immensum auxerunt. Okius Uldurem Achmetes loci Gubernator, probi militis quatuor, collectitii sex millia; annonæ vim magnam, uti & bellicam penum abundanter habuit. A Jegheno ad Semendriam excubante, spem

A. C. auxilii, & animos accepit. Dispositis circum mœnia castris, obsidionales
 1688. viæ illico duci sunt coeptæ, tametsi grandiora tormenta, & naves, quæ
 Danubius frænaretur, duodevigesimo primum oppugnationis die Buda su-
 pervenere. Verberatione ostidui, ac cuniculo everfis mœnibus, sexto
 Septembris quaterna aggressio suscipitur. Irrumpentium Duces Scherffem-
 bergius, Emanuel Fürstenbergius inter ruinas conspicui minoribus pilis ster-
 nuntur: Auspergium lethale vulnus pugnæ extraxit. Ducum cæde magis
 accensi aggressores, ruinas uno cursu superant.

Hic novum periculum, novus labor fessis objicitur. Perduxerant
 Turcæ post ruinam mœniorum sat profundam fossam, eamque sudibus, at-
 que flore præsidii muniverant. Comes Solarius, qui unus e Ductoribus
 supererat integer, conspectu munimenti exterritos, exemplo voce confir-
 mat, expositus telis stationem tamdiu tuetur, dum Elector cum recenti
 manipulo, & vimineis corbibus inter pilarum grandinem advolaret. Vix
 elata lorica, Staremburgius in adversam fossam se conjicit, sequitur certatim
 miles incitatus: aggerem scandit, palos evellit, cruento certamine in ur-
 bem penetrat. Eodem tempore Rabutinius, exarmato tormentario suggē-
 stu alibi irrumpit. Heislerus claustris portarum pylocastro diffractis, in
 medium forum equitatum infundit. Tum enim vero cædes, non prælium
 fuit. Trucidantur armati, inermesque nullo sexus, ætatis, conditionisve
 discrimine; e tredecim millibus hominum, vix mille semiermes a furente
 victore vitam impetravere. Arx, oppidi fortunæ succubuit, bis centum,
 & quinquaginta peditibus in vincula abreptis. Stetit oppugnatio, ut vult
 Portæ Ottomanicæ Scriptor, bis mille quadringentis, septem, & octoginta
 capitibus. Ex his in suprema aggressione ter centum gregarios, Centurio-
 nes sex, Pro-Centuriones tredecim cecidisse satis constat. Saucii pauciores
 mille recensiti, atque hos inter Elector Bavarus humerum sagitta percussus,
 Princeps Commercyus; & Eugenius Dux Sabaudie, Belgradum suo cruo-
 re tinctum, nobili clade olim castigaturus. Altero die post expugnatam
 urbem meliori fide dimissi sunt Turcæ Semendriam, ac millesimo, quin-
 gentesimo primo, & vicesimo anno a) Hungari, quos Solymanus summa
 perfidia interemit, atque ab eo tempore longam sane tyrannidem perpeffa
 est. Bavarus translata in Capraram exercitus cura, dictoque Staremburgio
 Belgradi Præfecto, Viennam abscessit.

Nondum expugnata hac urbe, Jeghenus ad ciendas turbas aptior,
 quam bellum gerendum, ceu victor tergum premeret, volaticum suum
 agmen Semendria Nissam b) refert, atque per utramque ripam Danubii po-
 pulabundus, omnia oppida, in primis Christiani nominis, crudelem in
 modum deurit. Servia percurfata, Bulgariæ regionem haud ablimili acer-
 bitate evastat, ut adeo mirarentur, equid tanto furore provincias ureret,
 quas pro viribus tueri est iussus? sed hac libidine grassandi omne genus mi-
 litum, quibus scilicet populationes, cædes pro stipendiis erant, mirifice si-
 bi devinxit. Animadvertit quippe haud obscuris indiciis, se in lubrico loco
 in aula stare, & prima opportunitate dejectum iri, nisi militum favor obli-
 stat. Unde suas legiones impensius, ac antea colere, turbidissimum quem-
 que præfecturis ornare, licentia universos imbuere, omnibus dictis, factis-
 que apud exercitum se gratiosum reddere, prædam cum milite ex æquo
 partiri, socias urbes perinde, ac hostiles diripere. His artibus dum poten-
 tiam firmare nititur, multum virium Turciæ detraxit, interitumque sibi
 maturavit. Nam & Rasciani, & Bulgari, quorum vicos inter cædes No-
 bilium virorum incendiis fœdavit, explicantibus arma Cæsareis ad Moravam
 annem, societatem Ottomanorum deseruerunt; & Solymanus Imperator,
 turbido homini alioquin peroffensus, ne factionem magis roboraret, par-
 cius milites, & pecuniam ad exercitum Jegheni flagrantissimum submitit,
 &

a) Ea percurre, quæ Tom. I. ad annum 1521. memoravi. b) Semendria septem leucis Belgrado
 distita Danubio adjacet. Nissa ad amnem Nissam, seu Naissum, limisaneum præsidium
 Serviz.

& tandem in ejus necem arma exprompsit, ut suo loco exponam. Cæte-A. C. rum Vezirius literis sollicitatus, quater mille viris, & ære Jeghenum adju- 1688. vit, quo Belgrado promptiore animo opem ferret, sed is populari amicas regiones maluit, quam hostem videre.

Cessantibus Turcis primum erat Capraræ Serviæ provinciam Leopoldo asserere. C. Csakii equestris Hungarica legio, oppidum Barnoviczam ad Danubium situm felici astu occupat, mille quingentos Christianos servituti eripit, opulenta præda potitur. Bulgari, Rasciani, & Græci, legionibus adjuncti, multorum annorum injurias atrocissime ulciscuntur. Veteranius in altera parte Danubii Karany-Sebesiam, Siklovarinum intercipit, præsidariis Orsovam deductis, quam Bulgari, a) ut paulo post narraturus sum, aperta vi hosti eripuerunt, cæsis ad internecionem Ottomanis. Novigradum b) urbs ad pontem Trajani, Valachiae, Serviæque frænum, funditus deustum est per Tókòlium nimia præsidariorum socordia. Obsidibus datis, acceptisque a Veteranio, deliberabant isti per otium super conditionibus, quibus dederent se Cæsareis, metuque soluti portarum custodias laxabant. Hoc intellecto Tókòlius ad Vidinum metatus, rapidissimo cursu cum suis equitibus Novigradum evolat, Turcas veluti perduelles cædit, urbem, arcemque rebus omnibus spoliat, ac cineribus conspultam, triste sane bustum, Veteranio relinquit. Per eosdem dies Bulgarorum Antistes Joannes Stephanus Kneševicius Sardicensis c) Archi-Episcopus, qui Chiprovazii sedem fixerat, vir inter suos summæ authoritatis, opem adversus Turcam implo- ravit, pollicitus universam gentem arma correpturam, quamprimum Cæsareæ aquilæ ad limites Bulgariæ fulserint. Eadem mens erat Leopoldo Magno, deditque mandata ad Capraræ: ageret, vertente ut autumno in Bulgariam signa inferat, urbem Sophiam inclytam famam, sed undique apertam præprimis occupare contendat, hybernis militum, & explicandis per Bulgariam copiis mire opportunam. Præsulem vero literis benevolentiae plenis hortatus est, ut pro suo in rem Christianam studio, & Domum Austriacam fide, Parchevicii d) vestigiis insistat, atque Regionum felices progressus suorum popularium armis provehere adlaboret. Non leves difficultates expeditionem morabantur.

Nam tristes nuntii belli Gallici auxiliarem militem, Suevum, Francum, Bavarum ad sua potius tuenda, quam aliena impetenda revocarunt; & Cæsarei labore exhausti, numeroque diminuti impares habebantur tam arduæ, tamque longinquæ expeditioni, neque enim vehiculorum, currumque copia aderat, quibus opus esset, ad importanda alimenta in regionem, partim a Jeghenis vastatam, partim ab incolis desertam. Denique existimavit Caprara, Cæsareos hac hyeme quam longissime a Bulgarorum finibus abducendos, prædas nullo amicorum, hostiumve discrimine pro stipendiis habituros; magna utique jactura concordiae, quam primores gentis ultro offerrent. At posteaquam Georgius Pejachevicius, Kneševicii Sardicensis Metropolitæ Patruelis, Bulgarorum copiis ad Veteranium adductis, & capta per iter Orsova, aliisque arcibus, aperuisset, suam gentem ad excutiendum e cervicibus jugum animos, atque vires resumpsisse, & eodem tempore Leopoldus Cæsar Capraræ festinare auxilia Bulgariæ jussisset, quam Turcæ omnino hostiliter habebant, missus est Heislerus cum sex legionibus trans amnem Moravam ad capienda stativa prope Bulgariam.

Csakiani equites cum Bulgariis antegressi novis copiis, quas Bogdanus non minus sanguine, quam charitate in patriam Kneševicio conjunctus armaverat, augentur. Semendriam, Passarovicium, cæteraque oppida juxta Danubium adversus Tartarorum incursiones communiunt, fusis, fugatisque Turcis. Heislerus consecutus, equitatum suum trans Moravam

in

a) Porta Ottomanica Rascianis hoc factum attribuit; Literaria instrumenta Illustris Familiæ Pejachevicianæ Bulgariis, quibus, ut par est, fidem omnino habeo. b) Novigradum: olim Fedislavia, munimentum Serviæ intra Vidinum, & Ramam. c) Sardicam, nonnullis Sardicæam, Bulgariæ urbem vix rudera, ubi olim steterit, viatori produnt. d) De hoc vide sis, quæ narravimus ad annum 1665. pag. 41, quorum memoria huc plurimum facit.

A. C. in hybernis locavit, Veteranio in Daciam reverso. Propinquantē Cæsareo 1688. milite; omnis late Bulgaria ad recuperandam libertatem in arma exarsit. Quatuor Præfeti Chiprovazenses, totidem Capilovazenses, cum suis quisque turmis, atque cohortibus, Csakio Tribuno, Pejachevicio, & Bogdano se se adiungunt, ac castris ad Cutlavizam positis, Turcicum agrum populando in dies validiores fiunt. Tòkòlius multo inferior, non ausus progredi in apertum campum, modo furtivis incursionibus, modo parvis præliis castra divexavit, plerumque victus. Unde Bulgari contempto hoste disciplinam castrorum negligere, sine præsidio populationes facere, custodias ubique laxare. Nimia securitas eorum res multum afflixit. Quippe proditi a transfuga, dum spoliis onusti solutis ordinibus ad castra contendunt, ex insidiis erumpente Tòkòlio plerique cæduntur. Hanc cladem longe atrocior consecuta est. Eodem enim impetu castra sunt capta, dirptaque. Plura millia Bulgarorum eo die desiderata; qui stragem evaserant, Chiprovazium petierunt.

Erat illud oppidum in omnem belli eventum, rebus omnibus egregie instructum. Annona, arma, juvenus numerosa, & pro patria quodcumque fatum exceptura, aderant. Tòkòlius accitis undique militibus, tumultuarie obsidionem infert, primoribus non libertatem modo, sed & opes, & honores sive in Transylvania, sive Valachia (alterutram provinciam spe devoraverat) pollicetur, si deditiōem maturarent. Illi tolerata obsidione, intempestivum nundinatore campo emoveant, hyeme alioquin in homines, & jumenta sæviente. At postero anno rediit Tòkòlius apparatu armorum edomando Chiprovazio par. Bulgari etsi aras, & focos omnibus nervis propugnarent, tamen quod Turcæ dies, noctesque assultus continuarent, ad extremum cum patria ceciderunt. Trucidatis defensoribus, aut servitute oppressis, oppidum suis civibus jam vacuum, per plures dies diripitur. Fama est centum, & amplius currus lautis opibus Bulgarorum, quas diuturna pace cumulaverant, vel securitatis causa huc convexerant, oneratos hostem avexisse. Reliqua oppida pari clade vastata, triste monumentum erant Turcici furoris. Plerique Christianorum in eo tractu a furente victore concisi sunt, nec mulieribus, puerisque, ac se deditibus est parsum. Pauci rerum omnium inopes in monte Hemo salutem reppererunt. Kneševicius Archi-Episcopus annis sup̄uaginta maior, sed præsentis animi, fideique, sacram templi sup̄ellectilem, & iconem Dei Matris prodigiis claram per confertos hostium globos felici ausu abstulit. A Tartaris in itinere circumventus, persoluto exiguo lytro, liber dimittitur, non utique sine ope cœlesti, QUAM procul dubio præsentem sentiet, quisquis Dei causam pia fortitudine agit. In Valachiam delatus, a Cæsareis Præfets pro dignitate habetur. Subinde cum Maria Cantacuzena Sorbani a) Principis Vidua in Transylvaniam profectus, Carolinæ, sive Albæ Juliæ piissimus exul vitam finit, relicta perenni sui memoria in icone Magnæ Matris, quæ nostra quoque tempestate, Carolinæ publica religione colitur.

Hunc infelicem exitum habuit Bulgarorum molitio. Pejachevicius cum reliquiis copiarum Martem secutus Cæsareum, sub Principe Badenſi, atque aliis Imperatoribus perutilem operam sive in pugnis campeſtribus, sive urbium obsidionibus navavit, atque cum suis posteris extra Bulgariam, bellicis, pacisque artibus fortunam pristinam reparavit. Eo funestissimo excidio Chiprovazensis provincia in solitudinem redacta, nondum suos colonos videt; feraces argenti venæ, e quibus potissimum Bulgarorum opes, obrutæ squallent; Religio Orthodoxa tot sæculis florens, pene extincta. Has calamitates Chiprovazensibus, lachrymis suis prænunciasse visa est Deipara. Dum enim quinta decima Augusti Virginis cœlo receptæ die, ante annos decem, ejus imago, de qua locutus sum, festa supplicatione per oppidum circumfertur, lachrymas narratur profudisse; id quod universam gentem sacro horrore perstrinxit, gravissimam tempestatem, aut ultimum exitum

a) Aliis Schorban Vaivoda dictus.

exitium suæ patriæ metuentem. Sed labentibus annis meliora sperare cœ-A. C. perunt, dum denique perirent. Ad Nicopolim tamen rebus pacatioribus 1688. Romana Religio Philippi Stanislavichii, Episcopi Nicopolitani, vigilantia, atque industria caput extulit, Paulicianorum A) hæresi multum repressa. Non minore ardore his annis Nicolaus Stanislavichius Csanadiensis Præsul suas curas intendit ad eandem conservandam, propagandamque in suos populares, quos sparsos per Hungariæ provincias, e tristi naufragio Theresiopolim B) recens fundatam, mira sollicitudine colligit, ac uberrimo Divinæ gloriæ proventu, mercede nempe summis Præsulibus expetenda, pastor optimus nutrit. Ita Dei, Regis, civiumque suorum res nimium prolapsas conatu sane maximo felicitati pristinæ reddere elaborat. Hanc Bulgaricæ gentis calamitosam conversionem, quanquam duorum annorum intervallo factam, conjunxi, ne divisa haud perinde ad suam memoriam valeret. Nunc cætera persequamur.

In Illyrico Ludovicus Marchio Badensis, illustri victoria hoc anno inclaruit. Quo facilius superaret Savum Bavarus, Badensis septem millia pugnatorum ad distinendum Bosniæ Præfectum duxit. C. Hoffkirchius interceptis hostium navigiis, decima quarta Julii, Savum ad Brodium transmittit, improvise valla invadit, obtinetque. Id ægerrime ferentes Turcæ, magno numero conglobati, continente undeviginti horarum oppugnatione aggeres recuperare contendunt. Inconsultus ardor refrixit trucidatis mille ducentis. C) Defensorum ceciderunt octoginta gregarii, tres Hungari Centuriones, unus Germanus. Adhæsit tantisper profectio ob paludes, quæ tum temporis plus nimio intumuerunt. Nona Augusti ipse Badensis prope Sisciam, sive Sissekium transgressus Savum, Nicolaum Erdödium Banum Illyrici, cum copiis Croatarum in castra accepit. Perruptis Sylvarum, montiumque claustris, Unnam fluvium fugato hoste trajicit. Kosztaniczam, Dubiczam, Gradiscam, Jaszenoviczam, non ignobiles arces, variamque hoc bello fortunam expertas occupat. D) Dum ad Brodium Savum ponte consternit, e Gradiscano cive intelligit, Topolium, Bosniæ Præfectum, haud procul Brodio cum octo circiter millibus post montem latitare. Hoc lætus indicio, peditatum omnem cum impedimentis ad Savum remittit, seque postridie secuturum assimilat. Nolebat scilicet destinatam animo expeditionem denudare, ne videlicet per colonos Turcicæ societati addictos, rumor emanaret ad hostem. HAUD ignarus: consilia omnia, & præcipue bellica, tamdiu tuta, quamdiu tecta.

Incumbentibus tenebris, terna non amplius millia cum quatuor minoribus machinis in Topolium movet. Emensus montem, ad cujus radices metati sunt hostes, primo diluculo in stationarios incurrit. Uno capto, reliqui effuso cursu in castra delati, Christianos adesse nunciant. Topolius primum, ut in re nec opinata, turbatus parumper, deinde vetus miles collecto animo, quindecim millia armatorum (ut e signis peditum, equitumque animadversum) uno agmine in Cæsareos effundit. Ea multitudo non modicam sollicitudinem Badenfi incussit. Sed jam eo loci perventum est, unde receptus sine præsentis clade minime patebat. Igitur & ipse necessariæ pugnæ signum pronunciat. Dextrum latus Comiti Castellio, sinistrum Piccolomineo, veteranis ordinum Ductoribus committit; sibi nullum locum deligit, quo laborantibus ubique adesset. Topolius, ut numero impares circumfundat, a fronte, & latere semel, atque iterum summa vi aggreditur; Cæsarei in cuneos congregati, densi undique, & frontem, tergaque, ac latus tuti, firmissimo gradu persistunt, fistulis crebrius, quam gladiis utuntur. Fracto, quo plurimum valent Turcæ, primo impetu, concitant

Imp. Ottom. Tom. II.

N n

equos

A) Isthæc hæresis multos Bulgarorum corripuit. Quædam eorum dogmata refert Ricautius Anglus Parte III. de militia Ottom. c. 11. pag. 147. Edit. August. quo loco Bulgarorum cultissimos mores, vestium genus eleganter expingit. B) Theresiopolis urbs haud procul Temesia, alias Vinka nominata. C) Ita Porta Ottomanica. Historia Magni Leopoldi 500. illa aggreffione occubuisse memorat, atque Brodium oppugnatum. D) Etenim hoc bello jam a nostris, jam a Turcis obtinebantur.

A. C. equos in languentes, Spahios momento fusos late dispergunt. Janicsari 1688. partim in medio cæsi, partim in palustria loca compulsi, glandibus configuntur.

Topolius (aliis scriptoribus Solymanus) torrente fugientium abreptus, ut se denis equitibus circumventum vidit, memor dignitatis, ne vivus in potestatem victorum veniret, pertinaci pugna cecidit. Jam collum plumbea glande trajectus, demisit arma moribundo similis, iis exutus, ut linguentem revocavit animum, prægrandi, quem intra vestis lacinias conditum habebat, cultro, unius equitis latus haurit, reliquos furore amens impetit, dum obversis sclopis conficitur. Tradunt Scriptores A) novem millia hostium occisa, duo capta cum omnibus castris, & quadraginta signis, quibus Viennam ad Leopoldum missis re, non verbis, æmulorum invidiam compreflit Badensis. Post hanc victoriam ad universam Bosniam oculos, animumque adjecit. Et redactus erat in provinciam, si legiones maturius adfuissent Belgrado. Banjalucam B) vi nulla admota victor intravit, ac diripuit; ferri quoque secturas suæ potestatis fecit. Serajum C) urbem mercatu celebrem, & totius regionis princeps monopolium, tantus terror invasit, ut plerique incolarum amplissimis opibus alienæ fidei, ac solitudini relictis, alio migrarint. Et alienus utique non erat Badensis ab hujus urbis aggressionem, deque ea per Piccolomineum Leopoldum Cæsarem certiore reddidit. Sed obstante exiguo militum numero, & viarum difficultate, visum est hac expeditione in præsens abstinere. Breska (nonnullis Kruska) iis in locis non invenustum oppidum, eo quo advenerunt die Cæsarei, præsidium accepit. Sex legionibus auctior Badensis, arcem Zvornikam ad Drinam amnem, vallis, & duobus millibus præfidiariorum munitam obsedit. Vix cœpta oppugnatio, cum mulierum globus in fastigio arcis apparuit, veniam, pacemque comprecantium. Virorum contumaciam fæminarum lacrymæ molliaverunt. Adsunt Legati, conditionibus, quas victor daret, arcem tradituri. Salvis corporibus dimissi sunt omnes. Arma, opes militi cedunt; Gubernatori tamen quadraginta equos, honoris, an dedecoris causa? abducere licuit. Præcipite in hyemem autumnus, Piccolomineo hybernis Bosniæ præposito, Badensis Viennam abcessit. D)

Haud perinde Venetis, Polonis, Moschis fortuna favit. Franciscus Morosinus Dux Reipub. renunciatus, simul præfecturam classis in Peloponneso retinuit, uti Cornarus administrationem Dalmatiæ. Prior præter Venetum, Melitensem, Florentinum militem, terna Helvetorum, dena Græcorum millia suo sub imperio habuit, ut adeo Chalcidem, Eubœæ urbem, duobus, & viginti millibus armatorum terra, & mari impugnarit, cum tamen eodem tempore alter exercitus apud Corinthum hosti oppositus esset. His tam numerosis, tam florentibus copiis nihil feliciter actum. In principio expeditionis Candiæ recuperandæ aliquot cives spem fecere. Eo cursum intendit Morosinus cum triginta duabus triremibus. Verum siue conspiratio oppressa fuerit, siue fides, animusque non constiterit iis in Peloponnesum renavigandum erat ad Chalcidem E) oppugnandam. Classis insulæ quidem portum prospera navigatione tenuit, at denis continenter diebus adeo maritima vi exagitata fuit, ut graviores machinæ in terram exponi non potuerint, & militi evigilandum in armis fuerit adversus barbarorum incursiones. Hoc permolestum initium, triste augurium erat infestæ oppugnationis. Urbem Chalcidem quatuor montes inter se conferti obvallant. Istos veluti scutum urbis, pro multitudine militum, civiumque egregie communiverat Arab-Regopus Gubernator. Itaque e Königsmarkii, &

A) Portæ Ottomanicæ. Alii quinque millibus partim in arena cæsis, partim in fuga occupatis, multo modestius victoriam ad posteros transmisere. B) Banjalucæ sedes Præfeti Turcici Bosniæ, urbs ad fluvium Verbanum. C) Serajum, Geographis Serajo, juxta Bosnam fluvium urbs clari nominis. D) Porta Ottomanica Tom. II. E) Chalcidem, seu Negroponte, hoc anno oppugnatam a Venetis Scriptores testantur, non vero Corinthum, quæ anno superiore incendio conflavit.

& Vernedæ A) machinatorum principis consilio, montium munimenta non A. C. sine obsidionalibus viis, tormentis urgeri sunt cœpta; tanto autem conatu 1688. utrinque certatum est, quasi fortuna Chalcidis in expugnatione istarum munitionum verteretur. Turcæ una eruptione multam cladem, multum pavorem intulerunt castris, pulsa Florentinorum cohorte. Objecit semet Marcillius Eques Melitenfis, qui illic curabat, cum decem sociis, & centum gregariis, editaque cruenta pugna impetum furentium retudit. Postremum Morosinus accitis quoque classiariis, aciem in clivos erigit, datoque signo omnibus locis irrumpendi, maxima strage Turcarum munimenta expugnat. In urbem pauci dilapsi sunt; reliquos vel mare hausit, vel ferrum. B)

Ex altioribus locis urbs mense uno, & amplius concussa, spem nullam dabat deditiois, quod pro spatio loci satis præsidii haberet, frumentumque in plures menses suffecturum. Sed nihil æque animos obsessorum confirmavit, ac morbi latius in dies serpentes, omnemque exercitum Venetorum depascentes. Verneda majori pile discerpto, Königsmarkius ipse copiarum Dux, decima septima Septembris vi morbi extinguitur. Insolito luctu militum, & Reipubl. mæore ejus mors accepta est. Morosinus terrestrium simul, & maritimarum copiarum Imperator, in publica illa clade aggressionem retentandam (unam nuper instituit Princeps Darmstadius majore ostentatione virium, quam successu, cœsis e germanis legionibus, mille gregariis, & septuaginta Præfectis, ipso Principe ægerrime manus hostium evadente) existimavit, sed quoniam militi nec spes vincendi, nec animus aderat, infelicitur. Dalmatæ, Florentini, & Hannoverani, soluto cuniculo in ruinas enisi, depulsis defensoribus, stationem obtinuerunt, & haud dubie in urbem gradum promovissent, nisi ab omni auxilio sociorum, tædio laboris, & morbi invalescentis deserti fuissent. Pauci e Dalmatis integri in castra redierunt. Ingemuit Morosinus ad fortissimorum militum stragem, neque diutius moratus, amissa dimidia parte exercitus, irritato incepto, Chalcide in hyberna discessit.

Cornarus in Dalmatia hyemem inquietam habuit. Morlachi superioris anni victoriis, ac spoliis illecti, rigida quantumvis tempestate, nunc furtivis incursionibus, nunc aperto latrocinio Turcarum oppida infesta reddiderunt: maxime maritima ussere, quia & plus prædæ, & procurfiones tutiores erant. Unde & Turcæ nunquam non armati aut Morlachorum, aut Venetorum agros depopulati, hyemem inter quotidiana certamina egerunt, pluresque, quam iusto in bello, utriusque gentis milites aut cædebantur, aut capiebantur. Inter hæc leviora prælia, Cornarus mense Januario cum suis Venetis Dernium c) oppidum, diffugientibus incolis occupavit, multasque familias Christiani nominis e provinciis Herczegovinæ, & Albanie in ditionem Venetorum traduxit. Quin etiam Albanus populus, jugum Ottomanorum pertæsus, variis legationibus obsecravit Cornarum, ut, quoniam omni fere Dalmatia ejecti essent Ottomanis, & Novum castrum, five Castellum d) in ditionem, imperiumque Venetorum cessisset, in Albaniam tandem transfundat copias, ac reliquias Christianorum miserrima servitute oppressas erigat. Non defuturos Castriotos, e) qui pro re Christiana se, fortunasque suas omni periculo objiciant, modo Reipub. victrices legiones signa Albanie inferant. Cornarus, cui haud promptum erat in eam provinciam deportare bellum, nondum Dalmatia subacta, sustentare tamen Albanos spe secuturæ quamprimum cpis non omittebat. Interim

Imp. Ottom. Tom. II.

N n 2

Alba-

A) Celeberrimus tota Europa hic machinator aliis Vereda, & Veneda scribitur. Ad annum 1684. de Cornaro huius discipulo memoria incidit in oppugnatione Budensi. B) Chalcidem expugnatam a Mahomete II. dedi Tom. I. ad annum 1470. pag. 32. C) Nusquam apud Geographos huius nominis urbem inveni; haud tamen procul a Morlachie finibus fuerit. In Porta Ottomanica Dernis dicitur, perinde ignotum vocabulum. D) Novum Castellum expugnatum est anno præterito. E) Georgius Castriotus Albanie Regulus, vulgo Scanderbegus, multis annis victor pugnavit adversus barbaros, cuius cineres vel ipsi Turcæ collo appendunt, ad fortitudinem, audaciamque conciliandam. Herois vitam edidit Maripus Barletius, quo non pauca in rem meam verti Tom. I. Imper. Ottom.

A. C. Albaniae Praefectus, Solymanus nomine, defectione incolarum perterritus, 1688. ad Primores literas dedit benevolentiae plenas, quibus universos amice hortatus est, ut in fide, quam ad tempus istud integram praestitere Turcis, manerent, secus ad internecionem omne nomen Albanorum venturum. Cum parum hisce moverentur, septem armatorum millibus conspirationem comprimere ante voluit, quam viribus firmaretur. Sed jam in armis erant Cataro finitimi populi, promisso Venetorum auxilio multum animati, infessoque itinere, quo ducendum Solymano fuit, incompósitos Turcas adorti momento fundunt. Quae res ad resistendum, & ad capeffendam pugnam eos impediit, quod non uno agmine iter faciebant (nam vallis angusta erat, ubi praelium contractum) eadem magnae parti ad fugam salutis fuit. Tamen mille, & sexcenti sunt caesi, multi saucii, & capti cum undeviginti signis militaribus, & multiplici praeda.

Victores juxta mare in Albaniam altius progressi sunt, haud secus quam in pacato agro sine violatione ullius rei. Medon A) urbs maritima illico portas aperuit. Cornaro, cujus videlicet auspiciis hanc expeditionem suscipere, varii generis spolia miserunt. Sub idem fere tempus equestre agmen Ottomanorum ad vastandos Morlachiae agros erupit. Bis centum Morlachis per tumultum caesis, totidem captis cum parvis liberis, & grege pecorum, laderam usque, sive Zaram, caedes, & incendia sparferunt. Ulti sunt inopinatam cladem Morlachi. Nam infecuti latrones maximam partem spoliolum receperunt, & mox in tria agmina divisi, hostium fines ad satietatem depopulati sunt. Exeunte Augusto Cornarus Clinovam, ameno in colle praesidium, obsedit. Urbe per assaultum occupata, undique defensores desertis stationibus in arcem fugiunt, quo jam prius saeminae, puerique, & alia imbellis turba semet receperunt. In adultam hyemem protracta fuisset oppugnatio, nisi fontis venam, quae praesidio supererat, avertisset Cornarus. Hac ultima necessitate adacti, positis armis dederunt sese. Traditus inter caeteros Praefectus loci Attalichius Albæ Regalis olim Gubernator, cum mille quingentis Turcis. Christianis bis centum diuturna vincula adempta. Verlicca oppidum prona deditioe in fidem se permisit. At Gabellam ad Narentum flumen praesidium & venti adversi, & severior autumnus tutata sunt. B) Hæc Venetorum fortuna in Dalmatia, & Peloponneso.

Polonorum hyberna, hoc anno incendiis incaluerunt, quæ media hyeme Camenecenses praesidarii sparferunt. Mense Maio cum nemo Polonorum armatus in campo adesset, iidem Camenecenses majore jam numero, & Tartari procurrentes, per otium non pauca oppida vastarunt. In reduces ausus est subitarium militem Aimidiszkus Tribunus immittere. Consertis manibus prope Camenecum, Turcæ pro spoliis dimicantes, caesis bis mille Polonis cum ipso Duce, duodeviginti signis captis, etiam victoriam reportant, multo comœatu in praesidium investo. Hoc praelium novas iterum faces, novam vastitatem Poloniae, inprimis Regiis oppidis attulit. Subinde frumentum e Moldavia, & Valachia diligenti cura Quaestorum ad Tyram amnem comportatum, Camenecum devehendum erat Nuradini Tartariae Crimæae Regulo, ubi numerosus miles non ad tutandum modo praesidium, sed ad vicinos quoque Palatinatus urendos excubabat. Supremus Polonorum Ductor c) commonefactus de ventura annona, tanto cautior effectus est, quanto praeteritum subsidium, Cameneci receptum, angebat magis ejus animum. Confestim itaque cum exercitus robore Camenecum contendit, annona prohibiturus inimicam urbem, & quoniam non sine certamine istud processurum intelligebat, militem pugnae accinctum in castris habuit.

Verum

A) Medon urbs maritima Albaniae. B) Foscarinus Lib. VII. ad annum 1688. & Porta Ottomanica. C) Nec a Lengnichio, nec a Porta Ottomanica nomen Ductoris proditur. Narratio utriusque fera eadem est.

Verum quod fluviuſ Tyras per eos dies violentior inveheretur, & A. C. Poloni in ulteriore ripa multo attentiores, ac antea, conſiderent, Tartari, 1688. annonæ cuſtodes, non auſi ſemet committere flumini, in Moldavia reſtiterunt. In Pocutiam nihilominus, nullo vaſtiore fluvio deſenſam, populationem intulerunt, rati: ad juvandas popularium urbes, longius Cameneco abſtractos deprehendi Polonos poſſe. Quos cum eo tumultu nihil motos animadvertiſſent, munitiora loca præter morem ſuum oppugnare cæperunt. Creverunt inde animi Tartarorum, & quaſi vires Poloniæ unis caſtris inclufæ forent, ſoluti curis omnia languide egere. Sedecim Polonorum centuriæ, quibus Pocutiæ ſalus commiſſa, vindictæ appetentes, celeritate maxima Ductore Krinſzkio, veteri, fortique Centurione, in prædones feruntur, multisque e veſtigio cæſis, & in fuga captis, prædam omnem recuperant.

Nuradines morarum pertæſus, nondum Tyra ripiſ ſuis coercito, vehicula quinquaginta commeatu onuſta, cum militum præſidio Camenecum expediit, præmonito prius Gubernatore de annona in urbem invehenda, juſſoque aliquot ſigna peditum ſtato die, horaque obviam mittere. Miſit magno delectu ter centum Janicsaros. Poloni demeſſis, aut exuſtis, quæ jam matureſcebant, frugibus circa Camenecum, alio tranſtulerunt caſtra, auditoque Tartarorum manum advehere annonam, ſine mora ad intercipiendum hoc qualecunque ſubſidium, equitum partem feſtinare jubent. Vix in mutuum conſpectum perventum eſt, cum Tartari laxatis habenis Tyram repetunt; at Janicsari objectu plauſtrorum deſenſi, fiſtulis, frameis irruentes Polonos proturbant, ſe, commeatumque acerrime tuentur. Numero victi, plerique poſtremum trucidantur. Pauci cum denis vehiculis Camenecum tenere. Clamore, ſtrepituque pugnantium excitus in ulteriore ripa Nuradines, tum quidem ſuas copias non movit, veritus, ut opinor, flumen, & armatas cohortes, quarum numerum explorare non potuit. Paucis poſt diebus ubi ripam liberam videt, ſeptuaginta milium exercitum cum multa annona feliciter traducit, atque caſtra caſtris Polonorum, qui ruſſum Camenecum inter, & Tyram metati ſunt, confert.

Undevigeſima Auguſti univerſis copiis Polonorum caſtra adoritur. Ad valla ancipiti pugna multis horis certatum eſt. Sagittis eminus Tartari melius pugnabant; cominus ſtabilior, tutiorque Polonus. Multitudine tamen miſſilium telorum, maxime ſagittarum, plures e Polonis aut vulnerati, aut occiſi ſunt. Adverſa hac pugna percuſi, nec ſtrepero, nec tardo itinere receptum quærunť. Tartari irritatis certamine animis acrius inſtant, ac in interiorem Podoliam feſtinantes vi ſumma perſequuntur. Mox in Lithuanie copias illati, partem caſtrenſis ſupelleſtilis intercipiunt. Campo jam victor Nuradines mille quingentos carros, re frumentaria oneratos, Cameneco inferť, & tranſgreſſus Tyram, eodem, quo venerat itinere, in Crimæam ſe retulit. Tum primum Leopoli adveſtæ majores minoresve machinæ Polonis animos reddiderunt. Sed hoſte elapſo, in caſtris reliquum autumnĩ fere in otio exigendum erat. Neque enim Camenecum ad tolerandam quamvis diuturnam obſidionem rebus omnibus paratum, oppugnare e re ſua exiſtimarunt. In tantas ſubinde rei cibariæ anguſtias reductus eſt Polonorum exercitus, ut multi armis gerendis impares, multi fame miſerum in modum abuſumpti fuerint. Unde plurimi, nulla petita venia, ſuas ſtationes deſeruerunt. Reliqui, præcipite in hyemem autumnũ, ad ſua ſtativa deducti ſunt, etſi ex Budiziacenſi provincia, ſive Beſſarabia, Tartarorum Hordas propediem erupturas in Poloniam pavidi agreſtes nunciarent. Hoc metu abſolverunt Polonos Coſacci Zaporavienſes, qui funeſtam Crimææ populationem fecere. Sic Tartari ad ſuarum villarum reſtin- guenda incendia revocati.

Apud Moſchos bellum ſane torpidum, nec uſpĩam minus caloris Martii fuit. Ut iſti meliore fide hoc annũ belli conſilia tractarent, agerent-

A. C. que fortius in Ottomanos ex fœdere, per Legatos orarunt Poloni, ingen-
 1688. tibus Reipubl. detrimentis Petro Magno Duci exhibitis, quæ Tartari repē-
 titis populationibus Poloniæ intulerunt. Responsum est perpaucis: flu-
 vios glacie duratos Tartaris pontes fuisse in Poloniam, asperam hyemem
 incusandam, non Moschos. Neque enim ita obsideri posse vastissimæ re-
 gionis itinera, ut volatica agmina non reperiant portam, qua evolent,
 revolentque. Præsente anno non minorem, atque superiore se missurum
 exercitum ad fines Tartariæ, & frænum positurum populabundæ nationi,
 novo præsidio ad fluvium Samorem a) fundando. Mense Julio Moschorum
 ingens numerus ad Samorem convenit, quo Dux Mazeppa suos quoque Co-
 saccos adduxit. Bis centum, & amplius millibus mortalium in opus incum-
 bentibus, nullo præterea hoste obturbante, mora unius, & alterius mensis
 præsidium stetit. Isthoc munimentum secundæ expeditionis Moschoviticæ
 terminus fuit; nec alia re gesta, grandis ille armatorum numerus ad stativa
 rediit.

1689. Hæc talis Confœderatorum sive cessatio, sive mala fortuna quantum
 hostium animos extulit, tantum Leopoldi præclari conatus, & pares armo-
 rum progressus vertente anno deprefferunt. Februario adhuc mense Szi-
 gethum, b) Nicolai Zrinyii, & Solymani II. mortibus ætate superiore celebra-
 tum, c) fames in obsequium Cæsaris traxit. Belgrado, & magna parte
 Slavoniæ capta, adeo arête obsessum erat, ut oppidani cum præsidario
 milite ad ultimum inopiæ deducti fuerint. Posteaquam partim fames, par-
 tim ferrum facile octona hominum millia absumpsit, & insuper Vecchia op-
 pugnationem moliretur, pauculi, qui restabant, de deditione cogitarunt.
 Hassanes Pro-Gubernator impetrata venia, ad Leopoldum Cæsarem Viennam
 profectus, quas voluit condiciones, mitissimi Principis manu signatas acce-
 pit. Decima septima Februarii sexcenti longa inedia, vigiliisque confecti,
 primum ad Dravum, dein Vidinum navibus deducti. Nullo fere impendio
 nobilissimum præsidium post centum duos, & viginti annos servitutis, in li-
 bértatem vindicatum est.

Ante Szigethi deditionem binæ legationes, æque splendidæ Viennam
 venere. Valachiæ Princeps Brankovajus, nuper sanctioris Tabularii præfex,
 gubernaculo provinciæ popularium suffragiis se admotum significavit, ora-
 vitque Cæsarem, ut sibi adversus Turcarum factionem, Tökôlio principa-
 tum asserere armis cupientium, opem in tempore ferat. Legati jurejuran-
 do omnem provinciam in Cæsaris fidem permiserunt, polliciti, singulis an-
 nis tributum nomine quinquaginta millia imperialium Leopoldo, futurisque
 Hungariæ Regibus. Altera legatio Turcarum fuit. Principio statim sui
 Imperii Solymanus, suavis utique Purpuratorum, de pace cum Christianis
 Principibus agere instituit. Eum in finem Effendium, cognomento Sulifa-
 rem (aliis Sulficarem) & Alexandrum Maurocordatum e nobili Scarlatorum
 familia, præcipuum interpretem linguarum, Viennam proficisci iussit. Bel-
 gradi accepto comœatu ab Electore Bavaro octava Septembris, tandem de-
 cima tertia Octobris Pottendorffium, Austriæ oppidum, prevenere, ubi
 in arce militari custodia septi, omnique commercio literarum, & colloquio
 abstinere iussi, mense primum Februario Viennam intrarunt.

Octava Februarii ad salutandum Cæsarem deducti per Joannem Ada-
 mum Lachaviczium orientalium linguarum in aula interpretem, Solymani
 Imperatoris, & Mustaphæ Vezirii literas reddidere, d) queis Solymanus gu-
 berna-

a) Si is fluvius Samor, quem in Weigelii tabulis pervestigavi, nescio profecto quid utilitatis præ-
 sidium istud conferre potuerit? Certe Crimæos Tartaros minime frænabit, sed majorem Tar-
 tariam. In Ukraina Moschovitica præsidium excitatum mihi plane persuadeo, ad cognomi-
 nem fluvium a Weigelio omissum. Istud colligo e Porta Ottoman. pag. 492. b) Planissimum
 est Szigethum hoc primum anno die XVII. Februarii fame domitum, non autem priore,
 ut arbitrantur, Scriptor Annalium Hungariæ, & Continuator Epitomes Chronologicæ re-
 rum Hungaricarum Timoniani, secuti nimium religiose Historiam Magni Leopoldi. Istud
 monui, ne error regnum constituat. Pro me faciunt Ephemerides, & Porta Ottomanica.
 c) Vide Tom. I. pag. 192. ad annum 1566. d) Typis publicis editæ sunt illæ pag. 486. &c.
 Portæ Ottomanicæ Tom. II. Asiatico stylo potius, quam Læonico; quo plerumque utun-
 tur Turcæ.

bernacula Ottomanici Imperii se adeptum, & Vezirius pacem Christianis A. C. perinde, ac Turcis pernecessariam satis ambitiose significarunt. Peractis de 1689. more aularum officiis, una omnium Confœderatorum voluntate (si Moschum excipias) initium fit tractandæ pacis. Primo in congressu illico apparuit, neque pacem, neque inducias conclusum iri; adeo indecoras, & damnosâs conditiones Turcæ proposuere. Postularunt in primis: Transylvania utrique Imperatori tributum pendat, Belgradum, Byzantii scutum, Cæsar restituat. Canisam, Szigethum (nondum tum captum erat) munitis suis spoliata Cæsari traditum iri. Veneta Respub. partem captarum urbium in Peloponneso reddat. Addunt: sibi nullam potestatem concessam cum Polonis paciscendi. Denique Effendius terrore agendum ratus, non dubitavit in eo conventu dicere: *Solymanum ipsum hoc anno copiis præfuturum, & victorem victos ad pacem petendam adapturum.*

Contra Cæsarei ministri Kinskus, Stratemanus, Staremburgius, & Caraffa, sine ambagibus edixerunt: pacem fore nullam, nisi his capitibus subscribant. Ottomanis omnibus Hungariæ, Hungariæque annexarum provinciarum; item Bosniæ præfidiis, urbibus decedant. Transylvaniam, Valachiam, Moldaviam, Ragusæ Rempubl. nullo in posterum bello, nulla injuria laceffant. Tartaros non ære, non milite juvent, a latrociniis eosdem armis absterreant. Sex milliones nummorum Rhenensium resarciendis damnis dependant. Captivos Christiani nominis sine pacta mercede vinculis eximant. Tókôlium, turbarum concitatore, dedant. Ratschinskus Regni Poloniæ in aula Cæsarea Orator, flagitavit Camenecum, præter quatuor milliones florenorum. At Cornarus nomine suæ Reipubl. plura: provincias videlicet universas, quæ juris quondam Veneti erant cum insula Chalcidis, Athenarum principatum; in Dalmatia maritimos portus, & Olchinium, a) & quadraginta millia aureorum nummorum. Ad hæc postulata respondit legatio Turcica: sibi non esse integrum cum Polonis tractare, veniam adeo daret Cæsar, curforem Byzantium mittendi, qui hac super re nova mandata adferat. Negatum istud præcise: quod neque Gœtio, neque Capraræ, Cæsareis Legatis, concessum fuerit, nuncios Byzantio Viennam expedire. b) Hac constantia percussus Effendius, ne adhæreret negotium in ipso limine, scriptum porrigit pacificatoribus, quo Polonis Camenecum, quæve præfidia hoc bello Ottomanis erepta sunt, liberaliter omnino addicit. Cum nuncio rei lætissimæ Ratschinskus in Poloniam avolat. Non post multo Uladislaus Lofius Palatinus Pomerelliæ c) autoritate de pace agendi instructus advenit. Sed frustra.

Namque Effendius intellecto, Imperatorem bello Gallico implicatum, inter Principes Christianos odia gliscere, Germaniam secum ipsa discordem, existimavit eum imparem futurum tantæ moli armorum, atque adeo victum sive a Gallo, sive a Turca mollioribus conditionibus pacem daturum. Hujusmodi spebus inflatus, in proximo congressu a querelis orsus aiebat: *admodum dura, indignaque Ottomanica majestate postulasse Cæsareos, & Venetos. Id solum ab ultimo dedecore abfuisse, quod annuum tributum non imperarint Solymano, cui tamen supersint opes, classis, legionarii, nervus Imperii. Tot munitas arces, præfidia si cederet Turcia, semetipsam æternæ servituti addiceret. Pluribus seculis terra, & mari gessisse bella Imperatores Ottomanos, quo Imperium constabilirent suum, nunc velle Confœderatos, ut Solymanus una hora illud evertat. Bello iniquissimo majora vulnera infligi non posse Turciæ, quam perniciosissima pace a Confœderatis descripta. Neque Belgrado, neque Transylvania, neque Chalcide carere posse Ottomanos. Illo amisso, Servian, Bulgariam, Thraciam, ipsam adeo Imperii sedem Byzantium, populationibus patere. Transylvania cessa, Valachiæ, & Moldaviæ Principes Cæsaris partes amplexuros; tres frumentarias provincias cum incomparabili damno, ab Imperio avulsum iri. Tradita*

a) O'chinium, Dulcigno Geographis, urbs maritima. b) Nempe anno 1682. & sequenti. c) Lengnichius. At cum Palatinum Pomeraniæ scribit.

A. C. dita vero Chalcide Venetis, navigatione Asiatica Byzantinos excludi, magno
 1689. Ottomanici monopolii detrimento, simulque insulas maris Ægei omni præsidio
 nudari. Hæc, aliaque elocutus adjecit concitator: quoniam spem nullam
 concordiae video, vobis bellum unice spirantibus, nec inducias, nec pacem
 jam urgeo. Istud majorem in modum peto, ut me belli nuncium Constanti-
 nopolim quamprimum abire sinatis, quo Solymanus paratus instituat, & bel-
 lum cum Imperio a fratre acceptum, victoriis absolvat. Ferocia Effendii
 exasperavit omnium animos, dataque potestate discedendi, conventus die-
 bus pluribus celebratus, nullo cum fructu finem habuit; læto admodum Mo-
 schorum Oratore, Præcopio, qui a Petro Duce allegatus Viennam, ut a
 pacis desiderio, ac cura avocaret Confœderatos, omnem lapidem movit.
 Metus quippe inceserat Petrum, ut ne, si pax confieret, vires Turcarum,
 & Tartarorum in unam Moschoviam vertantur, & tristes belli reliquias so-
 la devorare cogatur. Sed hunc metum partim absterfit Confœderatorum
 constantia, ne latum quidem unguem a primis conditionibus recedentium,
 partim Effendii ambitio.

Hunc in modum evanescente spe pacis, bellum omnibus placuit, pa-
 ratumque est diligenter per hybernos menses. Effendius, nescio cujus rei
 causâ, diutius commoratus Viennæ, per Celeres suos Byzantium, acta in
 Confœderatorum conventu, & bellum inevitabile præ foribus esse nuncia-
 vit. Hoc nuncio urbs Byzantina, diuturni belli incommodis alioquin fessa,
 rursus seditione exarsit. Hujus leniendæ causâ Solymanus vetuit aliquot
 diebus militem legi, & classem ædificari, palamque edixit, se quibuscunque
 detrimentis Imperii, pacem a Confœderatis Principibus redempturum. In-
 terim in Divano multa consultatio extitit, qua potissimum arte plebs sedan-
 da, quibus viribus Confœderatis obfistendum? præter Vezirium, Purpu-
 ratos, prima aulæ Byzantinæ instrumenta, per dispositos equos acciti Tô-
 kôlius, & Chamus Tartarorum, deliberationi interfuere. Horum omnium
 sententia erat: pacem a Confœderatis deformatam, nomini Ottomanico
 admodum probrosam ultimo periculo rejiciendam, extremis viribus Impe-
 rii dignitatem propugnandam. Ne vero plebs belli oneribus ægra in novos
 tumultus, seditionem erumpat, pacis fallaci specie circumducendam, mo-
 nendamque esse: apparatus bellicos, si unquam alias, hoc præcipue tempo-
 re fieri oportere, ut grandes exercitus in campo æquam pacem in curia con-
 ficiant. Hoc commento gnaviter usus Solymanus, irritatos civium ani-
 mos mire pacavit. Sed pecunia pro tantis, quæ Imperium premebant, dif-
 ficultatibus, multo tenuior erat, congiariis, & multiplicibus stipendiis mi-
 liti persolutis, ærario exhausto. Vezirii industria sine plebis Ottomanicæ
 offensione his angustiis providit. In singula Hebræorum, & Christianorum
 capita quinque, & videnos imperiales nummos imperat, nullaque interpo-
 sita mora, qui impositam summam extorqueant, armatos immittit. Pri-
 mi Hebræi per Asiam sparsi ad pendendum tributum adaçti, immanem pe-
 cuniæ vim contulerunt; deinde Christiani, quamvis cum istis modestius
 actum, edictumque multa moderatione temperatum, emolliumque fuerit;
 sive reformidarit Vezirius, ne tributum magnitudine commoti, ut nuper in
 Peloponneso, ad Venetos deficerent, sive jam ærarium repleverit opibus
 Kislaris Agæ, quem clam strangulari jussit in seraglio Imperatricis.

Corrasa toto Imperio pecunia, miles cogitur. Chamus Tartarorum
 Selymus Gieryus sexaginta suorum millia sponndit, quos ita partiri placuit,
 ut triginta millia in Hungariam, totidem in Poloniam, aut Transylvaniam
 cum Tôkôlio proficiscantur. Verum Moschis Crimæam, infesto exercitu
 hoc anno petentibus, hæc designatio magnopere confusa est. Tôkôlio du-
 centa septuaginta florenorum millia, antequam Constantinopoli abiret,
 Imperatoris jussu numerata sunt, ad Daciæ claustra perfringenda. Grande
 subsidium homini omnibus fundis exuto. Hoc ære suam fortunam reparare
 soli-

solicite aggreditur. Nuradinem, & Galgam, Δ) præcipuos Tartarorum A. C. Duces, amplis muneribus donat, sibi que conciliat, ut videlicet istorum 1689. auxilio Valachiae, aut Transylvanicae Principatum suam in familiam transferat, fortunam tot infaustis casibus collapsam erigat. EST illud regnorum procis familiare, ut artes expediant omnes, omnem rationem consiliis suis opportunam ineant, ab æquo, rectoque, imo & religione flagitiose desistant, ut ad fastigium, quod spe semel devorant, aliquando eluctentur. At dum omnia parandae dominationi per fas, nefasque arripiunt, deserti a Deo, quem turpiter deserunt, non raro consiliis ipsi suis fallente successu capiuntur. Dimisso Tökölö & Chamo ad miscendam Hungariam, cum Asiatici, frigoris vim causati, lentius coirent, severo edicto istorum moras increpuit Vezirius, unco, palo que proposito, qui expeditioni universae semet subducerent. Mustius acriori telo religionis torpentes incitavit, circummissis per Asiam literis, quæ Ottomanis emeriti juxta, ac puberes ad sacrum bellum evocabantur, diris omnibus in ejus caput congestis, qui militiam detrectaret. His terroribus acti, e suis provinciis multi religiosi Volones Byzantium festinarunt, ære suo militaturi; minor tamen Asia nondum excusso torpore cunctabatur. Classem quoque ad Danubium obtinendum ædificari jussit Vezirius, quod prævideret eam utilitatem maximam Turcicae rei allaturam, sive in Servia, sive in Valachia bellum gereretur.

Hæc maxime agentem, oborta in Asia rebellio in novos metus, ac solitudines conjecit, quam Jegheni factio maturavit. Maxima ille invidia apud omnes laborabat, quod Cæsareos Savi trajectu non prohibuerit, Belgrado, uti jussus erat, suppetias non ierit, Bulgariam, amicam regionem, hostiliter diripuerit, Rascianos, Græcos, Bulgaros avare, crudeliterque habitos, a Turcica societate multum abalienarit. Tam noxium Imperio caput e medio tollendum populus perinde, ac Purpurati conclamarunt. Solymanus, & Vezirius tanto promptiores in hominis necem consensere, quanto magis elatos illius spiritus, & dominandi avidos, perpetuo reformidarunt. Militum favore subnixum, & turbas sine dubio daturum, si vim apertam intentarent, occultis armis, quæ certius, tutiusque feriunt, circumvenire statuunt. Sed ille non ignarus, quanto in odio Byzantii versaretur, quidve sibi metuendum foret ob perditum Belgradum, adversus insidias semet munierat, nunquam in publicum progressus sine præsidio fidissimorum militum. Cum hac parte impenetrabilis esset, vim, & manum adhibere placuit. Arebus Scutaris Præfectus, Hungariae Seraskerius renunciatus, cum sex millibus Janicsarorum in Bulgariam jubetur properare, atque Imperii hostem (jam tum proscriptus erat Jeghenus) quoquo modo in potestatem redigere, aut jugulare. Arebus maxima, qua potuit velocitate in Bulgariam evehitur, celeritatem famæ antecessit, imparatumque Sophiae cum septem, & triginta sociis oppressit. Refecta capita Constantinopolim missa populo ludibrio erant. Jegheni milites, duodena circiter millia variis in locis hybernarunt, amisso Duce hostilia non ausi, ad obsequium redierunt. B)

In Asia, majore tumultu, cædeque hominum res acta. Gidiekus Bassa, per speciem sacri belli e juventute Asiatice sex millibus collectis, novum Imperium in minori Asia fundare aggressus est; intellecta vero Jegheni prope morte, quo non inferior erat & latrocinii, & ambitione, ne & ipse pari fato caderet, vires, & potentiam auxit, deterrimo quovis turbarum studio accurrente. Vezirii jussu Teffisicus c) duodecim millia armatorum, bellum patriæ molienti objicit. Gidiekus vetus militiæ, deserto per-

Imp. Ottom. Tom. II.

O o

angu-

Δ) In Porta Ottomanica pag. 493. uterque dicitur Soltanus; & posterior pag. 559. etiam filius Selymi Tartarorum Reguli. Agam de hoc ad annum 1691. B) Porta Ottomanica. Forestus ad Nissam strangulatum ait, a militibus suis desertum. Alii, nescio quam vere, non dubitarunt scribere, Jeghenum vim parasse, ac pugna inferiorem captum, casumque. c) Teffisicus, num Præfetti alicujus nomen, num genus Magistratus, veluti Inquisitoris ad statas fere Asiae rebellionem domandas institutum? non habeo dicere. Porta Ottomanica Præfectum appellat. Alii aliter.

A. C. angusto, quem occuparat, loco, compositæ, & ex meditato fugam capessit, 1689. sit, metum ubique simulat, atque hac simulatione Teffiscum ad Cuticum a) urbem in patentes campos prolicit. Regressus multo celerius, ac fugerat, veluti ex insidiis castra metantes invadit. Imparati vix primam procellam sustinuerunt. Teffiscus prælium restituere frustra conatus, hasta trajicitur, mox manu Gidieki caput a cervicibus avulsum. Cæsis circiter mille, reliqui abjectis armis in obsequio erant. Ex his tria millia in suas legiones transcripsit, cæteris in sua mappalia remissis. Victor Gidiekus ad Iconium alterum Præfectum cruenta pugna fundit; Ancyram, prædivitem urbem, militi suo in prædam concedit, translatoque in Bythiniam bello, urbes alias vi, alias in deditionem pronas præsidiis occupat, omnia fuga, terrore, populationibus miscet, ipsam Constantinopolim vixdum tranquillitati redditam, novo quasi sydere perturbat.

Geminavit per eosdem dies solitudinem, ac metum, Moschorum exercitus, quem in Tartariam impetum fecisse alii, atque alii falso nuntiaverunt, jamque bello ardere Crimæam, omnemque provinciam Ponto adjacentem sævissime uri. Et quamvis terra, & mari festinati nuntii lætiora adferrent (nondum enim Moschus tum temporis Tartariam vastavit) tamen urbs pavore jam capta, ac metu interprete ad deteriora inclinata, collapsos semel animos minime recepit. Unde passim fuga fiebat.

Vezirius præsentibus malis ut medelam ferret, denas triremes, & plura minoris formæ navigia, sarkas deduci, atque in Pontum Euxinum propelli mandat: ad fauces quoque Helleponti parem navium numerum mittit, ne Veneti in ea rerum desperatione per angustias (quod bello Cretensi nullo successu toties tentarunt) penetrent, aut Gidiekus Hellepontum libere transmittat. Ad hæc Byzantinos ad urbis defensionem pro sua auctoritate vocat, e publicis armamentariis promuntur arma, quinque, & vicena millia armatorum Scutari conveniunt. Asiæ civitates perinde ad opem, aut ultionem concitæ, arma induunt, omnes in Gidieki exitium conspirant. Urbanum, & disciplinæ militaris imperitum vulgus, veterano suo exercitu facile devicturus erat; verum mutato repente animo, seu bellum civile avertaretur, seu suorum fidem suspectam haberet, nulla data, acceptaque conditione semet in Vezirii fidem permisit. Dirum in modum excruciatum, moti temere belli, nec satis prudenter depositi, graves pœnas persolvit. Milites, nullo jam, quo regerentur capite, in pacem procliviores, arma tradiderunt.

Extincta rebellione, Ottomanorum copiæ in castra juxta Adrianopolim venire. Solymanus Imperator tametsi corpore æger, rudisque rei bellicæ, tamen dejeravit, se exemplo Majorum suorum in Hungariam exercitum ducturum; suumque tentorium iisdem in castris statui, ac familiam in expeditionem festinanter describi jussit, quasi cum primis copiis profecturus. Sed ista famæ dabantur, in eaque tam anxia proficiscendi solitudine, nihil profectiois inerat, præter speciem. Mirum! quantopere hac rerum scena popularium animos sibi obstrinxerit, & in bellum accenderit. Opinione tamen multo pauciores ad signa convenerunt, quod Asia domestico bello implicita, multos a profectioe absterruerit, multos ad suas opes tuendas avocarit. Lustrato exercitu, quadraginta duntaxat millia pugnatorum numerata sunt. Jam si hunc numerum e vastissimis regionibus diris imperiis excitum cum immensis copiis Solymani II. alterius Xerxis, quas non semel in Hungariam infudit, aut Mahometis IV. quibus Viennam nuper ad ictum destinavit, conferas, profecto multum virium amisisse per fatale hoc bellum Ottomanicum Imperium arguas, nobisque adeo facilem viam ad victoriarum cursum patuisse conficias. Patuit equidem: sed solita lentitudo, bellum Gallicum, viam si non præstruxerant, certe obices posuere. Ad hæc multarum rerum penuria, quod in multiplici bello plerumque accidit, nobis pro seditione erat. Imperator cum Mustio legiones intervicens, apud

a) Cuticum, vulgo Cutaye, & Chiutaje urbs minoris Asiæ.

apud vexillum Mahometis, quod in medio castrorum depactum erat, pau- A. C.
cis verbis militem alloquitur, suoque ductu, & auspiciis bellum gesturum 1689.
in Servia, novo mendacio affirmat. Lætum istud universis, quod culpæ,
vel gloriæ socium Imperatorem haberent, & tanquam obsidem non defutu-
ri stipendii. Sed translata postmodum exercitus cura in Mustapham Vezi-
rium, patuit ludificationem ex composito protractam, ut videlicet dejectos
suorum animos sustentaret, & plures in castra alliceret, & apud credulum
vulgus bellicosi Imperatoris famam, etsi brevi morituram, colligeret; fu-
turum ex hac ficta animi fortitudine dedecus, præsentī utilitati, ac existima-
tioni postponens.

Dum reliqui paratus ad Adrianopolim fiunt, inquit Tòkòlius non
uno in loco hostilia œcepit. E Bulgaria cum præstantissimo equitatu
erumpens, ut iter in Transylvaniam sibi aperiret, pontem Danubio ad D.
Georgium imponit, ac intra Vidinum, & Orsovam expugnatis aliquot mu-
nimentis, quæ potissimum Rasciani obtinebant, Cæsareos e stativis pulsos,
trans Moravam rejicit, multos captivos Vidinum abducit. Clodovam A)
in altera ripa Danubii præsidium, tum temporis Cæsareo milite egregie fir-
matum, inconsulto aggressus, clade non modica mulctatur, propeque erat,
ut ipse caderet, duobus vulneribus in assultu acceptis. Rumor postea inva-
luit, Tòkòlium cladis dedecore adeo perturbatum, ut inusitatum mærorem
vultu, licet harum artium mirus artifex, prodiderit, diuque publico ab-
stinuerit. Crediderim ego non tam cladem (vinci enim affluetum erat)
quam geminum vulnus, ac iter Temesiam versus, nam Clodova obstabat,
præclusum, hominem momordisse, ac penitus dejecisse. Eodem tempore
quatuor Turcarum millia Moravam vado transgressa, Jagodinam B) oppu-
gnatum venere. Et cepissent, nisi C. Hoffkirchius quatuor legiones obses-
sis in tempore misisset. Turcæ, quoniam impares se Cæsareis viderunt,
in Bulgariam festinaverunt. Immissi Hussari septenos ex postremo agmine
abripiunt. Ex his cognitum Seraskerium Arebum copias contrahere, Ve-
zirium proxime in Bulgaria adfore. Hæc cum varii nuncii confirmarent,
visum est Hoffkirchio præsidia priore autumno ad Moravam erecta deferere,
atque militem Semendriam reducere, ne divisus opprimeretur. Interim
dum Cæsarei ex hybernis convenirent, Belgradum, Semendriam novis mu-
nimentis, refectisque veteribus instruit, agrestium opera militarem viam ali-
bi reparat, alibi concæde arborum, in primis ad Moravam, obsepit.

Tòkòlius deterfo, quem nuper contraxerat, mærore, instaurato-
que exercitu Novigradum missilibus ignibus paucorum dierum mora expu-
gnat, præsidariis Vidinum abreptis, Orsovam nullo impendio, quippe a
Cæsareis imminente hoste desertam, suæ potestatis facit, communitque.
Omnis Tòkòlii contentio in ea sita erat, ut Temesiæ, Varadino eminens ob-
sessis succurrat, bellum in Transylvaniam inferat. His molitionibus cum
neque rerum apparatus, neque exercitum parem haberet; Chamum Tar-
tarorum per Casparem Sandorium, nobilem aulicum, admonet, ut memor
pactorum, quæ Constantinopoli in præsentia Solymani, & Purpuratorum
inierant, equestres copias quamprimum adducat, secus totius expeditionis
consilia tam operose elaborata confusum iri. Et Chamus quidem tanto ar-
dentius Transylvaniæ suas Hordas infudisset, quanto spes major amplioris
prædæ in hac provincia, quam in sterili Ukraina, aut toties evastata Po-
dolia affulset, si per Polonum, aut Moschum licuisset. Convenerat jam an-
te Poloniæ Regem per legatum suum Achmetem Agam, oblatoque Came-
neco ad singularem pacis tractatum multa verborum humanitate invitarat.
Verum Comitiorum decreto facessere jussus Achmetes, irritum conatu le-
gationem obivit. Unde triginta illa millia Tòkòlio promissa, ad urendam
Poloniam præparabantur. In hunc modum gravissimo bello liberata est
Transylvania.

A) Clodova munimentum sat firmum Temesiam versus. B) Jagodina Serviæ præsidium haud pro-
cul Morava amne.

A. C. 1689. Mense tandem Julio, Ludovicus Marchio Badensis supremus copia-
rum Dux, Veteranius, & Piccolomineus; ille e Transylvania, hic e Bosnia
cum suis legionibus Semendriam accesserunt. Horum adventu Tòkòlii in
Daciam irruptio subito vanuit. Recensito exercitu septem, & vicena millia
numerata sunt. Heislero ex his copiis septem millia sunt data adversus Tò-
kòlium, & Temesiam. Reliquas Badensis ad Moravam movit, quem pon-
te stravit Marfilius Comes inter Hassan-Bassa Palankam. A) Hic e captivis
intelligit: Seraskerium ad Patastinum vicum excubantem, Semendriam co-
gitare, quo re frumentaria interclusa, nostros fame ad receptum adigat,
Spahiorum turmas Moravam transgressas, ab tergo venturas. Censuit Ba-
denensis has ante depellendas, quam amnem transmitteret. Istud non sine
astu militari præstitit. Undetrigesima Augusti Sauravianam, & Styrumia-
nam legiones, prope pontem editiorem locum, ut a Tartaris conspici pos-
sent, insidere; partem peditatus trans Moravam ire, partem ad sarcinarum
custodiam remanere iussit, additis Germanis equitibus, quasi & isti hoc
munere functuri. Interim Comitum Ladislai Csakii, Batyanii, Pauli Dea-
kii equites, & quingentos Sanctacrucii dimachas in hostium stationes immit-
tit. Tartarorum globi vix inita velitatione ad Turcas, qui circiter duode-
cim millia intra arbuscula in insidiis latebant, semet recipiunt, rursusque
cum Turcis procurentes, paucitatem Hungarorum includi posse sperarunt,
Germani equites admissis habenis per vallem evecti, fervente jam pugna op-
portune supervenere. Inclinauit illico hostium acies, & arena excessit.
Ab Hungaris fugientium strages est facta. Cæsa feruntur maxime in fuga
quina B) millia, cum Janicsarorum Aga; capta spolia omnis generis.

Eodem adhuc die Badensis equitatum, etsi longo itinere, & pugna
fessum trium leucarum spatio ad pontem reducit. Quiete, ciboque refecti,
postridie incerta adhuc luce in alteram partem fluminis universi traducun-
tur. Haud procul inde ad Patastinum oppidum hostis castra sua fixerat;
hinc Morava fluvio, denso inde nemore, & vallis circumsepta, tormentis-
que in fronte collacatis, qua perangustus aditus patebat, valide munita.
Structam Christianorum aciem, uti & castra densior nebula e Morava, at-
que palustribus campis orta tantisper obtexit, sol aperuit. Turcæ extra
valla castrorum progressi loco, & numero superiores in paucos pedites
(nam per angustias, equestres legiones admoveri non poterant) audacissime
pugnant, maximam vim globorum effundunt. Comes Castellius arduo sane
itinere sylvas emensus, dimacharum aliquot turmas in planiora educit, con-
cinentibusque omnibus signis, subsequens universi equitatus specimen
præbet, quem imminere hostes rati, trepide pedem referunt, spatiumque
opportunitum relinquunt explicando equitatu. Guidobaldus Staremburgius,
æstimato castrorum situ, animadvertit per sylvam Janicsaros novum vallum
moliri, certatim in opus incumbere. E consilio Badensis, ne vallum per-
ducerent, cum centum peditibus eo contendit, tantoque pavore operas
percellit, ut abjectis ligonibus sine prælio fugam captarint. Visa hac con-
sternatione, censuerunt Duces omnibus viribus in hostem agendum. Pic-
colomineus frontem petere, Palffius cum legione pedestri Hungarica c)
sylvam circuire, atque a tergo aggredi est iussus. Vix Piccolominei miles
signa intulerat, cum clamor Hungarorum in pugnam ruentium a tergo au-
ditur. Momento hostilis acies in fugam versa, castra repetiit: sed neque
hæc adversus panicum metum satis munita erant. Nam posteaquam fugi-
tivi equitatum castris appropinquare viderunt, ommissa defensione castrorum,
in montes, ac sylvas profugiunt. Deleri potuisset exercitus, si paludes a
nostris equitibus celerius superatæ fuissent. Partim in castris, partim in fu-

ga

A) Ab autore munimenti Hassane Bassa, nomen impositum est loco palis circumdato. B) Porta Ottomanica. Historia Magni Leopoldi Tom. II. pag. 115. quadringentos cecidisse commemo-
rat. Ingens profecto varietas inter numerum castrorum! quid mirum? ipsi fontes, qui sincer-
issimi esse deberent, aliquando turbidi fluunt. C) Porta Ottomanica maximam laudem huic
legioni attribuit.

ga quinque supra centum tormenta intercepta sunt, tria mortaria; tum majores, minoresve pilæ, pulveres, pleraque tabernacula. A. C. 1689.

Badensi Bulgariam cogitanti, ingenti temporis dispendio ad Patassinum resistendum erat propterea, quod nec copia annonæ, nec vehicula adessent, quorum multis profecto millibus opus fuit, ad importanda procul alimenta, & castrenses machinas, cæteraque in hostili, & exesa regione bellum gerentibus necessaria. Quidquid frumenti Belgradum, atque Semendriam curatores advexerunt, jam consumptum fuit, ut adeo famem, egestatemque ultimam sensissent victores, nisi in castris Turcicis aliquot plaustra frumento, ac aliis cibariis onerata, reliquam inter prædam occupassent. Dum summa contentione in longinquum iter omnia comparantur, ad Semendriam pons injectus est Danubio opera Marfiglii ^{A)} Comititis, quo Transylvaniæ, & Heislero, si necesse foret, subveniretur. Via item militaris Belgrado ad Moravam repurgata, ad cujus custodiam mille viri relictæ. Post longa tandem tædia, exercitus sedecim millium armatorum per abruptas, impeditasque vias Nissam contendit, quo vicesima tertia Septembris nemine hostium occurrente pervenit. Tot dierum mora in rem suam perdiligenter usus Seraskerius, non modo vagos, palantesque collegit, sed validam quoque manum Spahiorum, & peditum (viginti millia commemorat Ottomanica Porta) a Vezirio accepit. Cum hisce copiis ad urbem Nissam consedit adeo opportuno loco, ut prope inaccessus videretur. Castrorum frons præalta fossa, ac multis tormentis horrebat, sinistrum latus mediocri monte, vallisque ab urbe ductis, dextrum fluvio Nissava, qui mediam urbem interfuit, & sublati tormentariis suggestibus defendebatur. Sic ille castris locum delegerat, firmaveratque. Inviotis castris unum deerat, quod tergum, unde aggræssionem tentaturos Christianos minime prævidebat, haud perinde, ac frontem munierit. Atque istud cladem attulit.

Postero die una ante auroram hora, bipartito distributus exercitus in hostem movet. Dextram aciem Marchio Croyus, sinistram Badensis regebat. C. Csakius situm regionis, & castrorum exploratum missus retulit, viam expeditam ad castra patere, atque explicandæ aciei sat opportunam planitiem se reperisse. Captivus Turca plura prodidit: castra Turcarum ab tergo nullis operibus communita aperta stare; montem angusta valle circumiri posse; Seraskerium sero observasse errorem, & nunc primum in ducendis aggeribus incredibili solertia Janicsarorum elaborare. His intellectis visum est Badensi, primariisque Ductoribus, quorum sententias cursim audire placuit, maturare iter, ac sine cunctatione hostem aggredi, ne absoluto opere, omnia difficiliora nobis evadant. Ut in vallem se immisit exercitus, e superiore loco promptissimi Turcarum equites, ac pedites in Staremburgium feruntur. Repulsi, impetum faciunt in Csakianam legionem, cui exemplo Piccolomineus auxilio accurrit. Aucti animis Hungari, fugæ, pugnaeque dubios acriter urgent, ac cum strage fundunt. Nisi Janicsari fistulas in suos fugitivos solvissent, haud dubie una fuga castra deseruissent. Eo terrore fugam stiterunt. Faustum hoc principium, omen erat universi certaminis. Interim sinistra acies juxta Nissavam, dextra ad radicem montis signum invadendi avide expectavit. Croyus in montem enisus, Janicsarorum cohortes, ordine, & loco movit, etsi fistulis, frameisque fortissime repugnarent. In sinistram aciem illati, eandem fortunam experti sunt. Undique pressi, atque in arctum compulsi, ad fossos fugam intendunt. Istorum custodes directis in fugientes sclopiis cædem minantur, nisi in certamen actutum redeant. Ne suorum manibus impune sternerentur, timore, dedecoreque stimulatæ, Hungarorum legiones perumpere conantur. ^{B)}

^{A)} Aloysius Ferdinandus Comes Marfiglius, sive Marfiglius, Geometricæ artibus multo clarissimus, de quo in Descriptione finium Hungariæ plura dabimus ad annum 1699. ^{B)} Hungarum equitem, & Palatianam legionem dedecrem, plurimum ad victoriam contulisse e Porta Ottomanica pag. 505. & sequent. intelligas.

A. C. 1689. Vis omnis prælii aliquamdiu in hoc latere desæviit. Sed submissis a Badenſi auxiliis, qua quisque poteſt, fugam per diverſa petunt. Multi in Niſſava tunc pleniore alveo fluente hauſti, multi ab equitibus in fuga trucidati. Nox pluribus ſaluti fuit. Turcarum partim aquis, partim ferro occubuiſſe dena millia memorantur, interque hos clari nominis Præfeſtos, uti e captivis equis animadverſum eſt. Inter ſpolia numerata ſunt triginta tormenta, grande vexillum, & vaſtum pulcherrimi operis tentorium Seraskerii; tria equorum millia cum grege boum, & camelorum. Multiplex item annona, victori in ea commeatuum penuria longe gratiſſima. Tanta victoria, quod mirum, ter centum gregarios, & Comitem Vehle-num Styrumianæ legionis Structorem abſumpſit. Urbs Niſſa altero die præſidium admilit. Piccolomineus cum Hungarorum equitatu, & mille Germanis inſequi juſſus fugientes, cum paucos excepiſſet curſu fatigatos, per Bulgariam terrorem ſparſit. Multa oppida in deditionem prona præſidio occupavit. Raſcianos Græcæ religionis homines, qui tum temporis metu Cæſareorum deſertis ſedibus in avios, ſylveſtresque montes confugerant, in ſua mapalia reduxit, atque in fidem, tutelamque Magni Leopoldi accepit. Explorata longe, lateque provincia, tertia Octobris cum pecorum grege, ac frumenti copia, lætus in caſtra rediit.

Byzantii ad primum nuncium Niſſenſis prælii, cum ingenti terrore, & tumultu concurſus populi in aulam Imperatoris eſt factus. Clades non militum, ſed Præfeſtorum ignaviæ tribuitur. Caimacanes tametſi culpa nulla teneretur fruſtrata expeditionis, tamen cum omni ſua familia in carcerem detruditur. Arebus Seraskerius reſte vitam finiit. In ejus locum Arab-Regepus, qui anno ſuperiore Chalcidem contra Venetos deſenſabat, eveſtus, Sophiam abiit, ubi reliquiæ proſtigati exercitus colligebantur. Vezirius Muſtaphas in exilium pulſus, haud diu poſt extinguitur. Hujus dignitatem Kiuperlis Muſtaphas obtinuit, nuper Caimacanes, nunc Chienſis inſulæ Prætor, gratioſus admodum apud Imperatorem Solymantum, quod præcipuum instrumentum fuerit mutatae Reipubl. ut jam retuli. Fama eſt Vezirium Muſtapham paulo ante, quam loco deſiceretur, Kiuperli necem machinatum, miſſo Kapigio in inſulam, qui juſſu Imperatoris, caput expeteret. Kiuperlem dolum odoratum, Kapigio repoſuiſſe, ſe absque mora caput ſuum Byzantium, aut Adrianopolim allaturum, & magno Domino traditurum. Id cum non impetraſſet, quod unum licuit, per nuncios rei ſeriem expoſuiſſe Imperatori: ſtatimque diploma allatum, quo Vezirii dignitas eidem collata eſt. Vezirium Kiuperlem nihil acerbius in æmulum ſtatuiſſe, ſummæ moderationis exemplum exiſtimo; quod eo ſtudioſius hic commemorandum duxi, quo rarius inter barbaros tam nobilis victoriæ documentum reperias.

Badenſis ut victoriæ fruſtus ampliores legeret, relicto Piccolomineo Niſſæ cum quinque millibus Germanorum, Paſſiana Hung. pedestri legione, & nonnullis ſignis Huſſarorum, reliquas copias ſexta Octobris Vidinum promovit, ubi Haſſanes quidam Danubium, Danubioque adſitas arces cum mediocri exercitu obſervavit, Tòkòlio Sophiam dilapſo. Sextis caſtris poſtquam in conſpectum hoſtis perventum eſt, utraque pars in aciem prodit. Spahii vix telis emiſſis, Sophiam verſus ſonipedes vertunt. Janicsari anceps certamen fecere. Vallis protecti continente fiſtularum diſpoſitione adeo noſtros urſerunt, ut ſolutis ordinibus ſiniſtrum cornu retroceſſerit. Veteranius cum dimachis pugnam redintegrat. Multa utrinque vulnera, multa paſſim cædes eſt facta. Jam ne duces quidem incruenti pugnant. Veteranius, Staremborgius, Trautmonſtarffius ſauciantur: Baro Orlichius Pro-Tribunus conciditur. Demum dimachæ vallis potiti, Janicsaros partim in medio cædunt, partim in fuga diſſipant, ſimulque in oppidum irrumpunt. Multi oppidanorum conſcenſis navigiis (quingenta ripæ alligata erant) fugam maturarunt; alii cum Janicsaris ſe protinus in arcem recepere. Sed iſta quoque undeviceſima Octobris, Nicopolim deduſtis ſex mille quingentis quin-

quinquaginta dedidisti, victoriæ accessit. Acri potius, quam diutino cer- A. C. tamine duo millia Turcarum sunt cæsa, Cæsareorum quadringenti, & fere 1689. totidem vulnerati.

Post Vidinum Orsova, Novigradum a Tökolianis incensa, jussu Badensis meliorem formam, ac nova opera accipiunt; inprimis Novigradum, quod is locus peropportunos haberetur ad fabricandum a) pontem, quo in Valachiam trajici possent Cæsareæ copiæ. Aderant subinde Valachiæ legati Brailovius, & Logofettus, gentem suam in fidem Magni Leopoldi tradentes. Badensis has fere condiciones e mente Cæsaris tulit: *quindecim millibus partim equitum, partim peditum hyberna præbeant. Pro stipendio in septenos menses hybernos, octingenta millia nummorum Rhenensium.* b) *Singulis annis mille quingentos equos in belli usum, ea tamen moderatione, ut equorum pretium de summa pecuniaria decidi possit. Penes Principem rei civilis administratio illæsa persistat; populus libertate, juribus suis utatur.* Excusarunt Legati, sibi nullam potestatem a Principe factam qualescunque condiciones ratas habendi. Sed Badensis nihil cunctatus, armatas legiones in alteram ripam traductas, ad Csernikium oppidum Valachiæ ostendit. Princeps deprecatus hyberna, nihil obtinuit, neque vim experiri ausus, novos hospites amice excepit. Ordinatis sapienter hybernis, ut præsidio sibi mutuo essent milites, Badensis Viennam profectus est.

Piccolomineus tribus legionibus, quas Vidino accepit, fretus, antequam stativa caperet, in hosticum procurrit. Mitroviza, Cassova, Kazianeka, ampla oppida Rasciæ, in deditionem extemplo veniunt. Scopia urbs ad limites Macedoniæ, divitiis, amplitudine non inferior Praga, at nullis munimentis firmata, a milite direpta est. Opulenta spolia ex officinis institorum egesta, uti & comæatus e civium domibus. Dein ignibus deletur. Reliquis oppidis nulla vis, nulla injuria illata, ut opinione clementiæ ii, qui munita loca incolebant, allicerentur. Dimissis in stativa Carolo Holsato cum equitatu, & Straßero cum peditatu, ipse cum sua, ac Styrumiana legione Pristinam c) sexta Novembris petit, urbem in aditum Albanæ sitam. Ad visendum Heroem se omnis multitudo effudit. Archi-Episcopus, Patriarcha Clementinorum, civilis Magistratus obviam processere. Quinques mille Epirotæ in suos ordines distributi ter solutis fistulis lætitiæ signa edidere. Postridie in fidem Cæsaris accepti hac tali conditione: *ut qui militare vellent, Cæsaris signa sequerentur; reliqui positis armis rus colant.* Archi-Episcopus omnium loco conditionem jure jurando firmavit. Sed mors Piccolominei paucis post diebus consecuta, quidquid prospere in ea regione est gestum, evertit, ut in principio anni sequentis dicturus sum.

Post tot luculentas victorias, d) & avulsam sine armis Valachiam, Ottomanii rursum de pace agendum existimarunt. Sulficar Effendius, qui Viennæ adhæserat, tanto ardentius eam reconciliare adlaboravit, quanto pejore loco res Turcicæ erant a prælio Nissensi. Nec potuit vincere, quem e clade illa hausit, dolorem, quin ipso vultu proderet, simul tamen misere superbus. Rogatus familiariter, equid in tot malis potissimum deploraret Belgradumne, an Nissam, an denique Budam? *nihil omnium, inquit istorum,*

a) Juxta rudera pontis Trajani, quibus assidet Novigradum, alias Fedislavia. Consule Tabulam locorum Christophori Weigeli post pacem Carlovicensem jussu Leopoldi Cæsaris elaboratam, ac juris publici factam. b) Duriora hæc pacta sunt, quam in principio hujus anni inita Viennæ cum Brankovajo (rectius fortassis Brankovichio) Principe Valachiæ. Sed hominis fides jam suspecta fuit, & re ipsa paucis post mensibus ad Tökölum defecit. c) Urbs Pristina apud nonnullos Geographos Presten, & Prestina appellatur, diversamque positionem obrinet, nunc urbi Scopiæ anteposita, nunc magis ad Macedoniam projecta. d) Feraces victoriarum Leopoldo Imperatori, & Regi hi anni fluxerunt, ingenti emolumento Hungariæ, damno maximo Turciæ, cui unum fere, & nonaginta præsidia eripuit; ut ex vero illud Claudiani occini possit:

Altius haud unquam toto descendimus ense
In iugulum Scythiæ; tanta nec clade superbum
Contudimus Tanaim, vel cornua fregimus Istri. De bello Getico.

A. C. rum, majus quiddam est, quod perdidimus, videlicet animos, quibus recuperatis non exultabunt, neque efferent sese Christiani, amissa certe recuperabimus. Redit interea Byzantio cursor, quem ab Effendio missum meminimus, cum responso: Solymanum ita cessurum Transylvaniam, ut nullus unquam Ottomanorum Imperator vel ejusdem partem quoquo nomine ulla ætate possideat, modo Belgradum Temesia permutetur. Reliquas urbes sive in Bosnia, sive in Sclavonia captas, quo cædem, stragemque hominum, ac provinciarum redimat, perpetuo jure Cæsari permissurum. Non utilis modo, sed pernecessaria quoque pax videbatur plerisque belli consultoribus, quod moles belli Gallici in Imperio, & Italia in dies cresceret: verum celebratum illud toto orbe Belgradum, felix armorum progressus, spes Bosniæ subjugandæ, pacificationem abruptit.

Venetos omnia agentes, successus destituit. Revocatis Germanorum Principum legionibus ob bellum Gallicum, Respubl. nova supplementa in Italia scripsit, ac Helvetorum aliquot millia mercede conduxit. Hoc robur peditatus erat. Præfecturam armorum, cui deferret, anceps, posthabitis multis in eam spem erectis, Marchioni Gvadagnio gente Gallo, plurium stipendiorum veterano Duci (quippe sextum, & sexagesimum annum agenti, quorum majorem partem militiæ exegit) dedit. Sed Europæ opinionem fefellit Gvadagnius, nullaque re memorabili gesta, præfectura se sponte abdicavit anno insequente. In locum Francisci Morosini annis, morbisque fracti (septuagesimum annum supergressus fuit) Hieronymum Cornarum Dalmatiæ Prætorem elegit, rei maritimæ experientissimum; qui tamen hoc anno socium potius Morosini, quam Ducem expeditionis egit. Dalmatiæ præfecit Alexandrum Molinum. Postquam Chalcide frustra tentata discessere A) Veneti, Ottomanis insolita lætitia triumphantes, Græcos in ea insula repertos non uno supplicio mactarunt, quod multi eorum nomen militiæ Venetæ dederint, ac majoribus odiis, quam Veneti Chalcidem oppugnarint. Tum quidquid detersum tormentorum ictibus in propugnaculis erat, summa cura, & festinatione integrant.

Equidem Morosinus, ut primum navigandi tempus aderat, armata navigia ad depellendas operas, ac obsidendam insulam dimisit; verum Turcæ jam quinque millibus pugnatorum portus occupaverant, & Byzantinæ naves idoneum ventum nactæ, Venetos celeritate prævenerunt. Quapropter consultius existimatum est, si omissa in præsens oppugnatione Chalcidis, Epidaurum (Italici Napoli di Malvasia) destinarentur arma, non diu, ut putarunt, obsidentibus restitutam. Itaque ipso Morosino, triumphali sene, moderante classem omnis exercitus eo deportatus, urbem terra, & mari subito occlusit. Spem potiundæ urbis primis statim diebus Græci fecerunt, qui nimis quam cito desperata Epidauri defensione, aut quod verosimilius, præmii spe, noctu transmissio muro ad Venetos profugerunt, & quo loco res oppidanorum foret, Græcanica fide patefecerunt, uno ore affirmantes, obsessos dulciori aqua, & com meatu laborare, brevique in potestatem Venetorum sedentium, ridentiumque venturos.

Quam fallā isti narrarint, eventus docuit. Nam oppidani adeo strenui, pugnacesque urbem tutati sunt, ut Venetos adegerint oppugnationem in lentam obsidionem vertere, ac in alterum annum inter crebra certamina mænibus assidere. Cornarus ad exercitum delatus, dispositis tormentis, urbem bipartito terra, & aquis aperiendam statuit, habuitque initium sat prosperum. Sed subitum ejus discrimen omnes perculit. Dum enim opera cum Valerio, & duobus Equitibus Melitenfibus perlustrat, in ipsum, comitesque ejus, vim magnam majorum pilarum effundunt obsessi. Extemplo Melitenfes scædum in modum discerpuntur: Cornarus, & Valerius e noxia illa ferri tempestate, cum vulnere pedem extulisse, in lucro posuerunt. Ejusmodi tempestate cum quotidie Veneti cum strage promptissimorum militum obruerentur, retractis copiis consilium ad moras vert-

runt,

A) Anno 1688.

runt, rati paucorum dierum inesse alimenta, & multum imbellis turbæ. ^{A. C.} Simul ex inopia proditio, & fluxa Græcorum fides, ac fortuita belli spera- 1689. bantur. In continenti ad custodiam aggerum duo millia peditum relicta sunt; & ne mari navigaret annona, classis portum obsedit.

In Dalmatia, ut in Peloponneso, nihil omnium e sententia cessit. Alexander Molinus Gabellæ, valido munimento, non semel insidiabatur. Ejus intercipiendi causa Narentam proficiscitur cum suo exercitu. Ottomanorum tria circiter millia pro Gabella sua pectora opponunt. Morlachi, veluti hesterni tyrones tum primum in aciem prodissent, ad nudatos Janicsarorum acinaces animis concidunt, fugam arripiunt, ac Venetos in faucibus hostium destituunt. Molinus fuga sociorum parumper turbatus, deinde vetus miles, celeriter resumpto animo, nec timide, nec perturbate receptui canit. Ducis consilium in ea trepidatione præsentissimæ cladi Venetos eripuit. E postremo tamen agmine aliquot amisit; parumque abfuit, quin ipse caperetur, dum constantis Ducis, simulque fortissimi militis officio fungitur. Ex arena illa periculorum plena Narentam incolumes rediisse, grandis instar victoriæ habebatur. Nec aliud quicquam ad memoriam insigne in Peloponneso, & Dalmatia gestum. ^A)

In Polonia minore providentia; eadem, qua apud Venetos, mala fortuna bellum administrabatur. Equidem Rex præteritorum annorum peccata per publica Regni comitia corrigere multum desudavit, tantoque ardentius Nobilitatem ad procurandum bellum hortatus est, quanto luculentiora præteriti languoris detrimenta sub oculis omnium erant. Sed præter privatas querelas, ~~offensiones~~que, nihil in commune collatum est, fluxeruntque comitia inter cavillos, & fastidia nullo omnino fructu. Adeo plerorumque animi a Rege, & armis, quæ tanta gentis Polonicæ gloria induerant, tractarantque in Austria, & Hungaria, averſi erant. Pax nihilominus e sententia meliorum Chamo negata; fortassis quod nihil magnopere a Tartaris metuerent, quibus sat negotii domi faceſſituri videbantur Moschi. Hac discordia & variæ clades acceptæ sunt, & recuperandi Cameneci occasio e manibus elapsa.

Hujus loci præſidiariis plurium mensium stipendia debebantur; neque Præfecto tantum æris publici aderat, quo vel paucos placare posset; liberaliter tamen omnia pollicitus, in aliud, atque aliud tempus militum postulata differebat. Enimvero illi longa expectatione fessi, & a quotidianis periculis, & a causa ferociore, non diutius ludificationem toleraturi, Præfectum vi adoriuntur, ac implacabiliter obtruncant; Agam quoque, languidius eorum commodis prospicientem, pari furore interficiunt. Occisiorum opes stipendiorum loco fuere. Nihil deinceps pacate, nihil e disciplina militari in præſidio actum. Nota hæc erant Polonis; at dum inter se discordes lente coeunt, & paratus faciunt, Camenecum resipuit. Namque Chamus Tartarorum, de rerum statu anxie commonefacto Solymano, pecuniam, commeatus, & novum Gubernatorem feliciter præſidio intulit, militemque in disciplinam veterem redegit. Repentinum Cameneci discrimen permovit Soltanum, & Vezirium, ut æris, annonæque subsidium iterum, ac tertium festinarent, ne quid turbarum ex inopia oriretur. Jam vehicula inter agmen Janicsarorum frameis, sclopiisque densum, Cameneco propinquant, cum Turbalchus gente Valachus, celebris apud Polonos excursor, suos ex insidiis educit, ac itineri magis, quam prælio intentos, uno impetu fundit. Tres, & viginti cum præcipuo Ductore, eoque lethaliter faucio, vivere permitti, cæteri concisi: carri annonarii, & centum millia florenorum in spoliis cesserunt. Tartari non multo post meliore fortuna aliquot plaustra alimentorum duxere, at in reditu quingentos boves amittunt. Sed iidem bis prolata populatione Leopolim usque, amissa cum fœnore receperunt.

A. C. Mense Majo e stativis movit Leopolim Polonicus miles, ubi castra 1689. designata. Nuncius Pontificius, ut ne penuria rerum expeditio concideret, suo ære frumentum mature coemit, & navigia, si Tyras fluvius trajiciendus foret, constituit. Majus, Junius, Julius nullo operæ pretio fluxerunt, quo tempore cum nullus uspiam hostis in campo esset, Tartaris in Moschum versis, aut Camenecum confici, aut certe Turcica Valachia percur-sari poterat. Sub medium Augusti mensis, Polonorum Duci potiundi Cameneci spes facta est a Tartaris Lipkoviensibus, Ukrainæ incolis, qui nunc Polonis, nunc Turcis obnoxii, nunquam bona fide uni populo adherent, & illa tempestate, apud utrumque merebant. Ex horum fece hominum quidam, specie transfugii, Polonorum castra ingressi, exposuerunt Duci: Cameneco tenue prælidium inesse, excubias agi segnius, ac belli tempore, noctu facile superari posse muros. Si Poloni consilium sequi vellent, ostensuros se locum, quo sine tumultu, sine militum cæde, securum aditum in urbem habeant. Spe vana occupatus Dux, ipse rem aggreditur. Decima quarta Augusti, aliquot millia equitum levioris armaturæ in expeditionem destinat, sparso rumore ad arcendum populationibus hostem, qui sylvam Niedoboriensem infedisse nunciabatur, eam manum exituram.

Interim concubia nocte rapidus Camenecum versus proficiscitur, mille peditibus celeritatis causa jussis equos conscendere. Ductorum sive perfidia, sive errore factum, ut non nisi clara jam die designatum ad locum perventum fuerit, magna utique Polonorum indignatione se, suasque insidias detectas dolentium. Ergo discrimine in audaciam verso, apertam oppugnationem intentant, ut nempe ejus urbis victoria non jam furtivæ aggressioni, sed Polonorum virtuti deberetur. Primi Lithuani (nam universus exercitus strenue sequebatur) initium oppugnationis fecerunt, adversus novum munimentum a Turcis positum. Ne vero ipsi paterent injuriis procurrentium, aut Tartarorum castra infestantium, bina castella terrea, ingentis molis eduxerant, tormentis valide communita. Factis aggeribus, viisque obsidionalibus, adeo cuncta ad vota Polonorum cesserunt, ut sexta Septembris assultum pararent eo confidentius, quo præsidarii per eos dies languidiùs repugnarunt. Sed una eruptio plurium dierum opera solo æquavit, & obsidentium animos penitus afflixit. Eodem enim, quo Poloni aggressionem adornant, die, Gubernator flore præsidii velut in aciem educto, Lithuanorum stationem, quanta nusquam alias ferocia invadit, maximam eorum partem celerrime obtruncat, tormentarias sedes disjicit, machinas partim clavis configit, partim aquis mergit, fortium in primis Præfectorum cædem patrat, uno alterove amisso, victor in urbem redit. Fractis Polonorum animis, propinquus Tartarus discessum imperavit. Vix illi Cameneco abierant, rursus Podoliæ oppida arserunt. A)

Majori strepitu, caloreque Martio ad arma profiliit Moschovia; principium felix, exitum admodum tristem sortita. Ut una Confœderatorum voluntate pacem rejectam, bellum resumptum intellexit Petrus Moschorum Czarus, summa industria machinas, annonam, aliosque paratus immensis copiis, quas e vastissimis suis provinciis exciverat, necessarios, in Ukrainam, sive Kioviam Moschoviticam comportari jubet. Nondum in exitu hyems erat, & jam ter centena millia armatorum præter calones, lixas, quive lucri causa castra sistantur, mercatores, ad Samorem fluvium castra tenderant. Numerofo exercitui Basilium Galiczinum genere, fama, divitiis, & multa Principis Sophiæ, Petri sororis, gratia florentem, præficit, qui superioribus quoque annis, copias moderabatur. In Tartaros Ottomanicæ societati annexos hanc tempestatem incubituram, nemo ambigebat. Selymus Gierius Crimææ Regulus, haud inferiore contentione vires, & auxilia

ad

A) Lengnichius admodum jejune expeditionem Polonorum persecutus est. Placuit illius verba huc transferre: „bellum, inquit, continuatum minori vi, nulloque successu, cum supremus exercitus Dux Camenecum ex improvviso capere frustra conatus fuisset. „ Porta Ottomanica ampliori narratione eam explicuit.

ad primum rumorem Moschoviticae tempestatis contraxit. Nuradinem, & A. C. Galgam, quos Tökölö sponderat se missurum, sive ad Daciam, sive ad Hungariam turbendam, cum omni equitatu domi retinuit, paucis solummodo turmis in subsidium Cameneci missis. Legationibus quoque Solyma- num Imperatorem fatigavit, opem adversus Moschorum vim anxie flagitans.

Nec omisit hostium vires aliis, atque aliis nunciis augere, quo celebrius importuno illo tempore quidpiam auxilii extundat. Egerunt isti graviter universae gentis causam apud Imperatorem, & Purpuratos; aiebant inter cetera: *Turcarum felicitatem adeo esse conjunctam cum Tartariae salute, ut hac afflicta, illa haud diu constituta sit. Nam si Moschus vel in Crimaea pedem figat, partemque legionum obmuniat, maritima oppida, & in primis Constantinopolis ipsa, usque adeo assiduis excursionibus, populationibus infesta habebuntur, ut nemo Byzantinorum sine aperto vitae, fortunarumque discrimine sive mari, sive terra iter facturus sit. Non se continebit intra nativam Crimaeae penuriam; amantate Byzantini agri inescatus, vobis gravior, quam nostrae paupertati erit. IN DESERTA, & fere humano cultu vacua regione, belli praemia nemo hostium quaerit, aut invenit. Vestrae divitiae, vestrae opes hostem in steriles campos Tartariae alliciunt, nisi maturum auxilium tuleritis, hybernis adhuc mensibus cum certissima civium, & totius Imperii perniciie diripientur. In alieno solo non tutius modo adversus potentissimum hostem, Imperium, opes, liberos, conjuges vestras, tuebimini, sed gloriosius etiam ab interitu vindicabitis, quod simul pro focis, & aris eorum dimicaturi sitis, qui religione, armorum societate, a primis annis Ottomanici dominatus A) vobis conjuncti, vestraeque fortunae innexi erant. Bellum nullum per tot annos suscepistis, nullum sine nostro milite victoria terminastis. A fereli armorum strepitu, a vulneribus, a sanguine nunquam vestri causa abhorruimus; imo ad nutum cujusvis Imperatoris in aciem exire, pectora hosti offerre, vitam cum sanguine fundere alacres gestivimus. Ut in posterum quoque socios utiles, eosque perpetuo fidos in nobis habeatis, vestrae nunc potestatis est. Non petimus, ut universis viribus in Moschum agatis. Ubi summa belli consistet (consistet autem in Servia) ibi nervus, ibi robur vestrarum legionum sit, oportet. Nobis pauca millia Janicsarorum sufficient, & jam Turciae Imperium extra Turciam fortiter defensum, hostium res valide impulsas, ipsamque Moschoviam tristibus flammis involutam, laetis nunciis accipietis.*

Nondum profligatae erant Asiaticae turbae, quas supra recensui, dum Selymi Legati auxilia petita Constantinopolim venire, periculum Crimaeae, & Byzantii sive metu, sive sponte in majus augentes. Itaque ingens pavor, atque maeritia omnium animos incescit, conferentium veterem fortunam Imperii cum praesenti; tantum eam retrocessisse, ut qui ante annos non multos, florentissimum exercitum Viennae admovissent, captis tot urbibus Hungariae, ii verso Marte, exuti omnibus fere praesidiis, & Servia, agrorum suorum populationem e propinquo, & fortassis etiam obsidionem sui Byzantii visuri forent; juventutem Ottomanicam tot infelicibus praeliis prope absumptam; externis bellis domesticas seditiones accedere, ac turbas e turbis quotidie nasci; Tartariam non populatoria manu uri, vastarique, sed iusto exercitu (& fama B) fuerat jam in Crimaeam Galiczinum irrupisse) Moschorum insideri, Imperio prope collapsio hostem multitudine hominum ferocem, veterique odio inflammatum imminere, nihil usquam spei, nihil

Imp. Ottom. Tom. II.

P p 2

auxilii

A) Id velim intelligas de Europaeo dominatu. Neque tamen exploratum, quo anno Tartari cum Turcis societatem armorum inierint. Vix aberravero a vero, si dicam sub Mahomete II. Constantinopoleos domitore, gentem utramque coaluisse, ac prope in unum imperium concessisse. Certe jam Solymano II. rerum potente, eos ex imperio Turcarum eruptiones fecisse in provincias Principum Christiani nominis, planissimum sit e Legatione Hieronymi Lafkij. Vide Adparatum ad Hist. Hung. Dec. I. Mon. IV. pag. 176. Bellum inter utrosque abortum narraui ad annum 1625. pag. 2.

B) Prona est timori semper in pejus fides. Sen. Herc. Furen. A. II.

A. Cauxilii domi, forisque reperiri. Nec respiratum est per eos dies, etsi Mo-
 1689. schum in Ukrainam tendere speculatores affirmarent. Multi ergo deserta
 urbe veluti propediem in alienam potestatem ventura, alio commigrarunt.
 Nec fuga sisti poterat, donec Vezirius armata navigia Pontum Euxinum
 percurrere, atque ad tuendam Crimæam proficisci iussisset, tum demum in-
 tellexere Byzantini, mare ab hostibus vacuum, nec tam propinquum peri-
 culum urbis, ut terrore magistro didicere. Quantæ vero pedestres copiæ?
 quo Duce? Tartaris in auxilium datæ fuerint, perinde obscurum est, ac lo-
 cus Trurobæ, ubi pugna commissæ, & post pugnam Tartaris adversam, ur-
 bis Pernoki obsidio. Ego tametsi tabulas regionum, singulari industria
 Christophori Weigeli confectas, non indiligenter consuluerim, oleum tamen,
 & operam perdidici. Quod & alias sæpe mihi accidit, sinistro sane Apol-
 line, & non parva temporis iactura. Commemorare hic illud volui, quod
 in exordio hujus Historiæ olim egi, quo prudentes, & ejusmodi tædiosi
 laboris gnari Lectores, facilius veniam mihi concedant, si diversa ab his,
 urbium, aliorumque locorum nomina in Geographicis descriptionibus lege-
 rint. Sed narrationi, unde digressi sumus, insistamus.

Galiczinus haud diu cunctatus in Ukraina, mense Majo minorem
 Tartariam ingreditur. Conspecto armatorum exercitu, incolæ fuga arre-
 pta cum pecoribus, & plaustris suis, quæ præcipuæ gentis divitiæ, a) in
 Crimæam se trepide contulerunt. Selymus ad Isthmi angustias equitatum
 suum tenuit, dum peditatus Turcicus confunderetur. Posteaquam ille ad-
 fuit, non dubitavit extra angustias progredi, ut vel decerneret prælio, vel
 si detrectaret Moschus certamen, quod plurimum intererat ad suorum ani-
 mos, timoris confessionem exprimeret. Ut aciem admoveri vidit Galiczi-
 nus fretus multitudine, illico signum pugnae prope Trurobam b) proposuit.
 Raro alias firmiore gradu hostium impetum sustinuerunt Tartari, siue patriæ
 amor eos stimulaverit, siue a Janicsarorum fortitudine animos sumpserint.
 Sed peditatu, primo nempe virorum robore, partim conciso, partim per-
 turbato, levissimi equites per Isthmum in Crimæam fugerunt. Pertinacis
 pugnae strata cadavera totis campis, indicium fuere. Quatuordecim Tarta-
 rorum, sex millia Janicsarorum illo certamine dicuntur occubuisse cum
 Chami filio. Bis centum nobiliores Tartari capti, & signa militaria in Mos-
 choviam sunt missa ad illustrandam victoriam. Quanquam ista haud sane
 incruenta Moschis cesserit, cum octona millia caesorum numeraverint, nec
 pauciora vulneratorum. Galiczinus successu ferox, fugientem hostem in
 Crimæam persecutus, militem suum ad oppugnandum oppidum Pernokum,
 ut vult Scriptor Ottomanicæ Portæ, confestim ducit. Jam muri magno
 hiatu procubuerant, jam vallum oppidi, ramalium fascibus expletum erat,
 cædemque proximam obsessis aggressuri intentarant, cum inopinatus rumor
 castra pervadit; Chamum omnem Juventutem Crimææ excivisse, revocatis
 a prima consternatione animis, incolas ad arma recurrisse, jamque si minus
 numero, virtute tamen pares, magnis passibus in Moschum ferri, concla-
 matum esse de exercitu, nisi castra tutiorem in locum transferantur ante,
 quam hostes viam intercludant.

Vix castra moveri sunt cœpta, adest Chamus cum omnibus copiis.
 Ingens tumultus, ac trepidatio inter Moschos oboritur. Agmina ad iter
 magis, quam prælium composita, accelerato gradu hostem evadere unice
 contenderunt. Multi, qui inter postremos ierant, ad conspectum Tartaro-
 rum, desertis signis, abjectis impedimentis, armisque festinandi studio,
 primi

a) Eleganter Poeta :

Nulla domus ; plaustris habitant ; migrare per arva
 Mos, atque errantes circumvestire penates. Sil. Ital. L. III.

b) Sic Porta Ottomanica, quem locum alio nomine appellat Prezicop, fortassis Precop, siue
 Precopia ; aliis Taphræ, item Or, in ipsius Isthmi angustis urbs. Unde conjicias eidem loco
 diversa nomina dari, atque inde rerum confusionem apud Geographos, & Scriptores nasci.
 Quis enim has lites finiat ?

primi fugientium erant. Ipsi Præfecti cum frustra festinantes sistere conati, A. C. nec imperio, nec auctoritate, nec precibus valuissent, de fuga magis, quam 1689. pugna ad extremum cogitarunt. Selymus animadversa Moschorum trepidatione, sequi iussis Nuradine, & Galga, ipse princeps inter equites, cum turma sua quantum potuit, effusissimis habenis hostium postremos invadit. Nemo pugnandi causa restitit, tantus pavor universos occupavit. Passim itaque cædebantur fugientes, ut adeo illa die vicena millia occisa fuerint, quinis pauciora capta cum septuaginta tormentis, & pleraque suppellectili. Hæc postrema clades tantopere animos Moschorum infregit, ut quinquenali spatio, veluti lethargo correpti, nihil uspiam in hostem tentarint. Quæ intempestiva cessatione rebus Cæsareis, Polonicisque plurimum detrimenti illatum. Neque Tartari per eos annos irritandos duxerunt, maxime quod tritam illam, & spoliis feracem Hungariæ, Transylvaniæ, Poloniæque arenam præ sterili Moschovia, ut tum erat, repetere gestirent. Et vero pulso e Tartaria Moscho, quasi pax firma inter utramque gentem constituta foret, omni mora seposita, in Poloniam, inque Serviam ad sua ministeria, id est populationes, incendia, certatim convolarunt. Tandem excusso lethargo anno MDCXCV. grandi exercitu armata Moschovia in campum prodiit, spesque Confœderatorum redintegavit. Sed urbs Assovia, quam bini Duces Szermetus, & Mazeppa circumvallarunt, eas momento evertit. Verum de his suis agendi locus erit, nunc reliquum belli, id est anni nonagesimi supra millesimum sexcentesium fortunam persequamur.

Currente anno MDCXC. fortuna belli, ut nunquam perpetua, aut 1690. semper bona est, Magno Leopoldo Cæsari vultum illum, quo eatenus aspiraverat, irata non semel subduxit. In Servia primum tertia Januarii, a) tum in Transylvania variavit, & hostibus benignior fuit. Res ita habet. A morte Piccolominei, hostes animis creverunt, maxime Tartari, qui illustri potiti victoria in patria sua, non minorem se obtenturos sperabant in Servia, ubi tenuior miles Cæsareus, & incolis invisus, ob tributorum acerbiteriam, populationes, rapinas, belli comites. Auxit spem Strasserus Tribunus, homo inconsulte ferox, id temporis pro ægrotante Principe Holsato perpaucis copiis impositus. Jubetur iste a Veteranio b) per literas, remotiores stationarios ad Kazanekum retrahere, fauces vallo, & operibus obmunire, omnique abstinere certamine, dum Piccolominea equestris legio subsidium ferat. Nihil e præscripto egit, more videlicet eorum, qui aliena consilia quasi compedes gloriæ suæ accipiunt. Interim vicena Tartarorum millia per oppida Cæsareæ ditionis grassantur, pecora, hominesque abigunt, hybernantes e stativis depellunt. Strasserus etsi hostium numerum per transfugas, & captivos intelligeret, quia tamen alii minorem referebant pro Ducis ingenio, cum tribus circiter armatorum millibus Kazanekum c) provolat, id unum metuens, ne sine prælio hostis dilaberetur. Aciem sat tuto loco instruxerat. Nam a tergo montis angustias, ad latera paludem habuit. Sed ferocius, quam consultius, in apertum campum instructos ordines promovet, Hannoverano Principe frustra ab incepto temerario dehortante. Vix primi in planiora emerferunt, continuo a circumfusis Tartaris urgentur, pars peditatus, & duo equitum signa, quæ ad firmanda latera evocavit Strasserus, loco moventur. Quatuor castrensibus machinis acies restituta est, & perniciies dilata. Animadversa iniquitate pugnae, ut ne pecudum ritu contrucidati impune caderent, aut in vincula coniecti, diu infelices essent, necessitate vires acuente, ordines condensant, septem horis fortissime repugnant. Futurum erat, ut in barbaris multo major ederetur cædes (quinque millia interempta postea est cognitum) & quæ vis erat desperationis, Germani vincerent, si plumbeæ glandes suffecissent.

P p 3

cissent.

a) Alii ad primam Januarii referunt cladem imprudentia Strasseri acceptam: fortassis quod ea die Cæsarei expeditionem occeperint. Cæterum infelix pugna biduo post accidit, ut Ephemerides Leopoldinæ docent. b) Quidam expunxerunt Veteranio Principem Holsatum nominant. c) Varii variis nominibus hanc arcem afficiunt, nunc Katianekam, Kaszinko, nunc Kazanekum, & Cazinkum leges. Haud procul Pristina, & Scopia abest.

A. C. cissent. Ut prompti sunt gladii, strages fuit. Duo millia, ducenti, & 1690. quadraginta in arena ceciderunt, cæteri capti, paucis intra cumulum cadaverum latitantibus, deinde elapsis. Strasserus temerarii certaminis auctor inter primos occubuit. Carolus Hannoveranus adolescens impiger, & strenuus novem hostibus sua manu trucidatis, lancea trajicitur. Eodem lethi genere perierunt Comites Gronsfeldius, Kollonichius, Aurspergius, junior Styrumius. Piccolomineæ legio sociorum cladis ignara; fere Kazanekum postredie tenuit. In itinere a victore Tartaro impetita in noctem usque protrahit pugnam. Sub primas tenebras citato itinere Pristinam, dein Nissam reversa e pedicis illis feliciter semet evolvit. Arx Kazanekum in iis rerum angustiis hosti deditur. Centum quinquaginta Germani, bona fide Nissam dimissi, Rasciani, Bulgari concisi sunt. Ex aliis quoque minoribus præfidiis summa celeritate præsidia deducuntur, ne per infidam regionem sparsæ vires, dolo incolarum, aut vi Tartarorum opprimerentur.

Secundum hanc victoriam Chamus, late pervagatus provincias, cædibus, & incendiis aperta oppida intempestivo, sævoque ultionis genere evastavit; in primis vero Rascianorum, & Bulgarorum, quos ad Leopoldum aut jam transisse, aut proxime transituros constabat. Partem quoque suorum in Valachiam immisit, ut Tókolio aditum aperirent in Transylvaniam. Unde Heislerus militem suum e Valachiæ hybernis, ad limites Daciæ movere coactus est, neque Veteranio pro Serviæ salute desudanti auxiliari potuit. Arctæ admodum res nostræ erant, multorumque sententia fuit, excedendum omnibus præfidiis Serviæ, excepto Belgrado. Contra Veteranium, ne palmum quidem terræ cedendum hosti sine prælio existimavit, idque potissimum cavendum; indicium timoris, ut ne præbeatur. Verum successu elatus victor cum undique instaret, incensis, everisque munimentis, ad Jagodinam, & Moravam copias retrahere necesse habuit. Nissam tamen propemodum fame enectam annona, & milite firmavit. Provinciali præterea militi statum panis dimensum dari jubet, neimenti ergo ab signis discederet. Quendam Antonium Rascianorum Ductorem ad suos populares, metu Tartarorum dilapsos, conquirendos in Rasciam dimittit. Multi ad signa redeuntes, secundas postea excursions fecerunt. Adrianopoli, & Byzantii Kazanekensis victoriæ nuncius tanto majori gratulatione exceptus est, quanto eam Chamus Scythico mendacio illustriorem depinxit. Ausus est homo impudens jactare: se cum decem Germanorum millibus acie conflixisse, neminem unum effugisse, supremum exercitus Ducem occidisse. Ad fidem tam lætarum rerum Principis Hannoverani corpus, & capta equestria, pedestriaque signa Adrianopolim misit Imperatori. Præsentis lætitiæ occupati animi, priorum cladum oblivisci videbantur. Supplicationes toto imperio habitæ, munera ad fanum Mahometis liberaliter missa, festi ignes accensi, quis animorum habitus foret, satis prodiderunt. Kiuperlis Vezirius, hybernæ ejus expeditionis auctor, veluti fortunam armorum sua in potestate unus haberet, nihil, quo vanum fieret gaudium in ea communi omnium lætitiæ, auribus admisit, debellatumque mox fore ratus, si paululum adniterentur, ad faciundos paratus curas convertit.

Rem pecuniariam, quæ pejus aliquanto habebat, ac sub Mahomete IV. ut quoquo modo instauraret, de terrestribus, maritimisque vectigalibus quæstionem instituit. Quos publicus peculatus impune paverat, eorum possessionibus ærario illatis, loco movet, largitionum nomina in aula Imperatoria extinguit, lautiores ministrorum numerum, horumque stipendium, & inutiles pompas minuit, ut omnia fere necessitatis modo finirentur. A Quæstoribus ærarii repetundarum reis, septingenta millia nummorum Rhenensium extorquet, pro argentea cupream monetam inducit. Luxum castrensem severo edicto proscribit. Ipse frugali victu contentus, cunctis in rebus modestiæ exemplum præbet. Camelorum loco, clitellarios mulos adhibet, tentorio multo angustiore, atque alii Vezirii, utitur, toto Imperio legem promulgat, ne quis Armenis, Græcis, aliisque Christianis

stianis gravis sit, neve Quæstores novis tributorum nominibus eos divexent A. C. Noverat enim acerrimum telum ad rebellandum tributa esse, dum graviora 1690. populis aliunde commotis imperantur. Hæc solerter agens, conjuratione quorundam aulæ ministrorum propemodum periit, in quam certatim nomina dederunt, qui peculatu ærarii, id est: Imperii ruinis suam ambitionem, & rapacitatem alebant. Kislar Aga conjuratorum caput erat. Placuit iis ad declinandam invidiam, clam cædem perficere. Deligitur minister sceleris, Vezirii cocus, splendidis promissis in partes attractus, qui epulis venenum infundat. Sed dum de genere veneni consultant, ne nimium præcipiti facinus proderetur, aut lento diutius, quam vellent, vita differretur, indicium sceleris per ipsius Kislaris aulicum ad Vezirium prolatum est. Cocus crimen confessus e fastigio turris a) Adrianopoli dejicitur. Kislar Aga in carcerem datus omnibus fortunis evertitur; socii alii exilio, alii morte plectuntur. Amplissima præmia penes unum proditorem erant. Tanto discrimine defunctus, multo alacrior ad intermissas curas regreditur. Bellum juxta Danubium constitutum sive pro Servia, Valachia, aut Transylvania dimicaretur, prævidebat; idcirco ut flumen sua in potestate teneret, classem, quanta nondum Danubio natarat, constituit. E Ponto Euxino, quas in Crimæam misit, bellicas accersit. Minores triremes, vulgo Brigantinæ, centum quinquaginta, quarum singulis classarii centum quinquaginta, remi triginta, sex colubrinæ; magnam præterea vim Saikarum ædificat. Classi parem Imperatorem dedit Mezzomortem, qui sæpe ex maritimis hostibus Algerii triumphavit, & postremis his annis Ottomanicæ classi in mari Egæo præfuit.

Hic est ille Mezzomortes Algerii Begus, celeberrimus pirata, quem cives ob barbaros mores, & nimiam ambitionem exilio mulctarunt. Notus jam erat Byzantinæ aulæ maritimis expeditionibus, multoque honore a Solymano acceptus, Architalassus renunciatur. Verum Algerienses cum horrent hominem crudi, severique ingenii, precabantur Solymanum, ne se turpissimo Tyranno, & nunc recenti injuria irritato spoliandos, mactandosque obiciat, substituat pro eo quemcunque alium e Purpuratis, advoluturos se plenis velis, promptis animis; secus nullam navim ex Africa venturam. His motus Imperator Danubianam classem ei commisit, eo quidem libentius, quo majora emolumenta ex Africanis sperabat. Post classis apparatus Chamum victorem, & Tòkòlium Adrianopolim per Chiausios evocat Vezirius. Mense Februario uterque adfuit. Chamo uti nuper per literas, ita in præsentia coram Purpuratis, magnificis verbis victoriam gratulatur. Tòkòlio Transylvaniæ Principatum donat, sed quem armis suum efficiat. Huc nempe spectabant Vezirii consilia, ut hominem novas dignitates in singulos dies somniantem, ad miscendam patriam inflammet, ægre faciat Apaffiis Cæsari addictis. Typus postea expeditionis in hunc annum, insigni prudentia consultorum in secretiori Senatu descriptus est. Satius existimarunt, præter morem Turcarum, copias plura in agmina dividendas, ut pluribus locis distenti Cæsarei paucitate sua vincantur. Tòkòlius quanto posset maximo tumultu Transylvaniam petat, Seraskerius classe Danubium frænet, Vezirius cum majore exercitus parte recta in Serviam contendat. Probato consilio magni delectus supplementorum fiunt, copia frumenti, pabuli, supellestilis bellicæ, vehiculorum, & jumentorum comparatur. Castra ad Adrianopolim figuntur.

Canisam interea lenta obsidione pressam Comites Adamus Battyanius, & Stephanus Zichius Leopoldo Regi afferuerunt, nequidquam magnis exercitibus alias fatigatam. Cinxerant eam cum Hungaris, & Croatis, quive Albam Regalem ceperant Germanorum centuriis. E literis interceptis cognitum fuit, obsessis & annonam, & animos defecisse. Compellatus de dedendo præsidio Gubernator, non difficilem se præbuit, modo liceret Vienne Legatos mittere, qui cum ipso Imperatore transigant. Missi tres Præfecti,

a) Porta Ottomanica ait more gentis eum punitum.

A. C. festi, conditiones, quas petierunt, impetrant. Decima tertia Aprilis sex-
1690. centi armati, ter mille alii cum omni sua suppellectili, nonaginta annorum
possessione decesserunt, secundoque Dravo decessi sunt. Meminit Porta
Ottomanica: Gubernatorem senilibus morbis fractum, & tum amissi præsi-
dii mœrore dejectum, non leviter offensus, quod ipse, dum claves trade-
ret, pedes adstaret, Battyanus equo veheretur, rogasseque per interpre-
tem: *equid valeret Battyanus? num valetudinis causa equo uteretur?* hunc
reposuisse: *se recte habere, simulque meminisse, & Magni Cæsaris, & victo-
ris se ministrum esse.* Unde conicias, quam tenaces, cupidique honorum
sint Ottomanici, qui victi, & in media fuga, nihil arrogantiae amittunt.
Cæterum lautum convivium a Battyanio appositum, omnem offensionem
diluuit.

Lætitiâ deditæ Canisæ mors Michaelis Apaffii Transylvaniæ Princi-
pis turbavit. A) Decessit is Fogarâni quinta decima Aprilis ætatis quin-
quagesimo octavo, initi Principatus vicelimo nono. Felix diuturno impe-
rio Princeps! multo autem felicior asserta libertate Daciæ, quam cum Ot-
tomanis stipendiariam a Majoribus accepisset, liberam, firmatamque in fi-
lium suum Michaellem transtulit, qui sexto ante Parentis obitum anno, in
publicis Comitibus Princeps Transylvaniæ Ordinum suffragiis delectus, in-
signia Magistratus sceptrum, & vexillum a Mahometis IV. Imperatoris Lega-
to accepit. B) Nemini jam dubium erat, Tòkòlium huic provinciæ diu in-
sidentem, omnem vim, artesque omnes exprompturum, quo no-
vum Principem paternis fortunis evertat, sibi dominatum asserat, Tur-
carum favore delatum. Monetur adeo Heislerus ab aula: novum Princi-
pem consilio, armis adjuvet, Transylvanorum Procerum animos sibi, mili-
tique comitate sua conciliet, omnem curam intendat continendis in sua cu-
jusque sede, & officio præsidariis; rapinas, furta severis pœnis coerceat,
ne populus ingenti cum actura cœptæ amicitiae irritetur, meminisset FACILE
ignem concipere, quæ haud pridem extinctæ sunt, faces. Præsidis, in pri-
mis limitaneis, prospiciat, aditus Tòkòliani emissariis obsepiat. Denique
in tam manifesto discrimine provinciæ, arma e manibus, veluti in acie
staret, non deponat. Ille ordinata provincia, verno tempore Traut-
manstorffium cum octo legionibus ad Veteranium mittit, cui gravior
hostis imminabat. Usus est Veteranus perdiligenter hac militum ma-
nu in muniendis Nissa, Vidino, Orsava, dum per hostium cessatio-
nem licuit.

Censebantur porro in Hungaria legiones equestres undeviginti, pe-
destres quatuor, & decem, sed adeo imminutæ, ut pleræque infra dimidium
decreverint. Nec stipendiarias a Principibus copias conducere licuit, Gal-
lo Imperium, Italiam permiscente, & si maxime licuisset, nervus pecuniæ
deerat. Ea causâ supplementa quoque vel nulla, vel non alias tenuius scri-
pta. Difficillimam itaque rationem defendendi belli (arma inferre nulli cor-
dato in mentem venit) Cæsarei habuere. Atque hæc causâ fuit, cur Prin-
ceps Badensis victoriis inclutus, præfecturam armorum admittere cuncta-
retur, non ignarus, quam multa undique deficerent, quamque non æquis
viribus cum prævalido hoste res futura sit, sibi que demum omnem calami-
tatis invidiam exhauriendam. Sero in castra c) delatus, nempe octava Au-
gusti ut vult Ottomanicæ Portæ Scriptor, majores, ac opinabatur, diffi-
cultates reperit. Eo absente ad Jagodinam Cæsarei castra locant. Hoffkir-
chius ab Savo, Heisterus cum suo agmine Orsava revocantur, relictis se-
ptingen-

A) Continuator Philippi Brietii pag. 979. non uno errore lapsus est, dum in hunc modum scri-
bit: „alia, non mœrore, sed Catholicorum jubilo, morte elatus est Hermanstadii Michael
Apaffius Transylvaniæ Princeps, Cæsari ad extremum usque spiritum livido furore infensus
&c., quam aliena a veritate hæc sint, e decursu Historiæ nostræ elucet. Condonandum
istud homini extero non perinde instructo literaria rerum Hungaricarum penu, ac voluntate
scribendi. B) Anno 1684. duodevigesima Septemb. Albæ Juliz, sive Carolinz. C) In exitu
Augusti mensis Badensem in castra advenisse lego in Historia Magni Leopoldi.

ptingentis præfidiariis, quibus, si res Transylvaniæ ferant, auxilio adesse A. C. iussus est Heislerus. Vidinum, Nissam novi præfidiarii injiciuntur. 1690.

Ad extremum mensis Julii ternis exercitibus Kiuperlis Mustaphas Vezirius expeditionem inchoavit. Primum ipse Sophiam adduxit septuaginta circiter armatorum millium; alteri, sive Classiariorum, Seraskerium cum Mezzomorte præfecit; Tòkòlius tertio præerat. Hisce copiis, Ducibusque brevi tempore multa feliciter gesta sunt. Cæsarei quam in partem se verterent, multum deliberarunt. Neque enim ultra decem millia probi militis numerabant in castris, cæteris per præsidia dispersis. Ut ne paucitatem hosti proderent, iisdem in castris se continuerunt. Primus Tòkòlius superato Danubio cum Spahiorum septem, suorum trium, Tartarorum sex millibus, Valachiam amicam sibi regionem intrat, atque assumpto in belli societatem Principe, exercitum auxit quatuor millibus Valachorum. His copiis stipatus, per invios saltus, agrestium ductu Transylvaniam petit, datis prius ad Proceres provinciæ literis, queis significavit, se Principem Daciæ a Solymano Imperatore renunciatum; suum adventum nulli mortalium noxium futurum, nisi armatis. Hortabatur deinde universos, ut Apassium Germanorum injuriis opportunum, loco, & dignitate quamprimum moveant; Turcicum præsidium sine tergiversatione admittant. Ne detrectarent obsequium, atrocissimas minas addit. Gravis utroque nomine Ordinibus, & Heislero accidit denunciatio. Et erat in oculis omnium, quæ incendia, quas cædes in provinciam importaret, nisi armis, patriæ illum turbinem mature sopirent.

Præsentissimum malum omnes moras abruptit. Delectus fiunt per oppida, quinque millia Transylvanorum paucos intra dies ad signa confluunt. Michael Telekius horum Ductor, qua irrupturum hostem intellexit, limites obsidet; sequitur Heislerus cum equitatu duum millium, & trecentorum. Jam Tòkòlius prima, & vicesima Augusti terream munitiorem ceperat, trucidatis sexaginta defensoribus, tum conspecta paucitate obfistentium, ne se subducerent, Tartarorum turmas occultis callibus præmittit, ac ab tergo impetum facere iussit, ipse cum peditatu recta in hostem ducit. Coorti Tartari magnam trepidationem pugnantibus inferunt. Transylvani, Siculi in Spahios incurrentes per cæsa hostium cadavera viam ad victoriam sternere cœperunt, firmique certarunt, dum Telekius integer hortando, & ex parte dimicando rem sustinuit. Postquam eum prolabentem, ex equo moribundum videre, ceu Ducis spiritu pugnassent, per notos calles in montes, & saltus aufugerunt. Germani in orbem pugnare docti, consumptis pulveribus cæduntur. E gregariis feruntur cecidisse mille a) ducenti. E Præfectis præter Telekium Norkarmius Tribunus, & Pallizanus nobilis Valachus, suorum perfidiam exosus, nuper in Cæsaris castra transgressus. Comes Magnus in fuga ab agrestibus trucidatur, cadaver postmodum in profluentem abjectum. Comitem Heislerum, & Marchionem Doriam Tartari e fuga retraxerunt; utrumque Tòkòlius redemit, lauteque habuit. Pallizani caput pro Valachiæ Principis tentorio defixum, suorum oculos pavit. Tria & viginti equestria signa cum capite Telekii Adrianopolim sunt missa. Clades Ducum confidentia accepta, Ordines provinciæ in Comitata coegit Claudiopolim. Visum est omnibus, perstare in fide, quam dedissent Leopoldo Magno, opemque celerem afflictæ provinciæ petere. Hos secuta minorum gentium Nobilitas, & plebs, Tòkòlium perinde ac pestem importantem Daciæ fugerunt. Ille capta deditione Corona b) duplici vallo munita urbe, comitia edixit in duodevigesimalam Septembris Albam Juliam. Soli Siculi suorum agrorum populationem veriti accefferunt.

a) Porra Ottomanica, quæ etiam ordinem prælii vivis coloribus expingit. Historia Magni Leopoldi tradit Transylvanos ad primum Tartarorum conspectum latebras quævisse, Germanorum octingentos duntaxat cæsos. b) Corona urbs Daciæ, Hungaris Brassovia adversus Valachiam propugnaculum firmum.

A. C. Spe dejectus, qua sibi, suisque plane pervaserat, si Transylvaniam
 1690. armatus intrasset, civitates plures prono in partes studio rebellaturas; imo
 eas expertus æque infestas, atque munitas; variis itineribus exercitum cir-
 cumduxit, sine fine sollicitus, ut aliquam urbem opulentam intercipere pos-
 sit, unde com meatum, & stipendia sumat. Neque more suo in oppida de-
 sævit, militemque e multis nationibus collectum, ita a rapinis, cædibus,
 incendiis, & aliis, quibus licentia armorum gaudet, flagitiis continuit, ut
 non alienam, sed suam provinciam revisisse videretur. Et quod mirum in
 homine Turcarum amicitia, copiarumque imperio tumido; popularem se
 prorsus infimis quoque exhibuit. Hac tamen simulata modestia nihil profe-
 cit apud Transylvanos, quæis novi hi mores suspecti erant, callideque conjici-
 ebant: non charitate provincialium, sed spe dominandi Tòkòlium belli in-
 juriis abstinere. Rediturum ad ingenium, ut primum vana illa modestiæ
 specie captos, sub jugum miserit. NEMINEM superbum, crudelem, suo
 animo, suis cupiditatibus diu imperare posse.

Badensis post multam deliberationem aulæ Viennensis, jubetur Tran-
 sylvaniæ opem ferre, tametsi Servia naufragio haurienda prævideretur. An-
 tequam iter ingressus est, Belgradum, caput Serviæ, quinque peditum mil-
 libus, una legione Hussarorum firmat, nominato Gubernatore Aspermon-
 tio Pro-Mareschallo. Ad Savi fluminis custodiam Hoffkirchium dimittit
 cum quatuor millibus Croatarum, & mille Hungaris; Vidinum, Galam-
 haziam, sive Galambosiam, Ramam, Semendriam, loca Danubio adflita,
 milite, annona, quantum angustiae rerum patiebantur, ad defensionem
 comparat. In reficiendis Nissæ munitionibus, ante omnia desudatum fuit.
 Ter mille pedites ad hunc Serviæ aggerem conservandum, Veteranius jam
 nuper dedit Jòrgero Tribuno loci Præfesto, sed eo vi morbi prostrato,
 Staremburgius pridie, quam obsideri cœpta est a Vezirio, citatissimis equis
 advolans, Gubernator urbem intravit. Antonium vero Rascianorum Du-
 cem, in Valachiam jubet irrumpere, quo perfidus Princeps ad sua tuenda
 a Tòkòlio abstraheretur.

His celeriter actis, cum Veteranio, Sauravio, Heistero quarta Se-
 ptembris ad Semendriam Danubio trajecto, moderatis itineribus Transylva-
 niam ingressus, ferream A) portam, sic celebris in provinciam aditus ap-
 pellatur, cæcis arboribus obstruit, ac militum præsidio custodit. Petro-
 czius Dux Tòkòliani agminis, audito Badentem Daciæ propinquare, festi-
 navit eum aditum occupare. Sed frustra fuit. Ad arcem Hunyadum levi-
 ter impulsus, ad exercitum semet recepit. Badensis nihil cunctatione per-
 niciosius ratus, uno prælio debellare ardebat. Quippe si diutius in Dacia
 sine certamine subsisteret: & hostium vires, & famam aucturus erat, velu-
 ti inferior timeret aggredi superiorem, multumque existimationis inde de-
 cederet Cæsareo militi. Nec gratum id fore Transylvanis agnovit, duobus
 exercitibus nimium pressis, qui bellum absolvi potius, quam ali in visceri-
 bus suis optabant. Hoc capto consilio, recta Cibinium ducit, ubi hostium
 castra fuerunt. Tòkòlius, quod existimaret annonam non diu suffecturam
 Cæsareis, adeoque nec constantiam, autumno præsertim ingravescente, de-
 crevit quam minimo suorum periculo Badensis conatum eludere, pugnam-
 que omni ratione declinare. Et vero nuspiam ad manus est ventum, adeo
 Tòkòlius assiduo itineri accinctus, celeritate sua insequentes prævertit. Cum
 nulla vi, nulla arte ad aleam universi certaminis, extrahi posset fugacissi-
 mus hostis, peditatu in urbes distributo, equitum legionibus in eo perse-
 quendo uti decrevit. Tum enim vero de fuga serio cogitarunt Valachi, &
 Turcæ, quos diuturna itinera gravi tædio alioquin afficere: & quoniam Da-
 cia instante undique Badensi deferenda erat, inclementius in aperta oppida,
 & vicos iram effuderunt, ea etiam fortassis causa, quod fidem non mutarint.
 Tòkòlius a sociis desertus, cum suo manipulo eodem, quo venerat, itinere
 semet

A) Celebris aditus intra limites Transylvaniæ, & Temesiensem planitiem, qua Transylvania ea
 parte adiri potest.

semet eiecit, non illa sane modestia usus, quam nuper vultu, sermone, fa- A. C. & is ipsis prætulit. Nam & urbes aliquot ad redimenda suarum villarum in- 1690. cendia ære multavit, & obstitentes populatione agrorum puniit. Haud minore rabie tractum A) Temesiensem (huc enim iter verterunt fugitivi) depopulati. Gyulam, Varadinum, Temesiam, diu obsessa præsidia, & propediem deditionem factura, rebus omnibus instruunt. Lippam nono oppugnationis die capiunt, Lugosiam, Karany-Sebesiam a Cæsaribus deserta recipiunt. Ultra Tibiscum ea tempestas desæviisset, nisi Badensis festinatis itineribus advolasset. Eo absente, rursus volaticum illud agmen ex Hungaria, & Valachia in Transylvaniam illatum, per Veteranium, & Badensem reducem nullo spatio respirandi concessio, in sua latibula repellitur. Post hoc populatorium bellum, quietæ esse licuit Daciæ, Veteranio in Heisleri locum suffecto.

Dum Tókólius somniato Principatu exiit, duorum mensium spatio, omnis Servia ingenti damno rei Christianæ periit. Tanta ruina a Vidino cœpta est. Jam sub medium Julii Tókólius, & Seraskerius terra, & Danubio huic præsidio insidiabantur, sed Trautmanstorffii pervigil cura tentamenta hostium infregit. Castris ad Jagodinam positis, quo Trautmanstorffiani accersiti, nihil cunctatus Seraskerius, classe & terrestri exercitu duodecim millium Vidinum circumfedit, ac quinque dierum levissima oppugnatione (neque enim vel muri labefacti, vel fossa occupata fuit) ad deditionem compellit Baronem Hanpuschium, aliis Hompeschium, Pro-Tribunum. Septingenti præsidarii Orfovam profecti sunt. Hanpuschius cum uno Centurione ob palmarem vecordiam a Badensi in custodiam est datus. Ad famam capti Vidini tanquam ad signum Ottomanis elatum; mirum! quanta spe, & quæ inde nascitur, alacritate Vezirii exercitus in Serviam properavit. Septima Augusti ad arcem Pirothi signa constiterunt. Bis appellatus de deditione Scherkendorffius loco præfectus, Styrumianæ legionis Centurio, cum nefas duceret, arcem muris integris proditoris instar tradere, arma ad repellendam vim expedit. Sed Vezirio promptum erat maturatis accessibus, injectisque ignibus constantiam viri expugnare: NEQUE enim animi defensorum diu possunt consistere, ubi munitiones, quarum causa, & firmitate ad defensionem se compararunt, in ruinas abierunt. Quinta die sub vexillis, solitaque militum pompa digressus, Nissam deducitur. Abeuntium vestigiis hæsit Vezirius, ac quinta decima Augusti Nissæ copias affudit. Ante cœptam oppugnationem Chiausium cum epistola ad Staremburgium legat, deditionem imperat. Ne resignatam quidem remittit, causatus: *neminem Turcicæ linguæ peritum in urbe reperiri.*

Vidino advectis tormentis, dies, noctesque mœnia accerrime verberantur. Gubernator suo officio impigre functus, nunc eruptione aggressores cecidit, nunc disseminatis ignibus opera hostilia proruit, atque in nonam Septembris vota Vezirii suspendit. Tum demum strage murorum commotus, ne præsidarios hostili ferro mactandos objiciat, ut iussus erat a Badensi, candido vexillo deditionem offert hac una conditione, ut militi solitis honoribus cum impedimentis, & aliquot machinis ex urbe egredi liceat. Postremum præcisè negatum est. Dedititii summo in discrimine amittendæ vitæ non semel versabantur, ut adeo inter ictus tormentorum, tutiores fuerint in lacera Nissa, quam inter militare præsidium in itinere. Vix paululum processerant, omni suppellectili spoliatur; ad Jagodinam armis quoque exuuntur. Nisi Semendriam iter flexisset Staremburgius, futurum erat, ut omnes pecudum ritu jugularentur per Tartaros, qui præcurrentes Ramam versus, vias obsederunt. Adeo pactorum immemores cædem unice spirabant. Nissam paucis post diebus secuta est Semendria. Pro-Tribunus Weingartlerus cum quingentis Germanis, totidem provincialibus

a) Non illico Tókóliani, e Dacia proturbati, hunc tractum invaserint, sed reparatis in Valachia viribus ad nota ministeria redierint. E narratione Portæ Ottomanicæ conjicio, post solutam obsidionem Eszekini hæc attentasse Tókólium.

A. C. locum defendendum suscepit. Monetur ab Aspremontio Belgradi Gubernatore, ut concubia nocte everfis munimentis urbem incendat, militem ad-
 1690. verso Danubio Belgradum deportet, cui plurimum metuebat. Sero mandata pervenere. Jam enim urbs omni ex parte obsessa, sex majoribus machinis oppugnabatur. Ut incolumem prædarium abducere posset Belgradum rebus fere integris cum Vezirio paciscitur. Dum cuduntur, recudunturque pacta, speculatores Turcæ observant, nullas in flumentana turri vigilias, nullum in propugnaculo circuitorem. Ne deessent occasione, sine strepitu aquam collotenus ingressi, turrim assiliunt, capiuntque. Ad clamorem dissonum, admotis propere scalis, undique in urbem irrumpitur. Pauci prædiorum sustinere impetum, plures tanquam desperata defensione fugam circumspectare, omnes torpere magis, quam se tueri. Infusus victor tanto furore, ac cædis aviditate, fugientes persequitur, ut nemo unus e mille prædiorum vitam abstulerit. Sic truces barbari victoria malo dolo obtenta crudeliter sunt usi.

Majore dolore, & strage Christianorum octo dierum spatio, quod mireris, Belgradum cecidit. Aspremontius aulæ potius favore, quam fastis militaribus tanti prædii præfecturam consecutus, ut sibi penitissime persuasum habuit, Belgradum hoc autumno extra istum fore, sed omnem, si qua superesset, tempestatem in Transylvaniam effundendam, ita omnia sollicitudine instaurandi mœnium ruinas, repurgandi fossas, & reliquos defensionis apparatus curandi, oculos, mentemque in Daciæ fortuna defixos habuit. Capta Semendria sero nimium animadvertit, suo capiti tempestatem impendere, quam alieno imprudens metuebat. Igitur cœptas a Starembergio munitiones perficere, ruinas refarcire, extima opera palis obmungere ingenti militum ardore aggressus est. Aula Viennensis periculo Belgradi percussa, non sane bellicoso homini successorem dedit Carolum Eugenium Croyum Ducem; tum veteranos ordinum Duces, operum bellicorum magistros, & inter hos Patrem Gabrielem (apud Hungaros vulgo igneus Monachus audiebat) e Divi Francisci familia, pyrotechnicæ callentissimum, ad defendendum illud Hungariæ, & Sclavoniæ propugnaculum festinare jubet. Sera hæc auxilia fuere. Ad exitum mensis Septembris, omnis circum Belgradum regio, uno incendio colluxit. Indicium erat, in propinquo hostem adesse. Vicies mille Tartari, Turcarum exercitum præcedentes, inter fugam, & cædes agrestium citato agmine advolant, trepidosque cives intra mœnia compellunt. Prima Octobris nondum sole exorto, Vezirius quadraginta millia peditum urbi admovit. Tum primum ægri Titulium deportati, Rasciani cives, suspectæ alioquin fidei, ad levandam annonam emissi, suburbia continenti incendio concremata. Verum ob temporis brevitatem parietes perfodi, dejicique non poterant, quæ res Ottomanis magno commodo, nobis incredibili detrimento fuit. Hostibus quippe tutam stationem, ædificia saxea præbuerunt, & quoniam nec videri, nec arceri potuere, veluti extra jactum teli positi, subterranea opera securi perfecere. Prædiorum vero hæc ipsa securitas omnem procurrendi facultatem ademit, nempe veritis, ne a latitantibus Turcis circumventi reditu excluderentur.

Postridie minus receptaculum cornuto operi præstruatum Janisari aggressi, etsi tunc a Comitibus Palffio, & Archinto repulsi fuerint, biduo tamen post viis obsidionalibus promotis, repetita aggressione locum obtinere, statimque perducta fossa a Danubio ad Savum, erectisque septem suggestibus duo propugnacula, & arcem maxima vi pilarum, & ignium infestare occipiunt. Octava oppugnationis die, Dux Croyus, elusis stationariis, quarta ante meridiem hora in urbem penetravit. Recensito milite, reperit ter mille, A) ducentos viginti, annonæ, aliorumque paratuum ingentem copiam. Spem concipit, facitque militi protrahendæ defensionis in
 adul-

A) Si non major numerus prædiorum Belgradi, legio equestris Hungarica, & bis mille pedites ad custodiam aliorum locorum emissi fuerint. Nam quina millia peditum præter hanc legionem Belgradum intraisse diximus.

adultam hyemem, quam Turcæ haud perferrent. Sed eadem adhuc dies, A. C. quæ est rerum humanarum vicissitudo, spem illam suffocavit, & urbem 1690. cædibus, ruinisque conspultam suis, in Turcarum potestatem devenisse vidit. Tragœdiæ seriem ipse Aspremontius Viennam perscripsit, cujus epistola prorsus eadem refert, quæ scriptor Leopoldinæ vitæ. Rem paucis accipe.

Hora ab meridie quarta, plumbea turris in arce igne correpta, post brevem tumultum hoc malo liberatur. Non post diu tres pulveris sulphurei apothecæ accensæ, tanta vi, impetuque conflagrarunt, ut non solum multa circum ædificia horrenda strage conciderint, sed arcis quoque duo latera fœdum in modum disjecta fuerint. Pars una convulsæ arcis ad Savum excussa, quotquot vel in fossis, vel receptaculis erant, miserrima clade obrivit; fossam adeo æquavit, ut equiti planum iter pateret. Pars altera in flumentanam urbem expulsa, mille centum pedites, ad subita belli in armis excubantes, momento conspeliit; navigia, saikas cum vectorebas merfit. Discusso fumo, qui cladem evaserant Danubium trepidi petunt. Aspremontius ignarus quanta mænibus, aut præfidiariis strages illata, juxta turrim Kara-Mustapha a) fugientes sistere conatus est. Dum spartos colligit, dum defensionem parat, videt Janicfarorum ferocissimos ex arce decurrere, atque in obvios inter barbaros ululatus, nudatos acinaces stringere. Actum erat de omnium salute, nisi nova clades Belgradi præsentissimam cladem avertisset. Aquaticæ urbis princeps armamentarium multo nitrato b) pulvere refertum, horrida, quam credi possit concussione in auras vibratum; tum majores, minoresve pilæ per intervalla disruptæ, priori stupori novum addidere. Continuo Janicfari cursum cohibent, opinantes: ejusmodi feralium incendiorum authores extitisse Christianos, omnemque tellurem cuniculis, furnulisque armasse, ut nempe perditis jam rebus eadem incendia victam urbem, victoresque juxta involvant. Hæc mora Duci Croyo perpaucis horis Belgradi Gubernatori, Aspremontio, Archinto, paucisque aliis saluti fuit. Gregarii tametsi primi ad Savum, & Danubium festinarint, rari tamen in alteram ripam salvi evasere, quod pleræque navium, lapidum fragmentis aut mersæ, aut confractæ fuerint. Posteaquam igniaria pestis furere desiit, Turcæ disjectam urbem ingressi, quidquid Christiani nominis superfuit, internecone deleverunt. In hunc modum Belgradum, Servix Metropolis cum omni Servia præter unam Orsovam periit, quæ tamen proxime nostras clades augebit. Incendii causam etiamnum ignotam habemus. Affirmaverunt quidam majori pila pulverariam turrim perfossam, seque suismet oculis eam per aera volitantem conspexisse testati sunt. Alii incuria militum, pulveres passim efferentium, incendium obortum dixere; alii Gallis, qui ad Philippopolim transfugæ, postea Germanis legionibus immisti, Belgradi merebant, omnem illam cladem attribuerunt: observatumque est, fatali illo die plerosque Gallos ad Turcam defecisse. Constans hæc fama apud populum. Sed undecunque natum sit urbis infortunium, illius certe jactura Hungariæ, Austriæ, Germaniæ incolas gravissime perculit, & quasi jam nova incendia, cædes, populationes sentirent, fugæ consilia agitarunt.

Ad Eszekinum tandem in spem melioris fortunæ Cæsarei venerunt. Dux Croyus c) fuga eo delatus ad servandum tam opportunum Sclavoniæ, & Hungariæ præsidium summa industria enititur. Petro-Varadino, Illokio, Sabactio militem arcessit, vetustate collapsas munitiones reficit, novas designat. Et licebat locum ad defensionem comparare per Vezirii lentitudinem, quem ingentes ruinæ captæ urbis, & metus Principis Badensis Belgradi detinuit, ne videlicet is e Transylvania, suo cum exercitu erumpat, & Belgradum undique apertum victor recipiat. Intellecto vero Badensem hoc

Qq 3

autumno

a) Turris hæc a Kara-Mustapha nomen sortita est, qui malo suo fato Viennam obsedit anno 1683. b) Ter mille centenarii pulverum sulphureorum inerant. c) Historia Magni Leopoldi Guidobaldum Staremburgium Eszekinum ab ultimo exitio servasse perhibet. Porta Ottomanica cum Scriptoribus non paucis hanc gloriam Duci Croyo attribuit.

A. C. 1690. autumnno nihil moturum, Hussainem Bosniæ Præfectum, cum quindecim millibus Janicfarorum ad oppugnandum Eszekinum ire iussit. Pridie calendas Octobres ut in conspectum urbis advenit, deditionem superbe imperavit, minatus, ne pueris quidem se parsurum, si repugnarint. Respondit barbaro: *quotquot inessent præsidio viros esse, & vitam potius, quam urbem deserturos.* Re cognita, tanta confidentia extima opera invadit Hussaines, ut ne structis quidem aggeribus, aut muris labefactatis, existimaret locum uno impetu capi posse. Temere subeuntes præsidarius miles lorica tectus non innoxia fistularum dispositione facile rejecit. Multi aggressorum cæsi, multi vulnerati, & capti. Ex his cognitum: apud Turcas famam crescere Christianorum auxiliares copias iter accelerare, atque proxime Eszekino successuras. Hussainem non labori, non sanguini suorum parsurum, ut præsidio potiatur ante, quam illæ obsessis vires, animosque addant. Et vero patuit postridie captivos vera prodidisse. Nam adeo festinavit obsidionales meatus, & suggestus tormentarios, ut quinta die oppugnationis jam ad septa vallorum prorepserit, igniariaque peste pleraque testæ, & multos mortales straverit. Ipsi Croyo hostium opera dum lustrat, emissus ingenti fragore ferreus globus pileum, crinesque ascititios e vertice abripuit. Sed non propterea obsessorum animi minuuntur. Jussu Ducis unum equitum, duo signa peditum eadem adhuc die **A)** erumpunt; fugatis excubitoribus, tanta perniciousitate, impetuque fossiles cædunt, ut antequam e castris accurrerent suppetiæ, corrupto, disiectoque aggere, & bis centum trucidatis, jam victores cum quinque vexillis, & aliquot Janicfaris captis urbem repetierint.

Præter ea, quæ priores captivi retulerunt, affirmant isti: universam aggressionem decrevisse Hussainem: jamque scalas, fascēs magna solitudine comparasse. Hanc vim extremam avertit Croyus **B)** astu militari, quo multi Imperatores sunt usi. **C)** Agasones, lixas, agrestes armis militariibus ornatos in alteram Dravi ripam clam hostibus dimittit, ubi turmæ aliquot equitum stationem obtinebant. Signa equestria, & pedestria numerosa attribuit. Fallacem istum auxiliarem exercitum, dubia luce, jamque nocti cedente, per pontem in præsidium traducit. Expansi ordines, tot signa concinentia, speciem magni exercitus præbuere, oculisque hostium, & auribus, PRIMIS videlicet instrumentis aut explorandæ, **D)** aut amittendæ veritatis in bello, illusere. Trepidare inde Janicfari, ac totis castris vasa conclamare. Hussaines suo, suorumque errore captus, confestim machinis retractis, nocte fugam obtegente, Belgradum semet subduxit, quam suam stultitiam postea strangulatus luit. Csakiani Hussari postero die hostem persecuti, præter tres nimia fuga lassatos Janicfaros neminem unum exceperunt. In castris quatuor tormenta cum duobus mortariis, & multo castrensi apparatu, festinandi causa deserta reperere. Mense Decembri Orsova, & insula Carolina a Seraskerio partim acriter oppugnata, partim lenta obsidione pressæ, consumptis cibariis ad deditionem adactæ sunt. Vi pactorum præsidarii Uipalankam **E)** incolumes deducendi erant. Sed per summam injuriam Belgradum captivi rapiuntur, ubi in repurgandis fossis, inter multiplices æumnas plerique vitam posuerunt. Eorum uxores, liberi venditi, pueri more Turcarum tonsi Mahometis deliriis imbuti. Hic finis fuit expeditionis anni præsentis, rei Christianæ nimium adversæ, qua quidquid in Servia tot secundis præliis, tot oppugnationibus Turciæ avulsum fuit, cum omnibus tormentis, spoliis, & quod mœrorem in immensum auxit, cum victore illo Hungariæ, & Serviæ exercitu, uno fere autumno periit.

Croatæ,

A) Id est quinta Octob. **B)** Istud factum militare aliqui attribunt Guidobaldo Starembergio belli, pacisque artibus inclyto. **C)** Vide T. Livium Patavinum L. VII. §. XIV. ubi refert A. C. Sulpitio Dictatore Gallorum aciem simili dolo fusam, fugatamque. **D)** Asdrubal, frater Annibalis, verus, assuetusque Dux Romano hosti, insigne documentum hac super re posteris reliquit apud eundem Livium L. XXVII. §. XLIX. **E)** In provincia Temesiensi præsidium nobile, vallo cinctum.

Croatæ, gens armis assueta, ut & hoc paucis commemorem, in A. C. Slavoniam Ottomanicam, & Bosniam felices aliquot irruptiones fecere. 1690. Posegæ Præfectus cum ternis millibus provincialium, ductu exploratorum intempesta nocte urbem Teeram a) improvisus invasit, cœsisque incolis locum delevit; Banjalucam, & Trinium eodem æstu obruit. Duarum horarum spatio miserrima cæde hauriuntur oppidani. Inter opimas prædas quater mille Christiani libertate donati, ac Posegam reducti sunt. Per huiusmodi Croatarum incursiones, Bosniæ provincia non levia detrimenta accepit, & postremum rerum omnium penuriam sensit. Pro-Gubernator ut modum poneret populationibus, collectis quinque millibus, prope Banjalucam castra fixit, veluti Novium oppugnaturus. Sed Nicolaus Erdôdius Banus Illyrici, Savo fluvio stationibus firmato, cum copiis suis semet opposuit, consiliumque discussit. Hoffkirchio subinde unam legionem Germanorum adducente, Turcæ evitato prælio domum se receperunt. At Croatæ Ducibus Philippo, & Michaelē Vidakovicis, Krupam usque populabundi procurrerunt.

Veneti nobilissimam urbem Epidaurum, anno præterlapso terra, & mari circumfessam, b) fame magis, quam armis septima tandem Augusti in deditionem compulerunt. Jam media hyeme annonæ difficultas ingravescibat, neque diu toleratura videbatur obsidium civitas perquam lauta, splendidaque, & habitatoribus frequens. Id cum Gubernator Byzantium nunciaret, re cibaria onerata aliquot navigia Epidauo destinantur. Unum ex his quadraginta machinis armatum, velis non minus Turcarum spe, quam vento tumidis, Peloponnesum petit. Occurrit Pisanus Nobilis Venetus cum tribus navibus, illatoque certamine hostilem triremem, postquam Turcæ in vicinum portum excensionem fecerunt, capit. Alterum navigium, Venetorum velis, signisque ornatum, dum audacissime in portum, quem Veneti tenebant, invehitur, subita tempestate adeo jactari cœpit, ut classarii, ne infestis fluctibus haurirentur, captivos se sponte dediderint. Vindicavit hanc cladem Ottomanica classis, quæ in Peloponnesum, & Cretam annonam iussa vehere, Alexandrum Valerium duobus navigiis Epidaurum proficilcentem repente circumstitit. Non defuit animus circumvento tot inimicis navigiis repugnandi. Post acrem duarum horarum pugnam una Veneta multis ictibus fatiscens, ut ne hostis ea potiretur, immisso igne crematur, classariis in alteram navium acceptis. Decem horis ingenti fortitudine adversus classē, eam defendit Valerius non sine hostium admiratione, & clade. Demum plerisque suorum cadentibus ipse superstes, & si hostium stragem æstimes, victor, se, suæque qualiscunque navis exuvias Turcarum potestati permisit. Rei tormentariæ Præfectus securi percutitur, Valerius cum reliquis in Cretam avehitur. Hoc certamine perierunt e Turcis mille quingenti. Tres naves claudæ, mutilæque ægre insulam tenuerunt, ubi una in ipso portu naufragium fecit; duæ subductæ vix multo labore reparari potuerunt.

Ante hæc certamina Respublica bellum impigre parabat. Præter navales copias in Dalmatia, & variis Italiæ portibus conscriptas, militum, Ducumque delectum instituit in ditionibus Leopoldi Cæsaris, & Alexandri VIII. Romani c) Pontificis, qui gente Venetus, Innocentii XI. præclaris conatibus in promovendo hoc bello par, populares suos ære, milite, & classe adjuvit. Tantis subsidiis firmati, multo acriore cura naves, aliaque maritimo bello necessaria ipsi celeriter conferunt, quod compertum haberent, Vezirium robur legionum ad recuperandam Serviam ducturum, atque adeo peropportunam sibi occasionem fore, Turcarum reliquias e Peloponneso

a) Ephemerides Leopoldinæ Teeram appellant, Porta Ottomanica Teenam; illæ 15. Martii, hæc 15. Januarii captam volunt. b) Inspice annum 1689. c) Alexander VIII. in locum Innocentii XI. sufficitur pridie nonas Octob. 1689. Ab hoc Pontifice Franciscus Maurocenus, sive Morosinus accepit pileum & ensē Venetiis, e summo armorum Præfecto, factus Reipub. Princeps. Hac gloriosa mercede, ait Continuator Brietii, exantlatos pro fide & Repub. suos labores munerari vidit homo tot annis in Creta, seu Peloponneso & Græcia operatus etc.

A. C. ponnese propulsandi. Cornarus classis Imperator mense Majo oppugnare 1690. aggressus est Epidaurum, paucisque post diebus assultu suburbia occupavit, multis Venetorum amissis. Urbs editiore loco posita prope omnem industriam, artemque obsidentium luit, multumque adnitendum fuit Cornaro, ne miles tædio victus arduæ sane oppugnationi succumbat. Exercitus Ottomanorum quindecim millium pro Epidauro in campo excubans, tametsi nihil attentarit in castra Veneta, tamen uti spem obsessis, ita obsidentibus timorem, solitudinem fecit. Classis quoque inimica, fama licet validior, quam armis, non mediocre metum creavit. Præsidarii, quoniam numero valebant, crebris, & plerumque prosperis eruptionibus funera cumularunt.

Sed postremum Cornari constantia in militem immigrasse videtur, adeo hujus voce, exemplo inter tot pericula perdurarunt, & processu temporis timorem ipsum, timorisque causas vicerunt. Cum sinistrum urbis latus ob præruptos scopulos, ac occurrentia saxa neque machinis, neque cuniculis impeti posset, vis omnis in dextrum conversa est. Duorum mensium spatium partim grandioribus pilis, partim subterraneis furnulis tanta ruina munitiones hostium concidere, ut non expectatis suppetiis, quæ mari properarunt, Gubernator duos Agas, & Cadium, sive Judicem, ad Cornarum allegarit deditiois causa. Verum cum mensem integrum ad colligendas res suas postularent, aliasque tam insolentes condiciones scriberent, quales a superbo victore imponi possent, cum fastidio repulsi, hæc tandem pacta impetrant; ut præsidio militari in Cretam deportarentur cum omnibus fortunis. Post captam Epidaurum Chalcidi suæ timebant Ottomanis; jamque Ibrahimus Gubernator præsidium, annonam in quamvis diuturnam obsidionem auxerat. Cornarus hoc intellecto, satius existimavit in Epirum vela flectere, atque Albanæ loca isto bello nondum tentata, atque adeo adversus aggressionem minus instructa oppugnare. Itaque relictis ad angustias Corinthi tribus millibus peditum, ne ex Achaja in Peloponnesum hostis erumperet; Delphino vero cum quatuordecim navibus Egæum mare jussu percurrere, ipse cum centum quinquaginta navium classe decima octava Augusti in Epirum navigavit. Pontificii octo, Melitenses septem bellicas conjungere. Reflante vento, ægre tertia decima Septembris ad Salenum anchoras jecerunt. Postridie Caninam progressi, paucos præsidarios in arcem compellunt. Isti non tam fiducia armorum, quam loci, obsidionem perferre decreverunt. Octo tormentis in arcem directis, & fugato hostili equitatu, qui auxilio accurrit, deditioe propera vitam, opesque suas abstulerunt. Aulon non expectata aggressionem illico victores admisit. Dedititiorum pars Lyssum, pars Crojam a) petierunt. Plura molientem Cornarum, exeunte Septembri mors oppressit, communi mærore Albanorum, quos ille multa comitate, & prudentia in fidem, amicitiamque Venetorum feliciter reduxit. Respublica clarissimi Ducis jacturæ maxime indoluit. Successor illius Dominicus Mocenicus sub medium Decembris Buthrotum, urbem Epiri piscatu nobilem, Veneto juri subjecit. b) Marchio Guadagnius felicitate novi Ducis, ut fama erat, turbatus, excusata ætate per seniles morbos castrensis tædiis impari, se sponte præfectura abdicavit. c)

Nunc res Poloniæ cursim perstringam. Post comitiorum tædia, quæ nullo fere commodo in quintum mensem protracta sunt, Selymi Tartarorum Reguli Oratores Varlaviam pacis petendæ causâ intrarunt. Solymani Imperatoris nomine Camenecum Polonis offerunt ea conditione, ut dejectis munitionibus, præsidium funditus radatur, nec fas sit ad Tyram amnem sive Turcis, sive Polonis novum excitare. Dum Rex, & Senatores de industria moras nectunt disceptando, Tartari, & Turcæ Camenecenses, quam petierant pacem, subitis incursionibus irritam fecere. Præter prædam

a) Aulon, seu Valona, Lyssus, sive Aleffio, Croja, urbes Albanæ, de quibus alibi egimus. b) Porta Ottom. & Foscarinus. c) Anno sequenti munus supremi armorum Præfecti deposuit, re nulla memorabili gesta.

dam varii generis multa hominum millia latrocinii intercepta sunt, ac in A. C. miseram servitutem abrepta. Pupugit Polonos turpissima fraus Tartaro-1690. rum eodem tempore hostiliter invadentium regnum, quo pacem mercabantur; & vindicatum ibant injuriam, si vires, aut opportunitas irritatis animis respondisset. Ne jura gentium violasse arguerentur, speculatores potius, quam Legatos præbito sumptu ipsis, & comitibus e publico, Poloniae finibus sine mora excedere jusserunt. Excessere isti quidem, at rursum septem millia prædonum, postquam Cameneco quingentis curribus annonam intulerunt, in Poloniam infusa, præteritas clades, incendia, rapinas atrocissime renovarunt.

Recenti fumo, & pulvere tandem excitati Poloni in perfidum hostem arma sumunt. Ad Camenecum cæsis centenis aliquot Janicfaris gregem pecorum abigunt; subinde prædabundam Tartarorum turmam ferro conficiunt. Hucusque sat prospere, tametsi par clades non reddita. Verum mense statim Majo bis centum equites Poloni opprimuntur; mox ad Tyram viginti signa (Gottfridus Lengnichius quadraginta scribit) adeo infelicitur cum Tartaris certamen ineunt, ut vix nuncius cladis redierit. Hac armatorum manu concisa, aut capta, pronum erat victoribus ex villis Rubrae Russiæ prædas agere. Sub medium æstatis lux melior Poloniae affulsit, Tartaris in Serviam a Vezirio accitis. Augusto mense præter Lithuaniae copias ad signa convenerunt duodecim fere peditum, novem equitum millia. Valachia omnis, aut Moldavia subigi poterat, nisi disceptantibus per otium Patribus, elapsa occasione, belli insuper perniciēs accrevisset.

Ad exitum Augusti superato Tyra in Moldavia castra sunt posita. Dum consultando hic iterum dies terunt, certiores fiunt, Heislerum prælio victum in Transylvania, Tòkòlium victorem provinciam fere sui juris fecisse; Vezirium Serviam subjugasse; amissis præsidiis, immينو vehementer exercitu, res Cæsaris comploratas esse. Tot tristibus consternati, deque belli eventu dubii, decreverunt in Poloniam reducendas copias, ne videlicet Principe Valachiae Transylvania detracto, Tòkòlium novum hostem in se, suasque ditiones concitarent. Itaque nulla re memorabili gesta, nili quod Soczovæ octingentorum peditum prælidium reliquerint, magnis itineribus in Poloniam concesserunt. Expeditioni huic num Rex interfuerit? nihil certi affirmare aulam. Lengnichium authorem habeo, eum amittendæ libertatis, aut vitæ discrimen adiisse Zloczoviæ; a) maturata fuga insequentium Tartarorum agmina prospera sorte evasisse. Quæ tanta res est, ut aut temere credita sit a Lengnichio, aut negligenter prætermissa a Scriptore Ottomanicæ Portæ. Fortassis Lubomirii copiarum supremi Ducis periculum, quod anno insequenti ad limites Moldaviæ incurrit, Regi attribuit Lengnichius.

Frustratæ expeditionis causam non unam agnovere ipsi Poloni. Præcipua erat Nobilium sive discordia cum Rege, sive mutua inter se. Inde consultando melior æstatis pars in æstivis acta, Tartaris pro sua libidine ferro, & igne agrum Russiæ evastantibus. Nec magis concordēs in castris, primariorum Ducum consilia etsi pulchra, & Reipublicæ saluberrima, alieni tamen ingenii partum, frigide foverunt. Alterum mali caput fuit Moschorum cessatio. Opinabantur creduli Poloni, Moschos rursum hoc anno exercitum acturos in Tartariam, atque prædatricem gentem a Polonia aversuros. Hac fiducia capti in apparando bello negligentiores, sumptuumque parciores erant. Sed quidquid animorum post ultimam cladem b) in Moschis palpitabat, nova factio extinxit. Czarus suorum turbas obtendens, vetuit militem legi, atque hac unica excusatione usus, armorum cessationem suo Imperio pernecessariam fuisse, Confœderatis persuadere frustra nitebatur. Poloni missō Oratore iēti fœderis admonere Czarum, utque in posterum omnibus viribus in hostem agat, ora-

Imp. Ottom. Tom. II.

R r

runt.

a) Zloczovia, sive Zloczova oppidum Russiæ Rubrae. b) Cladem Moschorum recensui nuper.

A. C. runt. Iisdem fere diebus Leopoldus Cæsar per suum Legatum ingentia detrimenta, quæ cessantibus Moschis, suis provinciis illata sunt, Czaro nunciavit, hortatusque est ad fulciendam quam validissimo exercitu contra Turcas Poloniam, & Hungariam; eo maxime ex capite, ne invalescens ex ruinis confœderatarum provinciarum barbarus, Moschoviam exterorum Principum destitutam viribus, aliquando adoriatur, atque atterat. Multa in hanc sententiam præsentī necessitate, & magnitudine periculi, quæ Moschoviæ immineret ante oculos posita, vi magna oraverat Legatus. Verum nullo opere pretio hic aries admotus fuit. Nec perPELLI potuit Czarus, ut vel in speciem militem scribat, armorum paratu famam belli apud hominem alat. A)

1691. Mors Solymani III. & illustris victoria ad Szalankamenum de Ottomanis reportata, annum primum, & nonagesimum supra millesimum sexcentessimum insignem reddiderunt. Jam ante omnia Kiuperlis Mustaphas recuperata Servia, atque expugnato Belgrado tumidus, principem curam, cogitationemque ad faciundos apparatus belli convertit. Danubianam classē multis navigiis auget; conflandis tormentis, armis fabricandis e ferro Damasceno dies, noctesque insudare jubet exteros, domesticosque magistros, delectus omnibus provinciis indicit, militem ordines servare, signa tympanorum sequi, fistulas statim temporibus solvere, instituto sane salubri, sed nullo successu, condocesfacere cœpit, Janicsaris disciplinæ veteris tenacissimis; cupream monetam in summa rei pecuniariæ inopia nuper inductam civitate donat; frustra mercatoribus hoc vili ære commercia, præcipuum Asiæ alimentum, interverti querentibus. Hæc omnia suis quæque locis festinabantur. Opulentioribus nummos aureos quaternos, mediæ fortunæ hominibus binos, tenuioribus singulos ærario pendendos imperat. Moldavos, Valachos, Bulgaros, & quoscunque Græcæ religionis homines annuo tributo liberat. In Divano, ubi unus dominabatur, præter classē maritimam, & Danubianam, quatuor exercitus conscribendos decernit. Unum in Peloponnesum adversus Venetos, alterum in Poloniam, tertium in Daciam, quartum in Hungariam mittendum. Tum ne Dalmatia, Croatia bello vacarent, provinciarum Præfectos novis legionibus, ære, frumento juvandos; ea de militis legendi, ducendi, alendique modo, deque tota expeditione scite superaddens, quæ sagacissimus Dux in eo Purpuratorum cætu præ aliis definire potuit.

Atque ut populum victoriis in arma pronum magis incenderet, auctor fit Solymano, Byzantium, veterem sedem Imperatorum ut revisat, sua præsentia principem urbem recreet. Secesserat Solymanus Adrianopolim live perosus frequentiores, quas Byzantini excitarunt turbas, five metuens factionem exauthorati Mahometis, quod maxime crediderim, nondum omnino extinctam. Ergo suo adventui commendationem ab insigni pompa captaturus, triumphantis in modum Constantinopolim ingressus est. Præcessit exercitus equitum, peditumque in suas turmas, & centurias distributi, prolatis magno numero militaribus signis, quæ anno superiori in Servia, & Transylvania Cæsareis ademerunt. Tela militum splendebant, feroces vultus, & non Solymano Principe dignus exercitus. Quisque Ducum veste acu phrygia expicta, omnique peregrinæ opulentiae cultu conspicuus, suum gradarium agmen trahebat. Exiguo intervallo novem currus Soltanam, Imperatoriasque pellices, & ipsas regali cultu, ornatuque vehebant.

Tum Mahometes IV. (hunc cum filiis Adrianopolim deportari nuper mandavit, ne scilicet per suam absentiam, captivorum causa tumultus aliquis cieretur Byzantii) & bini filii vinculis constricti, vehiculoque ferreis clathris obducto impositi, & militum manu circumdati sequebantur. Illustre documentum humanorum casuum ex Mahomete

3) Porta Ottomanica memorat, Czarem metu turbarum, quas Gallas minabatur, perterritum omni bello abstinuisse.

mete cape, quid fortuna possit. In sua non hostium urbe catenis oneratus A. C. duobus cum liberis in triumphum est raptus. Pars corporis cuitodum an 1691. teibat, claudebatque currum, quo ipse Solymanus Imperator eminens A) vehebatur; pars utrumque latus stipabat. Sequebantur præcipui ministri, & flos Purpuratorum. Tum Nobilissimi Volones, & interiores aulici, asse-
~~die~~que e contubernio Kiuperlis Vezirii B) omnes splendore vestium insignes, Sed in Kiuperlem omnium oculi intenti erant captarum urbium clarum titulis, quos populi insolens gaudium multo ampliores effecit. Agmen coge-
 bant turmæ aliquot Prætorianæ. Byzantini non secus, ac omnem Germaniam in triumphum duci viderent, maximis lætitiis illa, & sequentibus diebus inceserunt. Festas inter acclamationes auditæ voces adulationis plenæ: *Solymano III. Imperatorum maximo, Ottomanici Imperii instauratori, Patri patriæ vitam, & victoriam;* quæ a vilissimis primum capitibus prolatae, mox militari impetu exceptæ, universam urbem sine veri, falsique discrimine solitas adulationes edoctam pervaserunt. Nec parciores in ornando Vezirio erant milites juxta, ac oppidani, rerum gestarum magnitudine impulsæ, & spe futurorum. Die inter hilaria gestientis populi actio, nox lætis ignibus illustris fuit, Purpuratis ad augendam lætitiā nullis impensis parcentibus. Sed Orator Galliæ Chasteaunius apparatu rerum omnes longissime anteibat. Ante palatium, quod incoluit, pyramides insolitæ altitudinis, & arcus triumphales visebantur, victæ Germaniæ, & Sabaudicæ C) signis ambitiose ornati. Bini fontes largissime manantes vino. Quater mille lampades nocturnis horis accensæ, tum innumerae faces trophæum omnino superbum illustrarunt; mirum! quanta cum voluptate Turcarum, at ingenti odio, invidiaque Christianorum spectatum. In seram noctem pyrotechnices callentissimi Galli, Byzantinos artificiosis ignibus tenuerunt. Eodem vespere Orator exquisitas epulas Tongio Bassæ, rei tormentariæ curatori, Præfecto Galatæ, Valachiæ Principis filio, & non paucis aliis Ordinum Ductoribus apposuit inter festum machinarum minorum, & majorum plausum. D)

Vezirius continuandi belli certus, in ea omnium lætitiā nullam occasionem omisit Purpuratos, milites, cives stimulandi; sibi que prorsus persuasum habuit, Cæsaris rem nunquam magis afflictam, ac præsentī anno. Qui enim par sit duobus exercitibus ab uno jam victus? Credidit tempus venisse, quo non Hungariæ solum præsidia octo annorum bello erepta recuperare, sed Austriæ quoque, & Transylvaniæ provinciis Ottomani potiri possint, modo felicibus coeptis insisterent. Hæc, aliaque in illo concursu hominum differebat, anxie universos admonens: quo propius spes belli perficiendi sit, eo magis omni ope connitendum. Maximam vim frumenti, & pecuniæ a tot exercitibus absumi: copias quoque victrices parte aliqua minui. Supplementis igitur militum reficiendas legiones, in stipendia æs conferendum. Viri non minus pugnacis, quam eloquentis autoritate adeo summi, infimique permovebantur ad ea conferenda, quæ bello necessaria fuerunt, ut copiosiores rerum, hominumque paratus ab Vienna obsessa non conspexerit Turcia.

Nondum mitigata hyeme, triginta millia peditum in Serviam præmittit cum imperio, primo ut vere Belgradum contendant, quo reliquos miles proficisci est iussus; uti & classarii, remigesque. Tòkòlio ad Temesiam reparanti vires, haud contemnendam manum Janicsarorum, & spahiorum tribuit, quo Veteranio obsistat, & data opportunitate Daciam incurset. In mediam Hungariam, & Solavoniam signa Turcarum penetratu-

Imp. Ottom. Tom. II.

R r 2

ra

A) Scilicet . . . superbo victor in curru stetit,
 egitque habenas Hectorem, & Trojam trahens. Seneca Troad. A. II.

B) Magnus Vezirius facile duo millia hominum ex omni famulatio habet. Consule Ricantium P. 1. de regimine Turcarum pag. 24. C) Quæ fortuna Cæsaris, & Sabaudi fuerit? consule Scriptores illius ætatis. D) Tormenta soluta fuerint e Gallorum navigiis, quæ in Bosphoro Thracio in anchoris stabant.

A. C. ra erant ante, quam Cæsarei ex hybernis moverent, nisi nova conspiratio
 1691. in Solymanum Imperatorem facta, totius expeditionis typum turbasset. Fuerunt e Purpuratis nonnulli Mahometi IV. familiares, quibus Vezirii in aula dominantis autoritas admodum gravis accidebat, quod omnia foris, domique ageret, unus Principem obsideret, nulli aditum familiarem concederet; veritique, ne dubiam Solymani opinionem de fide Purpuratorum aleret, consilium ineunt, res Imperii per tumultus novandi, atque exauthorato Solymano, Mahometem IV. vel ejus filium, egregia indole Principem, regimini admoveere, ut versa Reipublicæ forma, ad se ipsos partem gratiæ, potentiæque traherent. Hæc tametsi pro voluntate non succederent, e turbis tamen civium intelligeret Solymanus, quam male se, & Imperium unius Kiuperlis ambitioni crediderit; simulque hinc fieret, ut eum loco, & gratia Imperatoris motum aliquando conspicerent, aut certe perpetuis tumultibus implicatum, sollicitumque haberent. Sic isti invidia cæci, alienam gratiam, suam injuriam interpretati, in ultionem exarserunt.

Neque deerat Purpuratis occasio seditionum turbis, inflammandi populum, aura omni mobiliorem, ac rerum novarum cupidum. Spargitur rumor Byzantii incerto authore: Confœderatos bello fessos pacem flagitare ab Solymano, tamque opimas condiciones offerre, ut magis quæstuosas vel felicissimis armis sperare vix possint. At Vezirium omni arte pacis negotium velle evertere; jamque ipsum Solymanum, Delfterdarem, Mustium, nempe beneficiis emptos, suas in partes traxisse. Tòkòlium quoque omnibus nervis adniti, ut ne pax Imperio Turcico perutilis conveniat. Utrumque per speciem publici commodi res suas unice curare. Vezirio & quæstuosum, & volupe esse, centum & amplius millibus pugnatorum imperare, bellum ducere quam longissime. Tòkòlium pugnacis quidem animi Ducem, sed turbidum, violentumque, ac merito suo plerumque adversam fortunam expertum, Ottomanico ære, milite sibi regnum quærere, alienis cladibus velle quodammodo inclarescere. Si Transylvaniæ Principatu potitur, non victurum Turcis subiectum, qui privatus Cæsarem, & Regem suum non tulit. Nunc quidem rebus omnibus exutum vasta consilia, arrogantes spiritus ficta modestia tuto obtegere, & servitutem pati, ubi Turcarum armis regnum quaecunque stabiliverit, posita larva hostem se haud dubie professurum. NEMINEM ambitiosum accipere servitutem, nisi spe dominatus. NON esse alendam annosam vulpem, quæ ad extremum domesticis pullis non dubiam stragem illatura est.

Hæc, & alia crebris sermonibus jactata in circulis, Purpurati per suos emissarios invidiose amplificaverunt. Forte per eosdem dies Constantinopolim nunciatum est, Angliæ Legatum Vilhelmum Husseyum nobilem Equitem Vienna abiisse, instructum a Confœderatis amplissima facultate pacem componendi, & paucis post diebus apud Solymanum adfore; cumque Vezirius impiger dies, noctesque summa sollicitudine bellum curaret, nihil rumori tribueret, plane sibi persuasit populus, & miles, eum victoriarum cursu nimium elatum, non admissurum pacis consilia quibusvis opimis conditionibus, quo diutius armorum imperio præsit, solusque & Byzantii, & in campo dominetur. Purpurati hanc opportunam occasionem nacti, prorumpentem ignem non segniter ventilant, & falsa veris permiscentes nihil prætermittunt, quo concitatos vulgi animos, in belli authores magis, magisque accendant.

Non jam occultis, sed publicis concionibus utrumque criminantur: *Solymanum vigore animi inter ærumnas carceris amisso, nullis dotibus imperitandi præditum, non publicam, non privatam rem curare; nulli aditum patere decora, utiliaque suafuro, præter Vezirium, qui armorum percupidus nihil pensi habet bellum trahere; sanguinem legionariorum, provinciarum fortunas haurire, ut ampliora emolumenta capiat, gloriam pascat. Huic uni gravissima quæque Imperii, pacis, bellique negotia committi. In Divano*

vano A) patriæ amantiores interesse quidem consilio, sed ea duntaxat rata A. C. haberi, quæ Vezirius propriæ utilitatis causa dictatorio suo modo edicit. B) 1691. Purpuratos umbras Vezirii propemodum videri, quæ illum comitentur, & ad ejus arbitrium moveantur. Inde factum, ut pacis conditiones non minus honestæ, ac quæstuosæ a Cæsare oblatae, unius hominis stolta superbia rejectæ fuerint. Nempe in spem venisse Vezirium, hesternum Ducem, continuandi victorias, quas absente exercitu Christianorum in Servia adeptus est. Sed occursurum ei multorum stipendiorum inclytum Ducem Badensem cum octoginta millibus veteranorum militum (tantas copias in Hungaria militaturas privatis, publicisque literis Byzantium nunciabatur) qui milles perfusi Turcarum sanguine, expugnatis Hungariæ præsiidiis spectati, ingentium rerum momentis Serviam compleverunt. Recuperaturos uno prælio, quidquid nuper amisere, alibi agentes. Galliæ Oratorem sui Regis victorias de Cæsare falsis coloribus extulisse propterea, ut credulæ plebi stimulos adjiciat ad prosequendum bellum, veluti ad Rhenum, & Padum Cæsaris, atque adeo totius Germaniæ vires concidissent. Tökölum alterum belli impulso rem, Turcarum damna non sua, sed aliena æstimare. Indecorum esse Ottomanico nomini, exulem nullius fidei Turcarum legiones pro sua libidine circumducere, & toties fusam, fugatumque, in pernisiem Imperii novis viribus armare. Agerent nunc, si Rempublicam salvam vellent, & conjuratis animis, armisque Solymanum carceri suo reddant, Mahometem, aut ejus filium Mustapham flore juventutis vividum, & quantacunque fortunæ capacem Principem, Imperatorem proclamant. Posse a civibus, ab exercitu fieri Imperatorem, sibi ipsum Solymanum documento esse. Mutato ignavo Principe, & ministros, & rerum statum mutatum iri. His audiendis, credendisque opportuna multitudo, major in dies Byzantium confluebat. Primi, Aliani, quibus alioquin ingrata erat militia, indicium apertæ seditionis deriderunt. Una omnes quasi signo dato in amplissimum forum convolant, contemptisque Prefactorum paucis (cæteri cum gregariis tumultum ciebant) signa miscunt, magnoque vocum strepitu pacem inclamant. Janicarii, & Spahii nondum congiario accepto offensi, & cuprea moneta irritati, Alianis junguntur. Cives partim in spem erecti, partim metuentes, ne denique præda forent militibus, ea gratia tumultum aut aggressis, aut finituris, nullo certo consilio arma induunt. Solymanus sollicitus, incertusque rerum suarum, tametsi gravi morbo premeretur, sub primum tumultum Adrianopolim clam se retulit.

Kiuperlis vir ingentis animi, in eo civitatis motu non se, non Rempublicam deferuit. Princeps forum, ubi seditionis armis ferociter concussis, nunc malo regimini, malisque consultoribus extrema supplicia minabantur, nunc aurum, & pacem dissonis vocibus inclamabant, sola majestate armatus adit. Eo conspecto omnis ferocia statim concidit. Silentio per præconem facto, increpitis seditionis authoribus, veterana prudentia concitatos penitus placavit. Aiebat neque exitium, neque spem salutis propiorem unquam populo ulli fuisse, atque Byzantino. Quippe si uno omnes animo vel ad Solymanum, vel Mahometem, vel quemvis alium inclinent, Ottomanos hoc tempore invictos fore. Si alii alium Imperatorem armis quaerant, multo atrocius bellum futurum in ipso sinu Imperii, quam cum Germano, aut Veneto; cum omnis factio suos exercitus, suos Duces singulis in urbibus habitura sit. CIVILI bello semper plus sanguinis fundi, quam exteris, & ejusmodi victorias cum victis, tum ipsis victoribus perniciosas esse,

R r 3

solis

A) Divanum apud Ottomanos est secretius consilium, cui primi nominis Purpurati interfunt. B) De Kiuperlis Vezirii infinita potestate idem omnino dici potest, quod L. Annæus Florus L. IV. C. II. argutissima sententia de Magno Pompeio expressit: De successione Cæsaris Senatus id est Pompejus, agitabat. Aut quod Lucanus de Julio Cæsare cecinit occupata Roma:

Omnia Cæsar erat: privata curia vocis.
Testis adest: sedere Patres censere parati
Si regnum, si templa sibi, iugulumque Senatus
Exiliumque perat. Lib. III.

A. C. solis hostibus lucrum afferre. Quas clades importet domestica discordia ipse
 1691. **& nuper vidisse, & a Majoribus suis fama accepisse. Pacis** rumorem tam
 utilis, tam **quæstuosæ, vanissimum esse. A Confederatis Christianis nihil**
 æqui obtineri potuisse, toties legationibus missis Viennam, Venetias, & Var-
 saviam satis jam expertos; nec nisi abscissa omni spe **apparatus bellicos fo-**
ri. Hos discutere velle seditionis capita, ut victorum impetus languescat,
Cæsarei tempus nanciscantur ad vires reparandas. Opporirentur pacati
Angliæ Oratoris adventum; qui si pacta victoribus consentanea attulerit,
pax coalescat; sin minus, vi extorquenda; se vero æquo animo omnem for-
tunam laturum, modo patriam felicem videat.

Quo minus asperitatis, ac superbix visa est habere dictio, eo **plur**
 authoritatis habuit. Alii ceu sedandi tumultus causa se furentibus **miscuissent;**
 præmia navatæ operæ non dubitarunt petere; Duces seditionis justam pote-
 statem veriti, non dissimulato metu dilabuntur; cuncti ad extremum submi-
 sere animos, veluti id dignitati Vezirii darent, quum revera vires Solyma-
 ni timerent, quæ Byzantii, Adrianopoli, aliisque in oppidis & **causa, &**
 numero longe superiores erant. Hunc finem, exitumque **seditionem ha-**
 buisse refert laudatus Scriptor Ottomanicæ Portæ. Mirum profecto sine
 cæde Purpuratorum turbas consopitas, cum tamē ejusmodi tempestas nun-
 quam, quod sciam, sine cruore multorum sedata fuerit; seu Vezirius cle-
 mentix famam sibi conciliare studuerit, seu nondum viribus firmatus, ma-
 gis opportunam occasionem circumspexerit apertæ conjurationis capita sup-
 plicii mactandi, quam mors Solymani (nam vis mali in dies singulos ingra-
 vescens artem omnem medicam superabat) haud dubie data erat. Com-
 positis in hunc modum turbis, cum milite, qui ex Asia frequens advenit,
 Adrianopolim abiit, multo clarior ab hac seditione compressa, quam Ser-
 viæ victoriis. **Quandoquidem MULTO** gloriosius sit civem servare, quam
 hostem vincere.

Eam urbem subierat mense Majo maxima gratulatione civium Hus-
 seyus diu exoptatus pacis prodromus. Sed quoniam Solymanus corpore
 juxta, & mente perpetuo æger, quidquid fastidium creare posset, in Vezir-
 rium, negotiorum animam, rejicere assuevit, hac quoque tractione pacis
 in eundem translata, Husseyo tantisper expectandum erat, dum ille adveni-
 ret. Ut primum adfuit, etsi iis diebus evocandis militibus intentus, nihil
 humanitatis omisit, quæ Legatum magnæ Britannix addeceret, aut concor-
 diam, a qua aliud propositum habuit, accelerare posse videretur. Unde
 triginta Chiansi, multique honorarii e contubernio Vezirii obviam missi
 Legato, Adrianopolitanos in spectaculum excivere. Is Turcicam vestem
 indutus, & famulorum agmine (pars altera Anglico, altera more Turcico
 vestita erat) comitatus, per præcipua urbis compita ad tentorium Vezirii in
 patenti campo situm magnifico apparatu deducitur. Traditis fiduciariis literis,
 æ sui adventus causa paucis exposita, Arabico potu recreatur. Mox dimissis
 Præfatis, privatum colloquium habuere. In discessu eleganti veste, uti &
 ipse aulici, donatus, eodem, quo venerat ordine rediit. Rebus humanis
 erepto Solymano, Constantinopolim proficiscitur, acturus cum Caimacane,
 cui hoc molestum, & invidiæ plenum negotium per literas commendavit
 Vezirius; eo fortassis etiam consilio, ut populum armorum pertæsum, spe
 propinquæ pacis recrearet; simulatio vero tandiu duceretur, dum victo-
 rias superioris anni novis firmaret.

Sub hæc Solymanus ad extrema deductus, intercute aqua præfoca-
 tur Adrianopoli, prima, & vicesima Junii, ætatis quinquagesimo, non-
 dum expleto quarto anno Imperii. Vix rumor mortis Byzantium pervola-
 vit, factio nuper compressa, ut late diffusa, ita validis radicibus nixa, illico caput
 extulit, Mahometem IV. vel Mustapham, liberis suffragiis, aut armis Imperato-
 rem lectura. Sed Vezirius futurorum providus, jam antea cum Mustio, Cai-
 macane, & primariis aulæ ministris rem composuit, firmando Imperio

Achme-

Achmetis. Frater is erat Mahometis IV. & Solymani III. Imperatorum, A. A. G. in quintum, & quadragesimum annum, remoto omni aulicorum ministerio, 1691. vitam sat miseram trahens. Id ipsum factiosi arripuerunt avide, contendentes haud plus vigoris allaturum Imperio, quam demortuum fratrem. Cum de sua sententia dimoveri non possent, & vim pararent, Vezirius ne rursum domestica quies convelleretur, ad cæterorum terrorem factionis Principes in Asiæ insulas Cyprum, Rhodum, Lemnum eiecit, ubi plerique violenta morte postea perierunt. Strata factione, plebs servituti parata Achmetem Imperatorem lætis vocibus salutavit. Cadavere Solymani raptim humato Constantinopoli, Vezirius ad exercitum festinavit, Mahomete IV. & Mustapha Adrianopolim clam abductis, ne videlicet ingrata nimium illa pompa, captivorum causam apud Byzantinos meliorem faceret. Consultius sane & ipse Solymanus nuper egisset, si remotis captivis Principibus triumphasset. RARO enim sine periculo imperantium calamitosi Principes populo ostentantur, quem ira, & commiseratio perinde versat.



A C H M E T E S II.

I M P E R. O T T O M. X V.



Uiete reddita Constantinopoli, ac novo Imperatore firmato, Vezirius acceleratis itineribus Belgradum festinans, nullo obistente hoste, Savum trajicit cum omnibus copiis. Summa earum nonaginta duo millia armata fuerunt, præter sex spahiporum millia ad custodiendum pontem jam antea præmissa; non accenso Tartarorum equitatu, quem Galga adduxit.

Temesiensem provinciam Tökölus, Dux justî exercitus, inedit, Transylvaniæ hyeme, & æstate infestus. Cæsareus miles solita lentitudine in castra appulsus, in exitu Julii Petrovaradini adfuit. Badensis Imperator lustratis copiis, reperit quinque, & quadraginta ^{b)} armatorum millia. His se conjungere sex mille Borussi, virtute, longoque bellandi usu egregius miles. Comparatis ad defensionem Eszekino, & Petrovaradino, ac annonaria classe subsequi jussa, decima Augusti Semlinum, & in conspectum hostium perventum est. Habebant illi armorum sedem ad Savi ripam, ab arce a Zingarî dicta Semlinum usque, sua in agmina distributi. Biduo post Badensis diviso bifariam exercitu succedit, cornua dextra, lævaque admovet castris. Cum nihil moveret Vezirius defendendis castris unice intentus, copiarum clausis ordinibus reductæ sunt. Pugnabatur tamen istis diebus velitationibus, aut etiam præliis, pabulationis potissimum causa, laceffentibus plerumque Hussaris, Volonibusque, qui ad Danubium magis sacro in bello, quam ad Rhenum, vel Padum inclarescere ardebant. Postridie captivus Christiani nominis, spatium fugiendi nactus, in castra Cæsarea semet conjecit. Ex eo cognitum: Vezirium a pugna alienum esse, rem vero plenam periculi, nullius successus tentaturum Badensem, si castra invadat. Esse illa ab tergo flumine Savo satis communita, a fronte, & lateribus profundo vallo, ac centum

a) Sic igitur habet: Ibrahimus Imperator tres reliquit filios superstites Mahometem IV. Solymanum III. Achmetem II. qui carcerum ærumnis diu vexati, tandem summam Imperii in suos gesserunt. Mahometes vero IV. Mustapham II. & Achmetem III. filios numeravit post squalores eragastuli perinde rerum Dominos. b) Porta Ottomanica T. II. pag. 566. quadraginta millia in castris adfuisse meminit. De numero Borussorum tacet.

A. C. centum quinquaginta oppositis tormentis, tum receptaculis per intervalla 1691. eductis omnino inaccessa. Istud ipsum exploratores retulerunt.

Ne reliquum æstatis frustra assidendo castris absumeretur, visum erat Badensi Danubianam oram repetere, unde facilior annonæ subvectio, & spes conferendi manus cum secuturo haud dubie hoste, qui sapientem receptum plerumque fugam interpretatur. Præmissis impedimentis vix quinta decima Augusti A) moveri cœptum est agmen, continuo sex delecta spahiorum millia ad carpendam ultimam aciem advolant. Postero die universus exercitus strenue sequebatur. Nostri non intermisso itinere, & pugna, ad Danubium contendunt, Hoffkirchio, & Styrumio impetum valide sustinentibus, dum reliquæ copiæ designata castra obmuniunt. Vezirius non procul inde commodissimo loco metatur. Concubia nocte B) quadringenti hostiles equi sine sessoribus, rapidissimo cursu in castra Cælaræa delati, ingentem tumultum concivere, mox lætitiā. Decima octava Augusti Buquojæ legionis miserrima cædes, ut nostrorum animos depressit, ita hostium erexit. Ibat illa Petrovaradino Szalankamenum versus hostium secura, trahabatque secum supplementa duarum legionum Hoffkirchianæ, & Carattianæ cum ter centum curribus annonæ. Turcæ omne iter edocti ab exploratoribus, cum valida manu equitum, peditumque progressi, Buquojanos patientē in campo venatoria velut indagine circumfistunt, trucique clamore omni ex parte procurentes, post trium horarum certamen tyrones, ac veteranos, præter quatuor gregarios dimachas, & unum Præfectum, qui ex ea carnificina subterfugere, omnes conficiunt. Equidem Badensis intellecto legionis periculo, suppetiis maturandis curas intendit, verum occupatis itineribus iussu Vezirii, ac eodem tempore, classē, & castris impetitis, auxiliares copiæ pro sua potius, quam aliorum salute dimicare debebant.

Res prospere gesta spem majoris victoriæ Vezirio fecit. Numerosum exercitum juxta nostram aciem in locum edriorem deducit, castrorum frontem gemina fossa, sudium vallo, machinisque & ad obliquos ietus terreis munimentis obarmat; noctem totam ducendis aggeribus ad ripam Danubii impendit; viam adeo Petrovaradinum evadendi variis munimentis intercludit. Tum Mezzomortes Pirata, armatam classē in nostram annonariam incitat, nec armorum apparatu, nec militum robore parem. Bellicæ post primam aggressiōem ægre vim hostium ferentes, frumentarias destituunt, quas victor Ottomanus inter cædem nauticæ turbæ diripuit. Jam neque terra, neque aquis annona subvehi potuit, Turcis omnia loca insidentibus, tantoque altius perculit Badensem universi exercitus discrimen, quanto se magis non ab ope solum, sed etiam a spe destitutum vidit, si diutius in iis angustiis persisteret, vix in unum alterumve diem re cibaria sufficiente. Igitur ne intra ea latibula Christiani robur exercitus, vel quiescente, sedenteque Turca inedia periret, pugnam edicit alacerrimo militi. Dextrum cornu e viginti cohortibus conflatum, ac juxta Danubium expansum, ducebant Souchius, C) Guidobaldus Staremburgius. Hos iussus est præcedere Dux Holsatus cum sua, & Neoburgica legione, ad occupandos tumulos ab armato hoste infestos. Sinistro præficitur Dunewaldus, & Styrumius. Mediæ aciei Barfusius Borussorum Ductor. Convenit erat inter Duces, ut simul omni vi castrorum munimenta invadant. Sed dextrum cornu non expectato aggressiōis signo, Dunewaldo etiam tum luctante cum viarum difficultatibus, castra celerrime oppugnare incipit. Turcæ e munitissimis castris majorum, minorumve pilarum vim maximam in succedentes effundunt, audacissimum quemque aut vulnerant, aut occidunt. Ferream hanc tempestatem declinaturi equites, ad valla temere procurrunt, ac peditum ordi-

A) Manifestus error typi in historia Magni Leopoldi Augustæ Vindelicorum edita MDCCXXXI. quæ mensem Octobrem habet. Certe Badensis minima jactura temporis bellum gerere assuetus, tamdiu non assedit Turcarum castris. B) Die 17. Augusti. C) In historia Magni Leopoldi omisso Souchio; sive Sufa, Serenium dextrum cornu duxisse lego; in Porta Ottomanica Souchium.

ordines turbant. Erumpunt ferocissimi Janicsarorum nudatis frameis, & A. C. aggressores sua multitudine impeditos passim contrucidant. 1691.

Ducum adhortatione recuperatis ordinibus, novam impressionem suscipiunt pedites; per sociorum cadavera strato veluti ponte fossas, vallaque superare contendunt incredibili periculorum contemptu. Tum enim vero iniquissima pugna exaruit. Nam adeo castra ad omnem regulam communita erant opera cuiusdam Galli machinali scientia præclari, ut nec aggerem subruere, nec in valla eniti possent ob nimiam altitudinem. Turse inter tot, tanteque firmitatis munimenta consistentes, collineatis ictibus apertos, incautosque sternunt, stragem ubique augent. Longo certamine fessæ Cæsarei, dum receptum meditabantur, Janiciarorum cohortes confusis clamoribus, & more patrio nudis brachiis acinaces circumducentium, rursus in recedentes feruntur, ordines disiciunt, obvios concidunt. Plerique Praefectorum in ea eruptione aut vulnerantur, aut ceduntur. Dux Holfatus aciei structor, inter primos obtruncatur, Souchius, Areschorus veteres militiae graviter faucii, ex arena suorum manibus efferuntur; Staremburgius immani vulnere perstritus non admissio dolore, cæterorum Ducum partes constantissime explevit, acceptoque a Badensi trium equestrum legionum subsidio prælium restituit.

Sed & Janicsari Spahiorum agminibus aucti, multo ardentius in pugnam ruebant. In Sauravii Comitissæ sinistram aliam partim e dimachis partim e peditibus compositam, tanto impetu equitatus Turcicus incurrit, ut nisi maturasset suppetias media acies Borussorum, futurum erat, ut ad unum omnes trucidarentur. Istorum adventu Turcarum furor repressus est, & hiatus expletus. Duas ipsas horas in cruenta arena substitit dextrum cornu. Dunewaldus tametsi gradum cum suis legionariis acceleraret, nihil usquam profecit. Campus, quem emetiri debebat, frequentioribus dumetis, spissis herbis oblitus, plurimum obstabat, tum cæci hiatus aquis restagnantibus fallaces. Accurrebant identidem tristes nuncii, summum discrimen pugnantium significantes. Ipse Badensis curas in omnem partem dividens, nunc lassis, pulsisque aggressoribus integros submitit, nunc ad sinistrum cornu reversus, repurgandis viis consilium, atque operam dedit. SED festinatio singulorum, omnium mora fuit, adeo nihil ad accelerandum iter cessit.

Rebus Cæsareorum in tam arcto constitutis, Comes Hoffkirchius, siue suo consilio, siue jussu Badensis, Hungarorum, & Rascianorum (quina admodum millia erant) equitatum, dimacharumque duas legiones, ad invadendum castrorum latus neque ullis operibus, neque milite satis firmatum ducit. Perpaucis Tökolianis (nam reliqui cum Duce suo ad Temesiam habebant) fugatis, Hungari, & Rasciani una ante solis occasum hora in castra illati, deinde dimachæ consecuti, Turcarum terga repente invadunt. Ferientium, cadentiumque obortus clamor, omnem aciem turbavit. Crescente tumultu, terroreque, Spahiorum turmae fluctuare incipiunt. Id conspicatus Staremburgius, in hostes, eorumque sepimenta legionarios gradum dirigere jubet. Novo impetu, ardoreque perciti, pugnam redintegrant, ac densatis ordinibus progressi, victores retrudunt, valli sepem securibus distrahunt, aperiuntque. Eodem tempore Dunewaldianum agmen ex altera parte vallo appropinquavit. In medio deprehenso Spahii, ac crebris fistularum dislosionibus in angustias reducti, ne glandibus impune configerentur, laxatis habenis densos inter ignes Szalankemenum versus avolant. Acrius certamen supererat cum Janicariis; aparuitque, quid amittendæ victoriæ metus, quid desperatio possit. Dunewaldiani certaminis avidi, præeuntibus Tribunis, Centurionibusque ipsum robur hostilis peditatus invadunt. Accepti ferociter, ac amissis primo incursum sexcentis, ambiguo Marte dimicant. Jamque Janicsari successu nimii, victoriam sine Spahiorum auxilio sperare audebant, nunc sclopis, nunc frameis in aggressores non infelicitè uli. At ubi dextrum quoque cornu pulso equite, & media acies

A. C. a fronte, & latere; a tergo Hungari cum Rascianis, & dimachis, cædem 1691. sparserunt, non sustinere impetum. Aliquot millia ferme primi agminis, per adversos hostes eruptione impigre facta, Danubium effuso cursu petierunt, insequentibus Cæsareis, ac tanto plures jugulantibus, quanto ipsa turba sine Ducibus, signis, & animo repugnandi præsentior pestis erat. Nec classis in ripa erat fugitivos acceptura, quæ sub primum tumultum anchoras levavit, dein prælio excedentibus Spahiis Belgradum abiit. Unde eadem adhuc nocte plerique interfecti sunt. Cæteri intra castrorum valla circumventi, ab irato, & capiendi vivos immemori victore, multa cæde hauriuntur.

Fuit hæc pugna, quam Szalankemensem a proximo loco Scriptores vocant, multis nominibus memorabilis, pertinax, cruenta. Uterque Dux Imperatorias belli artes satis prodidit; Badensis in oppugnandis, Kiuperlis in defendendis castrorum munimentis. Utrinque miles periculorum avidus, fortitudine, pertinacia par, & nisi Spahii rem corrupissent, aut æqua clade discessum fuisset, aut Turca superior. Tribus prope horis dubio eventum certatum est in arena, orco ardenti simillima, dum a tergo victoriæ initium fieret. Noctem, quæ Turcicum equitatum cædi eripuit, Christiani egere cruento in campo, potiti tormentis octo, & quinquaginta supra centum, grandioribus cistis ære cyprio onustis quinquaginta quatuor, tum aurea, argenteaque moneta, frumento, ac jumentorum numero ingenti; signis militaribus plerisque, tabernaculis omnibus. Ex illis per Vaudemontrum Principem quatuor equinæ caudæ, duodeviginti vexilla Cæsari missa.

Ut prælii atrocitatem agnoscas, quidam non dubitarunt scribere, Turcarum viginti quinque millia ^{a)} cecidisse; alii memoriæ tradiderunt sedecim millia; alii, qui minimum, duodecim. ^{b)} Nempe hi præterierunt eos, quos fuga ad Danubium abstulit, ac omnes interceptos (& fuere sane complures) Cæsarei jugularunt. Sed unus Vezirius Mustaphas Kiuperlis instar maximæ cladis fuit. Ille militem suum hortando, pariterque obeundo pericula, extra vallum duas, & amplius horas non sustinuit modo, sed prope victorem fecit. Postremo cum haud dubie fortuna ad hostes inclinarret, siue nollet superesse victus, siue reipsa cum Spahiis vellet erumpere, concitato equo se in Cæsaream cohortem immisit. Ibi glande trajectus, ac a suis, ne spoliaretur, Belgradum abreptus, maxima jactura rei Turcicæ, supremum diem explevit. Præter Vezirium flos Præfectorum partim in acie, partim Belgradi ex vulneribus periit. Quot e nostris occubuerint? perinde variant Historici. Si credimus Portæ Ottomanicæ Scriptori, facile quinque millia; si Badensi tria duntaxat millia, centum, duo, & septuaginta. Ille fortassis Buquoianos, & classarios pridie pugnæ interfectos, aut captos adnumeraverit, iste præcisè in arena repertos. Alii tamen, ut Turcarum stragem nimium augent, ita & nostrorum jacturam ad undecim millia liberali calculo attollunt. E primariis Præfectis dextri cornu, pauci sine vulneribus redierunt, multi in loco pugnæ occisi. Souchius, & Arembergius inter primam curationem expirarunt. Christianus Dux Holfatiæ, Comes Pöttingius, Kolonichius, Buquojus, Adamus Zrinyius prope vallum frameis confecti cum legionum structoribus quinque; sex, & triginta Centurionibus, Pro-Centurionibus quinque, & viginti; totidem fere signiferis, aliisque permultis in variis contuberniis e vulneribus postea extinctis. Haud omisero isthic Henricum Dunewaldum, sæpe mihi per decursum historiæ commemoratum, qui siue castrorum laboribus fractus, siue cæli pestilentia correptus, ultima Augusti Eszekini obiit.

Badensis reducto exercitu Petro-Varadinum victori militi quietem indulgit, nondum certus, quo arma vertat. Mirabantur Turcæ, ecquid moras neceret in stativis? colligendis tantæ victoriæ emolumentis non insisteret? ut adeo dictum Maharbalis in Badensem transtulerint: *vincere scis Hanni-*

^{a)} Ephemerides Leopoldinæ ad 19. Augusti. ^{b)} Hunc numerum reperi in epistola Magni Leopoldi data ad Borussum 25. Augusti 1691. Extat T. II. Portæ Ottom. pag. 574.

Hannibal, victoria uti nescis. A) Multorum certe non vana opinio fuit, eo A. C. autumno Belgradum cum omni Servia recuperari potuisse, si primis statim 1691. diebus post prosperam pugnam in hostem itum fuisset; usque adeo trepidatum est Belgradi, vicinisque in locis. Cum vero animadverterent, Christianorum exercitum veluti bello confecto cessare, annonæ duntaxat convhendæ curas impendere, paulatim a metu respirarunt, dejectisque Savi pontibus Belgradi substiterunt. Triginta circiter millia fugitivorum diversis itineribus eo convenerant, nullo certo Duce, nullo consilio. Post dierum aliquot intervallum, collatis capitibus, partiuntur inter se belli munia, præfecturas militares distribuunt, Chalilem quempiam e Bosnia oriundum, armorum Præfectum creant, Kiuperli nec autoritate, nec ingenio parem, missisque nunciis Adrianopolim facti sui rationem Imperatori reddunt; qui, ne se invito nova Respublica ordinata videretur, partitionem munerum non modo autoritate sua firmavit, sed & Chalilem Vezirium dixit, lætis militibus, quod pro spe consilia, factaque ipsorum æstimarentur ab Imperatore, eosque Præfectos sibi impositos haberent, qui beneficiis vincti mandata acciperent potius, quam darent.

Cæterum Adrianopoli, & Byzantii ad primum nuncium cladis Szalankemenſis ingens terror, atque tristitia inter plebem, & Purpuratos oborta est. Imperator præter communem cladem, suam quoque fortunam deflevit, haud levibus curis occupatus, ne infelix principium, præpropere, eumque tristem exitum regimini adferat. Unde, quod gratum populo, & sibi utilissimum sciebat, crebris cum Husſeyo Angliæ Legato sermonibus de pace, ponendisque per conditionem armis agitavit. Inveſtus est ite Constantinopolim septima, & vigesima Julii celeberrima pompa, majori tamen civium gratulatione, quam Purpuratorum exceptus, quos immatura victoriarum spes ferociores per eos dies effecit. At post suorum stragem submiſſere animos, illudque unum in votis habuere, ut aſſerto Belgrado, provinciis Turcicis pace perfrui aliquando liceret. Ipſe Imperator haud quaquam erecto animo, obruebatur identidem ſollicitudine, ut ne pertinacibus armis, populi odium in se conciat, aut Conſœderatos Principes ad proſequendum bellum magis inflammet. Sic affectus Achmetes, Husſeyo faciliores aditus conceſſit, pacisque negotium, Kiuperlis artibus everſum, iterum reſumptum est. Suliffar Effendius Orator Ottomanicus apud Leopoldum Cæſarem, cum anno ſuperiore conditiones admodum duras Conſœderatis obtruderet, barbaros, agreſtesque mores præferret, re infecta juſſus est Constantinopolim abſcedere. B) Ea denuntiatione non mediocriter percuſſus, oravit, obtinuitque, ut Pottendarſſi ſibi tantisper ſubſistere fas eſſet, e propinquo ſui Principis negotia curaturus, ſi quæ nova mandata acciperet. Szalankemenſi prælio audito, adeo conſternatus erat, ut inter ſuorum manus exanimi ſimilis corruerit. Egit poſtea cum præcipuis aulæ miniſtris, ut pro ea, qua prævalerent gratia apud Leopoldum, viam inirent aliquam componendæ pacis; ſe paratum eſſe in colloquium venire, modo tempus, locumque doceretur. Verum & Byzantii, & Viennæ vix cœptum pacificationis negotium multum retardatum eſt per Tartarorum incurſionem, averſisque in bellum mentibus ſpes concordiæ prope evanuit. Hordæ aliquot Savum tranſgreſſæ, tanta celeritate ad caſtra Chriſtianorum delatæ ſunt, ut antequam miles ad opem ferendam poſſet accurrere, gregem equorum, camelorumque abegerint. Haud multo poſt redeuntes, tametſi vicina regio præliis militum teneretur, Cornarum, nobilem machinatorum magiſtrum, cum viæ comitibus captivum abducunt, furtivis procurſionibus Illokium, & Petro-Varadinum aſſiduo divexant. Badenſis reſecto jam milite, poſt maturam deliberationem, quam in partem arma deſtinet, omiſſis in præſens Belgrado, & Temefia, Varadinum eminus clauſum oppugnandum ſumpſit. Viſum eſt autem ita exercitum partiri, ut &

Imp. Ottom. Tom. II.

S s 2

Hun.

A) T. Livius Patav. L. XXII. poſt Cannenſem pugnam Romanis adverſam. B) Anno 1690. die 24. Januarii, Porta Ottom. pag. 525. ait: hunc Effendium præſidio militari Comaromium deductum,

A. C. Hungariæ, & Sclavoniæ consuleretur. Adversus classẽ Mezzomortis, & 1691. Tartarorum latrocinia, Danubius, & Savus, dispositis per utriusque fluvij ripam stationariis firmatur. Croyo Duci novem legiones sunt datæ, equestres quatuor, pedestres quinque præter turmas aliquot Hungarorum, & Rascianorum. Cum his copiis in Sclavoniam missus ad arcendum hostem, qui ex Bosnia erupturus ferebatur. Reliquus exercitus Duce Badensi Varadinum profectus, difficillimo itinere trium, & triginta dierum eo pervenit.

Abdulatifes Gubernator, corruptis circum præsidium, quæ usui esse possent obsidentibus, exactaque imbelli puerorum, & scæminarum turba, locum per se non invalidum variis munitionibus firmavit. Quarto a) oppugnationis die, Hungari pedites vallum, suburbii b) scutum (Palankam vulgus appellat) a Turcis incensum assultu capiunt. Ipsa urbs duobus, & viginti tormentis, mortariis fere totidem octidui spatio adeo verberatur, ut pleraque ædificia in cineres resederint. Terrorem addidit P. Gabriel e Divi Francisci familia, qui nova arte temperatos ignes in urbem injecit, maximo præsidiariorum incommodo. Nam quoscunque ea pestis corripuit, membratim excruciauit, tardis præ flammæ rapiditate, pertinaciaque remediis. Badensis compendium facturum diuturnæ, quam prævidebat, obsidionis, missio tubicini ad Gubernatorem, præsidium sibi dedi postulavit. Ille non ignarus hyemem nimbis, ac tempestatibus armatam pro se, militibusque suis pugnaturam, si paululum vim perferrent, negavit præcise stantibus adhucdum muris, & præsidario integro locum se traditurum, quem defendendum, non prodendum a suo Imperatore accepisset. Et vero ex-eunte Octobri mense crescebat oppugnationis labor, quod fossores humum gelu adstrictam ægre molirentur, & procellam nivium rigidos inter ventos subito effusam seminudus miles haud toleraret. Itaque visum est, lenta, sed propius admota obsidione Varadinum subigere, delectis hunc in finem aliquot legionibus, quibus præesset Castellius Comes; cæteris per propinqua oppida ita collocatis, ut intra quatuor, & viginti horas facile Varadinum possent confluere. Ad custodiendam Palankam mille quingenti Hungari destinantur. Vallum, quod media ab urbe leuca erectum est, mille quadringentis Germanis equitibus servandum datur. Omnes denique aditus denatis stationibus valide occluduntur. His constitutis, Dux Badensis discessit, Debreczini hyemem acturus.

In Daciam hoc anno multa hostilia moliebantur hostes. Temesiensis Præfectus aditum rimatus in eam regionem, reperit nivium tumulis, & stationariorum multitudine vias omnes accurate obseptas. Baro Polandus, cui stationes concreditæ erant, media hyeme in Valachos Turcarum socios erumpens, centum & amplius repente obruit, cæciditque. Temesiensis verso itinere Karanysebesiam paucis milite firmatam improvisò circumfedit. Huc accurrens impiger Polandus cum expedita armatorum manu, ac machinis aliquot castrensis, promiscuam illam colluviem, adeo feliciter fudit, fugavitque, ut mille cæsis non pauciores in aditu Valachiæ ceperit. Antonius c) quoque, Rascianorum Ductor, eadem hyeme secundis procurSIONibus inclaruit. Grandiore hostili signo Viennam transmissò evicit apud Leopoldum Cæsarem, ut populares sui in legiones redigerentur. Multi alioquin patriis sedibus depulsi per Hungariæ provincias errabant, latrocinis, aut justo bello panem quæsituri. Ex his conflatae aliquot legiones, pro stipendio alimenta acceperunt, maximo lucro Cæsarei exercitus, quod armorum usu, pedestri juxta, ac equestri militia, tum animi, corporisque robore, & velocitate Hungaris pares, prima pericula adirent, exhaurirentque. Evoluta vix hyeme potentior hostis Transylvaniam exterruit. Tókólius, Kiuperlis Vezirii gratia, ære, & milite tumidus semel, atque iterum regioni immi-

a) Nempe 14. Octob. b) Vallum hoc suburbium, sive oppidi Olafzi, trans amnem Chrysium siti, temere a Turcis incensum est. c), Belli hujus scriptoribus Antonius appellatur: Porta Ottom. eidem Doderi cognomen attribuit.

imminebat, cædem, & incendia haud dubie illaturus, ni Veteranius inten- **A. C**
tiore cura hominis conatus fregisset. Valachiæ Princeps quantum a Cæsare **1691.**
aversus, tantum Tòkòlio offensus, eo plus detrimenti attulit Tòkòlio, quo
magis res hujus provehere potuisset. Causa abalienati animi erant equites,
qui mercede conducti, aut prædandi licentia extorrem Principem secuti Va-
lachorum perinde, atque hostium oppida ferro, & igne vastarunt. Certe
hoc nomine per Valachiam infames erant, multique insidiis excepti ab agre-
stibus jugulabantur. Cum Tòkòlius nec vellet, nec posset suorum licentiam
refrænare (quippe spolia pro stipendiis erant) & obliquis viis Principatum
peteret, Valachus suas copias domum revocavit, eoque facto multum vi-
rium, vigorisque expeditioni subtraxit.

Sed ille lætis, adversisque multum exercitus, quam arripuerat viam,
pertinax tenuit. Ad limites Transylvaniæ delatus Augustum Holsatum Prin-
cipem octo equitum signis accinctum obviam habuit. Holsatus juvenili ar-
dore abreptus, dum incautus prima in acie dimicat, plumbea glande ster-
nitur. Amisso Duce festinanter excessere campò turmales, & quod mireris
sine graviore jactura. Holsati errorem Veteranii prudentia correxit. Quip-
pe uno prælio ita hostem Transylvaniæ finibus abegit, ut eo anno quietæ
esse licuerit. Equidem mense Julio, suo, Turcicoque milite firmior (fa-
cile vicena millia numeravit) captis Lugosia, & Karanysebesia novam tem-
pestatem minabatur Transylvanis, jamque motis legionibus fuga agrestium
alte fiebat, cum a Vezirio mandatum perfertur, quo jubebatur Dacica ex-
peditione abstinere. Crediderim Principis Valachiæ factione, Tòkòlii con-
siliium turbatum, ne victor, aut victus Valachiam rursus persultet. Kiu-
perle vita functo exercitum suum Belgradum deportat, Turcicoque conjun-
git. Hic cum Petroczio in atrox vitæ discrimen devenit. Res erat hujus-
modi. Miscuerat se Rascianorum turmis Varadinum obsidentium Ottoma-
nus eques, moribus, lingua Rascianum apprime mentitus. Audit sermonem
vulgari totis castris: Petroczium ad Badensem epistolam dedisse, qua jacta-
rat, se, Tòkòliumque effecisse, ut ne Varadino suppetiæ mitterentur.
Heislerum arcanorum conscium confecta libertate, utriusque merita Leo-
poldo Cæsari relaturum.

Hæc, seu vera, seu ficta fuerint ad continuandam obsidionem, Tur-
ca celerrime Chalili Vezirio enunciavit. Suspicionem intendit frequens epi-
stolarum commercium cum Viennensi aula in negotio suæ conjugis, & no-
bilitum captivorum Heisleri, & Dorix. **A)** Chalil nihil ultro moratus, cur-
sim auditis primariorum Ducum sententiis, utrumque comprehendere jubet.
Adversus vim satellitum ferrum corripuit Tòkòlius. Sed graviter fauciatus
pluribus impar, Petroczio jam capto, vinctus in urbem asportatur. In
quæstionem vocatus, cum præter vanum rumorem nihil obijcere, proba-
reque posset accusator, facile omnem suspicionem diluit, & paucis post
diebus sententia Chalilis absolutus libertati cum socio redditur. Purgavit fa-
ctum Vezirius, multa verborum lenitate, & assignatis in agro Passarovicen-
si pinguioribus stativis, hominem hujusmodi hamo capi solitum, non pla-
cavit modo, sed & novis furis accendit. Eodem fere tempore Helena Prin-
ceps Rakoczia, quæ Viennam cum liberis traducta apud Virgines Divæ Ur-
sulæ degebat, post multam aulæ deliberationem, & non semel commutatas
a Tòkòlio pactiorum tabulas, ad virum suum proficiscendi potestatem acce-
pit, postquam Heislerus, numeratis septem aureorum millibus e vinculis
dimissus est. At Marchionem Doriam non tam provectior ætas, quam mul-
tiplices ærumnæ in captivitate Uipalankæ, vel (ut aliis placet) Semendriæ
confecerunt. Corpus jussu Tòkòlii curatum a famulis Dorix, in Cæsaris
ditionem avectum fuit. **B)**

In Illyrico ne quid detrimenti ab hoste acciperetur, Nicolaus Erdö-
dius contracto undique provinciale milite itinera infedit. Kauniczius mille
Germanos, plures Hungaros, & Rascianos Possegæ admovit, ac tridui op-

A. C. 1691. pugnatione locum infestavit, sed confluentibus magno numero Ottomanis, cum multo inferiorem se videret, retractis obsidionalibus machinis in hyberna rediit. At Croyus in Sclavonia suo munere præclare est functus. Bosniæ Gubernator post captum Belgradum maximam illius regionis partem subegerat, Croatiæ oppidis cladem, incendia e propinquo minitans. Croyus Eszekino, & Darda præsidio firmatis, ductis, quas secum habebat, copiis ad Savum repurgandum abit, atque Brodium a Bosnensi communitum, undecima die Septembris obsidet. Turcæ depactis per propugnacula vexillis, tum repetitis ex composito clamoribus speciem defensionis præbuerunt; verum nocte intempesta deserto præsidio per notos calles in tutiora semet recepere. Gradiscani vicino hoste admoniti, tanta trepidatione Savum petierunt, ut facile quadringinti aquis absorpti fuerint. Duodevigesimo Septembris in oppido incenso multa suppellex reperta. Bakaracium tolerata unius diei oppugnatione pari felicitate in potestatem venit, centum quinquaginta præsidariis Gradiscam abductis. His munimentis spatio non integri mensis exuti Turcæ, fere omni Sclavonia demigrarunt. Hæc quidem Hungariæ, vicinarumque regionum fortuna erat.

Apud Venetos hoc anno, etsi pacem in Senatu respuerant, bellicus ardor non mediocriter refrixit. Calendis Februarii extincto Alexandro VIII, Christi Vicario, vetabatur Pontificia classis Italiæ portibus excedere, tum ne factione quorundam Principum Purpurati Patres in electione novi Pontificis turbarentur, tum quod prædatoriæ naves Turcarum, maritimas urbes per eos dies infestas haberent. Melitenses externo milite destituti, suppetias dare Reipublicæ prohibebantur. Itaque in Venetos universum belli onus incubuit. Præfecturam terrestrium legionum, Marchione Guadagnio vix cœpta expeditione missionem urgente, Baro Hannibal Degenfeldius, annuo viginti millium aureorum nummum stipendio allectus, accipit. Interim Mocenicus, multarum palmarum Dux, instaurata per hybernos menses classe, ad primum rumorem obsessæ Aulonis, in Albaniam Venetas legiones deportavit. Circumvallavit eam Albanæ Gubernator Solymanus cum decem millibus peditum, tribus equitum, nondum satis mitigata hyeme. Urbem præsidio numeroso, reque cibaria abunde instructam infelix casus Præfecti Sparrii paucis post diebus perdidit. Immiscuit se ille erumpenti manipulo, milesque melior, ac Dux, certamen, quod imperio suo temperare debebat, manu promptus temere accendit; cum grandior tormenti globus sive dolo, sive imprudentia libratoris Veneti excussus, ferociter dimicantem momento discerpsit. Amisso Duce non consilium, non animus erat locum ultra defendendi. Mocenicus intra castrorum munitiones non ausus aggredi Ottomanos copiis alioquin superiores, astu militari obsidium laxare, atque consternatis viam fugiendi aperire instituit. Dyrrachium, Turcicarum partium eo temporis urbem, ab annona non satis munitam repentina obsidione cingit, omniaque majori tumultu, quam virium fiducia ad oppugnationem comparat, admonitis prius Aulonensibus, ut si Solymanus militum partem Dyrrachium præmitteret, ipsi elusis stationariis nocte concubia ad mare decurrant, consensisque, quæ præsto erunt, navigiis, fuga salutem quærant. Res feliciter vertit.

Namque Albanæ Gubernator, posthabita alienæ urbis obsidione, pauculis ad castrorum opera relictis Dyrrachium liberaturus itineri se dedit. Aulonenses, quæ chara habebant, & pretiosa festinato elatis, sparsoque non uno loco incendio urbem ruderibus suis consепultam hosti relinquunt. Fulgore orientium flammarum exciti stationarii, cum sero fraudem sensissent, frustra prædam, & hostem quæsiiverunt. Mocenicus haud diu moratus ad Dyrrachium, in Peloponnesum tanto celerius navigavit, quanto frequentioribus nunciis perlatum est, Græcanicæ gentis homines apud sinum Corinthiacum cum Seraskerio colludere, multos Venetæ amicitie pertæsos Turcarum partibus accessisse, atque Naupaetum Locridis a Græcis, ac Turcis obsessam teneri. Sed antequam appulsa esset classis, præsidarii ad submo-

vendum

vendum fossæ imminentem hostem egressi, prospera pugna perfidiam sunt A. C. ulti plurimis interemptis, aut captis. Hoc certamine intellecto, Mocenicus 1691. contento cursu Mitilenen petiit, omnemque insulam late depopulatus, urbi ejusdem nominis igniariam sane oppugnationem intulit. At enim florentissimum præsidium immanes impensas, & felicitis cæteroquin Imperatoris industriam pervicaciter elusit. Inde discedens navalem pugnam Ottomanicæ classi in angustiis Bosphori Thracii hærenti non semel indixit; cum nihil moveret hostis, post multa tædia expeditioni finem imposuit.

Apud Polonos sterilis victoriarum, imo clade aliqua memorabilis hic annus decurrit. Legato Tartariæ Reguli sine spe pacis dimisso, in belli studia rursum exarserunt Senatores. Rex multiplici cura distentus, data ad Alexandrum Pontificem epistola, in qua expositis magnifice magis, quam superbe, quæ ad eum diem pro re Christiana adversus Ottomanos egisset, pollicitus est, se firmato in bellum animo, in posterum quoque summis viribus adniscurum, ut magno foederi, communi omnium parenti faciat satis. Illud autem permolestum accidere Reipublicæ Polonæ, quod tot gravissimæ expeditiones, & immodicorum sumptuum ærarium Regni exhausterint: orare proinde majorem in modum, pecuniario subsidio angustias levaret. Rescripsit Pontifex, haud se bellicorum onerum immunem esse velle, nec cessurum liberalitati Innocentii XI. Verum morte Alexandri post paulo consecuta, res adhæsit. Adhibitis subinde in consilium Regni Primoribus, deliberari voluit: Camenecumne oppugnandum hoc anno, an in Tartariam ducendæ copiæ? variantibus sententiis nihil certi confici potuit. Illud unum omnium suffragiis statutum: Legatos nomine Reipublicæ in Moschoviam mittendos, qui universæ genti stimulos addant ad belli continuationem. Spei plurimum isti retulerunt, quod apparatus toto Imperio fierent, & Petrus acerrimæ indolis Princeps in bellum æstualet. Circumacto anno non miles extra limites eductus, non signum hostilitatis elatum. Tum legatio Turcarum amice accepta luculento indicio erat, a Moschis nihil Tartaris, nihil Turcis pertimescendum. Rex nihilominus in arrepto semel proposito constans perseveravit, & quidquid uspiam adminiculi se proderet in spei bonæ argumentum vertit. Gaudebat in primis Leopoldum Cæsarem intentiore cura bellum parare in Hungaria, ac sex millia A) legionariorum in Poloniam destinasse, quibus speravit aut Camenecum subigi, aut hostem nobili clade profligari posse; & quamvis hoc etiam auxilio ad extremum destitutus fuerit, bellum tamen prosequi placuit.

Nondum absterfa hyeme, Tartarorum Hordæ Russiam Rubram dira populatione protriverunt, abactis facile octingentis incolis cum pecoribus. Cameneci depositis spoliis, rursum alias provincias urunt. Animadvertunt dudum Poloni, Russiæ Palatinatum nunquam sat tutum fore ab injuriis, nisi Camenecum reciperetur, ipseque Rex magnopere inclinavit, ut ad hanc arcem, asylumque prædatorum perdomandum universæ vires conferrentur. Sed plerique Senatores censuerunt, abstinendum in præsens munitissimæ urbis aggressione, ac deportato in alienam provinciam bello; certaminis aleam neutiquam declinandam, si hostis semet objiciat. Præterlapsa meliori parte ætatis Moldaviæ a Tartaris infestæ illata sunt arma. Lubomirius Princeps cum mille quingentis equitibus hostium castra explorare jussus a Rege, in insidias præcipitat. In quindecim millia Tartarorum improvisò incurrens, mox ab iisdem circumfusus, ægre nuncios sui discriminis ad Regem expedire potuit. Is nihil cunctatus cum omni equitatu confestim advolat; quo intellecto, cum impares se viderent Tartari, de sua jam salute solliciti, multo celerius, quam accurrerant, abscessere.

Jannina Princeps Moldaviæ, Turcarum amicitiae innexus, metropoli sua Jassio deserta, imminentem tempestatem maturata fuga evasit, atque e longinquo fumantis patriæ ruinas aspexit. Commonefactus a Rege, ut eju-
rata

A) Præter Ottomanicam Portam, meminit quoque Godefridus Lengnichius copiarum auxilium.

A. Grata Ottomanorum societate, Polonorum foederi accedat, veterem cantile-
 1691. nam repetiit: *sibi, etsi maxime parceret, jam integrum non esse pedem*
referre. Principem suum natu maximum Constantinopoli obsidem detineri; haud
dubie laqueo praefocandum, & Principatus jura in Tòkòlium transferenda,
si vel levissimam suspicionem mutati animi praeberet. Jassium de deditio-
 compeliatum, pronis animis praesidium admilit. Quanquam id temporis
 prope vacuum erat, multis oppidanorum alio dilapsis, qui videlicet ab re
 familiari minus comparati, ob annonae caritatem, Valachiam, amicam molda-
 vis regionem, petere cgebantur, aut sponte sua Ottomanorum fortunam
 sequebantur. Niemikum, & Sorokum, leviter munitae arces, vix inchoa-
 ta oppugnatione in fidem Polonorum adaectae sunt, quibus, uti & aliis locis,
 Regium militem imponere tantisper placuit, dum deliberaretur, an ultra fi-
 nes Moldaviae arma promovenda, & Tartari domi suae investigandi? celsan-
 tibus Moschis, & frigidioris jam autumno, a longinquo, & sterili solo o-
 mnes abhorrebant. Itaque deductis praesidiis, & vastata hostilem in mo-
 dum Moldavia, ad Tyram fluvium reduci est coeptus exercitus. Nihil se-
 moverunt Tartari, donec per apertos campos agmen incederet. Postquam
 in asperam montibus regionem, & equitatu, qua parte maxima valebat
 Polonus, incommodum, perventum est, difficultate locorum fessos, ac
 impedimenta invadunt, pluribus locis pugnam conferunt. Praeter quotidia-
 na certamina, quibus sarcinarum pars cum calonibus, & non pauci mili-
 tum interierunt, penuria alimentorum, & ad extremum fame omni hoste
 truculentiore, premebantur Poloni. Tandem in exitu mensis, Octobris par-
 tim pugnis, partim fame peremptis viginti millibus equorum, ut tradit
 Lengnichius, & pugnacissimis militum per insidias a redeunte Moldavo cae-
 sis, Poloniam tenuerunt. Huc recidit magnis animis, impenisue coepta
 expeditio.

1692. Post pugnam Szalankemeniam etsi Ottomanii multum virium, vigo-
 risque se amisisse haud ignoraverint, cessatione tamen Moschorum, tum
 Poloniae, tum Venetae Reipublicae minus prospero belli successu erecti, quam
 celerrime delectus militum, variosque apparatus toto Imperio faciunt, quod
 sibi plane persuasum haberent, cum uno Caesare, eoque plures in hostes di-
 viso, rem in Pannonia fore, & si paululum admitterentur, & Budam recu-
 perari, & pacem, tot strage legionum frustra quaesitam, utilissimis condi-
 tionibus praesenti anno extorqueri posse. Res nostrae angusto admodum lo-
 co future erant, ni Deus ambizioso, saevoque ingenio Chalilis Vezirii cona-
 tus retardasset. Non paucos ille e civili, militarique ordine viros fictis cri-
 minibus afflixit. Alios maturata nece, alios lento exilio punivit. Caima-
 canem, Janiciorum Agam, Principem Eunuchorum, pluresque primae autho-
 ritatis Praefectos, quos suae fortunae obfuturos credebatur, paucos intra dies
 evertit. Mustius quotidiana funera clarissimorum civium non ferens, Ach-
 metem Imperatorem serio commonefecit, ut furentem coerceat. Vezirius
 super cupidinem potentiae, hac libertate accensus, cum per metum populi
 in sacrorum antistitem saevire non auderet, eum dignitate movet. Qui
 successerat, caedes sanguinarii hominis, & continuata exilia de integro ad
 Imperatorem defert, minas intrepide addit, nisi intra definitos dies tyran-
 nidi modum imponat. Enimvero exterritus improvisa denuntiatione Im-
 perator, & alioquin tot praestantium virorum nece, exiliisque irritatus, Ve-
 zirium propere in aulam accitum praefectura spoliatur, ac aqua, & igne pro-
 hibitum ad angustias Helleponti (Dardanellas) deportari jubet. Pecunia
 omnis in stipendia militum est versa. Meminere Historici, bis centum
 quinquaginta millia Imperialium, tum ter centum millia aureorum num-
 mum, praeter gemmas rari pretii, in illius palatio reperta. A) Tantas opes
 unius anni spatio corralisse dicitur e proscriptorum fortunis.

Eodem

Eodem adhuc die evocatis in Divanum Purpuratis, novum *Vezi-A. C.* rium militiæ gnarum, corpore validum, & bello, quod instabat, suffectu 1692. rum, eorum iudicio deligendum proposuit Imperator. Præter morem id factum scio: fortassis popularitatis speciem præbere voluit Achmetes, viderique ministros suos in curarum partem ascisci; aut si minus felicem legerent, omnem culpam, atque invidiam in eos derivare posset. Tres tanto muneri pares in oculis, votisque habebantur: Alyus Mesopotamiæ Prætor, clarus militari scientia, quive Karæ-Mustaphæ Viennam impugnanti socius erat; cæterum nec militi charus, & plebi invisus. Ibrahimus Eubœæ insulæ Gubernator, Chalcide fortiter defensa adversus Venetum celeberrimus. Mustaphas Syriæ præfectus pace melior, quam bello. Omnium suffragiis Alyus prælatus est. Ut is rumor ad Chalilem pervenit, stupenti similis fatetur: se ante sex dies in Mesopotamiam properare iussisse Kapigios, qui hominem obtruncant, caputque Byzantium deferant. Celeritate idcirco opus esse, ut ne cædes peragatur ante, quam nuncium Imperatoriæ voluntatis intelligat. Arabum quispiam notæ celeritatis, illico in Mesopotamiam advolare iussus, Kapigios prævertit. Alyus honore, & Purpuratorum de se iudicio alacris, componendis rebus die uno, & altero insumpto, continuatis itineribus Constantinopolim fere exeunte Majo intravit.

Illius adventum de perduto Varadino tristes nuncii consecuti sunt. Ea urbs post hybernâ obsidionem ab Heislero primo vere oppugnari cœpit, accersito e Transylvania, & Sclavonia Germano milite, cui adjunctæ erant tres pedestres legiones Hungaræ. Ductis obsidionalibus fossis, sub medium Maji verberationi initium est datum adeo diu, noctuque repetitis ictibus, ut nemo armatorum in propugnaculis, aut domi suæ tutus esset. Ut ad fossæ marginem proreptum, omnis fere difficultas in ea desiccanda molitoris ingenio, operaque sublata est. Aderat ille in castris, dum anno sexagesimo supra millesimum sexcentesium e fossa derivatis aquis Varadinum eriperetur Hungaris, a) eademque prorsus ratione in præsentī oppugnatione aditum patefecit ad muros. Palustris fossa continenti militum labore cæsis arboribus, variis sarmentis expletur, suggestus novi attolluntur, vis ignium, pilarumque non parce dejicitur Bôrnero machinatore, e quibus una in nitratos pulveres delapsa, stragem hominum, tectorumque immani fragore edidit, aëti denique cuniculi murorum partem nudaverunt. Misso caduceatore deditionem postulavit Heislerus, simul nuncians externum subsidium frustra expectari, aulam Byzantinam factionibus scissam, copias nondum Adrianopolim motas, Tökölum nihil moliri. Gubernator urbis Abdulatifes, veluti grandem exercitum Turcarum in campis Varadinensibus conspiceret, ferociter abnuit. Quinto tandem Junii, posteaquam ad supremam aggressionem omnia comparata vidit, desperata urbis defensione quinos Præfectos ad paciscendum in castra ablegat.

Precati Heislerum, hostilitate tantisper abstineat, reliquumque diei, & noctis supremæ consultationi oppidanorum donet. Cohibita verberatione mænium, duobus primariis, obsidum loco retentis, ac totidem Cæsareis in oppidum missis, secuto die reversi, sex, & decem condiciones Turcica lingua scriptas, ac unde triginta Primorum autoritate signatas obtulerunt, quas Heislerus omnino ratas habuit. Præter duas b) arces Gubernatori Varadinensi subjectas, ac annonam aliquot dierum, obvenerunt nostris quatuor, & septuaginta tormenta, e quibus unum septem pilas singulis jaculationibus evomuit; duo, & viginti mortaria, sulphurei pulveris multa doliola, tum majores, minoresque globi. Excessere præsidio bis mille armati cum numerofo scæminarum, puerorumque grege. Tam opportuno loco præesse iussus erat Heislerus cum duobus millibus Germanorum, & quadringentis Hungaris, sed quoniam is afflicta valetudine Badenses ad aquas discesserat, C. Corbellius præfecturam administravit. Dedititii Tur-

Imp. Ottom. Tom. II.

T t

cæ

a) Vide Ephemerides Leopoldinas ad 17. Augusti anno 1660. & repete memoria, quæ narravimus ad annum 1664. b) Has arces corruptis nominibus legere est in Porta Ottom.

A. C. ca mille ducentis curribus Pancsovam devehendi erant, jamque aliquot leu-
 1692 cas confecerant, cum mandato aulæ vetantur ultro progredi, ni Christianis ad Orsovam captis, & contra datam fidem Belgradum raptis vincula demantur. Res ita habuit. Anno superiore Hungari equites **A)** Serviam populaturi, forte Orsovam cum aliquot insulis intercipiunt. Inter eas Pescabara, vulgo Romanaz, insula frænandæ navigationi peropportuna visa est Veteranio. Neque diu cunctatus, locum natura alioquin munitum, machinatorum ingenio adeo firmat, ut prope inexpugnabilis haberetur. Huc tercentum Germanos Arnano Ductore injicit, & promptissimos Rascianorum, qui regionis gnari, furtivis procurSIONibus Servix, & Valachix oppidis perpetuo infesti, hostium quoque naves angustias illas petere ausas expugnant, multiplicesque rerum, hominumque prædas in eam insulam recondunt.

Belgradi Gubernator omnem curam intendit, ut eo malo Danubium liberet, & navigaturæ annonæ securitatem præstet. Assumptis aliquot milibus Janicsarorum, insulam circumdat, munitionem muralibus machinis subruit, obsessos fame ad deditionem cõgit. Pacti libertatem, & sarcinas integras, contra ac conventum erat, Belgradum deportantur, ubi omnes rebus suis exuti, pars in carcerem conjecti, pars ad opus faciendum adacti. Cæsar indignum, & exempli noxii facinus vindicaturus, Varadinenses Tokainum deduci jussit, a B. Wrangelio loci Præfecto partim in præsidio, partim in proximis oppidis captivos attinendos, dum læxæ fidei ad unguem satisfiat. Nona tandem Augusti lis composita est per Vezirium, qui misso Chausio in castra ad Principem Badensem, Christiani nominis captivos cum omnibus suis impedimentis pristinx libertati restituit. **B)** Amisso hoc propugnaculo, ingentem procellam commovit Tõkõlius in Valachix Principem. Mandatum huic erat, ut quantum copiarum contrahere posset, Tõkõlii vires augeat, ac quoquo modo obsessæ urbi opem afferat. Imperium distulit sive sponte sua, sive domesticis turbis, quarum authores extitere Mironaska scriniorum Magister, seu Cancellarius, & Princeps filius in fortunas parentis, & vitam imminens. Minoraska cum non paucis securi percutitur; Princeps Adrianopolim dilapsus accusationem Tõkõlii eo validius firmavit, quo solidioribus in speciem argumentis Patris fidem, integritatemque suspectam reddidit. Ad dicendam causam Adrianopolim evocatus Valachus, sex primarios suæ provinciæ viros cum muneribus ablegat, a quibus exposito vitæ, fortunarumque periculo a suspitione perfidiæ adeo feliciter exemptus est, ut propius supplicio fuerit filius, qui supplicium intentaverat.

Durante Varadini obsidione C. Castellius tres legiones equitum cum quinque signis peditum Hungarorum, & uno Germanorum ad intercipiendum Gyulæ præsidium ducit. Nocte plerumque factõ itinere, sub noctis extremum tribus partibus oppidum invadit, capitque, quingentis Turcis somno sepultis momento obtruncatis. Supererat arx militari manu prævalida. Hanc ut pari impetu captam victoriæ addant, milites hortatur. Sed illi vim omnem ad prædam convertunt, de eo unice solliciti, ut ne a sociis (& erant diversæ nationis) in spoliis legendis præverterentur. Consuetum hoc malum infaustris successibus semper in militia damnatur, semper prævalente avaritia retinetur. Prædatorum avaritia spatium nacti Ottoman, arcis portam obmuniunt, atque e superiore loco in sparsos non innoxie fulminant. Castellius ipse in prædabundos equitem immittit, quo factõ rapiendi cupiditatem acrius accendit, veluti novi socii in partem spoliõrum advolarent. Cum nihil e disciplina militari ageretur, præsidiarii, ac cives conjunctis viribus toto oppido vagos infesti aggrediuntur. Nec diu pugna prædatores tenuit. Plerique prædarum magis, quam commilitonum, decorisque cura, protinus fugam arripiunt; promptiores dum se, remque ambiguo animo tuentes, nunc frontem hosti, nunc tergum obvertunt, aut cæduntur, aut cum præda in Turcarum manus deveniunt. Hæc gerebantur, nondum ex hybernis moto exercitus robore.

Vezi-

Vezirius Constantinopolim ingressus opinione sua tenuiorem rerum **A. C.** apparatus, militumque numerum reperit; e tali principio haud lætum sibi **1692.** bellum ominatus. Unde primam curarum eo sedulus vertit, ut Achmetem ad petendam, ineundamque pacem pertraheret. Verum cum Adrianopoli in Divano, cui Tòkòlius interfuisse narratur, bellum in Cæsarem, & Confœderatos uno omnium iudicio jam decretum, & fatalis equi cauda Byzantii mense Martio depacta esset, viam nullam superesse vidit, qua pacis desiderium inclinatis in arma animis persuadeat. Neque ille diutius cunctatus, posteaquam Varadini casum inauduit, veritusque, ne eadem ruinæ opprimerent Belgradum, quas in castris collectas habebat copias, in Serviam festinare jubet cum imperio, ut pro Belgrado excubent, urbiq̃ muniendæ strenue incumbant. Cornarus machinator bellicus, quem anno superiore a Tartaris captum meminimus, felici fuga e vinculis elapsus retulit; dena hominum millia instaurando Belgrado insudare, facile tamen male cohærentia opera disjici, atque ipsam urbem vallis duntaxat terreis non uno loco obseptam expugnari posse, si vel mediocris exercitus eam invaderet. Classem Turcarum multum annonæ advexisse; videri sibi, hac æstate auctiores fore hostium exercitus, atque alias. Sed perinde illis, ac nobis multa defuerunt, bellumque utriusque partis segne, & prope nullum erat. Nervum militiæ Cæsareæ Imperium, & Sabaudia tenuit; quæ in Hungaria hybernarunt legiones, post Szalankemeni victoriam nec justis numeris expletæ, nec bellica penu instructæ, & quod expeditioni plurimum obfuit, pecunia supra modum laborabatur. A Principibus exteris quatuordecim, & amplius legiones missæ, evoluta æstate primum in castra convenere. Ad hæc morbi per Hungariam disseminati, & militem, & civem attenuarunt. Veteranius Transylvaniæ Gubernator, receptis Varadino legionibus, suæ provinciæ limites versus Valachiam, & Hungariam egregie communivit, intensusque in omnes Tòkòlii conatus, Dacos metu defixos ob paucum militem, non interrupta pace per æstivos menses, mirum! quantum recrearit.

Guidobaldus Starembergius, cui post Croyum Slavonia attributa erat, non expectatis Principum Germanorum auxiliis, equestres copias in campum Mohaciensem, pedestres Eszekinum evocat, ac loca Dravo amni aditæ, temporaneis castellis, magnisque stationibus partim ad castrorum, Eszekinique tutelam, partim contra hostium incursiones per otium firmat. Inter hæc hostes duobus pontibus ad Belgradum Danubio juncto in Daciam cogitabant. Sed animadverso, Veteranii cura omnes aditus obseptos, consilia, & vires in Titulium mediocriter munitum oppidum subito expromunt. Placuit classem in communionem laboris accersere. Ea Tibiscum invecta, Rascianum militem jam terra obessum eo acrius ad defensionem incitavit, quo certior perniciēs imminebat (nam fuga omnis intercepta erat) ni vinceret. Raro alias tanta pertinacia pro vallo dimicabat Rascianus. Turcæ oppugnando fessi recedere coguntur; at decem post dies aucti numero redeunt, locumque obtinent nullo defensore reperto. Juxta ripam Tibisci ultra progressi, Pòcio affunduntur, frustra que assilientes, amissis bis centum Janicæris, & navigiis non paucis, Belgradum abeunt.

Badensis sub initium Augusti, nec ante octavam Septembris post Luneburgicos Borussi in castris adfuere. Præter Hungarorum equestres, & pedestres legiones, equitatumque Rascianorum, duo, & triginta millia explebant Germani. Temesia, aut Belgradum cingi poterat, nisi lente adrepissent auxiliares, graves in itinere civibus, in castris jam inutiles. Eszekino Petro-Varadinum copiæ traductæ, adeo omni morborum genere languebant, ut non labori castrensi, non armis sustinendis plerique peditum pares essent. Ipse Badensis morbo prostratus hortante Cæsare Viennam abcessit, tradito exercitu Croyo. Qui integri erant, ut nervorum exercitatione adversus vim mali grassantis se tuerentur, vallum moliri sunt jussi, ac Petro-Varadinum continuata circa urbem fossa, semilunaribus vallis, aliisque munitionibus, ingenio Keyfersfeldii machinatoris, in futura pericula comparare.

A. C. Nec aliud actum, præstitumque in hac languentium expeditione. Rasciani 1692. castrorum hoc tædium haud ferentes, Serviae populationem intulerunt. Ad Moravam amnem occultis itineribus improvise delati, currus advehentes ad stipendia copiarum Vezirii magnam vim argenti (trecentas A) bursas scribunt alii, alii tria B) burstarum millia) obvios habent. Pulso Turcarum comitatu divitem prædam diripiunt, tum Albaniae Præfectum vias obsidentem non sine clade propulsant.

Classis Danubiana a Marchione Fleuryo C) non levibus sane ærarii impensis Jaurini, & Comaromii adornata, ut spes ingentes de se dederat, ita postea nulli usui fuit. Præter tres bellicas, quarum singulae quadraginta, & amplius tormentis armatae, duodecim minoris formæ, sed suis quoque telis instructæ, tum quadraginta saikæ, & viginti tres naves multo sulphure, aliisque ignium alimentis, adversus hostium vim, instante certamine complendæ, Petro Varadinum defluxere. Par huic classi defensorum numerus datus, videlicet ter mille quingenti, non accentis navium magistris, remigibusque. Fleuryus, & minores Præfecti, quos ex ultima sæce hominum sibi delegit, mercaturæ cupidiores, quam armorum, non hostem lacerare, non percurfare Danubii insulas; contenti alto otio, ac quotidianis lucris more institorum suas opes augere. Turcica classis nec numero, nec viribus suppar Fleuryanæ, perinde quievit. Re nulla memorabili gesta maturo autumno utraque subducta est, terrestres quoque copiae eodem tempore hyberna sua repetierunt.

Vezirius amplissimis laudibus celebratus magnos inter exercituum Duces a suis habebatur, quod Belgradum, paucumque militem, quadraginta millia erant, e præsentī, ut loquebantur, perniciē extulerit. Constat omnibus, alienissimo tempore res Imperii exilio Chalilis fuisse confusas, ex Asia raros, e Tartaria nullos in Serviam profectos, Belgradum suis adhuc dum ruinis conscriptum, militem in dies morbis confectum. Unde conficiebant unius Vezirii fortunæ, aut calliditati vires suas ultra modum eminentis tribuendum, salvo Belgrado, nullaue clade accepta expeditionem peractam. Parum reputantes, quam multis ad dimicandum adjumentis destitutus fuerit Badensis. Vezirius dimissis copiis Belgradi substitit, in muniendam urbem curas omnes inprimis defigens. Cæterum & altera causa morandi suberat. Pacem fieri avidissime cupiebat Angelus, Hollandusque inter Cæsarem, & Turcam, quo ille Ottomanico bello liber, suarum legionum vires ex Hungaria in Belgium, aut alias provincias a Gallo oppugnatas transportet. Leopoldus Imperator, ut ne fida sociorum consilia abjicere videretur, quibus plurimum deferebat, ea super re agendi cum Turcis potestatem impertitur. Illi telam infeliciter coeptam pertinaci conatu pertexere nitebantur.

Post Husseyi D) repentinam mortem, pacificationis negotium tantisper adhæsit, dum Harbordius nobilis Eques pari autoritate ab Anglia ornatus, Belgradi Vezirium convenisset. Jamque agebatur de induciis, cum duodecima Augusti, simili, quo Husseyus, fato extinctus est. Utrumque veneno necatum vulgus credidit. Ab istorum obitu non post multo urgendæ pacificationi Belgradum defluxit Hemsckerkius Hollandus, quem secutus est Guilielmus Pagetus Angelus, Belli deserti Dominus, fiduciariis literis ab Vezirio instructi, & non secure modo, sed magnifice etiam, ac splendide ubique locorum excepti. Interprete Maurocordato Hollandus apud Vezirium commoda pacis, bellicue discrimina summa moderatione differuit, petiitque nomine suæ Reipublicæ, ut locum colloquii, & tempus designet, quo tandem bonis conditionibus fatale bellum abrumpatur. Ille ut conducibile tum temporis erat, promptum animum testatus, operam

A) Historia Magni Leopoldi. B) Porta Ottomanica. Quid nomine Burstarum apud Turcas veniat? retuli ex Ricantio ad calcem pag. 228. C) Hujus hominis variam fortunam lege sis in historia Magni Leopoldi Tom. II. Lib. XII. D) Mortem subiit Husseyus Constantinopoli anno præterlapso, ut recenset sua in historia Petrus Garzonius Nobilis Venetus P. I. L. IX. pag. 422.

ram suam pollicebatur. At solutis Christianorum castris asperior, aditu A. C. prohibuit Anglum. Belgrado quinta Decembris abeuntes Oratores festo 1692: apparatu Adrianopolim intrarunt. Nec Vezirius iter suum distulit. Vergente ad exitum Decembri, agmine mille armatorum, & non paucioribus ministris, famulisque comitatus urbem excivit, ipso Achmete e suo conclavi pompam spectante. Grande vexillum, ut appellant, Mahometis Prophetæ in palatium Imperatoris relatum.

Splendida hoc anno mense Martio e Perfide legatio Adrianopolim venit. Munera ducentorum millium Imperialium Soltano destinata, sexaginta raræ magnitudinis cameli, tum elephas aureis stragulis insignis, barbara ostentatione per urbis compita ferebant. Legationis capita hæc præcipua erant: Perfici Regni habenas parentis excessu liberas Solymanum suscepisse, petereque amice, ut fœdera tot annis A) religiose servata, instaurarentur. Nulla jucundior Ottomanis hac legatione fuerit, evanescente rumore: ad Bagdatum centum millia Persarum sub signis stare. In reditu, quidquid Adrianopoli firmatum, prope dissolutum est. Haud procul aberant a suis limitibus Persæ, cum manipulus Arabum in eos impetum facit, & turbam fœminarum (multas sive dono acceptas, sive ære emptas Adrianopoli, in comitatu habuere) captivam abducunt. Jura gentium læsa querebantur Legati. Achmetes sollicitus, ut ne paucorum scelus in causam belli traheretur, igne, & ferro grassatores persecutus est, festinatisque amplioribus donis, belli scintillas præfocavit.

Croatæ binas procurfiones, quod sciam, in hosticum fecere. Altera Bihacium cum finitimis villis vastatum, altera Krupensis ager exustus. B) Orarunt illi Staremburgium, submitteret legionarium militem, quo Bihacium, veterem illam, & circumjacenti regioni permolestam spinam obtundant; a vehiculis, annona, instrumento bellico se satis comparatos. Staremburgius æstimatis tanti præsidii munitionibus, e re fore minime existimavit, Croatarum petitioni subscribere. Quippe Bihacium c) in insula Unnæ fluvii situm, valide firmabant, & nova veteribus munimentis addita propugnacula, & valla sudibus armata arcu præstructa, & saxæ turres tricenis etiam tormentis minaces; & super hæc magna Bihacii munimenta Bihacenses ipsi strenui, & quotidianis præliis multum exercitati. Croatæ tamen peditum auxilio destituti, quo intenderant, perrexerunt. Oppidum post unam, alteramve impessionem captum, flammis deletur; arx suis munitionibus, & defensorum numero tuta nihil detrimenti accepit. Haud dispare successu Michael Vidakovichius Krupensem tractum percurrit, oppidis juxta, ac segetibus gravis.

Veneta Respublica nec felici principio, nec processu usæ est in insula Creta, & Peloponneso, tametsi delectui militum, ædificandæ classi principem curam per hybernos menses domi, forisque daret. Apud Naupactum tamen Achajæ urbem, non inferiorem votis, ac conatibus suis exitum habuit. Angustiis rei argentariæ pressa, grande subsidium accepit ab Innocentio XII. d) tum in vendundis, seu publicis muneribus, seu honorum titulis nihil omnino industriæ prætermisit, quo attenuatum ærarium instauraret. Armorum Præfecturam, Hannibale Degenfeldio Naupliæ vi febrium extincto, Trautmansdorffio veterano ordinum Ductori, & militari scientia claro, quam in Hungaria multis sane expeditionibus adversus Turcam hausit, tradidit. Sed antequam is in Cretam navigaret, Carabusa, sive Corsi-

T t 3

ra

A) Postremum bellum, quod sciam, adversus Persam Amurathes IV. insigni emolumento Turciæ gessit. Inspice, si lubet, res gestas ad annum 1536. pag. 10. Bagdato Persæ erepto, Imperatores Ottomanici vires suas in Principes Christiani nominis verterunt, nisi quod seculo decimo septimo Bagdati causa tanto acrius resumpserint arma, quanto diutius pacem coluerint. B) Porta Otton. c) Bihacium, aliis Bihicium, & Bihigium, urbs Croatiae. Ferunt eam conditam a Bela IV. A Turcis occupata anno 1592. nondum jugum posuit. Vide Tom. I. pag. 236. Anno 1697. rursus a Christianorum exercitu oppugnatum fuit irritò conatu, ut suo loco dicturus sum. d) IV. Idus Julii anno 1691. Alexandro VIII. est subrogatus. Sandinus in Vitæ Pontif. Sec. XVII. scribit: „Innocentius XII. Venetæ Reipub. pugnanti contra Turcas eventu prospero triremes subsidio misit. „

A. C. ra praesidium magno Christiani nominis probro in manus Ottomanorum 1692. venit. Rem in hunc modum peractam Scriptores memoriae prodiderunt. A)

Cum post Creticum bellum Turcarum potentia perquam ingens esset in nobilissima insula (Nam e plurimis oppidis, praesidiisque, ferme tria, eaque non maximi nominis Venetis parebant B) Suda, seu Amphimalia, Spinalonga, & Carabusa) ne omni possessione deicerentur, & Asiatica navigatione plane excluderentur, milite, annona, bellicaque penu in quamvis diuturnam obsidionem Carabusam compararunt. Intentior cura perniciem attulisse est visa. Dum enim singulari delectu militum, praesidium augment, Lucas Rocca sua cum centuria eo festinare est iussus. Erat is Neapoli per vetusta domo prognatus, sed nescio cuius criminis reus, in exilium pulsus. Calibus multis iactatus, ad militiam postmodum animum applicuit. Oborto bello Turcico operam suam Venetis addicit, lectaque manu hominum ad triremes, palos, rotas, uncosque damnatorum in Cretam traiecit, atque ut erat projectae audaciae, temerariis magis, quam cautis, prudentibusque factis apud vulgus militum praecipue inclaruit. Centurio renunciatus cum suis periculis, & utriusque fortunae sociis, Carabusam, ut memini, intravit. Hic cum multa avare fecisset, & direpta cujusdam Graeci re cibaria eundem trucidasset, iussu Donae Praefecti Veneti in vincula datur. Ut libertati, ac muneri suo est redditus, vindictae cupidine ardens, decernit praesidium Ottomanis prodere. Ascita in societatem facinoris sua centuria, quam spe praedarum alebat, Gubernatori Canae nefarium consilium aperit, pollicitus se aditum in eum locum quo tempore, quave occasione conditum fuerit, aperire. Occasionem potiundi praesidii, cuius expugnatio multo sanguine, aereque staret aliquando Turcis, avide arripuit barbarus, hominemque non levium spe praemiorum ad maturandum facinus hortatus est.

Interim Centurio reliquis praesidiariis aureos montes ostentat, si in communionem sceleris venirent, promissisque adeo plerosque excæcat, ut non dubitarint jurata fide suam operam addicere. Emptis in hunc modum militum animis, cum armata cohorte, Praefecti, & Quaestoris Stratii domum improviso ingreditur, atque utrumque custodiri jubet. Mox caesis Graecicae nationis civibus, quos suae captivitatis authores compererat, communes Reipublicae juxta, ac privatorum opes cum militibus suis populatur. Tum, ne locus poenitendi superesset, proditorum primarios ad Gubernatorem Canae ablegat, qui certis conditionibus urbem non suam Ottomano tradant. Hisce inter alias facile conventum est; milites liberi cum armis, impedimentisque omnibus egredientur, tubis, tympanisque sonantibus; Turcarum navigiis, quo ipsis collibitum fuerit, avehantur. Si qui tamen mercaturae, aut pacatoris vitae gratia Turcicum imperium suae patriae praerferrent, fas esto ubivis locorum iis degere; neque tamen ulli fraudi sit in alias, atque alias regiones migratio. Pace facta cum Venetis, neque Lucas Rocca, neque ejus signifer Peronius, neque alteri cujuscunque conditionis milites, qui in ditionibus Achmetis Imperatoris reperientur, ad supplicium dedantur. Signatis tabulis haud diu cunctatus Ottomanus, e Candiae, aliisque praesidiis mediocrem exercitum educit, quo proditores posset cogere ad cedendam urbem, si animos mutarent, vel fraude uterentur. Supervacanea haec cura fuit. Vix enim ad Carabusam castra posuit, adsunt perfidi, claves urbis, & nobiles captivos Donam, & Stratium tradentes, divisisque inter se, quae supererant, spoliis, illusi ab hoste, & jam suum flagitium pertæsi, praesidio excedunt. C)

Inopinata clade perculsi Veneti, Contarinum cum quatuor bellicis in Cretam festinare, ac Sudae, & Spinalongae prospicere jubent; Roccam vero, ejusque socios edicto Venetiis publicato uti perduelles, hostesque nefarios proscribunt, appensa duabus columnis in principe foro S. Marci erectis, Roccae; atque Peronii effigie. Inter haec Dominicus Maurocenus, aut
potius

A) Porta Ottom. Tom. II. pag. 590. B) Vide, quae narravimus pag. 80. C) Petrus Garzonius P. I. L. IX. prodicionem Carabuae refert ad priorem annum; Porta Ottom. ad praesentem.

potius Mocenicus universæ classis Præfectus, veterana sua prudentia Pello-A. C. ponnesum contra vim hostilem egregie tutatus, Trautmansdorffium per 1692. Celeres Naupliam invitavit. Aduit is cum Pontificiis, & Melitenfibus navigiis principio mensis Julii, celebratoque consilio bellico, cui primarios quosque Præfectos sine discrimine nationum interesse voluit, plerisque consentientibus decernit, ornatissimam classem, annonam, machinatores, arma, quæ Græcis tribuerentur, & integras legiones ferentem, in insulam Cretam vertendam, ac Caneam ex improviso invadendam. Itaque immisis tribus peditum millibus, atque sexcentis equitibus ad custodiendas angustias sinus Corinthiaci, quinta decima Julii cum sedecim millibus armatorum in Cretam trajecit.

Ut primum se videndam præbuit Caneæ civibus, Christianorum classis, Gubernator admonitis Candienfibus de suppetiis ferendis, præfente animo defensionem urbis suscepit. Est ea posita ad mare, portu multarum navium capaci, ac præsidio nobilis. Istud quina propugnacula, & valla præacutis sudibus armata, & quaternæ turres validum omnino reddunt: illum saxea moles in mare usque procurrens a quibusvis injuriis tuetur. Præsidium adeo religiose custodiunt Turcæ, ut nemini Græcorum, qui mercandi studio frequentes eo confluunt, in præsidio noctem agere fas sit. Sole in occasum prono, omnes exteri in vasta suburbia compelluntur, quæ centum equites intentis vigiliis servant. Si Græcos excipias, Christianorum nulli jus civitatis conceditur. Sic illi Caneam suam adversus omne discrimen, legum, operumque firmitate muniverunt. Sed multo eam validiorem fecere duo Janicfarorum millia, & civium multitudo armis perinde, ac mercaturæ deditorum. Accedebat Gubernatoris in urbe defendenda provida sane, ac indefessa cura, quod partæ nuper gloriæ, novam adjicere arderet, non ignarus MAJORIS fieri sua fortiter armis tueri, quam aliena alterius perfidia occupare. Hujus jussu, oppidanis in præsidium acceptis, suburbia adeo miserabili incendio delentur, ut triduo debacchante flamma, omnia ædificia solo tenus deposita fuerint, frustra Venetis pervicax malum sopire conantibus, qui jam excensione facta certatim se oppido infuderunt.

Ab oppugnanda maritima mole consulto abstinuit Trautmansdorffius, tum multiplicium munimentorum nexu deterritus, tum quod exigua manu defendi posset, & ad summam rei parum proficeretur stante præsidio. Author itaque erat, ut istud in primis tormentorum vi peteretur, ea etiam de causa, quod terrestris oppugnatio ad excludenda auxilia commodior videretur, & simul hostium vires pluribus in locis distraherentur. Principio res feliciter cessit. Nam & sexcenti insulani Venetas partes amplexi, arma adversus Turcam induerunt, & primis statim diebus castellum in loco editiore positum a Venetis expugnatum est, & propugnaculum paulum a mænibus præsidii abjunctum, sed jam machinis fœde perfoßum, uno æstu hostibus ereptum. Tum quatuordecim partim muralia tormenta, partim ollæ ignariæ in præsidium directæ, non modicam stragem muris, hominibusque intulerunt. Hactenus prospere. Retimi Gubernator post aliquot dierum oppugnationem, mediocri instructus exercitu, haud procul a Venetorum castris confedit, nunc pabulatoribus, nunc stationariis infestus. Cum auxiliis aditus interclusos terra animadverteret, inter noctis tenebras maritimam oram petiit, elusisque celeritate cimbarum majoribus navigiis Venetorum, mari subsidium misit. Hoc successu lætus, postero die ordinata acie castris succedit, atque Venetis faciendo vallo intentis pugnam indicit. Isti raptim armis expeditis, signa in hostem movent nec numero, nec virtute parem. Fervente pugna centum circiter Galli ad Turcas deficiunt, versisque subito telis in socios terrorem simul, ac cædem spargunt. Actum erat de Venetis, nisi Melitenfes ferocia Gallorum repressa, copiam respirandi turbatis fecissent. Neque tamen certamen instaurari potuit omnium animis, transfugarum flagitio nimium concussis, & plurium fortassis transfugium metuentibus. Nec Turcis fuit animus castra, nondum satis munita, inva-

A. C. invadendi, five Melitenſium virtute abſterriri, five de Gallorum fide du-
1692. bitarint.

Trautmansdorffius, qui corpore, animoque æger, pugnae non intererat, audito infelicis prælii eventu, in militari Senatu decernit ſolvendam in præſentia obſidionem. Eadem ſententia omnium Ducum fuit, quod extincta animorum alacritate, vix ad opus compelli poſſent milites, timendumque foret, ne auctis Turcarum copiis, ipſi terra, & mari obſeſſi aut fame, aut ferro cadant. Receptus adeo ſcite e militari diſciplina eſt factus, ut tum primum Turcæ ſenſerint obſidium ſolutum, dum claſſem in altum ferri conſpexere. Inito copiarum numero, repertum eſt, ter mille gregarios, ſex Nobiles Venetos, duos Melitenſes Equites, ac primi nominis Præfectum Sanctopolium deſideratos. Bis mille Græci, qui deſerta Creta in Peloponneſum conceſſerunt, hanc cladem utcunque compenſaſſe ſunt viſi. Ad promontorium Maleæ diviſa claſſe, Pontificii in Italiam, Melitenſes ſuam in inſulam ſolverunt. Veneti Epidaurum proſecti, in medio curſu viginti naves Turcarum obviam habuere. Illico Mocenicus obverſis in hoſtem navigiis, magno animo prælium capeſſit. Certatum eſt utrinque ardentius, quam perſeſerantius. Nam Turcæ incumbentiſus tenebris, velis, remisque Chium petierunt, victoribus, quam victis propiores, quod claſſem integram ex illo ardente nimbo eripuerint; & Veneti feſtinantes in Peloponneſum, quam Seraskerius invaſerat, contentique hoſtium fuga, navigationem continuarunt.

Dum hæc varia fortuna in Creta, & mari aguntur, Seraskerius ſuperatis Corinthi anguſtiis, in Peloponneſum irrupit cum quinque millibus armatorum. Veneti, quos ad deſenſionem provinciæ reliſtos memini, juxta Corinthum in hoſtem progreſſi, æquato certamine in caſtra redierunt. Sed cum Seraskerio promptum eſſet novas copias per anguſtias accereſcere, atque in ſingulos dies augere ſuum militem, Veneti collectis vaſis Corinthum ſe recepere, quorum veſtigia inſecutus hoſtis, vaſtis ſuburbis ignem immiſit. Tum ad populationem verſus in oppida deſcendiit. Appulſa claſſe Venetorum, per eaſdem anguſtias ſemet celerrime eſcit, ac feſtinatis itineribus per Achajam, Naupaſtum obſidione cingit, falſo rumore deceptus, eam urbem a milite, annona male inſtructam. Sub medium Octobris, in ora Achajæ locatis caſtris, initium fecit verberandi muros. Franciſcus Tiepolius loci Gubernator, vir militiæ impiger, atque inprimis audens, inopinata aggreſſione minime turbatus, deſenſionem ſtrenue paravit, compoſitiſque literis ad Mocenicum petiit, ut motis Epidauro copiis, ſuppétias e longinquo oſtentet, diſceſſuros proſecto barbaros ad famam tanti Imperatoris. Sed Vendraminius Peloponneſi Præfectus Mocenicum antevertit. Is in Achajam expoſitis quater mille pugnatoribus, recta ad Turcarum caſtra proſectus, peditatum tanta celeritate invadit, ut prius eum fuderit, quam Spahii equos ſuos frænare poſſent. Hos quoque fulminantia e navigiis tormenta, ſociorum fuga conſternatos, toto campo propellunt. Tiepolius eodem tempore erumpens terrorem, & cædem geminat. Mille Turcarum caſi feruntur, inter quos aliquot Nobiles; ſupellex caſtrenſis omnis intercepta. Ex hac victoria mirum videtur quantum & nominis amplitudo, & Venetis imperii limites accreverint. Siquidem nimio inde metu concuſſis late per provinciam oppidis, ac vultis eorum deditionem properantibus, ab omni propemodum Achaja tributum pendi coeptum eſt victoribus. Sic uno felici prælio detrimenta, hac æſtate accepta, fortuna melior reſarſit. Veneti in Peloponneſo, Seraskerius apud Athenas hyemem tranſegere, mutuis incurſionibus iram, prædandique cupidinem acuentes. A) Nunc res Polonicæ commemorandæ.

Horta-

A) Hæc admodum diſcuſe narrat Petrus Garzonius P. I. Lib. X. cujus hiſtoria Italo ſermone conſcripta ſerius, atque petieram, Venetiis mihi tranſmiſſa eſt.

Hortatus est hoc anno A) Cæsar Leopoldus Joannem Regem Polo-A. C: niæ, ut pro ea, qua inter Principes Europæos emineret, armorum gloria, 1692. proque vetere amplificandæ sinceræ religionis studio, rursus se ad expeditionem accingat, qua & privatas regni sui, & publicas Christiani nominis injurias ultum eat. Addidit præterea, ne cunctaretur significare, quibus viribus? quoque loco, & tempore in hostem acturus sit? ut Cæsarei Duces sive in Dacia, sive Hungaria, belli consilia ad communem Confœderatorum utilitatem accuratius referre possint. Rex cohortatione Cæsaris incitatus, tanto acriore studio in apparandum bellum incubuit, quanto ferocius per eosdem dies Tartari Poloniæ provincias evastarunt. Imperatum oppidanis, ut cum pecoribus, omnique supellectili in interiora regni, aut firma præsidia securitatis causa tantisper demigrent, dum armatæ legiones volaticum hostem proturbent. Sed non hyems modo, verum & æstatis pars maxima abiit, antequam castra fierent. Lente admodum coeuntibus copiis, Gallewzkus equitum Præfectus, cum bis mille quingentis in hosticum provectus, provinciam Budziaci ingenti clade affecit. Oppida non vallo, non muris cincta, funditus exussit, unaque hac procurfione tot annorum populationes Poloniæ illatas, satis, superque vindicasse est visus, dum eam regionem prope in solitudinem vertit, trucidatis multis mortalium, pecorumque millibus. Superioribus annis persæpe Poloni eandem expeditionem suscipere; at in sterilibus campis iusto exercitui annonæ copia nunquam suppetebat. Unde factum, ut florentissimis copiis prius fame, quam hoste victis, e longinqua peregrinatione, & nondum visa hostili terra, redeundum fuerit.

Augusti mensis initio nondum Lithuanie miles in castris aderat. Ne otiose reliquum æstatis fluere, equitatus Poloniæ Ductore Czesnikio Camenecum procurrit, messem illius urbis corrupturus. In itinere acre certamen commissum est inter hos, & Tartaros, qui nuper annonarios cursus intulerunt præsidio, & more suo Leopolditanum Palatinatum divexarunt. Ex quo Poloni in hostes ferocius incumbentes, cæsis eorum multis, & abductis plurimis, reliquis fufis, fugatisque plena victoria potiuntur. Hujus non exigua pars Krakovszkio debebatur, qui cum suo milite latus unum Tartarorum primus infregit, profligavitque. Interea Rex Jacobo, & Alexandro Regis Principibus, & longo agmine Nobilium comitatus, in castra venit. Expectandis copiis fessus, posteaquam intellexit, Lithuanos in propinquo jam esse, in consultatione bellica deliberari voluit, quo potissimum vis armorum vertenda. Plerique Senatorum cum Rege existimarunt, partem exercitus ad claudendum Camenecum illico ducendam, partem vero per apertas regni provincias ita distribuendam, ut irrupturis Tartaris in tempore possint occurrere, crebroque omni clade vastata oppida ab incendiis, populationibus vindicare. Et aderant apparatus bellici, annona, copiarum designatarum expeditioni pares, ut adeo multorum opinio fuerit, raro alias tam numerosum, atque rebus omnibus instructum exercitum in Polonia visum. Sexta decima Augusti destinatarum legiones Camenecum versus promotæ, Regis mandato subito revocantur. Causa mutati consilii non una fuit. Relatum ab exploratoribus, Principes Valachiae, & Moldaviae ad primum rumorem obsessi Cameneci, advoluturos cum suorum, Turcarumque prævalida manu; Galgam Tartarorum Chamum jam Tyram amnem transgressum; Mazeppam Cosaccorum Ducem a Genero suo armis laceratum; omnia ad Borysthenem civili bello ardere, Tartariae Regulis flammam, viresque aggerentibus; Moschum, nescio quid, in Poloniam moliri. His rumoribus fides continuo habita.

Dum in castris consultando moras nectunt Senatores, Augustus mensis effluxit. Secuti subinde adeo copiosi imbres, ut ægerrime miles

Imp. Ottom. Tom. II.

U u

gressum

A) Data sunt literæ nomine Leopoldi Cæsaris ad Joannem Regem anno 1692. die vicesima Febr.

A. C. gressum moliretur, nec, si maxime vellet, Cameneco posset succedere. 1692. Sed nihil æque, ac prorumpentes pluvio cælo morbi Polonorum animos fregerunt, ut jam magis hyberna, quam pugnam, aut obsidium cogitarent. In hoc deterrimo statu castra reperit Tartariæ Orator, quem Galga pacis petendæ causa ad Regem legavit. Is dato Senatu ajebat: *Achmetem imperatorem præ ingenti pacis desiderio, ne a damnosis quidem conditionibus Ottomanico Imperio, alienum esse, modo Rex a Confœderatis Principibus discessionem faciat. Camenecum, & quidquid in Ukraina obtinerent Turcæ, bona fide redditurum, ut primum induciæ promulgatæ fuerint.* Has adeo quæstuosas, adeo honestas condiciones, quas ne felicissimo bello ferre potuissent Poloni, non pauci Senatorum accipiendas censabant, quibus scilicet utile præ honesto erat. At Rex cum meliori parte, memor datæ dexteræ, præcisè negavit, sibi fas esse sigillatim, ac incisiis Confœderatis de pace tractare; minus desertis in alto fociis, portum petere. Nisi Cæsar, Veneti in eandem sententiam conspirent, frustra quæri pacem in Polonia. Dimisso Oratore, exercitus in hyberna autumno frigidiore reducti sunt. A) Hic cursus rerum in Polonia erat.

1693. Principium anni supra nonagesimum tertii Ottomanis minax, exitus lætus fuit; contra Cæsari gravis, universo fœderi infaustus totus decurrit nostro potissimum vitio. Mense Januario Mahometes IV. ante sexennium B) imperio, & libertate exutus Adrianopoli decessit. Veneno sublatum plerique crediderunt. Mustaphas paternæ calamitatis socius, ac rerum aliquando C) potiturus, melioribus fatis debuit, quod grassatorum manus vitarit. Mortem Mahometis apertæ militum seditiões, & ingens aulæ Byzantinæ jactatio excepere, quarum causa ærarii Præfectus extitit dilatis sine fine stipendiis. Eubœæ insulam veteranæ Janicfarorum legiones tenuerunt, ac nuper fortiter defensa Chalcide nimium elatæ, multo ferocius, quam antea, pecuniam, & cibaria (nam & horum penuriam sentire cœperant, Venetis terra, & mari annonæ subvectionem prohibentibus) a suis Præfectis certatim poposcerunt. Isti dum necessitati militum partim languide prospicerent, partim nihil æris haberent, quod in concitatos spargi posset, seditionem aluerunt, maturaruntque in caput suum. Præfidiarii enim minas suas contemni rati, arma furiose corripiunt, factoque impetu in Præfectos, plerosque confodiunt: tum primarii incentores tumultus Chalcide se proripiunt. Ejusmodi turbas in aliis quoque præfidiis enatas per Celeres nunciabant provinciarum moderatores Adrianopolim, admonebantque trepidi Achmetem, ut malo huic in tempore medelam ferat, ne in publicam, irrevocabilemque perniciem erumpat. Culpa in ærarii curatorem, ejusque ministros conjecta, miseros una perdidit. Omnes domi suæ a satellitibus præfocati, interversæ pecuniæ pœnas luerunt. Opes in publicum redactæ, præsentissimum remedium erant ad sedandos tumultus.

Mitius actum cum Alyo Vezirio, qui ærarii Præfectum solícite complexus, illius causam tuebatur ardentius, quam par erat. Mustaphæ Caimacanis artibus multum gratiæ amiserat apud Imperatorem, dubioque gradu stans non ea moderatione est usus, siue in dividendis aulæ muniis, siue domi, forisque negotiis tractandis, ut pristinum, quo ignarus exciderat, locum gratiæ occuparet. Tacitam hanc averfationem, defensio ærarii Præfecti, cujus uti familiæ, ita & culpæ affinis ferebatur, nova offensione adeo auxit, ut dignitate motum morti addiderit. Caimacanes, ficta utique pietate, perditio vitam exoravit. Accitum in palatium in hunc modum allocutus dicitur Imperator: *Ecquis mortalium tibi opem ferat, si ob neglectum, perfideque administratum munus sententiam capitis in te tulero?* Hæc elocutus hominem onerari catenis jubet, ac in carceres detrudi; Janicfarorum Aga eadem ruina oppressus, in ignobili otio vitam duxit. Hic finis erat vix unius

A) Lengnichius hujus anni expeditionem præter morem suum jejune prosecutus est; quæ hic commemoravi, e Porta Ottomanica collegi. B) Vide annum 1687. pag. 250. C) Nempe anno 1695.

unius anni spatio definiti regni Alij Vezirii; ut vel inde agnoscas: eo FACI-A. C. LIUS quemque præcipitem dari posse, quo altiore gradum in lubrica aula 1693. tenet. Pro exauthorato Alyo copiarum Imperator Mustaphas sufficitur. Caimacanis locum Adrianopoli Osmanes; Agæ dignitatem quadraginta stipendiorum veteranus miles obtinuit.

Duumvirum mutatio pro magnæ tempestatis, magnæ in aula, & Imperio conversionis omine certissimo, ab exteris, ac domesticis accepta est. Et vero tametsi istorum casum neminem unum e turba clientum affligerit, ingens tamen animorum mutatio sequebatur, non jam pacem, sed bellum prosequi flagrantissime cupientium. Duæ res præcipue incitamento erant: nimirum anxia illa Angli, Hollandique Oratorum in conficienda pace sollicitudo, & non exiguus militarium machinatorum numerus, qui seu avaritia impellente, seu odio in Cæsareos Adrianopolim convolans, fidam pollicebatur operam in excitandis, defendendis, & oppugnandis præsidis. Pagetus Angliæ orator libellum Vezirio, ac Imperatori obtulit Regis sui nomine, quo perpaucis significavit: Cæsarem, Venetosque a pace minime alienos, modo, quæ hoc bello acceperet, in perpetua jura, potestatemque eorum transeant; Polonos pariter ab armis discessuros, si Camenecum restitueretur, aut radatur. Limites regionum sine multis ambagibus definitum iri, si perinde Ottomanis desiderio pacis teneantur. Dicitur non potest, quantopere Byzantinorum ambitio exarserit, cum alios, atque alios Oratores suppliciter apud se agentes conspicerent; pro debilitatis confessione haud dubie interpretati, quod ante annos non multos pacem recularint Confederati, in præsentia precibus, auro mercari eandem adlaborent. Qui in emendanda pace, agebant, adeo defudant, profecto victi sunt. Pagetus Divani sententiam præstolari iussus, facile animadvertit, id unum agi a superbis, suæque qualicunque fortuna ebriis, ne unquam ad negotium pacificationis accederetur. Postquam in Divano decretum, arma retinenda adversus Cæsarem, Polonos, & Venetos, Anglus domi suæ semet continuit. At Hemscherk dum nullum libellorum finem facit, ac avidissimos belli, ad pacem inclinare importunus contendit, in custodiam est datus, ægre demum impetrata libertate. Hæc historia A) Magni Leopoldi. Porta Ottomanica hoc infortunio Hemscherkium absolvit, quin imo admodum gratum fuisse Purpuratis, & partes prudentis Legati ad unguem implevisse eadem Porta meminit, & ego suo loco narrabo. B)

In Asia oborta pestilentia, & Arabum seditio, armorum æstus paululum temperavit. Syria eo malo correpta cumulari quotidie vidit funera. In una Hierapoleos urbe triginta hominum millia extincta, Scriptores meminere. Malum late diffusum Arabum tumultus aluit; neque enim copiarum metu serpentium morborum ex Europa, ac minori Asia eo traduci potuerunt, ubi Emir rebellium Dux armorum sedem fixerat. In Amasia quoque Sebastopoleos Gubernator hostilia incepit. Præmissus cum delecta manu Adrianopoli unus e primariis Basilis, ut inconditam multitudinem disjiciat, cum plerisque suorum in acie cecidit. Victores corrasis spoliis per Amasiam, veluti confecto bello, nihil ultra tentarunt; isque Amasiaci tumultus finis erat. At in Arabia tanto major moles excrevit, quanto Dux rebellium clarior, & comprimendi procul præsidium. Emir iste ad Mahometem Prophetam referebat genus suum; præfatusque multa de conditore Imperii Ottomanici in conventu oppidanorum, narrabat: *Majores suos nimia potentia Byzantinorum Principum oppressos, amplissimam hæreditatem vi armorum sibi, suisque ereptam, Arabibus veteri gloria, & imperio ablato vilissimam servitutem relictam. Fieri singulis annis delectus Arabum, ut hi dimicent, Byzantini vincant, & victoriæ commodis soli potiantur. Si viri essent, pro recuperanda gloria, libertate, & imperio arma induerent. Non magis afflictam rem Byzantinam fuisse, atque his annis; posse Arabiam,*

Imp. Ottom. Tom. II.

U u 2

Egy-

A) Tom. II. Lib. XII. pag. 231. edit. August. Vindel. 1731. B) Ad annum 1699. fere in principio.

A. C. *Egyptum, Syriam, & si placet, Euphratis provincias occupari celerius, quam bellum exortum intelligatur.*

Apud imperitum vulgus, turbidosque gratis auribus accepta est Emir's oratio. Multi agrestium ad celebritatem nominis, spemque melioris fortunæ erecti, multi rerum novarum cupidine, & præsentium odio inducti, arma sumpserunt, ii potissimum, qui nuper Persiæ Legatos violarunt. Emir, ne ardor concitatæ multitudinis languesceret, confestim Arabiam torrentis instar pervadit, pronisque in deditionem oppidis, sine incendiis, sine cæde popularium, omnem suæ potestatis facit; Syriam, Egyptum terrore populationis in metum conjicit. Mesopotamiæ Prætor huic tempestatì proximus, cum Byzantio nullas suppetias sperare posset, suis copiis, Arabum inconditam, ac militaris disciplinæ, ut putabat, impetitam multitudinem opprimere festinavit. Ad Euphratem metatus cum quindecim armatorum millibus, sua paucitate Emirem quadraginta, & amplius Arabum millibus accinctum, facile eo pertraxit. Dum hic vernis diebus mutuo in conspectu assident, neutra parte universis viribus decernere cupiente, Euphrates aquis nimium inflatus, pugnandi occasionem dedit, victoriamque ad Arabes transtulit. Namque fluvius sive ripis suis superflusus, sive ab Emire perfossis aggeribus apertus, tanta alluvione castra Turcarum contexit, ut sex millia hominum depresso in campo deprehensi, cum omnibus jumentis miserabili strage hausta fuerint. Reliqui in vicinos tumulos eluctati, ubi sociorum cladem viderunt, stupore, torporeque capti, ab instante Emire levi impendio Bagdatum repelluntur, multis in fugæ caësis, captisque.

Hæc Adrianopolim nunciata, & ut mos famæ, in majus credita, Achmetem Imp. sollicitum habuerunt, ne Asiaticæ provinciæ extero bello fessæ, Emiri sese adjungant, & perniciofa factione Turciæ vires ex æquo scindant. Sed non post multo omnis sollicitudo abcessit, Arabibus, ut sunt levissimi animi, ad obsequium redeuntibus. Quid Emire factum? Scriptores haud meminerunt. Jam etsi res Asiæ turbidæ essent, atque ad civile bellum inclinatæ, tamen neglectis Asiæ turbis, ad expeditionem Hungaricam, Vezirii, & Purpuratorum industria apparatus fiebat. Danubiana classe, quam Mezzomortes, Algerii olim Regulus, gubernavit, multum annonæ, & telorum advectum est Belgradum. Miles Alianis turbis implicitus, non perinde, atque aliis annis, ad signa convenit. Quinquaginta millia mense Junio Mustaphas Vezirius e castris Adrianopolitanis in Transylvaniam movit; his viginti Tartarorum millia Chamus Galga conjunxit, a Vezirio nobilissima veste, ac framea auro, gemmisque gravi in itinere donatus, ut processionem acceleret. Portæ Ottomanicæ Scriptor non dubitavit prodere: Tartarorum Hordis quadraginta, singulis Chami filiis dena millia aureorum nummum ex ærario Imperatoris veluti donativum, ut primum castra intrarunt, numerata. Equidem plura transcribo, quam credo. Nam nec affirmare sustineo, de quibus ambigo, nec subducere, quæ reperio apud Scriptores illius ætatis. Cæterum Vezirius Belgradum recta petere apud se constituit, ac e munitis castris in utramque ripam populationem inferre. Non probarunt consilium Chamus, & Tòkòlius; ille amplioribus spoliis, hic Transylvaniæ Principatui iterum imminens. Posteaquam enim Brankovajo Valachorum Principe non sine suspitione veneni mortuo, frustra ejus locum petisset ab Achmete Tòkòlius, propterea quod Valachi filium Brankovaji in Principem legissent, & Imperator nollet ea dignitate live hominis non minus perfidi, quam ambitiosi spiritus augere, sive gentem pacis, bellique consiliis Turcarum innexam a se abalienare, amissa ipe Valachiæ, ad Transylvaniam oculos, animumque conjecit. Horum itaque svasione expeditio in Transylvaniam suscepta est, & jam per Valachiam exercitus progressus, tribus duntaxat leucis a Coronæ A) angustiiis aberat, cum intellecta Belgradi obsidione, iter ad Danubium relegendum fuit.

Ex.

A) Corona, Hungaris Brassovia, totius Transylvaniæ nobilissimum emporium.

Expugnatis mense Martio Jenea, & Vilagos-Varia per Cæsareos. A. G. 1693.
 Heislerus A) supremi, ut vocant, Commissarii officio admotus, infinita quidem industria, ac fide agebat, ut in novam expeditionem omnia procurata haberet ad principium Maji; verum per inopiam pecuniæ, adeo lente necessaria convehantur, ut mensibus duobus serius castra ad Illokium fingerentur, eaque de causa corrupta expeditione, cladem, & dedecus reportaret miles. Dux Croyus copiarum in Hungaria Imperator, qua ratione bellum administret, probe instructus a Cæsare, vicefima Julii Petro-Varadinum advenit, lustratoque exercitu, reperit completas legiones Cæsareas tres, & triginta; nempe equestres septemdecim, pedestres una pauciores. Bavari, Borussi, Dani, Luneburgici in itinere erant. Præter onerarias, saicas multiplices, & quinque naves bellicas totidem adfuturas spondit Asseburgus Marchionis Fleurii successor. Classis tamen Turcarum multis partibus superior erat, seu numero navigiorum, seu robore. Commeatus omnis generis Heisleri cura convecti, res tormentaria ad Budam, Eszekinum navibus imposita signum expectabat.

Cum nullus hostium exercitus pro Belgrado excubaret, Ducum sententia celeberrimæ urbis oppugnatio decernitur. Pluvio cælo, ac omnia obtinentibus aquis, difficili sane sex dierum profectio ad Savum perventum est. Confestim sternendo ponti fabrorum manipulus initium dedit. Opus tanto celerius absolutum stetit, quanto liberior adversa ripa ab omni hoste. Nondum ponte contrato, primus Staremburgius quinque signa peditum cimbis transvexit, excisisque arbutis stationem tumultuario opere pro viribus communiit. Ne forte barbari cohortem opprimerent, viginti tormenta jussu Croji secundum fluminis ripam locata sunt, quibus pons quoque defendebatur, longe submotis, aut perforatis hostium navigiis, quæ ad pontis molitionem inturbandam immittebantur. Traducto exercitu, fuga ex urbe, agrisque arrepta est. Multi a leviori equitatu infra Belgradum, atque Danubii ripam ante occupati sunt, quam naves conscenderent. E Zingarorum insula pulso hostili præsidio, pons eo devectus est, ad commeatus præstandos multo commodior. Capto circum urbem castrorum loco, aggeribusque aperiri, ac Savum inter, & Aquarium oppidum duci cœptis, cinctum obsidione Belgradum videri poterat, si partem urbis Danubio affidentem classicula nostra accedere potuisset. Sed enim Mezzomortes ad Szalankemenum in anchoris stabat, dum tormentorum fragoribus submovebatur. Neque tamen deinceps Asseburgus tantum sive virium, sive animi fuit, ut auderet flumen inimicis navigiis late stratum, suam in potestatem redigere, aut ei urbis parti vim propius admoveere. Unde Ottomani liberam navigationem nacti, Belgrado & annonam, & militem, quantum necesse erat, toto obsidionis tempore inferre potuerunt.

Unica aggressione instituta, erectoque duodecim muralium tormentorum suggestu nocturnis horis, ac collocatis quinque mortariis huic suggestui proximis, præsidium interim quati voluit Dux Croyus, nondum videlicet appulso ampliore apparatu bellico. Quarta decima Augusti nocte ingruente, bis mille Janicari partim ex urbe, partim e navigiis erumpentes, tanta ferocia stationarios (compositi hi erant e Cæsareis, & auxiliaribus) operasque invaserunt, ut primo impetu trecentis admodum contrucidatis, cæteris subito metu turpiter fugatis, in vicina Cæsareorum castra terrorem extenderint. Ad sistendam suorum fugam advolant primarii quique Duces, Croyus, Heislerus, Staremburgius, repressoque militum terrore, difficili pugna in præsidium rejiciunt Belgradenses. Ad emulationem accendendam, ac evitandas tricas, quæ facile nascuntur inter milites diversæ nationis, seu res feliciter, seu infeliciter agatur, visum est Ducibus, ita partiri obsidionis munia, binis diebus ut Cæsarei opera tuerentur, Borussi deinde, & Luneburgici singulis, utrisque tamen ob paucitatem mille Cæsarei adderentur.

U u 3

Hujus

A) Alii Heislerum, alii Siebertum Heisterum huic expeditioni præfuisse scribunt. Similitudo nominum Historicos etiam alibi diversas in sententias trahit.

A. C. Hujus partitionis fructus post triduum constitit, cæsa erumpentium manu, 1693. Palfii ductu. Sed animadvertit Croyus frustra urbem a terra obsideri, cui commeatus, & subsidium per annum pateat. Ad obtinendum igitur Danubium summam curarum vertit, multum deliberans cum aquarum, locorumque peritis. Ad Savi confluentem ædificatis terreis castellis, hostilem classem grandioribus machinis impeti jussit; nullum tamen operæ pretium tulit, quod Ottomanis e duabus insulis Danubianis, tantam vim ignium diebus, noctibusque in nostra castella dejecerint, ut stationarii inde deducendi fuerint. Nec in altera ripa res felicius cessit. Juxta Donaviczam validum situ, ac munitione castellum infederant hostes, quo nisi depellerentur, nec Danubius frænari potuit, nec subsidium e tractu Temesienli excludi. Heislerus locum occupare jussus cum sex dimacharum legionibus, tormentis totidem, duabus cohortibus, ad Semlinum trajecto Istro, æstimatisque paludibus, quæ munimentum innatat, illico gradum retulit omissis in receptu triginta viris. Perstitit nihilominus in eadem ripa, duabus equitum legionibus auctior.

His elusis conatibus spes claudendi Danubium in classe erat. Sed negavit Asseburgus, vel superiorem Danubii partem liberam se præstare posse, quamdiu insulis potirentur Turcæ, hostilem vero classem rebus omnibus instructiorem, tot insuper terreis propugnaculis defensam, invadere, maximæ temeritatis fore, & tametsi victa retrocederet, vastas tamen, & ictuum capaces bellicas, ultra Belgradum sine certa clade deferri non posse ante mænia, A) cæcis ictibus perforandas, quamvis beneficio noctis immanes illæ machinæ agerentur. Perdita vero una, alterave, annonarias naves cum omni apparatu nautico perditum iri. Has inter consultationes, & Danubium frænandi difficultates haud levi detrimento affecta est classis. Hærebant in anchoris quinque bellicæ ad Semlinum. Harum una intempesta nocte vi ventorum abrepta, prono alveo Belgradum versus ferebatur. Lucas Groatius navarchus & metu hostium, quorum in stationem se delatum imprudenter putabat, & magnitudine tempestatis victus, ne vivus cum suis in manus eorum veniret, aut fluctibus mergeretur, in lembum delitit cum omni nautarum grege, bellicamque duobus, & viginti tormentis, ac cætero apparatu ornatam, injectis facibus demens comburit. Mezzomortes incendium istud, veluti e Danubio repente natum, in se minaciter invehi conspicatus, solutis anchoris pugnam operiebatur, non ausus explorare, quid sibi vellet hoc flammæ ludibrium. Inter metum, & curas nocte transacta, dies utriusque errorem detexit. Nam & Groatius se longe Belgrado abfuisse cognovit, & Mezzomortes non ad inferendam, sed evitandam majorem perniciem, incendium excitatum navarchi temeritate didicit. Ambustum multis partibus navigium, Turcæ remulco ad ripam traxere, tanto classiariorum applausu, veluti universam classem victam, captamque in triumphum duci viderent.

Et reapse hoc detrimento accepto, ad modum victæ Semlini in anchoris perpetuo stetit, prælii vitabunda. Croyus spe sua dejectus, terrestri oppugnationi acrius institit. Post moram unius mensis, bellica penultima tandem advecta, duo & viginti tormenta principi suggestui imposita, muros non modica ruina straverunt. At præfidiarii Danubii navigatione freti, & Vezirii adventu alacres, non impensis, non sanguini pepercere, quo hostem arcerent. E læso propugnaculo multos clari nominis Præfectos, collineatis ictibus tormentorum, sclopetorumque neci dederunt. Marchio Monroyeus, ad latus Ducis Croji majori pileo discerptus, subito expiravit; Ducis pileo minore glande eodem tempore perfoßo. Keyßersfeldius bellicorum operum peritissimus paulo post cecidit, ingenti sane exercitus dolore. Comes Archintus caput trajectus, inter medentium manus in castris decessit. Multo major fossorum, & gregariorum strages quotidie est edita.

Morbi

A) Vasta navigia nondum per Danubii brachium, vulgo Donaviczam, infra Belgradum agi poterunt infinita Mersii cura id primum est præstitum anno 1717. ut suo loco dicturus sum.

Morbi insuper profeminati calidiore æstate, plerisque tyronum, Hungarici A. C. cœli malis nondum assuetis, infestissimi erant, ut adeo appropinquante Ve- 1693.
zirio, peditum, equitumque legiones ad defensionem castrorum intra val-
lum acceptæ fuerint, mille duntaxat, & quingentis Hussaris Kyba Ductore,
ad custodiam Savi relictis. Non longe aberat a Transylvania Vezirius, ut
ajebam, cum audito Belgradi periculo ex nuncio, qui obsessæ urbis testis ac-
currerat festinatus a Governatore, hæsit parumper deliberabundus cum belli
consultoribus, cœptumne iter prosequeretur, an vero Belgradum moveret?
libratisque utrinque momentis, e re fore existimatum est, si dilata in præ-
sens expeditione Dacica, memorabili itinere obsessis sociis auxilio veniat, &
urbem, Imperii propugnaculum, qualicunque discrimini eripiat. Addidit
Vezirius; se quidem nihil magnopere urbi timere, Danubio, mænibus,
fossa, & robore virorum (duodena millia peditum erant) perquam egregie
communitæ, fortuito tamen belli firmissimas urbes in triumphum quando-
que abreptas, eaque præsidia capta, quæ ab hostium aggressionem tutissima
censebantur. Igitur præmissis Tartarorum copiis Vidinum A) versus, ipse
cum omni exercitu consequitur, transgressusque Danubium, justis profectio-
nibus Belgradum contendit.

Veteranius, qui Transylvaniæ claustra custodiis militum, ac castel-
lis sepserat, ubi vidit tempestatem, cædibus, incendiis gravidam a Transyl-
vaniæ jugulo averfam, in oblidentes Belgradum non lentis passibus moveri,
quod unum licuit, per celeres nuncios Croyum commonefecit. Et jam ipsi
præsidarii, classicique indicia venientis Vezirii dederunt, quando isti navi-
gia nostra oppugnatum venire, illi longe acrius, ac nuper, opera incursa-
runt. Utrunque æquo Marte discessum est. Croyus auctis in dies difficul-
tatibus nihil satius acturus erat, quam si soluta obsidione imminutas legio-
nes trans Savum deportaret. Sed placuit Ducibus assultu tumultuario de
sua, Belgradique fortuna periculum capere, antequam castra referrent.
Die septima Septembris octo millia ex omni exercitu delecta armatorum,
signum invasionis expectabant. Guidobaldus Staremburgius dextrum, Sei-
belsdorffius sinistrum latus, auxiliares suis sub Ductoribus, frontem dejecti
propugnaculi assilire sunt jussi. Una ante solis occasum hora, signum assi-
liendi acceperunt; verum quia tunc primum apparatus oppugnationi neces-
sarii comportabantur, in alteram noctis horam res protrahitur.

Nox luna, & syderibus illustris, ipso assultus principio omnia repen-
te tenebris involvit. Unde factum, ut quadringenti pyrobolarii multo
aberrantes, munitissimam partem aggressi fuerint, quam nempe triplex su-
dium ordo, & conferti Janicfari defensabant. Hi picea ferta, pyrobolos,
innumeras glandes in temere subeuntes dejiciunt, Seibelsdorffium agminis
Ductorem inter primos sternunt. Mox eruptione facta porie cornutum
opus, Ducis casu, & ignoratione loci perculsos ferocissime urgent. Per-
stiteret tamen in cruenta arena ad centum quinquaginta redacti, dum Marfi-
glius duo signa peditum adduceret. Nihil tamen profectum, nam & ipse
pila percussus locum illico deseruit, & adducti pedites nulla munitione tecti,
& globorum ictibus undique expositi, magis admirationi hostibus, quam so-
ciis adjumento fuere; plerique certo impune trucidati. In medio quoque
& dextro latere suam virtutem frustra insumpserunt aggressores, tantoque
plures telis propugnantium oppressi sunt, quanto ardentius, inconsultius-
que per tenebras proVecti munimentis successerunt. Turcæ enim jactis in
fossam Græcis ignibus, accensisque malleolis noctem submoverunt, & con-
spicuos Christianorum ordines, & si quis audacia, aut insignibus effulgens,
ad istum destinarent. Iniquissima pugna compulit tandem Staremburgium,
ut receptui signum daret. Hoc nocturno certamine e Cæsareis perierunt
sexcenti, e Borussis ducenti cum Tribuno Blankenseo, quatuor Centurio-
nibus, Pro-Centurionibus quinque, signiferis tribus; B) multo plures vul-
nerati,

A) Non igitur Transylvania ferro, & igne vastata hoc anno, ut vult Chronicon Hung. pag. 38.

B) Porta Ottom.

A. C. nerati, postea extincti. Improspere oppugnationis eventu dejecti Duces, 1693. & jam Tartaris circumvolitantibus, postridie vasa colligere militem iusserunt. Receptus adeo sapienter institutus est, ut ne vir quidem amissus fuerit. Exusto Savi ponte Tartari, & Spahii tranato fluvio lacessiverunt postremos, at sine lucro. Classis eodem tempore adverso Danubio operose se moliens exercitus iter tardavit. Sic lentis profectioibus in hyberna discessum.

Vicesima Septembris Mustaphas Vezirius Belgradum ingressus est cum Chamo Tartarorum, solutis circum mœnia omnibus tormentis. Colaudato Gubernatore militares Præfectos largiter remuneratus, in Sclavoniam, & Hungariam prædabunda agmina immittit. In alteram Danubii ripam duodecim Tartarorum millia ad Tibisci oram vastandam festinat, tum quater mille partim equites, partim pedites, qui Gyulæ prætidio annam inferrent. His per exploratores cognitis, Comes Hoffkirchius, & Bollandus cum bis mille Hussaris, & octo legionibus Germanicis, ad servandum Tibiscum, & commeatus excludendos celerrime feruntur. Ad Martanosiam Palankam affecti Turcas (quatuor millia erant) camelos re cibaria onustos Gyulam trahentes, vix armis expeditis intra vallum compellunt. Eques in pedes desiliens, fossam illico superat, hostibusque qua cæsis, qua fugatis locum obtinet cum bis mille quingentis camelis, & equis, omni que commeatu. At Tartarorum agmen solita pernecitate Tibisci agrum percurfans, prope Döbröczinum sedecim oppidis exustis, duo millia captivorum Belgradum abripuit, frustra insequente Hoffkirchio, quem eodem autumno Döbröczini mors oppressit. Vezirius Belgrado conservato illustrior, solutis castris Adrianopolim migravit.

In Croatia minutis præliis, populationibus res acta est. C. Nicolaus Erdödus Illyrici Banus ineunte anno e vita decedens A) dignitatem, & militarem gloriam, qua florebat, C. Adamo Battyanio reliquit. Hic cum Croatarum legione ad Unnam fluvium profectus, eam regionem adversus hostium procursiones ingenti commodo agrestium curavit. Mense Septembri Belgradum evocatus illarum partium Turcicus miles, campum aperuit Croatis in inermem regionem tectorum incendiis, pecorum abactu, multa cæde mortalium grassandi. Tenebant Turcæ in limitibus Bosniæ, satis munitum locum Maydanium, proferendis populationibus mire opportunum, quo etiam rapinas condebant, si quas e finitimis oppidis sæpenumero spoliatis decerpere poterant. Hanc spinam omni ope Croatiae evellendam existimavit Battyanus. Contractum militem tanta celeritate castello admove, ut primos statim cancellos fossæ præstructos, pulsus inde prælidiariis, occupaverit. Eodem ardore in ipsum castellum irrumpit miles, memorque tot funestiarum populationum, quibus ager Croatiae perpetuo divexabatur a prælidiariis huius loci, laxato iræ, furorique fræno in omnes promiscue desievit. Non fœminis, non pueris ferrum pepercit. Quingenta, & amplius funera intra castelli angustias sunt censa. Post patratam cædem rediit cupido spoliolum. Nobiliores matronæ ad evitandam communem stragem, in subterraneas cellas illapsæ cum opibus suis in prædam venerunt, nonnisi multo auro libertatem recuperaturæ. Egestis spoliis, castellum cum gemino oppido flammis deletur. Cum nemo armatorum victori obfisteret, mille expediti equites ad vastandam regionem immittuntur. Clarum alioquin Battyanii nomen prospera expeditio illustrius reddidit.

Ad Savum perinde res Ottomanica male habuit. Bosniæ Prætor de Savi navigatione sollicitus, Cæsareas munitiones utrique ripæ impositas eversum ibat. Eum in finem e prælidiis sex millia hominum sub signa cogit, naves, quotquot nancisci posset, in unum colligit; addit tormenta, aliasque

A) C. Nicolaus Erdödus Banus Illyrici decessit e vita 1693. mense Januario. Huic velut eximio Christiani orbis defensori, & solerti hostium exploratori a summis, infimisque parentatum est, ut scribit Kettelerus L. 49. Ipse Innocentius XI. datis ad Erdödum literis ejus labores pro re Christiana adversus Turcam susceptos miris encomiis celebravit.

que pestes, quas humanum ingenium reperit in perniciem arcium. His vi A. C. ribus Babinogradæ, quæ prima occurrerat, munitiunculam propemodum 1693. fregerat. Kyba percelebris Ductor Rascianorum, idemque Brodii Præfectus, minore apparatu, & Babinogradam obsidione exemit, & insigni clade designationes hostium corripit. Quippe assumptis solummodo quingentis peditibus, silenti, nocturnoque itinere adeo improvisus supervenit, ut Turcæ nullo certamine tentato navigia peterent, achorum alia nimio onere pressa hæerent in ripa, alia celeritate invadentium occuparentur, mille denique, & quingenti e pabulatione reduces, ac cladis acceptæ ignari circumvenirentur. Hujusmodi minoris momenti expeditionibus favit fortuna, ut ad Belgradum, ubi rerum summa, atrocius sæviret.

Veneti ante omnia de Imperatore copiarum more veteri eligendo in Senatu egerunt, cujus meliori ductu, auspiciisque bellum in Peloponneso, & Creta geratur. Quippe superiorum annorum peccata, Ducum sive infelicitati sive inscitiae dederunt. Omnium suffragiis, classis, & copiarum imperium delatum est Francisco Mauroceno, seu Morosino, Serenissimæ Reipublicæ ea tempestate Duci, quo cum bonam fortunam summi, infimique reversuram sperabant; tanta homini scientia rei militaris, virtus, authoritas, & felicitas inesse credebatur. Et vero iis jam victoriis de Peloponneso reportatis inclaruerat Morosinus, ut rerum gestarum magnitudine Peloponnesiacus A) & haberetur, & diceretur, posito in armamentarii vestibulo monumento nobili, quo illustris viri memoria apud posteros extaret, & Peloponnesus semel victa, quotidie in triumphum duci videretur. Hæc victoriarum insignia ornant potissimum captiva simulacra Herculis, Neptuni, Martis, Iustitiæ Athenis ablata, tum marmorei leones ex Epiro avecti, inscripto elogio, quod ad calcem paginæ adjicere visum est. B) Morosinus non hybernæ tempestatis, non senii (quintum, & septuagesimum annum agebat) frigore retardatus, atque inter infinitam hominum multitudinem victorias, felicitatem acclamantium, ac præsentem nobilitatem magnifico comitatu, insolitisque ab Senatu honoribus ad classem deductus, matura navigatione in Peloponnesum solvit. Quinque, & octoginta navigia variæ formæ, quæ ingentibus impensis, hoc anno Respublica armavit, adjunxit Morosinus numerosæ classi ad Epidaurum hyemanti. Raro alias in maritimis expeditionibus florentiores copię, major rerum omnium copia visebatur, adeo felicissimi Imperatoris nomen secuti sunt Veneti; & Respublica, veluti finem belli intueretur, large omnia in commune contulit. Et tamen nunquam quod memini, minus actum est in hostem, ac in præsentia; certe classis tota æstate nec laceßens, nec laceßita partim in anchoris stetit, partim Corinthi fauces obedit; sive Morosinus veritus fortunæ aleam, reformidarit annos, palmasque suas communi Marti committere, sive ut corpore æger, ita animi vigore invalidus, quietem prætulere castrorum tædio. Neque Turcis animus erat, quiescentem leonem irritare. Ingravescente autumnio

Imp. Ottom. Tom. II.

X x

Corin-

4) Franciscus Morosinus Peloponnesi urbes rara felicitate subegit ad annum 1686. quemadmodum retuli pag. 255. & seq.

B) Franciscus Maurocenus
PELOPONNESIACUS
Expugnatis Athenis
Marmorea Leonum simulacra
Triumphali manu Epiro
direpta
in patriam transtulit,
futura Veneti Leonis
quæ fuerant Minervæ Atticæ
Ornamenta.

* * *

Atheniensia
Venetæ classis trophæa
VENETI SENATUS DECRETO
in navali vestibulo
Constituta.

A. C. Corintho rediens, accedente ad seniles morbos acuta febris occubuit, vir de 1693. sua patria immortaliter meritis, sexta Januarii ineuntis anni quarti post millesimum, sexcentefimum nonagesimum. A)

Dalmatia sub Delphino Prætoræ amica pace fruebatur, dum Morlachi durum, & agreſte genus ultra ſedes ſuas armis prolatis, urbem Scopiam ſimplici muro cinctam, ſed mercium prædivitem ceperunt. Mirum! hoſtilem provinciam prædatoribus patuiſſe. Diffugientibus oppidanis diripitur opulentiffimum emporium, mox injecto igne mille quadringentæ domus, ut plerumque apud Turcas lignæ ſunt, funditus exuruntur. Læti ſpoliis Morlachi feſtinanter iter relegunt, inter captivos filium, filiamque Præſecti urbis trahentes. Perpulit dolor furentem patrem, ut ferro mallet, quam auro redimere liberos. Collectis, quas maxime poterat popularium, ruſticorumque cohortibus, victores citato agmine perſequitur. Iſti in tutum collocata omni præda, ſtructis per otium ordinibus, curſu exhaustos firmi excipiunt, momentoque fundunt. In fuga ter centum interfecti ſunt, Morlachorum ſeptuaginta. Jam ad turbatas Poloniæ res, qua bellum Ottomanicum tangunt, digrediendum eſt.

Supremas inter curas ea perpetuo fuit Joanni Regi, ut ſuſceptum in barbaros bellum Regni ſui viribus quot annis proveheret, remque Chriſtianam ex fœdere tueretur. Præclaros conatus nonnunquam adverſa fortuna, per læpe Senatorum diſcordiæ, militis lentitudo, pecuniarum anguſtiæ corrumperunt. Hæc mala ut una veluti incifione reſecaret Rex, mature Comitia Grodnam B) edixit. Convenerunt more patrio frequentes, & ut plerique præ privatis rationibus habuerunt publicum, ita ſpes optima aſſulſit boni eventus. Chelmenſis Præſul nervoſa oratione Regem, Senatores, Nunciosque hortatus eſt: *ut ne a fœdere, quod tanta gratulatione Chriſtiani orbis pepigerunt cum Cæſare, & Venetis, diſcedant. Ottomanos pacem equidem offerre non contemnendis conditionibus Reipublicæ Poloniæ, ut videlicet Chriſtianorum Principum vires diſcindant, & proſtigatis ſenſim ſingulis omnes evertant. Poloniam nullo tempore tutam fore a Turcarum armis; nec facile Cæſarem, aut quemvis alium opem laturum, ſi deſertis fidiffimis ſociis, contempto fœdere, & quaſi in Turciæ partes turpiter tranſgreſſi, expectationem ſanioris Europæ fallamus. Quin imo eo impenſius hac tempeſtate reparandum bellum, quo malignius apud exterarum gentes jaſtatur: Polonos in pompam, & oſtentionem alere exercitus; paucos velites in Tartaros emittere; cum Turcis poſtremis his annis nunquam ad manus veniſſe, ut adeo iſtis integrum fuerit alias ex aliis ſuppetias in Hungariam, & Petoſponneſum ſubmittere. Ne peſſimus hic rumor invaleſcat, & Principes Chriſtiani intelligant, nobis candem fidem in ſocios, eodem animos in hoſtem conſtare; in hoc conventu pro acceſſione rei Catholiciæ, gentisque Poloniæ gloria fortiter decernendum.*

Cancellarius ſubinde Regni prolixum ſermonem habuit, oravitque univerſos, ut ſepoſitis tantisper privatis offenſionibus, & querimoniis, Reipublicæ multiplicibus malis fatigatæ conſulant. Tum enumeravit præcipui momenti capita, quæ ante omnia in his comitiis a Senatoribus agitari, ac decidi deberent, ac in primis: cum ruruſ Orator Achmetis pacis tractandæ cauſa advenerit, deliberandum ſedulo, num e re Polonorum ſit, ut neglectis Conſœderatis Principibus initium tractatum fiat? aut vero perſiſtendum in fœdere, quod voluntate Regis, ſummoque conſenſu totius Regni eſt iſtum? quod ſi a Conſœderatis, aſebat, diſceſſionem facere non ex vano abhorretis, etiam, atque etiam accuratiſſime circumſpiciendum, ut primo vere exercitum rebus ad victum, ad bellum omnibus inſtructiſſimum in campo habeamus. Sed iſtud dictu, quam effectû pronius eſt. Militibus, ut conſtat, plurima debentur ſtipendia. Hæc niſi præſenti ære ſolvantur, niſi præterea ſtata ſubſidia præ manibus ſint, queis in poſterum alantur, domi perinde,

A) Porta Ottomanica pluribus in locis; & Petrus Garzonius Part. I. Lib. XI. B) Grodna, urbs Lithuanici, a comitiis Regni percelebris.

de, ac foris hostem experiemur. Profecto aeris inanes, ac pugnae dubii per A. Q. agros, atque oppida prædabunt nobis graviore, quam Turcis erunt. 1693. Primum itaque omnium fontes querendi, unde post exhaustum plusquam decenni bello Reipublicæ ærarium, sumptus fluant. Sine hoc nervo pecuniaribus bellum languidum, aut nullum erit. Denique contentius nobis elaborandum est, ut non munimenta solum ad limites Poloniae extructa, sed etiam capta in Valachia præsidia contra vim hostium tueamur. Sic in perfringendis Poloniae foribus occupati Turcæ, aut Tartari, copiam nobis dabunt patriæ succurrendi.

Pacata hucusque comitia fluxerunt. Nihil deinceps congressibus reliquis aut moderate, aut consensu factum. Nobiles enim aliquot, omnes publicis, querelas suas acerbæ, ac palam expromere cœperunt, atque imprimis infinita detrimenta suis possessionibus a militia Regni illata, odiosis sane verbis retulerunt, negaruntque ulla de re consulturos prius, quam ipsis ad assensum satisfaceret. Sed rejectis istorum querimoniis, deliberari cœptum est, utrum bellum, an pax placeret? illico in duas factiones dicesserunt Nuncii, Nobilesve. Pars recti, decorique memores Chelmenfis Præsulis sententiam amplexi, bellum quæstuosæ paci prætulerunt; pars profusa voluntate repugnandi pacem pernecessariam Regno identidem ingeminarunt. Hi tamen suffragiorum multitudine bellum decernentium longe vincerebantur, in extrema tamen obstinatione suæ sententiæ perstiterunt. Atque hic omnino adhæsum est. Quippe incensis jam multorum animis, aliæ ex aliis obortæ sunt turbæ, extero quodam oratore in hunc comitiorum euripum veluti ex utre emittente ventos, ut adeo non pauci Nobiles, quibus se adjunxit e Nunciis unus, A) clam, & insalutato Rege semet subduxerint. Ita rebus infectis comitia dissoluta fuerunt. Nec felicius cessit conventus Varsoviæ, quo Rex Senatorum præcipuos evocaverat. Bellum prosequi omnibus placebat; at quibus viribus, subsidiis in summa ærarii difficultate? Numini, quod fortunam appellamus, committere.

Dum Poloni Senatorio in campo pugnas miscerent, prædabundi Tartari (triginta millia ferebantur) facto per Valachiam itinere, vicinas Cameneco provincias, plurium dierum populatione peragrarunt, tanta securitate usi in hostili regione, ut versi in luxum, & raptis opulenti, neglectis castrorum stationibus passim somno, aut epularum lascivia procumberent. Nemo tamen e Polonis prædantium colluviei obviam ivit, adeo omnium animos sive insolitus torpor occupavit, sive dissidium a patriæ defensione avertit. Præter abactos pecorum greges multa mortalium millia in servitutem abstracta sunt. Exustis provinciis ad Camenecum convenere prædatores. Haud procul inde Poloni superioribus annis castellum, cui SS. Trinitatis nomen inditum, posuerunt, frænum validum Camenecensium, ne impune oppida incursarent. In istud contento cursu ferebantur Tartari, loco haud dubie potituri, quod a perpaucis stationariis teneretur, nisi Tribunus Brandius cum turmis aliquot equitum, insultantem hostem arcuisset. Sed non propterea tot villarum incendia, tot oppidorum populationes, tot civium miserrima servitus vindicata sunt. Neque Poloni ut ultionem pararent, aut ad publicam Regni salutem evigilarent, post tantas calamitates, impelli potuere. Apud Moschos quoque, ut alias, arma tota æstate siluerunt, nec in speciem fiebant apparatus; adeo videlicet clades in Tartaria accepta B) animos, viresque ademittit bellicosæ nationi. Nunc annum quartum, & nonagesimum supra millesimum sexcentimum ordiamur.

Aula Byzantina in duas factiones ineunte anno discessit, haud tamen in apertas seditiones, aut longiores turbas exarsit, factionum capitibus in ordinem redactis. Mustaphas Vezirius, & primarii quique mi-

Imp. Ottom. Tom. II.

X x 2

litia

A) Juvat e Lengnichio rerum seriem huc transferre. „ Neque annus 1693, inquit ille, populationibus caruit, dum Tartari per Russiam igne, & cædibus impune grassarentur. Debebat huic malo occurri in comitiis Grodnensibus, quæ Nunciorum Palatinatus Ienciciensis contradiculis undecima Februarii irrita reddidit. „ B) Clades accepta anno 1689. Vide pag. 300.

A. C. 1694. litæ Præfecti, in bellum cupidissime ferebantur. Soltana ex adverso, Kilar, Aga, duo A) Caimacanes pacem unice in votis habebant, sive ab Oratoribus Anglo, Hollandoque jam empti, sive majorem messem sperarent, si pax confieret, quam si bellum sine fine protraheretur. Achmetes Imperator, cui constantissima mens erat de prosecutione belli, ne malum serpens alios, atque alios corripiat, ac pacis desiderio ab armis avocet, in Caimacanem Constantinopoleos, perpetuum pacis præconem, mortis sententiam tulit. Agre Soltanæ precibus vita condonata, nobili præfectura exiit. Adrianopolitanus Caimacanes eadem poena castigatur; in hujus locum successit Selithar Aga e Circassia oriundus, Tartariæ Chamo perquam familiaris; illius vero Ussaines Bassa, vulgo acceptior, quam Purpuratis. His duobus fulcris subductis, omnis factio repente concidit.

Affurrexit tamen non diu post sagacissimo ingenio Soltanæ, ac tanto validior evasit, quanto plures adversæ factionis patroni variis artibus aula amoti sunt. Mustaphas Vezirius, dum principem locum gratiæ apud Imperatorem se obtinere putat, improvise aula facessere iussus, ignobili præfecturæ admovetur. Iisdem fere diebus Mustius senilibus morbis fractus (annos octoginta numeraverat) in Chium insulam relegatur. In Mustaphæ locum Alyus, Tripolitanus olim Begus, Vezirius creatur, Soltanæ partibus additus. Hujus impotentia Mustaphæ clientes, quosve Soltana designavit, vix duorum mensium spatio opprimuntur. Nemini jam dubium erat, pacificationis negotium resumendum a novo Vezirio, quem non ignorabant ad Soltanæ ingenium factum, quietia consilia animo volutare. Sed ille, ut probe perspectam habuit Achmetis mentem a pace alienam, ne in aditu dignitatis fortunæ suæ periculum caperet, strenue bellum apparavit, evocata Africana classe, ac Asiaticis copiis. Naves quoque apud maritimas Asiæ urbes refici imperavit. In uno portu Byzantino quadraginta navigia saucia, mutilataque viscebantur, quæ ingenti festinatione operarum ornabantur. Minorem tamen numerum bellicarum ædificari iussit, ac Mustaphas nuper designaverat in bellum Venetum, quod mortuo Morosino Venetæ classis Imperatore, non multum metueret Cretæ, aut insulis maris Ægei.

Priusquam castra fierent, pars utraque furtivas expeditiones nullo successu tentavit. Cæsareis Ducibus Gyulæ interceptiendæ spem dederant maximam cum paludes glacie constrictæ, tum paucitas præsidiorum, ut falso nuntiabant exploratores. Comites Heislerus, & Guttensteinus, media hyeme Vienna discedentes, militem expeditum inveniunt. Dies octavus, & vicesimus Januarii, invasionis statuitur. Verum per calidiores ventos, & pluvium cælum, omnis machinatio eversa est, non minus glacie, quam spe evanescente. Nec Ottomanorum conatus pro voluntate successit. Titulium mense Majo corona circumplexi, ter magna aggredientium vi impugnant, toties majori defendentium ferocia repelluntur. Ad Szalankemenum fociorum agmina dum opperiantur, audiunt Staremburgium cum aliquot legionibus Baja B) appropinquare. Hic rumor hostes in sua stativa compulit. Hyeme, & majori parte æstatis incursionibus acta, tandem mense Septembri Turcarum exercitus Szalankemeni metatur, tum Petro-Varadinum movet Christianorum castra oppugnaturus. Duo præcipue Vezirii iter morabantur. Africanorum civile bellum, c) quo tres Begi impliciti in mutuum exitium maritimis viribus utebantur, & Galgæ Tartariæ Reguli in Serviam tardior adventus. Cæsareis copiis quinque, & triginta millium præfuit Heislerus absente Aenea Caprara, quem adversa valetudo Viennæ detinuit, nec ante Septembrem castra viderunt. Exterorum Principum auxilia mense uno serius adfuere, ut adeo bellici menses in ignobilem defensionem desierint. Propinquo hoste, Capraræ jussu Petro-Varadinum continenti labore militum communitur: vetera castrorum munimenta non instaurantur

A) Nimirum Caimacanes Byzantinus, & Adrianopolitanus, Primo nomen erat Calailicos, alteri Osinanes. B) Baja peramænum, & amplum oppidum provinciæ Bacensis. C) Bellum hoc civile fuso calamo descriptum lege sis in Porta Ottom. Tom. II. ad hunc annum.

rantur modo, sed novis quoque operibus firmanur: in classis, pontisque A. C. defensionem litorei suggestus eriguntur, machinæ, stationarii juxta Danubii 1694. ripam conduplicantur, Futakino levis, gravisque armaturæ equitatus sine mora arcessitur.

Vezirius adeo castris castra contulit, ut tormentorum ictibus multi quotidie sternerentur. Peninsula insuper potitus, quam nostri malo consilio deseruerant, e tormentariis suggestibus gravissime Cæsareorum stationes infestavit. Sed bellicas, & pontes, quos Danubio imposuimus, multo acrius, pertinaciusque impetiit, quod speraret perforatis, aut merfis bellicis, se Danubio victorem annonarias facile captivas abducturum, & commeatibus omnem viam præclusurum, corruptis vero pontibus lætissimam pabulationem equitatu erepturum. Mezzomortis successor, ut præfecturam nobili facto insigniret, navium, navaliumque sociorum classem ita partitus est, ut pars altera objectum pontem, altera classem Cæsaream invadat. Eodem tempore Vezirius, quo Christianos distractos, atque adeo impares haberet, quidquid machinarum aderat, in castra hostium dirigi jussit. Caprara erecto ad certamen animo, augere munitiones castrorum festinavit, impenis ante omnia curis in Danubianum pontem, in quem ferri Turcarum consilia non abs re suspicabatur. Immanes bellicas majorum, minorumque tormentorum copia egregie instructas, hostili classi opponit. Pontis utrumque castellum inductis machinis obmunit, Præfectos juxta, ac milites officii admonet. Classis Turcica navigiorum numero præstantior nostræ admota, tantam vim missilium ignium, pilarumque emisit, ut ipsum Danubium in flammam prodigiose abiisse crederes. Non segnior Vezirius, pari furore ignariam pestem in castra dejecit. Fama est, quingentis machinis castrensibus, partim navigia & pontem, partim castrorum munimenta divexata fuisse, ut adeo Cæsareis impigre vicem reddentibus, aer orco ardentis similis appareret, omnis late Regio fragore horrifico succuteretur. Ignarium hoc certamen quotidie fere exarsit, multis ex utraque parte multis, merfisque navigiis. Pons nihilominus universa classe, veluti scuto tectus, integer, ac salvus perstitit.

Ad hunc subruendum, quoniam in ejus ruina spem victoriæ habebant, variis machinamentis usi sunt Turcæ. Arabes aliquot projectæ audaciæ, præmiis illecti ab Architalasso, primi in pontis perniciem conspirant. Per tenebras citis lintribus ad navigia pontis inveci, aut occulto sub aquarum meatu inobservati, grandibus cultris, falcibusque anchorarios funes incidere tentabant. A saikariis excubitoribus in tempore detecti, captique, mercedem operæ diuturno carcere tulerunt. Alias Architalassi jussu, complures lembi curribus devecti, ac multo nitro, præpingui bitumine, aliaque materia flammis obnoxia armati in Danubium mittuntur: impositis, qui eos regerent, audacissimis nautarum. Isti posteaquam propius accessere, naves succendunt, deferuntque secundo alveo in pontem perferendas. Retoribus destitutæ, ab intento cursu pleræque deflexerunt. Aliæ ad terram appulsæ, ripis adhæfere, aliæ gurgitibus haustæ, quæ minaces recta in navalem pontem tendebant, prælongis hastis, contisque procul arcebantur, incendiumque innoxie evomebant. Subinde prægrandes arborum trunci, ferreis clavis undique horrentes, ac in ligneam molem impulsæ, quo altius aquis tegebantur, eo plus solitudinis Cæsareis crearunt. Sed & istud machinamentum pro ponte excubantes saikarii prospere eluserunt. Cum nihil proficeret adversus pontem Architalassus, sinistro multorum rumore, a Vezirio præfectura motus ceu nauticæ rei minus peritus, mox in vincula coniectus strangulatur.

Post tot irritos successus, ut hominum multitudine superabant Turcæ, castra sua longius porrigere, novis aggeribus, novis vallis Cæsareorum opera amplecti, pabulo exuere equitatum, omnia arctiora facere, ut omnino Duces, militesque sentirent se obsessos teneri, nec receptum patere, nisi in alteram ripam. Non pauci ordinum Ductores angustis spatiis Chri-

A. Christiani exercitus robur obsideri indigne ferebant, hostemque suis in munitio-
 1694. nibus invadendum ante, quam undique circumvallarentur, censebant. Caprara sine Borussorum, quæ audito discrimine Cæsareorum iter accelerarunt, auxiliis, & Pollandi equestribus copiis, negat se hostem aggressurum, quem sciebat numero validum, situ, munitione, tormentorum copia tutum, quin imo subveritus, ne castra assiliret hostis, cuniculis omnem ambitum castrorum armavit. Hæc ubi Viennam atrocior fama perlata sunt, dici vix potest, qui sermones, timoresque apud summos, imosque excitati fuerint. Acceptis Borussis, & Pollandi equitibus (erant isti quater mille Hungari, bis mille a) Germani) tenuit morem suum Caprara, in defensionem castrorum unice intentus.

Apud Cæsareos integro mense arcte conclusos, autumnino insuper pluvio, rigidoque, adeo morbi ingruerunt, ut quinque millia languescensium Futakini in nosocomio numerarentur, nec minor singulis diebus vario morborum genere strages fieret, quam continenti hostium jaculatione. Reliquus miles per sævitiam autumnī, vigilias, cæteraque tædia castrorum eum in modum fractus erat, ut altera Danubii ripa vix defendi potuerit. Turcæ Tartaris admixti multis navigiis in insulam Oserovicziam devecti, post acrem magis, quam constantem pugnam Hungarorum peditem, non modo ea insula potiti sunt, sed & Kobilam, cæsis aut fugatis Rascianis præfidiariis, magno sanè Cæsareorum detrimento occuparunt. Ad tam opportunum locum recuperandum immissi Hungari, ac Rasciani, partim increbrescentibus pluviis, & ventis violentius incumbentibus, partim & multitudine Tartarorum (quinque millia Danubium transierant) absteriti, cunctabantur periculum subire. Audaciores inde Tartari, Futakinum evecti, quadringentos gregarios cum Marchione Davia nobili Volone, & annonariis vehiculis intercipiunt, ac in sua castra deportant. Majori vi opus fuit, ut ea Danubii ora asfereretur. Corbellius quatuor, Bassompierius duas legiones diverso itinere in hostem ducunt. Prior ad Zentam usque propellit, in quos incurrerat, equites fere sine certamine. Ille ad Kobilam præda impeditos assecutus centum, & quinquaginta opprimit, cæteros momento dissipat. Galgæ filius, indolis præservidæ, ac martialis, dum pugnam instaurare incassum nititur, glande percussus cecidit.

Ultima Septembris, sole in occasum festinante, dimidiæ horæ jaculatione adeo classis nostra, & castra impetita erant, ut plerique supremam oppugnationem instare crederent. Caprara diviso in partes animo, nunc Turcarum navales apparatus respectabat, nunc in conatum terrestrium copiarum intendebat, omnem militem ad defensionem operum celerrime distribuit. Silentibus signis, tormentisque per transfugam Janicsarum intellectum est: Vezirium castra solvere, majores machinas ad Carlovizium navigiis impositas: Tartaros jam prævolasse, reliquum exercitum profectioni accinctum stare. Postridie nec classis hostium, nec tentoria conspiciebantur. Peropportuna occasio erat postrema agmina carpendi, verum equis macie, squaloreque confectis, & multo imbre campis restagnantibus, intuitum existimarunt Duces, hosti fugitivo insistere.

Receptus tam præcipitis non una causa ferebatur. Qui per eos dies ad nos pervenerant, constans transfugarum opinio fuit: Vezirium in hyberna abiisse, quod Titulii præfidiarii Hungari, quinque, & quadraginta naves re frumentaria graves abripuerint, clausoque Danubio prope Szalan kemenum paulatim caritatem annonæ, & rerum omnium difficultatem castris Ottomanicis intulerint. Alii addebant: Galgam Tartarorum Chamum graviter accepisse jacturam filii sui, in pugna ad Kobilam a Turcis deserti, eumque dolore nimium exulceratum cum suis Tartaris, nulla habita ratione Vezirii, palam discelsisse. Inde occasionem datam Janicsaris, reditum in patriam flagitandi. Reipsa inclementia hyemis omnibus perquam gravis erat, maxime Alianis frigoribus impatientibus, eodemque malo, quo Cæ-

farei,

a) Hanc numerum reperi in Porta Ottom. Dissentit historia M. Leopoldi Tom. II. pag. 277.

sarei, sternebantur. Censu inito compertum est, quindecim millia fer- A. C.
ro, & morbis absumpta. Vezirius tot difficultatibus pressus, rumorem in- 1694
super spargit: Badensem Imperatorem cum novo exercitu secundo Danu-
bio appropinquare; ne videlicet frustratam expeditionem capite luat. So-
luta castrorum obsidione nostro militi non tam libertas, quam vita ipsa re-
dire videbatur, adeo inter ea latibula multis incommodis divexatus periculo
amittendæ libertatis, aut vitæ proximus erat. Caprara missis aliquot legio-
nibus Szegedinum, ad cohibendas populationes Tartarorum, ac reliquo mi-
lite, cui Heislèrum præfecit, in hybernis collocato, Varadinum proficisci-
tur, e propinquo oppugnationem Gyulæ adornaturus. Sed cum Tribunus
Gronsfeldius, atque alii, qui suo equitatu omnem tractum Marusii infestum
reddebant, quive proxime a Vezirio festinata alimenta occuparunt, a) re-
ferrent, Gyulenses miserum in modum fame laborare, ac lenta obsidione
pressos hybernis adhuc mensibus deditionem oblaturus, mutato consilio ob-
sidere decrevit præsidium. Conduplicatis stationibus, ne quid cibariorum
per paludes gelu duratas irreperet, Gubernator desperata Temesiensium ope,
ad quos allegarat suum filium, & sexaginta pedites, sed ad Marulium amnem
ab Hungaris plerosque captos, prima, & vicesima Decembris b) Hauchi-
no Szegedini Præfecto præsidium tradit. Firmatis conditionibus ab ipso Cæ-
sare, dediticii vehiculis ter centum quinquaginta Temesiam aucti sunt un-
devigesima Januarii; neque enim prius tot carri comparari poterant per
altissimas nives, quibus ejus regionis oppida prope sepulta erant. Guber-
nator traditi præsidii cum militum Præfectis in vincula conjectus est Teme-
siæ; subinde ad causam dicendam Belgradum evocatur.

Gyula in potestatem Cæsaris redacta, multum timoris Daciæ ade-
mit, quæ perpetuo hujus, aut Temesiæ præfidiarios in prædam effusos re-
formidavit. Hoc tamen anno & ab istorum latrocinis, & a Tòkòlii incur-
sibus tuta fuit, quem domestica clades ab invasione alienæ provinciæ cohibuit.
Erat ea clades tanto acerbior, quanto magis improvisa. Cesserat Achmetes fidu-
ciario jure castella aliquot in Servia, ac Bulgaria ad oram Danubii Tòkòlio cum
aditis oppidis, vicisque, quo arctius hominem societati Turcicæ adstringe-
ret, & simul Valachum tam gravi æmulo opposito in fide contineret. Ea
loca pro Tokòlio obtinebat Daroczius amicorum post Petroczium præcipuus.
Hic seu desperaret meliorem fortunam Heri sui, seu exosus mores Turcarum,
communicato consilio cum Veteranio, armorum per Transylvaniam Præfe-
cto, statuit, se cum militibus suis ad Regem referre, non sine hostium
damno. Ulpalankam, Ramam, Fedislaviam, Galombhaziam, Tòkòliani
juris præsidia, uno incendio involvit, mox cum sex Hussarorum signis in
nongentos Turcas, qui annonæ subsidium Gyulam vexerant, illatus, stra-
ge, prædaque facta ad Veteranium venit. Multa subinde dedit fidei non
fucatæ, ac interritæ inter pericula fortitudinis exempla, & perduellionis cri-
men sanguine Ottomanorum fatis, superque eluit. Hoc infortunio multa-
tus Tòkòlius, ad reparanda damna domi suæ semet continuit. Quem cur-
sum arma in Croatia tenuerint? frustra Authores, quos præmanibus habeo,
consultui. Id unum reperi apud scriptorem Portæ Ottomanicæ, Kybam
Brodii Gubernatorem in hostium regionem impetum fecisse, ac spoliis dita-
tum prospere rediisse.

Hoc anno apud Venetos creato Reipublicæ Duce Sylvestro Valerio,
copiarum Imperatore in Peloponneso Antonio Zeno (qui subinde socium
Imperii habuit Adamum Henricum Baronem Steinavium Turcicis bellis in
Hungaria exercitatum) universæ classis Præfecto Hieronymo Michielio, &
Daniele Delphino in prætura Dalmatiæ confirmato, c) bellum prospero
Marte & in Dalmatiæ regno, & in insulis Ægei maris coëptum est geri.
Decreverat Delphinus post capta maritima oppida, Ciclutum præsidium in
potesta-

a) Vezirius cum Gyulam, tum Temesiam rem cibariam festinavit. Temesia accepit, non item
Gyula, ut refert Porta Ottom. Tom. II. pag. 686. b) Ephemerides Leopoldinæ ad hunc an-
num. c) Videntur Steinavius terrestrium copiarum, Zenus universæ classis, Michielius, &
Delphinus Dalmatiæ, Albaniz, & subinde Peloponnesi imperium obtinuisse.

A. C. potestatem redigere; spe inde in Herzegovinæ ditionem injecta. Jamque 1694. regionis incolas Veneto nomini multum addictos, per fidos nuncios sui adventus certiores fecerat, ostensisque ingentibus emolumentis, quæ universæ nationi haud dubie obvenirent, si partes Reipublicæ amplecterentur, multos ab amicitia, & societate Ottomanica abstraxerat. Familiæ nobiles cum sex millibus subditorum, primis illico diebus ad Venetos concesserunt, igne consumptis domibus, omnique frumento, ne quem in posterum patriæ desiderium revocaret. Non post multo alii, atque alii, popularium vestigia secuti, tanta conspiratione animorum suam ipsi patriam evastarunt, ut Regio sexaginta leucarum ambitu porrecta, ferali incendio conflagrare conspiceretur. Ex ea multitudine in militiam delecti bis mille octingenti, ac veteranis permisti, magno usui fuere Delphino. Gliscente fugientium numero, Bosniæ, & Herzegovinæ Præfecti arma capefferunt; sed Bosnensibus in Hungariam proficisci jussis, cæteris neque animus, nec vires erant, gentem tributis nimium oppressam, & spe libertatis in seditionem actam componendi.

Et jam Delphinus auctus copiis, & penu castrensi, decima tertia Junii Spalatro solverat, Ciclutum obsessurus. Jacet Ciclutum ad fluvium Narentam binis castellis, & præaltis turribus veteri more communitum. Jussu Solymani II. anno fere quinto, & nonagesimo supra millesimum quingentesimum, Christianis metu dejectis, assurrexit, frænum vicinorum præsidiorum Narentæ, a) & Castelli novi, totiusque Herzegovinæ; quippe in aditu hujus regionis positum; ideoque cum cura ab Ottomanis habitum, præfecto Achmete Posægæ olim Gubernatore, cum delecta Janicfarorum manu, præter armatos oppidanos. Eodem, quo Delphinus, tempore Marcellus equitatus Magister suas copias terrestri itinere adduxit. Ad intercludenda hostium auxilia parte militum dimissa; vix coepta oppugnatione oppidum, atque duas turres tormentorum iras non ferentes Turcæ deserunt. Neque constantius castella defendebantur, postquam excussæ e grandibus mortariis pilæ sulphureo nitro armatæ, summa tectorum incendebant simul, simul & vastissimos fornices suo pondere perfringebant. Adversus hanc domorum, hominumque pestem cum nullum remedium in promptu esset, & insuper militum Præfectus minori glande collum trajectus exanimaretur, deditiois signum sustulerunt. Transactis conditionibus, quadringenti Janicfari arma induti, in Albaniam abire permissi sunt, captivi Christiani, transfugæ, quive Mahometis deliria susceperunt, Delphino traditi.

Post captum Ciclutum finitimæ regionis incolæ, Venetorum clementiæ se tradiderunt, polliciti tributa, frumentum, quæque alias Ottomanis præbuerunt, modo in fidem acciperentur. Omnes benigne habiti, tum primum libertatis dulcia post servitutem barbaram senserunt. Opportunum locum novis operibus firmandum censuere Duces, quod præviderent eum haud diu tutum fore ab aggressione. Et vero nondum perfecto vallo- rum sepimento, quod Marcellus ducere instituit, Solymanus Seraskerius, Bosniæ & Herzegovinæ Præfecti cum exercitu sedecim millium in conspectum laceri adhucdum præsidii venerunt. b) Summo in discrimine versabatur Delphinus, ne victoriam clade aliqua corrumpat. Nam Morlachi rerum suarum solliciti (tria millia erant) ad messem faciendam domum nuper redierant. Reliquus exercitus par non erat, ut in campo Ciclutum propugnaret. In re tam ancipiti & militi suo, & præsidio provide consuluit. Huc mille sexcentos sub Marchione Cæsare Odo immittit, viro strenuo, pugnacique; ipse haud procul Cicluto castra positu alioquin valida, additis insuper castellis invicta, cum cæteris copiis intrat, unde obsessis facile posset auxilium ferre. Nondum coeptis oblidionalibus viis, Ottomani quasi victoriæ securi, excidium loco interminati, deditioem exposcunt. Sed ab

Odo

¹⁷ a) Narenta, veteribus Narane, sive Narona, Romanorum colonia; teste Varrone, novem, & octoginta urbes Illyrici suo imperio subjectas habuit; nunc mediocri fortuna contenta. b) Die quarta; & vicelima Julii.

Odo intrepide rejeſti, ſtruſtis aggeribus valliſque, & admotis propere ma-*A. C.*
chinis aggreſſionem magnis animis adornant. Bidui jacultatione cum ſaxeam 1694.
turrim nullo ſucceſſu verberaſſent, in aliam caſtelli partem directa eſt op-
pugnatio. Ea occaſione uſi obſeſſi, animos addente Marco Travatio, qui
ægro Marchioni in præfectura ſucceſſerat, validiſſima eruptione facta, ope-
ras, atque excubitores invadunt, qui ſubito fugati alios quoque ſuo timore,
ac fuga involvunt. Vicinus Baſſa cum ſuis cohortibus in locum certaminis
advolans, & ſuorum trepidationem, & Venetorum impetum ſtitit, novis-
que e caſtris ſubſidiis accedentibus, Veneti multis hoſtium peremptis paula-
tim ſe in præſidium retulerunt.

Poſtero die Turcæ vallum extimum, & muros, ſi primum ſuccede-
ret, pluribus in locis apertos aſſultu capere conſiſi ſunt. Eam partem præ-
ſidii curabant Comes Fanfogna Italus, & Franciſcus Viſkovichius Dalmatæ
cum ſuis popularibus. Comes etſi prægrandi ictus lapide, & altero pede
ſaucius, doloris ſenſum non ante admitit, quam aggreſſores poſt cruentam
pugnam in caſtra rejeſti fuerint. Conciliis iis, qui apud ſedes tormento-
rum opus faciebant, primum erat victoribus acceſſus prorueret, machinas
detixis clavis corrumpere, materiam aggeris concremare. Turbato peditatu,
Spahii in juſtam aciem eduſti, ut appropinquarent vallo, a fiſtulatoribus
peſſime accepti, fugientium agmen auxerunt. Nox prælium diremit. Hac
eruptione præcipue factum eſt, ut eadem adhuc nocte ſolvi debuerit obſidio.
Quamquam & peſtifera febris, qua primum Albani, deinde Boſnenſes cor-
repti erant, multum contulerit ad maturandum receptum. Undecim die-
rum oppugnatione ducenti Veneti, bis mille Turcæ perierunt; non pauciores
vulnerati, quos inter Herzegovinæ Præfectus, qui paucis interjeſtis diebus
cum Solymano Seraskerio ab Achmete Imperatore exauthoratur.

Recedente in Boſniam hoſtili exercitu, Delphinus bipartito distribu-
tis copiis, multa oppida Dalmatiæ partim vi, partim deditioe cepit, ma-
gno utique non modo Venetæ dominationis incremento, ſed commodo in
primis Chriſtianorum, qui in libertatem aſſerti orthodoxam quoque reli-
gionem, cujus vix umbra in quibusdam locis inventa eſt, reduſtam læti
conſpexerunt. His nunciatis Adrianopolim, ſolicitude inceſſit aulæ mini-
ſtros, ne Herzegovina, unde plerique originem trahebant, in poteſtatem
Venetorum redigatur, & capta patria ipſi quoque in triumphum ducantur.
Iſtorum precibus, & periculo amittendæ provinciæ motus Imperator, præ-
fectura armorum collata in Boſnenſem, jubet Vezirium apud Belgradum
agentem, equitum, peditumque manum quamprimum in Dalmatiam im-
mittere. Id quod Vezirius celeriter præſtitit, ne videlicet ſibi attribueretur,
ſi quod detrimentum ea provincia acciperet. Et jam Boſnenſis Sarajo mo-
vens exciendis copiis, paratibus faciendis, circumſpiciendis hoſtium conſi-
liis, in Boſniæ limitibus dimoratus eſt, cum acceptis e Servia Janicſaris,
Spahiisque, & aliquot caſtrenſibus tormentis Herzegovinam ingreditur cum
viginti, & amplius armatorum millibus. Haud optimo loco ea tempeſtate
res Venetæ erant in Dalmatia. Proſeminatis innumeris morbis, Præfecti
juxta, ac gregarii, eum in modum elanguerunt, ut perpauſi ſuperſeſſent,
qui caſtrorum labores perferre poſſent. Delphinum, Marcellum, Odum,
aliosque primarios ordinum Duſtores eadem viſ mali urgebat, & fere ad
extrema deduxit. Ingruente hoſte morbi pertinaciam plerique vicerunt.
Primus Delphinus, tametſi corpore æger, animo alacer belli curas reſum-
pſit, Ciclutum Vincentio Donæ, qui locum terreis caſtellis, ſudibusque
recens obſepſerat, cum bis mille quadringentis peditibus partim Venetis,
partim Dalmatis defendendum attribuit. Jadera, Sebenico præſidiarios
evocat; duas bellicas, quas Bembus ad Caſtellum novum in anchoris tenuit,
in auxilium accerſit. Delphini conatus multum adjuverunt Marcellus,
Vymeliſ, Odus, notæ fortitudinis in exercitu Duces. Sub dimidium Octo-
bris, Ciclutum obſedit Boſnenſis. Ad æſtimandum locum caſtris egreſſus,
mirabatur tam firmi operis munimenta, intra ſpatium unius menſis perfici

A. C. potuisse; atque hinc non ex vano conjiciebat, aut infelicem, aut sanè operam
 1694. rosam oppugnationem fore. Redux in castra, missis per duos equites literis, hortatus est obsessos, ut præsidium veteri Domino cum urbe Gabella restituant. Concedente Delphino, qui præsens aderat, Dona Gubernator respondit: *præsidium, Venetorum armis expugnatum sibi non ad alium finem traditum, quam ut illud adversus omnem vim tueatur; se proinde, suosque vitam potius, atque suæ fidei concreditum locum, daturum.* Hoc generoso responso, & multiplicium munimentorum veluti labyrintho quodam percussus, pluribus diebus quietus constitit, cum copiarum Ducibus multum consultans, an lenta obsidione, an munitionum expugnatione Ciclutum frangeret? Abhorruere omnes a cruenta, quam prævidebant, oppugnatione.

Igitur obsidium intentare placuit, atque intercluso a vicinis oppidis auxilio, fame aut tædio laborum Venetum ad deditorem cogere. Non fessit Delphinum hostium consilium, veritusque ne protracta obsidione grassantes morbi militem popularentur, statuit hostes nondum plane circumvallatos invadere, & eorum constantiam, & sui militis vires prælio experiri. Vetera castrorum valla utcunque instaurata erant, nullis tamen machinis, quæ absterrent subituros, instructa, nec crebris stationariis, ut alias fieri solebat, firmata. Id conspicatus Delphinus, jubet Burovichium nobilem Dalmatarum Ductorem, e suis cohortibus promptissimos quosque deligere, ac captata occasione Turcarum castra cum iisdem aggredi. Ille judicio Delphini lætus, dato egrediendi signo, tanto impetu vallum, turri A) S. Stephani objectum, cum delecta manu popularium invadit, præsidio interim in valli defensores fulminante, ut fossa, atque aggere superatis in castrorum interiora penetraverit. In ea omnium trepidatione castra ipsa capi potuissent, nisi tenebris ingruentibus suorum paucitati diffusus reditus maturasset. Bosnensis plus ignominie, quam cladis perpeffus, non expectata luce, ultra Narentam fluvium recessit, ubi munitissimo loco castra metatus, Venetos in prælium æstuantes objectu fluminis elusit. Delphinus Ciclutum reversus, ordinata Republica militari, & urbana, victorem exercitum hyberna quiete reficiendum per oppida Dalmatiæ distribuit. Nec Seraskerius diutius moratus, dimissis copiis Sarajum rediit sæviente jam anno.

Steinavio, & Zeno maritima expeditio perinde feliciter vertit. Relicto ad Corinthi angustias Michiælio, uterque tertia Augusti cum Veneta classe, & Pontificiis navibus, e Naupliæ portu in insulam Chium trajicere ardebat, cujus Metropolim ejusdem nominis Senatus bellicus oppugnandam decrevit. Jam in conspectu Chii classis universa erat, cum coorta horribili tempestate resantis impetu venti in Andrum insulam compellitur. Hic non sine jactura temporis, ac fortium virorum, in anchoris hæsit ad sextam Septembris, mari pro hostibus pugnante, ne imparati opprimerentur. Octava tandem Septembris Chium tenuit. Byzantini post famam appulsæ classis, bis mille pedites auxilio festinanter misere, sed isti luctati cum ventis ad Hellespontum, occluso interim a Venetis omni ex parte aditu, Tenedum intrarunt. Ut primum Veneti castris locum ceperunt ad amplissima suburbia, Græci, & Latini nominis primarii cives præeuntibus Episcopis, & Sacerdotum turba, Zeni adventum omnibus lætitiis celebrarunt, se, suaque omnia Venetorum clementiæ dedentes. Et suburbia quidem nemine prohibente occupata sunt. At præsidium, & castellum, quo portus urbis defendebatur, vim parabant, Gubernatore Cassane, Mahometis IV. Genero, militem, ac oppidanos Turcas ad defensionem animante. Tria millia peditum illi aderant, e quibus ducentos carpit in castelli tutelam, reliquum militis per mœnia præsidii disponit. Sed hæc fere in speciem fiebant, adeo celeriter præter omnium opinionem labefactis mœnibus, & fuso per præsidium incendio animis ceciderunt.

Etenim

A) Hæc turris præcipuum munimentum Ciclutæ.

Etenim Steinavius eodem tempore, quo quatuor tormenta, & to-A. C. tidem mortaria in præsidium obverti jussit, castellum simul impetendum 1694. putavit, ut curas scilicet, viresque obsessorum divideret. Castellum, Præfecto pugnam non auso, illico in deditionem venit, Turcis absque armis, & modica duntaxat suppellectili concessa, alio avectis. Captæ sunt in portu varix naves mercibus Asiaticis onustæ, quas Rhodius Mezzomanes tempestate compulsus, paulo ante Venetorum excensionem, in eum portum invexit. Biduo A) post præsidio pacisci placuit, postquam missiles ignes summa tectorum corripuerunt, & cuniculus ad marginem fossæ solutus viam ad muros aperuit. Subscriptis conditionibus milites, & cives incolumitatem corporum, bonorumque pacti, composito agmine præsidio excesserunt. Præter Gubernatorem permulti nobiliores Turcæ eo in agmine visabantur. Mustius nuper in Chium relegatus, rursus exilii sedem mutare debuit. Mezzomanes rebus omnibus exutus aliena navi Rhodum repetiit. Victoria eo dulcior Venetis fuit, quo minori jactura militum, celeberrima insula Reipublicæ asserta, & plures captivi vinculis exempti. Octingenti, quinquaginta diversæ nationis mancipia libertatem receperunt. Septuaginta, majori pila in fornicem incidente, ubi clausi asservabantur, eoque perfractio miserabili strage oppressi, contectique sunt. Quæ idcirco commemoravi, ut vel inde conjicias, quantus numerus captorum toto Imperio sit, quando in urbe una tot miseri jugo barbaro premebantur. Solventibus e portu dedititiis, classis Turcarum quinquaginta navigiorum subito apparuit. Zenus pugnx navalis percupidus, levatis anchoris hosti occurrit. Is percepta Chiorum fortuna haud mediocriter turbatus, satius duxit aleam certaminis remis, velisque fugere, quam novo discrimini vires Imperii objicere. Pars Hellepontum versus, pars Smyrnam cursum direxit, frustra insequentibus Venetis, quorum naves prægraves, ac tardas tranquillo mari, facile leviores eluserunt. Dispulsa classe, firmataque Chio auxiliares copix in Italiam, Venetæ in Peloponnesum navigarunt, ubi Michielius ostensis præcise armis prope Corinthum, firmam pacem provinciæ peperit. B) Nunc in Poloniam revertamur.

Frequentissima Regni totius Comitia in diem secundum, & vicesimum Decembris c) indicta erant, tum sedandis Senatorum discordiis, ne mora ipsa invalescerent, tum ut ne Turcicum bellum imparatos offenderet. Adversa Regis valetudine sine emolumento patriæ dissoluta sunt, negantibus Lithuanis legem ferri posse absente Rege. Amantiores Reipublicæ privata potius, quam publica authoritate in Regni defensionem incubuerunt, atque ut initia se dabant, felici sane conatu. Brandius Tribunus multis procursionibus notum nomen, relatis sæpe numero multiplicibus spoliis in castellum SS. Trinitatis, quod adversus Camenecum exædificatum narravimus, d) speque ampliorum prædarum, Polonorum aliquot turmis militem suum auxit, a quo assiduis excursionibus pagi circa omnes, oppidaque Turcici juris, & Camenecum ipsum usque adeo infestum habebatur, ut jam dominantibus per utramque Tyræ fluvii oram Brandianis, nec Camenecenses sine valido præsidio egredi auderent, nec Tartari sine justo exercitu commeatus eo inferre possent. Et quamvis isti in omnem occasionem intenti, ac sua multitudine freti, semel, atque iterum attentarent annonæ subsidium in urbem inducere, tamen a Brandianis veluti ex insidiis surgentibus, adeo improviso obruti sunt, ut mille cæsis, nec paucioribus captis, sua omnia impedimenta cum annona amiserint.

Sed rursus e fuga collecti, auctique sociorum agminibus, septingentos carros omni genere frumenti oneratos, pugnx securi Camenecum advexere. Tum in Rubram Russiam effusi dirissimas populationes renovant. Nec ut alias divisis, sed conjunctis copiis procedunt, triginta millia justa æstimatione censabantur. Huic torrenti semet objecit cum modica manu

A) Nempe die XV. Septemb. B) Hæc partim e Porta Ottomanica, partim e Petro Gatzonio sumpta. C) Anni scilicet 1693. D) Vide annum 1693.

A. C. Gurskius impigri, & præferocis animi Tribunus. A multitudine undique
1694. leptus, latam per hostium stragem ferro sibi, suisque viam aperuit, solum
duodecim ex eo manipulo amissis. Zaorovius septem signis equitum instru-
ctus, rem fortius egit ad Leopolim. Ausus aperto in campo manus conse-
rere cum illa multitudine, ne circumveniretur, coactus est semet recipere
in tutiorem locum. Fecit istud ordinibus clausis, & obversa in hostem
fronte, qui diuturna velitatione fatigatus, dum reditum quærit, his mille
viris multatur.

Autumno ineunte multo majore vi, apparatuque ad Tyram consti-
terunt Tartari. Cum enim inductis com meatibus numerosum prælidium
hyemis spatio ali non posse existimarent Purpurati, & Brandiani omne,
quod humano usui foret, pabulatoribus Turcis circa Camenecum præcipe-
rent, aut igne perditum irent, curarunt annonæ copiam, quæ Cameneco
inferretur, festinari. Jam superiore anno quater mille vehicula hujusmodi
subsidio onusta in Moldaviam promota erant; at parum inter se convenien-
tibus Tartarorum Ductoribus, aut potius faciundis spoliis intentis, subve-
ctionem annonæ inter postrema habuerunt. Præsenti demum anno sub
principium mensis Augusti Budziacensis Tartariæ Chamus Casys Gereyus,
quinque, & viginti millia suorum trahens, quibus se adjunxere novies mille,
& sexcenti Moldavi partim, partim Turcæ, cum annonariis illis curribus in
viam se dedit. Verum audito, universas vires Poloniæ ad Camenecum me-
tari, non ausus ultra progredi, in Valachia substitit, damante hanc cun-
ctationem aula Byzantina, quæ animum hominis nimis quam lentum, ac
varium non ferens, in Bielogradiensem Chamum provinciam deportandi
commeatus transtulit. A)

Is duodeviginti equitum millibus collectis, maximis itineribus in Va-
lachiam profectus, cum omnibus copiis, & carris Tyram accessit. Nihil
istorum latebat Jablonovium, & Sapieham, hunc Lithuanici, illum Poloni-
ci exercitus Duces. Uterque lectissimo milite succinctus pugnae copiam
optabat, quo illatas populationes, hostium strage ulciscerentur. Com-
muni consilio decernitur: Tyram transmittendum, atque hostes aperto
campo tendentes subito invadendos. Quinta Octobris omnis equitatus mi-
nimo strepitu cum bis mille dimachis in averfam ripam natatione evalit:
duodecim castrenses machinæ lintribus transvestæ. Altero die hora a me-
ridie secunda ad manus ventum est. Raro alias constantius dimicarunt
Tartari, Chamo voce, & exemplo instante, ac ruptos ordines integrante.
Sole in occasum inclinante inclinavit quoque hostilis acies, cæsis Janicsaro-
rum cohortibus, hoc est totius exercitus robore. Insecuti Poloni, rursum
ad pugnam adigunt fugitivos, cæduntque. Duobus his præliis Tartaro-
rum septem millia desiderata sunt, minima jactura Polonorum. Præter co-
piosam annonam centum quæstorii currus, & pecunia prælidio destinata,
& equorum grex in potestatem venerunt, magna utique victoris militis gra-
tulatione, quem tot feralia incendia, tot everfiones vicorum in ultionem
incenderunt. B) His prospere gestis, inter acclamationes civium, lætitiā
vix animo capientium, Poloniam repetierunt.

1695. Principium hujus anni morte Achmetis Imperatoris insigne fuit.
Vario morborum genere per omnem vitam conflictatus, ad extremum hy-
drope laborare cœpit, adeo immodice postremis mensibus crescente ma-
lo, ut rejectis Imperii tædiis, vix mandata, epistolasque subscripto nomine
dare posset. Quanquam nec alias singulari cura Rempubicam complexus
fuerit, animo magis, quam corpore æger, atque per diutini c) carceris
mise-


A) Tartari ut provinciis diversi, ita diversos Regulos, Chamos, sive Hanos habent. Ex quo fa-
cile intelligas, cur eadem in expeditione plures Reguli apud Historicos legantur. B) Lenchni-
chius Poloniæ fortunam his verbis complexus est: „Non successit anno 1694. Tartaris, qui
importato Camenecum com meatu in Russiam se infundere constituerant; cum enim & in seffi
aditus, & copiarum majores confluerent, post unum, & alterum conflictum præda vacui
recesserunt. „ C) Achmetes iste II. facile annos quinque, & quadraginta carceris ærumas
perpassus fuisse e Scriptoris eruitur.

miserias non regendi modo, sed cunctis, quæ ad cultum humanum faciunt, A. C. artibus destitutus. Fractam valetudinem immoderato usu ciborum, ac largiore vino in dies attenuavit. Fato proximus, evocato ad se Purpuratorum Senatu, de legendo novo Imperatore agere instituit, non eo quidem consilio, ut in alterutrum filiorum (nondum pueritiæ annos excefferant) molem Imperii transferret, sed ut successorem liberis, ac conjugii suæ placabilem relinquat. Non ignorabat in oculis, votisque omnium esse Mustapham Mahometis IV. filium, Principem ingentis animi, & qualem ea tempora perpetuis bellis implicita poscebant, admodum pugnacis. Huic colloqui peroptabat Achmetes, antequam decederet. Sed Mustaphas subvertitus insidias, ultimos congressus quam diligentissime vitavit. A) Fessum jam corpore, ubi finis aderat, sexta Februarii adstantibus amicis suprema mandata dedit: *Mustapham haud dubie rerum potiturum commonefacerent, se in ejus vitam nihil per vim, aut malas artes, etsi non deessent, qui venenum, vel ferrum audacter suaderent, molitum fuisse; redderet vicem beneficii innocentibus liberis, ac conjugii, quos ætas, & sexus alioquin absolvit.* Neque diu post extinguitur Adrianopoli, nullo publico luctu. Cadaver Byzantium avectum, solita pompa in principe Moschea humatum est.



M U S T A P H A S II.

I M P E R. O T T O M. XVI.



Constantinopoli acclamatus Imperator Mustaphas, hoc nomine Secundus, Solymano, ac Mahometi itidem secundis, vigore animi, cupiditate gloriæ, armorum usu suppar fuit; at fatali bello composito, quod ingentibus Europæ, Asiæque motibus Ottomanos inter & Confœderatos Principes in decimum septimum trahebatur B) annum, multo etiam superior videbatur. Ut primum in campum prodiit, omnem exercitum in se convertit. Recordabantur veterani milites eum inter armorum strepitum natum, educatumque; primis pueritiæ annis gregali habitu velut alterum Caligulam C) in castris circumlatum. Prius tormentorum fragores, quam nutricum nœnias audivisse. Adolescentem equestri, & gladiatoria disciplina probe exercitatum, inter maximas copias, quibus Vienna impugnata est, in campis Thraciæ armatum apparuisse, cum iisdem ultra Savum amnem in Hungaria profectum, caloris, & frigoris ultra ætatem tolerantem; denique a præstantissimis exercituum Ductoribus, omnes artes bellicas rara felicitate hausisse, conficiebantque, ductu, & auspiciis tanti Imperatoris pristinam armorum gloriam redituram.

Et vero præclaram hanc de se existimationem in aditu regiminis, rebus ipsis confirmare studuit. Diviso curis animo, ante omnia delectus militum festinavit, circummissis ad Moldaviæ, & Valachiæ Principes provinciarumque Præfectos literis, quibus severe universos commonefecit, ut quam maximum possent, copiarum numerum sub signa cogant: arma, equos, nitratos pulveres, naves pro sua facultate comparent, mitescente hyeme in campis Adrianopolitanis adsint. Ut promptiores redderet ad diri-

Y y 3

genda

A) Porta Ottom. Tom. II. pag. 686. B) Cœptum est bellum 1682. Pax tandem confecta Caroloviczii in Sirmio 1699. C) C. Cornelius Tacitus Annalium Lib. I. §. 69.

A. C genda mandata adjecit: *sibi omnino deliberatum proximo vere in Hungariam, 1695, aut Daciam cum exercitu proficisci. Imperium armorum nulli hominum secessurum, sed suo ductu bellum gesturum, ubi major hostium vis, molesque belli. Solymanum II. aliosque clari nominis Imperatores nobilissimas victorias retulisse, quod pro fronte legionum steterint, aciem ipsi composuerint, militem oppugnandis urbibus admoverint. Ceteros qui Seraglium campo, otium labori prætulere, qui privatis Ducibus exercitus tradidere, intutos domi, foris spretos, utrobique anxios, ignobilem vitam duxisse; certe Imperii limites nimis quam arctos, & vires afflictas, accisasque sua ignavia reliquisse. Ad præcavenda in posterum hæc damna, nihil industriæ se omisissurum; sperare autem, provinciarum Præsides pro sua in Mahometem religione, & Imperatorem fide, & in patriam charitate, quæ ad multiplex bellum pernecessaria sunt, prompto, constantique animo curaturos. Hæc per Præfectos in vulgus sparsa, & adulandi studio magnifice aucta, maximas spes toto Imperio concitarunt, & ad bellum summis viribus redintegrandum segnes quoque inflammaverunt.*

Secundum delectus militum, aggressus est componere aulam, exauthoratis ministris, quos noverat abalienato a se animo esse, aut specie procurandæ Reipublicæ privatis lucris inhiare. Kafachem matrem suam, infra dignitatem habitam, apparatu pristinae fortunæ in aulam revocat, quæ, ut apprime callebat regendi artes, gratiæ alioquin secunda, nec timide, nec infelicitate res Imperii moderabatur. Simul, atque filium Imperatorem salutavit, immensam A) pecuniæ vim in belli subsidium sponte sua obtulit, donum eo sane gratius, quo majoribus curis expeditionem molienti a pecunia, atque penu castrensi destituto. Hanc summam auxit Achmetis II. conjux, benevolentia Imperatoris in Seraglio permixta. At Vezirius dum firmo gradu se stare existimat, cum aliquot ministris præceps datur. Non levem exilii, mortisque causam fuisse, vel ex eo conjicere licet, quod præmissis jam copiis in Serviam, supplicium hominis haud distulerit. Multorum opinio erat, Imperatorem graviter offensum, quod per Eunuchorum Principem egerit, ne miles tanto numero, tantaque celeritate legeretur, neve Imperator deserta Imperii arce, in castra proficisceretur. Aliis existimatum, ad Imperatorem emanasse Vezirii factionem, qua in Achmetis filium, in cunis etiamnum vagientem, monarchiam transferre meditabatur, ut scilicet unus in conclavi, & campo armorum præfectura validus dominaretur. Alii Kafachis artibus præcipitem datum dicebant, quæ offensæ imperioso illius ingenio, se, aulamque tali Dictatore, rebus adhuc integris, eliberare quamprimum cupiebat. Ab exilio revocatus, Adrianopoli ferali fune præfocatur. Corpus triduo in compitis neglectum, & insultantis populi ludibriis vexatum, nulla funebri pompa componitur. Vezirii locum occupavit Achmetes gratia apud Imperatorem nulli secundus. Eam in prosperis, adversisque a pueritia sibi conciliavit, intemerata fide in suum Principem, cui semel adhæsit. Nunquam enim a Mustaphæ latere, in horas lictorem operientis in carcere, abscessit, calamitatum omnium particeps. Vezirii ruina nobilissimi quique Præfecti oppressi sunt. Nemini tamen mors indicta, exilii duntaxat poena proposita.

Ex adverso non paucis quos aliena invidia, aut acrior æmulatio imperitante Mahomete IV. præfecturis, aulaque movit, locus & gratia apud Imperatorem restituitur. Horum quindecim provecta ætate, ac vetere solidaque multarum rerum experientia graves, veluti negotiorum animas, in aula detinuit, commendavitque matri suæ, ut istorum opera in summis quibusque rebus se absente uteretur. Sic Imperator delectis Consiliariis domesticæ quieti consuluit, dum ipse ferro armatus, Imperii fines propagare satagebat. Eodem tempore Valachum, Moldavumque hortatus est, ut non minoribus copiis, & armorum apparatu Belgradum se conferrent, quam dum

A) Scriptor Ottomanicæ Portæ liberali calamo commemorat, tredecim miliones facti, infestique æris, Soltanam filio suo dedisse in belli impensas.

dum Viennam oppugnatum cum Kara-Mustapha ierant. Tartariæ Regulos A. C. perinde stimulavit. Tókólium iactura suarum arcium, atque militum gra- 1695.
viter afflictum, nescio, quibus promissis ad bellum capeffendum incendit. His domi, forisque ordinatis, depulsa vixdum hyeme, primum Adrianopoli, deinde Philippopoli Europæ legiones, tardius Asiatici equites coivere. Quarta Junii Imperator, commissa Reipublicæ administratione A) Kasachi, Philippopolim discessit. Lustratis copiis reperit octoginta, & amplius milia Turcarum. E Tartaria pauci aderant, metu utique Moschorum, qui demum hoc anno gravem exercitum in campum eduxere. Adverso Danubio subvecta annona, atque omni apparatu bellico, ipse terrestri itinere inter signa Janicfarorum Belgradum contendit.

Intento in accelerandam expeditionem Mustapha, a Christianis minime cellabatur. Cæsaris, totiusque Senatus bellici præcipuæ curæ eo tendebant, ut universæ vires ante æstivos menses in castris adessent, aut saltem e-Caspio mari, ultimaque Ægypto festinantes Turcas præverterent, ut Temesiam oppugnandi ante fieret initium, quam hostium exercitus eam in campo tueri posset. Consilium oppugnandæ Temesiæ Veteranius dederat, averfurus scilicet cladem a se, suoque milite, quam animo prævidebat. Eum in finem Heislerus, sive Heidershemius, incredibili solertia Szegedini, Gyulæ, Varadini annonarias domos excitat, frumentoque replet; Veteranius Karanysebesiam, Lugosiam pari industria in horrea vertit, ac aggere circumducto communit. Sed inprimis Lipam e fertilissimo agro Transylvaniæ, pabulorum, atque frumenti vim maximam comportari jubet, præter nitratos pulveres, pilas, aliosque apparatus in perniciem urbium repositos. Istorum duumvirum industriæ si parem adhibuissent cæteri curatores, multo felicius expeditio cessisset. Pro malo omine acceptum est, quod legiones Cæsareæ tardius e stativis moverint, ac imperatum fuerat.

Æneas Caprara Friderici Augusti Electoris Saxonie copiarum in Hungaria Imperatoris Legatus, ad Illokium castra posuit. Præsente Electore, qui decima Augusti in castra pervenit, octo & triginta millia equitum, peditumque numerata sunt, præter Hungaros, Rascianos, quorum numeroia manus aderat. His accesserunt finiente Augusto octo Saxonum, & quinque millia Danorum; ut adeo mense Septembri sexaginta, & amplius millia in hostem educi potuerint. Castris Petro-Varadinum translatis, quid consilii caperet Mustaphas, Cæsarei Duces anxie, sollicitèque evigilarunt. Is trajecto Savo, Petro-Varadini oppugnationem animo volvebat. At Zoffar Balla militari scientia clarus, ampliora expeditionis præmia ostendit, si omnia in præsens munitissimæ urbis oppugnatione, quam Cæsarei haud dubie interturbarent, in Transylvaniam flecteret itèr. Possè Veteranium, & omnem provinciam prius opprimi, quam Cæsarei auxilia ferant. Turcis viam expeditam, illis Tibisco, & crebris paludibus interceptam. Tanto autem clariorem fore victoriam, quanto vastior, nobiliorque provincia nudo præsidio præferenda. Zoffaris consilium non Imperatori modo, sed & Purpuratis omnibus mire probabatur. Ad Pancsovam pons navalis Danubio imponitur. Quarta, & vicesima Augusti primum Spahios, deinde Janicfaros Mustaphas, & Vezirius traducunt, relicto Belgradi, qui urbi, clasique præsidio sit, mediocri exercitu. Ad Temesiam dies aliquot quieti confident. Elector trajecto ad Petro-Varadinum Danubio, quatruidi itinere Póclium profectus, trans Tibiscum metatur. Intellecta Soltani mora ad Temesiam, dubius animi quam viam iniret Daciæ juvandæ, ne interim Petro-Varadinum pessum iret, aut ipse iniquo loco in certamen protraheretur? celerrime Tibiscum relegit, ac rursus eundem amnem ad Kis-kani-sam transmittit.

Paulus

A) Alii tamen prodiderunt Kasachem Soltanam nupiam a latere filii recessisse, atque in bellum Hungaricum profectam, uti anno 1683. Vide pag. 130.

A. C. 1695. Paulus Deakius, nobilis Ductor Hussarorum, per eos dies secundas procurfiones fecit, cæsis, aut captis sæpenumero exploratoribus Turcis. A) Prope erat, ut celeberrimus procurfor Mustaphas, cognomento Katana, a Deakio caperetur. Lapsus equi Deakiani hominī salutē fuit. E captivis, & transfuga cognitum: Soltanum quinta Septembris Lipam festinatis profectionibus movisse. Percussus inopinata re Elector, Veteranium, & Kolbium Lipæ Præfectum per Celeres suos admonet de Soltani adventu, deque affuturo propediem auxilio, animatisque militibus ad subitum, ac longinquum iter (odiosissima enim circuitione utendum erat ob palustria loca) Lipam dies, noctesque festinat. Sed jam istud præsidium a quindecim milibus Janicsarorum septima Septembris uno assultu captum erat, trucidatis ad internecionem defensoribus, dempto Kolbio, pauculisque Præfectis, quibus avaritia vitam produxit. Avecto omni frumento, atque machinis, monumentum suæ victoriæ in cineres agunt, ac Temesiam redeunt.

Noster exercitus Aradinum eluctatus triste nuncium accipit: Lipam everfam, Titulium obsessum, Mustapham prope Temesiæ muros expeditum stare, unde vel in Daciam, vel Petro-Varadinum tempestatem effundat. Tot difficultatibus obrutus Elector, Veteranio subsidio mittit quina equitum millia; Comitem Forgachium cum tribus Hussarorum legionibus Kobilam properare jubet, ad Herbevillium firmandum, & Titulium defendendum; ipse remensus iter, Makovam inter, & Szegedinum castra locat. Nondum Forgachius Titulium viderat, cum funditus eversum intelligit. Res in hunc modum accidit. Hostile agmen, quod Belgradi substitisse naravimus, classe Tibiscum invectum, decima tertia Septembris Titulium aggreditur; postridie labro fossæ occupato, præliarios mille sexcentos ad deductionem compellunt; libertatem pactos, contra datam fidem pro captivis Belgradum asportant; præsidium cuniculis accensis in auras evibrant. Assemburgus classis Præfectus pessime audiebat, quod segni otio ad Petro-Varadinum hæserit, tametsi octo bellicas, & sedecim navigia armata præter complures saikas ad manum haberet; nec Herbevillium fama absolvit, cum sex millibus equitum ad Kobilam cunctantem. Uterque tenuitate virium se excusavit, nec obijciendum fuisse palmari periculo Belgradum Titulii causa.

Inter hæc tristitia nova clades omnium animos exterruit. Veteranius Lugosiæ inter, & Lipæ ruinas castra metatus, certiore reddit Electorem, Turcarum exercitum Daciam petere, sibi, & provinciæ maximum malum impendere; nisi suppetias quam primum veniat, cladem nulla ratione evitari posse. Elector raptis legionibus, quarta, & vicesima Septembris Lipam tenuit, cæso jam Veteranio ante triduum. Altero, quam venerant, die quadraginta Turcarum millia sublatis noctu tormentariis suggestitus, prima luce grandioribus pilis undique oclusos impetere cœperunt. Curatis corporibus, circa meridiem castrorum munimenta invadunt, pars defensores continenti scloporum dispersione arcere, pars admotis scalis aggeres superare, pars valla rescindere, ex omni denique latere inter crebra vulnera, & mortes aditum moliri. Cæsareus miles tantæ multitudini numero impar, virtute, ac munitionibus superior, quinque horis pertinacissime assilientes sustinet, pilisque continenter emissis agredientium frontem, & latera fodit, nullo telo in irritum cadente. Haud tamen Turcarum ardor, cadentibus circa sociis elanguit, sed clade ferociore, sociorum cadaveribus fossas explent, sauciis vel fessis integri succedunt, decies repulsi, decies in cruentam arenam redeunt, dum Veteranio lethali vulnere prostrato in castra penetrarent. Pro fronte legionis suæ dimicans Dux idem, ac miles, ictus majoris tubi glande in sinistra papilla, semianimis in interiora castrorum amotus est. Vulgato infortunio pugna remittit. Truchsessius, Veteranii Legatus, ut reliquum militem cladi eripiat, duas cohortes

A) Crebras, & felices procurfiones susceperunt Hungari, quibus recensendis supersedeo. Cui otium, & facultas, adeat Portam Ottom. Paulus Deakius solertissimus procurfor, Turcico, atque Gallico bello multum inclarnit, magna utique Hungarici equitatus gloria.

tes peditum carrorum sepimento includit, & quantum per temporis angustias licebat, communit. Huc delati hostes producto in seram noctem certamine defensores internecione delent. Reliquæ cladis spatium fugiendi natæ, Karanysebesiam, inde præsidio extracto ad ferream portam evadunt. Desiderati dicuntur in hoc prælio ter circiter mille præter eos, quos agrestes in fuga interemerunt, majore utique quam pro numero jactura, amisso robore veteranorum, ac militiæ præcipuis. In uno Veteranio plurimum cladis acceptum est. Caput a prædatore Turca ad Mustapham allatum, hujus jussu cum corpore honorifice conditur. Impedimenta cum omnibus machinis, & multis signis amissa. Ex Ottomanis vero cæsa fuisse quinque millia ipsi hostes prodiderunt; nostri, qui pugnx intererant, ad decem millia ampliant. Scriptor Ottomanicæ Portæ non veretur, denis millibus bina A) addere cum Prætoře Thraciæ, & Albanorum B) Ductore; ut adeo hæc victoria tam caro empta, clades potius dicenda sit. Ne ea tempestate hauriretur Transylvania, Elector citatissimo itinere evolat: subinde vaneſcente metu, militem peregrinationibus fessum in hyberna dimittit, Vaude-montio Governatore Transylvanis imposito. Hyems instaurandis Lipæ, Titulio, Karanysebesiæ perdiligenter impensa.

Mustaphas Imperator collectis spoliis, & Karanysebesia expilata, everſaque, ac sauciis, quorum ingens multitudo fuit, Temesiam avectis, Orſovam verſus exercitum movit. Multa eum a proſequenda victoria retraxerunt. Frigidior autumnus, & Transylvaniæ angustix, quas niſi uno calore perfringeret, Electore propinquante, in Temesiensi provincia ſibi hyemandum foret. Unde vero tantis copiis peterentur annonæ com meatus? privatæ etiam rationes Mustapham agebant, verentem ne fortuna belli, quam amicam expertus eſt, variet, & inſauſto exitu victorias corrumpat. Valachiæ Principem per ſuos Chauſios certum fecit, ſe cum omni exercitu per ejus provinciam iturum, utque venturis copiis tutum iter, & annonam præſtet, amice admonuit. Rumor Turcici exercitus, tum agreſtes Valachos terruerat, populationem ſuarum villarum timentes, tum præcipue Principem, iram Soltani reformidantem ob intermiſſam expeditionem Hungaricam.

Sed metu eos non multo poſt abſolvit Mustaphas. Quippe tanta diſciplina militari novem dierum iter per Valachiam conſecere Turcæ, ut non modo oppidorum nulli, ſed ne uni quidem ruſticorum caſæ illata viſ a quoquam, aut injuria memoretur; ſi facinus unum excipias, quo duo ex Aſia oriundi, favum mellis invito ruſtico linxerant, qui ſtatim a Mustapha ſuſpendio damnati, reſte vitam finire. Et Princeps multa humanitate exceptus, poſteaquam Imperatorem Tornum c) uſque aſſectatus eſt, muneribus ornatus domum remittitur. Id ſolum ab Imperatore majorem in modum ei commendatum, ut in adminiſtranda provincia legem, æquitatem, & fidem unice in conſilium adhibeat. At Tökölum dicitur peracerbe increpiſſe, quod hybernorum cauſa, Valachos veluti hoſtes divexarit, vicos aliquot iræ impotens ambuſſerit. An ultra acrimoniam verborum proceſſerit? non habeo dicere. M. Leopoldi Scriptor prodidit, eum Byzantium deportatum, & in Hebræorum vico vitam traxiſſe. Contra hiſtoria Portæ Ottomanicæ commemorat, eum inſequenti anno ad Temesiam tendiſſe cum duodecim millibus armatorum. D)

Cæterum Imperator ad Nicopolim ſuperato Danubio, Adrianopolim lentis itineribus pervenit. Exoratus a conjuge ſua, quæ a civibus hujus urbis centum millia aureorum nummum dono accepit, complures dies hic commorabatur. Subinde triumphantis in morem Byzantium ſubivit. Præcedentibus Janiſarorum cohortibus capta ſigna, machinæ triginta, tum ter centum Germani ſequebantur. Ipſe curru eminens, habitu oris veterum

A) Ephemerides Leopoldinæ ad diem vigefimam primam Septemb. duodena Turcarum millia cæſa affirmant. B) Vulgo Arnautæ. C) Tornum oppidum Valachiæ urbi Nicopolcos oppoſitum. D) Porta Ottom. Tom. II. pag. 760. Hiſtoria M. Leopoldi Tom. II. Lib. XIII.

A. C.um Imperatorum memoriam, apud infinitam populi concurrentis multitudinem non falso revocavit. **A)** Exiguo intervallo senior, juniorque Soltanæ curru muliebriter culto invec̃tæ, multum splendoris pompæ addidere. Circum Soltanum Vezirius, Purpurati, & primarii quique militum Ductores, equis sublimes vehebantur. Spahii agmen clauferunt. Dici non potest, quanta animorum lætitia, insolitum per tot annos spectaculum hauerint Byzantini, procurrentes ex agris, testisque, & undique effusi. Auxerunt victoriarum, & triumphii magnitudinem gregarii juxta, atque Præfecti, sparso in vulgus rumore, munitissimis præfidiis expugnatis, admodum prolatos Imperii terminos, cæsum Christiani exercitus robur, captivorum plerosque gradu militari insignes esse, confecta istorum libertate, multum pecuniæ ærario inferendum. Missi quoque ad Persam nuncii, qui reportatas de Confœderatis Christianis victorias significant, falsa veris miscentes; Cæsareis fusis, fugatisque in Temesiensi provincia, Moschos ad Assoviam fractos; Poloniam a Tartaris vastatam, Venetos mari victos, Insula Chio insuper expulsos. Ejusmodi commenta num aliqua portione veri aspersa fuerint? jam nunc dicturus sum.

Veneti in defensionem Peloponnesi, & Chii insulæ, quam nuper occupaverant, quanta nunquam antea solertia, arma, viros, æs, annonam, navigia cogunt; magnopere instant apud Innocentium XII. Pontificem, apud Magnum Magistrum Equitum Melitensem, quot viderentur, in Peloponnesum primo vere trajicerent; posse insulas Ægæi maris alioquin Christianis faventes nullo impendio capi. Omnia festinantibus adversi venti obstiterunt. Interim Mezzomortes a Mustapha Imperatore stimulatus, nona Februarii cum valida classe haud procul a Chio insula stationem capit. Antonius Zenus Architalassus, qui ea in insula substiterat, confestim bellicas jubet procurrere. Priulus, & Pisanus non expectatis septemdecim, quæ reflante vento detinebantur, navigiis, quinque bellicas in hostem movent, ac pugnam magna alacritate capeſſunt. Una Veneta sive ab ollis igniariis sive aliunde oborto incendio, pulverum vi momento dilcerpitur; altera flammis correpta, pari infortunio perit, duobus duntaxat nautis ad proximam navim enatantibus. Tertia prope expugnata fuit. Eam Mezzomortes ipse cum expeditis celocibus fatigabat, jamque ter centum Turcæ victoribus propiores, prælium miscebant in ipsa navi, Venetis ad numerum exiguum reductis. Gubernator admoturum se fomitem receptaculo pyrii pulveris minatus, ferociam hostium tantisper repressit, tum explosis machinis in confertos, inevitabili strage plerosque conficit, reliquis deditionem imperat.

Undevicesima Januarii, meliori fortuna Venetorum ad Phocæam iterum concursum est. Spatio duarum horarum, septem hostiles naves grandioribus pilis perforatæ submersæ sunt, tres captæ. Veneta una, proxima periculo fuit; quippe ab hostilibus circumventa captiva trahebatur. Sed a Sebastiano Mocenico post acre certamen rebus integris recuperatur. Mezzomortes amissis duodecim millibus classiariorum, aperto mari fugam inivit. Veneti tanquam ingenti prælio victi, omnia perturbate egerunt. Neque enim raram, dissipatamque Turcarum classem persecuti sunt, neque finitimas insulas invasere, quas præsidio vacuas, & Christiano nomini addictas sine sanguine, sine impensis obtinere potuissent. Imo versis in Chium velis, cum trepide referrent navium Gubernatores, mille septingentos gregarios cum Priolo, & Pisano hac pugna interiisse, & annonam ultra quatuordecim dies haud suffecturam militi, Zenus desperato omni subsidio hyberna tempestate, immaturo sane consilio munimenta urbis portusque everti iussit, ac acceptis in navigia militibus, tormentis, multisque insularis, Naupliam, quo partem copiarum anno superiore miserat, navigavit.

Mezzo-

A) Imperatores Ottomanici persæpe triumphantes Byzantium ingressi sunt, ut evolventi hæc solaplanum est. Postremitus, quod sciam, hoc illustri spectaculo recreavit cives suos Solymannus III. anno 1691.

Mezzomortes ad rumorem vacuæ insulæ, sine mora occurrit, depopulatus. A. C. 1695, que hostiliter urbem, spolia veluti de Venetis capta Byzantium auxit.

Uisit Rempublicam tanti momenti, tam præpropera demigratione amissæ insulæ cum iactura dedecus, ut Zenum (quod ipse postulasse dicitur) loco, dignitateque moverit a) præfectura classis Alexandro Molino commissa; quocum Steinavius terrestrium copiarum supremus Imperator, in Peloponneso iacturam reparavit, dedecus eluit. Urbem Argos Ibrahimus armorum Præfectus cum viginti millibus pugnatorum obsedit. Incaustum verberato castello, populationem profert Naupliam usque. Steinavius, & Molinus acceptis supplementis, & in qua erant omnia, grandi æris summa in militum stipendia, ne se hostis altius in Peloponnesum infundat, decem peditum millia, & mille ducentos Equites Argos ducunt. Decima Junii Turcarum equitatus castris egressus pugnam quærentis speciem præbuit, sed vix collato pede compositæ, & ex meditato, sinistra ala ad pedites se retulit, ut nempe Venetos avidius insequentes exaggere castrorum tormentis sternerent. Suspiciatus id, quod erat, Steinavius, omisso fugiente hoste, summa vi impressionem facit in dextrum latus e Jacisaris compositum. Eodem tempore Ibrahimus adversus Steinavium turmas aliquot equitum immittit; ipse bis mille pedites, & totidem equites in auxilium rapit. Non ferentes primum impetum Veneti, turbatis paulum ordinibus, vacillare sunt visi. Præsto fuit Steinavius, qui subductis e secunda acie duabus legionibus Grimaldi, & Sallaburgii, restituit trepidis animos. Nec ideo cessare Turcæ, sed castrorum vicinitate, & manipulis sociorum audaciores, novo ardore in prælium ruunt. Nox pugnam diremit. Ibrahimus secunda noctis vigilia tacentibus signis ad angustias Corinthi rediit, quatuordecim tormentis, & multis tentorii, armis præ festinatione relictis. In arena, hostium cadavera censa esse dicuntur ter mille quingenta. Nec fuga sine clade erat. Ab agrestibus suarum villarum incendia vindicantibus mille cæcos, centum quinquaginta captos ferunt. Quot e Venetis ceciderint? Scriptores non meminerunt. Urbs quoque Livadia b) in Achaja posita, ab Antonio Molino uno assultu occupata, post populationem misere deflagavit.

Mari eadem fortuna aspiravit Venetis. Nauplia profecti cum Pontificiis, & Melitenisibus juxta insulam Samum anchoras jecere, opperientes commodam occasionem Mezzomortem invadendi, qui reparatis in Chio suarum navium damnis, Ægæum mare infestus percurrerat. Decima quarta Septembris idoneum ventum nacti, post Icariam insulam hostilem classem duodeviginti bellicarum, & triginta trium majoris formæ navium in conspectu habent. Confestim obversis prorsus in Mezzomortem feruntur. Is non ausus congregi aperto mari, velis, remisque in Chium festinavit. Postridie pudor hostem impulit ad certamen prope Chium. Quatuordecim naves (nam reliquæ furente mari subduci debebant) non sustinuerunt modo inimicam classem, sed etiam duabus bellicis meris, ingruente jam nocte in Chium repulerunt. Non incruenta victoria Venetis fuit. Nam præter Angelum Bembum Veneti maris Præfectum sexcentos gregarios amittere.

Post quatrimum multo acrius dimicatum est, etsi mare ventorum vi turbatum minime faveret Venetis. Hieronymus Michielius primus in hostem invecus, repetitis machinarum ictibus, ingentem bellicam subito pessumdedit. Felix victoriæ initium dum ardens animi prosequitur, tormenti globo prostratus interiit. Hujus casu nihil deterriti Christiani, prætoriam Tripolitani Begi, aliasque naves multis illatis vulneribus lacerant. Nulla tamen, quod mireris, a victoribus intercipi potuit, repellentibus ventis Venetorum bellicas. Duæ minores a Turcis sponte derelictæ, præmium

a) Imo iussu Senatûs in carcerem coniectus, mortem prius obiit, quam absolveretur. Petrus Garzonius P. I. lib. XIII. b) Livadia, urbs Achajæ, haud procul Naupacto sita, numero civium admodum valida. Provincia Livadia apud veteres Geographos nunc Achaja, nunc Hellas nominatur.

A. C. victoriæ erant. Pontifici, & Melitenſes, quoniam gravior autumnus inſta-
1695. bat, Italiam, Veneti ſuam Naupliam repetiere. Respublica propitio, præ-
ſentique Deo ſolemnibus grâtiis in templo D. Marci perſolutis, militares,
aut provinciales dignitates iis decrevit, quos nôverat ad has victorias plu-
rimum contuliſſe. A)

Polonia non minus Tartarorum incurſionibus, quam ſolitibus turba-
rum fluctibus divexata fuit. Comitibus Regni nullo emolumento productis,
Tartariæ Chami filius, Cameneco illatis comitatibus, Leopolum cum ſe-
ptuaginta millibus acceſſit. Eam in urbem e vicinis ſtativis commodum
evocati erant equites Regiæ militiæ, non tam in urbis, quam totius pro-
vinciæ deſenſionem. Ter mille ducenti quinquaginta vincere, aut mori cer-
ti venerunt. Cum hoc manipulo auſus eſt ſive urbis, ſive equitum Præfe-
ctus B) duodecima Februarii & ſuburbia Leopoleos tueri, & ſimul nume-
roſum hoſtem aggredi in campo. Tartari ſua multitudine oppreſſuri pau-
culos, eodem, quo campeſtrem pugnam miſcebant, tempore, duobus in
locis ſuburbia impugnarunt. Ter, & decies ſumma ferocia aſſilientes, ar-
mis oppidanorum, & equitum fortiter repelluntur. Poſtremo ignominia
præcipites, quando nulla ſpes penetrandi erat, ignem rapiunt, & Craco-
vieniſi C) ſuburbio admovent. Tum irritati Poloni in campum ſe ſe eji-
ciunt, ac qualicunque acie tumultuario inſtructa attonitos, nutantesque fu-
gant. Sed vel in fuga triſtiſſima veſtigia reliquerunt, vaſtato omni agro
uſque ad Tyram. In hoc ancipiti prælio ceciderunt e Polonis centum, cen-
tumitem & ſexaginta vulnerati. Tartari ter mille partim cæſi, partim ſaucii nar-
rantur. D)

Æſtas pacatior abiit. At autumnus cladem geminavit. Aſſovia,
quam Moſchi oppugnatum venere, obſidione liberata, Tartari ea cura ſolu-
ti, Ukrainam his ultimis annis intactam, hoſtiliter evaſtant; ad Kioviam
homines, jumenta intercipiunt, ac in ſervitutem abducunt. Polonis, non-
dum ſedato turbarum ſeſtu, ad propulſandam regionis cladem non ſatis ani-
morum fuit. Zaporovius, vetus Dux militiæ Poloniæ, Tyram tranſgreſ-
ſus, hoſtes trajectu huius fluvii feliciter prohibuit. Pertæſus ſtationarium
agere, altius ſe in Moldaviâ induit. Prope Niemeroviam fugatis Molda-
vis, & Valachis mox ipſe funditur; proditus a Valachis, qui ſignis Polono-
rum in medio certamine deſertis, ad hoſtem deſecerunt. Zaporovius ma-
le mulſtatus, magna trepidatione Tyram repetiit. Hæc erat fortuna
Poloniæ.

Præſenti demum anno Moſchovia torporem poſuit. Petrus Alexo-
vichius Czarus, partim Magni Leopoldi legationibus, partim Polonorum
precibus ſtimulatus, ut olim conventum fuit, vires ſui Imperii ingenti ſpe
Confederatorum in Turcam vertit. Luſtratis omnibus copiis, quadringen-
ta millia E) armatorum reperit. Szenmetus, & Mazeppa tantæ multitudi-
nis Duces, antequam Aſſoviæ expeditionis ſcopo admoverent exercitum,
arcem Kazikermiam, prope ripam Boryſthenis ſitam, aſſultu capiunt. Præ-
ſidiariis in Moſchoviam deportatis, oppidani iure belli in ſervitutem redi-
guntur, arx cum oppido evertitur. Pari facilitate Haslanum, Hordekum,
Javanum ad præſtandam annonam commodæ loca expugnant, atque præſi-
dio firmant. Felicibus his initiis animatum militem, Petrus Czarus, qui
in caſtra venerat, Aſſoviam ducit, decreta jam dudum apud ſe ſuperbæ,
infeſtæque urbis obſidione. Habet Aſſovia a flumine Tanai, & palude
Mæotidis, aut potius Euxini maris ſinu præter mercium opulentiam, vali-
dum.

A) Porta Ottomanica, & Petrus Garzonius Part. I. Lib. XIII. hæc talia pluribus enarrant. B) Len-
gnichius Jablonovio hoc factum attribuit: curſumque præſentis anni compendio dat. C) Dum
Varſaviæ, inquit, diſcepratur, ſexaginta Tartarorum millia undecima Februarii ſub Leopoli
conſtiterunt, quos ſuorum exercitus Dux Jablonovius a Theſaurario Curie Regni Mi-
anczynſcio adjutus repreſſit, ut incenſa ſuburbii parte, Tyram verſus recederent, omnia
qua iter faciébant, incendentes. D) Sic dictum, quod Cracoviam verſus porrigatur. E)
Hunc numerum reperio in epiſtola data ad Proſkium, Oratorem Poloniæ, ea tempeſtate Vien-
næ agentem. F) Porta Ottomanica pag. 731. At pag. 737. centum millia armatorum fuiſſe
narrat.

dam sane contra hostium injurias munimentum. Nam nisi mari, & flumi-
ne arceantur auxilia, terrestrem oppugnationem invicta sustinebit, nec cir-
cumfideri potest sine navigiorum subsidio. Erant in urbe sex mille pedites
armorum apparatu, & adversus famem, internum hostem, multa annona
instructi. Tanais prægrandibus tribus catenis clausus tenebatur a præsidia-
riis, ne videlicet Moschi liberam navigationem nacti, & fluvium, & mare
sua in potestate haberent, & propius urbem appullis navigiis, spem acci-
piendæ externæ opis præciderent. Sed ea sollicitudo cœpta obsidione omnino
evanuit, quod Moschis nullæ naves adessent, neque per Tanain devehendi
alia via suppeteret, nisi in conspectu castelli, muralibus machinis horrentis,
haud procul Assovia juxta ripam fluminis exædificati; quo stante salvæ, in-
noxæque prætergredi minime possent.

In hoc castellum nimia festinatione vim suam exprompsit Petrus.
Namque leviter verberatis mœnibus assilire jussit promptissimos Moschorum.
Septingenti aqua collotenus inundante, flumentanam munitionem aggressi,
hostium iras primi senserunt. Neque tamen destitire, etsi telis undique
peterentur, multique impune caderent. Eodem tempore cum pluribus in
locis impressio fieret, & jam scalarum adminiculo, in ipsis mœnibus pugna
cresceret, præsidarii invitati a vicinæ urbis, in quam se reciperent, oppor-
tunitate, castellum Moschis concesserunt. Unus Gubernator a militibus
quantumvis desertus, non deseruit locum suæ fidei commissum. Liberali-
ter acceptus a Petro virtutis ergo, in Moschoviam veluti secuturæ mox
majoris victoriæ libamentum mittitur. Præter unum, & viginti tormen-
ta, apparatusque belli, & annonæ haud exiguum, illud victoriæ magnitu-
dinem auxit, quod non Tanai solum dominarentur Moschi, sed & castel-
lum in hostili terra obtinerent, ad frænandam Assoviam, & excludendas
suppetias, quæ flumine venirent, opportunum.

Verum haud necesse erat urbi in defensionem egregie paratæ, aliun-
de arcessere suppetias, adeo oppugnantibus omnia deinceps adversabantur.
Paludes circum urbem enatæ, plurimum dierum insano labore, & multorum,
meliorumque militum iactura ægerrime sterni potuerunt. Qui obsidiona-
les vias, aut cuniculos ducerent, pilas ignivomas torquerent, tormenta li-
berarent, pauci aderant, sique primis statim oppugnationis diebus ab erum-
pente præsidario vel cæsi, vel terra obruti. Commeatus quoque in dies
angustiores fiebant, multitudine fossorum, ac militum horrea depascente.
Ob eas res gravissimo mœrore dejectus Czarus, uti qui diutino labore invi-
olata adhucdum Assoviæ propugnacula, ullam usquam vel levem ruinam il-
latam, nihil quod capiendæ urbis spem faceret, perfectum videret, rejecta
in insequentem annum oppugnatione, copias ad Borysthenem reduxit.
Scribens ad Leopoldum Imperatorem, enarravit totius expeditionis seriem,
quidve in ea peccatum, sigillatim exposuit. Inter alia detrimenta meminit,
plerosque machinali scientia claros occubuisse, cum triginta millibus grega-
riorum. Militum numerum facile instaurari posse, at bellicorum machina-
torum, igniaræ artis peritorum sibi nulam copiam esse. Eadem Borussus
significavit, a quo non post multo viginti pyrotechnices callentissimos acce-
pit. a) Horum potissimum opera, ut deinde narrabimus, Assovia sub-
acta est.

Mustaphas Imperator delibata victoriæ dulcedine ardens, & inquires, 1696.
tametsi belli consultores in Divano multis persuadere niterentur, ut dubiis
præliorum exemptus, summæ rerum, & Imperii se ipsum domi reservet,
aut si tantus ardor bellandi, Nissæ, vel Sophiæ subsistens, per Celeres exer-
citus moderetur, mense tamen Maio anni MDCXCVI. cum sua Soltana,
& Vezirio Adrianopolim contendit, quo Janicfarorum Aga pedestres copias
jam abduxerat. Dimoratus hic, dum Asiæ equitatus adveniret, lentis iti-
neribus, prope exacto Julio Belgradum tenuit. Classis Ottomanica primo
statim vere Semendriam advecta, ex decem bellicis, triginta mediocris for-

A. C. mæ navigiis, sex, & sexaginta armatis faikis constabat. Infra Belgradum 1696. classarii pontem imposuere Danubio, deinde Savo. Ad utriusque custodiam dena Albanorum millia accita sunt. Cæsareus miles præter morem celerius ex hybernis emotus, inopia rei cibariæ, & stipendiis sero procedentibus, nullo operæ pretio quadraginta dies ad Szegedinum adhæsit. Propinquis auxiliaribus copiis, Saxo Elector super obsidione Temesiæ ad Heislerum, Capraram, Staremburgium, belli Senatores retulit. Gravate eam expeditionem subire videbantur, partim ætatem provectiorem, partim vicinas Turcarum copias memorantes. Sed stetit sententia Electori obsidere urbem, non tam spe illius expugnandæ, quam ineundi certaminis cum Soltano, quem advolaturum cum exercitu non ex vano rebatur. Itaque acceptis quinque millibus Germanorum equitum, & Pauli Deakii legione, Ducum flore comitatus, ipse (ut alienæ fidei, oculisve non multum tribuebat) omnem regionem, ac naturam loci coram perlustrat. Eruperunt semel, atque iterum Temesienses. Signifer captus prodidit, urbi octo millia defensorum inesse, quatuor Bassas, duos Begos pari jure illis imperare, remque publicam curare. Quanquam subinde Transfugæ nimium auxerint defensorum numerum, alii contra minuerint.

Curis inter Duces divisis, Heislerus opportune Titulium **A)** advenit. Quippe Chiafferes Bassa cum parte classis Tibiscum invectus, expugnato castello, quod Cæsarei ad ripam fluminis erexerant, Titulio nuper admodum novis munitionibus firmato imminerebat. Heislerum consecuti sunt cum suis legionibus Marchio Bagnius, Comes Marfilius, Truchsessius, tum Assemburgus cum universa classe. Chiafferes animadversa Cæsareorum alacritate, post aliquot velitationes Belgradum nullo navigio perduto defluxit. Nostræ tamen quatuor bellicæ, sive Assemburgi vecordia, sive hostium jaculationibus; nam variant **B)** Historici, merse sunt. Duodecima Augusti Electore circa Temesiam castra fixit. Revocato Heislero, Staremburgium quindecim millibus pugnatorum ad Titulium præficit cum mandato: classem, Titulium, subvectiones comineatum tueretur; si Soltanus Daciæ peteret, Temesiam rediret, aut si obsidentes aggrederetur, ab tergo veniret barbaris. His ordinatis, quantum per paludes licuit, urbs circumvallari cœpit. Unam duntaxat aggressionem vilius est instituere, ut militum sanguini, laborique parceretur. Sex dierum spatio obsidionales meatus fere ad marginem fossæ perducti, tum duo suggestus paucorum cæde exædificati, & incendia ignitis pilis excitata, felix sane principium erant.

Sed intellecto Soltanum cum omnibus copiis Temesiæ appropinquare, soluta obsidione, tridui itinere obviam itur. Prima & vigesima Augusti hostilis equitatus in nostros velites illatus, vix cæpto certamine ad suos se recepit. Eo die e captivis cognitum est: Turcarum castra intra Temesiam, & Begum amnes collocata, utrumque latus profunda palude esse circumfusum; frontem vero castrorum latissimo aggere ex omni machinarum genere horrere. Elector, ut in æquiores locum eliceret hostes, tribus passuum millibus specie timoris retrocedit. Soltanus dolum dolo elusit. Nam promotis in aciem Spahiis, dum se prælio accingunt nostri, omne illud spatium tanta festinatione Janicfarorum, aggere, & fossa complexus est, ut prius opus absolutum fuerit, quam Cæsarei, quid ageretur, resciscerent. Acceptis intra valla Spahiis, integra die tormentorum certamen tenuit. Solé occiduo ad Begum amnem aquandi gratia Elector copias abduxit.

Demum vigesima sexta Augusti tumultuario concursus est. Sub primam lucem Janicfari, & equites dumetis tecti, Temesiam versus gradum accelerant, ac prævento Electore, qui in barbaros continuo movit, Temesiam inter, & nostrum exercitum metantur. Habebant a tergo Begum fluvium, a dextro latere sylvam, a fronte paludem; sinistrum latus triplici carrorum ordine, & vallo celeriter obmuniunt. Elector etsi quam maxi-

me

A) Vulgo Erdödium. **B)** Historia M. Leopoldi ait, incitua Assemburgi tres bellicas amissas; Porta Ottomanica grandioribus pilis quatuor perforatas, & merfas.

me vellet hostem iusta acie aggredi nondum producto vallo, tamen cum **A. C.** duo cornua inter se distarent amplius, quam ut in tempore legiones, suos **1696.** in ordines componeret, ad inturbandum opus sex cohortes peditum, & duas dimacharum legiones Heislero pugnacissimo Duce immittit. Sexta ab meridie hora in Spahios procursores illati, ad currule sepimentum evadunt. Hic enim vero Janicfari carris protecti, continenti iaculatione nudos, expositosque ictibus, adeo percellunt, ut nutantibus signis, plerique receptum circumspexerint. Heislerus, dum trepidos confirmat, fugitivos retrahit, unus ubique praelium accendit, minore pila ictus in crure, exanimis e pugna refertur. Zinzendorffius, Bornstadius Saxonum Ductores, in eandem arenam succedunt; Princeps Vaudemontius duas legiones cataphractorum adducit auxilio. Janicfari quoque duplicant vires, audacissimos collineatis ictibus sternunt. C. Jörgerum Starembergianæ legionis Pro-Tribunum trucidant, Vaudemontium, aliosque Præfectos sauciant. Hi dum ad curanda vulnera ex arena efferuntur, prope erat, ut ad sepimentum strenue pugnantes ab reliquo exercitu avulsi, aut cæderentur, aut in manus erumpentium venirent. Duarum horarum mora tandem universa acies composita fuit, eo prorsus tempore, quo duodecim equitum millia in dextrum cornu impetum fecere. Fugatis ad currule sepimentum cataphractorum legionibus, protritisque Frisiis equitibus, Saxonum cohortes propellunt, ac eodem calore in secundam aciem inveci, magnam stragem minabantur. Danorum, & Saxonum peditatus furentium impetum non fregit modo, sed ad castrorum quoque munimenta retrusit. In extrema ala par discrimen, atque dedecus. Equites rem restituerunt, in castra repulsis Spahiorum agminibus. Rursum Janicfari perpetua pilarum grandine Cæsareos, Danos, Saxones rejiciunt; rursum Spahii furentium instar in perturbatos feruntur, ac in fugam avertunt. Capraræ legio strictis ordinibus, firmo gradu equestrem illam procellam fortiter excepit, ac ad sepimentum retroegit. Ab horum tergo perculsis animi, ordinesque redduntur, mille Spahii a suis interscissi, in cruenta arena trucidantur. Diem vincentibus tenebris, utraque pars praelio quidem abstinuit, ad dimidium tamen noctis in acie constitit.

Soltanus toto pugnae tempore tribus millibus prætorianorum cinctus, nunc Spahios, nunc Janicfaros in praelium animavit; fugitivos aliquot manu sua interfecisse, mandatumque prætorianis dedisse dicitur, ut palantes sine discrimine obruncent. Hoc terrore, & nostrorum perturbatione pene victor evasit. Et revera duodeviginti castrenses machinae, & quinque colubrinae Christianis eo die ereptæ, victoriæ monumentum non exiguum erant, etsi quidam Historici commemorent pleraque inutilia, & jumentorum cæde destituta fuisse. Numerum cæsorum perinde variant: alii quatuor millia nostrorum cæsa; Turcarum stragem non minorem produnt; alii contra istorum stragem, altero tanto augment, nostrorum minuunt. Mors Heisleri, prospera, & adversa experti Ducis, Szegedini consecuta magnæ instar cladis erat. Polandus quoque cum Spiegelio Saxone altis vulneribus confossus, in castris supremum vixit. Mustaphas non dubitavit laureatis literis Byzantium, & Adrianopolim missis, plenam sibi victoriam tribuere.

Postridie Elector cum curruli sepimento, & vallo terrea propugnacula accessisse conspiceret, miratus munitiones aggressionibus impervias, in priora castra, subinde Olaszinum deducit exercitum. Sollicitudo incessit Duces, ne Soltanus in Daciam irrumpat, & provinciam ab omni auxilio nudam persultet. Itaque Rabutinius, qui e voluntate Leopoldi Imperatoris Vaudemontio in præfectura Transilvaniæ successerat, cum suo agmine in eam proficisci est iussus; Truchsessio superioris Hungariæ defendenda obvenit. Elector Capraræ tradito exercitu Viennam abiit, copiæ demum annona, & stipendiis deficientibus in hyberna. At Mustaphas relictis ad Temesiam Chiaffere Bassa, & C. Tökölö cum sedecim millibus armatorum,

Pancso-

C. A. Pancsovam rediit. Inde triginta millia in Sclavoniam expedit oppugnatum 1696. Savi præsidia.

Moravicza ignobilis arx, tormenti globo interfectis duobus Centurionibus, & Præfeto, cum bis centum Rascianis post paucorum dierum oppugnationem est capta. Brodio Glösielsbergius cum mille equitibus Germanis, totidem Hungaris maturum auxilium tulit. Nec Turcæ ultra progressi, everfa Moravicza secundo Savo Belgradum decurrerunt. Mustaphas simitaneis præsiidiis milite, & annona firmatis Adrianopolim discessit, nequaquam, ut anno superiore, triumphalibus applausibus acceptus. Nam iisdem fere diebus de perdita Assovia nuncii advenere. Neque lætiora Byzantio nunciabantur, ubi præter famem pestilentia in omne genus mortalium sævissime grassabatur. Unde Adrianopoli hyemem agere constituit cum Soltana, quæ enixa prolem, privatum mœrorem imminuit, non item publicum. Alterum agmen ad Temesiam, posteaquam Rabutinium ad limites Transylvaniæ consistere intellexit, re nulla tentata in Temesiensi tractu hyberna petiit.

In Croatia C. Petrus Keglevichius Kosztaniczæ Gubernator, sub dimidium Augusti mensis Chyaplum non immunitam arcem una aggreffione superavit; turrim, quo se receperant Turcæ, oppugnatu arduam igne succendit, ac delevit. Redux cum multiplici præda aliquot signa hostium fudit. Felix procurfio C. Adamum Battyanum Illyrici Banum, & C. Simonem Forgachium in societatem armorum attraxit. Uranogræcium A) quinque leucis Caroloftadio distitum præsidium, a Croatis, & Hungaris oppugnatum, vim fortiter tulit. Corrupto fonte, qui unus obsessis supererat, & injectis majoribus pilis, omnes se captivos tradiderunt. Neo Tudorovium, Velkladischa minore impendio occupata sunt. Nam ostensis nobilioribus Turcis, qui Uranogræcii capti sunt, posita ferocia, Bani præsidium acceperunt. Forgachius in Bosniam populabundus irrumpens, complura loca, modica hostium strage, cremavit. Ea procurfione vigor Bosnensium prope emarcuit. Sigismundus Keglevichius cum signis, & captivis ad Leopoldum missus, aulam Hungarica expeditione dejectam utcunque recreavit.

A Veneta Republica nec magnum quid gestum, nec detrimenti multum datum, acceptumve fuit. Per Isthmum Corinthiacum in Bœotiam ductæ copiæ, ad Thebas, hujus provinciæ principem urbem, tumultuario collectos Turcas dissiparunt, mox ipsam urbem vi nulla admota obtinuerunt. Exustis finitimis oppidis, bellum terrestre ea in provincia conquievit. In Peloponneso perinde omnia pacata erant. Egæum mare semel duntaxat prælium navale, aut potius velitationem vidit. Veneta classe in Andrum appulsa, Steinavius, & Zenus Chium pertentare cogitabant. Sed audito, Mezzomortem ad Eubœam visum, plenis velis eo feruntur. Mezzomortes haud detrectato certamine naves in altum propelli jubet. Ut intra ictus tormentorum stabant, in seram noctem fulminantium mutuo machinarum certamen protrahitur. Neutra tamen pars propius accessit, neque ut alias, navigia concurrerunt. Nox prælium dirimit. Postridie Ottomanii in Chium trajecerunt. Veneti insecuti, adversa tempestate in medio cursu detinentur. Quinque navigia Turcarum cum sexcentis classiariis hoc navali certamine perierunt, quadringenti saucii, uti & quatuor naves mutilatæ. Veneti centum mortuos, octoginta vulneratos numerarunt. Multæ naves sædum in modum perforatæ, inter spem, & metum in portum pertractæ.

Dalmatica expeditio oppugnatione Olchinii urbis finita est. Eam iussu Reipublicæ corona cinxit Delphinus Dalmatiæ Prætor, quod præsidarii maritimis spoliis infames, navigationem intutam redderent, crebroque levioribus cimbis Venetum mare infesti percurfarent. Jam ante decem annos huic piratarum receptaculo excidium minabatur Respublica, verum sive

alio

A) Munitio hæc a Turcis occupata fuit anno 1562. ut Porta Ottomanica Tom. II. pag. 760. docet.

alio avocarentur arma, five Prætores metuerent minus prosperum exitum, A. C. hoc demum anno Delphinus manum operi admovit. Vix classis Veneta 1696. mense Augusto in conspectum venit, cives deserto oppido se in castellum receperunt. Istud ut obsidere tardum, ita oppugnare perquam difficile videbatur propterea, quod collis, cui insidet castellum, saxis, cotibusque horeretur, obstaretque fossoribus, seu cuniculos, seu vias obsidionales molirentur. Nihil tamen in speciem deterritus Delphinus, disponendis tormentis commodum locum deligit, fossores jubet cuniculis peterè murum procurrentem oppidum versus. Lente admodum procedente oppugnatione, Duçtore Omare adsunt duodena millia peditum, mille equites, obsidione depulsi Venetos. Haud fefellit Delphinum hostium adventus. Castris summa festinatione communitis, stationarios congeminat, destinatis içtibus ut invasores petant, singulos admonet. Turcæ tentata duobus in locis aggressionem, ut densis ordinibus vallo succedere, ita a fistulatoribus Venetis pro lorica consistentibus passim configuntur. Quærebant tamen inter horridam ex altiore loco in subiectos decidentem glandium tempestatem aditum in castra, donec Fessetes Aulonis Præfectus, qui partem unam invasorum moderabatur, fauciatu pugna excessisset. Eo abeunte non puduit gregarios pedem referre, specie obsequii, fugam tegentes.

Sed erumpentibus Morlachis non ausi frontem obvertere, apertam fugam ineunt. Omar, qui in editiore loco confederat, suorum metu victus, contento in vicinos montes cursu salutem quæsit. Tentoria aliquot, duodecim signa, penus bellicæ nonnihil victoribus prædæ fuere. Interim multo labore actus cuniculus, solutusque stragem murorum edidit. Sed apparuit intus ad altitudinem murorum enata rupes, incassum tormentis, aut furnulis attentanda. Delphinus pulsus auxiliariis, & frustra invitato Gubernatore ad dedendum castellum, aggressionem instituit feliciore principio, quam exitu. Namque Veneti repentina incursione ruinis potiti, etsi lorica sibi præstruere festinarent, tamen a præsidiariis capta statione depulsi, cum cæde non modica in castra rejiciuntur. Militum Duçtores in eam sententiam convenere omnes, castellum obsidione potius, quam oppugnatione frangendum, & quoniam per hyemem non liceret affidere castello, militem in hyberna dimittendum. Conclamatis vasis oppidum, & hostium aliquot navigia comburunt. Morlachi in sua mapalia, Veneti in sui juris oppida discedunt.

Poloniam postremis his annis misere jactatam, malum afflixit eo gravius, quo magis inopinatum, mors Regis Joannis III. Sobieszkii. Adversa valetudine etsi non raro conflictatus, tamen quo ferebatur in Rempublicam amore, senii, morborumque languores forti animo superavit, ut publicis Comitiiis, expeditionibus longinquis interesset, & sua autoritate civium jurgia componeret, suo ductu bellum gereret, quod plaudente Christiano orbe magnanimus, piusque Princeps adversus Ottomanos suscepit. Maturis consiliis optimi Regis non semper, ut vidimus, eventus respondit. Ex hac tot curarum, quæ se domi, forisque objiciebant, contentione, tanta virium dejectio consecuta est, ut neque Comitii pro more cogere, neque expeditionem adornare posset. Tumor quidam toto corpore diffusus in hydropem subito migravit. Neque mors inde accelerata Regi, sed ab humore apoplectico, quo semel, atque iterum decima septima Junii percussus, magnam animam efflavit, anno regiminis secundo, & vicesimo, A) a cœpto bello Ottomanico decimo quarto. B) Quæ postea turbæ Poloniam exceperint in electione Regis? qui comitiorum cursus in campo Varsoviæ? quæ æmulationes exarserint primum in Contium Principem Gallum, & Jacobum Sobieszkium Joannis filium, deinde Fridericum Augustum Saxoniae Electorem? qui reipsa duobus litigantibus regnum Poloniæ abstulit, mei instituti non est hoc loco dicere. Id solum hic commemorandum; Tartaros, &

Imp. Ottom. Tom. II.

A a a

Turcas

A) Regia dignitate ornatus anno 1673. B) Nempe quo sædus percussit cum M. Leopoldo 1683. Inspecie pag. 132.

A. C. Turcas, isto, & qui consequitur anno nihil attentasse in Poloniæ provinciis; cunctorum nempe oculis, animisque in Moschum conversis, ad quem & ego paulisper defleto.

Miserat hoc anno ad Leopoldum Imperatorem splendidam legationem Czarus, qua nunciavit se ad subigendam Assoviam appetente vere cum grandi exercitu profecturum, & si feliciter alea cesserit, in Crimæam bellum transportaturum. Eadem Venetis significavit, hortatusque est Rempublicam, ut in Ægæum mare suam classem immittat, Helleiponti angustias infestet, quo Ottomanis e Ponto Euxino revocare cogantur navales apparatus, quos in auxilium obsidendæ Assoviæ destinarunt. Gloriæ cupiditate incensum Principem, Confœderati majorem in modum extimularunt, ut ad expeditionem semet accingat, qua & privatas sui Imperii injurias ultum iret, & superiorum annorum cessationem fortibus factis elueret. Nec ille omisit promissis suis, ac Confœderatorum votis facere satis, maxime postquam Joannem fratrem suum, cujus factionem assiduo metuebat, sine hærede decessisse, & in se unum vastissimum Imperium devolutum vidit. Hoc obice amoto, compositisque domi rebus, terrestrem, & navalem exercitum Assoviæ affudit, clausaque vix urbe, navali victoria potitur. Etenim Turcæ ad famam circumfessi præsidii, classem Byzantii instructam, Pontum Euxinum percurrere jubent, atque, si opportunitas detur, integram militem, & apparatus armorum obsessis ferre. Et vero tulissent, nisi Czarus in tempore consilium, viresque hostium evertisset. Cum enim isti animadverterent Moschorum grandiora navigia per Tanaim propelli non posse in Mæotidem, quod tenuior esset alveus, & venti reflarent, sollicitatis remis, velisque in Assoviæ littus feruntur. Re intellecta Czarus bis mille classiarios minoribus navigiis impositos, per fauces ostii Assovientis, in hostilem classem festinato educit. Tres bellicæ, quæ primæ occurrerant, universæ victoriæ augurium erant. Una a Moschis, qua nescio machina perfossa, in conspectu omnium fluctibus hauritur, duæ reliquæ vitato certamine fugam capessunt. Decem majoris formæ navigia, dum plenis velis bellicas sequuntur, arenæ impacta, post acrem pugnam abducuntur; totidem haud multo post concremantur. Præter captivos victoribus obvenierunt ter centum majores pilæ ignivomæ, minores quinque mille; sex & sexaginta dolia pulveris nitrati, arma varii generis, & quinquaginta millia aureorum nummum. A)

Nec terra felicius dimicarunt Tartari sub Ducibus suis Naradine, & Galga, qui per castra Moschorum aditum quærebant in urbem. Repulsi cum cæde multorum, nihil deinceps tentare ausi, Assoviam suæ fortunæ reliquerunt. Gemina hac victoria alacriores Moschi, disiectis magnam partem mænibus, & expleta præsidii fossa, & obtento uno propugnaculo, exitium proximum minabantur obsessis. Ad hæc iisdem, quas priore anno victores abstulerant, catenis ostium Tanais, quo præcipitat in paludem Mæotidis, præstruxere, ut ne ea parte auxilia penetrarent. Sauban Gubernator omiſsa spe auxilii, cujus accessum catenæ submovebant, his pactis a Czaro dictatis Assoviam dedit: transfugas Moschos, & desertores Christianæ religionis; in primis vero Jacusam hominem exterum, sed in Moschorum castris merentem, nuper ad Turcas transfugam bona fide restituant. Præfidiarii cum armis, & rebus suis, Moschorum navigiis in tutum deportentur. Reperta sunt Assoviæ nonaginta aliquot tormenta ænea, ingens vis pilarum, pulveris pyrii, ac annonæ. Prorutis castrorum vallis, in minorem Tartariam B) translata sunt arma. Precopia, Baciesera urbes, cum omni Crimæa vastantur. His non minus celeriter, quam prospere gestis, salvas legiones in Moschoviam reduxit, instructaque triumphali pompa, ipse magni-

A) P.^r Antonius Forestus e Soc. Jesu Historiæ Ducum Moschoviæ inseruit, hanc summam pecuniæ in capta urbe repertam. Tom. III pag. 571. Edit. Aug. MDCCXIX. B) Scriptores alii expeditionem in Crimæam rejiciunt ad sequentem annum; Forestus ad præsentem.

magnifico curru inter devictorum hostium spolia Moscuam urbem in-
vectus est. A. C
1697.

Anno ad nonagesimum septimo supra millesimum sexcentesium, sub novo Duce meliore fortuna Cæsareus miles in Hungaria pugnavit. Frederico Augusto Electore Saxonæ, evecto ad solium Poloniæ, Eugenio Principi, Sabaudia Duci copiarum imperium in Hungaria est datum, ubi nuper tyro veterana cum prudentia, & fortitudine stipendia fecit; felix alieno imperio miles, suo longe felicissimus Dux. Sub initium Julii provinciam aggressus, etsi maxima cura eniteretur, ut quamprimum exercitus in campo foret, perficere tamen haud potuit; ut ante calendas Augusti omnes copiae convenirent. Ab aula hujusmodi typus expeditionis designatus est: veteranis legionibus, & ærario inprimis parcendum, atque adeo cruentis oppugnationibus Belgradi, aut Temesiæ omnino abstinendum; prælium, nisi certa spes victoriæ, omni ratione declinandum; satis, superque consultum iri Hungariæ, si Dacia, & Danubiana monumenta defenderentur. Rem pro imperio gesturus Princeps, Futakinum promovet exercitum quinta & vicesima Julii, quo fere tempore Mustaphas Imperator Belgrado appropinquavit.

Nil is per hyemem industriæ omisit, quo Cæsareorum lentitudinem prævertat. Duæ res moram obtulerunt festinanti; seditio Arabum, & Persarum Legatus. Arabes anno præterlapso Bassoram A) urbem nec diu, nec magnis impensis oppugnatam deditione ceperunt. Præfectus deditionis præproperæ reus, cum metueret Byzantium proficisci, aut in Imperio Ottomanico subsistere, duobus millibus stipatus, in Persidem discessit. Rebelles viribus aucti, Asiam omnem ingenti formidine concussere. Schachus, sive Rex Persarum, Arabum patrocinium suscepisse est visus, & veluti denunciato bello per Legatum, hostilia in Mesopotamiam movere. Ea de causâ Bagdati Gubernatori mandatum, ut ad limites evigilet; at in urbis defensione, salutem Asiæ ponat. Et quamvis a Perside nulla hostilitatis signa edita dein fuerint, tenuit nihilominus sollicitudo Mustapham, ne subito novus hostis, Orientis provincias invadat. Nec seditiosi ultra fines Arabiæ protulerunt arma, contenti suam patriam, suosque penates omni clade belli vastare. Placati tandem Mustaphæ literis, ad obsequium redierunt.

Hoc metu liberi Asiani milites, duplici præterea stipendio invitati ad arma capeffenda, in Europam frequentes transfretarunt. Imperator, & Vezirius, mense Junio cum quindecim duntaxat millibus Constantinopoli profecti, partim ex Albania, partim ex Asia properantibus, octoginta millia probi militis ad Belgradum recensuerunt, præter classiarios, quorum utique magnus numerus repertus, cum sedecim bellicæ, triginta navigia, centum sexaginta saikæ Danubio innatarint, nautis, & militibus armatæ. Belgradi portentosæ magnitudinis currus adornati stabant, ad vehendas naves, & pontium apparatus. Unde suspicabantur Cæsarei Duces, bellum ad Danubium non fore. Illud vero prorsus incertum, an Transylvaniam, aut superam Hungariam, vel Sclavoniam meditaretur Soltanus, adeo consilia apud barbaros tegebantur. Exeunte Augusto Vaudemontius e superiore Hungaria, Aurspergius post tentatum frustra Bihacium e Croatia cum legionibus Germanis, & Hungaris in castra advenerunt. Calendis Septembris Kobilam inter, & Titulium metatur Eugenius. Censu inito sex & viginti millia pugnatorum numerabantur, non accensis duodeviginti millibus ad custodiam Petro-Varadini dimissis. E Transylvania robur equitatus in dies expectabatur. Sed quanto magis augebatur militum numerus, tanto angustiora fiebant omnia; præcipue res cibaria, pabula equorum, & vehicula. Si in Daciam, aut superiorem Hungariam, affectandus fuisset Soltanus, e sola vehiculorum inopia nulla futura erat expeditio. Solertia Pauli Eszterhazii Pro-Regis Hungariæ annona sublevata, secutoque mox felici prælio ad Szentam, e maximis difficultatibus emersum est, ut jam narrabo.

A. C. 1697. Eugenius prope Kobilam metatus, ut primum ab exploratoribus accepit, Mustapham in alteram oram Danubii evasisse cum copiis, classem Szalankemenum appulsam, conjecit illico in Tibisci confluentem hostilia parari. Assumptis Starembergio, ac Commercio ipse Titulium advolat, oppidum, simulque Petro-Varadinum turmarum aliquot, & cohortum præsidio communit. Nehmium strenuum, & scientem militiæ Ductorem admonet, ut loco non cedat, nisi extrema necessitate compulsus, se cum omni exercitu in tempore adfuturum, si quid hostes attentarint. Inde Transylvanicis copiis tertium jam Deva accitis, ubi Rabutinius firmissimis castris se continuerat, securitatis causâ obviam progressus, paludes juxta Tibiscum pontibus stravit, per quos Rabutiniani celerius iter profecerentur. Absente Eugenio cum robore exercitus, spem concepit Soltanus Nehmianum agmen, & si superis placet, Petro-Varadinum opprimendi. Posuerat Nehmius ad ostium Tibisci firmi operis terreum castellum, illudque defendendum attribuit bis centum fistulatoribus, additis sex colubrinis. Hostium classis Tibiscum inuenta, simul e navibus, simul e litoreis suggestibus munitionem tormentis infestant, repetitis impressionibus pene defensores obruunt. Nehmius cum duabus cohortibus, & manipulo equitum accurrens, tanto impetu a classiariis invaditur, ut Cusano veteri legionis Paciæ Pro-Tribuno nequidquam auxilium ferente, magni instar emolumenti fuerit, Titulium effugisse. Hac quoque statione a Rasciano deserta, cum se imparem videret tantæ multitudini, obversa in hostem fronte, clausis ordinibus, post acerrimam unius diei dimicationem, ad pontem Petro-Varadini pervenit, amissis quadringentis gregariis, & aliquot Præfectis. Soltanus victor Titulio disiecto castra Kobilam transfert.

Summo in discrimine versabantur copię ad Petro-Varadinum, ipsumque adeo præsidium, si Turcæ trajecto Danubio universis viribus castra oppugnarent. Eugenii celeritas, tanquam Deus e machina, omne discrimen prospere discussit. Namque paludibus in viam militarem accommodatis, & duobus pontibus Tibisco impositis, festinato cursu reditum maturat. Superatis Sirakienti, & Thomæa paludibus, æstu, sitique vexatos milites nocturna quiete reficit. Rabutiniani eadem nocte se conjungunt. Postridie, ut præverteret hostem Petro-Varadinum tendentem, iter plenum laboris, atque periculi continuat. Erat necessario profectio instituenda ante hostium castra, qui haud procul ab Romano, ut vocant, aggere A) confederant. Ne quod incommodum acciperetur, providit Eugenius. Septima Septembris una post noctis dimidium hora, levis Ungarorum equitatus iter ingreditur, sequuntur pedites Germani, equitibus mixti composito agmine, ut si quid prælii oboriretur, explicata continuo staret acies, & ad pugnam expedita. Sub primam auroram turmæ Spahiorum effuderunt se quidem castris, in sinistram inuenta alam, sed duplicatis ordinibus, qua procella imminabat, illico pugna omni abstinuerunt, ut adeo intra teli jactum incedentes nostros, ne immisso quidem velite ad diripienda impedimenta, præterire, ac ad paludem Petro-Varadino oppositam eluctari paterentur. Ea modestia nostro militi suspecta erat, & Turcico vulgo ingrata, quod Mustaphas universam aciem non eduxerit in ægre molientes gressum. Ille sponte sua cupidus pugnae, haud dubie prælium commisisset, nisi Purpuratorum consilium prævaluisset, suadentium, ut Szegedinum, Cæsareorum horreum opprimat; quo utique facto, aiebant, hostem irreparabili damno affectum iri, & Turcis sine pugnae discrimine in superiorem Hungariam expeditum iter fore. Eadem adhuc die isthoc consilium evolutum fuit. Quippe vix impedimenta Petro-Varadinum translata erant, cum Nehmius solícite Eugenio significat, docetque: *pulveream ex arce nubem conspici, non dubiæ profectiois argumentum.* Mittuntur extemplo, qui certiora referrent, e

Deakia-

A) Agger, de quo sermo, juxta Tibiscum ad Danubium fere porrectus, a Romanis olim est ductus, quo uliginosis in locis expeditior esset Sirmii cum Dacia commeatus. In quibusdam chartis Geographicis expictum habes.

Deakiana legione promptissimi, simul de extremo agmine nonnullos inter-^{A. C.} ciperent. Horum confessione proditum est, Mustapham Szegedinum con- 1697. tendere.

Animatis ad subitum iter militibus, eorum vestigiis insistit Eugenius. Ut Szegedino quoquo modo consuleret, C. Schlickio mandat: cum expedita militum manu antevertat locum ingredi, & opera vetustate collapsa, pro præsente necessitate instauret. Ipse Sirakiam, & Thomæam paludem incredibili celeritate emensus, ad Pöcsium castra defigit. Hic certior fit a Kulio (aliis Kælio) impigro Centurione: Turcas juxta Szentam castra fecisse, maximas eo loco munitiones excitare, regionem longe, lateque vastare. Qui certiora renunciarent de hoste, expediuntur Procenturiones duo, signiferi quinque cum velitari agmine, onerati promissis, si quos captos adducerent. Postero die, id est undecima Septembris, in Turcas exploratores incidentes, prælium illico capeffunt. Sed quoniam isti numero præstabant, per expeditum equitem orant celeres suppetias. Adsunt in tempore signa aliquot Hussarorum, coguntque jam fessos, ac repentino turbatos occurssu fugere. Multi interfecti, nonnulli capti. E captivorum numero nobilis Præfectus erat, quæ moliretur Soltanus, arcanorum conscius. Metu mortis adactus, omnia bona fide recenset: Imperatori suo in animo fuisse Szegedinum aggredi, ab eo tamen consilio depulsum, quod intellexerit, locum militum præsidio, & machinis apprimè firmatum, & Eugenium cum omni exercitu instare, in præsentiarum Transylvaniam recta meditari, idcirco pontem a Gallo miro bellicorum operum fabro Belgradi elaboratum, Tibisco injectum, jamque Mustapham cum equitatu in ripam alteram transiisse, peditatum in citima festinatis operis castra obvallare. Quibus rite exploratis, Eugenius jubet pedites multo itinere fessos paululum interquiescere, & corpora curare, ipse cum levi, gravique equitatu in hostem movet. Postquam peditatus, quem expectabat, convenit, in hunc modum instruxit copias: dextrum cornu inferam, lævum superiorem Tibisci oram complexum est; medium in semilunam recedebat. Extremæ alæ conduplicatis ordinibus firmabantur, ne facile perfringi possent.

Staremburgius, Vaudemontius, Corbellius dextrum cornu, sinistrum Heisterus, Gronsfeldius, Truchsessius regebant; mediam aciem Eugenius assumptis Commercyo, Börnero, Rabutinio, Reylio moderabatur. Quarta ante solis occasum bis mille Spahii e munitionibus erumpunt, quibus levi pugna repulsis, canentibus signis omnis acies castris admota est. Ut intra tormenti jactum constitit, ex utroque vallo machinarum ignibus impetitur, verum quod iusto altius librarentur, nullum fere detrimentum illatum. Calefcente undique pugna, animadvertit sive Eugenius, sive Staremburgius, nam Historici ^{A)} variant, pontem fugientium partim, partim opem festinantium multitudine fluctuare, atque vallo nondum ad flumen usque producto, quinquaginta fere passuum hiatum patere. Confestim accersitis aliquot tormentis pontem verberari jubet, simul cum delectis cohortibus inter densissimum pilarum imbrem, per hiatum in castra irrumpit. Eodem tempore media, & dextra acies valla invasit. Haud omiserò singularem equitum virtutem, qui equis desilientes peditum partes præclare egerunt. Æmulatione accensi universi, ligone, securibus, omni instrumentorum genere valla prouunt, ac in hostes se concitant. Achmete Vezirio, & Aga cum flore Præfectorum cæsis, cæterum vulgus neque nostrorum impetum sustinere potuit. Cuncti clade attoniti, nihil imperio, neque consilio agere, ad carros, ultimam salutis arcem, fugere. Hoc quoque munimentum victores superant. Itaque in arctum compulsi, & ponte interrupto fuga exclusi, laniena post hominum memoriam inaudita hauriuntur. Nulli in castris victor pepercit, etsi abjectis armis se dederent, auroque, qui su-

A a a 3

pere-

^{A)} In epistola Principis Eugenii ad Leopoldum Cæsarem scripta, intermissa est mentio Staremburgii. Porta Ottom. pag. 780.

A. C. pererant nobiliores, vitam mercari vellent. Perpauci inter cadavera occi-
1697. forum, aut in navigiis dejecti pontis reperti captivi fuere.

Neque Tibiscum pacatiorem experti sunt. Multi seu viribus confisi, seu metu, aut desperatione acti in fluvium se immisere, pauci in oram alteram natatu elu-
ctati. Fama est cadaverum acervis ita constratum fuisse, ut pedibus calcari ad
medium alveum posset. Postero primum die de magnitudine victoriæ est
cognitum. Castra, & ripa fluminis cadaveribus oppleta erant. Capta sunt
signa equina, & vexilla majora, sexaginta cum Principe Janicsarorum, vastis-
simus papilio Mustaphæ cum ærario castrensi, & omnibus tentoriis, Otto-
manici sigillum Imperii e Vezirii cadavere detractum a Quæstore A) Dacico,
atque Eugenio, ab hoc Cæsari datum. Currulia ex ære tormenta centum,
castrensia sexaginta. Sex mille currus, equorum septem millia, jumento-
rum viginti millia, maxima præterea armorum vis cum multo commeatu.
Turcarum tria & triginta millia vario lethi genere periisse consentiunt Hi-
storici. Ingens profecto victoria, qua in annalibus vix legas aut clariorem,
aut minore impendio emptam, desideratis nostrorum non amplius tredecim
ad sexcentos (alii quadringentos ponunt) vulneratis mille quingentis octo,
& septuaginta. Vaudemontium victoriæ nuncium, C. Dietrichsteinus cum
signis, & ipoliorum parte consecutus est.

Dum victoriæ dulcedine fruuntur Cæsarei, Soltanus, ad quem cla-
des, & dedecus potissimum pertinebat, non vulgari dolore dejectus mœre-
bat. Is, ut nuper memini, traductis in adversam ripam equestribus co-
piis, occupatus repentina aggreffione, cum per convulsam pontem auxilium
ferre non posset suis, & victoriam ad Cæsareos inclinare videret, metuens,
ut ne restituto ponte victores viam fugiendi præciperent, Temesiam cum
Tókôlio, & bis mille quingentis equitibus, inde Belgradum profugit. Cæ-
teri tardius fugientem consequuntur, in quos immissi primum Hungari,
deinde Klökelspergius cum leviori equitatu, e postremo agmine multos
conciderunt. Post hanc palmarem victoriam, sollicito versabat animo Eu-
genius, quam in partem promoveret arma, haud ignarus facile victis redi-
re animos, & victoriam imminui, si victores minus prospere quidpiam at-
tentarent. Temesiam obsidione hyemali cingere, aut oppugnare, regionis
periti magnopere diluaserunt, quod paludes, quibus oblecta est urbs, hu-
mido autumnno vehementer intumescant, & obsessores procul arceant. Hye-
me vero gelu adstrictæ auxiliis expeditam viam præbeant. Et jam per eos
dies, quibus ad Szentam substiterant, coortis imbris late stagnantes aquæ
sele diffundere cœperunt. Visum adeo est Eugenio, cæterisque Ducibus,
victorem exercitum in hyberna dimittere, cadente donec hyeme opportu-
niore tempore ad obsidionem evocetur miles. Rabutinius suos legionarios
Daciæ reddidit, Heislingenus ad custodiendam superiorem Hungariam cum
Vaudemontianis abiit. Reliquæ copiæ Veresmortanium abductæ.

Commodum forte evenit, ut Kyba Tribunus, Gubernator Brodii,
huc advolaret, sive gratulaturus victoriam, sive de Sclavoniæ, & Bosniæ
rebus Principem edoctrus. Hic inter cætera narrat: Bosniæ populum vi-
ctoriæ fama perculsum trepidare, regionem apertam, una expeditione in
provinciam redigi posse, sibi loca omnia perspecta, quid validum, quid in-
firmum tota Bosnia, se ad unguem callere. Placuit uti hominis consilio,
& opera, quem virtus militaris notum reddidit. Adscitis Comitibus Sta-
rembergio, Commercio, Herbersteinio, Principe Vaudemontio, ad expe-
ditionem deligit Eugenus dimachas ad quatuor millia numero, fistulatores,
& pyrobolarios ad duo millia quingentos, tormenta duodecim, mortaria
duo assumit. Hac manu Eszekino Brodium profectus, inde duodecima
Octobris Savo superato Bosniam ingreditur. Præcursores tripartito cir-
cummittit ad exploranda itinera, & hostium vires. Kyba inter primos re-
versus nunciat: Bosniæ Præfectum paucos ante dies mortem obiisse, de ad-
ventu Cæsareorum nihil ad hostes emanasse. Id ea ratione intelligi, quod
nulla

A) Eadem epistola Principis Eugenii.

nulla signa edidissent fumo, aut igne per montes, ut in rebus novis facere A. C. consueverunt. Iis rebus cognitis, Kyba iussu Principis cum suo manipulo, 1697. & centum equitibus Dobajum, permunitum castellum inter anfractus montium, claudit, secutoque mox exercitu, & admoto machinarum terrore ad deditionem cogit. Arx Maglaja paulo firmioribus muris instructa, pari celeritate se tradidit. Schebzea gemino vallo, & Bosna fluvio satis secura, rejecto de deditione colloquio, defensionem parabat. Eugenius tormentorum vi palatione perfracta, quadringentos pedites munimentum jubet invadere. Primis, qui ausi sunt obistere, occisis, reliqui arma posuerunt. Arx cum oppido incensa.

Interim Kihaja, sive Legatus Bosniæ Præfecti, audito Christianorum adventu tumultuario copias coegit, castrisque ad Brandackum collocatis, saltus vix pediti pervios, cæsis arboribus, & grandioribus saxis impeditiores effecit. Præmissus Kyba cum ducentis peditibus, & modico equitatu obstacula perrupit. Adortus subinde equites, qui Schebzeam arcem ingredi festinarunt deditionis ignari, magnam partem trucidat. Kihaja audito tormentorum fragore, amissa statione aufugit. Eugenius successu animosior, Sarajum mercatu celebre emporium petiit. Interfecto tubicine ab oppidanis, quem præmiserat ad deditionem postulandam, ulturus injurias, exercitum admovet. Barbari asportatis in arcem, aut vicinos saltus, quantum per festinationem licuit, rebus, oppidum deseruere. Pauci Christiani, & Hebræi victores opperiebantur. Miles ad populationem versus in seram noctem apothecas, subterraneas cellas expilavit. Tum subito incendium obortum sex domuum millia, Moschearum centum & quinquaginta A) vastavit. Facinoris author compertus nemo. Arx cum omni provincia subigi poterat, nisi adultior autumnus obstitisset. Eversis, quæ capta erant, munimentis, exercitus amplissimis spoliis onustus, eodem, quo venerat itinere, rediit, ac calendis Novembris Brodium tenuit. Eugenius Viennam profectus insolitis ubique plausibus exceptus est.

Antequam Ottomanī ad Szentam, & in Bosnia vincerentur, Bihacium irritō conatu impugnatum fuit. Jacet hæc urbs B) Croatiae in pulcherrima planitie, Unna fluvio circumdata. Muris vetustis, at firmi operis, & profunda fossa præcingitur. A castello tamen e quadrato lapide exædificatum primum munimentum habet. Multæ inde procurSIONES fiebant iam ab anno millesimo quingentesimo nonagesimo secundo, in finitimas Croatiae provincias, quarum opes eo in loco depositæ erant. Hoc vero ipsos Croatas, & Aurspergium Principem, qui in propinquo fundos possedit, alliciebat ad spoliarium illud evertendum. Aurspergius Dresniko, & Iloliczio deditione captis, quanta potuit maxima celeritate, sine tubarum, tympanorumque strepitu cum sex legionibus Bihacium properavit. Croatarum, & Hungarorum copię a Comitibus Adamo Battiano, & Simone Forgachio clari nominis Tribuno adductæ. Nona Junii initium datum est oppugnationi. Verberati muri, & cuniculis subruti, quinquaginta fere passuum ruinam duxerunt. Fossa palustris, qua oppidum ambitur, & pali defixi aggressore, ab invasione deterrebant. Sed Aurspergius celeritate utendum ratus, spe victorię animatos milites secunda, & vicesima Junii assultum facere jubet. Bis mille ducenti e Germanis, Croatis, Hungaris se in fossam præcipitant, vallum partim rescindere, partim superare summis viribus frustra contendunt. Amissis quingentis, cæteri consternati infelicem oppugnationem abruptunt. Non multo post obsessi acerrima eruptione facta stationarios, & operas profligant. Geminata clade perculsos tristior nuncius in desperationem conjecit: Bosniæ Prætorem cum exercitu imminere, vixque unius diei itinere Bihacio distare: cladem evitari non posse, nisi soluta obsidione receptui canatur. E re fore minime existimarunt Duces, mœstas, imminutasque legiones novo hosti objicere. Itaque impedimentis, machinisque

A) Ingens profecto numerus in Porta Ottomanica pag. 789. Apud alium Scriptorem sex duntaxat tanta exusta; quod vero similis; legi. B) Vide annum 1692,

A. C. nisque per contabulatas paludes promotis, Croatæ suas stationes repeti-
1697. runt; Germani, & Hungari longum iter ingressi, finiente Augusto ad Ti-
bilicum constitere. Hæc in Hungaria, & Croatia gesta.

Veneti sub Alexandro Molino, Venetæ classis Præfecto, ter navali
prælio in Ægæo mari concurrerunt cum Mezomorte Architalasso. Primo
prælio ad insulam Lemnum duæ hostiles bellicæ quinquaginta & amplius tor-
mentorum; acceptis multis vulneribus perierunt. Reliquæ in Tenedum
festinarunt. Altero, juxta Andrum majore hominum strage, quam navium
pugnatum est. Retulerunt postea transfugæ, & captivi, duo millia Turca-
rum eo in certamine occubuisse; longe plures vulneratos, atque inter hos
ipsum Mezomortem numerari. Hujus ingentem Prætoriam nobiles Vene-
ti Bonvicinus, & Fosculus suis cum navibus assidue fulminantibus fatigabant,
cæsisque magnam partem classiaris in eam se saltu projicere parabant, cum
admotæ aliæ, atque aliæ naves hostiles, Mezomortem e præsentissimo pe-
riculo eripiunt, ac simul velocissime in Chium navigant. Inopinato infor-
tunio factum est, ne fugitivis insisterent victores. Nani navigium fortune,
an dolo libratoris? repente conflagrare cœpit. Restinguendo igni frustra
operam adhibuere classarii. Innocentius Tenzus Tribunus cum sua legione,
& C. Martinonio Meliteni Equite, miserabili sane incendio combustus est.
Per hanc moram (nam multi ad opem undique accurrerant) classis Otto-
manica in Chium se recepit. Tertium certamen eodem in loco exarsit, &
pari pertinacia utriusque partis plures in horas protractum. Mezomor-
tes fugere jam assuetus, nullo navigio amisso Chium suam repetiit. A) Ter-
restres copiæ, nescio, quo Duce? B) ad Isthmum Corinthiacum castris po-
sitis, ab omni invasione hostili Peloponnesum tutati sunt. Tentabat quidem
Seraskerius per eas angustias militem suum infundere, verum una displosio-
ne fistularum adeo animis concidit, ut sine mora in Bœotiam profectionem
adornarit, ubi reliqua æstate operæ nullo pretio confedit. Veneti defensio-
ne contenti, hostem persequi extra Peloponnesum minime censuerunt. In
Dalmatia, quod sciam, nihil memorabile actum, nisi quod Antonius Cana-
gettus Tribunus, diebus duodecim Bosniam perpopulatus fuerit. Hæc ma-
ri, & terra Venetorum fortuna.

Apparandis armis consumpta hyeme, Moschi septem, & septuagin-
ta millia armatorum, sub dimidium æstatis in campo habuerunt. Copiis
moderabatur Alexius Simon Scheynius absente Czaro, qui ea tempestate va-
rias regiones, Principumque aulas circuibat, remoto plerumque famulo-
rum, clientumque comitatu. c) Positis ad Assoviam castris, de inferendo
bello non agit; quieturus haud dubie, nisi priores arma Tartari inferrent.
Isti tamen Poloniam intestinis turbis convulsam, uno impetu possent pro-
terere, tamen sua potius tueri, quam aliena vastare malebant, versisque in
Moschum curis, vires omnium Principum Tartariæ ei opponebant. Mu-
staphas in omnia belli, pacisque consilia consociatus, & frumento, & belli-
co apparatu, & peditum legionibus Tartaros adjuvandos statuit, ut ne a
potentissimo hoste oppressi, ab Ottomanica aula secessionem facere cogerent-
ur; neve Moschi ultra Assoviam Imperii sui terminos proferrent.

Byzantio classe appulsa in Crimæam, Galga præcipuus Tartarorum
Regulus omnem multitudinem in hostem movet. Prima Augusti prope
Moschorum castra constitit. Tartari, ut est gens inquieta, & spoliis
avida, coerceri haud poterant, quin illico prorumperent, & stationarios
Moschorum lacefferent. Turcæ meliori disciplinæ assuefacti, ante omnia
castris locum capiendum, & munitiones erigendas monuerunt, ut si forte
prælio vincerentur, aut hostis ultro aggressionem pararet, haberent in pa-
tenti campo arcem, qua se, suæque defenderent. Sed jam Scheynius edu-
cto equitatu cum Tartaris manus conseruit, pedites explicatis late vexillis
instru-

A) Porta Ottomanica, & Petrus Garzonius Part. I. Lib. XX. B) De Steinavio post annum 1696,
nullum vestigium in Porta Ottomanica. Garzonius pag. 749. meminit illius ad Sinum Corin-
thiacum. C) Quos Principes adierit, diffuse narrat Forestus, & Garzonius laudato loco.

instructa acie sequebantur, ac signum praelii expectabant. Posteaquam tri-A. C. bus admodum horis inter equites ancipite Martē pugnatum est, Moscho-1697. rum peditatus integer in hostem processit. Illico turbatis ordinibus acies inclinavit. Turcæ rem paulisper sustentarunt. Verum pulsus equitibus, cum vim perferre non possent, & ipsi in fugam vertuntur. In ea fuga longe maxima cædes est facta. Ubi ad ripam fluminis post undecim horarum praelium lassī pervenerunt, abjectis armis magno numero se in flumen præcipitarunt, atque ibi vel ferro, vel aquis perierunt. Quot millia eo die desiderata fuerint hostium, non constat, uti & illud incertum, ad quem fluvium fugitivi A) cæsi. Apud Moschos pro victoriæ celebritate vix ullum detrimentum acceptum. Septem, & septuaginta nobiliores vulneribus decori, praelio exceſſerunt: cæſorum numerus perinde ignoratur. Vulgata victoria, missisque in Moschoviam captivis, ac omnis generis manubiis, festis ignibus, aliisque lætitiæ signis secundum praelium omnes provinciæ celebrarunt.

At toto Imperio Ottomanico, non secus ac si victor Thraciam populetur, omnes mœrore, luctuque torpebant. Stragem Tartarorum ad Affoviam, & aliquot legionum Ottomanicarum, tametsi mæstis auribus acceperint, concoxerunt tamen forti stomacho illud infortunium; spebus in uno Imperatore, & exercitus robore defixis. Ubi vero peditatum internecione deletum, Præfectos clari nominis occisos, Imperatorem cum paucis equitibus perniciem effugisse, fama attulit, tum enim vero communem patriæ, suamque cladem sinceris lacrymis deplorarunt. Neque enim meminerant Imperium Ottomanicum sive hoc bello, sive superioribus annis majorem hominum, rerumque jacturam fecisse, aut hostes potentiores uno tempore habuisse. Imperator Belgradi tantisper dimoratus, cum paucis, qui aderant, Purpuratis consultationem instituit. In ea Belgradi Gubernatorem, Amidshaoglium celeberrimi illius Kiuperlis Germano natum, annis, meritisque gravem, Vezirium dixit; suppletisque variis, qui desiderabantur Præfectis, militiam cæpit componere. Sed deerant gregarii, in quos exercerent imperium. De authoribus subinde tantæ cladis est habita quæstio. Omnes in Vezirium, & Agam Janicsarorum culpam transferebant, quod solita lentitudine Cæsareorum confisi, peditatum non traduxerint in ripam alteram Tibisci; pontis utrumque caput non communiverint castellis terreis, ac tormentis. Unde primum erat Cæsareis, disiecto ponte ab transitu prohibere auxilia, & fugatos pedites ad oram fluminis interficere. His, atque aliis argumentis, cladis, invidiæque onus in eos deponebant, qui fato suo jam functi, feralem sententiam præverterunt. Cæterum cum victores Danubio appropinquare intelligeret, ratus Belgrado obsidionem illaturos, commendata urbis defensione novo Gubernatori, Adrianopolim abscessit. Nec sine periculo: nam Rasciani, & Hungari equites mille ducenti insidiati impedimentis Soltani, quæ Belgradi comparaverat, cæsis aut captis custodibus in Servia, magnam partem diripuerunt.

Renovatus est luctus Adrianopoli, & Byzantii, dum attenuata non magis valetudine, quam specie illa, majestateque fortunati alias Imperatoris, silentibus signis, & mæstis circum prætorianis, civibus suis se reddidit. Nul-li arcus triumphales, nulla pegmata, nulla ignium hilaria conspecta. Et erat aliud quoque malum, quo celebriores Ottomanicæ urbes premebantur. Vis pestilentiæ in omne genus mortalium hoc anno defæviit. Non sexus, non ætas periculo vacua. Accessere crebriores terræ motus, quæ Asiæ maritimæ urbes, & ipsum Byzantium in novos terrores conjectum. Multæ domus prorutæ stragem mortalium auxerunt. In aere nocturnis horis perfæpe ignei globi visebantur. Maxime Byzantii, quæ omnia metu, & superstitione capti in exitium suæ gentis trahebant. Unde tanto ardentius

A) Neque enim Scriptores hujus expeditionis, seu provinciam, seu fluvios produnt, ubi pugnatum, adeo in tenebris oberrandum est. Porta Ottomanica Kalganzkium amnem annotavit, æque obscurum.

A. C. pacem desiderarunt, quanto plura in dies pericula succrescebant. Mustaphas, quive prima instrumenta aulae erant, etsi pacem Imperio Turcico pernecessariam ducerent, caverunt tamen diligentissime, ut ne priores contra dignitatem, armorum inducias flagitasse arguerentur. Visum est adeo Anglorum, Hollandorumque opera uti, qui incassum aliquot jam annis aditum quaesiverunt. Sic comparatis Turcis, Confœderati diuturno bello fessi prioniores animos in pacem ostenderunt, quæ anno insequenti cudi cœpta, altero post perfecta est. Sed antequam pacificationis negotium dicam, quoniam Historiæ interest, ea mihi narranda veniunt, quæ Turcæ, & Confœderati ad bellum continuandum sive in speciem, sive serio egerunt.

1698. Mustaphas Imperator bello magis, quam prælio victus, ne deterio-rem suam conditionem redderet neglectu armorum, curas omnes sollicitando militum delectui, fabricandis navigiis, convehendæ annonæ tanto prionius intendit, quanto certio-rem spem concepit, se per eum apparatus honestam, utilemque Imperio pacem a Confœderatis Principibus obtenturum, Kafachis senior Soltana experrecti, & solertis ingenii mulier, ut flagrantissime amabat filium, ita præcipuam exprompsit industriam, quo iis in angustiis attenuatas vires Imperii refarciat. Opes suas ærario fatiscienti sponte addixit, servitia ad pendendam summam pecuniæ coegit, agendi dexteritate, dicendique vi, Purpuratos, civium ditiores permovit, ut ære suo publicas necessitates levent, recreentque. Asiæ Præfectos suis stimulis ad festinanda supplementa militum excitavit. Hujus consilio Savi adversa ripa palis munitur, alia ex aliis munimenta ad Belgradum fiunt. Qui in Bulgaria stativa occupaverant, jubentur non sine strepitu Savum transire, capta in hostico statione, Sclavoniam, aut Hungariam tributis, populationibus haurire, ubique speciem bellum inferrentium præbere. Adrianopoli moræ gentis depacta cauda equina, belli signum propositum fuit. Eodem in loco de futura expeditione cum maritima, tum terrestri consilium celebratum fuit, cui Tòkòlium, Mezzomortem maris Præfectum, & Seraskerium Peloponnesi præter Vezirium, & Purpuratos primi nominis interesse volebat. Sed Tòkòlius in morbum delapsus, domi suæ semet continuit. Mezzomortes, quæ his annis non infelicitè egit adversus Venetos, in Senatu enucleate recitavit, falsa veris immiscens. Addidit: post tot maritima prælia sibi militem, classem non modo integram esse, sed hostili multo superiorem. Verteret proinde Imperator Asiæ, Europæque vires in Cæsarem, Moschum, & Polonum, se cum veterano suo exercitu mari, & Peloponneso depulsurum hostes. Tracta in complures dies consultatione, nuncii advenerunt e Persia, bellum indicturi Ottomanis.

Eo rumore usque adeo animis conciderunt Purpurati, ut non dubitarint Imperatori suadere: ad restinguendam hujus belli flammam, ipse accurreret in Asiam, aut quibusvis pactis sive cum Confœderatis, sive cum Rege sine ambagibus transigeret. Cum e Mesopotamia nihil hostile nunciarent Præfecti, Persiæ terrores paulatim evanuerunt. Imperator tamen novo hoste nimium exterritus, Guilielmum Pagettum Angliæ Regis, & Jacobum Colyerium Batavorum, ad Ottomanicam Portam Oratores clam admonuit: *ut sine mora apud Magnum Leopoldum, aliosque Confœderatos pacem sollicitent, sibi statutum ab armis discedere, modo æquæ conditiones ferantur.* Habebat Pagettus a secretis hominem solertem, aulicis artibus perpolitum, nomine Priorium. Hunc allegare Viennam tanto videbatur convenientius, quanto minore verecundia Ottomanicæ aulae ab emendicanda pace desisti posset, si Cæsar obfirmato animo bellum vellet. Interim hyeme media tum Belgradum, tum Temesia in quamvis diuturnam obsidionem rebus omnibus comparantur: majore, quam unquam alias strepitu ad limitanea loca milites migrant. Insuper Belgradentes sex mille transmissis Danubio, Tibisci, & Marusii accolæ nova trepidatione, & fuga complent. A Cæsareis repulsi, paucis post diebus eundem tractum numero valentiores invadunt. Csanadium arcem, plura oppida uno die armis occupant: ferro pro

pro more suo, ignibusque in tecta, & homines sæviunt. Temesiæ præsi-A. C. diarii sociorum successu animati, diversa non minus parte, quam fortuna 1698. ad limites nempe Transylvaniæ prædas egerunt. Nam in reditu ab agrestibus, & hybernante milite conclusi, plerique cum spoliis vitam amiserunt. Qui ex ea strage subterfugere, ab Hussaris prope mænia Temesiæ cæduntur. Plures per hyemem huiusmodi procurfiones & Turcæ, & Cæsarei prædarum cupidine fecerunt.

Eodem tempore iussu Soltani, Uipalankam, Pancsovam a) superiore autumno a Rabutinio capta loca, & eversa, Belgradi Gubernator instauravit; Titulium quoque ex improvise aggressurus, nisi Guidobaldus Staremburgius, & Nehmius Petro-Varadino cum expedita militum manu advolassent. Adventantes sensim ex Asia copias, Vezirius Byzantii collegit. Tum profectus Adrianopolim cum modico exercitu mandata accipit ab Imperatore: evigilaret in primis, ne munitum aliquem locum eripiant Cæsarei: Belgrado, Temesiæ nervis omnibus consuleret: dimicatione, nisi spe certa victoriæ, abstineret: unicam defensionis rationem præ oculis haberet. His mandatis instructus, ad exitum Junii Belgradum abiit cum equitatu, quem Aga Janicsarorum trahens aliquot millia peditum serius consequi est iussus. At Imperator Adrianopoli subsistere decrevit, sive metueret belli aleam, sive ut extra armorum strepitum commodius pacis negotium proveheret. Et observatum est ab aulicis molliores aditus habuisse Anglum, Hollandumque ad Mustapham, quam alios antehac Oratores; convivio, ludis, sæpenumero adhibitos, omni humanitate, & muneribus cultos. Imperatore viam sternente ad concordiam, Vezirius bellum spirare est visus ad Belgradum. Vetera castra ingressus Savum, & Danubium defendendum suscepit. Classis supra Belgradum in anchoris stetit, ad omnes motus Principis Eugenii intenta.

Is ad Veresmartonium non sine jactura temporis, Cæsareum militem præstolatus, primum mense Septembri Danubium, & Tibiscum ponte trajecit. Ad Becskerethiam paludem metatus, consilia hostium speculatur. Intellecto duodecim millia Spahiorum cum annona festinare Temesiam, venturo agmini obviam ire constituit. Præmissis, qui hostem carpendo morentur, Hussaris, dum gravior equitum acies accedat, ipse præfecto castris Staremburgio, cum aliquot legionibus Temesiæ clam succedit. Isthæc expeditio per exploratores prodita, successu caruit. Nam Spahii relecto confestim itinere, ad oram Danubii subistere, & præsidarii in Eugénianos effusi, post leve certamen intra muros se recipiunt. Elusis hunc in modum insidiis, Eugénius receptui cecinit, copiasque in castra reduxit, quo iisdem diebus supervenerunt Comites Oetingius, Schlickius, & Marsilius, Turcici idiomatis apprime gnarus, destinati a Cæsare pacificatores. Horum adventu admonitus Princeps, expedito Futakinum equitatu Staremburgio Duce, ad communienda loca, quæ haud dubiæ pacis beneficio, Leopoldo Cæsari obventura essent, oculos, animumque adjecit. Aradinum, infirmus cæteroquin locus, quam maxima festinatione legionariorum, & operarum munitiones varias accepit. Lippam porrexerat curas, cum nuncii induciarum intercessere. Vezirius in eodem, quem castris occupaverat locum, adeo quietus permansit in serum autumnum, ut ne velitem quidem extra vallum emisserit. b)

Veneti classem suam ad Andrum appulerunt sub dimidium Junii. Eam secuti sunt Nauplia suis cum navigiis Delphinus, Duadus, & Bonvicinus, genere, rebusque gestis Nobiles Veneti. In ipso cursu, Manettæ Tribuni nepos Turcicam navim, tributum insularum vehementem, aggressus, cum omni pecunia, & nautis victor occupavit. Apud Andrum recensitis copiis, reperit sub signis Alexander Molinus classis Gubernator, amplius un-

a) Uipalanka, Pancsova munimenta in tractu Temesiensi prope Danubium, variam fortunam hoc bello experta. Ea cepit Rabutinius ante, quam in Transylvaniæ hyberna concederet anno 1697. Uipalanka a Turcis eversa est 1738. b) Porta Ottomanica.

C. A. decim millia armatorum. Mari propitio usus, universam classem faucibus 1698. Helleponti admovet, & Mezzomortem intra eas hærentem, occinentibus tubis, solutisque machinis ad certamen evocat. A) Ille sive Imperatoris mandato constrictus, ne manus conferat, sive nondum militibus firmatus, eodem in loco tribus fere mensibus quievit. Nec Molino animus fuit angustias ingredi, utrumque litus non ex vano formidans. Igitur dimisso cum parte navigiorum Delphino in Lemnum insulam, & Cornaro ad Andrum evigilare iussu, ipse ad angustias perstitit. Delphinus sua celeritate consilium insulanis, defensionemque præripuit. Loca ut erant aperta, divilis copiis nullo se hoste obiciente, per otium expilantur, homines, pecora ad naves compulsæ, messis in herba corrupta.

Evastata Lemno, aliisque insulis maris Ægæi, prope Mitilenen classis Veneta anchoras jecit. Mezzomortes spolia erepturus, superatis angustias, trigesima Septembris sua navigia in certamen educit. Memorabilem victoriam obtenturi erant Veneti, nisi unius navis Præfectus, sive fumo præpediente aspectum, sive metu consilium vincente, Venetam, stragem, & fugam in Turcicas ferentem, pro hostili aggressus fuisset. Namque statim in principio pugnae, tres inimicæ naves, quæ primæ occurrerant, tormentorum ignibus male acceptæ, diffractis antennis, militumque multis amissis, ægerrime se ad reliquam classem retulerunt. Quartam Delphinus non uno vulnere perfossam jamjam merferat, cum alia Veneta velocissimo cursu in Prætoriam Delphini invecita, huiusque malo antennis implicito, Delphinum cum classiariis in extremum naufragii discrimen conjicit. Id conspicati Turcæ veluti ad certam prædam suis navigiis convolant, ac luctantem cum gemino hoste fere in triumphum abducunt. Circumfessus a magno navium numero, ingenti sane fortitudine eam diu defendit Delphinus. Laboranti undique suppetias venire Contyus, Zobelius, Albertinus, Angerellus, Marignonus, & Soarius suis cum navigiis; Ottomani quoque vires congeminant, & cum auxiliaribus acerrimum prælium committunt. Bonvicinus, qui postremum agmen cogebat, admotis aliquot navigiis, hostiles quatuor bellicas suo adventu illico fugavit, & pugnam utrique parti cruentam diremit. Turcæ amissis quatuor millibus suorum, in Chium vela dederunt. Veneti in ipso loco certaminis perstiterunt, quorum e numero Nobiles & gregarii desiderati sunt supra quadringentos viginti; faucii sex, & septuaginta. B) Delphini fauciati fortitudinem, ipsi etiam hostes miris laudibus celebrarunt; at Præfectus infortunii reus dignitate est motus. Postremam hanc maritimam pugnam pax Carlovicensis excepit.

In Peloponneso, & Dalmatia parva aliquot prælia non sane memorando in partem ullam exitu contigerunt. Isthmum Corinthi Franciscus Grimanus cum sex peditum millibus insedit, atque adversus Seraskerii invasiones, ut anno superiore propugnavit. Mocenicus in Dalmatia copiarum Imperator, nihil non egit, ut Boiniæ Præfectum, quem appropinquare agrestes nunciabant, retruderet ante, quam auctior viribus, potiorque fieret. Circummittit adeo in diversas partes C. Canagethum, & Metrovichium Morlachorum Ductorem, qui locorum naturam explorent diligenter, & hostem excutiant. Uterque in aperta regione prædas facere, quam per montium juga armatos vestigare maluit. Retulit tamen Metrovichius, Kihajam Bosniæ in provinciam Popocco irruptionem attentasse, sed a Tribuno Cacolo cum exigua militum manu depulsum. Bosniæ Præfectus non post multo ad urbem Cetinam emerfit cum sex equitum, totidem fere peditum millibus, eamque obsedit. Præter Venetum præsidium, ipsi opidani arma sumpserunt in defensionem patriæ, spe auxilii a Mocenico, & Zeno Dalmatiæ Prætoze promissi sustentati. Nec procul aberat auxilium. Vix enim Turcæ intercepto ponte, & duabus turribus ad pontem expugnatis, muros quatere cœperunt, Morlachi a Zeno expediti, occultis itineribus

A) Garzonius P. I. L. XVI. B) Sigillatim recensentur Nobiles faucii, & cæsi apud Garzonium, & Portam Ottom. pag. 812.

būs urbem intrarunt, & Mocenicus copiarum partem ad solvendam obsidio-**A. C.**
nem festinavit. Bosnensis desperata urbis expugnatione, ne gloria, rebus **1698.**
que vacuus suam in provinciam rediret, equites ad depopulandum agrum
immisit. Agrestium spoliis onustos Bruischiu primo congressu fugavit in
castra. Neque hic diutius dimorari ausi metu adventantis Mocenici, con-
clamatis propere vasis in Bosniam iter maturant. E postremo agmine non
pauci capti, cælive. Nobiles Veneti Andreas Balbus, Joannes Brigadinus,
Marcus Priulus, dum repugnantes urgent, fortuitis glandibus cecide-
runt. **A)**

Fridericus Augustus Polonorum Rex, posteaquam Contium Borbo-
nium Principem, spe sceptri dejectum in patriam repulit, & Contio adhæ-
rentes suas in partes traduxit, **B)** compositis utcunque turbis, bellum duo-
bus annis intermissum, novis copiis, novisque animis reparare contendit.
Camenecum oppugnare in votis habuit, quo capto multum sibi gloriæ,
multum utilitatis Poloniæ regno accessurum existimavit. Sed omni sua in-
dustria evincere haud potuit, ut Lithuani, & Poloni priores, & rite instru-
cti in campo apparerent. Solita celeritate usi Tartari, tribus agminibus in-
ermes provincias percurfant. Ad Podhaicios oppidum, quatuordecim leu-
cis Leopoli dissitum, viginti, & amplius millia Duce Saba Gereyo con-
federunt. Felix Potoczius Palatinus Cracoviensis, & minor Dux Polonorum,
militem sex millia in castris continuit prope Podhaicios, admonens Regem
per nuncios, ut iter cum suis acceleret. Substitit ille Leopoli, ubi a
præcipuis Regni Senatoribus perſalutatus, de futura expeditione consultabat;
qui fundos suos per Tartaros quotannis evastari gravissime ferebant. Ca-
menecum inprimis exscindendum suadebant, quo jam Saxonum copiæ pro-
fectæ sunt; alii Valachiam, aut Moldaviam petendam existimabant, ut bel-
lum procul Polonia geratur; alii in pacem proniores ab armorum consiliis
abhorrebant. Consultationem abruperunt nuncii a Potoczio missi. Igitur
sine mora signum profectionis est editum Podhaicios versus. Sapieha, Dux
Lithuanici exercitus, cum suis copiis, & flore Nobilitatis Regem comitatus
est. In itinere Poloni, Cosaccique equites in prædatores Tartaros incidentes,
multos cædunt, universos in fugam præcipitem avertunt. Præter cæteros
Murzam nobilem hujus agminis Ductorem capiunt. Ex quo eadem cogni-
ta, quæ Potoczius significavit. Rex illico admonuit Principem Wûrten-
bergicum Saxonum Ductorem, ut festinatis profectionibus Potoczio auxilium
ferat, copiasque suas Polonis jungat.

Sed antequam Saxones, aut Lithuani Podhaicios pervenirent, Sabas
Gereyus omni vi Potoczii castra aggressus, ipsis initiis faventem fortunam
habuit; nobili victoria potiturus, ni prædandi nimia cupiditas obstitisset.
Nam Tartari, pulsas Polonorum excubis, in castra nullis operibus commu-
nita insuli, stragem, & fugam, quocunque se verterant, intulerunt. Se-
ptemdecim signa Polonorum, quæ præſenti animo hostem excepere, postea-
quam castra capta, socios palantes videre, omisso prælio fugam capeſſunt.
Apud Potoczii tentorium a pauculis excubitoribus adeo acriter repugna-
tum fuit, ut fugitivi non animos modo, sed & amiſſa castra recuperarint.
Etenim Tartari veluti confecta victoria ad diripienda spolia converſi, socios
etiamnum dimicantes cum Potoczianis destituerunt, rati paucos a multis pa-
ri fortuna victum iri. Verum Poloni viſa sociorum constantia, & victo-
rum licentia, Potoczianis semet aggregant, & infesti sparsa agmina inva-
dunt. Nec pugna diu prædatores tenuit.

Multi, ut erant sarcinis onusti, spoliis magis, quam victoriæ cu-
ra, in tutum evadere conati sunt; alii abjectis sarcinis, quo expeditiores ad
fugam essent, socios contento cursu sequuntur; reliqui modo prædam, mo-
do se tuentes fugientium vestigiis insistent. Tumultuario hoc certamine
Polonorum facile mille ceciderunt, quos inter sexaginta majores, minores-
ve Præfecti. Eodem tempore Tartarorum manus evitato Regis exercitu,

A. C. in Leopoltanam provinciam eveſta, annonarias domos concremavit. Ar-
 1698. ſtiores inde commeatus apud Polonos, maxime poſtquam Saxones, & Li-
 thuanii Potoczii caſtra intrarunt. Præter rerum inopiam ruſſum ſimultates
 enatæ ſunt Regem inter, & Senatores; rixæque quotidianæ, & odia grega-
 riorum ultra remedium proceſſerunt. Rex, ut ne in apertum bellum utrius-
 que nationis miles prorumpat, exercitus in hyberna dimiſit. Gereyus ad
 Camenecum aliquandiu dimoratus, per Valachiam cum multiplici præda co-
 pias in ſuam ditionem reduxit. A)

Moſchi anno ſuperiore cœptas victorias ingenti clade hoſtium con-
 tinuarunt. Princeps Dolgorukius B) Moſchorum, & Mazeppa Coſaccorum
 Duſtores, conjunctis copiis prope Aſſoviam caſtra fixerunt. Tartari novis
 Janiſarorum cohortibus animati, quo vaſtitatem a ſuis regionibus depelle-
 rent, maximo numero apud urbem Precopiam convenerunt. Frumentan-
 di, pabulandique cauſa multa prælia vario ſucceſſu quotidie agitabantur.
 Miſſis cæteris, quæ aut ſimilem, aut ſane non commemorandum exitum ha-
 buere, unum hoc loco viſum eſt delibare. Greges equorum, quibus
 maxime abundant Tartari, pabulationis ergo in vicinos campos dimittunt:
 adduntur octo equitum millia, firmum, ut putabant, præſidium. Sed iſti
 neglectis vigiliis paſſim per herbam ſtrati, nec frænatos equos, nec arma
 expedita habebant. Dolgorukius eam manum oppreſſurus improvifa celeri-
 tate imparatos invadit. Pauci indutis armis vim parabant, cæteri fuge-
 re alioquin aſſueti, ſua mapalia trepidi petierunt. Cædes in eo tumultu
 minor, quam victoria, & præda fuit, quippe non niſi bis mille cæſi, at
 equorum quadraginta millia in Moſchorum caſtra abacta. Laureatæ literæ
 ad Petrum Czarum Viennam perlatæ (nam luſtratis diverſis Europæ provin-
 ciis huc ſe contulerat) non Moſchos modo, ſed & Viennenſes maxima vo-
 luptate perfuderunt. Ea opportunitate uſus magnus Leopoldus; editis ſpe-
 ctaculis, crebrisque conviviiſ victoriæ famam augere, & Conſœderatum Prin-
 cipem non tam ſibi, quam rei Chriſtianæ arctius devincire adnitebatur.
 Mei iſtituti non eſt dicere, quo apparatu dies Divorum Petri, & Pauli
 honoribus ſacer, actus fuerit, quandoquidem ad præſentis hiſtoriæ contex-
 tum non pertineat, & huiusmodi lacineas operi adjicere, nec Lectoris fe-
 ſtinatio, nec diverſa literarum ſtudia, quibus identidem fatigor, patiantur.
 Cæterum commune multorum gaudium Moſchorum repentinus tumultus
 c) interrupit, ac Czarum in patriam revocavit.

Interea Dolgorukius cum numeroſo ſuo exercitu (centum viginti
 pugnatorum millia numeravit) ad Precopiam oppugnandam apparatus
 maximos comportari mandavit, caſtris haud procul ab urbe collocatis. Ad
 eam ſervandam, quidquid virium Tartariæ fuit, in arma concitatur. Ka-
 zis Gereyus Sabæ filius, pugnandi avidiſſimus uno prælio debellare ardebat,
 nec cunctatione pernicioſius aliud ſibi, ſuiſque perſuadebat, ſive partem vi-
 ctoriæ, quam ſpe præceperat, communicare nollet cum Patre e Polonia fe-
 ſtinante, ſive nuperam cladem quantocyus eluere vellet. Itaque equeſtres
 ſuas turmas admiſſis habenis in Moſchorum caſtra impetum facere, & ne
 fugæ locus pateret, vias omnes occupare jubet. Mazeppa Coſaccorum Dux
 equitatum ſuum propere objecit, ac ſincerum prælium equeſtre aliquan-
 diu fecit. Multitudo Tartarorum, ingentia agmina Gereyo emittente, vix
 ſuſtineri poterat, ut vero Dolgorukii peditatus in aciem proceſſit, abſter-
 ruitque continenti glandium diſploſione temere effuſos, primo barbari ſe-
 gnius permittere equos, deinde ſtare, ac dedecore magis, quam ſpe victo-
 riæ Moſchis repugnare; poſtremo non cohortibus ſolum cedere, ſed ne
 turmas quidem, peditis præſidio audentes, ſuſtinere.

Et jam omnis acies Moſchovitica ſignis late explicatis appropinqua-
 bat, tum vero Tartari non expectata impreſſione, quocunque aut error,
 aut fortuitus animi impetus tulit, admiſſis habenis fugam capeſſivere. Co-
 ſacci

A) I. Engnichius. B) Aliis Dolhorowſzkus. C) Authores tumultus ſane numeroſos exquisitis ſup-
 pliciiſ affectit, alios in Siberiam deportari juſſit.

sacci persecuti fugientes fœdissima strage omnia compleverunt. Quadra. A. C. ginta hostium millia eo die cæsa dicuntur, equorum triginta millia inter- 1698. cepta. Gereyus cum octo circiter millibus Precopiam evalit. Victor Dolgorukius sine mora urbem circumvallavit, & quoniam exploratum habuit obsessæ multitudini paucos in dies annonam superesse, statuit quam minima suorum jactura obsidionem adornare, unice intentus, ne subita eruptione cladem accipiat. In Tartaris quidquid reliquum animorum erat, Dolgorukii celeritas oppressit; inedia subinde pressi cum neque domi, neque foris auxilia apparerent, se, urbemque clementiæ Moschorum dedidere. Post hujus anni expeditionem Confœderatis Principibus satis secundam, Turcis adversam, non lentis passibus ad concordiam pars utraque properavit, cujus enarrationem nunc aggredior.

Mustaphas II. quive ante hunc Imperatores rerum potiebantur apud 1699. Turcas, post tot terra, marique infelices pugnas, fracta nimium potentia, miores pacis cogitationes susceperunt, a qua etsi Vezirii, Purpurati, militum primarii Ductores minime abhorrent, imo attritis provinciis pernecessariam existimarent, tamen de industria petitione pacis abstinendum suadebant, ne si priores Confœderatos compellarent, bello victi viderentur, & quas dare malent condiciones, accipere cogerentur. Cum vero Cæsarem juxta, atque Venetos, ceterosque Confœderatos, in armis perseverare, ac belli molem in dies crescere animadverterent, vicerunt animos, suumque calculum adiecerunt, bona fide Oratores mittendos ad Confœderatos, atque pacem, aut inducias aliquot annorum pangendas. Solymanus III. jam anno octogesimo octavo a) Sulifarem Effendium cum Maurocordato, nobilissimo aulæ Byzantinæ interprete, & Scarlatorum pervetusta familia, Viennam; Varsaviam, Venetias alios, atque alios Oratores ad pertractandum pacis negotium ablegarat. Verum quod isti crudas admodum condiciones obtruderent, & dictatorio modo leges ferrent, fila pacificationis vix cœpta, illico abrupta sunt. Effendius Pottendorffia in arce multo tempore dimoratus, spem boni eventus haud posuit. Nissenfi b) prælio modestior, multum a cruditate remisit. Oborto subinde bello Gallico in Imperio, Italia, & Belgio, vires Cæsaris dividendæ, & Christianorum Principum auxiliares copiæ, ad Rhenum, Padum, Mosam revocandæ erant. Unde Effendius motis Gallorum armis elatior, bellum præ pace maluit, rebusque infectis Constantinopolim repetiit. Variante fortuna, qui Effendium dein consequebantur, non felicius in eadem arena versati sunt Oratores Turcæ.

Guilielmus Rex Angliæ, & Hollandi, iisdem fere annis, ad ineundam concordiam Ottomanos inter, & Confœderatos Principes, operam suam non minus studiose, atque libenter adhibuere. Erant illi Leopoldi armorum socii adversus Gallum; c) cumque sentirent in bellum admodum sterile immensam pecuniæ vim annis singulis profundi, privatis institoribus plurima navigia eripi, Gallum victorias suas explicare latius, omnem curam eo verterunt, ut composito bello Ottomanico, Cæsari liceret, universis viribus in Gallum agere. Accepta itaque potestate a Confœderatis Principibus, Hulseym Anglum anno supra millesimum sexcentesium nonagesimo primo Constantinopolim ad emolliendam pacificationis viam dimittunt. Multa humanitate acceptus a Solymano III. & Achmete II. Imperatoribus, dum sedulus rimatur aditum apud Achmetem (Solymanus eodem anno extremum vixit) Vezirium, Caimacanem, aliosque Purpuratos, atque lineas pacificationis adumbrat, non sine suspitione veneni repente extinguitur. Post hujus fata Colyerius Hollandus d) Confœderatorum partes summa moderatione Byzantii egit. Haud multo post festinatis itineribus Viennam, inde Petro-Varadinum advolavit Harborsdus Eques Angliæ

a) Vide pag. 286. b) Anno 1689. illud commissum est, ut narravi pag. 293. & seq. c) Bellum adversus Cæsarem, Hollandum, Anglum, Hispanum erupit anno 1689. d) Hic Colyerius jam ante Hulseym Constantinopolim venerit, res suæ Reipublicæ curaturus: a morte Angli pacificationi cudendæ admotus.

A. C. glizæ Legatus. Fiduciariis literis Petro-Varadini instructus, posteaquam a-
1699. sonantibus tormentis festos inter applausus Turcarum, Belgradum subiit,
duodecima Augusti, secundo, & nonagesimo anno ejusdem seculi immatura
morte sublatus est.

Nihil inde segniores Angli, Hollandive, suscepto Conciliatorum
munere fungi perrexerunt. Sine mora Milordum Pagetum, & Hemsker-
kium, illum Anglum, hunc Hollandum, tractandis in negotiis magnæ soler-
tiæ viros, Byzantium proficisci jubent a) cum mandatis: elaborarent in
primis sedulo, ut Vezirium, Purpuratorum Principem, qui unus in po-
testate Imperatorem habebat, sibi concilient, omni artificiorum genere,
muneribus, queis humanæ voluntates ægre resistunt, ad mitiora consilia fle-
stant. Duumviri isti non eadem fortuna legationem inivere. Hemskerkius
obtentis publici commeatus literis prior Belgradum tenuit. In colloquium
Vezirii admissus, Italo sermone sui adventus rationem reddidit: tum ad pā-
cis commoda delapsus, insigni facundia omnium animos commovit. Non
secus Adrianopoli apud Imperatorem, & primi nominis ministros suæ Rei-
publicæ nomine, pacificationis negotium sapienter urgebat.

Biennio post Hemskerkius, b) siue utilior futurus alibi suis popula-
ribus, siue pertæsus Turcarum tergiversationes, obtenta redeundi potesta-
te, non sine luculentis benevolentia signis, ab Imperatore Achmete, Ve-
zirio, primoribusque Turcarum mense Aprili dimissus est. Abeuntem cum
numerofo, & splendido comitatu multis laudibus prosecuti sunt Purpurati,
quod notissimas inter factiones aulæ, ne alterutram læderet, admirabili
prudencia medius incesferit. Belgradi perinde honorifice habebatur a Chia-
fere armorum Præfecto. Id tamen permolestum accidit festinanti in patriam,
quod sex, & amplius mensibus eodem in loco dimorandum fuerit, ea for-
tassis de causa, ne paratus bellicos, typum expeditionis illius anni, quæ
utique viro sagacissimo explorata erant, ad Cæsarem deferret. Sexto de-
cimo Novembris, præsidio Janicfarorum Petro-Varadinum deductus, duo-
decimo Decembris Viennam pervenit, summamque legationis Leopoldo
Cæsari exposuit. At Pagetus, qui paulo serius legationem inivit, media fe-
re hyeme inter plurima viarum incommoda Adrianopolim ingreditur. Ot-
tomani nihil quidem omiserunt honoris, qui Angliæ Regis Oratorem adde-
ceret, verum adeo mala fide compluribus annis actum est cum eo, ut
omni aditu exclusus, neque Imperatori, neque Vezirio colloqui potuerit.
Crebrioribus libellis, queis sui Regis in concilianda pace æquissimum studium,
Coefœderatorum voluntates in concordiam pronas, Turciæ ærarium sum-
ptuum magnitudine, & diuturnitate, jacente mercatura, exhaustum, alia-
que hujusmodi complexus est, præter altum silentium nihil obtinuit. Cum
enim Mustaphas II. pugnacissimæ indolis Princeps prima expeditione victor
rediisset ex Hungaria, c) alteram æquato Marte confecisset, d) dici haud
potest, quantopere Turcæ superbia, ferociaque intumuerint, existimantes
militarem virtutem, fortunam ipsam a Cæsareis recessisse, atque in suum
Imperatorem, gentemque immigrasse.

Commiffa fatali pugna ad Szentam, qua robur peditatus Ottomanici
miserabili strage absorptum est, intellectoque Gallum cum Cæsare, & præci-
pui Europæ Principibus pacem Rysvici pepigisse eodem anno, e) usque
adeo omnium animi conciderunt, ut desiderium pacis luculentis indiciis pro-
derent. Colyerius, quo Purpuratos perinde, ac plebem magis incitaret,
Rysvicensi in arce compositam pacem, festo apparatu Constantinopoli ce-
lebravit. Ministri aulæ aversati Galliz Oratorem, qui belli in tot annos
protracti non postremus author erat, varios honores in Pagetum, & Co-
lyerium congerunt, convivio, ludis recreant, affectata prorsus humanita-
te Anglos, & Hollandos toto Imperio colunt, utque viam ad paciscendum
aperiant, non in speciem hortantur. Illi operam, æquitatem, ut alias,
large

a) Anno 1692. b) Hemskerkius iste ad accelerandam Rysvicensem pacem multum contulisse vide-
tur anno 1697. c) Anno 1695. d) Anno 1696. e) Videlicet 1697.

large addicunt, admonent Cæsarem, Moschum, Polonum, Venetos: *Turcas tædio bellorum fessos, serio ad pacem respicere, mitterent quamprimum Legatos, locumque designent, ubi tuto de rebus controversis tractari liceat, sperare se, diuturnum, cruentumque bellum amica pace compositum iri.* Magno Leopoldo non minus, ac Confœderatorum singulis, graves causæ aderant cum Ottomanis paciscendi. Carolus II. Hispaniarum Rex, morbis misere per omnem vitam conflictatus, sollicitum tenuit Cæsarem, ne deflagrante bello Turcico humanis excedat. a) Moschum domestica seditio, exterarum gentes visendi ardor, Asiovia in libertatem asserta, Pontus Euxinus undique apertus, ad prosequendum bellum segniores reddidere. Poloni, & Lithuani pertinacibus ab Rege, & mutuis inter se odiis divisi, sterilem militiam, & plerumque ipsorum clade insignem, dudum aspernati, bello Turcico exitius nihil putarunt. Respublica Veneta terrestribus, & maritimis expeditionibus fessa, etsi iisdem animis, quibus cœpit, bellum gereret, tamen quod Peloponnesum, & aliquot insulas Ægæi maris sui juris fecerit, ab armis haud gravate discessura erat, ne focis in portum enatantibus, ipsa in alto temere colluctans, victoriarum triste naufragium patiatur.

Omnium itaque animis in pacificationem inclinatis, Legatos primo quoque tempore Carloviczium, Sirmii oppidum, mittendos decernunt. Communi Fœderatorum voluntate is locus delectus est, ut Cæsari, cuius jurisdictionis oppidum erat, gratificarentur, reipsa Belgradum, aut quamcunque urbem Turcicam nolebant, quod non ex vano conjicerent, Ottomanos domi suæ imperiosius dominaturos, & nisi ad votum fluere omnia, quovis modo Legatos vexaturos. Ad gravissimum, summeque intricatum negotium designati fuerunt ab Cæsare, Wolfgangus Comes Oetinganus, Imperialis aulici Consilii Præses, vir longe integerrimus, alter Leopoldus Comes Schlickius domi, militiæque clarissimus. His additus est Comes Aloysius Ferdinandus Marsilius manu, consilioque promptus, ac linguæ Turcicæ, aulæque Byzantinæ callentissimus. A Polonia Stanislaus Malachovius Posnaniensis Palatinus. Carolus Ruzzinus a Serenissima Republica Veneta. A Petro Alexovichio Procopius Bogdanovizius Vosnizinus, Czaro ab arcanis consiliis. Ab aula Byzantina Mehemetes Reys-Effendius, magnus Imperii Cancellarius, & Alexander Maurocordatus, e nobili Scarlatorum familia. Quo celerius infiniti obices, qui occursuri prævidebantur inter paciscendum, removerentur, annuentibus quoque Turcis Conciliatores adhibiti fuere, Angliæ quidem Regis nomine Guilielmus Pagetus Bellideserti Dominus; Hollandorum Jacobus Colyerius, uterque obitis legationibus Europæ notus, & ea tempestate, ut narravimus, apud Mustapham Imperatorem Orator.

Quinta decima Octobris b) apud Futakinum aderant Cæsarei, ubi aliquot armatæ legiones jussu Principis Eugenii substituerant, Moscho, Polono, Veneto jam ante Petro-Varadinum appulsis. Ottomanis, ut fidem facerent, se minime simulata mente pacis desiderio teneri, nondum cognito Legatorum adventu, primi armorum cessationem promulgarunt, statuta capitis poena, si quis Danubio, aut Savo defluentes naves, aut agrum Illokium inter, & amnem Moravizam hostiliter invaserit. Eugenius ea super re ab Oetingano consultus, cum ingravescente autumno in Bosniam duceret, eadem, qua Turcæ, formula inducias proclamari jussit. Quarta, & vicesima posteaquam Principum Christianorum Legati Carloviczium ingrediuntur, Mehemetes, & Maurocordatus commeatu accepto, non procul inde dissi, eodem plane tempore cum aliquot signis equitum, peditumque advenere. Sed visa paucitate Cæsareanorum, quo æqualis foret utrisque numerus excubitorum, sine mora equites Belgradum remiserunt.

Nondum manum operi admoverunt, cum permolesta pugna Polonum inter & Moschum oborta est. In medio campo, tumultuario labore

Imp. Ottom. Tom. II.

Ccc

ædes

a) Carolus II. Hispaniarum Rex sine Hærede vivere desit 1700. Quæ bella subsecuta sint? e publicis monumentis discas. b) Anno 1698.

A. C. ædes ædificari sunt cœptæ, arcendis frigoribus non minus, quam habendis 1699. congressibus accommodatæ. A) Malachovius magno æstu primum a Cæsareis locum sibi vendicandum duxit; non segnior Procopius eandem stationem turbidus inëdit. Ne ferro litem deciderent, reliqui Legati, ac Conciliatores suam authoritatem interponunt. Jubent præterea metatores, tabernacula eum in modum collocare, ut singula æqua fronte positam in medio Prætoriam domum respiciant, missisque irritamentis honorum, inter stationes nullum discrimen faciant, ne vocabula primæ, secundæve stationis usurpent. Ist hac cautione irritator Polonus, locum, quem a Cæsareis primum existimavit, per sua servitia non sine jurgiis occupat. Moschus rei indignitate commotus, sui Principis causam acriter tuetur, ac occupatores statione dejicit. Poloni dedecore affecti, ut ne cedere viderentur Moschis, prope Prætoriam ædem sua tentoria defigere moliuntur; communi omni in sententia prohibiti, cœpto desistunt. Graves inde querelæ in Procopium; cujus imperio suos non loco modo depulsos, sed verberatos quoque invidiose criminabatur, negabatque se in terram excensurum (suo in navigio hærebat) nisi ad unguem sibi, suisque satisfaceret. Pertinax propositi, non paucis diebus sæva inter frigora, ventorumque injurias perseverat, quidquid agerent Legati, & Conciliatores, qui ægerrime ferebant, alienissimo tempore æmulationem in dies protrahi, & gravissimis negotiis moram injici. Postremum, cum obfirmato animo inter angustias navis hæreret, & nescio, quas minas jastaret, singuli de scripto admonent hominem: videret, ne soluto conventu sua pervicacia spem Europæ evertat, se ad graviora intentos nolle odiosam litem decidere, non insistendum extremis rituum apicibus, ubi de regnorum, provinciarum salute agitur. Ea omnium consensione obrutus, & jam cavillorum fessus, e navigio pacatus egreditur, neque in posterum Procopio gravis fuit.

Vix hoc obice amoto, novæ difficultates enatæ sunt. Moschus, & Polonus ut nuper summe inter se dissidentes, ita nunc mire conjuncti; pacificationis fundamentum Cæsareis quæstuosum, suis Principibus, ut agebant, perniciosum multis criminationibus traducebant, illudque nervis omnibus eversum ibant. Fundamentum porro ad veterem modulum concinnatum erat, ut videlicet partes belligerantes in possessione captarum urbium, provinciarum permaneant, solumque limites controversi in quæstionem veniant. Hac formula retroactis temporibus plerumque pax cum Turcis inchoata, deinde ut partibus visum, confecta. Polonus, nisi Camenecum reddatur Reipublicæ, nunquam se congressui interfuturum contestatus est. Idem minabatur Moschus, nisi arx Kercza, ad Borysthenem fluvium sita, suo Principi quamprimum reddatur. Denique se nec fiduciaras literas prompturos, nec Angli, Hollandique opera usuros ante, quam æquissimis postulatis fieret satis, dictatorio modo enunciant.

Cæsarei irritabilem nimium Polonum, quam mollissime tractandum existimarunt. Revocant ei in mentem: *fundamentum neque Moschis, neque Polonis exitiosum esse, imo universis Confæderatis perutile, cujus firmitate, quidquid Turcis armorum successu ereptum, Fæderatis addictum sit, neque propterea caveatur, ut ne Polonis, aut Moschis liceat urbes, aut arces repetere, quas Ottomanis seu vi, seu fraude avulserunt. Cæsareos omnem lapidem moturos in pacificationis cursu, ut Camenecum jugo Ottomanico liberatum, ad Rempublicam redeat. Cæterum si Poloni votis suis multo minores fructus tam diuturni belli in præsentem numerent, non tam fundamenti vitio, quam variis domesticis morbis attribuendum. Videret etiam, atque etiam, num ex arena secedentibus sociis, conducibile sit Reipublicæ cum eo hoste decertare, cui postremis his annis vix quatuor Confæderatorum exercitus pares erant. Nihil Ottomano optatius, ac solum cum sola Polonia decernere,*

4) Typum istarum ædium videre licet in Porta Ottomanica Tom. II. pag. 820. Pace confecta Leopoldus Cæsar ædificium meliori forma instauratum, celsit Patribus & familia S. Francisci; imposito nomine: Maria pacis.

nere, regione nimirum patente, neque validis munimentis, ut Hungaria, A. C. incincta, & quod caput rei, plerumque in plures factiones misere scissa. 1699. Meminisset Senatorum cum Rege similtates, Lithuanorum adversus Contium studia nondum penitus sublata. FACILE ignem concipere, quæ paulo ante extinctæ sunt faces. Splendidis Moschorum promissis minime fideret. Non adeo incuriosos fore suarum rerum, ut Polonia causa maximis impendiis bellum trahant, opes, militem, victorias denique superioris anni ancipiti fortunæ committant. Noscere alioquin Polonos, quam mutabiles rationes præferant. Fæderi illigatos, annis aliquot nec pacem habuisse, nec bellum a) cum Turca. Neque deinceps pugnaciores fore, aut constantiores. Imo ut primum messum suam in horrea comportarint, quiescent, socium destituent, Polonia interitum, ceu aliena damna spectabunt. Quare cum Cæsar suis provinciis pernecessariam pacem existimet, & Veneta Respublica Cæsaris sententiæ non invitata accesserit, ipse quoque afflictæ Poloniae rebus mature prospiciat, cum Cæsareis consilia sua mutuo conjungat, ut qui bellum concordem una gesserint, ad pacificandum una, & veluti conferta acie accedant. Ita pacem Confœderatis & decoram, & utilem obventuram.

At non propterea mitigari visus est Malachovius; & fortassis perseverandum putavit, ne videretur sine causa oppugnasse fundamentum; QUASI sit rectæ sententiæ inconcussum argumentum, si non cito ab ea recedatur. Conciliatores non levi sollicitudine perstricti, quid agerent, dicerentque, haud satis intelligebant. Effendius sui vix potens, Byzantium se propediem abiturum edixit, nisi Polonus, & Moschus fundamento subscribant. Cæsarei, ut necessitatem imponerent Effendio dimorandi Carloviczii, pollicentur se pacificationi initium duros, ea tamen adjecta conditione; vim nullam, aut robur obtentura omnia, ni simul sociorum postulata processu temporis rata habeantur. Jactabantur quoque ex obliquo sermones, unius, aut alterius inani tergiversatione, universum pacificationis negotium inturbare haud posse. Cognita Cæsareorum, & Venetorum firmitate, Effendiique exulcerato animo, sollicitudo incessit Malachovium, ut ne Fœderati sub manu suas lites componant, sibi que uni cum Turcis in senatorio illo campo colluctandum sit. Abruptis itaque moris, examinandas, permutandasque fiduciarias literas profert, fundamentum omnino probat, Anglum, Hollandumque Conciliatores adoptat. At Moschus mensum integrum omni congressu pertinaciter abstinuit. Offendit primum Maurocordatum, quod ipse in literis Cæsareorum, ab secretis epistolis, non item consiliis Ottomanicæ Portæ diceretur, cum tamen utroque munere fungatur, & Consiliarius primi ordinis toto Imperio habeatur; innuebatque præterea, sibi pergratum fore, si e Scarletorum nobili familia b) oriundus in cæteris literariis instrumentis compellaretur. Notatum præterea, quod in iis nulla fundamenti fieret mentio, cum tamen illud basis utique esset totius pacificationis. Ad inexpectatam, & fortassis noxiam moram redimendam, Pagens vadem se dedit, præter mentem Cæsaris vitio scribarum hæc neglecta; alias propediem, qua vellet formula, fiduciarias affuturas. Placato Maurocordato, fit operis initium.

Ne vero rerum cursus cujusquam fraude, aut justa de causa interrumpatur, leges moderandæ pacificationi conduntur. In primis statutum, salutationum cerimoniis solennibus prorsus abstinendum, omittendas honorem, alias usitatas, significationes. Deinde capita pacificationis, in quæ partes convenerint, ne rursus immutentur, aut rescindantur cum ingenti temporis jactura, Conciliatoribus tradenda, denique cum singuli auctoritatem concludendi amplissimam a suis Principibus acceperint, curas omnium eo vertendas, ut ne fictis nominibus dies tererent; imo conjunctis studiis

a) Ab anno 1689. quo Moschi in Tartaria cæsi, usque ad annum 1695. fere pacem habebant cum Ottomanis. b) Hujusmodi honorum vocabula Maurocordato ipse Imperator Mustaphas attribuit in literis fiduciariis, quas Effendius accepit ad transigendum cum Moscho. Habentur in Porta Ottom. Tom. II. pag. 816.

A. C. moras omnes præscinderent. Quod si quis justis rationibus motus, disceptando moras traheret, id minime fraudi vertendum, quo amotis litibus ad alia gradum faciat; interim liberum foret cæteris, res suas proponendi, tractandique, modo disceptanti parti de securitate, communioneque pacis caveatur. Hæc legum formula sæpe numero cusa, & recusa, omnium tandem calculo probata est. In ipso limine pacificationis illico omen est captum, conventum diuturnum fore, & impacatis animis omnem negotiationem decursuram. Non dubitavit Effendius cæteris postulatis inserere, ut Transylvania eo loco reponatur, quo alias fuerat, cum suos Vaivodas, aut Principes habuit; id est ut specie libertatis tributum pendat Ottomanis. Postulatum isthoc precibus magis, quam minis urgebat apud Conciliatores, nec facile destitutus videbatur, ne videlicet, ut aiebat, amissis validissimis præiudiis, hoc qualicumque dominatu exuti, pacem infelicissimo bello deteriore perpetuo lugeant. Iniquissimæ petitioni acerrime obstitit Oetinganus, quod ea fundamentum pacis, cui omnes subscripserant, convelleret; præciseque negavit, e dignitate Cæsaris fore, nobilis provinciæ possessione decedere, quam multo suorum sanguine, immanibus impensis, & ipsius Belgradi iactura e servitute nuper eripuit. Cæsarem meliore jure & Temeliam, & Belgradum, & Serviam, & Bulgariam repetere potuisse; ejusmodi tamen petitione consulto abstinuisse, quod intelligeret eam fundamento apertissime pugnantem. Nihilo sedatior hac oratione Effendius, huc illuc se contorquere, nunc argumentis, nunc precibus, nunc promissis pugnare, ut honorarium tributum a Transylvanis pendendum extunderet, quo amissionem pulcherrimæ provinciæ leniore, ut aiebat, stomacho concoquat Imperator, orareque ad extremum, ne gravaretur Viennensem aulam hac super re per Celeres consulere.

Oetinganus tædiorum fessus, disertis verbis renunciavit Effendio: spatio unius diei deliberaret, ediceretque sine ambagibus, inprimis velletne in præsentī bona fide tractatum prosequi ad fundamenti normam? alterum, quotnam menses decursuros existimet, dum ultimam manum acciperet pacificatio? Demum si hyemem non posset agere sub papilionibus, nominaret locum extra Imperii Turcici ditionem, quo omnium voluntate demigretur, pacisque negotium tot inutilibus moris dilatum, Europæ commodo acceleretur. Hæc ni definiat, abrupta spe pacis conventus solvetur. Hoc accepto responso, non ultra obnitendum ratus, pollicetur se insequenti die congressui interfuturum, ac examinandis postulatum capitibus initium daturum. Tertia decima Decembris in præsentia Conciliatorum, rursus fundamentum omnium consensu approbatum est, sancitumque, ut voce potius, quam scripto postulata expenderentur, quod eo modo commodius explicarentur ambigua, refellerentur objecta. Pacta tamen conventa publici scribæ in tabulas referrent. Prima, eaque præcipua lis extitit inter Cæsareos, & Turcas de locorum limitibus. Effendius, & Maurocordatus fertilem disceptationum materiam in tempus aliud, aliosque qui subinde provinciarum finibus accurate inspectis, suo arbitrato limites statuerent, rejicere cupiebant, causati montium, fluviorumque ignorantiam, quibus sive Transylvania, sive Croatia cingatur.

Ex adverso Cæsarei minutim, distincteque omnia tabulis inferenda contendunt. Non enim ignorabant, superiore ætate limitum controversias cum incredibili damno vicinarum urbium compositas, nonnunquam novi belli fomitem extitisse, sæpe earum occasione Regios fundos in media pace, omnia belli incommoda perpeffos. Unde multo vehementius institere, ut ad designandos summa accuratione, regionum fines Ottomanos pertrahant. Isti etiam complures dies tergiversati, postremum autoritate Conciliatorum victi, opus multis difficultatibus implicitum aggrediuntur, atque ut eventus ostendit, nullo Cæsaris emolumento, non levi Legatorum invidia, absolvunt. Transylvaniæ causa vix quidpiam litis obortum est, quod ea alioquin in potestate Cæsaris esset, & circumvallata perpetuis montibus,

& sylvis, limites suos minime controversos haberet. Nec consultum erat **A. C** vetustos provinciæ fines proferre, aut imminuere, ne scilicet Valachi, & **1699.** Moldavi æternam odiorum sementem nacti, cruentis certaminibus pacem violent, Transylvaniam, seque mutuo infestent.

Verum Temesiensis Banatus ut certis spatiis circumscriberetur, multorum dierum labor fuit. Urbs Temesia omni ex parte ita obsessa tenebatur a Cæsareis, partim stationibus militum, partim munitis præsiidiis, ut non nisi militaris via pateret ad Danubium, qua commeatus, aliaque necessaria tuto accipere posset. Quippe ad amnem Marusium nostri obtinebant Lippam, Aradinum, Csanadium. Ad Tibiscum Szegedinum, Kis Kanisam, Becskerediam, Sabliam, & qua Tibiscus in Danubium præcipitat, Titulium. Daciam versus, Lugosiam, Karanysebesiam, tum agrum Almafiensem ad Valachiam, & montes Orsovæ porrectum. Hæc loca ne amitterentur cum adjecto agro, aut everterentur, magnopere cavebant Cæsarei. Turcæ contra ad proferendos Temesiæ fines intenti, pertinaci clamore institerunt: memorata loca veteribus Dominis reddenda, Temesiam olim omnibus illis dominatam, ac jus dixisse, quidquid munitionum ad ripas utriusque fluvii reperitur, aut inter montes Valachiæ, & Transylvaniæ intercipitur, Temesiensi urbi subiectum esse. Miserum fore Præfectum urbis, qui perpetuo circumfessus, vix extra pomerium tuto prodire posset. Cæsarei fundamento adhærentes, negant se vel latum unguem cessuros: Cæsarem iusta possessione dejici non posse, cui felicia arma, & fundamentum publica fide sancitum, eorum locorum dominatum dedere. Effendius appellata Kinskii epistola (quam suis postulatis favere & falso credit, & pertinacius contendit) cum inter quotidiana jurgia nihil proficeret, semel, atque iterum e medio conventu turbidissime avolat; testatus sibi integrum non esse quidquam de postulatis remittere, & ni molliores fierent Cæsarei, haud dubie rebus infectis discedendum. Ejusmodi inter disceptationes non hac, non illac promovebatur pacificatio. Oetinganus, & Schlickius pertæsi tricarum, atque una solliciti, ne Effendius impotens sui, repentino discessu cœpta abrumperet, id, quod secundo loco in mandatis acceperant, post plurimum dierum disceptationes acerrimas, Almafiensem tractum, & Lugosiæ, Karanysebesiæque demolitionem addicunt, ea tamen conditione, ut Marusii, & Tibisci utraque ripa cum omnibus præsiidiis, & adjacente agro Cæsari cedat.

Istud Cæsarei tanto ardentioribus animis in congressibus urserunt, quanto ampliora commoda e possessione ripæ utriusque, Hungariæ, & Transylvaniæ obventura prævidebant. Nam si Marusius, & Tibiscus firmis præsiidiis obtinerentur a Cæsareis, tuta foret navigatio, liberque omnis commeatus e Transylvania in Hungariam; vicissimque illi e provinciis Hungariæ æs, annona, miles, quæve bello gerendo necessaria sunt, submitti possent. Extorta Lugosiæ, & Karanysebesiæ demolitione, longe ferociores Ottomanici citimam ripam utriusque fluvii postulant, & ni impetrent, quantocyus se Belgradum renavigaturos conclamant. Sincero pacis desiderio eos non teneri, qui ob sterilem ripam novo bellorum incendio Hungariam, & Fœderatorum provincias objiciant. Hæc adeo concitato, obfirmatoque animo non semel testatus est Effendius, ut conclamatis vasis abiturus crederetur. Interposuerunt auctoritatem suam Conciliatores, præferocemque multis rationum momentis, ad æquiora flectere conabantur. Nullum operæ pretium tulere. Quare Cæsarei necessitate adacti, lævam Tibisci, & Marusii oram in potestatem Mahometis transferunt, iis legibus, ut plenum jus navigandi, annonam, paratusque belli vehendi penes unum Cæsarem esset, eidem omnes insulæ, & Aradinum subessent. Caverent proinde Turcæ, ut ne alterutrum fluvium in plures discinderent alveos, neve molendinis, aliisque operibus viam navigaturis præstruerent, aut excitatis castellis commercia turbarent, interim aquandi, aut piscandi causa fluvios ingredi, minoribus navigiis percurrere accolis liceret. Denique ut securitas præstaretur

A. C. tur Temesienſibus, conventum eſt, ut Lipſa quoque, Cſanadia, Sablia, 1699. Pöcſium, Becskeredia munimentis ſuis in perpetuum nudarentur. Idem fatum Titulium habuit a Muſtapha captum, deſertumque poſtremis his annis. A)

In circumscribendis Sirmii, Boſniæ, Croatiae finibus pervicacia Eſſendii perinde æquitatem vicit. Petierunt Cæſarei fertiliffimum agrum Sirmii ad Danubii, & Savi oſtia protenſum; quo obtento procul dubio ſactura Almaſienſis tractus cum ſœnore reſarciri, & jurgia, quæ e varietate juriſ, & poſſeſſorum oboriri ſolent, plane extingui potuiſſent. Præter ſpatium quatuor milliarium nihil impetratum eſt. Utque Cæſarea ditio ab Ottomanica diſcreta foret, recta linea a Danubiana ripa perducenda erat ad Savum. Mitrovizam tamen in triumphum nuper abreptam ab Imperatore, ſibi vendicarunt Turcæ, noſtris non admodum renitentibus, quod Raczkæ Cæſareum munimentum, & Savum, & Drinum amnes tueretur. Inde a Boſluti oſtio ad Unnæ confluentem designatus limes, adeo amplius pro Ottomanis, ut non Boſniæ modo præſidia ab Eugenio, & Banis B) ſubacta, ſed & Croatiae, & Sclavoniæ quædam loca reddenda fuerint, aut ſolo æquanda.

Incredibili dolore afficiebantur Croatiae, cum viderent deduci præſidia, everti munitiones, anguſtiorẽ in dies reddi ſuam regionem, quam ſanguine ſuo, ſuis plerumque opibus, captis hoſtium munimentis, feliciter ea tempeſtate dilatarunt. Nec Vienna facilitatem Legatorum probavit, vitioque datum Oetingano, quod ab imperioſo, præferocique homine ſeduci, agique ſineret: minis, terriculamenti illico expugnatus, præcoce nimium indulgentia voluntati illius ſubſcriberet; poſtulata rebus Cæſareis exitioſa non minus, quam indecora pro imperio fere acciperet. Potuiſſe ejus pertinaciam frangi longioribus moris, conſtantiaque. E nimia facilitate nihil relatum aliud, niſi ut obtentis primis, licentia efflagitandi ampliora provocaretur, & votorum ubique compotes ſe victos ad extremum obliſciſcerentur. Fortius egiſſe Venetum Legatum, qui pro paſſu omni Peloponneſi, improbo conatu decertavit, vicitque.

Cæterum non leves cauſæ ſuberant, cur Cæſarei faciliores ſe præberent Ottomanis in designandis Imperii limitibus. Conſtabat Byzantinæ aulae annua converſio, qua exauthoratis præcipuis miniſtrorum extera perinde negotia, atque domeſtica momento temporis miſcentur, quæve in placido portu ſtare videntur, ruſus in altum rapidiſſime feruntur. Et jam certa indicia proruperant futuræ mutationis. Præfecturam Vezirii adminiſtravit Amidſhaoglius potentiſſimi Kiuperlis Germano prognatus, vir exacta ætate, placida indole, morum candore inſignis, & gratia Principis ſui nulli ſecundus. Hic uti perſpectos habuit morbos Imperii Turcici, nihil curarum amittit, quo pacem affliſtis provinciis redderet, grandesque titulos Pacificatoris, bellicoſæ ſuæ familiæ aſſereret. Faſtio adverſa non parum obſtitit. Vix Carloviczium condiſtum erat, cum ex improviſo ipſius Legatus (Kihajam appellant) cujus opera unice utebatur in arcanis Imperii, Hierapolitanæ præfecturæ admovetur. Surrogatur alter eo gradu indigniſſimus, & quod mordebat Vezirium, ambigua, fluxæque fidei. Alioquin gravem æmulum agnovit, ſenſitque Haſſanem Baſſam nuper Hierapoleos Gubernato em. Erat iſte a teneris enutritus in palatio, ob formam oris perveſtiſtam Principibus ſœminis acceptus, ac ad ſummas præfecturas uno veluti curſu proventus. Nunc Caimacanis munere ornatus, opportunis ad promerendam gratiam ſermonibus brevi in amoribus eſſe cœpit apud Muſtapham adeo, ut Soltani gener, Vezirii locum primum prope adæquaret, ſuperaturus denique non ex vano crederetur, ſi vel exiguae belli ſcintillæ erumperent. Nec deerant in aula, qui occultis machinationibus pacis conſilia evertere collaborarent: multorumque animis ea opinio inſedit, quin & pignoribus certarunt:

A) Titulium in Muſtaphæ ditionem venit anno 1695. mox everſum cuniculis, ruſus inſtaurari cœpit. B) Nempe a Comitibus Nicolæ Erdédi, & Adamo Battyani, mihi ſæpe memoratis.

runt: pacificationis negotium in ferale bellum exiturum. Horum conscii A. C. Legati, maxumopere sibi cavendum existimarunt, ne protracta sine fine^{1699.} disceptatione, novæ turbæ oborirentur Byzantii, ruptisque induciis bellum exardesceret, aut Effendius limitum causâ irritatus domum avolaret; id quod omni moderatione evitandum fuit; satis utique gnari, quidquid finistri accidisset in eo colloquio, Cæsaris cunctationi attribuendum fuisse. Confœderatorum quoque dissidium, animos addidit Turcis, qui abstracto Moscho a reliquis fociis, Polono Camenecenli urbe placato, eliso magno illo fœdere, haud dubie superiores erant. Descripto eo, quo diximus, modo utriusque dominatu, ad alia gradum fecere Cæsarei, quæ suo loco memorabo.

Eodem tempore Moschus, Polonus, Venetus res suas magno strepitu agitarunt. Procopius quidem variis legationibus per Asiam, & Europam gestis quantum existimationis sibi peperit, tantum omnino deperdidisse videtur Carloviczii, adeo arrepti semel consilii tenax, ut non sociorum precibus, non hostium minis de eo deturbari posset. Fiduciarias literas mense integro pertinacissime pressas, sexcenties admonitus, cum stomacho tandem exhibet: serius Conciliatores adit, spretis Cæsareis, & Veneto; deserto Polono, cum Turcis creberrimos congressus habet: Kerczam, munimentum Borysthenis, multo clamore repetit. Cum nihil extunderet nudis postulatis, pollicetur sub manu: Principem suum, quantamcunque vellet, depositurum pecuniæ summam, modo ea munitione potiatur. Regulum Crimææ, ad quem jure pertinet, hanc conditionem ambabus ulnis amplexum. Reposuit Effendius: Chamum Tartariæ, Soltani mancipium nihil juris habere in Kerczam. Si tanta cupiditate illius tenentur Moschi, restituerent præsidia superiore bello expugnata. Turcarum morem non esse, arces sive mercari, sive vendere. Hoc modo elusus cupidissimus nundinator, alio vertit consilia. Rejēctis in tempus opportunius pacificationis capitibus, duorum annorum inducias paciscitur, quibus præterlapsis, nisi pax concluderetur, armis jus suum persequeretur. Interim utriusque partis milites omni hostilitate abstinere, neve limites controversos infesti incurfarent Cosacci, aut Tartari, quorum rapacitatem singulari lege constringere visum est. Quinta, & vigesima Decembris A) signatæ tabulæ arcanum prodidit. Conciliatorum opera neglecta, inconsultis Cæsareis, inducias inivisse Moschum, ac relictis quodammodo hostium arbitrio sociis, suas sibi seorsim res confecisse, indignissime ferebant omnes, præcipue Malachovius Polonus, qui primum senserat egregie sibi illusum. Cæterum ne Fœderati suos sive timores, sive sollicitudines nudarent, læti inter se gratulati sunt, permolesto capite se aliquando liberatos. Effendius divulso a reliquis Moscho, tametsi pro sua libidine nondum leges imponere posset Fœderatis, id tamen commodi cœpit ex ea inopinata mutatione, quod animadverteret, nihil facilius esse quam privatis colloquiis multorum fœdus solvere, & post unius secessionem cæterorum animos suspicionibus, tectis odiis, mutua diffidentia sponte impleri. Unde imperiosius actum cum Cæsareis, & Venetis, ceu maximo bello victis, eorum postulata fastu barbaro rejecta; si paulo fortius Principis sui causam tuerentur, veluti universæ pacificationis turbatoribus bellum, omniaque belli mala, tristi, atrocique sententia dictata. Hæc talia exhaurienda erant nobilissimis viris, & forti stomacho conquenda.

Malachovius, Poloniæ Orator, meliore fortuna transegit. Regi pro suorum finium securitate, Camenecum necessarium, atque illud integrum, & munitum postulavit, quod si addiceretur, spondebat reliquorum capitum pacificationem inoffenso pede ad celerem exitum parventuram. Non semel Ottomani nunc dejectis, nunc integris munitionibus B) Camenecum Joanni Sobieskio, pugnacissimo Regi, obtulerunt, rati ea dulcedine escæ delinitum, illico arma, irasque positurum. Et multi Senatorum eo inclinabant,

A) Anno 1699. B) Vide annum 1692, ad finem.

A C.bant, quod putarent per tot annos satisfactum fœderi, nulloque pacto tene-
 1699. ri socium invitis civibus, adversa fortuna bellum trahere. At Rex singula-
 rem pacem toties obtrusam, ut rem sua fide, suaque constantia indignam
 obfirmato animo excussit; & quemadmodum primus ad afflictæ Reipublicæ
 Christianæ periculum ingenti charitate accurrit, ita constans, dum vixit,
 fidissimi socii partes, maximas inter curas, immanes sumptus, & vitæ di-
 scrimina explevit. Sed hæc, aliaque suis locis dedimus. In præsentī Effen-
 dius de restituendo Cameneco diu oclusas aures habuit; testatus in publico
 congressu se patria lege obstringi, ne validum adeo munimentum Imperio
 Ottomanico detractum, æmulæ nationi reddat; neque passurum Musta-
 pham, ut in annales referatur, se Imperatore tantam Imperii esse factam
 diminutionem. Camenecum, Valachiæ, & Moldaviæ januam, armis occu-
 patum, armis recuperandum. Oravit propterea Conciliatores, & Cæsā-
 reos, qua valerent autoritate, deducerent hominem ab ea mente, secus
 spem omnem pacificationis eversum iri. Addidit tamen præter morem pa-
 cato animo: inerme, & sine penu bellica reddendum oppidum, si Poloni
 Moldaviæ loca evacuaverint, provinciamque non mutilatam suo Principi
 cesserint.

Multis diebus obluſtatus Malachovius, quidquid agerent Fœderati,
 & Conciliatores, cum videret Cæsāreos lites suas componere, post statos li-
 mites provinciarum alia, atque alia capita discutere, & firmare, veritus ne
 Regis causam deteriore redderet sua cunctatione, Cæsāreorum amica ope-
 ra uti instituit. Nec segnius isti accomodavere, brevique omnis contro-
 versia dirempta est. Loca Moldaviæ alioquin haud magni momenti, &
 prima impressione amittenda, in jus, ditionemque Vaivodæ transcribuntur,
 Camenecum suis cum munitionibus, machinis, Poloniæ addicitur. Malacho-
 vius non secus, ac si nobilissima victoria potitus fuisset, suæ felicitati gratu-
 lari, maximis lætitiis incedere, Cæsāreorum studium ad cælum extollere.
 Princeps controversia pari pertinacia diu agitata, his plane conditionibus
 sublata est. Poloniæ Regnum veteres suos limites habeat. Moldavicis præ-
 sidiis, oppidis, rebus integris relictis, militem abducatur. Podoliam, Ukrai-
 nam cum præsidio Cameneco, duabus duntaxat Moscheis solo æquatis, re-
 cipiat. Institoribus, oppidanis fas esto demigrare, quo libitum fuerit.
 Mense Martio A) depacta loca sine mora evacuentur, quo tempore nuncii
 Byzantium expediendi. Digesta hac difficultate, ad cætera postulata facilior
 fuit Effendus, paxque sine disceptatione coaluit.

Veneti Oratoris negotium prope in dies intricatius fiebat. Typum
 adumbratæ pacis tribus potissimum capitibus complexus est Effendus. Ve-
 netæ ditionis sit Peloponnesus ad Isthmum Corinthiacum, & Hexamili
 muri rudera, quidquid extra Peloponnesum in continente obtinent, nomi-
 natim Prevesam, sive Nicopolim, tum Naupactum Locridis (vulgo Lepan-
 thum) cum Dardanellis, seu arcibus, quarum altera in Ætolia Molicreum,
 altera in Peloponneso sita est ad frænandum Corinthiacum sinum, quo ante
 bellum fuerunt, loco reponant: id est Nicopolim, & Molicreum munitio-
 nibus spolient, Naupactum milite evacuent. Dalmatiæ fines per Curatores
 Geometricos peritos ad hodiernæ possessionis formulam describantur. Gra-
 vissimas condiciones, imperiosius, quo proponebantur, modus acerbiores
 multo reddidit. Namque superbe adjecit: aut præcisè respuendas, aut sine
 exceptione subeundas, disceptare de iis integrum non esse. Ruzzinus ex ad-
 verso, eodem in congressu pugnancia prorsus postulavit hujus sententiæ.
 Montes extra Isthmum procurrentes Venetæ ditioni accedant: e præsentī
 possessione nihil omnino decerpatur, nec ulla arx, nec ullum munimentum
 reddatur. Dalmatici fines in tabulas minutatim referantur. Addiderat: hæc
 talia ejusmodi esse, quæ suo arbitratu, suaque autoritate immutare non
 queat. Impotens iræ Effendus in postrema verba involat: *nihil sibi negotii
 futurum cum homine nulla autoritate publica instructo; quo dicto, concita-*

to

A) Nempe anno 1699.

to gradu se turbidus in suum tentorium recipit, ut minabatur, abitum A. G. comparaturus. 1699.

Ex hoc tam longe inter se dissidentium conditionum conflictu congerunt omnes, aut congressum subito abruptum iri, aut certe multos menses elapsuros, dum de extremis remittant, mediaque via incedant Ruzzinus festinato Venetias nuncio, Reipublicæ significavit, quo res loco forent, quidve sibi agendum, anxie quæsit. At Cæsarei, & Conciliatores furentem Effendium mollioribus verbis placare, amice hortari, ne præpropere suo discessu universæ pacificationis negotium affligat. Perpenderet tantisper, quam ægre futurum, ut semel solutus congressus repetatur denuo. Haud errasse Venetum, qui ad fundamentum appellet; eo subruto, non abs re timere stragem maximam. Fœderatorum curam præcipuam esse, ne ullius pax ante, quam omnium coalescat. Nisi fociis satisfiat, nisi ii pacem velint, Cæsarem etiam cum detrimento suarum provinciarum nunquam discessurum ab armis. Amplius exæstuans Effendius aiebat: sibi sanctitatem fœderis, Cæsaris integritatem quam optime perspectam; verum Venetum omni fœdere, omni amicitia indignum videri, qui communem pacem sua duntaxat pervicacia moretur, & fortassis Confoederatos pernicioso bello involvat. An tanti sint montes steriles, nulloque præsidio communiti, quorum causa rursus Danubius, Tyras, mare Ægæum sanguine hostili fœdentur? urbes, provinciæ integræ ferali incendio hauriantur? Naupaetum ignobilem urbem sponte nuper a Turcis desertam; amissis autem duobus castellis, non maris, non Peloponnesi dominatum amissuros Venetos. Se quidem, velis, remisque vitaturum fuisse congressum, si vel leviter suspicatus esset, adeo difficilem fore Oratorem Venetum. Non minus se vexari cruditate postulorum, quam inclementia cœli.

Et erat mense Decembri asperrima hyems in regione aperta. Multi e servitiis, partim sopitis vi frigorum sensibus, animaque expulsa obriguerunt, partim naribus, pedibusque ambo vitam dimidiam ægre retulerunt. Ipsi Legati, & Conciliatores in rerum omnium penuria, hyemem gravissimam senserunt. Quotidianis tamen disceptationibus in seram noctem productis sæpenumero incaluere. Calendis Januarii A) Venetiis redux cursor parum læta attulit. Rempublicam de montibus ad Isthmiam Peloponnesum adjacentibus omnino immobilem. Non opinato responso exulceratus Effendius exclamat: omnia belli mala subeunda potius, quam ut hoc dedecore afficiatur Turcia, seque de medio cœtu turbatissime eicit. Postridie opera Cæsareorum in conventum retractus, petiit ne de montibus verbum fieret. Vixdum convenerant, cum elata voce ad Venetum: ediceret tandem sine fuco, animum paciscendi, ac facultatem habeat? se quidem non excessurum consilio, nisi re Peloponnesi confecta, aut bello decreto. Ruzzinus pari contentione vocis: ni montes Veneto juri permittantur, pacem confieri non posse. Æstu doloris abreptus Effendius, multa contumelia hominem lacerat. In ea animorum concitatione prudentem potius, quam fidelem interpretem egit Maurocordatus. Inter hæc jurgia ad sua tentoria deducuntur, veluti ad nova consilia capienda. Deservescente ira, eodem adhuc die congressum repetunt, ac Conciliatorum opera in hunc modum transigunt: Hexamilio quidem Venetorum imperium terminetur, nec tamen limes a partium alterutra ducatur. Quinta Januarii de Nicopoli, Naupaeto, castello Moliceo, sive Rumeliæ, tractari est cœptum. Venetus demolitionem sive Nicopolis, sive Naupaeti addicit; Effendius Naupaeto decedendum; Nicopolim, & castellum e fundamentis eruendum contendit. Decem admodum horis pertinacissime dimicatum est. Statuuntur Veneto ad deliberandum quinque dies. Obtestantur Conciliatores hominem, ne ignobilium trium locorum causa, universum pacis negotium eversum eat. Polonus, & Moschus gravioribus impedimentis jam præmissis, propediem

C. A. abitura videbantur; circumstant adeo tergiversantem, ut postulatis subscribat, aut quod Effendius, & Maurocordatus suaserunt, inducias pangat, deinde ut libitum fuerit Viennæ, Byzantii, vel Venetiis pacem conficiat. Addit Polonus: plurimum Reipublicæ interesse, ut Principem suum quamprimum conveniat, belli, aut pacis nuncius; quod ab isthoc colloquio quidpiam boni sperarint Poloni, lentiores fieri armorum paratus, darique opportunitatem Tartaris semisopitos opprimendi. Surdis auribus hæc talia accepit Ruzzinus, immobilis de suis postulatis.

Communi assensu rursus quindecim dies Veneto conceduntur, intra quod spatium difficultates suas digerat, digestas pacificationi accommodet. Si rem differat, reliqui pacis tabulas signent, nec tamen ante robur vimque obtineant, quam & ille pacem, aut inducias nomine Reipublicæ pepigerit. In hanc sententiam pedibus, manibusque ibant Ottomani, gratulantes inter se, quod paucorum dierum intervallo post diutinam jactationem in portu constituri essent. Illud quoque commodi eventurum Turciæ prospiciebat Effendius, si semel vagina gladium condidissent Cæsarei, & Poloni, ardui moliminis futurum, eos de quiete excire, parumque sollicitos fore, quid Veneto fieret, si bellum persequi vellet. Interim Cæsarei gravi verborum pondere Ruzzinum hortantur: conditiones neque noxias, neque indecoras Reipublicæ acceptet; non aliam curam se priorem ducere, quam ne iniquius habeatur, aut indignius. Per eosdem dies rumor spargitur Caroloviczii: in frequenti Divano præcise decretum, Veneto nihil omnino cedendum, in eo verti Turcici nominis dignitatem. Si abnuat, bellum paret. Hoc ariete prostratus, e formula Byzantio submissa paciscitur: Peloponnesus Venetorum esto; Naupacto præsidarii deducuntur, Nicopolis, seu Preveza cum castello Rumeliæ diruitur, quidquid extra Isthmum occupatum est, Turcis redditor. Insulæ Ægina, & S. Mauræ cum capite pontis (vulgo Paraccia) in potestate Veneta sunt, ab insulis Ægæi maris ne quid tributum in posterum exigitor. De finibus Dalmatiæ biduum tenuit disceptatio. Cum nec hac, nec illac affectæ pacis negotium promoveretur, Effendius haud dubie jam superior in illo campo litium feraci, ceu alter Popillius A) duodevicesima Januarii arcte admodum circumscribit Ruzzinum: ageret, sine ambagibus enunciaret, velintne designatos limites, an bellum? alterutrum eodem in congressu deligendum. Ita circumclusus Venetus constanti animo reponit: *belli, pacisque summo Moderatori Deo causam magis permisero, quam ut inconsulta Republica, vel latum unguem de postulato abeam.* Dederat autem ea in mandatis Ruzzino, ut cum in Græcia Turcarum aviditas quæpiam loca eripuerit Venetis, in Dalmatia detrimentum isthoc præstaretur. Nominatim petiit, ut inde Cicluto, ac Narenta fluvio ad castellum novum perpetuus ditionis Venetæ limes esset; eo fortassis consilio, ut aditu urbis Ragusæ terra arcerentur Turcæ, et si fortuna benignior aspiraret, illius provinciae incolis plena libertas redderetur.

Sed quamcunque in partem se verteret Venetus, ab imperioso, suæque mentis tenacissimo nihil impetrare potuit. Post plurima tædia, & cavillos, Conciliatores pepigere: Ragusa, ut ante bellum, cum Porta Ottomanica amicitiam habeat, tributumque de more pendat. Maritima loca Dalmatiæ hoc bello a Venetis capta, in eorum potestate maneat cum agro. Reliquam Dalmatiam Turcæ obtineant, atque ne finium causâ lites ferantur inter oppidanos, limites a peritis regionum Martio mense ducantur. Rebus in hunc modum compositis pax in propinquo erat. Contestatur Ruzzinus, se pertinacia Effendii, & nimia Legatorum indulgentia in has angustias coniectum. Equidem signaturum se tabulas, ea tamen conditione, si Respublica ratam habuerit Dalmatiæ, & Græciæ imminutionem. Non recusavit conditionem Effendius, modo Veneti trigesimo die post, quam solutus

A) Popillius Leanas Antiochum Epiphanem virgula circumscripsit. Damus verba M. Velleii Patriculi lib. I. C. X. „ Regem deliberaturum se dicentem circumscripsit virgula, jussitque prius responsum reddere, quam egrederetur finito arena circulo. „

latus fuerit congressus, pacta Ruzzini sua autoritate firment, aut inducias A. C. in longius tempus prorogent. Sexta, & vicesima die gratulantibus inter se 1699. tanti operis perfectioribus, primum pax Cæsarea, deinde Polonica, postremum Veneta, subscripta est, disertis verbis adjecta conditione, si Veneta Respublica eam probaret. Eodem tempore minoris momenti capita conclusa sunt Cæsareos inter, & Turcas, quæ Lectoris gratia commemoranda duxi.

Utrique parti licitum sit veteres arces, præsidia instaurare, milite, annonæ communire, iis duntaxat exceptis, in quorum demolitionem jam conventum fuit. Ad excolendum agrum sive ad Tibiscum, sive ad Savum cum Cæsareis, tum Turcis integra potestas esto colonias ducendi, oppida condendi, dummodo nullum munimentum excitetur. Ut vero finitimi coloni sincera pace in posterum fruerentur, sublata est priorum temporum consuetudo, qua limitaneis militibus, veluti in medio bello se mutuo infestare, prædas agere alieno in solo licebat. Decretum adeo: ejusmodi procursores publicis armis coercendos: captos exquisitis suppliciis mactandos: læsæ parti ad æstem satisfaciendum: Præfectos militum, nisi severe in nocentes animadvertant, fortunis, & vita exuendos. Qui e Transylvania, & Hungaria fervente hoc bello in Turciam concesserunt, ac in Mustaphæ fidem, clientelamque recepti sunt, finibus utriusque Imperii perpetuo arceantur. Tòkòlius, ejusque socii non armis, non milite juventur. Omni jure civium Turcicorum gaudeant. Horum si quis in patriam redierit, Præfectis Ottomanicis plectendus restituatur. Uxoribus, non item liberis, potestas fiat maritos exules sequendi, quibuscum in designatis Græciæ urbibus vitam degant. Publici grassatores, libertini, ac vagæ fidei homines, nullisque stipendiis authorati, in ordinem redigantur, capti pro flagitii magnitudine castigentur, molliores Præfecti loco moveantur. In limitibus pari numero resideant Commissarii, sive Judices, æqui, bonique amantes, qui colonorum jurgia componant, regioni secundum leges patrias jus dicant. Si gravior causa emerferit, suos Imperatores consulant.

De captivis, & Religionibus multa salubriter sancita sunt. Erat ingens numerus eorum in omnibus provinciis Imperii Ottomanici; Byzantii præprimis nobilissimi quique publicis in carceribus detinebantur, validiores alii ad triremes, aut agrorum culturam damnati, morte ipsa multo duriora quotidie perpetiebantur. Utramque corporum, & animorum libertatem ut quamprimum recuperarent miseri, Leopoldus Imperator suis Legatis magnopere commendavit. Effendius nullis rationibus permoveri potuit, ut isthoc negotium pertractaretur in eo conventu, causatus fortunam captivorum in manibus Soltani, aut privatorum hominum versari, cum iis transigerent Cæsarei, ut visum fuerit; sibi nihil juris, nihil autoritatis esse, ea super re quidpiam statuendi. Maurocordatus Christiano nomini apprimè addictus, non modo suam operam spondit ad asserendam miseris libertatem, sed & leges permutandi, aut redimendi captivos descripsit, minime ambigens gratum fore suo Imperatori, si Turcæ variis belli casibus intercepti, ac cum jactura, & dedecore universæ gentis etiamnum vinculis constricti, patriæ suæ, & libertati redderentur. Res in hunc modum definita est. Publici captivi, quique Soltani Quæstoribus traditi sunt, Turcis ejusdem conditionis, & ordinis permutentur. Si pars una plures numeraverit, ac permutari possint, amicitiae causa sine omni lytro liberos dimittet. A Tartaris, privatisque Heris præsentis ære redimantur. Ut ne isti turpissimum quæstum more suo exerceant, atque aucto nimium pretio, multorum libertatem retardent, aut penitus præcidant, Judices locorum pro sua auctoritate ejusmodi hominum avaritiam repriment, singulis capitibus pretium statuent. Quod si nemo Turcarum, ad conquirendos captivos suæ gentis in Hungariam, & Austriam mitteretur, præsidiorum, arcium Præfecti intentiore cura in numerum, in conditionem eorundem inquirent, ac fide integra Oratorem Ottomanicum de omnibus certiores reddant. Interim

A. C. dum census sive in Turcico Imperio, & Tartaria, sive in ditionibus Cæsaris 1699. reis ineatur, liberalius quam hætenus habeantur. Hæc pacta Effendius suo silentio probare est visus. A)

Romana Religio tametsi barbarorum jugo misere pressa, multis tamen in locis per Palæstinam suum nomen, & ritus obtinuit. Juvat hic, quoniam res, & locus postulant, illius vicissitudines cursim denarrare in præsentia, quod utique eo consilio feci, ne videlicet Religionis negotia inferendo, bellicam narrationem non sine Lectoris tædio cogerer interficere. Patres Divi Francisci pro suo in rem Catholicam studio, partim ære, partim precibus peramplas immunitates a Principibus Turcarum cum sibi, tum peregrinis impetraverunt, quos ardor ad visendam regionem veteribus monimentis inclitam, ac tot prodigiorum feracem inflammavit. Pluribus annis & Religio, & illius custodes alta pace fruebantur, inque spem boni omnes venerant, res Romanas, inter tot præsidia Imperatorum eundem cursum, eandem tranquillitatem perpetuo habituras. Evertit spem nova tempestas a Græcis Monachis concitata ad annum millesimum sexcentelimum trigelimum octavum. Namque isti odio in Romanos stimulati, pertractis in suas partes provinciarum Præfectis, armata manu templa, domos per summam injuriam occupant, vixque tantillum otii concedunt, ut veteres coloni supellectilem domesticam colligerent, ac sublati rebus alio demigrarent. Vitam extulisse e tanto naufragio in lucro erat.

Inopinata clades sacris illata, non modico dolore perculit Principes Europæos sinceræ Religionis addictos. Legatos, & deprecatores persæpe adhibuerunt apud Soltanos, ut iniquissimi invasores omnibus locis dejicerentur. Verum præter splendida promissa nihil impetratum est. Ludovicus XIV. Galliarum Rex Religionis, ac Patrum causam cordi habebat adeo, urgebatque contentione tanta, ut negaret se quibuscunque conditionibus renovaturum fœdus cum Mahomete IV. (quod læsum videbatur Cretensi B) bello per auxiliares Gallorum copias) nisi depulsis Græcæ Religionis hominibus, templa, aræ, cœnobia per vim occupata Romanis redderentur. Orator Gallus Nointelius anno primo, & septuagesimo supra millesimum sexcentelimum Byzantium profectus, sui Regis postulata apud seniores Kiuperlem Vezirium edidit.

In primis Sodales Divi Francisci in integrum restituantur. Gallus C) Patribus ejus familiæ, quæ a laxiore capitis tegumento indigitatur (vulgo Capucini) liberum sit Galatæ in urbe sacras ædes instaurandi, quindecim ante annos exustas. Romano-Catholicis per omnes provincias Imperii Ottomanici potestas fiat incendio, aut vetustate collapsa templa, cœnobia pro suo arbitrio suscitandi, quin ea causa a locorum Præfectis vexentur. Item Romano Catholici, cujuscunque demum nationis, aut linguæ, sub tutela Christianissimi Regis ubivis locorum Imperii Ottomanici agere, mercari sine injuria permittantur, atque is omnium omnino Patronus ab ipsis Turcis habeatur. D) Præter hæc capita Religionis de re mercatoria, deque Asiatica navigatione pauca in medium attulit Nointelius. Kiuperlis Cretico triumpho elatus, & peroffensus Gallis, quod obsessæ insulæ auxilium tulerint, nec pro dignitate tanti Regis, nec pro vetere amicitia, quæ inter utramque gentem ad eum diem intercessit, Oratorem habuit. Jamque Ludovicus arma versurus in barbaros canebatur, cum repente florentissimos exercitus in Belgium E) effudit, ac Turcis, Græcisque spatium concessit alias, atque alias sedes Romanorum invadendi.

Eodem fere tempore in urbe Hierosolymitana, Servatoris nostri sepulchrum religione celeberrimum, Græci Monachi occuparunt. Facinus istud superioribus annis persæpe attentarunt homines insensissimi nomini

Roma-

A) Hæc pleraque ex Historia Magni Leopoldi Authore P. Francisco Wagner e Soc. Jesu. B) Vide pag. 73. C) Sacerdotes Latini ritus ab Ottomanicis Franci compellantur. D) Porta Ottomanica ad annum 1671. pag. 133. E) Anno 1672. Consule Historicos illius ætatis, qui causas, & progressiones hujus belli literis commiserunt.

Romano. Sed quoniam Reges Hispaniarum, quo erant in sacra Romana A. G. animo, tantum auri, argentique bonis Patribus quot annis miserant, quan- 1699. tum ad explendam Præfectorum avaritiam, & devinciendos primi nominis aulae ministros postulabatur, Græcorum sive fraudes, sive vis aperta, speratum ad exitum minime pervenerunt. At posteaquam Panagiottus apud Mahometem IV. Imperatorem, summus linguarum interpres, ac Religionis Græcæ, quam a pueritia profitebatur, præcipuus fautor, fidam, utilemque operam in rebus difficillimis Imperii Ottomanici posuit, facile id, quod tot annis incassum tentarunt Græci Monachi, sua gratia, & autoritate apud Kiuperlem, & Mahometem effecit. Post atrocissimum bellum Cretense, cum quæstuosam Turciæ pacem sua eloquentia, qua nobilis insula (si perpauca, eaque tenuia loca excipias) Ottomanis cessit, eblanditus fuisset, impensæ operæ, fideique non aliam mercedem petiit, quam ut pulsus Romanis, Græcæ Religionis hominibus Hierosolymitanum templum jussu Imperatoris committeretur. A)

Subscripsit illico petitioni Mahometes, eo fortassis etiam consilio, quod haud dubie provideret animo, tam palmari erga Græcanicam gentem benevolentia vetus odium hanc inter, & Romanam suscitandum, ac si qua fuit concordia, magno emolumento Turciæ plane abrumpendam. Panagiottus Imperatorium diploma, quo augustissimum sepulchrum Hierosolymis, & juxta urbem loca quæpiam Latinis adempta, pleno jure in Græcos translata sunt, quoad in vivis erat, callide pressit: metuebat nimirum homo vaser Europæorum Principum ardentissimum studium adversus sinceram religionem, a qua si amicis legationibus, aliisque mitioribus remediis depellere non possent injurias, vim certe, atque arma cum maxima invidia Græcæ gentis exprompturi essent. Verum a fatiis B) Panagiotti, repertum diploma, adnitentibus Græcis Monachis, paulo ante ferias redivivi a morte Servatoris nostri memoria solennes, Hierosolymis promulgatum est.

Loci Præfectus, & Juris periti templum, atque templo aditum domicilium Latinorum, Græcis adjudicant, ac pro sua potestate uno calore Patres ejicere connituntur. Ingens multitudo hominum diversis studiis inflammata undique accurrit, correptisque temere telis, unam civitatem in duas scindit. Pars templum, pars forum insidet. Græci Monachi fustibus armati in interiora templi penetrant. Latini pro aris, & focus, etsi numero pauciores, usque adeo conjunctis animis, viribusque repugnant, ut invasores semel, atque iterum repulerint. Sed tandem isti, Franciscanis insolito furentium impetu perterritis, & cædem haud dubiam omnibus imminere ratis (quippe nonnulli sauciati aras suo cruore resperferant) partim fuga, partim latebra sibi consulere coactis, templum, cœnobiumque victores obtinent. Non tamen propterea afflictæ Religionis causam Latini deseruerunt. Supplicem libellum porrigunt Mahometi: orant, obtestantur, ut ne sinat antiquissimo jure Latinos exui, neve patiatur privilegia, beneficio suorum Majorum, familiæ D. Francisci concessa, atque tot annorum curriculo nunquam imminuta, aut violata, Græcorum fraude everti. Latinorum impensis utrumque ædificium assurrexisse. Penes hos omne jus, curamque Ecclesiæ permanisse ad præsentem diem. Principes Turcarum non modo nihil in veteres Dominos turbulentis licet temporibus movisse, sed potius multis, liberalibusque diplomatis eos ornasse, & si non omni, maxima sane servitutis parte exemisse propterea, quod complura argumenta haberent, custodes sacrarum ædium publicis negotiis, turbisque abstinere, privata duntaxat curare, eorumque probitate vitæ, multa mortalium millia ex omni Europa in Palæstinam allici; e tanta vero hospitum frequentia, veluti perenni fonte in Imperatoris ærarium multum pecuniæ quotannis derivari. Num paria sperari possint in posterum per Græcos non minus lingua, quam

D d d 3

mori-

A) Anno 1671. B) Mortem obiit Panagiottus Orientalium Linguarum præcipuus interpres in aula Byzantina anno 1673. cui successit Maurocordatus peritia Linguarum, & gratia Imperatorum suppar.

A. C. moribus, religione, fide in Deum, & Principes suos ab Europæis diversos, 1699. non immerito dubitari.

Hæc controversia ad Divanum rejecta, neminem unum Patronum est nata. Namque Græci, ne capta statione moverentur, multa largitione causæ suæ patrociniū adjungunt, & quod futurum non ex vano conjectarunt, omnium Consultorum sententia, jus possidendi alienos fundos obtinent. Nihilo segniores Latini, opem Gallici Oratoris implorant, aulæ ministros, quo molliores aditus habeant apud Mahometem, multo auro, telo nempe fortissimo barbarorum animos in quamvis partem flectendi, oppugnant, expugnantque. Rursum in examen vocantur utriusque partis momenta, Gallus Regis sui perpetuam amicitiam pollicetur, si lis Religioni Romanæ fortunatum exitum sortiretur. Verum quod Græci non cessarent suffragia Judicum quolibet pacto nundinari, & Patriarcha Constantinopoleos annum tributum a suarum partium Sacerdotibus dependendum polliceretur, iniquissima causa iterum triumphavit. Equidem Latini Patres secuturis annis sæpenumero capita contulerunt, & unde unde spes affulgeret recuperandi sacra loca per Palæstinam præprimis Hierosolymitana, & Bethlehemitica (nam & ista multo antea Græcorum factio sibi vendicavit) tamen, quod sciam, omnia pertentando nihil egerunt.

Ergo opportunitate Carloviczenfis pacificationis in novam spem erecti pii exules, ad Cæsareos Legatos in auxilium pronos solícite confugiunt, suæque causæ æquitatem majorem in modum commendant. Oetinganus non tam Patrum precibus permotus, quam Leopoldi mandato impulsus industriam, sedulitatemque, quantam potuit, maximam impendit, ad instaurandam avitam Religionem per loca Palæstinæ. Nam Leopoldus eam in primis curam aliis, atque aliis literis imperaverat, non utique in speciem, ut Legatorum in extorquendis veteribus privilegiis pertinacia patefecit. Post infinitas disceptationes tandem Maurocordatus suæ gentis studiosissimus victas manus dedit, atque in has pactiones consensit: Edicta, privilegia Imperatorum Ottomanicorum, quocunque pacto Romanæ Religionis hominibus indulta, injuria temporum partim imminuta, partim extincta in integrum reponantur. Religionis causâ, vestigalibus, tributis, aliisque oneribus nemo vexetur. Vetera ædificia, templa, aras, fas sit instaurare, ac ritu Romano sacra obire. Oratori Cæsareo jam nunc data potestas intelligatur de Hierosolymitanis ædibus in aula Byzantina sigillatim agendi.

Reliqua pacificationis capita hæc fere erant. Res mercatoria peritorum hominum opera certis legibus stabiliatur. Negotiatores cujuscunque nationis, Cæsaris comœatu instructi perinde, ac aliarum gentium, jure, privilegiis in ditionibus Ottomanorum gaudeant. Vetera pacta, nisi præsentibus abrogentur, vim suam habere censeantur. Ut amicitia inter utramque partem firmetur, primi nominis Legati non sine muneribus mense Junio labentis anni mittantur: ad limites Sirmii solitis cerimoniis accipiantur: acceptis victus quotidiani dimensum, ac pecuniæ modus, ut superioribus annis factum est, præbeatur. Liberum sit iisdem sua postulata edere, urgere. Cæsarei quocunque vestium genere utantur; primoque loco inter quosvis Legatos habeantur. Eorum nunciis, cursoribus ut ultro, citroque tuto comœare possint, fiduciariæ literæ Imperatoris nomine dentur. Curatores designandorum finium secunda, & vicesima Martii in Sirmio adsint. Pacis tabulæ trigésimo abhinc die ratæ habeantur, atque a Conciliatoribus permutentur. Quinque, & viginti annos pax duret, quibus evolutis, si visum fuerit Imperatoribus, prorogetur. Chamus Crimeæ, alique Principes Tartariæ, perinde omni hostilitate abstineant. Pacificatio isthæc a Cæsareis latine, a Turcis Turcice conscripta Carloviczii signata est. Tabularum exemplar utriusque linguæ Viennam perlatum præcipuos interpretum multum fatigavit. Duo inprimis offenderunt: alterum, quod in Latino aliqua dubia, nonnulla obscura reperirentur, ob verborum non necessariam trajectionem, quæ facile in aliam sententiam pro Turcarum commodo tra-

hi possent. Istud dolo Maurocordati factum callidiores coniectabant, vere-**A. C.**
banturque, ne sub ejusmodi verborum involucris, vasserimus Græcus sur-**1699.**
dum aliquod bellum procuderet, quo in limitum forte divisione, multa
mortalium millia non in necem quidem, sed servitutem cum Cæsareis ditio-
nibus abriperentur. Alterum, quod in Turcico exemplari legeretur: se
amicitiam servaturos, modo a parte adversa nihil hostile fieret. Quæ ver-
borum clausula multam sollicitudinem incussit consultoribus, non abs re
existimantibus, Ottomanos in aditu pacis sementem bellorum spargere, &
quamcunque injuriam, dum eorum rebus conducatur, pro hostilitate arre-
pturos. His malis, ut obviā iretur, annuente Effendio, Latino exem-
plari annexum est: Turcas non secus, atque Cæsareos pacis tabulas interpre-
tatos, & latinæ formulæ præcise adhæsuros.

Interim & apud Venetos typus pacificationis multa sollicitudine ex-
cutitur, & summa omnium voluntate probatur. Nec quidpiam in eo,
quod mireris, jurium suorum tenacissimis immutare visum est, nisi quod
æternam pacem in quinque, & viginti annos duraturam, ad Cæsaris nempe
normam redegerint. Poloni quoque recuperato Cameneco læti, sine ter-
giversatione Malachovii acta firmarunt. E tam prompta omnium Confæ-
deratorum in pacem conspiratione maximam voluptatem cepit Leopoldus,
tum quod bellorum tædio fessus, Hungariæ Rempublicam in meliorem sta-
tum vellet componere, tum quod difficile bellum ob hæreditatem Hispania-
rum propediem exarsurum animo præfagiret. Itaque præcisis, quæ rei læ-
tissimæ exitum vel tantisper morari possent, quarta decima mensis Martii,
a) pacificationis tabulæ Confæderatorum Principum autoritate roboratæ,
atque per juniorem Comitem Strattmannum perlata, a Conciliatoribus per-
mutantur apud Szalankemenum Sirmii oppidum, ac tandem pax tot everfis
urbibus, classibus aut merfis, aut exustis, cæsis aliis, atque aliis peditum,
equitumque legionibus, provinciis amplissimis cum incredibili strage ho-
minum vastatis, frustra quæsitæ, Carloviczii reperta est.

Laus conciliatæ pacis penes Pagetum, & Colyerium fuit, qui devo-
ratis infinitis tædiis in hoc nimis quam implicato negotio, quod texere cœ-
perunt filum, felici manu pertexuerunt. Utriusque ferream patientiam,
ac singularem in emolliendis Turcarum animis prudentiam Leopoldus Cæsar
meritis præmiis ornavit. Memoriam prodidit Portæ Ottomanicæ b) author,
Colyerium ob præstita officia in censum Comitum Hungariæ adlectum (re-
ctius scripsisset apud Hungaros civitate donatum) Regis, Regnique gratia.
At primum consuetudini aperte adversatur, alterum inter numerosos Hun-
gariæ indigenas nusquam reperio. Effendius quoque tametsi durum aspe-
rumque se præbuerit, munera tulit facile triginta millium imperialium pre-
tio æstimata; paria fere accepit Maurocordatus; cui etiam, nescio quæ mo-
numenta Historiæ, a Cæsarea Bibliotheca deprompta, submissa sunt. c)
C. Oetinganus rebus e sententia confectis, jam antea Viennam rediit, quem
C. Schlickius cum tabulis pacificationis, manu ipsius Mustaphæ signatis,
consecutus est. Effendius, Maurocordatus cum Conciliatoribus, & Ruzzi-
no Veneto Legato Belgradum discessere. Pagetus & Ruzzinus unius diei
itinere prævertentes Colyerium, tormentis lætum sonantibus, ac disposito
in armis toto præsidio (dena millia partim equitum, partim peditum erant)
urbem ingressi sunt. Postero die Colyerius eadem plane pompa accipitur.
Observatum a peritis rerum Turcicarum, nunquam alias Ottomanos hujus-
modi exquisitis honorum significationibus in Principum Legatis sive exci-
piendis, sive dimittendis usos fuisse, neque Regulis Tartariæ ampliores ex-
hiberi. Ex quo intelligas, Conciliatorum operam, in componenda pace
gratam omnino extitisse Turcis, & multo ardentius eam desiderasse, quam
palam postremis his annis præferrent. Mustaphas certe Imperator ad con-
clusæ pacis literas, insolitæ signa lætitiæ dedit.

Is,

a) Anno 1699. b) Tom. II, pag. 836. c) Scriptor Portæ Ottomanicæ commemorat Maurocorda-
to missum fuisse *Corpus Historiæ Nyzantiaci*: rectius fortassis *Corpus Historiæ Byzantinæ*.

A. C. 1699. Is, dum bonus nuncius Adrianopolim intraret, venatu, condimento nempe Imperialium curarum, se oblectavit. Redux in urbem, afulam undique civium multitudinem in principem Moscheam suo exemplo pertraxit, ubi persolutis Mahometi precibus, Mustium commoda pacis meditatis verbis explanantem audivit. Inde in palatium digressus, convivium celebravit cum Purpuratis, sub majorum, minorumque machinarum explosione sæpius repetita, læto tympanorum, fistularumque cantu. Nuncio decem imperialium millia numerari iussit, Effendio præter alia munera tres phalerati sonipedes dono missi. Maurocordato annum stipendium, & honorum tituli aucti. Ejus filius Portæ Ottomanicæ extra ordinem interpres, cum stata pensione nominatus. Adrianopolitani perinde gaudio perfusi, hilaria in seram noctem continuarunt. Cursores denique in omnes Imperii provincias festinati, ingenti hominum gratulatione excepti sunt, ut adeo ipsi Ottomanici affirmaverint, nullos vel ab Imperio condito jucundiores nuncios venisse Byzantium, atque in præsentia Carloviczensem pacem perferentes, per quam nempe quindecim annorum formidinem, quatuor potentissimorum Principum foedus dissolutum, & spe sua feliciorum exitum e fatali bello, cui terra, & mari impares jam erant, integra majestate Imperii intellexerunt.

Supererat limitum designatio, quo molestius, eo cautiore manu pertractandum negotium. Huic perficiendo impositus est C. Mariglius Geometricus callentissimus, & factis per Hungariam multis stipendiis controversorum finium apprime peritus. Additur socius tædioli laboris C. Volkræus. Exeunte Martio Carloviczium profecti, parum aberat, quin uterque occideret. Ad Kecskemetinum in globum prædonum impacti, supellectilis jacturam faciunt, e famulatio, corporumque custodibus non paucos amittunt: ipsi beneficio tenebrarum (nam altera post dimidiam noctem hora erat) ægre cruentas manus evadunt. Magni Leopoldi Historia meminit, Mariglium femore fauciatum pro mortuo relictum, id quod Portæ Ottomanicæ Scriptor silentio transit. Sed idem iste Scriptor hunc Mariglium simili infortunio mulctatum in suos annales retulit ad nonagesimum primum annum. A) Dum enim pacificationis viam indagaturus Belgradum cum Chaufio quodam contendit, a Rascianis ex insidiis prorumpentibus subito occupatur, & antequam nosceretur, quis esset (nam vestem Turcicam indutus fuit) secundum caput, & humerum geminum vulnus accipit. Sed quidquid sit de fauciatione Mariglii, continuato itinere cum præsidio bis centum equitum, sexta decima Aprilis Carloviczium perventum est. Aderat jam eo in loco, Commissarii nomine quispiam Effendius, homo non admodum duri ingenii, & auri fulgore facile versatilis. Et tamen finium descriptio nonnisi evoluta æstate insequentis anni confecta, atque in tabulas relata est; quæ quoniam ad formulam nuper recitatam fere concinnata sit, ne rursus pleraque hic cogar repetere, ad alia transeo.

Imperator Mustaphas post diutinam commorationem Adrianopolitanam, Byzantium, veterem sedem Principum Turcarum, triumphantis in morem repetiit. Hoc in itinere atrox discrimen adiit. Pons publicus superandus erat, cujus tabulæ sive carie exesæ, sive tignis parum firmiter connexæ, cum equi vestigio premerentur, subito dissolutæ & equum, & iessorem in fossam præcipitant. Purpurati, quive in illo nobilissimo comitatu erant, inopinata conversione in luctum mutantur, miserabili casu exanimatum rati. Accurrentium manibus exceptus, sine noxa repertus est. Gratum se illico exhibuit Mahometi, cui salutem suam ambitiosa superstitione adscripsit. Multos captivos vinculis exemit; in egenos grandem pecuniæ vim impertiebatur, Mecham proficiscentibus perbenignus fuit. Byzantini cives adventu Imperatoris, & pacis nuncio recreati, pompæ militaris & splendorem, & lætitiâ variis ludis, & festis ignibus eo die auxerunt. Senior Soltana Kasâchis, mater Mustaphæ, ante paucos dies non minore apparatu

paratu rerum, ac civium lætitia urbem ingressa est. In illo ingressu novum A. C. argumentum est datum, quantam voluptatem aula Byzantina hausserit e 1699. pace confecta. In magna mortalium frequentia, ad spectanda hilaria Constantinopolim confluentium, aderat Colyerii Conciliatoris soror, a marito Smyrnæo Consule A) Hochpieda appellata. Hæc famulitii, equorumque splendore præterveſtæ Soltanæ oculos in se facile avertit, jussaque propius accedere, Turcico sermone hæc paucis complexa est: patrem suum annis quindecim legatione functum apud Mahometem IV; fratrem, præcipuum instrumentum compositæ nuper pacis extitisse, maritum suum complures jam annos Smyrnæ Consulem agere. Soltana protracto colloquio dimidia hora, ac non parce distributis in Hochpiedam, ejusque familiam muneribus, satis ostendit, quo animo esset erga sororem pacis Conciliatoris. Junior Soltana perinde benevolentiae indicia dedit, Principemque filium spectandum exhibuit. Janicfarorum Aga, qui Soltanas præsidii causa cum milite affectatus est, spontene, an jussu Kafachis? incertum; Hochpiedam in aulam magnifice deduxit.

Veneti pace non minus utili, quam gloriosa læti, Divino Numini in ædibus S. Marci solenni cultu grates persolverunt. Exinde versi ad deligendum Legatum, quem Byzantium expediant, collatis suffragiis Joannem Landum, S. Marci Curatorem nominant. Sed is excusata valetudine, splendide legationi semet subtraxit, atque Laurentium Soranzum, virum claritudine generis, & testatis meritis illustrem, accedentibus Patrum votis substituit. Ad regundos Dalmatiæ limites Franciscus Grimanus eodem tempore dimittitur. Uterque pro dignitate Reipublicæ munus obivit. Cornarus Dalmatiæ Præfectus nondum publicatis, sed jam initis induciis, hostiles aliquot naves interceperat, quas subinde rebus integris mercatoribus remisit. Hæc Cornari promptitudo Osmanem Seliſtarem dividendorum finium curatorem usque adeo emolliivit, ut mira facilitate postulatis Grimani cesserit. B)

Poloniæ Regnum gemina pax, domestica nempe, & externa, singulari voluptate affectit. Illa c) Præsulis Vilnensis, & Jacobi Flemingii; hæc Malachovii industria coaluit. Camenecum, ut conventum erat, mense Martio a Turcis in hunc modum evacuatum est. Gubernator præsidii educitis militibus in præsentia Vilnensis, & Kioviensis Palatinorum, ab iisdem diploma accipit traditi præsidii. Tum jussit Janicfarorum Agam claves adferri, quas ipse Vilnensi, hic Kiovszkio, delecto Cameneci Præfecto, consignat. Inscensurus equum Gubernator, inter lachrimas fertur dixisse: quam mallet me trucidato Camenecum periisset! his dictis Tyram versus suum militem abduxit. Poloni validissimo hoc præsidio per pacificationem occupato, quemadmodum pepigerant, omnibus Moldaviæ locis sine mora excellerunt, gratulati inter se, limitaneam arcem septem, & viginti annorum intervallo sæpenumero obsessam, oppugnatamque, postremum nullis impensis Poloniæ accessisse.

Apud Moschos, tametsi induciæ conclusæ essent, veluti in medio bello omnia armis perstrebebant. Miles late per provincias sparsus, & victoriis tumidus nondum abstersa hyeme Asloviam convenit. Juherzkus, alter Dux armorum, ad Lithuaniam fines excubans, quoniam nullus metus a Polono erat, cum omnibus copiis eo evocatur. Fiunt apparatus navales multo ampliores, ac superioribus annis. Classarii, milites in expedito esse jubentur, quasi propediem Byzantium navigaturi. Obtestantur Petrum Ductores: ne intempestivo ardore inducias abrumpat, sibi que uni Ottomanos hostes, id est exitium creet. Confœderatos jam arma posuisse, nihil ab illis auxilii sperari posse. Moschoviæ fines pace magis, quam bello pro-

Imp. Ottom. Tom. II.

E e e

latum

A) Hujusmodi Consules diversæ nationis per Imperium Ottomanicum complures numerantur ad lites decidendas, si quæ oboriantur Christianos inter, & Turcas. B) Hæc, & alia e Petro Garzonio Part. I. L. XV. C) Inter Polonos, & Lithuanos pax coaluit sedecim capitibus, quæ legere licet in Porta Ottomanica pag. 835.

A. G. latum iri. Eadem suadebant Tartariæ Reguli, quos vicinum adeo periculum 1699. prope exanimavit. Petrus seu reipsa hostilia cogitarit, seu præcise voluerit eo apparatu quæstuosiores conditiones extundere, non incurfione, non incendiis Tartaros, Turcarum socios, divexavit; misitque Oratorem Constantinopolim, qui cœptam pacificationem absolvat. Is armato navigio invehctus Byzantinum portum, sex, & triginta tormentis inopinato explosis, urbem insolita trepidatione complevit. Quotquot stabant in portu instructæ naves confestim iussæ procurrere, Moschoviticam hostilem in modum circumdant. Jamque arma expedita erant, cum Hollandus navigii Præfectus, omiſſa jaculatione intempeſtiva, adventus causam ſignificat, omnia amica ſpondet. Verſo in hilaritatem repentino illo irarum, armorumque apparatu, Oratorem in portum accipiunt. Habuit is ſuo in comitatu præter claffiarios, & bis centum pedites Anglorum more veſtitos, nobiles Molchos, quos inter dicitur latuiſſe Petrus Alexovichius Moschoviæ Dominus, ut Byzantii portus, urbiſque ſitum ſecurius exploraret. Haud tamen crediderim ſapientiſſimum ſui ævi Principem tam aperto diſcrimini, ſe, ſuumque Imperium commiſiſſe.

Mustaphas graviter tulit Oratoris audaciam, quod videlicet non petita venia, portui appropinquare ſit auſus, civitatem, Imperii ſedem, tanto tumultu concuſſerit, viamque Moschoviticis navigiis oſtenderit, qua adeunda Conſtantinopolis foret, ſi ſecuturis annis novum bellum inter utramque gentem exardeſceret. Unde hominem pene pro captivo habuit. Anglorum, Hollandorumque authoritate, & opera (qui hanc cauſam avidiſſime ſuſceperunt, ne quid litium ſe non appellatis in hac pacificatione componeretur) non modo Legatorum more perhumaniter exceptus eſt in aula, ſed & conditiones, quales voluerat, abſtulit. Conventum eſt adeo, ut Aſſovia, præter loca extra Tartariæ provincias capta, Moſchis in perpetuum cedat; caſtellum, ſive portus, ad Aſſoviam militum feſtinatione hoc anno exædificatus, deſiciatur; a) Precopia Chamo reddatur. Pax ad annum decimum prorogetur. Dolebat Ottomanico populo Camenecum, & Aſſoviam, vetus patrimonium Imperii, contra leges Alcorani, b) pacis nundinatione Turciæ detracta, mirabanturque facilitatem Muſtaphæ, cum Moſcho a Fœderatis avulſo iniquiſſimas conditiones dictare poſſet. Verum quod Africani Reguli inter ſe ſciſſi domeſticas turbas alerent, & a Perſia novi terrores venirent, pacem maturandam jactura etiam præſidiorum cenſuit. Quanquam Africani paucos intra menſes in amicitiam redierint, & Perſia nihil adverſus pacem attentarit.

Interea Comes Oetinganus munere pacificatoris feliciter functus, ad magnam legationem pro majeſtate Leopoldi Cæſaris obeundam, laute, magnificeque omnia curavit. Menſe Septembri longo agmine Nobilium, ac ſamulorum comitatus (tercentenos exceſſiſſe ferunt) effuſa undique civium multitudine aulam Cæſaream ingreſſus, Leopoldum, ac Carolum Archiducem poſtremum ſalutavit. Pompa, quantam nemo Legatorum ad ea tempora adhibuit, cunctis admirationi fuit. Sed ſuper omnia, inſolita veſtitus ratio, ſpectantium oculos, animosque confudit. Nam plerique omnes ex eo comitatu veſtem mediam Turcicam inter, & Polonicam habebant, retorta ſupra labrum ſuperius ad decorem barba. Ipſe Legatus eodem genere indumentorum uſus, pileum ad morem Hungarorum pennis ardearum inſignem, ornamentum capiti adjecit, dextra clavam auro, gemiſque cælatam geſtavit, reliquus apparatus, arma, Ottomanicorum quam ſimillima erant. Hæc veſtimentorum non neceſſaria mutatio, urbem totam admiratione, & quemadmodum aſſolet, ſermonibus complevit, cum in poſtrema pacificatione legem conditam non ignorarent, Cæſareis Legatis apud Portam Ottomanicam, quolibet veſtium genere, ſuo, an alio

a) De his capitibus ſermo redibit ad annum 1702. ubi pacem in annum trigefimum prorogatam leges. b) Si fides Ottomanicæ Portæ, legibus Alcorani vetitum eſt, Turcis præſidia, pacis cauſa abalienare.

no uti licere. Existimatum aliis, Oetinganum de industria se, suosque mo-
re Turcarum vestivisse, ut scilicet cavillos, risus, & jurgia evitaret, in quæ
barbari admodum faciles, visa varietate vestium. Multis persuasum, eum
voluisse eludere superbæ gentis consuetudinem, qua introductum, ut ne
ullus armatus in conspectum Soltani veniat; cum vero turpe sit Germano,
tantique Principis Legato ferrum ponere, ex composito Turcam induisse;
cui nunquam ferrum ad latus, præterquam belli tempore. Et sane postero
anno Galliarum Orator Feriolius expertus est, ne Legatis quidem Fœdera-
torum Principum, armatis aditum patere ad Soltanum.

Dum enim splendido Gallorum, Turcarumque satellitio cinctus in
aulam progreditur, præmissis eo ingentis pretii muneribus, quæ a suo Re-
ge attulerat, prope palatium Imperatoris a Maurocordato jussus est pone-
re ferrum. Negat ille se id unquam facturum; rem admodum indecoram
fore, si Orator Galliarum inermis assisteret Soltano, cum ante non multos
annos Trumbalius Angliæ, Colyerius A) Hollandorum Legati, armis suc-
cincti in alloquium Mahometis IV. admissi sint; nec sibi memoria excidisse,
Casteauneum B) sui Regis Oratorem, armatum apparuisse. C) Sed nihil
uspiciam ratiocinando profecit. Cum nihilominus cœptum iter prosequere-
tur, parum abfuit, quin ab irruente Capighio viribus prævalido, gladio
exueretur. Feriolius jura gentium violata exclamat, intuensque Maurocor-
datum rogat: *hostesne, an amici essent?* crebrescente tumultu adest Eunu-
chus ab Imperatore cum nuncio: nisi gladium ponat, nunquam alloquium
habiturum. Gallus nihil cunctatus, insalutato Imperatore cum muneribus,
unde venerat, rediit. Ne quid ejusmodi accideret, vestimentorum muta-
tione sapienter præcavisse Oetinganum, homines acuti arguebant. Credi-
derim ego adversus hyemem, quam ad Carloviczium nimium asperam sen-
sit, id indumentorum sumplisse, seque hyberno tempori provide accommo-
dasse, quod & alios in prægelidis regionibus, sine discrimine nationum fa-
ctitare videmus. Adulto Septembri sexaginta navigiis secundo Danubio Bu-
dam defluxit. Inde misso Belgradum cursore, acceptoque, intelligit Ibra-
himum ortu Genuensem, Cameneci olim Præfectum, tum adversus Vene-
tos Corinthi defensorem strenuum, multarumque linguarum peritum, a
Mustapha Oratorem delectum, haud procul Belgrado abesse. Festinato
Petro Varadinum profectus, ab Starembergio Eszekini, & Slavoniæ Gu-
bernatore duo millia equitum, Eugenii dimachas, & Kolloniczii Hussaros
præsidii causa accipit. Confecto Cerimoniarum ordine a Cæsareis, & Tur-
cis, quinta Decembris Oetinganus a Starembergio; Ibrahimus a Belgraden-
si Præfecto æquatis pro more passibus, ad columnam in limitibus Cæsareæ
ditionis infra Szalankemenum D) defixam deducuntur, militibus festa situ-
larum displosione plaudentibus.

Hic exiguo tempore inter se collocti per interpretes, statimque di-
visti, Ibrahimus Petro Varadinum, Oetinganus Belgradum discessit, comi-
tante illum Starembergio, hunc Belgradensi cum magna Nobilium, & ar-
matorum manu. Non secure modo, sed etiam magnifice, ac splendide ubi-
que locorum excepti sunt, præcipue in præsidiis, quorum Gubernatores ni-
hil venerationis omiserunt, quæ tantorum Principum Legatos addeceret.
Ut Belgrado appropinquavit Oettinganus, obviam processit Gubernatoris
filius, gratulaturus ejus adventum. Ad pontem Savi, sexcenti partim equi-
tes, partim pedites armati stabant. Tormentorum ictus centum quinquaginta
auditi, ut refert scriptor Ottomanicæ Portæ. Altero die Legatus, fi-
lium suum cum Lakavichio interprete ad consalutandum Gubernatorem di-
misit; ipse subinde urbem ingressus inter ordines Janicfarorum, & Spahio-
rum, convivio recreatur. Datis, acceptisque muneribus, ac transacta die

A) Hic Pater erat Colyerii Pacificatoris, de quo nuper. B) Scriptoris nonnullis Castagniere.
C) Comiti Leslæo Cæsareo Oratori anno 1665. peculiaris potestas data, ut armatus ad vesti-
bulum usque Palatii Imperatoris accederet. D) Szalankemenum, ut e limitum descriptione
patet, Cæsaris erat.

A. C. mutuis honoribus, Danubium repetiit. Secunda navigatione discedens, 1699. ad oppidum Vidinum ventorum vi sævissime jactatus, in ipso portu intempesta nocte decem navigia nullo nautarum, vel militum desiderio, amisit. Illud, quo vehebantur munera, jamjam fluctibus hauriendum erat, nisi oppidani certatim affusi, maturum auxilium, accurrissent. Uno, atque altero die subsistere coactus, acerbiora, atque Carloviczii frigora perpeßus est. Devolutis glaciei crustis, & sævis turbinibus furere incipientibus, ne navigatio in dies difficilior redderetur, Turcarum remigum labor duplicatur. Ad urbem Nicopolim exscensione facta, reliquum itineris terra confectum est. A)

1700. Principio mensis Februarii Byzantium tenuit Legatio. Ad pontem parvum B) bidui quietem indulgit suis Oetinganus, eoque temporis spatio, quæ ingressuris urbem splendorem possent addere, adhibitis in consilium Anglis, & Hollandis, ordinavit, transegitque cum aulæ ministris. Octava Februarii præeuntibus bis centum Spahiis, tum Angliæ, Hollandiæque Oratorum famulitio, Legatus Cæsareus equo insidens, ac suorum Nobilium manu stipatus Byzantinis civibus pucherrimum spectaculum præbuit. Quatuor grandia vexilla auro, & argento fulgentia prælata sunt Honorariis, atque militibus Oetinganis longo ordine procedentibus. Janiciarorum aliquot cohortes agmen clauferunt. Exquisitissimam pompam Imperator ipse cum Soltana spectavit, miratus decora arma, vestiumque ornatum vel in ultima familia. Eodem, ac insequenti die ad domum Legati concursus fiebant gratulantium adventum. Paucis post diebus Vezirio convento, deportatis in aulam muneribus, ad Soltanum invisit. Interprete Lakovicchio exposita legationis summa, reposuit Maurocordatus in præsentia Imperatoris: *Ottomanos sancte servaturos pacem, modo Cæsarei eam non violent. Descriptionem finium quantocyus terminatum iri. Captivorum causam Mustaphæ cordi futuram.* Officiis defunctus octo circiter, quibus Constantinopoli versabatur, menses, solícite impendit redimendis captivis. Piorum liberalitate grandis summa pecuniæ conflata est, qua multi Christiani durissima servitute exempti sunt. Austria, Styria, Moravia collatis aliquot milibus Imperialium, suis civibus subsidio erant. Kollonichius Purpuratus Pater præ foribus templorum stipe corrogata, Oetinganum curis, carceri mancipatos calamitate levavit. Nongenti adeo diversæ nationis captivi libertate recuperata in patriam ad conjuges, ad liberos suos læti remigrarunt. Plures subinde eorum Patrum opera, pietateque vincula posuerunt, quorum princeps cura, miseros barbarorum jugo oppressos, quovis lytro in libertatem asserere.

Cæterum Oetinganus apud summos, infimosque ob morum gravitatem, ac eximiam in rebus agendis prudentiam summis honoribus, muneribusque cultus, legatione non minus splendide, quam sapienter obita, eadem, qua urbem intravit pompa, egressus, Viennam rediit. Eodem tempore Polonæ, & Venetæ Reipublicæ Oratores ad pacem firmandam Constantinopolim pervenerunt, tanta lætitia omnium ordinum accepti, raro ut ampliora indicia communis gaudii in annalibus Turcicis reperiantur. Nam qui hanc pacem cum superiorum annorum fœderibus conferebant, probe meminerant, nunquam tot Principes Christianos concordibus votis amicitiam pepigisse cum Turcia; hoste uno pacato, alios in odio, in ira perstitisse, Turciam vel terra, vel mari impugnasse. Nunc vero omnes Europæ Principes abjectis armis pacem amplexos, tempestatem nullam ab exteris metuendam Ottomanico Imperio summe gaudebant. Simul ingenti spe cunctorum animi implebantur, hanc concordiam tot cæsis exercitibus, mersis classibus, provinciarum vastationibus refertam, diuturnam fore, & ultra statos quinque, & viginti annos prorogandam. Sic Turcæ præsentis gaudii perfusi, & spe perennaturæ pacis occupati, non unum argumentum publicæ lætitiæ edide-

A) Istud e Porta Ottomanica Tom. II. pag. 852. B) Haud procul Byzantiæ.

ediderunt, five cum lætos ignes per oppida instruerent, five cum Oratori- A. C.
bus insolitos honores haberent. 1700.

Ibrahimus a) Mustaphæ Legatus apud Austriæ oppidum Sweche-
tam dimoratus, trigesima Januarii designata a Cæsare die superbissimo co-
mitatu Viennam inuestus est. Sexta decima b) sequentis mensis, in aulam
Cæsaream deuectus, a Magno Leopoldo, primariisque ministris magnifico
apparatu, uti addecebat Orientis Imperatoris Legatum, excipitur. Trans-
actis ceremoniis amplissima munera nomine Soltani sui tradidit. Erant illa
ab arte, & pretio multum commendata, neque unquam retroactis tempo-
ribus ab aula Byzantina nobiliora submissa; tum sonipedes stragulis gem-
matis, aureis, argenteisque superbi, ex ultima Asia allati. Primores quo-
que aulicos, consultores belli donis Asiaticis pro more affecit. Id ipsum
præstitit Constantinopoli Oetinganus, qui juniorem Soltanam, Kasachem
Mustaphæ matrem, septem Vezirios, c) Mustium, Effendium, Maurocor-
datum regie prorsus muneratus est. Frustra enim desudabis in aula, nisi
hæc prima negotiorum instrumenta tibi conciliaveris; id quod factu prom-
ptissimum auro, & argento.

Iisdem fere diebus, quibus Oetinganus se in viam dedit, Ibrahimus
Vienna discessit, mire acceptus Leopoldo Cæsari, summisque aulæ ministris,
ob cultissimos mores, multarumque linguarum peritiam. Sæpe auditus
inter convivia, sermones miscere de supremi Numinis providentia, qua re-
bus humanis cum uniuersis, tum singulis consulit, de naturæ arcanis acute
philosophari, e Græcis, Romanisque Scriptoribus facta illustria prompte,
apteque recensere, festivo denique, & elegante suo ingenio, omnium gra-
tiam, amoresque aucupari. Hoc condimento cæteris suis dotibus adjuncto,
res Principis sui e voto gessit, atque priorum Legatorum mores singulari
urbanitate correxit. Intercessit tamen aliquid in Sirmio, quod hominis
existimationem imminuit. Conjecerant se in abeuntis navigia ingenti pro-
bro Christiani nominis, aliquot adolescentes suis cupiditatibus capti, quo
liberius inter barbaros, ut putabant, agerent. Commonefactus: vilissima
capita, ut amice reddat, tergiversatur primum, negat denique se ejusmo-
di merces vehere. Ad Valkovariam Staremburgii jussu navigia sistuntur:
angulus omnis quam diligentissime excutitur, sedecim comprehensi, vi ab-
ripiuntur. Ibrahimus audax facinus acerbissime perstringit: immani ausu
Imperatoriam maiestatem in Legato violatam, jura gentium contemnerata
incondito clamore jactat, detestabile factum omnium Principum odiis, &
vindicta dignum videri. Staremburgius causæ æquitati confisus Judices sibi
dari postulat. Lite instructa Szalankemeni, delecti ex utraque parte pronun-
ciant: recte egisse Staremburgium. Nec Legatus pertinacius obstitit, turpe
patrocinium averfatus. Sopita controversia, in amplexus redeunt Oratores,
atque eodem, quo primum convenerant, loco inter festas scloporum, tor-
mentorumque displosiones amicissime divelluntur.

Rem non ingratham lectori me facturum existimo, si de Emerico
Tókólio, cujus utramque fortunam in narratione rerum Ottomanicarum
dederam, pauca adjecero. Natus est Emericus Stephano Tókólio, viro mi-
litari, ac prædivate, & quod nolles, Regi suo admodum infesto. Acta
pueritia inter armorum tumultus, quibus ea ætate Hungaria ardebat, viso-
que subinde bellico apparatu Patris, in Leopoldum Regem clam comparato,
Martialem prorsus animum in prima juventute hausit. Civili bello oborto,
in arce Kufzia a Regiis obfessus, d) decedente Patre, cum Petroczio, pau-
cisque necessariis in Transylvaniam ad Michaellem Apaffium elabatur. A
natura præclaris corporis, animique dotibus instructus, brevi Principem,
omnemque Daciam in se convertit. Fundorum amplissimorum Dominus,
adolescentes Nobiles e provinciis Hungariæ, suis opibus in Transylvaniam

E e 3

pertra-

a) Ephemerides Leopoldinæ cum Ismaelem nominant. b) Ephemerides Leopoldinæ ad decimam
sextam Februarii. c) Inter hos eminet auctoritate Magnus Vezirius summus armorum Præ-
fectus. d) Anno 1670.

A. C. pertrahit, jam tum vasta consilia agitans, quo Leopoldi imperium enervaret, seditionem in Hungaria aleret, sibi per æqua, per iniqua decus, auctoritatemque adstrueret, & si quid super hæc fortuna obtulisset, dominandi appetentissimus, non segniter involaret.

Privatus adhuc, magnis Principibus parem numerum asseclarum, tum rei domesticæ splendorem habuit. Quingentos Nobiles lateri ejus hæsisse ferunt. Hoc ille manipulo grandes exercitus per Hungariam coegit. Anno tandem millesimo sexcentesimo septuagesimo octavo, seditiosi educto exercitu adversus Regem, ab Apaffio copiarum Ductorem postulant, accipiuntque Michaellem Telekium, cui Emericus additus est socius. At Telekius non ferens cavillationes Gallorum, qui ad res novandas certatim se in Hungariam e Polonia conjecerant, relictis inopinato castris, in Kóvarium, sui juris castellum, discessit. Haud diu disceptatum inter militares Præfectos, quem sibi, copiisque præficerent. Tókólius, quod Pater ejus hostilia ausus, neque post infelicem conspirationis exitum constantiam perdidit, ipso rebellis familiæ nomine placebat.

Belli Imperator ab universis delectus, paucos intra dies, numerosum exercitum sub signis censuit, atque in superiorem Hungariam progressus, non minus calamitosi, quam pertinacis belli initium fecit. Tum primum in aciem prodeunti celeritas profuit, qua oppressis Regiis, ad auríferas uique valles suum imperium protulit. Principatu seditiosorum, ac flagrantissima Kara Mustaphæ Vezirii gratia inflatus, ductaque in conjugem Francisci Rakoczii A) Vidua, in dies validior, ad occupandam Hungariæ coronam oculos, animumque adjecit. Evocato in auxilium Turca, qua fortuna sedecim annorum spatio partim suis auspiciis, partim suo ductu bellum gesserit, suo loco non indiligenter commemoravi. Fervente Carloviczenfi pace, Effendium, atque Maurocordatum callide circumegit, ut pertinacissime postularent Daciam eo loci reponendam, quo retroactis temporibus fuerat, cum Principes, sive Vaivodæ, sub Imperii Ottomanici clientela imperitarent. Id si concederet Cæsar, speravit se amissos Transylvaniæ fundos, favore Principis recuperaturum; si negaret, pacificationem abrumpendam putabat, atque rursus turbatis rebus bellum exarsurum. Spe utraque dejectus, atque animo fractus, cum uxore sua, ac reliqua familia inter Ottomanos vitam agere constituit. Impetraverat ille pro se, & sequacibus publicum com meatum (Turcis Athname dictum) a Mahomete IV. aliisque Principibus Byzantinis, quo jurejurando Imperatores Tókólium, ejusque socios in perpetuam fidem, clientelamque receperunt. Unde in tractatu pacificationis, neque Tókólius, neque socii perduelles compellantur, ne videlicet Mustaphas ejusmodi hominum patrociniū suscepisse, ac alieno in regno rebellionem aluisse legeretur, id quod nomini Imperatorio probrosum foret. Confecta demum pace, Constantinopolim se contulit Tókólius, benevolentia Mustaphæ, & Purpuratorum acceptus in eo fortunarum naufragio. Eo in loco menses aliquot exegisse inde conjicio, quod Portæ Ottomanicæ author tradat, eum legationem Comitis Oetingani e sui palatii fenestra cum Rakocziana spectasse.

Sed non diuturnam quietem portus ille misero indulxit. Præcipua fere pacis conditio perlata erat, ut Tókólius procul arceretur ab Hungariæ limitibus, ne turbas vixdum sopitas majore malo Reipublicæ excitet. Byzantium etsi remotum a finibus Hungariæ, tamen quod in eo negotiorum teatro, variorum Principum Oratores agerent, & Rasciani mercium causa ultro, citroque com meatent, visum est Imperatori, caput inquietum ab aulæ conspectu in perpetuum amovere. Itaque honorati secessus nomine, Nicomediam Bithyniæ urbem cum uxore, & familiaribus demigrare, ac in castello Campifloro B) sedem figere jubetur. Hic annis admodum quatuor cum laute, tum eleganter vixit. Anno tertio hujus seculi XII. cal. Martii Helenam uxorem, fœminam virilis animi, amittit. Cadaver Galatam avectum,

A) Anno 1682. Consule pag. 121. B) Campiflorum duabus circiter leucis Nicomedia distitum.

ctum, in templo Societatis Jesu est conditum. Tumulum ornavit nobili A. C. epitaphio Franciscus Benierius e Soc. Jesu, natione Gallus. A) Secundum 1700. fata conjugis suæ, statuit, Francisco Rakoczio, Privigno suo semet adjungere, civile bellum in Hungaria, & Transylvania magnis animis reparanti. Evocatus erat tum literis, tum nunciis ex Asia, procul dubio grande momentum, atque vires additurus partibus, ni morbi ex ordine succedentes, deinde mors ipsa veterem arenam suo non minus, quam Regionum sanguine fœdatam, cum suis clientibus repetentem oppressissent. Achmetes III. Imperator B) Turcarum, sive nescierit hominis propositum, sive dissimularit, non effugit quorundam sermones, Tòkòlii iter longe secus interpretantium. Certe in fœderis leges peccasse Achmetem ipsi Purpurati arguebant, qui ad fovendas in alienis provinciis turbas, instrumentum adeo utile non edicto, non custodia coerceret. Mustapham multo sanctius coluisse pacem, cum auditis Rakoczii molitionibus, minaci denunciatione confestim jussit Tòkòlium consiliis, armisque abstinere, in carceres sine mora retrudendum, si Nicomedia, seu Campifloro, pedem extulerit.

Itineri accinctus in graviores morbum incidit anno quarto ad millesimum septingentesimum. Quapropter rejecta in insequentem annum profectio, per aulicos suos admonuit Rakoczium, atque Nicolaum Bercsenium, ut si in conventu Schemniczienfi pax concluderetur, exulum Hungarorum causam non postremo loco habeant, atque inprimis Leopoldum Cæsarem ad dependendos centum mille Imperiales nummos adigant, sibi que transmittant Nicomediæ; se ex amplissimis Tòkòliani juris ditionibus in ficum redactis, præter hanc summam nihil ultra petiturum. Verum quod Rakoczius in eo conventu per suos Legatos Karolyum, Radajum, Janokium immodica peteret, & veluti victor leges imponeret Leopoldo, frustra adnitentibus Anglis, Hollandisque, pacificatio cum Tòkòlii postulatis adhæsit. Revolutis itaque Rakoczianis ad arma, Tòkòlius desperata valetudine humanas curas composuit, ac Idibus Septembris anno quinto c) hujus seculi fato concessit.

Suprema voluntate in Georgium Rakoczium Privigni sui minorem filium, quem per Legatum e sacro fonte suscepit, vetera jura Tòkòlianæ familiæ, arces Likavam, Arvam, Letavam, oppidum Solnam, aliasque possessiones, sed alterius jam Domini, transcripsit cum centum millibus florenorum; ea tamen conditione, ut abdicato Rakoczii nomine, Tòkòlium præferat. Bercsenio Enyiczkar in provincia Abauivariensi castellum; confessionis Augustanæ Gymnasiis, non contemnendam vim pecuniæ; Francisco Rakoczio arma, vestes, apparatus mensæ, factum, insectumque aurum legat, atque hunc ipsum testamenti curatorem nominat, & post hujus mortem in Hungaria Bercsenium; in Transylvania vero Laurentium Pekrium, & Michaellem Mikešium, tum Feriolum Galliæ Regis Constantinopoli Oratorem, veterem suum, fidumque amicum, qui tabulas testamenti signavit.

Opera Sacerdotum, quos olim ferro, & igne persecutus erat, Luthero nuncium misit, seque Romanæ Ecclesiæ reddidit. Apud Benierium superioris vitæ erratis confessione expiatis, inter ardentissimos in Deum affectus, omnibus Christiani, Catholicique hominis functus officiis, animam efflavit. Corpus Armenorum templo, Nicomediæ funebri pompa illatum. Epigraphen marmareo tumulo adjecit Benierius. Supellex omnis Rakoczio legata, primum Byzantium, dein Belgradum jussu Imperatoris deportata, indeque per Petrum Ghillanyium, Joannem Pongraczium, & Joannem Markocsanium, qui cum duodecim equitibus Belgradum excurrerunt, fide integra ad Rakoczium perlata est. D) Petrus Garzonius Nobilis Scriptor rerum Vene-

A) Legere illud licet apud Gerardum Cornel. Drieschium in Historia magnæ Legationis Cæsareæ Lib. IV. pag. 492. B) Achmetes III post Mustapham rerum potiebatur. C) Epitome Chronologica P. Samuelis Timon anno quarto eum decessisse vult. D) Hæc pleraque e literariis instrumentis Gabrielis Kolinovicšii Seaquiczenfis, viri patriarum rerum non minus periti, ac studiosi.

A. C. Venetarum, suæ historiæ A) non dubitavit inferere: Tòkòlium in villa Byzantio centum leucis distita, adeo a fortuna desertum miseram duxisse vitam, ut cauponem sua in domo egerit, peregrinis vinum, atque cibaria vendiderit. At pretiosior supellex in Hungariam missa, atque facultates in servitia ultimis diebus large distributæ, paupertatem satis, superque refel-
1700. lunt; nisi fortassis homo vaferrimus in speciem eam personam gesserit, quo Turcarum liberalitatem, quorum utique commodo in hunc malorum labyrinthum se, suosque conjecit, provocaret, ac senilibus annis suffecturum subsidium, præter amicorum benevolentiam (QUÆ procedente tempore plerumque extinguitur) sua in potestate haberet.

Hunc exitum sortitus est Emericus Tòkòlius, vir profecto pugnacis animi, ac ad quidlibet audendum projecti; sed supra modum turbidus, & ambitiosus, Regique suo perpetuo adversus. Ab ipsis periculis, in quæ se temere induit, multo ferocior, audaciorque. Impetu magis, quam consilio sæpenumero arma circumferens, per ancipitia, belli aleam tentavit. Temeritas, qua primis, & postremis annis prælia inivit, impune ei fuit, interdum & in gloriam vertit. Suo equitatu ingentia terrarum spatia emensus, hostem aut elusit, aut clade affecit. Unde raro pedites sub signis censuit, una celeritate dimicare assuetus. Frigoris, ac caloris patiens; affixus equo, dies, noctesque traducere consuevit. Societatem Turcarum adeo obfirmato animo amplexus est, ut tametsi bis in vincula coniectus, multa indigna perpessus fuerit, nunquam fidem mutarit. Ferax illi consiliorum animus, neque quidpiam majoris momenti in Divano agebatur, illo non audito; sed fallente plerumque successu suis ipse consiliis est captus. Absumptis bello viribus, Byzantium compulsus frigide ab Imperatore, a Purpuratis accipitur. Malæ adeo gratiæ causas inde repetunt alii, quod author oppugnandæ Viennæ præcipuus fuerit. Ego justius in Deum vindicem retulero, claro exemplo docentem: **PERFIDIAM** etiam apud barbaros vilescere, & sine præmio mori. Post Carloviczensem pacem æger non minus animo, quam corpore, exilium cum conjuge sua fortiter tulit. Cæterum vitia, quibus laboravit fervente civili bello, in confinio vitæ, mortisque constitutus, sinceris lacrimis eluere conatus est, ejurataque hæresi, quam cum lacte hauserat, felici exitu vitam clausit. Hæc de Tòkòlio.

1701. Confecta pace, ut narraveram, Turcicus miles, qui in Servia, Bulgaria, atque Thracia hybernavit, in Asiam abductus est. Classis aucta navigiis, & in Ægyptum navigare iussa, belli speciem Venetis præbuit. Sed Mustaphas Imperator Oratorem Reipublicæ admonuit: *nihil hostile in Venetos parari: nec admissurum, ut pax vixdum inita, æquo, rectoque posthabito, rumpatur. Armorum apparatus in temporum fortuita fieri, vasto, disiectoque Imperio nunquam defuturos hostes. Et jam e Persia alios, atque alios nuncios advolasse, Regem militum delectus habere; ad limites Turciæ armatas legiones movisse. Constare alioquin Reipublicæ turbas superiorum annorum in Arabia Persarum consiliis, ac molitionibus obortas, seditionis principes ab iisdem in fidem receptos, denique Persas inter, & Moschos fædus intercedere, utique adversus Ottomanos, quorum potentiam depresso cupiant. Ne deprimatur æmulorum improvisis armis, se navium, militumque numerum auxisse.* Verum non multo post patuit, vanum rumorem de bello propediem erupturo Byzantium allatum: neque enim is erat Persarum Rex, ut quietis circum Principibus, unus Turciam invadat, molemque belli suis impendiis, suo milite imprudens sustineat, qui toties B) a Moscho invitatus ad arma, ne velitem quidem in agrum hostilem emiserit. Itaque cum nihil moveret Persia, pacato omni Oriente, mercaturæ studium tanto alacrioribus animis apud populos Asiæ resumptum est, quanto majora detrimenta mercimoniis illata, navigante tot annis per mare Ægæum bello. Classis ad comitandas onerarias illico destinata, piratarum greges

A) Part. II, Lib. XII. pag. 543. B) E fide instrumentis didici, Persas hisce annis per sepe invitos in societatem armorum, nihil tamen hostilitatis tentasse.

greges toto mari dispersos abegit, ac terris suis reddidit. Ea peste extin- A. C.
cta, liberum mare Europæis navigiis patuit: neque aliud hoc anno intentio- 1701.
re cura Byzantii actum, quam ut commercium inter Europæos, & Asiati-
cos in pristinum vigorem restitueretur.

Petrus Moschoviæ Czarus ab Augusto Saxonie Electore, ac Rege 1702.
Polonie adversus Carolum XII. Suecorum Regem in fœdus pertractus, adeo
infeliciter prælium commisit ad urbem Narvam, quam obsederat, ut ca-
stris, & impedimentis omnibus exutus A) octoginta omnino millia suorum
partim cæsa, partim capta die uno amiserit. Immani hac clade profligatus,
cum victor Suecus blandiente fortuna bellum prosequeretur in Polonia, dein
Saxonia, ne Turcæ, aut Tartari confractum invaderent, per suos Oratores
Constantinopoli de proroganda pace sedulo egit. Mustaphas alternas belli
vices expertus, & quoniam perutiles conditiones offerebantur, non illiben-
ter Czari postulato subscripsit, paciscendique facultatem Caimacani, &
nonnullis Purpuratis, qui Byzantii morabantur, attribuit. Quinta Julii
præsentis anni, quatuor, & decem capitibus transactum est. Mutua inju-
riarum oblivio esto, & pax ad tricesimum annum inita habeatur. Qua-
tuor urbes B) ad Borysthenem sitæ solo æquentur, nec fas sit Czaro eas in-
staurandi; ager omnis istarum urbium Ottomanis cedat. Utrique genti li-
ceat in eam regionem coloniam ducere, urbem fundare, non tamen belli-
cis operibus emunire. Urbem Assoviam Moschi possideant, tantumque
agrorum civibus adjiciatur, quantum eques spatio duodecim horarum con-
ficere potest. Limites a peritis regionum statuuntur ad vitandas lites colo-
norum, siue Moschis, siue Turcis flumen Borysthenes ad piscatum, &
aquationem ad Assoviensem usque portum pateat. Crimæi Tartari libera
pascuatione utantur extra fines suæ Precopiæ. Moschi, quive Moschis quo-
cunque jure subiecti sunt, potissimum Cosacci, non terra, non mari Ot-
tomanos vexent; Pontum Euxinum suis navigiis non oberrent, non insidias
parent navigaturis. Sed liberam navigationem institoribus Turcis conce-
dant. Eodem jure Moschi gaudeant. Mustaphas Crimæorum populationes
pro sua autoritate coerceat, atque Chamum severe admoneat, sanctius ut
in posterum amicitiam colat. Unde ad redimendas populationes, aliaque
belli incommoda nihil æris dependet Moschovia. Captivi bona fide mutuo
reddantur. Merces emere, aut vendere utrique nationi liceat quocunque
in portu, urbeque Moschis sacra loca Palæstinæ adeuntibus, ea causâ nulla
vestigialia imponantur. Orator Moschoviæ eodem, quo Christianorum
Principum Oratores, loco apud Ottomanos habeatur. Ad firmanda hæc
pacta Legatus primi ordinis Adrianopolim proficiscatur. His conditionibus
pax ante duos annos primis duntaxat lineis deformata, incredibili utriusque
populi lætitia stabilita est. Adfuit subinde nona Septembris Adrianopoli
Moschoviæ Legatus apud Mustapham, ac præter morem multa humanitate
acceptus, tabulas pacificationis ejus nomine signatas in Moschoviam
abstulit.

Isthoc negotium Reipublicæ impensum, supremum erat Mustaphæ.
Namque a seditiosis civibus post aliquot menses captus, ac in carcerem de-
trusus anno insequenti obiit. Digna res, quam e commentariis Antonii
Foresti, & Petri Garzonii curatius adscribam. Dolebat genti Ottomanicæ
Carloviczenfi pace urbes multas, multas provincias ab Imperio Turcico
avulsas, maxime Peloponnesum, & Hungariam, quæ duorum sæculorum
victoriis Mahometi, Solymano, atque aliis Imperatoribus steterant. At
dolorem sua in potestate habuerunt, dum a Persia bellum timebatur, &
Mustaphas Constantinopoli agebat. Evanescente metu belli Persici, atque
Mustapha sedem Imperii Adrianopolim transferente, dolorem, iramque ea-
tenus pressam majore, quam alias, tumultu prodiderunt. Et forte per
eos dies Mustapha rapinis more suo intentus, commotos militum, civium-
que animos magis accendit, ac seditionem imprudens maturavit. Erat is

A. C. natione Persa, sed literis, ac religione apud Turcas a pueritia Constantino-
1702. poli excultus, legum peritia nulli secundus, fama ingenii summos, infimos-
que in sui admirationem traxit. Translatus in aulam, illico se Mahometi
IV. & Soltanæ probavit; quam processu temporis adeo sibi devinxit, ut
apud eam primum locum obtinuerit, & annuente Mahomete, filii Musta-
phæ Imperii hæredis præceptorem egerit. Ad omne artificium suomet in-
genio compolitus, brevi in amoribus esse cœpit apud Principem, mansit-
que eodem loco, & gratia, postquam Mustaphæ captivo, summa rerum
conversione, Imperii administratio delata est. Mustii dignitate ornatus,
ac favore aulæ tumidus, in civium fortunas non modo viscosas manus intulit,
sed multos quoque fictis criminibus Byzantio exturbavit. Tanto acer-
biora hæc erant civibus, quanto in dies hæc mala latius serpebant. Com-
monefactus Imperator, ut hominem magistratu illo tam amplo, tam sacro
moveat, aut rapacitatem terrore legum refrœnet, cum utrumque neglige-
ret, odium ministri in semetipsum derivavit.

Et alioquin Byzantinorum animi averſi erant a Mustapha, quod
Adrianopolim cum omni aula migrarit, eaque migratione commercia urbis
imminuerit, ingenti utique detrimento institutorum, qui absentiam Principis
ante alios sentire solent, & ære vacui promptis querimoniis damnant.
Eodem fere tempore Quæstores stipendia militum intervertisse deprehensi,
maiores turbas conciverunt. Janicfari, & Spahii, qui Byzantii substitute-
rant, societate inter se inita, multis agminibus per omnes vias in maximum
forum armati conveniunt. Ne quid per seditionem agere viderentur, pa-
lam edicunt, se nihil moliri in Mustapham Principem suum, haud tamen
quieturos ante, quam stipendia ad assen usque dependerentur, & cor-
ruptum aulæ regimen in meliorem formam mutaretur. Ad comprimendos
motus profectus Kiuperlis. Caimacanes, Imperatoris nomine stipendia, quæ
debebantur, liberaliter pollicetur, impetratque ab iratis, ut ne continuo
pignoris loco urbem occupent, aut prædivitum mercatorum apothecas,
quod alias fecere, cum strage hominum, tectorumque invadant. Verum
sive astu, sive vacuus tam grandi ære, cum promissa differret in aliud, at-
que aliud tempus, rati suas minas a Caimacane, & ipso Imperatore conte-
mni, furiose conclamatis armis iterum in foro conveniunt. Hic tumultuose
consultitur, in quos arma vertenda? decernente ferocissimo quoque non
sententiis magis, quam clamore, & strepitu. Non jam foro se turbæ conti-
nent, sed passim totam urbem pervadunt. Complurium vox audiebatur:
*Mustium invasorem omnium fortunarum, e medio tollendum, hunc magicis
incantationibus Soltani, Soltanæque benevolentiam sibi conciliaſſe, pernicio-
ſis conſiliis, Reipublicæ tranquillitatem convulſiſſe. Imperatricem vero, vali-
dum ad perdendos Mustaphæ mores instrumentum, Seraglio circumſcriben-
dam, potentiam hujus nimis gravem Imperio, ac Imperatori.*

Gliscente seditioſorum numero, Caimacanes corraſa undique pecu-
nia, ac ſparſa in Principes ſeditionis, furentes placare ſolicitus nitebatur.
Sed cunctando nuper, magnam gratiæ, pretiiſque partem corruperat; præ-
ſenti vero facilitate, ac largitione, animi ambiguos ſeditioſis adjunxit. Se-
ptem hominum armatorum millia nullo conſilio, nullo certo Duce momen-
to jam confluxerant; artifices, operæ, mercatores tumultu exciti, arre-
ptis, quæ aut in manibus erant, aut ſors offerebat, inſtrumentis, iſtorum
numerum, & iras augment. Caimacanes hætenus prodire auſus, ſuadente
periculo, domi ſe tantisper continuit. Muſtius animadverſo eam tempe-
ſtatem in ſuum caput eſuſum iri, maturata fuga Adrianopolim abſceſſit,
quem ſtrenue ſecutus eſt Caimacanes, relicta urbe ſine Gubernatore. Pa-
teſacta utriuſque fuga, Byzantini ſuarum fortunarum direptionem non ex
vano metuentes, ad deligendum Gubernatorem procedunt, pertractis in
eandem ſententiam militibus, quos juvabat ſocios rebellionis habere cives;
culpæ ſocietate utique tutiores futuri. Erat inter ſeditioſos ſtolidæ auda-
ciæ Janicſarus, odio in Muſtium clarior, quam factis bellicis. Is urbis, &
armo.

armorum Præfectus acclamatus inconditam multitudinem usque adeo obse A. C. quentem habuit, ut non modo nulli civium cædes, sed ne uni quidem mer- 1702. catorum officinæ illata vis a quoquam, aut injuria memoretur, si domum Mustii excipias, quæ jussu Præfecti direpta, ob parati æris vim ingentem repertam, urbem admiratione, & variis, ut fit, sermonibus implevit. Tringinta milliones florenorum protractos fuisse, apud populum fama obtinuit. Ea species modestiæ validissimum fuit vinculum, quo cives militibus arctius adstricti, suas vires, animosque in omne discrimen promptissime offerrent. Roborata hunc in modum factione, mittuntur Adrianopolim e militari, civilique ordine ferociore, qui querelas Byzantinorum deferant ad Mustapham, eumque severe admoneant: *ut Constantinopolim sedem Imperii, quamprimum repetat, Reipublicæ consulat, avaritia quorundam hominum oppressa, de Mustio omnium malorum fonte sine mora supplicium sumat, Soltanam matrem suam in ordinem redigat.*

Vix defuncti legatione, fraude Mustii pars in carcerem compacti, pars vario mortis genere sublata. Tam barbaro facto, irritati Byzantini, ad vindicandam tot illustrium virorum cædem capeſſunt arma, junctisque dexteris mutuam sibi ad mortem usque fidem vovent. Novum Vezirium, Janiclarorum Agam, atque alios militares Præfectos suis suffragiis, sua auctoritate legunt. E publicis armamentariis populo dividuntur arma: machinæ majores, minoresve ad vim inferendam, propulsandamque magno numero evehuntur: signis propositis, veluti furialibus tædis, in civile bellum inflammantur. Mustapham exauthorandum, aut ignavæ instar pecudis trucidandum uno calore pronunciant. Bis centena hominum millia ex Asiæ oppidis feruntur Constantinopolim venisse ad turbas ciendas. Eo animorum æstu utendum rati Principes, omnem illam multitudinem in campum educunt, ac Adrianopolim versus acceleratis itineribus, ne videlicet ipsa mora populares iræ refrigescerent, promovent. Mustaphas post Carloviczenſia pacta, deposita Reipublicæ cura, segnem vitam in Seraglio, aut profundis nemoribus ducebat, imitatus patrem, qui sylvas præ curia adamaverat, rejecto in ministros, quidquid dulce otium interpellare posset. Unde multa avare, crudeliterque patrata per Imperii provincias, maxime Byzantii, quæ demum populi patientiam ruperunt. Intellecto factionis tumultu, eadem, qua posuerat, facilitate ad arma, ad Rempublicam moderandam rediit. Mustium more suo in nobilium bona grassantem in vincula A) conjicit. Hac publici odii victima multorum iras placavisset, si integra auctoritate, integris rebus occupasset, quod nunc necessitas expressit. Adrianopolitani nimii verbis, & linguæ feroces non secus, ac extero hoste urbi appropinquante, correptis ferociter armis pro Imperatore, pro aris, & focus se pugnatuſ conjurabant; Mustaphamque hortabantur, ut victoriæ securus Prætorianos armet, copias celerrime contrahat, militaris disciplinæ rudes occupet; se neque fortunis, neque sanguini parſuros, quo rebellium furori Principem suum eripiant.

Nec diutius cunctatus Mustaphas, posteaquam rebellium copiæ in Adrianopolitanis campis confederunt, discrimini turbidus occurrit, nihil dubitans ad conspectum Imperatoriæ majestatis, & veterani militis plebem nullis præceptis bellicis condocesactam signa deserturam, & suapte refrigescente æstu omnem illam multitudinem sine prælio ad obedientiam redituram. Sexaginta facile millia in aciem educit, relictis pauculis ad urbis custodiam, & commeatus præstandos. In campis igitur Adrianopolitanis vires totius Imperii collectæ ad prælium accinctæ stabant, atque hic delectus est locus, in quo robur, potentiaque partium sese collideret, ac tum denique de Imperatore, deque regimine decerneret. Achmetis, frater Mustaphæ, militaris animi Princeps, rerum suarum sollicitus, ut viam sibi ad Im-

A) Quem dies vidit veniens superbum,
Hunc dies vidit fugiens jacentem.
Nemo confidat nimium secundis. Seneca Thyeste.

A. C. perium emolliret, ad Duces rebellium copiarum in tempore literas dedit, 1702. benevolentiae plenas, in quibus perstricta Mustaphæ ignavia, jura sua in Ottomanicum Imperium quam lenissimis verbis declaravit, addiditque: *spem sibi firmissimam esse, tam amplam hæreditatem nunquam in alienum Dominum delaturos; se vero tanti beneficii æternum memorem fore, atque in ipso aditu regiminis æquissimis ipsorum petitionibus sine mora satisfacturum, si dejecto Mustapha, liberis exercitus totius suffragiis jura confirmarint.* In eandem sententiam scripsit ad Vezirium novum cognomento Achmetem, cui præter supremam armorum præfecturam multa pollicitus, servili prorsus ingenio Imperatoriam dignitatem aucupabatur.


Clandestinis his literis Mustaphæ filios spe omni, si quam habebant, imperandi evertit, & seditiosos ad capeßendam alacrioribus animis pugnam incendit, veluti pro legitimo Principe dimicaturos. Et vero vix majoribus tormentis agi cœptum est, cum aliquot cohortes Janicsarorum ruptis primis ordinibus ad seditiosos transfugiunt; hos modico intervallo alii, atque alii tum pedites, cum equites sequuntur, aciemque Mustaphæ admodum tenuem reddunt. Cives inopinata veteranorum defectione percussî, abjectis armis sine Ducibus, sine signis diffugiunt. Prætoriani in medio deserti, ne a circumfuso hoste clauderentur, cum Mustapha Imperatore non intermissa pugna, urbem repetunt aditus palatii firmaturi. Sed jam victores disjecta plebe portas, & fora occuparunt, incendio, ac cæde abstinentes propterea, quod nemo oppidanorum victoriam moraretur, timerentque ejusmodi facta perpetrare per licentiam belli, quorum ultor est, quisquis composita pace succedit. Mustaphas ut vidit palatium circumfideri ab armatis, & prætorianos dilabi, repugnare non ausus, Imperii insignia sibi ipsi detrahit, ac fortunæ suæ inter lacrymas ingemiscens, potestatem facit Achmetem fratrem gubernaculis Imperii admovendi. Nec plura locutus accurrentibus majore numero seditiosis captivum se ultro tradit. In carcerem illico traductus sive mærore animi, sive veneno extinguitur. A) Exauctorato Mustapha, milites utriusque exercitus amicitiam veterem læti instauraverunt, sicque civile bellum maximo tumultu conflatum, sine multo civium sanguine sublatum est. Novus Vezirius ad inaugurandum Achmetem Constantinopolim festinans, omnes copias nulli oppidorum infensus, aut obnoxius eo deduxit.



A C H M E T E S III.

IMPER. OTTOM. XVII.

1703.



Achmetes inter armatas legiones urbem ingressus, in principe Moschea ferrum, velut jus necis, vitæque civium de more gentis accipit. Inde in palatium recta profectus, donativum militi exsolvit; quo beneficio militare ordinem, dum vixit, mire sibi obstrictum tenuit. Et opus habebat militum studio ad ea exequenda, quæ animo destinaverat. Suo infortunio expertus erat, ut Mahometem IV. parentem suum conjurati throno dejecerint, dejectum ergastulo incluserint, seque nullius criminis convictum, nisi quod infelicis patris filius esset, socium calamitatis addiderint.

A) Anno 1704.

rint. Nunc Mustapham fratrem suum in potestatem seditiosorum reda- A. C.
ctum, & non nisi precario vitam abstulisse vidit. Hæc audaciæ exempla 1703.
ferro, & igne vindicare quamprimum statuit in contumaci gente, ne robo-
rata ejusmodi factorum turpitudine, pro suo arbitrio deserant illam, quam
singulis natura ipsa nationibus inseruit in Principem suum fidem; & poten-
tissimi toto orbe terrarum Domini, non appellati, non conventi apud ali-
quos causæ arbitros, pro libidine vilissimorum capitum suis fortunis, suo
Imperio excidant. Quare incidendos populo nervos existimavit, nihil ut
deinceps vel si velit, movere possit in Principes suos.

Factionis præcipua capita ex omni Asia, & Europa citra tumultum
Byzantium, quasi ad præmia navatæ operæ, convenire jubet. Spe ista il-
lesti plures, atque evocati erant, sui fati ignari advolarunt. Hi omnes na-
vigiiis impositi, subinde suppliciis misere torti, semivivi in mare Euxinum
præcipitantur. Militum Præfecti clam in aulam pertracti, a mutis lictori-
bus obstricto collo necati sunt. Obscuri nominis cives, sed in rebellionem
proni, spectante populo elisis cervicibus trucidantur. Cadavera stipitibus
alligata in foro, terrori simul, & ludibrio fuere. Multi suppliciorum me-
tu perterriti, relictis opibus sedes mutarunt. Achmetes Vezirius quibus
præstigiis necem vitarit, Historici non produnt. Id constat, eum arcano-
rum omnium conscium, in aula gratiosum vixisse. Mufftius avaritiæ, &
crudelitatis accusatus, recte vitam finiit, magna gratulatione Byzantino-
rum; quos tribus circiter annis dirum in modum divexavit. At Kasachis,
mater Achmetis, nihil mutata veteri fortuna, qua apud Mustapham flore-
bat gratia, & auctoritate, eandem quoque deinceps retinuit.

Tot civium impendio punita conjuratione, pacatum Imperium ha- 1704.
bebat Achmetes, tametsi in Hungaria memorabili bello vinceretur. Adeo
in principio regiminis, succisis ferocientium capitibus, hydram rebellionis
perdomuit. Militari, & civili statu composito, ardentissimum pacis stu-
dium præferebat, illudque sibi perpetuo cordi futurum jactantius, quam ve-
rius apud Legatos, & Proceres suos narrabat. Leopoldum Cæsarem pri-
mis statim diebus certiore reddidit, se Turcici Imperii habenas moderari,
summisque votis id unum habere, ut pax Cæsareos inter, & Turcas æter-
num duret. Ad Rempublicam Venetam adulta ætate Mustapham quen-
dam expedit, cui honoris causa obviam missus Nicolaus Erizzius, nomine
Senatus prima officia præstitit. In Senatum introductus binas literas exhi-
buit. Alteræ erant ab Achmete Imperatore, a Vezirio alteræ, queis signi-
ficabant: Mustapha exauthorato Achmetem publicæ pacis quam studiosissi-
mum rerum potiri apud Ottomanos, velleque utrumque amicitiam reno-
vare cum Venetis. Isti Carolum Ruzzinum eadem officia cum Achmete
peracturum, Constantinopolim paucis post diebus legarunt, etsi jam antea
Ascanius II. Justinianus Orator Reipublicæ, in palatio Imperatorio nume-
rum gratulantium auxerit. Ruzzinum haud vulgari pompa aulam ingres-
sum, Imperator, & Vezirius de sanctitate pacis differentem magna appro-
batione audiverunt. Convivio adhibitus, Carloviczensæ fœdus manu Ve-
zirii signatum accipit. A)

Ita pax multa contentione Carloviczii confecta, semel, atque ite-
rum, ac tertio firmata, omnium animos ingenti spe implevit, amicitiam
non diuturnam modo fore Ottomanos inter, & Venetos, sed prorogandam
quoque ultra statos quinque, & viginti annos. Accesserunt subinde variæ
legationes, commercia item toto mari repetita, firmamenta utique fœde-
rum; mansura tamen inter æmulas nationes, quamdiu annuerit infinita do-
minandi cupiditas. Et vero vix copias novis supplementis instauratas vidit
Achmetes, ut ne inglorius, aut obscurus in otio ætatem ageret, & usus, vi-
gorque armorum obtorpesceret, belli materiam sedulo circumspexit. Equi-
dem patebat in grandes triumphos Persiæ Regnum, disciplina militari col-
lapsa sub ignavo Principe. Ejusmodi bellum Europa summo favore profe-

A. C.uta fuisset, nemo fœderis rupti arguisset Achmetem, quod Persæ multa
 1704 hostilitatis indicia dederint. Sed nimirum longinqua itinera, Arabiæ steriles campi, præ Peloponneso non minus Byzantio vicina, quam nobili provincia duplicuere. Ad hanc recuperandam dudum oculos, animosque coniecit Achmetes, & nisi Borealium regionum bella intercessissent, primis haud dubie annis Peloponnesum invasurus erat.

1708. Carolus Suecorum Rex, quemadmodum supra narravimus, A) immani victoria de Moschis obtenta; subinde Augusto Electore Regno Poloniæ dejecto, ac Saxonia tributis exhausta, B) in Petrum Alexovichium Moschorum Principem rapidissimis profectionibus contendit, alium Czarum in media Moichovia Russis daturus. Cosacci, genus hominum infidum, & omni aura mobilius, cum Duce suo Mazeppa partes Sueci amplexi; Baturinum, fere ad Borysthenem situm munimentum tradunt. Numerozæ copię in vastis solitudinibus brevi famem sensere. Rex Carolus Löwenhauptium e Livonia vehementem annonam iter accelerare jubet. Is felicitati sui Regis omnia tribuens, cum octies mille carris commeatu omnis generis onustis, & duodeviginti armatorum millibus in Regia castra properat. Ad amnem Proniam prope oppidum Lecznoviam ab ipso Moschorum Principe in pugnam extractus, vincitur. Septingenti majores, & minores Præfecti cum bis mille sexcentis gregariis; tum signa pedestria quadraginta, equestria decem, sedecim tormenta, omnesque onerarii currus a Moschis capiuntur. Reliquæ copię Suecorum, & Cosaccorum interneçione deletæ. Löwenhauptius, & Mazeppa amisso milite, & Baturino, e cruento certamine caput extulisse in lucro habuerunt.

1709. Suecus, ut ne fame periret in sterilibus Kioviæ campis, urbem Pultavam, unicum horreum in iis regionibus, obsidione cingit. Confectim accurrit Alexovichius pugnacis animi Princeps, cum robore copiarum. Septima & vicesima Junii pari calore uterque suos in aciem educit. Mediæ horæ spatio tanta clade funduntur hostes, ut ægerrime Rex, pede altero saucius, Moschorum manus evaserit. Vix nobiliorem victoriam in annalibus reperias. Octo mille nongenti septuaginta octo, in certaminis loco cecidisse memorantur, ter mille capti cum centum sex, & triginta militaribus signis, & omnibus impedimentis. Princeps Menczikowius cladis reliquias persecutus, ad Borysthenem fluvium Löwenhauptium adeo arcte conclusit, ut is necessitate ultima victus se captivum dediderit cum octodecim millibus pugnatorum. Rex Carolus tribus duntaxat signis comitatus, Borysthene superato Oczakovium, Turcici juris præsidium, petiit, frustra insequente Menczikowio; inde transgressus fluvium Tyram Benderam urbem intravit, a Governatore loci in ea rerum calamitate perbenigne acceptus. Hunc in modum fulmen illud Boreale evanuit quidem; at in Turcia ferale incendium non multo post conflagavit. Pulso, fugatoque Rege Sueciæ, Senatores Poloniæ ad recipiendum Regnum Augustum Saxonem evocarunt. Ille nihil cunctatus, Julio mense exeunte in Poloniam pervenit, ac viribus Sendomiriensium Confœderatorum auctus, plerasque urbes deditione accepit. Crassavius, Suecorum, qui in Polonia remanserant, Dux, Regis adventu, & suorum infortunio fractus, ne cladem clade cumularet, se turbidus in Pomeraniam eiecit. Stanislaus Leschinskus Posnaniensis Palatinus, nuper a nonnullis Poloniæ Nobilibus Rex renunciatus, cum partes suas vehementer imminui cerneret, Nobiles dilabi, aut redire in gratiam Augusti, patria cedere, spemque Poloniæ in præsentia deponere statuit.

1711. Achmetes Imperator sive victus Caroli precibus, sive occasionem belli ultro arripiens, quam duorum Regum triste exilium obtulit, bellum denunciavit Moschis. Tartari, non expectato Turcarum exercitu, primi hostilia intulerunt. Per notos calles C) in mediam Moschoviam penetrantes aperta oppida, & vicos continenti incendio vastant. Kioviæ insuper
 Vai-

A) Anno 1702. B) Anno 1703. & insequentibus duobus hæc patrata. C) Adi tabellam Moschoviz a Joanne Baptista Homanno concinnatam.

Vaivoda Stanislao addictus, Bielocerkioviam, magni momenti præsidium, A. C. inopinata aggressione invasit. Aliquot hebdomades tenuit oppugnatio, sed 1711. irritò conatu. Nam & obsessi spe auxilii animati acriter repugnarunt, & Gallizinus cum parte còpiarum advolans Vaivodam ab obsidione depulit. Tartari relictis barbari furoris ubique vestigiis eodem tempore Moschovia excessere. Alexovichius præfidiis Livoniæ superiore anno A) expugnatis, fama Ottomanici belli permotus ad Moschoviam tuendam accurrit; & quoniam a suis provinciis belli incommoda procul habere avebat, victrices copias in Moldaviam rapit, inde Danubium petiturus, atque in Achmetis ditionibus ferro, & igne hostilia repensurus. Sed jam Vezirius Istrum ponte transgressus, diu, noctuque festinatis profectiõibus ad Pruthum fluvium (veteribus Hierasum appellatum) pervenit, & prope Fatezinum, ignobilem vicum, castra metatus, uno prælio debellare ardebat. Unde vigesimo Julii universas copias in ampla planitie ordinatas, in conspectum Moschorum lento gradu promovet, oppugnaturus castra, si intra munimenta persisterent. Alexovichius pugnae aleam, a qua nec Turcæ abhorrerent, subeundam constituit. In apertum campum progressus, exercitum omnem suos in ordines distribuit, tanta verborum fiducia Præfectos, atque milites allocutus, velut certam victoriam manu teneret.

Fuit hæc pugna, si unquam alia, admodum cruenta. Decem milia Turcarum in ipso certaminis loco cæsa feruntur, nec pauciora Moschorum. Pars utraque æstu Solis, & pertinaci labore fatigata, in castra semet recepit, ac, ut fit, publicis gaudiis victoriam celebravit. Postero die Vezirius eandem arenam cadaveribus stratum repetiit. Alexovichius sive hesteria clade perculsus, sive jam pacem animo voveret, satius habuit ferociam hostis, castrorum munitionibus frangere. Quater assilientem valla, non sine Janicfarorum clade rejecit, ac in castra compulit. Non tamen, propterea spem victoriæ amisit Vezirius. Instructis copiis, occinentibus præliarem in modum signis, novum certamen eodem in campo Moschis indicit. Verum Alexovichius, quod penuria commeatum in dies premere tur magis, ne Sueci fortunam in campis Moldaviæ suo malo æquaret, rebus adhucdum integris de induciis compellavit Vezirium. Is facilem se præbuit, postquam Alfoviam cum omni instrumento bellico in expeditionis præmium accepit. Pactis induciis Czarus ad subjugandam Pomeraniam festinavit; Vezirius triumphanti similis Byzantium rediit. Ita bellum una æstate absolvitur. At Venetum, & Hungaricum post annos quinque multo pertinacius est gestum, quo Reipublicæ nobilissima provincia Peloponnesus cum duobus, quæ supererant in Creta, præfidiis erepta est; Ottomanis Temesia, & Belgradum periit, ut jam narrabimus.

Achmeti Vezirio successerat his annis in præfectura Alyus, homo præ-1714. ferocis animi, & Christiani nominis acerrimus hostis. Hic armorum gloria incensus, Imperatorem ad bella alioquin pronum levi impendio in Venetos irritavit, quod in speciem multa argumenta adferret, queis omnem invidiam rupti fœderis in Rempublicam derivaret. Palmare illud erat: *Venetos contra pactiones, naves Ottomanorum (piratarum dicere debebat) expugnasse, atque præfidia in locis maritimis interfecisse; seditiosis in Albaniam auxilia missa a Dalmatiæ Prætorè. Rempublicam immensam auri, argenti-que vim a Constantino Brankovajo B) Valachiæ, & Moldaviæ Principe accepisse, atque in suum ærarium, frustra intercedentibus Turcis, intulisse. Alia non minoris momenti addidit. Quod Mustaphas necessitate adactus Peloponnesum cesserit; ea provincia ab Imperio Ottomanico avulsa, veterani milites suam hæreditatem, suum patrimonium perdiderint: Veneti immania lucra quot annis inde evebant, in fraudem Turciæ, classes ædificent, fœdera conquirant. Confecit denique: Reipublicæ superbiam minime ferendam, sed jugum Peloponneso impositum, quamprimum excutiendum. Hac ultus oratione in Divano, plerosque Consultores belli in suam sententiam pertraxit.* Muff-

A) Anno 1710. B) Aliis Brankovanius.

A. C. Mustium, & Janicſarorum Agam ab ingenio mitiores, deque fœderum ſan-
1714. ctitate palam differentes, non modo magiſtratu movit, ſed etiam ad mare
Euxinum deportatos grandi ære mulſtavit.

Nec felicius cauſam Venetorum egit Soltana ſenior, quæ filium a
maritimis expeditionibus partim blanditiis, partim ſua authoritate avocare
nitebatur; poſtea neglecta, res privatas in Seraglio curavit. Andreas Mem-
mus Byzantii Legatus, ſuſpicatus id, quod erat, Rempublicam per ido-
neos nuncios commonefecit; bellum inevitabile Peloponneſo inſtare; ſpem
retinendi provinciam unice in armis eſſe. Septimo Decembris ad Vezir-
ium evocatus; bellum in Venetos decretum intelligit, juſſus propterea in-
tra triduum cum mercatoribus, aliisque ſuæ nationis hominibus Conſtan-
tinopoli, & toto Imperio excedere. Epalatio Vezirii redux in vile hoſpi-
tium captivus abripitur, atque arcta cuſtodia circumdatus, menſe primum
Julio libertatem recipit, dum inſtitores Turcæ e Venetis portubus vita, for-
tunisque ſalvis Byzantium venere.

Eodem fere tempore in Brankovajum tempeſtatem commovit Ve-
zirius, quem meditati tranſugii ſive ad Cæſarem, ſive ad Venetos inſi-
mulavit. Miſer cum omni familia ſæviſſime tortus Ottomanicæ crudelita-
tis exemplum erat. Stephanus Cantacuzenus ſucceſſor cum majore natu
filio, & patre Conſtantino eandem fortunam ſubiit Byzantii. Infelix ma-
ter cum reliquis innocentibus liberis, ope Anglorum ægerrime necem e-
vaſit; facta omnium rerum jaſtura, Siciliam, Romam oberrans, Viennæ
portum reperit. A) Iſtis ſuſſectus eſt Nicolaus Maurocordatus, Alexandri
Maurocordati filius, aulæ Ottomanicæ addiſſimus. Valachia, & Molda-
via firmo præſidio adverſus Cæſarem, & Polonum, ſi quid Venetorum
cauſa in eas provincias attentarent, communis, in clañem armandam prin-
cipem curam intendit: tum terreſtres copias in Aſia, atque Europa ſub
ſigna cogit, miſſis ad provinciarum Gubernatores mandatis, ut primo
vere Conſtantinopoli adlint.

1715. Apparatus armorum, qui fiebant in Turcia, ſolicitos habuit Meli-
tenſes Epuites, ne ipſorum inſulam peteret Achmetes, & male comparatam
ſucceſſu meliore, ac Solymanus II. oppugnaret. B) Inde ad deſenſionem
converſi, quidquid virium habebant, anxie in inſulam contraxere, feſti-
natiſque nunciis ad Hiſpanum, ad Venetos, opem adverſus Turcam im-
plorarunt. Sed hyeme miteſcente, a metu respirarunt, poſtquam Vezirium
cum exercitu in Macedoniam proſectum, & clañem in inſulam Chium ap-
pullam Jancongia c) architalaſſo intellexere. Erat iſte ſuperiore bello apud
Imbrum inſulam a Nicolao Markovichio captus, atque ad triremes damna-
tus, ſeptem omnino annis inter remiges ſervitutem ſervivit. A familiari-
bus ſuis centum aureis nummis vinculis exemptus, ob peritiam rei mari-
timæ, comparandæ, regendæque clañi Vezirii juſſu præſicitur. Venetos
cura belli Turcici magnopere angebat. Fiducia enim fœderis, nihil ti-
mentes a Turcia, nec militem, nec clañem armatam habebant. Vetera-
næ copię præſidiis impoſitæ, adeo attenuatæ erant, ut delectibus non
tam ſupplendæ, quam de integro reſtituendæ forent. Pleræque legiones
infra dimidium decreverant. Nec Peloponneſi loca, milite, annona, ar-
mis proviſa, ut obliſionem plurium menſium perſerre poſſent. In tantis
rerum anguſtiis, miſſi, qui in Dalmatia delectus faciant, a Principibus
Italiæ, Germaniæ, multo ære pedites, equitesque ſtipendiarios condu-
cant. Ad Clementem XI. Summum Pontificem Nicolaum Duadum; in
Poloniam, & Moſchoviam Joannem Dolphinum, ad Carolum VI. Augu-
ſtum Cæſarem Michaelem Moſoſinum, & Viſtorem Zaneum, ad
alios Principes, alios auxilii petendi cauſa ablegant. Pontifex ad
grandia æris ſubſidia, amplam poteſtatem dedit, e poſſeſſionibus Præſu-
lum, fundisque ſacris certum tributi modum in graviffimum bellum exi-
gendi,

A) Hæc accidiſſe videntur anno 1716. B) Revolve ea, quæ ad annum 1665. narraſi Tom. I. pag.
183. & ſeq. c) Hieronymus Ferrarius Continuator Garzonii lib. I. pag. 27. cum Janum-
cogiam nominat.

gendi; & suo exemplo Christianorum Principum pietatem excitaturus, præ-A. C. ter pecuniæ summam naves bellicas submisit. Moschum, & Polonum par- 1715: tim domesticæ, partim Sueciæ Regis turbæ, Boreales provincias fœde convellentes, ab hoc bello deterrebant. Cæsaris res nondum ita comparatæ erant, in bellum ut erumperet illico.

Et in sanctiore consilio plerique existimarunt, sine armorum strepitu omnem controversiam compositum iri; Ottomanos certe in amicitia mansuros, modo Cæsar Achmetem pactorum Carloviczenium admoneat, & inter minas arma ostendet, non inferat. Itaque ad Oratorem suum Anselmum Fleischmanum Constantinopolim nuncios expedit cum mandatis: *Achmeti pacem jurejurando a Mustapha Imperatore firmatam in mentem revocet, ac Cæsaris nomine præcise edicat: si Respublica adversus pacta egisse convincatur, si quem vicum Turcici juris diripuerit, naves mercatorum expugnaverit, spoliaverit cives, damnum omne ad unguem refarciendum. Cæsarem Carloviczenis fœderis vadem, & sponforem cum Anglis, Hollandisque esse. At palam constare, nulla injuria Turcas affectos. Pacandis rebus promptissimam rationem fore, si classis, legiones e Peloponneso revocentur: id ni fiat, Cæsarem arma inhibiturum armis, & sociis fœderum in tempore opem laturum,*

Non latebat Vezirium, neminem Principum ad conturbanda Turciæ consilia, Cæsare plus valere. Inde nondum illata hostilitate, Ibrahimum Agam Viennam proficisci jussit, qui causas belli Veneti edat, simulque spondeat, in Cæsaris provincias nihil moliri Soltanum, unius Reipublicæ superbiam armis castigaturum. Mense Majo apud Principem Eugenium legatione perfunctus, responsum accepit: *Venetos Cæsari Confœderatos esse, bellum utrisque commune fore. Haud tamen eo loco res esse, ut ab armis duntaxat medela quærat. Si qua lis interesset, arbitrum Cæsarem deligerent, pro jure, & æquo arbitraturum. Sed lenioribus his remediis nihil profectum est apud Turcas, qui perspectis Venetorum morbis, Peloponnesum ante subjugandam sperarunt, quam exercitum, aliaque bello necessaria ab Italia accipiat.*

Et jam tempestas Peloponneso affusa late desæviit. Jancongas, ut narravi, in Chium profectus, Africanas naves suæ classi conjunxit, primusque hostiliter fecit. Tenum a) insulam, Miconen inter, & Tenedum jacentem aggressus, post brevem obsidionem, in suam potestatem redegit. Milites, & Græci Mercatores cum omni suppellectili Epidaurum migrarunt. Bernardo Balbo immaturæ deditiois reo, jussu Senatus Veneti vincula induntur. Insulani opulentiores in captivitatem abducti, in minore Asia agrorum culturæ, aliisque durioribus servitiis appliciti fuerunt. Interea Vezirius in Macedonia substiterat eo fortassis consilio, ut, si Cæsar Temesiam, aut Belgradum invaderet hoc anno, partem exercitus in Serviam traducat, ac ea præsidia tueatur. Verum intellecto, Cæsarem nondum Venetis accessisse, missis aliquot millibus in Serviam ad limitum custodiam, & relicto Imperatore iisdem in castris cum centum millibus pugnatorum, cæteras legiones per Isthmum in Peloponnesum infudit.

Ne a tergo urbem Corinthum relinqueret, eam centum millibus armatorum obsedit. Quadringenti Itali, bis centum Græci, & loco, & suppetiis, quas sperabant, freti, rejecto de deditioe colloquio, ad defensionem se strenue compararunt. Cœpta non acri minus, quam constanti verberatione, aperta que multis jam locis urbe, obsessi auxilia flagitant ab Alexandro Bono Peloponnesi Governatore. Sed ille Naupliæ suæ metuens, & longe inferior rebus omnibus, admonuit Jacobum Minotum Corinthi Governatorem, dederet urbem Vezirio bonis conditionibus, & se, militemque servaret Reipublicæ. Datis, & acceptis obsidibus, dum pacta cuduntur, recidunturque, Venetis neglecta murorum custodia quiescentibus, Jani-

a) Una ex Cycladibus; vulgo Tine, & Teno; antiquis Hydrusia, & Ophiusia.

A. C. cfari portas occupant, resistentes promiscua cæde hauriunt. Minotus frustra
1715. implorata Vezirii fide, cum nobilioribus captivis Smyrnam deportatus, ab
Hochpieda Colyerii Hollandi Oratoris sorore grandi ære in libertatem asseri-
tur. Urbs pluribus diebus direpta præsidium Janicfarorum accepit.

Capta per fraudem Corintho, Naupliæ Argolidis urbi sine mora vi-
ctor exercitus admovetur. Jancongiæ universam classem jam antea huc ege-
rat. Duodecima Julii vis omnis in montem Palamidæ, validis munitionibus
egregie firmatum, conversa est. Ad propugnandum montem, urbemque
aderat Alexander Bonus, & Antonius Zaccus armorum Præfectus cum mille
sexcentis peditibus, quatuor turmis equitum Croatarum, aut potius Alba-
norum, qui per inopiam pabuli interfectis equis peditibus immixti, præsidia-
riorum numerum auxerunt. His mille cives plerique Itali pro aris, focis-
que dimicaturi arma ceperant. E Græcis pauci admodum in urbis defensio-
nem conspirarunt, etsi in dies singulis aureus nummus penderetur. Propu-
gnaculum montis sex dierum verberatione multis locis apertum terna aggres-
sione a Turcis invaditur, occiso Antonio Cardosa loci Præfecto cum non
paucis gregariis. Sed Alexandro suppetias ferente captis stationibus pellun-
tur invasores. Eo die improvisa clades accepta est insigni vecordia Salii Tri-
buni. Hic cohortes aliquot prope civitatem tendere animadvertens, nihil
solicitus hostilesne, an Venetæ forent? tormenta magno numero in eas dis-
plodi jubet. Machinatores obsecuti fœdissima strage sui securas momento
involvunt. Sinistro hoc casu perturbati præsidarii, sive prodicionem, sive
majora mala veriti, in castra Turcarum passim transfugiunt. Non post
multo Salii jussu in duobus castellis A) juxta urbem positis, machinæ defixis
clavis corrumpuntur, annonæ, pulveris pyrii vis magna crematur, dulcio-
res aquæ ingesta humo obruuntur. Plura attentantem in exitium utique ob-
fessorum, Alexander Bonus occupat, ac in custodiam tradit. Sed non pro-
pterea jactura hominum, aut rerum compensata est. Præsidarii, ac cives,
qui supererant tot malis conflictati, spem retinendi sive montis, sive civitatis
penitus amifere.

Ottomani contra non ignari, quo loco res Nauplæorum esset, dies,
noctesque nunc subterraneis suffossionibus, nunc assultibus aditum in castella,
in urbem quærebant. Vulnerato Zacco, nihil e lege militari actum. Excus-
so demum per cuniculos Palamidæ propugnaculo, Turcæ nihil morati, sum-
ma vi in ruinas enituntur. Pauci obfessorum sustinere impetum irruentium,
plures tanquam desperato munimento, urbem circumspectare, omnes cun-
ctari magis, quam arma opponere. Alexander Græcorum precibus permo-
tus, e turribus candida vexilla sustulit. At ejusmodi signa deditionis victo-
ri militi semper invisa sunt, ne videlicet prædam, quam manibus tenet, pa-
ctis conventis amittat. Nec Alyus, nec Jancongiæ odio Christiani nomi-
nis stimulati militum ferociæ moderari volebant. Itaque occupato Pala-
midæ monte, urbem terrore captam, non uno loco aggrediuntur, ac nemi-
ne resistere auso obtinent. Archi-Præsul Carlinus e familia Divi Dominici,
cum multis Sacerdotibus trucidatur. Præfecti minorum gentium, tum mul-
ti gregarii, & cives e latebris protracti, per ludum capite plectuntur; quam
Vezirii sævitiem Muffius acerba oratione infectatus est Byzantii, celerem vin-
dictam Divini Numinis animo præfagiens. Alexander Bonus secundum hu-
meros framea percussus, Antonius Zaccus, Angelus Balbus, Joannes Badoe-
rus, Nicolaus Barbarus cum suo filio, sanguine, aut militaribus præfecturis
illustres, ad Achmetem in triumphum sunt missi. Alexander non tam vul-
neris, quam animi dolore confectus, ludibrium fortunæ celeri morte Thebis
evalit. Hoc modo urbs non minus vasta, quam opulenta post annos trigin-
ta, queis Venetæ Reipublicæ paruit, in potestatem Turcarum perve-
nit. B)

Post

A) Belvedere, & Romelia dicta. Hieronymus Ferrarius pag. 49.
1687. pag. 260.

B) Uti commemoravi ad annum.

Post Naupliam urbs Methone ad ictum designata est. Jancongas A. C. mari, Vezirius terra copias suas eo promovent. Vincentius Pasta vetera-1715. nus Duxor, in principio Peloponnesiaci belli urbem pro temporis angustiis, gemino palorum ordine communiverat, & valla, aliaque opera in ruinam prolapsa instaurarat. Ad famam venientis Vezirii, Hieronymum Dolphinum, Venetæ classis Præfectum per nuncios oravit, ut classem quamprimum Methonen versus propellat, hostiumque vires distrahat; secus præsidium adversus immanem barbarorum vim defendi non posse; simul perditam Naupliam edocet. Hærebat classis ad Zacynthum insulam in anchoris, & numero navium, & classiariorum multo inferior Ottomanica. Discruciabatur animo Dolphinus, militum paucitate tristibus undique nunciis occurrere haud posse. Tamen ut nobilissimam urbem tantisper a servitute vendicaret, & prædiciarios sui præsentia ad ferendam fortiter obsidionem accenderet, dum Melitenses, & Pontificæ naves advenirent, Methonen accessit. Capta statione in aperto mari, cum Turcæ oppugnationi intenti nihil moverent, & annona gravior fieret, versis subito velis Zacynthum repetiit. Tertia decima Augusti erectis tormentariis suggestibus, magno temporis compendio, & laboris, maxima vi ignium urgetur oppugnatio. Milites ad eam tempestatem adeo animis conciderunt, ut dedendam urbem uno ore conclamarent. Auxit metum Gubernatoris infelix casus. Dum more suo stationes perlustrat, minore pila frontem trajectus subito corruit. Lethale vulnus medentium magna sane industria, peritiaque mitigavit. At milites desperata perinde Gubernatoris, ac urbis salute, negant se in posterum vigiliis obire, aut hosti repugnare. In Præfectos arma expediunt, deditionem urgent. Hæc omnia ad Turcas perlata exitium maturarunt. Mittuntur ex urbe, qui conditionibus transigant, Legati. Responsum triste accipiunt: *Vezirium statuisse armis Methonen Achmeti Imperatori afferere.* Vix altero die regressis Legatis, datur signum invadendi laceros muros; Veneti abjectis armis diffugiunt, ac liberrimam viam interiora urbis penetrandi, Turcis relinquunt. Cum nemo victoriam moraretur, nulla cædes perpetrata est. Prædiciarii in servitutem abrepti, suæ perfidiæ pœnas dederunt. Vincentius Pasta, minoresque Præfecti ad restem damnati per Vezirium, Jancongia intercedente Constantinopolim captivi deportantur.

Vezirius Peloponneso dominans, & cui ob armorum felicitatem jam audacem esse licebat, classem in Cretam insulam navigare jussit ad Sudam, & Spinalongam arctius obsidendam, quæ duo præsidia Veneti A) ex omni insula obtinuerunt; Seraskerium vero cum non contemnenda peditum manu ad oppugnandum castellum Rhium in litore Achajæ positum dimisit. Uterque faventem fortunam habuit. Jancongas vix excensione facta, Venetos in deditionem pronos reperit, nulloque impendio, utrumque præsidium victor accepit. Castellum Rhium sex dierum oppugnatione fractum se dedit. Milites cum armis, telisque, atque omnibus impedimentis emigrare permisi. Petrus Marcellus castelli Præfectus, cum aliquot nobilioribus Venetis, qui serius loco excellerant, a Janicfaris contra, ac conventum erat, detinebatur. At Seraskerius memor datæ fidei, Janicfarorum licentiam compressit, atque Venetos non sine militari præsidio dimisit. Reliqua oppida Peloponnesi eadem facilitate in manus Turcarum venire, ut adeo vastissima insula, tribus, & ultra seculis partim impugnata, partim defensa adversus Turcarum impetus, spatio duntaxat unius, & dimidii mensis, jugum sibi imponi potuisse miraretur. Insula S. Mauræ, veteribus Leucas appellata, jussu Dolphini vi pulverum pyriorum per Marcum Loredanum eversa, cladem Venetorum cumulavit.

In Dalmatia, & Albania, ubi primum bellum erupit, populationes, & prælia fiebant. Montenigrini, seu Valachi montium incolæ, Albanicæ populus, sive injuriis exagitati, sive spe melioris fortunæ in arma conciti,

A) Carabusam prodicione amiserunt, ut retulimus pag. 334.

A. Cad recuperandam libertatem magnis animis ferebantur. Albanæ Præfectus
 1715. summa festinatione quadraginta hominum millibus collectis, montium loca, quæ rebelles infederant, undique claudit, ac occupatis viarum angustiis, tantam stragem in ea armatorum multitudine egit, ut gens prope universa internecione deleta fuerit. Belli scintillæ continuo finitimas Reipublicæ provincias corripuere, quod Veneti arguerentur, Montenigrinos consilio, pecunia, milite ad defectionem concitasse, ac alieno in regno seditionem aluisse. Indicto propterea bello, Angelus Emus Prætor Dalmatiæ, & Albanæ limitaneis præfidiis quam celerrime consulit, Morlachos, Dalmatas spe præmiorum ad arma capienda in veteres hostes hortatur, veteranas legiones in unum contrahit. Sed Turcæ, ut erant ad bellum inferendum comparati, oppida Venetorum in Albania, & Dalmatia urebant, tametsi nunc a Morlachis, nunc a Venetis male mulctarentur. Ad Singam, sive Ssingam, firmis operibus, & præaltis rupibus circumdatum præsidium, illorum fortuna adhæsit. Huic loco obsidionem intulit hoc anno Dalmatiæ Seraskerius, ^{A)} utque minima suorum jactura victoriam ordiretur, nondum ductis obsidionalibus viis, benigna ad deditionem invitamenta præmittit, datis ad Emum, ad Georgium Balbum literis, quarum alteræ Latine, alteræ Italice scriptæ erant, a minis abstinens, ac propior admonenti, ceu victoriæ securus. Balbus, qui loco præerat, communicato epistolæ tenore cum præcipuis Ductoribus, omnium nomine reposuit: *obsessos vitam potius, quam præsidium danturos*. Fortibus factis dicta æquarunt.

Septimo die Augusti oppugnationi initium est datum, tanto intensiore cura, quanto alacrioribus animis defensores procurrebant. Erecto duplici suggestu, multo pilarum injectu, ac nocturnis suffossionibus mœnia anonariæ domui vicina cum magna strage hominum tentata fuerunt. Ollis ignariis haud minora detrimenta illata. Ea pestis omnia testæ absumpsit. In partem operosæ defensionis non cives modo, sed & sacri viri venere; in subtrahendis faucibus, apportandis telis, pulveribus operam suam probare certantes, maxime dum assultus fiebant. Insignis erat Stephani de Hungaria institutum S. Francisci professi fortitudo; sinistra simulacrum Servatoris nostri, dextra acinacem præferens; subinde tormenti, pila discerptus ingenti obsessorum mœrore animam egit. Eodem lethi genere periit præcipuus machinatorum magister cum multis Præfectis, & gregariis. Balbus periculorum avidus fauciatur.

Postrema aggressio feliciore principio, quam exitu suscepta est. Placuit Seraskerio pluribus in locis assultum instituere ad fatigandam nempe, distrahendamque urbem. Hunc in finem, agrestium opera maximum numerum scalarum fabricari jussit, quarum adminiculo integra etiam propugnacula conscendi, ac super ipsos muros certamina possent contrahi. Arnautæ, sive Albani, in ruinas eluctati, primi tempestatem minorum, & majorum glandium exceperunt. Eodem tempore pleræque munitiones invaduntur a cæteris peditibus, minore tamen impetu, atque calore, quod spem nullam haberent iis in locis capiendi præsidium. Unde defensorum vis in Albanos conversa est. Pugnant isti inter lapidum struem, nulla lorica protecti. Repulsi inter cædem fortissimorum, novis rursus animis dedecus ulturi, aggressionem instaurant. Tribus horis cruento, ancipitique Marte dimicatur, Balbo nondum curato vulnere, exemplo, & voce suos excitulante. Albani continenti pugna attenuati, cum neque perrumpere aggres, nec se obvallare possent inopia fascium, saccorumque, primum veluti jussi pedem referunt; deinde in apertam fugam effunduntur, frustra accurrente Seraskerio cum omni equitatu, ac fugitivos in pugnam retrahente. Post hunc assultum minus prosperum, in obsidione perseveravit Seraskerius; verum accepto tumore Emum appropinquare, conclamatis trepide vasis, nocte intempesta in tutiora copias reduxit, relictis in prædam præ festinatione in-

A) Plures Seraskerii, sive armorum Præfecti his annis apud Ottomanos erant.

instrumentis fossoriis, & majoribus pilis. Reliquum æstatis procursioni. A. C. bus mutuis transactum est in Dalmatia, & Albania; deinde in hyberna 1715. reditum.

Achmetes Imperator in veteribus castris subsistens, atque in Cæsarem intentus, dici non potest, quantis lætitiis incessest, e capta Peloponneso in Dalmatiam bellum deportatum esse. Distributis per Serviam, & Thraciam copiis, haud procul Adrianopoli in Seraglio, aut potius æstivo palatio otium captavit. Huc Vezirius Peloponnesiacis victoriis clarus advenit, ab omnibus ordinibus magnifice acceptus. Muneribus excultus, filiam Imperatoris sibi matrimonio junxit. Nuptiarum solennia in publica illa Ottomanorum lætitia, multa celebritate sunt obita. At hilaria immodice turbantur nuntii ex Hungaria: numerosum militem secundo Danubio defluere, præsidia novis operibus, novis cohortibus firmari, ad apparandam defensionem totis conatibus incumbere Cæsareos, denique inevitabile bellum præ foribus adesse, nisi Peloponnesus Venetis reddatur. Hæc tametsi explorata forent Vezirio, tamen ejusmodi rumores in speciem contempsit, unice sollicitus, ut ne novum hostem timere, a suis argueretur.

Magis eum perculit fama Jancongiæ Architalassi apud summos, infimosque celebrata, cui plerasque victorias se debere professi sunt, ut adeo æmuli sive potentiam, sive gratiam non ferens, eum omnino sternendum apud se constituerit. Criminandi materia divitiæ erant, quas in victis urbibus Peloponnesi ab ærario Imperatorio avertisse, atque in suum derivasse ingenti detrimento Reipublicæ objecit. Nec multum abhorrebat illius vita ab ejusmodi criminibus. Certe a Nauplæis civibus, ac mercatoribus pecunias, & merces, admoto etiam tormentorum metu crudeliter extortas ipsi gregarii commemorabant. Sed Mustius hoc vitium dissimulandum putavit in bellicoso homine, Veziriumque oblique perstrinxit, quasi ipse gravioribus furtis ærarium publicum defraudasset, opulentioribus navigiis Smyrnam expeditis, ubi raræ magnitudinis palatium ad Asiæ delicias ea tempestate ædificare instituit. Imperatrix quoque, si quam habuit, auctoritatem suam saluti Jancongiæ sedulo impendit. Horum patrocínio exitio proximus, vitam, & dignitatem retinuit. Multo facilius Reipublicæ Venetæ interpret Naon oppressus est. Arcanis de rebus epistolam scriptam in castris interceperat Vezirius. Ea ad Caimacanem Constantinopolim missa, suspitione aspersit Naonem, deinde laqueo innexuit. In judicium accersitus cum a se conscriptam fateretur, in furcam agitur.

Peloponneso deturbati Veneti, ad Dalmatiam, Albaniam, insulasque 1716. maris Jonii propugnandas, omnes cogitationes converterant. Corcyra in primis, totius Italiæ scutum, Reipublicæ curas intendit, quam universis Imperii viribus invasurus ferebatur Achmetes. Huc robur militiæ injectum, commeatum, bellicæ suppellectilis vis ingens convecta. Præsidium a validissimis operibus tota Europa notum, Mathias Josephus Comes Schulenburgius, copiarum terrestrium Imperator, excitandis, ac defendendis arcibus perinde promptus, externis quibusdam molibus, ad omnem disciplinam militarem extructis, in hostium perniciem communivit. Valla quoque vallis addit sudium objectu horrida, ex quibus defensores tuto sua tela emitterent. Erant autem hæ novæ munitiones inter se miræ implicate, & connexæ, ut si forte loco uno cedendum foret propugnatoribus, in alium se illico recipere, pugnamque ex eo redintegrare possent, ut adeo omnis passus multo sanguine hosti emendus foret. In classe ornanda æque dies, & noctes desudatum. Hujus præfectura translata est in Andream Pisānum Dolphino Venetias revocato. Romanus Pontifex, quo erat animo in Christianam religionem, legiones suas cum aliquot bellicis auxilio milit. Genuentium Respublica, magnus Dux Hetruriæ, alique Principes Italiæ, exemplo Pontificis excitati, militem, navigia armarunt. Melitenenses, perpetui Turcarum hostes, pro more suo subsidium tulerunt. Lusitanus, & Hispanus non ære solum e sacris fundis collecto, sed navalibus quoque

A. C. suppetiis vires maritimas auxerunt. A) Respublica viginti millia prohi
1716. militis partim in Dalmatiæ, & Albanæ præsidia, partim in insulas
cum omni apparatu belli immisit; totidem fere millia classi attribuit. In
hasce copias, quoniam non exigua pars illarum a Principibus conductæ erat,
multa aureorum millia impendi debebant. Ad sumptus sustentandos, Rei-
publicæ cives pro sua in patriam charitate tantum æris contulerunt, ut sin-
gulis annis duodeviginti milliones aureorum nummorum pro stipendiis, &
bello necessariis pensæ fuerint; neque tamen trium annorum spatio ærarium
exaruerit. His adjumentis a præsentis adeo exitio res Veneta vindicata
est.

Tandem Carolus VI. Imperator societatem armorum amplexus, cer-
vicibus imminentem hostem detraxit; bellicque mole in se averla, non jam
salutis, sed victoriæ spem maximam fecit. Id quemadmodum evenierit,
nobis sedulo, accurateque enarrandum. Superiore anno Cæsar ad suum
Oratorem Fleischmanum Constantinopolim mandatum dederat: admone-
ret Achmetem, *bello adversus Venetos abstineat, discordiarum finem Cæsa-
ris arbitrio committat, si pergat injuriam inferre, se non defuturum Rei-
publicæ.* Orator quam mollissime Cæsaris animum detegit, nihil pacati
refert. Vezirius insuper victoriis ebrius oggerit: *Cæsarem contra fœderis
leges præsidia munire, belli, & annonæ paratus in Hungaria facere, co-
pias undique cogere. Hæc non pacis, sed belli indicia manifesta esse. Turcas
nihil in Cæsarem moliri, si tamen is prior bellum intulerit, se lætos occasionem
accepturos perditas urbes recuperandi; vivere etiamnum multos, qui Vien-
næ urbis mœnia scandebant. Turciam neque Cæsaris, neque quorumvis
hostium fortunam metuere.*

His, atque aliis Viennam nunciatis, Cæsar desperata pace in bellum
inclinavit. Accessit invitamentum a summo Antistite Clemente XI. qui
concitatis jam in Ottomanum Principibus Italiæ, vim, bellumque obje-
cturus in Hungaria, non cessabat hortari Carolum Imperatorem, ut ad-
versus fœderis violatorem, quotidie altius in Christianæ Reipublicæ pro-
vincias sævientem, expeditionem suscipiat, qua jugum a Fœderatorum cer-
vicibus depellat, ac detrimenta Religioni illata suis potentissimis viribus in
Hungaria compeniet. Pontificis vota multum provexit Eugenii Ducis
dominantis in Senatu, & apud Cæsarem infinita autoritas, qui victoriis
per Europam reportatis inclytus, bellum Turcicum unice spiravit; adeo
scite, partiteque disputans in consultationibus, quas complures Cæsar ha-
buit, de milite ducendo, deque tota expeditione, ut nemo omnium de
felici armorum progressu dubitaret; plerique grandes victorias Christianæ
Reipublicæ jam tum gratularentur.

Itaque novum fœdus percussum est adversus Ottomanos, illudque
nona Aprilis in præsentia Christiani Augusti Saxonis purpurati Patris, &
Archi Præsulis Strigonienſis, Spinolæ Nuncii Apostolici, tum Grimani Ve-
neti Legati vulgatur, ac demum tabulæ eo ipso B) die, quo Leopoldus
Princeps primam lucem aspexit, solenni ritu subscriptæ, signatæque. Mul-
torum opinio fuit, Achmetem pacatiora arrepturum consilia, ut primum
rumor novi fœderis Byzantium pervaserit. Ea de causâ festinatur cursor
ad Fleischmanum. Rei novitate nihil commotus Vezirius, belli nuncium
prima, & vicesima Maji in carcerem conjicit; Fleischmano abitum pa-
ranti vim infert; Purpuratos magni nominis pacem suadentes securi fe-
riri jubet, eorumque capita ferreis pilis præfixa in foro proponi. Deni-
que caudas equinas more Majorum præ foribus Byzantini palatii constituit.
Interea Eugenius, cui rerum summa, bellicque rationes permissæ sunt, ni-
hil ultra expectandum ratus, ex Italia, Belgio, Imperio, cæterisque pro-
vinciis Cæsareis, legiones peditum, equitumque in Hungariam arcessit,
ad Futakinum castra designat, delectus maximos in Bohemia habet, anno-

narias

A) Jam anno præterlapso hæc subsidia sunt expedita; at per longitudinem viarum, & maris testi-
pestates sero nimium adfuere.

B) Nempe decima tertia Aprilis.

arias domos in Hungaria erigit, Eszekino, Budæ, Petro-Varadino, Al. A. C. bæ Juliæ, five Carolinæ, anno superiore firmari jam cæptis, ultimam ma- 1716. num imponit; cumque intelligeret magno usui futuram in Danubio classem, ad cibarium, & bellici apparatus securitatem acturias reficiendas, & bellicas, quales nempe vastus, profundusque Danubius fert, ædificandas curat, evocatis præcipuis machinatoribus ex Anglia, & Hamburgo, Andersonio, & Foke Gersenio cum navalibus sociis.

Non minore cura, impendiisque bellum adornabat Vezirius. Ad custodiam Peloponnesi plerosque tyronum reliquit. Jancongiæ classis Præfecto, tantum militis attribuit, ut spes satis probabilis esset, Corcyram expugnandi lectissimo præsidio, multis machinis refertam. Ad infestandam Dalmatiam, & Albaniam, earum regionum Præfectis alioquin ad manum erant legionarii. Ipse numero, & virtute validas turmas, cohortesque, id est robur militiæ Europææ deligit, classem ad frænandum Danubium comparat, omnis generis penum bellicam e vicinis urbibus, e Byzantinis armamentariis sumit. Ad sustentandos sumptus, ærarii immensas opes propemodum exhaurit. Mense Junio in expeditionem profectus, Sophiæ ciendis Asiæ copiis intentus dimoratur.

Per eosdem dies Mustaphæ Gubernatori Belgradi nominatim præcepit: ut ne hostilitatis initium faceret; subditos tamen Portæ Ottomanicæ omni, qua posset, industria tueretur. Byzantii quoque Achmetes scriptum edidit, quo significavit, Turcicis navibus Danubium insideri; copias Belgradum deduci propterea, quod immanes Christianorum exercitus ad limites Hungariæ metentur, jamque procurfionibus in agrum Turcicum, hostilitatis signum primi extulerint. Igitur, quando non sua voluntate, sed vi, atque injuriis Germanorum in bellum trahatur, connitendum omnibus, qui sartum, tectumque velint Ottomanicum Imperium, ut arma armis opponantur, & turbatores pacis publicæ, iustissimo bello frangantur. Ita Achmetes foedus violatum sive a Cæsare, sive a militibus nostris persuadere suis cupiebat, cum tamen Turcæ Danubium primi infestum reddiderint, tela in stationarios conjecerint, immanem exercitum in armis contra Cæsarem haberent, & Venetos foederis socios terra, & mari oppugnent. Procurfionum vero in hosticum hæc erat occasio. Baro Löffelholzius Petro-Varadini Præfectus, animadverso per Mitroviczam, contra ac permissum fuit in pacificatione Carloviczensi, armatas legiones commeari, eduëtis mense Majo cohortibus, locum Turcici juris occupat. Nec segnius Langletus notæ fortitudinis Tribunus, cum tribus millibus delectorum ad Savum contendens, Raczkam ad Drinum fluvium propugnaculum interceptit, ne ad pontem struendum eo præsidio uterentur hostes. Hostilitatis initia utramque procurfionem interpretabantur ii, qui jam hostes anno superiore fuerunt.

At Vezirius exeunte Julio Savo flumini appropinquans cum ducentorum hominum millibus, omnem speciem amicitiae amovit. Frustra vado multis locis tentato, injecto celeriter ponte, copias in alteram ripam traducit, locumque Semlinum inter, & Vanoviczam castris opportunum legit. Mox Petro-Varadinum cum parte copiarum accedit, admonito statim Gubernatore, ut ni triduo post deditionem fecerit, nullum locum gratiæ fore. Löffelholzius præsidii magis, quam sui causa sollicitus hominis ferociam contempsit. Adhuc Futakini ^{a)} in castris, recipiendis legionibus operam dabat eo temporis Eugenius, cum de trajectu fluminis, ac obsidione urbis certior, Comitem Joannem Palffium, virum & manu strenuum, & consilio promptum, prima Augusti cum mille quadringentorum manu ad explorandos hostium conatus mittit. His postea addidit petente Palffio duas eque-

a) Futakinum locus opportunus castris ponendis. C. Joannes Palffi, de quo nobis hic sermo, post plurium annorum decursus, supremus copiarum Imperator, ad memoratum Futakinum metatus est anno videlicet MDCCXXXVI. ut adeo illud Claudiani de Consul. Mallii Theod. ex vero potuerit dicere: Terribiles rursus lituos *Veteranus* adibo.

A. C. equestres legiones. Explorata longe, lateque regione, ad Carloviczium
 1716. utriusque Imperii limites, a quadraginta millibus barbarorum inopinato
 circumfusus, suos in aciem quadratam condensatis ordinibus cogit, quatuor
 horis sextum incurrentes Spahios non sustinet modo, sed etiam clade mille
 A) capitum mulctat. Amissis duobus equis in ipso conflictu, in tertium e-
 luctatus, victor rediit cum quinque signis equestribus; desideratis suorum si-
 mul, & vulneratis non amplius quadringentis. Comes Sigefridus Breüne-
 rus lapsu sonipedis excussus, atque a supervenientibus captus, victoriæ dulcedi-
 ne frui non potuit. Ex hac velitatione omen captum est universæ expedi-
 tionis.

Eugenius occursurus hosti, ad Danubium progreditur. Tres erant
 flumini pontes impositi ad Petro-Varadinum, sed jam duos Turcæ corru-
 perant, tertium Löffelholzii virtus incendio eripuit. Per hunc legiones
 traductæ, vetera valla, ab Ænea Caprara superioribus anni Petro-Varadi-
 no prætenſa, tertia Augusti intrant; eaque summa festinatione reficiunt.
 Illico Vezirius concubia nocte sexaginta peditum, nec pauciora equitum mil-
 lia, clivos castris. Cæsareis vicinos occupare, tum aggeres, vias obsidionales
 facere, omnia denique ad oppugnationem urbis, castrorumque maturare ju-
 bet. Illucescente die prægrandes machinæ, minores fistulæ in valla Cæsare-
 orum assiduo detonuere, a nostris rariores, at magis collineati fiebant ictus.
 Unde plura funera apud Turcas. Nihilominus isti opera sua in dies promo-
 vere, Cæsareos circumvallare summa contentione adlaborabant. Movebat
 Eugenim Imperii majestas, & ardor militis, cui plurimum tribuebat, ne bar-
 bari animos, aut gloriam capiant, a se circumſideri Cæsareos certamen de-
 treſtantes. Hac de causâ convocato Senatu militari, pugnam edicit.

Quarta Augusti sole occumbente ordo pugnandi est editus. Ale-
 xander Princeps Wirtembergicus cum sex suis cohortibus extra valla castro-
 rum progressus, pugnae initium daret. Dextrum cornu Maximilianus Sta-
 rembergius, & Princeps Beveranus; sinistrum Regalius, & Harrachius re-
 gerent; equitatum, in cujus virtute victoriam collocarunt, Palffius; me-
 diam aciem Löffelholzius moderaretur. Alius cognito Eugenii consilio, læ-
 tus occasione certaminis, aciem celeriter instruit. Erat regio multis colli-
 bus interſtinſta, ubi prælium commissum. Superiora loca Janicſarorum,
 convalles Arnautarum cohortibus occupat. Turmas equitum plerasque in
 dextro latere locatas Palffio opponit. Castra curruum ſepimento commu-
 nit. Quantus numerus pugnatorum fuerit, mire variant Scriptores. Sunt,
 qui scribant, hostilem exercitum centum quinquaginta millium fuisse; alii
 ducenta millia numerarunt. Nummi certe post reportatam victoriam cusi,
 hunc numerum etiamnum referunt. Eugenio sexaginta millia in acie fuiſ-
 ſe, fama percrebuit, & Historici consentiunt.

Postridie sub horam septimam matutinam Wirtembergicus ardore
 plane Martio in hostem procurrit, & continente fistularum disſpotione adeo
 Janicſaros percellit, ut iis in fugam actis decem tormentis potiretur. Eo-
 dem tempore in Palffium illati Spahii levi certamine loco moventur, ac
 proſtigantur. Obverſis machinis in Janicſaros, & sinistra acie in hostium
 opera promota, lævum cornu victoriam conclamavit. At dextrum magno
 in discrimine verſabatur. Prorutis vallis, peditatus octo agminibus proce-
 dens, multo angustiore campum habuit ob hostium munimenta, quam ut
 sese explicare posset. Janicſari lorica protecti, & sociis, quos Wirtember-
 gicus emoverat, auctiores, in sparsos, & nondum satis ordinatos tantam
 ignium procellam effundunt, ut omnino pedem referre, & proruta valla re-
 petere cogerentur. Instant Turcæ perculſis, & in castra ferocissime ir-
 rumpunt.

In tanta rerum perturbatione, Eugenius quatuor legiones equitum
 Duce Palffio in apertum Janicſarorum latus jubet impetum facere, dum se
 pedi-

A) Hæc candida narratione refert P. Valentinus Kéri in serie Banorum Dalmatiæ, Croatiz, Scla-
 voniz edit. Tyrnav. anno MDCCXXXVII.

peditatus colligeret. Wirtembergicum, & Löffelholzium admonet, ut in sinu **A. C.** stram Turcarum aciem suas cohortes imittant. Neque equitum, neque peditum **1716.** vim sustinuerunt Janicfari. Fugato omni equitatu, **p**edites iræ victorum expositi omni telorum genere obruuntur. Amissa spe victoriæ tanta universos trepidatio invasit, ut evitatis castrorum munitionibus pars effusissime fugeret, pars in fossas semet præcipitaret. Utrobique a victoribus cæsi. Alyus seu cladi suorum superesse nollet, seu reformidaret iram Achmetis, in confertissimos ordines equum concitat, ac fortiter pugnans ante valla castrorum occumbit. Eodem fato functus est Janicfarorum Aga, tum præcipui nominis quindecim Purpurati, quorum cadavera a fugientibus Belgradum rapta. Hungaricus equitatus inter multiplicem stragem Carloviczium persecutus est hostem.

Hoc prælio cæsa dicuntur vicena millia Turcarum; dena millia Savi vorticibus hausta. Captorum numerus perquam exiguus. Militaria signa centum quinquaginta novem capta cum quinque caudis equinis, machinæ formæ variæ centum quadraginta, & novem; papilionum quinquaginta millia; pulverum nitratorum, & pilarum vis ingens. Bis mille cameli, bubalorum aliquot greges, tum annona tanto exercitui par. Victores, quod vero similis, ad tria millia ceciderunt, vulnerati bis mille. Ipso meridie ingressus Vezirii tabernaculum Eugenius, exercituum Domino gratiis persolutis, militari prandio Duces excepit. Breüneri corpus, quem in procurfione Palffiana captum meminimus, capite truncatum juxta tabernaculum fœde jacebat. Laureatas literas cum signis captivis per Comitem Kevenhüllerum ad Cæsarem dedit. Isthæc victoria non Hungariam, & Italiam solum, verum & universam Europam mire recreavit. Summus Pontifex palam facturus, quid utilitatis rei Christianæ accesserit hac felicissima pugna, sacrum ensẽ, & pileum Victori Eugenio in Purpuratorum consessu decrevit. A)

Cæso, fugatoque hostili exercitu, Palffius, & Wirtembergicus confestim expediti sunt cum parte copiarum ad Temesiam claudendam. Visum est hanc urbem propterea aggredi præ Belgrado, quod præsidium istud hybernis, & æstivis mensibus assiduo communiverint Turcæ, æstimantes e bellicarum navium apparatu, quem constituisset Cæsar, præcise ad Danubium bellum fore, & si Cæsarei campo vincerent, haud dubie Belgradum obsessum iri. Temesiæ suæ minus metuebant, quod procul a Danubio distita, præcipuum robur a Bego fluvio acciperet, qui coorta tempestate, ut in autumnio fieri amat, ob soli declivitatem omnes campos latissime pervadit, & continentes paludes efficit. Unde palustres circum campi, aquis obtinentibus omnia, propemodum inaccessi, Temesiam adversum quosvis exercitus tutam faciunt. Sed eo anno insolita siccitas, hoc robur civitati ademit. Quippe arida præter modum æstate, usque adeo omnis uligo exhausta est, ut prægrandia tormenta propius admoveri, accessuumque opera perfici potuerint. Prima Ductorum cura fuit, vias, unde auxiliorum accessus ad oppidum, milite, atque terreis munitionibus præsepire. Sexto, & vigesimo Augusti transmissis ad Szentam Tibisco, adfuit Eugenius cum universo exercitu, urbemque omni ex parte circumvallat. Æstimatis munitionibus contra Aradinensem portam, sive Palankam, oppugnationem instituit, quod ea pars præsidii ad septemtriones protensa nunquam obrueretur aquis, quantumvis Begus intumescat. Prima Septembris initium est datum fossionibus, erectique suggestus ad verberandam Palankam. Est Palanka munimenti ge-

Imp. Ottom. Tom. II.

H h h

nus

A) Jaurini subinde in principe Ecclesia operante ad aras Stephano Kontor Electo Episc. Tribunic, hæc ornamenta magnifice juxta, ac reverenter accepit. Juvat hic adjicere; quæ habet R. P. Franc. Pagius Tom. IV. in Vita Urbani VI. §. LVII. „ Antiquitus, inquit, Ens & pileus in nocte nativitatæ Domini a Pontifice benedicebantur, sed nunc hæc benedictio fit in quocunque festo solemni; anno enim 1716. Clemens XI. cum Ensẽ, ac pileum ad Principem Eugenium de Sabaudia misit ob victoriam ab eo de Turcis ad Varadinum eodem anno relatum, eos benedixit in Ecclesia S. Mariæ de Populo die VIII. Septemb. Idem donum Innocentius XI. antea miserat Joanni Sobieskio Poloniæ Regi, & Alexander VIII. Francisco Morosino Venetiarum Duci. „ Eleganter, apposite de magnis istis Heroibus, a me non uno loco commemoratis.

A. C. nus Turcis familiare. Præaltos aggeres, sive tumulos e terra extruunt, eos
 1716. que cespite, ac vastis arboribus extrinsecus obmuniunt adversus grandiores
 pilas. Vim omnem machinarum hoc agresti opere eludunt. Huic Palankæ
 fossam sat profundam addidere, Bego flumine inundatam. In hoc propu-
 gnaculo edomando multorum labor dies, noctesque defūdavit. Nam &
 eruptiones fiebant in fossore, atque stationarios, & vineæ non raro in-
 flammabantur.

Dum hæc ad Temesiam aguntur, Turcarum omnis multitudo, quæ
 e prælio aufugerat, Belgradum confluit, Veziriumque sibi delegit Musta-
 pham urbis Præfectum. Hic confirmatis suorum animis, quoniam per ex-
 ploratores compertum est, urbem quotidie magis urgeri, ad eam obsidio-
 ne eximendam quamprimum ire constituit. Itaque raptis in eam expeditio-
 nem Janicjaris, & Spahiis, ingenti fiducia Temesiam versus contendit. Ba-
 bocfaius legionis equestris Hungaricæ Tribunus hostis adventum Palffio, qui
 trans Begum fluvium excubabat, hic Eugenio significat. Confestim Euge-
 nius cum parte equitatus Begum superat, jubetque aliquot cohortes consequi
 cum viginti castrensibus machinis. Janicjarorum Aga in equites inductus,
 munitioni Palffianæ appropinquare nitebatur. Spahii, nunc ad Begum,
 nunc ad aggeres effuso cursu feruntur, omnia tumultu miscent. Verum Eu-
 genio, & Palffio propugnatoribus nihil uspiam proficiunt. Omnia experti,
 desperato meliore successu, & amissis fortissimis peditum, Belgradum mæ-
 sti repetunt. Pulsis auxiliariis, Eugenius oppugnandæ urbis curas re-
 sumpsit.

Ter mille operæ, viis obsidionalibus ducendis destinatæ, inter cre-
 bras eruptiones Janicjarorum, inter quotidianas mortes decima se-
 ptima Septembris ad fossæ labrum pervenere. Derivata celeriter aqua,
 lateque subruta tellure, quæ ante tegebatur, pontes injiciuntur fossæ.
 Eugenius circumlustratis accessibus, in primam Octobris aggressionem
 Palankæ pronunciat. Aggressoris Wirtembergicum, Ahumadium,
 Brounium Duces imponit. Palffium jubet trans Begum, maximum,
 quam posset tumultum excitare, defensorumque vires distrahere. Sub
 octavam matutinam solutis omnibus machinis signum editur oppugnan-
 di. Pro sua Palanka vitam posituri, omnis generis missilia, & saxa in
 subeuntes provolvunt, fistulis, frameis rem fortiter agunt. Ea repugnan-
 tium rabie nihil territi Cæsarei, in valla eluctantur, ac cominus certamen
 ineunt. Brounius in sinistro latere hostem primus submovit, stationemque
 firmavit in propugnaculi ruinis, tum traductis per pontes integris cohorti-
 bus, Ahumadius, & Wirtembergicus Palanka potiuntur. In urbem con-
 jecti Janicjari semel, atque iterum, ferocissime impetum faciunt in nostros,
 facibus, malleolis tecta incendunt; amissam stationem extremis viribus re-
 cuperare contendunt. Hos legionarii firmo gradu excipiunt, partem eorum
 ferro concidunt, quadringentos, & sexaginta ad urbis portam intercipiunt.
 Decem horis pro Palanka dimicatum multis utrinque cæsis. Ter mille ho-
 stium eo die cecidisse ferunt, nostrorum totidem. Alii minuunt hunc nu-
 merum.

Expugnata in hunc modum Palanka, urbs adversus vim Cæsareorum
 defendi diu non potuit. Festinatis operis, queis in præsentia plus aliquan-
 to, quam militi tribuebat Eugenius, excavatis non uno loco furnulis, adeo
 obsessorum curas distraxit, ut qua parte sibi caverent ignari, ubique trepi-
 darent. Ad hæc admotis tribus, & quadraginta tormentis, tum compluri-
 bus igniariis ollis, ea tempestate ignium obruebantur, ut supremo oppu-
 gnationis die, ter mille septingentæ pilæ majores in mænia, & urbem evi-
 bratæ fuerint. Gubernator urbis non ausus in publicum prodire, cum no-
 bilioribus subtus murorum fornices semet condidit, dum ignea procella de-
 ferveret. Duodecima Octobris vis incredibilis ignium, & pilarum dedi-
 tionem extorsit. Missis acceptisque obsidibus in hæc pacta conventum.
 Turcæ salvis corporibus, & fortunis Belgradum deducantur, captivi sine
 lytro

lytro reddantur, mille plaustra ad subducendam suppellectilem præstentur, A. C. machinæ, omnesque paratus bellici, fide integra victoribus reddantur. Po- 1716. stero die duodecim millia armatorum sine signis, sine ordinibus excefferunt. Ita Temesia Ottomanicum jugum, quod anno millesimo quingentesimo quinquagesimo secundo A) accepit, nunc demum posuit, rediitque ad Regem suum cum nongentis, & octoginta oppidis. Fleischmanus Orator Cæsareus, captivus primum Semendriæ, dein Belgradi, libertatem recepit, agente plurimum Temesiæ Gubernatore, Eugenii fidem integerrimam nuper experto. Constitutis hybernis, relictoque Comite Claudio Florimundo Merzio, sive ut alii scribunt Mersio Legato, Princeps ad Cæsarem abiit. Jussit vero procurfiones fieri in hostium provincias, ac munimenta Danubio adflita expugnari, ut flumen in potestate Cæsareorum foret, ademptaque navigatione, Belgradum arctius clauderetur. Merzius non tam Eugenii imperium, quam indolem suam secutus, cum legionariis mense Novemb. Pancsovam accedit. Loci Præfectus aggredientium alacritate expugnatus, traditis armis Belgradum discessit. Ui-Palanka pari celeritate deditionem fecit. Orsova frænum Danubii, post amissam Temesiam novis munitionibus, & milite firmata, per inclementiam hyemis impugnari non potuit. At insequenti anno ab Hungaro est capta.

In Croatia, & Sclavonia iisdem diebus maxima detrimenta illata sunt hosti. C. Joannes Draskovicus Pro-Banus Croatiae, per suos Præfectos Dubiczam, Perkoviczam, Oszrofcium, atque alia oppida Ottomanorum, omni clade vastavit, erectas ad Savi ripam turres ligneas, tum frumentum in usum exercitus comportatum, pluresque annonarias domos exussit. Altera parte Baro Petraschius, B) vir magnæ virtutis, & animi, Gradiscam, Brodium, Velikam ad Savum; tum Dobajum, & Doborium, præcipua munimenta Bosniæ, partim prompta deditione, partim vi admota in deditionem accepit. Incensis, everfisque omnibus (quippe in hostico sita absque valido exercitu defendi haud potuissent) cum amplissimis spoliis in hyberna rediit. Doborii Præfectus, quod arcem dediderit munimentis integram, conjugem, & liberos suos venundari vidit, dein ipse securi percussus. C. quoque Rabatta Carolostadii Gubernator, cum mille peditibus, quingentis equitibus hostium provinciam ingressus, complura oppida igne delevit, atque abactis pecoribus, quæ primæ divitiæ illarum regionum, copias reduxit incolumes. Eadem fortuna usus est Quintana Pro-Tribunus.

Verum e Valachia multo nobilior præda ablata est, nec scio, an uspiam locorum res e Republica felicius sit gesta. Eam provinciam, ut nuper commemoravi, administravit Nicolaus Maurocordatus, homo ut Ottomanis addictus, ita a Cæsareis aversus. Hic Nobiles viros Valachiae (vulgo Bojaros) & Sacerdotes, quos Austriacarum partium esse cognoverat, Bucherestum veluti obsides abripi jussit, atque arcte custodiri. In non paucos etiam ferro, & laqueo grassabatur, quo cæteros in officio contineret, atque suppliciorum metu ab amicitia Austriacorum revocet. Aliquot e numero Nobilium, elusis Maurocordati insidiis, ad C. Stephanum Steinvillum in Transylvania armorum Præfectum per asperas rupes evasere, questique de tyrannide hominis, sibi, suisque auxilium postularunt. Modum quoque ostenderunt, quo imminentem omnium fortunis, & vitæ opprimat, ac provinciam Cæsari addictam servituti eximat. Is collaudato Nobilium studio, Stephanum Dettineum Pro-Tribunum cum peditibus Germanis, atque delecta equitum Hungarorum, & Rascianorum manu Bucherestum immittit ad Maurocordatum interceptendum.

Dettineus silentibus signis, nocturnoque itinere profectus, prius Bucherestum tenuit, quam hostis eum sciret e Dacia movisse. Quo factum est, ut Isacius, & Dragojus militum Ductores, Tartaros, & Turcas, qui

Imp. Ottom. Tom. II.

H h h 2

vallis

A) Temesiæ expugnationem dedi Tom. I. Imp. Ottom. pag. 170. B) Hic B. Petraschius supremus vigiliarum Præfectus fuit; utique alter ab illo Petraschio, de quo infra.

A. C. vallis præerant, imparatos offenderent, iisque subito aut dispulsis, aut occisus munitiones terreas occuparent. Eodem tempore Dettineus in oppidum irrumpens, Maurocordatum pugnam trepide cientem, juxta palatium capit cum conjuge, & quatuor filiis. Nemo civium arma corripuit in defensionem Principis sui, quem diris omnibus devotum ob insignem avaritiam, & crudelitatem, captivum in Transylvaniam abripi lætis oculis conspexere. Nobiles e carceribus dimissi, beneficii in posterum memores vixerunt. Ex his non pauci jugum Turcicum exosi, cum octingentis familiis in ditiones Cæsareas abierunt. His maxima celeritate peractis, in Daciam reditum est, nulla injuria oppidanis illata. Maurocordatus Cibirii arcte custoditus, altero anno libertatem consequitur.

Paucis post diebus Byzantio adfuit Bucharesti Maurocordati Germanus, provinciam Valachiae administraturus. Vir ingenio ut erat minime crudo, & aspero, Steinvillum per Oratores convenit pacis ineundæ causâ. Annuente Vienna, hujusmodi conditionibus transactum est: *Valachia ad amnem Alutam protensa Cæsari pareat. Populationes Cæsareorum Valachi redimant. Nobilibus Valachis jus esto, quocunque vellent, migrandi.* Verum hæc pacta Ottomani suis procurfionibus adhuc eodem anno convulserunt. Clades insuper aliqua in Moldavia accepta est Ernavii Centurionis temeritate. Hic provinciam hostiliter ingressus, fufis ad Jassium Turcis, ac Tartaris, fugientem Vaivodam acrius, ac par erat, in suspecta regione, persequabatur. Moldavi conspecta Germanorum paucitate, e montibus, & cavernis, quo primus eos pavor abdiderat, ad signa redeunt, atque Ernavii vagum militem momento fugant, cæduntque. Plus tamen dedecoris, quam cladis illatum.

Dum hæc a Cæsareis secundo plerumque Marte aguntur, Venetorum fortuna respiravit. Angelus Emus Prætor Dalmatiæ, & Albanæ, accepto ex Italia novo supplemento militum, utramque provinciam adversus repentinas hostium procurfiones communiit, limitanea præsidia Norinum, & Opuntem, quibus obsidio timebatur, rebus necessariis instruxit, Narentæ munitiones, quod eo in loco morbi grassarentur, jussu Reipublicæ evergit. Omni denique nervorum contentione incubuit, ad devinciendos sibi Dalmatarum animos, quorum virtuti bellicæ plurimum tribuebat. Erat autem miserrima conditio Dalmatarum. Anno superiore crebris populationibus adeo vastabantur cum Venetæ, tum Turcicæ ditionis oppida, ut horreis ubique combustis, regnum totum ingens cum summa caritate frumenti penuria affligeret. Insolitæ famis impatientia plebem prope in tumultum egit. Morlachi rapinis vivere assueti, cum neque domi, neque in hostili agro quidpiam remedii viderent, herbas, radicesque in cibos verterunt. Emus ut præsentem inopiam levaret, ac fidissimum populum suæ Reipublicæ arctius innecteret, de re frumentaria providit, missisque navigiis in Italiam, tritici non levem copiam Dalmatiæ portubus invexit. Singa, & Novo castello munitis, castra fecit ad Clissam, numero militum superior Ottomanis, quos bellum Hungaricum imminuit. Verum & Emus jussu Senatus legiones aliquot Corcyram dimisit, satisque habuit evigilare, ne in provincias irruptiones fierent.

In hunc modum procurata Dalmatia, rursus omnium curæ in insulam Corcyrensem sunt versæ, quod Jancongas non semel jactarit: expeditionis maritimæ, sumptuumque tantorum, & copiarum solam Corcyram dignum esse præmium, qua capta ipsas Venetias, omnemque Italiam jugum Ottomanicum accepturam. Itaque ad firmandum hunc Italiæ aggerem, hoc rapagulo cohibendam barbarorum eluvionem dies, noctesque incumbitur. Locus alioquin firmissimus, a Schulenburgio ita brevi rebus omnibus instructus est, ut vim quantamvis elusus non ex vano censeretur. Obsederat eum septimo, & trigésimo supra millesimum quingentesimum annum A) potentissimus Imperatorum Solymanus II. cum Barbarossa classis

Præ-

A) Vide Tom. I. Imp. Ottom. pag. 142.

Præfecto, sed irrito conatu, insulam tamen qua late patet incendiis fœda-^{A. C.}
vit. Post Solymanum nemo hostium Corcyrae obsidionem inferre est au-^{1716.}
sus, siue Peloponnesum prius expugnandam esse existimarent, siue ma-
gnitudine rei suspensi, vererentur, ut oppugnatio quibuscunque copiis,
coepta, exitum prospere fortiretur.

Jancongius in Corcyram dudum intentus, postquam Vezirius in
Hungariam movit cum terrestribus copiis, ipse quoque vires maritimas in
Venetos convertit. Prætervectus Peloponnesum ad Zacynthum insulam
anchors jecit, admonuitque Prætorem insulae: se validissima classe Corcy-
ram petere, sperareque navigationi propitios ventos, & obsidionem felici-
ter cessuram. Proinde prompta deditione sibi, insulanisque consulat, ne,
si vim experiri malint, privilegiis amplissimis, fortunis, vita ipsa
exuantur. Hoc intellecto, Pisani Architalassus Venetae classis, ad An-
dream Cornarum Legatum suum, nuncios expedit, ut quantum posset
numerum navium quamprimum cogat, atque Corcyram insulam tueatur.
Vix Veneta classis ad Corcyram apparuit, cum Jancongius pugnam decli-
nans, versus Africam vela flexit. Rediit subinde navigiis auctior, atque
ad Hydruntum refecta classe Aulonem profectus est. Hic accepto e finiti-
mis agris frumento, in plures menses suffecturo, quinta Julii cum duobus,
& viginti majoris formæ navigiis; totidem fere Africanis, & Alexandrinis,
ad angustias Buthroti sinum Corcyrensem plenis velis intravit; Venetis,
ubi resciverunt, admiratis Jancongiæ consilium, qui se admodum arduo,
nec processuro negotio implicuisset, exercitumque munitissimam apud in-
sulam indubiæ cladi objecisset.

Pisani partitus cum Cornaro classem, Jancongiam secundo Austro
prævertit, invehensque portum Corcyrae, insulanis maturum auxilium tu-
lit. Sed veritus, ne impressione Turcicae classis in iis angustiis cladem acci-
piat, sublatis anchoris cursum direxit ad Cornarum. Jam auxiliares naves
Hispanæ, Pontificæ, Melitenæ, Florentinæ se Cornaro conjunxerant pu-
gnandi avidæ, & paratæ. Habito Senatu omnium sententia erat: univer-
sis viribus sinum Corcyrensem, quo secundi venti invitant, recta petendum,
ac barbaros in conspectu præsidii invadendos. Disposita acie, extensa-
que classe Christianorum, in ipso Corcyrensi sinu, Jancongius sua quoque navi-
gia in certamen educit. Pugnatum utrinque ardentius, quam perseveran-
tius. Nam Ottomanis id unum in votis habebant, ut ne e sinu pellerentur;
cæterum contenti Venetorum impressionem morari, aut eludere; & Vene-
ti satius ducebant eminus, ac per intervalla pugnare, bellicis, reque tor-
mentaria superiores; & haud dubie laceraturi inimicam classem, si majori-
bus duntaxat machinis certaretur. Ludovici Flangini, & Ludovici Diedi
grandes bellicæ, pilarum tempestatem primæ exceperunt, inque hostem mu-
tuo miserunt. Duas horas densissimum inter fumum perpetuis ictibus tor-
mentorum se se fatigaverunt multis militibus cum nautarum grege mutila-
tis, aut occisis. Acceptis, illatisque vulneribus fessi, advolantibus cum suis
navigiis Marco Antonio Diedo, Daniele Dolphino, & Cornaro respirave-
re. Jancongius parem numerum navigiorum suis auxilio misit, pugnamque
languentem accendit. Eo die Christianorum classis nobilem victoriam re-
portatura erat, si, ut imperatum fuit, proposito certaminis signo, major
pars navium in hostilem classem concitata fuisset. Unde Centuriones ali-
quot in vincula dati, neglecti imperii pœnas solverunt. Sed isti præfecturis
suis postliminio redditi malaciam incusarunt, quæ calente prælii tanta re-
pente oborta est, ut se movere loco minime possent. Pisani, & Corna-
rus remittente ob noctem pugna, classem in Corcyrae portum reducant;
subinde vicinæ ^{A)} insulae admovent eo consilio, ut, si occasio ferat, navale
certamen redintegrent, & cum obsessis eundem hostem distineant.

H h h 3

Jan-

^{A)} Historicis ea insula Scoglio di Vido. Pugnae locum, & Corcyram oppugnatam distinctis colori-
bus edidit Homannus in tabulis Geograph. Schulenburgio dicatis.

A. C. 1716. Jancongiæ etſi male mulſtatus, quia tamen loco depulſus non erat, pro victore ſe ferebat. Abeunte Veneto, conſeſtim triginta peditum, tria equitum millia in inſulam Corcyrenſem exponit. Equites celeri curſu pro-
 vecti, terrorem tota inſula ſparſerunt. Princeps eorum induſtria fuit, mu-
 nitiones Schulenburgicas, ſi poſſent, explorare cominus, aut oppidanos ex-
 cipere, e quibus reſciſcerent, quid validum, quid infirmum in præſidio.
 Designatis caſtris, ac obſidionali apparatu e navigiis deportato, ſumma cele-
 ritate aggeres, tum ſubterraneæ foſſiones fiunt. Sub exitum Julii e binis
 ſuggeſtibus urbs, & claffis in inſulam adjacentem ſubducta, infeſtari eſt cœ-
 pta. Claffis nihil detrimenti eſt paſſa, quod pilæ quantacunque vi impulſæ,
 ægre admodum perferrentur ad naves. Placuit tamen Jancongiæ non deſi-
 ſtere ab hac irrita oppugnatione, quo videlicet famam ſui intenderet, velu-
 ti perinde claffem, ac Corcyram obſeſſam teneret.

Utiliorem operam poſuit in oppugnandis montibus Abrahami, &
 S. Servatoris, Corcyra ſat procul diſſitis. Utrique caſtellum impositum
 fuit. Schulenburgius adventu Turcarum cognito, quadringentos Græcos,
 centum Dalmatas præſidii cauſa ad montem Abrahami dimiſit. Servatoris
 caſtellum cohortibus Germanis cuſtodiendum attribuit. Turcæ montem
 Abrahami corona circumplexi, excidiumque loco interminati, ad deditionem
 invitant præſidarios. Ab his non ſine ſtomacho rejeſti, aggreſſionem ma-
 ximo ardore animorum adornant. Utrunque tanta pertinacia concurſum
 erat, quaſi in unius montis expugnatione fortuna Corcyrenſium veteretur.
 Cum non modica clade, & ignominia invaſores depulſi, palmam conceſſe-
 re Chriſtianis. Haud omiſero militare factum Iſaci Audale hominis He-
 bræi. Hic extra munitiones progreſſus, quamcumque in partem ſe fleſte-
 ret, terrorem, fugamque hoſti intulit. A validiſſimis octo Janicſaris cir-
 cumventus, in orbem pugnare cogitur. Uno, atque altero interempto,
 ipſe lethali vulnere fauciatus, ad extremum occubuifſet, ni Decurio Dalmata
 auxilio accuſſiſſet. Conſanato vulnere Chriſtiana ſacra amplexus, Joannis
 Baptiſtæ Soranzii nomen, & Centurionis munus accepit. Turcæ a clade
 ferociores paucis poſt diebus aggreſſionem retentant. Mainæo Tribuno in
 æſtu prælii trucidato, & plerisque Dalmatarum conciſis, Abrahami caſtel-
 lum, eodemque ardore Servatoris munimentum occupant, præſidariis aut
 cæſis, aut captis.

Duobus his montibus potitus Jancongiæ, vi omni in Corcyram
 obverſa, obliquis appropinquationum viis, cuniculis cavandis omne tempus
 impendit. Opinione celerius promotis operibus, e feſtinatis novem ſugge-
 ſtibus mænia, urbiſque teſtâ adeo diebus, noctibusque verberata ſunt, ut
 omnia in ruinam abirent. Schulenburgius, ut diverſarum nationum in de-
 fendenda urbe æmulationem accenderet, ſingulis ductorum certam ſtationem,
 munitiones propugnandas designat. Itaque ne a ſuis, aut hoſtibus in eo belli-
 cæ virtutis theatro vincerentur, incredibili constantia, quam propugnandam
 accepere ſtationem, tuebantur. Et quoniam nitratorum pulverum vis
 ingens in urbe aderat, multo e propugnaculis igne repugnarunt machinato-
 rus, ut adeo ſolutis tot centenis prægrandibus tormentis, non inſula modo,
 ſed diſſita quoque loca nutantibus ædificiis trepidarent. Continuatis foſſio-
 nibus ad extimum valli labrum jam pervenerant Turcæ, occupatiſque atro-
 ce plurium dierum oppugnatione munitionibus, quas Schulenburgius obje-
 cerat, ipſis propugnaculis imminebant.

Piſano ex vires accreverant (quippe a Principibus Italiæ, quos vide-
 licet Corcyræ diſcrimen ſolicitos tenuit, nova auxilia advolarunt) ut pelli
 hoſtem, urbem ſervari poſſe exiſtimaret. Ergo hoſtem obſidione depulſurus
 ſemel, atque iterum univerſam claffem in pugnam componit, ac plenis ve-
 lis Corcyram contendit. Verum reſtantibus repente ventis, non jam cum
 hoſte, ſed mari luſtandum erat. Hoc modo claffis bis educſa, toties inter
 tempeſtates in inſulam reduci debuit, Turcis in tanta propinquitate nihil ho-
 ſtile movere auſis. Obſeſſi eo alacrioribus animis ad deſenſionem urbis ſe-
 met

met comparant, quo planius perspectum habebant, maritimas vires non A. C. tam ad vota Architalassi flecti, quam ventorum, tempestatumque furore 1716. circumagi. At Turcæ non levi cura soluti abeunte classe, oppugnandæ urbi summis viribus incumbunt.

Post assultus in molem portæ principi A) præstructam infelicitè tentatos, producta aliquot diebus verberatione ampliata fuerunt ruinae. Tum, subterraneis fossionibus, & cuniculis solutis succussa magnam partem moenia retentandam aggressionem suasere. Ne sudium vallo hiatum explerent obsessi, in ruinas, in urbem perpetuo fulminatum est. Multa pilarum millia in interiora præsidii e mortariis evibrata. Jancongas de extero hoste securus, supremam oppugnationem in diem undevicesimam Augusti edicit. Omnibus ad tantum opus necessariis magna sollicitudine curatis, pridie ejus diei ante solis occasum peditum cohortes e castris evocat, densissimo fumo excitato, ne quid agatur, ab obsessis posset conspici. Schulenburgius e rei novitate malum auguratus, præsidium omne in armis, murisque hiantibus esse jubet: singulos Ductorum fortitudinis admonet, gregarios, cives, & semetipsum, velut in ultimum discrimen comparat. Illucescente die, flos Janicfarorum in ruinas uno cursu evadit, & Germanum peditem repentina impressione turbatum profigat. Itali, Dalmatæ sociorum strage perculsi inter pugnae, & fugæ consilium, in vicinas munitiones se retrahunt. Palam cedentibus Christianis, crescunt animis Turcæ, prorutisque vallis in propugnaculum erumpunt; insequuntur magno numero subsidia, læto clamore victoriam ingeminant. Triginta signis per ruinas defixis, prope erat, ut eo die urbs caperetur. In eo discrimine Schulenburgius, Antonius Loredanus, Franciscus Mostus, Antonius Sala, & primarii quique Ductores, tractis secum integris cohortibus, ad ruinas convolant, tanto quidem celerius, quanto tristioribus nunciis aliis super alios, evocabantur. Horum adventu redintegrata est pugna, si unquam alias, ferox, & memorabilis. Super mænium ruinas robur hostium, & prædiariorum constitit, animo truci, deliberatoque, diem illum aut victoriæ primum, aut vitæ supremum destinantium.

Ære campano, & frequenti tormentorum sonitu excitati cives, pars in invasores ruere, pars tela pugnantibus ministrare; ipsæ foeminae sexus sui oblitæ, nunc tela in hostem emittere, nunc saucios maritos efferre; nec cadentium fremitu, nec suis vulneribus loco, vel animis moveri. Religiosorum non pauci, pugnantium manipulis immixti, voce, & exemplo animum suis, terrorem hosti incutere; alii cum Augusto Zaccho ædes sacras adire, & opem Divinam ardentibus votis implorare. Turcæ nihilominus, quantacunque contentione repugnarent Corcyrenses, quas ceperant, stationibus persistere immoti, novis subsidiis perpetuo affluentibus. Post cruentum sex horarum certamen, cum Janicfari aggesta tellure defensi, nulla vi ignium detrudi possent, Schulenburgius, e Dalmatis, & Italis octingentos B) carptim deligit, miscetque. Hos in aciem compositos contenta voce hortatus, ut præsentis animo pugnam capebant, inopinato hostium latus petere jubet.

Ad eam vocem, tanquam prælii classicum, concussis ferociter armis, ipso Schulenburgio Duce promptissimi erumpunt, & repetitis fistularum displosionibus Martiam hanc scenam magnopere commutant. Nam confertis ordinibus pedetentim progressi, dein in duo agmina divisi, e castris accurrentes glandium procella rejiciunt; tum Janicfaros diutino certamine, & vulneribus fessos ea fortitudine invadunt, ut qua cæsis, qua fugatis, amissum propugnaculum recuperarint, simulque viginti signa, ut erant defixa, ceperint. Loredanus, atque alii Duces eodem tempore acrius inveci, stragem a fronte, & altero latere edunt. Ita in medio deprehenso Janicfari, ad satieta-

a) Alias Regia Porta a Scriptoribus nuncupata. b) Ita Hieronymus Ferrarius pag. 136. Alii scribunt quatuor armatorum millia in hostem erupisse.

A. C. satietatem cæduntur. In ipsis ruinis bis mille cadavera reperta sunt, cum 1716. instrumentis omnis generis. Nemo e prædialiis fuit, ad quem pugnandi ordo non rediisset; multique e Dalmatis periculis avidi, telis oppressi. Schulenburgio tum oppidani, tum hostes decus servatæ urbis merito tribuerunt.

Post infelicem hanc oppugnationem, nihilo fractior Jancongias, alteram adornavit. Verum eo die ventis violentius incumbentibus, tempestas tam præter solitum atrox oborta est, ut ingenti fragore effusis imbribus, & fulminibus omnia permiscentibus, Turcæ supremum sibi diem illuxisse trepide conclamarent. Et sane miseranda facies castrorum erat. Tentoria pleraque ventorum, aut aquarum impetu proruta, in valles profundioresolvebantur. Impedimenta incrementibus aquis, hinc illinc ferebantur; tanta vero celeritate tota insula contexta fuit, vix ut spatium fuerit hominibus, & jumentis in sublimiora evadendi loca. Ea alluvione omnium animi conciderunt. Ipse Jancongias Superum iram interpretatus, unice in votis habuit, maturare fugam ad classem.

Neque diu autius subsistere in insula, posteaquam intendentibus se tenebris tempestas desiit, nullo edito proficiscendi signo copias ad navigia reduxit, ac eadem adhuc nocte vela in altum fecit. Postridie cum machinæ silerent, nullumque navigium appareret, Schulenburgius insidias veritus, prædialium in armis continuit. Exploratum missi Dalmatæ, reppererunt castra rebus omnibus referta, & non paucorum Turcarum corpora aquis suffocata. Ad nuncios rei jucundissimæ, urbs omnibus lætitiis incessit, ac exercituum Domino solennes habuit grates. Multi captivorum beneficio noctis, & insolita trepidatione hostium usi, libertatem recuperarunt. Ab his cognitum: ea nocte visas per cælum concurrere acies, rutilantia arma, & subito nubium igne collucere præsidium. In ipsis mænibus apparuisse virum magnitudine eximium, Sacerdotali cultu more Græcorum ornatum. Sanctum Spiridionem fuisse, cujus corpus Corcyræ pie colitur, cives credere. Hoc plerique Turcarum in metum trahebant; omnes celerem ex insula discessum urgebant.

Effusi in castra oppidani juxta, & milites, prædam multiplicem receperunt. In armamentarium publicum illata sunt septuaginta tormenta, mortaria dena, quinquies mille bellici pulveris dolia, duo, & viginti majorum, & minorum pilarum millia, capti bis mille equi, sedecim millia bo-um, terna millia papilionum varia supellectile instructa; tum frumenti vis ingens direpta. Præcipuis defensoribus a Republica honores decreti. Schulenburgii armata effigies ex ære captivo conflata, in principe foro Corcyræ ad immortalem defensæ urbis memoriam erecta est; quinque millibus aureorum nummum singulos in annos stipendium adauctum. Loredanus in Ordinem equestrem D. Marci A) relatus. In Franciscum Mariam Cittadelam, ob amissum fratrem, & duos filios, amplissimi fundi translati. Pisanus, & Cornarus gestientis Italiæ laudes cum perpetua nominis sui gloria abstulerunt. Isti simul ut cognovere, Jancongiam obsidionem solvisse, levatis anchoris fugientem insecuti sunt. Verum adversi primum venti, deinde discordia Hispanos inter, & Melitenses exorta, navigationem retardarunt, classe Ottomanica ad fauces Helle Ponti revolante. Pisanus non multo post insulam S. Mauræ, sive Leucadem, a Turcis metu desertam, in suam potestatem redegit; & quoniam autumnus ventis, atque pluviis fœdus graviora minabatur, militem in hyberna reduxit. B)

1717. Annus, quem ingredimur MDCCXVII. perinde Cæsari, & Venetis victoriarum ferax decurrit. Hyems pro more multa consultatione, legationibus, militum delectu, ædificandis, reficiendisque bellicis exacta. Byzantini infelici bello fracti, desiderio pacis languescabant; neque Mustaphæ no-

VO

A) Ornamenta huius illustis Ordinis in lucem edidit perelegans Scriptor e nostra Societate P. Josephus Pintér Anno MDCCXLII. typis Tyrnav. Inscriptio libelli: Conspectus equestrium Ordinum per Europam omnem florentium. B) Hieronymus Ferrarius Lib. II.

vo Vezirio eadem vel alacritas, vel authoritas, qua torrentem hunc animo-
rum sisteret. Ipse Imperator, non secus ac bello victus, armorum cessa-
tionem unice optabat, veritus opinor, ne populus amissione Temesiæ ex-
asperatus, turbas per Imperium misceat, & novum Principem pro sua po-
testate throno imponat. Ad avertendum hoc malum, Purpuratos, ac mi-
litares Præfectos, quos infelicis belli authores, Byzantini omnibus diris inse-
ctabantur, uno die strangulari iussit, eorumque cadavera in forum raptari.
Extincti quoque Vezirii clientes, partim elitis faucibus, partim cervicibus
abscissis, suæ amicitiae, & properati belli mercedem accepere. Istorum
opes ærario Imperatoris illatæ.

Hunc in modum noxiis capitibus sublati, urbs meliora sperare po-
tuit. Spem alebat Achmetes armorum jam satur, pacisque desiderium pa-
lam præferens. Venerat Byzantium Milordus Wortlæus Angliæ Orator,
qui diu versatus Viennæ, negotiandæ pacificationis spei quidpiam attulisse est
visus. Cum hoc Imperator crebro consultabat, qua ratione bellum Vezirii
imprudencia cœptum, pace componi, aut Veneti a Cæsaris fœdere avocari
possent? Wortlæus non ignarus, qui apparatus fierent per Hungariam ad
continuationem armorum, postremum edixit: Cæsarem superioris anni vi-
ctoriis illectum, nihil pacati ad aures, animumve admissurum; nec Princi-
pem Eugenium belli occasione lætissimum, militem collectum a signis di-
missurum sine prælio. Belgradum haud dubie Cæsareis in præmium victo-
riarum cessurum, nisi Turcæ nervis omnibus obsistant. Venetos vero eo de-
mentiae nunquam delapsuros, ut deserto Cæsare, cujus societate ab interitu
nuper vindicati sunt, iras, armaque deponant; pacem ineant alienissimo
tempore, & suam ipsi fortunam corrumpant. Et reapse qui Venetias expe-
diti sunt ad conciliandam Rempub. oleum, operamque perdiderunt Turcæ,
etsi quæstuosas condiciones nimis, quam liberali animo offerrent. Imo hæc
anxia sollicitudo Ottomanorum, omnium mentes ad prosequendum bellum
inflammavit.

Vanesciente induciarum spe, quod unum supererat, ad vim, ac bel-
lum animum applicuit Achmetes, ut multi interpretabantur, non invitus.
Ne tamen bellum alere sua sponte videretur; quæ cum Venetis egerit, quas
conditiones pacificationis causa ultro obtulerit, quam dictatoria pompa Ve-
neti pacem repudiarent, in vulgus spargit. Tum accito Purpuratorum se-
nato, quid in his difficultatibus consilii, ab singulis exquirat. Duæ factio-
nes erant in aula, quarum Principes Mufftius, & Vezirius: ille in pacem,
hic in bellum diversa via ferebatur; habebatque uterque e prima nobilitate
suos clientes. Mufftius multitudine populi pacem anhelantis longe superior,
Vezirii molitiones oppressurus erat, si Confœderati in semestres, aut annuas
inducias semet proclives ostendissent. Cum vero & Cæsar, & Veneti arma
summis viribus appararent, internuncios pacis, veluti intempestivos nundina-
tores, cum stomacho rejicerent, Vezirii factio tanto validior in Senatu eva-
sit, quanto certius relatum erat, bellum inevitabile Turciæ fore. Mufftius
e re minime existimavit, plerorumque sententiæ intercedere, ne se invito a-
liquid conficeretur in senatu, aut certe noxia altercatione segniore redderentur
Byzantini ad bellum propulsandum. Igitur omnium consensu, qui
consultationi intererant, fatalis equi cauda, & grande Mahometis vexillum
Byzantii proponitur; adversus Cæsarem, atque Venetos, pacis ofores,
bellum continuandum edicitur, provinciæ omnes in militiam jubentur com-
migrare, classarii undique coguntur, Belgradum, Semendriam, Vidinum,
Nissam, aliaque in præsidia juxta Danubium, libratores, operum magistri
cum bellica penu mittuntur, nova tributa Latinis, Græcis, & Hebræis im-
ponuntur, magna Syriæ, magna Ægypto, Macedoniæ, omnique Græciæ
imperata pecunia, omnia denique hybernis mensibus tanta industria Præfe-
ctorum curantur, ut primo vere in campis Adrianopolitanis bis centena
millia pugnatorum censa fuerint, non adnumeratis iis, qui ad custodiam
classis Danubianæ dati.

A. C. Non minus maritimæ vires, Jancongiæ infinitis curis, per hyemem 1717. augebantur. Exercitum ad Corcyræ muros magnopere fractum numerosis supplementis instaurat, e Peloponneso rem tormentariam accersit, in Ægyptum frumentarias naves festinare jubet, cum primariis Ducibus de oppugnanda rursus Corcyra multum deliberat, horas omnes belli curis unice attribuit. Jamque disposito navali apparatu, vela facturus erat, cum ea improvise Imperatoris jussu præfectura exiit, ac Coronen in exilium deportatur. Præcipitem actum æmulorum invidia, quos ei seu dignitas muneris, seu insita arrogantia plurimos conflaverat, non anceps conjectura est. Nec defuit illis criminandi materia, qua hominem teterrime apud Achmetem depingerent. Arguebatur inprimis: opulentiores captivos in Asia clam divendisse, qui jure belli capti Quæstori Imperatorio tradi debuissent; cum Venetis mancipiis A) familiarius agere, atque hostem deceat, iisdem alimenta, pecuniam large præbere; in septem turribus aliquot nobilium captivorum custodias laxasse, ut scilicet cum istis ad Venetos fugam arripiat. Ejusmodi criminibus credulas Imperatoris aures occuparunt. Antequam accusari se suspicaretur Jancongas, in vincula est traditus. Subinde non tam imperio Achmetis, quam æmulorum odio tormentis subiectus, opes hoc bello corrasas vi dolorum prodidit, & amisit.

Parem classi Gubernatorem, nec promptum Imperatori tunc erat invenire, nec diu per otium quærere permittebat necessitas festinandi; quippe Venetæ naves Flangino moderatore Ægeum mare jam infestum reddidere. E multis qui præfecturæ inhiabant delectus est Ibrahimus Alepi Gubernator, rei quidem maritimæ haud ita peritus, sed magnæ authoritatis inter suos, & divitiis præpollens. Antequam iste in Flanginum moveret, Duchir Vainiczæ Gubernator, S. Mauram, ab Ottomanis superiore anno trepide desertam, intercipere voluit. Spem intercipiendæ insulæ murorum ruinæ nondum obstruæ fecerant, & tenue præsidium. Re comperta Pisanus, qui ad Corcyram in anchoris stetit, confestim milit Antonium Loredanum cum aliquot signis peditum, ad instaurandas ruinas, locumque defendendum. Duchir horum omnium ignarus cum sex millium Epirotarum agmine, insulæ appropinquat, exploratoque sinu maris partem, equitum, atque peditum in insulam trajicere cœpit. Itali sub Fulvio veteri, fortique Tribuno adeo firmis ordinibus subeuntes excepere, ut nemo hostium in insulam penetrarit, plerique acceptis vulneribus mediis in aquis misere perierint. Postridie impetu, quam successu majore, ipse Duchir in adversum litus ferebatur. Sed glande confixus, momento expiravit. Quo viso Ottomanis multo celerius, quam venerant, in Epirum se ejecerunt. Penes Venetos futura erat ejus diei plena victoria, si percussis, palantibusque insistere licuisset. Navigiis destituti truci duntaxat fremitu fugitivos persecuti sunt.

In mari Ægeio multo pervicacius dimicatum a Turcis. Octava Maji Flanginus cum quatuor, & triginta navigiis e Corcyrensi portu discedens, secunda navigatione in Ægei maris insulas pervenit. Istud eo consilio egit Flanginus, ut bellum a Reipub. oppidis procul arceat, hostesque ad sua potius tuenda, quam aliena invadenda adigat. **NULLO** quippe telo mortales facilius ab alienarum rerum invasione coercentur, quam si ad sua defendenda curas, viresque revocare cogantur. Divisa tripartito classe, navalia hostium celeriter percurfat, insulas, ut erant præsidio nudæ, populatur; captisque aut exultis non paucis navibus, tantum terroris sparfit, ut naves aliquot ad frænandum Danubium destinatæ, pro faucibus Hellesponti locatæ fuerint, dum universa classis e portu Byzantino solveret. Constabat illa quadraginta duobus navigiis diversæ formæ, rebus omnibus egregie instructis. Duodecima Junii juxta insulam Imbrum simul ut in conspectum Venetorum advolavit, prælium commisit, non tam strage hominum, naviumque, quam
rara

A) Inter captivos numerabatur Vincentius Pasta, qui dedita Methone in servitutem lapsus est. Vide res gestas anni 1715.

rara pertinacia memorabile. Nam in seram noctem protractum fuit. Cæ. A. C. cis ictibus vitam amiserunt e Venetis bis centum, sauciati quingenti. In 1717. hostibus vix major strages edita.

Depullis vixdum tenebris, apud Lemnum insulam, quo se recepit Flanginus, rursus signa cecinerunt. Promotis in altum navigiis, hæsterna dimicatione irritati, ingentibus animis in pugnam se comparant. Jam fere sub tormentorum ictus successerant, cum adverso vento repente exorto, navium cursus turbatus est. Ibrahimus illico in portum, unde discessit, renavigavit, maris perinde, ac Venetorum iras metuens, Flanginus, quia diutius persistit in delecto certaminis loco, veluti victor suam stationem repetiit. Triduo post faventibus utrique classi ventis, iterum ad manus venerunt. In Flangini bellicam vis omnis Turcarum incubuit. Sed ea militum robore, tum majorum, minorumque tormentorum copia instructa, quo se cunque vertebat, terrorem, & cladem inevitabilem spargebat. Multæ igitur hostium naves lacerabantur. Quo viso Ibrahimus receptui cecinit, atque in Lemnum insulam remis, velisque trepidus aufugit. Victoria haud dubie Venetorum fuit; ei tamen multum decerpit lethale vulnus Flangini, quod in ipso æstu certaminis accepit. Ne ducis casu refrigesceret pugna, Antonius Benuffius, vir spectatæ militiæ, suis consiliis, & egregiis factis perfecit; a Senatu Veneto in Ordinem Equestrem S. Marci relatus. Flanginus ad extrema deductus, in loco pugnae biduum exigere statuit. Verum inopia dulcioris aquæ, Naupliam versus navigandum erat. Hic jactis anchoris, dum in naves Africanas aggressionem edicit, maximo mœrore universæ classis vivere desit.

Interim ad Pisânus in portu Corcyrae hærentem auxiliares naves pervenerunt; quatuor Pontificæ, Florentinæ duæ, quinque Melitenses bellicæ cum duobus navigiis. His omnibus moderabatur Balias Bella Fontana. E Lusitania adduxit novem majoris formæ bellicas viris juxta, atque armis validas, Comes de Rivos. Confestim in Zacynthum vela dederunt. Insulani diversa retulerunt de Flangino; alii narrabant: eum magno prælio devictum a Turcis, classemque amisisse; alii victorem ad fauces Hellesponti penetrasse, omnesque insulas maris Ægei populatione hausisse. Rerum incertus Pisanus, multas inter curas nuncios operiebatur. Tandem navis (duæ ab Africanis piratis interceptæ erant) citatis remis advolavit, mortem Flangini, & res dubias viduæ classis patefaciens. Eam regendam suscipere Marcus Antonius Diedus, & Franciscus Correrus classariis uterque percharus, quod veteres militiæ non ære, sed virtute bellica præfecturas adepti sint. Isti, ne quam cladem ab imminente Ibrahimio acciperent, ad Tænarium ^{a)} promontorium firmissimam stationem ceperunt.

Pisanus, cæterique Duces haud diutius expectandum rati, ad opem quantocius ferendam omnia accelerarunt. Auxiliares primum, dein Venetæ naves, anchoras levarunt, ventisque prospere flantibus, in portum Mainotarum, quem petebant, feliciter venerunt. Mainotæ sive metu præsentis sive veteri amicitia erga Venetos impulsæ, quæ in usum classiariorum erant, sponte sua in naves comportarunt, ea promptitudine suorum agrorum populationem redimentes. Ante omnia præcipua Ducum sollicitudo fuit, ut se ante conjungant minori classi, quam Ibrahimus reparatis viribus e latibulis prodiret. Is post ultimam pugnam ad refarcienda suarum navium damna, Thessalonicam classem subduxit, missisque cursoribus ad Imperatorem, & Vezirium, impudenti vanitate suas victorias, suos triumphos nunciavit. Mendax rumor non modo in Turcarum castris, sed in præcipuis etiam Europæ aulis fidem reperit. Sinistris sane locutionibus, Reipub. fama, velut non optima fide agentis, apud Viennenses vapulabat, auditæque voces: *in Cæsarem belli summam devolutam; integrum esse Ottomanis, quantas libe-*

^{a)} Tænarium promontorium Peloponnesi, Geographis Cabo Matapon, fabulis Poetarum nobile.
^{b)} De Mainotis hoc Tomo egimus pag. 47. 255. & seq. Mainotarum portus alio nomine etiam Quaglia nominatur.

A. C. ret, copias in Serviam, in Hungariam infundere dormientibus Venetis; eorum classiculam prope inermem ad Corcyram stare; complicatis manibus Cæsarum infinitos labores Rempub. spectare; id unum agere, ut militi, impendiis parcat; alienis viribus pugnet, & vincat.

Putidum rumorem diluerunt cruenta prælia mari, & terra conferta. Diedus, & Correrus, ut iussi erant a Pisano, appropinquante Ibrahimo majori classi accedere nitebantur sævissima tempestate jactati, prope erat, ut ab inimica classe circumfunderentur. Ducum, nautarumque experientia discrimen evaserunt. Jam utraque classis conjuncta, navigiorum numero, atque militum par Ottomanicæ erat. Unum torquebat Duces, quod immanes bellicæ ægerrime regi possent, neque eundem cursum cum navibus tenerent. Autores nonnulli erant Pisano: recedendum quamprimum ad Zacynthum insulam, ibique commodam stationem capiendam. Negavit Pisanus e re, vel gloria Christianæ classi futurum, si trepidis velis, veluti victi retrocederent; fugientium tergis hæsuos barbaros, etsi non victoriam, certe *FAMAM*, qua bella constant, ingenti probro Christiani nominis erepturos. Quin imo hostem longinqua navigatione quæsitum, repertumque universis viribus invadendum.

Sed Ibrahimus e sinu Coronensi, ubi tantisper substitit, undevicesima Julii, instructis ad pugnam navibus erumpens, hanc gloriam Venetis eripuit. Lusitana navis, quæ vicinis ex insulis commeatus advexit, solutis tormentis advolantem prodidit. Itaque ad arma tota classe conclamatum est. De præripiendo invicem vento; cum eoque conspirando, multum certaminis fuit, quem denique Turcæ velocitate navium suas in partes traxere. Primus Diedus præsentis animo sua navigia in aciem disponere connisus, Cytheram versus cursum deflexit. Pisanus, Balus, Correrus, Comes de Rivos, alique Præfecti eum strenue secuti, classarios ad pugnam animabant. Nondum classe instructa, Daniel Dolfinus proximus hosti, properati prælii occasio fuit. Diedus, & Correrus pugnas maritimas sæpius experti, Dolfino ad classem refugiente, sua navigia continuo objecerunt. Turcarum naves non minus spe, quam vento tumidæ, in hæc acriter injectæ, ter non sine strage velorum, atque hominum repulsæ sunt. Eodem tempore aliquot bellicæ hostiles, facto circuitu a tergo aggressionem fecere adversus Melitenses, Pontificios, & Florentinos, qui secundam aciem formabant.

Jam totis simul classibus ab omni parte pugna conferta erat. Mediam aciem Diedus cum socio, fortissime non sustinuit modo, sed & utrique cornu in tempore auxilium tulit. Bina navigia multis tormentorum ictibus fatiscentia, e manibus hostium eripuit; eoque facto usque adeo Veneti accensi sunt, ut quatuor omnino naves prælio inhabiles reddiderint. Ne in triumphum abducerentur ab immissis *Brulottis* (sunt naves fundendis incendiis repertæ) ignes injecti in *Brulottos* prohibere. Pisanus in hoc accerrimo, sed simul confuso certamine, partes optimi Imperatoris implevit. Cum fratre suo Carolo prætoria vectus, ubi plurimum periculi, intrepidus accurrit, voce, exemplo languidos incendens. Et quoniam Turcæ vento superiores, contempta suorum cæde undique incumbentes ordinem navigiorum vehementer turbaverant, fratrem Carolum cum Gallo vigiliarum Præfecto, classem circuire iussit, ac navium gubernatores admonere, ut instaurato ordine, novo animorum ardore proras obvertant.

Verum quantumcunque conniterentur Veneti, nihil e sententia cessit. Vastis, ictuumque capacibus bellicis, globo nusquam aberrante plurimum detrimenti illatum est a Turcis. Prætoria quatuor lapideis pilis percussa, princeps velum, & gubernaculum amisit. Aliæ claudæ, muticæque, parum aberat, quin præda fierent. Octo horas ambiguo Marte extractum certamen abruptit Ibrahimus, a C. de Rivos in fugam abactus. Cæteræ naves, posteaquam Lusitanorum classem e secundo ordine progredientem, & Ibrahimi prætoriam vela dantem conspiciunt, sublati raptim dolonibus (ut erat Secundus petentibus Cytheram ventus) fugam capessunt. Quot

Turca-

Turcarum, aut Venetorum læsi, vel occisi? haud reperi apud Scriptores. A. C. Id constat: Christianorum classem male mulctatam, navesque non paucas¹⁷¹⁷. mutilatas. Bellicam, cui nomen a sacro fœdere, igne correptam periisse; navigium, quo vehebatur Ballus Bella Fontana periculo proximum (nam a tribus navibus circumventum fuit) virtute Comitum Hieronymi Savorgnani vindicatum. Strages maxima edita est in velis, funibus, & gubernaculis, raraque navis sine vulnere rediit.

Hac difficillima pugna defuncti Veneti, haud ultra tempestatu oblectaturi, quæ per eos dies acrius cœpit furere, in Zacynthum, deinde Corcyram renavigarunt. Ibrahimus reparata classe, ad Corcyram retentandam oculos, animumque adiecit. Is rumor Pisani, Schulemburgium, cæterosque Duces ad insulam firmandam incitavit. Jamque prætervectus Peloponnesum, Zacyntho appropinquaverat, cum tristibus nunciis Byzantium festinare jubetur: quippe cæso ad Belgradum Vezirio, Bulgariæ, & Thraciæ male metuebat Imperator. Hoc metu solutus Pisanus, cum Schulemburgio pedestrium copiarum supremo Præfecto Nicopolim obsedit. Loci Gubernator nullum jam effugium conspicatus, cum septingentis Janicfaris ferro sibi viam aperire contendit. In urbem rejectus, sine conditionibus se, & militem victoris arbitrio permisit. Præter commeatus varii generis capta tormenta triginta, & unum. Vainicza perinde maritimum oppidum una impressione in Venetorum potestatem venit, Turcis extra mœnia fufis, fugatisque.

Aloysius Mocenicus, Angeli Emi in Dalmatia successor, sat prospere provinciam administravit. Commisissis aliquot velitationibus ad limites Herzogovinæ, in eam regionem se altius immerferunt Veneti, quæ se addere Morlachi magno numero. Quinto, & vicesimo Julio Imoschium oppugnari est cœptum. Viis omnibus occlusis spes nulla suppetiarum erat obfessis, & strages murorum a cuniculis imminabat. Præfectus facile expugnatus candido signo deditionem obtulit. Præsidarii armis induti cum omni suppellectili, ut transactum fuit, dimissi. Multæ familiæ jugum Ottomanicum pertæse, ea occasione in oppida Veneti juris migrarunt. Herzogovina prope omnis a Turcis avulsa. Subinde Antibaro ^A) Adriatici maris oppidum admotæ copiæ, menses aliquot nullo operæ pretio triverunt. Nam Græci partim mercede conducti, partim sponte in castra confluentes, cognito Scutaris Præfectum cum exercitu adventare, desertis Venetis discessere, neque ullis sive minis, sive precibus revocari poterant. Mocenico tantæ vires non erant; ut simul urbem mari, & terra impugnet, simul hostem ab invasione castrorum arceat. Quapropter retractis silentio noctis grandioribus machinis obsidionem solvit. Hæc Venetorum belli fortuna.

Carolus Imperator cum certis nunciis accepisset, Achmetem accisis licet viribus, bellum redintegraturum, ipse quoque futuræ expeditioni administrò Eugenio Principe curas omnes impendit. Subsidiarium æs ab Imperii Principibus Ratisbonæ petatum, ac impetratum. Res tormentaria, annona in tempore procurata; supplementa etiam legionibus decreta, novique militum delectus per omnes provincias sunt habiti. Præter ingentem numerum tyronum, e flore Nobilitatis Europæ ad signa convolarunt, Sobieskius Regius Poloniæ, Emanuel Lusitaniæ, Carolus, & Ferdinandus Baviariæ, unus, atque alter Gallicus Regii sanguinis, tum e Germania complures, alique triginta Principes, auspiciis & ductu Eugenii prima belli rudimenta in Hungaria posituri, aut veterem militiam continuaturi. Copiis ad Futakinum convenire iussis, Eugenius secundo Danubio in Hungariam delatus, die primo & vicesimo Maji ad exercitum pervenit, e centum millibus armatorum conflatum. Iis diebus Baro Ernestus Petraschius, celebris procurator, munimentum Sirmii Lischiczam appellatum, assultu cepit, cæsis ad internecio-

^A) Antibarum urbs Dalmatiæ Turcicæ, edito, & petroso loco sita, sic appellata, quod Bario urbi Neapolitanæ objecta sit.

A. C. nem præfidiariis, ac munitione everfa, signa hostilia, veluti majoris victorie augurium; in castra attulit. Ad decimam Junii profectioe indicta, castra mota sunt Belgradum versus, quod Cæsar, & Eugenius in Senatu Bellico ad ictum destinarunt. Sed arduum videbatur, munitissimam urbem Danubio, & Savo assidentem, omni ex parte concludere propterea, quod classis Ottomanica utrique fluvio dominaretur; frustra vero a terra obsideretur, cui commeatus, ac subsidium omne per Danubium, aut Savum pateret. Eugenius ut utrumque flumen sua in potestate haberet, jam anno superiore Comiti Merzio Legato suo, in mandatis dederat, ut exerrantis Danubii alveum (vulgo Dunaviczam) quatuor supra Belgradum leucas, tantundem curaret augeri, quantum satis esset ferendis navibus majoris molis aquarum magnitudo. Is hyeme tota fossorum incredibili labore alveum ampliorem, navigabilemque reddidit, perfecitque, ut bellicæ in alveum immisissæ, evitato hostili præsidio, ex quo navigia facile lacerari potuissent, infra Belgradum in Danubium rursus deferrentur. A)

Superatis Tibisco, & Bego fluviis, exercitus ad Pancsovam infra Belgradum, ubi Dunavicza majori Danubio miscetur, confedit. Eodem fere tempore Merzius tres bellicas, aliaque navigia militibus, atque omni telorum genere probe instructa, per notum alveum prospere delevit, atque ripæ, quam noster exercitus occupaverat, applicuit. Hic in conspectu sexaginta millium Turcarum adversam ripam insidentium, transmittendus erat. Ne clades acciperetur in tanta hostium propinquitate, caute admodum transitum adornavit Eugenius. Tribus bellicis ad vicinas insulas impulsis, ut trajecturis præsidio forent, si quid Orsova, aut Belgrado tentaret hostis, quatuordecim centuriæ pyrobolariorum, decem peditum signa pontonibus recepta, Duce Merzio B) periculorum avido, in oppositam ripam contendere sunt iussa. Ubi medium fluminis tenere, soluta castrensi machina, ut conventum erat, socios admonuerunt, qui subito concussis armis, atque ingenti clamore C) edito, inter tubarum strepitus, tantum terroris incusserunt hostibus, ut deserta statione, præcipiti fuga semet receperint partim Belgradum, partim Semendriam. Merzius sine prælio, & sanguine potitus ripa, terreis operibus sese obmunit, remissisque celeriter pontonibus, aliæ, atque aliæ pedestres legiones eo adhuc die, postero autem equestres cum re tormentaria, omnibusque impedimentis transportantur. Hunc in modum traducto per vastissimum flumen exercitu, Eugenius sine mora copias Belgrado affudit, intra Danubium & Savum castra metatus.

In eum hostium munimenta explorantem cum Turcæ magno numero ex urbe incurrisserit, conferto acri certamine, a pyrobolariis repulsi sunt. Nec meliore fortuna biremes, cæteræque naves usæ fuerunt, quæ e Savo, & Danubio continente explosione machinarum nostros impetierunt. Namque excitatis ex imperio Eugenii tormentorum suggestibus ad ripam utriusque fluminis, hostium navigia majorum, minorumve pilarum grandine sub urbis munimenta non sine clade repulsæ erant. Ad claudendum Danubium, pontem solidissimum e navigiis propius urbi admovet. Duæ bellicæ ad custodiam pontis, refrænandasque hostilis classis incursiones datæ, haud procul a ponte anchoras jecere, minoraque navigia contra urbem collocata, ut videlicet vim arcerent, si rescindendi pontis causa armata navigia essent a præsidio immisissæ. Tertia bellica ad Temesii ostium excubare est iussa, ne quid a tergo adversus pontem molirentur hostes. Intercluso Danubio, speque commercii omni a Semendria præfidiariis adempta, Savus quoque Hau-

beni

A) Simile quid attentaverat olim, prospero perinde successu, Alexander Farnesius Parmæ, ac Placentiæ Dux III. Belgii Gubernator, dum Antverpiam obsedit, ut narrat noster Fanianus Strada Deca. II. Lib. VI. B) Lib. III. de rebus gestis Eugenii Principis a Guidone Ferrario Soc. Jesu conscriptis lego, Brounium primas cohortes transvexisse, prioremque apprehendisse ripam, post eum Merzium. C) Verus hæc consuetudo fere omnibus gentibus, ut ante pugnam clamorem tollerent. Sic C. Julius Cæsar Lib. III. de bello Civili ait: „Neque frustra antiquitus institutum est, ut signa undique concinerent, clamoremque universi tollerent, quibus rebus & hostes terreri, & suos incitari existimaverunt. „

beni opera binis pontibus est stratus, ea firmitate, ut communicatis, quæ A. C. in utraque ripa fuerant, castris, peditum, equitumque copiarum cum oneratis 1717. plaustris, ac machinis castrensibus ultro, citroque ex usu commearent. Supra Belgradum fere eo in loco, ubi Savus confluentem efficit, haud procul a Semlino, naves duas majoris molis, a) tutelam pontium, Schwendimanius gubernavit. Non minorem curam muniendis castris Eugenius impendit. Vallum geminum festinatis operis erigi imperavit, quorum altero a Savo ad Danubium prope urbem ducto, præsidium arctius clausit, spemque omnem interceptit externæ opis accipiendæ; altero in angulum excurren- te, castrorum terga adversus suppetias adeo valide e disciplina militari præmunivit, ut uni præsidio plura opposuisse diceretur. Namque crebris per intervalla castellis, & interjecta militum statione, ac centum sexaginta tormentis in aggere dispositis, vallum præcipue extimum firmavit. Addidit præterea cæcas suffossiones, furnulos frequentes pulvere pyrio fartos, aliasque munitiones, quas ingeniosa industria ad nocendum invenit, ut auxilium aggressionibus omnino impervium censeretur.

Prædiiarii tanto acriores animos ad se, urbemque defendendam sum- pserunt, quanto arctius terra, & aquis in dies premebantur. Injecerat in eam Vezirius primo vere validissimas legiones peditum, atque equitum, quorum numerum ab ora Danubii nuper depulsi adeo auxerant, ut in principio obsidionis, Janicfarorum vicena, Arnautarum, sive Albanorum quater- na, Spahiorum terna, Tartarorum arcu, & sagittis minacium bina millia censa fuerint. Nec minus firmamentum aderat a Gubernatore Mustapha, viro militiæ impigro, atque inprimis audente. Ingens præterea annonæ copia, nitrati pulveris; murales machinæ fere sexcentæ, mœnia, propugnacula firmissimi operis, tum Vezirii cum grandi exercitu adventantis rumor, & depacta per circuitum murorum DCCC. rubei coloris vexilla, si non victoriam, certe diuturnam, cruentamque fore Christianis oppugnationem pollicebantur. Denique classis numerosarum navium, ac reliquus apparatus navalis in perniciem pontium multa industria conquisitus certissima spe illos alebat, Danubium continuo aperiendum, ut primum navali certamine congressi fuerint. Atque ut erant fræni Danubio injecti admodum impatientes, non diu cunctati, in pontem infra Belgradum extractum vires suas majoribus animis, quam fortuna verterunt. Molas, navigia oblonga, pice, sulphure, pulvere pyrio, aliaque materia partim alendo incendio, partim inferendæ stragi opportuna farciunt, ac emicante undique flamma secundo Danubio in nostrum pontem, & naves inevitabili ruina, ut putabant, hauri- endas propellunt. Verum molæ rectoribus suis destitutæ, a nostris nullo negotio interceptæ, harpagonibusque in ripam attractæ, non sine ludibrio nau- tarum, pestem innocue evomuere; navigia adversante vento in eandem ri- pam propulsa, suo incendio absumpta gratum spectaculum accurrenti mili- ti præbuere.

Major subinde tempestas incubuit in bellicas, quæ ad Semlinum, ut demonstravimus, ex imperio Eugenii stationem obtinebant. Ad explican- dum Danubium, & Savum sat numerosam classem pro Belgrado excubantem, veterano armatam milite, expediunt hostes. Schwendimanius ut primum sensit molimina Turcarum, binas suas bellicas ad pugnam comparat, ac ma- gno animo certamen capeffit. Turcis res nulla ad virtutem defuit. Quin- quaginta facile naves adverso Danubio inter inconditos clamores nautarum, militumque adventare conspiciebantur. Pars earum in duas nostras maxima vi devehebatur, pars Janicfaros, & Spahios ripæ exposuit ad invadenda ca- stra, ne Schwendimanius suppetiæ mitti possent. Sed is quamcunque in partem immanes navigiorum moles verterat, illuc minas, terrorem, ac cla- dem late spargebat, raro aberrante globo in conferta Turcarum navigia emis- so

a) Bellicas majoris molis Danubio immisit Marchio Fleury, dein Assemburgus. Vide pag. 332. & 341.

A. C. fo. Biremis Turcica ad repetitam emissionem pilarum submersa, non le-
 1717. vem trepidationem iniecit navigiis, nunc a tergo, nunc a latere incusantibus
 bellicas. Ubi vident lignea illa castella ictuum quidem capacia, at citra vul-
 nera, integra perstare, sua vero navigia fœde lacerari amisso certamine mul-
 ta celeritate fugam arripiunt Belgradum. Qui se in castra infuderunt, ab
 Haubeno, & Sekendorffio fortiter excepti, ardentius, quam perseverantius
 nostrorum impetum sustinuerunt; visa demum suorum trepidatione, ac fu-
 ga, veriti ne reditu intercludantur, contento cursu navigia sua inter promi-
 scuum cædem trepidi petierunt. Depulso hoste Schwendimanius, cujus
 virtuti potissimum hæc victoria debebatur, in conspectu hostilis urbis no-
 bilem triumphum, editis ingentis lætitiæ signis, collucentibus festivis igni-
 bus, ac machinarum repetita explosione egit, Divinæque clementiæ grates
 persolvit; navali corona tanto dignior, quanto minore impendio victor e-
 vasit. Duabus his bellicis adjungi placuit tertiam Divi Eugenii nomen for-
 titam, quæ eatenus Petro-Varadini in anchoris stabat. Singulæ istarum XL.
 & amplius tormentis, milite, turba nautica onustæ, mole, robore mariti-
 mis fere pares erant.

Hac clade nihilo segnior Gubernator, in omnem occasionem rem be-
 ne gerendi pervigil excubabat. Eam reperisse sibi visus erat in adversa ripa
 Savi, ubi ingens numerus fossorum beneficio noctis eo deportatus jussu Hau-
 benii, quem Eugenius minoribus castris ad Savum protensis præfecerat, no-
 vum aggerem in ripa fluminis moliebatur, præfecto huic operi Aloysio Fer-
 dinando Marfiglio, cui præsidii causâ attributæ sunt sex cohortes, & tria
 equitum signa. Prima luce cum id conspiceretur Gubernator, illico quater-
 na millia navigiis imponit, ac citatissimis remis nostrarum navium impetu
 evitato in alteram ripam transvehit. Janicari fossores nocturno labore fessos
 magnam partem interficiunt; Marfiglius, & Rudolphus Heisterus equitum
 Tribuni, dum suos in prælium promovent, impetumque irruentium susti-
 nent, in primo agmine multis vulneribus sternuntur. Impari numero
 circumventis in tempore suppetias tulit Miglius, Darmstadianæ legionis
 Pro-Tribunus. Hic equitum suorum alacritate fretus, in hostem victoria
 elatum tanta vi invehitur, ut cæsis, qui primi accurrerant, pugnacissimis,
 reliquos in apertam fugam conjecerit. Pede presso persecutus fugientes,
 ad Savum stragem multo majorem edidit. Etenim nautæ animadverso suos
 toto campo propelli, subito metu consternati, quædam navigia sollicitatis
 in Danubium remis Belgradum impulerunt. Multos itaque navigiis destitu-
 tos, in ripa ipsa circumventos aut ferro cominus, aut nantes destinatis icti-
 bus eminus confecit; complures flumen, ut erant cursu exhausti, ac armis
 graves, suis vorticibus hausit. Perierunt hostium partim ferro, partim
 aquis circiter mille cum eorum Ductore Thraciæ A) Præfecto, qui fortissi-
 mus habebatur; nostrorum facile quingenti.

Singularem hoc prælio fortitudinis laudem consecutus est Maldefel-
 dius Pro-Centurio, qui interfectis manu sua vicenis, in Signiferum ante
 alios pugnam accendentem, quanta vi potest, invehitur; ereptoque ei ve-
 xillo victoriam absolvit. Ferunt delato ad Principem Eugenium signo, vi-
 rum in corona Præfectorum dilaudasse, & vexillum ante Prætorium jussisse
 explicari commendatione virtutis. Miglius sinceris laudibus per castra cele-
 bratus, eadem alacritate, qua hostem depulit, stationem emptam sanguine
 aggere munivit, ex quo urbs aquaria detrimenta non levia postea accepit.
 At fama Comitum Haubenii multum vapulabat, veluti muneris sui oblitus,
 neglexisset hostium consilia explorare; certe stationes Savi adversus subitas
 incursiones, e disciplina militari non firmaverit, nec laborantibus in tanta
 propinquitate locorum imploratam tulerit opem. Revocatus in majora ca-
 stra, successorem accepit Martignium notæ virtutis in exercitu Tribunum.

Sini-

A) Thracia, vulgo Rumelia, & Rumilia dicta, ut habet Histor. Musul. Turc. Lib. XIV. ad annum
 Christi 1449. §. 40.

Sinistro rumore, & judicio Eugenii Principis homo gloriæ appetens nimium A. C. everberatus nihil omisit, quo sive maculam, sive æmulum invidiam for-^{1717.} tibus factis obtereret. Itaque hostium erumpentium vim dum primus plerumque excipit; ac infringere adlaborat, in æstu gloriæ victor occubuit.

Interea Vezirius cognomento Chalibes, A) Alii Vezirii in pugna ad Temesiam occumbentis successor, vir militiæ gnarus, animoque perinde, ac ore validus, ex ultima Asia, & Burſopa evocatis militibus, bellicum apparatus terra, & aquis Niſſam præmiſit; quo ipſe exeunte Maſſo lentis itineribus cum copiis contendit. Fama eſt, ducenta armatorum millia ſub ſigna confluiſſe, ut adeo ſuperioris anni cladem ſupplementis abunde reparaverit. Tanto exercitui parem annonam, caſtrenſem ſupelleſtilem, aliaque gerendo bello neceſſaria Quæſtores in tempore procurarunt. Ærarium præterea militare notis artibus plurimum auxit Vezirius. Hujus inſtinctu nova vectigalia omni Imperio exacta, Hebræis, atque Chriſtianis novum tributi genus impoſitum. Quinque demum provinciarum Prætorum, quod ſegniores in milite legendo a bello abhorreere viderentur, divitiæ in ærarium illatæ, militem ſpe implevere, non deſectura ſtipendia etſi pluribus annis traheretur bellum. His omnibus diligenter curatis, exercitus difficillimo itinere Niſſa Belgrado appropinquavit die XXX. menſis Julii; præmiſſis aliquot ſignis equitum ad explorandas munitiones caſtrorum, aut intercipientes milites, ſi qui a caſtris pabuli cauſa longius diſceſſiſſent. Ad valla caſtrorum audacius proveſti, ab equitatu noſtro levioris armaturæ, conſerto vix prælio repelluntur; at mox ſuorum conſpectu animati, reſumptis animis terga vertere victores cogunt, pulſi pariter, & pellentes. Non multo poſt omnis advenit exercitus, ſuarumque virium non ignarus, haud procul a noſtris caſtris conſedit. Præſidiarii ubi videre tot tabernacula uno quaſi momento aſſurgere, & caſtra multo vaſtiora caſtris ad ſpatium uniushoræ oppoſiti, dici nequit, quantos clamores, quanta lætitiæ ſigna e propugnaculis murorum ediderint. Sed non diuturna hæc lætitia fuit.

Nam obſeſſo omni ex parte Belgrado, die XXIII. Julii urbs aquaria viginti muralibus tormentis, ac ſex ollis ignariis adeo proſpero ſucceſſu inſeſtari cœpit, ut oborto, & dominante in anguſtos vicos incendio, pars major ampliſſimæ urbis abſumpta fuerit; cumque dies, noctesque collineatis iſtibus mœnia, & propugnacula impeterentur, tanta ſtrages conſecuta eſt, ut ſtationariis interiora urbis paterent. Eodem fere tempore Merſius munitionem Turcarum ad brachium Danubii extructam, ſimul & inſulam, & biremem omni apparatu bellico egregie ornatam occupavit, cum ſtrage quingentorum hoſtium. Ejeſti celeritate navium in urbem delati, oppidanis non exiguam formidinem incuſſerunt, æſtimantibus: URBEM haud dubie captum iri, cujus munimenta externa capiuntur. At plus terroris, & damni intulit pila grandior igniaria, quæ vi pulverum tam feliciter in ſublime propulſa eſt, ut præceps ac minax rediens ſaxeum fornitem perruperit, atque in apothecam pulverariam immerſa, inevitabili ſtrage loca vicina involverit, tanto cum fragore cadentium tectorum, ut urbs tota ſuis fundamentis emota, ſuiſque ruinis conſepulta videretur. Peſte hac pulveraria perierunt ter mille præſidiarii, uti a transfugis proditum eſt; multæ domus, flamma in diem alterum populante vicos, in cineres reſederunt. Hæc inopinata urbis clades quemadmodum Eugenio ſpem fecerat capiendi præſidium, ita curas anxii, turbidique Vezirii ad opem ferendam intendebat.

Adhibitis in conſilium Purpuratis primoribus belli, viſum eſt omnibus: *haud tutum eſſe caſtra Chriſtianorum invadere, aditum nullum ad ſocios patere; Belgradum Belgrado obſideri; vallum a Savo ad Danubium ductum*

Imp. Ottom. Tom. II.

K k k

adeo

A) Hoc nomine compellatur in Religione vindicata, ſive Relatione belli Turcici a R. P. Antonio Vánoſi e Soc. Jeſu concinnata Viennæ anno MDCCXX. Itaque Muſtaphas a milite fugitivo in Vezirium leſtus, juſſu Imperatoris ſuam Belgradi præfecturam repetierit.

A. C. adeo frequentibus propugnaculis horrere, ut sine strage fortissimarum legio-
 1717. num irruptio in castra tentari nequeat; & quamvis superarentur prima
 hæc munimenta, restare altera prope ipsam urbem; satius videri, ipsos ob-
 sidentes obsessos tenere, omnique machinarum genere infestare, ut de vitan-
 da clade magis, atque victoria obtinenda sibi prospiciant. Hanc sententiam
 cum ipse quoque Vezirius probaret, & loci natura ultro suaderet, ad oppu-
 gnationem castrorum omnia maturavit. Erant circum castra Eugenia edifi-
 ciæ colles, e quibus perspicere potuit, quidquid ageretur in castris. Ad eos occu-
 pandos partem unam exercitus immittit, alteram ad eorum radices metari
 jubet; & quoniam multitudine militum, qui in dies augebantur, abunda-
 bat, omne illud spatium, quod a Savo ad Danubium protenditur, ample-
 xus, Eugenium circumvallare instituit; castella non pauca fundat, dedu-
 cto ab his aggere, qui unum alteri perpetua sepe committat; prorsus ut Ot-
 tomanorum munitiones nihil cederent Eugeniis. Sedes insuper tormen-
 torum idoneis locis erigi, fossas produci, atque accessus ad flumen utrumque,
 & castra fieri imperat.

Rumor obsessi exercitus per Europam diditus, Christianæ Reipub.
 amantiores incredibili mœrore affecit, dum secum reputarent: a tergo in-
 stare ducenta, & amplius millia barbarorum; a fronte objici urbem cum nu-
 merosis præsidariis, mori perinde, ac vivere paratis; a duobus lateribus
 duo vastissima flumina, pontibusquidem, & navigiis domita, at ventorum,
 aquarumque vi nunquam non exposita; FORTUNAM uti in reliquis rebus,
 ita vel plurimum in bellis converti, justeque formidandam, qua aspirante ea-
 tenus res prospere sunt gestæ. Verum miles præsentē Eugenio vincere as-
 suetus, inter hæc talia pericula metum exuerat periclitandi, illudque in vo-
 tis unice habebat, ut proruto vallo copia daretur conferendi manus cum
 hoste. Pugnam & ipsi militum Ductores optabant; unus Eugenius obnite-
 batur cunctatoris providi gloriam tot palmis additurus. Interim Vezirius
 festinatis dies, noctesque operis, Eugeniis munitionibus propior accedit;
 centum amplius tormentis, ollis ignariis quinque, & triginta sine induciis
 impetit, ut adeo ob crebra funera convulsis tentoriis castrorum positus mu-
 tari debuerit. Denique collem Savo imminentem, repentina invasione oc-
 cupatum, præsidio munit, indeque castellum, quo pontes nostri defende-
 bantur, impugnare occepit. Eugenius animadverso, Turcas ad ictum dun-
 taxat tormenti a Savo abesse, veritusque, ne noctu transmissis flumine pon-
 tes interficerent hostes, aut militem, cui Martignius præerat, a reliquo
 intercluderent, prælio decertare statuit. Ut festinaret, Joannes Vekonyus
 A) Rakoczii quondam miles, plurimum momenti attulit. Hic enim episto-
 lam Vezirii obsidionem solvere molientis ad Mustapham Belgradi Guberna-
 torem perferre iussus, deflexo itinere Joannem Palffium, quocum anno
 præterlapso ad Temesiam notitiam contraxerat, adit; exhibitaque epistola
 Eugenium de Vezirii Christianos eodem tempore e castris, ac urbe aggredi
 parantis certiores facit; quo intellecto hostem præveniendum decernit.

Die itaque XV. Augusti magnæ Dominæ Hungarorum sacro, oc-
 cumbente jam sole, accitis in Sanctius Consilium supremis militum Præfe-
 ctis, typum aciei, quidve singulis in prælio curandum, scite, partiteque
 tanto silentio præscribit, ut quid ageretur, ab hoste cognosci haud posset.
 Proruto vallo, acies sub alteram noctis vigiliam silentibus signis in hostem
 movet. Primæ aciei dextrum cornu Maximilianus Staremburgius, sinistrum
 Harrachius curabat. Secundam Beveranus Princeps regebat. Universo
 peditatui præerat Alexander Wirtembergicus Princeps. Equitatum omnem
 Eugenius cornibus circumdedit, & totidem acies instituit. In cornu dextro
 Merfium, Ebergenyium, Batteum; in sinistro Nadasdium, Montecuculum,
 & Martignium curare jubet. Equitatu præpositus erat Joannes Palffius,
 qui

A) Continuator Epitomes Chronologicæ rerum Hungaricarum ad annum MDCCXVII. Et P. Va-
 lentinus Kéri e Soc. Jesu, in Serie Banorum Dalmatiz, Croatia, Slavonia &c. edit. Tyrnav.
 MDCCXXXVII.

qui etiam in prima acie a dextro constitit. Subsidarium militem Seken-A. C. dorffius ad subita pericula in armis tenuit. Septem legiones equitum cum 1717. parte peditum ad castrorum, pontium, & navium custodiam relictæ sub Viardo, Lanthierio, & Orfetto; Camusio rei tormentaria Præfecto mandatum, ut urbem nulla quiete concessa, acerrime verberet. Palffius cum suo equitatu pugnae initium fecit, collem occupare conatus, ubi hostes primam sedem tormentorum habuere. Verum densissima nebula, dubia adhuc nascentis diei luce, omnia obtinente, eques in munitiones, quas ea nocte Savum versus produxerant hostes, incurrit. Stationarii Janicsarii repentino nostrorum adventu nihil turbati, misso ululatu ad arma conclamant, simulque glandium procellam in adversos effundunt. Tum enim vero Turcarum castra hostem prælium cientem adesse cognoverunt.

Palffius transiens celeriter vallis, in repugnantes incredibili fiducia invehit, speciem præbuit advenientis universi exercitus. Ea re perterriti Janicsarii loco cesserunt; sed accurrentibus in auxilium aliis, atque aliis, ipsi quoque obversa fronte pugnam sane cruentam edidere, donec Merfius adducto ex secunda acie equitatu, resistentium pervicaciam fregisset. Staremburgius pari contentione peditatum in dextro latere consistentem, ad castrorum valla occupanda duxit. Hostis suis munitionibus tutus, continenti fistularum disensione ignavos non mediocri strage affecit, ut adeo multi Præfectorum ante valla occubuerint. Sed cum Staremburgius voce, & exemplo identidem instaret, munitionem inter stragem commilitonum obtinent, versisque illico tormentis, pedetentim adhucdum recedentes, prope fugere compellunt. Sinistrum cornu serius ac imperatum erat, tardante nebula collem ab Eugenio designatum assiliit; cumque equitatus in dextro cornu nimium deflexisset ad Savum, & propterea rara admodum esset media acies, Turcæ hoc aditu reperto, magno numero irrumpunt, atque equites veluti a reliquo exercitu abscissos, & inter multiplices castrorum fossas deprehensos, summa vi urgere incipiunt. Ponente sub horam octavam nebula, legionum equestrium discrimen conspicatus Eugenus, qui in lævo cornu constitit, Wirtembergicum cum peditatu auxilium ferre jubet. Honorarii bellatores, qui Eugenum erant secuti, illico circa Wirtembergicum sese stant, ac primum in aggressionem periculum exposcunt. Adductis machinis ferox, & memorabilis pugna, si unquam alias, exarsit, veluti de possessione omnis Hungariæ decernendum foret.

In ipso ardore certaminis, Viardus e castris eruptione facta cum turma equitum, e proximo colle, unde Wirtembergici impetebantur, barbaros deturbavit, ac victor in castra rediit, facinus egregium collaudante Eugenio. Ad extremum virtute peditum eo ex loco depulsi hostes, in ultimam tormentorum sedem aggeribus cinctam semet recipiunt. Sed Cæsarei undique victores uno impetu ex hac quoque arce victos ejiciunt. Spahii relictis peditibus, castris, omnique supellectili, in apertam fugam effusi, post quinque horarum anceps certamen, plenam victoriam nostris cedere. Eugenus debellato hoste; militem in proximo castris tumultu, unde fugientes conspici poterant, sistere jubet; solum levioris armaturæ militibus potestatem fecit insequendi. Delecti dein peditum, equitumque manipuli, qui castra opulentissimæ urbis, sed a civibus desertæ speciem referentia populerentur. Reperta sunt majoris, minorisve formæ tormenta centum triginta & unum; mortaria septem & triginta; sexcenta vasa nitrati pulveris, globi majoris formæ A) ex ære fusi, ac sulphureo pulvere conferti ter mille, totidem minoris B) formæ; tormentarii globi vices mille; signa militaria novem, & quinquaginta cum novem equorum caudis; curruum tria millia omni rerum genere onustorum; jumentorum tanta multitudo, ut uno argenteo tres cameli coemi potuerint. De numero cæforum variant Scriptores.

Imp. Ottom. Tom. II.

K k k 2

res.

A) Vulgo Bombæ, quas invenit anno 1588. artifex Ventonenfis, ut refert noster Famianus Strada elegantissimus Scriptor Part. II. pag. 334. edit. Vienn. B) Granatæ vocitantur, quas jaciunt Pyrobolarii.

A. C. res. Nonnulli in prælio, & fuga duodeviginti millia cecidisse scribunt; alii 1717. viginti quinque millia cum Aga Janicsarorum, qui ad extremos spiritus fortissime dimicans, in ultima munitione occubuit. Nec Vezirius suo defuit muneri, sive in castrorum oppugnatione, sive in ipso prælio (quod virum militarem violentæ neci Constantinopoli postea eripuit) Imperatorias artes exprompsit. Ubi vidit suum militem e munitionibus ejici, tormentis fœdum in modum sterni, Spahios fugam arripuisse, tandem & ipse paucis comitatus Nissam cursum intendit, quo plerique peditum cursu exhausti pervenerunt.

At ii, qui in urbe clausi tenebantur, toto pugnae tempore eruptionem nullam fecerunt, propterea quod partim caligine nebularum, ventorumque vehementia, partim insolito machinarum fragore, & ignium vi in urbem injectorum prohibiti, nihil quid ageretur in castris Vezirii, intellexerint. Posteaquam per captivos in urbem missos cognovere, suos fugatos, profligatosque, a quibus se in dies sperabant obsidione solvendo, alto mœrore & metu defixi, altero a pugna die candido vexillo elato, colloquium super deditioe urbis postularunt. Missus Comes Philippus, nomine Eugenii præfidiariis liberum abitum cum omni supellectili addixit; at rem annonariam, navalem, tormentariam Cæsari relinquendam. Durum admodum videbatur Gubernatori, tantum apparatus bellicum in manus tradere Christianorum; viresque diutinæ obsidioni pares citra minas Comiti ostendat. Abrupto colloquio, omnibus machinis in urbem fulminatum est. Tantam ignium procellam cum perferre non possent præfidiarii, insequenti die, nempe XVII. Augusti; pro arbitrato victoris conditiones accepere. Summa hæc erat: res tormentaria, nautica, annonaria Cæsareis Quæstoribus consignetur, ac capti hoc bello libertati reddantur; Præfidiariis telis suis instructi, explicatis signis, cæteraque gentis pompa liceat discedere, facile istud concedente Eugenio dicere solito cum Alexandro Parmensi Belgii Gubernatore: A) PARUM referre quam splendide armis induti, modo arcibus exuti hostes abirent. Cives cujusvis religionis, suis immunitatibus gaudeant; fas esto fortunas, & sedes alio transferre, ut collibitum fuerit. Pars una militum, & civium secundo Danubio Uipalankam, vel Orsovam devehatur; pars altera terrestri itinere Nissam conductis ter centum curribus, deducatur. His conditionibus occupato Belgrado, Eugenius cum in urbe, tum in castris sub tentorio Vezirii, inter Divini solennia sacrificii, ac lætos machinarum fragores, victori Deo gratias egit. Post biduum egressi sunt Turcarum XXX. circiter millia; relicto ut conventum erat, apparatu nautico, tormentis triginta septem supra quingenta, mortariis novem & sexaginta cum ingenti copia nitrati pulveris.

Dum hæc secundo Marte ad Istrum geruntur, tristibus nunciis e Transylvania adfertur: quindena circiter millia Tartarorum Chami filio, & Kollasacensi Præfeto Ductoribus, ad Bistriciam urbem omnia ferro, & flamma vastare, ipsique urbi excidium minitari. Illico Viardus cum aliquot legionibus ad opem ferendam C. Stephano Steinvillio, supremo armorum Præfeto, properare jussus est in Daciam. Sed jam in Hungariam prædatores effusi, Szattmariensem, Maramarosensem, Ugocensem provincias, aucto per incendia, & cædes furore evastant, atque incolas in servitutem abripiunt. Ad Nagybanyam a Babocsaianis equitibus Hungaris obruti, omnibus spoliis exuti magnam partem cæduntur. In Szattmariensi agro pari fortuna a domestico milite profligati, octo captivorum millia amittere. Alii ad fines Polonorum delati, alii per Rudnenses angustias frustra tentata fuga, ab efferatis eius vicinæ colonis, raptis undeunde telis, partim occiduntur, partim capti in triumphum ducuntur. Dettineus, qui anno superiore Maurocordatum in Daciam captum adduxerat, eodem fere tempore Nicopolim versus procurrens, longe, lateque ad Istri oram armorum terrorem sparsit. Interim Viardus magnis itineribus in Transylvaniam profectus,

A) Famianus Strada Part. II. pag. 357. a quo non pauca cum delectu mutuatus sum.

fectus, prope Devam munitam arcem idoneis nunciis intelligit: procellam A. C. illam Tartarorum, armis potissimum incolarum; quos armaverant C. 1717. Alexander Karolyi supremus, & Bagosius Szattmariensis provinciæ Pro-Comes, uterque vetus militiæ; jam dissipatam esse, solum metuere Provinciales, ne sociorum clade irritati Tartari, novo turbine regionem a milite, & præfidiis non satis firmatam involvant. Idcirco deductis legionibus ad limites Daciæ, Bistricenti agro inprimis prospectum fuit, factò aggere ad plures leucas protenso, interiectis castellis terreis, quo hostis ab irruptionibus arceretur. Arma subinde in Valachiam promota a Cæsareo Tribuno Schramio, ad Alutam usque fluvium, provinciam illam sub jugum misere. Opportunis præterea locis munitiones excitatæ sunt, quæ quantum securitatis Transylvaniæ præstitere, tantum audaciæ hostibus irrupturis ademere. Non prætereundum hoc loco silentio militare facinus C. Josephi Eszterhazii. Jussus is erat a Principe Eugenio Ulpalankam, cui hostis oblidionem minabatur, tueri, simulque explorare, ecquid molirentur Turcæ e fuga magno numero contracti? Delectis e quinque legionibus Hungarorum sex centuriis, ac nonaginta Rasciis, iter accelerat; utque falleret numerosum hostem, laxari jubet ordines, augeri tubarum, tympanorumque sonitum, nubem præterea pulveream multo densiorem excitari, quam pro numero equestris procellæ. Turcæ rati victorem exercitum omnibus viribus imminere, desertis castris in præcipitem fugam vertuntur, atque omnem prædam cum X. tormentis equitibus Eszterhazianis diripiendam relinquunt. A)

Translatis salubrioris cœli causa Semlinum castris, Princeps Eugenius metu percussis instandum ratus, ad urendum hostilem agrum, ad vicinas arces, præsidia capienda victorem militem immittit. Rama, Semendria ad Istrum, Sabacium B) ad Savum, a Turcis deserta in manus nostrorum venerunt. Agmen hostile Temesiensi oræ infestum, accepto cladis Ottomanicæ nuncio, in fugam versum, ab equitatu Hungaro male mulcatur, amissis insuper decem tormentis, omnique castrensi supellectili. Orsova natura, & arte firmissimi munimenti præfidiarii obsidionem toleraturi putabantur. Verum TIMORE expugnatis nulla sat firma sunt munimenta. Vix viso mille quingentorum Hungarorum agmine, quod ductabat Splenyus, interriti animi felix procurator, præfidiarii certatim se eiciunt in naves, ac relicta ingenti vi annonæ, reique bellicæ fugam capeffunt. Iisdem diebus Meadia ad fines Valachiæ munimentum, ex qua in Temesiensem agrum crebræ excursionis fiebant, a Turcis deserta, militi nostro in prædam cessit. Muniverant eam anno præterlapso Cæsarei, imposito Hetlevallio Velzekianæ legionis vigiliarum Præfecto cum aliquot cohortibus peditum. Turcæ Tartaris mixti transmissi ad Orsovam Danubio, improvise Meadiam cingunt, & repetita aggressione ad deditionem cogunt. Hetlevallius cum suis, nondum capto Belgrado, ex pacto Temesiam deportatus est. Classis quoque nostra Archithalasso Andersonio, insigni detrimento affecit Turcicam, quæ oram Danubii Pancsovam inter, & pontem navalem infestam reddidit. Ita Cæsar terra, & aquis hoc anno vicit.

In Croatia C. Joannes Draskovichius, volente Senatu Bellico arma in hosticum intulit. Præfidiarii arcis Cosorazæ in finibus Bosniæ sitæ, & loco, quem haud inscite septo arboreo, turrique muniverant; & numero freri, rejecto de deditione colloquio, arma feroces arripuerunt. Propulsa in ruinam turri, Croatæ frameis, & scalis armati arcem invadunt, ac pugna non acri minus, quam constanti in muris contracta, pulsas defensoribus in arcem emicant. Armati, ne uno quidem superstite, interfecti sunt, munitiones solo æquatae. Ut terror latius spargeretur per Bosniam, placuit equitatum plures in turmas dividere, ac populationem circumferre, quoad Clerichius Novii, Kamengradii, aliarumque ad Unnam arcium Gu-

K k k 3

berna-

A) Posthuma Memoria Josephi C. Eszterhazy de Galantha, Perpetui in Frakno, Lib. III. pag. 149. edit. Tyrnav. B) Rama castellum prope Danubium. De Semendria, & Sabacio sæpe numero actum est Tom. I. Imp. Ottom.

A. C. bernator ad extinguendas faces, sistendamque vastitatem cum copiis accur-
1717. reret. Sed tantus erat ardor militis Croatæ, ut Dux ipse cum filio, & fratre, majorique parte peditum cæsus fuerit. Hac clade fractus Bosniæ Præfæctus, de sua provincia defendenda magis, quam mittendis in Hungariam auxiliaribus copiis sollicitus fuit.

Eugenius dimissis in stativa militibus, Viennam profectus, inter faustas populi acclamationes ad diem XIX. Octob. Augustum Carolum in suburbanis hortis salutavit, qui eum virtutis ergo gladio inclusis auro gemmis ornato donavit. Imperatorias tanti Herois artes, non Hungaria modo, & Austria summis laudibus extulit, sed & omnis Germania, & Italia de Eugenio scientia rei militaris multo, quam quæ superioribus bellis, plura prædicavit; tanto quidem effusiore ubique lætitia, quanto se periculo propiores intellexerant. Quo tempore cum aliis in locis, tum unus Mediolani Orator excellens Joannes Paulus Alcitati Soc. Jesu, eloquentem, & plenam dignitatis habuit orationem, laudavitque e rostris Eugenium, quod, quæ singulæ res magnum Imperatorem efficiunt, eas uno omnes præstitisset bello, oppugnando, propugnando, debellandoque. a) At Constantinopolis luctu involuta, suorum cladem mæstis lacrymis deflevit. Vezirius nulla honoris pompa exceptus ab Imperatore, aut civibus, quod fortunam sibi iratam habuisset, præfecturam armorum iussus est tradere Ibrahim b) Imperatoris Genero; Bassa vero Kollofacensis sinistræ in Daciam susceptæ expeditionis Dux in carcerem compingitur. Reliqua Turcia ad casum Belgradi, & cædem exercitus fama longe, lateque ruinam deportante, concuti visa est. Nissæ, Scopiæ, Adrianopoleos cives, veluti ad eos victore cum exercitu properaret Eugenius, vasis collectis fugam meditari; Valachi, Moldavi Turcici juris, relictis suis mappalibus interiora provinciarum trepidi petere; cives denique Byzantini ad omnem nuncium pavere, ac in dies obsidionem formidare. In ea communi omnium trepidatione neque Imperator, neque Vezirius de supplementis, de apparatu castrensi, navali, deque annona comparanda cogitarunt. Unam pacem, quæ decumanis vulneribus Imperii Turcici mederi posset, animo volebant. Populus quoque reliquus, & miles in summa rerum omnium desperatione, armorum cessationem in foro, in circulis loquebatur. Et jam nuper Belgradi Gubernator Mustaphas inter emigrandum pacis mentionem fecerat testatus: *Suos a pace minime abhorrere; habituros, quæ occupassent, Cæsareos; reliqua ad diem placitam ex jure, & æquo conventura.*

1718. Angliæ, & Hollandiæ Oratores, quorum consiliis Carloviczenfis pax coaluerat, uti ad annum MDCXCIX. demonstratum est, primi suam operam contulerunt, ut pax quam primum fieret. Et Achmetes Imperator Temesiæ jactura commotus, quodve Deum sibi iratum esse nihil ambigeret, propterea quod ruptis præter fas induciis Venetos invaserit, jam superioris anni ætate Jacobo Colyerio Hollando significarat: *rem pergratam sibi præstituram Rempub. si viam ineundæ cum Cæsare concordie emolliret; se a pacis consiliis alienum non esse.* Clade subinde ad Belgradum accepta, ut maturarent pacis negotium aggredi, Oratores identidem hortabatur. Colyerius cum duobus Agis Adrianopoli Sophiam profectus, Eugenium admonuit: *Ea mente Soltanum esse, ut pacem malit. Temesiæ provinciam perpetuo jure Cæsari cessurum; pro Belgrado alia munita in Bosnia loca daturum; aut æris tantundem numeraturum, quantum impendendum foret ad par præsidium excitandum.* Cui ita responsum ab Eugenio, ut intelligeret nec alienum

a) Guido Ferrarius memorato Lib. III. de rebus gestis Eugenii. b) Verosimilius videtur, hunc Ibrahimum nominatum fuisse Vezirium, Gerardo Cornelio Drieschio in memorata Historia magnæ Legationis, quam suscepit S. R. I. Comes Damianus Hugo Virmondtus ad Portam Ottom. Orator; etsi legam in Religione vindicata, sive Relatione belli Turcici Mehemetem Nischcanzi, seu magnum Cancellarium Imperii, ut hoc nomen interpretatur Joannes Leunclav. Lib. Onomast.

num esse a pace Cæsarem (quippe in Sicilia inopinatum bellum exarsit, quo A. C. legiones deportandæ erant) nec ab Anglorum, Hollandorumque arbitrio; 1718. modo dignitatem Cæsaris victoris præ oculis haberent. Veneti quoque belli pertæsi, & insuper Hispanorum auxiliis destituti, quietem optarunt, ac Cæsare adnitente quidquid obmoverent Turcæ, in eadem pacificationis commercia sunt admissi.

Omnium animis in cessationem armorum inclinatis, vere ineunte oppidulum Passarovicium, inter Moravæ amnis, & Danubii confluentem situm, primi petierunt Suttonus Eques Britannicus, & Jacobus Colyerius Hollandicus, temperaturi postulata partium; subinde Turcici Legati, dein Cæsarei Comes Damianus Hugo Virmondus, obitis legationibus Europæ notus, & Dalmannus Turcicarum rerum, quod multos annos Byzantii res Cæsaris curarit, apprime gnarus; demum die XII. Maii Carolus Ruzzinus Reipub. Venetæ Legatus, cuius fidei in hujusmodi negotiis Respub. permultum tribuebat. a) Permutatis, ac examinatis de amore fiduciariis literis, adest Aga cum epistola ad Eugenium ab Ibrahim Vezirio data, qua mirifice contestatus studium pacis, petiit: ut secum in colloquium veniret, quo lineam pacis postremam ipsi ducerent. Sed ille Belgradum nave appulsus, negavit se arbitrum pacis delectum; sibi curam exercitus esse commissam, & jam expeditionem adornare. Et reapse tanquam acerrimum bellum a Turcia instaret, copiosus miles in castris aderat prope Temesiam, & Semlinum, classis rebus omnibus instructa in Danubio fluitabat. Hic armorum apparatus multas difficultates abruptit, & Ipiritus Turcarum, quos rumor belli Siculi intenderat, depreffit. Statim in Principio adhæsit negotium pacis, quod Legati Turcici potestatem arctis admodum limitibus circumscriptam, & literas solius Vezirii nomine signatas haberent; Cæsarei contra amplissimam. Illico per cursores alteras prioribus castigatis, submitit Achmetes Imperator.


Itaque die XXX. Maii sub latissimo Virmondus tentorio conventus est. actus. In eo ratam habuere Ottomani legem, pacificationis nempe fundamentum: partes belligerantes in possessione captarum urbium, & provinciarum manerent; Venetis redderentur ea, quæ jure ab Ottomanis repeterent. Quid vero nomine possessionis veniat, Cæsarei subinde explicuere, videlicet: Præfectura Temesiensis cum ea Valachiæ parte, quæ Aluta fluvio clauditur; Belgradum cum Serviæ regno, tum Bosnia cum munimento Zvornik; reliquum Croatiae cum Bihacchio, Crojam urbem Albaniae in gratiam commerciorum Cæsari permitterent. Denique Peloponnesum Venetæ Reipub. restituerent. Cum isthæc explanatio possessionis nimium dura videretur Turcis, opera Conciliatorum mitigata est, paxque his capitibus conclusa. Pax esto in XXIV. annos, & mutua injuriarum oblivio. Temesia, Belgradum cum agro adjacente, pars Valachiæ ad fluvium Alutam, Bosnia Savo finitima cum omnibus castellis Augusto Cæsari transcribantur. Limites judicio peritorum statuuntur. Fas esto Christianis Hierosolymas pietatis causa proficisci, nec insolitis vectigalibus premantur. Captivi dies intra unum & sexaginta restituantur; qua lege Maurocordatus Valachiæ suæ in locum Steinii, & Petraschii Pro-Tribunorum reddatur.

Hic est ille Antonius Baro Petraschius b) celeberrimus procurator, qui ante obsessum Belgradum onerarias devehere iussus Pancsovam, spreto bellicarum auxilio, quas Schwendimanius adduxerat, Temesii ostium vix prætergressus, a classe Turcarum invaditur. Post atrocem pugnam hostis superior, captis, aut merfis undeviginti armatis celocibus, vulgo Saikis, ipsum Petraschium cum duabus prope Hungarorum peditum centuriis primum Belgradum, dein Adrianopolim, Byzantium in triumphum abducit, ad VII. turres subinde deportandum. Reliqua non discrepabant a capitibus Passo.

a) Carolus Ruzzinus Patritius Venerus interfuit Carloviczenſi pacificationi. b) Vide Religionem vindicatam pag. 73.

A. C. Passaroviczenſis pacificationis. Hæc ad diem XXI. Julii ab ipſis Legatis 1718. ſolenni ritu conſecta, dein Viennam, Adrianopolim, ac Venetias miſſa, intra ſpatium XXX. dierum confirmata fuerunt. Inſequenti anno Caduceatores expediti C. Virmundtus Conſtantinopolim, Sade Ibrahi-mus Viennam, pacem Paſſaroviczii concluſam ſtabiliverunt.

F I N I S.



Errata Tom. II. corrige.

Pag. 35. linea 4. Florentini lege: Natolini; ibid. lin. 37. Mahometes Vezirius, Amurathes Vezirius; pag. 77. lin. 52. ademit, ademerunt; pag. 93. lin. 38. injuriæ, injuria; pag. 98. lin. 12. excuſſerunt, exuſſerunt; pag. 116. lin. 20. Non, nam; ibid. lin. 24. tur-ras, turreſ; pag. 118. lin. 19. Apaffio, Apaffio; ibid. lin. 38. Apaffius, Apaffius; pag. 120. lin. 17. Ego, Ergo; pag. 124. lin. 21. Ars, Arx; pag. 366. lin. 19. Heiſlerus, Heiderſ-hemius.

I N D E X RERUM ET PERSONARUM.

A.



Bas Rex Persarum foedus icit cum Ibrahim Imp. 20.
Bassa rebellis, praefectura Erzeri urbis emolitus arma ponit 1. iussus dare frumentum, militem in bellum Persicum, arma corripit in Turcas; Erzerum strenue defendit; recedentes Turcas carpit 4. cum Vezirio pacem init; Erzerum Turcis tradit; Byzantium abit, ab Amurathe Bosniae praeficitur 5. bellum in Polonos conflat; copias in eosdem ducit 9. victus Byzantii interficitur 10.
Abdius, seu Abdurachmanes, Budae Gubernator ad defensionem urbis omnia comparat 216. de deditione compellatur; ejus responsum 218. ferro, & igne tueretur muros laceros 219. 220. colloquium petit 219. opem poscit a Vezirio 221. cum robore Janicfarorum se opponit aggressuris 222. fortiter pugnans occumbit 223.
Abdulatifes Gubernator Varadini defensionem adornat 324. renuit praesidium dedere 324. paciscitur 329. dediticii detinentur in captivitate; cur? 330.
Academici Viennenses propugnant urbem adversus Turcam 137.
Achatius Barsaius Jenam arcem Turcis dedit; Orator delectus a Transylvanis pacem concludit cum Kiuperle Vezirio; favore Vezirii fit Transylv. Princeps; metu Georgii II. Rakoczii Temesiam se recipit 54. copias suas Turcicis jungit, & Rakoczium profligat; a Kiuperle jubetur Daciam gubernare; bellum decernunt Transylvani in eum; a militibus Kemenyii interficitur 55.
Achmates Vezirius nominatus Caseffrem seditionum Ducem occidi suadet Amurathi IV. Imp. lapidibus pene obruitur per seditiones; frustatim conciditur 7.
Achmetes II. fit Imperator 319. Chalilem Vezirium confirmat 323. cum Legato Angliae de pace confert 323. Chalilem exilio punit 328. novum Vezirium deligit nomine Alyum 329. hunc carceri mancipat; cur? Mustapham ei sufficit 338. bellum prosequi ardet; Vezirium aula proturbat 348. cedit Tokolio aliquot oppida ad oram Danubii 351. morbis obnoxius; unde oborti? 356. successori suo Mustaphae uxorem & liberos commendat; moritur Adrianopoli, cadaver Byzantium avectum 357.
Achmetes III. Mahometis IV. filius literas dat ad seditiones benevolentiae plenas; fit Imperator 412. seditionis authores suppliciis afficit; civilem, & militarem statum componit; Legatos mittit ad Europaeos Principes de Imperio obtento, & pacis conservandae studio 413. ad Peloponnesum oculos conjicit; bellum Moschis indicit 414. post unam expeditionem pacem facit 415. in castra proficiscitur 417. Vezirium victorem muneribus colit, filiam eidem in matrimonium dat 421. pacem per Caesareos ru-

Imp. Ottom. Tom. II.

ptam Byzantii vulgat 423. post insaufum praedium, & amissam Temesiam belli suaves suffocari jubet; pacem optat; cum Wortlao Angliae Oratore consultat; bellum apparat 433. Archichalassum exilio mulctat; cur? 434. audita clade suorum, classem Byzantium festinare jubet 437. perduto Belgrado armorum cessationem exoptat; pacificatores Passarovicium mittit 447. conditiones pacis probat 448.
Achmetes acclamatur Vezirius a militibus 411. ad inaugurandum Imper. abit Byzantium 412. cum Moschis aequo Marte congressus, castra eorum impugnat; rursus suas copias in campum educit; pacem init? triumphans Byzantium ingreditur 417.
Achmetes Dephterdar Vezirius dictus, in Cretam militem, & annonam mittit 27. Mustii militem per suos satellites ad Ibrahimum raptat 29. a Janicfaris propterea suffocatur 30.
Achmetes Vezirius Capello Reip. Venetae Legato duras conditiones pacis dicit; cum Byzantio exesse jubet, & Adrianopoli custodiae tradit 36. Venetis infestus minatur; classem alteri gubernandam committit; Purpurati ejus ignaviam fugillant; exauctoratus subinde strangulatur 37.
Achmetes fit Vezirius, Mustaphae II. Imp. fidus 358. cum triumphante Imp. Byzantium ingreditur 362. ad Szentam in pugna cadit 373.
Achmetes Kiuperlis vicario nomine Byzantium gubernat 49. a morte sui parentis fit Vezirius; Janicfarorum Agam, & Mustium exilio mulctat; Imperatori graciosus 50. exercitum movet in Georg. II. Rakoczi Transylv. Principem; Jenam subigit; pacem init cum Transylvanis 54. Varadinum expugnat; Barsajum regendae Transylvaniae praeficit 55. in Daciam copias movet; Apassium Principem Transylv. constituit 56. bellum denunciat Goefio Oratori Caesareo; Essekinii deliberat, utrum Illyricum, vel Hungariam petat? 57. odium ejus in Nicolaum Zrinyium; Goefio conditiones pacis iniquissimas affert; Danubium ponte committit ad Strigonium; Adamum Forgachium acie vincit; ad vastandam Hungariam, & Moraviam suos dimittit 58. Uivarinum deditione accipit 60. Neo-Zrinyiam expugnat 62. audita suorum caede ad Arabonem fluvium copias rapit; pars earum in ripam adversam evadit; praedio incalescente plures submittit 63. caduntur a Montecuculo; clades tribuitur imperitiae ejus; numerus intersectorum; acceptis supplementis Uivarinum petit; inducias paciscitur cum Renningero; blanditur sibi de expeditione Hungarica 64. Leslaum M. Leopoldi Legatum Belgradi jubet subsistere; pace confecta militem in hyberna dimittit 65. deliberat in speciem de bello Veneto 66. classem in Cretam mittit 67. 68. Venetos de pace compellat; Candiae oppugnationem infert 68. novam Candiam, aliaque castella diruit 69. agit de pace cum Oratore Veneto

71. hyemis tempore ad Candiam hæret; ejus epistola de rebus gestis in Creta 72. terrestrem oppugnationem in maritimam commutat; opera castrensia ad mare deducit; ipse lignonem tractat 73. vetat mentionem pacis fieri in castris, Molinum Oratorem Venetum in Cretam deportari jubet 75. acrius instat Candia; increpitus ab Imperat. in morbum incidit 76. iterum agit de pace; monetur ab Imperat. ut molliores condiciones Venetis proponat 77. supremam impressionem cum Janicariis facit 79. Candiam deditione obtinet; quibus conditionibus? urbem ingreditur; movetur loci excidio; victoriæ nuncios Larissam, & Byzantium dimittit 80. Oratorem Polonium contemptum habet 85. Cosaccorum partes tuetur 86. 87. ad bellum Polonicum proficiscitur cum Imperat. Cameneci Gubernatorem monet de præsidio tradendo 89. dissuadet Mahometi nimium venandi studium 92. fugitivos in castra recipit 94. sinistra valetudine usus Imperii negotiis abstinere 100. moritur; mæror militum 103. ejus vitia & dotes animi 104.
- Achmetes** Peloponnesi Præfectus navigia colligit adversus Venetos 25.
- Achmetes** Schelebis Ducem Lotharingum interpellat de pace; ejus oratio 198. rejicitur; Leopold. Cæsarem convenire cupit; Comaronii jussu subsistere, legationis capita Mininskio Interpreti exponit 199.
- Adamus C. Battjani** ad solvendum Kis-Comaronium festinat; Kanisiensem agrum vastat 52. Turcas cædit 146. 217. naves Turcarum occupat ad Budam 217. Provinciale militem in castra adducit 238. ad Slavoniam recuperandam cum Hungaris abit 242. Albam Regalem oppugnat, & capit 276. Kanisam expugnat; dictum ejus ad Gubernatorem Turcam 303. fit Banus Illyrici; Maydanium præsidium capit; cædes oppidanorum 344. Uranogræcium, aliaque munita loca Turcis eripit 368. Bihaesium oppugnat 375.
- Adamus C. Forgách** Uivarini Gubernator Turcas aggredi statuit; consilium mutat Pio Marchione obnitente; aciem struit; prælio vincitur; numerus Cæsorum 58. Uivarinum propugnat 59. seditione oborta facit deditionem; quot Turcarum perierint? 60.
- Adamus Henricus B. Steinavius** Venet. copiarum Imperator 351. ad Argos prospere dimicat cum Ibrahim; iste beneficio noctis in tutiora se recipit 363. Mezzomortis classem tormentis impetit 368.
- Adamus C. Zrinyi** ad Szalankemenum a Turcis cæsus 322.
- Adrianopolis** conflagratur 9. Mahometem IV. Imp. inter plausus excipit 49. ejus salubritas 49. civium lætitia ob pacem confectam 400.
- Æneas C. Caprara** velitationem ad Petronellam commissam Leopoldo Imp. narrat 135. primus Turcarum aciem impellit ad Vienne 144. celebratur a Lotharingo 174. curam exercitus ad Budam suscipit 175. Uivarino oppugnando imponitur 192. assultu capit 195. Cassoviam obtinet; Carassam in Daciam expedit cum parte exercitus 303. suppetias impedit Budensibus 221. fit Legatus Electoris Bavari 276. Serviam Leopoldo Imp. asserit; cur Bulgaris non miserit auxilia? 279. jubet Petro-Varadinum muniri 348. ad Illokium castra ponit 359. absente Electore Saxonie copiis præest; legiones in stativa dimittit 367.
- Africani** Venetam navim capiunt cum aliquot Nobilibus 49. auxilium ferunt Mahometi IV. Imp. 183. 253. turbas domesticas alunt 402. eorum navigia Turcicis junguntur 417.
- Agria** obsessa a Doria Marchione 237. traditur 243.
- Agrienses** Turcæ vicinam regionem populantur 52. cæduntur a Semsejo Tribuno 237.
- Aga Maurus** stimulat Kara-Mustapham ad accelerandam expugnationem Viennæ 140.
- Albania** populus conspirat in Turcas 25. Venetorum arma implorat 283. Solymanum Albania Præfectum clade afficiunt; Cornaro spolia mittunt 284. ad Piccolomineum videndum accurrunt 293.
- Alba Regalis** obsidetur a nostris; cives penuria rerum laborant 275. deditur; quæ fortuna hujus urbis 276.
- Albertus C. Caprara** legatione fungitur Byzantii; simulata humanitate accipitur a Vezirio; agit de pærogandis induciis; iniquæ condiciones ei proponuntur 122. 123. Vezirio pacis violationem exprobat 128. admonet Leopoldum Imp. de bello Turcico 129.
- Albertus Wenceslaus Wallensteinus** Berlenium obsidione Neogradi depellit; ab isto deluditur 17.
- Alexander Alcenagus** Venetus absente Königsmarkio oppugnationi Navarini præest 259. ad Naupliam glande confixus obiit; ejus militaria facta apud Rempub. 261.
- Alexander Bonus** Peloponnesi Gubernator urbi Naupliæ opem fert, montem Palamida defendit; Salium Tribunalum in custodiam dat; cur? ferro percussus cum quibusdam Nobilibus captus ad Achmetem III. Imp. mittitur; animi mærore contabescit 418.
- Alexander Borrius** Tenedum impugnat; pulveraria turri succensa deditionem maturat 44.
- Alexander Marchio S. Andreæ** Candiam defendit 71. maritima munimenta propugnanda suscipit cum Bernardo Nano; incendio grassante stationes firmat 74. in consultationem, & armorum societatem non admittitur 78.
- Alexander C. Károly** Tartaros profligat 445.
- Alexander Maurocordatus** linguarum Interpretes in aula Turc. Chmelniezkium Byzantium deducit 107. legatur ad Badensem pacis ineundæ causa 234. ad Leopoldum M. eadem de causa 286. nihil impetrat; cur? 287. Legatorum Angliæ, & Hollandiæ Interpretem agit 332. Carloviczii de pace tractat 385. titulos honorum sibi arrogat 387. modum redimendi captivos Christianos describit 395. ob pacem confectam honoribus, & stipendio augetur 400. ejus filius Nicolaus Princeps Valachiæ fit 416.
- Alexander Molinus** Creta insula Turcarum supplementa arcet; classem hostilem partim fugat, partim capit; Ramadanis Begi navigia mergit; ipsum cum filio captivum mittit Venetias 70. negat Candiam dedendam 79. mare Ægeum infestum reddit; coorta tempestate duo navigia perdit 254. Algerienses persequitur 257. fit Prætor Dalmatiæ 296. militem suum cladi eripit 297. præfecturam classis accipit 363. ad Argos fat felici-

felicius pugnat *ibid.* hostium classem tormentis infestat 368. ter sat prospere cum Mezzomorte configit 375. ad Andrum insulam lustrat militem; angustias Hellepontii obsidet; certamen Turcis indicit; classem dividit 380.

Alexander Papa VII. Venetis auxiliatur 46.

Alexander Papa VIII. ære, milite Venetos juvat 311. naves expedit 312. ob ejus mortem retinetur classis Pontificia in Italia 326.

Alexander Valier Venetus ad Epidaurum fauciatur 296. acre certamen contrahit; navigio uno amisso, se cum altero captivum tradit; Cretam avehitur a Turcis 311.

Alexander Princeps Wirtenbergicus ad Petro-Varadinum felix pugnae initium facit 424. sinistram aciem Turcarum in fugam vertit; Temesiam cum Pálffy claudit 425. Palankam expugnat 426. in pugna ad Belgradum peditatui præest 442. equitibus maturum auxilium fert; Janicfaros in ultimam munitionem retrudit; ibi cædes, & victoria 443.

Alexius Simon Scheynius Moschorum Ductor internecione cædit Turcas, & Tartaros 377.

Aloysius Ferdin. C. Marsilius, seu Marsiglius Moravæ anni pontem imponit 292. & Danubio 293. a Leopoldo M. nominatur Pacificator 379. in via supellectili sua spoliatur; limites provinciarum describit 400. aggerem jacit in ripa Savi; a Turcis fossiles invadentibus occiditur 440.

Aloysius Mocenicus in Dalmatiâ rem prospere gerit 437.

Alys Africanæ classis Archichalassus Laurentum invadere cogitat; vento in altum rejicitur; maritima oppida populatur; Lissæ imminet; tempestate repellitur 22.

Alys Temesiæ Præfectus pacificationis negotium de industria protrahit; simulata fide capita pacis signat 56. æmulum habet Budensem Gubernat. Ismaelem; frustra suadet Kiuperli Vezirio expeditionem Illyricam 57.

Alyus Vezirius Achmetem III. Imp. in Venetos inflamat; ejus oratio 415. Mustium, & Agam Janicfarorum exilio mulctat; tempestatem commovet in Brankovajum & Cantacuzenum; bellum apparat; in Pélöponnesum movet exercitum 416. Legatum mittit Viennam; belli Veneti causas edit; Corinthum oppugnat 417. per dolum eam capit; Naupliam obsidet, & assultu capit; in cives, & præsidarios sævit; Methonen subjugat; classem in insulam Cretam navigare jubet 418. filiam Imperatoris in conjugem accipit; Jancongiam præfectura classis movere contendit 421. ejus superbium responsum ad Oratorem Cæsareum 422. robur exercitus in Cæsareis movet; Savo fluvio appropinquat 423. castra Eugenii Principis infestat; aciem instruit; peditatum nostrum repellit 424. pugna victus occumbit 425. quantus numerus cæsorum ex utraque parte 425.

Alyus Mesopot. Prætor fit Vezirius 329. copias in Serviam dimittit; Belgradum munit 331. in Hungaria excubat; celebratur a suis, quod nullam cladem acceperit; pacis causa Belgradi dimoratur 332. cum pompa Adrianopolim intrat 333. jussu Imperatoris in vincula conjectus; cur? 338.

Alyus Tripolit. Begus Vezirius nominatur;

bellum apparat; ad Petro-Varadinum Christianorum castra, classem & pontem impetit; Archichalassum præfectura exuit, dein singulari jubet 348. nostros arte obfessos tenet; conclamatis vasis subito discedit, cur? 350. quantum numerum armatorum amiserit 351.

Amidshaogli Kiuperlis Vezirius fit 377. ad Belgradum metatur 379. inducias promulgat 384. a seditiosis exauthoratur 411.

Amurathes Archichalassus pugnam vitat; ab Imp. increpitus, ad Helleponti angustias classem propellit 38. transfuga ei pandit, quid firmum, quid debile apud classem Venetam *ibid.* prælio maritimo concurrat; æquo fere Marte dimicat; quot occubuerint ex utraque parte? Ægeum mare percurat 39. Vezirii dignitatem obtinet 40. Byzantini tumultus causa habetur; in ordinem redactus, non sine suspitione veneni mortem obit 41.

Amurathes Janicfarorum Aga vitam adimit Mahometi Vezirio; ipse hoc munus occupat; Oratori Veneto vincula demit 32. Spahiis Janicfaros opponit; eos sine pugna in castra cogit redire 35. in Seniorem Soltanam conspirat; successorem accipit Achmetem 36.

Amurathes IV. Impér. quibus animi dotibus instructus regnare cœperit? Calilem fidum ministrum in aulam evocat 1. bellum Tartaris infert; Chami filium frustra conatur in Crimæam reducere; in Persidem copias mittit 3. 4. 6. Giosulem Vezirium exauthorat; Achmetem Vezirium creat 7. seditiosos alios mari mergi, alios obtruncari jubet 8. ejus sollicitudo ardente Byzantio; Mustium, ejus filium, aliosque enecat; Legatos Principum Christianorum vexat 9. in Persas ducit populabundus, Byzantium redux triumphat 10. Præfectos militum seditiosis auctores occidi jubet 11. grandem exercitum in Persas movet, frigoris, caloris patiens, more Janicfarorum vestitus 12. Bagdatum cingit, crebrisque urget assultibus 13. deditione capit; toto Imperio victori applauditur 14. virtutem bellicam Præfectorum remuneratur 15. Mustapham Achmetis I. Imp. fratrem occidi jubet; triumphum agit de Persis 15. Betlenio multum favet; pacem prorogat Ferdin. II. petente 16. Betlenium deserit; Georgio I. Rákoczio insignia principatus mittit, & auxiliares copias 17. moritur; ejus vitia 18.

Ancyra urbs a seditiosis Turcis diripitur 290.

Andreas Barclai Achatii frater pugna vincitur a Transylvanis; captus necatur 55.

Andreas Barozius transfuga Candiam prodit 73.

Andreas Cornarus Corcyrensis auxilio est; partem classis Pisanus ei tradit; pugna navali victor concurrat cum Turcis 429. ob servatam Corcyram Italiæ laudes aufert 432.

Andreas Memus Venet. Legatus monet Remp. de bello imminente; vili hospitio includitur; libertatem recuperat 416.

Andreas Pisanus fit Venetæ classis Imp. 421. jubet Cornarus Corcyrenses tueri; partitur cum eodem classem; Corcyræ opem fert; navali prælio cum Turcis congregitur 429. male eos mulctat 430. insulam S. Mauræ occupat; ob Corcyram servatam
LII 2 enco-

I N D E X.

- encomiis celebratur 432. auxiliares naves ad Corcyram accipit 435. navale prælium committit 436. quis prælii exitus 437. Nicopolim cum omni præsidio suæ potestatis facit 437.
- Andreas Potoczki Turcas & Tartaros profligat** 156. morbo correptus castris abstinet 267.
- Angelus Bembus** quatuor navagia adimit **Ve- zirio** 44.
- Angelus Emus Dalmatiæ Prætor Morlachos & Dalmatas** in arma concitat; Seraskerium oppugnatione Sfingæ depellit 420. præsidii, & Morlachis de re frumentaria solers providet; milites Corcyram immittit 428.
- Anselmus Fleischmanus Orator Caroli VI. Cæsaris Augusti apud Achmetem III. Imp.** 417. admonet **Vezirium**, ne pacem rumpat; abitum paranti Byzantio vis inferitur 422. Belgradi libertatem recipit 427.
- Antonius Barbarus Judicium sententia absolvi- tur** 48. Candiam propugnat cum **Marchione de Villa**, eorum æmulatio in discordias erumpit 69. propugnaculum, panigra appellatum defendit; frustra suadet **Mor- sino** discessum ex urbe Candia 70. ab hoc dissidet; **Wenetias** revocatur; ei succedit **Bernardus Nanus** 71. Dalmatiæ Curator **Morlachos** jubet arma ponere 81.
- Antonius Benuissius** navali pugnae prosperum finem imponit; in Ordinem S. Marci re- latus 435.
- Antonius Canagettus Bosniam** populatur 376.
- Antonius C. Caraffa** copias **Leopoldi M.** in Transylvaniam ducit 203. **Munkacsinum** obsidet 205. sanum S. Jobi ad **Varadinum** expugnat 215. superiori Hungariæ prospicit 216. conjuratos plectit 236. **Lippam** subigit 276.
- Antonius Cardosa Venetus a Turcis** occidi- tur 418.
- Antonius Loredanus** assilientes **Turcas** arcet 431. in Ordinem equestrem D. Marci re- fertur 432. insulæ S. Mauræ succurrit 434.
- Antonius Marinus Capellus Lyssam** tuetur; classem **Turc.** vincit 22.
- Antonius Molinus Livadiam Achajæ urbem** assultu capit 363.
- Antonius L. B. Petraschius** capitur a **Turcis**, ad VII. turres deportandus 447.
- Antonius Pisanus Zemonicum Dalmatiæ ur- bem** cum Gubernatore intercipit 27.
- Antonius Raschianus** suos populares conquirit 302. jubetur a **Veteranio** in **Valachiam** ir- rumpere 306. secundas excursiones facit; evincit apud **Leopold. Imp.** ut **Raschiani** in legiones distribuantur 324.
- Antonius Zenus** copiarum **Imp. Chium** insu- lam petit; tempestate jactatur; urbem **Chium** oppugnandam decernit; suburbia occupat 354. tum præsidium & naves 355. classem **Turc.** in fugam conjicit; duas na- ves per incendium amittit; ad **Phocæam** VII. hostiles mergit, & tres capit 362. im- maturo consilio urbem **Chium** & portum evertit 362. præfectura movetur 363.
- Apaffi, Vide Michael.**
- Apparatus belli Turcici** 12. 72. 131. 157. 161. 184. 213. 314. 315. 371. 433. **Hun- garici** 126. 164. 183. 185. 216. 314. 315. 331. 437. **Veneti** 32. & seq. 252. 311. 326. 344. 421. **Moschovitici** 92. 298. 376. 401. **Perfici** 19. **Classis Turc.** 38. 185. **Venetæ** 69. 252.
- Arabes tumultuantur** 339. ad obsequium re- deunt 340. pontes **Danubio** impositos fol- vere moluntur 349. rebellant; placantur literis **Imp.** 371.
- Arebus Hung. Seraskerius Jeghenum** oppri- mit 289. militem contrahit in bellum **Hung.** 291. ad **Patafinum** excubat; pugna victus castra amittit 292. iterum 293. resse vitam finit 494.
- Arelchotus Dux** fauciatur in pugna **Szalan- kem.** 321. inter curationem exinguitur 321.
- Ariezaga Palotam** capit 245. **Albam Regalem** circumvallat, & obtinet 276.
- Armamentarium Candiæ** eversum 74. **Came- neci** 90. **Belgradi** 441.
- Armenus** apud **Leopold. M.** pacem nundina- tur; ejus oratio 188.
- Aspremontius** fit **Belgradi** Gubernator; suc- cessorem accipit **Ducem Croyum** 308. e lacero præsidio ægre vitam aufert 309.
- Assemburgus** classi **Danubianæ** præfectus 341. negat bellicas infra **Belgradum** sine clade deduci posse; navarchi metu bellicam amit- tit; ad **Semlinum** hæret 342. item ad **Pe- tro-Varadinum** 360. bellicas IV. naufragio perdit 366.
- Allovia** expugnata a **Cosaccis** 19. a **Turcis** obsidetur; eam evertunt ipsi **Cosacci**; in- staurant 20. ad tolerandam absid onem bel- le instruitur 92. **Moschorum** viribus fracta evertitur; instauratur per **Turcas** 95. ejus descriptio 364. a **Moschis** circumfidetur 365. deditione capta 370. in pacificatione **Moschis** cedit 402. 409. **Turcis** redditur 415.
- Astius Baro** assilit suburbium **Bodense** 171. **Uivarinum** 195. auxiliares copias in **Bu- densi** suburbio fundit; in suprema aggres- sione cadit 222.
- Athenæ** urbs se dedit **Königsmarkio** 264.
- Auerspergius Princeps Bihacium** oppugnat; in assultu cladem accipit 375.
- Aulon** urbs **Albania** a **Turcis** obsidetur; a **Venetis** incensa deseritur 326.
- Avaritia Caimacanis Byzantini** 19. **Purpura- torum** 21. **Mahometis IV. Imp.** 232.

B.

- B** Abocsa a **Nicolao Zrinyio** capta 60.
- Babocsajus** legionis **Hung. Tribunus** **Tur- carum** adventum **Pálffy** significat 426.
- Baderlinus Moschoviæ Legatus** ad **M. Leo- poldum** 116.
- Badoarus, Vide** **Barbarus, Jacobus, Joannes, Marinus.**
- Bagdatum Turcæ** obsident 3. cladem passi discedunt 4. iterum, iterumque obsidetur 6. 13. quantus numerus defendentium? *ibid.* deditur **Amurathi IV. Imp.** 14. mi- lite firmatur 15.
- Bagosi Tartaros** fundit 445.
- Bairames Purpuratus** **Vezirii** munus invitus accipit 11. **Amurathem IV. Imp.** in **Syriam** deducit; ob laxatam militarem disciplinam correptus contabescit.
- Ballarinus, aliis Bellarinus, Capello Legato** **Veneto** a secretis, de pace igit; **Candia** spem concordia abruptit 41. ad trium- phum **Turc.** inspicendum evocatur; jussu **Imperat.** scribit ad **Remp.** de negotio pa- cis 46. **Vezirius** idem recoquit 51. bellum denunciatur **Venetis** 66. in **Cretam** accersi- tur; moritur in via; sumptibus **Reip.** elatus 68.
- Ballius**

- Ballius Bella Fontana** auxiliaribus navigiis præest 435. classem Turc. persequitur 436.
- Barbarus** Vide **Antonius**, **Franciscus**, **Jacobus**.
- Barbarus Badoarus Lazari Mocenici** mortem ulciscitur; nobilem victoriam de Turcis refert; morbo oppressus extinguitur 45.
- Barclajus** Vide **Achatius**, **Andreas**.
- Barfufius Borufforum Ductor** mediæ aciei præest ad Szalankem. 320. Sauravii C. sinistra alæ suppetias fert 321.
- Barkoczius Tribunus Varadini** suburbia exurit; Tököllo metum obsidionis incutit, Tartaros ad Szegedinum cædit 226.
- Basilius Galicinus** numerosum militem in Turcas educit; fame pressus copias retrahit; Samuelovichium Cosaccorum Ducem, prodicionis reum peragit 270. in Tartaros movet 298. ad Istrum eos fundit; reparatis viribus eum clade afficiunt 301.
- Basilius Lupulus** Vajvoda Moldaviæ in fugam agitur a Rákoczio 51.
- Battyáni** Vide **Adamus**.
- Bavari** obsessæ Viennæ succurrunt 143. in castra Turc. irrumpunt 145. portam Budensem arcis Strigon. oppugnant 154. lætus eorum adventus in castra Buden. 176. Spahios castra percurfantes sistunt; in muros aliliunt 177. clade afficiuntur 179. Uivarinum assultu obinent 195. in oppugnatione castelli Budensis multum laboris & periculi subeunt 217. semilunam castelli occupant 219. in ruinis cruentum certamen contrahunt 220. captis stationibus dejiciuntur 220. castellum denique expugnant 223. Belgradum impugnant 341.
- Bectes Purpuratus** in seniore Soltanam conspirat; globo Janicsarorum succinctus, eam suffocat; novarum molitionum manifestus eodem mortis genere suffertur 36.
- Bekius Tribunus Vifsegradi** arcem tormentis quatit 167. Turcas incurrentes ad Budam sustinet 171. Thingenii successor in Gubernanda Buda, supplicio afficit proditorem urbis 237.
- Belgradi suburbia Jeghenus** succendit 277. urbs per assultum capta a Bavaro; ejus depopulatio; numerus caesorum 278. munitur ab Hoffkirchio 291. a Badensi milites accipit 306. vi pulveris in ruinas actum Turcæ occupant 309. obsidetur nostro exercitu 341. assultu frustra tentato obsidio solvitur 344. difficultates Belgradum obsidendi 438. obsidetur; præfidiarii spem habent urbis conservandæ; pontem moliantur destruere; terra & aquis clauduntur 439. infestatur igniariis ollis; incendio fœdatur 441. deditur 444.
- Bellum Tartaricum** 2. Persicum 3. 12. Venetum 23. 65. 251. 255. 262. 417. Africanum civile 348. Polonicum 9. 83. 100. 132. 266. 364. Moschoviticum 83. 105. 270. 300. 370. 382. Hungaricum 51. 61. 117. 128. 422. Civile Turcicum 40. 46. 289. 339. 411. Dalmaticum 25. 251. 254. 261.
- Bernardus Nanus** Candix munitiones maritimas defendendas suscipit; ictu glandis prostratus militum mœrorem auget; viri militaria facta 74.
- Besir**, aliis **Bechir**, **Maurus Mustapham Achmetis I. Imp.** fratrem occidit 15. classi gubernandæ præponitur 21. Venetum Oratorem eludere conatur; Caneam urbem violatis pactis vastat 24.
- Imp. Ottom. Tom. II.*
- Betlen** Vide **Gabriel**, **Stephanns**.
- Bihácsium** a nostris incassum oppugnatur 375.
- Blumenthal L. B.** ad Budam occumbit 175.
- Boguslaus Chmelnizki Cosaccorum Dux** ad Suecum deficit; redit in concordiam cum Polonis, & pristinam dignitatem retinet; homo iniquus Polonos deserit 42. præliis superior per Russiam grassatur; cæsus, reparatis viribus Podoliæ partem sui juris facit; Regem Casimirum premit 83. ad obsequium redit; rursus in arma coortus vincitur; vivere desiit 84.
- Bonvicinus Venetus** hostium naves fugat, & certamen dirimit 380.
- Borussi** ad Budam 217. hostem displois fistulis disjiciunt 218. partem murorum eripiunt 219. turrin amittunt 220. ad Semlinum Cæsareis se jungunt 319. ad Essekinum 331. Belgradum oppugnatum veniunt 341. in assultu aliquot Præfeti conficiuntur 341. in castra Cæsarea veniunt 448.
- Brandius Tribunus Polon.** Tartaris stragem infert 347. Camenecenses præfidiarios terreat 355.
- Brankovajus Valachix Princeps** a Tököllo, & filio suo accusatus apud Turcas, absolvitur 330. veneno suffertur; succedit filius 340.
- Brodium** per Croyum Ducem subigitur 326.
- Brunsvicenses** Candiam strenue defendunt 75.
- Buda** describitur 170. obsidetur a nostris; suburbia capiuntur 171. machinis imperitur; Turcæ repugnant 174. flumentanas turres frustra invadunt nostri; numerus caesorum 175. 180. liberatur obsidione *ibid.* rursus eingitur 216. e duobus potissimum locis infestatur; oppidum inferius hosti eripitur 217. præfidiarii cum clade nostros rejiciunt; quot cæsi? 218. 219. ferro & igne muros tuentur *ibid.* læti victoria 220. supremam aggressionem imperterriti sustinent 222. victi repelluntur in castellum; quot capti, & occisi? quantum prædæ repertum? 223. quoties capta, obsessæ; quantus numerus caesorum Christianorum 225. prodicione fere perit 237.
- Bulgari** in libertatem semet asserere nituntur auctore Petro Parchevicio Archi Præsule Martianopolit. 41. detecto fœdere variis suppliciis mactantur; in Hungariam non pauci se recipiunt; in Turcas iterum conflurgunt 43. vestigales sunt primariæ Soltanæ 233. præda sunt Jegheni Seraskerii 278. auxilium. orant Caprarum adversus Turcam; suas copias Cæsareis immiscunt 279. castra faciunt ad Cutlavizam; Turcicum agrum populantur; a Tököllo cæduntur; castra amittunt; Chiprovazium virili animo defendunt; ab eodem Tököllo expugnati sine discrimine trucidantur 280. novas sedes in Hungaria quærunt; varia fortuna Bulgarorum 281.
- Bulgaria** vastatur 41. præsidio Janicsarorum munitur 43. uritur a Turcis 278. 280.
- Buquoja** legio concisa 320.
- Buquojus** in pugna Szalankem. interfectus 322.
- Buzinium juris C. de Keglevics Dunewaldus** Turcis eripit 243.
- Byzantii**, seu Constantinop. seditio 7. auctores illius plectuntur in foro 8. e prælio fugitivi ibidem mactati 10. Byzantium impugnant.

pugnandum suadent nonnulli in Veneto Senatu 33. turbæ duas inter Soltanas 35. seditio 40. 41. seditiosi puniuntur 44. pestis sævit 49. seditio vires capit 272. urbs conflagratur 273.

Byzantini populationem suarum fortunarum metuunt 8. signa lætitiæ inviti edunt ob victoriam Amurathis 14. tumultuantur causa Helleſponti obſeſſi 27. lætitia eorum audito clāſſis Venetæ infortunio 28. hæc multum imminuitur, validiore clāſſe Helleſpontum obſidente 29. timent obſidionem Byzantii 43. lætantur Imp. Adrianopoli rediſſe 98. Imperatori obviam procedunt; mœror eorum e diſceſſu Imp. 99. populationem timent 248. 290. urgent Archithalaſſum, ut Corone urbi auxilium ferat 257. eorum officinæ a milite ſeditioſo direptæ 272. arma rapiunt in ſeditioſos 273. deſenſionem urbis adornant 290. timent exercitum Moſchorum in Crimæam tendentem 299. Szalankemenſi clade percelluntur 323. viſis Conſœderatorum Legatis exultant 404. in Muſtium, & Imp. ſeditionem commovent 410. pacem exoptant; infelicis belli authores inſectantur 433. amiſſo Belgrado triſtes 446.

C.

CAffa, ſive Capha urbs Crimææ præſidio Turc. inſidetur 2. a Tartaris capta Turcis reſtituitur; qua conditione? 3.

Caimacanes Byzantinus inproſperæ expeditionis author capite truncatur 18.

Calil Osmanis Imp. fidus miniſter in aulam revocatur 1. bellum in Tartaros diſſuadet 2. cruentum bellum pace componit 3. Vezirius dictus ſupplementa militum in Perſidem ducit; Taurim urbem ſubjugat; Bagdato copias admovet; indecoram pacem init cum Perſis; dignitate deſectus, auro necem redimit 4.

Cameli in pugna capti 163.

Cameneum præſidium Podoliæ clauſum a Turcis; traditur Mahometi IV. Imp. 90. armamentarium vi pulveris nitrati evertitur *ibid.* ſolvitur obſidione 95. Armeni, & Hebræi in ditionem Turcicam deportantur 96. præſidarii tumultuantes ære placantur 297. inſidiis tentatur 298. Polonis cedit in pacificatione 392. traditur iisdem 401.

Candia urbs Cretæ a Cuſſaine circumſidetur 29. novis copiis & operibus arctius clauditur; obſidio laxatur 32. præſidarii languent metu munitionis excitatæ; prodicionem averſantur 34. obſidione liberantur 37. Veneti militem injiciunt 67. Kiuperlis propius militem admovet 68. numerus obſidentium; deſendentium 69. 73. præſidarii caſtella ad portum erecta impetunt 73. noſtis beneficio ſuppétias accipiunt 74. minus armamentarium evertitur 74. infelix Gallorum eruptio; unde clades accepta 77. numerus præſidiariorum; irrumpentes Janiſcari repelluntur; conſultatur de urbe dedenda 79. deditur; quibus conditionibus; ejus ruina ſolitudo 80.

Canea urbs Cretæ a Turcis ſubaſta vaſtatur 24. Veneti eam obſident fruſtra 25. Mocenicus inſidias ei ſtruit 33. Marchio de Villa eandem infeſtat 67. ejus deſcriptio 334. quanta cura cuſtodiat a Turcis; oppugnat a Venetis 334.

Cantemir Turcar. Duſtor a Tartaris clade aſſeſtus 3.

Capellus vide Anton. Joannes.

Caplanes Vide Kaplanes.

Caprara Vide Æneas, Albertus.

Capſan Archithalaſſus Turc. aliquot navigia in Cretam adducit; Grimani induſtriam eludit 67. rurſum militem, & annonam eo deportat 70. 71. Parum inſulam evaſtat 70.

Captivi Chriſtiani a C. Nicolao Eſzterházi liberati 16. Veneti Byzantium abducti 37. liberati in pugna maritima 43. Hungari Daci & Moravi abrepti in ſervitutem Turc. 53. 59. a Nicolao Zrinyio libertati redditi 60. Poloni a Tartaris & Coſaccis aveſti 84. 364. a Turcis 96. ſolſiones facere adiguntur ad Viennam; contrucidantur per ludibrium 138. liberantur a Croatis 311. a Tartaris in caſtra compelluntur 350. libertatem recuperant Cicluri 352. & in urbe Chio 355. de redimendis agitur 395. in inſula Corcyræ multi libertatem recuperant 432.

Captivi Perſæ 10. 15. Turcæ 26.

Carabaſa urbs Cretæ Turcis proditur 334.

Caraffa Vide Antonius.

Carloviczus Strigon. arcis Præſectus 155. vulneratur ad Parkanum 167. cadit in obſidione Budæ 171.

Carloviczium Sirmii oppidum; de pace tractatur 384.

Carolus Chriſtianus Dux Holſatus in ſtativa abit 295. ad Szalankem. ſuam & Neoburgicam legionem Turcis opponit 320. ad vallum caſtrorum vitam ponit 322.

Carolus Hannoveranus pugnam diſſuadet Straſſero 301. fortiter dimicans cadit 302.

Carolus Eugenius Dux Croyus peditatum movet in hoſtem ad Parkanum 152. in obſidione Budæ Valleniſi portæ infeſtus imminet 172. fit Gubernator Belgradi; obſeſſum a Turcis ingreditur; ſpem facit militi protrahendi deſenſionem in hyemem 308. convulſo Belgrado vi pulveris pyrii, ægre vitam ſalvat 309. Eſſekinum defendit; eruptione facta Turc. opera excindit; militari aſtu eos obſidione depellit 310. Sclavoniam jubetur curare 324. Brodium, aliaque loca Cæſari aſſerit 326. Savo pontem injicit; Belgradum in pugnat 341.

Carolus Piſanus Venetos hortatur ad fortiter dimicandum 436.

Carolus Ruzzinus pacis cauſa Carloviczium miſſus 385. de limitibus provinciarum litigat 392. conſulit Rempub. 393. firmus perſiſtit in ſuis poſtulatibus; paciſcitur; ap-poſita conditione ſignat tabulas pacis 394. ad Achmetem III. Imp. legatur 415. Paſſaroviczii pacis concludendæ cauſa adeſt 446.

Carolus XII. Rex Suecorum Moſchos cædit 409. rurſum in Moſchos ducit; Pultavam oppugnat; in pugna fauciat ægre manus Moſchorum evadit; quantam cladem acceperit; Oczakovium Turcici juris præſidium ſe fuga recipit 414.

Carolus VI. Imp. Legatos Venetæ Reipub. de bello inferendo Turcis audit 416. Fleiſchmanum expedit Byzantium; quæ dederit mandata 417. ſœdus icit cum Venetis 422. bellum in Turcas apparat 423. 437.

Carolus V. Lotharingus ſupremus copiarum Dux Strigonii ſitum explorat; Comaomium retrahit militem; præſidia aliquot munit;

- munit; firmis castris se tenet 133. in Csaloköziam insulam, dein Rosaviam, Petronellam exercitum reducit 134. Tartaros spoliis onustos fundit, fugatque 135. item Tökölum, subinde Turcas 141. aciem ad Viennam instruit 143. castris hostem exuit 144. laus illius; Regem Polon. in urbem Viennensem deducit 145. præ Uivárino Strigonium oppugnandum censet 150. Polonis ad Parkanum auxilio est 151. Turcas fundit 152. Strigonium Cæsari subiecit 155. castra metatur ad Nitram fluvium 165. dein ad Parkanum 166. Visegradum capit 167. prælio superat Bodæ Præfectum 168. de obsidenda Buda deliberat; ejus oratio; pontem navalem Danubio injicit; celebratur trajectus omni Europa 170. Budam claudit 172. Seraskerium in fugam vertit; gregarios, & Duces sine discrimine nationum apud M. Leopoldum celebrat 173. flumentanas turres occupare nititur; febribus laborat 175. in Seraskerium movet 176. 178. tentatis assultibus obsidionem solvit 179. Uivarinum acri obsidione premit 191. partem copiarum rapit ad liberandum Strigonium 192. ingenti clade sternit Seraskerium 194. Budam rursus claudit 217. cella pulveraria accensa urbem dedi postulat 218. assultus ordinat 218. 222. Vezirium in fugam agit *ibid.* assultu urbem obtinet 223. Viennam abit 225. ponte sternit Dravum 238. castra castris Turcarum confert; Vezirium in pugnam allicere conatur 239. in campum patentem copias retrahit 240. universa acie confiligit 241. binis hostium castris potitur; Daciam in fidem M. Leopoldi accipit 242. febribus corripitur 276.
- Carolus Wallensteinus Legatus ad Polonos 129. foedus procurat adversus Turcas 132. Calparus C. Elsterházi ad Vezekinum occumbit 52.
- Casrefses Seditioforum Turc. caput occiditur 7.
- Cassovia intercepta a Tököllo 124. per Capram recuperatur 203.
- Castellius C. Varadinensi obsidioni præficitur 324. oppidum Gyulæ capit; arcis præsidarii nostros spoliis intentos oppido proturbant 330.
- Catharinus Cornarus milites mercede conductos Candix injicit 73. orto incendio stationes firmat 74. propugnaculum S. Andreæ tuetur; ictu majoris pilæ exanimatur; publica oratione Venetiis laudatur 76.
- Catharina Joan. Sigism. Septemviri Brandenburgici soror Betlenio nubit; dominatu Transylvaniæ dejicitur 17.
- Cauda equina ad fores palatii Imp. Byzantii depacta, apud Ottomanos belli denunciatio 88. 126. 422. 433. qua solennitate id fiat 126.
- Caunicius C. ad Electorem Bavarum Legatus 129. Leopoldo M. auxilia impetrat 132.
- Cecrinum Cosaccorum urbem principem Turcæ interciperi attentant 109. ejus descriptio; obsidione cingitur a Kara-Mustapha 112. capitur; pulveraria turris succensa stragem ædificiorum edit; urbem victor Turca ruinis sepelit 114.
- Chalcis urbs Eubææ impetitur a Venetis 283.
- Chalibes fit Vezirius; apparatus belli urget 441. Principis Eugenii castra obsidenda decernit; ea ollis ignariis impetit 442. fortiter pugnat; amissis castris fugit 444. præfectura exuitur 446.
- Chalil eligitur Vezirius 323. Tökölum, & Petroczium in vincula conjicit cur? utrumque libertati restituit 325. sævit in Purparatos; Muffio infestus; in exilium pellitur; ejus divitiæ 328.
- Chamus Tartar. Chmelniczki Cosaccorum Duci auxiliatur 83. eundem destituit 84. Mahometi IV. Imp. ad Tyram fluvium occurrit 89. domi se continet ob sinistram valetudinem; e Medici consilio in castra proficiscitur 95. insigni pompa castra Turcarum intrat 111.
- Chiprovazium Bulgariæ oppidum expugnatum per Tökölum; cives concisi 280.
- Chius urbs a Zeno, & Steinavio subacta 355.
- Chmelniczki Vide Boguslaus, Georgius.
- Christianæ Religionis in Turcia descriptio 396.
- Christiani Principes lenti succurrunt Venetis 24. probant decretum editum de bello Cretensi continuando; auxilia rari mittunt 46. pollicentur Leopoldo Imp. suppetias 132. accelerant iter ad liberandam Viennam; quantum armatorum numerum collegerint? 143.
- Chussaines Vezirius peculatus reus, fuga se subducit; ejus occisori V. aureorum millia decreta 1.
- Ciclutum deditione Veneti accipiunt; munitur novis operibus; Turcæ illud invadunt; a Cæsare Odo Marchione defenditur; cum eade hostium obsidione liberatur 352.
- Cimariotæ delusis Ottomanis se clientelæ Venetorum committunt 255.
- Circumcisio solennis Mahometis IV. Imp. filii 96.
- Cittadella Cassoviensis a Tököllo occupata 124.
- Classis Alexandrina a Melitenis, & Corsicanis expugnatur 92.
- Classis Confœderat. tempestate disjicitur; discordes Præfecti 25.
- Classis Danubiana Cæsarea a Turcica vincitur 320. ædificatur Fleuryo Magistro; quæta hæret 332. instauratur 433. custodit pontes 438. Schwendimanio Archithalasso Turcicam vincit; triumphat 440. 445.
- Classis Danub. Turc. Mezzomorti committitur 303. nostram vincit 320. quiescit 332. annonam vehit Belgradum 340. navigia nostra, & pontem ignibus divexat 349. Semendriam advecta 365. pars illius ad Titulium oppugnandum missa 366. vincitur a nostra 440.
- Classis Turc. Cassam navigat 3. tempestate disjicitur 22. incendio magnam partem deletur 32. in Cretam navigat cum milite 34. a Mocenico fugata Chium insulam petit 34. in fuga XXXIII. navigiis multatur 35. pugnam vitat; in portu Rhodio obsidetur 37. faventibus tenebris in Cretam venit 37. adornatur magnis curis 185. 348. 434.
- Classis Veneta mare infestum reddit 27. Prætoris fluctibus hauritur, magnitudo cladis 28. Hellesponti angustias deserit 33. tempestate jactatur 36. 354. aliquot navigia pereunt 47. apparatus ejus 345.
- Claudius Florimundus C. Mersî Pancsovam, & Uipalankam Turcis eripit 427. Donavicæ alveum

- alveum ampliolem efficit; tres bellicas per hunc alveum devehit 437. Danubium trajicit 438. munitionem cum strage hostium occupat 441. in pugna ad Belgradum dextro cornu præest cum Ebergényio 442. Pálffy auxiliatur 443.
- Clemens IX.** Papa auxiliares copias in Cretam expedit 71. 73. hortatur Principes ad opem ferendam Candia 72. 75.
- Clemens XI.** Papa Venetos ære juvat adversus Turcas 416. & navibus 417. 421. 429. ense, & pileum victori Eugenio mittit 425.
- Clissa,** præsidium Dalmatiæ, a Foscolo obtinetur 28.
- Cocinum** a Polonis receptum 94. Turcis deditur; contra datam fidem præsidarii trucidantur 95.
- Commercii** Princeps muros Uivarini affilit 195. in assultu Belgradi vulneratur 278. ad Szentam mediam aciem regit; abijt cum Eugenio in Bosniam 373.
- Comparatio** Amurathis IV. Imp. cum Nerone 11. ejusdem cum Britomaro 12. ejusdem cum Tarquinio 18. cladis Transylvanorum cum Cinenfi Romanorum 53. Achmetis Kuperlis Vezirii cum Tiberio Augusto 103. Rákocziæ Tókólii consortis cum Tella 121. Caraffæ cum Fulvio 236. Agriensium cum Carolinensibus 242. Ludovici Badensis cum Hannibale 322. Popilii cum Effendio 394.
- Conjuratio** in Ibrahimum Imp. 29. in seniore Soltanam 35. in Mahometem IV. Imp. 249. in Solymanum III. Imp. detegitur 255.
- Conradus Finkius** Turcis Budam prodere molitus 236. securi percutitur 237.
- Constantinopolis** Vide Byzantium.
- Constantinus Brankovajus Valachiæ Princeps** Byzantii cum omni sua familia excruciat; cur 416.
- Contareus,** seu Contarinus Vide Jacobus, Joannes, Ludovicus.
- Corcyra** a Venetis munitur 32. a Schulenburgio 428. impugnatur a Turcis 430. strenue defensa 431. liberatur obsidione; quo modo? quantum prædarum in castris repperit? 432. Ibrahimus Archithalassus eam ad ictum destinat 437.
- Corinthus** occupata per Venetos 264. dolo Turcarum iis ablata 417.
- Cornarus** vide Andreas, Catharinus, Hieronymus.
- Cornarus** machinator suis promissis minora præstat ad Budam 174. a Tartaris captus 323. fuga elabitur; narrat apparatus hostiles 331.
- Corone** urbs Peloponnesi a Morosino obsessa; ejus descriptio 356. assultu capta vastatur 257.
- Cosaccorum** incursiones prohibentur ab Amurathe IV. Imp. 3. in eos copias suas immitte 6. Assovia expugnata piraticam faciunt 19. Turcas obsidione Assoviæ depellunt; urbe excisa, pars in Moschoviam, pars in Poloniam se recipit; Assoviam instaurant 6. Rákoczium in Polonia deserunt 53. a Joanne Casimiro R. Polon. subjugantur; Radzivilium cadunt 84. eorum jura tuetur Vezirius 86. 87. in Turciam jussu Imp. migrant 96.
- Dorofenskio** Duce ad Moschos deficiunt 105. fuga eorum detegitur 106. non moventur literis Chmelnickii 108. in urbe Cecnini obsessi, prospere erumpunt 113.
- Chmelnickium** concidunt 115. armis Turcarum fracti 157. Jassium urbem incendunt 269. Crimææ populationem inferunt 285. Sueci partes amplectuntur; internecione cæsi a Moschis 414.
- Cretæ** insulæ Gubernator securi percutitur 284. præsidia reliqua Turcis deduntur 419.
- Croatæ** in castra conflunt 61. prædatorium Turc. agmen dissipant 117. Turcas profligant 181. 207. 208. prædas agunt in hostico *ibid.* Billaftenam facta testudine capiunt 208. ad Budam dimicant 221. Quinque-Ecclesias, aliaque loca expugnare juvant 226. Orakovicium occupant; castra Turcarum obtinent 231. ad Essekinum Turcas fugant 239. Kanisam expugnant 303. Savum flumen custodiunt 306. Bosniam populantur; Christianos in libertatem vindicant 311. patriam suam propugnant 325. procurrunt in agrum hostium; oppidum Bihács exurunt 333. Maydanum in potestatem Cæsaris redigunt 344. aliquot præsidia hostem proturbant 368. Bihácsium premunt 375. dolent munitiones everti confecta cum Turcis pace 390.
- Croyus Dux,** Vide Carolus.
- Csáki,** vide Ladislaus.
- Csonkabegus** subacta Buda captivum se dat; ejus dictum ad Bavarum Electorem; Christiana sacra amplectitur 223.
- Cuniculis** Candia petitur 29. 70. 76. Epidauri mania convelluntur 37. item Cecnini urbis 112. Pesztini 180. Vienna pluribustentatur 138. 142. 143. deteguntur cuniculi 139. ad Budam successu carent 174. 219. iisdem vexatur Buda 218. Corone urbs 257. urbs Chius 355. Olchinium in Dalmatia 368. Nauplia urbs 418. Corcyra 430.
- Cussaines** Budæ præpositus fit armorum Præfectus in Creta; Sudam circumvallat 25. urbem Rhetimum capit 26. Sudæ obsidionem solvit 27. Mehemeti Vezirio mortem accelerat 27. Candiam machinis verberat 29. arctius eam concludit; obsidionem solvit; cur? 32. Sudam per insidias occupare contendit 33. Candiam rursus impugnat 37. fere amittit præfecturam armorum 40. simulates inter eum, & Vezirium; classi præficitur; obsidentibus Hellepontum Venetis pugna abstinet; desidia insimulatus jugulatur 47.
- Cussaines** militum Præfectus Principem Moldaviæ clava pulsat 93. proditus ab isto castris exiit; ad septem turres amandatur; adversam fortunam fracto animo fert 94.
- Cyrillus** Metropoli Ternovæ Bulgaros in libertatem asserere adlaborat 41.
- Cytheum** urbs Candia Venetis cedit 33.
- Czoborius C.** Turcis annonam intercipit; agrum Uivárensium Turc. urit. 187.

D.

- D**almatia vastatur 262.
- D**almatæ migrant in ditionem Venetam 262. montem Abrahami fortiter defendunt 430.
- Damianus** Hugo C. Virmondus Cæsareus Pacificator Passaroviczii 447. legatur Byzantium 448.
- Daniel** Delphinus Prætor Dalmatiæ 346. maritima oppida capit 351. Herzogoviniæ Nobiles, Reipub. partes amplectuntur 352. Cielutum

clutum obsidet; ejus descriptio 352. aliquot oppida dominio Reipub. adjicit 353. vim morbi superat hoste appropinquante; Bosnia Præfectum in fugam compellit; militem victorem in hyberna dimittit 354. Olchinum oppugnat 368. Omarem Turc. Ducem fugat; obsidionem solvit 369. Lemnum insulam populatur; in pugna naufragii discrimen subit; prælio superior evadit 380.

Daniel Morosinus Turcicum navigium expugnat; Africani illum incendunt; ejus navis conflagrât; ad inimicam classem enatat 38.

Daroczi Tököljani juris oppida evasat; Veteranio se conjungit 351.

Deliberatio, an Mahometi IV. Byzantii persistendum, si Veneti urbi oppugnationem inferrent? Veneti consultant; quo arma vertenda? 43. de pace ineunda 46. iidem de bello continuando 64. de eruptione Gallorum ex urbe Candia 77. de Candia deditione 79. Kara-Mustapha deliberat, cui præsidio militem admoveat 134. Lotharingus de Buda impetenda 169. 172. 190. Vezirius de expeditione in Hungariam 303. Achmetes, & Purpurati de novo Vezirio deligendo 329. de bello continuando apud Polonos 346. Mustaphæ II. Imp. de eodem argumento 377. Rex Polonorum, quo arma vertat? 381.

Dellii, equestre genus militiæ apud Turcas; eorum descriptio 126.

Delphinus, Vide Daniel, Josephus, Laurentius.

Descriptio populationis tempore Mahometis IV. Imp. 41. Uivâini præsidii 59. urbis Candia 68. 80. ignium festivorum Adrianop. 91. Chami infirmi; solennis circumcisum Principis Imp. 95. urbis Byzant. absente Imp. 98. Legati Poloniae ingredientis Byzantium 102. Chmelnickii carceres perpeffi 107. Chami Tartar. castra Turc. intrantis 111. Cetrini Cosaccorum Ducis domicilii 112. Tököljani adventus Budam 125. caudæ equinæ depactæ 126. 127. Delliorum 126. tentorii Imp. 128. tempestatis Turc. castra turbantis 128. incenditis Turcici exercitus 130. castrorum ad Viennam 136. exercitus Christianorum, & pugnae ad Viennam 143. Vezirii papilionis 145. situs Parkanensis 150. saikarum 164. Budæ 170. Uivâini 190. pontis Dravo impositi 238. Jegheni Bassæ 245. Mainotarum 255. Coronas 256. Navarini 258. Ingressus Byzant. Solymani III. Imp. 314. Canæ 335. Cicluti urbis 352. triumphus Mustaphæ II. Imp. 361. Assovia urbis 365. Bihacii 375. Christianæ Religionis in Turcia 396. Legati Oeringani 402. ejusdem ingressus Byzant. 404. munimenti, quod Palanka Hungaris dicitur 426. tempestatis Turc. castra perturbantis 432. castrorum Principis Eugenii 439.

Dolgorukius Moschorum Ductor Tartaros fundit 382.

Dolus Berlenii Wallensteinium deludentis 17. Turcarum Uivâino imminetium 21. eorundem Epidauri mænia cuniculis convellentium 37. Mahometis IV. Imp. Hierapoleos Præfectum necantis 46. Turcarum in pace cudenda 56. 66. Pro-Gubernatoris Turcæ Uivâinensis 137. Schulzii Turcas cædentis 139. Lotharingi eosdem profligantis 141. Turcarum ad Parkanum 150. Heisleri ad Uivâinum 187. Lotharingi Serascherium in pugnam allicientis 193. Turca. Imp. Ottom. Tom. II.

rum ad Strigonium 195. Bassæ Varadinensis Tökölum in vincula conjicientis 202. Leslæi copias augentis 206. Vezirii supplicias mittentis Budensibus 221. Morosini ad Nicopolim 253. Ludov. Badensis Bosnia Præfectum cædentis 281. Croyii Essekinum defendentis 310. Mocenici præsidarios Aulonis liberantis 326. Mustaphæ II. Imp. castra vallantis 366. Turcarum Corinthum occupantium 417.

Dominicus Mocenicus, aliis etiam Maurocenus, sit classis Venetæ Imp. Butchrotum Turcis eripit 312. castra figit ad Aulonem; præsidariis viam fugiendi aperit; in Peloponnesum transmittit 326. Mitilenen insulam depopulatur; classi Ottomanicæ certamen indicit 327. Peloponnesum tutatur; Caneam obsidet 335. Epidaurum petit; classem inimicam in fugam dat; Serascherium Peloponneso arcet 336.

Doria Marchio Agriam circumfidet 237. deditione accipit 243. captum Tökölus redimit a Tartaris 305. in captivitate moritur; cadaver ejus in ditionem Cæsaris avehitur 325.

Dorofenszkus, Vide Petrus.

Duchir Archithalassus Turc. glande confixus expirat 434.

Dunewaldus, Vide Henricus.

Durlacensis Marchio Suevos in castra adducit 191.

E.

Effigies armata C. Schulenburgii Coreyræ 432.

Ellis seditionem movet in Asia 7. Magnesium urbem in præmium petit; Byzantium allelus, interficitur 8.

Emanuel C. Fürstenbergius ad Belgradum occisus 278.

Emericus Tököl Hungariam invadit 118. Austriam, Moraviam terrore complet; unde ei vires, & contumacia in Regem? 119. Tibiscanam regionem suas in partes trahit 120. Saponaræ Baroni Legato Leopoldi Cæs. imponit; nuptias celebrat cum juniore Rákoczia 121. Cittadelam, & Cassoviam subjicit 124. Budæ apparatu Regio excipitur; variis ornatur titulis; Munkacsiam arcem bellico apparatu instruit 125. exercitum conflatur diversis nationibus 129. comitia habet; pacta init cum Turcis 130. cum Mahomete IV. Imp. consultat de bello 132. Posonium occupat 140. mox amittit, & a Lotharingo cæditur; cladem in Hussainem rejicit 141. ad Regem Polon. Legatum expedit pacis causa 161. ejus postulata 162. in Leopoldum M. bellum continuat 163. castra amittit ad Eperjesinum 182. pacem querit apud Leopoldum; cruditas postulatorum 189. Varadini captivus attrahitur 202. libertati redditus sumptus belli accipit a Vezirio 212. Munkacsia succurrere laborat 214. 228. senescit ejus fortuna 229. Apassium perfidiæ accusat apud Turcas 230. Tibiscanum agrum incurrit 235. Fedislaviam diripit 239. Bulgarorum castra expugnat; stragem memorabilem edit 280. Chamos Tartar. muneribus sibi conciliat 289. ponte Istrum sternit; Cæsareos e stativis depellit; ad Clodovam bina vulnera accipit; Novigradum, & Orsovam subjungat 291. Valachiam ingressus exercitum suum auget; Transylvanis significat se Principem

I N D E X.

cipem Daciae a Solymano Imp. esse nominatum; Heisleri copias fundit; ipsum captivum detinet cum Marchione Doria; comitia edicit Transylvanis 305. ab incendiis, rapinis suum militem continet 306. Transylvania excedit 307. Temesiæ provinciam insidet 319. a Transylvania arcetur; Holfati copias fugat, ipsum occidit; cum Petroccio in vincula datur a Vezirio, sauciatur; cur? 325. libertatem consecutus conjugem suam Vienna accipit *ibid.* ejus oppida ad Danubium vastantur 351. post pugnam ad Szentam cum Soltano fugit Temesiam 375. vita ejus, & mores compendio narrantur 405. moritur 407.

Emir Arabs Achmetem II. Imp. armis laesit; ejus oratio ad populares; Mesopotamiae Praetorem Euphratis eluvione debilitatum in fugam avertit 339.

Emir Fatta Bagdatum Turcis tradit 14. in triumphum ducitur Byzantium 15.

Eperjesinum impugnat a Schulzio 182. occupatur nondum signatis pactorum tabulis 202.

Epidaurus a Venetis obfessa deseritur a Turcis; solutis cuniculis cladem patiuntur Veneti; urbe excedunt 37. frustra eam obsident Veneti 40. 296.

Epistola Abassæ rebellis ad Amurathem IV. Imp. 5. Cussainis ad Ibrahimum Imp. 27. Ismaelis Budæ Praefecti ad Vezirium 57. Vesselenii ad Forgáchium Uivarini Gubernat. 59. Kiuperlis ad Mahometem IV. Imp. 72. hujus ad Coributum Reg. Polon. bellum denunciantis 88. Kiuperlis ad Gubernat. Cameneci 89. Mahometis IV. Imp. ad Regem, & Rempub. Polon. 93. Mefsalini Medici ad Ricantium Anglum 95. Cosaccorum ad Moschoviae Czarum 105. Chmelnickii ad Cosaccos 108. Chami ad Moschorum Czarum; hujus ad Mahometem IV. Imp. 109. Kara-Mustaphæ de Vienna dedenda 138. Tökölí ad Vezirium 141. 162. Lotharingi ad Leopoldum Imp. de victoria ad Hanfabeam obtenta 173. Seraskerii cladem excusantis apud Mahometem IV. Imp. 196. ejusdem ad Lotharingum de concordia 198. Rákocziæ, seu Tökölí conjugis ad Carassam 205. Tökölí ad Hungaros 212. Principis Valachiae ad Leopoldum Imp. 230. Joannis Sobieskii ad Alexandrum VIII. Pontif. 327. Achmetis III. ad seditiosos 412.

Equites, Vide Spahii.

Erdödi, Vide Nicolaus.

Erivanum, sive Rivianum, ab Amurathe IV. expugnatum 10. a Persis recuperatur 11.

Ernestus L. B. Petrasch Lishiczam capit 437.

Erzerum obfessum traditur ex pacto Turcis 5.

Essekinum Donewaldus intrat 244. Bosniæ Praefectus illud oppugnat 310.

Esterházi, Vide Casparus, Franciscus, Joannes, Josephus, Ladislaus, Nicolaus, Paulus, Thomas.

Euboeam insulam Morosinus aggredi decernit, tempestate maris prohibetur 47. castello subacto insula Veneta Reipub. se dedit.

Eugenius Dux Sabaudiae ad Belgradum sauciatur 278. fit copiarum Cæs. Imp. ad Kobilam metatur; Rabutinio obviam procedit; Tibisco duos pontes imponit 372. insequitur Mustaph. Imp.; hujus molitiones e captivis cognoscit; ad Szentam invadit Turcas 373. internecione delet turbatos; quantum spoliolum

ceperit? 374. Bosniæ praesidiis potitur; Viennæ insolito plausu excipitur 375. Starenbergium ad munienda quædam loca dimittit 379. inducias promulgat 385. Legatum Turc. audit 417. copias Futakinum evocat 422. annonarias domos excitat; Palfium ad hostem explorandum mittit 423. Castra Capraræ cum copiis intrat; aciem instruit 424. victoriam de hoste refert; ensẽ & pileum a summo Pontif. accipit; Temesiam corona circumdat 425. auxiliares copias repellit; Palankam vi capit; dedicatione urbem Cæsari subjicit; quibus pactis? 426. discedit Viennam 427. Europæi Principes sub eo stipendia faciunt 437. Danubium in conspectu hostium transmittit; Belgradum terra, & aquis occludit 438. castris novas munitiones addit 439. epistola Vezirii intercepta pugnam decernit 442. aggressionis ordo; castra expugnat; quantum spoliolum repertum 443. caesorum numerus; Belgradum ei deditur, quibus pactis? Deo grates persolvit 444. ad Istrum, & Savum praesidia capit 445. per omnem Europam celebratur; quid de pace reposuerit Colyerio 446.

Eunuchus, Seraglii curator, Mecham proficiscitur; ejus navigia Melitenses Equites intercipiunt; inde turbæ obortæ 23. 24.

Euphrates flu. Tugarum castra inundat; jumenta, atque homines haurit 339.

Expugnatio urbium Erivani 10. Candiae 79. Cecrini 114. Uivarini 196. Budæ 223. &c.

F.

Facinus inhumanum Abassæ in Janicfa- ros 5. Janicfaeorum in Vezirium Achmetem 7. crudele Techelis in Religiosos D. Francisci 28. egregium nautæ Veneti 32. crudele militum tumultuantium 117. egregium militis Hung. 219. Equitis Melitensis 266. militare Illici Judæi 430.

Fames in Turc. exercitu 4. 15. 91. Cæsareo 16. 62. Transylvanico 53. in provinciis Turc. 209. Agriae 242. Albæ Regali 275. in exercitu Polon. 285. apud praesidiarios Gyulenses 351. in Dalmatia 428.

Feldmeyerus transfuga pro Tökölí Eperjesinum tutatur 182. dedit se Schulzio 201.

Felix Potoczki Dux Polon. a Tartaris obfessus; eos fugat 381.

Ferdinandus II. R. Hung. pacem facit cum Betlenio; per Legatum agit Byzantii de pace proroganda 16.

Ferdinandus III. R. Hung. Parchevicium benigne accipit; eundem legat ad Regem Polon. moritur 42.

Ferdinandus IV. fit Hung. Rex 51.

Ferdinandus C. Harrach tormenti globo ad Budam percussus obit 175.

Feriolus Galliae Legatus prope palatium Imp. Turc. ferrum ponere jubetur; reluctatur; & domum se confert 403.

Fevillada peditatus Gallici Magister ac certamen committit cum Turcis; Cretam petit cum nobilibus Gallis 73. Candiam intrat 74. erumpit in castra hostium; cum clade repulsus, in patriam solvit 75.

Flanginus naves Venetas moderatur; **Ægæum** mare percurfat; pugna navali congreditur; hostium naves lacerat; vulneratur; vivere delit 435.

Fleuryus Marchio classem Danubianam ædificat 332.

Florentini milites se adiungunt Venetis 323.
 259.
Fluvii intumescētes rem frumentariam in
 ditōnibus Venet. affligunt 262.
Forgách, Vide Adamus, Simon.
Foscarinus, Vide Hieronymus.
Franciscus Barbarus Hellepontī angustias clau-
 sas tenet 36. pēnuria cibariorum statio-
 nem deserit 37.
Franciscus Casimirus Wisovszki Orator able-
 gator Byzantium, ægre impetrat alloqui-
 um apud Caimacanem 85. negat se acturum
 cum Panagiotto; ejus oratio apud Kiuper-
 lem 86. bellum Turcis minatur; ridetur a
 Kiuperle; in custodiam datur; bellum in
 patriam reportat 88.
Franciscus C. Elzterházi ad Vezekinum ta-
 dit 52.
Franciscus Grimanus isthmum Corinthi insi-
 det 380. ad regundos Dalmatiæ limites
 abit 401.
Franciscus Kornis Transylvanos incitat ad
 fortiter pugnandum 53.
Franciscus Marchio de Villa Sardus præfe-
 cturam Veneti peditatus accipit; in Cre-
 tam insulam, ubi belli moles, evocatur 65.
 ad Parum insulam imminutas Venet. co-
 pias miratur; milites navigationis tædio af-
 fectos numeratis stipendiis recreat; urbi
 Canæ obsidionem infert 66. re infecta
 discedit; ad Candiam universas copias
 lustrat; eos ex insidiis invadunt Turcæ,
 & perturbant; castra invadentes profligat;
 Veneti ab iisdem retrusi 67. ejus bellica
 virtus deslorescit; cum Anton. Barbaro
 Candiam propugnat; eorum æmulatione in
 discordias erumpit; offensus in Zacynthum
 navigat; Candiam redit; Taurinum revo-
 catur; cum Pontificio milite Candiam ve-
 nit; istu majoris pilæ sternitur 76.
Franciscus Morosinus suum navigium stre-
 nue defendit; minori pila conficitur 38.
Franciscus Morosinus classis Venetæ Imp.
 fauces Hellepontī custodit; classē Turc.
 pugna vincit; Epidaurum obsidet 40. classis
 ejus tempestate jactatur; Mainotarum re-
 gionem vastat 47. castella oræ maritimæ di-
 ruit; Eubœam insulam ded. t. o. e. accipit
 48. ad novam Candiam cladem patitur cum
 Gallis; in patriam redit *ibid.* Præfectus ma-
 ris iterum renunciatus in Cretam trans-
 mittit 68. Ægeas insulas, & Peloponne-
 sum territat; desperato maris dominio
 Candiam se recipit 70. decernit erumpen-
 dum in hostium munitiones 77. Gallos
 Candix retinere nititur; ejus oratio ad
 Gallorum Ducem 78. irrumpentes Janicla-
 ros repellit; deliberat de Candia dedenda
 79. urbem S. Mauræ, & Nicopolim armis
 Venetorum subigit 253. Cimariotas, &
 Mainotas Reipub. conciliat 256. Musta-
 pham castra Venet. exscindere parantem
 bis cum clade rejicit 257. ad Naupliam
 Turcas castris exiit; Coronen capit, ejus
 populatio 257. Corcyram hybernatum
 abit; ad insulas maris Ægei divexandas
 navigia expedit 258. Navarinum vetus, &
 novum Turcis eripit 259. Naupliæ mariti-
 mam obsidionem infert; Ismaelis copias
 tormentis impetit, ac victoriam conficit
 260. Argos, aliaque oppida victor subjuga-
 261. Peloponnesi Gubernatorem pugna
 superat 263. Patras, Corinthum &c. occupa-
 pat; laudibus ornatur 264. Dux Reipub.
 renunciatus, præfecturam classis retinet

282. Chalcidem oppugnat 283. 296. Epl.
 daurum obsidet 296. Archichalassus rur-
 sum nominatur; ejus elogium, trophæum
 345. moritur 346.
Franciscus C. Pálfi ad Essekinum sternitur
 239.
Franciscus Redei fit Transylv. Princeps
 54.
Franciscus Struczius Vacium servat 16.
Franciscus Tiepoleus opem Mocenici poscit;
 Turcas castrensi apparatu spoliat 336.
Franciscani RR. PP. Sacra Romana in Turcia
 propagant; privilegia obtinent; a Græcis Mo-
 nachis ejiciuntur suis domiciliis; Rex Gallix
 Patribus favet; amittunt sepulchrum nostri
 Servatoris Hierosolymis 396. in pacificatione
 Carloviczensi de recuperandis sacris locis
 agunt 398.
Franciscus Vandomus Beaufertii Dux VII.
 millia Gallorum in Cretam deportat 76.
 Candiam intrat; inter erumpentes primum
 locum tenet; strenue dimicans interimitur
 78.
Fridericus Augustus Elector Saxonix Petro-
 Varadinum castra transfert; in Daciam ire
 festinat Veteranii juvandi causa 359. audic
 Lipam a Turcis occupatam; Veteranio
 auxilia sero submittit 360. in Transylva-
 niam festinat 361. statuit Temesam obside-
 re; naturam loci lustrat; aggressionem
 unam instituit; Mustaphæ Imp. occurrit
 cum exercitu; prælium tumultuario com-
 mittit 366. fere vincitur; quantos cæso-
 rum numerus 367. fit Polon. Rex 371.
 Camenecum impugnare ardet; quo arma
 vertenda cum Regni Senatoribus deliberat;
 Potoczko a Tartaris cincto suppetias
 fert 381. militem in stativa dimittit 382.
Frigus insolitum Turc. exercitum vexat 91.
Frumentum penuria in Turc. provinciis 209.
Fuedukes Bassa Verovitziam opprimere me-
 ditatur; fugatus a Croatis castra perdit
 231.
Fulvius Tribunus Turcas arcet ab insula S.
 Mauræ 334.
Füleku præfidiarii Turcis tradunt; everti-
 tur 125.
Fürstenbergius C. ad Budam cæsus 171.

G.

Gabriel Berlen Hung. Austriam, Mora-
 viam diripit; cæsareum militem Gedina-
 gæ obsessum tenet; frigore compulsus sol-
 vit obsidionem; pacem init cum Ferdinan-
 do II. R. H. 16. nuptiis celebratis cum
 Brandenburgica pacem rumpit; Murteza-
 nem Budæ Præfectum in arma concitat;
 Wallensteinio illudit; moritur 17.
Gabriel C. Illesházi sinistrum cornu Hunga-
 rorum moderatur cum Pálfi ad Párka-
 num 58.
Gabriel Monachus pyrotechnicæ calantissimus
 ad defendendum Belgradum mittitur 309.
 Varadinum ignibus infestat 324.
Gabevski Polon. Ductor Budziacenses Tarta-
 ros urit 337.
Galgá Chamus Tartar. Moschos in receptu
 impetit 301. in Serviam suas copias addu-
 cit 319. pacis causa Legatum expedit ad
 Regem Polon. 338. muneribus donatur a
 Vezirio 340. filium amittit ad Kobilam;
 ejus mæror 350. ad Assoviam fugam arri-
 pit 370. Moschorum castris assidet; dein
 caditur 377.
 N n n 2 Galli

- Galli** auxiliares se Venetis conjungunt; in Cretam trajiciunt; ad Sudam minoribus præliis Turcam laceſſunt; ad novam Candiam cupiditate ſpoliorum vincuntur 48. in Illyricum expectantur a Montecuculo 62. ad S. Gotthardum pugnant 63. Volones Harcourtis Duce Candia oppugnationem fortiter ſuſtinent 71. aliquot centuriæ cum Nobilitate Gallica Duſtore Fevillada in Cretam veniunt 73. in deſenſionem Candia conſpirant 74. eruptione facta ſtragem edunt; in patriam ſolvunt 74. eorum VII. millia in cretam navigant; Candiam ingrediuntur; memorabili ſtrage hoſtem afficiunt; nitrato pulvere ſuccenſo fugam capeſſunt 77. Marchio S. Andrea ſuppeticas fert; Beaufortius cadit; cauſæ eruptionis minus proſperæ 78. in patriam diſcedunt 79. Volones ad Novigradum a Turcis circumventi 190. Regii ſanguinis Principes ſub Eugenio ſtipendia faciunt 437.
- Gallia** Orator Venetis dat ſpem concordia; intercedit pro Capello Reipub. Legato; ægre libertatem ei impetrat 36. Vide Feriolus.
- Georgius Balbus** Singam ab injuria hoſtium prohibet; ſauciatur 420.
- Georgius Bianchi** ad Turcas deſicit; prodit claſſem Venetam 38.
- Georgius Chmelniczki** Coſaccorum Dux in caſtris obrutus, deditionem facit; monaſticen amplectitur 84. Ghildeſii nomen aſſumit; captus a Tartariſ in Crimæam aſportatur; Chamo detegit natales ſuos; captivus attinetur in ſeptem turribus; e fuga retrahitur; dignitati reſtitutus Vezirio fidam operam addicit; ſolicitat Coſaccos ad deſectionem; nihil proſicit; cum Ibrahimo expeditionem ſuſcipit in Moſchos, & Coſaccos 108. ſuorum IV. millia in caſtra adducit 111. ad Boryſthenem fluv. a Coſoccis Moſchoviticiſ fruſtratim conciditur 115.
- Georgius Frider.** Dux Wirtenbergicus Eperſelinum impugnat 201. ad Caſſoviam tormenti globo vitam amittit 203.
- Georgius Morſinus** claſſis Venetæ Præfeſtus; ejus munia antea geſta 48. claſſem Turc. perſequitur; claſſiarios captivos facit 49. Eubœam aggredi ſtatuit; designationi intercedunt Melitenſes; claſſem Turc. vincit 51.
- Georgius Pejachevicius** Bulgarorum copias Cæſareis adjungit 279. ſub Ludovico Badenſi arma circumfert; fortunam priſtinam extra Bulgariæ fines reparat 280.
- Georgius J. Rakoczi** acclamatur Princeps Tranſyl. inſignibus Principatus donatur ab Amurathe IV. Imp. Oratores mittit ad Turcas 17. cum Budenſi Præfeſto inimicitias exercet; iſtæ ſine prælio extinguuntur 18. dena aureorum millia tributi nomine Byzantium mittit 21.
- Georgius II. Rakoczi** Tranſyl. Princeps, Moldaviæ Vaivodam imperio exuit 52. Valach a ſubacta Conſtantinum clientem ſuum Vaivodam dicit; Regem Polon. Caſimirum fugat; a Sæcis deſeritur; cum paucis eluclatur in Tranſylvan. 53. Principatu dejicitur; in Huugariam ſe recipit; collectis copiis Turcas proſligat; cum Moldaviæ, & Valachia Principibus ſœdus percutit; Leopoldi M. auxilium implorat 54. acri certamine congreſſus cum Purpurato Budenſi vulneratur amiſſis ſuorum VIII. millibus; ruſus memorabilem pugnam edit; vulneratus, poſtea moritur 55.
- Georgius Szelepcſényi** Metropolitæ Strigon. pecuniam adminiſtrat Leopoldo M. 183.
- Germani** fortiter pugnant in Ottoman. 56. Candiam animo conſtanti propugnant 75. numerus eorum 78. Viennam adverſus infinitam vim Turc. fortiffime tuentur 137. & ſeq. Tòkòlium & Turcas fugere compellunt 140. 141. 194. Uivarinum armati occupant 195. Vide Strigon. Budam, Belgradum &c.
- Giangeris Chami** filius e Tartaria pulſus, Amurathem IV. Imp. auxilium petiturus adit 2. victus rebus afflictiſ medelam querit in inſula Rhodo; Crimæam repetens a ſuis abigitur 3.
- Gidiekus** Aſiam turbat 289. de binis Præfeſtis Turc. triumphum reſert; Byzantinos territat; civile bellum perofus Vezirio ſe ſubdit; excrucietur 290.
- Gioſul. Vezirius** Abaſſæ rebelli imminet; Erzerum non audet aggredi; cum eodem pacem concludit; militarem diſciplinam inſtaurat; Purpuratorum odium incurrit 5. Soltana agente Perſis bellum movet; penu caſtrenſi amiſſa, militem Bagdato reducit; iterum Bagdato aſſidet; inculſatus Imperatorem pecunia nititur placare; dignitatem jubetur ponere 7.
- Girapetra** urbs Candia a Cuſſaine occupata 27. in ruinas agitur 33.
- Globus** ex olla igniaria ejeſtus armamentarium Candia ſuccendit 74.
- Goefius L. B.** Orator Leop. M. de pace agit cum Turcis; luditur 56. Kiuperliſ Vezirius eidem iniquas conditiones obrudit; in humile diverſorium Budæ amandatur 61.
- Græci** Monachi Sodales D. Franciſci domiciliis, & templis ſpoliant; ſepulchrum Servatoris noſtri vi occupant 396. favore Panagiotti in aula potentis 397.
- Græci** in Peloponneſo omni clade atteruntur per Turcas 260. 263. Königsmarkii, & Morofini arma expoſcunt 263. Latinis adverſantur; tributum pollicentur 398.
- Græcus** adoleſcens Lotharingo aperit, Vezirium pugnam meditari 240.
- Græcus** Sacerdos detegit Parthenio Coſaccorum deſectionem ad Moſchos; dat conſilium eos reducendi 106.
- Grimanus** occiſo Muſtapha Eubœæ Præfeſto claſſem inimicam cedere cogit; inſulas complures Veneti juris facit 26. mare infeſtus percuſſat 27. Mirabellum expugnat; naufragio perit 28.
- Grimanus**, Vide Hieronymus.
- Guadagnius** Marchio armorum præfeſturam apud Venetos accipit 296. ea ſe ſponte abdicat 312.
- Gualterus C. Leſlæus** Leopoldi M. Legatus munera deſert Mahometi IV. Imp. ejusque matri, & Vezirio; Adrianopolim inſigni pompa ingreſſus; pacem firmat 64. 117. ejus dotes animi 65. Venetos certiores reddit de continuando in inſula Creta bello *ibid.*
- Guidobaldus C. Staremborg** ad Eſſekinum pontem Turc. excindit 238. in aſſultu Belgradi in foſſam urbis ſe primus conſicit; Beldradi Gubernator dicitur 278. Turcas prohibet a vallo faciendo 292. Niſſæ Gubernator 306. eam tradit Kiuperli Vezirio; periculum vitæ 307. cum Souchio dextrum cornu

cornu dedit in Turcas 320. faucibus partes cæterorum Ducum explet; Spahios fluctuantes impellit 321. Slavonia ei attribuitur; Dravo adjacentia castella munit 331. aggressionem tentat in muros Belgradi, non sine cæde rejicitur 343. Titulium, & classem jubetur defendere 366. ad Szentam dextro cornu præest; pontem Tibisco impositum tormentis quatit; secuta Turcarum strages 373. cum Principe Eugenio Bosniam armatus petit 374. Titulium tueretur 379. Slavoniæ Gubernator Legatum Turc. excipit 403. reducis Legati navigia sistit; cur? 405.

Guilielmus Pagetus Anglus de pace confert cum Vezirio 332. libellum conditiones pacis continentem Vezirio, & Imp. porrigit; contemptum habitus domi se continet 339. a Mustapha Imp. de pacis negotio interpellatur; Viennam ea de causa ablegat suum hominem 378. Carloviczium se confert 385. mire patiens in emolliendis Turcis; ejus laus; Belgradi magnifico apparatu excipitur cum Ruzzino Veneto pacificatore 399.

Gyulam præsidium nostri interciperi conantur 348. deditione obtinent 351.

H.

HAllevilius castris ad Parkanum locatis præficitur 166. in Turcas investus hausta confoditur 167.

Hannibal L. B. Degenfeldius copiarum Vener. Imp. 326. Naupliæ vi febrium extinctus 333.

Hassanes seditione mota, Vezirium ad cædem deposcit 40. occiditur cum suis 43.

Hassanes Budæ Præfectus a Souchesio bis campo depellitur 62. 63.

Hassanes Kanisæ Præfectus Kis-Comaromio excidium minatur; brachio mulctatus otium querit 52.

Haubenius Savo flu. duos pontes imponit 439. Janicfaros incurstantes castra cædit; minoribus castris præesse jubetur; ob stragem fossorum ejus fama vapulat; in magna castra revocatur 440. fortissime pugnans occumbit 441.

Heidershemius (aliquando Heislerus) annonas domos excitat 359. in pugna ad Temesiam languentes erigit; minori pilei, dein Szegedini obit 367.

Heimbürgum a victore Turca vastatur 136.

Heislerus vias militares ad Uivarinum insidet 186. Turcas ex insidiis opprimit 187. eosdem ad Aradinum cædit 204. annonarios currus ad Tibiscum intercipit 236. Titulio depellit hostem 276. diffractis Belgradi portis, equitatum in urbem infundit 278. prope Bulgariam stativa capit 279. Temesiæ præfidiariis, & Tökôlio opponitur a Baden 292. militem ad limites Transylv. movet 302. Apassio Transylv. Principi auxilio est; Veteranio aliquot legiones mittit 304. cum exercitu cæsus a Tökôlio, fit captivus 305. liber dimittitur 325. Varadinum in Regis potestatem redigit; ad aquas Badenses discedit 329.

Helena Veronica Rákoczia, uxor Tökôlii Munkacsiam arcem defendit 204. epistolam dat ad Capraram 205. ob Unguarinum Cæsareis traditum supellectilem Galambosii diripiendam militibus præbet 206. hortatur præfidiarios ad crebriores eruptiones 214.

Imp. Ottom. Tom. II.

se, arcemque tradit Carassæ; quibus conditionibus; ad virum suum Vienna proficiscitur 325. moritur exul in Asia 406.

Hellesponti angustiae a Venetis obsessæ 29. 32. 36. 43. 44. 47. pugna ad easdem 38. 40.

Hemskerkius Hollandus de pace tractat Byzantii 332. libellos de pacificatione Imp. & Vezirio porrigit 339. laus, & iter ejus Viennam 384.

Henricus Donewaldus lævum cornu ad Viennam moderatur 143. Regem Poloniae nomine Lotharingi admonet, ut peditatum in pugnam ducat 150. viam aperit ad victoriam in campo Parkanensi 152 in prælio Strigonienfi Tângenio succurrit 191. Dravum cum suis superat; ad Essekinum vulneratus victoriam refert 239. expeditio Slavonica ei committitur 243. munita loca Turcis adimit 244. cum Styrum cornu sinistrum movet in Turcas ad Szalankemenum 320. jubetur accelerare iter cum suo agmine; multum confert ad victoriam 321. vivere desinit Essekini 322.

Herbersteinus C. Carolostadii Gubernator prædas agit per oppida Turc. 206. aliquot præsidia expugnat 209.

Hierapoleos Præfectus in Mahometem IV. Imp. bellum coquit; fingit apud se dimorari Amurathis filium; Vezirium profligat; Imperator dolo eum enecat 46.

Hierapolis urbs peste correpta 339.

Hieronymus Battagius victoriæ maritimæ initium facit 34.

Hieronymus Battaglia Bernardo Nano in defensione Candiae succedit 74. negat Candiam dedendam 79.

Hieronymus Cornarus Dalmatiæ præficitur 255. aggeres volente Valerio nuper eductos, jussu Reipub. proruit 261. Novum castellum Dalmatiæ præsidium impugnat; cæsis auxiliaribus copiis, cruento assultu stationem figit in ruinis murorum 265. mox præsidium deditur 266. DERNUM juris Veneti efficit 283. Albanis opem pollicetur; aversa fontis vena Clinovæ arcis præfidiarios ad deditionem cogit 284. fit Archithalassus Venetæ classis; ad Epidaurum telo percutitur 296. hanc obsidet, & capit; in Epiro aliquot præsidia occupat; successorem habet Dominicum Mocenicum 312.

Hieronymus Dolphinus Venetæ classis Præfectus Methonen accedit; in Zacynthum classem reducit; Leucadem, sive urbem S. Mauræ munimentis exuit 419. Venetias advocatur 421.

Hieronymus Foscarinus Dalmatiæ Præfectus nominatur 51.

Hieronymus Giaverina Orator Venetus Byzantii 68. a Vezirio Kiuperle in castra accessit; negat sibi potestatem datam de pace tractandi; moritur 71.

Hieronymus Grimanus Zacynthum insulam defendendam suscipit 67. onerarias Turc. occupat 68.

Hieronymus Loredanus Tenedo insula excedit; spontaneo exilio sententiam Reipub. evitat 45.

Hieronymus Michielius classis Venetæ Præfectus 351. angustias Corinthi insidet 354. hostem primus invadit; bellicam hostilem pessumdat; majori pilei coneritur 363.

Hochpieda Colverii pacificatoris soror a Solтана seniore benigne habetur; Aga Janicfarorum eam comitatur 401. Minorum

Corinthei Gubernat. e captivitate redimit 418.
Hoffkirchius C. succurrit Jagodinæ; Semendriam recedit; præsidia munit 291. Savum custodire jubetur 306. Croatis subsidio mittit legionem unam 311. latera castrorum Turc. cum Hung. & Rascianis aggreditur; victoriæ præludit 321. Turc. agmen delet; annonam intercipit, Tartaros persequitur; humanas curas componit Dôbróczini 344.
Hohenlojus Vid. Wolffgangus.
Hoffmannus Leopoldi M. Legatus, monet Vezirium, & Soltanum, ne tactiosos Hung. foveant; inter ludibria auditur 118.
Holzelius Veredarius ad Turcas fugit; ejus mendacia 57.
Hungari fortiter pugnant in Turcas Duce Rákoczio; postremum vincuntur; Varadinum tuentur, deditionem faciunt 55. ad castra evocantur; quantus eorum numerus? 57. ad Párkanum cæsi 58. confluunt ad signa Nicolai Zrinyii 61. victoriam de Turcis reportant 63. Saikarii Danubium frænant 165. ab obsidione Uivarini revocantur 166. suburbium Budense populantur 171. ad Hansabegam equitatum Turc. fugant 173. opprimuntur DC. a Seraskerio; e castris domum discedunt, cur? 178. frumentum, & militem promittunt 183. Turcas muniendæ Budæ intentos obruncant 187. in pugna Strigon. machinas occupant 195. ad Aradum victoria potiuntur 204. fanum S. Jobi ad Varadinum oppugnant 215. vicena, & amplius eorum millia ad obsidendam Budam accurrunt 216. flumentanam partem urbis imperunt; assaultum faciunt 218. tres turres depulso hoste obtinent; vires hostium distinent 219. eorum statio aliquot cohortibus Germanorum firmatur 221. ex iis præsidarios accipit Buda 224. Turcas cædunt 227. 344 379. ad Slavoniam recuperandam mittuntur 242. in castra veniunt 276. 345. 359. Tartar. & Turcas in fugam vertunt 292. pedites victoriam inchoant 292. in prælio Nissenfi rem strenue gerunt 293. Kanisam domant 303. latera castrorum Turc. invadunt cum Rascianis; viam sternunt ad victoriam 321. Vallum ad Varadinum superant; illudque custodiunt 324. Orsova, aliisque insulis hostem depellunt 330. procurfiones felices faciunt 361. 373. Bihácsium cum Croatis oppugnant 375. hostem persequuntur 374. supellestilem Mustaphæ II. Imp. diripiunt 377. Maurecordatum cum familia occupant 427. Orsovam Splényio Ductore capiunt 445.
Hussaines Bosniæ Præfæctus Effekino opugnando insistit; dolo militari delusus abscedit 310.
Hymnus Ambrosianus decantatus Viennæ 146. Strigonii 244. Effekini 244. Venetiis 364. 401. in castris 425.

I.

Jacobus Badoarus Byzantium suadet impugnandum 33.
Jacobus Barbarus cum suo milite cæsus 33.
Jacobus Colyerius Holland. Orator apud Turc. de pace compellatur a Mustapha Imp. 378. acceptus Purpuratis 384. Carloviczii inter multa cædia moratur; ejus industria pax conclusa; omni honore Belgradi colitur 399. ejus sôror alloquio Soltanæ fruitur

401. differit de pace cum Princ. Eugenio 446. Passaroviczium petit 447.
Jacobus Contarenus supplicantium agmine Naivallem accedit 78.
Jacobus Minotus de Corinthe tradenda paciscitur 417. in captivitate lapsus, ab Hochpieda redemptus 418.
Jacobus Regius Princeps Polon. cum Patre ad liberandam obsidione Viennam contendit 143. sollicitudo ejus de Patre in pugna Párkanensi 157. Cracoviam redit 156. Cameneccum infestat 270. in castra Polon. venit 337. Candidatus regni Polon. 369.
Jacobus Riva classe valida Hellepontum obsidet; Ibrahimum exitum rimantem redire cogit Byzantium 29. rursus eandem stationem tenet; utramque hostium classem aggressus, plurima navigia Vulcano consecrat; ob hanc victoriam novis honoribus a Repub. ornatur 332. dissuadet obsidionem urbis Byzantinæ 33. angustias Helleponti deserit; naves ad reparanda damna in opportuno portus dimittit; hac occasione usi Turcæ in Cretam militem trajiciunt 34.
Jagodina nullo successu oppugnatur a Turcis 291.
Jancongias Archithalassus Turc. classis Chium petit; vitæ ejus cursus 416. Tenedum insulam capit 417. Naupliam, & Methonem cum Vezirio sub jugum mittit 419. in Creta Sudam, & Spinalongam Venetis aufert 419. ejus nomen multum celebratur in aula, traducitur a Vezirio; Müstius & Soltana eum a calumniis vindicant 421. Corcyræ expugnandæ parem militem, & apparatus obtinet 423. superbum ejus dictum 428. sinum Corcyrensem intrat cum classe; prælio navali concurrit 429. locum pugnae retinet 430. bina castella armis subjecit 430. assultus tentat in ruinas Corcyræ; signa XXX. defigit; in castra rejicitur 431. subita tempestate percussus obsidionem solvit 432. classem, & exercitum instaurat; exilio punitus excruciat; opes suas prodit; & amittit 434.
Janicfari in Abassam rebellem arma corripunt 1. astu elusi eadem ponunt 2. eorum rapinæ castigantur 5. seditione mota Byzantium turbidi proficiscuntur 6. Vezirium frameis concidunt 7. Agam suum suspendio necant; redeunt ad obsequium 8. eorum Præfæcti de expeditione Persica quæsti, morte plestantur 11. seditionem movent 14. ad Uivarinum prodiri 21. in Ibrahimum Imp. & Vezirium conspirant; hunc suffocant, illum in carcerem compingunt 30. dissident cum Spahiis; aciem formant adversus eos 35. Soltanæ fauces elidunt 36. tumultuantur Byzantii, & ærarium Imp. effringunt 41. Zrinyii victoriam morantur; cæduntur 60. ad S. Gotthardum Imperiales fundunt 63. partim aquis, partim ferro pereunt; in Vezirium consurgunt 64. Gallos cum cæde fugant ad Candiam 78. Heimbürgum vastant 136. seditiosi frameis conciduntur 149. delectus eorum fiunt 161. Budam mittuntur 185. 216. cum Spahiis tumultuarie pugnant 197. Budam acerrime propugnant 218. domos privatorum Byzantii diripiunt 272. Vezirium interficiunt 272. cæduntur 292. 293. 297. 321. tumultuantes suos Præfæctos trucidant 338.
Jannina Princeps Mold. Jassio excedit 327. ejus oratio ad Sobieskium R. Polon. 328.
Jassium, urbs Moldaviæ Turcis erepta 94. Sobies-

- Sobieskius R.** Polon. eam occupat 268. deserit; incendio fœdatur a Cosaccis 269. rursus ab eodem Rege obtinetur 328.
- Ibrahimus** post carcerem IV. annorum rerum potitur; die inaugurationis vicos Byzantii fractus viribus obequitat; ejus vitia 19. 29. de ejus pellice, & filio per Melitenſes capto rumor 23. Mustaphæ Præfecti divitias in ærarium redigit ob sinistram pugnam 26. Ibrahimum classis Præfectum ad Helleſpontum a Venetis fugatum, trucidari jubet 29. in ergastulum conſectus, mente mota furit; morte afficitur 30.
- Ibrahimus Alepi** Gubernator fit classis Præfectus; pugnam committit cum Venetis ter 434. victorias falſo nuntiat Imp. mendax rumor fidem reperit in aulis Principum 435. rursus prælio commiſſo inferior abſcedit 436.
- Ibrahimus Budæ** Præfectus Janicſaris præſt 131. ad obſidenda Lotharingi caſtra præmittitur 133. obſiſtit acriter Cæſareis in pugna Viennensi, Polonos urget 144. proditionis falſo accuſatus a Kara-Mustapha, vita privatur; ejus virtus militaris 148.
- Ibrahimus alter Budæ** Præfectus novas munitiones urbi addit 178. oppidanos in arcem fugientes tormentis impetit 171. arcem acriter defendit 177. decus ſervatæ Budæ illi tribuitur a milite 180.
- Ibrahimus Cameneci** olim Gubernat. Vienneſem legatur 403. Leopoldo Imp. adfert munera; ejus urbani mores; navigia ejusdem ſiſtuntur ad Valkovariam; cur? lis enata conſopitur 405.
- Ibrahimus Chaetan** apparatus facit in bellum Polon. multa oppida in ſuam poteſtatem redigit 99. Sobieskius Regem in caſtris obſidet 100. ſuper conditionibus pacis agit; adverſus Tartaros prædatores ſuos arma jubet capere *ibid.* acerrime dimicatur; pacis lineamenta deſcribit 101. in Moſchos & Coſaccos vadit 108. Cæcrynus occupare tentat; Tartaris a Moſcho caſis, Bendeſſam iter relegit 109.
- Ibrahimus classis Turc.** Præfectus pugna ſuperatus ex imperio Ibrahimi mortis pœnam ſubit 29.
- Jeghenus** ad divexandum Lotharingi agmen immittitur 240. olim prædonum Ductor Aſiam perſultat; miliciam Mahometis IV. Imp. amplexus Byzantium accedit 245. ejus bellica virtus, & veſtitus; Vezirio minime gratus; in pugna ex composito deſertus; turbas miſcet; Sciauiſum ſibi ſocium adſciſcit 246. Vezirio fuga ablato imperium copiarum partitur cum Sciauiſo 247. Adrianopolim proſciſcuntur, dein Byzantium 249. factione Sciauiſi nulla pompa urbem ingreditur; injuria ſtimulatus milites incitat ad petenda ſtipendia, & donativum 271. ære placantur 272. novum commentum ſpargit, quo Sciauiſus periit 272. fit Seraskerius in Hung. 273. in Solym. III. Imp. & Vezirium cum Soltana conſpirat 274. ad Belgradum metatur 277. metu Bavari Electoris Belgradi ſuburbium incendit 277. Semendriam ſe recipit, dein Niſſam; oppida Chriſtiani nominis diripienda concedit militibus 278. conſpirant in ejus necem; proſcriptus necatur 289.
- Ignes feſtivi Byzantii** 10. 14. 315. 400. in Aſiæ, Europæque urbibus 14. 91. Adrianopoli 64. 91. in campis Adrianop. 97. in Moſchovia 377.
- Illeſhâzi**, Vide Gabriel.
- Incendium Byzantii** 8. 273. Adrianopoli 9. Candia 74. Cæcryn 114. Caſſovia 124. Budæ 171. 218. Poſegæ 244. Navarini 259. Jaſſii 269. Aulonæ 326. in urbe Chio 357. Temefiæ 366. gradi &c Belgradi 441.
- Innocentius X.** Pont. naves armatas Venetis mittit 24.
- Innocentius XI.** Pont. Leopoldo Imp. opem ſpondet adverſus Turcam 132. vexillum Janicſarorum a R. Polon. dono miſſum accipit 145. ſœdus procurat inter Cæſarem, Polonos, & Venetos 163. ſummam pecuniæ mittit Leopoldo Imp. in belli ſubſidium 183. Erdôdii virtutem bellicam dilaudat 208. lætitia ejus de Buda capta 224. Divum Stephanum Hung. Reg. in communes toti Ecceſiæ faſtos transfert 224. navigia Venetis in auxilium expedit 253. Novum caſtellum Dalmatiæ præſidium cupit edomari; eo mittit militem ſuum 265. ſuadet Sobieskio R. Polon. Camenecum ut expugnet; eidem ſumptus belli pollicetur 268.
- Innocentius XII.** Venetos juvat 333. navigia armata in Cretam mittit; Caneam obſident 335. prælium navale ſecundum faciunt 363. Corcyræ ſuccurrit 435.
- Innocentius Tenſus** Venetus cum ſuis incendio perit in pugna maritima 376.
- Joannes Bapt. Nanus** Scriptor rerum Venetarum; limites controverſos Dalmatiæ deſinit 83.
- Joannes Badoarus** capitur 418.
- Joannes Capellus** Legatus Venetus, Candia inſulam a Vezirio petit; in ergaſtulum reſtriditur 36. ad triumphum Turcicum inſpiciendum evocatur 46.
- Joannes Caſimirus** Rex Polon. cum Leopoldo M. ſœdus icit 42. Coſaccorum Dux in eum hoſtilitatem exercet 83. Regiam purpuram in comitiis ponit 85.
- Joannes Chriſtophorus Zirowſki** in Moſchoviam legatur 163.
- Joannes Contarenus** Tenedi inſulam trepidus deſerit 45.
- Joannes C.** Draskovics Pro-Banus aliquot munitionibus Turcam depellit 427. 445.
- Joannis C.** Eſzterhâzi Pro-Gubernatoris Jaurin. miles in turri Budenſi vexillum figit 219. ſuum peditatum ad Budam circumvallat 220. Palotam cum B. Ariazaga 245. & Albam Regalem capit 276.
- Joannes Gninskius** Culmenſis Palatinus legatione fungitur apud Mahometem IV. Imp. ejus ingreſſus Byzantium; & oratio ad Imper. 102. inter tædia pacem conſciit 103.
- Joannes C.** Haller concordiam procurat inter Leopoldum M. & Apaffium 189. 229.
- Joannes C.** Kemény Ductor exercitus Tranſil. inopia rerum laborat; obſeſſus a Tartaris cladem accipit 56. fit Tranſylv. Princeps; Andream Barcſajum pugna victum ſuſpendio necari jubet; Achatium Barcſajum per ſuos interficit 55. Leopoldi M. opem implorat adverſus Turcam; ſuum militem cæſareis copiis conjungit; Apaffium principatus æmulum opprimere ſtudet; in prælio occiditur 56.
- Joannes Ludov. Kuſſſtein** Legatum agit Byzantii 17.
- Joannes C.** Pálſſi hoſtium conatus explorat; modica manu XL. millibus Turc. obſiſtit; victor in caſtra redit; in pugna decreto-

- ria equitatum moderatur; Spahios loco
revertet 424. cum Wirtenbergico Temesiam
claudit 425. ad Begum fluvium excubat;
cum Eugenio Principe suppetias Turc. re-
jicit 426. Vezirii interceptas literas ad Eu-
genium desert; in expugnatione castrorum
Turc. equitatui præest 442. primus valla
invadit 443. in castra irrumpit; secuta cæ-
des hostium, & victoria 443.
- Joannes Pesarus in Senatu Veneto bellum
continuandum suadet 48.
- Joannes Princeps Moschoviæ, Imperii con-
sors a milicibus pronunciatur 117. renuit
fœdus inire cum Leopoldo; cur? 163.
- Joannes Radzivilius Poloni militis Ductor a
Cosaccis cæsus 84. Povolociam Cosacco-
rum præsidium expugnat 97. Regi obfesso
suppetias venit 100.
- Joannes Sobieski Regiis copiis præficitur 92.
supplementis militum exercitum auget 93.
castris Turc. captis stragem edit; magnitu-
do victoriæ; Cocinum, & alia præsidia
Turcis eripit 94. Rex Poloniæ electus Po-
doliæ, & Ukrainam cum exercitu petit;
plurima loca sui juris facit; Principem
Moldaviæ in provincia stabilit; Cracoviam
victor redit; Tartaros profligat 95. castra me-
tatur ad oppidum Zurovno; obfessus agit
de concordia 101. erumpit in Tartaros præ-
datores; cum Turcis acerrime configit
102. bellum pace commutat 103. fœdus
percutit cum Leopoldo Imp. 132. Viennæ
obfessæ auxilium fert 143. in prælio Vien-
nensi dextrum cornu in Turcas movet
143. pars magna victoriæ; capto Janicsa-
rorum signo in castra irrumpit 144. tento-
rium Vezirii occupat 144. per ruinas mu-
rorum in urbem deducitur; Leopoldum
Imp. convenit 146. anceps certamen ad
Parkanum contrahit 150. ejus periculum
151. rursus hostes aggressus nobili victoria
potitur 152. Cracoviam triumphabundus
ingreditur 156. ad Tyram fluv. meta-
tur; Tartaros in fugam conjicit 266. ty-
pum expeditionis in Turcas describit; Mo-
schoviæ Principem in commune fœdus alli-
cit 268. Camenecenses præsidarios casti-
gat; in Tartariam Budziacensem cum co-
piis abit; commeatu deficiente reditum
maturat; bellum continuandum in comitiis
evincit; per ægritudinem castris abstinet
269. bellum Turc. languet 297. ejus epi-
stola ad Pontif. bellum apparat; Lubomi-
rium Principem undique obfessum liberat
327. in castra venit cum binis suis filiis;
Camenecum oppugnandum decernit; 337.
pacem rejicit 338. comitia nullo successu
olvuntur 347. moritur 369.
- Joannes Soranzius, sive superantius, Orator
Venetus purgat Rempub. Byzantii; Candix
Gubernatorem certiore facit de bello
Turcico 24.
- Joannes Steph. Kneševicius Bulgarorum An-
tistes contra Turcam auxilium poscit Ca-
praram 278. Chiprovaczii obfessus, ferrum
hostile evadit; iconem B. V. M. prodigiis
claram secum in Transylv. desert 280.
- Joannes Szent-Pálus Valachos fundit, fugat-
que 56.
- Joannes Vékony epistolam Vezirii ad Guber-
nator. Belgradæ scriptam Pálthio prodit
44.
- Joannes Wertmüller rei tormentariæ Præfe-
ctus ad Caneam cum suis opprimitur 66.
- Josephus Delpinus vicaria potestate navagii
Venetis præest; classem in altum jubet
propelli ad pugnam capeffendam 38. præ-
toriam fatiscentem tuetur; quot ex utraque
parte ceciderint? 39.
- Josephus C. Elzterhâzi castra Turc. astu mi-
litari obtinet 445.
- Josephus C. Herberstein Prior Melitensium
in Peloponnesum trajicit 258. Novum ca-
stellum in Dalmatia infestat 265.
- Josephus Morosinus tria millia Turc. in ca-
pivitatem redigit; hæc victoria multum
recreat Rempub. 35.
- Josephus Ufus Morlachorum manu Turc.
castra capit 255.
- Josuffes Turc. Ductor per Morluchos clade
afficitur 82.
- Jörgerus C. Pro-Tribunus ad Temesiam oc-
cumbit 367.
- Ipsir Hierapoleos Præfectus spem habet Ve-
zirii munus obtinendi; ejus adminicula 39.
cum valida armatorum manu Byzantium
proficiscitur; in speciem amice susceptus,
dum de bello Veneto consultat jugulatur
40.
- Ipsiris filius patris mortem ulcisci contendit
40.
- Isacus Judæus raræ fortitudinis exemplum e-
dit in pugna 430.
- Ismael Budæ Gubernator a Georgio II. Rá-
koczi in fugam actus 54. versa fortuna hunc
profligat 55. æmulatio ejus cum Temesien-
si 56. capita pacificationis sugillat 57. Vi-
varinum cum Kiuperle expugnat 59.
- Ismael Peloponnesi Gubernator a Mainotis
premitur; istorum aliquos Venetis detra-
hit; ejus oratio 256. a Morosino fugatur
258. prælio inferior 259. Græcæ Religio-
nis vicos populatur 260. iterum victus a
Königsmarkio; exauthoratur 262.
- Ismael senex sit Vezirius; authores seditionis
variis suppliciis afficit; dignitate movetur
273.
- Julius Ludovicus Eugenii Principis frater,
accepto a Tartaris vulnere, Viennæ mori-
tur 135.

K.

- Kanisam impugnat Zrinyius; oppugnatio-
nis difficultates 61. deditur 103.
- Kanisensem agrum nostri populantur 52.
- Kaplanes Bassa Leopolum ad dedicationem cogit
90. ad Cecinum cæsus pontes exurit;
plenam victoriam Cosaccorum corrumpit
113. a Duce Moschorum eluditur; in
castrorum oppugnatione lauciatur 114.
- Kara-Ibrahimus sit Vezirius; socium in præ-
fectura accipit 159. mille armatos suo ære
conducit 184. exauthoratus in Rhodum
deportatur, occiditur 210.
- Kara-Mustapha duras condiciones pacis obtru-
dit Polonis; Oratori Polon. alloquium
ægre concedit 84. Vezirius nominatus Po-
lonicæ pacificationis puncta in controver-
siam vocat 102. Chmelniczkium Cosacco-
rum Ducem instituit 108. molliores condi-
tiones Moschis offert 110. in Moschos ex-
peditionem molitur 110. ad Tyram fluv.
metatur; Chmelniczkium, & Chamum
lætus videt in castris 111. ad Cecinum
male mulatur; castra vallat contra Mo-
schos; cruentum certamen cum his contra-
hit 114. hac expeditione XXX. millia ar-
matorum amittit 115. Tökolio favet 119.
paratus facit in Hung. bellum; eidem mit-

- tit militem; quo consilio 120. simulata humanitate Cæsareum Legatum accipit; in bellum Hung. exæstuat, cur? 122. Imperatorem in suam sententiam pertrahit 123. exercitum movet in Hungariam 130. deliberat, cui præsidio militem admoveat 134. Viennam cingit; literis sparsis urbem dedendam monet 138. affukus infelices tentat 140. numerum suorum init 143. aciem struit; memorabili pugna victus 144. in Hungariam fugit 146. cladem Mahometi Imp. nunciat 147. Præfectos Turc. occidi jubet 148. seditiosos ferro enecat 149. odium militis in eum 157. a Tököllo, & uxore Ibrahimi occisi inculatur; Belgradi elisis faucibus obit 158. mores, & vitæ cursus 159.
- Karloviczium, Vide Carloviczium.
Kaunicz Vide Caunicz.
Kazanakensis nostrorum cædes 302.
Keglevics, Vide Petrus, Sigismundus.
Kemény Vide Joannes.
Keyfersfeld machinator Petro-Varadinum munus 331. ad Belgradum cadit 342.
Kislar Eunuchorum Præfectus partem pecuniæ in ærarium Imp. transfert 233. Caimacanem prodicionis arguit; necem Vezirii Imperatori persuadet 248. carceri includitur; solutis vinculis Memphim navigat; in portum Scutaris ejectus jugulatur 249.
Kiuperlis Mustaphas junioris Kiuperlis filius in Mahometem Imp. cœptam conspirationem pertexit; Sciausum, & Jeghenum Byzantium invitat; Mahometem cohibet a nece fratris Solymani 249. Vezirius seditiosos in eum concitat; Canæ præfecturam accipit 272. fit Vezirius 294. ærarium Imp. auget; castrensem apparatus immittit 302. insidiæ parantur ejus vitæ; insidiatores variis suppliciis mactantur; classi Danubianæ Mezzomortem præficit; Tököllo Daciam donat 303. copias in Serviam infundit; Nissam, & Semendriam capit 307. tum Belgradum 309. bellum apparat 314. 315. Solymano Imp. suadet, Byzantii ut sedem figat 315. Purpurati conspirant; seditionem comprimit; ejus oratio 317. ad exercitum festinat 319. nostrum exercitum sequitur; Buquoja legione concessa exercitum fere claudit; castra tuetur 320. 322. nobili pugna patrata glande conficitur 322.
Kiuperlis Caimacanes Byzant. seditiosos frustra placare nititur; Adrianopolim fugam arripit 410.
Kiuperlis, Vide Achmetes, Amidfahogli, Mehemetes, Mustaphas.
Kohári Vide Stephanus.
Kolbius Lipæ Præfectus captivus abripitur Temesiam 361.
Kolonics ad Szalankemenum occisus a Turca 322.
Kornis, Vide Franc. Sigismundus.
Krinfszkius Tartaros cædit 285.
Kunizius L. B. Legatus apud Turcas, certiorum reddit Leopoldum Cæsarem, quid Byzantii agatur 119.
Kyba cum Hungaris & Rascianis Savum custodit 343. Bosniæ Prætoris fundit, fugatque 344. de Bosnia exterrita admonet Principem Eugenium 374. expeditum iter facit copiis in Bosniam 375.
- Ladislaus C. Csáki Legatus Leopold. Imp. Principes Valachiae, & Moldaviae ad Societatem armorum invitat 230. quid spei retulerit? *ibid.* ejus legio equestribus Barovicziam occupat; Christiani nominis captivos libertati restituit 279. Turcas, & Tartaros in fugam compellit 292. premittitur in prælio Nissenfi 293.
Ladislaus C. Eszterházi ad Vezekinum a Turcis concisus 52.
Ladislaus Pethő Kis-Comaromium propugnat 52.
Laurentius Delphinus male mulctatur in Dalmatia 51.
Laurentius Donatus Orator Reipub. Venetæ Byzantii; in carcerem detrusus, ære bellum redimit 251.
Laurentius Marcellus Archichalassus, in Candia rei Venetæ consulit; ad Hellespontum excubat 43. de classe Turcica triumphat; majori pila percussus occumbit; ejus laus 43.
Laurentius Molinus Ludovici filius naufragio perit 81.
Laurentius Soranzius legatur Byzantium 401.
Laureto Turcæ imminet; resistentibus ventis prohibentur portum accedere 22.
Lavernia Marchio ad Szegedinum occumbit 226.
Lazarus Mocenicus in pugna oculum trajectus, victoriæ nuncius Venetias advolat 43. Venetæ classis Imperator Chium petit; in portu naves hostium partim concremat, partim captivas abducit; classem Turc. persequitur 44. Kiuperlem Vezirium Hellespontum cogit repetere; pulveraria cella prætoriae accensa, mediis fluctibus sepelitur 45.
Legatus Amurathis IV. ad Mogolem II. Regis Persar. ad Amurathem IV. Imp. 16. Betlenii ad Mustapham I. Imp. 16. Georgii I. Rákóczii ad Amurathem IV. Imp. 17. Questenbergius ad Ibrahimum 20. Ludov. Contarenius ad Mahometem IV. 31. Capellus ad eundem 36. Confœderatorum ad Ferdin. R. Hung. Parchevicius 42. Perisius Leopoldi M. ad Mahometem IV. Imp. 56. Goefius apud eundem *ibid.* Gualterus Leslæus apud eundem 64. Ballarinus, Giavarina Reipub. Venetæ apud Mahometem IV. Imp. 68. Molinus apud eundem 75. Visovszkius apud eundem 85. Baderlinus ad Leopoldum M. 116. Radzivilius ad eundem 116. Hoffmannus ad Mahometem IV. Imp. 118. Sigismundus Homonai Tököllo ad Regem Polon. 161. Apaffii ad Leopold. Imp. 189. Tököllo ad eundem *ibid.* Tököllo ad Ordines Trans 229. Csákius Leopoldi M. ad Principes Valachiae, & Moldaviae 230. Maurocordatus Vezirii ad Badensem 234. Valkovius Principum Moschorum ad Rempub. 269. Maurocordatus & Sulifar ad M. Leopoldum 286. Selymi Girei Tartar. ad Polonos 312. Polonorum ad Moschos 313. Angliæ, & Holland. ad Achmetem II. Imp. 332. Persarum ad eundem 333. Tartar. Chami ad Polon. Regem 338. Petri Moschorum Czari ad Leopold. M. & Rempub. Venetam 370. Reipub. Venetæ ad Mustapham II. Imp. 401. Moschorum, & Leopoldi Imp. ad eundem 402. Achmetis III. Imperator. ad Leopoldum Imp. & Venetos 415. Ve-
P p p neto-

- netorum ad Achmetem, & Principes Christianos 415. 416. Caroli VI. Imp. ad Achmetem III. Imp. 417. Achmetis III. ad Carolum VI. Imp. *ibid.*
- Lemnos Insula Venetis cedit 44. Turcar. armis subacta 46. a Venetis vastatur 380.
- Leonardus Fosculus Novigradum recipit; tum Salonom, Nadinum, Uranam Dalmatiæ præsidia capit 27. Techelem repetito certamine fundit; Morlachos in libertatem vindicat 28. in Asiam abit præfecturam maris accepturus; Samum, Lerum insulas Reipub. asserit 35. Scyrum insulam populatur; tempestate maris conflictatur 36. cum Melitensibus obsessam tenet classem Turc. Epidauro obsidionem infert; desertam ab hostibus ingreditur; solotis cuniculis cladem patitur; præfectura se abdicat 37.
- Leopoldus M. Imp. Keményio Transylv. Principi auxiliares copias mittit 56. adversus Turcam exercitum comparat 57. hortatur Sobieskium R. Polon. ut bello cæpto insistat 103. Legatos Moschoviæ, & Polon. perbenigne accipit 116. Tökölum ab armis conatur revocare; nuptias junioris Rákóczii ei offert 119. Saponaram ad Tökölum ablegat cum optimis conditionibus 120. bellum parat; Legatos dimittit ad varios Principes petitem auxilia 129. fœdus facit cum Polonis 132. propinquante Turc. exercitu Vienna discedit 135. ad nuncium liberatæ Viennæ Lincio advolat 146. contra Turcas fœdus icit cum Polonis, & Venetis 163. Petrum & Joannem Alexovichios Moschoviæ Dominos ad fœdus idem invitat 163. pacem negat Mahometi Imp. Apassio Principi Transylv. reconciliatur 189. Budam retentare jubet Lotharingum 216. apud Innocentium XI. Pontif. agit, ut D. Stephanum R. Hung. in communes toti Ecclesiæ codices transferat 224. Principes Valachiæ, & Moldaviæ in belli societatem vocat 230. Bulgaris auxiliatur 279. jubet Heislerum Apassio suppetias ferre 304. classem Danubianam ædificari mandat; de pace agendi potestatem facit Anglis 332. pacificatores in castra mittit 379. 385. Czarem Moschoviæ Viennæ magnifice habet 382. non probat facilitatem pacificatorum 390. captivorum, & Religionis causam istis commendat 395. Legatum Byzantium expedit 402. Turcum accipit 405.
- Leopoldus C. Kolonics Episc. Neostad. Viennæ obsessæ ære succurrit 137. quingentos alendos suscipit; a Leopoldo Imp. collaudatur 145.
- Leopolis Turcis deditur; pecunia populationem redimit 90.
- Leslaus C. Verovitiziam in Slavonia capit; Turcas bis profligat 181. pontem Efsékin. exurere contendit 182. & reipsa incendio perdit 207.
- Leucas, seu urbs S. Mauræ Venetis subditur 253. vi pulveris pyrii in ruinas acta 419.
- Leva a Turcis capta 60. a Sufa expugnata; frustra impetitur ab Hassane Budæ Præfecto 62.
- Lipa præsidium assultu captum a Turcis 361.
- Lodronius in velitatione occisus 221.
- Loredanus, Vide Anton. Hieronym.
- Löffelholz Petró-Varadini Gubernator in hosticum irrumpit 423. pontem Danubii tutatur;
- tutatur; mediam aciem in pugna moderatur 424.
- Löwenhauptius Suecorum Duxor prælio superatur a Moschis; iterum victus capitur 414.
- Lubomirskius Chmelniezkium Cofaccorum Ducem opprimit 84. in insidias præcipitat; a Rege Sobieskio liberatur 327.
- Lucas Groatius ad Belgradum bellicam incendit, & Turcis in prædam relinquit 342.
- Lucas Rocca Carabusam Turcis prodit, cur? quibus conditionibus; illusus ab iisdem 334.
- Ludi militares Bagdati instruuntur 15. in campis Adrianopolit. 96.
- Ludovicus Badensis Marchio in Turcas depugnat 152. 172. aliquot præsidia expugnat 226. in receptu postremum agmen ducit 240. Turcas campo propellit 281. supremus copiarum Duxor ad amnem Moravam movet; hostem profligat 292. 293. in Valachia stativa facit 295. cunctatur præesse copiis 304. Belgrado, aliisque locis munimenta addit; in Daciam festinat adversus Tökölum; eum e provincia ejicit 306. post cruentum certamen hostium castra expugnat 321. quantus numerus cæsorum 122. Varadinum circumfidet 324. morbo prostratus Viennam abit 331.
- Ludovicus Contarenius Orator Venetus negat reddenda navigia Turc. Galatæ carceri mancipatur; concordiam firmat inter suam Rempub. & Turcas 23. Mahometem IV. Imp. de proroganda pace interpellat; cum fastidio exceptus, Venetias redit 31.
- Ludovicus XIV. Rex Galliæ potestatem facit Volonibus Candia succurrendi 69. 73. armatorum VII. millia mittit 76. Religionem Catholicam in Turcia per suum Legatum tueri pergit 396.
- Ludov. Leonardus Mocenicus Candia urbi præsidio est 29. 32. insulas Turcicæ dittonis evastat *ibid.* Canæ urbi insidias struit, duo præsidia Turcis aufert, & evertit 33. classem Turc. bis vincit 34. per Ægeum mare persequitur; in urbe Candia extinguitur 39.
- Ludovicus Molinus Orator Venetus apud Mahometem IV. Imp. 71. in Concilium Purpurat. admissus, de pace differit; cum domesticis suis in Cretam deportatur; traditur custodia 75. arcessitus in castra de pace compellatur a Vezirio 76. 77. pacem stabiliturus Vezirium convenit, ejus filius naufragio perit; Adrianopoli benigne suscipitur ab Imper. 81.
- Ludovicus Neoburgicus in Vissegradi oppidum armata manu irrumpit 166. in oppugnatione Budæ Viennensem portam infestat 172.
- Luneburgicæ legiones Candiam propugnant 75. in Hungaria militant 331. Belgradum impetunt 341.

M.

Mahometes IV. sexennis puer Imperator acclamatur; compendio recensentur ejus militaria facta 31. ad perumpendas Hellesponti fauces Vezirium excitat 38. seditiones supplicii castigat; classem ædificat 44. triumphat de Venetis; in Hiera: oleos Præfectum movet; dolo eum interficit 47. Kiuperlem Byzantio præficit 49. a seniore Kiuperle monita accipit 50. Legatum mittit ad Ferd. III. Regem Hung. 51. Rákóczium

- K**órcium dehortatur a bello Polonico 52. in Illyricum arma transferre mandat 61. inducias a Vezirio initas ratas habet 64. in Cretam cogitat transmittere 72. in gravem morbum incidit; rumor de ejus morte 76. ejus lætitiâ ob deditam Candiam 80. bellum Polonis denunciat 88. Camenecum, & Leopolum sui juris facit 90. in Moschoviticum & Polon. bellum apparatus conquirat 92. copias præcipuis Purpuratorum regendas tradit; ipse in montibus Moldaviæ dimoratur 93. Camenecum obsidione liberat 95. domicilium transfert Byzantium; cur? 99. spectat pompam Poloniæ Legati 102. arma in Moschos continuanda edicit 110. in campis Thraciæ militem convenire jubet 128. lustrat exercitum 128. ad Belgradum salutatur a Tókólio 131. redit Byzantium 131. stimulat Vezirium ad expugnandam Viennam 140. clade Viennensi turbatur 147. ad reparandas vires hortatur Purpuratos; ejus oratio 157. Kara-Mustapham interfici jubet 158. Africanos in auxilium vocat 183. belli paratus facit 184. 185. amici dissuadent profectionem in castra; eorum oratio 185. pacem nundinatur 188. pacem cupit cum Confœderatis 200. Solymanum Vezirium nominat 210. mœror ejus de amissa Buda 224. vitia ejus palam perstringuntur 231. pecuniam corradit 232. Moscheas expilat 233. fraude Kiuperlis amicorum præcipuos a se abalienat 249. exutus dignitate suam sortem dolet; in ergastulum traditur 250. Byzantium deVectus 314. moritur 338.
- M**ahometes Dervis fit Vezirius 37. mortem appetit 39.
- M**ahometes Purpuratus cum Mustio conspirat in Ibrahimum Imp. & Vezirium; hoc suffocato Vezirius dicitur 30. vicario nomine Imperium administrat; Oratorem Venetum vinculis onerat 31. ob classem incendio deletam dignitatem & vitam perdit 32.
- M**ainotæ, populus Græci ritus, cum Venetis conspirant; ab istis deficiunt, eorum regio detrimenta patitur 47. eorum varia fortuna 255. in partes Venetorum pertrahuntur; Ismaeli Præfecto Peloponnesi cladem inferunt 256. ipsorum ditio a Venetis vindicatur 257. aliquot machinas castrenses Ismaeli adimunt 258. Venetis cibaria præstant 435.
- M**akarius Pro-Centurio Orakovicium uno impetu captum delet; agrum hostilem urit; lectis spoliis recedit 231.
- M**aldefeldius Pro-Centurio vicenis Turcis interfectis, signifero vexillum eripit 440.
- M**arcellus Veneti equitatus Magister Ciclutum copias ducit 352. morbo corripitur; Delphinum in expugnando, & defendendo Cicluto adjuvat 353.
- M**archio de Corbon circumventus ab hoste, in orbem pugnare cogitur 259. vulneratur 263.
- M**arinus Badoarus cum copiis cæsus 33.
- M**arsilius, sive Marsiglius, Vide Aloysius.
- M**artignius Tribunus castris minoribus præest 440. cum Nádasdio, Montecuculo finistrum cornu ad Belgradum regit 442.
- M**athæus Valachiæ Princeps dominatum suum firmat; Lupulum Moldaviæ Vaivodam delet 18.
- M**athias Josephus C. Schulenburg copiarum apud Venetos Imp. Coreyram munit 421.
428. uti & montem Abrahami, & S. Servatoris; utrumque Turcæ expugnant 430. e ruinis murorum Coreyren, hostem pellit 431. decus servati præsidii ei attribuitur; quid honoris acceperit a Serenissima Rep. 432.
- M**auræ S. urbs, Vide Leucas.
- M**aximilianus Emanuel Elector Bavar. florentes copias Budam devehit; ægrotante Lotharingo oppugnationem Budæ dirigit 176. in Seraskerium movet; Buda erumpentes rejicit 177. obsidionem solvendam censet 179. in castra venit 192. sinistram alam regit in pugna Strigon 194. pugnam inferendam Seraskerio suadet 198. Pestinum intrat; castellum Budæ impugnandum sumit; hic plurimum periculi, & laboris 217. suos assilire muros jubet 219. 221. proruto vallo in Vezirium tendit *ibid.* postremam aggressionem differri petit 222. castellum per assultum capit; quantæ difficultates 223. fama sui nominis Turcas in fugam conjicit 237. copias conjungit Lotharingo 238. Vezirius eum intercipere laborat 240. cum Sciausio manus conferit; Picolomineum cædi eripit 241. Vezirii tentorium occupat 242. Slavoniam recuperandam Dunewaldo commendat 243. Savum trajicit in conspectu Turc. 277. Belgradum verberat; assilientibus se miscet; vulneratur; urbem, & arcem capit; Viennam abit 278.
- M**aximilianus C. Staremborg dextrum cornu in Turcas movet; palustrem campum ramalibus sternit 168. in oppugnatione Budæ Viennensem portam machinis quatit 172. in castrorum invasione ad Belgradum finistrum cornu moderatur 442. peditatum in castra infundit 443.
- M**azzamammæ classem Mocenicus devincit 34. in portus munitos semet recipit; ejus copiarum peste laborant; ipse eidem malo succumbit; ejus filium Morosinus in fugam agit 49.
- M**ehemetes in Chamum Tartar. deligitur 2. cum Turcis feliciter decertat ad Cassam; Polonos, & Cosaccos sibi conciliat; in exilium pellitur 3.
- M**ehemetes legatur ad Leopoldum Imp. illius mores 65.
- M**ehemetes Damasqi Præfectus fit Vezirius 21. exauthoratur 25. restitutus dignitati, ad Hellespontum pugna inferior discedit *ibid.* male sibi metuit ab Imp. 26. Oratorem Venetum compellat de pace; accusatus a Cussaiæ jugulatur 27.
- M**ehemetes Kiuperlis Vezirius dicitur 41. classem numerosam ad Hellespontum propellit; contracto certamine IV. navigia perdit; repetit Hellesponti angustias 44. Tenedum occupat 45. & Lemnum 46. suadet Imp. Adrianopolitanum iter 49. senio confectus orat Imper. ut filium Achmetem Vezirium nominet; monita dat Mahometi IV. Imp. de amplificando Imperio Turc. moritur 50.
- M**ehemetes Mempheos Præfectus fit Vezirius 8. adversus Persas proficiscitur; IV. Præfectos militum in Cyprum deportari mandat, cur? severum imperium exercet 9. Regem Persarum Bagdato arcet 10. exercitum in Syriam reducit; præfectura spoliatus, Byzantium redit 11.
- M**ehemetes Mesopotamiæ Præfectus Vezirii dignitate ornatur 13. in oppugnatione Bagdati obit 14.

- Mehemetes Peloponnesi Gubernator** a Morosino pugna superatus; Græcæ Religionis incolas divexat 263.
- Mehemetes Reys-Effendius Pacificator** Carloviczii 385. offensus a Polono, & Moscho Pacificatoribus 387. cum Cæsareis de Transylvania, & limitibus provinciarum pertinax contendit 390. cum Moscho clam pacificatur 391. Polonis Camenecum cedit 392. cum Veneto multum tricitur 394. cum Cæsareis transigit 395.
- Melitenſes Equites Eunuchi prædivitis** navigia expugnant; in Cretam Veneti juris insulam semet recipiunt 23. occasio sunt belli Veneti 24. vires confociant cum Venetis 26. Hellesponti fauces custodiunt 36. classem Turc. obsessam tenent 37. Epidaurum obsident 40. cum Venetis classem Turc. debellant 45. opem ferunt Reipub. 46. renunt se adungere Morosino; in patriam solvunt 51. Candia optant succurrere 71. in Cretam renavigant 73. redeunt in Italiam 74. Alexandrinam classem expugnant 92. Leucadem, & Nicopolim capiunt 253. ad Coronam rem fortiter gerunt 257. in Peloponnesum trajiciunt Ductore Herbertsteinio 258. Novum Castellum impugnant, castra defendunt 265. in ruinis murorum stationem muniunt; in urbem irrumpunt, repelluntur; urbs deditur 266. suas naves Venetæ classi adiungunt 312. Caneam impetunt; prælio concurrunt 335. classem hostilem aggrediuntur, & victoriam reportant 362. bellum imminere sibi rati, auxilia contrahunt 416. Venetis præsidio sunt 421. 429. 435.
- Mercatura inter Asiaticos, & Europæos** instauratur 409.
- Mercius, seu Merzius, & Merſius, C.** ad Budam fauciatur; superante curationem malo Viennæ extinguitur 222.
- Messalinus Medicus** suadet Chamo expeditionem bellicam 95. ejus epistola ad Ricautium Anglum 96.
- Mezzomortes classi Danubianæ** præficatur 303. annonariis nostris potitur 320. commeatum vehit Belgradum 340. liberum Danubium habet; bellicam nostram capit 342. maris Præfectus prope Chium anchoras jacit; navigia X. amittit; Chium a Venetis desertam populatur 362. Ægeum mare infestum reddit; pugna inferior 363. 364. rursus victus a Venetis; vulneratur; Chium petit 376. in Divano sua militaria facta enarrat 378. ad Hellespontum pugna abstinet 380.
- Michael, I. Apaffi Transylv. Princeps** Keményium pugna superat 56. in eum arma movet infelici exitu Beldius 118. placat Mahometem, & Vezirium ob cædem Turc. 119. Szattmárinum obsidet 120. in Daciam subito abducit copias, cur? ejus insoles *ibid.* per Legatum convenit Leopold. M. 164. cur militem suum non miserit Seraskerio? 166. in concordiam redit cum Leopoldo Imp. 189. non probat Cæsareum militem in Daciam immisſum 203. imponit Tököllo 229. insimulatur perfidiæ apud Turcas 230. Daciam in fidem Leopoldi M. dat 242. mortem obit 304.
- Michael II. Apaffi Transylv. Princeps** 304.
- Michael Coributus Rex Polon.** Oratorem ablegat Byzantium 85. nihil pacati impetrat 87. castra figit ad Lublinum 91. iniquas condiciones rejicit 92. moritur 93.
- Michael C. Teleki Transylvan. Ductor** a Tököllo cæsus; caput ejus Adrianopolim missum 305.
- Miglius Pro-Trib. victores Turcas** intereptione delet; laus ejus 440.
- Mininski, & Miniski, Orient. linguar.** interpres recenset conditiones pacis a Turcis oblata 199.
- Mirandolæ Ducis copiarum auxilio** veniunt urbi Candia 79.
- Michael Morosinus cum Victore Zaneo** Orator apud Carolum VI. Imp. 416.
- Mocenicus, Vide Aloysius, Dominicus, Lazarus, Leonardus, Ludovicus, Sebastianus.**
- Mogol magnus controversias componit** cum Persis 6. ab Amurathe IV. in Persas incitatur 11.
- Moldavi a Rákóczio funduntur** 52. stragem reddunt 53. cum eodem arma vertunt in Turcas 55.
- Moldaviæ Princeps ferrea clava pulsatur** a Cussaine 93. Turc. exercitum prodit Regi Sobieskio; Moldaviam recipit 94. provincia ejectus, reducit a Sobieskio 95.
- Molinus, Vide Alexander, Anton. Laurent. Ludov.**
- Monita Mahom. IV. Imp. data** a Kiuperle 50.
- Morlachi qui? libertatem Venetorum armis** recuperant; fœdere se jungunt Venetis & Albanis 28. desertis Venetis fugam arripiunt 51. veteres suas sedes armis repetunt; Rizanum Dalmatiæ præsidium defendunt, subinde deserunt 81. cum Turcis secundum prælium faciunt; jussu Reip. arma ponunt 82. Cussainem Begum cum Nobilioribus Turcis interficiunt, cur? oppida hostium incurſant 251. Venetis se conjungunt 254. Boſniæ Præfectus de iis victoriam consequitur; versa fortuna castra Turcarum diripiunt 255. Turcis infesti 283. clade afficiuntur 284. Scopiam urbem vastant 346. e castris Venetorum se subducunt 352. Turcas Venetorum castris infestos fugant 369. urbem Cetinam propugnant 381. inopia frumenti laborant 428.
- Morosinus, Vide Daniel, Franciscus, Georg. Josephus, Michael, Thomas.**
- Moscheæ prædivites per Mahometem IV.** expilantur 234.
- Moschi a Polonis devicti** 9. bellum apparant in Turcas 92. Doroseskio iter præcludunt ad Turc. castra 94. societatem armorum faciunt cum Polonis adversus Turcas 105. Tartaris proſtigatis castra Turc. obtinent 109. Cetrinum obſidione liberaturi iter accelerant 112. Cosaccos in castra recipiunt 114. Turcas a castrorum invasione arcent 114. de fœdere ineundo agunt apud Leopoldum M. & Regem Polon. eodem tempore pacem quærunt Byzantiis; turbis agitantur a fatis Theodori Alexovichii 116. Joannem Principem Imperii consortem pronunciant; pacem XX. annorum cum Mahomete IV. pangunt 117. fœdere se jungunt Principibus Europæis adversus Turcas 269. numerosus eorum exercitus in campo 270. 286. Tartaros cædunt 300. cladem ab his accipiunt 301. bello abstinent 314. 347. præſidia expugnant 365. Affoviam nullo successu impugnant, cur? *ibid.* de classe Turc. triumphant; Tart. fugant, Affoviam capiunt 370. Tartaros, & Turc. ingenti clade proſternunt 377. 382. Precopiam urbem sui juris efficiunt 383. eorum Legati periculum in portu Byzantino 402. a Suecis cæduntur 409. Suecos bis prælio superant 414.

Movſes Székely, five Siculus, Amurathem

IV. in partes Stephani Berlen ſeſtit 17.

Muſtius ob raptum filię ſuę in Ibrahimum Imp. conſpirat; pedites ad ſeditionem concitat 30. Principum Chriſtianorum Legatos apud Mahometem IV. tuetur 14. literis hortatur ſuos ad perſequendum bellum 161. ſuadet armorum præfecturam Seraskerio committendam præ Vezirio 186. veneno necatur 249. ejus authoritate ſeditio extinguitur 273. ad ſupplicium poſtulat 410. ejus domus diripitur 411. reſte vitam finit 413.

Mulieres Turcicę Strigonium defendunt 154. Uivárinum 195. Novum Caſtellum in Dalmatia 265.

Munkácsia arx reſiſtit Cęſareis 204. traditur 275.

Murtaſanes pacem facit cum Polonis 10.

Muſſaipes Caimacanis dignitatem ſibi pollicetur; filiam Imp. in conſortem accipit; in aula gratioſus 110.

Muſtaphas II. Imp. acclamatur; ejus indoles 357. vulgat, ſe in bellum Hung. proſecturum; matrem ſuam priſtinę fortunę reſtituit 358. Tókólium in arma ſtimulat; armatus Hungariam petit 359. feſtinatis itineribus Lipam contendit; eam aſſultu capit cęſo præſidio 360. Veteranii caſtra expugnat; per Valachiam iter relegit; diſciplina militaris in ejus exercitu; triumphantis in modum Byzantium intrat 361. ad Perſam nuncios mittit de victoriis obtentis 362. ad ſolvendam obſidionem Temefię pergit 366. caſtrorum ſitum dum mutat, & munit, a noſtris invaditur; vario Marte pugnatur; victorem ſe fert; quantus numerus cęſorum 367. bellum apparat; Arabes ſeditioſos placat 368. ad Belgradum metatur; Titulium diſjicit; Szegedinum opprimere intendit; ponte Tibiſcum ſternit; equitatum traducit; ejus pedicatus ab Eugenio Princ. cęſus 373. Temefiam, inde Belgradum fugit 374. Tartaris auxilia præbet 376. mœror illius e clade 377. Anglum, & Hollandum clam interpellat de pacificatione 378. Mehemetem Reys-Eſſendium nominat Pacificatorem 385. ejus lætitia ob pacem concluſam 400. e ponte labitur ſine noxa *ibid.* Moſchovię Legatum fere pro captivo habet, cur? 402. Venetis belli ſpeciem præbet 408. cives, & milites ſibi offenſos reddit 409. Muſtium in vincula dat; arma expedit in ſeditioſos 411. a plerique deſertus, inſignia Imperii ponit; in carcere vitam claudit 412.

Muſtaphas Achmetis I. Imp. frater in carcere perimitur 15.

Muſtaphas Caimacanes Alyo Vezirio vitam exorat 338. fit Vezirius 339. Daciam verſus promovet copias 340. ad liberandum obſidione Belgradum revolat 343. Belgradum ingreſſus remuneratur Præfectos militum ob navatam operam; in Hung. & Sclavoniam prædabunda agmina immittit 344. factione Soltanę aula movetur 348.

Muſtaphas Purpuratus Bagdatum acriter premit; reſciſſis pactis Perſarum urbem populatur 14. fit Vezirius; Perſidem percurſat 15. Byzantii triumphat 16. ejus authoritas Ibrahimio rerum potiente 19. offenſionem incurrit apud Soltanam; hujus juſſu obtorta gula jugulatur 21.

NAdásdii C. Turcas cędunt ad Kanifam 146.

Nanus, Vide Bernardus, Joannes Bapt.

Naon interpres Venetus in furcam actus 421.

Naupaſtus a Turcis obſidetur; pelluntur a miſſis caſtris 336.

Nauplia Venetis deditur 261. peſtis in ea graſſatur 262. a Turcis oppugnata, ſtrenue defenditur; aſſultu poſtea capta 418.

Navailles Gallorum Dux Candię ſubſidio venit; eruptionem facit in caſtra, a foſſę margine hoſtem arcet 77. fugatur cum clade; inde diſcordię enatę inter Præfectos militum; ejus oratio ad Moroſinum 78. firmus perſeverat in propoſito e Creta diſcedendi 79.

Navarinum urbs Peloponneſi oppugnatur a Venetis; ejus deſcriptio 258. deditio capitur; vi pulveris nitrati fœde diſcerpitur 259.

Nehemius caſtellum excitat ad Tibiſcum; pulſus a Turcis, Petro-Varadinum ſe confert; Principi Eugenio ſignificat, Muſtapham Imp. caſtra moviſſe 372. Titulium ab interitu ſervat 379.

Neo-Zrinyia arx a Nicolao Zrinyio excitatur 56. hanc Zrinyii defendendam ſpondent; inter capita pacificationis everſio ejus poſtulat 57. a Kiuperle expugnata evertitur 62.

Nicolaus Barbarus cum ſuo filio captus ad Achmetem Imp. miſſus 418.

Nicolaus C. Erdódi Illyrici Pro-Rex Dubiczam intercipit; Turcas pulſat; eorum agrum urit 207. aſſultu Billaſtenam ſubigit; celebratur ab Innocent. XI. Pontif. 208. Illyricum ei committitur 242. oppida Turcarum edomat 245. Illyricum cum ſuo milite tutatur 325. moritur 344.

Nicolaus C. Eſzterházi ter Turcas proſligat 16.

Nicolaus Maurocordatus Alexandri filius fit Princeps Valachię 416. Nobiles Valachię, & Sacerdotes Auſtriaciſ partibus addiſtos vexat 427. Captivus Cibirium deportatur; libertatem conſequitur 428.

Nicolaus Natolinus tranſfuga Turcis commeatum advehit; fit maritimę expeditionis ſocius 34. captus, ac Venetias tranſmiſſus capite truncatur 35.

Nicolaus C. Straſoldus a Tókólianis vulneratur 201. terreſtrium copiarum Imp. apud Venetos 252. Nicopoleos agro vaſtatem infert 253.

Nicolaus C. Zrinyi Pro. Rex Illyrici oppugnatione Kis-Comaromii Turcas depellit 52. arcem Neo-Zrinyiam excitat 56. copiis Hungaricis præſt; ejus paſtum cum Petro fratre ſuo memoratam arcem propugnandi 57. ejus caput petitur Byzantium; in inſula leporum Turcas cędit 58. eoſdem ad Strigonium omni præda exiit; Sclavonicę expeditioni dat initium 60. invidi criminantur eum apud M. Leopoldum; Breſeniczam, & Babocſam capit; pontem Eſſekinenſem cum Paulo Eſzterházi exurit; impugnat Quinque-Eccleſias, & Kanifam 61. Kiuperle propinquantem ſe recipit; ſuadet Montecuculo pugnam; expugnata a Turcis Neo-Zrinyia, campo diſcedit; inter venandum ab apro diſcerpitur 62.

Nicopolis, seu Preueſa Venetis ſubditur 253.
 Niſſa a noſtris obtinetur 294. annona inſtruitur 302. a Turcis capta 307.
 Nitria Turcis cedit 60. Regiis armis recuperata 62.
 Noſtitius C. Orator Leopoldi M. ſœdus Moſchorum accelerat 268.
 Novigradum, urbs Dalmatiæ, a Turcis occupata, per Venetos recepta 27.
 Novigradum præſidium Hung. pulveraria turri accenſa munitiones perdit 197.
 Novum Caſtellum Dalmatiæ præſidium Cornarus edomat 266.
 Nuptiæ filiæ Mahometis IV. Imp. 97.
 Nuradines Tartar. Regulus caſtra facit in Moldavia 268. qua Polonorum copiis iter erat, incendia ſpargit; Polonos premit 269. Cameneco jubetur commeatum inferre; ad Tyram fluv. evigilat 284. Polonorum caſtra incurſat; recedentibus infeſtus inſtat; Camenecum re cibaria recreat 285. Moſchorum copias perſequitur 301. ad Aſſoviam a Moſchis fugatur 370.

O.

Oetinganus C. Pacificator Cæſareus 379. ejus oratio ad Polon. Pacificatorem 386. cedit quædam loca Ottomanis; cur? 390. legatur Byzantium; quo apparatu legationem obierit? 403. Belgradum inviſit non ſine pompa 403. ad Vidinum X. navigia amittit; frigore vexatur; Byzantium inſigni pompa ſubit; de redimendis captivis diſſerit ſapienter; obita legatione Vienneſem reddit 404. quibus detulerit munera? 405.
 Oppugnatio Bagdati 3. 6. 13. Tenedi inſulæ, & arcis 44. Lemni 46. Uivârinî 133. Vienneſis 137. Vide Buda, Strigonium, Corcyra &c.
 Oratio Calilis Purporati diſſuadentis bellum Tartar. 2. Regis Perſarum pacem petentis 11. Janiſſarorum in Ibrahimum Imp. 30. Badoari Veneti ſuadentis impugnandum Byzantium 33. Petri Parcheviczii ſœdus ſuadentis adverſus Turcam 42. Venetorum ſuadentium expugnandas Hellespontî fauces 43. Navaillis Gallorum Ducis ad Morofinum in patriam cogitantis; hujus ad Navaillem 78. Viſovſzkii apud Kiuperlem 86. 87. Kara Muſtaphæ ad Chmelniczkium, Coſaccorum Ducem inſtitutum 108. Sobieſkii R. Polon. ad Legatum Moſchoviæ 116. Saponaræ ad Tôkôlium 121. Kara-Muſtaphæ bellum Hung. ſuadentis 122. 123. ejusdem ad Capraram 128. Tôkôlii ad Saponaram 129. Muſſtii pro Legatis Principum Chriſtian. 147. Polonorum ad Regem reditum in patriam urgentium 151. Ducum diſſuadentium oppugnationem Strigonii 154. Lotharingi Budam ad iſtum deſtinantis 169. Purpuratorum diſſuadentium Mahometi IV. profectionem in caſtra 185. Armeni nomine Mahometis pacem petentis 188. Petnehâzii perſidiam Turc. exprobrantis 202. Badenſis ad Maurocordatum 238. Foſcarini, & Juſtiniani ſuadentium in Senatu pacem 251. Moldaviæ Principis 268. Tartarorum opem petentium a Turcis contra Moſchos 299. Huſſei Angl. Legati ad Solym. Imp. 316. Emirîs rebellis ad ſuos populares 339. Cancellarii R. Polon. de apparatu bellico parando 346.

Oetingani C. ad Polon. Pacificatorem 386. ſeditioſorum in Muſſtium 410. Achmetis Vezirii in Venetos 415.
 Orlich L. B. ad cuſtodiam pontis Danubii reſiſtus 239. clade afficitur; auctus copiis hoſtem fugat 240.
 Orſova per noſtros inſtauratur 295. Turcis deditur; præſidiarii contra pacta Belgradum rapiuntur; occupata ab Hungaris 330. amiſſam iidem recipiunt 445.
 Otto Vilhelmus Kônigsmarkius copiarum terreſtrium apud Venetos Imperator; Navarino admoveſt copias cum Morofino 258. Iſmaelem pugna vincit; Navarinum in poſteſtatem Venetorum redigit 259. Methone obſeſſa Naupliam circumvallat; ruſſum Iſmaelem vincit caſtris etiam occupatis 260. deditur Nauplia, & Argos 261. Peloponneſum ſubjugandam cenſet, Spartam, Athenas capit; præmiis colitur a Repub. Græcanicæ libertatis aſſertor audit 264. Chalcidem impugnat; moritur; militum mœror 283.

P.

Pacificatores Carloviczii conveniunt 385. leges ſtatuunt 387. Moſchi factum improbant 391. pacis tabulas ſignant 395. Paſſaroviczii pacem conſciunt 447. quibus conditionibus? *ibid.*
 Palanka munimentum Temeliæ expugnatur; ejus deſcriptio 426.
 Pálfi, Vide Franciſcus, Joannes.
 Palota a noſtris capitur 245.
 Panagiotus apud Mahometem IV. Imp. interpres 80. favet Græcis 397.
 Paſcova a Turcis inſtaurata 379.
 Papa oppidum deſeritur a Turca 147.
 Papa, Vide Alexander VII. VIII. Clemens IX. XI. Innocentius X. XI. XII. Urbanus VIII.
 Parkány munimentum a noſtris captum, & vaſtatam 153.
 Parthenius Conſtantinop. Patriarcha deſectio-nem Coſaccorum Vezirio narrat; dat conſilium eos revocandi 106. Chmelniczkium comitatur Byzantium 107.
 Parthenius alter Patriarcha Conſtantinop. ſœdus init cum Bulgariſ; ſupplicio afficitur 42.
 Parus Inſula Turcarum armis ſœdatur 70.
 Paulus Beldi dominatum Tranſylv. ſibi aſſerre contendit; Mahometis IV. mandato ab armis diſcedit; ad VII. turres dam-natus veneno ſuffertur 118.
 Paulus Deák proſperas procurſiones facit; inclareſcit bello Gallico 360. captivos Turcas in caſtra raptat 373.
 Paulus C. ſubinde Princeps Eſſterházi, pontem Eſſekinenſem cum Zrinyio incendio perdit 61. Uivârinum obſidet 133. finibus Hungariæ excedit 135. iterum Uivârinum claudit 166. annonam exercitui providet 371.
 Pax ſtabilita inter Amurathem IV. & Abaſſam rebellem 5. inter Polonos, & Moſchos 9. inter Ferd. II. Reg. Hung. & Bethle-nium 16. inter Regem Perſ. & Ibrahimum Imp. 20. inter Mahometem IV. & Tranſylvanos 54. inter Leopoldum M. & Mahometem IV. Imp. 64. conditiones pacis 64. 80. firmata inter Venetos & Mahometem IV. Imp. 81. inter Leopold. M. & Apaſſium 189. de pace aſſum 234. 287.

332. 385. quas conditiones posuerint Cæsarei, Veneti, Poloni? 287. pax Confœderatorum cum Turcis 398. 447.
- Peloponnesus vastatur 260. 263. urbes incendio fœdatæ 264. a Turcis invaditur 417. subjugatur 419.
- Perisus Orator Cæsar. de induciis prorogandis agit Byzantii 36.
- Persaan Gallus exul castra Turcarum munit 239.
- Perfæ rem feliciter gerunt contra Turcas 4. capti in servitutem abducuntur 10. Bagdato infelix eorum eruptio 13. Perfici belli rumor evanescit 408.
- Pestis Sudæ inter Venetos 27. in exercitu Turc. & provinciis eorum 49. 377. in exercitu Veneto 262. in Asia 339.
- Pesztinum munimentis exuitur partim a Seraskerio 168. partim a Lotharingo 180. desertum a Turcis Baviaræ Elector intrat 216.
- Petneházus factionem Tökôlii roborat 182. ad Leopold. M. cum suis transit; Cassio vienes movet ad urbem dedendam 203. Turcas cædit ad Aradinum; donum accipit a Leopoldo M. 204.
- Petro-Varadinum a nostris occupatur 244.
- Petrus Alexovichus Moschoviæ Princeps, Joannem fratrem Imperii consortem admittit 117. renuit fœdus icere cum Leopoldo Cæsare; cur? 163. init fœdus 269. pollicetur Polonis, se grandem exercitum in Turcas missurum 286. apparatus facit in Tartaros 298. post insignem victoriam clade afficitur 300. Assoviæ obsidionem infert; castellum assultu suæ potestatis facit 365. pugna navali superior; Tartaros fugat; Assoviæ obtinet; in minorem Tartariam bellum transfert 370. Moschuam urbem triumphans petit 371. provincias lustrat 377. Viennæ laureatas literas accipit 382. bellum continuare cupit 401. Oratorem mittit Byzantium pacis causâ 402. infelicitè pugnat cum Rege Suecorum 409. memorabili pugna Suecos vincit 414. cum Turcis æquo Marte congressus, castra tuetur; pacem facit, quibus pactis? 415.
- Petrus Dorofenski Cosaccorum Dux Polonis cladem infert 84. populares suos Imperio Turc. subdit 89. commendatur ei Podolia, & Ukraina 90. contra Polonos auxilia flagitat 92. suorum transfugio percellitur 97. ad Moschos transit; cur? 105. Cæcrinum munire aggreditur 112. erumpit non sine cæde Turcarum 112.
- Petrus C. Keglevics Turcas fundit, fugatque 368.
- Petrus Marcellus cum Nobilioribus Venetis contra pacta detentus, a Seraskerio dimittitur 419.
- Petrus Parchevicius Bulgaros in libertatem asserere conatur; ejus stirps; legatio ad Ferd. III. Regem Hung. tum Joannem Casimirum Regem Polon. 41. 42.
- Petrus Valerius Dalmatiam administrat; Castellum Novum impugnat; ad Narentam vallum ducit 254. ad Slingam castra amittit; in ordinem redigitur 255.
- Petrus Zrinyi pactum init cum fratre Nicolao Neo-Zrinyiam tuendi 57.
- Pitolomineus in Bosnia hybernat 282. Semendriam adducit suas legiones 292. cum equitatu Hung. & Germanico Turcas persequitur; Macedoniam, & Albaniam ter-ritat 294. moritur 295.
- Pio Marchio in pugnam animat Forgáchium 58. Uivárinum forti animo propugnat 59. dedendum censet 60.
- Pisanus, Vide Andreas, Antonius, Carolus.
- Polandus B. Temesiæ Præfectum fugere cogit 324. Turc. munimentum capit 344. in castra equitatum adducit 350 ad Temesiæ in castris obit 367.
- Poloni cum Moschis prospere dimicant; item cum Turcis 9. conditiones pacis a Mahomete IV. latas repudiant 91. Joan. Sobieskium in Regem eligunt 94. pauci in castra confluent; cur? 100. Regi obfesso auxilia festinant 101. fœdus icunt cum Leopoldo M. 132. ad Viennam acerrime pugnant, & vincunt 145. ad Altenburgum Turcas internecone delent 146. ad Párkány in insidias præcipitant 150. cladem accipiunt 151. eam reddunt 152. munimentum Párkányi superant; fociorum cladem acerbè ulciscuntur 153. in Moldavia rem feliciter gerunt 156. in saltibus Bukovinæ summo in discrimine versantur 267. Jassium occupant 269. Tartaros, & Turcas profligant; penuria rei cibariæ laborant 285. Legatum Turc. rejiciunt 291. Camenecum per insidias occupare tentant 298. a Tartaris male mulctantur; Moldaviæ signa inferunt, Soczovam præsidio firmant 313. Moldaves domant 327. Tartaros cædunt 338. 364. bellum languide administrant 346. pace confecta Camenecum recipiunt; Moldaviæ locis sua præsidia deducunt 401.
- Polonia per Tartaros vastatur 86. 267. 269. 285.
- Pons Danubio impositus 88. 111. 331. 349. 359. ad Viennam 141. ad Coloczam 225. ad Essékum 237. rumpitur ad Párkányum 152. Dravo injectus; ejus descriptio 238. Savo 227. Tibisco 372.
- Populatio Bagdati 14. Dalmatiæ 22. insularum Turcici juris 32. Bulgariæ, Serviæ, Albanæ 41. Transylvaniæ 54. 56. Poloniæ 84. 269. 313. 347. 364. Hungariæ 59. 118. 225. 346. Bosniæ 311. 376. Austriæ 136. Moschoviæ 9. 414.
- Posega nostris occupatur 244.
- Precopia reddita Tartaris 402.
- Priolus cum Pisano Turc. classem aggreditur; in altera pugna occumbit 362.
- Procopius Bogdanovizius Moschorum Pacificator Carloviczii 384. litem movet Polono Pacificatori de loco nobiliori, sedatur 386. congressu abstinet 387. cum Turca paciscitur 391.
- Pugna maritima Venetos inter, & Turcas 26. 38. 43. 44. 45. 92. 362. 364. 380. 429.
- Pugna terrestris 48. 141. 144. 150. 152. 194. 241. 259. 266. 292. 293. 321. 373. 414. &c.
- Pulveraria cella succensa Budæ 218. Navarini 260. Patris 263. Athenis, 264. Belgradi 309.
- Purpurati Amurathi IV. bellum suadent in Tartar. 3. bellum in Melitenses simulant 24. a Mahomete Vezirio in partem curarum deliguntur 31. finem imponendum bello Moschovico suadent Mahometi IV. Imp. 110. a bello Hungarico abhorrent 123. bellum præ pace optant 235. mœsti ob cladem Szalankemenam 323. Angliæ & Hollandiæ Oratores colunt 384. casu Mustaphæ Imp. turbantur 400. ad bellum inclinant 433.

R.

- R**abutinius Daciae praeficitur 367. in Hungariam evocatur cum legionibus 372. mediam aciem regit ad Szentam 373. in Daciam redit 374.
- Radaurius Marchio Gallus** ad Candiam vitam amittit 75.
- Rákóczi**, Vide Georg. I. Georg. II.
- Rákóczia**, Vide Helena.
- Ramadanovszki Moschorum Dux** ad liberandum obsidione Cecrinum properat; castris munitis se tenet 112. Turcas insequentes eludit 114. recedentes aggredi non audet, propterea a suis traductus 115.
- Rasciani** pro Titulio decertant 331. Serviam populatione hauriunt 332. Maurocordatum cum Hungaris in Daciam abducunt 427.
- Raymundus C. Montecuculus Ovárinum** inter & Jaurinum castra locat 57. impar hostium multitudini militem Cseklésium traducit; Uivárinum nequit succurrere 59. In Illyricum abit cum exercitu; pugna abstinet; cunctationem ejus Zrinyius fugillat 62. ad Arabonem fluv. se Turcis objicit; ingenti clade eos profligat; pactis induciis campo excedit 64.
- Regepus Caimacanes Vezirio** sententiam capitis patefacit 247. prodicionis accusatus fugam arripit; tumultum concitat Byzantii; e latebris protractus oneratur catenis 248.
- Renningerus Leopoldi M. Legatus** cum Kiuperle inducias pacificatur 64.
- Rivos C. e Lusitania naves adducit** in auxilium Venetis 435. Ibrahimum fugere compellit 436.
- Rizanum, seu Rizonium, Dalmatiae praesidium** a Morlachis defensum, subinde deseritur 82.
- Rudigerus C. Staremburg Viennam** forti animo tuetur 137. supplementa militum in urbe conscribit 140. assilientes Turcas ter cum strage rejicit a ruinis 142. 143. auxilium petit a Lotharingo 142. parta victoria Regem Polon. Duces Saxoniae, & Lotharingiae perfolutat 145. a Leopoldo Imp. collaudatur 146. peditatui praestit in pugna ad Párkány 152. aquariam urbem Strigon. assultu occupat 155. Budae oppugnationem curat 175.
- Rummel Bavarorum Dux** Uivárinum assultu obtinet 194.
- Rusteines Agriam** pertinax defendit 242. ejus oratio ad oppidanos; arcem tradit Doricae 243.

S.

- S**Aika usitatum Hungaris, & Turcis navigii genus 164. ejus descriptio 165. extruuntur 331.
- Saikarii Hung.** Danubium frænant 165. Turcas fugant 166. Danubii insulas percurrant 172. navigia hostium occupant 217. insulas perlustrant 220. revocantur Budam 222. Arabes in pontium perniciem conspirantes intercipiunt 349. post atrox certamen cum Petráschio capti Belgradum deportantur.
- Saitanes** sit Seraskerius, seu armorum Praefectus in Hung. 159. in Hungariam venit cum exercitu 166. levi pugna victus se retrahit 170. iterum vincitur 173. fere capitur in fuga 174. castris Lotharingi infestus assidet 177. pabulatores Hungaros caedit 178. triumphans Budam ingreditur 180.

- Vissegradum capit 191. Strigonium impetit 192. Lotharingo obviam procedit 193. allectus in pugnam profligatur 194. excusat cladem apud Imp. 196. tumultuantium authores plectit 197. de pace agit cum Lotharingo 198. pontem Essekin. restituit 211. jugulatur; cur? 212.
- Samus insula a Venetis** obtinetur 35.
- Sapieha Dux Lithuanici exercitus** bis devincit Tartaros 356.
- Saponara B. ad Tókólium Legatus** deluditur 121. eundem ab armis revocare multis contendit 129.
- Sarajum urbem Bosniae nostri** depopulantur, dein ignis 375.
- Scherffembergus C. Uivárinum** oppugnat 191. assultu capit 195. Daciam componit 216. Budam suas copias adducit 221. Quinque-Ecclesias, aliaque loca cum Badensi Turcis adimit 225. in assultu Belgradi occumbit 278.
- Schlikius C. Pacificator** 379.
- Schulzius Leopoldina suburbia** tuetur; Turcas per dolum caedit; stationem deserit 139. fatigatur a Tókólio; castris ejicit Tókólianos; impugnat Eperjessinum 182. fugatur a Tókólio 200. Eperjessinum occupat 202. in Illyrico febrili aestu extinguitur 216.
- Sciaufius ingenio Marchionis de Perfaan castra** munit 239. non audet laceffere ultimum agmen Electoris Bavari 240. universum exercitum in pugnam trahit 241. turbas fovet post infelix praedium; ejus origo, & fortuna 246. incitat militem in Vezirium; a seditiosis Seraskerius nominatur; insignia Vezirii ab Imp. accipit 247. non placatur Vezirii nece 249. triumphabundus Byzantium ingreditur; seditiosos sibi conciliare nititur 271. 272. multis vulneribus confoditur 272.
- Sebastianus Blumberg** fingitur legatione in Moschovia 163.
- Sebastianus Mocenicus Venetam navim** hosti adimit 362.
- Sebenicum urbs Dalmatiae** Turcis resistit 25. 27.
- Seditio Turcarum** 6. 7. 11. 15. 46. 160. 149. 197. 209. 234. 247. 271. 289. 317. 409. 410.
- Sefar Navarinum** defendit 259. cadis pulverum sponte succensis se in auras ejicit; cur? 260.
- Seibelsdorff aggredientium Dux** ad Belgradum sternitur 343.
- Selitar terrestrium copiarum Dux** in Asiam solvit 24. ex imperio Ibrahimici trucidatur 25.
- Selymus Gieryus Tartar. Chamus LX.** milia armatorum Turcis addit 288. opem petit ab Imp. contra Moschos 299. Moschis succumbit 300. his cladem reddit 301. Poloniam populatur 312.
- Semendria** malo dolo in potestatem Turc. venit; praediarum necantur 307.
- Semsejus Hung. legionis Tribunus Agrienses** Turcas internecone delet 237.
- Sfinga, seu Singa, Dalmatiae praesidium, a Venetis** bis incassum tentatur 254. Venetiam jam juris obsidetur a Turcis, hoc malo liberatur per Angelum Erum 420.
- Sigbertus Heister Orsova** revocatur cum suis copiis 304. commearus omnis generis convehit ad Essekinum 341. ad Szentam finistrum cornu ducit 373.

- Sigefridus C. Brednerus in velitatione captus 424. in castris Turc. occisus reperitur 425.
- Sigismundus C. Keglevics cum signis; & captivis Turcis Viennam missus aulam recreat 368.
- Sigismundus C. Kornis Transylvanici Dux exercitus æquo Marte dimicat cum Turcis 18.
- Siklosia arx a nostris expugnatur 226.
- Simon C. Forgáchius Herbevillio suppetias venit 360. Uranogræcium cum Ballyanio subigit; Boshiam incurfat 368. Bihácsium cum Auerpergio, & Battyanio oppugnat 375.
- Sinan Archithalassus ad Hellepontum Venetos tormentis impetit; pugna congressus multos suorum amittit 43. præfectura motus Eubœam gubernare iubetur 44.
- Soltana Amurathis IV. Imp. mater Vezirio peroffensa 6. cum opibus, & dignitate exutum aula proturbat 7. Ibrahimum filium suum Purpuratorum favore Imperatorem facit; curas Imperii cum Mustapha Vezirio partitur 19. hunc ob nimiam potentiam strangulari jubet 21. in vetus Seraglium relegata, conspirat in Ibrahimum filium suum 20. Ibrahim dejecto potentior evadit 31. minatur insulis Venetorum populationem 32. machinationibus junioris Soltanæ strangulat 36.
- Soltana junior dominandi avida seniori insidiatur 35. 36. equitum ordini irata 39. clientes suos præfecturis admovet; a seditiosis ad necem quæritur 41. Principes adolescentes morti eripit 76. Adrianopoli moritur; ultima voluntate vim pecuniæ Mecham mittit 127.
- Soltana Kafachis castra petit cum Mahomete IV. Imp. 130. redit Byzantium 131. ære subvenit Imperatori 233. hoc exauthorato deflorescit 250. in Solymanum III. Imp. conjurat 274. detecta conjuratione arcte custoditur 275. a Mustapha II. Imp. filio suo pristinae fortunæ restituta; Vezir. præcipit 358. ærarium juvat 378. Byzantium cum pompa ingreditur 400.
- Solymanus exercitus Dux contra Polonos 209. fit Vezirius; ejus dotes 210. 220. 248. ærarium variis artibus auget; mortem accelerat Seraskerio 211. apparatus bellicos undique conquirat 213. ad Budam liberandam festinat 220. velitares pugnas miscet; in castra irrumpit 221. 222. prælio vitato vicos incendiis deformat 225. Maurocordatum expedit ad pacem conficiendam 234. castra ad Essekinum ponit 239. oborta seditione in castris fugit; exauthoratur 247. capite mulctatur 248.
- Solymanus Mahometis IV. frater a seditiosis Imp. proclamatur, ægre mortem evadit 76. fit Imperator 250. ejus mores 73. Imperii insignibus ornatur 274. conjuratio in eum detegitur 275. pacem sollicitat apud Leopoldum M. 287. simulat se in bellum Hung. profecturum 290. sedem Imperii Byzantium transfert 314. clam se recipit Adrianopolim 317. moritur 318.
- Solymanus Seraskerius Ciclurum impetit 352. cum clade rejectus exauthoratur 353.
- Sophus Rex Persarum pro Bagdato suo excubans, gravem annonam Turcis facit 4. cum Mogole lites componit; fato proximus Nepoti, filio suo neglecto, regnum cedit 6.
- Sophi Nepos Bagdato suo metuit 10. Erivani sui juris facit 11. præsidium Bagdati auget 13. excidium spectat urbis 14. pacem frustra poscit ab Ottomanis 16.
- Souchius Nitriam capit; Hassanem Budæ Præfectum inter multam cædem fugat; eundem rursus profligat 63. movet dextrum cornu in Turcas 320. sauciatur 321. inter primam curationem expirat 322.
- Spahii in Janicaros consurgunt 31. 197. fugam arripiunt 194. 227. 236. 241. 321.
- Sparrius Aulonis Gubern. in eruptione cæsus urbem perdit 326.
- Spinalonga præsidium Cretæ, fere proditione perit 34. traditur Turcis 419.
- Stanislaus Jablonovius Podoliæ inferioris oppida Turcis eripit 266. per saltus Bukovinæ eluctatur 267. Tartaros cædit 355. Leopolim tutam præstat ab invasione Tartar. cum paucis in campum progressus, eundem profligat 364.
- Stanislaus Malachovius Pacificator Polon. 384. cum Moscho Pacificatore litigat; non probat fundamentum pacificationis 386. post multam altercationem illud acceptat 387. Camenecum lucratur 392.
- Starrhemberg Vide Guidobaldus, Maximilianus, Rudigerus.
- Stephanus C. Betlen Orator apud Amurathem IV. Imp. 16. dominatu Transylv. dejectur; opera Moysis Siculi Amurathem IV. sibi conciliat 17.
- Stephanus Erdéli Orator apud Amurathem IV. Imp. 16.
- Stephanus Cantacufenus Valach. Princeps Byzantii excruciat; ejus uxor cum liberis Viennam adit 416.
- Stephanus Dettineus Maurocordatum intercipit 427. Nicopolim versus excurrit; armorum terrore spargit 444.
- Stephanus C. Kohári a Turcis interimitur 63.
- Stephanus C. Kohári Fülekuem tuetur 124. traditur Varadinensi Bassæ; constantia ejus in ergastulo 125. ejus autoritate Uivárinum deditur Cæsareis 206. Dariæ Agriam obsidenti auxilium fert 240.
- Stephanus Petroczj partes Tókôlii firmat 182. a Badensi fugatur 306. in vincula raptus cum Tókôlio; cur? libertati redditur 325.
- Stephanus C. Steinville Nobiles Valachos benigne habet 427. cum Principe Valach. pacem init; eam Turcæ violant 428.
- Stephanus C. Zichi Kanisam expugnat cum Battyanio 303.
- Strasserus in stativa abit 298. ad Kazianekum profligatur 302.
- Strigonium a nostris deditione acceptum 155. munitur 156. a Seraskerio impetitur 192.
- Strozzius Turcas transitu Muræ prohibet; glande plumbea configitur 62.
- Sudam Cretæ urbem circumvallat Cussaines 25. eam Turcæ obtinent 419.
- Sulifar Effendius legatur ad M. Leopoldum; pacem postulat; ejus oratio 287. rursus de pace agit 295. condiciones profert 296. jubetur Vienna discedere; cur? Potendorf. si subsistit; rursus pacificationem urget 323.
- Szattmárinum Apaffius Transylv. Princeps oppugnat 120. Tókôlius expugnat 123.
- Szegedinum deditur nostris 303.
- Szermetus Moschorum Ductor cum Mazepa præsidia aliquot Turcis eripit 365.
- Szigethum nostri accipiunt 286.

T.

Tartari Imp. Turc. & Vezirium ad bellum proficiscentes sequuntur equites; prædam pro mercede habent 2. funduntur ad limites Poloniæ 17. Transylv. exercitum cædunt 53. Transylvaniam vastant 54. Chmelnickio se iungunt adversus Polonos 83. cum destituunt; Poloniam incurfant 84. Valachiæ infesti a Polono milite profligantur 97. 98. provinciam Mosoniensem, & Soproniensem incendio defœdant 134. ad Petronellam fugantur 135. castris Budensibus imminet 222. in Moldaviam irrompunt 268 a Moschis funduntur 300. restitunt cladem 301. Cæsareos in Servia mulctant 302. Bulgaros, Rascianos divexant 302. tum Polonos 313. castra ad Petro-Varadinum infestant 323. a Polonis prælio fusi 337. 347. 356. 364. Danubium tranant 350. a Moschis profligantur 383.

Tata per Turcas everfa 147.

Tauris urbs expugnata a Turcis; ferro & flamma evastatur 10.

Tempestate maris classis Turc. jactatur 22. 26. 98. Veneta 26. 28. 36. 47. 66. 68. 368. 430.

Tenedus insula a Venetis occupata 44. in Turc. potestatem venit 45.

Tentorium Mahometis IV. Imp. 128.

Theodorus Alexovichus Moschorum Czarus gentem Cosaccorum in suam clientelam accipit 105. de Tartaris & Turcis victoriam refert 109. varia fortuna bellum gerit in Turcam 114. 115. moritur 116.

Thingenius fit Budæ Gubernator 223.

Thomas C. Eszterházi ad Veszekinum a Turcis occisus 52.

Thomas Morosinus onerarias naves Turc. dissipat; de classe hostili triumphat 25. Africana navigia expugnat; in æstu pugnae maritimæ glande sternitur 26.

Thomas Zanetus pecunia mulctatur ab Amurathe IV. Imp. 9.

Titulium, seu Erdodium, expugnatur a nostris 276. Turcis obsistit 331. per eos everzitur 360. instauratur nostrorum opera 361. a Mustapha II Imp. disiectum 372. reparatum Turcæ aggredi attentant 379.

Topal classis Turc. Præfessus pugnam vitat 44. Tenedum, & Lemnum insulas cum Vezirio occupat; per invidiam ab isto perimitur 47.

Tourius Melitenfium Duxor ad Coronen aggerem recuperat; interficitur 257.

Transylvani Moldavos, & Valachos vincunt 51. Georgium II. Rákóczium principatu dejiciunt 54. cladem a Turcis accipiunt 55. agmen Turc. profligant 119. eorum lætitia ob concordiam Leopoldi M. & Apaffi 189. transigunt cum Lotharingo 242. Tókólius iis bellum minatur 291. in eum arma parant 305.

Transylv. Principes, Vide Gabr. Berlen, Georg. I. & II. Rákóczi, Steph. Berlen, Cathar. Brandeburgicam, Achatium Barsajum, Franc. Rédei, Joan. Kemény, Michaellem I. & II. Apaffi.

Trautmanstorffius C. Turcas clade afficit 181. copiarum Venet. fit Imp. 333. Caneam oppugnandam statuit; stragem murorum edit; obsidionem solvit 336.

Triumphus Amurathis IV. Imp. 10. 15. Ægyptii Præfecti 20. Mahometis IV. Imp. 46. Georgii II. Rákóczii, 52. Mahometis

IV. Imp. 90. Seraskerii 180. Solymani 314. Mustaphæ II. Imp. 361. Petri Alexovichii Czari Moschorum 370. Achmetis Vezirii 415.

Truchsessius reliquias cæsi exercitus in tutiora abducit 360. Titulium defendit 366. superior Hungaria ejus curæ commendatur 367. sinistra alæ ad Szentam præest 373.

Tumultus Byzantii 26. 27. 31. 76. 197.

Turcæ a Tartaris fusi; Persis bellum movent 3. cladem passi obsidionem Bagdati solvunt 4. eorum grandis exercitus adversus Persas 12. multis calamitatibus divexatur 15. cladem referunt ad portum Phocæum 32. Daciam invadunt 53. 54. causas belli edunt 56. insignem charitatem exhibent fauciis, & ægrotis Christianis Uivárinis 60. cæsi ad Levam 63. ad S. Gotthardum 64. in Podolia 93. in Hungaria 144. 152. 168. 173. 222. 241. 293. 321. 425. 443. apparatus faciunt in bellum Hung. 126. magno numero ad signa conflunt; cur? 125. lustrantur 130. Viennam obsident 137. afflicti in mænia repelluntur cum clade 140. 143. quot perierint in oppugnatione Viennensi? 143. Budam acerrime tutantur; erumpunt crebrius 177. lætitia eorum ob Budam obsidione liberatam 181. Uivárinum propugnant 191. & Budam 218. ad hanc conservandam festinant 220. per media castra in præsidium penetrant 221. eam amittunt 224. inde mœror 224. a re nautica male comparati 253. castris exuuntur in Dalmatia 255. in Peloponneso multæ urbes iis adimuntur 253. castra amittunt 321. mœror e tot cladibus 377. pacem quærunt 383. Carloviczii eorum Legati adsunt 385. pax conficit 389. Peloponnesum adoriuntur 417. Carolo VI. Augusto Cæsari bellum movent 423. Temesiam tradunt Principi Eugenio 426. Corcyram oppugnant 430. tempestate perculsi classem repetunt 432. Belgradum dedunt eidem Principi 444. pacem præ bello amplectuntur; quibus conditionibus? 447.

Turres suas tuerentur præsidarii Budenses 175. 218. Hungari ex iis ternas capiunt 219.

U.

Uivárinum dolo Turc. prope interceptum 21. oppugnatum deditionem facit Kiuperli Vezirio 60. ab Eszterházi Paulo obfessum 133. 166. iterum obfessum 186. ejus descriptio 190. assultu captum; quam fortunam habuerit? 196.

Uladslaus IV. Polon. Rex Moschos superat; copias suas Turcicis opponit 9. levibus præliis hostem atterit, & ad pacem petendam adigit 10.

Ungvárinum circumvallatur a Schulzio 200. hortante Steph. Kohário traditur Cæsareis 206.

Urbanus VIII. Pontif. Christiani nominis Principes excitat ad bellum Turcicum 23.

Uscocchi qui sint? a Matthia II. R. Hung. & Veneta Repub. castigantur 22.

V.

Vacium occupant Turcæ 16. incendio delent 198.

Vaivodatus Chiprovaz. in Turcas conspirat 42. populationem ære redimit; Soltanæ subjacet 43

- Valachi** Tartarorum partes amplexi Transylvanos cædunt 53. fortiter pugnant cum Rákóczi in Turcas 55. a Szent-Pálio prælio fusi 56. pontem moliantur imponere Danubio ad Viennam 141. Tókólio adhærent 305. e Dacia se ejiciunt 306. Polonos Tartaris produnt 364. Nobiles Cæsari se subdunt 427.
- Valachia** Princeps cum Bulgaris, Albanis in Turcas conjurat 42. timet amplecti partes Leopoldi Cæsaris 230. a Lotharingo in armorum societatem vocatur 242.
- Vallifius** Szegedinum deditione obtinet, & Clanaadinum 227. Titulio Turcas depellit 276.
- Vangurius** Gallus machinator bellicus in defensione Neo-Zrinyiæ vulneratur 62.
- Varadinum** Turcis cedit 55. a nostris clauditur 215. 324. oppugnatum accipit Heisleus 329.
- Vaudemontius** Transylvania præficitur 361. in pugna Temesiensi sauciatur 367. ad Szenam dextrum cornu moderatur 373. in Bosniam comitatur Princ. Eugenium 374.
- Veneti** negant naves Turcis reddendas a Capello captas 23. Amurathi IV. Imp. pacis consilia proponunt 23. adversus Turcam Christianorum Principum opem implorant 24. 26. Helleponti, & Eubææ custodias laxant 27. auxiliares copias Mocenico mittunt 32. Byzantium invadendum censent 33. ad Hellepontum acerrime pugnant 38. nobili victoria potiuntur 43. bellum præferunt 46. conditiones pacis aspernantur 51. 68. bellum malunt 65. Marchioni de Vila præfecturam armorum deferunt 65. Morosinum Archithalassum creant 68. bellum prosequi statuunt 75. Candiam dedunt 80. ad pacem stabiliendam Molinum ablegant 80. fœdus iciunt cum Imp. Leopoldo & Polonis 163. 252. 351. repetunt a Turcis provincias, quas olim possedere 235. origo belli Veneti 251. eduntur belli causæ 252. Leucadem, seu S. Mauræ insulam, & Nicopolim sui juris faciunt 253. tum Coronen 257. mercede Helvetos conducunt; novos belli Duces deligunt 296. 333. Epidaurum capiunt 311. in Cretam arma transferunt; Carabulam proditione amittunt 334. Achajam tributariam faciunt 336. Morosino Archithalasso numerosam classem expediunt 345. Chium insulam subjugant 355. pugnas navales sat prosperas faciunt 362. Livadiam occupant 363. & Thebas 368. pugna navali superiores 380. Carloviczium legant pacificatorem 385. tabulas pacis approbant 399. Legatum dimittunt Byzantium 401. 413. ad Principes Europæos 416. Peloponnesum, & Dalmatiam tutantur 417. Corcyram muniunt 421. bellum apparant; quantum æris impenderint; fœdus ineunt cum Augusto Imp. Carolo 422. Schulenburgio honores decernunt 432. Pasfaroviczii pacem concludunt 447.
- Verneda** celebris machinator bellicus in oppugnatione Chalcidis pila discriptus 283.
- Verovitizia**, Sclavonia oppidum, deditione accepta a nostris 181.
- Vesprimium** ab hoste deferitur 147.
- Veteranius** C. bis Tartaros, & Turcas profligat 227. Karany-Sebesiam expugnat 276. Serviz auxiliatur 302. præfectura armorum in Dacia ornatur 306. annonam comportat in loca munita 359. ad Lipam metatus a Turcis invaditur; lethali vulnere profternitur 360. caput ejus ad Imp. Mustapham perlatum; numerus cæsorum 361.
- Viardus** e castris erumpens ad Belgradum, Wirtembergico auxilio est 443. in Daciam festinat 444.
- Victoria** classis Venetæ 43. 44. 45. 51. Lotharingi 141. Confœderatorum Christianorum 144. 152. 194. Principis Eugenii 425. 443.
- Vidinum** nostris traditur 295. per Tókólium captum 307.
- Vienna** novas munitiones accipit 136. numerus defensorum; obsidetur a Turcis; suburbia exuruntur 137. cuniculis suffoditur 142. 143. præsidarii fortissime resistunt 142. ad ultimum exitium depellendum comparatur 143. numerus cæsorum fervente obsidione 146.
- Vilhelmus** Hufseyus Angliæ Legatus Byzantium destinatur 315. a Kiuperle magnifice acceptus Adrianopoli 318. Byzantium subit; faciles aditus apud Achmetem Imp. habet 323. moritur 332.
- Vincentius** Pasta Methonen munit; vulnere in fronte accepto, Byzantium captivus deportatur 419.
- Viscontius** ad Navarinum strenue dimicat 259. morbo extinguitur in obsidione Naupliæ 261.
- Villegradum** deditionem facit Lotharingo 167. Seraskerius illud obtinet 191.
- Volones** Galli navigant in Cretam 69. Itali in Pelopon. 262. aggressionem attentant in ruinas Budeas 218. 222. ad Semlinum velitares pugnas miscunt 219. ad Belgradum primi cum Wirtembergico in hostem ruunt 443.
- Wallensteinus**, Vide Albertus, Carolus.
- Wafenhoffius** machinator bellicus suis promissis non respondet ad Kanisam 61.
- Weingartlerus** Semendriæ Gubernator cum præsidariis conciditur 308.
- Wirtembergicus**, Vide Alexander, Georgius.
- Wolfgangus** C. Hohenlojus auxiliares copias in Hung. ducit 57. Quinque-Ecclesias cum Zrinyio obsidet; persuadet obsidionem solvendam 61.
- Wolfgangus** C. Oetinganus Pacificator missus a Leopoldo M. 385. Polonorum Pacificatorem connititur placare; ejus oratio 386. negat Transylvaniam pristino loco reponendam 388. quid, & cur cesserit Turcis in designatione limitum? 388. transigit de reliquis capitibus 395.
- Wortlæus** Angliæ Orator consultat cum Achmete III. Imp. de pace 433.

Z.

- Zaporovius** Polon Ductor Tartaros trajectu Tyræ prohibet; in Moldaviam progressus male mulctatur 364.
- Zaroffa** Imp. Ibrahimii pellex 23.
- Zemonicum** Dalmatiæ præsidium a Turcis instauratur 251.
- Zenus** Prætor Dalmatiæ Cetinæ urbi auxilium mittit 380.
- Zichi**, Vide Stephanus.
- Zrinyi**, Vide Adamus, Nicolaus, Petrus.
- Zungenberg** Vide Csonka-Beg
- Zurba** genus militum apud Turcas seditionem movet in Vezirium 247.

